













植 禁 編

北京大學《儒藏》編纂與研究中心

#### 圖書在版編目(CIP)數據

儒藏.精華編.一八二:全二册/北京大學《儒藏》編纂與研究中心編.一北京:北京大學 出版社,2016.9

ISBN 978-7-301-11900-6

I.①儒··· II.①北··· III.①儒家 IV.①B222

中國版本圖書館CIP數據核字(2016)第224869號

書 名 儒藏(精華編一八二)(上下册)

RUZANG

著作責任者 北京大學《儒藏》編纂與研究中心 編

責任編輯 王應魏奕元趙新吴遠琴王長民童祁

標準書號 ISBN 978-7-301-11900-6

出版發行 北京大學出版社

**網** 址 http://www.pup.cn 新浪微博:@北京大學出版社

電子信箱 dianjiwenhua@163.com

電 話 郵購部62752015 發行部62750672 編輯部62756449

印 刷 者 北京中科印刷有限公司

經 銷 者 新華書店

787毫米×1092毫米 16開本 90.5印張 973千字

2016年9月第1版 2016年9月第1次印刷

定 價 1200.00元(上下册)

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370 教育部哲學社會科學研究重大課題攻關項目

北京大學「九八五工程」重點項目國家社會科學基金重大項目人十一五」國家重點圖書出版規劃項目・重大工程出版規劃



# 《儒藏》精華編第一八二册

### 子部儒學類

經濟之屬

下册

中	傅	昌	申	論
記	十一	三	鋻	(例)
中説〔隋〕王通	傅子[西晉]傅玄	東漢	申鑒[東漢]荀悦	東
王诵	通	()仲	门前	( ) E
	玄	昌言[東漢]仲長統	悦	充
[北宋]阮逸注	\(\frac{1}{2}\)	統		:
木」に	河山		明	
逸	[清]錢保		[明]黄省曾	
	塘			<i>.</i>
	輯		注	
				:
:	:			
	:		:	:
				:
:	•	:		
				:
	:			i
			•	:
			:	
i	:		:	
:		:	:	
:				:
				論衡〔東漢〕王充
i				
:	:	:	:	:

1319

1227

1189

1127

599

#### 論

衡

〔東漢〕王 充 撰

---

七七

五.五.

五二

四

四

四

四

七七

九八

九四

論衡卷第十三 二二二	謝短篇 二一五	量知篇 二一〇	程材篇 二〇五	<b>論衡卷第十二</b> · · · · · · · · · · · · · · · · · · ·	答佞篇 一九七	説日篇 一八五	談天篇 一八一	論衡卷第十一 一八一	刺孟篇 一七二	非韓篇 一六四	<b>論衡卷第十</b> 一六四	問孔篇 一四九	<b>論衡卷第九</b> 一四九	藝增篇 一四三	<b>儒增篇 一三五</b>	<b>論衡卷第八</b> 一三五	語增篇 一二七	
<b>論衡卷第十七</b> 二九三	講瑞篇 二八二	商蟲篇 二七八	遭虎篇 二七五	亂龍篇 二七一	<b>論衡卷第十六</b> 二七一	順鼓篇 二六五	明雩篇 二五九	招致篇(闕) 二五九	變動篇 二五四	<b>論衡卷第十五</b> 二五四	: a :: :: :: :: :: :: :: :: :: :: :: ::	寒温篇 二四四	狀留篇 二四〇	<b>論衡卷第十四</b> 二四〇	超奇篇 二三三	别通篇 二二六	效力篇 二二一	

目録	<b>論衡卷第二十二</b> 三七四	死偽篇 三六二	<b>論衡卷第二十一</b> 三六二	論死篇 三五四	佚文篇 三四九	須頌篇 三四四	<b>論衡卷第二十</b> 三四四	驗符篇 三四○	恢國篇 三三四	宣漢篇 三三〇	<b>論衡卷第十九</b> ⋯⋯⋯⋯⋯⋯⋯⋯⋯⋯	齊世篇 三二四	感類篇 三一六	自然篇 三〇九	<b>論衡卷第十八</b> 三〇九	治期篇 三〇四	是應篇 二九九	指瑞篇 二九三
111	<b>論衡卷第二十六</b> 四四五	祭意篇 ······ 四三九	化義篇 四三五	解除篇 四三一	詰術篇 四二七	<b>論衡卷第二十五</b> 四二七	難歲篇 四二二	辨祟篇 四一八	卜筮篇 四一三	譏日篇 四○九	<b>論衡卷第二十四</b> 四〇九	調時篇 四〇五	四諱篇 三九九	薄葬篇 三九五	言毒篇 三九二	<b>論衡卷第二十三</b> 三九二	訂鬼篇 三八五	紀妖篇 三七四

後序二(韓性)	後序一(楊文昌)	自紀篇	論衡卷第三十	對作篇	案書篇	論衡卷第二十九	書解篇	正説篇	論衡卷第二十八	定賢篇	論衡卷第二十七	知實篇	實知篇	
五. 一五.	五三三	五〇	五〇	四九五	四九〇	四九〇	四八四	四七六	四七六	四六三	四六三	四五三	四四五	

## 校點説明

九九二年第六 三年(二七),卒於 任,會稽上虞(今屬 存八十四篇),爲 參見王舉忠《王充卒年 論 衡》三十卷八十五篇(其 期 東 漢 浙 漢學 和 江 辨證》、《遼寧大學學報 帝 者王充所 人,生於東漢 永 元十 中《招 六年(一 作。 致篇 光 王 武 充, 0 》闕 帝 字 四 建 今 武 仲

充 小兒 寒 館 讖 和 士,他 帝 書 小 與與 神 四 王 H 僮 朝。 充生 進 學 百 何婚 天 叉 風 倫 資 行 活 這 遊戲 無過 以 聰 是 在 的 上 穎 東 年 豪 皆 不不 失」(見《論 代。 漢 門 但 以 好 前 經 大 作 過 狎侮」,「八 期 族 歷 失 爲 經光 坎坷。 執 出生 衡 相 掌 摭, 武帝、 於知 自 王 切 歲 或 紀 充 的年代, 出 以 明帝、章帝、 篇 説 於 族 書 自 書 醜 孤 後 己 門 館 得 文引 也 鞭。 「爲 書 的 是

> 辟,但王 雄 注 論 恨。 遂博 府位亦掾功曹,在太守爲 自《 文,甘聞異言。 復入爲治中。 和三年(八六),徙 但 著名學 貧 充之天才,非 貧無供養」的 後 實 引 他 無 劉 論 漢 謝 虚」(均見《自 處 通 向、司 書 衡 逸 承《後漢 生只做 者 衆流百家之言」。 充並未 樂 班 者均 游 王 馬 而 彪 洛 充 學 過州 遷 章和二年(八八) 欲 境遇中,他 應 世 陽 只 書》云,其同 傳 希 所 不不 召,而 不 家辟 注篇 書 市 紀 縣 望 加。 放,居 説 肆 俗 能 篇 小 能 他 説,多所不安 名)。 詣 過 **%** 是 官 閱 雖 以 王充曾入 「好 揚 依 也。」 貧 集中 列 所賣 前 學 郡 據《後 州 苦 然 掾 在 世 博 問 書 友 部 縣 漢 精 五 而 罷州 「得官不欣,失 孟 覽 書 館 及 人謝 丹 爲 力於 章 志不 官功 軻 而 漢 操 洛 學 陽、 掾 帝 家 幽 不 成 夷 書 陽 行 孫 見 著 功 特 倦。 曹 居。 守 吾 九 • 處 曹 爲 而 卿 太 輒 韶 行 章 江 薦 至洛 王 獨 世 學 能 淫 近 就是 在 公 事。 句。 充 充 居 廬 所 誦 位 車 漢 讀 都 師 日 傳》 用。 憶 江 考 元 家 徵 楊 古 不 在 事 尉

在《自紀篇》中,王充回顧其著述説:「充升擢

曆 作《政 校 外均已亡佚。 邁 無 衡》之 人,不得 既 在 養性》之 點 如 之寡思, 位 疾 舟冉, 者 疇 俗情, 之 務》之 書。」「年漸 不 年 時 倫 其 取 書, 彊 有 作《機 故 庚 宜 衆 書。 此 索 不 辛 不不 凡 閑 (有 人 説 然, + 域 鮮 居 蟻 俗》之 七 又 曉 人 六 所 作《 際 附 + 身 傷 其 以 篇。 恃 ; 時 偽 有 雖 務 譏 爲 書 廢 賴。 書 利 愁 懼 俗 部 可 退 這 俗文多不實 害。 終 分 懸 又閔 精苦 此 貧 窮 保 徂 輿。 居 著 無 節 髮 留 人君之政,徒 供 愚 思,不 作 義》十二 舊 白 於《 仕 除 養, 猶 故 齒 路 論 誠 T 沛 叛 志 落 隔 睹 沛。 故 衡》之中 去。 不 論 絶 所 H 娱 爲《 趨, 衡 乃作 月 志 欲 志 》之 快。 充 踰 窮 論 故 治 俗

之觀 發, 見 以 虚妄之言 息; 銓 也。 輕 王 藉 華 重 充 自 一之言 文放 自 勝 自身的 對 己 真 流 立 作篇》) 説 美 人文精神與 也。 真 則 實 偽 論 他 故 事 之平,非 衡 從 虚 不 》之 親 妄之語 理 見 身 造 性 用。 廣 苟 也 素養, 博 調 ,起 故《 不 觀 文 黜 衆 尖鋭地 論 覽 飾 書 衡 則 的 辞 並 華 》者 事 爲 失 批 文不 實 奇 所 實 判 出 偉

> 的 充, 理於通 還 認 T 感 正 時」「命」 理 是 真 一样 應 當 性 理 人心」的 衡 及 時 所 瑞」,這 的 材 個 量。 虚 流 當 儒 妄 批 周 行 然的 如 生,他 统 判 之 這 的 旋 必 衡 治 限 言 讖 然導 要 之平, 者所 於 點 緯 爲 而 説 時 曾 即 之 致 漢 且 論 詬 代 如 使 説 王 有 秉 爲 衡 病。 鑑 是 弱 與 朝 承 理 抨 自 之 尊 論 讚 學 儒 擊 其 開 書 爲 述 頌 身 家「入 家 實 3 的 的 聖 以 王 以 各 矛 折 局 賢 及 充本 自 至 種 世 限 衷以 的 利 於 紀 各 孔 不 理 用 相 篇 人基 樣 聖道 孟 得 念  $\gg$ 理 信 的 本 的 不 學 漢 他 天 朝 干 與 他 枡 F 來 出 人

會 作 本 衡》與王 們 傳 紀 始 篇》), 的 相 估 》説 得之,常 序 計 差不大。 論 王 説: 充當 范 充「 衡 當 曄 有 「著《論 祕 既 生 年 現存 書, 作 玩 文 活 百 之 衡》八 以 稿 在 王 多 宋 後 王充 充 爲 相 篇。 慶 自 談 較 中 + 曆 已 三百年後 稱 助。 土 五 進 而 未 士 篇 范 有 吾 故 二十 有 楊 曄 所亡 書 時 文 傳 亦 後 人嫌 昌 者。 佚 他 餘 財 漢 爲《 所 出 萬 所 書 伯 蔡 論 見 言 百 邕 喈 以 的 得 王 與 吴 我 異 所 論 今 充 自

傳。 質疑 故。 首見 藏 又 後,南宋孝宗乾道三年(一一六七),會稽太 書 史館本二、各三十卷」。 益 衡》,三十卷」,估 邕丁寧之日 書 或 來 據 守 始 九 末 的 日 著録 楊 謬,「改正 兩 楊 袁 繇 會稽,又 目 自 論衡》向 搜 『不見異 前 文昌《後序》),成 山 種 刻 是 水其 其 宋 能 於《 松《 本 遂 紀 後《 見 元 復 見 帳 中, 隋 得 後 塗注 無定 明 到 加 人,當得異 惟 傳 中 舊 漢 書 其 的 遞 得 校 計 唐 馬。」 我 隱處,果得《論 書 書。 本 凡 修 刊 俗 是 訂 書 與 \* 經 本 刻 本七, 在王 將 重 爾 籍 這 早 及 萬 爲《 他 抱朴 ^ 共之,勿廣 刻。 經籍 此 書。」 志 還 廢 而 自 論 充千載之後,北 許 千 記 率二十七卷…… 本 寢 全 紀 • 子 衡》之 志 但 問之,果 下,時 雜 載 1 的 忘食,討 篇》 \_ 》等 這 衡》,抱數卷持 册 百 是 當 家》,「《 雜 些 獨 善 五 文 或 據 也。」其 家》著 人 版 十九字」(見 立 家 本。 獻 范 以 本十 尋研 稱 本 論 爲 《論 置 曄 其 均 守 宋 後 書 衡 百 録 覈, 四 論 衡》之 才 楊 已 洪 餘 又 卷 \*, \_ 後 館 ~ 王 册 去。 衡 進 失 互 得 收 适 年 文 之 論 漢 朗

> 本》所 世 今把八册本稱爲「遞修本」。 搋 云「據 益 家」、「 修 收 本影 藏 收 或 及 録 錢 家 印, 加 謙 的《 啚 批 益 書 論 這 ,所以 印 館 也 衡 藏 是 以 稱 宋 此 即 及 爲 乾 次校 批 據 一錢 道三 語 錢 點 批 十四四 批 年 所 黄 本」。 本 用 紹 丕 册 影 的 興 烈 本 印 底 府 中 斷 因 本 刻 定 影 華 有 宋 印 再 爲 「言 説 元 造 錢 里 明 明 善 謙

衡》的 也 相 多 不 漫 啓本 美,且 底 清 蘇 達 清 本。 (沸不 有 異 人 獻 等作 需 或 處 前 1 可 前 校 曾 有 清 近 百 這 人 用 的 述 點 由 紛 處 爲 的 通 大 處 人 通 兩 注 紜 甚 的 是 津 概 參 四 津 種 另 譯 聚 多 校 草 通 本 是 校 部 宋 外 多 訟 堂 津 補 本。 宋 叢 元 \_\_ 僅 以 肯 本(下 之 明 者 本 刊 本 種 有 定 通 處 遞 明 \_ 以 有 誤 文物 津 影 通 可 百 修 顯 解。 及 人 文簡 印 本 據 津 甚 本 餘 錯 程 爲 價 底 本 榮《 前 誤 處 這 至 所 稱「通 值 底 本 奪 説, 次 以 可 人 漢 本 而 而 確 文 校 很 據 近 兩 宋 定 不 魏 有 津本」)印 少見 點 現 底 而 本 堪 是 元 叢 二十 本 代 用 有 底 作 明 書 非 到 改 有 遞 | 本、 異 本 爲 者。 遞 修 關 正 文 修 漫 工 刷 而 者, 處。 本、 下 則 作 本 天 論 漶 明 精

面僅舉二例

羊」。 光 是 謀 惡之,其後 反 與 正 確 事 公 卷十 史載 的 孫 六《遭 這 弘 事 桑 裹 等 弘 覺 謀 顯 羊 坐 虎 然 反, 誅 篇 以 有 其 謀 誤。 史 通 且 反 載 津 覺 底 公 本 罪 時 本 孫 有 名 弘 狐 句 公 而 鳴 以 云 孫 死 光 丞 弘 舍上, 相 可 盧 作 終 見 奴 桑 光 底 並 令 本 弘 無 is 田

皇・・・・・人 子 常 依 誤。 且 以 效 必 孰 據 何 放 加 當 賢」, 底 之 即 祖 章 以 卷三十《 在 天 本 其 論 士 形 有 祖 祖 無 證 釗 此 誤 先 其 以 有 祖 云 之 句 不 實 自 放 以 楊 聖 聲 難 賢」。 載 通 效 疑 紀 賢 .... 寶 誤,「 解, 津 賢 篇 忠據《 孰 云 字 本 衆 本 云。 常」「 通 改 而 奪 當 篇 説 津 士 云 其 酉 作 節 貴 故 本 前 紛 當 陽 四 王 紜 文 族 有 雜 故 字 文 且 充 諧 述 \_ 0 句 俎 孤 即 答 底 倒 聲 黄 云 嘲 續 興」, 劉 王 置 相 暉 「文孰 以 本 集》 「必」之 盼 充 作 同, 云 鳥 然 卷 遂 節 字 者 後 無 是 字 常 四 形 位 放 言 講 世 文 引 章 有 在 置。 誤 吾 禮 孰 鳳 作 説 訛 有

> 節 儀 式 無常 效 仿 賢 人 即 可 0 後 文 承 接 是 則 醴 泉

有

故

源」云

云

利 稱 論 永 樂 用 四四 與門 T -00 文中 庫 四 本し 庫 鳳 指 九年 本。 超 所 出 兩 影 具 第二 先 印 有 生 文 的 期《 的 淵 校 ^ 閣 置 勘 四 書 價 四 庫 館 值 庫 工 本 全 作 書 所 論 與 以 》本(下 衡 研 校 究 勘 校 中 文 讀 刊 散 簡 也 時

由 底 有 庫 之 是 本 版 体」、「灾」等 本 於 本。 相 的 的 本 四 原 根 體 回 庫 簡 鉤 還 例 有 考 據。 本。 改 要 化 實 原 説 慮 的 字 際上已 與 因 底 明 異 但 字 通 是底本 的 本 凡 體 如 不 予 津 是 繁 字。 僅 再 包 以 本 随 簡 稱 括 保 對 保 基 的 此 字 留。 了 通 留。 本 底 批 外 並 津 蝉 四 本 語 底 用 庫 本 致); 百 有 者 稱 本 的 本, 「声 樣 删 爲 原 特 儘 即 改 所 錢 有 點 可 四 補 以 是 批 的 能 校 庫 Z 断 不 通 卷 保 再 之 點 本 津 點 異 處 留 本 標 是 本 眉 猪 對 文 均 明 遞 此 批 E 四 與 有

在開始以錢批本與遞修本、通津本對校之時,

四

的 二十 校 同 氏 意義不大的 百 琪 進 研 論 究 參 春 究生吕 黄 五十三處。 讀 行 劉 衡》所引 秋》、《 考 七 暉 生李玉玉、董 記 校 曉 對 價 等 處。 雪、 值 近 延林、王 淮南子》等 李玉 在 人 述 同 這 蘇 用 的 除去 些歧 的 義 曉 四 玉 字 校 人物 晨 庫 回 麗 航 改 異 詞之外, 參 本 學 曾 此 傳 之 有 言 加 唐 與 還 與 異體 處,大 許 世 行與《史記 校 海 通 撰 筆 多 文 對 豔、 津 列入 寫 者 字、 相 獻 工 本 了 多 包 對 作, 同 通 進 碩 校 數 勤、 起 之 照 行 士 假 , 共校 在 是 勘 處 字、 萬 的 全 論 記 或 四 結 漢 面 小 文《个 家 具 錯 庫 的 出 果, 書》、《 紅、 校 有 共 異 置 館 别 論 勘 字 齊 文 天 臣 書 時 衡 定 吕 百 四 曉 而 據 和 館

在校勘中還參考了以下論著:

孫治讓《札多》,中華書局一九八九年版。本

書引用稱「孫治讓」。

〇 年 版 孫 人 和 本 ~ 論 書 引 衡 用 舉 稱 正 孫 ×, 人和」。 F 海 古 籍 出 版 社 九九

黄暉《論衡校釋》,一九九九年中華書局《新編

諸子集成》本。本書引用稱「黄暉」。

諸子集成 劉 盼 遂 《論 與 衡 黄 集 暉 解 校釋 **>** 九 合印 九 九年 本。 中 本 華 書 書 引 局《 用 新 稱

劉盼遂」。

編

鴻」。 報 六三年十月第二 蔣 九七 禮 鴻 九年第 《讀 論 期; 衡 一、二 集 讀 解 論 \*, 期。 衡 杭 校 本 州 釋 書 大 引 學 杭 用 學 稱 州 報 大 蔣 學 九 禮

裘錫圭《〈論衡〉劄記》、《文史》,一九七八年十

二月第五輯。本書引用稱「裘錫圭」。

七 九年版。 北 京大 本 學 書引 歷 史 用 系《論 稱 衡 注釋》」。 注 釋》, 中 華 書 局 九

吴承仕《論衡校録》,北京師範大學出版社一

九八六年版。本書引用稱「吴承仕」。

一九九三年版。本書引用稱「《全譯》」。

程湘清等人《論衡索引》,中華書局一九一九九三年版 本書号用稱《全譯》」

九

四

年版。本書引用稱「《索引》」。

楊寶忠《論衡校箋》,河北教育出版社一九九

九年版。本書引用稱「楊寶忠」。

○年版。本書引用稱「《校注》」。 張宗祥《論衡校注》,上海古籍出版社二○

集成》二○一○年版。本書引用稱「馬宗霍」。馬宗霍《論衡校讀箋識》,中華書局《新編諸子

《三餘劄記》卷二《論衡斠補》、 燕銘《論衡劄記》等,本書均爲轉引。 楊守敬《 如黄暉引據俞樾《曲 所有引用,凡未加引號者均檃栝大意。 論衡校録》、朱宗萊《論 袁 雜纂》第二十三《讀 胡 適《論 衡校録》、 衡 校録》、 論 劉 文 其他 衡 典 齊

多錯誤。 提的寶貴意見,這些意見使我們的工作減少了很 最後要感謝北京大學儒藏中心審稿的專家所

校點者 李先耕

### 論衡卷第一

遇篇

逢

也 衆上。 尊貴 於堯之廷。 進 抱 也 才潔行,不遇,退 洿 ; 在 遇 行,尊於桀之朝 位卑在 遇 操 行 能 不 世各自有以 退在 遇,時 薄 有常賢,仕 所 下, 操濁,不 不 以 也 未 遇 遇不 在 必 取 下 才高 宦 可 處 愚,不遇 流 士,士亦各自 遇,非一也。 無 不 保 尊 薄能 常常 行 遇 居 以 潔 遇。 顯 必 或持 也 不 卑 濁 未 賢不賢,才 賤。 操 可保 潔節 故 必 得 或 遇 賢 以 遇,在 時 或 以 進。 賢 卑 或 遇 高 必

充

王

而 有 而 以 清 輔 色 濁 惡 幸 ; , 或 或 以大才從於小 無 道 德 而 以 技 才, 合 或 , 或 俱 無 大 才 技 道

臣 合,其遇固 奴; 帛喜 事賢君,君欲爲治,臣以賢才輔之,趨舍偶 伊 操 尹 以忠行佐之,操志乖 同 伊 尊重. 伍 而 箕 尹 主 員、帛喜,宜讀作「伯嚭」字。 (子,才 遇 一異,亦 , 伍員誅 宜 成湯,箕子 俱 有 以 賢事 遇 死,此異 也 不 件,不 遇 遇 惡 伊 商 君,君不欲爲治 尹 伊 操 遇 紂 爲 尹 而 固 也。 、箕子是 相, 同主也。 俱 宜 事 箕 夫 夫差, 子 以 也。 賢 爲 或

能 木 不遇,孔子、孟軻是也。 用 於齊梁,非時君主不用善也,才下知淺,不 大才也。 或以賢聖之臣,遭 夫能 御 驥 欲 孔子絶 騄者,●必王良也; 爲治之君,而 糧陳蔡,孟 終有

「夫」,原漫漶不清,據通津本補。

賢,不甘至言 手 夫 能 塞 有 以大才干小才,小才不能受,不 意之變。 接 臣 具 禹 以 臣之才, 稷 調 千里之足, 臯 故 陶 也。 至 而 者, 言 以 聖賢 棄 必 御 必有 捐 堯 大臣 務 舜 聖賢 高, 摧 之知 也 衡 0 至言 距 折 遇 逆, 必必 御 軛 古 難 非 有 之 百 宜 行 閉 憎 患 里 也。 之 聖 心

者之佐 離 時 行 餓 也 舜 許 由 遇 皇者 也 耦 並 紹 死 由 帝 虞 ,俱 以 何 許 出 也 舜、 夫賢 道 統, 大才之臣, 則 之 聖 周 由 雖 ? 出 許 輔 或 許 人 伯 聖 同 於王 道 也 由 由 也 夷 皆 道 同 大太 有 入山林。 操 同 見 生 並 一者之世 中 精 遇大才之主, 違 武武王。 於 公、 生唐 有異 志合趨 者 廳 帝 伯 者 世 生 ; 志 太公、伯夷,俱 夷, 太公受封 志 之 非 並 有 齊 俱 是 由 時 雖 其 清 面 虞 道 也。 世 ; 合 乃 濁 於 舜、 德 伯 · 出 有 合 堯。 也 伯 夷 虞 遇 中 太 俱 非 舜、 發 帝 公 夷 賢 虞 許 有 不 其

> 擇、子 隱 益 伯 北 其 誅 高 廢之,意亦 勢 能 成 所 殘 義 人 不 7異,身 出 子 無 以 止 ,太公討 高 一,此其 爲 高 擇 子 主 退 遇 行 深 高 委 不恨,是 雖 隱 者 位 道 隱 也 所 暴。 屈 德,不 也 進 不 而 0 以 不 耕 見 用 然 不 同 故 兩 願 行 而 遇 清 濁 不 禹 舜 非 進 耦 鬼 也。 皆 不 相 王 王 臯 ; 陶 留 退 廳 慕 天 天 陶 堯 ; 也 隱 下 下 伯 主 才 舉 主 溷 操 益 不 愈 措 伯 舜 臯 爲 違 進 須 無 濁 鈞 益 陶 1 也 其 用 擇 齊, 武 義,不 輔 佐 行,伯 政 此 王 無 退

得 用者 調 夫 持 霸 廳 説 帝 商鞅 遇 前二,帝王之論 王 孝 雖 之論 公所 廳 説秦孝公,前二説不 見 説 欲 受。 霸 行 者 也 何 之主 則 後 故 ? 一,霸者之議 説 雖 精 者 精 遇 - 聽,後 不 孝 見 在 公所 距 善,在 ; 也 説 更

<sup>●「</sup>也」,原漫漶不清,據通津本補。

喜,更 遇 善之主, 義 所 之主,雖 馬 ,不合則不 説 野 吾 之 者 一爲 説 善 野聲,越 雖 不 不 之; 無 善 善 聽 方 遇。 不 不 才 見 吹 而 見 王 不 愛; 野 憎 籟 大 待賢, 人 説 0 工. 爲 説 爲 此 不 故 之; 以 在 善 善於欲得 爲 曲 聲 所 子 善 伎 事 大 貢 於 合, 者 越 之 不 賢 合 不 説 欲 王 之。 則 善 不 有 得

進 醜 色 無 鄧 之,其遇 臣 於子反 於 稱 孟 細 通 面 是 竊簪之臣, 惡 簡 黄 或 嘗愛僞 之才 色, ; 帝 夫 也。 無 古 好 鷄 伎, 稱媚 宜 無 容,人 ,微薄之能,偶 鳴 籍孺幸於孝惠,鄧通愛於孝文。 客 鹽 妄以 之客,幸 於 或無 鷄 也 納 L 所 鳴之客是。 於 姦巧合上 好 補 以 嫫 齊 也,其 益 有 ·於孟 王 母 爲 補 以 無 於 形 故 嘗 志,亦 遇 上所好 鹽 竊簪之臣, 人君 佳骨剪 賢不 0 固 是 子 宜 也 肖 反 有 籍 ,皮媚 好 以 君 可 嫫 或 孺 豫 賴 以 偷 親 13: 遇

其咎 必 所 知 賢 遇 進 也。 世 無 退者未 難 俗 豫 先 生 之議 圖 0 不 偶 必 希 曰 : 愚。 何則? 合 世 爲 准 賢 合幸 是 主 適 人可 人主 9 得 可 觀 進 遇 好惡無常, 爲 鑒 不幸 不 上。 治 内 遇 失之。 進 亦 調 者 人 未 臣

或 乎? 定説 己 時 叮 所 以 有 以以 爲 准 鑪 ? 不 夏 文 欲聞 也 以 不 進 \*\* 進 今則不然,作 則 ; 炙 補 鑪 能 司 之語 遇 説 濕 而 有 以 際會,能 ; 口 冬時 得 益 其不 冬奏扇 主 轉 祐 好 或或 納 能 扇 武 .. 無 進 説 遇 不 以 以 益 有 爲 己 禍 口 有 翣 有 之能 補 所 則 易 幸 火,世 補 益 贍 矣 不 不 也 而 遇 欲 主 納 獲 何 之 世 得 可 無補之説 何 罪 福 所 希 主 主 之 不 祐 主 主 好 知 事 好 遇 且 之有 辯 獻 也 文, 之 夏 自 能

<sup>■「</sup>臣」,原作「主」,據通津本改。

<sup>「</sup>不」,吴承仕云乃「而」字之誤,近是。

數不 妙 求 吾 節 老。 時 者 昔 成。 辩。 聞 日 遇 好 有 學 不 也 年 始 周 主 武 口 何 「仕奈 文 就 學 文與 武 用 爲文,文德成 人或 人有 則 遇 爲 以 ,不宿 老,是以 武 老主亡,後主 夫希世准 倉 遇 利 准 王 問 言, 猝之業, ; 何 自 仕 動 不 主 主又亡。 之 習 主 數 不 傷 ·好文; 而 尚 性定質 不 未嘗 年 不 納 無 미 主 好 遇 何 遇 就 老 其 須 以 暴 一,尚 辩 也?」對 爲泣 辩 又 説 臾 明 少 失 成 ,始欲仕 習 年 之名 進 遇 用 主 名 主 不 不 時, 己 老白 ; 乎 心。
仕 武 不 ; 可 始 則 身 ? 行與 爲 好行 名 是 爲 日 立 日 不 吾 而 宦 首 主 宦 不 以 : 對 遇 更 託 力 能 顧 素著 好 有 行 況 泣 日 泣 吾 不 爲 其 者 不 用 時 節 君 也 涕 能 足 主 文 年 武 平 不 少 高 好 吾 於 可 少 哉 無 王 不 不 年 志 武 用 卒 好 口 仕 塗 預 以 不

> 成 就 乃 遺 遇。 輔 秋 取 逢 喜 事 遇 ,禽息之精陰 於 尊 遇 XIJ 不不 耳。 而 塗 貴 遭 不 穀 求自 是是 譽之,3 收 合上 能 摭 今俗 量 名 求 棄 至 操 意 爲 於 物 不 人 大 慶, 審 野, 揣 得 故 既 不 才 作 不 物,作作 鮑 謂 不 遇 能 自 叔之 之遇。 若 能 而毁 名 也 成 定 天  $\Box$ 趸 是 授 之,是是 事 遇 遇 默 名 如 不 事 地 舉。 准 爲 遇 生 成 春 據見效案 遇 主 之論, 種 不 若 鬼 調 穀 名 是 助 猶 説 生 者 爲 又 神 拾 以

#### 累 害 篇

凡人仕宦有稽留不進,行節有毀傷不

且.

夫

遇

也

能

不

預

設

説

不

宿

具

邂

逅

<sup>■「</sup>求物得物」,原爲雙行小字,據通津本改爲正

❷「於」,原脱,據通津本補。

③ 「遇而」,原爲雙行小字,據通津本改爲正文。

之類 智不 之物、不 爲 根, 鼠 捐 生 遭 非 下 累 爲 本 一動 外 而 刀鎌 罪 以秋 之類 害。 明 累 禍 害, 行 不 遇 過 害所 食。 御 棄 害 割 有 累害之 非 闇 成, ,咸被累害。 之飯 累 而 莖, 悖 不 塞 從 捐 人必 遂,不 不 積 世 於 生 飯 生者 御 也。 不 ; 理 起,而 之 同 0 除 不能保之。 又 者 味 得 不 君子之累害,與 · 聲 知 非 也 實也。 育,至 生 自 徒 非 與 唯 名 也。 外 歸 昏 彼 有 物 責 不 不 行 秋 策 闇 以 俱 夫 於 由 卒然牛 污者: 不 凡 非 昧 春 由 鼠 其 被累 成。 昧 不 物皆 外 生 内。 涉 鈞 彼 明 也 來 害 飯 , 0 馬 0 不 不 ; 中 育 成 故 保 踐 夫 逢 以 才

非 能 不 由 己 避 力,故识 脩身 我 禍 者 正 禍 謂 謂 行,不 福 之福 之 之至, 何 能 , 由 來 幸 ? 來 不 木 福 由 由 幸 ; 鄉 我, 也 戰 里 栗 故謂之禍 與 故 戒 朝 日 惧, 廷 . 3 也 0 得 不

> 害 夫 發 鄉 里有 於 朝 廷。 累 古 朝 今 廷 有 才 洪 害。 行 淑 累 之人, 生 於 鄉 遇 此

多矣。

異好 傷其 累 傅 踈 時 人 友。 衆 遠 致 也。 並 竦 進 仕 行 友 何 濁 清 將 同 謂 人之交遊不能常 ,高者得榮,下者 遠怨 吏 昧 者 濁 心 懷恚. 争 殊 累 不 累二 恩 進 恨 操 明 也 篤 怨恨 毁 進 害 清 然 異 ? 者 傷 納 吏 4徐 才高 心 争位 增 其 其 凡 踈 歡 …慚 言 郁 行 求 人操行 薄 下 恚 郁 其過 見 歡 之白 將 則 毁 不 踈 害 累 相 相 傷 能 薄 不 也 因 也 舉 毁 親 怨 其 鈞 纖 能 恨 口 微 涓 將 增 位 忿 慎 之 涓 加 少 則 毁 吏 口口 擇

<sup>2</sup> 0 自 外上 通 津 本 有「累害」二字。

鈞 原作 據 通 津 本改。

惧 通 津本作

通 津本 無此

其意 不 所 謗  $\equiv$ 納 累 能 憎 被 自 , 毀之過度, 清 ; 毁 以 免 已 傷 罪 佐佐 用 於將 罰 顔 也 回 ,身蒙三害。 吏非 、曾參,不能 害 正之仕 清 害 也 節 也。 必必 將 坑抗 夫 或 全身也 拔 雖 未 幸 行 人 孔 進 佐 伸 越 丘 志 也 次 吏之身, ), 连失 遂爲 墨 身 被

清 潔 顛 爲三 毁 六哉 之操行 廢 潔,被毀謗者謂 枳 者 受 也 謗 退 棘 塵 危 4 累三害 者 ? 廢 鉤 動 白 退 謂 有三累,仕宦 百 掛 以 勢 六者· 之惡。 一, 容 行 塗 豐 取 作萬 也。 體 搏 遇 章 垢 者 泥 之辱,官升進者謂之善,位 世 虧 也, 蠭 完全升進,幸 以 青 事,嫉妬之人,随 9 論 鸁 而 蠅 有三害,身完全者謂 者 頹 世 之黨,啄螫 黑點繒 訾之。 所 墜 既 曾 汙 之類 不 不 常常 知 見。 用 也,而 常常 累 孰 在 懷 心 害者 有 夫 練 若 在 操 而 不 知 素。 稱之; 懸 此, 雲起。 之? 豊 行 原 垂。 必 賢 處 徒 之 士

> 刺之 下,循 生。 傑 愆 鄉 宜 屈 更偶 为 固 平 也 原 招 無 潔 也 不 致 庸 俗 刺 肖 能 群 也。 鄉 全 哉 吠 邑犬 也 原 身 ? 之聲。 之 此 以 偉 群 人,行 不 弭 又孔子之所 士 吠 肖 謗哉? 坐 夫 奴 吠 全 以 如 下 無 所 俊 是 6 怪 闕, 非 傑 罪,孟 偶 豊 所 也 之才, 非 俗 宜 勉 之 全 更 軻 非 也 無 身, 之所 勉 俊 讀 則 奴 疑 爲

累 潔之實見焉。 害者 古 賢 「,果賢 美 極 潔之人 立賢潔之跡,毀謗之塵 無 以 心也; 衛 身。 極 累害之謗 故 循 性 行 安得 以 而 俟 腎

2

6

以

原作

彌,

據

通津

本改

<sup>■「</sup>受」,通津本作「信

<sup>「</sup>章世」,通津本作「章章」

③ 「三累」,原無,據通津本補。

<sup>●</sup> 有「所從生又不知被累害」九字,當據補。
● 「累害」下,朱宗萊《論衡校録》云,《初學記》二十一引

之誅 死 顯 之手。 損 通 俗 得 育 濕 貞 也。 不 灰 光 求 生 人 知 ,水湍之岸 無忌 百 ? 蓋 所 氣 幸矣。 是 全 而 孔 讒 於世 斛,人 故 何 洒 功 逐 沉 子所 則? 嫉 塵,卑 魏 力 之。 者思 江 也 女 於將 不沃者,光滅 孟賁之尸 不得峭。 奮 蹈 以 色 戚 欲 折 志 屋 憂心 河 以 不 **③**不 艷 專 伯 施 敖 也 不 方 彌 良善之名 牙之指 黨 鄭 蔽 心 ,人不刃 孟 遭 2 妬 如是,牖 風 袖 偶 立 軻 鄧 以 蘧 鼻 俗 也。 所 卓 析之禍 御 軼 風 除 之 以 之累,求 異 者、氣 才 衝 里 多 惡 者 ; 惆 於 動 取 之物 一、陳、 彼 佞 0 願 悵 身章 俗 取 容 朝 之 摧 也 絶 益 古 蔡 勝 子 媚 不 吴 是 王 智 也 常 胥 反 得 忠 良 於 故 己 口

也。 倉之 彌 毁, 垤 成 鴻 未嘗 舌 者 丘 之 招 Ш 患 絶 汙 謗 , 爲士 也 求 爲 , 無 江 公 危 河 者 伯 傾 矣。 多 寮 之 口 之 害 夫如 遡, 遠 以 是,市 未 休熾 矣。 嘗 虎 滅 臧 之

> 子,伯· 之。 惑不 之然 之訛 人 能 爲 不 也 後《鴟鴞》作 金 ? 隕 玉 礫 動 故 故 霜 能 不 變, 也 也 聖賢不治名,害至 奇 投 非 無 審 鄒 ·足詭 君 放 杼之誤 監 文王 雷 衍 紂 子 則 流 讒 而 風 之罪 憎 微 也 篤 之 聖 所 黍 聖 當 子 信 不足怪 變, + 以 不 離 而 何 時 審 爲 則? 除 好 周 周 去, 己 興 周 糞 惡 公奔 公之惡 不免辟,形 世 也 比 土 則 德 諷 也 昧 干 玉 不 ·小 安 詠之者 孰 楚; 而 心 五. 變爲石 能 能 有 惡 不 冥 知 剖 感天 滅 不 後 遏 來 冥 惑 章 累 惑 之 乃 母 未 所 ; 蔽 墨 害 當 悲 毁 知 誠 平 足 以 珠 孝 使 夏 傷 痛 化 蔽 爲

日

3

<sup>2</sup> 0 鼻之」 鼻 四 黄 則 庫 本 以 名 作 劉 詞 爲 宗 霍 云,鼻本 名 詞 劓 其

<sup>「</sup>力」,通津本作「名」。「河」下,黄暉、劉盼遂云奪三

<sup>「</sup>僞」,通津本作「爲」。

衆。 毁 潔 善 不 倡 不 掩 者 聞 顯 匿 也 手指 悪 猶 白 求 未 故故 漆 邪 長 潔完。 不 必 僞 盤 顯 知 非 盂 之人,治 不 用之。 也 惡 之工,穿 理 故 窓見 ŝ 身 世 冤, 所 夫 身 不 謂 而 如 見 墻 以 不 善不 是, 邪 短 不 巧 弭 故 世 見; 污 俗 流 彰 者 俗 共 言 行 弄 脩 之所 稱 未 丸 詐 受 垂 之 必 劔 謂 以 垢 而 非 賢 將 之 偶 跡 取

苦 垢 然 故 懷 也 由 不 而 熱 僞 夫 小 以 得 太山 人。 水 水 火 而 或 忠言 毁 有 生 曰 遊 不 一之惡 謗言之,真良見 夫小人 者 : 也 痛 招 沐 「言有 不 寒 患 浴累害之中 力君子 以 傷 性性 氣 玷 濕 以 招 性 污言 高 不 患 患 水 自 行 得 耻 , 居 然 之, 行 招 妬, 名 者 者 有 耻 焉 也 ; 清受 何 高 無 召 毛髮之善, 招 招 何 奇 溺 耻 之? 含 塵 世 召 見 患 邪 之 所 不 噪 而 而 然 有 白 君 在 火 生, 不 常 取 小 ? 子

> 行 士 州 之,玉 士之行,善惡 口 事 人, 申真 E 遇罪言之, 一者棄 行行 ; 刺刺 、曾參不 用 指擊 也 有瑕 完 史 悪 蒙 焦 ·之者 跡 取 八賢 能 忠言 康 而 潔 善 害, 也。 全 相 珠 絀 從 身 苞 無 有 招 雖 而 夫 公侯 何 也 纖 毁 患 不 孔 如 往 夫采 高高 芥 用 丘 是? 哉 已下,玉 焦 何 之 行 墨 累 玉 則 陳 毁 夫 招 翟 者 ? 留 害之人,負 未 耻 破 不 君 進 及 石 失 ; 能 兄, 石 也 其 知 以 雜 自 拔 被 當 名 糅 純 不 免 玉 譽之 世 爲 稱 純 累 賢 U 選 言 顔 從 兖

#### 命 禄 篇

生 壽 凡 夭 之 人 命 遇 偶 亦 及 有 遭 貴 累 賤 害 貧 富 皆 之 由 命 命 也 自 王 有 公 死 斧不 貴 難遷 矣。 之屬 加 則 高 貴,貧賤矣。 坦 才 興 命貴之人,俱 自 涉 逮 蕩 也 危。 庶 勉 行 禍 不 而 智 止 ),❷難成。 患矣。 力 恬 口 超 人,聖 厚,命惡, 莫 求獨得 故命貴,從 寡德 仕宦貴 則 故夫富貴若 之趋 踰 忽 勉 不 薪 時 有 賢 多。 故 薄,未 雖 命當富 是故才高行厚,未 並 致 及下 則 學獨 命 其 夫 賤,治産貧富 廢 獲過受罪,疾病亡遺,失 彊 不 臨 無 貧 爲 而 賤 可信 ·愚,凡 可 命 賤 健之勢, 命之人,皆得 有 貴 事 獨 達, 不 地 力, 當 · 使富· 神助 知 成 進 自達 雖 並 其 貧 遇 ; 有首 知 貧 必 仕 ~,操行: 賤 貧 知 ,貧賤若 鑿 者 賤 貴 ; ,命與時 獨 貧 寡 賤 歸之於天,故 不 若 之,猶 命 雖 目 遷 賤 可保 德 反 賤,從 所 休 清 鑿 富 之類,含 薄 此 願 濁 貴 則 溝 有鬼禍 難達 其 命 也 或 逢 安得 溝 伐 之, 命善 八其富 富之 性 時 必 富 福 命 才 富 位 與 善 血 猶

> 貧 溝 湛 賤 遇 湛 [X] 未 伐薪 危之患哉? 多 而 逢虎 遇虎 之類也 仕 然 宦 則 不 或 ·貴 時 治産 溝 未 不 通 而 遇

陶 懷 以 與 不立 如 如 成立之功。 朱 才 辯 此 此 銀 之智。 能成 紆 , 何 ,或行而事不成。 有才不得施 何 紫, 不貴?! 不富?」 故 未必稷契之才 或時 世 智慮深 日 俗 : 下 富 貴 見 見 ,有智不得行 ·愚而 而 人 不 人 富 無 謀 口 節 有 雖才智如 千 財,才能 以 慮 行 命 ; 金 深 高 籌策得, 積 福 金 頑 則 則 禄 魯 累 高 孔子 日 日 或 不 而 玉 而 0 貴 施 在 無官 典 不 賢 未 賢 辩 猶 而 城 可 慧 哲 哲 無 功

0 下有 事 猶 類 》注引「猶涉禍患」下 涉」至 **新** 離 五 其 「福善矣」, 貧賤 引 同 一句。 孫 黄 有「失其富貴」句 人和云: 暉 一云《事 《文選 文類聚》三九、《合 孝標《 猶逢福 辯 命

「難遷」下、孫人和云奪「難得」二字。

2

乏於 異禄 知 至 禄 毁 者 位 博 見智能之士官 在 禀卑秩 貴賤,才不能 故 公之智不若管仲,然成、桓受尊 一、人謂 於行 智愚 一人臣 以以 希 吉凶之命,盛衰之禄 有 官 才 命 有不爲 御 能 知 也 操。」行 , 禄 口 才智 一猶以 3 高 貧富 命 才 才 當 父師 案古 殊 有 鴻才爲 進 明 智 0 爲 操 位 在 不 貧 其 退。 審 之 將 之士 不 禄,不 知 富 貴 ; 然 人, 至,怪 相 君希 才 厮役。 [X] 殊 成王之才不如 知 一,亦怪 , 2 而 知 也 命 衰 以 在 不 人 能 有 行 禍 吉 而 頑 能 君 下 故貴 操 不學於 治 毁 來 訾之日 盛 慧。 豐 猶 者 生 之日 雖 時 殺 謂 以 命 宜 鈞 高 賤 世 舉 無 愚 9 \_; \_\_\_ 爲 周 人 而 知 在命,不 一之論 官 性 事 能 闇 農 臣 公, 周 是 是 位 其 而 處 命 商 必 富 必 不 福 事 主 管 富 知 有 桓

術 善學 白 明。 圭、子貢, 主父偃 轉 辱 貨 賤 致 於 富 齊, 積 累 排 擯 金 不 玉 用 赴 謂

> 應侯; 澤 謂 時 甲 所 習之京 闕 E Ż 美 得 書 也 偃之才, 舉 之科, 非 「, 與 善 疏 蔡澤、 師 所 也 偃 遂 致, 遷 樂之 用 章 明 之説 於漢 轉 會 而 如 非 急慧,非 談 至 王 范 也 若 郎 穉 官 雎 善 范 圭 拜 至 皆 博 也 其 雎 齊 深 言 命 爲 士 之干 相 儒 如 微 禄 客 人 者 趙 貴 卿。 秦 謂 拜 趙 明 子 富 昭 經 爲 人 説 都 人謂 善 4 明 郎 徐 至之 封 樂 才 初 經, 雎 爲 高 階 亦

公欲 見 孔 孟 子 曰 子, : 嬖 死 人 生 臧 有 倉 命 毁 孟 富 子 貴 在 而 天。 止 孟 魯 子 平

8

<sup>■「</sup>官」,吴承仕、劉文典、《校注》皆云當作「宦」,形近而

<sup>●「</sup>者」字。
●「能」、通津本作「才」。「高」下、孫人和、《校注》以

<sup>「</sup>富」,原脱,據通津本補。

母 「談」,通津本作「説」。「昭」,原作「明」,據四庫本改。

帝 至; 智。 爲 賤 遇 天下 謂 益 遲 人 治 矢 道 死 ? | 韓 富 天 所 速 不 命 日 貧賤 此 違 高 賈 授 有 貴 中 秋 亞 求 天 也 失 富 祖 命 生 冬王 也 0 之 二仁 夫 信 是 也 非 非 不 疾 貴 駡 日 也 0 以 太 焉 非 天 智 與 求 甚。 鄙 之日 夫富 天 相 孔 庶 史 命 識 帝 力 爲 是謂 稱言 在 子 子 天 公 論 乎 其 道 所 非 富 吕 時 : 貴 聖人, ? 爲 不 日 兵, 時 自 能 得 吾 命 貴 從 后 不 ? 不 條 口 然 者 爲 在 富 謂 命 迎 以 富 侯。 欲 與 之 , 有 富 楊 貴 高 孟 乃 行 高 良 貴 布 期 代 爲 彻 貴 子 子 爲 在 祖 祖 醫 命 此 衣 利 自 王 貧 賢者 雲 貧 天, 擊 不 道 曰 審 提 時 害 自 得 賤 H 醫 賤 違 黥 日 : 不 也 代 雖 代 朝 也 在 從 貧 布 日 口 貧 尺 王 陛 扁 誨 出 命 賤 ^ 與 賤 非 劔 遇 爲 春 貧 鵲 爲 下 淮 人 不 而 太 自 流 文 暮 夏 賤 貧 不 所 取 安 在 南 何 口

也

子,亞 仆 貴 求 手 以 持 貧 索之也 舉 矣。 猶 以 貴 信 升 力 器 至 夫 鈞 命 前 則 勤 之 而 非 ,猶珠 者 世 平 致 以 盈 免 適 則 富 明 , 量 嗣 受之 可 是 玉 鈞 手手之 才力 富 一之在 出出 逢 非 則 至 居 如 時 而 平 歸 而 俟 遇 持 過 Ш 致 ; 死 之 時 澤 會 重 富 舉之過 ; 於 升 也 貴 不 命 卓 命 須 賤 然 命 也 則 器 勞 卒 以 禄 滿 受 鈞 精 命 至 才 不 溢 苦 審 能 能 則 也 然 形 躓 取

作 欲 勤 自信 自 如 終 信 事 不 彊 望 而 富 以 得 天 自 故 命 致富 命 命 離 貴 成 不 必 貴之人,才智自 不 難 求 不 求 故 ,砥才明 可 知 行 謂 之 得 日 當 也 人 而 . 也 自 自 0 不 力 操 耐 至 至 如 雖 勝 以 審 自 云 可 貧 高 取 夫 知 有 雖 不 貴。 命 慎 命 假 雖 若千里之馬 有 富 勝 厚 當 廢 逃 而 之人筋 禍 命 自 須 時 富 得 索 失 避 勉 猶

代。 得; 之, 天 教 矣; 生 命 可 必 頭 自 命 求 得 也 而 不 H 則 有 知 天 之貴 當 越 自 致 力 求 蹄 人亦 富 吉 命 作 然 人 越 善 足 ; 而 貴 歟 燻 X 者 貧 不 王 得 自 雖 不 有 之命,不 其穴, 厚, 賤 求 翳 之 相 逃 待 有 不 之 富 者 逃 副 避 求 教 求 求 禍 之, 遂 也 也 Ш 富 之 而 貴 彻 不 中 求 不 自 終 無 終不 而 精 有 得 到 貴 不 益 天 自 可 至 學 求 免, 矣。 善 者 得 苟 得 命 誠 不 而 者 夫 矣。 除 彊 吉 離 不 求 不 富 物 矣 信 立 厚 也 願 貴 得 貴 人 故 不 命 爲 者矣, 之福 不 貴 天 情 求 夫 自 由 者 君 自 不 性 求 冀 有 此 而 日 求 言 得 自 不 未 而 猶 不 自 至 :

#### 氣

自

凡 人 禀 命 有 一品 日 所 當 觸 值 之

> 不 與 木 彊 短 氣 也 彊 壓 壓 命 始 薄 足,不自致 劣 之人,不 溺 溺 弱 短短 生 始 則 夫 夭 也 遭 日 生 其 而 禀 壽 氣 彊 以 死 體 彊 而 氣 卒其 弱 所 以 而 未 死 弱 壽 渥 於 禀 壽 死 白 弱 則 未 體 産 百 爲 夭之命 壽 爲 夭, 此 其 産 0 也 而 弱 命 數 禀 體 傷 則 而 謂 不 未 若 之 彊 傷 命 禀 必 薄 夫 至 ,禀之薄 所 短 體 命 氣 有 無 百 當 用 彊 命 也 渥 審 所 者 觸 之 薄 則 短 期 遭 值 皆 竭 弱 氣 則 其 也 也 遇 謂 由 多 自 也 也 命 禀 虚 若 病 長 不 兵 兵 足 此 尽 渥 壽 夫 燒 氣 燒

身。 弱 0 天 充 人之禀氣 實 地 生 堅 强 物 或 物 其 充 年 有 實 壽 不 遂 而 ; 堅 虚 ; 父 强 劣 13: 軟 或 生子 弱 虚 失 劣 子, 棄 而 有 其 軟

<sup>0</sup> 不一, 孫 詒 據 云當爲「必」。 裘錫 土 一云當 而 讀 爲

之子 乳 夭。 感 名之日 弱 則 性 號 雖 亦 命 不 ? 傷 亚 也 也 啼 形 至 就 而 2 失 獨 體 數 百 傷 之 疏 八 其 性 何 懷子 婦 完 年 物 「懷」,其 聲 先 氣 而 則 人 使 有 疾 薄 鴻 氣 ? 其 矣。 而 然 實 疏 爲 病 不 渥 朗 虚 前 字 爲 實 禀 不 意 能 子 劣 病 高 所 已 實 者 枯 壽 成 枯 以爲已産之子 獨 産 氣 産 暢 兒 夭 堅 子 也 亦 死 子 子 不 少 者 而 之 彊 活 至 而 不 治 死 死 死 命 壽 雖 ; 滿 憧 數 枯 數 能 成 所 則 0 歲 ; 乳 以 者 而 謂 嘶 充 人 懷 人 者 氣 形 死 氣 使 有 子 所 喝 也 禀 多 子 體 薄 懷 兒 M 爲 氣 濕 故 ル 死 兒 不 兒 不 薄 感 子 爲 F 則 活 夭 生 傷 字 傷 易 軟 主 者 何 則

失 名 非 其 男 正 子 正 猶 白 爲 歲之命 也 爲 丈 命 夫 雖 也 尊 是 失 其 公嫗 其 譬 正 正 猶 爲 也。 猶 人 丈人。 乃 形 不 爲 能 丈, 形 滿 不 也 滿 正 百 形 者 丈 夫 也 形 雖

> 霸 於王 於天 劣 其 不 命 不 異 弊 滿 可 而 不能 名 卒 以 猶 百 可 人各有 ; 之故 不 以 -與不 壽 壽 至 滿 霸 當 夭 百 丈之故 謂之非 禀受也 至 卒, 同 霸 消 於 同 者 而 百 氣 也。 爲 謂 也 長 王 命 夭。 之非 由 之弊 也 語 短 不 此 日 殊 王 能 言之,人 形 非 也 數 : 霸 成 天 猶 置 口 王 霸 有 命 王 本 受 退 長 不 不 當 氣 口 短 而 成 之 優 爲 至 以 命

者 殊 以 何  $\overline{\mathbf{H}}$ 説 以 其 十 明 之 鳥 形 曰 何 以 . 人 뾆 體 體 太 年 知 與 1 無 平 不 以 大 人 以 之時 滿 白 長 異 異 百 爲 形 短 爲 也 壽 口 人 故 夭 也 民 者 身 其 ? 等 侗 ? 年 體 也 長 世 壽 不 0 百 間 百 異 與 百 歲 有 歲左 人 歲 之 血. 矣。 殊 之 命 氣 右 身 數 也 儒 不

<sup>■「</sup>暢」,原作「陽」,據通津本改。

② 「喝」,原作「唱」,據通津本改。

之正 聖 故 至 政 載 百 物 或 差 王 死。」適百歲矣。❶ 爾 時,必已成 老,八歲 氣 舜 一,不過 人禀 出 也 先 康 太平之世多長 退老,出入 九十三而崩。 九十,吾與爾三焉。」文王九十 。」求禪 和 生三十徵用,三十在位,五十載,陟 數也; 地 Ė 秋 之所 一之時, 先 和 後 而 十年。 而終,至殂落 秋 得 死 氣,故年 秋 生 猶物 人,今計數 後 舜。 也 猶人始生 尚 百歲矣。 則 秋 武 亦 爲 至 周公,武王之弟 舜徵,三十歲在 爲 壽  $\sim$ 命得 太保, 文王謂 堯典》 王崩,周 如 秋 期 人。 人 而 九 E 邵 增 死 百 而 死,物 + 百 出人 數 日 夭 公,周公之兄也, 白 武王曰:「我百 有 八歲。 歲 或 公居 也。 減 餘 之壽,蓋 增 百 命之正 氣 朕 百 矣。 攝 百 有 也 七 位, 和 未 在 物 爲 七年, 歲 爲 餘 兄弟 而薨, 或 數 位 在 堯 又 期 歲 治 或 踰 方乃 七 位 退 日 矣。 也。 平, 年 物 復 之 相 武 秋 減 + 而

> 百 不 年,周穆王享國 老子二百餘 死 二十三十歲矣。❷ 亦如 人 歲,邵公 年多 百年。 度百至於三 百八十,高宗享 并未享國之時 白 也 皆 或 傳 出 百 稱

川

論 衡卷第一

0 適 四 庫 本 作 過

2

「二十三十」,通津本作「三十四十」。

## 論衡卷第一

偶篇

王

充

幸

偶。 中 未 益 不 不 必傷。 或信息 幸 傷 傷 並 ; 不 凡 舉 幸 中 時 人 或疑 賞信者偶 事 操 傷 遭 有 未 兵 行 俱 是 必 隱 有 欲 賞 惡 有 賢 納 而 者 罰 隱 非 有 忠, 信 不 愚 者未 疑 及 蔽 中 或 及 不 觸 未 ; 賞 偶 必 賞 同 遭 必 或 也 真 罰 善。 日 禍 罰 罰 被 有 福 ; 霜 隱 並 偶 有 而 蔽 蔽 欲 疑 幸 有 者 有 者 有 不

日 「不幸短 孔子 門 徒七十 命 死 矣 有 \_! 餘 短 顔 命 П 稱 蚤 不 夭。 · 幸 則 孔 知 子

> 爲 生活 存 蛛 以 所 燔 足 白 身之善穴哉?❷ 復 道 長 而 結 論 一、俗或 發 或 潤 瘫 不 顔 命 而 覺 涉之。 群 潰 及,未 瘫 不傷。❶ 者, 網,蜚蟲 П 一之類 擾 喜之, 爲 義 幸 疽 災 或或 或 必善 疽 之發 之業 也 足所 俱 奸 氣 得 過 0 火 ; 名曰 加 盜 或 也 不 之,或 短 亦 燔 創 履,螻 人, 營衛 宜蒙 大 幸 舉 失; 命 流 野 辟 幸草 也 者 亦 血 草 火 之行 實 脱 福 而 漁 蟻 不 此 出 行 0 或 車 不 祐 者 也 花 螻 膿 類 幸 道 知 罾 夫 轢 獲 死 蟻 贵 也 遇 適 也 或或 足 氣 伯 所 行 江 ; 不 然 獵 癕 結 所 湖 致 足 於 牛 罰 不 通 也 服 一、火所 者 疽 之 閼 不 所 地 有 幸 贖 聖 也 蹈 不蹈 張 魚 所 積 疾 遭 小 由 賢 舉 罪 或 聚 火 不 之 觸 蜘 是 亦

- ■「生」,通津本作「全」。
- ②「善」上,黄暉云疑有「不」字。

也。 久 命 故 孔 所 而 順 而 有幸 也 爲 疾 壓 道 子 死 小人行險 0 故 行 幸 不 , 日 而 孔 孔 蹈 而 幸 觸 :「人之生 者 子 子 左 坼 無 者 免 岸 戒 魯 右 爲 不 以 脱 慎 城 之上,爲崩 幸 日 不幸 徼 而 己 門久朽欲 :「久矣。」 君子 幸。 也 生。 甚, 矣。 又 直 日 有 如 不 罔 立 . 遇 不 所 幸 之生 頓 巖 幸 孔 墜 遭 君 者, 孔 墻 壞 而 子 子 也幸。」 之下, 不 可可 無 日 子 輕 處 過 徼 「悪 有 遇 易 謂 幸 之, 幸 無 以 爲 則 不 小小 端 也 幸 俟 其 趨 壞 夫

貴 禀 幸 色 道 而 元 受 或 理 稱 之宜 賤 恩 氣 媚 佞 無 幸之徒 不 寵 德 或 或 故 宜 貧 受 獨 멢 或 恩 愛 爲 太 此 関、藉 富 史 而 人, 同 無 公爲 受寵 科 或 過 富 孺 爲 遇 或 故 之作 不當 之輩 禍 累 禽 合 獸 金, 同 傳 其 親 無 貧 名 並 德 而 實 邪 謂 或乞食 爲 得 薄 人反 也。 之《佞 才 附 或 道 俱 非 以

> 貴 物受性 至 封 侯 有 賤 厚 至 薄 奴 也 僕。 非 天禀 施 有 左 右 也

六

忠。 不 冠 醉 盜 賞 惠之情 乘 公、魯人幸 然文公、魯 不 走,追者捨 意 被 愛己 者 卧 還殺之。 賜 同 也 驂 其 見 而 俱行 偃 乘 罪 也, 寒,典 晉 御 俱 王 偶 加 文 道 者 發 以 前 以 之; 人 文德 衣 夫 德 脩 之過 典 於 越 破 冠 恐主 驂 得 禍 偃 文 冠 心 職 牛 滅 加 乘 福 與 德 王、 之故,加 缺 不 之以 從 福 一之寒, 之呼 然 偶 偃 魯 後 牛 爲 徐 不 義 而 也 王 人 均 盜 衣 缺 偃 車 呼 同 呼 於 爲 覺 ; 所奪 車 不 不 行 之 4 父報 韓 車 典 並 幸 以 仁 缺 而 走 恐 有 冠 有 爲 9 義 也 罪。 得 問 罪 君 之 和 救 仇 仁 與 ; 於衛 之, 安行 危 禍 意 之危,仁 加 不 義 韓 文 衛之驂 之義 恐等 不恐, 者 衣 知 公 利 昭 口 曲. 侯 文 不 以 害

非惟人行,物亦有之。長数仞之竹,大

燎。④ 遭醫 堂,或 口 腐 愛憎 見舉 或 之 之木也,或梁 也,異器 剛 爲 連 燥脂 臭。 傷 調 筐,飯捐 柔 抱 酒 之木, 人採掇 殊 持 痛 有 也 塗 等之金 物 ,況含精氣之徒乎 燭,或 偶 或或 和 酒 軒 刀 而 善 之成 滴 斧如 不 户 處 遺 Τ. 0,000 成 惡 非 也 0 食。 於宫,或 也 0 材 技 燔 同 庖 也 或或 蟲 皆之水 有 之人 枯 而 爲 厨 甘 調 偶 遭 墮 夫百草之類,皆有 遭 草。 良藥,或 爲 飯 然 酒 苦異 爲 廢 劔 柱 裁 器 也 也。 也,或 人 人 棄 均之土 於 戟 而 用 有 味 殊 酒 橋 或或 用 遺枯澤,爲 蒸穀爲 異 ; 非 筐 棄 其 溉 之, 意 飯之熟 Ι. 爲 不 而 也,或基 釜 不 俱之火 技 鋒 也 居 或 飲 幸 鼎 飯 之 銛 成 ; 0 偶 補 手 火所 或 鼠 甘 也 器 西襄 人 益 也, 猶 殿 澡 指 口 涉 酒 有 飯 而

頑 母 嚚 虞 舜, 弟 聖人也 象傲 狂 了,在世· 無 過 宜蒙全安之福 見憎,不惡而得 罪 父

之才 舜 必衆多矣。 流 不 尚 幸 應 猶不幸偶 遭 聘 甚 矣。 削 堯受禪 迹 孔 絶 子 孔 糧 舜 庸 子 之次 人之 俱 止 死 以 中 也。 聖 於 被被 闕 才 生 里。 不 並 無 幸 不 尺 以 .偶 幸 土 聖 周

#### 命 義 篇

都,一 長 以 生 平 有 爲 之下, 命 墨家 人 宿 死 沉 富 之論 有 而 貴 四 命 爲湖; + 在 以 萬 天。」言 言 爲 衆, 有 秦 人 命 將 同 死 無 者 白 時 無 命者, 起,坑 見子 皆 命 ; 死 夏言 儒家之議 聞 ; 趙 春 降 歷 秋 卒 陽 死 之 於 之

<sup>2</sup> 0 飯 原作 飲」,據通 津 本改。

異意」, 通 津本作 意 異

掇 」,原作 拙, 據 通 津 本改

燎」,通津本作「爍」。

没; 卓礫時日 平。」猶 然 日 衰 必 故 壽 起,不得 侯之人矣。 平之坑,同命俱 歲 時 有命,何 夫天下之大,人民之衆,一歷陽 則 有 相 而 並 命 餓 敗 俱災, 災,四 疾病 勝 長平之坑,老少並 長命未當死之人,遭時 聚 績 死 禄 高 見,往往皆然。 於 終其 之 滿 其 祖 命 ,被災蒙 歷 或 國之民,必 軍 道 秦、齊 未必老少男女,俱貴 初起,相工人豐、沛之邦 陽; 死 壽。 禍陵之也。故國 温 者 死,未可怪 氣 禍 蔽 人命有 同也? 命當壓 疫 之驗 草,尸 有禄 癘 而歷 壓。 干 也 長 盛 死, 言 且 也 陽 短,時 户 未 有 萬 衰微,兵革 之都 宋 故 命 萬 當 滅 數 命者 命當 衛 而 之都,一 相 勝人命,6 數之中,多 衰之人, 門。 有 陳 有 多多 積 男女 饑 盛 鄭 溺 相 日 於 如 饉 衰, 死 也 長 並 封 俱 長 百 必 之 0

人有壽夭之相,亦有貧富貴賤之法,俱

盛 衰。 祖 羽 惡 列 之過。」此言實 得長;禄當 見於體。 宿吉凶,國 ,皆見, ,高祖之起,有天命焉。 且死,顧 物有 人之有 於體 貴賤。 故 謂 吉 貧 壽 有 其 賤 [X] 命脩 也。 命 禍 徒 3、雖有 當 猶 歲之中,一貴一 福 曰: 實者, 短 夭 歲之有 ; 0 「吾敗 善性,終不得遂。 折 皆 衆星 項 禀 或 雖 豐耗。 於天 羽 命繫 乃命 推移 禀異行, 用 於 兵 ; 賤; 衆 骨 命 非 调 星,6 終不 有 有 於 用 法 8 項 衰 盛 高 善 兵

<sup>「</sup>相工」,原作「工相」,據「日」,原脱,據通津本補

<sup>「</sup>相工」,原作「工相」,據通津本乙正。

<sup>「□」,</sup>原漫漶不清,似作「衆」或「數」,通津本無此

<sup>「</sup>禄盛」,原作「禍」,據通津本改。

<sup>6</sup> 改爲正 宋衛 陳 文 至 禍陵之 也 故」, 原 爲 雙 行 小 字, 據 通 津 本

<sup>「</sup>繫」,原作「吉」,據通津本改。

<sup>▼「</sup>福」,原脱,據通津本補。

<sup>◎ 「</sup>有貴賤一歲之中」,原漫漶不清,據通津本補正。

授 天,天 高 禀得 Ŧī. 氣 氣 官 則 死 氣 壽 富 壽 者,何則? 也。 衆星 有衆 之衰 之間 帝 下 猶 命 貴 貧賤,故曰 少 而 三王 長, 長,壽 在 泊 故言「有命」, 堅彊之性 有 富或貲 性 故天有百 盛 天」,而 而 之氣 得 星。 其 所 一之精。 不 性 象。 貴 命長則 衰 禀之氣, 死 有 羸 則 天施 「在天」。 在 在 生者, 不曰 多少 得富 窳 則 貴 其 賢 盛 官,天 天 羸 氣 得 中 氣 不夭 命 愚 死 有 (,皆星位尊卑小大之所 貴 得 渥 矣。 則 無 物 賤 窳 而衆星布精, 象則 王梁、造父,人亦有 在 有衆 衆 厚 死 象 之 性 生 子 則 則 天 星 人禀 而 在 也。 在 夏 貴 壽 賤 如 富 體堅三 星,地 之 禀 天 天 賤 日 。 **3** 命 貴 何? 氣 精 性 至於 短 得 以 富 死 不 彊 貴 軟 而 有萬 貴 性 堅 在 生 或 生 天 衆 富 短 弱 天 貧 爲 有 豐 有 , 2 秩 所 有 星 貴 則 者 彊 賤 民 主 命 命 耗 有 含 施 象 在 所 蚤 則 百

之。 禀受其氣,故巧於御。

也。 隨 而 吉福至,縱 至,故曰「正命」。 遭命」者,行 得 命,三曰 M 性然骨善,故 傳 禍 故 情 遭命。」「正 説 日 善得惡,非 施 「遭命 命 欲 隨 有 不假操 而 =: [X] 命」者,戮 命」,謂 禍 所冀 行 到 日 以 望, 本 故 正 求 力操 禀之自 逢 日 命 福 隨 遭於外, 4 行 而 6 吉 得 命 自 日 而

矣。 夫性與命異,或性 凡人受命,在父母施 善 而 氣之時, 命 X 或 已 性 得 吉 惡 M 而

<sup>■「</sup>壽命長則」至「性軟」,原爲雙行小字,據通津本改爲

❷ 「氣」,原漫漶不清,據通津本補。

上「賤」字,原漫漶不清,據通津本補。

改爲正文。 「禀受其氣」至「一曰正命」,原爲雙行小字,據通津本

<sup>■ 「</sup>正命隨命者戮力操」,原爲雙行小字,據通津本改爲

0

之徒 之, 吴 遭 説 矣 下, 也。 惡 自 也 子 無 也 福 命 命 (烹其 安 M 日 自 吉 殺 祐 福 而 宜 聚黨數千 命善乃能 所 若 行惡者 隨 有 得 或 ; 盡 遇 伯 求 P 顔 驗 M 吉 行 至 福 操 忠 顔 其 4 淵 乎 命之人,雖勉操行 M 是 善 行 之有 淵、 輔 禍 何 空 ? 禍 行 善 而 伯 得 性 故 居 使 攻 善 伯 隨 惡 乃 得 遭 道 4 之。 惡 遭 奪 竭 當 命吉之人,雖 牛 而 者 以 禍 命 之 而 而 X 王 得之有 至 得 人 壽 性 遭 徒 者 行 命 性 ? 是 物 臣 隨 終。 惡 行 善 吉 而 善 性 也 之節 命之 顔 疾 善 命 斷 盜 有 也 ; 者 善 命 淵 於 夫 斬 跖 M 禍 何 世 未 而 福 及 木 内 如 性 而 謂 X 不 福 性 求 莊 必 命 乎 當 是 於 身 屈 行 自 吉 楚 乃 遭 字 蹻 之 善 無 M 學 平、伍 得 放 有 善 M 觸 隨 不 無 横 乃 [X] 禍 隨 其 善惡 者 或 遭 以 於 命 能 能 未 如 道 行 身 命 命 員 才 何 之 行 外 甚 天 得 求 孟 必 命

> 之禍 時 在 無 在 不 末 初 隨 不 生 命 在 何 長 骨 哉 在 儒 表 ? 大之後 本 者 著 也 三命 言 見。 隨 則 隨 之説 命 富 今言 操 則 貴 行 無 竟 隨 貧 而 遭 操 何 賤 至 命 行 所 皆 也 言 定 而 在 至 遭 初 此 且 禀 命 命 命 則

之 盲 缺 者 遭 遭 者 不 時 氣 戒 唇 命 命 得 遭 禀 其 惡 者 正 遭 得 0 五 《月令》曰 初 命 容者,生子 亦 也 聲 惡 常 胎 者 有 似 之性 禀氣 傷 物 或 至  $\equiv$ 象之 豺 故 遭 百 性 時 狼 也 受 雷 不 故 而 ; 性 遭 雨 備 長 是 死 隨 有 也 狂 之 X 月 者 大 正 變,長 悖。 必 惡 隨 故 也 性 隨 有 也 命 有 姙 惡 雷 父母 羊 大 者 隨 婦 大 謂 舌 將 [X] 被 五. 夭 食兔,子 姙 有 之性 發 食 禍 + 死 娠 遭 聲 我 瘖 之 而 而 此 初 聾 時 死 死 生 牛 有 遭 謂 跛 正

<sup>●「</sup>食」,原作「似」,據四庫本改

傷 形 母 臣 非 席 性 在 體 不謹 Ë 父母之身,乃又賊男女之性 父子之道,賢不肖在 不 命 母 聲 醜 身 正 在 慎 惡 耳不聽。 時 本 不 ,心志慮邪 故 坐, 遭 素女對 受此 禮 割 及長 不正不食 》有 性 黄 ,❷則子 丹 胎 一,置以賢師 帝陳 教之 此 朱、 時 非 五女之法,非 長大 法 商 矣。 正 均 狂 色 之 良傅,教 子 受氣 目 悖 在 類 不 是 不 身 善 時 視 時 也 徒 君

故 謂 厄 遭 賤 富 貧 遇 貴 富 稱 遭 牖 遭逢 矣。 里矣。 貴 胸 人 遭逢 當 遭當 賤 有 衰 之禍 命有 變 也 刃 非常之變,若成 之禄,則 盛之禄,常 以 雖 ; 加 聖明之德,而 甚 禄 禄 頸 者, 晏子 有 大,命善禄 蹈 禍殃乃至, 盛 遭 所 死亡之地,當劔戟之 安不 衰 遇,有幸偶。 遭,可謂 興 湯囚 有 危。 盛 廢 囚 變 也 常苦不樂。 夏臺,文王 厄之變,可 大矣。 以 不爲 命 以 命者 當 命 貧 當

> 善禄 謂 也。 勝 行 罪見拘,不幸 命 善禄盛不能卻也。 害 鋒 禄盛之人,一 與 執執 所 盛 火 也 遭 主 盛,夭災之禍 禄,不 以 ,火盛勝水。 死 道事君 觸 乖 歷 得 得 陽之都,長 遇 生還, 退 善惡 宿同 知己 也。 而 君善其 遠,不 命 也。 之王 執拘 遇其 填,而 不 譬猶水火相 善禄 能 平之坑 偶 獲罪 , **6** 不 言,遂 未 王 傷 有遭 也。 盛 而 久,蒙令得出, 也 得 - 得效 用 其 遭 逢之禍 用 退 脱 偶 也 更也 其身 中 逢 遠 · 幸 也 驗。 之 6 必 未 謂 • 偶 禍 大 也 雖 有 幸者, 事 有 水 命 不 也 盛 君 善 命 無 能 命 善

<sup>□「</sup>父子之道賢」,原爲雙行小字,據通津本改爲正文。

❷ 「志」,通津本作「妄」。

<sup>「</sup>相」,原漫漶不清,據通津本補。「而有」,通津本作「而死」,屬上讀

<sup>「</sup>王」,通津本作「主」。

<sup>「</sup>王」,通津本作「主」。

<sup>「</sup>蒙」,原漫漶不清,據通津本補。

之性 若是 傷 志 遇 故 逢,獲從生 官 是與 幸 夫 録 與 一遭遇 命, 偶 召 命 命 有盛 命 遂 幸 禄 死 并 以 善 ·偶 離 而 者 衰 禄 成 或與 者也。 卒其善惡之行 也。 盛,不 之禍 完; 命 中 遭 故人之在 福,重以 偶之害,不 禄 不遂成 遇 并 不 或 幸 遭 善善 得 與 世,有 偶 遇 其 命 能 轉 幸 遂 胸 離 留 偶 吉 中 以 惡 也 之 之 敗 遭 M

## 無形篇

命 形 不 柈 短 之 骸 杅 不 口 形 矣。 相 增 可 人 禀元 ; 減 減 抱 猶 形 加 生 陶 器 氣 用 死 者 氣 已 於天,各受壽 以 與 用 爲 成 陶 期 性 土爲簋 不可 冶言之,人命 節 性 相 成 須 小大;人體已定 廉,●冶者用 命定 夭之命, 形 ° 不 短 미 長 體 以 變 可 銅 氣 立 得 爲 長 與

論也。

尊,尊 柈 化,命可 夭之命, 成 杅 遂 或 不 柈 至 難 加 立 毁 可 杅 曰 增。 雖 敗 以 爲 不可 簋 已 形 體 3 成器,猶 陶 者 復 人禀 如 用 變。 得 埴 口 善 氣 若 復 爲 於天, 道 爍。 夫 簋 神 冶 廉 藥 雖 柈 者 形 簋 各 用 口 受 得 廉 可 銅 壽 壹 戀 爲 爲

若 下 何 可 日 大小 : 由 鑪 蟲 變 炭之化,乃易形; 日 水 虵 短 易 潦 變 冶者變更成器 長。 其 降 化 形 人冀 不 化 便 獻 爲 如 延 魚 魚 年, 火 鼈 形 鼈 爍 易 欲 須 銅 何 壽 先 比 離 器 則 於 以 本 亦 乎 銅 火 真 可 器 燔 暫 增。 同 宜 爍, 變 水 禮 之 暴 有 乃

<sup>1 「</sup>廉」,俞樾以爲當作「無」,讀爲「無」

② 「性」,原脱,據通津本補。

③ 「不」,齊燕銘、《校注》皆以爲當作「亦」。

之爲 其 兒 潤 化 食之。 者 若 蟲 乘 天 類 蜄 也。 疾,七日 能 何 其 地 不 蛤 蟲 也。 ,臣子謹 音 非 壽 衰 益 之 歲 虵 能 蟲 次 奴 所 命 哉 之化 性 來 月 虵 乎 不 白 乃 冀 變 有「見」字。 反。 設 願 推 ? 未 髮復 慎,故 可 也 得 而 化,人 捕 移,氣 乎? 身之變,冀 貴 願 成 最 則 長, 蜄 (黑,齒 身 也 虎。 凡 夫 爲 蛤 非 不敢獻。 夫蟲 變者 不 變物類: 可 虎、 貴。 食 所 鯀 食 徒 得 冀 落 則 能之壽,不 虵 冀 也 變其 若 殛 者 者,以 復 變 壽 冀牛哀之爲 未 ; 也 鶉 羽 食 生 人之形 命 蝦蟇 人願身之變, 化 化 形 一,身氣 Ш 之。 與 乃 老翁 爲 者,不若 壽 魯 化 蜄 短 爲 魚 公牛 雖 蛤 能 命 爲 鶉、雀 鼈 1 非 變 更 身 魚 彊 過 虎 黄 不 爲 爲 哀 之 鼈 所 不 鯀 延 能 超 嬰 寢 化 爲 冀 禽 之 則 冀 不

且物之變,随氣;若應政治,有所象

形 翼 璧與 生 變,日 形 是 常 岸 故 爲。 而 化 古 非 爲 以 性 爲 體 0 爲 得 壽 不 非 蠐 璽, 也。 谷 嬰兒,長 秦使者,亡秦之徵也。 石之精 不 神 非天所欲壽 其 類 月不易,星辰 天之 能 螬 變。 草 ,深谷爲 體 璽 蠐 增 化 漢 珍 正 又化 螬。 加 爲 爲漢 時或男化爲女,女化爲男,由 興,老父授張 藥 氣 爲 至 復 本 食 陵 而 人 凡 丈 育 性 興之瑞 人 長之故, 之, 也。 爲 夫, 獨 諸 復 所受之真 不没,正 益其 娥, 命 而 不 應政 育 老爲父翁。 變 變 蠕 也 娥 轉 身 良 化 變易 者 畫 ; 有 爲 也 而 猶 書 年 性 也 之 蠶 兩 爲 變,爲 其 也 河 也。 禀 類 已化 翼 食桑老,績 蝉 精 形 人 得 受正 從 多 變 遭 蝉 爲 政 天 恒 也 正 爲 生 變 去 變非 人 地 生 時 服 ; 也。 石 氣 其 至 持 高 不 兩 又 變 藥

●「亡秦」,通津本作「秦亡」,義勝

四

之類 其年 之壽, 不可 死 ,未嘗變更者,天性 令復 ·, 可 也 一,何謂 不若 也 變 不 人願之? 如 變者 變者。 徒 變其 不可不 然也。 人欲 形 9 變 而 變。 其 年 天 性 不 形 若夫 增 不變者 輒 變 則 增 者 益 蝉

言 熒惑却 則 是 Z 死 虚 減 福 爲 者 常守 又虚 ? 也。 白 ,秦繆公有明 性 物也,受不變之形,不可 也。 年 傳 也 龍 形、 ),變化 三舍, 稱 也 稱 之爲蟲,一存一亡,一短 是虚 申 氣 夫 赤 ,高宗有桑穀之異,悔 形 形 假 松、 延 斯 性 也 不 令人生立 如 王喬 年二十一 天 德 須, 輒 口 好 傳言,宋景公出 變 也 道 上帝賜 好道 更, 復 爲 形謂之甲 載,是又 非 形 仙 年 爲 之十 變更, 常 爲 仙 不 未 春, 口 有 度 九 過 由 年不 增 使 虚 長。 氣 ,終老至 世 年,是又 反 此 三善言 減 甲 也 **()**政,享 爲 言之, 不死 變爲 可增 龍之 夏。 又 何

> 形安得以 也; 殊 粟 增 體 之貯粟 壽 如 世 形 人 米,形 損 稱 以 延 , 與 不 更以 其肌 益 年 # 高 氣 人 同 ·壽,故· 宗之徒,不言其 如 粟 米 馬 異 爲 猶 苞瓜 故? ,猶肉也。 米,囊 壽 牛壽 也。 之不 矣。 囊 形 也 有信矣。 喻之。 半 禀牛 變爲 ,增減 如 亦增 随 一石,③囊之高 馬 以 氣 試令人損益 馬 減 馬 人, 而 苞瓜 其 之形 形 身形 形之血 壽 動 壽 則 與 半 之汁,猶 年 當當 以 變異 囊 亦 人,然則 氣 壽 大亦適一石 異 當 氣 性 氣 自 苞 氣 亦 增 爲 不均 也 得 而 短 瓜之汁 壽 減 9 人之血 與 牛 徒言 牛 1,氣猶 於 其 粟 猶 馬 馬 則 米 之 之 其 於

<sup>0</sup> 可 令 至 大夫 變 者 原 爲 行 小 字 通 本 改 正

②「血」,楊寶忠以爲當作「盈」。

<sup>「</sup>一石」上,劉盼遂以爲當有「粟米」二字。

驗之? 終死。 改者 消 未 肉 黯,若有 所 少 可 減 令其 瓜 人禀氣 今言年增,不言其體變,未 高宗之徒 黄 則髮 不 增? 而 術 人陶竈 之汁 高宗之徒 也。 壞。2 惟 可變更,壽 形 無 1,天安 黑,老則髮白 形不 如故 於天,氣 1 垢矣。 土 疆 人 人生能行,死則 更火者也 形體變易,其年 也 生至老,身變者 禀生人,❸ 人少則膚 可 髮 ,誰益之者? 耐 耐 變化,年 髮黄 極 變異 增 埏 成 爲之乎?• 則 減 以 而 死 白 **6** 故 而 爲 白 人之年 形 如 形 矣。 膚爲垢,故《禮》 馬 亦 立 ,老則膚黑,黑久 使成器,入竈更火, 僵 久則黄,髮之變, 不 不 则 则 亦增,乃 人老壽 仆 可信也。 變 可 五. ? 而 髮 可 以 得變,其年 命 行 死 云 與膚 增 不 爲 之物, 則氣 相 增 遲死 加 年 耐 人,是 須 可 加 也。 何則 不 損 信也 滅 可 以 以 益 ; 口 日 如 形 形 則 人 安 ? 何 至 增 苞

> 牢堅不 形 已成 定 可 復變。 何 可復 今人以 更也 爲 天 地 所 陶 冶

羽。 真 虚 雲, 毛 羽之民,不言不死,不死之民,不言毛 身主毛 羽 則 正 語 羽未可以效不 則 亦有 翼 人 不死之民,亦在 置 年增矣,千歲不死,此 也。 羽 矣。 仙 也。6 人之形,體生毛,臂變爲翼 虚圖。 毛羽之民,土形 海外三十五 禹、益 死,仙人之有翼,安足以驗 假使之然,蟬娥之類,非 外國,不言有毛羽 見 一國,有 西 王 所 虚 母 出 毛 圖 不 『非言 民、 也。 言 羽 世 有 行 爲 毛 毛 道 有 於

<sup>「</sup>壞」,原作「懷」,據通津本改。

<sup>「</sup>禀」下,黄暉以爲脱「氣」字。

<sup>「</sup>所術」,通津本作「非變」。

<sup>「</sup>髮」下,陳世宜以爲脱「膚」字。

<sup>「</sup>主」,通津本作「生」。

長壽乎?

# 率性篇

令近惡 是 絲 之藍 姝 以 也 在 漸 善 日 凡人君父審觀 於惡 故 9 者 善 厥 [矣; :「今王 楊 其 則 子 初生。」生子謂十五子,初 論 使 其惡 青,染之丹則赤。」十五之子,其猶 子 有 初生意於惡,終以 ,惡化於善,成爲 ; 之 人 何 近惡 , 哭岐 、之性、定有善有惡。 爲 所 初 以 者,故 青 漸,化爲 服 與之?」傳言:「 臣子之性,善則養育 赤 則 道 厥 輔 也 命,於戲! 可 墨 保 教告率勉,使之爲 子 善惡, 青 禁防,令漸 哭練 性 赤 恶。 行。 猶藍 絲 成 譬猶 其善. 《詩》曰 生意於善,終 若生子罔 召公戒 也 真 丹 於善。 1者,固 色無 練絲 勸 之染 蓋 率 傷 成 「彼 善。 異。 練 離 絲 染 不 無 善 自 王

> 紗之質 直 本 之性猶 可 變爲 不 白紗人 可 蓬紗 不 善 復 黑 變也。 緇 猶 也 ; 在 不 此 麻 類 扶 練 所 人之性, 也。 緇 漸 自 染, 染 黑。 蓬 而 使之直黑。 生 善 善惡變矣 彼蓬之性 麻 可 間,不扶 變 爲 不直 惡 夫人 自 惡

如 以 桀紂之民,可比 無 故 此 良 則駔 直 也。 此 狂 日 竟在 : 道 愚。」傳 王 王 良、造父,稱 而 工 如徒 庸 行 良 化 曰:「堯舜之民,可 也 登 師 不 能 。」聖主之民 服 車 在 屋而 御 馴 馬馬 性 良,其 爲 技 也。 誅。」「 不 能 善 罷 不良者不能 御,不能使不良爲 聞 駑 何 斯 如 伯 奇 民 夷 彼,惡主之民 堯 比屋 而 也,三代 之風者, 舜 世 爲 稱 而 政、民 馴 之? 封 服 所

<sup>▶ 「</sup>練」,原作「德」,據錢批、通津本改爲「練」。
▶ 「善漸」至「命於」,原爲雙行小字,據通津本改爲正文。

<sup>≥</sup> 上「不」字,據文意疑爲衍文。

時, 斯 矣。 鷄 路 倍 猛 接 任 夫 夫 奮 蓋 敦 時 教 形 廉 氣 也 卿 孔子 變 消 豚 相 戴 面 而 而 訓 閭 性 損 之 鄙 懦 鷄 相 世 揚 之 巷 使 引 騎 用 敦 夫 佩 夫 稱 功 常 脣 惡 而 告 寬 有 豚 節 子 吻之音 庸 被 而 爲 教之, 乎 7 屈 路 勇 漸 善之明 無 服 ? 徒 志 折, 猛 無 奇 漬 聖 聞 漸 ; 孔 無 恒 之力也。 教,文才 卒 風 聒賢 其 聞 漬 門 禮 之 效 能 名 柳 尤 磨 弟 , 也 庸 政 甚 聖之耳, 聞 下 礪 子 猶 事 惠 不率 雕 誦 七 或 開 未入孔 之 琢 讀 序 + 變 未 導 者 風 之聲 在 之徒, 節 X 牖 惡 知 者 几 孔 至 子 能 進 唯 況 科 , 之 甚 摇 門 子 + 皆 薄 親

焉 鋤 者 與 彼 厚 性 肥 以 美 夫 加 肥 钁 沃 樹 糞 沃 鍤 者 稼 壤 鑿 墝 相 豐 勉 地 埆, 似 茂 致 類 以 土 人 埤 也 墝 地 功 增 而 之本 地 下 以 埆 之 者 助 性 則 高 地 性 也。 其 悪 下 力 下 肥 與 其 亦 深 高 如 樹 耕 而 者 此 稼 細 沃

> 受命 性 焉 钁 利 其 世 爲 將 更 齊 金 有 本 之 富 善 善 爲 ,得聖人之教,志行變化 ; 鍤 惡 價 贵 鋌 猶自 一,善則 如 人者 賜 者同之矣。 彼 高 更 復 利 ·山 本 崇 棠 地 而 增 劔之鍛 不 於 中 益 得 且 谿 有 其 钁 受天之富 之恒 貨 高 更宜 魚 饒 高 高 鍤 富 殖之術 地 者 善以 有 與 腸 則 鐵 反過 反 也 下 鍊 之屬 性 夫下者 也 勉 爲 乃 化 i悪之· 命 於往 也 下 渥 龍 致 賜 所 異質 冶 其 加 善 西襄 工 夫 不 不 泉 使 世 哉 得 貨 猶 教令之善 徒 鍛 受 其 稱 亦不 太 教令, 齊者 財 ? 鍊 其 命 下 之 利 四 術 積 性 而 劔 禀 成 地 Ι. 之 聚 也 貨 增 變 良 爲 有 雖 有 天 輩 銛 善 千 爲 殖 師 加 申 則 善 不 反

<sup>■「</sup>能十」至「人未」,原爲雙行小字,據通津本改爲正文。

❷ 「開」,並云「闓」、「開」字同。

二八

起,而 善哉 難 命 坐 鐵 熟 巧 Ŧi. 一觀之, 哉 之 鍛 常之性 石 鍊 ? 天 鍊 疾 以 然,尚 也, 古 足 數 何 針 賢 貴 其 至 藥 以 無 聖 良 火 也 爲 治 爲 其 器 齊, 未之熟鍛 奇? 鍛 而 教 者, 試 己 鍊 其 治 取 之。 者 能 銛 夫人有 東 而 變易 猶 知 下 鍊 欲 如 篤 T 直 耳 **\$** 徒 故 金 劇 不善, 之 變 更, 知 之 質 奚 金之 劔 病 病 患 ; 則 之 況 性 也 所 劔 岢. 乃 名 之 人 從 含 性 不 不 而 牛 夫 更

意 與《禹 之玉 之? 藥 生真 者人 加 作 也 珠 加 玉 天 貢 比 珠 禹 道 知 〈》璆琳 精 之真 陽 貢》 巧 有 也 耀 遂 真 日 亦 如 玉 傷, ① 取 皆 然 真 與 璆 火 光 而 真 真 琳 於天,五 道 真 不 道 玉 者 琅 者 人 殊 士 珠 無 玕 消 别 古 之 也 一者 以 爍 自 教 月 異 兼 Ŧi. 與 丙 然 至 也 此 天 石 魚 9 午 而 則 蚌 相 日 隨 作 知 土 何 之珠 應, 中 巧 侯 Ŧi. 地 以 之 之 以 色 驗 所 僞

> 之所 漬 珠,人之所 乎 焉 時 類 日 刀 ? 乎 以 劔 則 消 德 ? 夫 之鉤 致 亦 火 鍊 鉤 亦 也 可 來 口 Ŧī. 月 月, 摩 令與 將 至 率 石 非 今夫 H 刀 摩 勉 陽 鑄 有 道人之所 劔 此 拭 之 遂 以 性 鉤 真 朗 **\$** 也 爲 惡 1義之操 月 白 取 器 其 之 所 焉 火 人 仰 爲 以 鑄 磨 。 ③ 之 善 玉 以 耐 礪 使 道 隨 繒 教 取 生 龃 也 導 日 火 光 使 性 侯之 以學 者 之 善 亦 今 仰 所 異 者 得 摩 妄 以 作 漸 類 拭 火 以 繒 口

聽 戰 以 天 于 怒其 下 阪 黄 泉 帝 讓 猛獸 之 與 舜, 野 炎 欲 鮌 帝 爲 以 争 諸 爲 戰 爲 侯, 亂 得 天 子 欲 志 比 得 炎 獸 教 之角 帝 熊 敗 羆 口 而 績 貔 以 堯 虎 爲 不 堯 以

② 「教」,楊寶忠以爲當作「數」。 「天」,黄暉、楊寶忠以爲當作「去

<sup>3 「</sup>鉤月」下,楊寶忠以爲脱「同」字。

城 所 不 推 禽 復 此 獸 由 舉 疑 以 與 不 尾 在 矣。 論 人 以 於 百 殊 爲 物 異 形 獸 旌 在 類 率 猶 以 奮 舞 於 殊 可 心 潭 人 爲 命 盛 也 魚 同 戰 氣 出 同 況 阻 聽 類 戰 六 以 同 爲 鈞 馬 類 彊 仰 爲 平 異 秣 夫

於路 獄 無 者 更相 楚促 飢 舒緩,風 在 楚、越之人,處 之民,或賢 理 所 心比 飽 君子之迹,庶 之 不 畏 出 急, 凡 更,欲 性已 含 也 入,久居 木石 曉 燕 俗 血 東 戆投。」 移 或 毁 是 氣 西 令凡 也 不肖,堯舜 傷,不可 故 莊 者 不睹 幾 木石 單 王 ,教之所 以 可 故 嶽 衆見禮 處, 法 見 猶 莊 之 日 燥 不 如 爲 、嶽言之,四 性 間 濕 廢 何 有 齊之, 人 必 以 義之教。 齊 學 經 不 一變易。 用 癡 異 舒 歷 校之官, 前 覺 況 狂 化 緩, 恩 歲 之 無 疾 非 也。 疾 秦 教 或 病 月,變爲 所 學 夫 木 之民, 加 觀 慢 校 不 性 歌 石 易, 也 悪 苗 勉 除 ? 卻 知 啼

> 禍 不 拜 是 故 非 於 其 側 勉 何 伏 故 軍 人性 也 患 皆加 以 寢宮之庭,赴 前 視死 叔 之 驗之? 法 性 初 之所 孫 法 惡 禁防 驕 刃 如 通 輕 於肩 倨 歸。 患 制 貪 刺 其 而 定 也,二主 其 血 後 火 軍 後 且. 禮 血 不 0 死 之 遜 闔 儀 流 服 孟 者 士: 使 順 廬 至 拔 教 賁 激 不 · 非 丹 聖 嘗試 地 率 朱 劔 勇 教 威 可 能 之志 争 也 其 德 念 句 勝 制 自 功之 一,聞 不 數 踐 士 也 變易 亦 遇 於 顧 亦 ; 軍 臣 而 將 勇 試 Ŧi. 生。 夫 **\*** 性 可 以 其 湖 刃 将 懼 也 勉 禮 生 是 之 火 率

實不 也。 氣 不 泊 君子 殘則 異 足,喜怒失時 則 豆 麥之 而 戾 禀性 授 效 而 殊 不 少 種 異 慈,勇 仁之氣 者,禀氣 與 類 稻 計 乎 粱 渥 ? 慮 泊 殊 則 有 輕 譬 厚 而 猛 然 愚 諸 怒 泊 而 ,妄行 食 五. 則 無 故 能 禀 穀 義 性 去 皆 之人,罪 勇 而 飢 有善惡 渥 爲 X 用, 也 和

= 0

完 近 水 爲 墻 行 墻 豹 急 忧 教 急之與緩, 故 也 也 君 0 泊 猶 、安于之名 膏 以 具之人。●  $\mathbb{H}$ 壁宇達,人指訾之。 爲 兀 日 佩 子 雒 腴 氣 是 漳 百 非 惡 少 自 夜 韋 陽 故 厚 水 畝 則 蔽 以 馳 而 故 城 氣 也 酒 與 畝 自 仁 流 鄴 鄣 俱 其 中 受 泊 有 之 收 獨 緩 義 能 失 操 水 之 爲 多 患 可 泊 五. 殊 ; 之道 中 納 道 之具 得 常 行 Т. 不 少 其 厚 鍾 董 百 韋 和 之 參 不 無 能 同 西襄 安 故 含 弦 數 及 功 水 宅 也 然 化 西 也 夫 如 于 之 性 Ŧi. 加 善 門 麴 也 人 而 財 水 不 緩 人弗 教 麴 有 臟 於 之質 豹 貧 韋 孽 貨 患 孽 工. 賢 身, 灌 帶 劣 補 皆 由 富 弦 激 多 猶 人 復 愚。 此 宅 附 弦 猶 以 接 具 愈 孟 之 上 性 非 小 或 言 漳 屋 身 以 於 鄴 不 母 洛 之 善 使 厚 起 西 之, 足 身 水 自  $\mathbb{H}$ 之 不 中 難 魏 咸 門 之 屋 或 惡 徙 之 成 之 築 迫 率 道 具 則 然 泊 爲 豹 共 禀

> 之若 性 之 潔 亦 心 化 宅 覺 勢 在 南 蓋 於 性 使 俱 陸 夷 改 得 之然 教 賈 之俗 悔 爲 其 不 説 前 驗 奉 水 則 也 背 以 獨 制 若 漢 人 在 源 稱 畔 彼 南 德 性 間 從 蕃 後 王 越 之水 也 懼 天 制 王 其 則 涯 以 趙 於 椎 若 污 ; 聖 他 椎 髻 或 濁 此 威 髻 箕 本 濁 在 箕 漢 蹶 坐 或 由 野 賢 清 坐 然 此 好 外 言 起 人也 也 之若 者 所 悪悪 坐 在 清

# 吉 驗 篇

物 見 於 或以 凡 地 人 禎 故 禀 祥 有 貴 或 天 命 以 命 於天 光 也 氣 驗 必 見 有 吉 非 驗 見 或 於 以 地

「咸」,通津本作「成」。

傳言

黄

帝

姙

+

月

而

生

生

而

神

后

稷之母

9

履

大人跡,

或言

衣

帝

嚳

之

傷 舜得 害。 龍。 搏 洪 物 治 逢 天 有 羆 弱 在 欲 蝮蝮 堯 命 物物 詭 職 水 母 戰 而 凛,火 殺之,不能 脩 無照 當貴,故 滔 卒受帝命 下 異之驗; 水治 之身,留 能 虵 有「故 爲之使。 凛,不 天,蛇 言。 事 在 伐 不 東 噬 無 側 燔 字 炎 流 長 陋 廢 帝,炎 0 被 其 從 龍 多 有 踐 大 蛇蛇 逢 害 亂 下; 堯 火災; 唐 神 + 率諸 爲 堯 烈 天 瞽 龍 體就 侯 靈之命 害 月 帝 風 聞 子 之毒 使 瞍 潛 令之浚 X ; 侯 徵 祚 疾 敗 處。 人 與 嗣 之 穿井旁 命當 堯 整 用 績 雨 大 諸 象謀,欲殺之。 如 帝 故 使 一之野, ,試之於 有 麓 侯 行不 井 后 日 禹 爲 有 性 之野,虎 殊 歸 一, 土 之位。 出 帝 治 驗物 奇 望之若 與 之。 迷 禽 不 故 掩 水 之 職 蟲 惑 其 之效。 一骨,故 異 教 觸 能 舜 驅 不 狼 故 熊 能 使 官 未 夫 土 蛇 教 不

> 殺之。 守於 我 就 功。 父,而 堯,位 集 馬 服 氣 以 于怪之,以 故 其 不 而 羽 嘘之,不 坐 單于 (身,母 食之。 翼 敢 西 息 昆 至 有娠。」 婢對 城 踐 覆 莫 司 帝嚳之處, 乃 愛其 之。 死 馬 生 爲 知 北 夫后 復以 日 ; 後 神 : 其 夷 身 真之冰 棄 復徙 烏 産 而 橐 神怪,乃 稷 其父之民 於野 ; 有 孫 子, 收長。 離 姙 不當棄,故 昆 置 氣 王 或 身, 捐 莫 烏烏 上 馬 大 號 王 不 鳥 於 欄 如 怪 昆 收 及 銜 侍 當 予昆莫,命令長 猪 中 鷄 莫, 而 壯 養 婢 肉 以 子,從 溷 死 牛 棄之隘 之。 欲 有 翼 ,使兵, 往 匈 中 馬 故 使 娠 覆 食 奴 不踐, 長大 猪 3 烏 馬 天 之。 之。 攻 巷 數 而 殺 藉 以 銜 王 佐 有 慶 牛 殺 下 欲 肉 鳥 單 口 其

<sup>■「</sup>故」,原漫漶不清,據通津本補。

② 「母」,原作「時」,據四庫本改。

③ 「橐」,劉文典、劉盼遂、孫人和、楊寶忠等據《魏略》及

 $\equiv$ 

若 當 之而 里 鱉 母 東 且 時 東 馬。 子,令 之,馬 夫 明 一,顧 伊 感 走 生 都 爲 餘 走 ,見氣從天下, 明 之時 生之。 夢 東明 尹之類,必有先時 王 橋 得 南 其 毋 其 復 夫 故 而 渡 鄉 顧 至 母 以 北 善 走。 其 天 餘 皆 掩 魚 收 射 口 夷 命 長大,王欲 故 爲 淲 母 鼈 推 有 取 氣 主 不 明 水 水 夢 有 解 此 夫 嘘 當 而 矣。 日 恐奪 奴畜 以以 人 魚 散 餘 以 之, 死, 生,●棄之,猪馬 謂 游魚 追 弓擊 論 視 或 感 伊 其國 之, 不 爲 故 殺之,以弓 己 焉。 臼 兵 動 尹 歷 死 橋 有 日 水, 名 出 在 不 陽 命 也, 猪 之 東 水 東 他 之 得 不 魚 日 王 助 馬 明 欲殺之。 地之效 明 都,其 渡 當 鼈 即 疑 之救 之 也 擊水 出 没 浮 東 令牧 以 母 因 以 水, 故 爲 策 走 伊 氣 爲 初 都 橋 + 疾 東 命 其 4 尹 命 魚 吁 姙 王. 天

立 管仲 齊 襄 輔 公 之難 子 糾 鮑 桓 叔 公爲 佐 桓 公 公。 子 與 管 仲 子 糾 與 争 桓

> 皆有 故 之。 子: 之 矢觸 鉤 公争 王 哲皆遠 而 尺,帶約 寸之内,既微 共王 及 助 人 者,莫不 子 拜 乃與 寵 大 〈身而 引 故 共王 招、子圍、子干、子晳、 落,不跌 之, 死, 其 弓 有 巴 康 弑 要,鉤 蹉 招 棄 射 射 王 姬 小 跌 無 爲 疾 之, 跨 鉤 埋 子干 難 中 適 康 弱, 之,子 挂 璧 不 中 中 旁 管仲 立, 王 於帶, 於 中 -, 又滑 爲 抱 肉 其 太 乃望 之 王,十 至 帶 而 韋 射之, 室之 驗。 命當 在 子失之; 鉤 肘 澤 祭 身 0 加 有 再 銛 棄疾。 庭 正 Ш 楚 所 富 夫 餘 焉,子干、 靡。 ~, 令 拜 ][[ 中 貴 共 掩 人 日 皆 其 不 0 王 韋 五. 身 請 鋒 有 ; 壓 鉤 Ŧi. 爲 子 子 有 神 過 神 長 刃 紐 中 灵 哲 子 齊 決 Ŧi. 灵 中 七

<sup>●「</sup>而」,通津本作「及」。

<sup>≥ 「</sup>圍」,原作「圉」,據四庫本改。下文「子圍」、「圍爲

祀,是爲文子。 於景公。 程 滅 遺 晉 随 壁 續 袴 矣。 若 嬰 中 腹 屠 遠 楚 立 人 齊 岸 子。 拜 近 祀 文 無 祝 賈 由此言之,趙文子立 負之,匿 相 遠 聲。」 俱 景公 曰 及 作 應 如 : 誅 近 岸 難 也 其 及索之而 不 死 神 乃 趙 賈 當 誅 於 同 夫 符 氏 與 聞 皆 趙 Ш 趙 、壁在 宗滅 韓 壓 之,索於宫。 絶 其 孤 中。 盾 紐若 之无 厥 無 之子。 王 終不 地 乎,若 共 後 至 日 中 命也 吉 立 景 神 之 啼 ·, 五. ,若有 趙 將 棄 公 長 朔 當 一時 遂 孤 教 死 子 短 疾 母 啼 韓 脱 不 跽之矣。 後 置 續 其 與 掩 得 知 立 即 兒 拜 厥 其 趙 妻 活 於 有 氏 相 竟 去

飲 飲 神 有 醉 齊 美 遇 質 止 高 酒 卧 是時 皇 性 售 帝 数 好 媪 13: 倍 雷 用 日 電 酒 負 劉 晦 後 見 媪 行 冥 其 嘗 嘗 澤 身 從 蛟 息大 中 常 王 龍 手 媪 有 在 澤之 斬 神 上。 武 怪 大 陂 負 及 蛇 貰 生 夢 每 酒 留 而 與

> 卒得 哭。 既 恨。 著 得 高 往 成 其 吕 嫗 起 項 氣 .0 生 祖 羽 上 下 舞 謝 Ŧi. 后 聞 當 免脱 之上 采,此 於是 范 約 常 始 隱 道 項 矣。 酒舍見雲氣之怪 殺勢不 皇、 羽 增 於 頂 先 而 有 、芒、碭 遂 者 伯 東 泣 曰 人 氣 秦 日 羽 皆 伯 · 云 知 : 遊 秦 直 始 與  $\pm$ 后, 得 天子 之, 嗣 起 以 亞 天下 吾 Ш 輒 皇 : 成 望 王 厭當之。 令人 以 父謀 澤 之氣 大 0 帝 赤 見 之。 0 身覆 往 間 與 會 常 帝 光 求 殺 望其 初 有 頂 也 日 子 高 氣 姙 高 吕 夜 高 莊 張 輒 殺 高 祖 身 祖之身。 后 行 祖 氣 良、 俱 急 得 吾 先 祖 項 有 東 斬 與 擊 起 使 其 子 羽 氣 樊 至 之 蛇 蛟 人 南 0 之。 項 處 皆 謀 噲 龍 求 氣 有 劔 蛇 每 莊 項 此 殺 之救 之, 之 爲 也 高 劔 拔 羽 天 遂 後 嫗 驗 神 龍 項 悲 不 祖 怨 見 與 子 加 劔 與 既

● 「起」,原作「氣」,據通津本改

驗 伯 爲 氣 蔽 見 謀 而 物應,人 遂 不 成, 助 遭 輔 得 援 良、 也 噲 0 蓋 富 貴 之

其 活,又 之。 生 伯 練 百餘 自 炭 爲 氣 家,至宜陽,爲 后言於景 后 有 狀 生 新 1 與 下百餘 人所掠 河 經 時 數日當爲侯,❶從其家之長 天 文帝立 人皆死,廣 立,家在 竇 封 人從門 東 太后 通,長. 以 上 蒲 爲 夜,適 天, 明 賣。 帝 人,炭崩,盡 坂 侯。 拜 弟 清 呼其父名,父出應之,不見 召 大 其 其 名 免 或 廣 河 也 見 仕 虞子大, 家 以 主 日 母身。 或 獨脱,2命當 觀 9 官,位 問 問 不 廣 人 爲 津 其 知 國 人,人皆 其 人 乃上 章 壓 生 其 年四 故 Ш 武 一死 母 陳 至 亦 所 作 ,果是。 見 侯。 留 司 以 書 在 廣 炭 其 富 東 徒公。 日 夜 Ŧi. 自 安,聞 或 上,若 夫 貴 莞 半 歲,家貧 陳。 傳 「古。」貴 暮 獨 積炭崩 人 時。 乃 非 賣十 廣 得 寒, 也。 徒 厚 竇 竇 脱 適 文 疋 得 賜 太 皇 卧 餘

> 賜 學宦,位至廣漢太守。 杖 有 杖。 人 門 木 其占者若曰: 杖植 以 示 人。 其 門 人占 側,好 「杖當子力矣。」 文伯當富貴,故父得 曰:「吉。」文 善 異 於 衆。 伯 其 長 父 大 持

陽宫 也 無 充 1 莖九穗,長於禾 Ė 蘭 火,室内自明。6 ,毋多言。」 長 , ●使出 後殿第 光武帝,建平元 孫 所。 問問 二内 是歲 長 卜工 孫 中,皇考爲 有 一二尺,蓋嘉禾 1 皇考怪之,即 禾 年十二月甲子生 蘭 謂 生 與 永 景 馬下 天 蘭 濟 備 日 卒蘇 陽 火 : 令。 也。 召 中 功 此 永 吉 俱之 元 曹 於 時 本 帝 事 吏 夜 濟

0

<sup>●「</sup>卜」,原作「十」,據通津本改。

<sup>「</sup>國獨脱」,原漫漶不清,據通津本補。

<sup>● 「</sup>東莞」,孫治讓據《後漢書·虞延傳》等以爲當作「東

<sup>「</sup>若」,劉文典以爲上可增「氣」字。

⑤「吏」,孫治讓以爲當作「史」。
⑤「自」,原作「目」,據錢批、通津本改。

察明 耳。 高 驗 其 北,與伯阿見,問 使 若 界 之初 有 濟 過 祖 氣 頃 中 陽 不足言。 火 著。 蓋 佳 , 0 不 遇 宫 春陵城郭、●鬱 正赤,在 光 天命 也? 賊兵,惶惑走濟陽舊 有 有 · 見。 武 継 鳳 鳳 者 當 体 創業龍 凰 凰 伯 王 舊 興,聖 守 下 廬 莽 曷 廬 阿 日 文 濟陽宫,一 時 興,由 道 嘗 對 : 始 鬱葱 因 王 南 無 謁 日 與李父等 卿 當 據 : 天 者蘇 微 光 前 葱。 「見其 前 出 人 有「訖」 耀 賤 過 廬 基 神 前 春陵, 伯 起 憧 及 後 禀 俱 字。2 怪 於 阿 憧 比 機響 光 氣 起, 顛 天 能 到, 上 光 武 何 光 驗, 望 屬 沛 顯 葱 用 見 到 到 故 若 天, 氣 氣 之 照 光 柴 葱 知 河 今

論 衡卷第二 驗

乎?

元 帝」,黄暉 云當作「哀帝」。

0

范」,吴承仕以爲當在下句正文「故」下「今」上。 春陵」,黄暉云當作「舂陵」。

## 論 衡 卷第二

## 會 篇

偶

數 非 命, 有 他 吉 氣旁物 [X] 之主 厭 也 勝 感 自 動 然 使之然 之道 , 也 適 偶 之

下

長。 也 爲 商 誣 絶,子蘭、宰嚭 周問 也 讒 君適 二偶三合,似若 ,吴、楚之君 世 之數 謂 夏、殷之 不 子胥伏 適 明,臣 起 適 湯、武 朝 爲 劔 適爲 冤 適 讒, 殺 有之,其實自然 窮,桀、紂 屈 讒,二子之命 而 之 之德適 原 懷 也 自 王、 沉,子 偶二子 豐 之惡 夫 差 蘭 關 偶 滴 滴 非 龍 信 命 宰 自 稔 他 逢 不 女 當 嚭 ;

> 説 德當 議,湯、 脩 王 人 二子命訖 殺,箕子、 爲 時 臣 當昌 治 遂。 命 兩 ,度數 君 有 武 非 日望 出 吉 且 之 比 也。 文王、高宗爲 [X] 興 期 干 相 之會, ,賢不肖之主與之相 也 人 得 命當貴; 死 君 明 任 當桀、 亦二臣當 伊 臣賢,光曜 尹 高宗治當 之言,納 紂 臣 惡 生, 用之際 盛 相察; 吕 一之時 平 吕 逢。 望、 望之 傅 也 傅 文 説 亦

王

充

魯 之語 也。 出出 之袄當效,周 王 長,所禀不同 日 昭 亭 王 . 之惡 性 當 愚 孔子命不王,二子 「天祝予。」孔子自傷之辭 顔淵 驗 惑 偶 死,子 適 也。 恶。 鬭 成。 厲 鷄 遭 非 度數 適 之變適 日 逢 非 闦 . 僮 會 龍 並 櫝 天 遇,自 謡 使 放 生 壽 , 喪子。」子 致 厲 褒 不 適 鬭 王 鸜 姒 長 相 相 發 競 當 鵒 得 應 也。 非 孽 之占 喪 鸜 也 實 也 路 周 鵒 褒 不 然之道 死, 或 僮 王 招 姒 應 龍 子 君 不 **\$** 出

軌 舜 惡 也 非 朱 期 舜 爲 數 禹 無 自 當 道 至 得 ; 天 人 虞 下 行 統 偶 當 能 合 使二子惡 傳 也 夏, 商 堯 均 命 世 當 行 ; 美 禪 不

惡

是

非

適

相

逢

也

寅 終 而 不 星 殁 子 建 見 並 也 嗣 使 時 火 度 ;姑死 」, ③老少 申 星 火 轉 破 與 星 乖 介 昴 星· 也,❷轉運之衡 伏 也。 而 年 婦 出 次 非 IE. 代。 自 入, 昴星 火 月 之性 相 建 非 承 寅 子 偶 也 低時 厭 婦 斗 自 服 嗣 應 魁 昴 火 代 也 破 星 也 使 申 出 父 父 時 姑 非 殁 偶

以 熟 生 而 老 白 驗 死 人終 夫人終鬼 之? 歲 世 適自 而 謂 此言失 觸 終, 秋 物 枯 何 氣 有 物 死, 來 氣 實 擊 秋 生 物 而 殺 陰 不 亡? 穀 夫 氣 死 死 歲 物 草 適 者, 寒至,皆適 而 以 • 盛 論 死 生性 春生夏 穀 者 與 草 猶 之 死 未 不 或 謂 會遇 遭 極 長 任 謂 陰 也 也 鬼 氣 秋 凋 殺 喪 傷 何 而

> 吉 龍 殺 履。 終 而 此 見 X 不 同 月 枯 鬼 同 人 毁 類 時 也 或 於 壞 通 偶 見鬼 屋 氣 天 屋 適 所 老 性 相 而 螺 壓 崖 遇 相 不 消 非 沮 感 崩 死 於 動。 ; 崖 氣 淵 命 物 所 感 [X] 若夫 死 墜 也 之 風 觸 非 人 從 物 寒 屋 虎, 事 遭 精 或 相 雲從 団 崖 觸 適 氣 寒

之囚 施,厚 出 盡 德 也 令也 出於牢 殺 禄先逢。 人 故 者罪 害氣 聖王 中。 至. 下 是故 適 大辟 天非 降 下 赦 殺 人 德 爲 命 令降 囚 拘 者 先 未 罪 人 當 中 於殿堂, 適 重 當 死 死 6 使使 免 者 死 聖 王 命 命 猶 德 當 王 長

<sup>■ 「</sup>也美惡是非適」,原爲雙行小字,據通津本改爲正文。

<sup>「</sup>申破」,原漫漶不清,據通津本補。

<sup>「</sup>嗣」,原作「代」,據四庫本改。

<sup>「</sup>擊」,原漫漶不清,據通津本補。

<sup>「</sup>囚」,黄暉謂乃「凶」之誤,是。

覺 也 力 以 作 亦 夜卧 亦 與 倦 復 畫 日 欲 足。 起 相 矣。 應,息與 休 非 天 息 夜 以 日 ; 夜 光 日 畫 相 盡 日 作 得 • 之, 光 也 不 明 以 可 夜 人 以 息 团 作 之 亦 ;

耕 陵 春 田 亦亦 之畢 雨 禹 也 適 鴈 如 葬 鵠 作 蹈 此 會 集 焉 履 避 稽 於 民 熱 會 鳥 傳 Η, 稽 北 爲之佃。」矢 日 去, 啄 去 食 復之 避 舜 草 碣 葬 糧 石之寒, 碣 蒼 事之實, 石。 梧 糧 象 盡食索 象 來 耕 爲 虚 遭 之 靈 民 妄

覆之 賊。 女早 早寡 火 自 適 然 ·死者, 之妻 類 也。 丈夫 自 今男女之早夭非 滅 也 嫁嫁 使火燃,以水沃之, 有 夫 水適 賊 短 賊 亦 父之子,妨 壽 遇 妻,妻害夫。」非 自 之 夭折 覆 相 水 兩 之夫 沃 娶 名各 火之比,② 兄之弟, 必 也。 得 自 可 謂 敗 早 相 世 不 賊 寡 水 與  $\vdash$ 適 賊 害, 之 : 此 自 爲 妻。 火。 口 男 滅 相 命

> 鄰 尊,故入次公門。 其 氣 厭 君 死 召 賊 未 許 亡 實不然,次公當 溺 巫之女,工謂女相貴 貨 相 無禄之人,商 嫁 同 氣 何 宅 加 夫 而 謂 不 命 而 相 遥 相 妨 處,氣 賊 賊 犯 檕 ? 三家, 夫 相 也 偶 3 而 相 貴,行 死 賊 適 或 無 加 命貧 然自 何 死 如 ,6故次公位 客 盈 凌, 其 何? 當 死 與 農 羸 居 相 千 痛 女 適 遭 無 而 瘠 也 里之外,兵 會 趙 王 遇,時 無 消 利之貨,禄 莽 而 播 單 至丞 女 黄 王 姑 公取 薨。❹ 也 非 亦 姊 至 相 自 其 燒 於 正

惡 性 殖 不 滋之檕 也

6

I,

通

津

本

作「卜」。

三八

<sup>0</sup> 日 原作 月 據 四 庫 本 改。

<sup>2</sup> 沃」, 原 作「夭」,據 通 津 本 改

<sup>3</sup> 何」,吴承仕 云當作 可

<sup>4</sup> 夫」。 行小字 姊 四 據 庫 本 通 津 無 此 本 字。 改 爲 正 許 文。 嫁 至「死 「夫二」,通 死 津 字原 本作「二 爲

貴 孟 己 孫 拔 迭 時 推 衰 忌 然。 孟 且. 起 家 미 於際 失位 起 此以 孔子 悪 命 賢 子言天,不 子言天。 復 時 與 治 泊 見 天 世 猶 人用 適 人薦 人 宅 論 之人 會 家 也 也 謂 道 稱 平 此 興 遭 犯 宅 難 類 , 衰 命 己。  $\Box$ 小人毁 得 也 世 道 忌 時 有 君 尤 知 期 0 也 吉 , 不 0 謂 未當 適 吉 治 當 臧 故 魯 故 [X] 口 吉之 假 推 韓 當 凶 聖 道 亂 倉 人臧 孔 仕 適 奇 以 此 **\$** 信 退 行 主 功 子 且 + 相 0 徙 禄 以 地 有 化 龍 誠 稱 張 倉 公伯 得 遭 數 與 遭 君 有 論 命 興 知 官 移 良 命 讒 歲 遇 衰 讒 用 可 [X] 坐 於 仕 時 徙 也 孟 寮 復言 讒 月。 相 不 之 輔 倉 命 宦 而 子 適 愬 大 遇 治 怨 君 口 當自 助 卒 進 死 於 觸 子 此 亂 實 也 , 公 子 ; 漢 者, 退 平 良 天 論 路 時 歲 當 成 伯 事 輔 王 然 遷 公, 聖 敗 輔 命 未 於 適 必 月 衰 則 寮 善 也 徙 當 故 賢 當 禄 之 超 與 季 之 不

> 之 當 終 侯 太 韓 不 信 無 相 富 求 秦 頭 日 貴 生 傅 生 恤 應 如 滅 罷 良 當 ; 不 也 0 是故 仕 遭 漢 無 退 之輩 睡 2 貴, 賢 啼 非 至 興 恤 富 **\$** 团 命 趙 天 高 太 遭 相 家之商 遭 高 簡 以 非 伯 祖 時 傅 罪 出 與 亦當 子廢 子 祖 或 起 倪 當 魯 也 世 弟 得 法 掩 於 0 命 必必 寬 君 自 謂 太子伯 助 豐 明 其 王 故 當 趙 遇 興 奪 高 0 白 賴 口 軍 世 賤 也 沛 貧 , 祖 倪 夫 兩 9 功 禄 閼 室之財 魯, 也 高 之侯 知 寬 豐 相 趙 世 秩 其 慮 遭 祖 武 謂 立 命 適 声 沛 實 多 遇 命 藏 伯 庶 相 子 也 極 必 謂 當 於 泯 魯 子 小 若 0 弟 削 斬 , 袴 大 不 乱 無 自 不 命 故 相 故 兵 士. 然 肖 中 也 恤 王 厲 免 死 時 適 多 相

<sup>●「</sup>於」,原脱,據通津本補。

<sup>「</sup>兵死」,劉盼遂云乃「死兵」之誤倒。

虚 氣 耗 所 之家 中 必 矣 加 命 短 之人 , X 歲 所 苦 0 必 飢

### 骨 相 篇

皆 背 頡 記 三漏 牛, 者 侯 所 察 用 霸 ,竹帛 共説 在 樓,臯 表候 四 之 ,骨法之謂 帝 湯 骨 人 帝嚳駢 以 蘇 王之位, 體 日 臂 在經 爲黄帝史。 胤 陶 秦骨鼻,爲六國相 知 命 再 文, 馬 命,猶 難 监 傳 人 肘 П 也 非 命 知。 文王 者,較著 ,孔子反 或輔主憂世, 堯 儒 禀 傳言: 察 眉 者 命 晉 於 斗 八 四 所 甚 公子 天 、采,舜 斛以 「乳,武 可信。 見,衆 羽。 易 黄 則 重 帝 知 知 有 耳 世 斯 張 目 龍 王 容矣。 多 若 知 表 + 儀 所 化 望 顔 重 之 非 夫 候 共 化 脇 顓 陽 瞳 短 何 一聖者, 於體 爲諸 聞 脇 周 表候 0 書 禹 用 頊 儒 亦 公 戴 蒼 俗 耳 ?

> 狀肥佼,亦一 爲滕公所鑒,免 而 分王天下。 相 衆 秦、 人怪 魏 之,曰 項 陳 相 羽 平 於鉄 也 : 重 貧 瞳 平 而 質,亦 · 云 飲 何 食不足, 虞 食 以 舜 而 面 肥 之 狀 ? 後 貌 有 体 及韓 異。 與 佼好 高 信 面 祖

請飲 之田 黑子。 令相 因 王, 魯元 以 「,●與 了, 因 兩子。 其 高 祖 單 女 相 父吕 公主。 隆 吕后及 妻 日 見孝惠曰: 準、 高 后 公善 龍 祖 曰 : 高 兩 顔、 相 子 吕 祖 夫 美鬚, 居 爲 , 見 后 「夫人所以貴者,乃 人,天下貴人也。」 田 泗 是 高 上亭長,當 也 左 祖 有一老公過 股 狀 卒 貌 有 生 七十二 奇之, 孝 去 惠 歸

<sup>■ 「</sup>苦」,通津本作「著」。

②「戴牛」,通津本作「戴午」,孫治讓云當作「戴干」。

<sup>「</sup>王」,劉盼遂云當作「帝」。

<sup>■「</sup>當」、「常」皆通「嘗」,是。

從外 老公言。 似 此 止 君 男 使自 ,君相貴不可言 來, 也。」相 相。老公曰 吕 推 后言於 此 魯 以況,一 元 日 高 : : 也。」後高 「皆貴。」老公去,高 室之人,皆有富貴之 祖 「鄉者夫人嬰兒相 高 祖 祖得天下, 追 及老 皆 祖 如

相

矣。

太子。 南宫 莽姑 則有立 日 者 妻,女亦得富貴之男。 幸之,生子君 殊 類 再。 2 貴 君上 正 類 大 亦 穉君 同 一死;若未相適,有豫亡之禍 乃献之趙 君許嫁,至期當 有 兩 氣 爲 與 爲 乃因 相 鈞 天下 Œ 太子。 上。 遇。 性 君 王,趙 魏郡 母。」是 體法相, 宣 父 富 帝 元帝崩,太子立,是 穉 貴之男, 都 夫二相不鈞 王 行時,夫 崩 尉 君 時 未 固自 太 納 宣 善 取 子 之 帝 者 娶 又薨。 輒 相 立,正 太 世 • 得富 死 似 子, 元元 而 遇 也 相 貴之 君 太 帝 相 清 異 如 遇 子 君 王 氣 爲 此 爲 河

> 徼,與 無天 之相 富 夫次公富貴,婦人當配之,故果 後,次公果大富貴,位至丞 之,乃其旁里人巫家子也,即 侯者夫人。」次公止車 八,相者指之曰:「此婦 成 是則二夫、趙王 三家相 今此婦 貴。 帝 下父之相,故未行而二夫死,趙 Ē, 當爲天下母,而 善 遇之驗 使次公命賤,不得婦 君爲皇太后,竟爲天下母。 人不富貴,圖卜 相 者 同 也 無 車 帝王大命 俱 丞相黄次 前所許二家及趙 行,見 審視 書 人當 不 人 · 而 一婦 相 公公故 娶 用 之。 大富 爲 封 以 也 正 偶 相 。」。次 人年 爲 相者 爲 君 爲 遇 貴,爲 陽 妻 不 夫 遂 列 王 王,爲 公問 宜 當 Œ 夏 日 爲 其 俱 游 封 與 君

君」上脱「正」字

② 「遇相君曰」,楊寶忠云「遇」乃「過」之譌。劉盼遂
❶ 「宫大有與正」,原爲雙行小字,據通津本改爲正文。

<sup>「</sup>今」,遞修本、四庫本作「令」。

四二

穀 牛 體 見 有 福 有 夫 馬 婦 富 富貴於貧 與 有 商 貴 則 衆 故 之 不 則 之 有 富 應 時 有 不 數 貴 命 同 者 則 居 賤 者矣。 之家 字乳之性, ·, 則 善善 有 然 睹 疾 後 必 一夫、趙 售之貨 貧 役 乃 别 僮 賤 使 任 離 奴 於 田 奴 富 王 死 則 富 則 僮 貴 一之禍 亡,不 有 貴 是故 之事 有 育 不 種 0 死 養 知命之人, 得 孳速熟之 夫 亡之相 牛 久 骨 舉 馬 享 法 家 ",必 介 形 皆

莫吉, 得 徒 信 乃 爲 賢,又有 命 公主 王 諸 相 不笞駡足矣,安敢 無 一,後 之日 侯 案骨節之法, 至 不 家 應者。 一翟婢之子 竟 襄 貴 僮 被 子 相 衛 貴 是 刑 媪 簡 至 趙 矣。 乃 通 封 子 無 簡 察 封 侯 後 望 恤 子 皮 生 王 相 廢 封 青 使 膚 工. 而 青 太 侯 姑 之 衛 相 以 ?? 子 日 理 布 在 青 黥 爲 而 以以 建 子 父 布 貴 其後青爲 「人奴之道 章 卿 立 鄭 當 審 · 宫 無 相 季 先 無恤 人之性 諸 時 恤 與 刑 子, 軍 楊 卒 鉗 而 最

> 其兄絳 死。」亞 時,亞 年 亞 言, 之,不與 工 有 萬 吏, 卒子當代,亞 秉,貴重矣,於人 日 官尚 夫 縱 户 : 匈 又何 戰 理 侯。 君後三 夫 奴 數 迺 夫笑曰 方甲 侯 人 錢。 爲 説 有 人 封 勝 П 周 邊,乃 丞 功 餓 條 有 盾 亞 歲 庸 相 夫 日 死 侯 罪 超 : 五 夫 何 而 知 ? 一臣 後 以 臣 封 百 未 續 説 其 0 X 增官 以 亞 此 無 被 指 文 之兄 侯 將 封 盜 絳 夫 兩 疾 帝 餓 可 示 乎 相 侯 侯 買 爲 免。 以 我 擇 死 ? 遂 已代侯 官 , 持 之時 後 其 將 0 法 爲 絳 爲 器 後 其子 然 軍 也。」 許 葬 侯 大 許 9 文 既 有「 九 子 者 負 矣, 將 帝 怨 爲 已 歲 至 重」字。 ,賢者, 居三 負 指 軍 之 而 貴 有 取 亞 景 而 其 相 後 上 封 帝 庸 夫 如 如 君 歲 口 告 苦 買 之 推 負 爲 父 或 餓

2 0

官

器」,吴承仕云當依《史記》、《漢書

少作

官器

勝 孫 X 和 據《 史記》、《漢 書 》疑 从其下 脱

器 貴 命之工 夫 肉。 寬嘗 賞賜 州 當貴者。 賤 其 子 罪,景帝考驗,通亡,寄死 Ŧi. 韓太傅 死。 交、盡筋 三公。」韓生謝 貧 必 鉗 郡 餓 十錢,與之俱入璧雍之中,相 (賤,猶 用貴人,惡 徒 丞旨 甚 億 當 後名聞 死。」文帝崩,景 矣。 病 爲 萬 鄧 景帝下 許 力之敬,徙 相工 召請 與與 諸 韓 通之幸 人見盤 負 故知 於天下。 生 及 上齊體。 生養 遣 吏 指倪寬曰:「彼生當貴,秩 擢 時,一 器必 相 責 命之工 相 文帝 用, 盂之器,知 鄧 工,通 視 問 舍從 有「月之」兩字。❷ 施賤者 舉 通 帝立,通 倪寬 如 也 因 相 、倪寬之工,可 在本朝,遂至太 ,察骨體之證 • 僕 寬 刺 不 工 人家,不名一 狀,恩 位 • 貴 倪寬、結膠 食 相 所設 至御史大夫, 深 在 之 Ŧī. 有盜 尊鼎不 壁雍弟 公 自附納之。 日 日 深 用 卿 「當貧 借 鑄 踰於骨 也 皿 之上 睹 在 錢之 謂 漆之 子 相 血 錢。 傅 善 富 至 誰  $\perp$ 知 而

> 樂,亦 越 於器 遺; 骨 書 見 有 也 人 厠 亦 王 性 有 爵有 之側 日 明 不 爵過其差,死 爲 之符驗也。 非 法 ,以察骨體之法,則命 相 非 猶 遇 徒命 理。 人,長頸鳥喙, ,莫知性 徒富貴 高 飛 貧 瓠 此 鳥盡 下之荖 賤 瓜 也 貴賤貧富 有 之苦 不 骨 貧 在 ,良弓藏,狡 器 有 法,性 范 賤 堂殿 亡 之盛 ; 骨 也 **黎** 有 貧 不 法,此見 ,命也。 去 骨體也,而 可 賤 之上 物,有 存。 器 亦有骨 越, 與共患難,不可 之 在於 過 相,不遭 兔 自 論命者 其 明 命之 斗石 操行 身形 齊 法。 死,走犬烹。 量,物 矣 遺 操 之量, 表證 清濁,性 大夫 惟 如 ,定矣。 行 富 富 清 比 溢 知 貴 貴 與 種 不 之 濁 猶 之 之

<sup>●「</sup>幸」,四庫本作「事」。

<sup>□ 「</sup>月之」,通津本作「日之」,黄暉據舊校及《類要》卷

③ 「徙」,原作「徒」,據通津本改。

四

川

效 矣。 身自 見 并 不 共 下 目 飲 如如 性 食與 榮 人,得志 天 朝 不 下 下 賜 樂。 行 膺 其 之計 之齊同 可 我 之 法 豺 劍 子 與 證 聲,少 相 亦 而 何 交 誠 輕 0 始 死 而 不 游 使 視 由 皇 去?! 以 秦 恩。 繚 人。 大 此言之,性 從 定 乃 王 日 梁 其 處 . 虎 亡 須 我 大 册 人 來 得 視 去 秦 布 夫 尉 與與 事 志 狼 衣 王 種 繚 天下 之 之元 命 故 也 心, 爲 不 説 實,實 繋 范 一、然見 能 人, 居 秦 於 蠡 禮 去, 皆 隆 始 約 形 有 尉 衣 爲 我 易 準 皇 稱 其 繚 虜 常 以 長 服 以 病

蔡 表 得 形 聞 澤 於 者 也 其 不 實 地 必 以 衆 驗 尺 也 相 之文,此 察 多 書 或在 非 有 在 所 地 傳 載 内 之形,以 孔 或或 失之不 皆 世 子 有 所 在 相 其 共 外, 澹 審 實 知 見, 臺 或 在 何 子 在 禀 天 准 隱 羽 形 之 氣 況 署 唐 體 命 古 於 微 天,立 莫 今, 舉占 或 妙 不 在 之

明

矣

宰予 孔子欣 於蔡 也。 人 哉,然哉 禹 其 鄭 孔 聲 不  $\equiv$ 氣 子 項 人 澤 明 一寸,傫 也 以 若 或 適 法 貌 然笑曰:「形 問 鄭 察 臯 猶 外 取 陶 子 鄭 傫 術 與 者遺 人,失 夫孔 貢 若 淺 X 弟子 肩 日 喪家 相 也 類 其 : 子 於子 孔 子 相 内, 之 之狗。」 狀 子 孔 東 産 失, 相 羽。 不 未 子 在 門 鄭 之失 然 孔 形 也 有 能具見形 以言取 自 子 子 體 人 子羽 腰 獨 者 貢 如 失 其 喪 以 以 立 亡 其 家 告 其 人,失於 下 頭 鄭 狀 實 唐 狗 孔 聲 似 東 之實 舉 堯 門。 氣 惑 然 及 鄭

#### 初 禀 篇

育 長 大,富 人 生 性 貴 命 之命 當富 效 貴 矣 者 初 禀 自 然之 氣

王得 赤雀 武 王 得 白 魚、 赤 鳥 儒

者

文

受命 之,乃 稷。 禀, 之 命 論 亶 以 得 誅 故 己 魚 我 之,以 昌 甫 明之? 雀 鳥 也 者 行 而 見之早 世 同 三子: 曾孫 生 善 也 與 命 文、武受 謂 辭 當當 在 時 魚鳥 天用 武 也 ,善行聞 襁 之 有 並 爲 此 公劉 王 如 吴,文 褓之中 也 時 棄 得 興 雀 太 也 ,天使 實 赤 事 命 者 也 則 伯 雀 居 非 生 論 於天 此 堯 文 天,天乃 若此 仲 命文 之,非 身 其 邰 受 先禀性,後乃受命 - , 聖瑞 爲 猶 天 爲 王 性 斷 在 雍、 **天** 爲 命 後 王之命 一受命, 司 者 王 髪, 昌 末 在 徙 馬 則 命 季 一、文王 見 授以 乎 謂 , ; 居 以 受 用 人 也 居 歷。 矣。 魚、 也 本 本 命 文 讓 邠 雀 稷 帝 主 主 無 不 王 於 矣。 季 矣。 命 烏 與 王 故 官, 一受,天 王 命 在 是 後 謂 季 歷 所 則 魚 古 之命也。 於天,脩 母 太 太 孫 故 性 武 生 也 初 奉 烏 公 身 伯 文 命 復 王 古 爲 文 所 以 日 命 王 之 公 后 俱 禀 王 行 用 授 受 知 何

> 中 爲 體 Ė 受命也。 體者 面 王者 輔 骨 法 受命, 生 而 禀之。 内 以 爲 性

貴 也 於 論 長 四 卿 有 至 至 之率,高 大澤 一公卿。 之命 乳 尊 輒 望羊,亦 大之後,脩 元 聖人 見 光 貴之奇,古公知 士 吏 夢 武 其 秩 大之最 生 外 、驗。 命 百 生 與 證 知 及 而 禄 石 於 神 爲 行 也 有 刺 仕者 尊貴, 以 濟 遇 也 胎 道 表 史 上. 陽 遂 0 在 德 之時已受之矣。 太 見 隨 主, 宫, 生有 之,見四 母 位 守 生 於 秩 几 侯 身中 望 高 遷 面 夜 乳 居 高 以 高 轉,遷 故 半 祖 乃 大之命 禄 下 大。 無 乳之怪 生? 禀天 許 秩 此 郎 火 之吏, 轉之人, 負、 王 時 將 9 聖命, 一者尊 内 劉 姑 以 其 已 也 大 中 受 媪 几 時 禀 布 夫 光 贵 或 息 乳 貴 富 身 夫 以

<sup>■「</sup>武」,原作「王」,據通津本改。

❷ 「末」,原作「未」,據四庫本改。

几

六

事

也

王

一得

赤

雀

明

軍

下

毋多言。」此 卒 以 治生積貨,至於年老,成爲 魚 蘇 驗之? 復 烏 永 更 乃 謂 命 時 受 公曹 己 也。 命 富家之 受 史充 得 非 命 富 也 翁, 貴 獨 蘭 貲 謂 上 大 日 累千 天 命 文 壹 王 富翁 此 自 一、武 金。 命 起 命 事 位 復 有 文 命 以 之。 或 相 日

之命 也 爲 義 勇 斬 王 有 鮑 項 者? 氣 叔 ,猶管之取 以 同 朋 上天 奮 高 赤雀 相 友自 祖 發, 赤雀 知, 實 贵 財 命 自然, 不受 魚 : 猶 也 然 性 使之 取 有 視 烏,上 公 財 武 也。 王 多 自 天 彼 命使之將 卿 周 者 有 ),鮑 以 也。 義 然 道 猶 之文 當 以 白 生 命 天 也 先 我, 叔 朋 漢 下, 魚 禀 使 自 封 至 武 不 取 祖 友 之 夫 天 拜 然 是 詔 與,管 受 彼 斬 之不 而 獨 驗 命 斬 之 無 有 書 我 命 大 謂 乃 大 命 爲 爲 封 及 蛇 伐 敢 文 蛇 是 疑。 仲 無 也。 也 拜 天 其 之時 殷 武 斬 則 有 不 誅秦、 , 亦 之道 將 受雀 之 天 聖 乃 管仲 天 授 求 王 哉 道 人 敢 誰 道 與 也 之 魚 義 殺 起 使 有 與 即 天 内

0 有」,孫治 以爲衍

之最

也

朱

草

之

莖

如

鍼

芝

之

栽

如

豆

成

爲

瑞

矣。

 $\pm$ 

者禀氣

而

生

亦

猶

此

也

葉,成

爲

長

短

巨

細

皆

由

實

核

王

者,

長

巨

木

生

於

實

核

出

土

爲

栽

蘖

稍

生

莖

雄

也

其

命

當

 $\pm$ 

王

命

定

於

懷

姙

猶

富

貴

骨

生

有

•

鳥

雄

卵

成

也

非

唯

人

鳥

也

萬

物

皆

雌

此

氣

性

剛

彊

自

爲

之矣。

夫

王

者,天

下

之

雄

非

生

長

之後

或

教

使爲

雄

然

後

乃

敢

將

雄

生

日

月

至

而

骨

節

彊

彊

則

雄

自

率

將

雌

猶

鳥

之别

雄

雌

於

卵

殼之中

也

卵

殼

孕

而

雌

矣。

夫

王

者

,天下之翁

也

禀

命定於身中

生有

富

骨

王

矣。

何

王

者

乃

興

合其 與此 使爲 勤 其 先 以 睨 語 有 天 天 帝 大命文王」,「眷顧」 命 何 以以 之也。 合 乃 帝 不 天 驗之? 爲 命 日 ●言合天時,故 (明,與 同 命 言『天 乃 待 而 善、故言文王 同 難 人傚 義。 天命, ,若天使之矣。 休,天 文王 天不違,後天 曰 以 大哉,  $\wedge$ : 「夫大人 乃大 天,事 詩》曰 從 四 天 也, 事, 時 八乃大 直 康 無 命 聖人 堯之爲 合其 以 易 安得 王 頭 : 「乃眷 文王』? 命文王 行道,上聞 見,故 心 與 面 有 之義,實 序 動 而 發, 天 先 不 ^ 眷 君 與與 奉天 作 書》 違 地 天 故 顧 西 日 一。加加 日 」所 鬼 合 奉 天 而 方 顧 如 有 時 : 天不命 眷 于天 唯 其 後 神 命 0 天之文。 此 激 謂 何 先 無 顧 德 天爲大, 天乎? ? 之 合其吉 勸 天後 大 如 命 惟 天 意 命 康 史, 聞 與 必 也 子 天 人 也 叔 者 天 乃 須 度。」 于 日 有 [X] 論 之 大 唯 以 天 乃 月 顧 勉 非 上 何 與 經

> 王也 赤 使告文王,云 自 堯則之。」王者 雀,及武 然之性 自文王意,文王 王白 與 當當 天合 則 魚 爲 天,不 ,非天之命 王 同 乃 違 自 是 敢 奉天之義 起 爲 則 昌 非 也 所 謂 熾 天 然 大 祐 驅 則文王 也 也 赤 命 文 推

人 瑞 琨 雀 聞 至、白魚來 偶 告 于王舟,王陽 適 物 前爲弘 適 吉人 來 不 顧 自 ; 招 睨 然 舉 魚 而 農 也。 見 躍 來 事 非 太 善 黯 鳥 無 古 或 守 日 飛, 不 自 然諧 使 物 虎 利 然 之 武 動 偶 渡 者。 道 合,若心 也。 王 飛 適 河 也。 偶 也 而 人徒 故 聖 見。 或使之。 光 文王當 夫 光 遇 武 不 王 非 禄 也 皇 召 天 陽之言 大 帝 興,赤 而 白 使 夫 出 日 至 雀 劉 魚 門 :

<sup>■「</sup>王」,四庫本作「叔」,黄暉以爲當作「叔

<sup>「</sup>冒」上,四庫本有「怙」字

<sup>「</sup>加」,通津本作「如」。

<sup>「</sup>勤」,黄暉以爲當作「動」。

四八

「適」,光武之言「偶」,可謂合於自然也。

# 本 性 篇

作 不 哀 謙 原 . 論 者 樂 辞 情 説 情 故 讓 性 情 之極 ,莫能實定 性 作 故 與 者 樂 性 制 禮 以 禮 人治之本 也 通 爲之防,樂爲 以 其 昔 適 敬 儒 其 宜 舊 禮 禮 生 ; 樂 所 情 之節 所 著 以 有 由 作 制 好 生 篇 惡 樂 性 也 章 喜 所 有 莫 故 爲 怒 卑

性 惡 亦 書》 善 有 養 惡 各有陰 論 性 養 周 篇。 情 而 人世 性 致 而 陽,善惡 密子 致 之, 碩 與 之, 以 世 賤 則 爲 則 子 漆 惡 在 人性有 善 相出 所 長 彫開 長 養 焉 ; 如 、公孫 善有惡、舉人 一有 此 皆 故 則 無 言 尼 世 古 子 子 有 性 字。 之徒 作《 情 有 字。 善 養 之 性

接者 時; 生 與 我 親 聲 而 有 舌 性 性 不 無 不 不 ,羊舌 於虞室。 物 非 食 惡 善物物 丹朱傲,商 出 善日 ,長大與物交接者,一有「欲」字。 與一字。 而 有 接,誰 食我之 還 我 不 ,必多善矣。 不 孟子 是 出 紂 以 善 初 莫滅羊舌氏。」遂不肯見。 氏 日 祁 亂之也 作 爲 生矣。 衆庶,長 生之時 也 : 令悖者? 由 亂, 見始 孩 性 唐虞之時, 勝 「其 均 是 子之時,微子 微 善之篇,以 爲亂,食我 虐,並 若孟 滅 聲 子 二帝之旁,必 大爲 叔 謂 矣。 日 生之聲。 豺 姬 人生 丹朱 子之言,人幼 失帝 亂 可 狼 視 紂之 我 爲 不變,故云 比 之 之,及堂 與 於 生 睹 舊 人性 統, 聲 屋 恶, 焉 於 天 孩 其 云 多賢 也。 而 歷 地,皆 唐 子 孩 放縱 不善之性 皆 在 或 封。 世 宫 始 善 子,王子 小之時 及 人 孩 聞 野 世 也。 一,商 爲 悖 生, 長, 殺 子 禀 心 其 所 及 戒 羊 亂 之 然 未 食 其 與 均 無 啼 其

形 緣 情 或 日 極 詭 更 不 且. 而 字。 漸 性 死 性 眊 也 同 眸 孟 未 不同 不 或仁 利 也 子 子 氣 色,狂 相 眊 面 也 可 爲 或 性 人以 色 歲 變易,天 而 實 非 或 義 本 人 嬰 心 莫 幼 也。 白 生 眸 性 性 自 悖 兒 知 小 或 子 然,善 目 行 術 善 無 之 然 性 焉 黑,身形 輒 乖 惡禀之異 争 時 由 然 而 、心清 眊 也 奪 恶 瞭 此 也。 性 瞭 之心,長 有質。 生 善之論 長 或 動 眊 而 皆 也 大 作 長 瞭 眸 也。 知 與 禀 子 或 趨 孟 水 大之後 翔 人 之 瞭 短 亦 子 土 有 於 接, 之言 物 有 至 性 告 器 老 乃 濁 識 所 子

善 無 水 譬之湍水 分 喻 於 告子 性 謂 亦 猶 東 大 與 ,決之東 西 之性 金之爲 惡。 孟 猶 子 與 人 初 同 金,木 則東,決之西 水 無 禀 時 同 分 天 其 也 於善惡 之 然之姿,受 論 爲 使 性 木 性 無 也 也 則 若 善惡之分, 西。 水 純 夫 人 壹 告 善 可 夫 之 水 子 大 以

> 之言 最卓 決 質 不 上 至 在 曰 喻 中 也 口 詩 譬 能 智 (,故生 水使之東西 於 : 者 推 所 人 猶 **>**  $\check{\exists}$ 未 者也 與 復 徒 以 習 移 極 故 性 練 下 移 善 下 者 孔 焉 相 得 絲, 而 謂 愚 易 極 子 彼姝之子 丽 謂 實 近 兆 不 中人 染 惡 不移。」性 日 也。 習 日 也, 中 見 也 可 猶 之藍 非 善 上智 力,善惡 人 不 以 孔 習 染絲令之青赤 中 而 也 夫 復 語 ',何 子 相 則青,染之朱 指 人 爲 告子 在 上 下愚不移」,故 有 道 遠 以 可 習 善 以 極 不 也 善 德之祖 也。」 察。 上 善 之言 與之?」其 善 不善 習 故 不 告子 極 可 惡 夫 無 惡 孔 惡 以 中 諸 分於 亦 也。 聖 而 子 則 之以 也。 須 語 人 有 化 爲 日 子 知 赤。」夫 教 傳 E 之性 丹朱、 賢 善惡 緣 惡 之中 告子 孔 決 成 彻 也 也 者 惟 水

■「告」,原爲墨丁,據遞修本、通津本補

Ti.

0

均 商 虐 均 己 者,至惡之質,不受藍 染於 唐虞之化矣,然 朱 變 而 也 丹 朱 傲 而 商

啼欲 矣。 嬰兒 若 惡 陽 未 禀 以 種 生 性 善 爲 蘭 樹 性 而 種 孫 悪 惡 劉 玩 無 堅 樹 卿 也。 得 之 石 ,其善者僞 孫 子 之。長大之後,禁情 之性 蘭 不 實。 爲 卿 之言,②人幼 戲 推 政 相 戲。 有 爲 讓 生 僞者,長 非 當 一, 故 反 然 之心。 唐 而 之日 孔 孟 則 而 有 司 香。 也。 子 子 性 人之爲善安從生 堅 馬 : 作《性 惡 能 見食、號 小 香之驗。 大之後, 禀善氣,長大就 性惡者,以爲人生皆 如如 俎豆之 之言 行, 無 此, 有 以 惡》之篇 善 則 割欲,勉 欲 有 俎 弄 勉 也 夫孫 天 食之; 緣 豆 爲 使 無 爲 也。 爲 周 稷爲 卿 氣 厲 以 成。 弄。 睹好, 之言, 聖 善 也 爲 爲 兒, 師 也 善 歲 故 石 得 陰 人

能 察 陸 己 賈 所以 日 受命 天 地 則 生 順, 人 也,以 順 之謂道。」夫 禮 義 之性 陸

> 得 性 性善 賈 也,莊蹻 之,猶背 貪者能言 實。 惡 知 不 者 人 爲 禮 禮 刺 不 廉 義 人之濫 畔 待 何 爲 亂 義 察 益 性 者 義 而 於 也,明 能言治 善? 自 人 挹 亦 善 於 能 能 善 ; 陸 察 性 察 盜 賈 不 己, 惡 己 跖 能 者 所 П 非 爲 能 以 雖 也 受 論賢 之竊 能 命 故 察

卿 其 性。 「天之大經,一陰 陰 見 性 其 者 董 日 生 仲 陰 也 性 。」若仲舒之言, 於 舒 善 也 覽 陽,情 者,是見其 孫、 處二家各 陽。 孟之書,作 生於 陽 陰。 有 人之大 謂 也 見 孟 ; 情 陰 可 謂 子 性之説 經, 氣 惡 見 也 鄙 其 者 陽 不 情 是 陽 日 孫 處 見 氣

<sup>■「</sup>生皆」,原漫漶不清,據遞修本、通津本補

❷ 「爲善也若孫卿」,原漫漶不清,據遞修本、通津本補

於 仲 口口 人 石 生 舒之言 有 於陰陽,其 性 情 純 · 未 性 有 能 駮 有 得 生 善 實 情 於 有惡,● 陰陽 性 於陰陽, 有渥 未 也 安 有 能 夫 泊 人 純 情 善 玉 生 性

陰陽 陰 物 次 也。 陰。 形 外,故謂之陽 面 陽 接 一, 故 之氣 外 必 不 於是, 發。 也 不 夫如子政 則 劉子 惻 謂 恐 理 也。 。 **③** 據 謂 非 隱 性 難 情,接 政 本 之陽、不 顛沛 其 在 卑 必 以 卑謙 所 曰 : 實。 身 ; 謙 以 知 生 之言,乃謂 必於是。 性 於 而 形 起 形 辭 不 物 不 不 性 . 發 出 且 出 讓,性之發 論 而 發。 苟 發, 者 爲 從子 生而然者也 於外, 然者 性 陽 以 則 不 惻 情 之善惡 形 謂之陰。」 政之言, 情 與 性 隱 接 也, 謂 出與不 爲 物 亦 不 於 也 出 性 陽、 接 忍,不忍,● , 徒 與 物 在 形 ), 在 物接, 故故 以 性 發 於 有 夫 議 内 形 外。 見 爲 性 與 謂 於 外 不 出 子 接 爲 造 定 陰 之 身 内 與 於 政

陰,情爲陽,夫人禀情,竟有善惡不也?

惡 禀性 州 善 劇 知 不 多 公孫尼子之徒 有 談 道 矣。 可 田 高 惡 甘 土 謂 受 自 難 性 命 然 之性,善惡 孟 猶 如 論 無 謂 子 而 人才有 飴 也。 同 以 善 性 論 蜜 無善惡,是謂 情 下至劉 惡,是謂 ,頗得其 酆文茂記 實也 ,未必得實。 性 不 高 竟 均,6 有 0 無定 子 正。 下 人命 政 命 也 故 繁 是。 鴻 有 由 有黄赤黑之别 人 無 貴 實 如 才 高 儒 此言之, 貴 唯 賤 榮 者,人性 無 博 不 世 賤 性性 華,恢 高 可 生 也 碩 下 下 有 事 儒 聞 ·, 下 也。 善 九 有 見 6

3

<sup>□「</sup>不處人情性情性有善有惡」,黄暉云,此誤重「情性」

② 「出形」,孫人和云當作「形出」

<sup>「</sup>見」,黄暉云不當有。

<sup>「</sup>不忍不忍」,黄暉云,此誤重「不忍」二字

<sup>「</sup>儒」,孫詒讓云爲衍字。

<sup>「</sup>善惡」,原漫漶不清,據遞修本、通津本補

Ŧi.

言 教 善 以 短 輕 或 西 <u>F.</u> 至 惡 孟 南 人 中 性 盡 性 軻 混 或 北 下 老 識 性 者 惡 言 之 之 義 極 詭 之理 趨 差 中 者 人 死 也 性 性 ; 中 術 人 水 則 善 不 也 面 乖 禀 潦 未 者 可 色 以 也 不 變易 或 天 也 若 下 中 地 同 ; 白 反 者 人 之 動 或 經 故 天 也 以 性 作 黑, 有 性 9 上 趨 道 懷 清 楊 者 身 然 翔 濁 Ŧi. 雄 則 也 形 巾 常 之 言 或 或 口 ; 之 流 孫 余 重 以 長 人 氣 爲 性 古 或 或 東 卿

## 物 勢

子 情 夫 則 欲 天 自 動 生 地 儒 知 合 者 也 前 天 論 合 氣 地 夫 E 不 合 人 : 婦 故 偶 而 合 天 生 生 自 氣 地 子 人 生 故 也。 矣。 非 也 生 當 猶 人。 然 且. 時 夫 則 夫 欲 此 婦 人 婦 得 言 合 生 不 生 妄 氣 於 故 子 也 子 天 生

燔 器 事 謂 器 調 得 能 陽 口口 不 爍 此 也 生 地 必必 偶 不 形 不 和 天 純 稱 銅 爲 也 種 論 能 鑪 動 傳 實 自 火, 地 燔 偶 模 手 事 事 猶 類 盡 竈 成 器 生 日 有 若 自 造 者 範 未 與 魚 以 相 善,不 乎 人 故 體 爲 足 生 爍 化 何 可 之 故 産 ? 手 天 與 爲 故 形 謂 於 口 爲 銅 爲 相 耳 地 不 之也 能 陶 夫 云 體 之 是 工 淵 之 萬 足, 故 不 可 故 冶 可 下 比 也 天 也 物 乎 作 故 斷 蟣 謂 生 今夫 足 日 不 形 0 地 生 ? 生 之 絶。 風 及 應 陶 不 也 也 日 爲 天 而 燔 也 人, 之 銅 冶 事 陶 得 案 鑪 云 地 以 於 器 者 爍 未 興 是 夫 冶 不 陶 之 燃 之 目 人 不 萬 不 天 喻 天 喻 偶 者 摇 冶 可 間 炭 得 也 能 視 故 物 不 地 者 人 初 人 自 謂 皆 生 火 爲 頭 爲 皆 能 禀 之 目 皆 不 生 娅 大 喻 火, 也 成 器 銅 故 引 氣 用 埴 與 故 頭 ; 氣 生 若 實 必 作 非 火 頭 不 文 生 陰 不 而 而

害 成 偶 生 與 則 萬 也 自 不 生 物 其 熟 矣。 生 當 偶 萬 夫 自然 物 其 耕 亦 耘 相 也 不 播 親 能 0 種 何 故 愛, 故 以 也 不 驗之? 爲 當令 天 之也 地 合 之 0 如 氣 相 及 天 賊 故 其 物

諸 之用 令五 虎 賊 萬 相 制 行 自 含 之氣 狼 物 當 啖 物 木 Ŧi. 食者 蝮 行 以 相 行 或 ,故令相 欲令 木 能 生萬 之 之氣 虵 賊 日 不 相 相 : 氣 行之氣 及 皆 柏 成 使,不 五. 利 蜂 物, 反 賊 爲 用 五 Ŧi. 蠆 使 害 行之氣,天 用 ; 人用 行 行之氣 含 之蟲 生萬物, 相 相 火 不 賊 氣 血 賊 賊 不 萬 使之 之蟲 得 害相 害 爍 害 皆 物 更相 不 也 令之 金 不 賊 然 作 生 相 相 成 害 一萬 成 勝 萬 賊 也 金 也 賊 相 或 90 事 害 服 爲 0 物。 害 不 親 日 成 用。 故 也 日 相 愛,不 : 天 器 不 天 以 日 整 又 天 金 能 用 欲 則 萬 噬, 生 欲 故 生 爲 當 天 相 物 Ŧī.

> 也 使 虵 也 故 言,含血之 丑. 害,含血 行義之心,❷ 之道也。● 氣 人之身,胸 寅 犬與 未 ; ; 故 人 木也 火爲 巳 爲 亦火 亦 火 牛羊 之用邪? 人 ,其 土 之 水所害 也 也, 八之行 也 Ŧi. 懷 蟲 ,其 蟲 爲 禽 自 藏 Ŧi. 丑. 相 其 懷 虎 虎 禽 相 有五 在 藏 勝 禽 禽 故 所 也 Ŧī. 虵 害 内, 且 牛 服 馬 馬 服 自 ; 行 也 也 其 Ŧi. 食 戌 常 之 也 相 也 未 ; 人之身, 行 鼠 之操。 子 土 氣 賊 禽 且. 驗 氣俱 屎 水 亦 也 亥 羊 也 五. 何 輒 而 勝 水 水 也 行 其 在 相 腹 火 也 也 Ŧī. 含 之 禽 ? 賊 如論 脹 人之 常 木 其 故 氣 其 五. 犬 害。 勝 日 豕 禽 禽 相 者之 五. 行 日 也 操, : 土 食 鼠 豕 賊 之 行 8

<sup>「</sup>行」,原爲空格,據四庫本補。

<sup>「</sup>行」,黄暉云當作「仁」。

<sup>「</sup>曰」上,黄暉云疑有「或」字。

至 長, 精 食 辰 也 畏 午 相 相 何 也 殺 豕 鼠 審 金 故 鼠 於 應。 之禽效之, 獼 豕 賊 也 也 何 馬 如 兀 降 畏犬? ? 未 相 北 鼠 猴 也 也 論 不 뾆 其 鳥 生 方 ? 水 ? 啖 凡 者之言 逐 ,子鼠 羊 龜 含 巳 星 四 水 食 萬 馬 會 戌 獼 獼 虵 也 Ŧī. 潤 白 彻 者 物 ? 東 土 Ŧi. 不 行 猴 猴 也 也 之 虎 丑. 相 方 行 也 含 自 其 金 者 相 之 金 體 也 西 申 牛 之 刻 木 害 血 也 以 氣 星 勝 申 畏 鷄 猴 也 賊 蟲 也, 之 监 玄 最 木 含 南 猴 鼠 也 也 以 以 水 蟲 牙 較 武 含 血 方 其 也 也 0 土 鷄 氣 四 不 卯 頓 亦 著。 也 之 星 血 ; 火 火 勝 2 勝 性 獸 何 有 兔 0 利 之 蟲 倉 也 勝 水 相 驗 金 土 囓 不 案 也 不 天 龍 蟲 筋 金 之, 不 刻 啄 獼 相 以 其 4 龍 有 獼 也 力 則 勝 猴 兔 勝 水 羊 以 虎 星 虵 則 几 几 猴 優 之 相 金 者 勝 朱 + 交 獸 星 尤 西 何 何 何 劣 服 效 火 不 不 爲 之 鳥 方 猴 故 犬 不 亥 不

> 汗 勝 勝 擊 負 牙 適 人 而 刃 動 陽 者 服 鳩 鳩 有 ; 相 相 作 力不 氣 雀 雀 勇 未 觸 賊 巧 也 虎 微 怯 矣。 便 鵠 必 刺 均 鴞 未 得 鴈 爪 也 必 之 故 等 氣 短 夫 産 木 0 色白 勢 戰 啄 於 精 人 自 力 勇 鵠 誅 有 西 以 也 强 相 桀 勝 鴈 膽 孔 方 0 刃 勝 角 負 小 子 孔 未 也 相 服 若 利 未 距 勝 子 必 賊 人 自 必 頓 勢 鷹 畏 者 以 之 是 猶 3 烈 血 鴞 陽 未 在 力 筋 物 青 牙 則 虎 生 必 相 世 力 以 也 受 長 於 服 服 勇 卻 监 勢 金 畏 南 鷹之 怯 行 則 角 則 不 方 氣 也 相 能 流 與 爪 以

一堂之上,必有論者。一鄉之中,必有

<sup>0</sup> 也」。 獼 猴 者 畏 鼠 也 楊 寶 忠 云 當 Z 正 爲 獼 猴 畏 者 鼠

② 「猴」,劉盼遂云當作「金」。

<sup>3</sup> 誅 本作 膽 小 咮 距 頓 劉 盼 遂 云 當 作 膽 小 距 誅 74

羸

也

則

以

小

能

勝

大

無

其

便

也

;

也

故

+

年

Ż

牛,爲

牧

竪

所

驅

爲

越

僮

所

鉤

無

便

故

也

故

也。

鹿

之

角

足

以

觸

犬

獼

猴

力

不

如

牛

馬

**华** 

馬

木

於

蚊

虻

鵲

食

蝟

皮

博

勞

食

虵

蝟

虵

不

大

大

無

骨

力,

角

翼

不

勁,

則

便。

小

有

氣

勢,

 $\Box$ 

足

有

便,

則

手

足

健

疾

者

勝

頓

刀

短

矛

手

;

夫

物

之

相

勝

或

以

筋

力

或

以

稷

母:

履

禀

精

於

姒

卨

負

以

舌

論

訟

猶

以

劍

戟

鬭

也

喻

横

出

爲

勝

或

詘

弱

綴

跲

蹥

者

爲

負

是而

直

者

爲

勝

亦

或

訟

訟

必

有

曲

直

論

必

有

是

非

非

而

曲

鼠

然

而

鹿

制

於大

獼

猴

服

於

説

明

誅

死,

者

本

紀

堯

母

而

有

是

時

便 夫 以 則 鼠 之 氣 足 能 辩 蚊 蹇 也 得 長 大 以 勢, 手 緩 利 以 角 虻 口 不 其 仞 彊 而 留 足 劍 利 蚊 乃 小 或 比 爪 便 之 服 者 舌 服 長 以 有 虻 者爲 不 而 以 也, 小 負 戟 於 利 搏 之 勢 制 巧 辭 0 雷 言 慶 事 赧 孫 不 卨 大 母 天 奇 不 電 都 逆 以 感 逆 王 人 吞 0 坼不 劉 晦 驗 生 跡 野 奪 死 動 燕 禹 儒 怪 冥,太公往 媪 邑。 豐 出 證 ; 母 者 母 而 卵 副 嘗 順 體 吞 生 稱 篇 赤龍 母 而 故 息大澤 生者,子 言之有頭足, 故 薏 聖 后 背 生 人然 是 稷 卨 苡 人 感 而 日 之 生后 己,遂生 出 而 不 視,見蛟龍 其 故 故 之 生 孫 生 0 文。 殷 陂 坼 周 不 稷 后 順 禹 不 姓 姓 夢 稷 亡。 故 因 讖 堯 副 故 日 順 日 説 與 書 人 子 夏 於上 0 生 姬 故 者 氣 神 信 ^ 又言 姓 0 不不 高 桀 逆 又 遇 其 ^ 己, 后 更 日 祖 紂 生 坼 詩 日

不

副

:

禹

日

:

Ŧi.

六

身,遂 學者,❷莫謂 一高 祖 不 然。 其言祗 如 實論、 驗 文 之,虚 又 安言 明著 也 世 儒

嬰。 育同 生復 逆 間 當 吮 體 逆之説,以驗三家之祖,誤矣。 口 也 闓 毫 · · · · · 血 而 。 **6** 背 同 育 秦之先祖伯翳, 豈逆生乎 出 道 刃 彼 乎? 死 實 也 詩 也,言其閩 秦失天下 夫如 , 4 案禹 者多,未 也 言「不 6 闦 是, 禹、卨之母生,宜 母吞薏苡, 卨 兔吮 背 坼 必 而 闓背之説,竟虚妄也。 閻 母 毫 不 出 其 背 而 樂 副 先 而 懷子,及其子 斬 天之生聖子, 」,言其 祖 出,妄也。 胡 初 母 ? 亥, 爲 嚥 皆從口,不 鷰 人者,生 不 項 如 卵 感 夫蟬 是 羽 生,從 誅 動 爲 與 與 世 時 兔 順 子 復 之 母

知 土 一者以 也 今三家之生,以草,以鳥,以土,可 且. 爲 夫薏苡,草 者皆 禀 天 精微之氣,故其爲 形,非 也 ; 氣也,安能 燕卵,鳥 也 生人? , 有 大人 殊 絶 跡, 精 之 説

> 爍 謂 乎? 令貴 微 之身不過五寸,3薏苡之莖不過 銅 吞 何 其 銅 以 也 大人天神,故其 乎 也 ? 卵實,安能 ? 人之 灌 夫令惟 鳩雀之身小,鴈鵠之形大也。 天 姜原之身,一錢之形也。使大人 錢之形 氣 地 雀 之 0 成七尺之形 施 更 性 跡 禀 氣 不能 巨。 唯 賤 於 人 鴈 物 成 巨 爲 鵠,終 之 乎 跡之人,一鼎 貴, 精 鼎,明 ? 數尺,二女 則 不成子者 安 爍 物 能 矣。 一鼎之 賤 今燕 精 矣。 微

學

者」,原漫

漶不清,

據

通

津

本

補

<sup>「</sup>祗」,通津本作「神」

<sup>「</sup>副言」,原漫漶不清,據通津本補

<sup>「</sup>蟬」,原漫漶不清,據通津本補

<sup>「</sup>乎」,原漫漶不清,據通津本補

<sup>「</sup>時」,錢批改作「皆」。

<sup>「</sup>令」,通津本作「今」。

<sup>「</sup>今」,原作「令」,據通津本改。下一「今」字同

今龍 牛 物 類 自 也。 種 堯、 精 之母,❺受龍之施 堯 施 與 類 ; ? 氣 雄 精 4 相 高 與 高 本種, 夫二帝 0 不 於 雀 感 與 祖審龍之子,♥子性 母之懷子,猶土之育 類 人 祖 不 姜 見 爲 欲 異 亦 土 能 原 牝 牝 動 類 宜 者 盡 鷄, 牡。 何 能焉。₃ 姜 乃 得 生 猶 不 能 原 能 其 宜 牝 不 感 相 授 精 之 土 似 牡 出 於 與 萬 身 施 龍 受物之 之 於 則 人 合者 物 小, 也 類父,龍 會 士, 后 而 物 若 生 稷 施 也。 於 安 夫 皆 土 播 且 異 不 氣 土 能 牡 見 徒 夫 也 類 堯、 能 能 各 盡 馬 同 含 養 故 乘 成 得 高 育 見 類 似 血 物 也 雌 之 之 之 其 生 祖 本

褒 氣 龍 地 姒 乎 漦 ?」夫玄黿 ,化爲玄黿,人于後宫,與處女交,遂 龍 或 玄黿 亡 日 一漦 「夏之 在 與人異 櫝 所 交非 衰 而 類, 一二龍 藏之。 正 何 以 故 鬭 感 至 褒 於 周 於處 姒 庭, 出 爲 女 王 吐 禍 漦 而 發 周 施 生 出 於

> 聖,與 今堯、 或 以 褒姒異乎 高 祖之母,不 以 非 類 ? 答交? 以 道 則 接 有 會 非 道妄亂 何 故 之子 帝 賢

人, 問當 也。」 言 祖 熊 寝夢矣。 當當 死 道 亡,簡子當昌之秋 熊 或 而 我 之 有羆 爲 曰 : 羆 之帝 空虚之象,不必有 鬼 物 卿 來,我又射之,中羆 趙 所 鬼 祖 也 簡 9 日 有 ? 與 子 : 熊 **夫**簡 病 人 熊 來,帝 也。 異 羆,晉 Ŧi. 子所 類 實 日 命 簡 不 射 何 我 子 知 假令有之, 熊 卿 以 羆 射 見之,若 羆 之 施 死 之, 先 類 覺 卿 祖 後 於

堯 身 高 小 祖審」,原漫 安 能 」,原漫 港不 漶不清 清 據 據 通 通 津 津 本 本 補 補

<sup>「</sup>亦宜能」,原漫漶不清,據通津本補

<sup>「</sup>土土徒」,原漫漶不清,據通津本補。

<sup>「</sup>之母」,原漫漶不清,據通津本補。

<sup>「</sup>類」,黄暉云當作「氣」,是。

<sup>「</sup>秋」,黄暉云當作「袄」。

Ŧī.

八

物 黿 病 或 化 時 相 人後宫,始 與 熊 爲 、交接, 羆 虎 先 化 未 先 人 爲 化 之 化 人, 有 爲 爲 也 獸 乃 生 亦 天 如 地 卿 獸 之間 爲 魯 人。 公 異 牛 類 玄 哀

聖,高 母 母 爲 婦 則 也 天 不皆 ? 聖, 也 亦 何 何 人 不 天 后 異 所 皆 所 天 然 人 不 與 感 類 受 因 施 同 稷 也 通 好 吞? 氣 殊 父 氣 道 不 蟣 ? 於 性 氣 聖。 好好 黄 風 地 帝、 情 雖 文 不 惡 9 以 丰 如 天 欲 生 均 更 帝 生 聖 於天 無 不 心 禀 嚳、 武 物 一人皆 故 相 0 取 王、 帝 人 得 欲 猶 周 當 顓 轉 也 不 生 如 蟣 公、 頊 更 相 好 更 於 重 凛,十 天 異 生 禀 孔 帝 生 地 類 於 子 者 精 舜 之 之 爲 微 夫 何 則

氏 而 著 則 黄 此 大 帝 或 依 時 升 放 見三 天 之説 空 家 生 之 矣。 怪 姓 説 失 曰 道 猶 姒 之意 見 氏 鼎 子 湖 還 氏、 之 反 地 其 姬

> 感 淺論 信 其 《詩》言「不 字。 母 燕 夏 基 母身也。 不 時 跡 於龍 形 適 見奇怪 殷 者 为 卵 禹 跡 基 之字,不合本 蒼 欲 契、后 遂 因 以 履 亦 頡 也 爲 知 懷 夢 不 大 謂 儒 謂 姓 姓 作 坼 然。 姙 復 人 與 子之與 之 稷 書 生 辨 當 不 德 神 然。 跡 遭 一穿鑿 之母 副 聖 爲 與 不 遇 也。 逢 人 異 儒 事 其 事 姒 夢 者,言后稷之生,不 雷 一,因 9 猶 生 重 下 相 適 世 故 與 龍 疑 非 此 是 疑 連 造 欲 好 神 載 大 非 率 燕 古 禹、 奇 懷 乃 雲 因 實 遇 以 子 也 姜 爲 怪 姙 因 爲 也 雨 不 契 原 得 古 古 薏 女 生其 復 而 姓 逆 遭 堯 履 聖 旁 定。 苡 以 行 生 今 吞 大 子 匝 高 説 世 周 也 一之説 同 薏 人 之 感 祖 世 間 姬 人 2 苡、 跡 之 象 見 彼 動 或 誠 況 非

2

臣

原作「巨」

據四庫本改

<sup>■「</sup>爲人」上,黄暉云脱「化」字。

<sup>668</sup> 

實? 之爲瑞 集於地,嘉禾生於屋。 受命之證也。 也。 物之子,是則光武皇帝嘉禾之精,鳳 富貴之命,龍爲吉物,遭加 夢見鬼合之,非夢與神遇乎? 野出 應。 感龍,及蛟 必以奇吉之物見 光武皇帝産於濟陽宫,鳳 龍居上,或堯、高 聖人之生,奇鳥吉物 其上,吉祥之瑞 而子生, 安得 皇之 謂 祖 之 皇 其 受

氣歟?

野 ? 殷 世 有 也,及堯亦嚳之子。 子 浴於水? 王 後 族 也 感吞者,虚妄之言也。 皆祖黄 ; ,仁如文、武各有類。 ; 高、稷皆帝嚳之子,其母皆帝嚳之妃 案《帝繫》之篇及《三代世表》,禹,鮌之 古時: 項羽 夫如是,言聖人更禀氣於天,母 雖質,禮已設制,帝王之妃,何 徐。 重 一瞳,自 黄帝聖人,本禀貴命,故其 知虞舜 帝王之妃,何爲 實者,聖人自有 孔 苗 子 裔 吹 也。 律, 五帝、 適 自 知 草 種 爲

> 於物,則效於夢矣。 子孫皆爲帝王。 帝王之生,必有怪奇,不見

論 衡卷第三

## 論衡卷第四

## 虚篇

王

充

書

隱 并 謂 讀 賢 傳 之情 之。 聖 短 書 非 所 世 信 實 睹 尚 不 傳 事 真 可 虚 可 無 妄之書, 是 信 定, 用 不然 之傳 用 精 顯 不專, 文露 之事 與 夫 以 出出 虚 爲 書, 無 冥 妄 故 載 思 之 之 是 信 於 於 非 實 書 而 竹 事 尚 易 是 相 帛 力 見 之, 可 違 上 知 者 籠 則 諷 沈 皆 總 并 而

以 作 著 驚 殊 目 夫 之論 異之名 世 間 傳 以 書 駭 諸 世 子 俗之人; 之語 多 爲 欲 立 譎 奇 詭 之 造 異

> 季子 之 廉 以 許 之 遂去 不 薪 薪 拂 當 恥吴之亂,吴欲 之壯,語言之野 日 即 況 由 延 贵 手 嫌 者 夏 讓之心 使於 不 大。 讓 日 子 陵,終身不 貪 而 傳 五. 取 取 顧。 言 書言 刀 天 : 月, 彼 金 下,不 鉤 恥 E 季 還 日 子皮相之士 地 者 或 子 有 世 : 而 負 金 哉 道 廉 延 以 披 能 其 徐 嫌 何 還 共立 來 也 ! 陵 讓之行,大 爲 讓 裘 過 前 君 貪 ! 子 季 吴位 然, 徐 季子 死 封 而 志 廉 以 居之高, 子 薪 吾當夏五 薪 也 侯。 讓 爲 殆 也 解 出 者 徐 謝 者 何 虚言 之行,終 主,終不 游 劔 投 君 何 季 可 伯 之, 嫌 帶 足 視 鎌 好 子 以 夷 見 季 也 貪 之下, 其 請 語 月, 於 不 冢 況 委 路 子 地 始若 寶 問 樹 肯受,去 地 姓 負 或 小 有 呼 夫 披 遺 劔 名? 姓 死 而 饑 遺 季 裘 儀 薪 小 瞋 金 未 者 死 字 去。 金 子 難 貌 者 而 H

也。 志。 空行 也。 季 或 能 棄 右 日 一時 子 其 加 以 前後備具? 或時 季子 於塗, 置季子於冥昧之處,尚 出出 公子與君,出 未 世俗傳言 寶 煩披 冥 去吴乎 劔 言取 實見遺 自 0 裘者? 明 [脩潔 矣。 何 彼 ,公子也; ,則言季子取 嫌 地 取 金 也。 有 金、欲 既 金於路, 8 世 叱 前後,車有 不 憐 賢 稱 恥 生 者 披 柳 己 以 人 遺 取 裘 同 子 不 下 去 非 取 金 金 薪 薪 取 操,故千 惠之行 吴 季 附 金 也。 者 者 乎 金、況以 子之操也 何 不 從,不 , 延 於 欲 難 地 以 自 歲 使 陵 ? 白 益 交 其 能 取 左 君 2

下。 繫練之狀。」 孔 見之。」孔子曰:「門外何有?」曰:「 示之,日: 子 東南 下 傳 書 而 或言 顔 望吴昌 淵 孔子 一若 髪 白 顔 見吴 門 撫 淵 出始 外 其 落, 與 昌 有 目 孔 繫 門 而 遂 子 白 乎? 止之,4 以 俱 馬 病 上 死 引 顔 魯 因 顔 淵 太 有 蓋 與 淵 曰 Ш 俱 指 如

> 言? 此言。 早夭 淵 則 非所 精 去之百里,不見睡 如 有餘里,使 見千里之外,與聖 實論之,殆虚言也。 世宜稱亞聖,不宜言離朱。 神 何能審之? 死 明察,遠也。 不 蓋人目之所見,不過 能若 考六經之傳, 世 離 俗聞之,一有「人」字。 孔 朱 子,彊 望 如 人同 螺,❺遠 傳曰:「太 之, 才庶幾者 亦 力自 終不 · 孔 案《論語 無 也。」 此 極 子、諸 十里,過 能 語 Ш 精 人目 明 見 案魯去吴千 之高巍然, 》之文不 皆 華 目 子 夫 ; 之視 竭 異 此 以 況 顔 何 於 不見, 盡 使 淵 也, 故 顔 見 不

<sup>■ 「</sup>負其」至「者棄」十二字,原爲雙行小字,據通津本改

<sup>「</sup>叱」,原作「北」,據通津本改。

<sup>「</sup>實」,四庫本作「適」。

<sup>「</sup>止」,原作「正」,據錢批、四庫本改。

<sup>「</sup>睡螺」,孫詒讓云當作「埵堁」。

於學 之内 之與 淵 致 伯 奇 眇 也 力 武 能 耳 外 上 物 放 髪 此 王 聞 自 奇 不 大者易 力由 望 流 今顔 與 ; 之 太 能 用 也 動 白 白 太 用 孟 ,首髮早白 Ш 師 憂, 見 齿 筋 力 馬 Ш 淵 曠 陸 説 察 脉 非 均 落 不 孔 之 之 而 之聰 賈 用 舉 直 也 休 子 色? 形 小 筋 顔 日 力 非 鼎 帷 亦 者 9 望 脉 淵 : 氣 其 不 簿 終 不 目 難 不 遠 不 任 用 力 致 色不 離 ^ 之 不 不 能 能 審 詩》云 堪 睛 竭 也 望 内 能 婁之明,不 能 聞 絶 見 能 盡 遠 絶 見 見 脉 百 使 蹔 百 也 髮 見 傷 百 目 故 里 顔 里 望 而 白 睛 里 而 況 之 一之外 淵 惟 至 死 明 何 倉 炭 死 不 外 從 能 憂 於 則 矣 處 以 卒 落 任 道 太 昌 舉 用 死 察 驗 也 耳 安 昌 老。 用 鼎 門 宜 之? 0 Ш 理 帷 亦 非 能 伯 精 盲 宜 門 之 秦 用 顔 之 簿 不

儒書言:舜葬於蒼梧,禹葬於會稽者,

舜 君 以 與 爲 岱 也 實 别 水 如 也 出出 道 巡 死於 宗 高 傳 禹 禹 舜 0 深 四 0 也 遠 狩 相 之時 説 於 嶽 分 共五 年 近 禹 遠 ; 南 因 言其 禹 部 者 不不 舜 老 王 近 會 至 不 Ŧ ,鴻水未 至 如 稽 會 道 無 四 行 霍 殊 殊 蒼 巡 舜 舜 里 方 稽 不 死 治 内 山 梧,禹 0 狩 之 南 之中 賢 見者。 邊 ^ 本 鴻 外, 堯 境, 治 事 西 治, 聖 土 虚 山 水 無 典》 水 至 故 家 到 也 名 同 堯傳 諸侯之來 所 太 聖人 遂 會稽 聖 天 之篇 死 堯 几 改 夏 華 下 舜 止 人 崩 於 於 海 禹 舉事 之 葬。 以 巡 之 北 之 蒼 舜,舜受爲 非 故 巡 舜 與 狩 天 後, 内 梧 其 至 大 守 求 巡 並 堯 所至 下 夫言舜 葬 ; 實 恒 舜 狩 爲家 會 會 禹 其 俱 焉 也 山 老, 嶽 計 帝 以 東 帝 宜 東 不不 禹 於 治 亦 實 復 以 之 者 滴 至

平, 計 狩 不 天 獨 多 立 則 輒 蒼 高 狩 郡 此 有 一,紛綸堙 下 考 名 之説 能 號 爲 輒 梧 ? 會 本 Ш 會稽 郡 從 安 不 正 辨 名 夫 會計 升 如 也 因 郡 是則 法 定 或 至 ,賢聖之才莫能 封 禹 何 所 誠 以 會 度,禹 立 方 或 且 太 一滅者 言 往 會 始 會計 名 會 敷 稽 一百餘, 成 名。 Ш 四 東,死 哉? 計 禹 稽 郡 ? 安 名 不 方之山 巡 ? 時 爲 之 太山 會計 得 故 周 狩 吴爲 猶 縣 會 可 於 地 六國 百 時 會計 會 日 邑 計 萬 勝 會稽,舜 如 之上 之説 王 説。 舊 皆 計 會 裸國 出 物 數。 太 治 立名,狀當 禹 會 名吴越 於 於 稽 萬 之名,不 封 Ш 定 未 計 君 到 此 此 ,斷髮文身,考 如 可 封 鄉 則 南 高 亦 也 夫言 Ш Ш 可 審 見 亭 者 0 出 也 巡 方 能 ? 從 帝 者七 虚 一, 四 一,爲 聚 可 狩 説 巡 大 也 如 王 百 何 宜 也 説 里, 會 方 巡 何 吴 巡 Ш + 至 所 聽 王 也 皆 宜 巡 越 狩 名 有 承 則 於 會 君 巡

之無用,會計如何?

之墓 之。 禹? 稽。 治 或言 舜 獸 痛之。」夫天報 也 會 水 報 稽 禹 使鳥獸 不 勤 耕 葬於崇山 祐 傳 鳥 夫舜禹之德,不能 天欲 田 苦 之 書言: 爲之 得 施 何 也 有 報 寧 天 人民之家,天之報祐 功,故  $\mathbf{H}$ 舜 處 恩 田 舜 耕 冀 世 舜 禹 。 ③ 之偏 葬 莫 故 州 禹,使鳥 了, 宜 天 於蒼 不 舜死 不 蓋 我之; 鳥獸 能 駮 使 然。 以 過 使 梧 也 蒼 於 聖 堯。 不 人 ? 田 象 梧 蒼 考 遠 耕 德 祭。 象 實 爲 梧 離 或 所 堯葬於冀 會 之耕 耕 川 之, 聖 致 中 日 祭 稽 禹 鳥 或 何 殆 加 常 死 獸 天 ; 益 故 獨 何 舜 祭 於 舜 虚 使 禹 州 其 鳥 禹 祀 舜 會 爲 禹 葬

<sup>「</sup>四」,錢批改作「巡」。

<sup>「</sup>承」,通津本作「太」。

<sup>「</sup>鳥」,黄暉據程本、汪本、崇文本等云當作「鳥」。

四

靡 蹈 陽 陵 會 祐 拙 泥 稽 麋 鳥 舜 土 也 易,人随 鳥 衆 攸 禹 田 Ħ 若象 居 鳥 自 非 無 一。」天 所 食草 益 其 居 耕 種 哉 實 地 之,世 狀 也 之情, 土 禹 何 由 蹶 貢 實 嘗 俗 此 草 (者, 蒼 爲 **>** 言之, 帝 則 曰 盡 黙 王 謂 : 葬 若 之 □「彭 爲 梧 鳥 海 行 舜 耕 多 田 陵 禹 田 也 蠡 象 象 者 狀 田 之 既 耕 邪 0 象 地 瀦 ? 壤 海 自 報

烹彭 能 死 恨 也 猛 浙 爲 鑊, , 河 濤 江 勇 濤 乃以 言 越 猛 皆 以 傳 也 水 投 其 子 書言: 立 湘 不 鴟 溺 力 恨 夫言 胥 爲 殺 子胥之 夷 怒 江 恚 勇 濤 橐投之於 人。 不 吴 王 湘 吴 驅 猛 如 江 廟 世 今時 王 不 水 子 夫 不 過子 人必 爲 殺 胥。 差 爲 濤 蓋 會 子 江 殺 濤 路 者 稽 欲 日 胥, 夫 伍 慰 子 丹 屈 衛 子 彭 申 虚 投 胥 其 徒 原、 胥 葅 徒 越 也 之 恨 大 恚 子 申 狄 2 煮 於 江 恨,驅 心 然 路 徒 蹈 屈 ", 止 江 之於 錢 狄 加 河 原 士 漢 實 其 水 懷 唐 不 而

> 都 求 今吴 錢 守,子胥 人若 三江 江 也 其 人 時,其神安居 不 索? 唐 ? 怒 能 今吴,餘暨 0 0 3 國 或言 恨 浙 發怒 有 氣 有 子胥亦 江 已 恚 濤 前 吴越 之神 丹 於鼎 投 贵 滅 後 也 徒 浙 於丹 不 以 分橐 ? 在 復 江 大 自 夫 仇 相 鑊之中 南 時 江 先 何 差 贵 讎 徒 山 副 中 分會 屬 入鑊,乃 怨 無 未 怯 陰 有 大 越,錢 之體 也 苦? 類 於 死 江 錢 江 以 稽 鑊 吴 唐 且. 散 子 上 無 烹 唐 郡 湯 人 爲 爲 浙 投 孫 虞江 濤 置 湯 以 勇 江 濤 會 於 越 江 遺 北 於 •  $\equiv$ 葅 不 稽 江 治 在 欲言 有 屬 江 汁 江 在 皆有 止 中 Ш 立 吴 吴。 中 瀋 水 鑊 陰, 可 置 投 欲 乎 通 哉 何 中 漎 也 ? 吴 太 於 之 錢 何 陵 江. 旁

8

漎」,吴承

仕云當作

<sup>2</sup> 0 日」, 伍 原 原 作 作 位 白 據通 通 津 津 本 本 改。

<sup>674</sup> 

事 爲 骨 白 文 知 杜 王 安 誉 任 子 江 無 越 唐 血 賢 之 不 能 脉 以 虚 伯 殺 衛 之 胥人吴之江 111 肉 神 之 筋 驗 報 言 其 糜 亦 也 爲 其 之驗 射 地 江 力 聖 能 (身,自 臣 然 哉 濤 ? 爛 吴 宣 死 惑 越 兩 ,其朝 王 今子 杜 ? 也 血 王 焉 怨恚 國界 成 水 用 伯 脉 使子 令身 俗 莊 爲 精 而 胥 趙 爲 且 流 夕 吴王 夫 也。 語 魂。 驅 羹 子 夫 濤 不 往 行 簡子 地 胥之類 死 子 不 葅 水 義 能 當自 水 0 之 筋 發 來, 實,成 子胥之生,不 胥 汎 往 害 完 難 Ш 何 有 殺 之身, 來,豈 簡 揚 體 猶 怒 驅 力消絶,精 陰、上 能 数百 其 百 Ŀ 動 子 人 爲 爲 越 而 有 吴 111 臣 之呼 静 丹青 江 人 煑 報 事 害 界 也 莊 千 杜 虞 易 自 讎 湯 伯 理 人 違 中 子 也 在 吸 能 猶 從 鑊之 乘 之義, 似 義 ? 有 子 魂 失 越 丹青 氣 從 何 人之有 也 節 其 道 飛 界 義 周 船 出 生 爲 度 中 散 中 理 之 有 後 之 宣 生 渡 猶

> 乎? 之深 濤 身,爲 宗 秦 疾 也 以 濤 馳 日 起 大 也 隨 江 始 之 子 故故 于 瀬 0 ,子胥之怒 而 育 爲 浩洋 波 皇 海 天 己 堯之女,舜之妻 月 濤 案 流 騰 地 亦 ; 渡 盛衰 濤 也。 者 廣 爲 之性 濤 唐 湘 溺 安洋 曲 陵 濤 虞 水 殺 小小大 謂 子 子胥、  $\equiv$ 江 一、上古 以 之前 江 人, 江 子 有 ; 遭 廣 月 胥之神 之 胥 淺 濤 之 風 陵 子 滿 岸 爲 也 爲 多 竟 中 有 身聚 曲 損 胥 也 問 沸 節 濤 沙 之。 江 ]。 」 始 不 之 以 殆 其 湘 也 踊 石, 岸 竟 齊 誰 有 神 隘 小 發 Ш 經 漼 中 濤 激 無 口 居 狹 皇 淺 海 何 日 復 央 也 溪 揚 知 也 大 江 文 狹 祠 中 : 爲 無 如 谷 爲 也 怒,使 之時 時 人 左 水 濤 吴 風 子 聲 江 爲 瀬 賦 風 胥 之 激 右 溪 殺 瀬 漢 也 之。 起 漾 刑 對 揚 爲 谷 沸 必 者 夫 其 朝

■「也」,原爲空格,據通津本補。

之神 徒 千 爲 濤 猶 斬 謂 湘 Щ 女之精 之 樹 而 爲 履 風 之。 也 夫 謂 子 胥

聖 者, 却 乎 子 生 王 行 殆 人 出 子之後 却 生 尊 · 五 ? 王 流 無 慎 虚 流 時 置 時 敬 道 言 天 招 祐 傳 傳 帝之精 孔 推 吾 當 致 應 書 也 此言孔子之德,能 神 排 功德 子之死, 孔 己 瑞 天 封 如 言 信之。② 使 子之 不 矣夫 泗 死 夫孔 應,皆以 之。 以 不 容, 應 水 孔 能 操 泗 天,天 [! 死 却 子 五. 故 子 然 神 行 水 是故 流 死 獨 當 歎 帝 則 生 絶。 也 生 却 有 不 曰 泗 存 天 孔 孰 流 儒 時 : 天 王 封 水 欲 泗 不以 子 天祐 使 與 爲 者 「鳳鳥 無 報, 之 其 之 水 封 生 其 證 水 稱 祐 死 身, 葬, 孔 無 至 却 時 生 是 論 死亡。 一德 也, 天 不至, ? 不 知 子之後 死 如 孔 乃欲 3 泗 原省之, 反 子 爲 五 神 皆言 湍 水 故 生 封 之 有 一能 孔 帝 孔 河 其 爲 不 Ŧī. 其 子 魂 不 帝 孔 使 報 子 操 墓 之

> 以 後 復之處 乎 異。 ? 則 ; 是 百 泗 蓋 ]1] 水 水 之行 却 偶 流 自 不爲 或 却 易 流 道 神 更 怪 江 路 也 河 之 與 流 却 流 有 無 П

六六

之,即 鳩 聖 殺之。 鳩 子案 使 虚 鳥 畫 言 之罪 鸇 人 獸 去 不 也 下。 低 傳 使 能 世 方與 頭 書 安 人 擊 自 使 夫 稱 鸇 稱 可 多設 鸇 鳩 責 鳥 客 之 追 復 之鸇 魏 潤 物 飲 ? 日 撃 得 羅 公子之德,仁 爲 殺 鳥 也 有 ? 義 得 一,情 低 爲 鸇 於公子 魏 理 能 鸇 鸇 頭 擊 公子 之行,公子 心 低 數 者 鳩。 不 不 頭 + 以 敢 之前。 爲 同 枚,責 自 惠 千 仰 鳩 音 鳩 責 萬 視, 走 下 報 何人, 語 數 士 公 是 公子 仇。 讓 巡 不 聖 子 向 以 於 兼 通 能 此 鳥 擊 14 恥 擊 及

<sup>1 「</sup>者」,通津本作「也

③ 「稱論」,原漫漶不清,據通津本② 「傳」,通津本作「世」。

之加。 變折 實 也。 次,空生 鳥 義之人, 子之行,則不擊鳩 也 與 其 人 曉公子之言,則知公子之行矣。 或 (異,謂 頸,疾痛低 則 虚妄之美; 時 大 公子實 之能 褒 稱 於 垂,不能 悔 捕 言鸇 其前 功名 ,世俗之語 鸇 鳴 服 之下, 仰視。 人猶 過。 得, , 失物類 不 常有 蓋言 緣公子 、 持 其 能 改 知公 非 語 過 頭 實 之 惠 之

壞 獸 爲 世 無 服 虚 之性 ? 稱 禮 Œ 也 從,莫敢不率,非 也 桀紂之惡,不言淫 傳 天下,道之以 也。 外 書言: 一,則 夫率諸 夫亂骨 内 外 亂 不 恥 相 不 肉犯 齊桓公妻姑姉妹七人。此言 侯 禮 知 副 朝事 之不 倫 德,將之以 内 親 則 理。 亂 戚 王 功 於 存, 懷鳥獸之性 ,無上下之序者,禽 無 室、恥上 親 案桓 成 内 戚 威 而 公九合諸 何 以以 威 實 犯 無 論 不 禮 勢 者 故 者謂 立 諸 而 而 所 矣。 侯 自 能 侯 下

> 别 郜。」 美,貶 亂,公薨三月 内寵,内嬖如 明、公羊、穀梁 於桓公,隱 經》曰:「莊二年冬, 魯文姜,齊襄公之妹也,襄公通焉。 紂 淫 於桀紂惡微於亡秦,0亡秦洎於 3 亂 則言亂 之言。 而 春 纖芥之惡。 過 秋》何尤於襄 重 於 而 一於秦、 桓 乃 姑 夫人者六,有五公子争立 不譏? 何諱 姉妹 赴 公妻 莽 桓 世聞 不言? 七人矣。 姑 也 公惡大,不 夫 如 公 姉 經 人 而 内嬖六人,嫡 七人, 失之, 春 姜 書 案桓 1秋》采 其 氏 奸 會 是 公之過 傳家 貶 王 ? 齊 一莽, 惡 何 毫  $\wedge$ 庶 左 侯 春 哉 於 何 毛 之 無 多 齊 丘 于 秋 桀 無 宥

傳書言:齊桓公負婦人而朝諸侯。此

<sup>「</sup>於」,通津本作「夫」

<sup>「</sup>洎」,通津本作「過泊」。

<sup>「</sup>是惡」,通津本作「惡浮」。

方脩 率 言 時 諸 桓 角婦 侯 士禮 公之淫 朝 人於背 事 ,崇厲 王 亂 室? 無 其 肅 禮 敬,負婦 游 甚 葵丘 宴之 也 之會,桓 時 人於背 夫 桓 何 公 以 公驕 大 何 加

以

能

此

?

朝

之

六八

管仲爲 霸 必患 諸 者。」夫 留 不 ? 侯 得 怒而 千人 婦人,創 或 或 君 + 日 曰:「管仲告諸侯 以上,必知方術。 畔 諱 室之邑,必有忠信若 去,何以 也 不衰愈。 桓 諸侯 公實無道 能 知苟 諸侯信管仲 久統 公,吾君 任任 爲君 會諸 治疽 賢 朝 孔 背背 相 侯, 不 子。 而 管 有疽 用 成 欺 故無 仲 婦 己, 功 當 創 於 故 時 畔

> 之間 謂之有 矣。 行也 綬,戴天子之冠,負扆 下,千世一出之主也。 夫 知賢臣。 君 用 苞茅不貢,運 靈 ,故有 管 説《尚 公無 仲 日 亂? 桓 扆, 南 貞良 4 一公尊 管仲爲 道 書》者 故 難 知 任 之 兵攻楚,6 九 面 曰: 桓 臣。 用三臣 日 輔 九之人 之坐位 公 周 何 無 臣 衛 南 明 而 亂 賢 靈 , 拔 面 九合諸 公居 僅 云 桓 也。 行 而 君 負婦 以 公不 甯 也 朝 明 攝 不 無 戚 負 諸 侯,一 之 喪, 帶 於 爲 扆 人於背 道之君,時 侯 有 驗 車 亂也? 南 户户 賢 天子 非 下 匡 奈 面 有 明 牖 之 天 何 鄉 功

字。

九

或

畔

去,

況負

婦

淫

亂

之行

何

以

肯

?

當

時

侯

畔

者

九

或。

睚

眦

不

· 得, 一

有「所

載

成

事

桀

殺

關

龍

逢

納約

殺

王

子

比干,無

道

3

莫能

用

賢

使管仲賢,桓

公不能

用,

遠

**賢**,反

害仁義,❸安能任管仲

,能養人令之

能

霸

天下。」

夫

無道之人,與

枉

無

異

9

信

讒

苟」, 通 津 作 通 津

<sup>2</sup> 枉, 通 津 本作 不狂

反, 作 友」, 據 通 津

用 運 原脱 四庫本作一 據 通 津 本 補

足,猶 矣,断 足,卒 子 宗 聲悲 之語 也。 趨 求 或 家,主人方乳。◆ 世 田 於背矣。 坐 ·, 孰 ,衆稱 于 卿 俗 0 步 티 : 傳言: 東蓂 善 官, 也。 扆 守者 足 爲 能 坐 且 不 在 調 立於後 無 賤 伯 守 當 漢之宗正 此 唐 後 一作「莫」。 断 勝,之子必 音 宜 足之人, 者。 之?」遂 夷。 夢 時 虞 則 也 足,不 故故 樂, 人 時 夔 也 伯夷稽 孔 或 爲 足。」案秩 可 桓 夔爲 甲 : 可貴 守者。 足、宋丁公鑿井 載 曰:「后 也 也 公 何 Ш 世 一調 之欲貴 賤。」 朝 以 用 俗 首,讓 大夫, 天 也 樂 諸 秩宗之官,不 歸 断 行 傳 雨 今夔一 孔 宗官 侯之時 足, 2 來,之子 如 也 云 孔 (之子, 晦 析 甲 夔, 性 ? 于 甲不得 則 冥, 橑 缺 日 夔、 知音樂, 足 夏 足, 斧 : 有 非 必 得 后 龍 帝 足矣。」 或 負 貴之 貴。」 其 宜 無 爲 于 餘 斬 孔 舜 婦 南 余 秩 調 力 其 民 理 博 大 甲 面 人

> 之作 疽 徹 推 言 作。 分 生 而 於 也 子 隔 胸 管 伯 坐 人 此 日 方朝諸 服 仲以婦 非 自 未 以 : 則 負之何 夷  $\overline{\mathsf{J}}$ 論 故 鑿 鑿 生於 云婦 婦 不 井 井 日 公鑿 負 人於背,女氣 得 侯,桓 後 人治疽之言矣。 時 益 人 婦 土 「宋丁公鑿井得一人。」6 讓 不不 在 井得 人之語 常 ? 也 於 背。 公重 復 有 0 夔 桓 寄 穿 寄 焉 公思 人 知 衣, 汲 土 汲 猶 瘡 婦 鑿 於 , 計 , 計 此 宋 婦 士 可 人 井 井 使桓 類 之, 去, 之, 丁公者 在背 作 中。」夫 也 襲 無 庭 一公用 以 日 日 裳, 非 爲 婦 燎 得 負 去 得 道 婦 宋 女 婦 俗 而 人 治 生 氣 傳 則 夜 人

<sup>■「</sup>鄉」,劉盼遂云行。

<sup>「</sup>断」下,四庫本有「一」字。

<sup>「</sup>足」,吴承仕云衍。馬宗霍疑乃「定」字形近之!

<sup>「</sup>乳」,原作「孔」,據通津本改。

<sup>「</sup>丁公」,原爲雙行小字,據通津本改爲正文。

坐,以思致士,反以白日負婦人以見諸坐,以思致士,反以白日負婦人以見諸

與聶 韓 年 虚 王 也 ,短書小傳,竟虚不 政 傳 聶 書言 殺 夫聶 政 俠 刺 累相 政 韓 聶政 之 相 去十七年,圖而言聶 時 俠 爲 累。 韓 嚴 可信 列 翁 十二年,2列 侯 仲 也 也 刺 殺 列 韓 侯 王 政 侯卒。 之二 刺 此 殺

也。 顙 筑 秦王 擊 燕太子丹 王 秦王 筑。 不 秦王,實也 秦王膝 説 得 夫秦王者,秦始皇帝也。 傳 年, 誅死。 漸麗 書又言: 燕太子 之,知燕太子之客,乃冒 病 使 進,不能自禁。 傷 使將 荆 乃置鈆於筑 三月 軻 言中 後高 軍 刺 而 王 始 秦王 漸麗 死。 翦 皇 丹 攻 6 病 中以 復 夫言 刺 漸麗 燕, 始 傷 以 客 皇 三月 擊 始皇二十 爲 荆 高 以 得 殺 其眼,使之 筑 漸 重。 軻 筑 太子 而 軻 見 4 麗 擊 明 死 秦王 當擊 秦 以 刺 矣。 年, 筑 Ŧ. 秦

> 死言恒 Ľ. 臺 年,高 盛 皇之身,世或言死於沙丘 人不能定 十七年,♥游天下,到會稽 十五年,遂伐燕 始 始 Ш 傳書又言病 8 漸麗 皇 病 並 崩。 瘡 也 海 以 筑擊始皇不中 夫 西 傳 讖 筑 至 書之言多失其實,世俗之 而 瘡三 書 平 虜 言 原 燕 月 始 津 ,或言死於秦, 王 而 皇 至 而 誅 死 還 琅邪,北至勞、 病 於秦。 漸 到 到 後 麗 沙 沙 不 丘 丘 審 始 其 平 而 何

四

庫本作

<sup>· 「</sup>二」,通津本作「三」,與《史記·韓世家》合。

<sup>「</sup>二」,黄暉據《史記》云當爲「三」。

<sup>■ 「</sup>七」,黄暉據《史記》云衍

<sup>「</sup>刺客」上,通津本有「使」字。

<sup>「</sup>鶉」,原作「剪」,據通津本改。

<sup>「</sup>一」,通津本作「二」,黄暉云當作「三」。

也? 當君。 曰 : 子韋曰:「熒惑,天罰也; 延命二十一年。]公曰:「奚知之?」對曰 之言三,天必三賞君。 也,子毋復言。」子韋退走, 1北 活也,其誰以我爲君者乎? 使治國家 懼,召子韋而問之曰:「熒惑在心,何也?」 臣敢 君有三善,故有三賞。星必三徙,三徙行 可 移 質君。 民饑,必死。爲人君 寧獨死耳。」子韋曰:「 於民。」公曰:「民 雖然,可移於宰相。」公曰:「宰 書曰:宋景公之時,熒惑守心。 也,而 天之處 移死焉,不祥。」子韋 高 今夕星必徙三舍,君 而耳卑,❷君 死,寡人將誰 心、宋分野也、禍 而 可 是寡 欲 移 殺 面 於歲 其 再 人 命 有 民 拜 君 以 相 古 人 自 爲 盡 所

> 祐矣。 則夫 + 言,亦無損 無益也。 惑本景公身有惡而守心, 徙審則延命,延命明則景公爲善天祐之也。 徙,臣請 如子韋之言,則延 七星,❸星當一年,三七二十一,故君命 一歲。 世 此言 間 死可。」●是夕也 使其 人 臣 也 虚 能 請 也。 不爲景公,則雖 爲景公之行者,則必得景公 伏 於殿 年審得二十一歲矣。星 何 則? 下以 則 ,火星果徙三舍。 雖聽子韋言,猶 皇天遷怒,使熒 何之。 不聽子韋之 星 必 延二 不

齊 景公時 有 彗 星, 使 人禳 之。

**順**衡卷

<sup>0</sup> 「還」。 退 黄 暉 據 《淮南子》、《新序》、《吕氏春 云當 作

<sup>3</sup> 2 耳」, 吴承仕云當作「聽

上讀。 「三徙行七星」,四庫 本作「舍舍行七星」,上「舍」字屬

<sup>4</sup> 可」,通津本作「耳」。

七二

之凶 《詩》 方國。」 其 景公出三善言,則其先三善言之前,❷ 心 偏 作「爲」。 君 宋 猶晏子不肯 爲,無能 翼。 穢 民 禳之何 日 君也 一卒流 命 駮 ,使熒惑徙三舍,延二十一年, 也。 善言 ,猶子韋 不 日 昭 ,若之何 無 事上 君 齊 晏子, 亡。」若 益 君 出 補 益 同 ? 無 無 我 於意 也。」公説 也 帝,聿 也? 變 從 穢 П ~ 欲 無 一,秖 禳 共 詩》 德 也 德 德,方 使彗消 移 所 之 同 禍 取 監 懷多 熒惑之禍 口 又 也? 人 曰:『惟 誣 則 由 乃 亂, 夏 何 君 國 齊君 焉。 共 而 福 事二人。 岸 禳 有 民 后 將 增 且. 本 焉? 及 善 將 爲子 至, 此 天 天道 其壽 厥 也 齊 商 行, 流 之 文王,小心 德不回,以受 何 氣 君欲禳彗星 韋,晏子 亡,祝史之 有 不 若 宋君不 用 善 患 天猶賢宋 何天 彗不 不 闇 德 彗, 亂之故, 行 異。 於彗? 之穢 祐 以 不 必 動 多 聽 有 爲 翼 善 宋 貮 於 除

> 應? 宜 善行 善言獲二十一年,如 心, ◎三善言安能使熒惑退徙三舍? 熒惑守心 政 穀之變,以政 熒惑之守心,❸ 有失誤之行 臻,福祥 修 以行。景公有惡行,故熒惑守心。不改 行,坐出三善言,安能 也 何 ; 以 至,熒惑之星 有 乎? 效之? 善行,必有 以 不以言。 猶 致 惡 桑穀之生朝。 夫三惡言 使景公出 政 有百百 無 景公卻熒惑之異,亦 悪 善 爲 善言,得千歲之壽 政; 政 守 動 不 發 心 天? 三惡言 能 政 也 則 使熒 善 高宗消 妖 天 使 則 異見 以三 安 惑 能 景 嘉 一背 公 食 使 瑞 桑

使熒」,原爲雙行小字,據通

津本改爲

正

<sup>● 「</sup>先」,黄暉、劉盼遂皆 「彗」,通津本作「獨」。

<sup>「</sup>先」,黄暉、劉盼遂皆云當作「山

③ 「惑」,原脱,據四庫本補。

<sup>「</sup>狩」,黄暉云當作「食」,是。「猶」,原脱,據四庫本補。

乎? 非天祐善之意,應誠爲福之實也。

乎 聲? 煙 吉 非若 譯 形 未之有 異。 天, 上,察地 之言三,天必三賞君。」夫天,體 耳 音 不 獨 均 M 聽数萬里之語 曉 孔 曉 誤 諸有體者,●耳 氣 螻 子韋之言:「天處 能 高 何 比 蟻 天 几 氣 也。 矣。 聽 語 則? 不 之 體於天,❷非 所 夷 於人 不 人 能 不 螻 爲 天之去 能 況 相 辭 聞 天 也。 蟻, 四 達 螻 天 ? 曉 人言 夷 蟻 也。 安能 弗 與 尚 之體 人, 説 咸 入諸夏, 人 雖 謂 不 若 能 災變之家日 今天之崇高 異 附 高 知 五 天 高 見 使 螻 聞 於首 體,音 細 帝 聞 而 数 其 天氣 蟻 世 、所行 聽  $\equiv$ 萬 大 人言 體 於人也 不若人形 卑,君 王 與 譯 安 人坐 里 乎, ? 體 也 随 而 6 與耳 能 氣 善 非 使 樓 使 與 殊 不 有 通 若 聞 天 惡 臺 能 直 耳 平 謂 地 君 在 體 爲 其 去 天 樓 之 附 ? 無 同 人

> 惡人。 公,賢 不過 尺,動於水中 非 火 遠近,宜與魚等; 之外,澹然澄 地 天 七尺之細形,形中之微氣,不過 同 地之 實 與 事 者也。 魚鼓 世間聖人,莫如堯舜 從下 間 也 人同, 6 而 猶 地上變皇天, 静 ·, 振 賢者操行, 假 所 振 魚 ,離之遠 水 使真然,不 振 在 旁側之水,不過數 氣 也 蕩 水 應 者 中 魚 而 不 矣。 也 動 上不 變,宜 何 過 能 而 其 ; 百 其 今 至天 **●**悪 水 及聖,下 高 與 步 能 與 蕩 也 人莫 水 以 操 氣 尺, 鼎 均。 行 行 而 魚 變 如 不 之 大若 且. 戀 長 動 蒸 桀 過 景 以 氣 里 此 天

<sup>● 「</sup>諸」,原作「語」,據通津本改

② 「比體」,通津本作「體比」

<sup>「</sup>謂天非若螻蟻於人也」,劉文典、劉盼遂皆云行文

<sup>「</sup>誤」,原作「設」,據通津本改

<sup>「</sup>五」,原作「二」,據通津本改。

<sup>「</sup>非」,原作「皆」,據通津本改。

<sup>「</sup>如」,原作「不」,據四庫本改。下「莫如桀紂」同

七四

桀紂 之政 紂 桀 善言 語 約 虚 多惡 堯 也 ,皆近百載。 宜爲殤子。 ,延年二十一 舜 有 操 行 反 多 景公脱 今則不然,各隨 善 歲。 是竟子韋之言妄,延 無 是則 禍之驗。❶ 移 熒 堯 惑 舜 之 年 宜 效 景公出 壽 獲千歲 ; 年之 堯 桀 舜 紂

肯 或 罪 諸 乎? 於景 分 伯 人 八之辜 移 聞 民。 於 侯 野 人乎? 禍 之, 臣 公也 也。 有當死之罪 且. 天之有 也。 於國 設國 子韋之言曰:「熒惑,天使也, 肯 臣 禍當君 方伯 聽 明 人? 方伯 君 如 其 罪 熒 計 何 惑 不 言 在 不聽, 其言 ,使方伯 。」若是者,❸天使 口 若此,子韋之言妄也 聽者, 釋 君, 也 移 「,令其 或 猶 雖然,可 於 自 自 國 君 王 将 韋 或 者 之 君 臣 守 相 罪 君 之 之罪,熒惑 歸 其 若 移於 之 ",更 有 國 罪 歲 炎熒惑 罪 於 或 方 移 臣 與 心, 伯 或, 子 非 以 或 君 加 也 付 禍 安 問 宋 或 方 與 民

> 子産不 未可信 去乎? 景公聽 堯 臣 産 臣言 變見天。 然,則知 三舍? 與子 必 聽 梓 有 引 産 聽,天道當然,人事不 梓 慎 用。 乎 夫 方 過 天無驗 梓慎 言 同 慎 聽 伯 自 四 心 天人同 子韋之 與 子 不 庸 或 也 知之,請 矣。 釋 不 方 能 何 聽 諸 能 無 伯 道 皆無 知 宋 侯之罪 動 災 聞 一, 好 矣。 衛 天 於 乎 其言 陳 ? ? 子 惡 福 然 鄭 ,熒惑安肯徙去 産,有 不 能 善,星徙之實 使諸 堯 之 釋 而 殊。 卻 遭 俱 其 不 也。 侯 卻 鴻 以 災 罪,委 人道不 不 除之。 除 水 也,氣 使子 聽 時 者 之 其

分野 也。 案子韋之言曰 禍 當君。」 審 : 「熒惑 如此言 天 禍 使 不 也 可 ; 除 心,宋

8 9 0

是」,原作「民」

據通

津本

改

<sup>「</sup>有反」,黄暉、劉盼遂皆云二字互倒

<sup>「</sup>語虚」,原作「虚語」,據通津本乙正。

言 然,可 徵 陽 則 正言 於面 天之妖,安可以治除乎? 祥 言熒惑之禍,非寒暑風 卻 也。 之家 脩 不 命肯爲之長乎? 年,享長久之福 已見 於面 熒惑安可卻,景公之年 也。 可 政 出 ,謂之失誤所 ,人或謂 改行,安能卻之? 若熒惑守心,若必死猶亡,禍安可 卻 不可,容色肯爲善言之故 移 虚 熒惑 也。 也。 或 於 華之三言,謂 且. Ŧi. 面 若夫寒温 亡,身且 守 在體之色,不 鄰 有容色,雖 之 曰 : 心, 若移 誤矣。 致,可 氣 未 不 山此 死, 失 於 知 星 可 雨之類 以 和 善操 觀 袄 善 卻 安 奴役。」當死之人, 必死 所 滅,命不 可以言行滅 善政 人病且死,色見 政 氣 子韋之言, 可增 而 風 爲 賢 見於天,容 禍 行 滅,而當 ,身死命終之 雨 之徵也。 賢行 使 行 除 乎 不 不 可 能 ? 時 景 長。 尚 增 變 滅 政 公 死 景 壽 除 ; 由 不 而 此 之 雖 在 死 色 能 復 延 事

死也。❷

言 行 或 復 公一 必 知 惡言進, 星 星徙十舍乎? 曰:「君有君人之言三,天必三賞君,今夕 三舍乎? 出 度, 審 偶 時熒惑守心爲旱災,不爲 |必徙三舍。」若此,星竟徙三舍也。 ,以爲死禍 坐有三善言,星徙三舍, ,景公之誠感天矣。 自當去, 三惡言,熒惑食心乎? 且言星徙三舍者,何謂 適 自 無善無惡,熒惑安居不行 一徙歷於三舍也? 去,自 ,信俗至誠之感。 景 熒惑守心爲善言卻 公自 以著己之知,明 不死。 亦 也? 或 世 君 爲 如 則 薨 時 熒 案子韋之言 善言卻,爲 有十善言 八惑之 君 謂 子 星三 臣 韋 子 動 子 如景公 推 韋 乎 一徙於 韋 夫景 知 處 讓 不 星 之 星

- 「陽」,通津本作「見」。
- ②「使」,通津本作「故」。

以 其是。 之,果徙舍。」不言三,或時星當自徙,子韋 覺。宋無晏子之知臣,故子韋之一言,遂爲 | 臣非: 無以 之所 使晏不言鉤星在房心間,則太卜之姦對不 日 己能動之; 星固 徙,猶太卜言地 乎?」太卜曰:「然。」晏子出,太卜走見公: 太卜曰:「昔吾見鉤星在房心之間,地其 動地。」地 能?」對曰:「能動地。」晏子往見公,公曰 十一年,因 寡人問太卜曰: 『子道何能?』對 爲驗,實動 、異也。 致。 君出三善言,熒惑宜 能 案《子韋 動 古 見星之數七,因言星七舍, 地 以星舍計年之數。 齊景公問太卜曰:「子之道 可動乎?」晏子嘿然不對,出 離舍。 地地 動也。 書 將自徙,子韋言君能徙之。 固 録 世增言三,既空增三舍 將自 序秦》亦言:●「子韋 地 固 動。」夫子韋言星 且. 有 自 動。」於 是與 動,太卜言 日: 齊 復 是 太 得 候 見 能 動 何 1

> 之數,又虚生二十一年之壽 也

> > 七六

論 衡卷第 四

0 「秦」、劉盼遂云爲「奏」之誤字。

## 論衡卷第五

篇

異

虚

王

充

者,野 之, 拱。 行 福 年之後,諸 ),側 祖 興滅 弗能言 高宗,賢 高宗召 殷高宗之時,桑穀俱生於朝 草也 身 之言,脩 國 而 一,而生 侯以 繼 行道,思索先王之政, 也。 其 君 絶 相 譯 政 也 問 於朝,意朝亡乎 世,舉佚民。 來 而 9 祖 改行,桑榖之妖亡,諸侯 而 問 朝者六國 己, 感 之, 桑 祖 榖 相 己 曰: 生 曰 遂享百 桑穀亡。 而 <u>.</u>! : 明 七日 吾 問 夫 高 養老之 祖 年之 宗 桑 雖 而 己, 恐 榖 大 知

> 此虚言也。 朝而年長久。脩善之義篤,故瑞應之福渥。

哉! 當死。 爲亡之妖,亡象已著, 國,延期 長短,不在於政之得失。 之夭壽,不在行之善惡; 政,安能 夫家人見凶脩 何益於不亡? 高宗之脩行,何益於除 命終,死不復生,亡不復存。 祖 何以效之? 人欲死,怪 己之言朝當亡 至 除 百 禍 年 ? 善,不能得吉; 乎? 除禍 出 哉,夫朝之當亡, 故 且 或 雖脩孝行,其 人 不 國之存亡,在 案祖己之占, 欲 之死 能 況 祖己之言政, 高宗 期盡。 生, 能 在 招 見 桑穀 何 期 於 致 妖 禍? 猶 人死 益 命 改

魯昭公之時, 魯昭公之時, 鸜鵒來巢。師已採文、成

❶ 「著」,原作「者」,從錢批改。通津本作「見」。

見,福 則 之妖,已 鵒 之 兆 褒之二君也。」是則褒姒當 遂 亡 脩 視之,漦流 得 人交,遂生 而 未足以言之。 師 驗 於齊,國 沙滅亡。 龍 ? 傳於周 不茂 行 己 去,夏王 則 戰 改政 處之,禍 安得不至? 占 己 ? 時 出 0 鵒 之 謡 果 謂 爲善,居高宗之操,終不 褒 于庭,化爲玄 ,皆莫之發。 源 出 之 幽、 久 空 櫝 出出 發,流 意 凶 姒。 矣。 夏將 虚 於文、成 一、厲、 厲 而 已兆 如 9 藏 王之去 都 占。 其 妖 褒姒歸 若 褒姒 衰 安得 之。 有 出 後 出 也,二龍戰 之世 使 虚 昭 禍 龍 夏 黿 等未 不廣? 奔之禍 夏亡,傳於殷 至 昭 驗 公 周, 走 世 戰 生之驗 厲 矣。 安 公聞 爲 一,以 爲 時 得 出到 王 故 人 季 言 E 人 之 後宮 不 爲 王 根 於庭,吐 此 師 野 也; 氏 能 也。 成 曰:「余, 時 就 惑 千 生, 尚 鳥 所 消。 也 數歲 之言 ? 亂 爲近 來 逐 周 龍 與 發 葉 • 巢 瑞 稱 Ļ 或 漦 安 殷 婦 鸜 何 而

> 興; 是 卻 褒, 則 謂 或 之,終不能消。 褒 惡祥見,朝必亡。 善瑞 不得 姒 不 可 不亡。 得 以惡政 不 生 徴 9 善惡 滅 已見, 生 也 謂 列 司 惡 厲 實 雖 異 王 五. 可 不 聖 祥 以 得 + 出 善 不 賢 行 惡 國 相 必 惡 與

七八

然 榖 冬之枯萃。 見 爲 不 禹 春之微 猶 夏 不 能 卻 禁 也 可 驗之。❸ 以 河 卻 源 也 善 9 葉,知 其 當 出 政 也 桑穀之生,其 河 於崑崙 終 今詳 源 王 亡 夏 不 不 命之當 也 有 能 脩 , 其 可禁,二 莖 還 猶 政 葉 流 者, 改 秋 興 猶 ; 播 行, 氣 也, 龍 覩 水 春 於 之當 勢 葉 秋 猶春 不 九 何 當 之 可 秋 河 能 零實 爲 除 實 然, 氣之當 除之? 冬也 也 使 則 一,必 知 堯 事 桑

<sup>2</sup> 0 不 至 庫本乙正 得」,四 厲 王之 時 庫 至 作 E 惑 亂, 厲 原 互

草之占 身行 未 生 夫 草之占,失遠 而 福矣。 終 以 不 則 道 X 周亡之祥見於夏時,人 不 故 ,謂之當亡之徵 ,六國諸 爲紂亡出乎? 謂 夫桑穀之生,殆爲紂出 殷朝不亡,高宗壽 起桑穀之問 近之實。 侯 偶 朝 ,❷改政 而 高 或 宗 至 時 問 ,高宗之命 祖己言之,信 何 脩 祖己之後 以 亦 行 知桑穀 祖 享 己信 或 時 自 百 吉 之 野 年 側 長 野

中 且. 將 湯 謂 桑 觗 穀 從 有 之 獸 ,使謁者終軍議之。 角,象天 爾,有 祖 爲 來 野 漢孝武皇帝之時,獲白 覆 者 古, 己 草 野 之言,雉 説 畫 下 也 3 鳥之形 祖 強升 ·合同 《尚 俱 書 謂 一若民 爲 爲 來 鼎 野 吉 家 野 而 草 也 軍 謂 物 雊 也 爲 0 Ė 獸 雉 處草 区 麟 麒 : 雉 祖 草 X 一夫 戴戴 ? 麟 己 伏 議 廬之中 以 野 於 高 何 兩 野 駮 野 爲 宗 則 獸 角 뾆 不 草之 遠 祭 終 而 而 巾 同 成 軍 共 共

> 於 故謂 雉 以 莢 謂 莢 來 類 X 善 都 野 出 於 野之物,來 朝 0 ; 其 周 野 野 草 之凶 是凶 而 如謂 人 ,是不吉也。 4 公。 草 爲 生於 吉 ? 好 故 含 生 而 也。 醜 高宗得 爲 血 朝 朝, 廬 如 至 也 者 古。 以 X 或 如 是 何 吉, 朱草、蓂莢、皆草也 從 乎? 以 出 故 爲 之而 周 則 夷 草 長 吉 不吉, 不 時 是 狄 木者 狄 民人 吉 古。 天 以 X 來者不吉,介葛 來 ? 下 善惡 異 何 ... 至 人都 太平 議 雉 故 凶, 雉亦草野 爲 是 則 謂 -,越 朱 吉 朱 吉 不 民 之瑞 草、 言宜 草 [X] 也 嘗 人 謂 之 不 蓂 生 之 獻 蓂 盧 之 何

<sup>「</sup>人」,通津本作「又」。

<sup>「</sup>問」,原作「間」,據通津本改。

<sup>●</sup> 上讀。又「獸」上,吴承仕云脱「野」字。 「何則終軍謂獸爲吉」,通津本「則」作「別」,「何别」

<sup>「</sup>莢」,原作「茲」,據通津本改。

<sup>「</sup>之」,原作「知」,據通津本改。

皆 惡 M 麏 物 未 ? 也 立 亦仍有似君子; 何 可 於 然則雉之吉凶未 以 驗 高 爲 也。 宗之 吉 ? 桑穀 朝, 如 公 以 或善物, 故 孫 雉 可 術 高宗 所 知 得 分 象 則 白 有 獲 遠 夫 鹿 似 吉 方之士 桑 , Ø 於 福 穀 士 占 享 之 0 何 長 將 善 以 則

者 作 知 天 至身。 者皆云: 將亡之徵。 五. 改,災見草木; 告王者,信也。 書,天 不熟,6或 ,天何用成穀之道, ◎從 ,桑穀之言安 稔。」災見於 説災異之家,以爲天有災異者,所 《左氏 雨 一夫 穀 災亦 爲 雨 春 災 五. 不改 鬼 可 夫王 穀 秋 穀,五 ,或爲 有 夜 審? 者凶 傳 哭。」 災見 且亡五 一者有 ₩ E 6 穀 福 論説 :「國之將亡,鮮 天降 此 過 於五穀;不 安 書 方 穀 ,異見於國 禍 得 之家 傳 而 X 不 福 熟? 和 惡 熟之應。 著 之 : 之 實 於 且 不熟, 改,災 應 蒼 書 猶 未 以 記 謂 不 和 頡 不 口 譴

> 之言 穀何 帛 害。 絲 遣 何以 之善,況 人 成 布 未可 以 故 帛 陰 爲 猶 謂 縷 陽 絲 X 成 所 知 之凶 穀 帛 和 ? 成 成之 也 與 也 者,穀之道 布。 夫 ? 縷 陰陽 穀 賜 布 夫 賜人絲 從 人 乎 雨 和 雨 帛 8 穀 則穀 下 也, 不 吉 縷 乎 謂 夫 X 稼 何 ! 之 猶 絲 未 成,不 以 惡 可 爲 縷 極 謂 天 定,桑穀 猶 重厚,況 論 之 則 陰 訂 與 [X] 被災 陽 之 ?

0 乃「耿介」之譌 「士」,原作「土」, 據 通 津 本 改。 所 分一, 吴 承 仕 以

術」, 四庫本作「述」。 「鹿」,吴 承仕云 乃「磨」之壞字。

3 朝, 原作「廟」,據錢批 及四庫本改

不」,黄 暉云爲衍文。

「天」,黄 輝、 劉 盼遂皆云 當作 「夫」。

一夫」, 通 津 本作「天」。

0 何」字 何」, 黄 屬上 暉 云 爲 衍 文。 馬 宗 霍 云, 天 何 疑 誤

8 通津本作「織 遣」,通 津本作 遺 \_ 絲 通 津 本 作 「成」。 縷」,

國。 異? 太子 拜。 家,肯 太子 與 暢 暢 危 逆 也 行 爲 食 君 君 嘉 私 朝 達 草 明 欲 失 吾聞 至 服 者 得 欲 禾、 日 0 使 蠶 世 謂 如 太子 安 共共 或 : 靈 暢 則 暢 朱草、蓂莢 爲 將 之 以 與 五 臺 也 草生於周之時,天下太 而 不 或 草 投 嚴 絲 遂 暢 祭 善 夷 拜 忠 聞 君 亦 殿 虵 絲 狄 承 不 灌 乎 無 其 見國之利而 之 獻 草 爲 將 下 令,不逆君 遶 異 ? 爲 暢 而 非 子, 之 死 反 野 人子 左 何何 帛 之類不 欲 降 夫 君 則 輪 之 帛 其 我 虵 暢 乎 以 神。 欲 爲 者, 物 御 行 謂 草 舍。 遶 爲 吉 御 也, 殊矣。 之,殆 止 忘 盡 安。 設 口 之凶 廢 車 衣,衣 者 使 之不 君 子 和 自 以 御 輪 與 日 暢 ? 今吾 安,非子 平,人 道 順 生 熾 人 左 彼 吾 然則 以 草 能 者不 見 於 釀 於君,不 者 欲 太子 桑 衛 人 生 禁,遂 太子, 得 周 國 速 獻 宗 榖 桑 芬 於 來 或, 朝, 道 之 得 下 亦 公 香 獻 廟 周 何

> 爲 實。 子伏 伏 太子 虵 太子 至 [X] 劔 實 夫 將 宜 劔 而 不死 M 桑 死 ,御者之占,俗之虚 死。 御 之妖,御者信俗之占,故 榖 之生, ,獻公宜疾薨。 夫虵 者以 繞 爲 與 左輪、審 吉 蛇 ; 遶 桑穀實 言 左 今獻 爲 輪 也 太 古, 相 公不 子 失 或 似 速 祖己 古 時 類 死 得 [X] 虵 也 或 以 之 太 爲

尚 天 比 死 [X] 而 五. 於 者 Ļ 竭 爲 歸 色 不 龍 也 無 ,見其負 禹 力以 · 吉 案古今龍 吉, ,何足以 主 南 濟 殆 [X] 勞 於 禹 舟 有 雖 萬 江 乃 分舟 滑 若 反 有 民。 至 嘻 和 黄 蓋 中 皆 笑 黄 龍 視龍 之 生, 爲 相 而 龍 負 人恐 吉 似 稱 寄 負 舟 猶 舟 日 也 之異,故 而 蝘 也 野 . 0 ; 禹 蜓 草 舟 死 我 獨 也 夫 生 中之人, 受 謂 以 八爲吉 一於朝 歸 命於 龍 黄 桑 也 榖 龍 去

❶「車」,原漫漶不清,據通津本補

而殷朝不亡。

高宗 則 ? 不 知 M 以 犯 也。 成 師 上,盬 彗 楚,楚操 絶 前 至 不 0 王 鬭 一伏其 明 賢之德 長 ,占爲凶 然而吉者 嚮令文公問 晉文公將 有 猶 彗星無 其 到之者勝 轉 其 久,殷朝 祖 禍 滅 其 腦 (吉, 戰 罪 己信常之占。 妖 柄 爲福之言,到今不實 破破 戦 猶 吉 消 問 分 與楚成 楚之 不亡。 必 。」文公夢與 以 咎 以 凶 晉當彗末, 搏 庸 大 大勝, 有若 犯 問 以 在上, 臣 無 勝。」文公從之, 獲 。 咎 咎 王戦 使文 道 ,必曰:「不 對彗見 福 犯 世 犯 故桑榖之文, 0 無 於 公不問咎犯, 人將 搏 咎 天 日 成 殷 [X] 城 雖 在 王 犯 無 也。 天之詭 曰 下, 濮, 見妖 搏 對 咎犯 君 勝。」 夫桑 爲 大 得 彗 成 「文公 傳 之 卧 不 破 天 王 星 有 咎 故 古 榖 何 以 世 異 楚 在 出 而

## 感虚篇

射得 火 則 精 射 則? 過 矣。 言虚 從旁射之,雖 地 里數 燋 加 亦 誠 百 相 枯 而 之,猶 無 射 滅,天火何爲見射 滅之,則當射 ,堯上射之,安能 也。 步,不能得也。 近,不過 日之行 儒 日 遠 之,精 堯 者 火 矣。 傳 上射十日, 夫人之射 不 也。 書言: 也,行天星 中 誠 百 能 夫 -,安能 所 步, 使 傷 水 水 加, 在 堯 與 日。 則 也,不 而 假 九日去,一 之時 地 得日 火,各 堯 除之。 金 滅之? 使 而 度。天之去人以 之火, 傷 一石爲 去? 射 堯 ? ·, 過 日 時 日,矢能及之; 百步,矢力 何 虧, 天 附 日 洪水之時 使堯之時 性 地 此 日常 肯 地 並 欲 火 蓋 也 把炬 去? 相近 出 言 不 誠 出 爲 能 無 堯 萬 堯 天 汎 以 見 射 堅 盡 何 萬 此 物 精 之,是德不 政 世 精 及 語 濫 日 消 不 誠 稱 誠 月 虚 中 桀 獲天之應也 桑 爲 口 或 滅 誠 堯 非 穀 紂 害。 ; 能 滅 爲 實 日 之惡 使 若高宗,惡 射 之。 虧 民 也 其 夫 今堯不 日 大 金 一,射天 射 爲 夫 使 害。 石, 或 水 体 天 日 火 能 不 上 而 亦 堯 則 : 不 與 能 以 毆 射 遠 與 何 爲 桀 德 日 卻 地 日 金 使 不 紂 害 滅 水, ; 則 推 石 氣 同 其 + 譽 不 能 等。 則 精 也 也 爲 日 能 高 穿 知 誠 宗之 氣 射 天 以 射 射 而 射 安 河 乎? 能 堯 必 則 雖 日 而 德 射 之 之 使 與 以 不 除

後 此 左 逆 在 舞。 天 操 流 虚 黄 傳 而 下誰 書言: 天 擊 也 鉞 人 疾 敢 右 同 武 風 害 執 武 應,人喜天怒,非 王 晦 吾 白 王 渡 冥 意 旄 伐 孟 者 順 紂 津 人 . 時 馬 渡 目 , 士 於是 不 孟 而 · 見。 衆 津 麾 實 風 喜 之日 於是 宜 陽 日樂,前 霽 侯 也 波 : 武 之 歌 波 王 前

> 麾之 麾 重天 己過 乎? 夫風 褒 能 歌 風 子 王 一誅 武 不 止 雨 天 後 改 故 怒,增己之惡也。 者 王 風 所 舞、未必 而 紂是乎? 瞋 而 之德 過,瞋 爲, 氣 止 止 天風 目言曰:「余在 或 之 禍 也 乎 則 時 夫 者 其實 氣 目大言, 論 ? 武 風 怒也。 天當安静 謂 自然,●是 者 2 王 猶 ; 武 以 適 麾 武 王 雨 爲 父母 風 風 麾 能 王 也 天下 武王不奉天令,求 天 之, 以 何 而 不 止 亦 使 地 肯 祐之; 止 風 能 肯貰之乎? 無 風 武 誰 之號 矣。 之,迹近 止 止 知 偶 敢害吾者 王 ? 不 雨 瞋 自 如誅 **\$** 父母 ·爲 則 止 目 也 爲 以 亦 瞋 紂 虚 武 世 旄 目 如 非

傳書言:魯襄公與韓戰,戰酣,日暮,

<sup>● 「</sup>禍氣」,黄暉云當作「氣偶」

<sup>「</sup>而」,四庫本作「能」。

<sup>「</sup>能」上,原有「不」字,據通津本删。

者 間 宋 度 神, 舍,乃三十 舍有分度,一舍十 日 也,安得 復 日 反 使 凡 公 風 襄公志 景 乎? 全里人 猶 變。 亦三日行也 ,反三十日 月舍, 月之行, 人 援 雨 謂 一夫 戈 能 精 之虚 推 明 麾日 在 而 通 《鴻 以 猶 從 麾之, 星 日 誠 戰 于 精 地 度也。 襄公之所欲? 月 與 範》曰:「星有 則 時 爲 天,天爲 誠 有 日終不反。 出 襄公争鬭 日 行 有冬有夏。 所 感 H 郵亭,爲 三善言, 熒 有常 月 日 度,或 在 爲 動 麾之間,令日 日 同 暮 度也 天,專心一意,委務 之反三舍。 變 精 度,不得從星 日 悪日 日 動、然上未 增 長 麾,安 襄 行 吏廨 或 好風,星 惑 星之在 月之從 公何 月 如 減 之暮 徙 謂 不 度。 能 也。二十八  $\equiv$ 舍爲 從 却三日 此 人, 言日 门,以 舍,實 星,則 天也,爲 星 有 可 言 一之好 而 日 度,三 好 謂 虚 麾之 此 反 星 使 反 也 然。 R 也 論 有 惡 精 ? 輒 H

> 戰 哉 世 戈 襄公麾日 迷 好 ! 麾, 神怪 謂 且. 無 日,火 日 了,安能 誠 因 之 心 謂之反,不道所謂 暮 也。 善言, 使反? , 麾之轉 聖 日爲之反, 人麾火,終 或於戰 左, 曲 也 道 時 殆 不 日 日 非 能 正 若 卯, 其 卻 卻 意 ;

尺,以 者,所 者,虚 貫 昴。 生之畫, 虹 日 貫 此言 太 日。 傳 七尺 用 也 書 0 白 感 撞 言 精 衛 形 擊 夫 蝕 動 先 感 中 以 之 昴 皇 生 荆 天,天爲 精 者 筯 實 天,故白 爲 軻 神 撞 小 爲 秦 也 鍾 也。 欲 燕 畫 9 變 有 太子 言 以 長 虹 今人之形 動 所 筭 平之 荆 貫 爲,雖 也。 撃 謀 軻 H 事,太 鼓 刺 之謀 夫言 太 了; 不 秦 積 白 不 鋭 王 過七 白 能 白 蝕 衛 白 鳴 昴 先 虹 蝕

8

於」,原作

「時」,據錢

批

<sup>「</sup>精」,通津本作「積」

<sup>[</sup>日]上,原有「星」字,據通津本删。

爲 妖 也 狂 怪 虹 懷 猶 子 誠 動 不 下適 非非 、太白見於天 見 怪 ,然而己身先 精 心 乎 也 動 人於途,以 筯 ? 三 曰 不 之至,禍變自 故 動 天 撞 適 用 然 吉,占危 且 鍾 貫 人 兩 反 動 [X] 自 所 高 主 . 筭 動 者 之人,卜得 不能 相 能 欲 振 刃 擊 乎 小 時 應 感 篡 也 動 睹 加 ? 鼓 也 也 高 已 禍 凶之象,非 也 己 也 問 有 祖 日 變見於天,妖 氣 且. 豫 安 曰 妖 何 高高 狂 . 禍 悪 所 讓 : 禍 能 怪 以 人 兆 欲 祖 欲 「人之害 氣 變 矣。 動 驗之? 筮 未必念害己身 欲害己者之所 害 亦 害趙 見 天? 且 者, 心 於 得 至 由此言之, 動 襄子, 出 面 凶 , 身 氣能 精 時 於人, 猶白 卦, 也 或 自 非 出 遭 有 襄 相 不

再 秦 中 王 -,天雨 求 傳 歸 書言 粟,令烏白 秦王 燕 太子 執 留 頭,馬 丹 之, 朝 與 於 之誓 生角,厨門木象 秦, 不 日 得 去,從 使

> 憚勞也 與三 之意 索, 至。 祐 天能 燕 陳、蔡。 能 爲 生 生 而 難 太 肉 知聖,出 動 肉 再 則 天之祐 祐 誓,三聖心 0 天。 子 足, 足, 以 中 弗 ? 丹 舍 太 解 與 三聖之困,天不能 秦 天 乃 子,生諸 其 何 太 也 而 王 得 雨 湯困 事之易,爲 子 難 人,而 尊厚之。 栗,烏 歸 以 丹,賢者 言當 猶 爲 不 夏臺,文王 見 瑞 借 聖 願 能 白 拘 太子 以 乃 此 動 人 故 頭 免其 或曰:「拘三 Ŧi. 也 之 天 以 事 願 歸 事 馬 祐聖之瑞 ? 時 祐,❷使 物 天 而 身,則 何 之。 拘 之 生 器 下 易, 聖 天 能 難 羑里,孔 角 矣, 瑞之時, 人 此 地 致 , 厨 拘 何 生 能 之 此 言 祐 一聖者 無 之者 瑞 門 和 示 拘,不 ? 虚 之, 不 之不 因 秦 子 五. 木 也 求 睹 厄 夫 不 事 而 王 H

<sup>●「</sup>示」,通津本作「天」。

<sup>「</sup>祐」,原漫漶不清,據錢批補。

八六

湯、 角 史公曰: 心 王 有 願 拘 語 文涉 而 言 於美 食 抵 云 乎 出 皆 虚 ? 里 天 世 虚 言 何 時 雨 心 言 稱 粟 不 願 太 心 也 近 陳、 **\$** 0 而 子 亦 非 夏 太 蔡,孔 實 願 丹之令天 臺 史公書 也 出 然 , 羑 子 湯 孔 里 食 閉 漢 子 雨 關 飽 於 世 厄 粟 鑰 夏 平 實 陳、 ? 毁 臺 馬 事 文 敗 之 生 太

之心 對 夫言 之崩 心 也 孟 뻬 心 腹 嘗 哭,至 之藏 君 相 之者悽 繒 夫 傳 孟 書言 嗣 此言杞梁 城 一誠 能 哭 安能 通 嘗 而 悲 感 悲, 愴 也 : 哭 君 痛 孟 感 杞梁 者 爲 爲悲哭感 莫 嘗 精 從 慟 今城, 之於 過 衣者 實 軍 也 氣 氏 雍 不 之 動 也 邑。 土 門 還 夫 城 妻 ; 衣 慟 也 子。 ,其 雍 城 總 不 蓋 故 而 門 爲 城 崩 土 知 哭之精 城 妻 雍 子 之 猶 惻 痛 爲 而 門子 能 崩 哭, 之 衣 旧 之, 使 動 者 崩 也 誠 哭 至 不 繒 城 孟 也 以 對 故 誠 無 嘗 虚 城 爲

> 之聲 虚 矣。 乎 木 ,不原其實 水 ? 或 火 能 繒 與 時 動 水 土 城 城 火 土 無 適 故 而 異 自 則 泣 崩 崩 其 然 城之名,至今不 能 對 杞 杞 涌 林 梁 梁 水 木 之妻 妻 滅 哭, 適 火 不 能 哭, 乎 能 折 滅 下 崩 草 世 城 夫 破 草 好 明 木

歌 能 曾 萬 尚 人 仰 哭 月 ,仰天 未 疑 子、 致 冤 人 天 而 足言 寒, 舉 崩 傳 而 而 與 伯 書言 壹 嘆 城 口 鄒 拘 而 奇 歎 同 衍 無 嘆 並 實 申 : 0 何 以 0 曾 也 安 解 鄒 生 ; 異 吟 能 天 吁 伏 子 衍 言天爲之 歌 也 爲 嗟 下 劔 見 獨 無 與 霜 隕 罪 能 子 疑 猶 言 嘆 霜 雨 而 見 未 其 胥 等 霜 吟 鄒 能 雨 拘 刎 無 此 衍 感 霜 頸 於燕,當 罪 曾子、伯 伯 與 之 天, 被 見 奇 杞 實 虚 冤, 拘 逐之冤 被 鄒 梁 孝 也 不 奇 衍 當 之 而 逐 0 夏 賜 调 夫 夏 妻 而 Ŧi.

<sup>● 「</sup>疑與」,四庫本作「疑逐與」

冰,置 復 也 時 天 衍 醜 而 曰 感,霜之易降 炬 伯 獨 小之感不能 出 死 之 ? 則 : 加 興 類 火 炬、尺冰,而皇天巨大,不徒鑊水、庖 奇 誠 爲 口 **③** 人 笑,能 説 歎,天 怨 冤 霜 也 鄒 寒 庖 忠 爨 與 不 痛 痛 衍 温 或 仰 厨 而 使天 降 君 相 動 自 時 輒 被 中, 天 以 鑊 秋賞 仰 動 似 有 也 誅 燕 冬時 下 温 歎 贵 水 大 終 , 天 ? 時,不 下 王 霜 無 不 天 巨 則 夜 歎, 終 而 霜,使 且 好 兼 異 使 也。 痛 夫 何 温 不 感 日 臨 用 天爲 合變復之家。 H 哀 天熱 見 氣之易變, 能 動 死 不 夏罰 天 則 刑,寒氣 與 今鄒衍 拘, 衍 寒也。 不 時 能 不 冰 樂 隕 乎? 蒙 同 皆 不 熱 爲 不 則 同 霜 非 也? 有 悲 二子 釋 寒。」 也 之歎 應 望之賞,仰 喜 何 聲 何 時 變復之家 流 ; 至 則 與怒均。 辭 之 寒不 天之易 倚 感 且 夫 不 血 ? 從 易 夫 熯 厨 過 哉 動 聲 而 尺 轉 累 變 冤 之 微 如 辭 ? Ó

> 下 人 拘 則 베 謂 歎 鄒 衍 歎 歎之致 時 霜 適 也 自 下 世 見 適 歎 而

> > 霜

言 恐懼 裂帷 雲從 是; 公癃 名 角》,木音也 地。 下 也 · 降 其 世 0 病。」夫《白 ,伏乎廊 幕 西 或言 傳 禍 風 俗 夫《清 書言 北 破 敗 雨暴 觀 起。 俎 見 同 : 故 師 室。 信 角 豆, 至。 師 再 雪》 致 曠 **>** 實 曠 墮 奏 以 何 晉國 《清 風 也。 平 奏《白 之,大 與《 廊 爲 音之聲 而 公因之癃 角》 瓦 然。 · 清 大旱,赤地三年, 傳 雪》之曲 之 角 坐 風 書 如 原省其 一者散 曲 而 》,或同 至 之家, 木 致 大大 爲 病 此? 走。 風 實, 雨 奏之,有 載 晉 曲 而 隨之, 平 或 殆 神 以 而 雨 清 平 公 與 虚 爲 物 異 赤

2

0

<sup>「</sup>二子感」,原漫漶不清,據通津本補。

<sup>「</sup>奇冤痛」,原漫漶不清,據通津本補。

<sup>「</sup>熱乎變復」,原漫漶不清,據通津本補。

<sup>「</sup>而」,四庫本作「爾」。黄暉云當作「雨」。

八八

其 時 生出 也 風 神 再 俱 風 奏也 之也 師 也 雨當 曠 能 尺之木 至 此 審 其 鼓 也 復一 如 初受學之時,宿昔習弄,非 清 傳 角》,必有 數 哭 書之言, 絃之聲, 崩 城 所受,非 師 感 歎 曠 動 學《清 下 天 霜 能 地 之 質 角 直 性 類 何

危 鼓 聽 獸 獸 悦 亦 風 而 琴,六 率 仰 欲 好 舞 ,再奏之 雨 奏之,有玄鶴二八自南方 坐者皆 舞。 食之; 音 之至,晉國大旱,赤 悲聲,耳 傳 秣、 書言: 中 馬 此 玄 喜。」《 宫 仰 而 聞 雖 鶴 與 商 秣 奇怪 列;三奏之, 人之樂, 延 人耳 瓠 之聲,聲吁 頸、 尚 芭 或 然 書》 鼓 同 言 百 瑟 何 也。 尚 뾆 : 日 地三年 爲 可 率 淵 師 延 于天。❶ 來, 禽獸 信 不 舞 魚 擊 頸 曠 樂? 平公癃 集於廊 出 鼓 蓋 石 見 何 而 聽 **^** 人欲 則? 拊 鳴 且 平. 然 清 ; 其 石 公大 舒 門 而 角 師 實。 食, 病 魚 鳥 百 翼 之 曠

> 驗之? 太平 見 殆 擴 陽,則亦 偶 雨 遂以 虚 之後,晉 施 發 自 善 癃 言 也 立 政 病。 能 風 爲 矣 ? 調 雨 實。 或 傳 或 暴 陰 使 適 時 書 至,是 陽 實者 鼓 早 奏《清 之家, 也。 調 平 樂 陰 陰 王 角》時 聲 公 陽 信 陽 者 之曲 好 不 以 亂 何 樂 能 爲 天 也 須 致 然 喜 和 脩 偶 樂 此。 笑 身 氣 風 世 能 過 自 正 雨 亂 何 人 行 度 至 觀 陰 以 風

傷民 日 在 自 余一人。 責 余一 之命。」②於是剪其髮, 傳 以六過,天 書言: 人有罪 天以 湯 乃 遭 雨。 七 人 無 年旱,以 之不 及 或言「 萬 麗 敏 夫。 其手 身 Ŧi. 使 萬 年 禱 E 自 夫 於 帝 有 桑 禱 以 鬼 林 爲 神

<sup>「</sup>吁」,四庫本作「聞」。

② 「天以一人之不敏使」,原爲雙行小字,據通津本改爲

聖 《易》曰 以 禱 以 之日久。 福 明 以 牲 有 子 自 久,天地 丘 言 與與 禱 疾 禱 責 湯 ,是不同 爲 之禱 用 誄 病 得 與 請 謝 以 牲 以 四 猶 祈 日 身禱 去 禱 也 雨 :「大人 天 大旱。 時 用 身禱之故,殆虚言 鬼 久 福 ? 孔子不使子 : 地 也 合其 明矣。 祈 於 矣。」聖人 『禱 神 孔子曰 疾病 於 鬼 孔子 福 上 知 桑 與 然 湯 序 神 爾於上 於帝者 帝 林 其 不可 天 湯之致 素禱 則 與 與與 同 :「有諸?」子路曰 自 無 孔 地 天 德 上 鬼神合其 責 罪,故 脩身正 路 以 地 合 子 身 下 實 行 帝 ( 若言) 自 禱 之有 早 4 其 神祇。」 也 甚 猶 也。 責 聖 德 以 也。 以 説 曰 疾 治 行,素禱 除,水旱 與與 人也,皆 過 水 剪 即 言 吉 一禱 病 早 病 乎? 孔子疾 時 髮 須 日 孔子 凶 雨 ',猶 麗 雨 湯 禱 0 久 湯 月 至 手 乃 矣」。 不 之日 合 此 爲 素 以 何 亦 「有 病 至 之 禱 得 其 口 能 湯

> 安能 常,有 夫天 之; 用 也。 責 湛 求 雨 能 禱 與 言之,湯之禱 小水異 以 請 邪 七尺之形 愈 謝 天 身禱 如 除湛 ? 聞 去 臺 況 地 癉 亦 不 人 上之物,臺 口 知 人在層臺之上,人 也 以廣 無 聞 不 祈 德 作「瘴」。 而 非 益 其言, 以 ,形中之誠,❷ 忧 與 堯遭 祈 必 徒 大之天,1自 也 禱 之 不 舜 層 祈,除旱 今 能 洪 雨 上之人 雖 熱之病, 臺 人 不 禹 水 得 乎? 至 之 形 治 以 雨 高 誠 可 長 之, 過 聞 自責 亦 品 也 謂 有水旱之變。 夫 七 深 從層臺 或 其 致 湯湯 宜 品 知 湛 早,火 尺, 自 言 早 時 禱謝,安能 如 水 矣。 剋責, 終 雖 旱久,時 乎 形 變 之。 則 自 下 ? 無 中 變 堯 必 憐 吅 責 得 不 也 猶 有 須 由 自 베 天 也 自 治 湯 此 與 責 Ŧi.

<sup>) 「</sup>廣大」,原作「在天」,據通津本改。

<sup>「</sup>誠」,原作「形」,據通津本改。

隨 自 湯 雨 自 湯 責 以 而 旱久,亦 至 ,則謂 適自 湯 以 責。 禱 祈 世人見雨 得 雨 矣

爲。 文字 應 粟 適 書 書 也; 也 頡 出 加 此 而 一,則 所 事 何 致 書 言 雨 鬼 言其 非 作字 聖 粟 ,業與天 生 世 雨 文章 傳 何 而 其 夜 見 以 動 書 粟、神哭之怪 帝 出 鬼 而 應 哭 應 畫 言 驗之? 以 也 興 致 圖 偶 明 倉 書 也 雲 何 地 而 書 此 王 夜 頡 天 以 而 倉 雨 同 亂 怪 ? 之瑞 哭, 作 異 夫 丽 至 論 頡 非 指指 夫雲 漸 ? 書 穀 言 之, 作 也 則 ? 而 見 應 與 書 天 或 , 雨 謂 虚 論 天 0 R 也 使 鬼 故 天 時 出 雨 雨 者 作 地 粟 也 天 天 神 其 不 於丘 穀 倉 栗, 謂 書 爲 鬼 圖 雨 地 合, 惡 妖 之 之 頡 圖 生 夫河 神 書文 栗, 鬼神 鬼 變,致 變, 從 Ш 亂 適 人 何 書 哭 夜 降 有 鬼 作 出 天 非 敗之象, 自 不 章 悪 倉 哭, 書, 夜 何惡 圖 而 足 有 天 散 與 頡 哭。 下 實 怪 有 天 作 所 作 則 倉 洛 雨

> 皆 衰 穀。 落 矣。 夏 何 垂 留 與 爲 有 由 燒 穀 委 也 疾 日 似 以 雲 雨 雨 集,墜 其 驗之?❸ 於 夷 於 穀 夫 矣。 則 則 風 氣 穀 穀 地 狄 稗 俱 發 雨 謂 之 不 飄 人 實 水 於 之天 爲 下 於 遭 、見其 粒 多 雨 也 丘 灰 蔽 疾 冬日 中 食,此 野 於天, 地。 雨 Щ 猶 或 風 疾 從 火 此 穀。 復 暴 天 風 不 上 燔 或 穀 案 雲 起 中 寒 暴 集 從 而 Ш 時 視 生 建武三十一 布之, 或 吹 於 起 墜 澤 天 夷 則 穀 於 見之, 揚 ,吹揚之,參天 地 上 草 狄 形 則 雨 Ш 降 與 之 ,若茨 亦 澤 野 凝 謂 人見其從 謂之 之 從 之中, 地 集 之中 天 而 一年中 生生 俱 地 於 爲 R 而 雨 飛 雪 起 地 水 出 黑, 草木 成 也 風 皆 熟 陳 天 大 明 此 2

<sup>●「</sup>以」上,通津本有「如」字。

② 「茨」,孫人和云《類聚》八十五引作「粢」,是。

③ 「驗」,通津本作「效」。

類 穀 葉 傳 星 地 木 飛 出 非 實 葉 風 不 書 更 平 者 燒 生 氣 口 衰 生 ? 地 所 以 飛 啄 葉下 生,須 於 之物, 食 變 而 地 地 者 怪 集 之有 ,穀何 之 集 皆 更從 土 於 天 類 以 地 萬 主 道 獨 也 成 所 天 物 路。 施 生 集; 生,非 猶 於 氣 而 雖 天 生天 世 夫 天 云 地 天 乎 之 怪變, 以 天 主 所 之物 有 爲 雨 爲 産 列 雨 穀 怪 也 物。 者 穀 星 變 可 也。 從 因 作 草 有 今

之故 拯 教 爲 而 龍 崑  $\mathbb{H}$ 饑 崙 **整** 民 耕 食 登 玄雲、 天 耕 耘 龍 傳 同 地 耨 者 言 書 地 以 登 龍 又言 民 實 鬼 爲 實 神 何 井 神 井 始 也 故 也 去, 有 所 食 無 伯 害,故 虚 言 欲 井 穀 變 伯 益 也。 穀 神 出 爲 ? 益 作 棲 也 水 作 龍 井 始 神農 夫 崑 以 井 神 播 龍 作 龍 崙 救 爲 何 種 之 致 井 ,又言爲 渴 登玄雲, 變也 故 橈 有 而 耕 登玄雲? 田 木 變 飲 土 出 爲耒 動 耕 作 夫言 以 穀 神 爲 始 井 以 田 棲

> 飲之 雲也 之,非 神 朝。 德 崑 夫 息 神 已 Ŧi. 龍 時 崙 益 整整 何 有 + 至, 何 也 乘 欲。 故 殆 夏末 之民 雲 井 故 并 始 龍 傳 惡 不 所 矣。 雨 棲 而 擊 益 多 書 鑿 謂 政 擊 有 人 而 崑崙 飲 作 登 壤 井 爲 飲 意妄,❷造生之也 衰 神 唐 壤 行 井 雲。 者 之欲 耕 井 者 虞 於 ? 龍 龍 物 而 日 ? 田 塗 之時 不 何 乃 類 乃 : 雲 夫 ●憎井 而 爲鑿井登 隱 登 使 神 相 觀 龍 食, 吾 神 伏。 致 有 也 也 者 豢 之登玄雲, 日 「風 ? 堯 與 而 龍 非 日 出 何 興」字。 方今盛 非 百 去, 有 御 雲 等 同 益 而 神 爲 龍 作 大 力 非 鑿 神不 則 皆 也 哉 其 井 ·? 夏,雷 龍 古 龍 日 是 亦 實 相 棲 常 宜 堯 堯 今 龍 堯 人 也 應 · 有 於 之 有 在 時 時 百 而 雨

<sup>「</sup>欲有」,原爲雙行小字,據通津本改爲正文。

❷ 「意妄」,黄暉云當作「妄意」,傳寫倒也。

非 役,不 之 者 洪水 哭之, 憂之。 復 堯 相 雍 如 素 者 雍 素縞 術 縞 可可 解 感 賢 時 河 河 無 之以 哭泣 聖 用 乎 水變甚 滔 動 河 傳 復 以 自 猶 河 者 ? 晉伯 變 自 而 天 書 也 殊 以 水 責 人 一之聲 寒。 哭, 言 復 以 責 將 也 之有 爲 素 懷 宗 於 之 物 Ш 悔 洪 變同 之 梁 服 故 梁 能 山 實 河 以 崩 類 水 過 堯 癰 山 流 哭 以 襄 Ш 厭 壅 辇 也 河 自 也。 禹 變大,不 腫 而 9 泣 通 龍 勝之。 ,堯憂深 陵。 崩 者 堯 責 治 壅 之 治 致 血 凡 之言, 天 天 時 有 洪 也 壅 異 聲 此 雨 帝 脉 變 水 Щ 寒 河 虚 堯 可 堯 治 堯 雨 不 人 復 也 於景 三日 以 以 則 令景 言 禹 無 以 乎 吁 通 水 之 刑 復 鈞 力 ; 之治 賢 ? 聲 也 也 嗟 道 踊 所 之 役 公, 而 不 逐 公 服 人 所 暑 壅 應 以 流 堯之時 博 不 辇 若 素 水 夫 除 治 一之河 皆 殊 温 者 求 者 以 以 聞 辇 Ш 晉 縞 也 癰 殆 治 之 力 温 能 者 賢 ? 以 腫 崩 君 而

> 之 ? 謂 得 而 天 稍 崩, 之,於道 <u>F</u>1. 行 變 之 辇 壞 天 變 應之, 者 沮 之氣 河 使 一積聚 復 矣。 之言 變 Ш 何 乎? 用 宜 起 恒 意 水 壞 相 改 自 乎? 此 大 未 沮 感 政 崩 而 素 盛 勝之。 水 治 乎 復 縞 此 流 三日 素 而 或 其 素 哭 竟 縞 時 Ш 縞 實 注 之後 哭 哭 崩 河 而 非 東 無 之 壅 哭, 雍 也 去。 小水 益 因 之 河 何 也 流 盛 時 遭 何 政 素 土 所 伯 以 使 流 縞 Ш 宗 改 其 驗 時 初 哭

痛 參 出 今者客 • 方 薪 到 傳 於 即 0 書 野 馳 來 有 言: 即 至 欲 以 去,吾以 客 曾 問 右 至 子 母 手 而 搤 之孝 : 搤 欲 臂 其 臂 去 以 左 何 與 呼 曾 臂 故 母 汝 13: 痛 曾 耳。」蓋 同 ? 子 氣 左 母 願 曾 臂立 以 日 至

<sup>0</sup> 正文。 左 臂曾 子 左臂立 痛 原 爲雙 行 小字, 通 津 本 改 爲

歌 孝與 母 也。 攷 之孝天下 聲,聲音相感,心 相 化 此 相 病,曾子亦 小 事 動 至 虚 動 父 **搤臂**,安能 不,不 今曾母在家 曾 天 也 動 母母 地 如 開 母 能 少雙,則爲空生母 曾 俗 同 夫「孝弟 先死 病 大 關 母 氣 人 乎? 相 問 臂 體 緣 動 曾 ,曾子 感 歌 悲 痛,曾子 子? 此 之至 有 者爲 也。 意 子 曾母 而 疾 動 不 説 在野,不 , 通 病,精 疑 誰 世 死 死,曾子 ,言孝弟之至 開 世 臂 稱 ,果其母。 搤 矣。 於 關 人 申 亦 神 臂之説 神 聞 而 頌 喜 此 輒 明 輒 問 成 號 精 輒 夜 痛 感。 呼之聲, 也 聞 聞 乃 蓋 蓋 死 氣 ; 精 其 曾子 聞 乎 曾 其 能 謂 日 實 母 母 母 ? 德 氣 小

知 後 以 夫 賢 卓公之化? 慕 賢 服 明 明 世 稱 至 至 誠 南 蝗 誠 災蟲 蟲 陽卓公爲緱氏令,蝗 之化, 関 使賢者處深野之中,閩 虻 不入其縣 通 之 於同 類 也 類 也 何 能 知 相 此 不入界,蓋 何 知 又 見 虚 心 虻 而 也 能 能 然

> 野,則 集於野 多少 也? 覆 縣, 異 何 有 世 蝗 不 者之縣,蝗蟲何能 也 處。 則 蟲 一夫 能 人其舍 不 適 謂之能 不 (寒温 蓋 縣之界能 伯夷 事能普博 夫 非 不入界,卓公賢名稱一有「偶」字。 可 入卓公之 時 集 乎? 所 以 蝗 亦災變也 所處也 卻 地 積之地 自過 驗 蝗蟲矣。 有 善 閩 獨 多 惡 ,不謂賢人界不入,明矣。 縣 不入卓公之界? 温 虻 盡 少, ? 一,使 集過 乎? 不 有 則 蔽 則 能 何 盜 無 如 地 其 有 避賢者之舍, 以 郡 安 謂 也 跖 夫寒温 過 多少,不 驗之? 皆 往 可 蝗 所 縣 寒,賢 以 居 蟲 往 有 明 變 不能 積 留 夫如 賢 能 所 與 者 天 聚 去 於世 不肖 少之 蝗之 盡 避 閩 蝗 多 長 是, 蔽 虻

論衡卷第五

■「天」,通津本作「夫」。

九四

# 論衡卷第六

王

充

虚篇

福

之應皆 聖 祐 莫 賞 福 時 其行 謂 一欲 遇 乎 時 ? 勸 適 不 福 世 然。 天也 論 人爲善,著必然之語,以 ,故遂信之,謂之實然。 遇 陰 行 者 惠、天地報 善者 徒見行 以 人爲之,天應之。 爲 福 然。 至,爲一 事 有其文 其 如 德。 悪 實 者 論 傳,又見善 無 斯言 禍 之,安 明 陽恩,人 貴 德 來。 賤 或 報 賢 得 時 福 愚 君 福 或 賢 禍

楚惠王食葅而得蛭,因遂吞之,腹有疾

2

親德」,

黄暉云《新序》、《賈子》皆作「視聽」。

當死 之也 也。 也。 謂 道 乎? 也 及久患心腹之積 遂 何 蛭,不肖之主 而 則? 無 ,病不爲 吞之。」令尹 不察乎? 不 親, 惠 心又不 ; 能 我 是 譴 國之君 王 食。 惠 食 廢 唯 通 而 寒 王 傷。」 法 德 譴 行 令尹 葅 不 也。 曰 : 而 是 葅 誅 避 忍 ·忍 威 專 而 是 皆 輔 問 中 乎? 席 夕 也 得 此 譴 不 擅 有 愈。 . 何 0 再 立 蛭 蛭 賞 虚 也, 不肖之行,天不祐也。 王 故 一念譴 吾 拜 也 王 言 則 罰 恐 故 有 有 惠 恐 而 非 安得 也。 庖 庖 天之親德 仁 而 蛭 王 賀 左右見之也, 宰監 之 厨 所 一之後 庖 德,天之 赦 曰 此 案惠王之吞 而 監 以 疾 食者 厨 食 使 不 而 也 監 也 臣 君 法 行 或 蛭 ? 9 皆誅 所 法 聞 食 所 其 人 爲 皆 口 奉 皆 聞 罪 天 大 王

<sup>「</sup>宰」,通津本作「厨」。按下文即作「厨」。

肖 然,强 畏 後; 當 吞 蛭 行 復 左 寸 不 蟣 失 罪 何 厨 敬 隱 世 右 度 明 監 御 蛭 而 必 厘 伏 惠莫 惠 江其過 天 食 署 之見,懷 也。 法 天 食失甘苦之和 下之威 謂 擇 非 在 食害己之物,使監 之? 除 祐 王 而 意 大 然 濯 寒 之賢,賢者 赦 葅 其 之,是天報 强 焉 葅 可 所 不 能 無 病 中 食 細 謂 能 終 如 屏 謹 中 之? 不 而 禦非 覽 惠 庖 不 是 不 隱 當 罪 眇 活 非 矣。 以 則 可 厨 匿 若塵 過 目 微 有 操 之心,不肖 罪 飲 賢 之處 食 祐 不 目 之人 蛭 至 今蛭 覺 行, 身安 食 者 肖 之 不 所 不 食之臣 土落 重 行 而 物, 常 足 肖 三 能 多 猶 廣 不 誅 不病 無 食 人 也 見, 若 誤 以 惠 將 有 於 誅 於 也 投 病 吞 使 在 見 不  $\pm$ 分 原 葅 有 也 也 自 地 蛭 之, 聞 葅 蛭 不 數 心 中 不 不 今 新 赦 之 譴 長 不 定 大 其 中 賢 忍 肖 臣 如 則 使 而 而 類 不 見, 過 者 譴 之 恐 有 如 庖 可 不 改

> 安得 著 乎 猶 殆 者 德 相 腹 武 人 而 也 推 無 ? 腹 ? 狸 己 勝 積 中 腹 薄 王 不 知 祐 之性 中 中 未 忍之行 血 痛 不 方 或 食 有 身 必 乎 熱, 也 亦 豫 生 藥 不 時 足 ? 之 當 食 止 物 相 蛭 死 以 惠 孔 德 鼠 以 故 死 令尹 無 使 言。 動 王 9 食 蛭 子 出 腹 容 不 也 作 吞 之 血 疾 中 以 見 有 死 臣 人 聖 之 性 蛭, 喜 熱 故 病, 之 死 惠 食 鼠 大 人 蟲 食 惠 腹 蛭 也 過 王 病 蛭 再 天 純 無 死 血 中 王之心,是 吞 有 蟲 拜 偶 不 之 必 道 初 痛 不 惠 而 而 賀 自 出 狸 衆 祐 忍之德 操 吞 病 積 王. 病 出。 自 多 愈,安 之後 須 蛭 行 心 血 不 矣。 愈 臾 時 少 之 腹 爲 食 與 何 蛭 未 病 之 蛭 非 得 子 傷 生 物 不 然 知 出 死 愈 積 死 0 物 韋 怪 實 爲 蛭 類 而

<sup>■ 「</sup>臣」,劉盼遂、楊寶忠、《校注》皆云衍文。

② 「身」,通津本作「來」。

九六

之言星徙,大卜之言地動,無以異也。

攻 故 常 之。 其城。 兵 此 也 子。 則 罷 牛 也 而 視,不 流 韋 盲 生白 亦 得 神 兩 不 此獨 孔子 解 曰 宋 報 享 軍未合,華元、子反結言而 血 脱 年,其 能 牛又 當 人有 犢 僵 能 之, 父子 不 此 日 以 此 以父子俱 戸 護 神 行 盲 虚 以 之時 好 何 生 子 乎? 俱 戰 護 問 言 善行 必 可 吉 白 無 即 視。 夫 人 也。 易子 孔 使 謂 祥 犢 故 以 禽 矣。 者 此 之 子。 盲之故 神 也 犢 而 此 獲 夫 神 先 三世 報 祭。 盲 其父又使 脩善 而 以 死 使宋楚之君 宋 盲 孔 不 之矣。 享鬼 食之, 桁 能 人 一年; 子 亡不 後 其後 不 積 得 父子 護 視 日 解 行 毋 神 還, 哉 退,二軍之 不盲之人, 楚 今宋 其 乘 神 其父 家 ? 攻 骸 子 以 脩 復 此 合 報 城 無 宋, 楚 不 問 戰 善 之 無 吉 盲 而 以 故 之 盲 相 軍 韋 頓 如 效 炊 孔 故 祥 黑 犢

> 見 偶 城之間 衆 獲 乘 與 則 國乏糧之時 盲 乘 父子 自 神 鬼 城 乘 ,俱得脱 城之役 並 神之 以 報 城之家易子 圍 全 乎? 脩 風 祐 解之後父子皆視 而 祐 寒 善,又用二白 無 人,失善惡之實 免 歸,兵矢之刃 發盲 矣 也,盲人之家,豈 使時 神 死亡之患。 析骸,反 使之盲 韋 不盲 解 之後 犢祭, 亦 何 無 也 爲 以 猶 則 頓 盲 善 窮 益 宋 不 謂 獨 於善 用 宋 厄 楚 偶 死。 修 報 者 富 人 獨 相 自 善之報 父子 盲 哉? 者 0 攻 盲 愈 無 獨 與 爲 雖 前 俱 不 世 宋 有 不 乘

死 聞 埋 是 是 之, 見 兩 楚 以 歸 頭 相 泣 對 蛇 孫 也。 其 死。 叔 母 敖 其 泣 爲 向 母 者 兒 母 之時 曰:「今蛇 出 問 見 其 見 兩 故 頭 兩 何 蛇 對 頭 在? ッ 恐 蛇 日 : 去 殺 母 我 而

<sup>■「</sup>矢」,原作「天」,據通津本改。

禍 月 驗 同 高 户 之死 其母 户 不 父 矣。 報之福者 死 曰  $\Box$ ; 4 舉 田 天必 舉 其 乎 同 也 也 蛇 子 信 嬰 户 ? 8 夫見 五. 而 我 吾 獲二 譲 夫惡 齊 俗 ,其父不死 耳, 月子,❷ 由 嬰 殺 聞 如 報 恐 此 其 議 兩 不 其 孟 0 在 誰 汝 後 祐 有 言之,見 見 母 死 父母 嘗 頭 而 俗 天, 人 而 陰 兩 曰:「何故舉之?」曰:「 何 君 必 蛇 議 天 叔 ,見之, 德 及之者?」後文 君 也 報 是則 頭 田 輒 也 報 敖 者, 何 曰 : ?」嬰曰:「五月子長 則 蛇 文,以 死 兩 是 善 竟 憂 五 知 叔 者,俗言 頭 謂 明 天 即 猶 不 「人 命· 也? 敖信 見 月舉子之忌, 蛇 死 矣 死 殺 必 Ŧi. 五. 兩 自 生 月舉 報 而 月 遂 頭 俗言 不 在 無 如 之。 埋之。」 Ŧi. 也 爲 日 蛇 死 在 天 長 命 子 ; 日 楚 非 者 乎? 户 而 與與 也 有 汝 此 生 在 相 埋 埋 無 君 陰 必 其 則 虚 無 蛇 效 宜 蛇 户 其 德 言 殃 五. 在 與 所 埋 不 母

> 謂 過 宜 行 乎 故 見蛇之時有惡,天欲殺之,見其埋蛇,除 行 ,天活之哉? 矣。6 ? 見吉物,無爲 也 叔敖之賢在 徒 埋 埋一 禀 埋 蛇 惡 蛇 天 蛇,獲二福 人復 善 埋 乃 性 事 蛇 石生 見 動 哉 之時 見, ? 殺人之蛇。 而 有 叔 ; 非 堅,蘭 賢 前 如 敖 生 埋 行。 埋 賢 蛇 而 十蛇,得 也 生 禀之也 賢 之 豈叔 而 時 行之人, 賢 香 ',多所 敖 者 幾 之 其 未 祐 如

明 講 德 道 儒家之徒 上帝賜之九十年 纏 子 稱 董 墨 無 家 心,墨 佑 6 鬼神是,引秦穆 家 纏子難以 之役 經子, 堯 舜 公 相 有 見

本改

<sup>0</sup> 報上 户原 所下 通 作 通 津本有 津 「父」,據通津 本有「天」字。 「以」字。

文」,原作「之」,據 通津 本

時 多」,原爲雙行 小字,

九十一, 孫 詥 讓 黄 暉 皆 云當作 據通津 本改爲正 「十九」。

賜 年 , 桀 紂 不 夭死 堯舜 桀 紂 猶 爲 尚

也, 之年,有德惠之操,天奪 且 名,❷「文」者德惠之表。 近 迹生 難 以 時 秦穆 行,以 公、晉文公。 爲 死 益 有誤 其 夫謚 「穆」 亂之行,天 ? 者, 者誤 案穆公 行 亂 之迹 遠 賜 之

之霸,不過 亂,與穆公同也。 天不加晉文以 晉文; 命,獨 天下善人寡,惡 晉文之謚 賜 穆公以 命 8 乎 年,是天報誤 美 人衆。 於穆公。 善

善人之年不長。 順道,惡人違 天。 天不命善人 然天惡人之命 常享 百載 不 短, 之

#### 禍 虚 篇

壽

,惡人爲殤子惡死,何哉

地罰 被 禍 害 之,鬼神報之。 世 者 謂 受 爲 惡 福 祐 所 者 得。 既 天地 以 以 爲 爲 所 有 行 罰 沉 善 ,小大猶 惡 所 伏 致 過 又 發; 天 謂

> 鬼 神 所 報 遠 近 猶 至

索居 以 爾罪 杖 民 之,哭。 河之民 夫子於洙泗之間,退 曾子怒曰:『商,汝何無 罪,子 未 而  $\equiv$ 有 ,亦以久矣!』」夫子夏喪 拜,曰:『吾過矣,吾 傳 疑 也。 異 曰 : 子夏曰: 夏投 聞 汝於夫子, 「子夏 而 爾 杖拜曾子之言,蓋 日 罪二也 汝 天 喪 何無 其 爾 而 乎,予 老 子 罪 罪歟?』子夏投 罪 過 而 於西河之上,使 喪 矣! 也? 也。 喪 之無 爾 其 其 子, 明 喪 明 以 吾 罪 吾 曾 喪 爾 天 離 與 也 曾 爾 親,使 子 實 群 汝 子 明, 6 其 罰 責 西 事 mi

<sup>0</sup> 云,王應 纏 子 心麟《漢 劉 書藝文志考證 暉 皆 云 乃 》引此 董 正 作「董子」。 誤。

<sup>2</sup> 穆一, 楊寶忠云《漢書藝文志考證 》引作

晉文之謚 」原爲雙 行 小字 據 通 津 本改爲 正

天」,通 津 作

予」,原作「弔」,據通津本改

天之罰· 矣夫 也 早 罪 赦 謂 聾。 天 謂 也。 且 愈 伯 明 始 過 死 之。 聽 被被 其 報 子 伯 4 聞 喪明之 0 盲 4 有 夏之狀。 以 1 蓋 病 夫 暫 故 葅 厲 謂 子夏服 惡 耳 聾 失 人,猶人君 不幸,故傷之也。 見 疾 目 斯 有 之 醢 與子 自 痛 不 明 9 如 失 + 有 孔 非 之 3 猶 極 謂 皆 其 過 也 罪 子 過,拜 夏同,孔子 病 失 今乃言 禍 天 之 孰 乎 ; 以 明 自 而 罪 聽 也 ? 與 有 罪 爲 心 猶 有 牖 己 ", 子 被 下也。 過, 也 然 以 腹 心 斯 實 命, 執 顔 以 厲之病? , 自 有 夏 腹 疾 其 有之, 失明 淵早夭,子路 喪 失 熟 宜 悔; 如 病 失 命非 也 有 手 明言之,顔 所罰 明 考 陳 伯 ! 明 病 日 可 謂 天 則 論 故 其 牛 過 謂 也 之 原 德 盲 之, 拜 亦 服 以 過,若曾 喪 也 有 亡之,命 有 至 過致 受其 無 孔子言, 罪 明 耳 失 虚 過 一明, 罪 葅 淵 有 乎 聽 目 妄 且 罪 疾 過 君 夫 子 失 惑 宜 ? 則

> 之議 哭泣 路,有 失其 然 故 失 明 子 孔 (明,此 親者, 子門敘 故 夏之 無数,哭 ,以著子夏三罪。 百 拜受 罪 喪 恩 也 行 所 明 中 其 損 0 未 力報 過 風 於 由 喪 在 4 親 此 其 上 也 言之,曾子之言誤 曾子子 目 第 而 子 子夏亦緣 愛增 失明矣。 也 也。 喪 親 夏, 於子 子者,人 民 未 俗 無 曾子 也 離 議 聞 於 情 因 因 增 喪 俗 以 俗 子 則 所

通

死。 坑之,是足以死。」遂自 曰 長平之戰,趙卒降者數 秦襄 我有 子 何 賜 罪 白 於天乎?」 起 劍 殺。 白 良 起 + 白 久 伏 萬 起 日 劍 我 知己前 . 將 自 詐 我 刎,每 古 而 當 盡

津

本改爲

正

<sup>2</sup> 0 始 天」,原作「失」,據 聞」, 原爲雙 行 小字, 通 津 據 本 改。 通

哭上 痛」,通 通 津 本作 津 本有「數 「病

伏」,原脱 據通 津 本補

00

言 辜 故 卒 坑之?❷ 服 有 過 獨 于人 所 不亡,不亡之人,何故 更 矣 以 以 後 其 ? 坑 劉 卒不 罪伏天之誅? 也 如 如 · 得 天 用 夫 白 以 兵妄 審 善蒙 罰 起 傷 知 有 以其善行 過 殺 己 天之祐? 由是言之,白 之 則 所 人,趙 以 四 罪 + 無 白 降 萬 不 罪 起之 衆 起 卒 知 而 何 竟 必 何 趙

急 也 子 瘳 乃 東 日 日 一,而 弟 恬 城城 : : ,養老矜 一夫 過 之 秦二世 恬 我 夫蒙恬之言既 徑 恬 罪 誅 秦 罪 爲 萬 何 4 也。 初 孤 故 名 里。 過 使 脩 滅 當 不 將,不以 於 使 即 諸 此 死 亦 天 衆 者 吞 矣。 侯 其 宜 庶 詔 非, 無 藥 中 乎 之 天 此 殺 罪 自 不 而 和 ! 下 夫起 蒙 時 殺 而 能 太史公非之亦 心 彊 恬, 何 四 死 毋 未 諫,救 臨 意 ? 與 太 蒙 絶 定, 洮 興 乃 史 恬 地 良 功,此 罪 夷 公 屬 喟 百 脉 之遼 傷 姓 地 非 然 之 未 未 其 之 此 徐 脉 嘆

> 室。 非 禍。 戮,天命而至也。 地 物 是。 П 諫,故致 名將,不 此,與不自 云 蒙 也 脉之罪,不 何過 七 恬 如太史公之言,所 屢 則己下蠶室,有 何 空,糟 則? 十子之徒,仲 能 於 受死 非 非 人, 以 也。 蒙恬 糠 何 亡之戮。 彊 知 而 不 以 諫 作 地 蒙 非蒙 異? 厭,卒夭 絶 伯 脉 故 恬 非 脉 尼 夷 所 致 罪 絶 者 恬 任 之傳 身 獨 太史公爲 以 其 此 矣。 以 非 至 死 薦 絶之 任 脉? 禍 不 其 當 顔 李 ? 人,故 己 彊 則 天之報 淵 .過 死 陵, 諫 無 善 夫 知 非 好 非 惡 坐 當 學。 故 殘 恬 自 己 地 之 身 下 非 施 則 致 之 有 養 諫 之 蠶 爲 善 然 其 此 如 萬 不 絶

<sup>●「</sup>人」,通津本作「天」。

<sup>≥ 「</sup>而」,原爲空格,據通津本補。「竟」,原作「境」,

④ 「子」,四庫本作「兄」。

盜 是 戾 人 獨 跖 恣 如 不當 遵 睢 何 何 哉 聚 哉?」 章若 全活 死,過矣。 黨 盜 數 也。 跖 千 日 不怪 此言之,顔回 横 殺 行 不 顔淵不當夭, 天 辜 下 肝 竟 人 不當早夭, 之 以 壽 肉 而 獨 暴

謂

蒙

恬

當

得見封 者信之。 此 恨之,獨 乎?」廣曰: 人,而 命 下 而 Ė ·,才能不 乃 降之八百餘人,每吾詐 也 匈 ? 何 將 奴 漢 廣 邑者 將 負 軍 不 而 此矣。」朔 朔 李 夫不 所 平 及中 爲 廣 日 廣 以 ? 「吾爲隴西太守,羌常 後 未 何 : 侯猶 與 不 , 人, 常不 也 孔 將 望 得 ? 然以 曰: 子不王,論 侯 不 氣 軍 在 然終無 豊吾. 王 者 王 禍 自 胡 其 者 也 而 朔 念, 軍 中 莫 相 也 同 燕 攻 尺土之功 李 大 不 贵 日 語 者不謂之有 取 而 當侯, 不 於 廣 殺 常 侯者 諸 ·侯何 然 殺 反,吾 之,至 : 有 校 之, 已降 4 恨 且 數 自 尉 恨 聞 誘 + 者 古 漢 以 以

> 之類 道 後竟 之言 負 而 操 青 口 朔之言, 見 有 并 其 在 天 行 車 而 李 命。 當 共 也 違 所 以 建 取 ,失論之實矣。 廣 封 章 能 功 其 舡 福 虚 之證 不 王 王 封 宫 天命之符,見 財 ,千里爲 得 倉卒之世, 而 侯 時 萬 也 無 朔之説 尸 3,鉗徒 户 驗 王 捐 侯。 鉗 由 也。 商 朔 不 此言之,封侯 徒 論 相 謂 收 至 以 衛青 白 之言,實 多 者 之日 於 之 財 骨 闊 起 横 以 骨 有 利 暴 未 迥 自 恣 爲 貴至 體 恨 之 相 不 非 有 而 人 而 葬 蒙蒙 功, 地 刼殺者衆。 之 不 有 大 然 有 離 命 封 在 恬 將 殺 而 封 則 效 侯 禍 水爲 其 自 鉗 非 侯 軍 王 人 王 咎 徒 衛 自 順 人 朔

<sup>2</sup> 0 中 獨 遵 四 何 庫本作「人」。 哉」, 四庫本作 遵 何 德 哉

爲」下,原有「侯」字, 據 四 庫 本 及 孫 詒 讓 説

土,四 庫本作「寸」。

誘」,原作「詐」,據四 庫本改

樂。 驗 無 九 萬 肉 椎 力 命 魚 力作 農 人 鼈 ,人所不 章 可謂 何哉? 八以下 若 天不 勉 之 其 食, 而 畜 商 陰 無 責 倉 以 在 罪 道 計 能 割 卒 王 其 積 土 至 知 而 朔之言,未必 以 無 明 穀 一爲 更 痛 聚之中 食之, 示 人 貨 螻 甚矣,皆 爲 義之心 世 所 蟻之 遭 食,加 人,使 無 不 歲 生 君 能 . 糧 饑 審 得 者 道 覺 子 以 0 知 饉 然 陽 百 渥 小 惰 相 不 達, 干 一,死 人 禍 腹 窳 并 口 人以 殺 ,使 餓 之人,不 爲 富 並 不 者 非 之 厚 爲 非 飽 安 之 夭 + 其 魚

受誅 禍之 公子 子 車 一裂之 欺 印 報 有 印 交 死 傳 惡 書 之禍 何 也 罪 幽 一、天使 李 罪 , 死 斯 而 商 夫 見 爲 鞅 妬 韓 彼 李 擒 同 商 欲 欺 斯、 非 何 才 鞅 舊 言 何 商 以 所 交 其 调 出出 鞅 致 擒 • 賊 殺 而 之? 報 賢 擒 韓 爲 之, 欺 魏 車 非 李 交, 公子 則 裂 於 如 斯 李 秦 韓 誅 所 故 斯 印 非 死 受 幽 後 商 賊 ? 患 被 後

> 堯 公、宿 見官 賊 逢 時 罪 者也,虞舜爲 有 出出 鞅 非、公子卬 9 齊 0 者 罪之人,非 擒。 爲 人不聞 有 何負? 堯禪 桓 太 凡 天奉誅 戚 公窮 是 人 論者 而 賢者 窮 舜,不 也。 見 ·無惡 見, 賤 達 説 官。 ,宜蒙其賞,不當受其 父弟 如 賊 也 禍 窮 天 日 賢 遭 逆 ·爲 達 福之至,大之則 非 非 獨 道 所 周 則 帝 尚 天 有 窮 韓 知之,故受戮 害 逆 文 3 口 則 所罰 時 賤 道 非 而 謂 被 幾 隱 嘗見害, 得 遭 公子 有 李斯、 所行之道 死 阨 如 封 非。 遇 再 有 賊 = 有 印 賢 非 甯 命,小之 聖 殃。」 命 未 有 商 禍 戚 何 人 有 也 而 則 陰 鞅 隱 非 純 得 夫 非 遇 被 惡 不 如 阨 道 太 則 諸 唐 挂 所 伏 9 得 韓

<sup>「</sup>欺」,原作「期」,據通津本改。

<sup>「</sup>有」,四庫本作「及」。劉盼遂云當作「後」。

<sup>「</sup>不」,通津本作「立」。

遭 惡,天禍其 也。 成一 立 遇 爲 適 案古 帝 一行 敗, 然, 未 命 前 之操 有 君 進 時 是。 臣 卒有善 當 本 結髮 退, 也 窮 前 後 時 終 神 窮一 未 死 得 祐 到 達 通 前 其 通 後 後 後 則 無 未 一 全 一 也 命 異。 必 初 時 身 然 至 有

## 龍虚篇

龍 屋 屋 室之間 一,俗 見 不肖,皆謂之然。 於外。 盛 謂 夏 天取 也 之 龍 時 龍 見、雷 雷 雷 電 謂 擊 電 如考實之, 龍 取 折 擊 藏 以升天。 樹 折 於 木,發 破 樹 樹 木 虚 木, 壞 之 世 妄 屋 中, 言 無 發 室 也 愚 壞 匿 智 則 於 室

如 使 河, 猶 以 龍 夫 賢 天之取 遁 臣 逃 爲 不 君 龍 還 使 何 也 非 意 一,反 神 邪 之行 報 ? 有 如 時 天 以 無 亦 龍 爲 無 神 取 用 爲 也。 爲 天

> 天之 之中 淮,兩 在淵 其 行 又言 其 飲 母 之中,不在木 龍 子 無 也 魯」。 之子, 神 馬 因 高 長 爲 曰 取 没。 水之中,不在 ,手劍擊 大 復 如 恍 勇 則魚鼈 龍 雲 龍 龍 ; 在 惚 深 而 禹 繞 雨 無 訴怒, 天 之性 地 Ш 有力,出 舟 渡 起 爲 無 何 取 之類。 殺 中 於 焉 大澤,實 怒也 形, 用 當當 之。 如 披 屋 兩 江 ; 爲 東海之上有蓝 龍 在 蛟。」 劍 出 間 水 黄 木 過 哉 有 天, 則 人 致 魚 人 中 生 且 神淵 升降 龍 世 無 鼈 由 淵 其 在 屋 何以知之? 龍 龍 負 名 之 追 深 天 間 如 是言之, 之所 間 虵 舡 雷 使御 類,何爲 馬 蛟 降 以 上 明 1 無 電 者 龍 天 居常 矣。 傳 見 丘 龍 爲 者飲 爲 生 固 神 訢 荆 蛟 兩 生 乘 天 當 子 : 畫 乘 在 與 次 上 在 蛟 焉 叔 龍 怒 馬 生 於 龍 天 淵 龍 方 非 向 水 Ш 或作 也 子, 地 ? 馬 常 傳 澤 水 食 致 之 取 渡 而

世 精 如 稱 仙 氣 黄 人 形 帝 騎 輕 騎 龍 飛 龍 , 騰若 升天 天 爲 鴻 ,此言蓋 仙者取 鵠 之狀, 虚 龍 猶 無 則 爲 今謂 仙 騎 人 龍 含天 天 也 取

龍

也

長。 乎 貴 龍 故 四 朱 因 或 能 如 不 ? 謂 獨 星 鳥 龍之性 (,則龍 升天; 與 謂 龜 玄武之象 聖 神 之精,降 人 俱 聖 且 且龍 虵 世 爲 同 也 人 人 亦 賤 升 謂 先 有 物 ? 神 獨 禀何 有 矣。 長, 神 天,神之效 龍 知 而 生 謂 神 與 之 也, 升天者, 先 氣 四 能 爲 謂 貴者 與 不 明, 知 獸 而 升 地 龍 倮 不 神 獨 天者, 亦 論 1,神者 不神, 升 蟲 猶 神 虎 神 有 也。 必 龍 天,人 之長, 謂 鳥 ? 神 龍 之才, 謂 神 與 升 賤 虎 天 謂 龜 天 神 龍 天,不 龜 龍 復 者 鳥 地 神 龍。2 有 龍 謂 能 不 爲 龜 之性 升 倉 虵 反 神 龍 升 神, 鱗 之 天 復 龍 神 神 忧 升 天 不 物。 蟲 乎 龍 白 升 者 乎 天 也 神 之 爲 世 ? 虎 ? 天 何 不

故其宜也。

食於濁 食於清 物之性 傳言 乘 中 之物,不 爲 長,安得 止 神。 龍 其 虵 天 鱗 游於 今龍 之人。 6 也 龜 地之間,恍惚 無 蟲 得 與 游 體 爲 \! \_ ≪ 天 有 流清。 於 ? 白 神。 地之性 形 世 清 何 龍 Щ 俗 丘 有 何 以言之? 爲之長」。 龜 海 畫 上 無 形 有形 以言之? 食於清 經》言: 不 龍 形, 則 爲 之象, 行,行 寒暑風 龍 體 6 之 孔 四 龍 游 馬首 龍 則 子 類 下不爲 爲 於濁 海之外有 雨之 有 食 曰 : 繗 能 虵 體 蟲之 食 氣 行 魚 也 龍 魚 食 則 乃

0

4 8 2

<sup>「</sup>如」,原爲空格,據通津本補

<sup>「</sup>神龍」,黄暉、楊寶忠皆云當作「龍神」。

地 能」,黄暉 亦 有 龍 虎 云 乃「龍」之聲 鳥」,原爲 雙 半 誤。 行 字 楊 據通津 忠云乃形誤 改

<sup>「</sup>清」,原作「濁」,據通津本改。

<sup>「</sup>爲」,通津本作「及」。

吾 食? 或 龍 魏 食 痛 龍 象 矣。 然喉 日 痛 比 乘雲,騰虵 由 韓 之爲 之。 箸 亦 有豢龍氏,有 獻 難 其 而 此 子》曰 以 「人實 所挾 知其 下 得 傳 聞 子 言之, 極 禽獸 其 之,而 ·有逆 問 也 如  $\Box$ 螾 不 味美也 龍 難得 蟻 於 不 馬 肝 則必龍 游 生得 神 夫有象箸必有 又言 蔡 鱗尺,❷ 知, 紂 龍之爲 胎 虵 霧 不 則愁下 ,其身不 墨 作 御 非 之 非 知 也。 雲 象 蟲 龍 曰 類 肝豹胎。 春秋之時,龍 龍 其 一罷 箸 人 蟲 : , 氏 可 也 - , 愁下 吾聞 稱 實 故, 謂 可 或 。」獻 而 狎 也 雨 0 智。 龍 之智, 得 箕 嬰之,必殺 鳴 霽 而 是 玉 慎 肝 夫龍 殺 則 子 騎 子曰 Ó 之, 與 杯, 何 子 古者畜 ,其肝. 豹胎者, ·泣。」泣之者 禍 虵 可 螾 謂 信 **>** 是二 見于絳郊, 肝 玉 狎 生,故從 蟲莫智於 日 馬之類 蟻 也? 乎? 杯 可食,其 而 人矣。」 何 同 龍 所 騎 矣。」 可 畫 盈 也 者 故 對 得 明 而 龍

學擾 龍 封 未 畜 龍 有 日 諸 河河 畜 龍 能 獲豢龍 龍 鬷 龍。 昔 漢 以 求 ]1] 于 有 服 各二,各有雌 其 鬷 · 豢龍 氏 及有夏,孔甲 飂 嗜 事 0 0 夷 欲 叔 舜 氏。 氏 安 有陶 以 而 是其 錫 飲 3 之 以 唐 食 有 雄 後 姓 擾 事 氏 之,龍多歸之。 裔 孔 也。6 子 既 孔 于 日 董 甲 衰 曰 帝 甲 不能 董 ,其後 6 故帝

帝賜之乘

舜氏

世

日

豢

乃

食

也

而

有劉

累

父,

實

甚

好

0

尺」下,通津本有 以」,原漫漶不清 安」,原作「宋」,據 ,據通津 四 庫

本

改。

本

補

- 氏」,原 漫 漶不清 據 通 津 本 補
- 帝」,原漫 漶不清 據 通 津 本 補

6 6

- 而 原 漫 漶 不清 據 诵 津 本 補
- 于」,原漫漶不清 據 通 津 本 補

能

飲

食

史記 鳴」, 名」,未必是誤字。 四 韓 庫 本 非 作 傳 「柔」,《 》云 當 韓 非 子 説 宗 霍 同 云,「鳴 寶 忠

能 神矣。 故 世 以箕子之泣訂之,以蔡墨之對論之,知龍不 以《慎子》、《韓子》證之,以俗 牛之類也,何神之有?◆ 路,⑥人謂之神。 至。 夏后 言之,龍 則 有 也。」獻子曰: 而 一俗言 其官 使求, 神,會不能升天,天不以雷電 潛藏伏匿,出見希疏。 死及之。 雌 若泯棄之,物乃低伏,鬱湮不育。」由 死 嘉之,賜 世 龍 ,官脩其 0 可畜又可 懼 無 神 潛 而 失官不食。 丽 其官、又無 醢 氏 不 升天者,●妄矣。 今何 以 -得,❸ 日 方, 如存其官而有其人,則龍 食 食 御 朝 故無之?」對 龍 也。 夏 遷于魯 夕 后, 以以 董 官宿其業,其物 / 思之。 以《 出又乘雲,與人 父、后、劉之人,6 夏 更 可食之物,不 世 <u>Ш</u> 豕韋之後 縣 后享之。❷ 一之畫 海經》言之, 范氏氏 取 曰:「夫 龍 日 驗之,❸ 明 失職 其 殊 能 後 此 乃 物 既 龍

> 雷電 木」,謂 尺木, 也 樹木擊之時 俗之人也。 實者 去,便龍 無 龍 以 雷 從 升天。」 見雷 龍 • 木 隨 中升 同 龍 而 電 類 適 上 感感 發 又 一, 故 與雷 天 時, 也 日 氣 謂 「升天」,又言 電 龍 相 從 彼 俱 隨 致,故《易》曰 樹 短 在 而 木之中升天 樹 書之家,世 起,當雷 木之側 電電 尺

補。

世

俗之言,亦有緣也。

短書言

龍

無

<sup>「</sup>後龍」,原漫漶不清,據通津本補

② 「享」,原作「烹」,據四庫本改

<sup>「</sup>懼而不得」,四庫本作「不得懼而」

<sup>「</sup>可畜又可」,原漫漶不清,據通津本改

<sup>) 「</sup>后劉」,原漫漶不清,據通津本

<sup>「</sup>殊路」,原漫漶不清,據通津本補

<sup>「</sup>類也何神」,原漫漶不清,據通津本補

<sup>「</sup>俗世」、「畫驗」,原漫漶不清,據通津本補

<sup>「</sup>言」,原漫漶不清,據通津本補。「知龍不能」,原漫漶不清,據通津本

<sup>1</sup> 1 起 言」,原漫漶不 庫 當 本作「擊樹 雷 電 」,原 清 木 漫 ,據通津 漶 不 清 本 據 通 津 本 補 樹 木擊」,

<sup>№「</sup>側雷」,原漫漶不清,據通津本補,

降。 其 電 龍 夏 董 言 起 雨 雲從龍 説 景 一 皆 起 水水 太 亦 2 則 雲 舒 陽 起 知 忧 爲 而 又見 雩 起 用 雲 雲至 見其乘 天 風 龍者雲之類 祭之法,設 事 而 火 短 從 龍 取 激 一。雲至 升天。 書爲證 雲 虎 與 龍 薄 雲, 。」又言 雨 雲 \_ 則 干 則 相 而 鳴 故遂 拘 土龍 世 謂 之。 招 龍 天 而 儒 俗 乘 爲 升天」; 極 以 虎 謂 讀《易》 太陽 人 之。 虎 雷 雷 爲 與 一天取 之議,不 嘯 感 龍 高 風 雲 谷 見天 火 聞 也 相 文, 雨 龍 風 雲 也 雷 致 感 至 消 能 見 爲 夫 聲 ; 龍 傳 雷 復 盛 雲 通 則 故 龍

電 用 兩 擊 何 雨 蛟 雨 畫 至 之。 也 天不 以 則 ,手把其 死 而 雷 蛟則 取 蛟 乘 龍 電 爲 雲 龍 擊。 尾 龍 取 之 雨 拽 之? 不升天。 類 非 如 升 也 而 以 蛟 出 天 且 天 之, 也 實 魚 龍 當 取 在 至 見 巂 龍 龍 水 淵 而 丘 中 龍 之外 雲 訴之 魚 雨 之 爲 亦 雷 至, 類 隨 殺 天

> 之實, 乘雲, 實也。 之神 也 其 誣龍 鳥 龍 乘 物 乘 雷 乘 在 之 風 電 雷 世 能 猶 電 間 見龍乘雲, 也 獨 各 魚之 謂 有 之神 飛 所 也 乘。 獨 世 謂 魚 水 俗之言, 之神 隨 虵 雲 乘 . 雨 霧, 失 不 龍 謂 其

三怪比 子 亦 子 神 匿 存 有 貢 也 貢 其形。 自 滅 然則 亦不 神 龍 然 豫 鬚 也 龍之所 独 讓 爲 能 性 吞 婦 屈 覺。 狌 孔 變 伸 炭 人,人不 知 子 化 以 其 變化 往 漆 曰 : 也。 體 爲 克乾 身爲 神者 ,存亡其 藏 知 如 鵲 游 匿 其 厲 以 知 者 者,巧 以 巧 ,人不識 狀 來 口 形 能 爲 爲 ,未足以 屈 神, 龍 也 網 鵡 伸 變 其 豫 能 其 飛 體 物 讓 言 形 體 者 爲 性 自

<sup>「</sup>雲雨感龍龍亦」,原漫漶不清,據通津本補。

❷ 「消復」,原漫漶不清,據通津本補。

<sup>) 「</sup>乘霧」至「獨謂」,原爲雙行小字,據通津本改爲正文。

〇八

雲消 淺 今日 不 天,不足怪也。 口 知 爲 見 贈,至 而 奇之性,●無實可之心,謂之龍 下。 老 以 子,其 孔 於 物類 子 龍 之聖,尚 猶 也 可 吾不. 龍乎 察,上下可 \_! 不 知 知 夫 其 龍 龍 乘 知 前 乘 風 況 雲 雲 俗 神 云 而 上 孔 而 人 上 升。 升 智 子

## 雷虚篇

室屋 室屋 聲,天怒之音,若人之呴吁矣。 莫謂不然。❸ 飲食人以不潔净,天怒,擊 者,天取 ,時犯殺 盛夏之時,雷電迅 推人道以 龍,其 世 犯 俗 殺 以 一疾,擊口 論之,虚妄之言也 人也, 爲 而殺之。 擊 折樹 折 謂之 世 樹 無 木 木, 陰 隆 愚智, 過。 隆之 壞 壞 敗 敗

亦犯殺人,犯殺人時,亦折木壞屋。獨謂折夫雷之發動,一氣一聲也。折木壞屋,

之何 宜於 隆隆 龍吉 言復不可 人不 有過 殺人,怒可 木 而怒之? 壞屋者,天取 者,天 異? 取, 取 X 與人 不同 龍 殺 (怒响 然則 龍 也 同 如 並 罰 龍 取 ; 罪 過,天怒 取 吁 時 龍 之,人龍 取 神,天取之,不宜怒。 龍 龍 之聲 共 龍 ; 之説 聲,非 殺 犯 龍 也 而 可 殺 之 何 既 也 已,天爲 道 過 罪 不 此 ; 也 罰 何 而 便 取 口 聽 别, 陰 怒之? 龍 於 論者以 取也? 過 一罰過 龍 罰 而 其 過 如 何 與 殺 殺 龍 调 爲 取

隆 死 隆 於地、隆隆之聲 者 何以效之? ,天怒乎? 臨 案雷之聲迅疾之時,人仆 怒 人首 用 口之怒氣 上 ,故得殺人。 殺人也

<sup>● 「</sup>好」上、《注釋》、楊寶忠皆云當補「有」字

<sup>「</sup>陰過」上,孫人和、楊寶忠據類書引云有「有」字。

<sup>「</sup>謂不」,四庫本作「不謂」。

<sup>●「</sup>天」,通津本作「何」,黄暉云當作「天何」。

聲迅 火乎? 非 微。 與人 雷迅 身體 日 見 日 里之外,無 如 折之時,聲著于地。 口 口 之下,則夫隆隆之聲者 口 耳 獨 著於天,天宜 : 東 是,聲著 之怒氣, 一天以 無異。 。」夫千里不 雷 ,若燔 疾之時,聲東 疾之時 今天聲近,其体遠,非怒之實也 震驚 西 雨 南 且 之地 東西南 北 白 人怒,身近人則聲疾,遠人 地 口 灼之狀 安 雨 ,仰視天,不見天之下。 里。」 著乎体, 之 之 能 仰 天 時, 随 處,宜見天之東 殺 同 視天亦宜東 雷電 北矣,雲雨冥晦,人不 西 也。 随 П 人 風,百里不共雷。 口 其衰也 或 ?  $\Box$ 至 口之動與 ,非天怒也。 如 之 動 П 南 地,体亦宜 人 天 地,雷 也。 一移,普 北,如天怒体 爲 用 ,聲著于天。 雷 П 西 且 、体俱。 西 雨 怒, 所 所謂 南 天皆移 南 晦 殺 北。 天之怒 不 然。 П 北 冥,百 《易》 怒者 則 見 當 且 怒 詢 也。 動 能 或 聲 夫 天 當 擊 生 其

> 無 推 喜,亦哂 以善賞之。❹ 善。 怒。 父母也。❶ 哭乎? 神 誰 怒,不聞 怒,怒用 緣 人 神 也 以 謂 且 ? 有陰過,天怒殺之;如有陰善,天 怒 有 天怒也。 知天,知天本於人。 然 地之哭。 今天怒殺 П 無 天 怒 子 而 0 聲。 神 則 有 笑。 且 隆隆之聲謂天之怒,如 邪 有喜。❷ 天 ? 過,父怒笞之致 如 緣 如 人,地宜哭之。 人有 地 謂 人以 蒼 地 相 蒼 蒼之天 不能哭,則 喜怒,故 蒼之天,天 與,夫婦 知 有 天,宜 陰 如 也 人 過 謂 死 ? 盡 不 . 也 獨 天 者體 怒 人之性。 天喜怒。 亦 其 亦 而 聞 如 ,則亦 天之 亦 有 謂 不 母 非 天 陰 能 之 宜 民 天

本改

有」上,通津本有「人」字。

「喜以」。

❷ 上「有」字,原作「天」,據通津❶ 「非」,通津本作「即」。

❶ 「以善」,四庫本作「以喜」。黄暉、劉盼遂皆云當作

豊 有 希 效 性 聞 天怒不喜,貪於罰 ,喜賞 怒 天 之 則 喜 响 無 响 ; 驗 • 比 也 見 喜 則 天 希 歌 之 於賞 笑。 罰 希 哉? 比 見 聞 天之賞。 天 何怒罰 之怒

之候,一 罰 折 方 亚 不 大澤之陂 雷電之日,天必 非 爲 天空怒乎? 宜 者 施 天 異 天 同 爲 行 怒。 則 氣 無 且 音。 怒,不 所 雷 有 也 宜 , ❷ 夢 之擊 罰 時 「候守」。 何 喜 人怒喜異聲,天怒喜 或 政 而 緣 擊折 之時 人君 也,折 事 空怒,是天妄也。 徒 與 寒也。 謂 雷 人君喜即 之家,以 神 之天怒 者 也 不 遇 爲喜, 無 木 空喜怒,喜怒必 何 此 高祖之先劉 壞 所 怒 寒温 屋,時 時雷 折 天温 則 而 敗 夫 雷 之氣 一、怒則 電 隆 亦 妄則 犯 同 ? 晦 殺 音 隆 媪 不 爲 冥 如 之聲, 殺 曾息 失威 天寒。 人,以 喜怒 有 與 用 賞 天 擊

且飲食人以不潔净,小過也。以至尊

擊之。 爾。」人 情 過,故 哀 誅之,哀 意,人君罪惡,初 是天德劣於王 之身,親罰 則哀 而 憐 王 是天少 君誅 之。 憐 不 以 親 小 憐 而 惡 故《 過 之。 誅 勿 也。 恩 憐 喜。」 罪 而 非 尚 聞 故 而殺之; 天之罰過 人多惠 且天之用 尊者之宜 書》 之時,怒 紂 天 論 至惡 尊 日 語 於 也 : 也 王 以 日 心,❸猶人之用 也 子 親 親 非 武 惟 4 之, 尊 罰 王 率 如 不 將 小 夷 怒 及 得 親 過 其 其 罰 憐 而

天 雨 故 不 説 説 雨 雨 不 潤 者 降 萬 以 雨 物 爲 天 名 謂 施 雷 日 澍。 氣。 天 怒 天 不 施 雨 喜 氣 者,天喜 不 氣 施 渥 恩 爲

<sup>●</sup> 下「呴」字,通津本作「吁」

<sup>「</sup>媪」,原脱,據通津本補。

<sup>「</sup>語」,原脱,據通津本補。「心」,原作「必」,據通津本改。

<sup>「</sup>惠」,原作「惡」,據通津本改。

惡人 冬雷 天人 也。 也 了,不謂 一人謂 爲 相 雷 人 違 亂 君 起 , 怒罰 賞罰 賞 常 之陽 陽氣盛,謂之天怒,竟虚言 罰 與 雨 不 氣洩; 其 乖 同 俱, 過,罰之以 也 日, 如 春雷,謂之陽 且怒喜其刑 論之言,天怒且 天之怒喜 亂,非 不 天 亂 氣發; 也 殊 行 也 也 0 喜

之飲 手,去: 贵 如 食 不 明,省物之闇 萬 原 故 鼠 殺 謂 物 不 知 人不 也 則 予之,人亦不肯 貴賢加意,賤愚不察乎? 於天,皆子 食,天不 人在天地之間 其 而 、眼,置 亦 知, 如 食之耳,豈故舉腐臭以 能 誤 以 原人。 也 能 一於厠 人 而 也 知 1 貴 食 ; ; 中 之,天不殺 而 犬豕食人腐臭,食之天 人誤以不潔净飲食 父 人之 物也,物,亦物 食。 獨 母 以 禁之,則 飲食 爲 於子,恩 吕 人 后 豕 天 也 何其察 斷 子 鼠 德 獨 戚 呼 之哉? 洿 如 也。 知 夫 天 人之 也。 之。 能 飲 物

> 能 故 公爲,天 原誤,反而責故 皆傷 不罰 心; 也 惠 · ●天治 帝見之,病卧 人誤 不 悖 知 也 不起。 輒 殺

則怨吕 爲腸 莫不 士劉 聞 體辱之,與洿何 如 人 食已,知之,名曰 傷 春熒惑楚王英,使食不清。 食不清之物,心 不爲體,傷洿 夫人食不净之物,口 心。 后, \$案吕后之崩, 未必 人傷,天意 以 不 别 膓 平 病 ? 洿。 辱,非 如 悲 膓 故 不 矣。 之與體 戚 知大 天意 夫人 觀 天 遇 春 戚夫人者, 其 悲 雷 也 何 入厠, 死,未 洿 戚 以 也 且人 夫 異? 也 必 身 道

通

津

本改

爲

IE

<sup>◎ 「</sup>之人」,據通津本改。 「之人」,原爲雙行小字,據 「其刑」,通津本作「具形」。

<sup>「</sup>反」,通津本作「失」。

<sup>「</sup>大」,通津本作「有」。黄暉云當作「人」。

<sup>「</sup>天」,通津本作「夫」。

之? 雷 專 遇 日 雷 死 食羊 也 舟人洿溪上 Ŧi. 建 頭 初 皆 几 死 年 流, 0 夏 六 人飲 夫羊 月 雷 下 何 擊 流 陰 過 殺 舟 會 而 人 稽 雷 不 殺 靳

使天問 惡 奉 或 刑 使 天 昌 夏,王誅 聞 居宫室之内,則 重 不 論 夫 神在 以 鬼 闘 人 之坐。 而 神 過 之内 日 秋 天神之處 須時。」王者 行,其誅 過於鬼神 ,天之殺 四宫之内, 以 則 以 ,則天之神 飲 王者與 秋,天 天 人知 食 怒, 天, 不 殺 天 用 ; ,則其誅之,宜使 鬼 潔 人 也 大惡,謀 亦 夏,此 何 天 猶 人 」, 宜法· 神 相 净 有 相 能 宜 知 王 也,非 違,非 ,天之大惡 遠 太微、紫宫、軒轅、文 見 在 者 王 不 人闇 隱 之 反大逆 象 悪 者 天 匿 居 上天。 亦亦 知人之陰惡; 奉天之義 用 過? 之中。 也 地 刑 宜 無道 鬼 0 也 違 天殺 用 且. 神 王 天 也。6 鬼。④ 殺 王 王 者 王 也 時 大 用 者 者 如 斷 居

> 何不 不能 刑 冬,未必 不 人不潔清之法 不均等也。 天之大惡,飲食人不潔清 旋日,人 不 鬼 盡 覺 備 殺? 故 此 專用 神 怨 法 使 治 如 夏 不 聖 案 鬼 陰, 爲 小 也。6 旋 神 大同,王 王 王 死 踵 過,非治陰之義也。 主之。」日 者 刑 闕 以冬過誤,不 治 也 人有陰過 略 陽。 者 有 聖 : 宜 天 遺 陰 陰 王 之所 法 失 過 過 有天 天 也 或 輒 悪, 非 制 罶 時 擊殺 下 昧 天 或 有 飲 小 也 用 怒 論 制 大 食

2

4

<sup>0</sup> 引作 食」字行文。 專 靳 日食」三字義不 專 鄞 E 縣羊 食 羊 五 五 頭 頭 相 皆 黄暉 屬 死 御 孫 云 「專 和 E 云 三、《事 爲 類 一字 賦》三並 作 鄞

<sup>3</sup> 闇, 宫」原作「官 原作 聞 」,據通 據 通 津 津 本 本 改

用一, 通 津本作 因

反 原作 「及」,據通 津本改、

原作「曾」, 據 通 津本改。

遠至於夏,非不旋日之意也。

然後 邪? 者,非 乎? 然。 然 魄 之左 引 以 形 日 公之足 氣 如 然若 後 也 連 爲 此 神 能 手 鼓 如 雷 又 啚 而 古 如 鼓 如 敝 安,然 復 引 圖 無 聲 相 聲 畫 爲 審 審 爲 即 裂 原 連 之工 椎 隆 一人,若 與 恍 所 雷 是 可 神 鍾 者,惟 鼓 之, 并 隆 惚 氣, 蹈 後 推 也 也 方右 是 圖 者 ),鍾鼓 無 能 引 虚 擊 履 如 安可 與 形 安安 鳴。 妄之象 之矣。 手 力士之容,謂之雷 所 必 夫 連 雷 則 擊之聲 推 有 隆 鼓 出 是 之狀, 纍 而 得 推 等 推、若 今 所 相 入無 隆 物 不 引 而 鍾 也 也 世又信 懸 之聲,鼓 空 扣 也 爲 鼓 而 也 着 懸 擊 擊 何 雷 無 爲 夫 ; 纍 之意 之狀。 相 以 足 須 之, ? 雷 其殺人 所 連 如 扣 有 爲 懸 下 有 與 鼓 連 莫 非 或 也 而 着 神 所 無 笥 鼓 之 謂 聲 音 其 日 也 垠 履 簴 其 形 則 之 意 使 鍾 鳴 不

> 之狀 爲着 翼 吁 公不 作 天, 神 然,以 神 畫 得 故 曰 翼。 物物 其 ? 謂 也 : 升 謂 足 之神。 飛 人時 皆 翼 龍 難 之 不 無 行 人時 如 如雷 之服 神 圖 日 圖 翼 無 虚 又 蹈 蹈 見 雷之家,謂 妄 或 非 雷 而 於 形, 地 公與 也, 謂 鬼, 今雷公有形,雷聲有器,安得 也 家言 飛 見龍 也 地 , 之 不 與 謂 亦見鬼之形, 有 仙 以其 神 得 安 且 之形 人 仙 其 夫 見 人同,宜 能 龍 爲 人。 相 説雷之家 如 飛 雷 之雷公怒 可 之 爲 升 也。 似。 是 公者 畫 非 天 雷 圖 畫 故 圖 也 公? 象; 仙 雷 以 復 實 乎 雷 鬼 謂 其 有 人之形 公 着 事 ? 引 之家 使 如 復 形 不 翼。 頭 飛 者 雷 連 實 有形 神之實 見 神乎?」 鬼 者 謂 不 天 鼓 飛 故體 畫 名 怒 使雷 皆 爲 之不 懸 也。 有 於 日

0 體 畫 升 龍 之 服 通 津 本作 啚 畫 升 龍 之 形」。

JU

潛 陽 中 也。 矣。 軫, 分 水 屋 何 間 争 盛 以 灌 屈 或 人則 作 故五 , 偶 輒 明之? 魄 冶鑄之火,氣激 盛夏之時 氣 禮》 佼 然 相 死 伸, 則 中 死矣。 中, 較」。 若 校 曰 相 而 月雷 爲 軫 獘 校 死 木 正 相 分裂 戀 軫。 、 太 裂者 矣。 木 實説 刻 月 校 迅 律 折 陽 尊 陽 則 軫 , 校 喂 整裂,若雷之音矣。 何 爲 用 動 秋 氣 雷 中 軫 壘 則 以 隆隆之聲,校 雷 事 冬陽 射之聲 屋 則 者, 故 之 鳴。」 驗之? 之形,一出一人, 屋 激 陰 類 正 太陽 壞 射 衰 氣 月 也 校 也 乘 始 之 激 軫 故 此 試 之,陰陽 射 激 雷 之狀,校 秋 軫 氣 象 以 在 爲 氣 冬雷 五 木下 射 之音 類 毒 也 斗 或 月 之 中

> 射 迅 氣 鐵之烈也 鐵 猛 近 中 ? 之, 中 也 矣, 人,非 以 人 中 必 雲 身,則· 土 灼 傷 雨 9 直 爲 人體 人 陰氣激之,非 爲 皮膚 灼 形 身, 水 剥 燥 安 多 之痛 灼 天 則 得 矣 剥 地 鐵 不 也 爲 分 下 直 死 陽 鑪 ·, 不 争 土 ? 氣 大 激 泥之濕 之熱, 則 矣, 當 射 躍 冶 陽 溢 工 安 非 氣 也 而 之消 得 直 爲 ; 陽 不 消 火

之 圖 雷 炙 字,不當 示 書 **>** 處 殺 百 姓 狀 人,殺人當 夫 洛 亦 雷 似 書 天 闇 是 火 文字,人見之, 所  $\sim$ 昧 復 也 爲 天 虚 也 彰 地 圖 妄 , 2 其 所 氣 出 也。 惡 剡 爲 何 於 以懲 故 人,人不 河 使 謂 難 讀 書 人 其 天 知 知 記 出 後 盡 ? 之。 得 於 書 有 明 如 無 洛 调 其 今 著 以 迹 過 雷 天 其  $\wedge$ 死 文 用 以 河 如

2

亦」,原作「今」,據

通

津

本改

<sup>●「</sup>争」,原作「事」,據四庫本改

室屋 若 傷 虚 燋 道 雷 造 五. 氣 則 增 如 故 生 於寒,寒氣 井 驗,言雷 人 雷 術 怪 其 是 仲 不 皮 而 而 之耀 及 鳴。三 之家 奇。 語 火 子歸 有 寒,激聲 膚 死 可 地 文 或或 灼 書,魯惠公夫人仲子,宋 剡之跡,非 即 何以 9 草 以 在 魯。 燌 爲 驗 無有 詢 木,五 掌 爲 四 天怒 入腹 大鳴 也 其 臨 驗之? 雷 驗 雷, 八身,中 而空生其言。 日 其 書 也。 無 驗 當 ,若雷之狀 燒 「爲 尸 腹中素温,温 天所刻 不著,故 雷之時,電 也。 石 上 當 頭 魯夫人」,文明 效。 雷者,火也。 色赤、投 聞 則 雷之擊 夫論 畫 火 鬚髮 然則雷 難 也。 氣 虚妄之俗,好 雷之爲 以 0 焼 寒分争 於井 光時 武 — 驗 時 懲 或 公女 燋 爲天怒 以人 或 也。 頗 後。 見 中 中 驗 可 火 燔 有 激激 也。 也, 知 中 火 身 夫 而

難 日 3 論 語 云 : 迅 雷 風 烈 必

> 故天 之與 重 子何 也。 之,況聞天變異常之聲、 雖 變。』《禮記》曰: 人聞犬聲於外,莫不驚駭,竦 論 順 夜 語》所指 0 爲 必 變,己亦宜 人猶父子 如雷 爲 興,衣服 自 雷 知 不爲天怒,其擊 · 變 無 禮記》所 過 動 冠 變; 有不 『有 如如 朝 而 服 疾 坐 順 日 安之變, 6子安能 而 風 一。」懼 謂 月 天 軒 正 之蝕 皆 迅 時,示己 不 藍 坐乎 雷 天怒 · 爲 罰 君 身側 迅 無 甚 ? 子 疾 雨 過 畏罰 之音 耳 陰 也。 不 則 6 , 闇 以 百 違 必 食 審 忽 及 君 則 乎 變, 也 聽 天 己 ? 君 子

作

吴承仕

云乃「光」之誤。「人」,

庫本改

<sup>3</sup> 2 0 通津本作 難」,原作「雖」,據四 上 通 錢 津 批 本作「大」。 改 「尚」。

不爲」, 原爲雙行小字 據 通津 本改爲 正

乎」,通津 本作「子」,屬下讀

不 安」, 通 津本作「父爲」。

津 本作

六

若毋 何則? 罰 不畏雷 矣。」《宋王行其言,群臣畏 故 懼 能 夫宋王妄刑,故宋國大恐 遇之,故恐懼變動。 以 不罰過,故人畏之。 =不爲己也。 子變動。 [何也?」唐鞅曰:「王之所罪,盡 :「寡人所殺戮者衆矣,而群 不 不善,善者胡爲畏? 耳,3君子之人無爲恐 明雷爲天怒,而反著雷之妄擊也。 辨其善與不善,而時罪之,若群臣 潔清之事 2 雷之所擊,多無過之人。君子恐偶 則其變動不足以效天怒。 君子變動,宋國大恐之類也。 如審畏雷,亦不足以效罰陰過 内内 省不 如審罰有過之人,乃當 夫如是,君子變動,不 懼 王欲群臣之畏也,不 也。 何畏於雷 懼,宋王大怒。6 懼 雷 宋王問 臣 電妄擊,故 愈不畏,其 不善者也。 ? 何 唐 妄擊 . 列 ? 0 畏 鞅 如

如」,通津本作「審如」。 雷」上,原衍「 如」字,據通 黄暉云當作「如審」。

如審」至「懼耳」,

宋王大怒」,四庫本作「宋國大恐」。

論

衡卷第六

暉云當作「如審罰過有過之人乃當懼耳 乃」上,通津本有「小人」二字。 通 津本作 「斯」。

<sup>726</sup> 

日

此

虚

言

也

實

黄

帝

者

何

等

也

?

#### 論 衡卷第七

虚 篇

道

弓 騎龍 與 封 帝之弓。 餘 下。 禪 日 龍 小臣不 烏 胡 ,群臣後宫從上七十餘人,龍乃上去。 儒 鼎既成,有龍垂 一,仙 號。 髯 書言 · 得 吁 百 去。 Ė 號。 太史公《記》誄五帝亦 姓 黄帝 ,乃悉持龍 仰望黄帝既 群臣朝其 故後世 採首 一胡 髯下 因 Ш 衣 髯 其 上 冠 銅 迎黄帝,黄 處 鑄 为 因 天,乃抱 龍 曰 髯拔, 葬埋之。 鼎湖 鼎 云: 於 黄帝 其 命上 其 墮 荆 一黄 弓 Ш

> 生時 世之人也? 號 黄帝之時質,未有謚乎? 得道之稱 日 子誄之,宜以仙升,不當以「黄」謚。 日 黄 跡 : 乎 武武。 「静民 其行。 非 ? 所行爲之謚 升 謚 仙 也。 文武不失實, 則 也 之 黄帝之世,號謚 使黄帝之臣子知君,使後世之 法曰 ? 稱明矣。 百王之謚,文則曰「文」,武 如 黄。」黄者,安民之謚 黄帝 謚 更 臣 所以 好 子所 道 名之爲黄帝, 有 勸操行 ,遂以升天,臣 無雖疑未定。 誄 列 《謚 也 也 非 何 則 誄 如

王

充

帝 入淵 也。 而 升 葬 天 於 龍 龍 起 如 不 橋 衣不 實 雲 升天,黄帝騎之,乃明黄帝不升 Ш 黄 雨 離 猶 帝 因 形 日 騎龍 乘 群 如 而 臣 封 隨 行,雲散 葬 禪 溺 其 已仙 衣 於 淵 冠 去, 雨 也 止 衣 審 冠 騎 案 降 黄 亦 龍 復 天

0 因 下, 四 庫本 有「名」字。

八

之心 不 所 不 死 親 宜 之衣 别 見 遺 也 生於 冠 0 黄 見 帝 死 與 其 實 之意 實 升 仙 死 天 不 也 者 死 無 知 而 以 其 升 異 不 天 死 非 臣 臣 必 子 子 巾 實 百 事 葬 姓

黄 帝 功 形 非 其 如 愁 事 太 思 修 帝 聖 憂苦  $\equiv$ 體 其 形 烫 平 道 不 ,憂念王 同 ·則天 實 體 何 人 王 肥 求 載 事 爲 皆 天 勁 也 宜 太山之上者七十 仙 皆 形 則 獨 仙 如 下 下未 體 有 是 害 事 與 仙 使 堯 和 仙 聖 與 憂 性 羸 3 ? 黄 舜 安 者 太 然 德 堯 癯 職 帝 世 平 非 0 之 舜 世 後 乃 勤 堯 廢 見 獨 使 優 異 升 功 稱 事 而 事 舜 黄 黄 黄 者 堯 成 太 也 不 升 修 不 有 帝 帝 帝 , 黄 若 事 同 道 得 封 Ш 異 好 ; 致 腊 道 立 又 而 帝 君 方 則 如 則 太 心 非 封 舜 術 聖 不 致 功 黄 平 心 皆 思 禪 實 若 在 治 不 意 帝 乎 方 道 勞 焉 也 ? 上 腒 同 調 升 太 術 情 則 焉 仙 矣。 平。 和 仙 Ŧi. 則 忘 苦 心 夫

> 稽 伎 稽 胡 者 母 是 黄 之業 乎 髯 不 0 與 帝 即 ? 之 升 夫禹 説 採 云 實 天 首 會 邑名 則 夏 至會 也 也 Ш 稽 謂 禹 銅 之 朝 帝 巡 稽 鑄 里 無 歌 Ш 仙 狩 治 鼎 名 會 矣。 無 可 計 勝 水 會 而 以 謂 之 母 計 亦 又 龍 異 民 事 於 巡 見 垂 也 可 朝 此 狩 鼎 胡 謂 猶 起 Ш 湖 髯 者 夫 實 無 猶 之 迎 歌 有 Ш 鑄 黄 名 黄 乎 名 子 鼎 故 帝 帝 勝 好 則言 龍 日 H 其 方 會 會 垂

此 鷄 之士 之人 隨 遂 虚 鳴 得 王 領傾 言 於 道 並 而 儒 雲 舉 書言 升 巾 會 天 中 家 淮 國之尊 也 升天 南 此言 0 淮 好 南 畜 下 奇 道 仙 王. 方 學 藥 産 道 學 異 仙 皆 術 有 道 術 之人, 之士 仙 餘 招 犬 莫 犬 會 不 皆 鷄 吠 争 天 是 謂 於天 食之,并 下 出 以 之然 有 道 王 術 渞

物 無 不 夫 死 人 人安 物 也, 能 雖 仙 貴 ? 爲 王 鳥 侯 有 毛 性 羽 不 能 異 於 飛 物

驗之。 仙 物 謂 有 所 使 羽 無 馳 能 物 案 爲 羽 能 大效 之生 物 生有 大 之人,能 能 鶉 奇 臺之陛 走 馳 能 人 升 飛 能 之性 雀 爲 性 走。 怪 飛 天 過 之驗 物 長,無卒 生 也 可 升之物, ; 難 蹄足之形。 與 生 毛 好道學 禀性受氣 故 變,金木 乃 先 水 以 鳥 羽 好 也 無 何 可 觀 生 爲 生無 毛羽 道 同 色 成 方 謂 毛 數 實 生 蜄 青 之人,恐其或若等之類 仙 ; 術 升 羽 暴起,皆 水 寸之毛 蛤 毛 有 況 之學 天。 備 馳 其 形 且. 火 中 羽 毛 其 何 禀自然之性 具,能 走不能飛升, 熟 以 可 體 之 生 羽之兆 無 今 用 成 也 羽 兆 人 革更也。 毛 殊 有 有 飛 無 無 色黄 髯 · 長 羽 别 浸 升 從 升 浸 小 髮 終終 升 漸 天 也。 地 ? 大 漸 升 物 能 也。 天 之兆 非 至 自 以 也 色 爲 蝦 今 人之少 飛 使 馳 如 飛 老, 奮 少 道 學 蟇 且. 走 有 升 何 升。 老 道 毛 卒 升 學 夫 化 終 故 禀 之 不 毛

> 天之門· 之始 皆 南 驗 還 仙 藥 夫 可 之燋,魚鮮 白 老 也 體 之 養 養 復 雖 髪 體 效 亦 或 何 也 性 物 **\$** 黑 無 衰 輕 吞 在 在 其 如 能 物黄 鮮。 安 毛羽之效 能 氣 藥 地 使 地 西 ? 老 煑之熟 可 彊 無下 **\$** 養 物 東 北 鮮 也 猶 復 人 性 南 升 暢 穿天之體,人 腥 髮 雖 却 無 至 猶 天 未 終 則天無上矣。 如 也。 ,何用升天? 白 灌 ? 秋 病 之 審 能 少 不 溉 黄之與 燋不可 升 不 人 升天。 壯 黄 不 能 雍 天 宜 爲 能 黑 養 得 燋 物 壽 力 從 宜 終不 延 熟 白 復 熟 **\$** 之爲 黑 舉 崑 不 之 猶 令腥 天之 天無上 驗 見 青 猶 家先從 崙 能 至 能 衰 輕 不 仙 肉 上 春。 白 青 . 與 老 熟 彊 腥 可 爲 一,升 地, 也。 崑 淮 如 之 吞 爲 炙 復 髮 人

<sup>「</sup>夫」,通津本作「天」。

❷ 「始」,通津本作「路」。

之傳欲 言 深 驗不 稱 父長,以 實 發怪奇之文,合景 大 王 崙 是 崙 亦不 冥 誅 事。 淮 也。 ,恨父徙死,懷 則 乃 奇 Ż. 南 死。 淮 不言 得 案 王 怪 伍被之屬,充 示神奇,若得道之狀。 南 乃與 罪 其 仙 誅 又 淮 王 階 遷 其 死 而 南 有 觀 伍 身 蜀 升 自 王 羽 被 如 生 八公之傳 天 殺 嚴 反逆之心,招 劉 亂 翼 謀 羽 鼓 ,失其實 同 道, 滿 安,孝武 首。 也 爲 翼 翼,空言 殿堂。 至雍 反 邪 實 一本作 今不 事 飛 似若 也 也 道 , 皇帝之時 事 道終不 升天,竟 趨 作 會 言其 死。 「齊首」。 覺 有 世 術 道 西 自 北 效 見 安 術 人,欲爲 從之崑 殺,或 ·成,效 之書 之 其 嗣 則 虚 書, 也 隅 公 傳 爲 非

準 乎 風 玄關 而 鴈 舞 儒 頸 書言: 至 而 顧 於蒙 戴 見 肩 盧 盧 穀之上,見 浮 敖 敖,樊然 游 上 乎北 而 殺 下 海 其 下 士 臂, 經 軒 焉 乎 軒 遯 太陰, 逃 深 然 乎 方 目 玄 碑 迎

8 9 0

之黨, 下。 天 乎 敖 此 子 唯 倍 月 而 聽 中 罔 其 爲 北 己。 而 俗 浪 。 • 州 陰 敖乃 比 載 友 焉 而 去 之民 之 夫 之未 敖 列 乎 東 群 無 野 ?! 若 盧 視之、 幼 不 星 貫 聞 離 敖 北 名之地 3 也, 闚 而 須 黨 仍 游 四 懞 而 息 方卷然龜背 不宜遠 士 至長 與之語 時之所行,陰陽之所 今卒 窮 之先。 乎 視 者 觀 焉 沉 猶 . 悖 睹 於 薶 不 則 峡 至 日 然 夫 六合之外者 之 此 倫 誉 此 屼 子 吾子 其 鄉 而 解 而 也 笑 於 9 下 此 食 此 西 是 無 曰 周 合 其 猶 若 唯 窮 : % 地, 梨。 行 外 我 平 以 生 四 猶 光 Ė 嘻 杳 南 可 非 敖 極 也 有 日 無 游 與 敖 冥 爲 本

<sup>「</sup>種」,原脱,據通津本補。

<sup>「</sup>倫」,四庫本作「渝」。吴承仕云當作「偷」。

猶 此 四 光乎 部 猶 日 至 刊 月 列 影印 而 星」, 載 列 劉 四 星」。 泖 庫 生 本 影 作 寫 此 北 當爲「乎」字。 猶 宋 光 本 乎 《淮南 明 而 子 列

遠哉 之在 狀,有 遠 與 中。 怠 上,吾不可 壤 ? 盧 蟲 不悲哉 然 狀之餘, 敖 今子游 然子處矣。 也,終日行 有 目 久。」若士 喪, 仰 ! 始至 日 壹 而 視 : 舉 而 於此,乃 之,不 者舉 而 吾比 吾與 不 能 離咫尺, 夫子 千 臂 汗 見 萬 語 而 乃 漫 也 里 縱 窮 期 止 一,猶 身 觀 而自 於 吾 贵 喜 黄 九 遂 猶 以 鵠 垓 心 人 未 不 爲 之 雲 之 不 能 亦

敖 天 食 與 不 人 何 ? 者 同 殊 言 庸 精 以 之故 若盧 若 食 身 升雲? 民 聞 物 輕 聞 士 同 食 者 放者 爲 也 食, 故 氣 如 道 有 者 能 且 不 無 者 翼 龍 食 不 神 凡 唯 精 言 服 食 食 能 氣 仙 龍 輕 金 與 物 輕 乃 無 則 之驗,安能 玉 虵 若士者 舉 可 翼 之精 不 食物 異, 信。 者 入雲中者,飲 能 故 者 升則 輕 食合 型之肉, 食紫芝之英 今不言有 其 舉 不 縱 舉 食 乘 體 措 氣 雲。 或 食 而 與 時 若 升 與 虵 盧

> 之事 異 語 盧 儒 其 盧 南 道 也 之 敖 意 乎 書 敖 王 見 效 學道 尚 劉 1 以 人之身,獨行 責 慚 有 爲 安 是 於世 言 求 有 坐 於 與 其 仙 反 求 鄉 河 得 仙 游 而 則作 里 東 道 之未 死 負 乎 蒲 天 仙 誇誕 絶 北 於 坂 得 去, 跡 下 海 論 項 之語 之 鷄 期 並 議 離 曼 地,空造 犬 聞 數 衆遠 都之語 升天 當 未 自 云見一士, 至也。 知 時 去 出 者 以 並 無 冥 必 無 見, 況 之 淮 以 得

月之旁 若 去 以 下 而 家 幾 恒 問 至 流 止 霞 其 何 曼 此 形 0 見月 都 年 ,其寒悽 有 狀, 杯。 月 好 河 曼 仙 不不 道 上 東 都 人 每 下 學 號 愴 知 數 日 仙 飲 幽 之日 以 : 口 冥, ,委家亡去, 去 何 杯 饑 將 一斥 幽 爲 欲 時 我 數 冥 過 食。 仙 不能 E 月 不 忽 天 不 知 仙 然若  $\equiv$ 自 實 饑 離 東 人 知 年 論 輒 月 西 卧, 而 者 不 數 忽 飲 返 聞 見 復 知 我 居 里

翼 道 默 委家 成 斥 翼 之, 則 物 仙 升皇天之上, 升而 乎,言 變化, 復 與 ? 不 可 乃 學 歸家 去 盧 而 能 已三年 知 得,審 敖 復 周 乃 復降,羽 不 復 無 慚 同 降 章 可 化 復 然。 -矣,何 有 愧 遠 信 精 爲 還 實 仙 無言 方, 氣 者 夫 翼 復 也 身無 人; 形 曼 如 育。 終 0 故 體 都 故 復 則言上天。 復 無 或 己殆有 羽 有 能 育 能 還 時 所 翼 變於 見 化 升 上 ? 得 聞 言 曼都之身有 之 天矣, 爲 過 曼 夫人 故 虚 物 蟬 都 力 故 其 者 妄也 9 勌 好 皆 去 成 意 羽 何 矣。 道 望 欲言 民 翼 而 有 爲 極 默 復 虚 間 羽 羽 既 萬 不

子 文 可 可 摯 治 日 已 也 也 至,視王之疾,謂 儒 書言: 何故 雖 王怒, 然,王之疾 ? 齊王 二文摯 則 摯必 疾 消,使· 對 太 已 死。 子曰 日 則 : 人之宋 太子 非 必 :「王之疾,必 殺摯 怒 頓首 王 迎 也。」太 疾 文 强 摯。 不

> 覆之故 燋,故 争之 也 乃 王大 登牀 胡 摰 不 曰 王 曰 : 死 夜,顔色不 至 ,必幸臣 因 不 : 怒不 者三, 而 覆之,以 出 履 夫文摯 諾 苟 在 不能 絶 夫文 辭 已 衣,問 鼎 . 悦 以 王之疾,臣與臣之母 氣 齊王 之母。❶  $\equiv$ 前 得 請 摰 重 將 絶 而 變。 烹烹 日 道 王 以 王 死 陰 果 固 生 怒。 一之疾。 死 已怒 陽 以 文摯 烹文摯。 人 日三夜,顔 夜, 非得道之驗 爲 願 之氣。」 也,人 鼎生烹文摯,爨之三日 王 先 王 矣。 顔 日 叱 0 生 王 色 之 而 與 水 怒 文 王 不 太子 起,疾 勿 太 誠 不 一使 色不 摯 而 變。 也 以 患 子 濡 欲 至,不 覆 不 與 死 也 變,爲 殺 與言 期 之, 乃 王后 此 諸 一。文 争 我 遂 生息 火 文摯 虚 將 解 急 摯 於 不 往 則 文 屨

<sup>●「</sup>必幸臣」,四庫本作「必幸臣與臣」。孫人和云其上

之頃 中,無 天,其 之物 音 況 同。 肉。 息之 不 今言文摯 呼 死,非也。 中 外 死 虚 湯 亦亦 在 吸之動 氣 骨肉 隔 物 沸湯之中 金 不 氣 也 湯 氣 輒 石 ,息不得 爛 密器之中 虚 絶 火之熱,鼻中 類 爛 絶 烹文 之物,烹之輒 既能烹煑不 覆之則死 雖 ,因血氣之發。 令文摯言,言則以聲,聲以呼 也。 則 而 是 矣。 也 覆 死 死 也 摯之時,身必 蓋 有 洩 人没 矣。 文 何 與與 猛 有 死 摯 則 覆 令文 之物,烹 水 火之烈乎? 寒 不 ? 蓋 死,此 不 П 頃 中, 死。 水 虚 息 其 内 覆 死 摰 體 血氣之發,附於骨 沉 不不 也。 乎? 口 蓋 也。 息 同 真 今言烹之不 没於鼎 漆 人, 之 者 乎 不見於外 氣 通 人 置 輒 如置湯 無 ? 尚 均 塗 於 與 也,與金石 言其人湯 人寒水之 爛 以異 不得 外 其 金 中。 烹之不 禀 斯 隙 石 性 鑊 致 也。 死 吸, 生, 同 之 於 没 中 生

> 世。 黄帝、 之問 宜見 愚之人 虚 則 見文摯爲道 Ŧi. 虚 也 口 實 其奇。 道。 不 也 世好傳虚,故文摯之語傳至於今。 死 尚 烹輒 見,口不 今言 也 此 知 或 人 ,傳言升天 死之人,三日 奇怪文摯,則 怪 也 時 之。 見 聞 日 則 則 文 擊實烹,烹 使 爲 言 夜 齊 虚 ; 不 生不 無 王 淮 請 揚 臣 無 南 夜 出 死 子 尊 知 文 坐反,書言 顔 之語 請 摯 寵 色 而 太子 之言 出 敬 不 輒 矣。 之言, 變, 事 死 群 世 從 度 猶 臣 几 癡

祀竈 若 矣。 長壽 其 年 何以 之人,學道 世無得道之效,而 辟穀、 ·及所 明之? 生長 却老 爲 常常 方 如武 仙 見 自 踰 上, 謂 帝 有有 之時, 百 七十 E 不 尊 壽之人。 死, 重 有 而 共 之。 能 李 使 謂 小 物 世 少 君 之 仙 君 見 却 以

■「度」,原脱,據通津本補。

2 「文」,原脱,據通津本補。

川

以 年 死 今 寢。」 也 死 以 君 其 以 老。 武 事 物 於岩 未 爲 於 世 座 王 安 之。 爲 及 爲 侯 已 父游 尚 真 如 所 盡 不 其 少 少 不 至 君 飯 老 謂 石 少 謂 少 治 仙 中 而 驚 游 君 百 之閒 君 射 君 之尸 按 0 去 産 更 得 數 以 與 人 業 矣 處 其 資 方 道 處 座 少 百 饋 見 衆 Ш 之人, 饒 解 刻 中 好 徧 尸爲 君 歲 此 遺之,常餘 一林之中 其 世 老人爲兒 給,又不 諸 俱 方 有 而 見 人 器 果 ・善き 尸 學 去 死 年九 侯, 虎狼 上, 李 也 齊 齊 丁,其 道之 矣。 故 爲 少 桓 桓 無 十餘 狐 知 知 實不 公十 君 久之,少 公器 巧 妻。 有 時,從父識 錢 人 絶 夫 狸 其 少 之 發 金 古 無 之 者,少君 跡 愚 何 君 死 Ŧi. 類 奇 衣 人 食,則 銅 之野, 少 許 夫 性 年 中 聞 也 食 君 宫 器 君 無 壽 陳 所 其 之 病 盡 其 之人 謂 知 世 獨 少君 問 於 乃 嘗 愈 能 人 處 死 之 復 栢 從 皆 病 争 少 使

> 少君 之尸 之脱 復 太 公,足以 育 膚 肉 無 死 解 與 史公宜紀 育 去 乎 者 相 以 得 死 解 同 似 皮, 異 免 何 無 可 諸 無 世 去 等 也 異 尚 見 蓋 謂 鹿 學 以 並 一皮膚 也 其 未 之 復 3 神 尸 道 人 時 ? 其 解 實 口 墮 於 虚 夫 死 亦 狀,不 也 矣。 謂 少 矣。 妄 謂 復 角 蟬 者 仙 君 失 尸 身 育 之去 骨 人 殼皮之 今學 之死,臨 解 如 死 其 宜 如 也 況 肉 謂 精 言 實 實 復 道 俱 不 何 身 神 矣。 如 死 不 育, 相 物 在 則 而 死 去 死 謂 尸 龜 解 似 死 乎 ? 精 太 其 者 與 不 P 殼 之 復 者 ? 神 史公 處 案蟬 死 雖 恒 皮, 解 育? , 户 解 去乎 座 非 免 死 謂 甲 加 之尸 中 與 持 之去 太 與 去 身 ·,蛇 骨 年 史 李 復 謂 皮 不

<sup>「</sup>飯」,通津本作「飲」

<sup>2</sup> 上「夫」字,通津本無。

<sup>●「</sup>恒」,原漫漶不清,據通津本補

之,可 之内 知之。 鑄 年 九 少 君 + 銅 有 百 老 年 復謂目見其鑄作之時 今時 舊 歲 父 几 且 銅 爲 而 + 非 器 好事之人,見舊 兒 五 死 少 時者 或案其 君 老父爲兒 何爲不識 所 少 及 刻以告之者 見 君 老 也。 乎 随 ? 劍 壽 ? 其 古 武 或 之效 王 鉤 帝 時 父, 故 去 聞 也 能 桓 見 宫 少 君 名 殿 或 而

倩 死 時 實 九 道 在 内 十老 一、祠 ,道人文成 術效驗 武 乃 ,變姓易名,游宦 而 度 世 帝之時,太史公所及見也 竈 徒 有 世之人,此 或言東 人王 性 、却老之方,又名齊 世 道 壽 父所游 術之驗,故 人何見謂之得 遲 Ŧi. 方朔 死 利之輩 之人 又虚 亦 一漢朝 射 道 之驗。 也 也。 爲 人也, ; E 道? 外 海 桓 況 一所信 夫 有 求 公所 姓 然 朔 朔 仙 仕 金 尚 少君 案 與 無 鑄 宦之名 氏 武 無 少 朔 少 字曼 鼎 帝之 君 得 有 君 索 無 之 之 知 教 並

> 道 君 之人矣。 達占卜射復 長 處 海 之使, ? 之 當 類 見其 此 時 或 無奇怪 在 及文 面 時 朝 爲 狀 偶 之 成、 之效 怪 少 復 人不 壯 奇之戲,世 五. 若 也 0 少 利 知 又恬 君 之 其 如 輩 矣 故 使 淡 人則謂 耳 有 不 自 朔 好 奇 況 居 盛 仕 之得 謂 所 稱 不 宦 其 生 之 過 道 有 善 年 少

獸? 情 生秋 傷,則 類 百 欲 者 欲 度 養 死 矣,未足 世,爲 世或 鳥 壽 壽 精愛氣 乎? 獸 至 命 以 於 亦 長 真 老子之道 老 以 百 夫 而 人 草 言 夫 而 矣。 不 人以 此 木 死 死 草 無 無 夫 鳥 爲 情 木 精 欲 成 恬 뾆 可 欲者 之 神 事 淡 含 以 生 爲 不 情 少 老 度 反夭,有 何 壽 踰 欲 子 欲 情 世 命 歲 與與 行之, 欲 孰 精 恬 情 與 人 淡 神 而 多 春 相 鳥 踰 無 不

❶ 「壯」,通津本作「性」。

世 見 也 壽 者 矣。 其 壽 度世者,復 行恬淡 也 命 壽 夫如 之道 又 虚 聞 是,老子之術 也 其 偶 或 恬 其 時 淡 性 老子,李少 命 謂 以 亦 老子 恬 自 淡 壽 以 君之 長 無 術 欲 度 世 類 延

腹 得 身之不 可 失 性 有 之生也, 壽,踰百 喬 口 本氣 之輩 飽 度世 謂 者 孔 孔竅。 精 竅 壽 世 爲 衣 • 是 以 於天, 或 得 神明 況 度世,遂爲 禀食飲之性,故形 以 П 不 也 天 非 形 禀 食穀, 监 辟 性 盛。 體 性 正 何 衣 以 穀 之 均 能 道 與 以 實 逆此 噍食,孔 不 與恒 知 人 得 同 仙 食 温 饑 也。 殊。 久 而 人。 膚, 爲 壽 而 以 人 性 道 夫人之不 禀 ? 殊 不飽,2 所 食以 竅 此 者 上有口 食、故 術之人, 行 性 以 又 使子喬生 爲 者 與人殊 注寫 充腹。 虚 違 寒而 異 與 也 食 所 监 恒 謂 也,猶 不温 禀 膚 言 上 無 形 順 夫人 王 受。 下 其 未 温 监 此 殊 子

> 則有 閉 矣。 且. 人之口,使之不食,則 人之生 拔草 凍 餓之害矣。 木之根, 也,以食爲 使之離 凍餓之人,安能 氣,猶草 餓 士, 而 不 木生以 則 壽 枯 矣。 而 土 久 蚤 爲 壽 死 氣 ?

二六

吸, 胸 人或 氣, 如 亦 久 食、故傳曰 壽 謂 以 中 氣滿 吐 病病 服 憒 陰 氣 道 故 藥,食 毒 陽 家 盈 納 而 腹 不不 之氣,陰陽之氣 相 死 新 一食氣者壽 脹,不能 此 誇曰:真 矣。 也。 能 一合屑, 吞數十 又 飽 虚 昔 人。 饜 有 也 人食 飽 彭祖嘗行之矣,不能 食氣 而不死, 夫氣, 不 能 如 氣。 者必 丸,藥 謂 飽 謂 白 以 雖 人,人或 謂 何 藥之氣 不穀飽 氣 力盛, 吹 氣 响 也 而 城 呼 ? 爲

<sup>■「</sup>度」,原作「受」,據通津本改

② 「知」,通津本作「如」。

<sup>■「</sup>盛」上,通津本有「烈」字。

之流 擾 故 在 巔 夫 通 動 Щ. 生 人之 不 壽 摇 Ш 常疾風 脉 乎 安。 者 谷 地 不 道 而 在 傷 間 形 通 家 不 形 不安 或 死 郭 猶 而 積 江 體 之 以 河 ? 不 聚 之 草 於 衝 暢, 導 之 夫 中 則 疾 書 木 則 氣 流 血 猶 人之導引 之 風者乎? 爲 不 養 濁 夜 人 脉 體 病 動 動 性 勤 之藏 而 也。 而 摇 摇 度 苦 不 世 清, 者, 死 屈 無 動 於 草 伸 案 聊 面 身 摇 ĺЩ. 能 木 草 此 形 不 也 世 則 脉 在 復 又 安安 體者 木之生, 死 之 閉 勝 高 猶 虚 能 彼 塞 動 江 Ш 以 也 隱 得 何 之 爲 亦 河

傷 性 愈 世 有 一,身本 之, 此 病 其 驗。 道 故 病 又 家 虚 自 愈 身 若 或 而 輕 重 也 以 夫 氣 氣 服 氣 延 復 夫 劣 年 食 本 服 藥 氣 也 度 自 食 物 復而 世 長 藥 服 輕 世 物 身 食 中 身 輕矣。 無 良 於 輕 益 其效 藥 風 身 氣 益 濕 身 凡 延 氣 氣 百 年 百 人 禀 藥 頗 復 病 度

> 人。 終者 之方 令不 效; 故 故 物 無 年 也。 八之 生 不 至 除 不 非 其 死,冰 冰極 生者,死 必 死 死 於 百 禀受之時, 本 一,其 以以 有 ; 度世? 病,令身輕 必不成 氣 陰 始 可令不釋 猶 其 冬而釋,人 少身重 之驗 陽 冰 生, 唯 不 也 ,猶不能使冰 有 本 故 無 生, 也 血 自 氣 知 乎? 終 水 得 脉 有 長 故 其 凝 夫有始者 竟 始 之類 藥 ()復其 之矣。 不 死 者 而 而 百 諸 死。 也。 爲 乃 終 歲 學 乃 無 本 冰 不 故 氣 仙 而 有 長 死 性 天 必 釋 夫 長 術 死 氣 不 生 者,生之 有 地 也 爲 安 身 服 積 生 終,有 不 不 不 食 更 能 而 死 生, 生 死 可 爲 藥 延 輕

## 語 增 篇

精 神 傳 感 語 動 日 形 : 體 故 聖 稱 憂 堯若 世 深 腊 思 舜 若 事 腒 勤 桀 愁

之 仆 應 乎 湎 能 帝 服 體 不 之 不 腒 反 羸 寡 臞 於 聘 ,不甘飲 道 引 難 難 及 桀 惡 君 不 ,堯尚 恭 人 酒 路 身 若腒, 逸 臞 0 乎 堯 不 垂 己 禹 未 紂 不 乎 ? 舜 夫 腴 之 無 有 得 能 垂 ? 易 謂 舜 尺 食 得 憂,舜 舍 有 爲 以 如 仲 仲 身 腴 則 虞 承 餘 則 容 天 晝 紂 德 桓 父 父 體 而 尺 少 舜 堯 0 肥 夜,是 下 公得 極 爲 肥 天 不 劣 道 /憂,少 餘 安能 夫言 也 太 腴不 而 難 長 承 下 及 澤 不 平. 管 衰,若 不 治 既 增 夜 禹 得 必 無 口 舜 聖人 憂 仲 與 得至尺。 之飲 之 行,可 契,桓公猶易 以 堯 得 事 也 承 焉 則 易 故 也 病 仲 ? 舜 ! 安 、憂世 孔 不 FL 言堯 知 父甚易。」 襲 糟 骨 子 繼 愁,不 故 子 夫不 齊 病 堯 德 栖 治 念 丘 立 經 經 日 則 舜 舜 桓 栖 人,身 酒 跛 曰 日 功 任 愁 得 若 不 與 公 池 附 周 甘 賢 堯 尚 巍 假 腊 則 禹 桓 云 惟 飲 沉 僵 使 上 荒 身 流 謂 巍 舜 公 體 契 與

> 徒 驗 雖 刃。 畫 不 所 紂 尺 矣。 湛 主 長 厚之心 致 伎 爲 廉、 力 餘 夜 也 血 樂 與周 武 夫 能 然桀 刃 非 是 之 惡 以 索鐵 王 飲 從 軍 非 力之士 來 徒 索鐵伸 所 紂 一相當 增之, 紂 之徒 時 紂 伸鉤 困 擒 同 多 亦 雖 毒 行 也 時 力之效 惡 图 鉤 又失其 而 武 0 並 撫 亦 則 之力, 有 死 或言 王 亦 梁 幸 宜 宜 克 不 德 易 受 殺 壽 同 實矣。 畫 紂 輔 失 柱。 雖 武 寵 傷 \_\_\_ 病 雖 廉、 所 盛 以 王 魏 + 未 不能 畫 與 伐 言其多力 言 惡 言 公子 百 傳 死 同 廉、 紂 好 來 其 語 行 伎 助 惡 奪 兵 宜 腴 無 又 之意。 今言 力 紂 紂 來 忌 不 垂 羸 稱 也 之 IIII. 臞 爲 调

之瑞 魚、 義兵之佐。 赤烏之祐 案 武 武 王  $\pm$ 武 有 之 王 八 符 高 之 百 祖 瑞 相 諸 有 不 侯 斷 過 望 之 大 高 羊 助 虵 祖 而 己 高 老 武 祖 嫗 高 哭 王 有 祖 於 有 天 之 下 道 白

事 於諸 則 時 易 亂 隆 羊 兵 相 有 Ш 秦,❷還 取 可可 是 到 衆 盛 瑞 劇 子。 龍 刃 非 美 殷 牧 幾死 於紂 侯。 氣之 公陰 也; 口 顔、 血 明 之實 與與 獨云 野 高 破 武 增 流 於魚 天下 驗 祖 隆 武王承 項 言不血 漢 晨 損 王 浮 謀之書, 有 準、項 周 又 羽 之德 秦 舉 杵 再 烏,天下 考 逃 所 武 兵 戦 ·畔秦 脂 定 察 吕 王 赤地 不 實也 然 紂 燭 增增 刃,增之 紫、美鬚 場 矣。 前 不 后 高 血 後 食 流 於澤 益 宜 後 聞 · 義 刃 千 得 察《武 小 祖 血 多 世 其 有 , 里。 天 兵 效 而 兒 非 襲秦,二 稱 也 於殷。 實 中 此 下。 暴 髯 並 驗 云 丹,教 其 紂 也 成》之篇 身有 由 尸 來 自 取 力能 實 案 夫 此 殷易 萬 列。 用 會 凡 周 案高 也。 相 后 云亡 言之, 兵 數 世之惡 漢 天 取 七 索 多 輒 苦 兵 自 牧牧 下之 言 鐵 殷之 失 祖 + 助 於 見 列 殷 周 野 其 代 誅 彊 軍 望 上

> 鉤 稱 紂 賴 索 鉤 血 力少。 鐵 ,不得二全。不 兵。 刃 之力當 又稱 之德 之力,不宜 今稱 武王伐之,兵不血 索鐵 取 人,則 紂 不 力, 受 則 是 得二全,則必 服 血 則 是三皇、五 孟賁、夏 武 刃 ; 以 不 王 不 德 育 刃 得 血 貶 0 帝 之 兩 刃 之 夫 兀 立 之 譽 非 屬 以 也 德 武 殷 索 也 不 王 周 以 鐵 則 宜 以 伸

過 殆 伐 子 是 其 紂 沮 以 不 日 、實,不 浮 仁, 孔子 君 輕 杵 子 吾 如 重 悪居 ; 曰:「紂之不善,不若是之 於《 殊 Ш. 何 若 稱 刃 其 武 孟 下 ,多少異實。 亦失其正。 血 成 流 子之言,近 之 ×, 天 浮 取 杵 下之惡 也 ]?」若 不 策 紂之惡不 聖 血 皆 耳 歸 刃。 賢,共 孔 以 焉 子言 甚 若 浮 至 也 論 杵

<sup>■「</sup>又逃吕后於澤中」,四庫本作「又逃芒碭山澤中」。

② 「代」,通津本作「伐」。

 $\equiv$ 

天 者 所 漢 莽 耳萬 位 下 約約 畔 ·兵不 ·, 宜 數, 殺 殺 比 甚 軍 血 主 干 於 至 隆 刃 紂。 漸 非 於 莽 臺 誅 鴆 其 漢 臣 平 血 實 誅 嗣 帝 流 巾 王 没 , 立 莽 紂 趾 順 兵 以 於 而 頓 嗣 盜 獨 昆 位 立 謂 陽, 莽 周 衆 盜 取 死

子之體 外 言 也。 欲言 身,飲食衆 孔 觚 百 腹 鍾 出 + 大 文 牛 百 子之體,不 案《酒 戒 白 小 聖 王 羊言之,●文王之身 觚 傳 慎 語 戒 與 人德盛 如 觚 此 之教 日 慎 誥 長 則 酒 多,是缺 、均等。 酒 宜用 》之篇:「 徒 能 狄之人,乃 能 文王 也 内 非 及 十十半。 飲 以 防 文 飲 聖 飲 朝 風、 酒 德 王之廣,貶 酒 人 酒 朝 夕 盡 將 能 如如 用 千 夫以 也 長 戒 夕 千 酒 堪之。 千 鍾 鍾 日 狄 慎 防風 也 鍾 飲 千 祀 孔 導 則 鍾 酒 兹 孔 以 之君 用 如 子 民 民 案文王、 百 有 短 子 酒。」此 肴 坐 百 率下, 牛、 化 法, 之崇 宜 小 , 觚 之。 之 孔 百 盡 千 胸

> 之效 乎? 小之 文王 者之 賞 射之 觚 四四 子 鍾 何 矣。 賜 亂 因 之 以 )則爲 [祭用 前 孔 用 身,自 效、百 飲 教 則 世 酒 化? 酒 聞 虚 子,率禮 酒 乎 乎 酒 觚 增 觚 用 德將 徒 響 乎,則受福 文王 則 之 承 酒 而 又何以 賞 驗 射 紂 退 千 之人 毋醉」之言 以 何 賜 飲 鍾 2 疾 爲 飲 酒 惡 過 百 也 所 千鍾 立 自 酒 胙,不 觚 於 賞 用 何 德 宜 哉 有 見聖 大之則爲 成化 賚 以 空益 觚 與 能 禮 左 自 下 法 厭 醉 右 别 使 表 孔 人 齊 ; 飽 至於 文 四四 ? 有 名 子 如 桀 生 王 多德 以 垂 因 且 賜 私 亂 孔 譽 西卒 饗 千 百 尊 燕

酒 爲 傳 池 牛 語 日 飲 . 者 紂 三千 沉 一人,爲 湎 於 酒 長 夜 以 糟 之飲,亡其 爲 丘 以

2

觚」,通

津本作「觴」,下「三觚」

同

<sup>●「</sup>言之」,原作「之言」,據通津本乙正。

<sup>740</sup> 

宮之中 杯 飲 則 膳 苦 非 則 乎 甲 在 亦宜 ,每當 其 食 子 前 相 中 三千人宜 實 既 踖 0 飲 庭 樂 , 不 害 夫 也 籍 乎 就 在 飲 以 不 於 紂 閉 魚 者 前 則 禮 肴 雖 窻 臨 肉 能 起 不 嗜 膳 乃 舉 臨 池 而 當言 甚 之中 爲樂 燭 酒 虎 池 坐, 樂。 倡樂之 食 牛 庭 故 爲 亦 前 耳。 飲 令池 長 欲 日 俛 乃 則 作 夜 長 以 則 飲 復 如 知 在 其 之 爲 不 夜。 池 審 還 夫 深宫 得 飲 樂。 啖 臨 酒 酒 坐, **\$** 肴 在 池 池 仰 乏 不 前 則 坐 **\$** 坐 牛 而 中 食 復 是 於 酒 在 ٠, 0 用 夫 肴 室 煩 深 池

言 於 夫 而 而 男 肉 肉 相 不 當 間 計 女 傳 逐 又言 絜 倮 内 其 何 辱 於 相 間 爲 : 口 逐 則 不 , 其 是 紂 當 肯 П 間 爲 之 懸 其 浴 醉 肉 所 於 浴 何 樂 以 於 食 酒 等 淫 爲 , 中 酒 絜 宜 戲 林 者 ? 中 潔 無 以 **\$** 不 而 節 男 不 如 辱 倮 度 言 以 女 相 也 醉 今 倮 浴 逐

> 不言 甲 叔 不 炙; 林 積 覆 言 逐 懸 於 夫 子 一、告以 言 ; 肉 知 ; 酒 聚 酒 或 或 0 糟 林 問 爲 用 車 滂 則 知 時 聖 時 中 林 丘 酒 日 行 紂 言 沱 不 人 + 酒 載 幽 爲 數 酒 即 用 倮 於 糟 數 不 池 冥 酒 池 騎 言 酒 相 爲 地 言 則 夜 用 懸 期 騎 則 言其 丘 逐 行 鹿 即 殆 則言 於 言 内 行 時 於 ; 炙 車 言 非 爲 悉 炙 懸 其 走 肉 亡 , 實 其 以 林 極 百 非 車 則 戲 肉 間 甲子 也 酒 白 也 行 其 言 似 長 欲 + 爲 酒 林 車 傳 夜 中 以 + 池 或 日 非 之飲 者 行 戒 周 則 則 爲 ; ; 時 也 之 酒 之 公 言 或 釀 紂 ; 説 也 封 夜。」 時 倮 肉 言 騎 酒 沉 其 爲 糟 或 而 康 醉 行 相 其 湎

傳語曰:「紂非時與三千人牛飲於酒

<sup>「</sup>宫」,通津本作「室」。

<sup>「</sup>宫」,通津本作「室」。

官 故 所 池 言三 與 夫 其 相 數 千者,增 夏 樂 官 不 能 百 非 滿 其 民 殷官二百 三千 實 必 也 臣也 人。 傳 0 ; 周 書 非  $\equiv$ 家 小 百 欲 臣 惡 必 紂 紂 大 之

之,❸人則言 屋。 鼎 或 候 也 待 之 足之尊,執贄候 白 或 也 士 傳 屋 時 語 卑恭,不 起白 之士,閭 日 夫三公,鼎足之臣 : 其 屋 執贄 周公執贄下 驕 之士 白 巷之微賤 白 以 屋之士,非 以 屋,人則言 候 其家 璧一本作 白 者 也 , 王 屋 其 也 圭 者之 其 之士。」 實 往 三公傾 也 貞 候 迎 禮 台 謂 時 幹

之不 增 也 不 之也 斵。」夫言茅茨采椽, 服 相 傳 語 稱 五. 采 經 也 日 之服 日 ? : 堯 服 弼 又 舜 五. 成 茅 采, 之儉,茅茨不 茨 五. 可 畫 服。 采 也; 言 日 椽 月 五. 何 星辰 服 示 宫 剪,采 五. 剪不斵 室 学 采 衣 茨 服 椽 服

> 之也。 挾 德。 書 派 士 欲 言燔燒《詩》、《書》,坑殺儒 坑 相 輔 七十人前 滅《詩》、《 也 殺 也 齊淳 李 儒 傳 刺 秦始 斯 語 燒 坑 士 周 一言 于 殺 其 青 越 皇 爲 書》,故 李 儒 : 書, 臣 進 帝 壽 燔 斯 士 秦 以 坑 燒《詩 諫 者  $\equiv$ 非 始 爲 + 其人,《 坑 始 僕 ,●言其 淳 皇 面 皇 射 殺 四 于 ×, < 帝 諛 不 唐 其 年 越 燔 ·, 置 書 封 青 詩 皆 士 日 燒 始 挾 ×, 子 臣 **>**′< : ,實也。 非 酒 《詩 皇 弟 經 進 滅 其 咸 諸 書》 下 傳 功 頌 去 × 誠 陽 生 其 始 臣 文書之 五. 〉絶矣。 ^ 臺 又 言 皆 議 書 皇 自 經 儒 增 其 之 不 於 爲 文

采椽

非

其

實

也

<sup>●「</sup>官」,通津本無此字。

②「樂」,原脱,據通津本補。

<sup>3</sup> 改。 原 脱 據 誦 津 本 補 圭 原 作 一主 通 津 本

<sup>◆ 「</sup>者」,原作「書」,據通津本改。

傳 陽 儒 坑 罪 市 詣 官 師 言 有 0 之。 盡 相告 者 非 守 敢 今 多爲 始 坑之,此非 傳增言坑殺儒士,欲絶《詩》、《書》; ,起自諸生爲 以 而 尉 藏《詩》、《書》及百家語 秦 燔《詩 引 皇 學古 古 雜 王 一許之。 者,自 記 妖言,始皇使 燒之; 非 皆燒之; 今者 **≫**, 其 除 非 書》, 明 族 實 犯禁 有 當 妖言,見坑者 年 而 滅 世 敢 2 三十二 起淳于 又增之。 者 御史案 偶 非 **影** ; 四 博 語 吏 黔首 Ŧi. 3諸 士官 百 ◇ 詩 見 越 年,諸 六 問 知 四 **>** 之陳 0 十七人,皆 諸 所 刑 弗 百六十 臣 書》者 書者, 生 職 舉 生 請 諸 天 與 在 勑 6 又 七 坑 咸 棄 悉 生 口 史

荆 爲 町 不 Ė 燕 軻 之 , **⑥** 復 太 傳 此言增之 里 語 子 夷 丹 日 始 : 軻 刺 也 皇 之一 秦 田丁 幸 王 町 夫秦 梁 里。 後 者 Ш 荆 誅 之宫 雖 軻 軻 里皆 無 之間。」 一,從 九 道 族 滅 Ш 無 言 故 其 上 爲 盡 望 後 荆 E 見 誅 恚 軻 町

> 中,不 間 言、刻 刺 之,令御 或 夫誅從行於梁 殺 右 左 派 刻 之。 右 者有人,一里之民, 洩 相 何 其 其 以 李 罪 石 知 0 言 告 斯 於 石 者 史逐 爲 其 李 車 秦 不能 曰: 誰 莫 後 斯 騎 而 問 知 9 墜 盡 甚 Ш 盡 李 · 莫 爲 始 星 審 誅之, 盛 宫及 斯 誅 誰 皇 下 知 服 9 之? 立 盡 恚 東 帝 何 故 誅 損 盡 可 爲 郡 死 捕 出 盡 車 石 取 也。 坐之? 地 如 諸 言 至 誅 騎 旁 石 刺 分 生 之。 非 地 人, 荆 旁 秦 在 爲 之。 始 人誅 軻 皇 始皇一 欲 王 荆 旁 皇 石 已 得 帝 在 軻 者 知 其 死 洩 間 之 聞 皆 左 民 後

<sup>■「</sup>亂」上,通津本有「惑」字

<sup>「</sup>及」,通津本無此字「王」,通津本無此字

<sup>「</sup>雜」,通津本作「集」。「及」,通津本無此字。

<sup>「</sup>陳」,通津本作「諫」,似是。

<sup>「</sup>恚」下,通津本有「恨」字。

<sup>「</sup>生」,通津本無此字。

三四四

九族衆多,同里而處,誅其九族,一 盡,好增事者則言町町也。 以徇,不言盡誅其間。 十年,燕使荆軻刺秦王,秦王覺之,體解軻 彼或時誅軻九族,

里且

論衡卷第七

## 論衡卷第八

增 篇

王

充

儒

錯 刑 平, 康 者 渥 武 或 少 則 刑 也。 不用,增之也。 一人不 文武 用用 不 儒 錯不用四十餘年。 事不足襃。 · 伐; 夫 爲 言 不 書 刑 雖 稱 希 刑 盛,不 能 疏 堯 使 又言 舜 益,則 刑 夫能: 미 堯舜 能 之德 錯 也 使 不 使一 ; 雖優,不 刑 美不足 文武 用, 言 是欲 至 不 人不 其 優 則 用。 之隆, 稱 至 能 稱 能 人不刑 堯舜, 大,天 刑 言其 使兵寢 使 ; 爲 遺 則 人不 文不 犯 能 襃文 在 下 不 使 刑 成 太 刑

> 畔,未 缺,勇 不言一 人,而 兵,犯 之人, 兵設 法 稱人體全,不可 之與兵,全衆禁邪, 用,言刑之不 走用足,飛用翼。 並 施 誅 爲 患害。 用 案堯 法 得爲優 以 無不進, 人用 不 兵不用 刺 故 能 成 伐 武。 虎稱謂之勇,不可聽 施 别 夫 王 丹 未 施 刑。 也。 一之時 刑 乃爲 水 ; 從 武 人用 可 襃刑 是猶 也。 形 法不殊,兵刀不異。 刑 舜 謂 夫德 全耳。今稱一人不刑 其 體 四 之 征 盛 刀,伐人用兵,罪 錯 人耳 人桀 實 雖 或 與 有 也 不 異,其 篡 有「爲」字。 兵, 苗 用,不言一人不 也。 缺 於 畔 目 猶 刺 四 也。 行身同。 淮 完, 足 子 虎 稱 夷、徐 與 怯 服 劣故 身 以 兵之不 翼 罪 無 於 目 巧 也。 刑 論 敗 用 用 刑

射 發 能 楊葉中之,可也; 言其百 百 儒 中之。 書 稱 是稱 楚 養 其 由 基 巧於射 善射 也。 發 射 而 夫言其 百中 楊葉,百 時 增

三六

矣。 之,雖 之也 孫千億」同一意也 數之大者也。 巧美,數十中之,則言其百中矣。❸ 射工。亦必不至於百,明矣。言事 之數十行,足以見巧; 必 敗穿,●不 使上 是與《書》言「協 不 取 夫一 欲 楊葉,一一 口 射 楊 復射 中 實欲言十則言 葉,射 , 矣。 楊葉繁茂,自中之矣。 更置 和 而 觀其射之者,亦皆 如 萬 中之,中之一, 就 邦」、❺《詩》曰「子 地 葉懸於 百,4百則言千 而 射 之也。 百與千, 者 樹 好 而 再 增 知 射 是 射 將

言盡· 忠矣。 身肉 其肝。 腹 未還 實, 出 盡 狄 儒 乃 言 弘演 其 書言: 肝無 内哀 人攻哀 腹 其 實,乃 使 自 所附 公之肝 衛 還, 刳 公 有 内 内哀公之肝 致 而 ,引刀自 忠 哀 而 命 殺 臣 公之肝 於肝, 死。 之,盡 弘 万演,爲 刳其 言此者 ,增之也。 痛 食 而 腹,盡 哀 其 死, 衛 公之死, 肉 哀 欲 可 ~獨捨 公使, 出 稱 也 其 其 ;

> 文當言 把矣。 實 出 乃 他 主 以 其腹 也 也 内哀公之肝? 人之頭著之於頸,奈 刃 相 ; 猶 如先 實, 刺 内哀公之肝,出其 頭,脉之湊也 中五藏 内哀公之肝,又言「盡」,增 内哀公之肝,乃 輒 腹 死。 實 出 何 何 頭一 輒 獨 腹 則? 死 能 實。 出 斷,手不能取 先 其 則 出 五藏, 今先 腹 手 其 實,6 不 腹實 言 能 氣 其 之 盡 復 則

寢石以爲兕也,射之,矢飲羽。 虎,將弓射之,矢没 儒書言: 楚熊渠子出,見寢 人其衛。 或 日 或言李廣 石, 養 由 以 基 爲 見 伏

<sup>「</sup>將」,通津本作「行」。

<sup>「</sup>中」,通津本作「葉」。

<sup>「</sup>之則」,原漫漶不清,據通津本補

<sup>「</sup>言百」,原漫漶不清,據通津本補。

<sup>「</sup>乃」,原漫漶不清,據通津本補。「百則言千矣是」,原爲雙行小字,據通津本改爲正

乎? 夫以 更多 善射 其没 弩,恐不 寢 以 異。 或言 身,矢洞 張 也 便 或 弓 射 取 是 以 力乎 者 疋夫射萬乘之主,其加精倍力,必 射 射之,盛精 衛 没 熊 難 夫言以 爲 引微弱之弓, 以 如 能 渠 似虎之石,矢入没衛 没 ,增之也。 寢 衛 虎 度乎? 能 洞 ? 當 射遠中微,不失毫釐,安能使弓弩 、養由基、 衛言之,則 石 達 或言 或 X 中 寢石爲虎,射之矢入,可也;言 養由 似 一寸, 於項,晉侯宜 以 晉侯之目 虎兕,畏懼 加 飲 爲 基從 石之質難射, 意 夫見似虎者 雖 羽, 兕 矢摧 李廣主名 則 其射易者 加 軍 羽 兕 精 爲三, 也, 其 ,射晉侯,中其目。 則 虎 死。 誠 加 見 可 衛 ; 俱 示 精,射之人 真 安能 若 1,意以 · 言 復 況 車 猛 審 洞 肉易 虎,與是 射 張 洞 以 不 不 無 没 真 達 + 爲 疑 射 同 實 害 (衛? 虎虎之 與 於 石 矣。 也 耳 也 也 射 深 之 無 項

> 及其 與拙 工 鋒 故 者 惶 斷 如 石 人之精 射 石乎? 不不 ,以手推 ,倍舉二石。 惑恐懼 有好用劍者,見寢石 中 禽 人等,古人之誠 摧 뾆 獸 乃 過人一 折 下不過 舉徙 氣 於野,其 以勇夫空拳 之,能令石 矣。 也 , 2 寸。 器 夫 然 數 物 氣 如 則 欲 寸。 乃 與 如 是 見 精 得之,不餘 有 力 懼 而 今人 何 儒 伏 誠 跌誤中石 跡 也 暴 而 謂 至 石 乎? 虎 書之言 斫之,可復謂 同。 矣, 3素舉 之没 射 者 有 之,精 卒 水 精 使 巧 衛 火之 楚 不 當 ·然見 力 人 乎? 之 熊 能 今射 乎 誠 石 渠 精 寢 内 能

<sup>「</sup>之」,原漫漶不清,據通津本補

<sup>「</sup>也」,原漫漶不清,據通津本補。

誠至」,原漫漶不清,據通津本補。

<sup>「</sup>倍故」,原漫漶不清,據通津本補。

何」,原漫漶不清,據通津本補。

者,①皆增之也。子、養由基、李廣射寢石,矢入没衛飲羽

巧工 載 歸 實者矣。 止 須 日 飛 翔,不可 翔,安能至於三日? 鳶以象鳶形,②安能飛 可 臾間 備 也; 於道路 母其上,一驅不 之三日 具 爲母作木車馬,木人御者,機關 儒 猶 ,與木 言其三日不集,增之也。 書 復 世傳言曰 稱 而 能遠 無 下,則當言「遂 不 車 爲 集。 魯般、墨子之巧, 過三 馬 徑去以失其母。 等,則 還,遂失 「魯般巧,亡其母」也。 夫言其以木 日,則 如 而 遂 審 不集乎? 其 木 飛 飛」,不當言 有機 車 母 不 等亦宜 集 場, 爲為 刻 夫 二者必 如木鳶 木 既 刻 機 備 爲 飛之, 飛 木爲 能 三日 歸 具, 鳶, 失 言 機 遂 飛 爲

+ 餘國、未嘗得安。 書説 孔 子 不 能 夫言周 容 於世 流 不 周 遇 流 可可 游 説 也 ;

> 國矣。 數國 笑、不取也,俗言竟增之也 十國。 其笑也;義然後取,人不厭其取 然後言,人不厭其言也, 乎?』公明賈對曰:『以告者過 明賈曰:『信乎,夫子不言、❸不笑、不取 言、時笑、義 『豈其然乎,豈其然乎!』」夫公叔文子實 忘味於齊,伐樹於宋,并費 之書,孔子自衛反魯,在陳 言于七十國,增之也。 也,七十之説,文書傳之,因言干 《論語》曰:「孔子問公叔文子於公 傳言七十國 取 ,人傳說稱之,言其不言、不 非其實 案《論語》之篇,諸子 樂然後笑,人 絶 與 也 糧 頓 也。 削 也。」子 牟,至 或 迹於衛 夫子 時 七十 不 不 干 Ė 時 厭 時 能

<sup>「</sup>矢」,原漫漶不清,據通津本補。

上「鳶」字,原漫漶不清,據通津本補。

<sup>「</sup>夫」,原作「天」,據通津本改

皆得 者。 文言疋 復還 時 ·羗 馬 秦 戎 言 隻輪 遣 要擊 三大夫 秦繆公伐鄭,過 夫三大夫 無 於 反者 崤 孟 塞之下,疋 復還 明視、西乞術、白 ,增其實 晉 車 也 馬 不假 馬 必 隻 有 途 輪 歸 Z 晉 無 丙 襄 反

千人。 矣。夫言衆必言千數,言少則言 俗之情,言事之失也 士多,可也; 士,士至雖衆,不過各千餘 原,楚之春申君,待士下客,招會四 欲言下士之至,趨之者衆 稱 齊之 言其三千,增之也 孟 嘗,魏之信陵,趙 人。 書 無 則 也 四 方,各三 君 言三千 0 夫言 之 雖 平 世 好

嘗 刖 爲 Ш. 其足 始 非 見 實 监 傳記言: 高子羔之 必 痛 而 有 君 以爲 寶 之。 子 不 以 難,君子之言誤矣。 進 何 爲 一,己情 則 難 ? 難 喪 不 荆 爲 親 達 和 故 泣 泣 獻 也。 寶 血 涕 三三年 於 涕 高子 夫 楚, 不 楚 泣 以 未

> 盎? 曰 矣。 親 言未嘗見齒,欲言其不言不笑 大 言其不見齒 出 而 其 未嘗見 實 續 不笑, 文言 高宗諒陰,三年不言。 以 孔子 也。 血 齒,是必增益之也 不 可 曰 而 今高 一言,猶 也 ; 云三 或 ; 「言不文。」或時 子 安得 時 年 疑 痛 傳 未 於增,況 親 不言? 則言 嘗 哀 見 極 尊 其 炭 涕竭, 高子位賤 爲天子不言 不見齒 言安得 是 也。 不言,傳 增 孝子 血 之也 三年 不 隨 前 喪 則 見 而

也。 首 無 禽息仆頭,蓋其 之,莫謂 百里奚。 息出,當門仆頭 碎首者。 而 死, 夫人之扣 儒 書言: 以 不 此言賢者薦 達其 然。 非首 禽息薦 頭 實 碎首 友也。 夫仆 不 也; 言碎首 痛 可 而 者 頭 碎 百里奚,繆公未 善,不愛其 世 死。繆公痛之,乃 以 血 ,人力不 士 流 薦 相 善,古今有之。 雖 而 激 能 忿 死 文書傳 死,是增之 仆 自 恨 惶恐, 碎 聽 頭 也。 用 稱 碎 禽

四

0

薦 死者 也 成 執 空言其首碎也 百 ; 勢 刃 仆頭 里奚,世空言 也 刎 未 頸 有 碎 言 樹 使 首, 禽 頭 鋒 息 力 破 刺 其 不 舉 首 胸 死; 能 碎 椎 鋒 自 者 自 若或 刃 將 也 擊 之助 0 也。 首 扣 此 碎 頭 有 時 故 而 不 扣 手 或 死, 足 足 扣 頭 世 怪 得 而 頭

堅 手力, 堅剛 荆 利 也 首 之弩,射垣 首之劍 言之,設中秦 剛 前期 擿秦 軻之勇,故 之銅 言其 儒 投輕 軻勢 人之不過 書言 王不中,中 ,刺之不 柱 入尺,增 木之表,尚 盛,投鋭利之刃 小 是 增 之匕 王, 荆 荆 數 益 得 軻 匕首 其 銅 軻之力,勁於十石之弩, 寸,始不 之也 秦 首,身被 爲 事 柱,人尺。 不能人尺。 王 洞 燕 也 拔 過 太 夫 能 陷 劍 子 龍 乎 夫言 銅 、擊之。 人 ? 淵 刺 堅彊之柱 雖 尺。 欲言匕首之 之 秦 人 以 不 車 劍 銅柱 王 若 荆 張 以 軻 刃 + 軻 人 K 以 操 實 一,稱 之 尺 首 石 K

> 邪 所 孟 類 此 勇,不言其 銅 擊 也 亦 賁 亦 柱之堅,不若木表之剛 無 或 擿 過 銅 下, 時 其 柱,能 匕 (多力。 實。 故 首利 有入 刺擊 若 有 多 尺之效。 「過」字。 干 無 力之人,莫若 - 將、莫 前 下 也 淵 邪 亦 夫 出 所 世 稱 銅 稱 孟 尺乎 干 刺 柱尺之 賁。 荆 將、莫 無 軻 前 使 之

實 不 能 解 志 休。 至 也 見,存道以 不 門 在 儒 ; 言 書言 庭 他,三年 解休之間 三年, 何 : 亡身 嫌 董仲 不窺 不 17,猶宜 增之也。 ; 窺 舒 不 袁 袁 讀《 聞 菜 菜。 游 春 不 於門 仲 至 夫言 秋 聞 門 舒 庭 用 庭 雖 專 不 之 精 精 精 窺 者 側 坐 袁 思 察物 亦 菜 思 時 則

<sup>「</sup>淵出」,四庫本作「深入」。

❷ 「窺園菜夫」至「實也言」,原爲雙行小字,據通津本改

年 張 其 行 有 「解」字。 不 年不休? 弛 而 毋逸,先知 張 不 及 弛 弛 之時 人之筋骨,非木 窺 ,文王不 東 張,文王 ; 稼 也 仲 べる 舒 爲 尚 材 以 艱 ; 書 力劣於聖,安能 爲 難 非 • 弛 常 乃 石 毋 而 ,不能不解。 佚」者 佚》 不 聖人材優,尚 張,文王 日 也 君 子 用 不 故 精 所 有

子 德 凶; 雉 辟 物 鼎 夫金之性,物也。 九 盛 牧 除 服 ,用象百物之奇, 之瑞 金鼎之器,安能 鑄 玉 神 儒書言: 人貢鬯草。 辟 一,女子 姦 神姦 鼎象物而 也。 乎? 服珠。 夏之方盛 服 故 周 瑞 能 用遠 爲之備 食 時 安能 應之物, 辟姦 叶 白 珠玉於人,無能 天 方貢之爲美,鑄以 于 雉, 也 下 人 Ŀ ? 遠 故 太 服 Ш 下,以 不 人 平 且. 鬯 澤 方 能 Ш 草,不 九 圖 不逢惡 越 澤不 致 承天休。 鼎之來, 物 裳 福 辟 能 獻 逢 貢 物, 男 爲 惡 除 白 金

> 安能 乎? 身不 遠 實 如 以 鼎 則 傳 何 除,傳言能辟神姦 者,九鼎之語 以 爲 言 方 用 世 奇之物, 以 神 能 爲 鼎 俗 審 無 貢 則 周 也 之? 神 禹 增 之 恠 夫 鼎 ,鑄器安能神? 鑄之爲神乎 爲 空 其 以 金 其 言 不爨自 爲 使 神 爲 者 周 也。 爲 神 也 爲 乎 百 鼎之金,遠方所貢,禹 ,石之類 鼎 也 ? 蘭或 物 ,是則書增 儒 沸 有「大」字。 也, 之象 書增 ? 遠 不 且 作牙 有百 方 也 夫謂 禹 投物 爲 其 如 之物, 聖不 身, 神乎? 文 物之象。 以 其 夫 石 周 也。 金之物爲 文 物 九 不 能 之鼎 安 或 自 鼎 也 能 神 能 言 是 出 無 神 神 得 夫 聖 使 有 神 如 世 能 白 鑄 九 此 俗 益 金 神 爲 辟

❶ 「實」,通津本作「寶」。

<sup>「</sup>或」,通津本作「服」。

上「爲」字,通津本作「有」。

雷 物 象 之 在 安 天 能 神 猶 神 雷 於 也 罇 百 也 物 雲雷 雷 罇 之象 刻 畫 不 雲 能 雷 之形 神 白 雲 物

隕 九 宋 無 弗 戒 始 秦 赧 王 本 于宋。 一,從周 年 太 赧 危 能 禱 皇 Ė 主 主 事 取 丘 亂 犇 得 傳 祠 口 赧 周 之禍 社 十八 言 秦 九 并 去矣, 欲 惶 赧 亡,鼎 秦 案 五. 鼎 : 天 萬 出 懼 石 王 時 寶 秦 年 下。 鼎 取 周 犇 之 者 昭 器 未 滅 秦受 宜 没 九 鼎 北 秦, 時 星 矣。 王 爲 周 若 不 水 鼎 遊 一之後 ,使千人没 神 頓首 亡,亡 也 其 此 秦 或或 中 周 至 若 也。 者 獻 彭 昭 之 琅  $\equiv$ 此 時 受罪 星之 還 王 九 城 世 邪 鼎 者 時 誤 春 王 使 鼎 下。 未 得 殆 泗 去天,猶 秋 也 還 盡 九 赧 將 人 始皇 人 在 之 水 過 鼎 秦 其 獻 軍 于 周 傳 時 之中 彭 在 王 後 其 摎 也 帝 秦。 又 城 赧 秦 鼎 五 言 傳言 邑三 攻 卒 也 其 + 秦 求 石 齊 王 案

之宜 乎? 陰 摎人 水,臣 皇 宋,五 上 泗 桀 乎 兆 紂。 以 能 亡 去,皆自 言 紂 ? 南 水 見 求 亡 於 神 衆, 之 桀紂 ? 神 不 弗 之故 地 臨 望 則 星 語 得 留 也。 迎 河 周 有 不 東 春 見 更 有 之 之時 無 矣。 也 則 北 桀紂之 鼎 能 秋 鼎 知之驗 爲。 去天。三 欲 乃 道之桀紂, 星去天,不 不 之時, 汾 亡 盜 神 祠 鼎 謂 孝 後 至 陰直 然 取 在 出 文 因 之 也。 時 不 鼎 周 如 泗 皇 言 女 神。 矣。 三山亡,猶 於 有 Ľ 亡,亡 Ш 有 鼎 水 帝 有 人 或 是 金 去 去 爲 Ļ, 中, 知 之 神 鑄 衰 如 衰 時 氣 文 神 人 時 五. 亦 意 爍 名 周 周 亂 鼎 今 欲 末 帝 有 以 亡 石 之 之 有 鼎 無 與 辟 使 河 趙 太 上 則 周 隕 之 周 應 爲 衰 Ļ 道 危 秦 書 使 溢 空 丘 鼎 人 太太 他 時 莫 也 於 亂 亂  $\equiv$ 告 治 社 通 非 新 生 出 地 於 没 之 之 新 將 丘 廟 乎 未 過 Ш 未 垣 止 汾 若 ? 泗 於 始 夫 禍 夫 垣 平 桀 社 軍 口 口 何

平 平. 吏 治 詐 所 言 誅 言 鼎 新 神 有 器 垣 神 平。 事 氣 皆 見 夫言 詐 也 也 鼎 於 在 是 泗 下 水 平 中 事 猶 於 新 吏。 垣

## 藝增篇

以

開心通

意,曉

解

覺

悟

猶 言 妙 然之語,千反萬 益 惡 不 則 辭 於歧道 思 是 以 ,則 增 ? ,百傳之語,出 出 也 爲 所集,宜如 其 0 溢 世 聽者 蓋 千。 俗 其真,稱 美, 俗人好奇,不奇,言 諸子之文,筆 所 不愜 則聞 傷 使夫純樸之事 患 失 畔。 於心 其實,猶或增之。 美過 者 患言· 本 小 不 人之 悲 墨 其 快 事 子 聞 善進 離 墨 其 . П 增 哭於練絲,楊 一之疏, 其 意 其 馳 不用 增 實 ; 惡 實 間 以爲 也 剖 毁人不 著 没 也。 人賢 巷 爣 經 百 其 之間 +, 文 畫 判 故 罪 所 垂 藝之 流 子 譽 益 見 ; 其 辭 哭 之 審 何 百 其 人

> 之者, 言 有 不易 ,略舉 如如 事 爲,不 猶 其 方言 較 實 或 著 妄 乎? 經 出 亂 藝 溢 誤 令怳 乏 言 增 增 以 審 過 惑 與 少 莫 其 之人,觀 傳 爲 過 實 語 多 聖 異 也 增 也 覽 過其 經 然 采 藝 經 而 擇, 實 萬 增 必 得 論 非 世

能 穿 中 服 五. 可 平之化,化諸 三千。 矣。 胸、儋耳、 戏 千里内 也; 尚 服、要服 言萬 而《尚 書》: 天之所覆 國 周 焦 書》云 夏 協 時諸 增增 僥 及 并 跋 四 之也。 及 和 ,地之所 侯千七百 海之外 萬 夷 萬 踵之輩 或 狄 國。 夫唐 也 不 襃增過 載 是美 九十三國 粒 并合其數,不 之與 盡 言 食之民,若 協 堯 於三千 實,以 周 和 德 方 9 俱 致 美 之 荒 治 太

- ●「何」,原作「同」,據通津本改。
- 「三國」,原漫漶不清,據通津本補。

堯

也 欲 雍 言 和 堯 故 周 之德 宣 日 王之德 大 萬 國」。 所 化 能 者 慎 猶《 衆 作 詩 諸 夏

夷

川

四

衆,不能 孫 孫 地 狄 衆多 莫不 天 千億」矣,美 地 千 祚 可 · 億 ; 也 之, 子 言 詩 孫 千 人 衆多, 億 頌 ,增之 美,增益 至 也 于 千 其 夫子 實。 億。 順。 》言「子 言 案 孫 天 后 雖 子

詩 》言「千億

大名

也。

萬言

衆多

故《

尚

書》

言

萬

或

稷

始受邰

封,

訖

於宣

 $\pm$ 

宣

王

以

至

外

族

内

屬

· 血

脉

所

連

不

能

千

· 億。

夫

千

與

萬

數之

雲 僻 天 聞 鳴 其 於天 形 也 中 名猶 九 耳 折之澤,聲 詩》云:「 從 夫 目 增之也。 達 地 鶴 同 聽 朝 鳴 力,耳 之, 廷 雲中 鶴 猶 也 度 彼言聲 鳴 聞 聞 其 於 九 其 其聲, 聲 聞 臯 天 聞 聲 聲 鳴 聞 高 以 於 於天, 則 仰 遠 喻 聞 地 目 而 于 君 可 視 見其形矣。 當 天。 」言: 見 矣 子 之, 復 鶴 修 言 目 聞 鳴 德 見 於 於 其 鶴 窮

> 也。 從 當 則 然 以 鶴 人 而 則 欲 知 下 復 鳴 H 不 ·聞之; 詩 其 能 耳 以 聞 不 近 聞 於天 喻 人 能 聞 目 也 於天 所聞 或 見 事 也 如 失其 耳 故 以 時 鳴於九 從 見,不 上 何 不 增 不 則? 也 下 知, 實 能 而 ? 聞 矣。 過 甚 聞 至 泉, 其 之。 天之 無 + 誠 聲, 以 人 今 里。 其 以 鶴 去 知 無 鶴 則 爲 使 人 在 鳴 謂 鳴 然 意 參 天 從 以 於 其 從 ; 上 天 雲 萬 鳴 下 或 准 者 之 中 聞 於 數 況 時 何 遠 鳴 地 之 知

之也 者。 謂 之甚,民被其害者 周 宣王 夫旱甚,則有 詩》 夫周之民,猶今之民 之時 日 : 維 遭 之矣;言 , 周 大 早 黎 無 民, 之 有 災 子 無 也。 遺 靡 也 子 有 遺 人 使今之民 詩 子 不 遺 人 愁 傷 是 旱 增 痛

維 周 四 庫 本作 餘

<sup>2</sup> 者」, 通 津 本作 「言」, 屬 下讀。

其 益 地之水,丘 何 之人,必 也 其 愁之有? 富 遭 文、欲言旱 大旱之災,貧 人 穀 有 食饒 遺 陵之上 脱 天之旱 足者 甚 者 也 不 羸 矣 凛 湛 也 無 • 而 也 蓄 困 言 積 Ш 不 林之間 Ш 空 靡 扣 林 有 心 之間  $\Box$ 子 思 腹 不 遺 雨 枯 不 富 飢 貴 若 增 猶

寧 之官 書》 非 夫 其 空衆官, ൬ 有 易》宜 不 無 狂 高 無 此言、 《易》曰 妄 肖者皆懷 人? 、《易》之户 下 言 頑 也。」 居官 真 嚚 無 文王得賢者多 間 其 非 曠 詩 非 身 治 其 庶 Ŧi. 其 豐 少人」、《尚 **>** 中 職 中 官 日 常,才劣 其 無 無 ·, 猶 皆 : 屋 與空 人 欲 曠, 能 蔀 知 也 濟 而 勉 有 也 無 空, 書 濟 不 其家, 效 不 無 益 異 速,不 学宜 多 肖 在 賢 德 庶 放故 者 士 如 官 言 人 有 窺 衆 何 少 言 其 成 也 大 文 ^ 無 謂 也 也 尚 空 户 小 純 王 小 ^ 書 賢 也。 衆 以 空 今 閴 毋 尚

> 味,甘 具 夫 木,或 麥者,皆 甚 官 官 木之杖,皆 臣 不肖之臣,豆 焉 亦 在户,言無人者,惡之甚 操竹杖 容 以 而 五穀之於人 小 謂 多 少言之, 材 腴 糲 能 一面 皆謂 ; 而 扶 麥、竹杖 豆 不 病 云 可 麥 甘 不 也, 也 無空」者 莫 雖 勁 竹 ; 糲 食之 之類 謂 杖 言 莫謂 亦 之 腹 空 刺刺 皆 能 也 也。 空 力 而 手 飽 愈 無 之 無 空 弱 ^ ^ 飢 所 甚 尚 易 無 稻 劣 食 也 》持 把 不 粱 亦 食 及 其 竹 尤 豆

壤於路 之效 耕 者 蕩 田 乎 日 也 而 論 吾 者, 食, 民 語 言 觀 日 無 堯 > 蕩 出 者 能 何 蕩 等 名 而 日 :『大哉,堯 作 焉。」傳 口 大哉,堯之爲 力 也 日 ; 人 乃 日 此 而 欲 : 言 息 言 有 德 蕩 整 乎 君 民 蕩 年 無 井 也 Ħ. 無 能 而 擊 能 + 飲 名 壤 蕩

●「也」,原爲「○」號,據通津本改。

子 ? 臣 人 蕩 所 路 路,與竪 民,可 者 乎 增之 失 官 屋 今不能 欲 德 禮 使子 臣 也 了, 云 言民 者 蕩 知 年五十爲人父,爲人父而 而 封 子 始 也 也 不 賢 比 太平之世,家爲 此 無 羔 夫言 無 知 不 子 不 屋 不實 能 能 何 擊 爲 能 几 堯, 未 廢 能 而 等民 述 知 壤 名也。 郈 海 可 竟 也。 行。 議 封。」言其家 其 成 君 何 者 宰 增之。 封 之大,萬 讓 者,猶 口 人 無 口 可可 能 夫擊 夫有 孔 其 者 比 封 知 觀者 知 子 也; 愚 爲 屋 官 君子,人 官? 儒 行者 以 其 能 壤 民 伍 而 而 日 之如 書 君,故 有 者 之 爲 言 知 無 封 : 何 又言: 衆 有 不 年 君子之行,可 不 之。 日 比 知 大 等 知 有 知 何 言賢 可 五. 之。 屋,增之也 堯 無 能 賢 哉, ? 禮 君 + 實 知 何 能 治 未學 者 義 擊 者 有 夫 稱 君 堯 堯 等 何 名 其 7,父不 壤 擊 可 莫 以示 之 堯 舜 知 力 堯 民 德 壤 比 子 如 皆 之 之 之 無 於 之

> 皆 者 增之,所 難 以 言 由 比 起, 屋 ; 美堯之德 比 屋 難 也 以 言 蕩 蕩 者

之? 賢聖 杵」。 擊 語 也。 者。 王 悟 雨 心不惕,行 不 0 、欲以 也 也。 欲喪。」」罔 增 齊 夫言 紂 夫《武 助 尚 肩 雖 雖 祖 文,外有所爲, 戰 懼 書》 磨 蘇 熾 伊 恶, 欲 者多,故至 不易。 紂 舉 秦説 成》之篇,言 盛 曰 之 王 也 民 無 : 不 之亡 諫 袖 臣蒙 祖 齊 也 紂 增其 能 成 故 主 幕 伊 如 日 血 猶 日 恩 我 可 連 語 此 諫 内 : : 流 天下 蘇 者 也 武 欲 語 未 紂 如 衽 非 秦之説 ; 臨 蘇 以 王 必然。 不 曰: 此 民 言 成 伐 菑 秦 懼之,冀 益 無 無 帷 之中 增 紂 而 皆 今 不 不 齊 語 揮 欲 何 祖 我 欲 Ш. 不 王 約 汗 其 增 以 激 車 伊 流 惕 王 民 也 之 浮 明 成 語 增 芒 齊 觳 ;

乾燥。 案武 浮杵-誅紂,惟兵頓士傷,母故至浮杵 且 臼之事,安得杵 民 周 無 王 」,亦太 殷 士 不 伐紂 兵頓 士卒,皆賫 欲」,如 崩 瓦 於牧之野, 河北 過焉。 血 解 流,輒 蘇 而 安 秦 盛 浮之? 死者 肯 增 燥 糧 戰 語 或作乾糧。 入土,安得杵浮 血. 乎 言 ? 《武 流,安能浮 血 地高 然 成 流 》言「 祖 場寨 杵,欲言 伊 之言 無 杵 血 ? 杵 ? 不

爲雲,上不及天,下而爲雲,雨 及地尺如復。」君子者,謂 復。』 6君子脩之: 恒 秋》者,未脩《春秋》時 雨 雨 ? 者 何 ? 不見,6星實 不脩《春秋》曰 春秋》莊公七年:「夏四月辛卯, 如 非 雨 雨 。」如 也。 如雨。」《公羊傳》曰 ☞ 星雲 : 雨 魯史記 非 者,如 如 雨 孔 如 雨 則 子 雨 日 雨。』」不脩《 星不及地尺 曷 星,图 也 狀 一兩 爲 也 謂 星 孔 子 之 Щ 夜 脩 春 如 如 氣 而 中

> 孔 其實矣。 數 也 及 有樓臺山陵,安得言尺? 地 子不作,不及地尺之文,●遂傳至今。● 難審也。 夫星實 上 上 復 孔子作《春秋》,故正言 在 或 史記言尺,亦以太甚矣。 天,故 時 至地,◎或 如 孔子言如 時 雨 不 能 孔 如雨 尺 子 雨 丈 正 夫 , 得 之 如 地

「案」,原漫漶不清,據通津本補。

0

- 「杵浮」,原漫漶不清,據通津本補。
- ) 「盛糧」,原漫漶不清,據通津本補
- )「惟」,原漫漶不清,據通津本

補

「中」,原漫漶不清,據通津本補

6

- 6 衍。 如, 《說日篇》及《公羊》莊七年傳 孫 人和云: 不 當 有「如」字、蓋 並無「 涉 L 如」字 一文「如 雨 而
- ☞「脩」,原漫漶不清,據通津本補。
- ■「星」二字皆衍。
- 「實」,原漫漶不清,據通津本補。

- 「及地」,原漫漶不清,據通津本補。
- 「今」,原漫漶不清,據通津本補

居明光宫、斷獄三人,而遂爲實事也。 後, ●孝文之事載在經藝之上, 人不知其增。 實離本,獨已多矣。 其實,❸況上古帝王久遠,賢人從後褒述,失 實光上書於漢,漢爲今世,增益功美,猶 言 修德,美名流之,是以君子惡居下流。◆ 人。」頌美文帝,❷陳其效實。 孝文時不居明光宫,③斷獄不三人。」積 ❶「孝文皇帝時 光武 皇帝之時, 居 不遭光 明 郎 中汝 光宫,天下斷 武 光武皇帝 南 論,十世之 賁 光 上 獄 Ħ 過 夫 善 書

論 衡卷第八

- 費光上 」,原漫漶不清, 據通
- 頌」,原漫漶不清 據通 津 本
- 居下」,原漫 漶不清, 據 通 津 本 補。

光宫」,原漫漶不清,據

通

津

本

補。

十」,通津本作「千」。 其實」,原漫漶不清,據 通 津 本 補。

## 論衡卷第九

王

充

孔篇

問

難; 聖之言,上下 彼見孔子爲師, 之徒,七十子之才,勝今之儒。」此言妄也。 世之學者,不知者 卒吐言,安能皆是? 筆造文,用 言皆無非 或是,而意沉難 世儒 ,專精講習,不 學者,好信 意 多 詳 相 聖人傳道,必授異才,故謂 審,尚未 也 違,其文前 師 見,時人不知問。 不能皆是,時人不 0 而 知 可 論 是古,以爲賢 難 者皆 謂 問 後 盡 多相 云 得實,況 夫賢 「孔門 伐者。 案賢 (聖所 聖 知 倉

> 英傑, 之殊。 以七十子不能難,世之儒生,能實不道是非 子寡若子游之難。 《論語》之文,孔子之言多若笑弦歌之辭,弟 難 禹問 難以 形。 游之絃歌,子游引前言以距孔子。 聖人之言 也。 徒也; 使無孔子,則七十子之徒,今之儒生 使當今有孔子之師,則謂世學者皆顏、閔之 ,此説激 極之。 不能 難之,淺言 何以驗之? 古以爲聖神,故謂七十子歷 夫古人之才,今人之才也。 輒 泉陶 而深切、 不能 形,宜問以發之,不能 復 陳道帝舜之前,淺略未極。 盡 以學於孔子不能 故孔子之言,遂結不解。 觸 深 解。 而 ,略指復分。 著 説道 明 也 陳 義,不 孔子笑子 世希 盡 極問 自今案 今謂之 蓋 解,宜 能 起 也 問 輒

「知者」,通津本作「能知」。

其 不 聖 聖 孔子之説 難 核 也 之人,必將賢吾世 孔 人 道 0 人 0 子,何 教 解之文,世間 及 實 凡 告 義 生 學問 ,何逆於理? 時 證 乃 .'傷 敢 也。 定是非 於義 之法,不爲 世 也 間 弘 ? 之 難問 也 才 誠 苟 解 大知 謂 有 有 説 無 之言是非 問 問 傳 説 才, 不 難 生能 孔子之言 聖業之知 曉 人 之道,非 難 者,非 解 答問 才 之問 距 3 解 必 師 必 伐 難 難 追 對 須 2

禮 乎? 禮 當 以禮 違 違 子告之曰:「孟 違 死 親 毋違者,禮 孟 懿 |樊遲 樊 死,葬、 懿 之 葬 子 遲 子問孝,子 聽 之 欲 三 問 之 孔 以禮、祭之以禮 . 何 「何 以 子之言, 孔 也 . 謂 孫問 禮。」 子言「 謂 孔 孝子 曰 : 也 孝 子 問 ?:子: 獨 於我, 乃言 毋 亦 日 一毋 不 當先 違」,不 爲 違。」 曰 : 孔 嫌 我 生 子之言「毋 意承志,不 使 於無 生 對 樊 事 樊 言 日一 遲 事之 遲 之 違 御 違 以 毋 志

> 哉? 攻懿 勑; 才勑 問,二 其 過 曉, 子亦宜言「唯水火之變乃 唯其 父 短,答武伯云「父母,唯 樊遲,故《論語》篇 母,唯其 懿 懿子小才也,告之反略。 大材 毋 子之短, 如 疾之憂」。 子 違」之説遂 以 必 懿 能 略。 疾之憂。」 子 失道 曉 權尊,不敢 哉 子游 武伯 ? 不 理之宜。 可 中 之大 武 憂 孟 不 知 親 伯 違 武 其 ·見言. 也 極 材 ,懿子違禮 善憂父母, 禮 伯 疾之憂」; 言 弟子不 也, 違 問 懿子 行。 9 周公之志 孝,子 孔 則 周 其對 之才 公告小 子告之 樊 難 對 故 日 何 懿 武 攻

<sup>■ 「</sup>能實不道」,通津本作「不能實道」。

② 「才」,通津本作「於」。

<sup>「</sup>問」,原作「間」,據通津本改。

<sup>● 「</sup>必將」至「是非」,黄暉云「世間」二字行,劉盼遂云

⑤ 「勑」,楊寶忠云與下句之「勑」,均當依另本作「形」。

者 祭,不懼季氏增邑不隱諱之害 魯 使 權 伯 極言之罪 孔 莫 尊 ,對懿子言,不但 亦宜 過 子 周 對懿子 季 但言「毋 氏, 譏 形 何 哉 極 武 ? 八佾 言 伯 憂」 心 毋 且. 而 而 服 違 之舞庭 問 略 臆肯,故告樊遲 禮 孝者 懿 子 何 但 未 刺刺 非 ,獨畏答懿 害 孟 之有 曉 太 氏 其 子 皆 Ш ? 故 之 也 有 也 , 0 旅 子 專 御

也。 故 賤 去 何 以 義 也 以 貧 邪 其道得貧 得,不當苟 ,不以其道 其道得之,不居也;貧與賤,是人之所 言 賤。 夫言 ? 孔子 得之? 去貧 則 不 日 如 所 賤 謂 以 、賤,❸得富 取 得 得之,不去也。」此言 其 如 得 富 富 也 顧 何? 富 道 當 ; 貴 與貴,是人之所 貴 得 當守節 言 不 不 富 富 貴 貧 得 以 貴 貴 也 貧 與 其 不 顧 安貧,不 賤 賤 道 居,可 不 可 也 是 得富貴,不 去,去貧 則 人當 欲 當、 人 貧 不 也 也 之 妄 賤 去 ; 由 不不 賤 不 貧 惡 去 何 道

> 子不 意 不問 貨 貴 惡 去貧 耳。 而 道去貧賤 去之,安得言「 「去」,不當言「 (,得爵 結 財 也 文不分,是謂 問問 擅相官 賤 ,世之學者 何者? 不不 文又不解 一世俗 如 禄、 以 如 何 其 ? 富 何? 秩 不 得 得 道 貴 得 難 是 富 孔子 毒 亦 是 \_ 去 何 苦 孔 不 脩 貴 則 爲 乎 之, 得 身 子相 貧 乃去 哉? 不 知 去 不 ? 者, 賤 貧 行 能 難 以 則 獨 道 貧 賤 示 吐 其 不 施 起 富 仕 使此 未 賤 辭 矣。 道 於 去 爲 貴 也 形 也 得之也 一得爵 也。 奸盜 當 言意 七十 不 悉 ; 言 以 是 使 世 禄、 此 積 其 當 子 則 不 得 弟 既 解 聚 道 富 以

孔子曰:「公冶長可妻也,雖在縲绁之

<sup>■「</sup>但」、黄暉、劉盼遂皆云當作「但

<sup>[</sup>周],通津本作「同」。

<sup>「</sup>去」,原作「夫」,據通津本改。

孔 言 尤 耳 行 行 冤 必 多 邪 妻 中 有 在 賢,故 未 子 能 也。 以 其 ·, 不 故 · 宜 ? 公 道 縲 非 之文。 稱 非 不 在 稱「 冶 見 紲 必 須 稱 其 廢 之不 幸爲 案孔子之稱 縲 長 獨 稱 在 其 盡 備 0 罪 或 紲 者, 妻之, 賢 也 縲 行 實不賢 徒 也 具,亦 孔 何 也 無 賢 紲 人 役。 何 子 則 道 如 也。 可 所 ? 以 據 免 則 ; 何 非 徒 公冶 妻 ,孔子妻之, 其 妻, 徒 於刑 見 其 如 則 諸 役 也。 恒 役 也? 子 哉 見 ? 稱 之中多 則 人 X 長,有 之 妻 戮」,具 之宜 其 誠 孔 是 世 見 中 之。 行 子 如 孔 似 間 據 枉 無 賢 列 據 無 門 妻 非 子不 非 年 稱之矣。 彊 問 (),亦不 衆 其 妻, 其 妻,公冶 者 南 辜之言 世 受 行,不 妻賢 多 容云 年三十, 皆  $\bar{+}$ ; 則 非 : 非 實 辜 宜 妻 可 有 孔 宜 國 無 妻 長 之 妻 善 稱 子

賜

也

何

敢

望

口

口

也

聞一

以

知

+,

賜

也

?

子

謂

子

貢

曰

汝

與

П

也

孰

愈?

日

子貢 也,其 凌 或曰 人激 善顔 孔子問 其言 也。」夫名在顔淵之上,當 曰 須 子貢,則不 孔 聞 如 今孔子出 不如」。 : 顏 問 子所 也。 淵 淵, 子 : ; 不 以 於 吾與回言終日,不 心三月 一欲 至 讓」, 之上,孔子恐子 之, 知 以 是 子 貢 稱 言 非 是 教 賢 抑 貢? 謙 顔 須 猶 失對 \_\_\_ 孔 者 顔 子 不 淵 欲 讓 問 日 子非 子 章 禮 · 貢 淵 違仁。」三 賢 何 子 子 不不 亦 欺 日 也 趣哉 貢; 獨 讓 試 門 日 師 不 之。 : 如 也 以 人 能 以 當 貢 ? 禮 弗 使 八 莫 及 違如愚。」又曰: 子貢 問 知 使子 ; 章皆 時 志 此 賢 讓 如 孔 子 使 子 ; 使 之 所 驕 之言 哉 也 子 路 使 孔 於 貢 實 激 貢 時 爲 直 意 實 孔 子 吾 也 子 口 之, 不 實 爲 非 名 宜 溢 稱 不 子 知 與 也! 多 不 謙 及 愈 或 子貢 故 貢 徒 顔 何 知 汝 問 矣 卑也 以 顔 之 哉 亦 抑 以 淵 以 欲 俱 禮 淵 求 之 又 他 何 問 表 口 愈 

自 在 勝 言之,問 之也。 知 己 孔 上,己自 子 實子 (不問 雖言 服 貢之 無 之, 將 謂 能 不 知 抑 孔 須 何 揚 子 抑 如 徒 也 哉 欲 , ? 使 抑 使 子 己。 顔 貢 淵 由 不 此 能 才

與

予之書、 也 以 列; 識 宰 可 過 朽 木 「人之不仁,疾之已甚,亂 之, ? 謂 我 大 以 糞 木 之墻不 使 賢 糞 土 辟之罪, 宰我 大惡,安能 甚矣。 使 流 性 土 敗 寢 宰 言 知 晝寢。 善 ,不宜得人孔子之門,序在 可 毁不 我 以 孔 問 杇 使下愚之人 愚 過 子 孔 必 日 也 可 服 責 之,以其 子惡之,惡之太甚, 子 冤 : 則 復成之物,大惡 人? 人幾 晝寢之惡 □ : 於予 與 而 涉 怨 子 微 朽 耐 邪 涉 言示端 使宰我性不 也。」孔子疾宰予, 自 罪 ? 耐 木 何 也 改 之人 罪之獄,吏令 木 誅 將 小小 矣。 而 ? 可 服 同 也。 悪 己自 彫 明 而 是惡 四 也 善 過 也, 文 科之 責 自 , 改 也 以 使 咎 如 小 朽 糞 宰

安足 聽其 使 賜 乎 以 大惡! 未 子 於 秋 吾於人也,聽 子作《春 肯是之乎? 自改不在言之輕重,在 孔子之言棄矣。 毛 ? 成 宰 成 上 畫 口 以 》之義,采毫毛之善,貶 就 以 言 善? 我 寢 文立於策 細、文語 巨大,以 案宰 更知 自 毁 而 以 如 秋 行? 畫 性 觀 子 謂 》,不 以 寢 其行。 情 在 其言 已足,不能 人之 不 畫 相 巨大貶 自 怠 () 俱發 孔 違,服 是,則 毁 貶 寢 聖人之言 致 不 術 而 小以 子之門,序 行之人, 畫 而 此 於予 纖 信其行,今吾於人也 也。 觀 可 人如 於心 宰 宰予能 介。 大,其 ,予, 自 才 彫 我 問 復 纖 知 善 何? 琢 與文相 不受; 其 觀《 曰 : 改是。」蓋 過 介之惡。 惡,能得 夜 於 非 知 更與否。 何 實一 春秋》之義 不 四 不卧,安足 人之書 宰 子 遠 以 不受, 明耳 科, 予也 副 Ħ 致 也 其 言 此 列 起 襃 寢 實 宰 出 在 如 孔 則

Ŧi.

几

於 應 孔 行,0 死 未 棄 行 子 足 其言,取 惡 一人」之義何 則謂 起 倦 也 有言語。 宰予晝 之賢, 徒 極 曉 其 晝 寢 勑 寢 言 哉 是 寢 用言,令行缺,有一 而 所 是 則 ? 孔 聽 己, 施 棄 精 子 且 、其行。 其 無 神 備 論 言, 爲 索 取 人之法 改 也 觀 人 今宰予 術 其 也。 精 也 行 槩矣。 取 神 言行 毋 雖 其 索 如 求 無 行 自 至 備 相 今 則 助 於 知

也 乎?」曰:「未知 色; 玉 新 何 知 如 此,安 妨 人 令尹 代己位而 三已之,無 也 五. 爲 子張問:「 0 者各别,不 仁之 得 智與仁,不 何 爲 伐 如 行? 仁? 宋,以 ? 愠 令尹子 馬 相須 子 色。 五. 問 相 得 日 百 常 文三 干 :「忠矣。」曰: 而 曰 仁?」子文曾舉 舊 乘 之道 也 成。 令尹之政 敗 子 仕 而 仁 文舉 故 有 喪 爲 不 有智人,有 義 其衆,不知 **\$** 子 知 必必 尹 禮 「仁矣 之性 玉 智 楚 以 無 不 信 子 告 喜

> 孔子謂: 婦 智 日 不 子文智蔽於子 仁人者,有 : 可? 也 ,智者未必仁,仁者 「觀 忠非仁,是謂父母非二親 過 且. 禮 斯 忠 者,厚 人, 知 玉 仁矣。」子文有仁之實矣。 一,其仁 有 義 也。 未 人 何毁 者。 必禮 厚 人,仁矣。 · 禮 人有 謂 者未 ,配疋非 信 」,❷焉 者 必 孔 未 夫 子 得 必

惡 牛 所 死 短 日 矣。 一之有 疾 以 命 : 「有顔回 故故 死者,審 哀公問 亦 今也 疾 宜 也。 無 日 則亡,未聞 : 者,不遷 無 命 何用 人生受命,皆全當潔。 命 弟 哉? 子 生 如 孰 怒,不貳 皆當受天 天 好學者 謂 令自以 有 好 短 學? 過 長 也 短 不不 長 則 命 命 夫 孔 亦 幸 今得 今有 有 猶 顔 子 短 善 伯 淵 命 對

<sup>0</sup> 助 行 通 津 本 作「力行 」,楊寶忠疑 德行」。

<sup>2</sup> 仁」,原作「之」,據通津本改。

惡 4 云 無 命。 命 所禀不異,文語不同,未曉其故 言 則宜言 顔 淵 短 顔 命 淵 則 無 宜言: 命 伯 4 死 惡 命 病 也 皆 言伯 痛

犯 也。 過。 賞之不竊。」由 事 子 有 攻,何· ? 其 以 顔回者好學,今也則亡。 康子患盜 罰 何也? 顔 大 哀公問孔子「孰爲好學」,孔子對 康 淵 其 哉? 子 問問 問 非 0 則并以 日 聖 康 日并攻哀公之性 ,孔子對 此言之,康子以欲爲 人 子亦有 康子亦問好學,孔子亦 也 對之,兼 操 曰:「苟子之不 短 行 何 猶 以 不并對以 有 不遷怒,不 攻 遷怒、貳過 所 上之短,不 失。② 短 欲 攻 日 雏 也 故 康 對 成 貮

鄙 也 公夫人也。 子 者,❸天厭之! 孔 孔子見南子,子 子 解 聘孔子,子路不悦, 之 日 我所 路不悦。 天厭之!」南子 爲 鄙 陋者,天 子 謂孔子 日 厭 子 淫 衛 殺 亂 所 靈

> 之? 子 子 解。 曾厭 我。 厭 有 溺 溺 子路肯信之乎? 自 之禍, 路人 邪 以 我 人 解 ? 墻 誓,子路必 ,墻屋壓填 安 今未曾有爲 殺之,可 行 至 (道雖 誠 案諸 以 事 屋 能 自 自 壓 解 淺,4猶 誓 適 填 即 誓 乎 引 有卧 不 厭不 於子路,子路安肯 我,子路 人。 ? 不 天所 以 解矣。 行 負 誓 使 知實之,實之非 厭 如 事 悟者,未皆爲鄙 子 厭 世 日 不悟者,謂 : 者 頗 路 子 雷擊 人 雷 孔 信 也, 也 路 有 擊 子 之。 聞 湄 殺 殺 日 稱 問 之, 陋 人,水 天 我 日 曉 今 此 : 水水 之 實 可 厭 爲 引 解 : 陋 行, , 6 信 死 火 之, 孔 天 未 火 而 也 燒 孔 信 曾 燒 子 生 所 天

3

<sup>●「</sup>亦」,原作「以」,據通津本改。

❷ 「有」,原脱,據通津本補。

<sup>「</sup>鄙」下,通津本注云「一作否」。下「予」字,通津本無

<sup>「</sup>入」,原作「人」,據通津本改。

<sup>「</sup>猶知」至「非實」,通津本作「猶知事之實事非實」。

Ŧi.

六

祝 子,故 己 引 己 時 不 舜 書》曰:「毋若 見 邪 子 殺之乎」? 獨 死 短 有 肖 辛壬。 信。 謂 不 天 行 勑 行 詛 生之實。 不 命 之短 鄙 子 事 禹 也。 何 也 爲子路言「夫子 引 在 富 以 也。 毋 不見信 貴 丹朱 操 而 以 異乎 癸甲 孔 子 命。 子 云云天 往 在 行 孔子誓以「予 若此,誓子 不 子 不 天。 路 善惡 推 以 ¨; 則 肖 爲 曰 丹朱敖, 由 開 來 人道 勑 厭 「天厭之」者, 子 子 此 若 孔 也 呱 戒之。 之」,是與 路 以 也 知 子 雖 此者 呱 雖 行 見卜隱,效 短 自 路 命 惟 成 而 淺 所 命 重 所 以 未 解 ,人之死 泣 慢 事 禹 疑 天命 聞 夭 「天厭 鄙 終不 當 子 子 : 游是 俗 日 死 者 死 顔 孔子之言, 不 知 : 人 之 解也。 淵 ,天厭之」, 引 子子 解 己 恐 好。」謂 之, 俗 天安 生自 弗子。」 蚤 不 禹 嫌 人 行 娶, 死 得 敢 終不 誓 引 事 私 有  $\sim$ 尚 好 若 帝 厭 知 效 陳 有 私 其 孔 長

> 之瑞 傷時 終不 皆鳳 己 至; 鳥 然之應。 河 至,悲心自傷 鳳 矣夫。」夫子自 遂 圖 鳥至 河 應矣。 不 . ] 也 無 皇 孔 如 也 用 明 據 審何 爲 • 子 孔子,聖人,然思未必然以 矣。 瑞 王 五. 必 太平,太平之帝未 日 河 故己 應 帝三王皆致 或 然之瑞 出 ."據 故 夫 不 曰 : 傷 圖 始起? 鳳 致,時 致 不 曰「吾已矣夫」。 矣。 不 鳥 孔子不 Ē 瑞 用 不至, 也。 於太平, 今不 應 也 無 太平 始起之時 何 明 己王 自 · 得 王 以 河 鳳 干 必常 -, 案其 不 傷 致 鳥 , 鳳 之? 不 故 故 出 明 致 河 皇爲 致 鳥、 問 得 瑞 王 圖 啚 太 自傷, 鳳 瑞 日 不存 王 平 應 任 明王 未 圖 鳥 應 吾 . 也 賢 必 未 鳳 與 不 不 則 己

<sup>■「</sup>必」上,黄暉云脱「未」字。劉盼遂云脱「非」字

② 「開」,四庫本作「啓」。

③ 「則」上,通津本有「太平」二字。

上「然」字,通津本作「也」,屬上讀

必 瑞 不 使 其物,治有未定,物有不至,以至而效明 也 見鳳 失之矣。孝文皇帝 能 應 吾已矣夫」? 治 致後,亦 不思其本而望其末也,不相 鳥 定 與河 功 不 成 . , 圖 須 , 0 孔 治 使孔 子。 定 可謂 功 子在孝文之世,猶 孔子所 成 明矣,案 則 瑞 望 其主 其 應 何 本 至 而 其 紀,  $\pm$ 矣。 名 末

於中 子 亡。」言夷狄之難,諸夏之易也。 行 以 何?」孔子曰:「君子居之,何陋之有?」言 不行於中國,志恨失意,故欲之九 日 君 難 於 曰:「君子居之,何陋之有?」孔子疾 孔子欲之九夷者,何 國,故欲之九夷。 子之道居而教之,何爲 夷 之曰:「夷狄之鄙 子欲居九夷。或曰 ) 狄? 「夷 狄之有 夫 起 :「陋,如之何?」 中 陋 君,不 或 乎 無 ? 陋 且 禮 乎? 若諸 不行,安 不 起道 夷 義 能 也 夏 問 如 不 於 之 能 之 之 行 或 道

> 子羔也。 教躶國 者,欲遂已然,距或人之諫也。 孔 入衣出 自 謂 者 易, 矣。」如知其陋 人之子。」子路 志動發言,是爲言也。❷「君子於言, 人難之,孔子知其 之道教之,夷狄安可教乎? 子實 容,中國 以君子之道教之也? 能 何 謂 行 衣 不欲往,患道 ,衣服之制不 於 陋 子 服 亦 路 難 孔 邪 可,何必之夷狄? ? 乎 使子羔爲費宰,子曰:「賊夫 , 苟欲自遂, 此子路對 日 子 ? 謂 何 陋,然而 「有社稷焉,有民人焉, 脩 能 且 通 不行,動 使 孔 君 於 九 如 子 子 夷 猶 夷 脩 云 之 狄 日 禹 發 君子之道,苟 爲 道 以 也。 實不 此 何 入躶國 君 如以君 君 自 一言。 陋 子 ? 禹 子 孔 無所 容 欲 之有」 子 不 乎 居 往 之 或 子 或 能 躶

<sup>■「</sup>動」,四庫本作「故」。

② 「爲」,通津本作「傷」。

佞 何 者 必 比 孔 讀 子、子路,皆以 夫 子 書 佞 路 然 者 知 後 其 孔 爲學?」子 不 子 可 佞 亦 也 苟 知 其 對 日 自 不 : 是 遂 可 9 荷 孔 故 應 子 惡 惡 夫 或

聘,行 之,貴 不受貴 不能 中。 不 無 望 得 富 命乎 命 能 絶 補 富 貴 自 者。 ? 無 何謂 得 得 孔子 益 在 説 亦 以 冀 命 天」? ; 也 諸 可 在 術 而 如在 İ 成 而 不 稱「 侯, 不 謂 知 「賜 孔 自 事 受 受 知 賜 數 智 人,孔 子 已 : 得 夫 命 也 命 不受富 億 孔 貴 知 矣 窮 謂 乎 不受命 ? 中 子 而 己不 夫」, 策 ? 富 子 自 亦 時 不 如 木 不 何 命 知 以 也。 説 受 得 自 在 前 。還定《 受 爲 無 努 富 貴 天 而 知 日 貨 命 言 夫 力 不 : 貴 命 命 以 無 殖 受富 人 受 而 求 〈詩》、《 矣, 術 貴 死 焉, 周 自 富 之 知 知 生 命 當 流 周 知 術 命 貴 億 得 有 書 求 術 求 富 流 世 周 在 而 則 富 命 之 流 得 之 之 應 自 無 天 屢

> 言 命 可 短 短 0 言 欲 行 也 相 與前言 賜 令窮 子貢 違 不 9 服 好 未 不 「富 而 道 曉 好 貴 更 德 其 道 其 在 而 故。 德 天」相 行 貨 而 節 殖 或 徒 焉 違 日 好 夫 : 反 貨 攻子貢之短 欲 何 也 殖 必 攻 故 故 立不 子 貢 攻 受 其 之

子。 邪 人 命 能 斬 不 子 猶 得 ? 杖 有 將 起 猶杖之短 本 行 不死, 四友 起 顏 杖之 不幸 問 得 淵 ,天與之輔 杖 日 欲 短 死, 扶 . 短 孔 短 度 子 因 可 顏 命 疾 能 子 也 謂 淵 Ė 而 也 自 雖 使 天 之 起 . 0 9 爲 之 王 「噫 且 使 顏 人將 死, 人 死 長 孔 病 猶 有 也 淵 乎 孔 子言 廢 人不 不 ? 病 ? 早夭,故 子 天 天喪子!」此 得 不 須 如 「天喪予」者 得 夫 生。 奪其 王 杖 短 行 顔 天 命 乎 而 曰 淵 輔之於 佑 不幸 天 ? 行 之 奪 之 短 喪 如 如 孔

①「立」,四庫本作「言」。

聞 天 哉 悔 其 帝 以 本 法 夫 性 ·使之王 賢 中 也 死 有 顔 與 也? 悔 命之時,不 未 才 者 淵 不 且 不 且 異 必 聖 未 賢 天 命? 復中 本 有 也 必 也 如 不 爲 何 喪。 爲 本 使 輔 善所見 由 天神論 不 輔 悔之,此 使之王 案 孔 有 孔 此 使之王 賢 子 猶 言 不 子 者 而 王 賢 聖 之, 邪 議 云 在 使 王 者 人 誤 ? 天 顔 之 顔 世 無 未 何 本 淵 不 王 淵 將 骨 喪 則 必 未 諦 意 ? 法 使 生 死 子 受 必 之王 也 未 如 何 命 後 便 禄 爲 喪 必 何 何 宜 何 也 命 爲 輔 惡 據 自 復 輔 也 骨 爲 中 見 在 如 本 所

乎? 孔 之喪,未 出 哀 子 而 使 脱 出 孔 子 孔 子 涕 驂 · 貢 子 有 子 之 以 脱 所 日 衛 賻 惡 脱 驂 舊 子子 夫 驂 遇 而 館 涕 賻 舊 鄉 者 之 脱 之。 館 者 無 黟 惡 人之 人 於 從 子 情 而 舊 也 貢 喪 不 哭之, 館 日 副 小 : 禮 子 毋 而 遇 於 行 乃 也 哭 之。 於 門 E 之。 副 重

哉 乎 淵 禮 舊 無 不 矣。」「 之。 情 則 慟 以 也。 夫 不 至 之 乘 館 ? 他 禮 子 槨 徒 賻 世 無 而 意 情 悪  $\equiv$ 行 0 ,大夫之儀 副 死 顔 行 吾 不 姓 如 日 馬。 以 相 有 哭 淵 禮 稱 : 大 前 也 豈 涕 非 副 棺 爲 孔 顔 死 是 夫 恩 涕 無 斯 情 爲 大夫 之槨 於 子 無 淵 於子 蓋 子 從 不 士 龃 人 子 起 槨 日 慟 死 此 可 孔 之 不 ; 慟 哭 而 不 0 : + 者 哭 H. 子 可 則 以 顏 慟 殊 恩 之 可 乘 鯉 贵 恩 顔 徒 路 不 徒 實 鯉 殊 而 動 慟 去 之 馬 禮 淵 以 義 恩 請 行 行 世 誰 之 恩深 車 馬 禮 前 與 慟 車 也 死 不 之 也 況 爲 衆 門 徒 爲 情 車 稱 以 ? 效 其 請 徒 有 行 如 士,後 於 · 未 弔 爲 異 人 相 鯉 也 禮 車 爲 棺 夫 顔 邪 應 舊 之 日 哀 何 亦 他 子 曉 大 慟 淵 無 槨 館 不 痛 副 爲 與 君 姓 孔 巾 夫, 槨 截 大 情 之 於 之 鯉 脱 哀 子 子 孔 子 夫 甚 賣 人 大 於 顔 吾 爲 彼 使 死 驂 子 慟 行

槨 賻 亂 截 兩 君 制 舊 以 制 馬 何 子殺身以成仁」, 人之 以 解 以 失親 以 葬 賻 不 爲 解 子 恩 徒 舊 槨 子 於 有 行 館 也。 輕 乘 貪 乎? 棺 今亦 廢 其 官 無 然 葬 好 槨 何難 不 何 乎? 則 子 仕 脱 不 之禮 孔 廢 恐 退 截 馬 子 禮 位 無 爲 其二 以 不 傷 以 車 士 賻 粥 此 法 ? 成 時 以 舊 禮 車 禮? 乘 副 館 以 得 孔 而 恩 自 爲 於 子 未 他 重 鯉 必 乘 云

食, 斯二 得 生 民 先?] 曰 矣。」曰: 日 於 成 無 民 有 信 者 子貢問政,子曰:「足食, 倉 餓 何 餘 不 廪 春 棄 「必不得 立。」信 先?」曰: 「去兵。」日 實 秋之時, 争 禮 知 生 義 於 禮 ; 最 禮 節 不 戰 已 重 義 足。」●今言 或 : 衣 去食。 而去, 「必不 也。 棄, 饑 食 餓 信 足 問 易 知 得 於 自 足 安 : 古皆 子 榮 去 斯三 所 已 兵,民信 使 辱。」「 而 7 食 而 治 ? 有 去,於 食 信 者 或 死 讓 傳 柎 安 無 何 之

> 定哉 食而 矣 ! 哉 之。」曰: 立 信 骸 貢 之恩信矣, 一子 去食 矣。 ,信自生矣。 而 存信 炊, 殊 語語 曰:「既 存 子 教, 口 信, 冉 既富 適 饑 饑 食 所 子 餓 不食,不 衛 如 與富 庶 先富 尚 矣, 棄信 去 何 矣,又 不 冉 食 ? 何别? 又 同。 子 而 存 何 以 暇 夫去 后 信 僕。 何 顧 加 子 教之,3 孔 加 恩 爲 焉 信 信與 雖 子 子 ? 三 曰 焉 義 食。 欲 存 ? 曰 爲 曰 : 也 教 爲 食, 教 孔 或 信 何 : 子 雖 子 夫 信 意 庶 貢 教 教子 父 不 富 之 矣 欲 何 去 不 4

蘧 伯 玉 使 於 孔 子, 孔 子 對 日 6 夫

矣」

通

津

本

此

正

<sup>0</sup> 不一 原 脱 據 通 津 本

語」 别 信 原 」,原爲雙 脱 據 通 行小字,據 津 本 補。 通 本改爲

對」, 通 津 本 無 此字。

後世 惡 蘧伯 猶 其代 所治 過 宜對 也 孔 也。 子 友 謙 也 欲寡其過 也 欲 有 1。」使者出 也 何 約 一疑 人謙 今不非 非之也 日 爲 説《論語》者曰 爲 玉賢,故 知 或 則弟子辨。」 **减**惑,不 一夫孔 一:「夫 非 實,不明其過,而 ? 其 春 日 非乎? 君 問 而 秋》之義 : 而 ? 孔 子之問 對 未 子 操 視其所使。  $\overline{\sim}$ 諱 知 諱 子日 日 且. 能 爲 行 春 其 使 貶 : 實 也一, 也 秋》 孔子之言 其 者 使者。」夫欲 爲賢 使 其 : ❷「非之者,非 「夫子欲寡 纖 孔 事 :「使乎,使乎 所 者 之義 非 介安所 何 如 子 以爲 ,治其政。」</br>
⑤今反言 徒云「使 者諱 伯玉 乎 曰「夫子 以 孔 何 對 知 也, 以 子之問 「使 過。 亦 失 其 施 非 不賢,故 其 知 乎」, 爲 指 哉 對 乎,使乎」, 使 貶 何 其 過 韓子 賢 也,所 者 也 不失指 纖 子 其 何 爲 而 者諱 一,使 ? 視 其 所 代 使 介 非 未 日 之 使 其 約 非 者 問 非 之 能

> 益 乎, 子 於諱 爲 時 伯 人 玉 一諱,宜 皆 知 孔 默 子之非 而 른 也。 揚言 出 日 言 二使 如 乎, 此 何 使

言 吾豊 乎? 孔 也 者 者 子曉之。不曰「前言戲」,若 子往時 君 ,欲令弟子法 由 如 匏瓜 佛 磨 子 也 之 肸 而 不 聞 何 所言以 也 召 不磷; 人 諸 ?? 哉,焉能繫 子 也。」 夫 而 欲 子 非 行之。 不曰 日 往 佛 孔子 日 : 肸 而 有 白 子路 也。 以 子 不 親 乎? 中 非 食也 是 路引之以 於 往 不 牟 而 也。 其 一前 説 畔 涅 ! 子 不 身 孔 可 而 不 子 日 爲 子 行 不 諫 日 路 之 出 不 前 孔 淄 往 堅 善 昔 此 引

**2 0** 

<sup>「</sup>爲」下,通津本有「乎」字。

<sup>「</sup>曰」,原脱,據四庫本補。

<sup>「</sup>其」,通津本作「某」,下「其」字同。

下「非」字,通津本作「之」。

論 衡

惡實, 自 求 欲行 食篡 非 盜 身爲 孔 乎? 白 爲 人 不入之也?3 可 曰 行道」,不言 比 食。 矣。 勝母之間,避惡去汙 涅而一 泉、勝母 以人。② 子言此言者,能 不善,尚 有 道 以 畔 不善者,君 磨而 而子 是言」者,審 之禄 示不 吾豊 也? 匏瓜者 不淄」,如孔子之言,有堅白 . 義 欲 有 猶 不磷;不 君子之行軟 食。 可 往。 匏 即 而 空名,而孔、曾恥 可 言言 孔子不 謂 富 權 瓜 人。 子不 有權 且. 不飲盜泉是, 時 人當 有常 也 浮 解 貴 日 哉 行 而 人 子 雲」者非 飲盜 時 白 ,於我如 ,不以義,耻 道,子路 而易汙邪? 仕 路難 行之也。 也 日 焉 乎? 以 而 堅, 能 行 泉之水,曾子 食 解 乎 繫 也 道 禄 則欲 之 之宜 ? 浮 磨 涅 難之,當 ? 而 雲。」 無 而 而 不 辱名也。 不 佛 我 權 或 對 何以 之行者 佛 親 不 不 食 非 肸 權 佛 時 枉 肸 於 淄 磷 日 不 云 有 獨 匏 以 時 道 肸 未 其 堅

> 繋而 孔 爲 道 也。 瓜繫 哉 ? 云: 也 瓜 路 瓜 供 也 之 繫 子之言,解情 1 孔 「吾豈匏 親 4 而 人之仕也,主 而不食,亦繫 不食,6孔子之仕,不 難 何 子 也 猶人之娶也, 當 不 彼 欲 食,非子 擇 子 仕 安 仕 善 路 爲 瓜 食 而 或 食哉? 而 也 難 直 也。 無 貪 而 而 哉, 孔 路 言 依 主 人之也 禄 不 也。 子, 豈孔 繋而 食 ·仕,等· 且孔子之言 違之意,不假 爲 也 君 欲 ; 娶 孔子之言 子不宜言 爲 不 礼義之言,爲行 也 可 也 仕 行道,徒 子 ; 孔 直 也? 禮義之言, 不 子 言 距 何 自 當 義 欲 不 子 也 今瓜 理之 乎? 求 仕 其 比 路 解 食 匏 鄙 也 口 匏 子

2

4

6

<sup>0</sup> 常 通 津 本作

入上下, 通 津 本 有「之」字

<sup>3</sup> 之」,通津 本無 此 字。

當仕」, 通津 原作「仕 本作「吾」。 當一 據通 津 本乙正

論

衡

卷第九

應聘不濟,閔道不行,失孔子情矣。 名,是則俗人,非君子也。 儒者説孔 子 周 流

乎? 佛 周流 畔,執季桓子,二人同惡,呼召禮等。 之欲往,何其濁 公山,不見陽虎,豈 見,呼之仕不仕,何其清也! 之言無定趨也 肸俱畔者,行道於公山,求食於佛肸,孔子 爲東周乎!」爲東周,欲行道 肸未甚惡之狀 「夫召我者,而豈徒哉? 「末如也 不用, 豈獨 公山弗擾以費畔,召,子欲往。 子路難公山 已,何必公山氏之之也?」 也 也! 言無定趨,則行 有 之召, 孔子宜 以 公山 公山 乎 ! 尚 不擾與陽 陽 可 也。 公山、佛 如用我,吾其 貨 , 無常務矣。 陽 欲 解 公山、 見之不 虎 以 尚 虎 獨 肸 子路 不 對 俱 召 佛 及 可

召」,原作「名」,據四庫本改。

六四

## 論衡卷第十

韓篇

王

充

非

之吏 之鹿; 馬之似 之於 言 刑 冠 加 用誅 履 也 賞,不肖無害 譬 猶 韓 鹿 蠹。 鹿 子之術 加 馬 冠 無 者 故 使 也 於首 韓 千 其 益 論 子 馬馬 論 有 夫 金,天下 於 明 而 不 益 儒 韓 治 有 法 立 冠 也 與 子 用 不 尚 於朝 無 知 有千 徒 也 謂之「不 施 功。 益 以 履 罰 也,比 受 鹿 儒 金 而 賢 之馬 無 馬 者 朝 責 無 耕 之於 吾 喻 猶 益 功 益 而 之服 無 重 鹿 不 於 將 食」,比 鹿 賞 有 T 知 或 聽 任 馬 用 金 增 其 以 不

> 禮 餼 也; 不 尊親 父不 於人 化 死 亂 謁 身,身未 以 無 食君父之前 衰以 羊, 義 農 失者,不廢 非 益 ,禮義之效,非 而 (身,莫 耕 者,禮 之仕。 謁 其言 求 陰 孔 不 戦 陽繆, 謂 飲 得 必 子 未 食 有 而 肥 耕 飲 過 日 必 義 言 禮 也 益 不 食 跪 水旱 ; 不 有 至 與 0 用 義以 而 也 拜。 0 禮 拜 賊 不 益 重 服 賜 其 禮 失 使 義 於 而 得 身之實也。 相違,行 法 荷 也 貴 不 義 使 公身體 時 禮 用 不 戰 也 耕 益 韓 去身,身未 可 如 義 肯 爾 也 五. 戰 子 也。 失 廢 飲 也 愛 穀 爲 煩 逢 與 而 也 食。 子 其 之乎? 不 勞 綱 賤 夫儒 術 人 0 然 貢去 然 羊 登 人 紀 儒 相 不 故 使 須 必 而 敗 體 生 生,禮 拜 反 我 禮 告告 萬 拜 韓 韓 瘠 愛 是 朔 上下 子 義 見 無 民 夫 子 謁 吾 其 之 饑 棄 義 益 是 拜 賜 在 以 君 而

■「求」,原作「亡」,據通津本改。

之。 禮 故 路 成 無 舊 防 口 自 補 事 效 廢 古 防 益 爲 而 有之。 子 儒 或 者 , 道 也 去 無 須 而 之,必 · 貢 生 無 不 益 廢之,是 不 須 有 惡 益 蹈 而 可 道 耕 之 費羊, 者 重 去 棄。 有 而 戰 而 無 本 之, 棄 亂 益 成, 所 益 身須手足 尊 道 儒 者須之; 患 必 孔 須 無 始, 然 也 生 子 有 待 足 之有 儒 故 重 水 道官之吏也。 也 蹈 者之, 夫 立 災 廢 而 ; 路 無效 道 損 官 禮 動 棄 而 無 在 置 以 也 而 庠序 待 行 成 世 舊 而 吏。 不 不 效 效者 所 禮 禮 故 存 動者。 之設 於 蹈之 以 官 以 爲 義 待 之 如 無 舊

顯 治 ∭ 行 職 僞 操 説 韓 舉 功 徇 子 措 雖 爵 貪 非 不 禄 官 不 儒 立 重 尊 去 謂 禮 祭, 此 卿 之無 禮 相 以 故 義 之 儒 益 不 爲 位 名 有 足 業 若 而 損 貴 者 脱 俗 蓋 也 躧 行 夫 謂 志 或 以 俗 之 實 居 潔 儒 所 位 學 行 無

何

也

先 封 式 非 柳 以 人,昆弟 全 血 不 儒 木,秦兵入境 之人,人民 聞 於 焉 魏 勝。 者 千 其 存 下 人 伯 之操, 齊 間 所 或 里。 惠 者 夷 兵 以 之 見 禮 齊 ; 風 也。 風 今魏、 秦 者 境 加 有 此 義 者, 重 爲 段 軍 薄 於 高 二子 義 境 也。 濟 禮 善 文 干 魏 聞之,卒不 貪 節 不 夫 愛 式 木闔 之士, 土危亡。 夫 降志 愛 解 敦 民 軍 魏 義 闔 廉 沮 鄙 其 無 或 之衆,功 門 門 齊衆 率 ,不仕 禮 主 曰 : 必 懦 之 不 夫 無 義 上 破 攻 夫 士 秦, 出 寬 禮 開 狂 魏 非 有 傾 此 莫  $\equiv$ 之 卻 彊 魏 譎、 不 其 立 或 亦 士 大 軍 彊 或 文 此 使 爲 主。 危 志 華 焉 激 有 敬 秦 兵 也 上 魏 E 主 賞莫 之兵 · 兵 之, 益 頓 化 ; 用之 太公 無 無 也 也 表 聞 流 義 無 今

<sup>■「</sup>蹈路而行所蹈之路」,原爲雙行小字,據通津本改爲

六六

之彊 明 不 六國之兵非不鋭,士衆之力非不勁 功 全魏。 命 可 秦兵爲 有 益 木之行,下魏文之式,則干木以 之節也。 節, 公誅之,無所 有 路 勝 嚴 者 常常 益 損 法度,其何 一,魏文用式之道爲有功,是韓子 同 魏文式之,是也; ,至於破亡者,彊 ,肯爲 行 也。 也 刑 謂 時 ,雖全國有 之不至,非 功孰大者? 何 誅之。 峻 善太公誅之,非 夫 論者或曰 此乎? 等 法 狂 益 卻 也 譎 富 韓 哉? 到 ? 或 益 子 華 , 法 六國之士皆滅 : 養三軍之士 彊 ,非所貴也。」夫法度之 使韓 魏文侯式之,卻 善之,以 士,段干木之類 度之功, 「魏文式段干木之 弱 狂 使童 兵,此 不敵 譎、華 子善干 也。 子 法 衆寡 爲二子 變孟 賁之意, 士之操,干 使 度 功特然,不 於秦 此 明賞 不賞功 韓 木 也 也,然 不 闔 行 子 彊 也 無 同 兵。 罰 非 門 秦 案 而 益 閶 之 秦 尊 而 有 干 雖 木 高 而 太 而

修禮盡 勁力。 安。 皓 之,即 秦以 賁不 也。 夫 之功,如 者,賢干木之操,高魏文之禮 勝 孟 弱國之法度, 孟 太子 力不 而 賁不忍犯也。 賁怒之, 使韓 兵彊 魏有 避 厚禮之,高祖見之,心消 召張 敬 以 敬 也 何? 如 此 厚 子爲吕后 也 法 威 子 也。 童 自 四 其 度,秦必不畏 房 力少之彊 無 子 安,取 皓 高 夫 尊士式賢者之間,非 而 不勝,卻 孟賁怒, 力 操 秦之與魏 皇 以 取 少 議,進不 一帝議 消 刃 誅 策。 則修 與 高帝之議 之道 助 孟 欲 軍 而 子 也。 德,兵 還 賁 廢 孟 過 童 也 猶童子操刃,孟 房 意沮 戰 彊 太子 也。 衆,不犯 子 贵 教 謂 賁之與 脩 諫 彊 以 猶魏 徒 之非 童 · 吕 太太 夫敬賢 則奮 禮 敬 徒 子 易 退 盡 次式 (童子 魏境 子 迎 法 必 哉 不 后 童 威 遂 调 子 患 度 几

<sup>●「</sup>士」,通津本作「亡」。

段干木之間,卻彊秦之兵也。

韓子 也。 文武 慕 夫德不可 之,舉兵 王 或 養 一者偏 德者 可 力。 脩 力 韓子 張 者 必 以 行 治 有 駮 設,德. 養氣 或 不 養德者 力 仁 而 之術 之道 各有 獨 戰 無德之患 摧 義 滅之。 任以 而 · 陸 力 力之士 外 養名 所 不 服 不 具 地 養德 治國,力不 足。 以 足者也。 養 此 犯 朝 德自 ,以明 有二:一 高之人, 有 德者畏兵 者 偃 偃王 德守, 三十 7 能 王 有 事 可直任 用兵。 之 以 内 無 曰 無 或可 而 示能 操 或 以 養德 力之禍 力 卻 一, 彊 不任 力 備 以 以 此 敬 者 自 德 御 楚 徐 所 賢 知 力。 也 備 懷 敵 聞 偃 謂 日

草 仕 於 木 富 齊 異 凡 質 猶 人 貴 禀性 不 非 段 時 干 可 也,清 疾 木 復 世 不 變 ,義不苟 仕 濁 易 於 也 貪廉,各有 魏 矣。 狂 仕 譎 性 雖 操 華 行 不 士 清 行 誅 不 廉 猶 此

太公殺 也。 不誅 有 無 能 爲之,不 子, 功 之行,人所不能 干木之間 王 無其化。 故,不清 之,是謂 人,此人行不 辜 使止 而 不誅伯 功之人, 使 之民 夫執 如 加 二子,齊 齊 出 罰 無辜,韓子 能 其身; 有 人無性行, 仕 然則太公誅二子 不 魏 堯不誅 夷,周 則其 待 使 二子之類 未 賞 仕者,未必 國 國 罪 勸 有功 可 無 爲 亦 不 使無二子之類,雖 誅 民 而 隨 功,殺 許 是之,以 皆 人所能 也。 不 也。 不 不 施 ,太公肯賞之乎? 草 由,唐 皆 闔 皆隱 仕 ~,必 木 夫 門。 使太 不 未 無 有 無 太公誅之,韓 人所 仕 爲,誅 辜,韓 不爲二子見誅 有 無 餓。 民 韓子之術 質 正 由 罪 公不賞 不 也 罪也,太 益 不 何 此言之,太 之 皆樔 魏 子 能 於化 以禁之,不 則 太公 文侯 民 養之, 所 爲 ? 非 出 殺 處 非 空殺 養 公 式 仕 賞 清 許 無 子 也。 也。 二誅 武 使 段 之 終 是 廉

其主。 貪,故 也 有 賞,奢泰以 貪 於心,則 廉 而 別奢 陳氏 寡欲 韓子是之,失誤之言也。 韓子善之,是韓子之術 能立 刼 案 泰 視爵 好仕之民,性貪 殺 古 不 貪 功;僑,故能 之 止 篡 主 禄 患。 畔 位。 猶 奢泰一 之臣,希清 糞 太公之術 太公遺此 土矣。 不止 輕生。 多 亦 廉 且不 則 利。 白廉 致 危亡也 法 則 積功以 其 仕之民,性 而 約 利欲 刼 所 潔之人。 去, 省 殺 欲 無 之 故 取 不 不 極 法 大 避 存 齊

是者 治 非 之於溝。 之於溝中; 也 執 世、民 茁 贄 以 ? 周 良之法 周 公禮之,太公誅之。 公聞太公誅二子,非 下白屋之士。 宋 無狂悖。 若是者三。 人有御 又駕 也。 王良 王 馬 馬,馬又 良馴馬之心,堯舜 者,不進,拔 登 白屋之士, 二子之類 以 車 此 二子之操,孰 不 威 馬 而 進,又 無 馬,至矣。 不是,然 罷 劍 駑 剄 剄 堯 順 而 m 而 民 然 舜 棄 爲 身 棄

> 之意。 惡 全; 使 所 人之術與太公同。 良,自同 王良全馬,宋人賊 宋人之剄 之馬,太公不能 無定矣 韓子平 下白屋,王良 然則民之死,不若其生。 人同 於宋人,賊善人矣。 馬也。 之,韓 性,馬 之馴 率 子必 舉 馬也。 同 殊 非宋人,是太公,韓子好 王 性 類 馬 是 良 之士。 也,太 也。 王 之 馬之賊 良 法 王 如 與 而 公之誅二子, 使韓子非 然 良 非 非 宋 能 則 則不 宋 宋人,宋 人之操, 周 調 人矣。 ·若其 公之 殊 王 類

子豊 刑 身以 多傷害之操,則交黨 獨 治國 以 況 不 治 治 知 猶治身也。 或 世 任 ,治國之道 德之爲 是 則 治 疎 善哉? 身之 治一 當當 絶, 身,省恩德之行 人 恥 任 任 德 辱 以 傷 至身。 也 爲 害 世 韓 巾 衰 推治 子 任 事 韓

<sup>■「</sup>善」,原漫漶不清,據通津本補

變,民 以 世 德治 君 或 不乏於 猶 不 心 以 可 靡 天 衰 德 謂 地 薄 世 歲 生 猶 屏 故 亂 萬 歲 德 作 物 不 不 法 可 天 絶 孔子 桁 以 於 地 春生 專 春 日 不 意 也 爲 乎 於 斯 亂 ? 謂 刑 歲 民 世 也 也,三 去 君 衰 治 夫 難

代

所

以

直

道

而

行

也

之言 傳 前,才妙 治 而 物 於世。 無 不能 也。 功 周 穆 ,甫侯諫之,穆王存德 於後也。 去春。 夫治 夫穆王之治,初亂終治 É 一之世 人不能 韓子欲獨任 可 前任 謂 捨思, 衰 蚩 矣 尤 ! 治 之 刑 享國 用 或 刑 任 誅 非 刑 後 不 人長, 治 能 如 用 知 政 廢 何 昏 甫 德 ? 功 亂 侯 於

尊賢 人之所 見 不 孝,不孝其 君 以崇德,舉 魯繆公問 識 問 龐 也 更 澗 行奚 於子思 是子,子 善善 不 知 以 如?」子 也 勸 日 一。一子 民 服厲伯 : 「吾聞 思 思 若 出 對 夫 對 過 子 日 龐 以 行 撊 其 服 過 是子 君 厲 是 皆 細 伯

> 與不 善不 對, 善,必 非 夫聞 度罰 有 尚 不 賤 君 子 君 輒 功 者 厲 服 求 子 人不舉姦者 乃 罰 悪 聞 輒加賞,虚言 之。 法 所 伯,失貴賤之宜,故非之也。 女好 厲 厲 將試之,試之有 無 加 矣。 未 不 伯 伯宜貴,子思宜賤。 而 度 賞 雖 可 曾 誅 以 也 以 不 ,考有驗 聞 韓 聞 異 之,子思不 聞 行 善 子 ,非韓子之 也 人爲善,法度賞 罰 善惡於外,善惡 必 聞 自 未 猶聞 試之,聞 之, 是之後, 乃 夫聞 必 功,乃肯賞之。 加 可 以非 以 罰 善 信 善不 術 女 不 也 今繆公貴子思, 惡 君 繆 也 聞 虚 輒 可 貴子 必 公。 若此, 聞 賞 之;惡,法 以 有 考 使韓 夫韓子 厲 空見 所 行 之。 則 伯 以 思 制 賞 聞 夫 子 聞 以 爲 而 也 所 試 惡 善 聞 聞 女 明 賤

■「厲」上,通津本有「而」字。

事 試 未 0須 立 術 ,賞罰 乃 立 未 則 加 欲 賞 耳 罰 聞 之,非 未 加 善 也 惡 未 定 之

問 實 孝 姦,不亦 問 哭 非 之正,不明 鄭國之得 多 其 E 一夫子 凡人於其 以 也。 事 有 也 死 繆公,非 定 繆公亦 乎 姦 而 撫其 何 手 邪 非 也。」 哀。 子 ! 無 以 殺 子 ? 產 所 姦寡矣。 姦必待一 也 度量,待盡 術 僕之手 其 知 不任吏,而 産 韓 晨 今哭夫已 子産 親 乎 之?」子 夫 持 子 出 愛也 夫婦 者 聞 耳 不 ,而聽 耳 2 韓子之非子 不任 目 一, 知 也。 而 過 任 自 人之不哀,猶 死,不 聰 非 以 之所 東匠 典 之。 以 産 病 明,勞知慮,而以 之, 翼 典 知 城 口 日 而 女 之吏, 之宫, 城之吏,察參 哀 日 有間 及 É 問 . 憂 獨 9 而 而 : 立 其 産 其 子 臨 懼 后 誠 而 龐 聞 欲 是也 使 僕 聲 知之, 死 產 撊 以 繆 是 吏 婦 問 不 而 耳 公 夫 子 不 以 執 人 日 慟 懼 耳 定 其 之 伍 則 須 不 知 亦 知 而

> 誠矣。 伯 以立實,不 聞 姦,如何 之對 口 問 不可 不 可 使吏考,獨信厲 實 定法,3 以 也 立 實 俱 猶 使吏 不 任 婦 執 吏, 伯 人之哭不 而 皆 口 問之; 以 不 罪 參 不考之 可 伍 4 不 以 定 口 厲

以 源 姦 邪 所 子 而 , 鄣之以 ,女好 ? 制 服 惡 以 也 賤,故季氏之亂成 刼 厲 韓子曰:「子 無 以 也。」 伯 由 不 使王 以 掌 生 早 姦 夫魯君 聞 • 也 一良持 聞, 法 姦 冷轡? 思 度 繆 也 御 所 不 不 ? 公賤 者 以 馬 而 以 明 無 夫 刼 無欲 不 過 之。 衘 雖 法 者 上聞,此 聞 見 度 H 犇之心, 繆 求 明 馬 情皆 不 公貴、 女好 且 雖 明 魯 犇, 喜貴 御之 決 法 君 不 之; 之 無 其 聞 度

<sup>2</sup> 0 出 未定」, 錢 批 通 改作 津 本 重 日 文。

<sup>3</sup> 法」, 通 津 本作 誠

<sup>4</sup> 吏」,原漫漶不清,據通津 本

孝,不 惡,以 求善 公也 愚 子 取 内 可 有 升進 悪 之 思 數 謂之惡 才 與與 審 而賞之,求姦 不 也 可 色厲 取 ; 法 也 言,繆公貴之,韓子非之,以 謂 術 棄 容媚於上,安肯作不孝,著身 度,而 今不言魯君 姦。 内荏 意 殉 下 可 而 之咎乎? 愚 韓子謂之姦,失姦之實 日不 作 也 相 無 而 ; 違 爲 誅之。 謂 禮 矣。 無 通 操 姦 順 術 下 上,❷像類賢行, 非 龐 龐捫 而 情」, 情 夫不孝之人,下 捫 也。 從 日 是子 是 韓子 欲,與 示 子 姦 可 不孝 人外 爲 之 聞 矣。 謂 鳥 明 非 姦 爲 獸 不 以 善 君 繆

矣。 不 不 犯 白 敢 鎰 須 也 盗跖 以 韓子 考 不 測 犯 設 女 之者 罪 日 明 求 不搏。」以 法 : 法 邪 不 於 布帛 罪 於 邦,有 法 敢 下 發矣。 尋常,庸 恐之也 此 矣。 言之,法明,民 盜 使法 賊 女 之心,不 人不擇; 明 心 峻,民 法 藏 恐 於 之,則 胸 無 敢 不 爍 中, 兹 敢 犯 金

> 所宜 己者 姦,而 欲姦君 不 水 法 嚴 者 欲早知水之溺 水之性不 也,❸知者必溺身,不塞溝渠而 心 求姦 也 煎 峻 ; 刑 使法 用 ,己失防備 峻 而 備溺 非其 民 父,猶 教 ,韓子之言,與 法 不 或 不峻, 得 己 可 不 犯 而 不 勝,必矣。 也。 閼, 聞 閼 水 之也 云 人也。 也。 求 民 知 水 之 其 水之性勝 姦 多 ; 性 勢 源 是 然則 爲 必 而 世 溺 法 溺 夫君 防 猶 誅之。 姦。 溺 不 人 相 刼 於水,不責 人 不 ·專意 也 人 違。 火, 猶 備 不 君 0 而 也 言 求 火 如 刼 繕 水之具, 不 不 於 人之釋 臣 於臣 也 裹 求 舡 言 明 教 臣 更更 之以 姦, 檝者, 姦 水 子 法 明 所 之 韓 猶水 溝 己 而 以 是 王 而 而 子 咎 性 知 之 失 渠 徒 防 專 法

四

庫本作「塞」。

<sup>■「</sup>捫」,上文作「撊」。黄暉云當作「撊」。下一「捫」字

②「上」,通津本作「止」。

臣 也,法度釜 之罪 也 也 火不求水之姦, 君 亦 不 宜 求

## 刺 孟 篇

孟 趣,孟子 以 財,孟子 利之利,②乃可 哉」,皆安吉之利 義 利也? 利,有安吉之利。 里 「乾,元亨利貞」,《尚書》曰「黎民亦尚 子不 而 而 知不欲安吉之利,而 來,將 已,何必日 孟 ·且語! 子見梁 《易》曰「利見大人」,「利 ·徑答以貨 無以驗效也;如問安吉之利, 何 問 以 答。 惠 惠王, 利?」夫利有二:有貨財 也。 利吾國 王 惠王曰「何以 財之利。 若設令惠王之問 何 謂 行仁義,得安吉之利。 王 乎? 孟 利 日 子徑 吾國 : 如惠 孟子 叟 難 ,●惠王言貨 利 涉 王實問 以 吾 曰 : 大 貨 不 未 或 有利 而 知 ]1[ 財之 遠千 孟 貨 何 之 何

> 子答 也。 以 貨 財 之 利, 失對 上之指 違 道 理 之

七二

實

夫孟 使予 子。 不貪富貴之故 子之於爵 式,子盍爲我言之?」時子因 人之所欲也,不 養弟子以 孟子曰:「夫時子惡 )欲富 子辭十萬,失謙讓之理 齊王問時子:「我欲 禄也, 辭 萬鍾,使諸大夫、國 十萬 以 而 有 其道 以 所 而 距 辭 受萬,是爲 逆宜當受之賜乎 有所 得之,不 中國 知 也。 其 不 陳 不 而授孟子室, ·居也。 人皆有 辭 子 夫富 欲 可 前 富 也? 贵 以告 乎? 貴者, 故君 所矜 以己 ? 孟 如

不受,於宋,歸七十鎰 陳 臻問 日 於齊,王餽 而受,於薛,歸 兼 金一百 五. 鎰 + 而

<sup>0</sup> 字,爲 「不」, 語 孫 治讓 詞 云 疑 當作「必」。 馬 宗霍云,「不」似 非

<sup>2</sup> 「貨利」,通津本作「貨財」。

君子 車 歸 不 亦 受十萬之多,安 受之義,而 時己貪,當 乎?」夫金歸或受或不受,皆有 當 也; 何爲不受? 鎰 心,辭曰:『聞戒,故爲兵戒 己 己不貪富 歸 可 數 在宋 泰 之,是貨 而 無 贐 受於 今日 乎 + 必 受。 」,予何爲 功」,若「 乘 也 居 之受是, ,予將因 從 取 孟 \_, 引 室 不受之時己不貪也。 之也。 於此 前 若於 亦宜 子 者 如 己致仕,受室 日 前 日 數 得 不受? 其道 遠行 矣。」 之不 則前 齊, 辭 辭 有受不受之理。 白 焉 + 之? 非 則 則 有 行 孟 萬 日 受,是則今受之非 其 以 當 君 未 舜受堯之天下,不 子 之不受 以 道 傳 彭 在 歸 有 子 者 況 日 非 更問 食 之備 處 薛 必 而 則 後 故。 理; 於 也,予 也, 以 可 金 萬 非 皆是 諸 贐 日 乎 簞 今不 以 有 非 無 也。 侯, 辭 食 受不 受之 有 前 貨 而 處 也。 後 不 子 取 而 當 夫 戒 曰 而 日

> 以 戒 下者,是其道也。 而 乎 爲 曰 ? 「己不貪富貴」,失謙讓 泰。」受堯天下孰 今不曰 與十萬? 一受十 也 ·萬 安 舜 非 可 其 不 以 道 辭 爲 天

有殺 之?]則 於子 人伐 私受之於子, 而 日 未 可。 私 : 也。 燕。 人者,或問之曰:『人可 與之子之爵 噲。 沈同 可 彼 應之曰:『爲 然 沈 或問 以 有 子 同 而 其 士 噲 日 伐 則 日 私 於此,而子悦之,不告於 不 之。 可 : 問 禄; 得 乎? 燕 日 勸 與 彼 可 天 齊伐 夫士也,亦無王命 人 伐 吏 如 何 燕,子之不得 與 燕 則 日 燕,有 以 可伐 ?』吾應之 : 可 殺與?」則將 異 2 以伐之。』今 與?」 於是?」 諸 孰 ? 口 以 受燕 孟 日 日 伐 齊 子 而

<sup>■ 「</sup>因」,通津本作「有」。

② 「彼」,通津本無此字。

應

之日

可。

彼

如

日

:

孰

應之日

『爲

士

師

則

可

以

殺

燕

,何爲

勸

之也

?

夫

或

問

孟

不

誠

是

乎?

沈

同

問

燕

可

甚,

不

甚

也

?

是

後

Ŧ.

朝

之王

意

欲

自

伐

之也。

知

其

意

慊

燕

雖

可

伐,須

、爲天

吏

乃

可

以

? 二孟 從 政 伐 可 也 有 之。」今以 伐之。」沈 於是,宜 「詖辭 子 所 子 以 ; 與」, 吾言矣。」孟 此 勸 發 離 日 殺之?』 公 私 於其 王 此 孫 遁 意 知 伐 燕伐 我 同 挾 H. 資辛 其 而 曰 政 燕 所 問 意 知 徑 私 則 知 哉 欲 夫不行於齊,王不 天,今則 遇 非 以 以 朝 不 如 日 於魯, 肖 ? 人 見之,嬖人臧倉毁孟子,止平公。 爲 非 望 告,曰:「行,或使之; 而 所 宿 是 之。」孟子所去之王,豈 王終始不 甚 而 能 於景 前 於 是 後 歸 前 王 也。 何 之於 不 丑. ; 前 其 遇 氏 而 予之不 不 前 王 也? 於 去三 用 去, 何 輕之 · 孟 齊 則 孟 而 日 遇 且. 子 子 無 疾 若 復 宿 魯 止,或尼之。 之 孟 論 以 後 臧 而 侯 子 操 於 異 稱 前 後 倉 去之, 在 前 前 竟 天 之 也 重 所 魯 後 徒 也 不 何 之 不 不

樂

正

子

魯平公

同,

所

絶

則

無

伐

燕

之計

矣。

不

知

應之,

不

省

其

語

,

是

不

知

言

E

敢

問

夫子

悪

乎

長

:

蔽,淫

辭

知

其

所

陷

邪

辭

知

其

言。」又問

何

謂

知言?」曰:

知 其 所 致 之, 知其 極 所 當 害

孟

子云:

3 民舉

安、王、

庶

幾

改

諸

子

!

之

福

見

彼

之

問

則

知

其

指

辭

所

欲

之矣。

子

知言

者

也,又知

言之所起

之禍

其

極所致

0

致,

通

津

本

無

此

字。

按:

依

前

文,「致」應

作

害

於其

事

雖聖

人

復起,必

其

所

窮

生

一於其

心,害於

其

前

不

行

止

前

歸

之

定

哉

毁

讒

之

<sup>2</sup> 知上 通 津 本 有 則

云上,通 津本 有 有

前不去 而 復 通 津 本作「則 不去而於」。

前」, 四庫本作「畫」,屬 上

三日 間 子奈前 天 更 齊 天 未 如 意 所 也 命 行,何 用 命 能 王 易 是,不遇之議一在 可 無 樂 之間,魯平公比三日亦時 冀 當 或 命 初使之去者 以 此 也 其 言何乎 時 正 定 ,使之遇 遇 亦 早 在 去,何 止 在 於 子之言,往 天 乎? 齊則 齊 三日之間 命 或 也 王 尼之」也,皆 以 乎 非天命 真 歸 如 不 不 ? 三日 之於王 用 徑 見 人也。 在 故 其 行 孟 日 之間 魯 乎 言 可 而 子。 之 ? 則 天命 也。」夫言 留 間 庶 或 天豈爲三日 公見 歸 三宿 棄 孟 主, 幾 如 曰 之於天,絶 不 臧倉之議 子 有望。 使天 孟 復 遇 乎 初 歸之於 子, 追 如 非 八命在 是, 之, 孟 夫 之 天

天,不 Ŧi. 色 百 年 孟 尤人。」日 前 子去齊,充 必 有 日 王 虞 者 聞 興,其 虞塗問 諸 彼 夫 間 子 日 時 必 日 :「夫子 也 有 : 名 此 君 世 子 若不 者 時 不 矣。 也。 豫 怨

之間 天下; 也 信 歲 下。 以 子之賢 卒 禹 也? 乎 以 Ŧī. 禹 王 由 傳 浮 至 者 其 必 百 爲 又 1 周 生 其 淫 王 天 有 年 由 於 湯 興, 以 時 吾 如 (效,與 堯傳 之語 聖 周 意 出 王 必 且 天 來,七 武 考之 欲 何 何 下 有 至 千 王 聖 者 以 丢。 爲 平 以 歲 於 孟 王 爲 期 也 俗 則 見乎? 誰 治 不豫哉?」夫孟子言五 百 不 湯湯 者之驗 子之時,又七百 几 舜,舜又王天下 天 也 武 儒 可 天 所言 有 遇 聖之王天下 欲 如 王崩 至 無 又言 下, 矣。 餘 去齊,有 平 孟 周 殊之驗 歲 乎? 在 帝嚳 子 治 當今之世, 亦然。 夫天 矣,以 以 成 之言 天下 何 天 王、 王 不 論 世 也 也 未 未 者, 豫 其 不 乎 歲 始 周 欲 是 當 欲 實 ? 舜 數則過 之色,非孟 五. 於 繼 而 公共 謂 平 而 舍 以 平 事 傳 無王 文 百年者 踵 云 天 治 治 堯 Ŧi. 百 我 考驗 於 王 而 治 故 又王 天 天 百 Ŧi. 年 而 禹 矣, 興 下 天 年 下 生 百 而 有 誰

七六

乎 時 乎 乎 年 爲 子 子 如 與 或 也 其 期 K 自 之輩 言 王 ? 故故 ? ,己又以 異 王 Ŧi. 時 時 人 周 聖 名 者 其 百 者 從 考 也 數 已 是 如 不 王 教 王 年 周 間 同 生 之 謂 則 來 是 世 生 相 出 必 乎? 到 ? 然 則 生 其 授 者 時 失 得。 七百 有 今 聖 矣。 則 後 可 孟 期 謂 如 時 王 七 時 百 臣 矣。」 五. 子 生 異 不 何 者 矣。 餘 天 白 則 年 見矣。 如 百 夫 覺 猶 也? 謂 等 興, 歲 數 餘 何不生 之時 如 謂 信之, 歲 何 也 矣 五. 又言 矣。 歲 悟 是,孟 聖 又言其 ? 者 謂 以以 百 言 如 臣 頑 也 踰 數 年 時 數 謂 孟 聖 同 天 五. 乎 愚 其 聖 子言 時 可 過 過 ? 子 ? 孔 間 數 百 乎 生 白 爲再言之; ? ? 子 不 則 年 必 聖 謂 當 聖 其 何 歲 過 不 之徒, 有名世 知 過 而 人 何 謂 王 間 其 己 Ŧi. 矣 與 與 己, 矣 天 之 有 謂 非 中 聖 百 必 五. 也 也 有 孟 設 以 間 孔 ? 百 年 其 期 何 口 口

> 浩 爲 名 不 也 ,如欲 世者 然 自 王 者 安之於齊, 謂 臣 當 治 竟 皆 爲 天 謂 王 下, 天 誰 懷 者 也 也 舍予 恨 ; ? 有 有 己 而 命 不豫之色,失之矣。 王 夫 誰 不 者 天 也 當平 未 ?」言若 若 欲平 爲 治天下,不 王 治 臣 此 天 矣。 下

皆得 食 子 君 哉?」曰: 悌,守先王之道, 食 餘 曰 於子。 子 : 粟 日 而 子 之爲 ,女有 食於子。 食 彭 更 之矣。 不 何 子何 問 道 通 以 餘 梓匠 日 也 其 功 布 尊 於 : 且 志 易 其 梓 以 此 子 士 輪 爲 事 子 志 斤 待 有 食志 無 輿, 哉 如 亦 以 後世之學者,而 輪 人 事 通 其 將 羡 焉 輿 之, 乎 而 其 以 志 補 入 食, 而 求 則 有 將 不 輕 則 食 功 以 梓 足, 食 可乎?」 爲 孝, 功 於 求 與 匠 則 乎? ? 子, 食 農 . 義 不 輪 出 也 者 子 得 則 孟 輿 有

<sup>■「</sup>人」,通津本無此字。

焉。 其 比 人,與 則 求 墁 志 巨 有 癡 瓦 瓦 日 日 : 志 童 知 狂 難 食 無 將 : 畫 書 子 ,,,,以 亦不 博 今毁 者 亦 之人, 墁 墁 以 功 則 然則 以 食 癡 擊壤於塗,何 戲 一,毀瓦 者 欲 詰 非 而 求 志。」 遨 狂 亦 作此 求 求 瓦 人矣。 有 欲 所 食 子 戲 比 知 志 食。 以 食 畫 非 也 曰 畫 也。 畫 古 以 其 灣賣 彭 乎 詰 墁, 墁 食志, 墁 : 詰 則 無 求 夫人 之類 ? 無 者 彭 癡 更必 彭 有 子 無 於 利 食 以 其 更 狂 不 此 更之言 人 食功 食 利 市 者 異哉? 志。 無故 也 不食 也。 古 人 在 尚 於此, 之乎 於 ,得賈以 1,皆多 之志 其 不 童 也。」夫孟 人, 夫 毁 博戲 中。 何 也。 爲 子 也 ? 毁 毁 則 瓦 擊 不 何 也 人 未 ? 瓦 求 壤 歸,乃 畫 之人,其志 不 雖 瓦 志 日 所 ; 知 墁,此 有 畫 食 在 然 畫 於塗者 諸 無 之 不 毁 子 墁, 猶 志 其中 墁, 志 有 得 得 遨 引 知 引 瓦 否 也。 之 利 戲 不 毁 毁 其 ? 欲 食 畫

> 墁之 乎? 多,己 如彭 復求食乎? 更以 類 然則 亦得 也。 孟子之言,可 食,或 孟子之詰 投石 博 戲 時 超距之人,其 者 有 . 尚 彭 志 謂禦人以 有 更也,未爲 相 夫 奪 投 錢 志有 石 口 財,錢 超 給 盡之也。 距 求 食 財 亦 衆 畫

築與 之所 井上 三咽 居 可 然,仲子 於齊 者 於於陵 ? 居 有李 也 匡 國 然後 室,伯 章 所 惡 之 ,螬食 夫蚓 子 食 能 士,吾 耳 日 夷 之粟,伯 廉 日 有聞 上 上 : (實者過 之 ? 不 所 食 必 陳 食 充 築 槁 以 目 仲 仲 夷 半,扶 壤 與 耳 仲 有 子 之所 子之操, 下 ? 子 贵 無 見 爲 聞 也 不 抑 飲 服 樹 0 巨 誠 黄 往 亦 目 與 則 擘 孟 盜 泉 廉 將 ? 無 焉 跖 蚓 子 士 食之。 見 抑 之 乎 仲 而 日 也 所 ? 亦 子 後 雖

<sup>●「</sup>不」,孫治讓云當依余允文《尊孟辨》引作「共」。馬

者爲 得 爲 義之 鶂 是 之禄爲 他 傷 盜 而 日 是 仲子 則 仲 後 鶂 鵝 哉 在 日 跖 鶂 而 哉 子 是尚 之 室 之 母 充 食 也,與之,食之。 歸 惡 鶂 兄 之 不 之 肉 不 所 其 齊之世 而 用 彼身 之肉。」 則 他 不 食 短 能 也。」 義 操 樹 弗 是 乎 以 之禄 告 有 矣。 爲 者 與 居 鶂 織 日 ? 充 兄 ? 出 饋 則 家。 也 也 鶂 屨 仲 之室 其 仲子 0 不 而 其 其 而 乃 者 是 子 類 妻 夫 吐 兄 吐 母 兄 不 先 辟 爲 未 其兄 恥 也 辟 之怪 孟 則 之。 戴 殺 食 生 兄 譜 哉 口 不 乎 負 蓋 纑 子 不 也, 以 鵝 離 鵝 ? 知 ? 自 吐 前 之 以 以 鵝 居 食 者 母 也 以 禄 外 言 易之 非 他 母 之, 如 若 0 則 也。 兄之室 萬 處 至,曰:『 則 仲子 仲子 日 吐之者 是 即 於 曰 惡 其 鍾 也 於 不 : 己 食 其 陵 吐 兄 用 0 也 者 食, 於 一爲不 於 頻 母 而 則 以 鶂 是 H 日 陵。 豊 不 是 母 出 以 殺 鶂 蚓 居 蹙 兄 . 何

> 之, 欲 也 執 也 ,恥食不合己 勿母 不 0 知 食 謂 其 食也 之 於 爲 在 母 鵝。 母 鵝 則 志之物 怪 膳 不 而 至 食 吐 9 也, 不 之。 失 當 其 非 故 食 負 意 仲 親 也 矣。 子 親 之 之 今 使 恩 吐 既 仲 食 鵝 而 子

七八

衆 人 之所 不 潔之行矣。 時 今所 是 而 食盜 聞 故 謂 後 昭 知 樹 居之宅,伯 蚓 口 又「仲子 粟 哲 者 跖 爲 見 以 今兄之不義 之所 仲 至 也 論 屨 用 子 廉 故故 纑 惡 樹 也。 夫 此 居 易之, 夷之所築; 能 蚓 粟 非 而 避 廉 仲 居 仲 食之,於 於陵,不 上 ? 子 Œ 子 盜 食 有 如 使盜 充 槁 跖 亦 其 蚓 所 仲 之所 壤 操 復 廉 處 之所 子 下 食之粟,伯 乃 失之。 矣。 潔 其 之 築室 爲 飲 宅; 可 樹 性 廉 操 黄 也 築 汙 潔 室 泉」, 見 織 則 耳 於 大 己 廉 夷 屨 或 蚓

<sup>■「</sup>見」,通津本作「議」。

其 不 處 + 魚 在 槁 也 太 不 哲 辟 知 而 地 進 徙 義 於 仲 壤 備 非 處 居 見 不 纑 而 之禄 子之操 也 夫盜 疑 於 陵 能 盜 矣。 之, 築 江 不 居 飲 若 以以 必必 陵 者爲 得 海 ,仲子不 所 之,謂之不 得 盜 兄之宅 食 仲子 故 之中, 歸 聚 室 也 兄 與 成 其 宅 滿 誰 之 也 候 之宅爲 飯 不 粟 中 禄 所 夫 地 母 俱 處 吐 粟 孟子之議 食 處 之 而 也 居 仲 然 中 也 不 不 江 不 食 黄 或 若 充 , 宜 則 子 亦 食,廉 母 不 知 海 之? 食 而 泉 其 兄 之 仲 有 之所 義之宅,以 時 樹 之土 自 明 欲 之 去 子 蚓 操 魚魚 盜 者 蚓 齎 矣。 使 潔之至 禄 母 有 焉 孟 爲 之所 爲 惡 唯 海海 然後 食 仲 辟 大 子 飯 耳 誰 今於 能 蚓 食 而 子 兄 非 非 者 非 築 聞 盜 然 兄之 行 處 也 爲 乃 何 仲 盜 之, 目 兄 與 孟 宅 後 陵 於 得 可 口 所 見 之禄 禄 鵝 然 妻 子 中 是 之 陵 乎 口 子 成 鑿, 非 膳 之 者 則 爲 獨 夫 宅 昭 之 不 爲 室

> 之操 贵 兄 近 也 不 禄 若 食周 所 也 母 當 伯 不 粟 比 夷 伯 自 矣。 而 夷 有 而 以 私 不 孟 汙 食 粟 子 其 周 以 謂 潔 粟 食 之若蚓 仲 行 餓 子 哉 死 乃 於 明 可 首 矣 仲 , 失仲子 子之操 陽之下 仲 子 食

炭 操 不 梏 爲 者得 也。 者 故 比 孟 順 一,爲 脩 干 癘 之下,炭崩 也 子之言, 知 行 也 剖 夫子 正 命 孟 正 几 其 必 ,子胥烹,子 命,妄行 者 子 命 者 以 不 曰: 不 何 是 也 行 禀 桎 王 7 益 ,百人皆死 謂 ; 性 一件 不 莫 哉 乎 顔 苟 桎 人 命 效 順 非 爲 梏 巖 淵 無 或當 非 路 與 受 得 墻 早 而 觸 竇 正 ? 葅 命 非 死 之下 夭,子夏 值 廣 命 天 型 廣 正 者, 也 何 之 或 下 或 溺 則 以 與 是 命 非 順 兵燒 比 獨 極 不 盡 百 天 受 也 正 失 戮 濟 干 受 其 人 命 其 命 明, 非 命 俱 正 道 雖 子 順 於 也 正 卧 或 胥 命 伯 操 操 徒 0 而 夫 封 積 慎 ? 4 行 行 死 是 行 桎

侯也。積炭與嚴墻何以異? 命不壓,雖嚴 院也。積炭與嚴墻何以異? 命不壓,雖職入 正或尼之。」命當壓,猶或使之立於墻下。 正或尼之。」命當壓,猶或使之立於墻下。 等,猶爲守者。 不立嚴墻之下,與孔甲載 子入宫,同一實也。

論衡卷第十

「命」上,通津本有「天」字。

2

天命當賤」。「孔甲」至「當賤」,孫人和云當作「孔甲所入主人之子

<sup>「</sup>守」,原作「中」,據通津本改。

## 論衡卷第十一

天篇

談

恐其 天不 文雅 百 怒 銷 言 ĴΪ 煉 而 實然,不敢 也 觸 注 足西北,故 之人,怪 儒 五 書言: 馬。 色石 不周之山 以 此久遠之文,世間 而 共 補 Œ 日月移焉; 無 I. ,使天柱折 議 蒼天,斷 以 與顓 非,若 以天 頊 争爲 鼇 道 非 地 地 足以 不 人 而 維 天子,不勝 是之言 事 無 足 絶。 東 立 論之,殆 以 水南,故 奪,又 四 女媧 也。 極。

與人争爲天子,不勝,怒觸不周之山,

也。 使 悉海内之衆,不能當也,何不勝之有? 折,是亦復難。 折之固難,使非 堅重莫如山 芒也,安得不勝之恨,怒觸 以 此 天 如不 之力與三軍 柱 折, 周之山,大山 地 一、以萬 維 信顓頊與之争,舉天下之兵, 柱 絶。 戦 乎? 人之力共 則 有 士卒 力如 也 觸 不 不 螻 推小山,不能動 周之山 使是天 周 此, 蟻 Ш 天 也,兵革 而 下 乎? 柱 使天柱 無 乎? 敵 · 毫 且

王

充

審毁 説 不周 不能 其足以立四極。」 夫不周,山 質重,千里一柱,不能勝也。 是體也。 煙無異,安得柱 者曰:「鼇,古之大獸也,四足長大,故斷 爲 壞,何用舉之? 上極天乃爲柱。 且夫天者,氣邪 共工所折 如審然,天乃玉石之類也。 而 當 折之? ? 此之時,天毀壞 如觸不 斷鼇之足以立 體 也? 女媧 也 周上極天乎? 如五嶽之巔, , 以 如氣 鼇 石 影 也。 乎,雲 補之, 四 石之 極 也 如

體必 利 則 有 夫 一皮革 矢不 天 朽 長大,不容於天地。 腐 本 如能殺之,殺之何用? 能 如 以 何 勝 鐵 Щ 能 射 爲 石 立之久? 也 柱 刀 一,共工 劍 矛 折之,代 戟 且鼇 女媧 不能 足 足可 雖 刺之,●彊 以 可 聖 獸足。 一,何能 以柱 以 柱天, 弩 殺 骨

涬濛 乎? 天 皇 登緣 天,濁者 當 日 形,去人不遠,故共工 也 地始分 最 共 澒 「元氣・ 先。 階 工 察當 如審然者,女媧 缺 ,氣未分之類也。 據 雖 爲 ,形體尚 人皇之時,天如 天之時,天非 今天 長,無及 而 未分,渾 地。」如説《易》之家,儒書之言, 得 去 治之? 地 天者。 小,相去近也。 沌 甚高,古天與今無 爲 以前,❷齒爲 得敗之,女媧得補 墜 豈古之天若 0 蓋 及其分離,清者爲 夫 於 乎? 其 地 儒 補 也 書 天之時 又言: 説《易》者 近則或枕 女媧 人者,人 屋廡 異。 溟 之 之 何

> 何 虚 消 所 也,從 於不 四 五 立自若, 鼇之足乎? 也,豈天地始分之時,山 去,廣狹遠近,不可復計。 含氣之 極 石 以能觸 煉 見。 也 若藥石 Ŧī. 周 難論言也。 河始 之山 石 然其言觸 何 類 補 而 則 立 無 治 折 蒼 ? 9 以 共 之? 有 病之狀。 天 山 來, 工. 斷斷 不 不 從 雖 得折之,女 長。 周 以 女媧以 鼇之足 動, Ш 年 五. 至其斷 歲 天 而 色石 共 工 小 地,含 折天柱,絶 甚 儒 來 以 而 多,則 久矣, 書之言 媧 補 立 之力 人 鼇之足 四 天,尚 得 反 氣之自 補 極 不 大 四 天 「,始有 之 猶 地 能 乎? 極之 以 地 可 維 也 然 立 謂 折 相 爲

鄒衍之書言天下有九州、《禹貢》之上

3

可」,通津本無此

<sup>■「</sup>刀劍」,原爲雙行小字,據通津本改爲正文。

② 「以」,原作「多」,據四庫本改

所謂 水土 物。 被、吴,才非聖人,事非天授,安得此言? 有 之物,外 安召術士伍被、左吴之輩,充滿宫殿,作 四 駭 九 下九 術之書,論天下 之治洪水,以益 惑焉,是以 故虚實之事,並傳世間,真僞 更有八州,每一州 九 山 ,然亦不能 州之外,更有 貢 州 ,莫不畢載,不言復有九州。 之表,三十 極天之廣 九 州 也 以 國之恠 也。 鄒 上 難論。 子行 在 者 實然否,相隨 《禹 ,窮地之長,辨 東 九 ·之事。 五. ,列二十五國之異,不言 爲佐。 瀛 南 焉。 地不若禹、益,聞 者, 貢 案鄒 國之地,鳥獸 海。 隅 美九 四 ^ 《地形》之篇 子之知不過禹。 名 禹 禹主治水,益之記 此言 海環之,名曰 州 日 貢 所謂一 觀 光 赤縣神 不 詭異,聞 四 讀 别 草木,金 海 諷 州, 淮南 也。 之外, 道 述 州 見 州 方今天 裨海 以 也 不 者 世 異 王 談 若 過 禹 道 更 類 劉 石 竟 人 驚 復

> 書,虚妄之言也。 案禹之《山經》,淮南之《地形》,以察鄒子之

**企** 極北 測。 崙 九州 川,恠奇之物,金玉之珍,莫不悉載,不 共聞、張騫 者,謂之虚也。崑崙之高,玉泉、華池 窮 其上有玉泉、華池。 經》、《禹紀》,虚妄之言。 高三千五百餘里,日月所於辟隱爲 河 山上有玉泉、華 經》所有 必 源 Ш 極爲天中,方今天下在禹 太史公曰:「《禹本紀》言河出崑崙,其 高 川, ,惡睹《本紀》所謂崑崙 多民。① 親行 恠物,余不敢言也。」夫弗 尚 書》近之矣。 無其實。 **^** 池。 禹貢》「 今自 案太史公之言、《 凡事難知,是 案《禹 張騫 東漸 至《 極之南 者 使大夏之後, 貢》,九 于海, 乎? 禹 光明 本 則 非 言崑 州 世 敢 紀 故言 西 天 Ш 所 Ш

<sup>●「</sup>高」,黄暉云當作「尚」。

四

尚 長 初 里 于 禹 不不 出 0 多 流 紀 東方之 徑二尺,尚 今從 沙 **>**,≪ 復訾矣。 Щ 東 此 海 海 則 地 **>**,</br> 之上 天 夫 尚 遠之驗 淮 地 如 多 會 南 之 是 稽、 則 . 極 也。 鄒 地 天 鄞 際 形 衍 極 遠則 鄮 也 》未可 之北 之言未 東 日 則 天 信 方 剡 察 可 也 之 徑 地 日 非 地 之 廣 千

從 三千 天 宜 也 視 神 地 H 南 雒 下 大。 視 極 也 州 里 陽 得 如 當 極 鄒 大同 今從 北 地 在 以 天 衍 在 視 亦 顧 東 極 極 日 之 西 必 極 也。 爲 東 南,近日 言 北 廣 復 亦 極 「方今天 天 海 之,不在 少 正 在 相 在 中, 今 正 E 矣。 在 北 北 去 察 北 如 所出 萬 焉 日 在 下 推 雒 方 里,小 東 北 在 東海 今 此 陽, 一,日 東 及 南, 方 地 以 天 從 海 九 大 如 之上 度,從 今 東 下 鄒 流 州 流 不 出 南,名一 在 衍 夫 沙之 沙, 之 變,方今 時,其光 地 之 下 流 去 中 東 雒 地 言 在 赤 九 沙 也 南 州 視 縣 非 陽 極

> 有若 萬,相 之南 五. 東、 也。 從維 南 萬 令之至,是則名 地 萬 小 東 千 北 里,極 未 里,徙 西 居 西 里。 今欲 天 地 , 2 是 狹 之 亦 能 承 亦 下 未 五. 察 際 在 北 百 皆 民 天下若 者 北 千 日 則 也 日 萬 亦 還 能 五 九 之去,遠 里。 行 去 南 者問 里 五. 辟 萬 相 三萬 雒 也 萬 爲 離 去 此 案 里 五. 陽 里 之,言 鄒 極 距 萬 九之,乘二萬 周 焉 度之 五. 里,未 也。 近 也 衍 極 里 時 萬 非 之言 9 下 九 東 + 里 復 日 極 視 與 日 也 能 州 西 乃 五. 南 中 北 極 極 南 至 爲 + 東 萬 之 猶 亦 一天 日 之 以 極 日 萬 里 時 Ŧi. 郡 西 Ŧi. 在 也 州 至 下 南 千里,二 地 萬 Ŧi. 北 者 南 日 所 極 日 去 也 也 干 之 里, 者 北 二萬 南 居 在 雒 里 間 之 極 Ŧi. 假 遠 今 H Ħ. 地

2

❶ 「剡」,通津本作「刺」

上「日」字、《索引》改爲「且」,似是。

一一萬五千里。如鄒衍之書,若謂之多,計

度驗實,反爲少焉。

數家 里度 據 亦 月 近人 度,高有里數。 人生於天 人 舍 有 如 相 不 、之效也。」如實論之; 猶 遠。 虚 星 計之,三百六十 是非,陰爲 儒 舍著 者 地 又以二十八宿效之,二十八宿 猶此 祕傳 曰: 有 何 天 郵 嫌 也。 天, 考之,則無恍惚,明矣。 或言 亭 德害、天輒 如 天 爲 天審氣,氣 無 案附 天之 氣 長 氣 五. ( 吏廨 也, ? 書者,天 度 離 天,體 故 知之,又 猶 天 矣。 其 周天,下 如 下 有 雲煙、 去 有形 體 郵 六 ; 亭著 非 人 萬 在 輒 體 不 餘 上 應 氣 安 有 爲 所 地 之, 里, 遠。 也。 得 周 與 日

説日篇

儒者曰:「日朝見、出陰中、暮不見、人

方之 陰 猶 西 冬日之出 舉光不滅,日暮 晦 出 中。 見 冥 南 人 陰 日 非 或或 陰 陰氣 陰, 也 中 大反滅,世儒之論 夜 人,朝 何故 舉 朝出 晦冥,故没不 何 火者,光不 以 謂 入獨不見,非氣 出 日日 效之? 之出 東南 人 入陰 所舉 暮 滅焉。 見。」如實論 夫夜 竟 中 人 之火也。 虚 ? 西 驗也。 妄也 夜 陰 南。 且 之陰, 也 夫 之,不 東 火 星 夫觀 氣 小 夜 亦

之陰 陽 之光 者,失其實矣。 之陰,日 以 陽。 口 陰 少 耀 何 陽 夏時陽 故 儒 與 日 故 者 之陰 何 夏 日 雖 猶 曰:「冬日短,夏日長,亦復 以 相 出 出 滅 氣 也 驗之? 輒 反。」如 猶 日 多,陰 實者,不 無 隱 明 北 鄣 不 ? 方之陰 蔽。 氣 實論之,日之長 見,故冬 復以 夏時 由 少, 此 冬陰 北方之星。 日 陽 不 言之,以陰 在 蔽 日 氣 氣 東 日 星光 光 晦 井,冬時 短 明 冥 ,冬日 短,不 北 陽 陰 以 掩 與 陰 方 日 日

謂 牛,故冬夏 近 日 之分 極 在 牽 故 牛 日 0 節 道 牽 極 長 牛 一。皆謂、 去 夏 極 之「至」,春 北 遠 至 故 東 日道 井 秋 冬南 短 未 , 至 至 東 故 牽 井

之長 天不 復 月 今案察五月之時, 也 夏 南 長 天 日 日 日 ),其所 下 時 舉 陽 , 道 冬日 舉 長 天 案 多 也,其所 氣 而 或 日 之 南 舉 盛 故 高 日 出之 月 短之時 夏日長之時 9 時 方, : 南 亦 日 冬時 在 方, 天南 當 夏 星 長 出 冬時 東 俱 在 時 ; 之 日 陽 井 方 下 日 日出 出 陽 南 星 天 月 氣衰 舉 出 則 東 氣盛, 在 不 方 當 東 而 東 日 日 於寅、入於戌。 南 也 抑 北 # 俱 天 南 出 日 道 下 近 方 出 陽氣 道 降 東 問 由 小 也 也。 極 東 月出 北 長 此 故 而 日 故 ; 北 下 在 言之,夏 : 冬日 然 東 月 ; 而 H 日 南 則 冬時 當 0 北 月 亦 短 道 方, 之 日 夏 出 當 高 夏 也 長 道 時 短 Ŧi. 日 天 如 東 復 故 則

> 復五 九道 六道 分; 極,若 乎?]日 長, 常見之,不 側 十分,夜六分。 得 去 故故 也 此則日 月之時,畫十一 無 極 人 贵 日 東 夜 旋 遠, 徒 日 復 轉,人常見之矣。 井 長 行 九 行 出 爲 何 之 月 從六 道 有近 人 畫 以 時 從 ? 焉。 乎? 去 得 遠,畫、 月往 分,夜五 見 分道也, 人極 儒 其 日 至十一月, 者 夜 出 畫 或 近 使東 有 行 分;六月, 於 日 歲 長 + 寅 夫 日 井 短 人 東 行 月 也 日 在 分, 。」。」夫 井 於 天 月 減 極 有 + 書 旁 近 戌

見,入下 北,其若 人之北,是其效也 或 日 倚蓋 故 不見。 天 , 明 高 矣。」 天之居若 南 極其 方下 日 明 天 北 既 下 倚 方, 以 之中, 蓋 倚 矣 日 蓋 故 出 今在 喻 高 極 當 人 在 故

## ● 「降」,通津本作「抑」。

❷ 「日」上,黄暉云疑脱「夏」字。

之出 轉。 若 以 夫 取 能 蓋 其下之南 人不 今夫 蓋 之形 行 ? 倚 随天高下,明矣。 運 於 也 由 轉 地 此 0 有 不 言之,天 極 其 若 能 星 北 蓋 運 在 際 之莖者, , E 不 立 不 之北 若 而 著 樹之, 倚 地 正 蓋 者 若 何 之狀 蓋 觸 然 所 之 礙 后 乎 葆 能 ? 日 何

實者 與 運 北 丈,轉見 低 北 氣 合 地 下 故 爲 地 方 方。」天運 視 地 7,天不 低下不平 無 而 或 能 天 密 異。 體。 E 不 若 水源 生 鄣隱,故 : 「天北際下地 平 在 物。 覆 然而 行於 天 天行 也 盆之狀, 地 -, 是則 在 北 中, 日 人不見 地 地 方陰 出 如 地 中乎 日 中 九 中 審 上 故 亦 ]]] 日 也, 出出 運 地 ? 視 不 北 然 中, 行 與 合體 随 日 人 注 不 天 天 地 上 天 下 水 不 日 則 地 合, 中 下 隱 者 并 得 中 随 北 然, 氣 随 夫婦 盈 乎 天 天 鑿 天 方 ? 滿 似 平. 之 地 而 地 故 天 也。 也 Ė 地 轉 并 人 如 居

> 屬,其 於南 將謂 見。 轉 以 日 或 人 里 出 出 不入,遠矣。 不 遠 也 出 而 時 復 人 亦遠 地 爲 陸 於東 之日 方; 亦 見 旋 何以驗之? 實 地 在 天 屬 之, 故謂 中 合矣 不 察之若望; 地合。 其 各於近者爲 中。 矣。 方,入於北方之地 屬,遠 也 明月 之人。 實 臨 然則 從 大 當 遠, 之 如 若屬 日 繋明 澤之濱 也。 日 珠 是,方天 非 人 日 運 人 之下 旋 之出 矣。 出 2 合 澤 月之珠 西 見 日 邪 際 方 也 於 遠 望 亦 ? 東 日 近 下 之時 有 東 ; 者 在 兀 望 以 日 今 陸 在 方 於車蓋之撩, 爲 邊 也 ,視之若人, 遠 人望 出 其 視 南 今之天下 近 望 之際 爲 北 日 故故 其 方 不 下民 也 人遠 方 過 實 而 與 ), 故 澤 者 非 亦 不 天

<sup>「</sup>夫」,通津本作「天」。

<sup>2 「</sup>望」,四庫本作「亡」。

不 使 里 皆遠之故 西 轉 以 ,不見埵 人把大 里, 萬 不 里數 復見者 火 也 塊 乎? 光 炬火夜行 非 太 滅 夫 Ш 矣。 去百 人 太山 一之高 也 於道。 非 里不 之驗 滅 參 也 平 見 天 則 易 太 人 遠 既 雲, 無 Ш 也。 明 險,去 況 去 矣,試 乏 今日 H 人 去 百

東、極 則下 爲 匈 復 南 之行若 道 觀 曰 下。 在 奴 方之星 低 : 日 ·焉 之北,地之邊 方今天下在東 南 問 人之南,今天下在日月 月之行,天高 西 高 從 日 方 : 亦 南 亦 極 乎 北 天 ? 北 當 塞 如 下北也。 方之民 此 高 下 平 夫 焉。 近 Ė 視天之居, 陲 南之上, 今視南 南 仰 與 以 何以 皆 方下 視 地 北 爲高 以 斗 無 上 驗之? 近 方之星 道 視 北 極 視 異,今仰 者 近 南 天若 一, 且 下,故觀 方, 天,天 爲 者 方 在 高 則 低 即 何 爲 高 人上。 遠 下 夫 一有下 高 也 視 下 H 日 ? -, 高 天, 者 月 遠 月 極

> 遠 字。 央 天之高 太 高 也。 Ш 復 之上 下 高 -皆同。 非 下 北 ·, 猶 太太 徒下,若合矣。 下 山 人之察太 南 今望天之四 高 日 月 去下十里,太 之道 山 也。 邊若下者 亦亦 平 在 正 其 Ш 四 下。 上 非 方 也 中 夫 立

八八

遠 直 時 中 遠 火 爲 日 出 光 爲 近 未 出 時 X ; 或 近者 爲 人 近 小 有 儒 何 日 以 爲 也。 者 以 人 近 所 中 遠 則温 見 驗之? 定。 日 或 爲 日 察物 中 也 以 遠 日 中爲遠者 爲 如 , 遠 中 旦 也 近 近,日 二論各 實 暮 以 時 人則 則 論 植 温 其 日 大,遠 之, 竿於屋下 以 , 日 寒,故 出 出 有 見 日 日 人 出 所 則 日 出 中 爲 爲 見, 以 出 小 近 遠 時 近, 爲遠 入時 日 故故 夫 故 而 寒 中 是 日 其 屋 日 日 也 · 爲 中 出 非 日 高 出 以 近, 夫 曲 中 H 爲 日

<sup>●「</sup>一」,孫人和云當作「十」。

其 其 時 去 去 屋 是 行 口 過 也 中 末 地 丈 過 旁跌 日 之 出 始 爲 上 時 是 日 人 於 知 竿 火 三丈 人 小 丈 星 人 近 屋 明 出 屋 日 日 以 於 光 不 時 在 出 與 矣。 也 上之人 上 其 故 不 屋 屋 正 光 見 矣。 大 東 得 出 温 棟 其 棟 在 者 暗 世 危 試 夫 邪 扣 去 人 之下 , 猶 行 天 與 復以 若 如 日 光耀 故 棟 日 地 時 在 中 上 既 人 屋 中 是, 西 大。 出 三丈。 在 大 屋之 人旁, 正 以 是爲 下 危 屋 時 猶竿之 入遠, 滅之也 者, 東 日 而 火 坐 中 上 猶 中 猶 爲 危 時, 樹 人 去 一,其 · 堂 猶竿之旁跌 書 日 如旁 ·爲近 之, 效 與 人 故 相 地 中 正 而 正 日 ; 與 西 正 寒。 過 去三丈矣。 在 坐 樹 夜 察 上 光 邪 又 屋 在 危 三丈也 一人, 火 坐 出 明 扣 無 以 倚 去 然 屋 下 也 人之 光 人爲 光 之, 棟 星 坐 地 E 故 則 去去 耀 爲 人 下 矣 則 日 日 小 遠 上, 丈 相 夜 中 中 如 抵 地 日 竿 ;

> 故 乃 視 見。 大 也 夫 日 月 星 之 類 也 0 平 日 日 人 光 銷

旁 於西 北,人 之際 扶 柳 扶 則 桑 秋 桑、 八 桑 則 不不 桑 見 月 桑 察之,或 細 東 人 爲 南。 日 時 儒 於 細 遠 謂 於 柳 方 旦夕 者 冬與 正 正 於 柳 西 地 則 月 細 日 冬與 論 之 細 時 北 常 ; 不 柳 出 ,安得 在 民 夏 柳。 日 爲 細 見 所 , 正 何 也 夏 日 冬日 柳 出 東 何 謂 日 所 日 出 出 今夏日長之時 當 以 之 乎? 出 西 於扶 日 之 之 人。 如 短 驗 在 日 方 扶 人正 實 出 之 處 之? 扶 中 野 桑 桑 若 論 所 人, 時 桑 之 也 人 西 之, 以 論 問 暮 時 在 細 隨 細 其 之言 日 人 日不 日 可 桑 於 柳 出 從 柳 天 上 日 謂 細 者 扶 几 歲 柳 之 而 東 出 猶 出 日 柳 隅 時 轉 爲 南 桑 月 於 天 謂 出 於 中 從 扶 扶 細 近 春 東 於 地 扶

天

時

行

而

反

西旋

也

度,積 與 天 驗 行 里 舒 當 萬 麒 于 周。 行已疾,去人高遠,視之若遲。 疾,驗之人物,爲 與 里,三度六 麟 里 或 晨 與 凡 之步 麒 問 日 七 鳬 陶 行 鹏 + 飛 鈞 相 書 日  $\equiv$ 相 之 似 T 日 萬 度二千里: 月 運 類 類 里 亦 天皆 似 里 以 也 弩矢之流 月 行千里 也 也 何 行,行 ,其行甚 喻 月行十三度,十 天行三百 旦 ? 一、然則 日 夜行二萬 度 畫 日 相 疾, 不 行 : 類 蓋 日行 天 同 千 六 無 望 似 ; = 里, + 遠 日 乎 以 六 舒 爲 度 夜 者 物 五. 千 行 疾

> 難 遠 馳 使 者 舡 則 之然 也。 皆 以 行 動 江 得 遲。 海 若 暮 運 遠 之中 也 不 而 則若 行 舡 動 日 之實 仰 行 在 行 順 遲 視天之運,不若 其前 風 實 也 近近 若 (也,或 而 則若 不 . 2 驅 行。 何 近 疾 疾 則 岸 或 何 ? 遲 則 以 六 麒 麒 萬 遠 行 驗 麟 产 疾,遠 里 之? 近 負 近 一之程 之視 日 而 岸 日 而 乘

麗者 迎。 附 三百 曰 : 天 問 而 六 儒 日 附 者説 + 行, 月 也 日 五. 星 不 月 曰:「日行 度,天左行 辰麗乎天, 附 直 之行 天所行 行 也。 也, 若 繋著 百 何 日 度,天一日 果草木麗於土。 以 人附 月右 於天也 言之? 地 行, 而 與 員 夜 天 日 易 行 月 相 行

<sup>0</sup> 右 日 行」四 月之行」, 字。 楊寶忠據《白 「之」蓋「 右」之譌 虎 通 》等 疑 本 句 前 脱 H 月

<sup>2</sup> 合。 皆 黄暉、 劉 盼 遂、《校注》均 以 爲 乃「比 日 字 誤

其取喻若蟻行於磑上焉。

之聲 之 地 水 性 也 天 月 有 不 亦 似 能 附 爲 歸 何 當 雲。 何 亦 氣 行 直 東 地 以 故 以 下 相 不 問 自 行 與 間 自 流 之 0 聞 行 東 爲 火 日 止 日 行 日 猶 列 行 雲不 氣 人 附 行 其 流 : 口 星 終 火 求 海 當 不 日日 ? 處 地 何 身 性 亦 日 附 亦 自 也 行 難 知 : 何 古 趨 皆 日 不 地 天 東 火 由 日 人之行 水 不 : 以 高 附 相 者 西 不 常常 行 : 也 此言之, 附 何 離 天 不 行 往 質 也 北 0 止 附 以 天之氣 無 行 天 來 故 故 朴 方 於 火 行? 直 地 使 爲 焉 何 高 求 火 在 所 鄰 日 之 地 隨 自 以 有 處 不 或 東 行 行 地 氣 不 驗 天 難 行 爲 日 行 接 南 附 不 之? 高 使 不 而 也 列 H 附 也 行 境 天 行 ? 方 星 : 西 不 西 水 地 難 下 明 方 著 附 轉 之 附 驗之 鷄 之 日 如 矣 日 天 也 行 道 附 水 氣 在 天 犬 則 日

> 以 也 道 與 天 生 己 有 施 行 物 爲 行 氣 異。 也 故 也 自 行 隨 然 日 不 天 也 天 月 動 道 而 Ŧi. 氣 轉, 施 無 星 不 一之行 氣 爲 是 施 則 何 亦 物 皆 行 行 氣 自 也 施 不 生 氣 施 曰 難 焉 非 物 天 日 故 不 之行 施 生 氣

問 矣。 焉 鳥 蟾 死 不 物 也 鳥 0 儒 死 ? 蜍 非 久 所謂 者 者 地 儒 在 兔、蟾 火 安 夫 者 火 : 中 得 日 日 日 兔 鳥 之 日 月 無 立 月 蜍 者 : 中 蟾 ? 兔、 生 毁 天 也 燋 無 蜍 日 物 於 枯 蟾 夫 之火 者, 生 中 天,螺: 兔 腐 月 蜍 生 物 有 與 朽 者 贵 物 也 蟾 死 反 天 蚌 人 足 水 與 蜍 如 平 螺 泊 火 火 鳥 也 生 地 之 與 於 久 中 之 月 淵 蚌 日 生 在 中 燋 水 火 中 蝕 也 邪 水 何 同 中 爛 無 時 ? ? 有 中 故 有 氣 而 以 既 兔 如 H. 審 無 生 死 有 異

●「似」,四庫本作「以」。

爲 此 審 知 膂 兔 月 有 也 已 日 晦 日 烏? 非 不 審 常 蜍 實 能 月 何 盡 尚 見烏之形 日 氣 月 且. 鳥 口 月 中 聽 通 察 氣 何 兔、 儒者之言,蟲 而 也 也 爲 通 見 蟾 有兔、蟾蜍? 人之察日 其 若人之腹 蜍, 而 中 能 皆 有 見 物非 何 物 其足 無 臟 名 在 不 ,萬物之心 ? 日 有 眩,不能 日 鳥 夫 乎 中 乎 烏 ? 何 ?

者 之蝕 既 諱 物 如 時 晦 ? 朔 朔 日 在 不 日 日 言 世 蝕 儒 則 無 月 晦 蝕 有 月 者 光 蝕 蝕 如 朔 多 氣 ? 蝕之者,未 謂 自 盡 月 月 也 矣。 力 日 損 説 微 與 也 勁 蝕 2 也 日 日 **^** 彊 弱 月 日 經 蝕 月 合 甚 自 蝕 大 必 乃 之 蝕 故 矣, 日 謂 率 損 變,陽 月 也 能 得 : 月 安得 。 • 也 也。 四 乘 某 蝕 蝕 + 淩 之。 彼 弱 月 以 之, 勝 知 見 陰 朔, \_ 月 月 日 月誰 案 夫 彊 日 独之, 論 ? 月 日 月 也 春 蝕 日 日 蝕 夫 有 晦 秋 常 之 光 之 日 亦 何 蝕 於

> 崖當 其合 雲蔽 月 月 晦 變, 何 者,不能掩 日 蝕之者。 爲之乎? 食, 日食者, 之行 之形 以 朔 光 及其 百 掩 與 驗 相 日 天 八 旦 之? 疾,東及 當 也。 月 日光,故 之 爲 + 復 月 如 不 山 日 夫 變,氣 常 日 時 襲 掩 見 崩 日 使 日 月 也。 易 辟 之 月 日 矣。 謂 地 H 當 日 處 者 也, 自 合 之食 動 在 月 實 蝕 掩 H 然 其 上 相 合, 滿 日 日 假 日 食, 蝕 也 蝕之皆 也 月 端 襲, 既 在 崖 令日 者 月 以 合者 月 是 須 上, 在 月 掩 誰 障 虧 日 掩 也 在 日 在 臾 H 於月 月 有 爲 時 也 H 東, 下, 相 光 上 過 在 ? 變, 時 晦 光 日月合於 其 食 也 下, 月 日 障 日 必 非 或 是 非 一,若陰 在 於日 而 初 在 謂 障 説 月 時 也 東 西 也 食 下 於 復 有 爲

2

暉

疑

有

<sup>● 「</sup>月蝕也」,黄暉引齊燕銘説、「蝕」下疑脱「之」字

今察 调 四 崖 掩 東 日 初 崖 之 掩 之處 復 食 西崖 西西 光 崖 當復 ,謂之合襲相 光 缺 其 東 崖 復 未 也 掩障 掩 者 西 當 崖 如 光 復 何 復 食。

之? 不圓。 列 故 者,水之精 遠 氣 其 獨圓 也。 氣 形 不 若 儒 春秋之時,星霣宋都 不 何以 以星不圓 ? 者 圓 圓 斗 謂 也。 光耀 日 矣。 筐之狀 驗之? 日 月 月之 在 夫 在 若 知 地 日 狀 天 員 體 日 夫日 水 月 猶 月五 皆 如 火 去 不 五. 正 至 不 者 人遠 就 圓 星 屋亦 員 員 員 ,火之精 五. 五. 而 不不 彼彼 視若圓 ,在天水火 也 不 視之,石 星 員 從 如 猶 也 何 望 下 也 者, 列 以 遠 望 ; 也 星 何 月 見 明 光

言 木,九 有 禹 湯谷,上 燭 貢 儒 **⊗**′ **0 ⊗** 日 者 日 居下枝,一 説 有 Ш 堯 日 海 扶 及 時 經》言, 桑,十 + 工 日居 日 伎 並立 之 日 日 上 出 家 浴 有 枝 皆 + 沐 萬 **漁** 水 物 在 以 中。 焦 海 日 南 枯 外 書》 爲 有 東 大 又 方 堯 0

> 者 之有 地 天 其 行之 中 氣 前 月 誠 明。 甲 -水 殆 來。 後若 氣 無 ,宜合爲 也 實 Z 射 時時 精 是 + 必 爲 + 論之,且 五. 日 更 異。 火,天 金 以 日 日 日 也 緣 自 而 1者,大 0 文二 甲 據 木 有 以 有 今觀 如 通 水 至 扶桑,禹、益 + 無 他 故 安 審 無 傳 人 一癸凡 火 + 火 不 物 得 月 日 爲 氣 談 而 土各異光色。 焉 光 也。 並 光 有 + 異,光 + 不 士 + 無 十· 一 日 質 也。 定, 歸 何 日 察 日 有 ? 如 見 以驗之? 火 色宜 一乎? 異 見 世 於 驗 之,則紀 日 日 然 在 者 也。 難 之狀 兩 H 之有 則 地 殊 察 言 陽 知 星 如 所 ; 世 不 居 遂, 其 有 而 H +, + 謂 如 俗 夫 無 氣 小 有 五. 日 火 肯 湯 + 誠 又 日 猶 <del>五</del>. 主。 也 從 谷 日 名 百 猶 辨 星

<sup>■「</sup>禹益」爲二人名,則不加書名號。 「貢」,孫治讓云當作「益」。 按:據下文作「益」爲是

九

DU

時 南 珠 者 似 之 里 假 火 魚 爲 也 扶 宜 日 日 中 多 即 + 乎 令日 相 見《 樹 光 乃 日 桑 H 萬 之珠 ? 日 察 賊 似 非 木 眩 里 數 何 能 Ш 之 夫火 上 耀 也。 家 並立 珠 海 日 則 出 當 則 海 受之。 之日 外 ? 體 出 也 也 ,火光盛 是 非 度 經 禹 + 西 如 天之去人 日 真 也 扶 仰 日 夫十 益見之,若斗筐之狀 ,❷禹、 南 且. 天 斗 之 珠 桑 則 浴 察 何 地 日 有 筐,望六萬 光 由 木上之日 虚 明, .]則? 於湯 + 日 之間 珠 此 言 火 益見之,不 日 數 日 之日 不能 樹 萬 言之,禹 真 也 谷 似 H 焉 目 里 物 ; 人 當當 之 日 堪 猶 餘 日 湯 燭 氣 猶 察 之形 滅 質 非 扶 也。 眩 徑 也 之 + 珠 相 敗 實 桑 能 , 益 耀 干 是 刺 樹 日 類 • 焉 日 木 水 便 知 之珠 里 其 所 故 仰 徑 珠, 妄紀 非 況 宜 也 也 日 其 見 察之, 千 火 然 實 就 名 察 出 + 爲 覆 也 里 堯 之 意 + 是 日 淮 非 見 水 非 日 萬

> 之日 留 畫 天 日 也。 今日 浴 木, 轉 也 則 湯 ? 扶 失 與十日異 行 且 谷 出 桑 如平 安 行 則 禹 而 口 度,行 木也 光 得 益 旦 不 不 日 留 H 見 (,是意 驗 滅 出 扶 + 未 度 於 登 桑 日 日 差 出 九 Ŧi. 似 枝 扶 處 跌 之時 日 行, 且 日 間 桑 其 不 宜 天 而 上 故 而 相 浴 留 行 終 非 枝 知 應 湯 宜 不 有 H 安得 不 + 矣。 谷之水 燋 度 以 也 燋 日 枯 數 夜 不 俱 非 如 焉 枯 出 猶 真 行 乎 日 随 + 以 H 出 與 今

雨 恒 雨 者 ? 星 不見, 何 不 春秋》莊 ? 修《 星實 非 春 雨 公七年: 秋 如 也  $\forall$ 雨 日 者。 : 非 <u></u>
< 雨 雨 夏 公羊 星 四 則 不 月 曷 傳 辛 爲 及 **>** 卯 地 謂 日 尺 之 夜 而 如 如 中

<sup>0</sup> 萬 里 餘 黄 暉 云 作

<sup>2</sup> 四 庫 本 作

萬一下 暉 云脱「

耀,人 史同 星 如 也。 爵 也。 復。』 於天,人察之,失星之實,非直望 地 及 天 Ш 修之曰:「星實 雨 秋 不不 星實 者 地 賃 也 》者,未修《春秋 陵樓臺 如 數等星之質百 萬餘里,高遠非 孔子 泰 焉。 尺,❷但言「如 而 君子修 望見之若鳳 雨 審者天之星,實而至地,人不知其爲 復, 何 及 山高遠,物之小 雖定 從 一、云不 則 地 與同 平地望 ? 如 之日 尺而 雨 其位、著其文、謂實 故 如 霣 及 者 : 復。」君子者,孔 》時 時小大不與 雨」,其謂實之者,皆是 雨。」孔子之意以 地尺,恐失其實,更 泰山 卵之狀,遠,失 日 里,體 爲 直 星 魯史記 如。 從地 泰 霣 大失 一之巔 Ш 如 大光 上而 之巔也。 八其實。 雨 鶴 夫孔子 티 : 在 盛 如 下, 鶴烏之 子。 一天同 其 一, 故 八爲星, 不 鳥 天之去 爲 雖 星 星 實 修 鳥 能 星著 正 孔 亦 地 質 云 也 也 類 與 星 從 之 不 春 如 有 子 如

> 聚,非 孔子云正實 文,❸蓋俱失星之實矣。 氣 今見星實 爲 之也 真死 如 者 人 在 非星,而 見 天 然則實 鬼 時 是 如 死 徒 星 時, 人之狀 正 之形,其 星 言 也 如 其 ; 雨 實 非 實 非 非 星 氣 雨 之 則

夜光 類 夜明 雨 不 見 俱 也 之 明 故 一夜明 春秋 集 也 日 不見,與《易》之言 中 也 左 也 • • 事異 見斗,幽不明也; 氏 星實 傳》: 夫辛 義 同 如 卯 蓋 四 雨 之 月 夜 其 日 與 辛 (明,故 實 雨 中見 夜中 卯 也。 俱 夜 也 星不 · 星 不 斗 妄言月 中 其 相 恒 · 見, · 見

2

<sup>♪ 「</sup>星賈如雨」、孫人和云涉上下文而行,又脱「雨星」二

<sup>「</sup>云不」,黄暉云當作「不云」。

<sup>「</sup>云正」至「之文」,原爲雙行小字,據通津本改爲正文。

<sup>「</sup>與」。楊寶忠云當作「其言與雨俱非實也」。「妄言月雨俱之集也」,通津本「妄」作「其」,「月」作

者 明 則 非 則 無 實 不 雨 雨 且言夜明 安 之 得 驗 與 也 雨 不見 俱 雨 ? 氣 安得見星 陰 夫 暗 如 是 安 言 得 與 明 丽 與 ? 俱 雨 ? 俱 明

之? 精 時三 實 臺崩 **賈**爲 萬 則 矣。 非 俱 左氏傳》曰: 之光 謂 音 物 數 星 之 之星 山亡,亡有 , 壞。 石矣。 或或 雨 辛卯之夜 明 又 當時 也。 精 僖公十六年正 集於 矣。 魯 時 也 孔 史目 與 石 夷 五. 地 辛卯之夜,星霣爲 子 且 日 霣 狄之 星 石 左 「星也。」夫謂 星 雖不合言及 月 不消 左 見,不空言 輕 丘 衆星 同 亦宜 丘 雪 然 Ш 明 散 明 如 從 省 月戊申,實 何 同 有 説 然。 是 謂 集 以 光 五. 則 石 於 在 石 者 地 從 實 耀 星 謂 至 宋 其 爲 也 尺 天 者 地 地 星 之星 石 獨 集下 星, 宋 墜 爲星 有 則 石 而 謂 謂 雖 聞 樓 于宋五 也? 樓 云 何 ·時必 地 列 實 Ŧi. 夫 石 不 以 與 星 行 必 則 爲 霣 壞 有 審 謂 有 樓 雨 石

> 而 石 恐 非 星 失 也 其 與 實。 彼 湯 實 谷之十 者 辛 卯 日 之 若 夜 日 而 實 非 星 日 若 也 雨

九

六

爲 近 也。」 雨 墜,名爲 起 集,則謂 而 如 尚 之狀 遠 當 雲,雲繁爲 於 出 書 差。 太 Ш 論之, 儒 **>** 膚 Ш 者 曰 : 雨 從天下矣,其 4 非 雨之出 雨 何 又 矣。 雨 而 雲 天下 「月之從 以 曰 從 雨 合, 與 明之? 雨 夫雲 ,猶甚 地 ·, 小 俱 Ш 不 從 上 崇 雲載 或 不不 天 則 Ш 星 實 而 朝 下 謂 ^ 雨 雨 泥 從 地 春 雲 則 而 行 露 上 天 雨 謂 秋 載 或 徧 以 雨 下。 濡 則 也 傳 正 各以 天 而 也 風 雲矣 污 **>** 下 從 行,雲 日 雨 衣 然 見 3 天 服 惟 其 小 或 雨 墜 散 大 觸 初 太 出 從 日 2 也 若 出 爲 上 水 Ш 石 地

<sup>■「</sup>雖」,孫人和云當作「離

② 「甚」,四庫本作「湛」。

③「行雨」,四庫本作「雨行」。

降 寒則 麗 之徵也 山 畢之時 謂 曰 也 烝於下,氣體偶合,自然道 爲 爲 之非天 月麗 不雲,天地 雪 ; 麗 夏 于畢,俾 畢 如 則 雨 之時 露 何 爲 上下自相應也。 ? 凍凝者 露 當 滂 ,冬則爲 夫雨 雨 拖矣。」二經咸言 1,皆由. 也。 從 Ш 霜 也。 時 地 發 不 温 發,不從天 月麗 月 雲霧 雨 則 經 爲 上 月 星 雨 不 所 雨 麗

### 答佞篇

知 以 何 竊 力 得 必 然 耕 富 爲 或 欲 而 貴 問 可 佞 違 不能禁者 以 ,必以 以 日 禮者衆,尊義者希,心情貪之,❷ ---得穀,勉貿 取 富貴?」日 佞 賢者行 也。 取 爵 以 可 禄 道,得尊官厚禄 禮 以 者 得貨 一,不 進 佞人知 退 能禁欲 也,人 然 行 而 莫不 道 必盜 也 口

> 得 子 欲 則 佞 敗 志 人,小人也。 無 耐 也 慮 苟佞,苟佞 人 ; 曷 偷 禍 雖 亂 以禮防 問 0 盜 溺 爲 日 有君子之行,猶 小人縱 與 也。 獨 田 情,6以義 以情 則有 佞 君子與小人本殊操異 夫佞 商 與 同 貪利之欲 自敗?」曰: 賢 罪。 知 與賢者 者 • 割 夫賢者 同 偷 欲 有食渴之情。6 材, 同 ",踰 盜 故得 材 以 材 禮 富貴皆 6 欲 君子 行 循道 犯 自 八行,取 宜 義 劾 以 也 鈞 "循 故 人 也 情 所 佞 君 自 進 道 而

問曰:「佞與讒者同道乎? 有以異

不同。

- □「上」,通津本作「於上」。
- [之」,通津本作「欲」。
- 與」,原作「力」,據通津本改。同」上,原衍「何」字,據通津本删
- 「食」,通津本作「飢」。
- 「耐」,通津本作「則」。

姦 賢,知賢以 同 效,❷考其言人非 效 能 能 則 違 以 乎 君皆能 人君皆 知。 佞 匿 親之一 考 知 嫉 佞自得。 佞以 人意 端 佞 妬 其 庸 遠 爲 言。 事危 能 : 讒 庸 唯 不 讒 性 知 實。 遠 讒 賢佞 可 之君,不能 人無詐 聖賢之人以 親 佞; 行 人。 與 讒 而 知 不 親 佞 施 乎? 異行,考之一 賢 知 讒 合 行 俱 莫 則 慮,佞 佞 人以 於德 小 能 發 佞 而 則 知 日 人 動 知 矣。③ 九 莫 賢 賢; 直道 人有 之 也 • 賢 智 德 能 佞 異 别 檢; 自 言 不 知 口 檢 可 不違,佞 夫知 術數。 佞 一覺,知 賢 其 能 知 道 不 讒 4 别 異 行 知賢,不 檢 情 佞 人君 以 難 佞, 材 於 賢 以 故 以 心 人 口 日 人 不 則 知 事 事 不 然 依 害 俱

重 也。 ,莫不曉見 問 然而 曰 : 君 九 國有土之君,6曷 德之法,張設 斗 斛之量多少, 久 爲 權 矣。 衡 常 之 有 觀 邪 縣 讀 佞 輕 之

> 考,情知 以 也 之 在 非 0 臣 知 人 其 情 君 人 穀 與 無 有不 然而 位 常 ; 不 者,皆 有 不 미 能 欺 患 知 惑 惑之 行 無 6 亂 知 九 銓 不 行 患? 德 能 衡 無 之可 見者 不 所 無 可 銓 以 患 檢 則 非 檢 斗 明 ; 其 斛 人 不 物 调 有 察之故 事 故 不 所 效 也 能 量 口

高 功、 追 可 功 謂 進 又 問 佞 知 有 近 日 乎? 不 非 不 能 賢, 相 一行 及賢 襲。 日 非 不 0 賢 合 材 若 則 於九 有 賢 知 佞。 不 無 功 德, 相 不 相 夫 效 及 襲 庸 效 賢 人 行 庸 不 行 材 有 之 檢 不 材 相 不 於 應 相 考 什 無

<sup>●「</sup>德」,通津本作「九德」,與下句「事效」對文。

❷「檢」,通津本作「驗」。

<sup>「</sup>考其言」,通津本無此三字,是

<sup>●「</sup>檢」,通津本作「驗」。

上「君」字,通津本作「居」。

<sup>●「</sup>無」,原作「乖」,據通津本改。

<sup>●「</sup>又」,通津本作「之」,屬上讀

獄

吏

問

日

言

行

無

功

效

可

謂

佞

乎

?

百,取 俱 IE. 立 邪 ,言合行違,名盛 前 舍宜 效 有 同。 成 賢 敗。 佞 是非 殊行,是是 行 廢 佞 之言俱當 人。 非 0 非 實 功 有 名

人。② 也 在 中之逆者 由 善善 善 操 1,察佞-問 善 行 中 聖 中 者 曰 王 大 可 .謂 : 純 由惡,善惡定成 刑 一行 佞, 3惡中之雄 盡 潔 之 憲 謂 之賢,善 無 合 , 佞 佞乎?」 道 九 在 德 ; 惡 惡 則賢,不合則 中 中 中 曰 賢 殊 也 一之功 ; : 高, 佞 聖 諸 故 形矣。 非皆惡 王 賢 者謂之佞 日 賞勸 中 佞。 之 觀 悪悪 賢 聖 賢 世

也。 乎 以 心 省 ? 是 意 故 問 者 、故誅 所能 日 曰 爲 聰 賢, 定也 刑 故貰 明 聰 非 故 蔽 明 、賢者見之不 誤 無 者 有 塞 小, 故賊 爲 蔽 推 佞, 塞 宥過 行 加 謬 推 殆 增 無大。」聖君 誤,人之 疑 行 不 過誤 矣。 有 得 謬誤, 賢 減 之 所 損 原 歉 實 今

> 盜賊 稷、 之? 效。 也,處 儀 秦約 效賢,猶名之不可失 之文,功鈞名敵,不異於賢。 下弱 則 秦 爲 契 若夫陰陽 衰 横,六 畏 六 擾 不 太史公叙言衆賢,儀、秦有篇, 息 功 或 而 能 攘 著 爲從, 六 國 與 人舉 之世,行揣 效 或 (之争) 不 調 明, 彊 ·敢同 廉 彊 和 讓,家 計 載 秦不 6 三秦 也。 攻於關 紀 風 禹 摩 敢 竹 雨 一之術。 行 泉 稱 時適 儀、秦,排難之人 窺兵於關 帛, 道 横 内。 陶 夫功之不 德之功, 雖 則 不 五 當 六 能 賢 秦 穀 此 國約 與 彊 何 無 外 豐 之 之比 命禄 可 以 而 嫉 ; 時 熟 從, 以 惡 張 加 天

<sup>0</sup> 云其下當有「也 佞 人, 原另行屬下段。 一字,屬 上 吴 承仕 今依 云二 劉 説改 字 衍。 屬 此 遂

<sup>2</sup> 功」,通 津本作 「巧」。

善四四 庫本作 「惡」。

失 通 津本作 「實」。

夫」,原作「大」,據通 津 本改。

100

麗。 能 藏 中 俎 昏, 蔽惑不見, 后又賢之君, 察之審 其姧乎?」曰: 偶 於大賢。 高 記 貴 佞 佞 人言利; 功者,材 見,庸 之馬。 當人主 卓,以 Ш 上之脯,指掌中之理,數局上之棋, 也 美 功 人 君 言操 亦能 0 好 畋 故 術 難 高知 辨,佞 儀、秦功美,故 獵者見其 庸 高 數 故《覺佞》之篇曰:『人主好辨,佞 合同 一,説 人主好文,佞 魚鼈 日 以 所 來 之主, : 權 而 明 致 禩 匿 ,何以覺之?」曰:《文王官 人言利,人主好文,佞 説 不見其 是謂 惡 ,思慮遠者,必傍義依 記 淵 非 立 無 脉 中 道 功 録 高 捕 立 庸 德之所 佞 爲 成 人 非 列 材 魚 功 庸 則 解 效。 其 人異行於 者 者 之人也。 之君 何 著效 麗 狀 知 謂之佞。 以 成 無 。』心合意 其 知 也 也 效,未可 明 由 源 其 世 明 此言之, 材 偽 難 ; 太 7,若 仁,亂 摘 下 能 攬載 世 史公 人 禽 而 日 同 辭 潤 視 爲 不 轅 知 爲 司

> 也。 迹, 爲 操 不 者 佞人繫欲稱上。⑤ 上奢,己麗服 合於心也。❸ 揆其外。」是故 言以省其 人法》曰 外外内 覺露 飾 可辨,質誠 證 人之舊 也。 今操與古殊 朝 不 . 往行 相 廷之行,察 惟 問 稱 居善者可 性 人之敢 其 觀 名實 **詐善設節** 曰:「人 不 往 其陽 ·辨,人 言 朝行 以 不 能 共 得, 以 揆 操 相 親 不文,●人君 君 者 與 考其陰,察 其 行 副,際 全忠守 之 好辨 家 可 來 無 節 别 知 言 恒, 佞 考 會 ; 上 儉, 明 飾 節 0 一發見, 權 事 鄉 人學表 者 僞 其 聽 好文, 時 君 里之 無 内 可 其 姧 之 見 制 情 以 來

0

<sup>「</sup>惟」,通津本作「推」。上「言」字,通津本作「行」。

② 「全」,通津本作「含」。

<sup>「</sup>表」,通津本作「求」。「心」,通津本作「上」。

<sup>「</sup>敢」,通津本作「故」。

<sup>「</sup>繫」,通津本作「意」。

<sup>「</sup>考」,原脱,據通津本補。

有應。 變非 宜 觀 日: 異 〈操 之權,爲 其所權 信 賢者有權,佞者有權。賢者之有 ; 者欺 事 0 佞人之有權,亦反經,後有惡。 野佞 有 今以 人,直 事 所 爲國; 應 可論; 素 左 者 故 曲 右 考之, 佞 察其發動,邪 撓 異 人之權,爲身爲家。 0 語 毋 權 乃 儒 變 失實 書 所 Ī. 設 所 可名。 權 乎? 前前 載 故賢 後 權 後

隱 疑。 危 取 苟 求 不 人 不 利 毁 而 利 置意 是故 也,非 故 ,士不附也,安能得容世取利於上? 利 利己,於毀之無益。2 問 危之,故 日 則便得。 不 如毁人,是讒 爲之功 佞 毁之也; ③ 一佞 毁 人 人。 人不 危 人好毁人,有諸?」曰: 也 而 妬 荷利 知 不怨,害人之敗而不仇。 人共事,然後危人。其 如 ; 其害 毁人,人亦毁之,衆 厚 於己, 曷爲毀之? 也。 而害之,故人不 以計求便,以 人也,非泊之。 何則? 佞 佞人 數

> 聲望 與 也。 欲 欲 知,名聲顯聞,君恐人君召問,⑤扶而勝己, 前 人,安之。 然則 人異" 用 故發不言。⑥常 乎 ? 欲 問問 何 問 佞 .則? 人 日 人奈何 曰 望遠則 人,人 : 府 : 在 毁危奈何?」假令甲有高行 佞 佞 甲 ? 日 必 人 人 意 意 郡 騰譽之。 不 以 不 不 不 則 毁 人 對 顧 欲 望 欺 人 近。 日 留 佞 欲 將 於 . 縣, 人毁 人 薦之者衆,將議 0 4 世 州。 一甲 屈 前 間 不毁 人,譽之; 聞 而 毁 · 賢 志 其 用之,其 人於將 高 而 語矣, 則 宜 於 操 奇 危 將

<sup>) 「</sup>曲」下,原空一格,據通津本删。

<sup>「</sup>不利已於」,四庫本作「不利於已」。

<sup>5 「</sup>也」,通津本無此字。

<sup>「</sup>欺」,原作「斯」,據通津本改。

上「君」字,通津本作「將」。

<sup>「</sup>死」,黄暉疑衍。

<sup>「</sup>不顧近」,原漫漶不清,據通津本補。

之,用之不便。 臣 相 損 心 也。 損。」 威 不 滿 自 故 人 不 耐 人君 君 則 下 畏 卧 之, 所 夫用之不兩相益,舍之不 其志, 病 以 用之可 失 賤 名 信 而 損 命 佞人之言 也 譽 之 者 則 自 傷 度 好 賢 不 臣 遂 能 不 所 置 兩 當 下 則

不

用

令我 從横 鬼 乎 儀 下 并 横習之鬼谷先 有 人,●及其 谷 ? 相 勇 忿恨,遂 食以 六 先 泣 師師 威 問 將 生泣 國。 曰 : 出 人,及其 僕 則 有 9 説 鬼 師 西 妾之食, 「佞人直 下 張 則 一人秦。 學檢 人主,須 谷 沾 儀 生。 耐 戦 也 襟 貧 分 鬭 也? 張 賤 掘 數 人 傳 以 蘇 術 須 地 君之地。』蘇 讓 日 高 往 儀 秦 日 兵 以 爲 不 使 激怒,欲令相秦。 才洪 歸 動 法 若 坑, 人自 蘇 人厚送。 蘇 上 以 知 曰 : 秦、張儀 進 ; 蘇 考正 有 猶 衆 秦下 秦 下, 座之堂 上 知 相 其 術 人 以 世 %,從 説 趙, 説 自 詐 則 人

> 能 覺 尊崇榮 所 並 不 知 及 行 日 蘇 明 顯 : 爲 君 闇 者』」 此 不 世 在 能 雄 吾 知 並 傑。 術 深 知 中 有 深 術 3 須 吾 權 明 不 變鋒 術 知 也 出 深 淺 故 此 不 身 吾

身 則 動 身,安能養其名? 高名自立 人 危。 食 ? 小人。佞人貪利名之顯,君子不安,不 利 問 利義相伐,正 安世 專 曰 權 矣。 : 爲 6 佞 佞者 稱 不 人 於 養 養名 , **6** 皆 邪 小 上 名 世 相 人,不 作 作 列 以 反。 高, 高 傳 禍 有諸?」 行於君子。 義 衆,不 棄宗養身, 貪權 動 君子, 據 能 日 凡 養 • 違 其 间 利 何 則 佞

作「吾在」。

上「人」字上,黄暉引齊燕銘説前脱「佞」字。

❷ 「説」上,黄暉云《類聚》、《御覽》所引有「能」字

<sup>「</sup>須」,通津本作「謀」。「在吾」,通津本作「在其」,黄暉云當

<sup>「</sup>食」,黄暉云當作「貪」。

⑥ 「安」,通津本作「舉」。黄暉云乃「案」之壞字。

身,傾死 利 必 夫 君 陵 行 不 不 陽 赴 子 随 以 辱 以 寢 辭 名,竹帛 義 道 位 ,何云作高 爲僇矣,何名之養? 位 灌 進 立 久 袁 名。 所 必 病 近 載 不 佞 不 世 : 以 人懷貪利 伯 應 蘭 道 成子 陵 上 出 王 徵, 身 高 仲子 ; 之心 可 義 委 不 謂 廢 或 以 東 養名矣。 德 而 輕 義 都 耕 壞 禍 昔 正 , 操 於 廬 重

聖 覺 省 哲 大 莫 易 也 ? 曰 佞 知 道 知 佞 難 易 謂 何以 材 問 也 知 路皆 帝 知 誰 高 0 日 : 大 難 明之? 攻 人君 其 知 之。」 佞 曰 : 城 盜 佞 大 跡 襲 大 虞 何 也 易 易 佞 大 邑, 佞 0 察 難 舜 成 知 易 佞 ? 穿 不 事 大 ; 剥 小 知 姦 鑿 小 憂 聖 :  $\wedge$ 刼 書》云 深 乎 佞 垣 小 佞 韓 大 虜 惑 ? 難 墻 盜 知 聖 掠 兜 知。 難 下 亂 狸 小 大 2 覺, 其 步 佞 其 何 發 佞 知 何 鼠 易 易 則 大 效 人 則 如如 竊 盜 則 難 大 事 ? 知

> 數, 威 上 佞 或 下 知 材 材 小 有 ? 0 益 其 下 高 易 日 1 故。 漏 ; 下 煩 立 禦 3論 對 是謂下 大, 下知之,大 擾農 雍 鄉 心 忠 大難 説 失 並 臣 也 以 下見之著 商 麗 漏 之説 知之,上知 仁 不 小 口 美。 9 際 能 損 而 易 給 責 也 易 下 不 也。 4 會 大 屢 佞 益 小 ; 0 麗 損 不 知 憎 上,愁 難 漏 之。 屋 密 美 或 下 孔 0 於 漏 小,下 不 之 益 子 何 上 民 在 人君警 民 能 上 説 則 曰 上 知 説 覺 見之微 一知者 , 佞 ? 之, 誤 主。 悟 設 焉 主 人 佞 小 大 之 之 在 得 損 繫 用 難

剥 IE 通 通 津 津 本作 本作「止 剽

佞 人 黄 暉 云當作「大佞

立、劉 盼 遂 云 當作「主」。

失」, 原作 矣」, 據通 津 本

通 津 本作 計

# 論衡卷第十二

材篇

王

充

程

生 也。 文 便 生智下 短 更 吏 而 淺 事 謂 儒 論者多 儒生、文吏皆有材智,非文吏 儒 也; ,知妄矣。 生陸 之深 生不習, 落 謂 文吏更事,儒 長,是不 則 儒 生不 詆訾儒 可 知儒 及 也 彼 ; 生 生不習 生,亦 謂文吏深長,儒 文吏,見文 以 爲 淺短, 分材 不 也。 知 高 謂 文 稱 吏 而 利 文 吏 儒 譽

何 則 世 俗 並 共短儒 好仕學官 生, ,用吏爲繩 儒 生之徒 表 亦 也 自 相 儒 少。 生

> 益 之論,緣將好惡 儒生之下,文吏之高,本由不能之將。 以官爲驗。 栗,不能 身役於職 者,事多己不能理,須文吏以領之也。 非 有 善謀材,●施用累能 共短之者,見將 於文吏,又非所習之業非所 於時,則官不及其身也。 於 闕,俗共短之,文吏有過 儒 生,付 當 劇 職 是故世俗常高 將 是於文吏也。 判 不 功 有 好用 立,將 ,期於有益。 煩 疑,不 也。 尊 文吏, 賤下 將以官課 當 其 將之不 能 夫儒 俗 爲 能 效 不 文吏理煩 也, 力。 生 敢 儒 . 好 然 材 訾 儒 材 世俗 生栗 力 夫論 用 世 非 生。 材 無 之 俗 歸 下

持領,事無不定。其置文吏也,備數滿員,今世之將,材高智深,通達衆事,❷舉綱

<sup>■「</sup>謀」,裘錫圭云當作「課」,後文正作「課材」。

❷「事」,通津本作「凡」。

一〇六

者 吏以 取 吏瓦 幸、將欲 間 職 勑 不 足 者 長於 9 以以 能 能 必優 事 取 長 建 守 不 石 輔 儒 勝 短 敢 蹇蹇之節 身, 事 放 王 儒 生 志 邪 理 以 救 生 失,低嘿 則 各 者 曲 亂 ",將 珠 忠負 亦 有 志 者 者 必 玉 所 不 在 相 成 也 ,率多儒 也。 軌 能 宜 修 傾 不言者,率 儒 德 德 輔 側 諫 夫 生 立 世 將。 文 之議 務 以 化 諫 之 生。 吏 0 在 者 節 難 將 能 立 儒 優, 多 也 阳 今 不 相 化 破 將 懼 生 文 意 ; 以 堅 各 取 吏。 不 苟 檢 則 職 理 習 文 有 取 案 身 夫 劣。 煩 吏 文 自 世 於 所 容 文

禍 難 待 也 V. 輔 佐 起 敵 佐 日之 爲 材不自 而 則 巫 文吏之能 力不 使 使 照 將 能 出出 足 如自 相 則 不 也 知 須 無 須 能 力若 ; 助 所 燈 案 吏 用 燭 方 之 須 日 也 ; 助 和 之 取 賁 照 則 藥 能 病 待 幽,賁、育之 育 入室 作 爲 勁 當 而 材 求 醫 敵 不 官 祟, 用 及 之 不

> 名。 除 ; 任 化 得 用矣。 陋 吏 不 須 足 能 則 文吏所 取 能 ,學知吏事 於 仰 能 用 越 醫 守古循志 選舉 無 非文吏,患 前 而 以 越 溝 不 害 尊 給 天 溝 售 也 賤 佚 地 其 足 毗 ; 而 儒 儒 走 事 者 丛 材,謂之善吏。 車 戲 於 生 生 能 則 物, 也。 不 馬 不 朝 無 之不習; 案禮 追 踵 救。 進 不 之 閥 庭 人所 遠 文 今世之 見任 矣。 閲 用 脩 吏之後,未 是以 則 聰 所 重敬 也 義, 慧 橋 則 不 橋 能 選 將 走 執 原 梁 捷 梁 輒 不 非 皆 之 舉 相 不 欲 文 不 疾 爲 任 取 文吏,憂不 能 設 不 息 者 吏之所得 力劣知 設,車馬 將 得 能 常故, 退 追 也 相 劇 責己之 良 随 遠 8 見 所 善 足 時 極 也 之 故 不 案 毗 戀

<sup>0</sup> 則 》云「身」不當 上, 原 空 格, 通 津 本 有 「身」字。 孫 人 和、 校

今」,通津本作 令一。

不任 能劇」 通 津本作「不能 任 劇

賤 曲 繩 將 密 高 取 事 戲 度,奏記 務 能 欲 二,臨 不 檢 志 進 亂 則意不得。 署 直 應 不 深 其高志妙 事 落不習。 於文吏,觀 夜學問 義 肯 事 言 言 不 疾才能之儒 下學。 識 事 不 故 指 蒙蒙 對 如 操之人,恥 臨職 世俗 無 有俗 法 將 土 向 觸 所 亦時 ; 謬誤,拜 不勸 所 諱 羞 解過,1 輕之,文吏 材 文 洎 知 犯忌。 恥 或 而 辭 期期 降 人 察事 精 適 無 卓 援 文吏之科 起 意損崇,以 雅 闇 時 詭 於 封 引 不 不 不 所 度 成 薄 蒙 辟 便,進 精 古 及,意 者 急 能 之, 刺 約 義 學 名 轉 遂 縛, 離 將 割 堅 退 文 爲 疏 稱 志 知 實 相 簡 失 守 切 不 媚 而 易 吏 不

跪 史 拜 是以 9 急欲 家 讀 成 世俗學問 律 成 室 諷 一就 **令**, 家。 召 治作 者,不 署 章句 輒 情 能。 肯竟經 義 奏 理 習 徇 略 今不 明 對 具 學 白 同 顧 滑 深 超 習 學 知

> 空室 未嘗見 竄 馳; 趨 不 以 狎 古 日 讎 習 節操之人,守隘 以 經 不 文 -存志 孔 拙 廢 也 吏 而 譁 競進 墨 蓋 非 不 足未 於 問 脩 材 朝 形 頓 舊 不 堂。 象 嘗行 知 學 案 屏 不 竄 禮 闇 堯、 材 及也,希 廢 而 能 驅 不 經不 禹問 之 馳 明 士 儒 日 見 念學。 曲 以 闕 随 者 折 巧 爲, 世 寂 屏 於 是 賜品 目

錦, 手 也。 \*, 居 使材 齊部 爲卒 婦 無 世 士: - 睹,顯 不 未嘗 刺 巧。 繡 露易爲 見,恒女未嘗 6 恒 目見之,日 女 無 者 不 猶 能 憒 ; 爲 爲 襄 憒 易 之, 焉 邑 事 手 俗 方 詭 狎 織

<sup>「</sup>蒙」,裘錫圭、蔣禮鴻皆云當作「薦」。

<sup>8</sup> 2 作「同趨 闕 同 超」,吴承 原作 也 仕、《校注》云當作 據 通 津 本 改 因 趨 孫 和

一勝」原作一也」 揚通津本改

<sup>「</sup>孔」,原作「翟」,據通津本改。

<sup>「</sup>居」,通津本作「鈍」。

爲 今論 謂 敏 之不 業 而 事 無 曰 能 不 知 不 睹 謂 能 不 希 達, 不 通 更, 爲 0 失 謂 志 其 而 之不 不 實 日 肯 材 也 通 爲。 不 。 2 儒 敏 今俗 生 ; 不 材 見 曰 無 未 不 不 習 能 嘗

以 生,儒 文 吏 雖 筆 長 論 從 庭之人也。 上,文吏 暫 吏 猶 孔 宅 爲 朝 賈,❸賈 中 爲 子 耒 爲 庭 科 生闇 墨 其 弟 耜 也。 慧,不 古 謂 用 一之材 在 之也 累能,故 也。 人賢。 不 於 知 下矣。 以 幼爲 文吏。 不 文書 知 曲 能 以子 儒 折 知 幹吏,以 能 如從 今從 生 從農 愈 文吏在 爲農 文 弟論之,則 分 以 今世之將 於 吏 别。 儒 賓 希 朝 業 心以 論 堂 爲 客 朝 庭 前 ,●猶家人子 田 狎 儒 訂 拙 也。 庭 謂 儒 爲 田 之, 生 相 爲 之 文 能 生 夫 猶 賓客 惑 田 吏 知 則 在 勝 賓 文 蔽 畝 曉 子 儒 知 後 ; 客,文 暫至 闇 吏, 弟 賓 弟以 於 以 從 生 昧 客 儒 生 朝 商 在 是 刀

> 斷 儒 習 習 有 所 之能 有 條 修 吏,安足多 決 生 忠 以 論 品品 行 所 而 也 志 善 高 堪 良 爲 者, 不 簿 存志 曉 之業,疏 效, 然 縣 忠節 巧 州 書 簿書, 文吏治 佐史之材, 習 而 非 矣。 從 自 公行 不 事。 儒 簿 無 有 置 顧 書 害 拙 生 賢 故 事 之於下 文也。 務 也 然 於 不 明 事 文 必問 忠 事 可 而 之 任 6 少 無 良,文 夫 郡 立 將, 郡 德 勤 第。 稱 不召佐 法 事 也 掾 損 高 力 程 家 良 口 史。 於 吏 也。 法 玩 學 吏 文 吏 趨 高 **令** 吏、 弄, 縣 取 而 日 史, 五. 理 官 忠, 材, 知 比 成 郡 儒 論者 事 曹 州 事 例 忠之 禮 不 爲 自 脩 生 不 務 皆 求 吏 以 荷 巧 有 口 取 行

6 2 0

自」,原作「目」,據通

津本改。

不

知

類

通」, 通, 通 通 津 津 本作 本作 達一。 達」。

論 通 津 本 作

農業」、《意林》引作「農 桑」。

大 東 最 法令。 經 爲 議 亦 上。 決 漢 焉 家 必 或 以 之所立 日 事定於法 吏 職 古 程 儒 然。 高,是則法令之 生 誠 善 法 爲 政 令,漢 明矣。」 大義 家 皆 日 之 家 出

宜

其 乖 夫 異 中 五 者。 董仲 然 則《 舒 表《春秋》之義,稽合於律 春秋》,漢之經,孔 子 制 . , 無 作

秋 罶 垂 蔽 遺 於漢。 不大五 也 **^** 春秋 經,是 論者徒專法家,不高《春秋》,是 影五 不 通 經 義 也 相 五. 弱 經 穿,既 以 道 是《春 爲 務,

所學者,道 事 不如 道 一,道行 也 文 事 立 吏所學者,事也 一無道 不成。 然則 假 使 儒 材 生

水,燔 同 當當 腥 以 生 道 一者用 學。 火。 如 比 水 於 火,道 文 (吏,洗 也 , 洿 用 泥 之者 者 以

事 本 ·與 也 事 末 事 末 比 於道 ,定尊卑之高 儒 生治 下,可得 本,文吏理末 程矣。 道

之至 堯 通 以 於 俊 神 德 明 致 黎 張 民 釋 雍。 之日 孔 子 秦任 日 刀筆 孝 悌 小

細 知 治一 之不 文 經之業,一歲 之,是使將 鍤 鍤 難 吏,陵 立 不 能 崩 漢 經學至 吏 前 築 儒 能 民 ; 以 孰 之惠吏,太史公序累,置於 不 曹之事 之情 /摇 周公築雒 習,實 及 杖之類 生 屠 織 與通 經 遲 一之學。 道 筆 錦 牛。 治 學 至 考 事 軍 孰 難 於二世,天下 而 優 於 儒 之 刺 也 跡 戦 旬 不尊 者 見 神 不 不 而 繡 文 吏 生 月 民 而 爲 也 明 能 不爲。 吏 能 之 也 能 把築杖。 事 大 而 經學之生 難 ,令人填 立 之 師 爲 之。 欲 斤 儒 ? 也。 能 文 能 牛 合 斵 夫 生 禹 土崩。」 以 誠 吏之事,文吏 縫 能 刀 典 志 也 擿 決 立 何 帷 夫筆 膺 可 知 大 彼 經, 劣 酷 江 難 裳 則 以 大 曹之吏,學 説 道 也 不 見 部 張 之材, ? 河,不 納納 墨 窮 割 聖之意,曉 1 者船 及 湯、 經 三簿書, 鶏 竟聖意。 經之生, 吏事 縷 學 將 ; 而 趙 之 含 親 儒 不 秉 鷄 之 相 致 禹 懷 钁 能 钁 生  $\pm$ 牛 刀 知

器 多 廪 計 章 解 器 如 簿 胸 句 書 中 丘 大 之 篇 者 孰 穎 富 以 盈 與 累 出 上 物 委 千 • 溢 多 聚 金 十 行 如 孰 萬 有 然 坻 與 餘 則 也 貲 文 力 儒 ? 直 吏 生 白 所 博 世 所 學 + 知 名 懷 覽 也? 材 不 古今, 爲 過 口 謂 名 京 辨

之, 篇 路 聖 之性 性 臨 日 巧 自 章 法 黑 非 在 民 歸 顯 之誦 皆 位 則 蓬 之操矣。 非 徇 用 化 惡 采漁 此 生 鮮 私 能皆善也 儒 慕 言 不 麻 爲 冠 所 生。 義 處 間 所 聞仁 習 己 利 文吏 不 謂 志 右 東 爲 劍 善 勉 義 扶 操 則 者 海 ; 幼 被 惡 赴 之 弄 自 則 違 相 則 服 變易 權 權,幸 語。 直 勵 歲 聖 宗 聖 筆 利 ; 變 典 教 叔 墨 教 質 白 長 從 職 也 上 犀 考 性 大 手 日 紗 高 則 事 田 成 習 夜 也 人 犀 故 賣 宅 則 緇 吏 諷 而 明 習 2 廣 將。 并 受 詠 行 召 善 將 舞 儒 不 兼 儒 得 染 出出 見 文 無 生

> 路 隱 員 稱 襃其 吏, 列 春 曹 儒 秋 名 兩 掾 生 會 將 書 什 饗 史 知 記 九 道 皆 設 紀 事 能 置 累 陳 之理  $\equiv$ 其 教 留 授 行 科 太 也 曉 守 以 簿 多 陳 第 書 小 子 補 之量 之 瑀 吏 吏 開 什 故 廣 置 世 府 儒

0

#### 量 知 篇

情治 錢 吏 簡 奇 亦 練 白 也 其 彫 性 程 並 性 夫 材 琢 盡 爲 儒 所 者, 材 賻 彫 生 論 禮 成 程 琢 之 論 死 德 量 其 所 哀 材 也 多 材 以 之家 能 矣。 也。 過 材 行 文吏 操 盡 貧 故 知 德 夫 人 者 未 之者 成 與 學 學 言 者 富 其 學 問 所 比 知 知 人 日 於 以 之 貧 俱 多, 賫 殊 文 反

<sup>● 「</sup>篇」,通津本作「萬」。

②「謂」,通津本作「習」,似是。

與 郟 林,不 淺 也。 先 似 生 中 文 文 繡 於此 之藏 多 吏 能 王之道 吏程 名曰 少 恒女之手,紡績 將 儒 見錢 共 復 同 尚 百, 知 如 生 與 俱 之者 材 多奇 地 皆 卓殊,不後 俱 以 · 何 有 量 先王之道,非徒 種 恒 爲 有 百 葵韮 餘 材 ,失實甚矣。 知文 地 似 富 以以 能 儒 庸 於 人饒羨有奇餘 不知之者,以 並 生侈 爲財 織 文度儒 Ш 此 Ш 與 經 樹 用 比 皆 恒 有 貨 生 0 筆 棗 矣。 女科 地 經傳之學,猶 貧 爲 墨 筆 栗, 如 葵韮 前 性 富 掾 或奇 同 文 矣。 生 吏,並 皆 爲 棗 吏 儒 日 而 也 草 皆吏 若 能 夫 栗 儒 美 生 儒 ; 儒 之 織 奇 不 生 袁 典 Ш 生 也 調 女 生 錦 有 有 茂 性 胸 知

文 富 吏 人 少 饒 貧 道 人 侈 好 德 儒 濫 而 儒 生 而 生 不 富 多仁 爲 人 非 守 義 節 而 也。 者 文 吏好 貧 貧 人富 人不 爲奸 足 人並 者 而

織

錦

刺

繡

之

奇

也。

邪 者,富 巧。」●其 非 所 飡」。 素者 吏,俱 能 位 禄 爲 言 報報 贵 謂 賓客,受賜於主人,富 食禄,❸終 事 空也。 戸 能 則 無 長 以 人有 舉記 位 與尸 道 畏 吏 能 長 藝 以 素 吏 力言者,文醜不 罰 以 無 之業 空虚 陳 道 無異,故 爲 飡 效,貧 不 以 言得 ; 主人者 敢 效,所 者 不曉 文吏空胸 無德,食人之禄 直 也。 失乎 人無 言。 日 謂 一尸位 也 政治 人不 ? 居 一 以 好者,有骨 右 無 禮 儒 復 默 慚 位 食 仁 則不 生 也 而 素 嘉 日 坐朝 義 一受長 然 故 貧 准 之學,居 儒 能 則 見 人 廷,不 無 者 日 情 文 見 將 吏 生 常 肉 也 素 欲 是 吏 之 文 傾 媿

821

0 0 0

<sup>「</sup>績」,原作「續」,據通津本改。

<sup>「</sup>夫」,原作「大」,據通津本改

<sup>「</sup>位」,原作「住」,據四庫本改。

馬宗霍云「情」當作「辭」。「情欲巧」、劉盼遂、《校注》云當作「情欲信辭欲巧」。

之操, 將 惡 侵 自 吏 者 脂 禮 漁 貪 解 不 腴 **>** 於尸 謂 狥 能 也 爵 不 肯 可 敢 之 身 足 文 禄 揚 則 言 位 諂 功 不 犯 舉 止 者 素 名 干 毛 爲 日 此 也 湌 有 將 則 髮 將 貪 居 乎 0 大 郡縣 之言 相 貪 爵 位 位 臣 指 官 禄 又 之 輒 儒 之 顯 者 遂 志 疏 欲 生 府 義 不 取 事 學 置 遠 庭 以 能 間 理 大 利 所 雖 經 諫 遠 郤 如 義 以 以 見 勉 於 而 當 此 常 太 爲 以 上 爲 近 資 廓 公 道 Ш 何 地 諫 正 之 無 事 用 文 戰

握 官 考 斤 夫 此 官 墻 理 重 亦 持 之 責 報 煩 或 壁 筆 作 事 E 日 貧 則 之 : 何 無 用 雖 非 效 以 文 以 築 無 屋 驗 殊 償 吏 廡 道 鍤 ? 也 學 筆 則 則 0 苟 扎 荷 墻 身 日 筋 謂 之 斤 壁 爲 力 能 治 斧 也 官 此 材 文 作 有 把 能 而 書 屋 似 築 治 責 盡 者報 廡 於 定 鍤 乃 於 則 貧 朝 簿 畢 與 用 人負 竟 庭 書 之 彼 斧

> 審 化 之道 貨 名 交易 爲 徒 無 效 非 官 出 不 所 驗 日 尤 溢 富 抱 有 可 作 可 徒 非 此 哉 同 人。 奇 富 何 徒 刀 則 多 也 用 各 農 筆 治 計 富 出 貿 得 其 商 其 屋 斧 人 溢 易 之貨 所 身 廡 精 在 斤 ? 之 願 簡 墻 廳 世 築 榮 練 也 壁 農 鍤 量 儒 也 鄉 之 ; 商 知 其 鈞 0 生 其 里 人 殊 慮 多 且 抱 也 爲 願 業 亦 光 少 儒 道 長 之。 報 明 其 所 生 抱 貿 吏 上 之業 畜 禄 布 立 見 夫 出 也 之貨 貿 是 先 功 溢 絲 者 吏 非 贵 致 王 俱

學 織 本 針 浩 以 質 縷 士 廣 火, 恒 不 有 之 蒸所 烟 絲 火 能 飾 文 熱 竈 庸 章之學 相 與 文 究 之 帛 過 衆 章、 浹 效 何 學 山 光 炫 以 ",猶 加 之 業積 耀 異 材 也 色 絲 哉 黼 澤 榦 聚 帛 ? 潤 繡 黻 口 之有 超 之 華 也 烘 加 踰 蟲 未 Ŧi. 之於 代 Ŧi. 多矣 郟 綵 色之 以 Ш 之 堂 龍 爲 錦 巧, 其 巧 蒸 日 之 物 月 也 未 實 施 耀 燻

無 陣 賢 也 就 切 程 文 無 不不 其 瑳 哉 吏 中 知 法 其 猶 不 琢 核 或 知 骨 也 舍諸 學 磨 者 擊 學 骨 象 世 謂 刺 其 曰 乃 玉 之術 之 之 切 法 成 石 教 郁 者 孫 寶 象 者 切 無 0 武 器 無 曰 瑳 核 戰 彊 刀斧 闔 瑳 琢 也 必 使之軍 人之學 , 廬 磨 玉 勝 之斷 世 也 郁 日 樸 一之善 琢 不 問 者 軍 雖 之人 曉 謂 石 覆 欲 什 用 知 之樸 孰 日 師 勿 伯 能 兵 敗 用 之 者 與 成

猶 學 於 未 可 蒸 銅 師 猶 成 錫 食 之於甑,爨之以 食 、腥穀, 未 飯 而 身之 穀 食之, 之始孰 採 未 氣 有 氣 成 在 腥 益 傷 味 衆 粟 未 日 生 猶 人 石 熟 粟,春之於臼 米 也。 肌 之間 火,成熟爲 穀 未 食 腴 成 學士 爲 成 之 飯 工 飯 傷 也 師 簡 也。 食 人。 飯 l, 簸其 鑿 之 練 粟 掘 生 於 知 乃 未 夫 心 學 甘 肌 爲 人 粃 鑪 蜀[ 米 미 腴 之不 糠, 橐 成 米 食。 也 熟

> 用 夫竹 斷 墨之 於林 矇 春 鑠 彼 路 乃 木 蒸 況 木 爲 跡 矇 成 畔 日 未 之瓦 者 器 人含天地之性 ,麤苴之物也。 槧, 柎之爲 乃 粟 知 竹 成 所 銅 未 人 文字,大 木之類 Ш 未 更 載 間 鑄 鑪 之礫 板 竹 鑠 橐 也 最 者 爲 力 日 彫 名 爲 加 筒 積 爲貴 琢 夫 經 實 曰 刮 石 竹 刻 破 積 小小 削 也 人 者 削 生 以 石 乎 者 於 乃 爲 未 乃成 故 成 牒 爲 Ш 學 積 夫 奏牘 傳 問 爲 木 穀 石 加 記 長 器 未 筆 與

斬 也。 何 不 益 曉 [IX 士未 哉 禮 不 人 ? 義 成 師 入道 路 山 立 門, 也 野 之 門, 草 無 朝 邪 染 茂 經 庭 惡 練 傳 鉤 植 未 之教 布 笮 鐮 除 帛 樹 斬 ,名之曰 猶 以 [1X 表 Ш 郁 之 乃 野 樸 類 成 草 「采,貴 之 也 木 道 實, 其 路 未

<sup>● 「</sup>知或」,四庫本作「或知」。 黄暉云「知」當作「如」

❷ 「粃」,原作「粄」,據通津本改。

梁, 治 能 吉之 儒 致 喪 文 生 彫 也 人 哉 書 服之。 ,猶喪 服 琢 謂 也 文書,❷謂之史匠。 也 之木匠; 當 人 無 人無 服 與木土之匠 染 廳 練 能 道 不 學仕 之治名縠 穿鑿穴埳,謂之土 能 招 官 同 吉 朝 夫文吏之學,學 科,❸安得程於 廳, 也。 庭 穀 其 能 廳 斵 不 不吉 能 匠 削 柱 招 ;

爲 比 也。 多, 庭,有益 籩 經藝之本,有筆墨之末,大道 ,孔子曰:「賊夫人之子。」皆以未學,不 於未 腴 不貴者 豆 雖 不 飯 不 御 能 黍 史之遇文書,不 同 不 吾 操 粱 也,小 誤 鈞 多學問, 刀 者 儒 行伍 使 饜,食糟 生 賤之能 鄭 之 文 子 割 吏,學 御 其 皮使 也。 史之知,6 ,非尊大之職 巧習者,亦先學之。 糠者飽 失分銖;有司之陳 尹 子 俱 何 未 路 稱 爲 使子 足而 習, 雖 有 政 俱曰 6 其 , 羔爲 司 小 也。 之惠 子 於 伎 食, 費 産 朝 過 無

> 方術 之日 與 不信 見 君任用使之乎? 日 日 也 : : 大 9 ,以心意治病 道 也 何用治民?」 日: 錢 夫 也。 何用 胸 何 吏無經學, 在 中不學, 醫 治 ?! 對 無 病 方術,云 ? 手 也,百姓安肯信總,圖 中 日 日 曰 猶 無錢之市 : : 手中 以 吾 無錢。」 用 材 無 能 吾 心 能 錢 能 治 意 貨 使 民 也 治 是 貨 病 主 病 問 必 主 醫 者 欲 而 問 之 不 問 無 必

<sup>「</sup>斵削」,原漫漶不清,據通津本補

<sup>「</sup>書」,原漫漶不清,據通津本補

<sup>「</sup>匠同」,原漫漶不清,據通津本補

<sup>「</sup>遇文」至「有司」,原漫漶不清,據通津本補

<sup>「</sup>知」,原漫漶不清,據通津本補。

<sup>「</sup>鄭」,原漫漶不清,據錢批改

<sup>「</sup>問之曰何用治民」,原漫漶不清,據通津本補。

<sup>「</sup>病也」至「信嚮」,原漫漶不清,據通津本補。

❷ 「與中」,原漫漶不清,據通津本補。

# 君任使之,百姓信嚮之,●奈何也?

## 謝短篇

吏 亦 也 不 文 知 不 程 於 相 也 所 覽 吏 持 材 事 不 悟 過 之。6 文 能 所 古今,不 滿 二家各短 於己未足。 夫 量 故 程 以 吏 劣,不 詶 儒 而 也 謂 材 儒 曉 生 自 ×, 夫 儒 2 生 簿 能 藏 如 能 徒 儒 生 脩 量知 其 不 書, 説 何 各 非 生 以 頗 大 ^ 内 能 論 所 自 彼 道 不 愈 各 》,言儒生文吏之材 自 經 衡》洲 自 短 一,以 知 诵 文 而 有 謂 不不 知 其 是我, 大 自 吏也。 所 文無 文 也 所 之, 謂 道 徒 以 更 業之 通 也。 以 爲 不 害 曉簿書, 世之論 此 大 將 不 知 以 短 事 道 職 反 使 曉 所 戲 未 業 以 未 愽 以 簿 者 爲 儒 具 閉 驕 實 外 道 書 然 不 短 生。 足 罶 各 勝 能 而 文 謝 相

> 徒能説 者 者 者 經 講 古,謂之盲瞽。 知 也 也 古 授 ,主名爲誰 之後,秦漢之事 章句 不 夫 經 知今,謂之 儒 五 , 經之前 滑習義 生之業,五 不 儒 曉 Ŧi. 至於 生 上古 陸 無 理 經 又 一究備 沉 經也 比 不 不 天 於 然 知 然 能 地 則 上 也 則 知 於 始 南 古 儒 者 儒 五 開 面 生所 夫 6 經 生 猶 爲 知 帝 所 口 短 爲 師 今不 謂 謂 王 也 也 今也 盲 初 陸 日 知 瞽 V. 夫 夕 沉 五.

「信嚮之」,原漫漶不清,據通津本補。

「材」,通津本作「相」。

「曉簿」,原漫漶不清,據通津本補

訓 云,「訓」通 黄 暉 云當 備 作 比比 可訓 校 也 楊 寶 忠 云 當 作 馬 宗

6 云,即「奭」之俗字,音義同 慎, 原 漫 漶 不 清 據 通 津 瞿 本 補 楊 寶 忠引 吴 承 仕

「無」,劉文典疑衍。

6

「也徒」,原漫漶不清,據通津本補。

六

弟 代 故 然 年 世 秦 秦 何 禹 也 至 殷 所 經 經 ? 則 瑞 ? 也 何 殷 ? 於 燔 自 當 知 雖 不 學 ? 儒 起 秦 新 審 湯 五 不 載 儒 本 漢 周 歷 祖 問 生 ? 説 經 幾 載 而 而 生 可 得 年 國 於 猶 先 歷 不 燔 也 祀 猶 師 以 自 天 訖 湯 爲 坑 桀 義 何 幾 能 五. 而 不 日 爲 下 儒 遠 今幾 殺 Ļ 爲? 所 夏自 經 歲 周 : 知 説 至 師 難 生之家 連及, 夏 儒 0 秦 祖 漢 ? 於 也。」 易 何 載? 士 則 而 禹 E 后 周 事 不 古今不知 感 孰 人 漢之所 紂 嚮 古 ,世之愚 夫 稷 五 ? 也 五 能 而 問 與 或 棄 久 經 三王 初受何 從 經之家 坑 知 殷 秦 周 之 幾 遠 殷 所 者, 儒 周 初 自 高 伐 日 載 當 之 其 生 滅 稱 蔽 ? 爲 祖 文 也 而 愚 . 所 命? 共 ? 事 事 2 師 人者 周 至 王 人 至 子 知 共 雖 醫 如何 居 家 者 也 今 秦 幾 夏 於 弟 聞 近 昧 宅 人 復 朝 則 誰 始 殷 儒 何 年 也。 也 矣, 幾 温 子 獲 幾 前 於 ? 生 故 而 ? 王

> 曉 説 於 非 夕 夕之所講 經,但 講 不 其 儒 習 經,經事 者之貴也。」 彼 以 名爲 人 爲 3 説 問 義 短 尺 類 曰 義 請 藉 所 類 儒 復 及 短 乃 書,比 别 不 尺 故 以 問 能 四 不 口 儒 都 寸, 於 務 知 生, 曉古今,欲 小道 知 爲 聖 各 貴 以 ,其 漢 也 文 其 事 語 能 各别 未 經 事 知 不 載 朝 日

辭 之者爲誰?」 王 **%** 演 6 爲 先問《易》家: 六 聖 + 重 6彼 四 業 將 , , 孔 「《易》本 應 易》乃 子 曰 作 具足。」問 彖 伏 何  $\approx$ 羲 所 ^ 作 起 象 ? 八 之日  $\approx$ 卦, 造  $\sim$ 繫 文 作

<sup>「</sup>儒生」,原漫漶不清,據通津本補

<sup>3</sup> 難易 講」,原漫 熟」 漶 原 不 漫漶不 清 據 清 通 津 據 本 通 補 津 本 補

<sup>「</sup>載」,原漫漶不清,據通津本補。

之者爲誰」,原漫漶不清,據通津本補。

<sup>)「</sup>孔子」,原漫漶不清,據通津本補。

者何 乎? 三百 周 六典,又六轉,六六三十六,三百六十,是 也?」彼必以漢承周,將曰「周禮」。 少,文有增 制 在 時。 所造? 又有百篇。二十九 何 《易》有三家,一曰《連山》,二曰《歸藏》,三 ? 禮 官三百六十 以 河内女子壞老屋,得《易》一篇,名爲 「今旦夕所授二十 一,殷禮、 六十官,又不見天子。 人?」問《禮》家 得 易》。 漢興,始録《尚 歸 脱? 秦焚諸書之時、《尚書》諸 此時《易》具 藏 減? 、夏禮,凡三王因 》、《周日 伏羲所作,文王所造,《 漢 也。 興 不知今禮 易》也 幾 案今《禮》不見六典, 篇 書》者何帝? 日 足未?」問《尚 年 何所 九篇 : ? 而 一前 起? 復 周 ,奇有百二 時 秦燔 孔 立 損 天 乎? ? 子 子 益 五 百二 時, 篇 經 禮 夫周 篇 宣帝 初受 殷、夏 書 | | 連 ·, 一篇, 篇 廢 皆 有 周 易》 Ш 學 無 以 禮 家 何 之 多 何 何 己 何

> 者? 時 ? 在 臣 老屋 衰時、《詩》何不作? 王,何知其康王也? 之餘也。 在 而《詩》作,蓋康 曰:「《詩》作何帝王時也?」彼將曰:「周衰 前 成、康、康王未衰、《詩》安得作? 刺晏,故《詩 高 得 豈秦滅之哉? 復定《儀》? 祖 佚《禮》一篇。 更秦之時,篇凡有幾? 詔 叔 》作 主 孫 通制 時 也 《禮》見 也 。」❸夫文、武之隆 《尚書》曰:「詩言志, 二王之末皆衰,夏、殷 宣帝時,河内 0 作《儀』 六十篇中, 康王 在 十六篇,❷秦火 品品 一德缺 問《詩》 + 是 於房, 女子 周 何篇 六 4 篇 非 壞 何 是

<sup>●「</sup>奇」,四庫本作「古」。

<sup>2</sup> 即《禮經》。 禮 儀 禮」, 」字屬下,與「儀 黄暉云字誤 今從馬說 」均爲 倒, 書名 當 作 禮 儀 即《儀品 宗 以

<sup>「</sup>也」,通津本無此字。

<sup>「</sup>夫」,原漫漶不清,據通津本補。

制 録 子 問 自 書 也 踵 歌 史記 以 於 作 ? 衛 詠 春 何 以 何 言 周 反 自 秋》家曰 知 魯 禮 爲 以 衛 非 經 作《 此 古 而 哀 反 秦 者 時 乃 春 孔 公 魯 : 燔 采 己 歸《春 時 子 秋 孔 五. 有 詩 然 反 ×, 也 經 詩 子 魯 後 史記 詩 秋 · 也 作《 作 樂 自 也? 有 詩 添春 Œ 斷 衛 本名《春 春 文 **>** , ~ 何 取 獨 秋 秋 也 君 春 周 ×, 無 乎 也 以 秋 周 今《 餘 秋 ? ? 來 何 禮 詩 作 乎 俟孔 孔  $\pm$ 也 加 ? 子 時 ? 無 謂

縈 齊 也 誰 痛 Ŧī. 陶 太倉 爲 其言 刑 也 所 父 詰 作 法 令淳 E 詰 律 案 世 日 乃改 ? 之家 書 今 日 : : 言 于德 律 肉 蕭 彼 無 臯 亦 刑 肉 聞 何 有 陶 刑 五. 爲 泉 罪 高 刑 案今《 壹 儒 ●微 陶 唐、虞時 之 祖 施 生。 作 文。 時 九章》象 獄 不 詣 也 問 得 長 或 必 日 改 安。 孝 日 唐、虞之刑 將 : 悔 文之時 刑  $\sim$ 日 其 九 : 蕭 非 女 文 章 緹 肉 帝 泉 何

> 何? 坐 知 也 題 + 刑之所取 百 造 所 刑 篇 守 ·六,蕭· 0 0 乎?」古 造 ,科條三千。 也 皆 别名 反 何 題 夫揔 信 之《 以 文 何 具 帝 以 師 事 律 故 禮 問 禮 肉 法 其 義 在 其 有 儒 刑 》言《昏 經 蕭 别之,4 6 出 九 多 白 生 也 事 不 章 於禮 何 少 ? 以 問問 頗 威 後 2 同 3 古今之義 博覽之咎也 之,每又不 禮 儀三千 至《 不 、入於刑 베 知 **≫**, 相 數 禮 云 時 應 也。 律 **>** 肉 九 與 又 刑 **>** ,禮之所 刑 能 章 言 何 儒 ^ 今《 亦 也 律 曉 0 > ? 生 正 蕭 盜 禮 斯 不 獨 刑 五. 蕭 何 經 律 去 能 經 經 间 所 何

8 4

2

肉

刑

劉

盼

遂

云

當

作

象

刑

博覽之咎」,原漫漶不

清

據

诵

津

本

補。

<sup>0</sup> 德 四 庫 本作

蕭」 港不 清 誦 津 本

義 别」, 原漫 原 漫 漶 不 清 據 據 通 津 本

經 事 問 」,原 漫 漶 不 清 據 通 津 本 補 補

斯 原 漫 漶 不 清 據 通 津 本 補

於門户 見 ? 時 ? 謂 爵 府 闌 文吏 史、令史,無承長史,何制 七歲 更一 爲公家耕,❸今量租芻,何意? 或 敢告卒人」,兩縣 曉 生,何祠 土 日 1 知其事 何 月, 必 ,今置太守令長, 「敢言之」,司 頭 級 門 吏 步之六尺,冠之六寸, 放 文吏自 , 將 9 錢 上 ? 户 ? 何 罔 何據? 當能 旨 功 何 井 0 歲終 間謂 然。 + ? 法 竈 日 除 知  $=\frac{1}{2}$ 究 伐 6 ? 墻 官 逐 挂 問 達 空日 不言 閱, 年二十三儒,6十五 疫,何驅 何 事 壁 蘆 之 名 何緣? 其 立 ? 何義? 書 索 日 名 義 曉 上 於 畫 : 何 籍 9 簿 簪 ? 户 解 ? 厭 書。 古者 墨 社 通 褭 有 何 上 何 ? 古人井田 火 將 兩 見其意 稷、 0 使立 臈,何 畫 應? 狀 • 丈 郡 郡 封 業使民 問 先農、 ? 夫, 言 移 虎 侯 桃 何 之日 造 否? 帝 指 各 賜 書 於 象 事 有 賦 靈 王 居 尉 門 民 專 民 ? 何 何 人 

> 之致 慎 不 何 七 爵 杖 干 ? ? 賜 五. P 服革於腰, 王杖 何 苟 何 説? 以 故 何 鳩 ? 起 爲 日 吏衣黑 ? 善 佩 分六十, 刀 著 不 於右 鳩 賜 衣,宫 於杖末,不 鳩 漏 舞 而 之 闕 劍 賜 盡 於 赤 鳩 自 左 單 著 杖 B 何 何 鼓 而

曉 簿 書」, 原漫漶不 清 據 通 津 本 補

0

當 能 原漫漶不 清 據 津 本 補

爲 原漫 漶不清 據 通 津 本 補

業」, 孫治 讓 云當作「歲」。

儒」 孫治 讓云當作 -「傅」。

門 户 井 竈 原 漫 漶不清,據通 津

虎」、「門闌何放」,原漫漶不 清 據 通津 本 補

除」、「書 畫」,原漫漶不清 據 通 津 本 補

賜」、「爵」,原漫漶不清 據通 津 本 補

褭, 原漫 漶不清,據 通 津 本 補

籍」 原漫漶不清,據 通 津 本

而 不爵」, 黄 暉 云 此三字 涉 文 而 衍

P

自」,孫治 讓云當作「百

原漫 漶不清 據 通 津 本

衡

王? 知然而不知,亦不博覽之過也。 奚仲何起 書,奚仲作車。」詰曰:「倉頡 造車作書,易曉也。 何人? 王造城郭及馬所生,難知也,遠也。 居城 人備? 郭, 造車 0 出 而作車?」又不知也。 著鉤 輿,何工? 乘 車馬,坐治文書, 於履,冠在 必將應 生馬,何地? 於 何感 首 曰 起城 :「倉頡 何 文吏所當 而 象? 作 作書, 郭,何 書? 作 吏

及,偏駮不純,俱有闕遺,何以相言? 記,對鄉 吏不曉吏道,所能不過 經文,滑習章句,解 夫儒生不覽古今,何知一永,不過守信 便給。 之准 剥互錯,分明乖 無 案獄考事, 閱備,❷皆淺略不 移 · 異。 書 文 下

論 衡卷第十二

「之准」、劉盼遂、馬宗霍云、疑爲「准之」誤倒。

人」,黄 暉、 盼遂皆云行。

# 論衡卷第十三

王充

效力篇

達 彼扛 乎?」答曰 才力 也 者 爲 力,而 疏 扛 「力能 鼎 鴻 也。 通,儒 梓材》曰:「彊人有王開賢。 程才》、《量知》之篇,●徒言知學,未言 鼎、揭 揭 儒 人有 旗、儒 "「百人矣。」夫知 生之 扛 生以 華旗 鴻 知學則有力矣。 生力 力; 鼎、揭 學 者 問 爲 多者博達 舉重拔 爲 華旗, 料敵 力。 也。 堅,壯 德 知 或 文吏以 疏 百 德 問 壯 通 人者, 亦有 楊 士 士 厥 率化 之 子 力 理 故 之 雲 博 多 與 事

> 未也。 言。 常 非 問 其率 乎?」太守無以 今,守信師法; 少都曰:「文吏不通一 子,才能百萬人。」太守怒曰:「親吏妄言。」 能,不答。 有 民。」此 餘 有力者也。 曰:「説 日 力,則 諸 化 : 何則 三王 生能 言 民,化民 賢 少 甲 以學文。」能學文,有力之驗 ? 經之儒,可謂有力者?」❷曰: 人 説 某 都更曰 陳留 亦 應。 百 諸生能傳百 雖辭説多,終不爲博。 子, 須 壯 萬 禮 龐 夫少都 才 彊 章 :「言之尚少,王 義 少都每薦諸生之吏, 能 於禮 經一文,不調 句, 禮 百 非 義 萬言,不能 之言實也, 人。」太 義 須 才 故 文 知 能 章 百 守非 開 然猶 萬 師 甲 某 其

<sup>●「</sup>才」、《論衡》篇名作「材」。

下文重,據通津本改。「問曰説一經之儒可」,原作「陳留龐少都每薦諸」,

i i

文儒。 儒 代,漢監 漢 唐 欲觀覽,●儒 之事 才 以 能 前 文儒 千 儒 周、秦,周、秦以 頗 萬 生不 載 人矣。 者力多於儒生,如 生無 六 見, 經 力。 力 儒 劣 使儒 生 不 來, 所 能 生 不 儒 覽 博 少都之言,文 能 生不 也 觀 説 覽, 也 知 周 則 監 ; 秦 爲 漢

矣。  $\mathbb{H}$ 木 儒 也 石 遠 終死,不倦不衰 而 不亦遠乎?」 暢茂。 之重 生 儒 人知 所 仁以 世 曾子一 生載於學,所載 志所欲 載 多 ,一人挈之; 出穀多者地 非 爲 Ė 挈 畝之收,當 至 己任,不 一石之 徒 由此言之,儒者 一士不 一,獨 + ,力獨多矣。 石 已遠矣。 可 十石以 任 力盛,不 之 不 亦 ·同,輕 以 重 寡 中 重乎? 不 也 田 有 身載 上,二人不能 弘 知 Ŧi. 夫曾子載 重 舉 所 毅,任 地 畝 出文多者才 均 十石之力。 懷 死 力盛者 重 之分。 也 而 任 獨 重 · 至 後 於仁 己 夫 而 草 苗 舉 重 道 於

> 《春秋 牒 餘 則賢者有雲雨之知,故 不 文則是矣。谷子雲、唐子 也 生,況文 知 大者雲多,泰 日記者,文儒也。 能 以 力,極言 茂, 上 爲 然能舉賢薦 影,散 失 ,可謂多力矣。 也。 東乎 事 Ŧī. 理 不諱、文不 Ш 經,4祕 之 孔 不崇朝 實 子, 士 能 文儒 矣。 舉 上 周 書 賢 折 辦 非 書 微 世 夫文儒 有 乏,非 薦 高章 日 文,無 雨 必 多 E 諸 士 記 雨 力 字。 天 奏百上, 生 也 之 之 夫 世 所 下而 也,賢 才 2 力 人 其 不定。 謂 到 、吐文萬 能 過 也 之 之人 筆 達 多 上 於 有 作 力 Ш 用 儒

<sup>■「</sup>覽」,原作「監」,據通津本改。

② 「日」,黄暉云當作「白」

<sup>「</sup>到」,通津本作「知」。

<sup>▲ 「</sup>散」,通津本作「删」。

和、黄暉皆云「辦」當作「辨」,兩「雨」字衍其一。「辦雨雨天下而」,四庫本作「而徧雨天下夫」。孫人

之禍 吅品 乃 書十奏之記,其才劣者,筆墨之力尤難,況 如 罷 也。 夜定舊説 任 時,省五經 中之思,❶必將不任,有絶脉之變。 子雲,文之烏 川則 極 純絶 連 血 ,髮白齒落。 句結章,篇至十百哉? 失 顔氏之子,已曾馳 世 脉而 其 孔子 稱 魂 知 力 死 狂 思 章句皆爲二十萬,博士弟 死 力優,顔 者 獲 於燭 亂 不 也。 少文之人與董 相 常 ,遂至氣 夫以 及 襃烏 下 淵 秦 - , 精思 也 過孔 庶 武 不 獲, 絶。 幾之材,猶有 王 任 勉 不 然 子於 與 自 也。 力獨多矣。 書 任, + 則 孟 仲 Ŧi. 董 塗矣,劣倦 説 伯 舒 才力不 絶 行之贖, 仲 舉 脉 王莽 較 子 鬲 舒 鼎 仆 郭 其 氣 **2** 中 之 相 路 胸 不 滅 楊 頓

之源盛 字。 竭之流 迷惑者 江 不不 本 河之水,馳 源盛 如 也 萬 牒 矣。 故 望 之人胸 涌滑漏 如 見驥足,不異於衆馬之 江 、河之流遠,❸ 中之才茂,一有「無 席 地長遠,無 地 枯 中

> 乃能 夫馬足 薦 彊 無 蹄 含百家之言,其 墮坑谷,有破覆之敗矣。 後,乃能 之人,固 者,則能 人之手,不 助 力之人乃能舉 致之者,罷 躡 輓之。 ,以力爲 平 人手 升 有 取 陸 踰 知 力之將,母乃能 文 是任 而 禍。 羸 同 力之人立 類 馳 無 (難推 如 也 車 騁, 之; 何以 力,遂却退 實 4 Ė 千 也 羸 夫 引, 阪 重 驗之? 能 里 人罷 之 温牛 非 任之車 文儒 之 稱驥之足,不 朝 論 以 徒 跡 任 筋 力 廷。 竄於巖穴矣。 任 懷先 引 爲 力 ', 彊 斯 車 車之重也。 前 長巨之物, 故 以 功 退 王之道 力 須 夫 力之牛 見 却 可 文 薦 人 有 比 還 推 力 力 文 類

③ 「如」,通津本作「知」,下「如」字● 「鬲」,原作「萬」,據通津本改。● 「舒」下,通津本有「等」字。

<sup>「</sup>固」,通津本作「助」。

<sup>「</sup>驗之」,原漫漶不清,據通津本補

衡

三四四

至於 墟矣。 得持之,在沙丘之間 能 乎? 知大,位 之又不能自安,須人能動 之舌,一尺之筆, 能 滯,❷何 舉,而莫之助 遭 之流 知如京,其德 下 離 負 有 乎東海。 荷千 地 大石,沙土不覆,山 力之 浸下 固安得 泂 火之光 時 文儒之知,有似於此。 發 地 鈞,手能決解伸 智能滿胸之人,宜在 將 得 崑 難 益 如岸 達? 崙 升陟 援 也,不 適 如 盛,不 抱 引 也 Ш 江 狹 然後自 其 薦 聖 6 奡、 一,力重 起 地 小小石 舉 盛 主 舉, 得 心仰,溝 岷 一之庭, 育,❸古之多力者 小 高 不 廣 亦將 Ш 石 待 動。 不 明。 岸 鉤 之力,竄 不 輕微,亦 附 能 ,●使之自舉,不 低 水 洫 論説 棄遺 能 人能 於 不 自稱,須人 有人於斯 王闕,須三寸 地 力 決 文章滂沛 持, 能 Ш 洪 不 盛 安。 於閭巷之 政 於 , 山 自 散散 多 能自安。 危峭之 事之 衡 能 進, 力能 門之 道 在 通 滂 身 不 進 乃 其 重 務 丘 流 沛

> 薪於山 能 於山 流 舉薦,其 韋 位 能之大者,其 際, 重 將不 用 以 無 遭 6 林,收 也 上,引之不能 則 所 小 猶 留 輕小之木,合能束之。 能 能 才之 故夫孔 持,則 止 崩 薪者不能 所東之小 由 將 墜 非聖 十量 子,山 於 有 無 動,推之不 坑 才 大石 左右 木 推 不 以 谷 中巨 而 引 上 明 之 崩墜之難 沙 歸 大木 木 道 間 一木之類 土之助 也 矣。 能 大難 由 至於大木 也 ; 移 斯 0 也。 雏 也 ,則委之 行,人不 以論 孔 力 大 子 不 智 或 在 周 能 + 之 知 伐 顯

桓公九合諸 侯,一匡天下,管仲之力。

衡」, 原脱 通 津 據通 本 作 津 本

奡」,原作「夏」, 據通 津 本

通 津 本作「角

難適」 原漫漶不清 據通 津 本

上, 通津本有「處」

能」,通 津本作「必」。

賢 之臣 智劣,不 屬 鞅三 跡 兵 境、蓋十五 魏 後嚥 也。 管仲 古 行 惑 不 能 亡禍 挫 傷。 臣 不 非 也 悲 能 用 軍 有 之 能 弱 舉也。 説孝公,後説者用 淵 怒,斧斵 有 子 入楚楚重 勁 · 破 中 韓 蹈 觀管仲之《明 胥 力 劣之主所 能 比 彊 口 之 用 也 年 或 肩 納 桓 楚 之優, 舉物 不能 魚, 申 ; ; 公能 · 贵 并 至言也 破 不 礚大,一人之掌不能 不 不能用之,●又不能察其書, 出 於秦。 遞 敗 能 其心 受, 不 能 害,行其《三符》,兵不 舉之, 愚主有不堪之劣,以 此 相 用 勝 齊 用 法》,察商鞅之《耕戰 哽 吞 齊 屈 委地 不欲 也 則子胥、屈 是故 行,前二 殷、周之世,亂 咽 食, 原 輕 可 **%**,二子 不 爲 謂 度 爲 六國之時, N 追 重 而 能 壯 難 治乎 趙趙完,畔 口 去,可 下。 彊 力重 所 用 ·, 原 矣。 ? 後 能 故 所 也 推 人之 賢 此 夫 力 跡 取 吴 兩 也 易 弱 侵 相 相 魏 商 才 然 害 不 時 主

> 故力不 魯縞 能 力五 穿革之功乎? 頓發動之主。 頓 求 用 8 禽 賢 石 不能穿。 苽瓠 魚 任 6 引以 相 彊 則有 不 與 引,則有變惡折脊之禍 能 三石, 苽 非 遊 傷德毀名之敗 傷 故引弓之力不 瓠 無 也 9 篠 干將、篠簵之才也 筋 魯 簵 干 縞 絶 之箭,機 將 不 骨 之 穿傷,焉 折 刃 能 不 引 不 能 彊 能 • ; 不 望 4 舉 答, 答 動 無 能 知 斬 也。 不 旗 推 推

賈 不 賤 肖 不 不 論 讎。 能 事 者 自 達 案諸爲人用之物,須 不 日 自達者帶絕 才大道重,上不 不 坑坑 能 人用之,功 6 自 用 衒 而 者 H

6 6 4

<sup>■ 「</sup>用之」,原作「韓」,據通津本改。

❷ 「塠」,原作「槌」,據通津本改。

③「不能」,原爲雙行小字,通津本「不」爲正文,無

<sup>「</sup>惡」,楊寶忠疑作「要」。

<sup>「</sup>用」,原作「貪」,據通津本改。

<sup>「</sup>坑」,通津本作「抗」。

也 草 馳 者,以 持之 功 以 樊、 力、能 之 書,坐知 高 封 樊、酈於獵 以 以 力 尊 殖 走者 重 不 祖 也 能 能 乃 酈 構 及馳 穀 於 ; 行 也 斷 立 撅 人 以 架 農 蕭 封,先 野 韓 斬 地 秦收 何 秦之形勢,是以 别 力 斵 走 信 何 戰 割 者 能 驅 犬 夫之力 其 爲 削 而 造 跖 去 削 所 用 之也 也 斂 及 功 斬 ,工匠之力 功 先 律 者 楚人漢,項 其 以 文 蕭 首 蹈 也。 安坐者, 0 手能 人 善 書 也 夫 之也 之力 何 而 樊、 木 故 蕭 也 ; ; 漢 蕭 能 者 勇 叔 酈 把 則 何 不 室 能 何 安 猛 衆 也 羽 持 孫 蕭 安 比 有 諸 及 以 槌 圖 其 所 將 不 之也 攻 通 何 坐 蕭 攻 有 尊 寧 其 吅 身, 以 戰, 定 一,樊、 能 治書定簿,佐 拾 鋒 以 何 城 主 利 之 能 儀, 知 安,高 於 金 野 刃 案 則 害。 士卒之 力 也 之器 使 酈 獵 爲 戰 能 故 儀 能 何 而 ; 樊、 之功, 力,而 馳 人,同 衆 夫 律 高 量 獨 祖 推 鍤 走, 力 墾 之 酈 其 祖 將 掇 能 引 所 所

> 舉 莫不 如 史之力 北 義 門 有 之爲 之關 力 也 ; 所 榮也 不 論 以 道 以 爲 議 力 力 自 政 者 章 賢 或 儒 知 尊 夫 之 或 力 筋 卑。 骨 也 之力不 孔 人 子 能 生

### 别 通

空 以 貧。 以 有 七 腹 櫃柙所贏 丈 爲 尺 無 夫 富 爲 通 人之宅,以一丈之地 牒 形 内。 人 之誦 通 猶 富 内 縑 中 布 胸 絲 空 貧 中 不 綿 虚 人之内, 懷 通 , 徒 也 百 者 家之言,不 3 四 猶 爲 壁 貧人之宅, 徒 貧 内 立 四 0 人 一,故名 所 内 也 壁立 中 通 者 俱 亦 日 所

- 0 通 津 本
- 2 爲 通 津 本作「力」。
- 8 綿」爲「帛」之誤 黄 暉 云 程 本、王 本、 文 本 盼 遂

之財? 秦,收 力也 肥 博見,其爲 言 不 則 不 及 也 推 如 饒 也 家之術, ,賢者之語 通 裕 類 慕 拾文 以 故 世 以 料 文書御 況 人 貧 人慕之。 書 可榮,非 刺 慕 之也 富 通 Ė 一,漢 世 富 人積 不 譏 天下,天下之富 自黄帝、下至秦 所 相 不 俗之言備矣。 徒 榮 以 夫富 夫富 文十 如 縑 能 通 則 布 差 制 人 篋 人 夫 絲綿也 可 九 不 以 貧 通 慕者 州 如 上 不 與 者 漢 儒 孰 9 賤 使 不 生, 聖 與家 6 貨 文 蕭 人 不 通 賢 書 通 人 儒 何 財 治 不 之 或 之 人 明 生 多 相

覽,猶 鼻不 非 否; ", 其 不 猶 博 知 人 爲 爲 目 目 香 覽 閉 閉 不 盲、 臭 者 闇 罶 見 日 不 況 耳 甚 青黄 癕 聞 矣 聾、 庸 古今,不 日 癕 鼻 人無篇 盲 聾 此 癕 耳 則土木之人, 與盲,不 者 見事 章之業,不 不 也 聞 類, 宫商 儒 成 生 不 人 日 耳 知 也 不 知 聾 0 博 是 然 4

> 海,故 多所 通 飽 都 道 則 察 大 百 見 俱 市 家 多 彌 見 之 足 也 ; 魚 況遊 踈 物 傳 也 奇 深 鼈 無 之言,古今行 海 是 異 也 記 觀 其 大 所見彌 聞 於道 故 遊 也 諧文,深者入聖 也 也 尤 見 潢 於 ; 大 甚 也 汙兼 人 藝之際哉? 都 ][ 海 者 0 大。 都 邑者 道 不 相 觀 涉 事 日 必 淺 通 間 蛟 淺 其 人之遊 不 欲見 深,其 心 於百 龍 水 雨 小 厭 爲 者 市 室 ]1] 泥 奇 111 大 見 足 觀 也 觀 猶 相 異 安安 輒 III 市 行 蝦 於 秘 此 屬 旱不 必 見 多 跡 得 大 非 書。 其 也。 者, 欲 殊 異 東 市 巨 徒 頗 ·枯者 入都 貨 者意 大 故 流 淺 故 無 都 深 也 之 所 歸 者 品 所

② 「人積」,原漫漶不清,據通津本補。 「不」字爲衍文。
① 「不賤」之「不」字,原脱,據通津本補。《全譯》疑下

<sup>「</sup>至秦」,原漫漶不清,據通津本補。

<sup>● 「</sup>也」上,通津本有「者」字。

哉! 之能别 名? 大於百 乎 也 章 或 水 ? 不不 鹹 句 無 流 之生,不覽古今,論 井 不 謂之大者,是謂 法令之家,不 夫 川 也 而 與 廣 人 也,人皆知之; 食, 賢 大 含 潤下 也。 聖 百 或 家 穿 通 作鹹,水之 西 之言 見 井 業 州 行 海 不 鹽 望 事 事 . 得 小於 通者明 井 猶 不 有高 泉 議 海 滋 實 源 百 罪 懷 有 泉 味 ]1] 世 於不 不 鹽 也 百 深 也 之名, 可 井之 111 忧 審 通,莫 東 之 夫 ; 難 利 海 流 海

罶 矣。 光 好 不 之門,説 顔 能 淵 廣 其 日 觀 博 顏 或 日 光 謂 淵 以 五. 習 無 不 博 説 之 經 能 温 Ŧi. 經 日 經。 照 故 我 又 是 經爲 知 幽 以 不 博」者,₫ 者 新 能 文。」才智高 整 *Ti.* 是 之明 其 博衆 窗 經皆習,庶幾 何 宜 啓 贵 須 也 事 牖 而 徒 博覽? 有 守 以 開 者, 守愚 信 經 助 户 能能 户 哉? 之才也 内 夫孔 不覽之 學,不 明 日 爲 也 之 子 我 博

> 孝武 之廷, 狀 其 夫閉 内,穿 其 户 封 開 也 夫 光之照也。  $\stackrel{'}{\equiv}$ 不 後 後 也 户 通 果 皇 内 經 日 百 心塞意,不 百 壙 人之 之説 , 六國大夫 光, 有 死 坐 盡 帝 家之言令人 穴卧 者,凶 楚 謀 時 閉 坐高 所 是故 靈 反 猶 使 燕 願 之禍 自 造 事 高 侍者 日 王 堂之上 也 日 殺。 黄 也 瞻 會 明 日 光 曉 也。 泉之 覽者,死 也 而 在 故 照 閉 明 夫 ; 賦《 + 明 以 室 户 夫 户 眇 際, 非 助 光 人 閉 内, 出 閉 不 詩 升 徒 以 開 宫、欲入所 人之徒也哉 寒 坐 開 **>** 人之所惡也 道 樓 傳 窗 燕 爲 户 慶 通 臺 術 書 牖 向 王 占。 於 封 户 明 之 冥 日 猶 窺 學者 不 胸 不 開 死 冥 齊 几 窗 開 卧 中 之 之 慶 鄰 牖 日

<sup>0</sup> 可」, 孫 人和、楊 寶 忠皆 以 爲

説 通 津 本

才, 原作 約 據 通津 本 改

之」,原作「又」, 據 通津 本改

也。 夫 者 P 氣 不 一一示絶 尚 經藝傳書,人當覽之,猶 通者 故 能 人之不 行者也。 於天地。《春秋》薄 , 彊壯之人死, 榮 通覽者, 亡 國之社,屋其上,柴其下 薄社 華 社 之物 社 之 當 類 通 周 枯 也 氣 以 於 爲城 是 天 故 地

問 夫; 爲 於道 異。 也 師 共宗之。 之力,一也。 夫古今之事 大 謂 門 也 能 其少者,謂之下農夫。 譽手毁足 。 **2** 術 高業之生哉? 故 東 知 之上 無 夫大人之胸 海之中,可食之物,襍糅 味 海水精氣 所 何則? 也。 一儒 不包。 能 百家之言,其爲深多 ,孰謂之慧? 耕 多種 是 夫 渥 知 稱 學 懷 甘酒醴 穀,謂、 盛 多 經指深,曉師言多 牛 土 非 故故 殖 ·之服 同 一,才高 門,高 嘉 之上 其 學士之才,農 不酤 夫 穀, 生物 重 懸 非 不不 農;能 業之生,衆 知 謂之上 紿 道 也衆多 , 也,豈 大,故 譽 蜜 不 8 通 博 馬 以 也。 農 一奇 學 夫 徒 其 其 於 速 未

> 草,邪 野, 多 能 事 也。 喻 若巧之一伎? 良 者,孔子之徙 不見宗廟之美,百官之富。」 蓋以宗 家之言,故能 非 孔 治 也 子 故血脉 服 故 野 心生 故 道 病 百 路 其禍 也。 謂 病之方,治 不達於邑,騎 於 喻 之巧, 不 也 無 以 治百族之亂。 變致 通,人以 孔子道 百官。 子貢曰: 道 不善。 能 無 白 治 美,故譬以 道 甚 由 人之疾; 百 馬乘 者,無 病。 此言之,道達 「不得 是故 病 扁 謂 舟者,必 鵲 夫不 盜 之 道 其 之衆 大才 宗 良。 賊 術 門 廟 通者,惡 宿 廟 忧 而 方 不 廣 白 懷 是 於 博 官 孰 衆 故 醫 穢 由 百

<sup>「</sup>襍糅」,原作「集楺」,據通津本改。

②「大」,原作「火」,據通津本改。

<sup>◆</sup>改。
本改。
本改。
「酷」,孫人和云當作「酷」。「蜜」,原作「密」,據通津

<sup>◆ 「</sup>夫」,通津本作「矣」,屬上讀

之家 空器 之 饑 不 存, 譏 也 兩 觀 古賢文之美善可 啚 文,竹帛之 不 地 能 ~,●深 、衰衣 者 顧 有 牧之。 敵 面 畫 大者不能 者 鬭 不 益 也。 在 孰 孔 相 殷、 不 厨 顧 遭 戰 知 墨 非 激 博帶。 周 與 圖 漢氏 **肴膳** · 金 ; 道 必 之 觀 之業,賢聖之書 徒 勸 所 上 匈 博 勝 術 巧一 銀 地 其言行? 載 所 膳 者,不見言 虚 甘 廓 見。 者 塗 夫 食 粲 畫 2 甘 醢 無 土 極 拙 得 無 飾 德 古 有 然,豈徒 懷 ,土釜之盛,入者鄉之。 故 牧 牧 五. 淺 其 非 不 補 其 多 千 曲 之列 朝 闇 徒器 優 萬里之外, 置之空壁,形 也 必勝 中 聞 里 城 行 廷 之 者不 無 博 荒 , 墻 也。 人 不 毁 越 中 非 故 者 物 識 壁之 也。 御 之物 也 服 器 徒 能 女之學 ,有術之家 益 古賢 無 也 曲 要、荒 空 於饑 懷遠,才 要 畫 見 也; 頑 城 無 服 之遺 哉 容 列 劍 好 鄙 也 實, 越 伎 讀 ? 具 之 觀 之 勤

> 行, 名; 縣 聞 鬭 召諸治下 女之功 見 邑之吏對向之語 必 賢聖之書,有 將 勝 竹帛 也。 之 相 將 所傳 策 覺 3 也。 相 悟 成 ,練人之心 問 人之操 得 故 以 必 也。 以 政 尊 劍 改 化 益 之聲。 伎之術, 政。 曉 聰 之 慧之吏,陳 人之知, 古 縣邑之吏, 知, 文聖 有 必 非 賢 勝之 非 徒 所 徒 戰

經》。 之鳥 物,海 故 則《山 能 禹、 立二事之説。 外 劉子政 海》之造, 非 益 Щ 禹 表 並 益 機貳 治 無 不 見 洪水,禹 遠 能 負 物 使禹、益行 不 行 之尸,皆見《 博 至 遠,《 也。 主 以 治 Ш 所 董 水, 海 地不遠,不能 單 仲 **>** 見 益 Ш 舒 不 作《 主 海 睹 造 記 經 重 山 常 然 海 異

<sup>「</sup>譏」,通津本作「訾」

<sup>「</sup>深」,原脱,據通津本補

③ 「徒」,原作「便」,據通津本改。

<sup>「</sup>古」,通津本作「右」,與下「文」字皆屬上讀。

字。 也,❶行路之人皆能論之,況辯昭然否者,實 或觀讀采取,或棄損不録。二者之於高下 聖先賢遺後人文字,其重非徒父兄之書也, 觀 作《 里之外,且死,遺教戒之書,子弟賢者求索 龍見絳郊,蔡墨曉占,故能禦之。 父兄在千 疑。 讀 Ш 也。 服 海 實 經》; 不肖者輕慢佚 臆不舍,重先敬長,謹慎之一有「力」 沉、 臺台, 董、 劉 子 不 讀《 産 忽 博 ,無原察之意。 Ш 物,故 海 經 》,不能 能 言之。 古 定

矣。 者,非有飽食終日無所用心也,不 道藝,其爲百世之聖,師 且. 書來,比至日中何事乎?」聖人之好學也,❸ 書傳。 死 自孔子以下,至漢之際,有 不休,念在經書,不 孔子病,商瞿卜期日中,孔子曰:「 書傳文大,難以備人。6 以臨死之故,棄忘 漢 祖 脩 才能 4 説 ト針 蓋 五 之 經 不 虚 取 稱 則

> 之乎? 物 微,6聖人之術也。 欲,與三百倮蟲何以異? 爲貴,貴其 快飲,慮深求卧,腹爲 之性,好道樂學,故辨物。② 今則不然,飽 末 凶吉、皆文、武之道 也。 有 東方朔、翼少君 倮蟲三百,人爲之長,天地 識 知 也。 曾又不知。 0 今閉 飯 能 昔 坑,腸 達 有 闇 而謂之爲 占 商 脂 射 爲酒 瞿 人生禀 塞, 覆 能 之性, 道 囊,是 占爻卦, 無 長 所 五 雖 而 列則 貴 好 食

義之文,知古今之學也。如徒作其匈中之諸夏之人所以貴於夷狄者,以其通仁

能

别之乎?2

- ■「於」,通津本作「相」。
- 2 「實」,通津本作「不」。
- ③ 「學」,原作「事」,據通津本改
- ●「漢」,通津本作「法」。
- 「人」,通津本作「之」。黄暉云當作「知」。
- 「微」,通津本作「亦」,屬下讀。
- 「辨」下,通津本有「於」字。

得官; 安得 學 大夫高子也,安能别之? 供,仕官爲吏,亦得高官。 皆能以知求索飲食也。 知 蟲 知 知 ,蜘蛛之類 以 也,❷人之用作,❸安能過之? ,夷狄之次也。 舞 識 取衣 權 别 不曉古今,以位 利之詐,以 通 食, 更經 人,俟以 也。 歷 含血 觀 年月,白首没齒 取 不 夫蜘 次 富 爲 之蟲,無 乎 賢。 壽之樂,無古今之 人不 蛛 隨 ? 將 之經 相 時 通 與 積 長 餓 者 文之異 任 絲 吏,猶 功,以 「亦能 死 終 匈 以 之患, 中之 当 無 術 命 吾 自 飛 曉

之敬 奇 董 燕 明 太 一种經知 、守張 律 昭 覽達 6 爲 將 知之明 鄒 相 孟嘗、東萊 是以 古 爲 長 衍 今,故 儒 擁 吏不得若 也。 鍾 等,彼 梟 離 海海 其 故 太守李季公之徒,心自 産 夫能 敬 内 獨 公以 右扶風 稱 受 通 何 人 知之也,凡石 通,故其接 編 性 也 户之民 蔡伯偕、 哉 如 見 受 大 東 人 賓 圭 生 能 鬱 成 6 光 璧 林 别 **\$** 通

> 徒能 今朝 建美善於聖王之庭 文説美善,博覽膏腴之所 仲舒、唐子高、谷子雲、丁伯玉,策既中實 氣 不 摘 ,數舉賢良,令人射策甲乙之科,若 知之也,金 ,筆徒能 記 玉 乎 疏,不見古今之書,安能 無 ? 潤 生 色。 也 自 使 武 四 帝 者 以 經 董 至

中 章,小學之書,文字備 之問者,是 「木」旁「多」文字且 監 孝明之時,讀《蘇武傳》,見武官名曰 以 問 百官,百官莫 皆 美 命 不能知,其欲及若董 隨 具,至 牒 知。 之人 於 夫《 無 多 能 在 倉頡》之 對 官 聖 也 一仲 核 或

計」。

<sup>■「</sup>如」,原作「知」,據通津本改。

❷ 「絲以」,原爲雙行小字,據通津本改爲正文。

③ 「作」,劉文典云當作「詐」。楊寶忠云《文選注》引作

<sup>「</sup>也」,原作「之」,據通津本改

<sup>「</sup>如」,原作「知」,據通津本改。

<sup>6 「</sup>律」,劉盼遂、黄暉皆云當作「偉」。

舒之知重常,劉子政之知貳負,難哉!

職 監得 積 監 董仲 用,不 如 於世。」曰: 之徒,孫 楊終、傅毅之徒,名香文美,委積 定字,比夫太史、太祝,職在 未 所 豆 不 畢 失也。 舒 紲 由 代,漢監 ,爲身光明。 或 可施 也。 進 雖 日 卿之輩,受時 : 無 聖 設。 猶 此不繼。 以心爲丸卵,❶爲體内藏; 鼎足之位,知 或 博 通 周、秦。 士 微遇之哉? 是以蘭臺之史,班 人之官, 之官 令史雖微 周 然則蘭臺之官,國 儒 王 世 蘭 之 在公卿之上。 生 通覽之人, 臺 文書,無 寵,尊 典 殆 所 令史, 國 以 由 不紲 書 道 興 古 顯 藏 未定 職 也 、賈逵、 典 於 大 牟子 鄒 民 校 2 世 周 用 通 衍 之 而 委 所 書

超奇篇

用 室 其 審定 野見草,大小 用之者也。 古今,萬不耐 論 力,博文强 也。 屋,採草 立 義旨,損 文讀 説,結連篇章者,文人鴻儒 通 夫通 書 千篇以上,萬 以 益 識 而以教授爲 人覽見廣博,不能 無 和 世 其 \_\_\_\_ Щ 所 方 文 見木,長 然則著書表文,博通 間 不 藥者,❸此 句, 多有 識 而 然 人師者,通人也。 卷 ; 以 以 短 而 著書表 上書奏記 下 知 無 不 掇 ", 草 所 能 也。 以 木 伐 不 論説 文, 暢 所 好 知 木 雅 不 以 論 學 所 或 此 閑, 能 作 能 説 勤 杼 興

<sup>「</sup>爲」,通津本作「如」。

<sup>「</sup>典」,原作「興」,據通津本改。

了者」,通津本無此字。

覽 楊子 之以 故 也。 鴻 爲 得 也 有 俶 能 也 思 義 爲 自 儒 儒 文 古今者爲 儻 言之類 創 ; 實 匿 以其 著文者, 生過 人, 其餘 雲、桓君 也。 即 政 以 超 出 生 意 之才不 超 徒 書 文 於 (珍也。 2 不達」 能 之奇 直有 俗 主 也。 誦 人。 孔子得 胸 褒 精 人 讀 人 通 中 歷 貶 Ш 能 通 思 衍 0 故 人,采 者 退 賞 世 讀 也 故 往 ,其猶文、武 任 著 傳 史記 夫 一希然。 孔 與 人勝 誅, 也 詩 夫 往 也 文 書之意,出 子 鴻 凡 儒 諷 能 掇 而 連 所 貴 以 與 儒 儒 生 説 術 然。 不 傳 夫 結篇 作《春 謂 通 彼 生 近 相 雖 復 所 書 通 文 者 草 世 周 千 料 經 誦 譬珠 因 謂 以 覽 章 劉 木 篇 者 膏 貴 史 秋》, 上 超 公並 文軒之比 詩 者 者 不 人踰 腴 爲 子 以 記 書 玉 其 而 爲 能 政 之辭 儒 上 世 奏記 不 者 能 出 及其立 又 鴻 父子、 伐 通 生, 白 間 超 可 4 鸚 用 儒 採 時 於 者 者 多 之 博 非 授 比 鵡 眇

> 超 足 與 世 蔽 Ш 之 之奇 乘 俗 以 車 金 錦 皆 喻 人 玉 也 相 有品 繡 故 也 料 之 奇 夫 銅 方 差 太 丘 鐵 於 而 Ш Ш 既 緼 又 之巔 以 奇, 奇 袍 土 矣。 或出 也 墆 石 長 爲 其 奇 金 體 相 狄 而 玉 其 過 之 又 遠 奇 項 然 有 矣。 跖 銅 鴻 才 儒 鐵 不 相 如

上,不 能 高 陳 溢 第 説 得 稱 若 失, 儒 能 爲 經 生説 谷 奏便 經 連 教 子雲、 明 結 名於 誨 0 宜 篇 後 言 或 章 唐 儒 不 生 子 門, 應 能 ; 或 高 經 或 成 過 抽 者 傳 帶 牘 俗 列 徒 治 説 人 文 古 聚 書 遠 如 今, 衆 於 説 也。 星 紀 牘 説 月 ; 著 奏 或 或 論 之 其 行 能 洞 不

8

<sup>2</sup> 0 其 生《 原漫漶不清 注 釋 》以 爲 衍 據 文而 通 津 删 本 之。

<sup>「</sup>褒貶」,原漫漶不清,據通津本補。

<sup>「</sup>通人」,原漫漶不清,據通津本補。「復因」、「者」,原漫漶不清,據通津本補

衆儒 君 之辭 采 有 君 見,觀 有 《春秋》,二子作 經 前 論》,論世 迹,❷鴻茂參貳聖之才者也。 冥之深,非 事 以 事 嘉令之文。 曲 Ш 玉 此 Ш 萬數 》,楊子雲作《太玄經》, 無 爲甲。 莫不 之才,累其高 者心 人。 以楊子雲,圖君 意 匈 司 讀之者猶曰 ,其過子雲、子高 中之造。 馬子長、劉子政之徒,累積篇第, 而 間 君 羨於玉,鑽 證定。 庶幾 出,不假 自 事,辯 Ш 筆能著文,則心能謀論,文由 君 差才, 兩經,所謂 之才,不 Ш 彼子長、子雲説 照 若夫陸賈、董仲舒 下 傳記 以 Ш 然否; 取於 ,賢於所累。又作《新 龜 來,皆爲 可 對 能 謂 遠 日 外 能 造 知 陽成子長作《樂 得 : 矣 虚妄之言,僞 ; 卓爾蹈 成 於 神於龜 王公子問於桓 高 鴻 漢興 然 也 助 然 下 眇之才,故 思, 論之徒, 而 而 之實 以 孔子之 孔 淺 論 因 來,未 能 子 露 説 極 成 矣。 差 作 育 易 世 文 紀

> 儻 匈 中 可 而出,心以文 謂 得 論 也。 爲 由 表。 此 言之,繁文之人,人 觀見 其文,奇偉 俶

之傑也

之應 以 然後 生也。 也。 自 生於體。 人之有文也,猶禽之有毛也。 内,有皮殼於外。 文墨 相 理 射 副 實誠 有根株於下,有榮葉於上,有實核 猶 選士 驗 中。 稱 荷 在 奇。 矢之中 意奮 以射,心平 論 有文無實,是則 匈臆,文墨著竹 説 奇 之出 而筆縱,故文見 的。 文墨辭説,士之榮葉殼 巧俱發 夫射 猶弓 體 於 正,執弓矢審 以矢中效巧,論 心,其實一也。 五色之禽毛妄 帛,外内表 矢之發也; 毛有 而 五. 實 色,皆 露 固 也 裹 論 皮 於

<sup>2</sup> 0 助, 孫 詒 讓云當作

之」,原作「文」,據通 津 一本改。

王公子」,孫治讓云「子」字行

<sup>」,</sup>原作「徐」,據通津本改

遠 務,非 思 鴻 觀《春秋》以 素王之業也 能 文 日 子作《春秋》以示王 懿之俊 ,鋒不銛 紲 有 ,•令尹之兆著。 陳 表著 深 徒割肉決水之占也。 平 指 也 割 巨 則 情 肉, 丞 見 略 , 割 心, 王意,讀 諸子之傳書,素相 不深。 君 以 相 臣 明 意,然則孔子之《春秋 觀讀 之端 治 己之必能 連結篇章,必 諸 述,身 傳 見 子 書之文,治 足不 ; 以 不 叔 睹 爲之也 得 · 彊則 孫 相 之事 行 大 敖 指 才 跡 道 決 П 也。 智 故 ×, 孔 不 政 期 不

之臣,漢世直言之士 際、文人不 效也。]曰: 之深,不見大道 熟,則能 文相 或 副 曰:「著書之人,博覽多聞,❷學 推 也 與,無 類 此不然。 興文。 3 體要,故立功者希。 且 能 淺意於華葉之言 建功 文由 皆通 周 世著 之驗,徒能 外而 覽之吏。 書之人皆權 興,未 贵 筆 安 必 無 危 謂 説 實 問 根 謀 之 之 核 才 習 文

> 計定 吕 致 札 之言哉! 之文,將而送之,豈徒 唐林之直言,劉向之切 錯之策,與《新 議,爲《耕戰》之書,秦堂上之計 非 氏 力 爲 華 之謀, 葉 説行,退作《春 於霸,4作《 文,情見於 之生, 精 與《 誠 根 論》共 新 由 耕 辭 核 語 中, 推 戰》之書; 意驗於言 同 之也? 秋》之思。 故 雕 思。 議 其 文 意。 文語 飾 以 觀 虞 辭 知 心 谷 也 桓 感動 爲 思 卿 商 永之陳説 趙 一苟爲 君 本, 爲 爲 鞅 城 Ш 陸 趙 謀, 相 中之 華 筆 易 賈 決 葉 墨 消 鼂 集

<sup>● 「</sup>椒孫」,四庫本作「孫叔」。

③「學」,黄暉云當作「與」。

<sup>◆「</sup>力」,通津本作「功」。

<sup>6</sup> 字,疑當重。 通 行,退作《春秋》。 虞卿」至「之議」, 津本作「起」。 寶忠云。 孫 春秋 治讓 》之思 作 云 「虞卿 有 趙城中之議 脱文、「春 爲趙 決 秋之思」 計 計 趙」 定説 四

適 谷 才力 能 開 是 上 奏,解 有 子雲之吏,出 比 造 故 牢。 游游 魯 然, 不 習 解 連 書 熟者 理 文 將 者哉 疏 飛 結 於 相 文義, 書,燕 所能 煩 牒 長 ? 使 身盡 牘 吏, 奪 將 爲 哉? 州 安 於肝 自 也 思 郡 可 殺 連 竭 州 不 夫 心 ; 事,有 筆 郡 貴 非 鄒 鴻 有 ? 牘之力, 陽 儒 徒 憂, 上 如 希 豊 博 唐 疏 有 能 徒 覽 子高 煩 治 者 梁 用 而 章 其 憂 孝 文 所

解 死 前 薄 以 太 士 紀 一之雄 後 守 録 世 也 全 徴 燕 孟 古昔之遠, 詣 州 長 且. 昭 也 觀 相 郡 將 生之身不尊 近 F 屬 漕 則 懷 目 書 在 憂 長 州 俗人之節 以 文 生已蒙鄒 事 四 會稽言之。❶ 軌 無 爲 方 解 刺 舉 不 辟 憂 顯 尊 奏 史 匿,文 除 之吏, 任 筆 不 非 衍 安 州 其 能 之 疏 舉 郡 墨 才 周 寵 貴 以 不 之士, 奏, 長 知 無 故 續 矣 也 少 事 生 在 事 也 者, 郡 長 功 難 結 使 遭 力 將 文 得 不 生 爲

> 與 宛, 子 既 謂 遼之地,未 商 下 紀 上 長 無 ? 之 没 9 達 載 鴻 自 生 憂 文在 文 故 與與 之才非徒鋭 上 雍州 黄帝,下至漢 末 儒 何 之 有 者 言之卓殊,文之美 不 太 曰 仲 出 周 吏哉? 在 也 可 史公《表》《 洞 長 舒 玉 言 兹 歷」。 生。 前 無 荆 乎 仲 於 ? 世 奇 揚 朝 牒 乃 舒 白 然則 生 人 有 鋒 既 文王 其 牘 記 雉 金 也 嚴 中 死 也 貢 **>** 芒毛髮之事 一,珍物 長 相 夫 麗 文筆 於越 之文在 作《 生 孔 贵 似 子 也 非 子 在 産 類 洞 ! 暢 不 徒 日 後 長 也 於 歷 孔 足 唐 文 生之 有 草 \* 四 勒、 子 類 文 獻 吴 遠 上 , 篇 也。 徒 宋 孔 王 君 不 所 於 通 出出

<sup>● 「</sup>目」,通津本作「自」。楊寶忠疑爲「目」之譌,下「以

<sup>「</sup>商」,孫治讓云當作「高」。

<sup>「</sup>宛」讀爲「倭」。「宛」,黄暉云《儒增篇》、《恢國篇》作「倭」。楊寶忠云

苦。 爲 篇 昭 上。 贵 説 而 退置於後,見是,推今進置於古。❷ 論 前 秋 之伯賢,舍而 爲 也 列者,長生尤踰 玉 爲 甲 以 不惑於 江、河 者猶謂 嶽 》記元於魯之義 文辭之伯,文人所 人之業,采果甘酣 亦 實 長 古 會稽文才 而 楚文人也 四 事 生家 今者 太史公乙。 大也。 記 方多 之人,見然 **穉於前** 俗也。 事 在 差殺 譽他族之孟,未 詳 ĴΠ 党 會 長 竹竹 悉 出 人。 稽, 哉 生 獨 班 也。 而 也 義 帛 子男孟 周 州 叔 江 生在 否之分者,睹 ; 天禀元 共宗,獨紀録之、《春 淺 俗好 不 後 皮 長 九 優者 郡 河 理 紀者, 生哉 續《太史公書》 州 今世,文章 爲 高 備 人所 堅 高 多 爲 氣,人受元 爲 瀆 大 爲 古 觀 屈 Ш 得 者 者 高 造 尚 而 讀之者 華 所 也。 原 也 書 非, · 蜜 而 稱 心 明 在 以 郎 雖 華 所 却 者 岱 酪 明 長 未 其 口 精 奇 聞 以 前 文 岱 白 知 爲 辛 生 姓 論 高 上

> 氏 之謂 生實,物希有之。 言,安得不繁? 桑 小 地之瀉也,孰 杏,菴丘 百 比 治定久矣,土 麻 世之後,文論 叔 推民 財 周 皮, 也 有 有, 蔽 家 非 郁 苟 野。 居 事, 徒 郁 可 其 Ŧi. 之 高 之文, 图在百 以 滋 根 辭 廣 夫華 百 歷 古 睹 莖衆 也 民 里 説安得不茂? Ш 歲。 王 而 **心**衆,義 也 之 與 6 廷之義。 多, 班 實 秃 子 氏 乃 文章之人,滋 俱 則 孫 世之末 也 夫 興 父子不足 成者 華 事 相 周 孰 葉 召、 續 起, 廬 其 繁茂 也 也。 宅 華 桃 喻 茂 紀 始 葉 李 大以 漢 茂 無 也 也 成 漢 在 ? > 漢 華 梅 衛

2

朝

者

乃夫漢家

熾

盛

之瑞

也。

天晏,

列

宿

焕

<sup>■「</sup>采」,通津本作「菜」,「酣」,通津本作「甜」。

<sup>「</sup>見是推今」,原脱「是」,「今」作「令」,據通津本補正

<sup>「</sup>文」下,通津本有「者」字。

<sup>「</sup>不」,原重文,據通津本删。

<sup>「</sup>孰」,原作「敦」,據通津本改。

炳 乃夫漢朝 陰 雨,日月蔽匿。 明明之驗也。 方今文人並出見者,

不指 未聞 焉蒙徵拜爲郎中之寵乎? 驚耳者寡。 苦酸之肴,口所不甘味,手不 辛以啖 欲爲好,而運目者希;聞音者皆欲爲悲,而 歲之聲,徵拜之恩,何從發哉? 書每下,文義經傳四科,詔書斐然。 文之明驗也。 主父偃上 所謂,文辭淫滑,不被濤 ,群諸瞽言之徒,言事麤醜,文不美潤, 高 祖 一疏,徵 讀陸賈之書,歎称 陸賈之書未奏,徐樂、主父之策 上書不實核,著義無義指 拜郎中。 方今 万歲; 沙之謫,幸矣, 未聞 飾 徐樂、 郁郁 人。 面者皆 膳 萬 好 詔 無

論 衡卷第十三

歎称万歲」,四庫本作「歎稱善左右呼萬歲」。

## 論衡卷第十四

留篇

狀

故 十莖。 如 仕 也 之分,睹 後,信不恠也。 錢,游 能 宦 寸。 計學 明 不進 論 審 賢 神靈之物 於 高下多少之實 問問 蓍 儒 官官 蓮 實賢儒 之 生七十歲,生一 之才,既 葉之上; 爵 日 夫如是,而 卑細 也 古 之在 故故 超 E 也。 以 三千 程 生遲留 盡 世 矣。 賢 年之半矣。 也 適足以 莖; 龜生三百歲,大 歲 才 猶 ; ,青邊 退 世 七百 靈著 歷 在 見賢不 之人 歲 俗 緣,巨 歲,生 長 神 鋭 吏之 恠 龜 肖 意 其

王充

安能自穿,

取暢

達之功乎

分之深也

賢儒

方節

而

行,

無

針

錐之鋭

固

之難 於清 之 任 拘於礼義之操,●不敢 空身輕馳 頭落汗,行 車 與與 明之朝,立千里之迹乎 且 負荷 一驥 無伯樂之友,不遭王 駑 礼 故 不 馬 日 義 能 同。 有 行 之重 千里 進。 千里者,無 音 驥 一之名。 伯樂 妄 内 曾 進 累 以 顧 苟 於 良 引 今賢 之,王良御之, 所 取 胸 之將,安得 塩 服 中之知 儒 車矣,❸ 故 也 懷古 有 ; 稽 使 今 外 馳 留 服

8 9

於道

遂

無

貪

仕

之

心。

及

其

仕

也

純

持

方

錐

所穿,無不暢達。

使針

錐

末

方,穿物

無

正

9

無

員

鋭之操。

故

世

人

遲

取

進

難

也

針

<sup>■ 「</sup>程矣」,原爲雙行小字,據通津本改爲正文。

<sup>「</sup>持」,通津本作「特」。

<sup>「</sup>音」,劉盼遂云當作「昔」。

<sup>◆ 「</sup>拘」,通津本作「劬」。

在 在 得 俗 則 儒 反 1: 何 腹 其 其 上 而 俗 俗 而 吏 則 在 上 背 吏,並 在 IE. 乘 吏 下 Ħ. 賢 故腹 載 背 在 賢 夫 背 0 儒 賢 含 上 下 儒 其 肉 在 不 儒 賢 血 也。 背 病 非 厚 當 遇 氣 賢 得 若 唯 儒 世 而 且 物 其位 仆 儒 , 死 處 腹 重 背法 之 有 乘 廢 世 下 2 則 似 生 俗 ; 於 位 腹 背 於此。 凡 天 病 也 吏。 世 肉 物 猶 在 而 死 行 薄 踝 下 仆 失 腹 物 將 則 而 足 其 將 僵 法 遇 而 쁄 背 輕 之吏,皆 者 宜 明 腹 害 地 道 在 也 足 道 在 廢 生 故 腹 賢 又 腹 行 在 則 而

地 用 不 失 難 東 吏 給 以 職 如 方 能 哉 朔 方朔 察 積 何 不 之 薪 ? 見乎 矣,後 日 肖 語 故 : ? 夫仕 獨 名 目 來者 以 汲 生於高 不 宦 非 黯 在 失 居 俗 謂 面 上。 吏 地 武 官 而 之 難 帝 在 原 得 以 而 日 於足, 汲 毁 地 觀 黑音 3 , 4 賢 起 位 之言 「陛下 於 救 卑 得 儒 昧

> 進 多 在 身 位 故故 利 能 一,卑位 守 節 自 心摇 用 濟 在 古 心 常 動 故 下 也 不 賢 有 古 則 汲 儒 不 有下 之 汲 拔 俗 故 所 之扼。 道 吏 在 侵漁之操矣 無 有 也 以 沉 其 滯 自 遵 積 之 修 礼 學 留 蹈 身 於 繩 雖 身 沉 滯 拔 也 修

者。◐ 是 長 材 剛 故 速 彊 勁,車 湍 大暴,故 樹 楓 不崇一 檀 桐 瀬之 之樹 以 以 五 流 爲 爲 朝 生 月 變怪 軸。 生 沙 輒 一而 一葉,後 石 成 速 殷之桑穀,七日大 長,故 轉 賈 大 器 者 而 被 晚成,實貨難 大石 菜果之物 春榮之木,6 其 皮 不移。 肌 不 能 拱, 也 售 其 何 堅

❶ 「則背」,原漫漶不清,據通津本補。

<sup>] 「</sup>厚」,原作「享」,據通津本改

<sup>「</sup>謂」,原漫漶不清,據通津本補

<sup>「</sup>以非」,四庫本作「非以」

<sup>「</sup>位」,通津本作「德」。

<sup>「</sup>被」,通津本作「彼」。黄暉云《日鈔》引作「於」。

<sup>「</sup>者」,黄暉據錢、黄、王本改爲「也」。劉盼遂云衍文。

穴處 俗 者 儒之上,賢 者道大,力劣不能 石 有似 ? 之上,大 、没身不 大 於 石 不 此 儒 石 重 . 見。 没 處 而 遇 下,受 而 沙 拔舉 咎在 闇 不 石 長 見。 輕 馳 之故 長 吏, 也 走之使,至 吏 賢 轉 也 不 儒 沙 移 能 俗 俗吏 石 知 吏, 轉 賢 或 超 並 積 巖 而 在 在 於 居 賢 賢 世 大

爵 將 芥,非 風 也 干 動。 用 鐵 鐵 用 也 也 里。 也。 在 猛 故 地 賢儒之道 夫手指之物器 心 必 水之轉 夫 毛芥 夫賢 活 其 暴猥 焱 焱 轉 進 水 風 風 在 儒 不 沙 洋 沙石 察 不 非 若 所 鐵 石 風 俗吏之易遷 能 1者,湍流 吏 懷 俗 石 **焱** 徒 毛芥 動 不 也 其 間 吏 物 詳 ; 風 也, 速者 猶 度力不 0 器 瀬 不 之飛 毛芥 遭 水 也 之重 動。 以 中 ; П 長 猶 毛 在 能 好 飛 大 之氣 . 吏力 也。 毛芥之易 芥。 其 舉 遷,妄受官 毛 石 無 芥者 間 道 能 是 劣 在 則 足 理 故 吹 不 飛 地 不 故 之 焱 毛 能 金 吹 金 揚 敢

> 毛 芥 大 異 風 베 飛 沙 石 遭 猛 流 而 轉 俗 吏 遇

悖將而遷。❹

故 達 爲 之方物 投 几 可 便於人, 趍遠 貴 足 闕 ; 而 日 策 : 下 止 Ħ. 尚 燕飛 0 杖 也 蝗蟲之 員 ; 不 然 吅 及 物 其 能 輕 其 動 而 投 難 自 於鳳 飛,能 人不如鳥 蝗 移 之 纔 致 轉 蟲 徙, 於 移 微 ; 凰 爲 人 至 者 地 須 輒 完免走 灾 有 一萬 停。 人 其 東 兩 里; 然 麒 動 動 西 6 疾 足, 而 殿 之。 須 南 方 於 麒 天 安 爲 人 物 北, 麒 6 地之 麟 能 瑞 也 賢 产 集 須 無 自 性, 獻 儒 地, 達 鳥 鼃 麟 躍 ? 有 乃 車平 世 不

<sup>●「</sup>焱」,四庫本作「飆」。孫人和云當作「猋」。下同。

<sup>2</sup> 下脱「沙石 活 水洋 風 毛芥不 劉 盼遂 動 云「活水」下脱 黄 暉 云 活」當 「沙石不轉」。 作「恬」、「毛芥」

③ 「芥」下,通津本有「也」字。

<sup>◆ 「</sup>吏」,原脱,據通津本補。

<sup>「</sup>纔」,原作「繞」,據通津本改。

<sup>6 「</sup>之」,通津本作「舉」。

爲 儒 者 斷 斯 故 成 刃 温 大 乃 躁 身累 易 ,百熱煉厲 夫 爲 遲 陰 須 顯 於 之 留 河 寒, 酸 肉 王 靈 害暴 也。 暴 作 冰結 皆 0 輔 白 龜 歷 長 里 皆 醢 有 月 虵 疾。 奚之 者 合 干 暴 狀 夫 騰 乃 日 將 酸 久銷 故 非 便 至 沉 故 腫 知 之 者 於 ; 日 重 狀 易 泉 乃 劍 日 明 神 災 難 之寒; 見作 故 臭。 暴 於 變之 龍 其 進 出 云 黄 進 之人 在 2 留 何 者 髮 日 氣 鋭 爐 由 積 ? 望 日 ; 者 成遲 也 炭 此 深 之 涌 土 學道 退 言 朝 徒 成 爲 銛 故 酒 速 輕 之, 成 或 Ш 多 鋒 白 能 躁 暴 賢 非 陽 早 重 熱 割 利

字。 陸 行 而 疾。 船 輕 兀 者 草 6 行 氣 易 木之生 於溝 所 先 舉 王 在 其 濕 之道 者 在 而 濕 滿 生 重 載 而 不 濕 者 重 在 在 者 難 者 胸 枯 重 移 行 腹 也 遲, 死 之 是 者 内 空 故 然 枯 6 車 而 有 行 4 其 邨 能 者 於 重 枯

> 有 趨 載 矣。 且. 不 如 不 門 賢 8 時 穀 有 徒 儒 船 之勢,奚 郭 光榮也,而 竊 奔 得 閉 之 之 都 人 車 之 不 非 之 而 賈 物 進 任 不 己 由 人 通 之 尸 也 其 早 齎 將 力 位 津 得 至 貨 相 任 素 也 梁 非 以 赴 長 飡 重 絶 不 得 遠 吏 之謗 世 疾 而 0 皆欲 不 盈 其 谏 不 利 開 早 諠 取 過 忧 哉 通 得 得 進 ? 譁甚 然 雖 也 其 高 疾 10 有 而 速 願 矣。 農 長 勉 非 也 力 夫 非 吏 難 其

- ■「熱」,通津本作「熟」
- 2 「醢」,劉盼遂云當作「醯
- ❸ 「道多」,通津本作「多道」
- 「枯」下,孫人和云當有「枯者輕」三字
- 「空」,原作「實」,據通津本改。
- 「腹」,原作「中」,據通津本改。
- 「重」,原作「貴」,據通津本改。
- 「不疾速也然而」,原爲雙行小字,據通津本改爲正
- 「矣」,原作「徒」,據通津本改。
- 「哉」,原作「故」,據通津本改。

四 四

敢 妬 賢 望官位 不 能 升 容 舉 善 道 不 理之早成也? 被 鉗 赭之刑 幸 矣 ! 焉

## 寒 温 篇

外。 之怒,將有相 喜怒變; 凋 成 天下未必常寒也。 秦、漢之際,諸 氣,何以 怒之時,胸 何 賞 君 物 則 罰 未 傷 見 ? 説 外 必 0 人。」夫寒温之代至也 寒 異 喜怒發 境 寒 有 温 賞罰,喜怒之效。 於 中之氣 内 温 喜 者 勝之志。 境 寒 侯 則 怒之 曰 : 於 温 内 相伐,兵 知 未 之氣 胸 太平之世,唐、虞之時, 何 胸 氣發 人 中, 必 中 所 夫有 君喜 ? 更寒温 之氣 生 然後 (革滿 胸 起? 中 胸 相 則 也。 中 行 殺 道 在 故寒温 然後 温 也。 之氣,不 或 出 之氣,當 數 六國之時 當 於 怒 日 胸 有 渥 人 之間 渥 外 則 中之 相 君 盛 盛 寒。 政 時 喜 於 攻

> 時 得 爲大動邪? 天 民 下未必常温 安、人君 何其不與行 常喜, 也。 絃 贵 歌 喜怒之氣爲 事 鼓 相 舞, 中得 比 屋 也 小 而 有 當

變在 其位 之在 當 外宜微。 何 則喜怒亦能致氣。 怒之所致。 在 人 南 則 一,庶人之變在 8 ? 君喜怒之時,寒温之氣,閨 鑪 天下,諸侯之 夫近水則寒,近 水位在 ,水之在溝,氣之在 氣之所 今案 世 北、北 寒 儒 加 温 説 其家。 變 遠 父子. 外 稱 在 邊 火則 近 境 内均等,始非 則 妄處 相怒,夫妻相督,若 有 内,卿 夫家人之能 寒,南 差 温 之 軀, 也。 遠 也。 大夫之變在 極 其 門宜 之纔 成 則 實 人君 王 熱 乎 甚,境 致 者之 微。 火 也。 喜 位 火 2

8

乎」,通津本作

<sup>2</sup> 0 外」, 原 脱 據 通 津 本 補

通 津 本作 漸」。

當 由 怒 此 言 反 之, 喜 變非 縱 過 喜 飾 非,一 怒 所 生 室之中 一明矣。 宜 有 寒 温

里皆 設 起 地 相 寒 原 以 怒 地 故 温 之 3 寒 齊 温 之 龍 者 賞 招 寒 乎 賞 性,自 寒,殆 時 今寒温 致 致 愠 賜 於 氣 或 大 口 ? 魯 風 恚 日 辟 應 हिंडी 氣 可 雲 罰 盛 共 陽 之。 雲,齊喜 · 愠 案 非 然之道 矣。 起 之變,並 寒,寒 類 道 雨 以 前 其 所 志 誅 百 應 虎 施 驗 動 世 類 致 虎 里 龍 嘯 子 用 宜 相 嘯 相 随 怒 也 殺 内 而 刑 齊 時 而 殊 之 招 招 刑 於 陽 陰 來, 者 谷 皆 時 至 致 致 秋 龍 氣 他 魯接境 道 然。 風 當 也 冬 影 虎 温 蚩尤、亡 谷 相 風 者 至 時 故 斷 應 招 從 異 殺 口 龍 故 白 喜 口 日 刑 賞 形 審 境 谷 , 氣 里 齊 以 温 者 9 矣。」 而 興 中 秦 罰 共 用 陰 形 或 氣 和 無 小 去。 而 起 甚 類 刑 應 温 逐 口 氣 温 有 夫 獄 景雲 ; 時 景 寒 之。 天 風 龍 比 微 動 和

> 衍 萬 几 庶 不 變 都 殺 肩。 如 人 蚩 ? 人 能 户 動 之 下 不 用 也 牛 尤 失 氣 羊 之 當 受 市 而 能 當 鄒 萬 0 火, 0 民 氣 刑 時 刑 衍 日 如 氣 夫 天 輒 貴 者 夫 並 以 兀 用 煙 不 湎 寒, 下 乎 用 氣 除 夫, 百 焱 能 人 刑 湎 ? 未 刑 當當 生 感 數 禽 者 參 寒。 紛 者 必 必 皆 天 或 刑 時 紛 常 動 刑 須 物 或 日 歲 ; 感 ; 人 寒 氣 而 人 人 也 月 曰 殺 亡秦 河 氣 乎 也 氣 殺 君 : 之 牲 決 唯 俱 ? 輒 禽 世 千 氣 之路 人 帝 人 爲 皆 温 世 V 用 不 里 同 貴 萬 都 君 乎 有 何 然 受刑者 温 ? 於 動 物 之 賊 稱 赤 之。 几 心 物 氣 市 心 於 望 百 衣 往 赦 也 **\$** 刑 爲 無 年 衆 賤 比 鄒 唯 帝 屠

<sup>■「</sup>者」,通津本作「肅」。

<sup>「</sup>刑」,原作「形」,據通津本改。

<sup>「</sup>原」,楊寶忠疑作「涼」。

之家 之時 所致 垠 ,因緣名之矣。 不寒不 火與 然而 温 寒温之至, 氣 温 同 水水 然則 與 寒爲 遭 寒温 與 類。 賞 之至 罰 一,殆 同 失 時 火 非 變 政 河 復 治 決

此 也 刑 治。 自 然。 皆 言之,寒温 何刑 斷 正 春 夫 温 月之治 所 令 四 夏暑,秋涼冬寒, 斷 吾 時 ,天地 ? 空 非 . 虚 當 政 正月之後,❷ 節 其 所 然 氣 温 爲,而 而 也 非 人君 寒 人所爲 何 謂 立 賞 寒温 春之際 温,當其 無 所 ,明矣。 事 施 獨 ? 應 四 由 寒 百 政 時

寒谷 衰 燕 夫 調 風 ; 和 身 逢 人 轉 種 近 其 氣,身生寒 不 爲 黍 有寒温之病 氣 而 生 温 其 猶 ? 中 五. 疾,吞 不能變 人中 穀 温 號 發 E 於寒,飲 鄒 除 ⋾₃非操行之所及也。 黍 變操易行,₫ 汗 衍 其 谷。 之丸 疾,國 吹 律 藥 如 而 行 審 邑 其 應 有之, 解 遠 寒温 谷 愈 所 矣 口 安能 不 寒 種 苦 燕 除 温 有 稍 遭 6

> 致 行, 寒 谷之氣,非 何 之災,復以 亦 温 能 知 滅 與 知寒 夫 除 堯之洪 洪 ? 温 水 律 吹 非 不 是 非 律之事 水 政 故 調 政 治 寒 行 口 所 温 堯 調 所 招 之疾,非 遭 致 和 實 洪 也 其 水,使 洪 氣 水 堯 藥不 變 非 不 政 禹治之。 變 政 愈; 易 政 行 易 所

若; 温 適 寒,舒不 應急 自 君急,則常 舒... 然, 或 舒, 難 恒 温 若 燠若。』若,順; 日 故 哉 謂 • ? 之 寒順之; 相  $\overline{ }$ 應, 非 (洪範》 政, 君 猶 急 1 如 舒 庶 之得 舒 何 則 燠,温 徴 ? 而 曰: 常 兆 寒 夫 温 , , 筮之得 温 急, 贵 順之。 恒,常也 遞 謂 至, 急 恒 偶 數 寒 不 寒

<sup>■「</sup>爲」,通津本作「氣」。

❷ 「治」,通津本作「始」。「正月之後」,劉盼遂以爲行立

③ 「人有」,原作「有人」,據通津本乙正

<sup>「</sup>操」,原作「慘」,據通津本改。

⑤「其」,通津本作「寒」。

若。」 大人 此 後 曲。 降。 之應 天 随 而 水旱之至 自 天 然 其 六 也 者 一時 言之,人言與《 掛 然 天 日 氣 無 實 如《洪 天 不 與天地 也。 陽 己 偶 急 變復之家,疑 而 七 爲 已 違 至 有 謂 分, 舒 升則温 然。 洪 耳, 自 寒 不應政 故曰 天 範 《易》京氏布 猶 範》 令參偶。 一卦用 合德,先天 温 地 何 何故 》之言,天氣 兆 有期 陰 以 於 曰 應令問,其 數之應令問 道 尚 前 急 驗之? 且 治 升 復言後 也 節 事 書 失 也 則 而 遭 4 W 實。 而 六十四 寒。 不 使 適 人 百災 桂 恒 随 天 案《易》無妄之應 合 賞 應 夫 實 天 逢 有 寒 何 不 人易徙 由 也。 6 罰 天 政 而 會 適 若 萬 陰 違 以 此 掛 奉 道 事 然。 於 變,殆同 陽, 外 ; 後天 爲 言之,寒温 於 9 自 疑 後 天 舒, 當當 若相 疑? 事 氣 是有 然 時 夫 也 也 歲中, 始 0 有 乎 先 恒 而 應 作 非 ? 燠 升 夫 京 奉 自 由

寒 温 之説 陰,而 温 怒,兩 温 寒 氏 不 占 而 日 亦 寒温 明 家乖 以 温 暘 未 日 類 者 氣 立 以 温 迹 寒。 相 陽 陰 也 · ●二疑 應, 朝 世 陽 夫 有 升降,變  $\equiv$ 繁霜 雨 雨 疑 者 也。 日 也 陰 暘 夕 復 民 暘 反 有  $\equiv$ 之家 間 寒, 者 疑 列 占 陽 不 光 以 寒 暘 定, 也 月日 温 刑 日 ;

寒

者

雨

氣

雨

反

今日

賞、

喜

## 譴 告 篇

論災異,謂古之人君爲政失道,天用災

0

8

自

然

<sup>「</sup>使」,原作「始」,據通津本改。「夫」,原作「矣」,據通津本改。

<sup>「</sup>有」下,吴承仕云當有「爲」字。

<sup>「</sup>曰」,原作「若」,據通津本改。

<sup>「</sup>人」,黄暉、《注釋》云當作「易」。

<sup>「</sup>迹」,黄暉云當作「違」。

有災 於鼎 政 乎 知 大 爲 不 病 中 災 夫 爲 神 異 王 疾 以 天 應 ? 異 國 譴 如 病 譴 君 譴 日 風 譴告 告,故 孔 異 告 之有災異也 告之 小 用 口 皆 病 謂 氣 家 猶 子 也 者 人君 刑 天不 欲 人 天 天 不 天 也 非 明 和,歲 則 是其 既 譴 嚴 猶 猶 復 其 有 時 物 其言 烹 明,人之身 王 下 氣 譴 猶 人 災 災 事 君 烹釀之誤,得 懼 災 勺 西襄 告 則 味 人 異 生災異。 ,猶家人之有變怪 異 之喻, 可 ; 之 異 寒; 藥 而 君 調 人 也。 非 乎? 信。 有變怪,天復 有 思之也。 得 ,天其忘 責 失 施賞違 一,復 悪 足以 怒臣 其 也 中 血 衰世霸者之才 味 和 災異 亦 脉 醒 以 審 也。 時 下 見 也 將 不 予乎 酒 寒温 節 曰 : 或 天 譴 謂 也 可 調 於 苟 鹹 告 夫 天譴 譴 以 則 也。 罌 此 \_! 爲之效。 使嚴 謂 政 苦 告家 故 人 也 喻 温 疑 災 % 治 烹 生 告 楚 天 酸 也。 占 之 疾 身 人 有 異 嚴 猶 王 異 淡 肉 或

夫反復之家也,言未必信,故疑之。

四

八

豊 覺 王季。 易其 其 從 施賞 覺 實 爲,非 歷 且 者 政 悟之。 矣。 太 温 悟以 適也。 違節 氣 爲 王亶父 夫天道自 宜 自 使太王不易季名,而復字之季,太伯 且. 爲 寒爲 故 然 避之哉? 用 天 異氣,若太王之易季名。 君 賞 也。 以王 刑 審 太伯覺 温 得 氣 「然也無 非 能 以 黄老之家, 以 温 季之可立, 時 譴告人君, 覺 而 譴 今刑賞 悟,之吴、越 刑 悟 天 爲。③ 告之意,欲 宜 氣 知 是 爲 寒 論 失 如譴告人,是有 宜 非。 寒。 而 説 故 法,天欲 變 天 採 易 令變 天 今乃 易 變 宜 藥 名 道 其 其 今乃重 爲 更之, 以 爲 改 隨 政 得 温 氣 歷 易 其 避 寒 以 而

<sup>2</sup> 0 大 人 錢 楊 批改作「天」。 寶 忠云不當 有。

也」,吴承仕云行。

且」,黄暉 云當作「宜」, 上

爲同氣以譴告之,人君何時將能覺悟,以見

刑賞之誤哉?

答 夫人 外 子 爲 橋 民横悖,長吏示以 改易之也。 廟 王 意,苟隨人 以 之誤,猶 知之,易其 物 驕 一样,心感覺悟,以知父子之禮。 朝 弟之道,見於 悟人君,反 者,2 往見商子,商子令觀橋梓之樹,二子見 君之失政 ,商子可 夕 鼓瑟者誤 不 曰 : · 掩 瑟 冀 君爲誤 俎。 師 弦 子弟傲慢,父兄教以謹 順 祀 增 之 而 於張 猶 人之見 爲 睹 何 兹 復 其 周 和 慢, ●必須加之捶杖 非 二子 則? 弦 酒。 移 氣 弦 公, 順 也 柱之非 其 設 以 異,以 失道 拜 柱。 柱 齊奢於祀,晏子 渥 非 是故 紂爲長夜之飲, 起驕 「,宫商」 其惡, 疾之者,宜 也。 也。 夫天之見 奇 康 悖, 自 叔、伯 易聲, 周公可 則天無 天不告以 不 覺  $\equiv$ 敬 更 悟 教 見 有 變 禽 刑 其 也 隨  $\equiv$ 失 祭 吏 以 文 賞 心 氣 師

天之意,愛下譴告之宜也。非也。無相覺悟之感,有相随從之氣,非皇刑賞之誤,爲寒温之報,此則天與人君俱爲政道,令其覺悟,若二子觀見橋梓,而顧随

之乎? 火 故 革。 不易,少有 豕。二言之於除 浴之言。 奉成者,必同 稱 而 皆金、安能 革,更也。 香 凡物能 潔 西 凡相 之 以益。 門豹 辭 相 氣者也。 溷者,或教之 割 火金 相 急, 臰洿也,孰 漁 截者,必 夫用 成 父 佩 ? 殊 議 韋 寒 氣,故能 是故 以 温 以 屈 異性者 不 薰 是 原 非 自 隧 随 孰 疾 刑 寬 離 相 俗,故 非? 賞 楚之臰 ,或令之負 下兑 9 也 革 也 董 , 安 能 非 陳 上 能 如 于 易 有 沐 俱 相

8 2 0

<sup>「</sup>驕商子可順爲」,原漫漶不清,據通津本補

<sup>「</sup>外」,通津本作「於」。

<sup>「</sup>成」、《全譯》、馬宗霍疑當作「革」。

寬 周 與 虐皆惡 故 渥 欲 以 爲之不 天 緩 后 氣 繆 悪 繆 諫 爲 用 譴 帶 其 而 攻身之短 王 之 不 之 意 王 氣 告變易,反随 也 弦 也 任 口 爲 順 不 食 不 以 刑 其 言 聽 鳥 若 也 此 夫復 用 自 行; , , 蓋 鄭 潤 間 惡 促 天 甫 賢 衛 也 之 皇 爲 報 皇天非賞 至 刑 之音 天 審 肉; 惡 惡 持 其 明 篇 之德, 也 以 賢 誤, 善 亂 矣,  $\forall$ 秦 應之, 知 日 間 莫 繆 就 楚 人 : 佩 惡 罰 甚 不 姬 公 莊 起 君 帶 此 報 焉 若 必 其 非 好 王 失 而 變 則 虐 婦 謂 政 順 兩 淫 好 氣 己 皇 令刑 用 之 其 主 樂 之物 人 獵 不 天 此 威 賢 操 之 拂 失 華 則 樊 以 亂 也 操 賞 威 其 陽 姬 皇 他 而 而

者 敖 厲 爲 禁之也 故 善 周 以 之 公 善 道 勑 駮惡 丹 也 成 朱、 王 以 舜 日 殷 惡 戒 : 紂 懼 禹 至 毋 善、告 一惡,故 日 若 : 殷 王 毋 人之理 日 紂 若 毋 ! 丹 毋 朱 以 勸

> 禁之。 合德 毋、必 同 人之過 之效,合德之驗哉 二辭, 聖賢 以增 夫言 以 其 毋 聖 善反惡, 惡哉? 人審之。 若 孰 天人 皇 與 況 言 天 肯 以 同 必 道 譴 惡 若 非 随 ,大人與 爲 非 哉 非 贵 道 天 順 故

甚,安 子 者 從其俗與之俱倮 疾 他 帝 怪 皇 效,子雲之頌言奢有 上 爲 一,若曰 時 ,孝成豈有不 帝 乃 氣 不覺,爲 爲 賦 以 僊 好 孝武皇帝 台 譴 邪 僊 頌 廣 從 非 宫室, **令** 告 宜讀爲 之不 其 人力 相 人君 兩 與 欲 好仙 「飄 覺 帝 所能 楊 日 岸 反 也 飄 之惑 惑 子 引 ? 太 字。 害,孝武 爲 雲 司 順 而 繩 長 伯 故 馬 哉 鬼鬼 不 人 上 卿 以 有 教 吴 長 ? 心 悟 之 糾 甘 神 淩 之知 吴 卿 以 也 纆 賦 豊 然 泉 雲之 力 冠 非 獻《 之。 即 有 如 頌 乃 帶 禮 竇 應之,猶 言 僊 天之不 氣 大 可 義 嬰、 心 孰 僊 仙 妙 人 成 也 與 疾 灌 之 賦 無 孝 稱 爲 太 随 夫 氣 實 皇 成 神

五.

之夏 内。 他 伯 他 之 改 X 性 其 南 服 如 陸 雅 習 越 俗 賈 禮 也。 越 箕 復 風 土 踞 越 蘇 氣 告 椎 服 武 • ... 髻。 以 夷 人 義 畔 談 匈 漢 冠帶 從 趙 奴,終 朝 他 其 稱 之 亂 覺 蘇 制 不 悟 俗 武 左 安 運 陸 衽 而 能 賈 毁 心 趙 説 趙 嚮

之覺悟

,自變從漢

制哉?

酸 居 爲 惡 首 加 欲 公告教之,至于再三。 反 囚 ·, 一當 則 群 置 悪 氣 行 襲 之罪 篡 沃 黨 以 以 譴告之教,不從 首 三教 也 之 應 罪 畔 置 也 以 ,制亡從之法,惡其随 之,惡 天 哉? 譴 告 之 相 水 從 如 道 淡淡 束 人君誤,不變 之法 違,文質之相 人道 惡 宜 罪 則 之義,安所 然。 人 除 如 善 加 以 矣。 其所 何 善惡 之以 刑 詣 ? 賞 吏,離 狄 其失 以告教之者 悪 失 反, 鹹 管、 牙之調 施哉 實, 非 施 蔡 政 而 己人 水 而 惡 善 失,不 篡 襲 火 與 味 畔 以 其 也 與 悪 相 漢 贵 也 正 爲 周 相

> 以 亂 乎? 也。 易 熱,火微 淡 温 爲 陰 , 故故 異 譴告人乎?● 而 陽,使氣 顧 灌 有「寒 氣 必 膳 可言 之以 以 害 無 則 温 變其 鹹 也? 湯 人 水 字。 不 淡 冷。 君 也 . 和 過 之失 此 而 ,乃言天爲 猶 夫政 今 由 而 政 也。 熯 憎 斯 () (6) 又 猶 薪 言 酸 爲 賞罰 今刑 而 火, 之,譴告之言, 燃 寒 沃之以 人君爲寒爲 於寒, 釜 失 寒 罰 中 火 温 失 也? 猶 猛 爲 實 鹹 熱 • 3 則 温 冷 湯 疑 悪 於 逆 不

改,災其人民,不改,乃災其身也。先異後儒者之説,又言人君失政,天爲異,不

<sup>■「</sup>土」,原作「士」,據通津本改

<sup>「</sup>已」,通津本作「惡」

<sup>「</sup>罰」,黄暉云當作「賞」

<sup>「</sup>憎」,原作「増」,據通律本改

<sup>「</sup>害」,通津本作「信」。

<sup>「</sup>而」,通津本作「爲」。

<sup>「</sup>人」,通津本作「之」。

竟復 之譴 以 後 霜 夫 復 變異 待 有 復 以 ? 然。 告。 時 知 然 或曰 信 堅 也。 自 子雲之言,故 冰 即 不 :「谷子雲上 有占候,陰陽物 變復之説 猶齊晏子見鉤 必至,天之道 不 改,後將 爲 譴 告, 復 以以 後 有, 一書,陳 效其 有 有 也 氣 星在房、心之間 以 願 復 自 貫 言 示 言 告 子雲識 有終始。 械 改 復 變 故 二字。 待 也。」 異, 願 時 微 貫 明 何 日 械 故 後 天 知 履 :

> 之聰 察傷 伏陛 也。6 視 何 之德,使自 矣。 天 則 之言信 以 以 聽 知 知 也。 損 聰 下 然 地 鉤 稱天之譴 於 也 則 其 明 以 星 且. 何 狂 天德。 子 俟 動 譴 而 然無 雲之 以 也 予之譴 熒 也。 告 道 ? 知 惑 政 家謂 告, 其盲 爲 徙 願 使子 治, 以 何 告,何 譽 轉 貫 處 以 之狂 其 也 不 雲見 械 天之 爲 知 言之當 ? 改, 待 人 必 傷 其 而 鉤 聰 然 時 事 以 聾 於 將 盲聾。 之驗 6 察 星 其 義 也 有 猶 也。 視 ? 也 ? 故 子 地 則 之明 難 今言天 反 故 夫言當 韋 動 將 以 損 其 以 聽 譴 之 皇 之 復 也。 告 聽 聰 天 願 戀 知

4 8 2

罰

陰

過

也

非

謂

之言,不然之説

也

<sup>●「</sup>可」上,通津本有「顧」字。

下「爲」字,通津本作「譴

<sup>「</sup>譴」,通津本作「誅」

<sup>「</sup>一」,黄暉云不當有。

<sup>「</sup>無爲轉爲人」,原爲雙行小字,據通津本改爲正文。

<sup>「</sup>知」,通津本作「之」。

<sup>☞ 「</sup>反」,原作「及」,據通津本改。

之譴告,是謂天狂而盲聾也。

怒」,皆以人身效天之意。文、武之卒,成王 心知天之意也。 以 幼少,周道未 子皆鄉與舜。舜之授禹,禹之傳啓,皆以 異時至,則生譴告之言矣。 驗古以知今天 心效天意。《詩》之「眷顧」、《洪範》之「震 上天蒼蒼之體也。 心,亦天意也。 動言天者,欲化無道,懼愚者;欲言非獨吾 於災異,故疑之也。 大人刺而賢者諫,是則天譴告也,而反歸告 伯曰:「天不言,殖其道於賢者之心。」 人之德,則天德也;賢者之言,則天言也 人。● 受終于文祖,不言受終于天。 《易》曰:「 周公推心合天志也。 成,周公居攝,當時豈有上天 及其言天,猶以人心,非 大人 堯授之,天亦授之,百官臣 變復之家,見誣言天,災 六經之文,聖人之語 與天地 合其 上天之心, 德。」 堯之 夫大 故 謂 大

言? 賢人庶幾之才,亦聖人之次也。意,何其遠哉! 世無聖人,安所得聖人之信聖人之言,反然災異之氣,求索上天之在聖人之胸,及其譴告,在聖人之口。不

論衡卷第十四

■ 「知今」,孫人和云當作「今知」,分上下兩

## 論 衡 卷 第 Ŧi.

動

變

馬 策 也。 爲 鼓 動 更 物 一説 猶天 於下 馬 氣 也 夫 以 曰 論 車 天氣 於天,天 應之。 災 天 -騎盈 椎 則 災 異者 能 猶 天 變於上,人物 野。」 動 政 異之至 氣 譬之以 已 物, 爲 随 鍾 疑 非 人 鼓 人 物 於 車 物 而 聲 焉 殆 物 天 騎 主 至 猶 能 擊 用 人 盈 也。 應 矣。 天之應也 君 鼓 災 野 動 於 天? 異 以 故 下 而 以 曰 政 譴 日 矣。 乃 : 椎 動 告 王 此 何 扣 天 人 故 良 則 王 又 人 鍾 天 天 矣。 主 天 策 ? 良 疑

> 物爲 動; 之物 且 且 雨 丽 且 天 也。 螻 商 雨,穴處之物 所 蟻 羊 天 動之驗 徙 起 且 r, 丘 舞 雨 使 也 蚓 屈 天 出 擾 其 雨 故 琴絃 ; 也 天且 風 足 0 雨 緩 起 風 之 商 舞 固 羊 巢居 矣。 氣 疾 者 感

發,

此

故

天

之

蟲

蟲

物

0

知

R

五五四

王

充

内, 螻 横從,能令衣裳穴隙之間 也。 蟻 螻蟻之在穴隙之中。 不能 故 人在天 前 獨 地之間 謂 人能 不不 猶 氣 達 蚤 蚤 變 物 通 風 動 之 氣之理 螻 乎? 蟻 在 爲 衣 也 裳 蚤 逆 之 順 重

鶴 雉 故 唳, 驚 夏 末 夫 晨 發 蜻 風 將 蟄 型 至 日 而 鳴 而 而 虵 樹 鷄 寒 出 枝 鳴 螿 起 動 啼 此 陽 樹 雖 感 氣 枝 非 陰 也 不 變,天氣 氣 2 能 也 夜 致 及 雷 風 動 半 動 物 是 而 而

<sup>0</sup> 寶忠 商 羊 云「商 起 舞 使 上當 天 雨 有 也 「非」字 黄 暉 云 使 脱 非

<sup>2</sup> 原脱 據 四 庫 \*本、

物 君 應 起 天 氣 氣 之驗 ൬ 以 賞 世 罰 ,乃言以 顧 可 言 賞 寒 温 罰 感 感 動 動 皇 人 天 君

天

爲

寒

温

以

應

政

治

乎

?

貴 也。 道 方之 賤 之? 東 風 已 徙 至 而 ,言以風 方 貴 其 賤 從 以 倚 怪 起 風 來 價 使 貪 漏 多 六情 王 不軌之心,❶ 盗賊之人,見物 非盜賊之人精 物 賤 者 風 天 少 相 狼 刻之間,未必 矣。 爲 生者, 風 鄉 陰 占水 氣 斗 從 家言 疫, 來 賊 動 南 斛 **^** 之日 則 早 春 天 怪 西 方 故 貴 而盜 兵疫 官》之書,以正 也 來 人物者 方 也 風 "從囚 至矣。 宿 氣感 ; 來 者旱,從北 而 賊之操發矣。 至 者,人 日 物 者 風 取 天,使 也 有 爲 死 爲 至 死 睹 以 其 者,冬也 物 兵。 盜 而 地 風 故 敵 思 吉 糴 賊 來 風 占 方來者湛 穀價低昂 世 而 太 月 穀 者 M 則 至 貴 殺 史 朝 統 之人貴 賤。 而 何以 感 忧 春 賤 公實 占 皆 應 於 天 者 四 夫 之 天 在 生 風 驗 風

> 患 温 死 故 而 事 矣。 冬殺. 0 生 以 一,何也 或 使 口 也。 政 寒 見 氣 (安能) 吹 温 吹 ? 天 吁之人,涉 之氣, 物 者 動之? 人 生 如 繋於天 或欲 不 統 能 於 冬觸 陽 春 寒 殺冬生,2物終不 物死繫於陰 地 ; 夏, 吁 而 將 統 有 於 人不 凍 陰 暘 陽 也 能

人

枝,寒 耳 耳 天 動 爲主 目 目 其 手 視 且 株 温 天 足 聽 猶 猶 使乎? 本 手 如 耳 根 ·而人末· 伐 目 株 足 株, 手 也 動 足 0 旌 作 也。 萬 6 繋 旗 謂 莖 生於天,含天之氣 於 垂 登樹 枯 心矣。 天 旒 矣。 應 怪其 旒 人,是謂 4 綴 心 枝,❸不 於杆,杆 有 事 所 猶 心 爲, 爲 能 樹

<sup>0</sup> 怪, 孫 人 和 云 當作 「揺

<sup>「</sup>天者」 劉 盼 遂 屬 F 讀 且 勾 Z 爲 生 而冬殺 者天也

怪」, 四 庫本作 壞

如 伐 株 萬 遊 枯 原爲 一雙行 小字 據 通 津 本改爲正 文。

原 「能 據 四 庫 本改

Ŧi.

夫 君 之,謂景公「臣 星 寒 宜 讀 能 在 温 爲 不 致 房心之間 隨 韜 能 寒 刑 杠 動 罰 温 一之「杠 地 而 猶 能 至 而 地 齊 動 亦不 是 且. 杆 景 地 動 以 東 公信 」,景公信之。 能 之占 天 則 動 氣 旒 太 天 也。 爲 隨 1 綴 而 之能 齊 旒 西 太 夫 巾 動 謂 1 苟 地 知 謂 人 鉤

怒,温 氣 未 驗 以 者,何也? 小。 至 已 見 ,必也。 七尺之細形,感皇天之大氣,其 篙 ,是竟寒温之氣 豫至矣。 吏 夫寒温,天 則將 民 或作 是: :「筵」。 喜。 占大將 鐘 非 怒喜 長 夫喜 氣 未 不 而 也。 且 察,喜怒 致 能 使 篙 怒起 寒温 人國 鳴 人君 短 鍾 天至高 事 ,怒喜之後,氣 邑, 鼎 怒喜 未 而 而 大 發, 氣 螢 發,未入 而 大,人 也 寒則 而 火 無分銖之 螢 不 寒 小 温 至 將 爨 界, 也 之 乃 且 卑

之呼 天而 或 日 霜 未 降,杞 至 梁 誠 妻 也 哭 行 而 事 城 崩 至 誠 何 若 天 氣之 鄒 衍

> 致 莽蒼 節 嚮 得之。 之,口 不 也,至誠及矣。❷ 冬之月, 嚮日 至誠欲之,不能得 有 (7, ❸) 況 不爲 果 能 日 燃爐 無端 蓏之物,在人之前,去 動 氣吸之,不能取 自 乎 ? 末乎? 刑賞,意思 變改改 而 而 天 夫 坐。 也。 終不爲 至 欲之甚者,至 也。 盛夏之時 誠 其夏欲得 不 夫 猶 員 也。 欲 況 政 冬夏 圌 以 求 天 欲 手掇 心 易 口 寒 去 當當 得 易 寒而 轉,去 意 温 或當 人 之 氣。 風 之好 尺,心 乎? 送 高 而 冬欲得 而 遠 口,然後 風 口 猶 寒 立 惡 鼓 其 不遠 暑 欲食 不 箑 也 能 有 温 隆 氣

能 降 霜 萬 人 ? 俱歎 鄒 衍 未 之狀 能 動 孰 天 與 ; 屈 鄒 原 ? 衍 之口 見 拘 安安 之

<sup>■「</sup>温猶」至「氣也」,原爲雙行小字,據通津本改爲正文。

② 「及」,通津本作「極」

③ 「政」,通津本作「正」。

<sup>「</sup>意思」,黄暉云當作「喜怒」。

民 蚩 渦 萬 當 非 其 斯 料 孰 坑 泣 也 冤 甫 之 尤 拘 之 時 趙 徒 時 趙 計 和 出 歎 孰 與 刑 之 皆 叫 冤 泣 ? 啼 苟 厲 人 卒 冤 高 涕 與 情 不 民 度 號 徙 吐 血 之 於 日 武 見 盡 沉 屈 0 讒 被 . ? 呼 痛苦之言, 長 能 當 非 拘 之時 衍 原 江 殺 續 冤 平之下 致 之冤 庶 ? 徒 不 夫 死 而 太子 之以 旁 當 賢 歎 霜 歎 下 僇 如 時 其  $\sim$ 時 孰 臣 也 旁 和 離 告 所 固 鄒 楚 和 扶 血 長 之痛 與歎 當當 告 之 騷 不 無 几 衍 或 與 獻 蘇 平 誠 地  $\approx$ 之言 罪 無 + 如 刖 無 時 玉 夫 雖 之下 聲 , 并 楚辭 辜 萬 , 2 泣 于 楚 足 霜 鄒 人 川 不 同 于 衆 殆 及 L 寒 ? 地 拘 衍 坑 及 此 其 蒙 天 天 氣 不 不 虚 悽 埳 同 之 又 古 仰 鄒 懷 兩 帝 不生。 也 恬 見 妄 見 禍 之 不 愴 天 誠 襄 時 足 衍 霜 也 隕 蒙 啼 俱 如 至 而 孰 此 以 川 奉 之 孰 陷 死 驁 刖 歎 霜 衆 度 + 李 世 與 與

> 寒谷 谷獄 拘 幹 能 自 血 何 下 州 北 北 摺 0 故 知 降 使 霜 邊 方 内 雎 一,不生 脅。 己之冤 降? 氣 至寒, 令氣 正 南 子 未 鄒 而 月二 儀 温 方 爲 衍 衍 冤 張 至 之比 范 <u>T</u>i. 凝 變 寒 亦 時 適 月,霜 以 屈 熱 儀 冰 穀。 也 雎 能 呼 而 ,太史公 周 遊 也 坼 天 爲 煎 使 , 大 之五 於楚, 與 鄒 此 土,父子 雪 氣 須 沙 呼 氣 且 霜 殆 表 衍 時 賈 爛 天 復 子 月, 己之 降 吹 逢 北 列記 乎 寒 石 所 楚 長 律 會 邊 ? 父子 讒 IE 同 相 何 誠 北 其 何 歲 穴 寒谷 掠 諱 魏 即 月 傳 邊 知 狀 竊 而 之, 同 不 齊 不 尚 至 日 衍 復 月 吹 處 僇 言 然 水 寒 寒 : 被 鄒 温 律 不 也 之, 者 而 衍 捶 霜 **\$** 燕 於 燕 浴 折 見 霜 月 在 案 流 則 燕 時 有 滴 中

<sup>●「</sup>苟徙」,馬宗霍疑當作「拘也」

② 「所」,通津本作「死」。

城 衍 猶 衍 妄 呼 太 列 子 而 也 傳 丹 降 使 霜 不 H 言 虚 再 見 矣 中 拘 天 而 則 13 使 杞 霜 粟 梁 也 降 之 僞 妻 由 此 書 哭 言之, 遊 而 言 崩

之者 寒,而 仞 乎 類 然 第 而 或 夫 頓 之 婦 墻 ? 以 哭 也 牟 而 且 之 楹 或 門 圮 自 杞 之 河 頓 秦之 鄒 哭能 哭, 牟 也 而 崩 壞 城 梁 衍 而 墻 泂 叛 然 崩 妻 將 崩 偶 杞 壞 流 崩 春 誰 之。 呼 哭 者 趙 滅 五. 梁 城 秦、霍 秋 哭 通 也。 + 襄 而 丈之城 之 之時 於 都 又 復 餘 子 城 妻 信 秦 門 能 城 事 帥 丈, 崩 敗 適 深宫, 泣 哭 内 壞 老 以 師 Ш 亡之徵 哭 襄 城 崩 襄 類 Ш 墻 攻 是 多 城 子 ; 子 崩 乎 之。 而 朽 變。 城 於霍 擊 下 霍 ? 之 時 則 也 古 猶 光 金 相 軍 軍 猶 Ш 光 其 女然素 家 有 大 到 베 有 指 家 燕 或 宜 城 崩 且 退 城 哭者 摧 聞 時 者 或 也。 敗 之。 壞 下 縞 =杞 ? 見 適

> 言 崩 妻 於途 案: 向 哭 城 杞 於 城 妻 復虚言 梁 哭, 城 不 從 下 受弔, 非 , 本 軍 也 其 死 處 從 棺 不 也 軍 歸 歸 死 於 然 家 從 其 則 婦 軍 杞 魯 死 迎 梁 君 之, 不 之 就 在 妻 魯 弔 城 、哭而 君 不不 中, 弔

Ŧi.

八

占 爲 乎 論 動 人 軻 夫 生 ? 欲 之, 亦 0 豫 爲 巾 虹 動 貫 秦 刺 子 大 而 然則 尚 貫 高 心 畫 地 類 謀 秦 謂 欲 日 長 以 且 殺 王 白 非 二子 殺 也 平之計 及 動 襄 虹 秦 高 子, 子 貫 荆 王 鉤 鉤 祖 欲 日 精 之 軻 星 伏於 星 刺 藏 太白 秦 神 在 心 應 天 兩 人 王 所 房 房、 橋 變 不 於 主 食 能 下, 動 自 壁 心 昴 白 心 兩 感 成 中,高 間 虹 襄 而 主 也 貫 復 夫 子 白 非 地 心 妄言 H 太 至 Ħ 虹 軻 動 祖 베 白 動 之 況 橋 貫 至 衛 也 之 食 精 柏 日 荆 實 心 先

❶「言」,原漫漶不清,據通津本補

刺 周 楚 然 時 昴 楚惡之。 議 令太 有 而 秦王,太白食昴使長平計起 、楚,天氣災 周、楚未有 猶 禍、宋、衛、陳 歲星先守尾,災氣署 鉤 白 星 綝然之氣見,宋、 食 在 非 昴 房、 四 或 而宋、衛、陳、鄭未有惡 疑 心 鄭 也 矣 也 口 ! 何 時 謂 歲 垂 衛 皆 知 衛 星 白 於天,其後 然。 、陳、鄭災。 也 先 害 虹 生 鳥 貫 歲 長 星 尾 日 一之害 平之 不 周 也。 周 案 致

招致篇(闕)

明 雩 篇

應 内 十日日 亢 陽, 復 者 湛 之家 應 雨 沈 以 五. 溺 久 日 雨 0 者 爲 或 湛 難 風 日 久 : 暘 雨 頗 夫 爲 留 早。 歲 2 湛 之 旱

> 陰陽 不 時 求 指 穰; 之兆 君 自 歲 范 爲 未 己過 能 運 **永** 然之,遂 政 必 雨 而 之氣 名之。 木,饑,火,旱。」夫如 計 , 雨 也 也 前 沈 以 君 天 溺 ; 行 久 無 後若 然》 暘 歲 也 感天,天 猶自 以 信 自 事 頗 直 日 變復 其 暘, 人爲主,不 久,旱之漸 君 其運,氣當 早之時,未 : 雨 術 變 用 大太 然 亦 之家 雨猶自 其言, 復之家,遂 試 而 歲 不 使人 在 隨 説 猶 也。 求 湛 其 必 是,水旱饑穰,有 暘 子 行 於 君 過 世 名 亢 天 而 水,❸毁 湛之時 旱, 恬 陽 其 暘 自 名 也 應 變 濟 居 其 改。 也。 術 。 4 人。 復之家, 時 安 雨 功 ; 氣 處 暘 夫 是 濟 金, 也 春 則 之

<sup>■ 「</sup>沈溺」,原漫漶不清,據通津本補。

<sup>「</sup>雨」,原漫漶不清,據通津本補。

子」,孫人和云當作「于」。楊寶忠云衍文。

<sup>「</sup>説」,黄暉、劉盼遂云當作「統」。

故 同,人君所行賞罰 如 雨 日 出 離 子 州 北 出 隨 復 禱 秋 書》曰:「月之從星,則 。」夫 月離 候。 月所 》,魯 審 果無 祭求 雨 畢。 路 人三 也。 則旱,南則 天 齎 以 子 道。 政 如 孔子出,子 離 《詩》云: 大雩, 月之南北,非獨 福,若人之疾 雨 雨。 下 其 Ė. 從也。 具。 令, 是, (陰,故 亦 子路 出 湛。 月 早 宜 魯 昨 北 有 離 求 皆 房星 雨 暮 雨 頃,天果 則 問其故。❷ 案: 路 異時 于 雨 月 雨 自 月離 ; 湛 畢 請 之 病 昨 離 以 四 爲 月爲天下占,房爲 必必 齎 爲 出 祭 祭 暮 表 以 六國之時,政治不 月 于 于 魯也。 大大雨。 南 雨 ,月離其陽,故不 雨 神 也  $\equiv$ 風 離 畢。」 畢 以 則 占,天下共之。 具, 道 解 雨。」然則 贵 孔 9 雨 比 旱久 早。 禍 ,日月之行 爲 後 孔 子曰:「昔 孔子出 以 子 滂 矣。 應政令, 日 子不聽 ,路問 或言 不 政 沲 月 哉? 風 矣。」 此 雨 使 復 其 九 出 變 हिं 0

> 月 離 六七畢 星 然 後 足 也

十日日 《書》之文,月離星得 早不 度,宜爲徙市故,⑥離畢之陰乎? 乎?」案,縣子之言, 下占,徙魯之市,安耐移月? 日,諸侯薨,巷市五 欲徙市,奚如?」對曰: 而周。 雨,寡 魯繆公之時,歲旱。 人欲 一月之中,一過 暴 日 **①** 巫,奚 雨。 **6** 徙 市 得 繆公問 爲之徙市,不亦 「天子崩,巷 如? 日 月 雨 畢 月之行天,三 也。 之行,有常節 星,離 縣 縣 夫月 子不 案《詩 子: 陽 畢天 市七 天 川 口

本

<sup>0</sup> 上「子路問 早」, 原作 」至下「子路問」 「早」,據通津本改。 原

<sup>3</sup> 2 改爲正文。 然」,原重文,據 通 津本 本乙正。 爲 小 字 通 津

巷市」,原作「市巷」,據通津 星」,黄暉云當作 軍」。

宜」,通津本作「肯」。

徙 陽 0 市 而 假令徙 得 雨 乎 市之感, ? 夫如 能 縣 令月 子言 未 離 畢 口 用 陽 也 其 2 時

高 禮 雨 在 祭水旁,能 然,而不 邑。 歆 歆 雨 耐 祀,父不食於枝庶 亭 所祀 無 之水,相 分寸,不 天 得 ,諸侯及令長吏天不享也。 下, ? 形 神 然則大雩 董 兆,深藏 未 仲 得 觸 泰 舒 差 令高 決 也 知 石 如 Ш 求 無 不 雲 何 而 也。 高 所祭,豈 何以效之? 雨 幾,人君請之,終不耐行。 流 神。 分寸之水流 出 雨 Ш ,不鑿不合。 ,天不食於下 膚 之 申 泰 ,人君雩祭,安耐 如 氣 ^ Ш 4 天 春 也,雲 祭 雨 而 神也, 秋》之義 天下, Ш 合,不崇朝 而 水 乎? 雨 合乎? 異 神不歆享, 誠令人君 地。 唯王者 之氣 III 小 而 得之? 假 設 Ш 諸 令 居 夫見 天 丽 而 何 侯 虚 況 禱 審 或 安 乃 用 立 相 辨 雩

形 中 也 夫 雨 或 水 賫 在 酒 天 食 地 請 之 間 於 惠 也, 人之前 猶 涕 求 泣 出 在 其

> 子路賣 然自 不 崩。 通。 爲 出 雨 道星肯爲 何 張之説 生 泣 自 用 泣 之流 雨 8 雨安可 有 杞梁 感 夫如 下 雨 惠人終不爲之隕涕。 雨 ·沾襟。 以 時 天 涕。 ; 由 ? 感天乎 不求 是,竟 零祭之故下其 之妻, 具之時,魯未必雩祭也 此言之,北 也 求 蘇 按 而 或 秦、 曠 月 當 得? 又 者 1 歲 然 出 張 己 何 [ 儻 可 之中 自 道 天又耳 儀 北 以 悲 雍門 暘。 畢 道 悲 致 雨 哭,天不 爲 , 説 暘 乎? 雍門 雨 星之所在也。 離 子悲哭,孟 夫 目高遠,音氣 夫泣 宛 雨 ? 畢 如 中 連 之聲 是 孔 之陰,希 雩祭之家, 雨 • 不 屬 大天之 子出 不祭,沛 而 可 · 出 鬼 當 城 谷 請 嘗 蘇 暘 使 有 反 先 其 北 君 而

下「陽」字,吳承仕云當作「暘」。

❷ 「未」,原脱,據通津本補。

<sup>「</sup>求」,原作「未」,據四庫本改。

<sup>●「</sup>宛」,通津本作「坑」。

人 目 應 清 , 以 安 民 施 恩 , 必 非 賢 也 。 天 雨 也 , 誰 求 之 者 ? 當 其 暘 也 , 誰 止 之 者 ?

水旱。 運 假 湯。 時 空張 所 至賢 氣 堯、湯,惡君 則 世 而 以 令審 氣 有 政 稱 君 不 失之,而從 時 堯 聖 是使 聽 得 法 矣,時未當 治 水旱,天之運 時 安可 然, 術 水旱者, 遭 人 請 君聽請,以 0 無 當 純 之類 賢 洪水,湯遭 ,惑人君。 或 失。 何 自然,雖 也 而 君受空責, 請 適 用 賢者駁,純 也。 然 時 當 求 請 雨 致 如 ? 也。 而 自 ,僞請求之故,妄下 安民 求, 湛? 變復之家,不推類驗之, 氣 非 大旱。 雩 世 或未當 雨 世之論 政 安耐復之? 祭請 其小旱湛 施 之 非 而 惡 治, 審 則 聖 恩,必非賢也。 政 惡 君 以 如 君 行 雨 求, 是運 所 者, 君 求 政 謂 操 致。 之,遭 而賢 終 蒙虚 致 莫 , 猶 無 政 氣 之,不 無 有 治 皆政 謂 非 世 夫 君 也。 補 如 名 其 堯、 所 無 天之 審 遇 求之 益 也 致 堯 也 雨 脩 湯 其 天 稱 運 非

> 之論 夫言 之術,審當何用 而 世 消。 運 又 氣 稱 世之説 湯 則 桒 以 林 五. 稱 之説 過 者,竟當 禱 絀 於 桒 何 稱 林 由 桑 時 ? 林 立 捄 則 得 水 運 雨 早 氣

得,而 何 惻 和 之於子,孝子之於親,知 不肯安坐待絶。 妄之變。 升 藥, 又知病之必 痛 慇 夫灾變大都 屋之危,以 惠愍惻隱之恩,不得已之意也。 懃 政治之灾,須耐 冀 有 衣 驗 猶 有 招 1 不 <u>-</u> 也 復 筮 可治,治之無 3 求 既 病 悲 求 有 祟, 死 恨 不祀神,疾 政 之,求之雖 氣 思慕 治 召 絶, 之灾, 醫 漢 益 和 不 藥 其 痛 可 慈 有 不 悟 如 父 耐 無

<sup>■</sup> 上「而」字,劉盼遂以爲衍文

<sup>「</sup>旱」,原作「早」,據通津本改。

<sup>「</sup>夫」,原作「天」,據通津本改。「都」,通津本作「抵」。

必」; 知 病 不祀 一盼遂 神 疾 裘錫 痛 不 主以 和 爲當 藥」, 作 黄 一而 暉 云

也 妄之灾 零祭者之用 ,百民 亦必 不 知 心,慈父孝子之用 、 必歸 於主。 爲政治 意 也 者

慰

民之望

一, 故

零。

州 間 矣。 之變,歷 衰政 德之彦,以乂我受民。」周 話 以驗之? 内 也 之?」曰 時 連 湯 守 治 則物有間之。 無妄之氣,間 言,政 舊政 周 字。 知非常之物,不賑 問 失,變應來者,政治 : : 4 宣 世 則外雩而内 ,外脩雩禮,以 事 德酆政得,灾猶 死 以 周公爲成 時 政 無非 賢 民乏,②放流 至 治 一當固 之灾, 自 遭 而 毋 遇 至 王 改,以復 敢變易。 久 也。 自 話一言,我則末 不至 無 陳《立政》之言 慰 早。 也。 就 至者,無 妄之變, 公立 民 不宜 水 故 賤 心。 其 建 氣 然 勑 政 間 虧 夫 初 聖主 則 成 改 故 政 妄 孟 堯 何 可 非 王 政 夫 無妄 治 也 季 以 寬 早 惟 常之 謂 自 無 日 北 妄 剣 氣 成 明 得 德 别 何 : 有

> 文仲知 臧文 政行 於 所 變易操行。 細 家見變輒歸於政,不揆政之無非,見異懼惑 以 非 上,百官共職於下,太平之明 仲 早猶 捄 轉穀 非 日 赴之者得 政,故徒脩備,不 賑 有 以不宜改而變,秖取災焉 脩城郭 氣間 贍,損 宜 豐 之 貶 也。 也。 濟 食省用,務嗇勸 魯文公間 耗 改政 聖 主 斯 治。 時 見之審 知之,不 也。 ,歲大旱。 變復之 政 分。 明, 改 無

既 矣。 傳 乎舞雩,詠 成 家 曾皙對孔子言其 ,冠者五六人,童子六七人,浴乎沂 何 左丘、❸公羊、穀 以言必當雩也 而 歸 。」 孔子曰: ? 志 梁 無譏 曰:「暮春者,春 曰 : 吾 之文,當雩明 春秋》大雩 與 點 也 風 服

政」,原作「以」,據通 津本改。

乏 原作「之」, 據通 津 一本改。

左丘」,原作「在 宣 據四庫本改。

六四

乾 周 家 童子 龍之從水中 月 而 身? 之四 以 饋 也 設 爲 詠 雩 祭於 月,正 春 歌 由 浴者,浴 服 饋 此言之,涉 樂 出 沂水之上。 既 祭也 歳二 也 成 也。 歌 月 謂 沂 風 四 也 水 浴 水 乎 詠 月之服 中 乎沂 不浴 舞 暮者 而 尚 弄雩,風 也 祭 寒, 也。 ,雩祭審矣。 涉 成 晚 安得 風 歌 沂 也 也 ,乾身也 説《論》之 水 9 浴 也 冠者、 也 春 而 象 詠 風 川

之也。 雩,秋 星之 德 當 也 今靈星,秋之雩 龍 與 !」善點之言,欲以 而 見 也 徒 祀,歲 春 而 八 零 使雩失正 月 秋 雩。」啓 樊遲 亦 左氏傳》曰 零祭 零。 從游 整 也 也。 龍 春 點 感雩 春 祈 見,皆二月 欲 零祭調 雩 孔 穀 「啓蟄 爲之, 而問 廢 雨 子 秋 秋 曰 : 而 孔 和 雩 也。 刺 祈 零。」又曰 子 陰 魯不 吾 在 穀 陽,故 宜 春二 實。 非 與 能 故 崇 不 月 點 與 靈 :

> 陽精 之。 當雩 則大水 之,當零二也 奉 申之。 盡 而 復災變之道 土 祭水旱也。」故有雩禮,故孔子 零。 祀 地 進旨嘉 ,故脩壇設 爲水旱者 氣,儻如 廣遠,難得 夫雩,古而 今有靈 鼓 夫 也。 品 用 如 牲 是 也 禮 品 生 于社 , 雩祀, 祭禮 星, 位 惓 陰 歲 人能 有之。 祭 辨祭,故立社 推 敬 古昔 惓 氣 陽之氣 也 亦 生 調 飲 冀 社 恭 事 古禮 之禮 故《 和 3 食乎? 見答享。 祈 死 災 也, 也 求 報 禮 也 也 推 效 害 生 滿 爲 2 **>** 不 曰: 故共馨香 萬 六 位 不 事 得 雩 譏 況 事 推祭社言 合,難 生 主心 物 禮 祭 社之義 歲 鬼。 而 之功。 雩 無 得 尚 氣 仲舒 非 事 陰 有 猶

暮 者 晚 也 春 四 原 行 通 津 本改爲正

也 祀 祭」,通 孫詒 讓 津 本 云爲「地 作 「祭祀」 」之壞字。 黄 暉 云不當 黄 暉云衍文。 有 「祀」字

仲

舒已死,世之論者

孰

當復問

?

唯若孔

説

實

孔

子

之心,考仲舒

之意。

孔

子

既

劘

厲

欲

求

銛

也

推《春秋》之義,求雩祭之

詰

一不聞

甘

對。

導才低仰,欲求

裨也

砥

是

非之理也。

不出横

難,不得從説,不發苦

博

士之官

師師

弟子

相訶

難

欲

極

道

之深,形

怒

不

釋。

故必

写祭,惶懼之義,五也。

漢

立

類

也

默

改

政

治,潛易

操行,不彰

於外,天

惶

懼

於旱

如

政治所致,臣子得罪獲

過

之

罪

於君,子獲過於父,比自改

更,且當

謝

罪

心

於零

祀之前

,玉帛鍾

鼓之義

四四

也

臣

得

攻矣。

陽勝,攻社以救之。

誠

在

中

無

以

效

外,●故雩盡

己

惶懼

關

納

精

者

日

「鼓者,攻之也。」或

日

:

「脅之。」脅

則

説

:

以

鍾

鼓

、 驗意。

零祭請祈,人君

精誠

也

精

靈 悃 冀復災變之虧,獲酆 變,水旱不時,人君之懼,必痛甚矣。 愊 星之祀,猶復雩,恐前不 ,樂之意歡 忻 悃 穰之報 幅 以 備 玉帛效心 三也。 ,形繹之義 禮之心 軟 雖 也 有 忻

順 子之徒,仲舒之黨,爲能説之。

鼓 篇

 $\wedge$ 春秋》之義:大水,鼓用牲于社。❷

物 天,不 黨類 順 反 道、陰陽繆盭 也 義 逆節以犯尊,天地 之節 爲 或 以地害天,攻之可 萬 難 害 物於地 日 也。 口 : 者,人君 攻社 攻 母 卑也。 君 謂 以 父 安肯濟? 救之乎? 事 也。 得 也。 天 勝 害犯至尊之體 不 負之義,未 母 自 今湛水所 事 使湛水害傷 攻 以 地 以 政 復之, 令失 可 母 於於 傷, 得

中」,通 津本作「内

牲 」,原作「性」,據通 津本改。

子 爲 水 賊 且 椎 耐 之義,母 土不 之災,不 道 Ш 弟 流出 雨 加 止 ,傷害人民,甲 擊鑿,令鑿穿 夫攻社之義,以 違 同。 也 逆, 甲乎? 乃攻社 雨 乃 0 · 攻 論《春 於 流 重 如 爲 111 以 Ш 罪 今 湛 今雨 水 水 أال 刑 秋》者,曾不 案天將 世 木。 爲 在 及 水之類, 然則 爲 工 社,土 者, 害 不亡, 族 今儻. 攻 匠 而 屬 水 陰之 雨 之 Щ 攻 也。 舍甲 也。 ··, 山 攻 用 罪父母子 者, 土 Ш 知 類 土 椎 · 土 川 難 父母 先出雲,雲積 五行之性, 水 而 一令厭 鑿 是矣。 也 勝 攻 在 也 案 冰,攻 ; 水者 乙之家 弟乎? 不 ? 甲 水 雨 大 自 2 爲 乎 出 盜 社 以 水 攻 ? 水 於

舉 側 逸民 身 行 殷 太 明 道 思 戊桑穀 養老之義,桑穀消亡,享國長 索 先 俱 王 生。 之政, 或曰 興 滅 高 或 宗。 繼 恐 絶 世

爲

親

者?

社

土

也

五.

行

異氣

相去遠

罪

其

朋

徒

也

計

Ш

水

與

社

·, 俱

爲

雨

類

也

孰

也 行 真是,⑥然而爲之,厭合人意。 吏,笞擊僇辱,以 改過、《春秋》攻 禾、大木復起。 大雨 此 禾拔木,爲害大矣。 何 反,行之何 , 吏也, 不變其政, 不 以 事,周公之功,●執 説者《春秋》所 異? 月令之家,蟲 從? 殷 王 社 改 共 周 滅 · 兩 聞 政、《春 食 成王之時 其變,實論 久湛 書 成 也。 穀 經二義,行之如 以 王 罪其吏,而 稼, 泣 ,其實一也。成王 開 秋》 水災 遏 取 金 天下 攻 今致 6 縢 蟲 者謂 與桑穀之 社 之 雨 所 i",道 徒攻社 雨 雷 止 書,求索 類 之未 何 者,政 風反 雨, 象 相 之 心 違 戀 偃

<sup>「</sup>性水」,原漫漶不清,據通津本補

<sup>「</sup>如今」,原漫漶不清,據通津本補

<sup>「</sup>説者春秋」,孫人和云當作「説春秋者」

<sup>「</sup>周」上、《注釋》補「見」字。

<sup>「</sup>遏」,黄暉云當作「過」。

<sup>「</sup>真」,原漫漶不清,據通津本補

至,或 缺,同 以 部 斬 其 房 月 何 千 民 類 北 兔 也 能 類,雨 斛數。 復 在 道 類 塹 飛 蟾 塞? 希 方諸 地 明 或 蜍 道 安肯 作坞, 集。 有 矣。 螺 鄉 0 椎 正 不 與 攻蝗之身, 月 苟 破 霽 所 雨 雨 蚄 水水 以爲當 榜 螺 集 久不 也 驅 蚄 之 自 月 内 地 中 下 霽,攻陰之類,宜 爲 月 攻其 於 之獸 蝗 ,穀草枯索 來 其 毁 塹埳 猶 得 類,衆陰之精 於天 免、免、 不 月 實 止,況 離 杷 螺螺 蟾蜍 于 蝗 蝗 畢 徒 積 蟲 蚄 吏 也 卒 攻 聚 捕 舀 時

大 多弑 責 攻 城 不 社 於 夫 郭 祝 主,嬖 地公。」王者三公、各有 不 各 何 風 尚 繕, 知 有 書 雨 ? 溝 多 分職 大 不 4 傳》 池 弑宗,❷五品 時 不 不 日 霜 修、水泉不 然,魯國 大水一 : 雪 不 煙 不 降,責 氛 責 不 失禮 郊 所 訓 卿 ·隆 主 社 ,責於人公; 大 水水 孔 於天公 ; 3 不 夫 子作 爲民 脩 諸 而 擊 侯 Ш 害, 經 臣 鼓 卿 川

> 復未 之操 者? 定,故 人臣 仲 表以 陽色縈之, 陽之氣偶時 水。」夫如是 舒 曉。 何 ^ 未死 爲 也,宜罪 使人 春秋》説 攻社之義,至今復 戒也。 乃 將 説 君 攻社 助 者 運 早則 也,宜 難之曰 鼓 其 以 也 日 公羊高 爲 ? 人以 爲 ,擊鼓攻社,而 :「人君亢 爲 救。 社 改政政 攻 沈溺 : 過 陰朱陽 久 社 不 夫大山 解 易 不 能實, 行 之行 天。 雨 行 解, 陽致 之。 湛 也,水,陰也 以 水水 朱絲 如 失火,灌 何 水 董 復 草,沈 救 使 非 溢 仲 則 塞 止 縈之, 君 高 · 舒 爲 誰 之; 臣 尚 亢 不 以 溺 致 陰 生 6 之 能 壅 亦 致 陽 如

水,衆

知不能

救之者,

何也?

火盛·

水少

熱

8 2

<sup>● 「</sup>何能」,原作「能何」,據四庫本乙正。

<sup>「</sup>弑」,通津本作「殺」。

<sup>「</sup>主」,原作「生」,據通津本改。

<sup>「</sup>知」,吴承仕云當作「如」。

<sup>「</sup>而何」,黄暉云當作「何而」,「而」通「能」。

繩 不 能 )絲,縈 勝 也 社爲 今國 救,循 湛水, 猶 以 大 壅 Ш 水 失 灌 火 大 也 Ш ; 也 以 若

安卧 也 遭若 如 陰 高 以 能 弱 楚 操 攻 有 枕 救 劣 漢 擊 人 極 國水,使其欲攻陽,❷以絶其氣,悉發國 刀 事 癉 之 安 則 反 雨 何 堯、湯之水旱,猶一冬一夏也 雨 把 氣 之際,六國之時,兵革 原 有 祭祀 卧, 負。 天心 疾 暘 以效之? 杖 猶 不 也 水 以 自止, 夫一暘一雨,猶 早 相 攻 復塞其變,冬求 ? 病 故 以 擊之,若 猶 兼 也? 社 夫 人意,狀天 禱 ,兵不相 自 天 一人擊鼓,無兵革之威,安 止久 久 請 雨 地 雨 其 求 歲 之有 有早 至於大旱,試 福 不霽,試 何 終 負,不 ,終不 則 治 逐 戦 湛 也 爲夏, 疫,然 ? 畫一 攻 以 也 能 何 使 力 能 人 暘 何 夜 夜也 以 取 愈 人 事 極 彊 后 使 以 君 0 求 知 如 勝 反 則 爲 變 人君 高 或 不 知 爲 ; 人 勝 可 操 書 其 如 不 枕 欲 相 人

> 盡 易行,終不 期 至 器 藥 能 救。 無 效 使醫 食藥,冀 可 得 愈, 3 命

哉? 見 ? 女媧, 洪 流。 義,於事 然則堯之洪水,天地之水 之,不禱於神,不改乎政, 水之良 堯 夫堯之使禹治水 伏羲、 夫《春 春 遭 不 醫 洪 秋》 得。 女媧,俱 也。 水,《春 不 秋 言, 雨 説 經 不 者 秋 聖者 董 猶 但 霽 何 **>** 仲 之大 言「鼓 以 使 病 病 舒 也。 祭 易之? 禹 也 水者之使醫 女 之議 水 治之, ; 舍伏 媧 也 禹 豊 之治水 其 於 攻 聖 羲 百 言 故 社 禮 ]] 君 而 也 攻 之 何 祭 何 東 知

0

<sup>「</sup>縈」,原作「營」,據通津本改

<sup>「</sup>其」,通津本作「真」。「陽」,黄暉云當作

③ 「愈」,原作「衰」,據通津本改。

<sup>◆ 「</sup>雨不」至「何哉」、楊寶忠云此二十八字當在下文「世

哉? 鼓 未 必 0 爲 説者見有「鼓」文,則言「攻」矣。 攻,説者用 意 異 也。 夫

言諫。 呼明 鼓 也。 有過 之,可也。」攻者,責 益 爲逆矣。 相攻,不 戒 鳴 攻擊 子 聲 下 乖 季 孔子 違 若 可 響 也 氏 得 Ě 也 禮 或 據 事 富 難 據 也 必 意,行之如何? 日 於 , 臣子之禮也; 父以責之乎? 此,此 天 古者人君將 周 以伐鼓 非 責之也? 公, 又非 也,責讓 吾徒 而 爲政 求 也 也, 也 出 此 王 下之於 爲 夫禮以 也。 小 社,此 責讓,上之禮 以 撞 者 之 子 母 卑 鍾 六國 聚 鳴 擊 而 事 上, ②宜 則 鼓 鼓 斂 鼓 地 責 鍾 兵 助 而 而 尊, 故 革 號 母 攻 附

也 副 雨 湛 俱爲告急 不 大 鼓 水 霽 自 用 助 陰 鼓 與與 盛 ●彰 或 陽 日 時 微 陰 食 再 盛 鼓 非 告 也 用 道 社 牲 之宜。 3 事 于 大而 社 陰之大 同 急 口 祝 者 盛 用 義 不

> 牲 牲 猶先 鍾鼓 逆 鼓 牲 盜 攻尊之難 也 義 使 于 賊 ,於禮何見? 不宜於攻。 小小而 之難 社 告急 社,發覺之也。 亦 大道 知之。 政所致,比求 ~ 奚從 緣 乃斯 難 緩者用 知, 此 告事用牲也, ●禮也; 説鼓 而 政 來 大 至。 鈴欽,6彰事告急 行 哉? 水 者以 闕 社 久 今言告以 盜 失,猶先發告。 湛 者, 衆陰之長, 故伐 爲 且. 賊 假假 告宜 攻之,6故 之發 令政 於 陰 與 用 此 盛 治 助助 攻之用 牲 攻母 陽 所 同 鼓 口 用用 微 操 致 用 氣

朱絲如繩 示 在 暘 也。 暘 氣實微 故 用

<sup>0</sup> 攻」,原作「者 」,據通 津 本改。

<sup>2</sup> 上」,原作「工」,據通 津本改。 下「工」字同。

再」,黄暉 疑誤,楊寶忠疑 行

告」,原作「吉」,據通津本改

篍, 治讓 云當作「篍」。

攻」,原作「政」,據通津本改

通 津本無此字。

晏,有楚國之安矣。 與 擊鼓。❶ 擊鼓之人,伐 之艾也? 之蹊,篤 物 步赴秦,哭 可 感,以 微 吴同恐,消 也 假令一 土 病 投 勝 泣 吴 有 水 求 散 如 攻 瘳。 寸之鍼 之威 救 何 人擊鼓,❷將 破 卒 耳 楚,昭 Ш 朱絲 ? 却 得 百 如 布 使 助 止 王 姓 兵,却 雲 誠 被 亡走,申 寸之 丸 耐 若 雨 害 之 **\$** 申 者 吴 鍼 艾 社 雲 包胥 而 與 與 於 得 包 雨 存 胥 秦 m. 氣 楚。 得 王 間 丸 靋 脈

之乎? 車 氣 相 不 而 据 可 用牲 非 無 坐 0 如 妄,欲 迅 懼 以 以 何 或或 雷 時 俟 威 前 風烈,君子 變異 時 其 同 代 令人 上 時 作 之 世 也。 時 殊 君 無 質 無 事 高 則 也 夫水 必變, 書、 乃 心 枕 0 恒 草 可 車 倉 幄 雖 之 憂 難 頡 卧 猶 事 民 夜 ; 作 雷 3 之心。 異 必 書 風 幄 非 世 字, 興, 也 後 奚 易 4 仲 衣 世 雖 本 俗 爲 作 冠 堯 運 作

> 以立 絶。 子 媧 帝 其 不 本 ,不勝 求 Ė 勝 有 號 者 爣 女媧 福 四 補 日 世 女」。 也。 俗 祐 蒼 極 女媧以 怒 圖 消 也 天、 男 畫 煉 而 仲 立 觸 傳 陽 仲 五. 女媧之象,5爲 舒 精 四 不 又言 .. 舒 色石 而 之祭 神 極 周之山 女 之意,始謂 助 一之神 陰、陰氣 : 以 聖 女 共 補 王 媧 工 天 蒼天 止 使天 與 殆 婦 丽 氣 爲害,故 女媧 顓 斷 湛 見 人之形 柱 不 頊 此 乎 和 折, 鼇 古 争 傳 之足 陽 婦 爲 祭 地 也 維 女 道 天 人 又

# 論衡卷第十五

- ] 「鼓」,通津本作「得」
- )「假令一人擊鼓」,楊寶忠疑本句衍。
- ③ 「欲」, 美爾任云當據一本作「据」。
- 「則心恒」,通津本作「惻怛」。
- 5 「世」,通津本無此字。

## 論 衡 卷第十六

龍 篇

亂

雲雨· 則 龍 氣 虎 龍 風 雨 從 一,謂 葉 類 · ·墙 」者,謂 公之 自 虎 其 董 壁槃 意 仲 設 虎 至。 以 舒 爲 以 嘯 真 或 盂 儒 類 雲 曰 土 而 龍 常 皆 : 求 龍 谷風 者或問 虎,置之谷 也, 有 畫 ◎春秋》之雩,設土龍以 之, 相 雨 龍 贵 致。 至 故 必必 也。 謂 日 也。 設 《易》曰 土 以 ^ 土龍 中, 一哉? 夫《易》言「雲從 風 象 易 之與 類  $\Rightarrow$ 風 又 : 爲若 陰 「雲從 能 楚葉公好 虎虎, 日 陽 至 「風 真是, 從 乎 亦 類 龍 ? 從 同 招

> 伏。 以 龍 畫 夏后 古者 夫土 窮 牟、磁石不能真是,何能 子駿掌雩祭,典土龍 者,何也? 其 安能 雷 無 以應。 樽 之 真 虎 真是,不假 畜 象 龍 庭,二 龍 而 不 雷 在 動 乘 能 地 子駿,漢 雨 之形,雷樽不 氣 而 車 龍 ? 猶 性異殊,不 致 他 駕 常 類 無雲 風 龍 頓牟 在 9 朝 故 事 ; 他 雨,況 土 智囊,筆 丁, 桓 掇針、 季 有 掇芥, 磁 類肖 能 龍 聞能致雷也,❸土 豢 年 君 安 相 龍 僞 夏 似,不 取 Ш 感 能 氏 象乎? 衰 墨 石引針 芥? 亦 動 而 淵 御 難 也 能 致 海, 龍 龍 子 以 掇 雨 氏 駿 低 窮 頓 图 取 ?

王

充

- 0 日 通 津 本作「申」。
- 2 字行。 能 而 津 黄 暉 云「能」字行,下 此 兩 處 同。 按 疑
- 也」,通 本
- 土」,原 據通津本

無以應者,是事非議誤, 不得道理實也。

死 非 龍 彗 也 相 曰 星 從, 夫 : 出 夫 東 同一 以 風 天道 非 至 實 真 也 自然 難 有 「感 是 非 字。 也 人 ; 事 酒 不 也。 湛 以 溢 象 事 類 鯨 與 説 魚 彼

作 真 也 。 **2** 方 氣 諸 日 土龍 火火 今伎道 取 也 亦非 水 ; 於 之家, 月 真 月 何 水 鑄 非 爲 也 陽 自 不 能 燧, 然 水 感天? 也 火 取 感 飛 而 動 火 天 一也 於 然 常 日 之 以

不 偃 煉 得 也 月 Ŧi. 之鉤 比 陽 石 鑄 於 燧 取 陽 以 摩 火於天,五 燧 爲 以 3 器 向 日 當 乃 與 能 亦 月 刀 能 得 丙午 感 劍 火。 天。 偃 日中之時 今妄取 月 夫土 鉤 爲 龍 刀 消消 比 既 劍

而 真 鷄 齊 鳴 孟 嘗 和 君夜 之。 出 夫 秦 鷄 關 可 以 弱 女 未 聲 開 感 客 則 爲 鷄 雨 鳴 亦

口

以

僞

象致

三也

神之 獨 其 人 象 動 中 不 人 應 之形 氣 出 李子 從 動 人 木 土 罪 長 不 龍 囚 知 正 鑿 爲 ? 也 人 地 政 則 ? 之 爲 四 木 欲 精 埳 夫 也 囚 知 神 精 4 不 人 着 以 神 動 情 感 盧 木 以 人 爲 動 人 梧 木 乎 冤 槨 ? 侵 桐 囚 卧 奪 爲 將 木 何 精 人 木

皆 龍 神,不 殃。 不 者如何 害。 能 掇 論者以 頓 舜 可 芥。 牟 以 禹之德 禹 無 掇 鑄 聖 也 爲 芥 土 金 德,人大麓之野,虎 則 龍 鼎 非 夫金 礠 實,然 象百 亦 亦 石、 非 將 與 真,當 物, 有 鉤 土 而 雲雨 象 同 以 上 之石 古 與 人 五. 之驗,五 礠 久 行 Ш 狼 非 石、 遠 林 也 不 一,使作 頓 犯 鉤 周 亦 也 牟 鼎 辟 蟲 也 之 X 土 蛇

<sup>●「</sup>事」,原脱,據通津本補。

② 「天」,黄暉云當作「人」。

③ 「既」,劉盼遂云當作「即」。

<sup>◆ 「</sup>地」,原作「也」,據錢批、通津本改。

類,六也。

類 聞 能致雲雨 相 而 從。 下之。 楚葉公好龍,墻壁盂樽皆畫龍象,真 ? 葉公以 夫龍與雲 七也 爲 畫 雨 致 同 真龍,今獨何以 氣 故 能 感 動 龍 不 以

土龍 靈之氣,雲雨之類,八也。❶ 事之象。 何獨不能以僞致真 神靈示人以象,不以實,故寢卧夢悟 將吉,吉象來; 也 將 神 [X] · 区 靈 以 象 象見實, 至。 神 見

桃 象,冀 非茶、鬱壘 閱 性 縛以盧索,執以 立之户側,畫虎之形,著之門闌。 能 人、畫虎,不 白 鬼。 執鬼、居東海 上古之人,有神荼、鬱壘者,昆弟二人, 以禦凶。 鬼無道理,妄爲人禍。 也,畫虎 如土 今土 食虎。故今縣官斬 度朔 龍, 九也。 非 龍 食鬼之虎 亦 山上,②立桃樹下,簡 非 致 雨 此尚 也,尅 之龍 荼 桃 夫桃 與 因 獨 爲 緣昔 畫 鬱 人 效 壘

書,不見實驗。

龍? 雲雨 則亦 集,爲之巧也。 之氣也。 將有木鳶蜚 十也。 魯般、墨子刻 氣而 使作 不 木爲鳶, 蜚之三日 蜚木鳶,何獨不能從土 集之類。 土龍者若魯般、墨子, 夫蜚鳶之氣, 而不

言。 之? 十一也。 雲雨之知,不能過魚。 丹木非真魚也,魚含血 擊之,起水 釣者以 夫雲雨之氣也,知 匈奴敬畏郅都之威,刻木象都之狀,交 動作,魚以 木爲 此尚 魚,丹漆 魚 爲 也 見土龍之象,何能疑 於蜚鳶之氣,未可 耐 ),知不 真,並 其身,近之 有知 如 ,猶爲象至。 來 聚 水流 會。 以 夫 而

「八」,劉盼遂云當在「以僞致真」下。

「上」,原作「土」,據通津本改。

3 「如」,通津本作「知」。

.

龍 邪 弓 如 如 匈 )射之, ? 十二也。 都 奴精在 之精 也 莫能 神 ? 於木人,則雩祭者之精 在 將 形 中。 匈 象 奴 不 天龍 敬 知 鬼 都之精 之神 精 神 亦 神 在 在 亦 在 木 土 在 形 也 龍 土 象 ?

夫土 涕沾 動 見 提。 漢。 死,武帝圖其 ? 形象,涕泣 父道 一龍猶甘泉之圖 襟,久乃去。 翁叔從上上 金翁叔,休屠 十三也。 死, 「輒下 母於甘泉殿上,署曰 與 此尚 母 甘泉, 夫圖 王之太子 思親 俱 畫也,雲雨 夷狄也 來, 畫 氣感,不 拜謁 非 拜 母 也, 爲 之實 見 起立,向之泣 騎 與 之,何爲不 待實然 休屠 父 都 身也, 尉 俱 王 來 也 一焉 大 母 降

共 知 有 坐 雖 若 而 孔 有若 知土 子 尊 似孔 事 之 一龍非 坐。 之。 子,孔子死, 真,然猶感動, 弟子 雲雨之知 知 有 弟 若 使若諸 子 非 思 孔 思 類而至,十 慕 子 弟子 也, 共 之 猶 坐

四也。

猶愛好 似。 形,道士以 使雲雨 帝望見,知其 有 孝武 之氣 感 若, 起 術 皇帝幸李 孔 如 而 爲 非 子 來 武 李夫人,夫人步入殿門,武 弟子, + 也,然猶 帝之心, 五也 夫 人,夫 疑 雖 感 其 知 動 體 土 人 象, 喜樂 龍 死 非 思 則 近之。 真,然 見 謂 其 相

以 下也。 東耕 或立土牛,❸未必 類 禮 應變,與立土 ,爲土象人,男女各二人,秉耒 既效 今設 ,宗廟之主以木爲之,長尺二寸,以 驗有十 土龍 雖 五,又亦有義 能 人、土 耕 知 也。 不 牛 能 同 順 致 氣 雨 義 四焉。 應時 也 亦當 示示 4 把 夏時 立 鋤 率

<sup>■</sup> 上「上」字,原作「工」,據通津本改

❷ 「相」,原作「知」,據通津本改。

③ 「或」下,黄暉、楊寶忠皆云當脱「象人土牛」四字。

<sup>●「</sup>一義」,劉盼遂、黄暉皆云「一」當在「義」下。

口 非 象 雖 先 親 祖 亦 知 非 當 孝子入 真,示當感動 盡敬, 廟 有 主 所 心 主 事 事 之。 意於象,一 土 龍 雖 知 與 木 木 也 主 主

若 不 塗 敢 車 無 8 也 芻靈 夫設 而 土 有 致 龍 三也。 知 其 不 能 動 雨 也 示示

塗

車

芻靈

聖

人

知

其

無

用

示

象

生

存

貴 諸 類 意 侯 射 四也。 象,示義 也 天子 鹿 豕 夫畫 示 射熊,諸 服 取 布 猛 名 爲 也。 侯 也。 熊麋之象, 射 名布 麋, 土 龍 卿 爲 亦 大 名布 侯 夫 夫 示 熊麋布 爲 射 射 侯 虎 無 豹 侯 禮 道

相 御 有 仲 示 行 見 龍 狀 舒 覽 各恍忽矣。 常常 也 夫以 歡 見 欣 存 象 龍 深 歌 4 蹔 類 鴻 笑,或至 無 出 有 雲 立 《易》 水,雲 十 事 雨 五 ,猶舊交相 不 悲 驗 日 雨 妄 泣 以 乃至。 雲從龍 設 涕, 禮 土 偃 示 闊 龍 意 伏 古者畜 之象 遠,卒 少 有 非 几 義 龍 則 然 果

> 者 從 龍 也 如 「**6**終 リ則劉 是 雲 説 也。 ,傳之者何 不 也 終 子 雲樽 駿不 也 刻 能 可 雷雲之象,龍安肯來? 論 對 解 劣 衡 6 則 也 終 桓 君 劣 則 Ш 故 之難 董仲舒之 亂 可 龍。 説 夫

#### 遭 虎 篇

也。 雄 也 其 變復 意 功 曹 之 以 家謂 爲 爲 女 功 、采漁 曹 虎 衆 食 人 吏之率, 於 者, 吏,故虎 功 虎 曹 食 亦 爲 人 諸 姦 以 禽 所 象 之 致

<sup>●「</sup>亦」,楊寶忠云當作「示」。

② 「示」,黄暉云當作「亦」

<sup>3 「</sup>示」,楊寶忠云當作「亦」。

④「常」上,黄暉疑脱「龍」字。

<sup>6</sup> 傳之者 何 可 解 劉 盼 遂 黄 暉 皆 云 當 作 儒 者

<sup>「</sup>者」上,黄暉據崇文本及《意林》所引補「亂」字。

之官皆 安 虎 物 害人 小大皆 無 知 噬之時,禀性 類 類。 乎 功 其 能 動 星 ? 曹受 意 此 以冬見 也。 害 不 ,天地之性 ,心、尾 參、伐以 故 也 食? 遇 有 有 夫 案世 取 夫虎 姦 陽 虎 輒 於 則 必 心 死 清 吏,如 食人,人亦有殺 人之 狂 冬出 蟲 私 龍象。 出 謂 廉之士,百不能 勃 也。 以 使孟 有 虎 貪 舊 ,心、尾以 筋 夏出 人食虎, 動 應 故 力, 叨 賁 , 猶龍 象 功 於林 可 登 飢 羸 出 曹, 出 所 Ш 餓 弱 澤 應 幸, 而 夏 吏受 是 見 虎。 馮 之中 物 其 不 觸 見 0 野 有 2 見, 適 自 氣 婦 苞 於 中 謂 期 巧使 參、伐 來之人, 苴 入林,亦 ·之虎 遭 氣 居 功 氣 虎 也 賂 虎 至 曹 動 功 食 遺 不 搏 常 陰 曹 而 則 其 世 人

夫,今年食吾子,是以 孔子行魯林 何 以 哭之哀 中 也 婦 ? 哭哀 티 : 、哭甚 也。」子 去 哀 使使 年 虎 子 貢 食 貢 日 吾 問

> 是 化 應善 之足 必 曹 苛, 日 虎害人,古有之矣。 曰:「弟子識諸: 若 : 也。 虎 無 也 此,何 吏之不暴也。」 ?!夫 賢 也。 以却虎,然 虎應 魯相 婦 操 爲 不去 人 功曹之姦,所 魯無功曹之官,功曹之官 以 者殆非 廉亦不應, 廉部之吏也,6 不賢 也?」對 而二歲 苛 居權位,其惡必不 子貢 政 孔墨,必三家也。 政 暴吏,甚 比 不苛, 日 謂 姦吏爲 還 食二人,林中 不 雖 「吾善其 報 苛 吏不 有 於虎也 孔子。 獸 政 善 暴,德 矣。 者, 政 政 廉也。 爲 6 孔 相 安 非 獣 或 夫 相 化 耐 子 或 不 功

作

<sup>0</sup> 乎」, 劉 盼 遂 疑 然衍文。

<sup>2</sup> 所 通 津 本作

<sup>3</sup> 如一。 使」, 通 津 本 作 便 知 黄 暉 云

亦 通津 本無 此

<sup>6</sup> 爲獸 矣」, 通 津 本作「亦不應

<sup>6</sup> 廉 部 通 津 本作

必 以 相 或 爲 女好 ?令虎 食 人,是則 魯 野 之 虎 常

食 也

害人。 啖 死。 豺 應 燔,爲水所溺,又誰致之者? 何 牛 死 蛇悍猛 怪,入山林草澤,見害於虎,怪之,非 深,涉虎 水 吏政 官 狼 於 中。 食,厥變甚於虎。 哀病化爲虎,搏食其兄,同變化者不 | 吏 ? Щ 倉卒之世,穀食之貴,百姓 水 蜼 鰄 少, 行· 人爲蜂薑所螫,爲 各以 獵 中之毒,不及陵上,陵上之氣,不 窟 蠼, 亦 ■閩 寢 蜂 能 Ш 者不溺 皆復 所近,罹 林 蠆 害 ,虎搏噬之, 寅皆食人,人身 中 害 人。 殺 麋鹿、 於淵 人,人毒 變復之家,不處苛政。 行止澤,中 人。 殃 取 野 荷 毒 何以 好 禍 氣 猪 人 謂 氣所中 害 疆大,故 **华** Ш 苟諸 爲變? 食 是故 飢 於 林 人 象、熊 -,爲 蝮 餓, 乃 漁者 禽獸乃 也。 窮 蛇 應 自 水 火 以 不 魯 出出 羆 相 爲 至 所 火 應 蝮 爲 公 測 不

> 説 縣功 邑行 蟲 獸 뾆 野之中,不爲馴畜。 也。 必以虎食 都,虎所不 食小人。 ,虎害人於野 飢 應 虎 於民 曹常爲賢,山 夫虎 夫虎,山 ,食倮蟲,何變之有? 且 皆 何官吏? 虎 食 間間 所 虎之與 食人於野,應 人應 由 之。 功功 食 林之獸,不狎之物 也; 非 功 曹游 不應政,❸其行 人 獨 夫虎,毛蟲 蠻 曹之姦,是 林草澤之邑 Ш 謂 重夷,氣 人 猶人家之有鼠 於閭 林 應 也, 草 功 功 含 巷 澤, 曹之姦 性 曹之姦 几 血 ; 之中 則 虎所 之禽, 都 夷之外,大人 人,倮蟲 也。 功 平 也,常 邑乃爲怪。 曹常 乎 陸 , 生 也,伏匿 平 ? 虎 食 廣 有 出 2 伏 在 時 都 陸 他 形 也 草 之 誅 之 實 廣 毛

蝈 原漫 漶不清 據通 津 本

於間」, 原漫漶不清 據通 本

虎」原漫漶不清 ,據通津本 補

希

都 安,長 也 亦 禄 邑之 , 命 邑,行於民 衰 出 時 居 故虎食之。 定無 非 地 危 也 可 與 鼠 患 常 野 命訖 虎虎 間 爲 見 均 殃 也 天道 時 也 若 變。 0 何 衰,光氣 0 不 . 列 ? 命 偶會 推 · 見 夫 吉 此 ; 虎 居 以 長 長 虎 去 亦 安 論 吏 吏 適 身 然 鼠 光 且 視 虎 也 食人,長 氣 危 不 所 肉 邑 擾 己 食 倚 則 縣 蜀山 消 虎 吉 吏 P ;

射 英宫 鴣 亦 梁 齊 舍, 旦 殺 遂 出 野 病 王 發書 之,以 傅。 鳥,人宫, 而 樓未成,鹿 古今凶 死 鸜 死 鵒 不 占之, 懷 問 來巢 還。 驗, 王 郎 邑 好 티 : 亡之應 ,其後季 非 走 中令龔 賈 王 騎 E 唯 誼 時 主 堦 虎 墜 爲 也。」 夷 其 遂。 也, 馬 人 氏 長 鴣 而 將 野 沙 逐 後 其 鳥 龔 薨 去。」 昭 果 物 王 集 後 遂 ; 公。 薨 皆 傅 賈 宫 對 昌 其 然。 殿 誼 日 邑 後 鵬 昭 魯 下,王 傷 王 遷 鳥 公 昭 楚 之, 夷 竟 爲 集 奔 王

> 野 中 後遷 誅。 多 時 广。 驗,❸俱象空亡,精 一,行 ,其後遷 鳥 狐 爲 入宅; 盧 會稽東部都 事 鳴光 東 奴 比 萊 **\$** 一丹陽 肩 舍屋 城 太守。 田 略 且 光 太守。 上 舉 尉 空 與 氣 較 禮 都 光 也 桑 消 著 文 心 尉 弘 夫 去 草 伯 惡之。 羊 王 以定實 吉 也 蟲 時, 子 等 M 謀 鳳 羊 故 同 邑。 其後 驗 時 伏 反 占 人 也 且亡 廳 等 遷 麢 其 事 下 類 免一 覺 且 ·, 其 也 府 衆 坐 覺

#### 商 蟲 篇 4

遭

惡

,故謂

爲變

應

天

吏。

變 復 之 家 謂 蟲 食 穀 者 部 吏 所 致 也

<sup>0</sup> 犹, 原 作 倚 據 通 津 本 改

<sup>2</sup> 天」二字行。 吏 錢 批 改 作 「使」, 通津 本 作 「矣」。 按 或 疑 上

<sup>3</sup> 錢 批改 爲「二」,今改 回一一回

<sup>4</sup> 商 黄 暉 據《御覽》九四引云當作「 適」。

皆爲 田之中 謂 爲災,等類衆多,應何官吏? 官 風 豪民猾吏被 或皆白若魚肉之蟲 象類之吏,則蟲滅息,不復見矣。 吏,其蟲形象何如狀哉? 貪 武 則 雨 穀 吏,頭黑則謂 頭黑身 侵 ,頭黑身黄,或頭身皆黄,或 時有 害。 案蟲滅之時,則吏未必伏罰 漁 故 鼠 赤 或時 刑乞貸,兵威勝於官,❷取 蟲 ,水田之中 則謂文官吏。 食 希 文吏所致也。 ,應何官吏? 穀。 出 而 身黑 暫 時 蟲之滅也,皆 爲 有 頭 害,或常 魚蝦蟹之類 加 赤 頭身皆青, 時或 罰 時或白 夫 也 頭 則 於 有 多 頭 赤 謂 蟲 赤 因 於 而 陸 布 則 武 所

郡,西 言若 家 擇穀草。 消謂 蝗。 魯宣公履畝 蝗 南 過 何 蝗 察 應? 陳 時 其 留 至, 頭 而 建武三十一年,蝗 河南,遂入夷狄。 身, 蔽 税,應時 天 象 如 類 雨 何 而 吏? 集 有 地 蝝 生者, 食 變 所 起 物, 復 集 太 之 不 或 Ш 鄉

> 草 或食衆草。 風,故八日而化。 罪 死 時 知之,故「凡」、「蟲」爲「風」之字。❹ 有 縣 食穀草,連 ,6受人何物? 其 正 ,以千 極 鄉縣之吏未必皆伏非 有 期,猶蠶食桑自有足時也。 吏,蟲猶 月, 百 日 數。 期盡變化,不常爲蟲。 食五穀,吏受錢穀也;其食地 老極 自 當 广。 或蜚 生春 時 夫蟲 鄉 縣之吏未 夏之物,或 徙 也。 去,或 風 氣 夫蟲食穀 所 生出 止 皆 生 使人君 食五 枯 履 取 有日 畝 死 氣 蒼 於 頡 不 自 當 蝗

倮蟲三百,人爲之長。 由此言之,人亦

<sup>0</sup> 按,從黄説則「官」字行 官 吏」, 通 津 本 作「官 黄 暉 云二字 當爲「

<sup>3</sup> 2 兵」,通津本作「者」,屬上

非, 通津本作「罪」。

蟲」, 黄 輝 云當作「虫」。

<sup>6</sup> 地」,通津本作「他」。

麥與 部 生 其 亦 地 變,不自 蟲 口 而 無以 常常 食萬 之間 吏當伏罪 腹 曰:「女食天之所生,吾亦食之,謂 相 也 不 豆 多 食 、惡蟲、 詰 無 物 異。 物, 謂 故穀之多 食蟲 也。 蟲 也,不謂之災。 何 爲災?」凡含氣之 也。 必必 人甘五穀,惡蟲 之出 爲 夫蟲之在 所食 以 怪之? 有蟲責 」蟲者, 蟲 設蟲 亦 物間 設 築 甘香渥 主者 食 能言, 也。 食之; 蟲 人 也, 類 有 所 吏,是其 以 稻 所 知 味 食 知者不怪, 甘嗜 之物, 此非 0 時 自 亦 俱 有 築 生天 我 將 爲 蟲 蟲 爲 鄉 蟲 非

從 用, 吏 食 者,令禾不 生 五. 鮑 一穀葉 6 焦、 神農、后稷 則 其 上 陳 乃 無 鄉 蟲 仲 以 吏 謂之災。 子 察 3 何 藏 也 也, 如 免 種 或 之方, 煑 爲姦。 是 蟲食 以 桂 故 馬 有 他 后 屎 蠧, 草 馬 稷、 何 漬 平事 屎 桑 則 種 神 以 有 ? 農 其 汁 蝎 不 蟲 之 鄉 漬 桂 術 部 無 種

> 桑 饐 災變之情 中 不 熱 歸 爲 藥 之於政 生 蟲 怪 而 之 蠱 桑 獨 ° 給 也。 種 謂 蠶 如如 類 夫蠱 蟲 穀 其 説 爲 衆 蟲 蟲之家 用 食 災 多 日 亦 粟 蠱 不 非 急, 米 通 謂 不謂之災,蟲 與 物 0 粟 若蛾。 穀 輕 類之實 魚 無 苗 肉 異。 重 腐 夫 也 臭 粟 食苗 闇 蠧 8 有 米 於 蜴

蟲,◎醯醬不閉有蟲,飯温濕有蟲,書卷不舒

作

<sup>「</sup>食之」,通津本作「之食」。

<sup>2</sup> 常」。 部吏」 原 漫 漶 不 清 據 通 津 本 補 當 通 津 本

③ 「令禾」,原漫漶不清,據通津本補。

<sup>「</sup>后」、「神農」,原漫漶不清,據通津本補

⑤ 「何」,吴承仕云當作「可」。

⑥ 「無」,原漫漶不清,據通津本補。

<sup>○ 「</sup>夫」,通津本作「矣」,屬上讀。

❸「也」,原作「之」,據通津本改。下句「之」,原作「也」,

⑨「臭有」,原漫漶不清,據通津本補

説之家 之澤,其 似 又 H 或 有 食 白 風 類之吏, 蟲 短 物,則 或 ,衣襞不 促 氣 7,蛭與 黑 所 蟲 見 或或 生, 順 謂 日 而 之災。 蛭 長 懸有蟲 而説之。 并 輒 蟲 或 連 滅 何 蛭 短 以 變復 災 明 明 似 食 死 大小 類 出 人 人 。 **2** 乎? 之家 腹 足 當 疽 鴻 ,三蟲 中 生 有 螥 殺 見 不 有 所 螻 其 擇 罪 不  $\equiv$ 媺 食 蟲 希 日 蝦 相 腸 則 ٠ ٢ 若 出 似 有 依 蟲 類 順 地 出 所 生

於 以 春 爲 物 同 蠕 之屬 秋 蟲 夏。 以 夫蟲之生也 應 心 等 生 大 政 凡 罪 秋 連 欲 6 事 天地之間 冬之. 失道 雖 鄉 相 殭 含氣而 部 齧噬 盜 大食 氣 吏,是 跖 必 理之實,不 陰 之吏 不 生, 依 寒 細 謂之災, 愛獨 陽 則 温 而 開 弱 以 鄉 乾 濕。 所 口 知 秋冬署,蒙伯 部 燥 生 而 達物 慧 一,蛟 吏 蟲 温濕之氣 食。 貪 反 蟯之類, 未 謂 頓 於春夏 氣之性 食有甘 曾 蟲 愚。6 食穀 生。 常在 夷 廉 4 不, 也。 若 物 他 蜫

> 舉 歸 也 矣。 於 政 甚 治 則 夫 陰陽 春 而 夏 指 不 非 謂 和 部 , 吏爲 陰 而 陽 蟲 女 不 時 失事 和 生者, 政 實 也 矣 温 濕 徒 甚

青蠅 准 宿 穀 如 逐之種 況 乾 不 燥者 衆蟲 乾 何 止 暴 知 于 烈日 蟲 蟲 藩 温 閘 不 以 喋之 濕 生,温 温 愷 乾 所 濕 悌 暴,投於燥器 生 蟲 生 濕饐 君 明 生 也? 子, 矣。 如 餲 雲 無 信 煙。 詩 蟲 以 生不 讒言。」 蠱 則蟲不 云 以 蟲 蟲 · 禁。 知 誉 閘 讒 生。 之。 誉 喋 藏

<sup>「</sup>襞」,原漫漶不清,據通津本補。

<sup>「</sup>死」,原作「所」,據錢批、通津本

<sup>「</sup>蛭與」,通津本作「將謂

<sup>「</sup>蛟」,孫人和云當作「蚑」。

<sup>「</sup>蜫」,楊寶忠云當作「蜎」。

<sup>▲</sup>改。本改。 本改。 「反」,劉盼遂云當作「飯」。「頓」,原作「須」,據通津

<sup>「</sup>以」,通津本作「小」。

<sup>「</sup>知」,原作「如」,據通津本改。

吏乎? 乎? 龔遂。 生,貪 諸 且. 人之病 歲 食 必 生 常 蠅 積 傷 於階 天將 生而 用 之爲 人,尤當爲災。 一,如以蚊茧 蟲之生 以食物乃爲災,人則物之最貴 邑 善, 則謂 讒 王 吏遭署。 如 青 乎? 夢 疥,亦希 食人,與時 蟲 遂 雨 下,王將 部 天 蠅 蠅 對 應 西 吏之所爲致也 道 自 螘 口 污 日 : 階 與 自 出 應災,世間常有害人之吏乎 案蟲害人者莫如 人 以 白 下 人察貪 然,吉 時 用 蚋 爲 君 非常 有 蠅 畫 必 讒 氣 日 出 災 用 者,讒 積 以 相 臣之言也。」由此言之, 而 讒。 爲 夫 区 蠅 吏之操,又 應 暴 疥 禍 害 與 偶 蠅 矢 蟲 生害物 物 敗 何故 氣 如 人之象也。 會 歲 ·, 何故 災孰 明 相 何 蚊 生 非 詩 不 應 旦 輒 寅,蚊 世 乃 者也,蚊 見災 常 不 謂 也 召 歸 爲甚? 爲 以 之 爲災? 間 問 蠅 罪 災,夫 爲 蟲 蟲 亩 於 或 爲 夫 人 郎 興 之 時 ? 君 % 矢 適 部 寅 歲 中

#### 講 瑞 篇

高 文曰: 矣。 色; 何 武帝之麟 鳳皇集於上林,後又於長樂之宫東門樹上 堯、舜、周文盛 古今,則鳳、麟 則 五尺,文章五 獸 ? 其見鳥而 儒者之論, 狀 「有麏 案鳳皇、騏驎之象。 如 亦如 麞,首 而 可 象 時,皆致鳳 麞 色。 角 自説見鳳皇、 得審 鳳皇者,則鳳 戴 \_° 而 周 角 也。 麞 角 獲 而 麟 皇。 : 如 考 農業 角 有 又《春秋 騏 以 皇矣。 者 大 孝宣帝之時 如 則 驎 圖 鳥,文章 麞 而 象,驗之 是 而 黄帝 》獲 知之。 角 騏 0 聯 Ħ. 鹿舞 8

<sup>「</sup>如」,通津本作「似」。「火」,原作「交」,據通津本改。

若 獸 狀 體 之相 者 今魯 有 亦 同 也 獸 如 相 也 欲 或或 若 毛 聖 重 用 毛 似 與 問 或 五. 以 類 在 色 魯 色 鳳 猶 瞳 所 相 何 夫 時 時 以 比 不 骨 魯 則 皇 帝、三王、臯 鳳 獲 ; 所 戴 各 道 似 實 似 皇,鳥 晉 ? 同 獲 體 麟 象合者謂 不 午 最 則 類 類 事 性 文 0 同 毛 麟 戴 也 似 毛 有 王 鳳 非 駢脅 求 角 猶 色定 未 9 孔 莽 之聖者 羽 而 皇、 也 知 + = 若 必 顓 子。 欲 骨 即 陶 之鳳 虞舜 世 騏 真 鳳 不 頊 以 後 張 角 今五 間 聖骨體 是。 驎 能 皇、 孔 戴 麈 孔 所 也 儀 不 之麟 皇 對 午, 子 子 見 戴 ; 其 合同 騏 色之 亦 如如 而 虞舜 者。 死 騏驎 麟 角 驎 駢 實 堯、 張 3 不 人之聖也 ,弟子共 未 何 則 非 也 脅 均 儀 則 舜 誤 重 何 謂 必 ? 真。 獸 必 也 矣 也? 晉文 瞳 未 之騏 戴 假 如 之聖 不 夫 必 角 角 坐 聖鳥 **\$** 戴 而 以 王 能 也 然 也 之 莽 説 有 骨 不 者 是 角 知 +

> 生 後 使 聖 者自 似 故 何 出 聖 則 人 ; 輒 顔 異 ? 輒 謂 恒 淵 也 由 有 庸 是言 土 見 庶幾,不 知 而 一,雖 骨 鳥 知 鳳 而 之也 獸 皇 之, 法 絶殊; 復 聖 不 騏 毛 有 似 相 或 同 聖 驎 色 孔 時 不 馬 臯 輒 子; 類 真 姓 同 何 口 陶 真。 而 前 鳳 名 反宇,尚 如 馬 有若 知 皇、 知 不 П 聖 之,則 知 之? 等, 之 騏 孔 之 恒 相 身 未 驎 子 庸 如 是自 形 可 反 何 難 骨 反 謂 宇 殊 謂 以 體 類 狀 儒 聖 照 見 不

能 聖人也。」子 人,徒 之美若桓 桓 知其才能之勝 君 Ш 雲曰 謂 楊者 楊 : 子 尚 雲 誠 己, 復 日 然。」 不 多 能 不 夫 如 能 知 聖 後 知 世 世 其 難 復 儒 聖 知 與 懷 有 庸 知 非 聖

<sup>「</sup>毛色」,原作「法」,據通津本改

<sup>「</sup>午」,黄暉云當作「干」。下句同。

<sup>「</sup>麟求」,原作「求麟」,據通津本乙正。

子 謂 子 聖 知 謂 知之。 謂 也 輒 達,則謂之聖矣。 也。 世 人,不從之學,任 毛 上 庸 之門,三盈 過 之 世 人 知聖,誤矣 也 不 角 之 名之爲 孔 及孔子。 鳳 有 名 聞聖人人之奇者,身 之名鳳皇、 夫 知 年乃定。 三年之後, 子 何 奇 皇、騏 鳳 不 齎 一里也。 以 皇、騏 又不 能 二年, 無 明之? 知 驎 異 當一年二年之時,未 聖 虚 騏驎? 聯 世 之 少 倉 矣。 與之偃伏 ·妄翔 及其知之,非卒見蹔聞 自 然 議 正 儒 卒 唯 則 何 謂 子貢 乃 之視 顔 卯 無 世 荷 聞 不 用 見 與孔子同; 知之。 淵 在 子 其 遊 人 能 自 聖 事 魯, 無 ,從文受學,然 不 有奇 貢 與與 之 鳥獸之奇者。 知 謂 不 孔 去。 之才, 知 與 鳳 能 能 三年之接 鳥 以子 子, 骨 聖, 之乎? 孔 皇 獸 知 顔淵 三年 子並 與 9 争 其 知孔 貢 亦 知 可 年, 騏 飽 見 知 能 猶 獨 保 聖 孔 子 知 孔 自 其 夫 自 後 博 此 則 而 必

> 子爲 皆惑。 世 爾 孔 不 儒 所 能 子 及 政, 見聖,自謂 聖 知 子貢 孔 也 何以 子 0 夫 曰 : 之 夫 才能 先之?」●孔 聖, 門 能 「夫 人 知之,妄 又 去 少 不 孔 則 正 能 子 能 卯, 也 子 知 歸 曰 : 少 魯之聞 少 尚 正 正 賜 不 卯 卯 能 退,非 聖 門 不 也。 徒

之? 高 鳳 大 凰 春秋之時,鳥 與 夫以 則 如 麒 必 見之者以 不 麟 巨大别之,則 能 也 知聖言之,則 使 爲 有爱居,不 鳳 大 鳥 凰 其 羽 巨 知 獸 翮 亦 聖 可 耳 長 知 以 人 0 廣 其 亦 4 爲 麒 不 宜 鳳 何 能 以 以 麟 凰 巨 别 體 知

<sup>● 「</sup>其」,通津本作「耳」,屬上讀。

<sup>2</sup> 之」。 子爲 政 何以 先之」, 黄 暉 云 當 作 夫子 爲 政 何 以 先

<sup>3</sup> 漫漶 知 一字。 不 則 清 能 疑 作 通 一知 津 佞」、 本 作 知 使」。 佞若 子 聖」上 貢 = 通 處 津 空 本

<sup>●「</sup>巨」,原作「臣」,據通津本改。

以 非 中 與 長 也 謂 中 鳥 或 狄 鸜 或 獸 來 鸜 無 鵒 之 等 至 鵒 有 惡,鳳 也。 不 禽 從 非 獸 可以 中 野 世 也。 凰 或 外 人 爲 之 騏驎 來 見之,何 皆 聖 禽 而 非 人。 善乎? 也。 知之, 中 或 然 用 鳳 之物 知 則 則 凰 之? 鳳 是鸜 麒 凰 儒 騏 鵒 者 如 何 以 驎 亦 司

騏 之,則 成 自 以 宣 亦 異 鳥 不言群 騏 一帝 宜 驎 故故 鳳 從 來蜚翔,附從可 同 驎 随 上 或 武 凰 是鳳 群 鳥 性 以 日 爲 來 帝 鳥 從 千 :「孝宣 人 案《 皆 儀 鳳 凰 附 也 所 萬 得 原鳳 。」《大傳》 凰 從。 春 獲,附 數。 騏 見, 秋 贵 0 凰 見。 一之時, 驎,無衆獸 宣 》之 驎, 群 審 以 如 從 帝 其 鳥 則 見 Ĭ 者散 所 書》 鳳凰 從 定 衆 大 致者異 不 鳥 矣。」②夫鳳 鳥 ; 曰 : 鳳 鳳 附 言 集 騏 之 來 凰 從之文。 衆獸 驎  $\sim$ 凰 長 于 集 哉 在 簫 見, 上 人不 聖 列 群 林 韶 随 衆獣 樹。」 神 凰 鳥 之。 九 獲, 如 附 與 群 有

> 當 難 或 也 何 且. 有 文,未足以實也。」夫實 凰 ? 時 其 人 以 實 實 唐、虞之時、鳳慤愿,宣帝之時 有佞 有附 實 無 非 俱 或 無 也 有聖 事 而 日 鳥 猾 從。 記 0 : 附 事者生之。 而 案 從,或 人之德 記 聚者 附 上世久遠、記 事 從 者失之。 「, 鳥 時 以 行, 其 知 有 亦 夫如 鳳 鳳 動 有 而 凰 凰 作 狡 記 事 唐、 是, 4 8 點 事 遺 之 群 未 虞之君 儒書之文, 者失之,亦 操 失,經書之 而 狡 鳥 得 從 不 黠 群者。 實 附 均 乎 從 也。 ? 日 鳳

來 動 作 進 退, 君子在世, 人不附從。 士衆雲合。 清 豪 節自 猾 夫 守,不 鳳 之 凰 任 君 廣 結 子 使 從,出 也 用 氣, 必 以 往

<sup>● 「</sup>故」,原漫漶不清,據通津本補。

<sup>「</sup>則」下,黄暉云脱「麒麟」二字。

<sup>「</sup>知」,原作「之」,據通津本改。

<sup>● 「</sup>其」,通津本作「是」。

名 將 + 人 也 于 也 妙 亦 随 相 將 軍 新 多 其仁 和 伯 信 豐 者 似 衛 龍 者 夷 青 陵、 必 效 與 太 聖 群 彌 及 以 史 鳳 鳳 人之得衆, 叔 孟 雖 蛇 寡 將 公 凰 附 凰 齊 嘗 不 不 軍 爲 從 日 及鳳 行 隨 是豪 隱 霍 食 効 比 操 0 處 去 客 類 鳳 凰 神 益 不 首 點 盜 病  $\equiv$ 凰 雀鸞 清 足 陽 然 爲 跖 千, • 宣 以 0 是 君 交者 其 横 帝 門 鳥 稱 從 用 别 2 子 行, 之時 無 鳥 賢 和 爲 群 皆 益 也 獸 聚 衆 多 ; 賢 鳥 鮮 客, 之操 黨 以 黄 君 鳥 爲 亦 歌 鳥 數 宜 之 亦 龍 鳥 妙 曲 附 千 稱 數 長 뾆 漢 與 出 曲 癩

平 爲 來 也 至 之 不 者 際, 可 鳥 或 知 潤 日 見 奇 春 來 骨 秋 鳳 鳳 至 異 之時 凰 凰 也 毛 騏 騏 卓 然 騏 驎 驎 亦 絶 驎 通 有 常 非 太 常 未 平 常 嫌 太 之 以 於 則 太 平 瑞 王 是 平 孔 而 也 之 來 子 時 何 至 太 而

從

審

鳳

凰

如

何

聖 皇至。 武 太平 驗之,如何 至 王 始 0 或或 生之 始 光 武 生 如 爲 之瑞 時 皇 以 始 成、 帝 自 生 爲 生 不 其 哀之際 光 於 爲 實 武 濟 太 難 有 陽 平 也 知 聖 應 , 3 鳳 德 凰 也 獨 時 而 以 未 來 來 嘉 太 集 太 平. 平 瑞 是 之 則 或 夫 而 際 應 爲 鳳 光

適 不 不 有 生 可 異 種 或 於 類 知 故 ? 前 矣 日 曰 : 用 德 夫 龜 也 鳳 應 恒 4 故 皇、 物 生 龜 見之父, 騏 龜 有 龍 驎 種 然 龍 類 也 故 生 6 察 有 生 其 瑞 龍 種 見 子 類 形 祐 神 孫 無 若 色 龜 種 何 龜 /\ 0 靈 大 龍 6

<sup>■ 「</sup>青」,原作「清」,據通津本改。

② 「陽」下,通津本有「山」字。

<sup>「</sup>哀」,原作「衰」,據通津本改。

<sup>「</sup>類」,黄暉云衍。

<sup>6 「</sup>祐」,通津本作「物」

而

有

詭

異

之

性

則

爲

瑞

矣。

故

夫

鳳皇之來

H.

瑞

物皆

起

和

氣

而

生

生

一於常

類

之中,

也。 龍 不 知 ,漁父不知其 而 靈 以 别之乎? 漁 一龍 父 也 而 不 神 宋 知 也 元 神 王 龜 之時 方 今世 則 漁 亦 一儒,漁 知 者 夫 網 世 父 得 之 神 而 類 龜

體 縣。 蛇。 如 附從,安 如 文」,物色均矣; 如 附從」等也 馬 審 色附 馬 馬」身高 之似鹿者千 是,王 如 龍 五. 宣 從, 審 或 知 帝 色 有 時 何爲均等? 莽 鳳 龍 同矣; 時 類 似 皇, 致之,是非 文, 形 如 鳳 蛇, 金。」良 衆鳥數千,❷與之「俱集」,❸ 以 皇 與 色 則 文章五 蛇 宣 集 衆 不 王 或 帝 異 馬 于 鳥 莽 時 時 瑞 似 數 地 所 色,與言「五 似 鳳 也 王 鹿 千 致 龍。 高 皇體 莽 神 集 鳥 Ŧi. 如 時 于 龍 韓 尺, 非 色、 鳳 沛 有 或 子 鳳 皇 衆 與 色 或 大 時 皇, 也 鳥 龍 鳥 蘄 似

> 之種 甘 中 有 乃 也 沾 6 美 與 類 也 地 禾 乎 下 猶 6 ? 産 中 下 赤 出 有 異 鳥 皆泉、露之所生 嘉 醴泉之類 之集 也。 穗 禾、 謂 之嘉 醴 蓂莢、 朱草 也 泉、甘露 乎?? 禾; 謂 鳳 出 醴 皇 亦生出 : 非 聖治 有 泉、 嘉 天 種 甘 禾 上 公平 地 有 露 生 赤 8 於 甘 烏 出 集 禾 復 而 露 而

- 0 千 通 津 本作「十」。
- 千, 通 津 本作「十」。
- 通 津 本作「言
- 安」, 黄暉云乃「案」之
- 6 乎」後 也 嘉 來」, 及 禾生」至「甘美也」二十 據通 通 一皆 津 醴泉 本作「至」。 津本乙正 生 一出非 天上有甘露之種地下 又「甘露」下,原衍

四

字,原在

下

醴

泉

之 甘

出出

有

醴 而

泉

0 乎」, 通 津 本無 此

類」二十五

字,據

通津

本

删

8 出 津 本作「在」。

有 折 於 種類? 故謂 衆 草 之瑞 無 本 常 夫 根 鳳 , 皇、 暫 麒 生 麟 産 亦 出 瑞 9 也 旬 月 何 枯 以

潦 類 鳳 鳥 類 麞 白 羽 類 皇之於飛鳥 殊 殊 色耳 體 謂 種 出 案周 由此言之,鳳皇亦 也。」 色詭 之騏 類 異衆鳥 非 太 也 耳 然 、驎,亦 有 平 ? 則 白 安得 越越 ,太山之於丘 雉 有 鳳 則謂 或 常 若 皇、騏 之 異 時 獻 日 種 之鳳 種 生於 或時 白 世 驎 雉 皇 騏 慶, 垤, 生於 0 都 魯 耳 驎 白 與 非 河 人 之於走 鵠 雉 鳥 得 海 安得 有 鵲 獸 之於行 騏 戴 生 毛 同 與 驎 角 短 獸 衆 之 奇 之 而

試 生 朱,堯、舜 如 舜。 種 嘉 何 口 舜、 ? 禾 類 之類也 之實, 而 禹 堯生丹 有 鯀 奇, 不能 骨性 瞽 朱 奇 舜 瞍 爲不 得 詭 之 嘉禾, 生 耳 世 種 商 9 也 不 均 鯀 恒 世 知 生 妄築梁之 德 禹 商 難 殊 瞽 均、 審 矣。 丹 瞍 識

> 也 時 五. 五. 粟,❸莖穗 高 尺,湯長 ; 尺,所從 見伯 尺。 魚,不 怪 生鳥 八尺,湯孫長六尺。 安得常 奇。 或時高二尺,後 知 人見叔梁紇,不 孔子之子也 種? 所 孝 生之 張 宣 知 湯 鳳 孔 之父 鳥 皇 子 父 或

一八八

天 駒; 路 壞 不 魚 地未 殿 殿 出 通 鳥 回,古今卓絶。 江 種 基 基 必 有仁聖,不 湖 類 上 上之草, 有 無常,故曾皙 然 草 種 而 生 類 有 也 地 無 魚 必 氣 水水 類 馬 鳳 自 而 有千 皇之鶵。 生參,氣 精 出 出 自 之 里,不 爲 也。 瑞 之也 性 應之自至 Ш 按溪 必騏驎之 不 頂之溪 ; 世 水之 廢 庭 顔

夫瑞應猶災變也。瑞以應善,災以應

3

妄

通

津

本作

見」。

<sup>1 「</sup>本常」,通津本作「常本」。

② 「生」,通津本作「時」。

議 生和 則 謂 吞 時 平 授 恶; 子, 蜄 爲 和 類 爲 亦 張 形 之,以體變化論之,鳳皇、騏 瑞 燕 蛤 鷹 因 變化,②豈 氣 和 無 ~ 蛇鼠 善惡 遇惡 有 色何爲當 子、薏苡、履 和 良 變之氣 類 物 善 常類哉? 麞 書, 物 龍漦 忧 變化,猶 而 隨 雖 爲 去復 之類 起, 而 反,其 氣 陰 也 乎 必 騏 爲變,豈天 同 變, 陽之氣,天 ? 有 氣 驎 輒 爲 大跡之語,世之人然之,獨 春 以 晉之二 常 鵠 和 應 不 爲 石 然 物無 則鷹變 而 類哉? 可 也 魚 爲 則 也。 • 生。 謂 鼈 鳳 瑞 地 種計之,以 卿, 地 蝦蝦 無。 儒 皇。 應之出 爲 爲 之氣 災變 亦 知 熊羆之裔 襃姒,玄蟲 臺 驎 鳩 善惡之政, 或 黄石 因故 之。 秋 爲鶉、雀 生無常 無 也 時 種 爲 殆 政 人無 或 則 遭 氣 無 時 老 瑞 性 鳩 平 善 類 也。 之 隨 父 類 太 爲 化 種 更 氣 而 應

案《禮記•瑞命篇》云:「雄曰鳳,雌曰

唪 鳴,故將疑焉 同 鳳皇之鳴。❹ 皇。 桐 云 唪 生 也 雍 啛宴? 矣 雄 雍喈 使 鳴 人聲同 日 喈 噰 彼 即 二,此聲 《瑞命》之言「即即、足足」《詩 噰 高 即 喈喈。」《瑞 詩》 出 雌 與《 異 鳴 鳳 也。 足足。」《 皇 禮 鳴 命》與《詩》,俱言 異 使 矣,于 世世 聲 詩 審 一傳鳳 \* 彼 則 朝 皇之 形不 陽。 梧

無 武 色白若黑。 色,故言其 者,色如麞 角 王之時,火流 ,有異於故,故言「而 案魯之獲麟,云「有麞 (色赤。 也。 今成 爲 麞 事 如 烏,云其 色有常,若鳥 色同,故 似 麞 而 色赤。 角」也。 前 色異,亦 言「有 角 色有 ,言「有 赤 麞」。 夫如 當言 非 常 鳥 是, 矣。 麞 之 其

❶ 「也」、《注釋》改作「世」,屬下讀

<sup>「</sup>因」,通津本作「是」。

<sup>「</sup>蟲」,通津本作「黿」。

<sup>「</sup>鳴」,原作「鳥」,據通津本改。

孝武言 色者 之驎言 孝宣之時,九真貢,獻 不 Ŧi. 巡 魯之所得驎者 狩 類麞,故言「有麞」,正言白 趾 得得 慶 者 如 足 白 無 角,不同 鹿 不 異 聯, 鹿與 同 色也。 矣。 一角 若麞之狀 、麞小 矣。 而 魯 驎, 狀 大相 武 春 五. 所 帝 秋 得 趾 也 倍 云 之 麟 如 驎,色不 得 體 疄 麞 角 云 武 白 或 如 而 帝之時 不 有 驎 時 麞 兩 同 麞 色 同 角 同 也 宣 不 者 也 白 帝 言 西

誤 知 不 明 與 章五色準前況後,當復出 不 ·同,而 前 矣 矣 相 之,奈何 世 ! 似 ! 夫三王之時,驎毛 見 類。 後當 欲 夫騏 出 以 者 推 驎 宣帝之時 出 相 此 復見之鳳 鳳 似 准 類 皇之類。 後 世 所見 色、② 而 鳳 驎 皇、 世 皇,與之同 鳳皇高 角 出 騏 儒 騏 趾 自 驎 必 縣, 、身體 謂 不 前 五尺,文 必 與 見 後 謂 已 前 高 體 而 大 不 輒 色 口

案魯人得驎,不敢正名驎,曰「有麞而

角」者 審 當今世 皇、騏驎,必從 議之,終軍 不正名驎 其鳳皇、騏驎 時時 一儒之知,不 而 日 誠 言 : 無 野 而 乎 野 以 禽 疑之非 能 知 者 禽 過 也。 并 ,終軍 魯 角 恒 X 武 之鳥 明 與 亦 帝 終 本 疑 使謁 獣 高 軍 無 大也。」 耳, 以 其 者 審 何 見 終 也 能 鳳 軍 6

相 者,⑥未 奇言之,聖人有奇骨體,❸賢者亦有奇骨 以 體 必 善 色言之,未必等 以 希見言之, ; 有 以 鸜 鳥 鵒 獸 嗛 隨 從 7 多

骨

體

楊寶忠疑衍其中

字。

<sup>「</sup>也」,原作「者」,據通津本改

<sup>「</sup>毛」,原作「如」,據通津本

<sup>「</sup>謂」,通津本在「與」字上。

<sup>「</sup>而」,原作「一」,據通津本改。

<sup>「</sup>本高大」,通津本作「天下同本」,黄暉云「天下」行。

<sup>「</sup>者」下,黄暉云當有「言之」二字。

<sup>「</sup>赚」,通津本作「來」。

聖賢 所 所 有骨 聖 五. 亦 見 見 獸 采 .善 有 , 鵲麞之屬, 安知非鳳皇 鳳 関 廉清 爲 知 俱 亦 皇、騏驎 富 奇 而 有 與 體無 貴 絶 無 恒 人 殊,骨 表 角 鳥 無 不不 奇者 以 而 庸 何 爲 别 無 뾆 知 . 聖 聖賢 異 俱 其 世 一者。❷ 者 由 有 非 或 驗。 聖 ; 奇 、騏驎 恒 有 聖賢 賢 怪 夫 鳥獸? 富貴不聖, 言 然則 如 也 (鳥獣 之, 聖 是, 鳥 人 0 上 賢 今之 聖 亦 亦 身 世 者 鳥 有 有

之初 之物 楚王 於鵠 羽 或 在 元 時 石 時 中 和 、令尹不能 鵲、麞驎、₃世人不知。 ,何爲不生? 鳳 無 方今聖世,堯、舜之主,流布道化 也。 皇、騏 章 來 角、 和之際,孝章耀 有 何 瑞 驎 五色表之,世 用 知,故有 , 6 其孝 以 審之? 仁 或時 聖 明 一之性 抱 以 爲 宣 德,天下 玉泣 有鳳 人不之知 美玉 此論草於 惠,衆瑞 隱 . Ш 皇、 隱 於 之痛 和 騏 在 恒 洽 仁 石 驎 並 永 毛 猶 至。 中, 平 今 亂 . 聖 庸 玉

> 瑞 盛 奇 於 五. 物 一帝之時 同 時 俱 應。 此 篇 鳳 已成 皇、 騏驎, 故 不 得 連 載 出 重 見

時 鳳 驎 如 央,皆有 世 0 何 皇 , 0 瑞 其 ? 或問 不 不 實 、鳳皇、 可 能 以 難 大 日 得 鳥 政 知 别 「≪ 知乎 其 騏 也 0 治、 6 聯, ?! 出 講 時 王 今孝 故 瑞》謂 Ħ 衆 無 不 之 世 鳥 章 : 親 德 瑞 皆從,小大毛 五鳥之記 之 鳳 見。 不不 不 所 皇、騏 能 致 及 然 别 唐、 鳳 8 而 驎 四 皇、 唐、 難 虞之 方 别 色 知, 虞 騏 類 中

云

0

4

之 原作「 人」,據通 津 本

<sup>3</sup> 2 無角 驎」,通津本作「鹿 角而 而」, 通津本作「角 而 無 黄 暉

庸」, 原作「角」 據通 津 本改

<sup>6</sup> 來」,四 庫本作「未」。

瑞」, 裘錫圭云疑作「 儒」,下

原作「童」,據通津

無」,通津本作「夫」。

和 皆真也。 也。 瑞, 降,德洽而衆瑞湊。 露無故而甘, 舜、天下太平、萬里慕化、仁道施 仁者感動而來,瑞物小大、毛色、足翼 之瑞必真是者,堯之德明 同類。以政治之得失,主之明闇,準況衆 ,甘露常降,故知衆瑞皆是,而鳳皇、騏驎 無非真者。事或難 又以甘露驗之: 和氣獨已至矣。 案永平以來, 訖於章 甘露, 知而易曉,其此之謂 也。 和 和氣至甘露 氣 孝宣 行。 所 生也。 比堯、 必 鳥獸 不

論衡卷第十六

### 論 衡 卷第十七

如

以

聖者當見,鳳、驎

亦宜

見。

如以仁聖之

口

也

?

6

如以

聖人者當隱乎,十二聖宜隱

王

充

厄

於

陳、蔡,非

也。

文

王、孔子,仁聖之人,

用其

仁聖之知,❸

禽

思

慮

深,避害遠,

則

文

王

一拘

於美

里,孔子

指 瑞 篇

率教 濁 獸 皇、騏 皇、騏驎、❹此言妄也。 者,③欲以襃聖人也,非聖人之德不能 有 、亦聖。 道 會 鳳 則來,無 儒 皇、 驎仁聖禽 聖 者説 何 人游 聖人 騏 故 鳳皇、 遠 驎 道 於世 恓 去 清 則 中 也 「恓憂 哉 隱。 騏驎 9 間 或 ? 思 世、⑤鳳皇、騏 鳳 處 稱 爲 何 夫鳳皇、騏 慮 皇、騏驎 於邊 鳳皇、騏驎之 其 聖 深, 王 聖 外? 避害遠 德 來,可以 俱 亦 聯聖 驎 而 贵 宜 操 爲 聖 致 與 亦 中 鳥 宜 聖 鳳 知 鳳 或

於己。 遭 免於厄,而鳳、 憂世間民,●不圖利害,故 拘 厄之患。 凡人操行 案能操行莫敢過聖人,♥聖 驎獨 1,能脩 能 身正 立節,不 「而」字。 能

禁人

加 非

人

不

能自

- 儒 」,原漫 漶不清,據 通 津 本
- 禽」,原漫漶不清 據通 津 本 補
- 鳳皇」,原漫漶不 清, 據 通 津 本補
- 恓恓 致」,原漫漶不清,據通 憂 世」, 原漫漶不 清 津本 據通 補 津
- 間, 通 津本作「憫」。

而」,原漫漶不清,據通

津本

補

本

- 用其」,通津本作「其有」。
- 一,通 津本作「人」。「敢」,通 津本作「能

二九三

有

自全於世

九

几

知之? 來 皇 治 人, 則 王 雀 甘 帝 不 何 是 類 之時 見 著。 鳳 露、 鳥 ,反令人有 能 通 騏 亦 好 知之? 鬥 兩 甘 爲 惡 則 何 驎 驎 醴 且 之 不 露 儒 鳳 均 宣 孝宣皇帝聖 以 爲 泉 鳳、 操 能 失 」、「黄 者 能 帝 皇 等 賢 賢 莫不 相 其 人不 驎 五. 咸 知 來 不 來 於 尚 知 實 贵 或 矣。 至 稱 及 也 龍 聖 畢 不 能 也 獨 鳳 鳥 有 鳥 人 騏 之紀 相 人 見 爲 皇 知 獸 道 獸 夫 爲賢 也 驎 也。 聖 之 知 鳳 鳥 與 如 爲 德、欲 뾆 故 皇 王 愚 無 是 論 來 且 至, 鳥 使 至 鳥 如 於 有 道 事 騏 鳥 爲 潤 孝 鳳 哉 則 忧 神 過 以 뾆 뾆 驎 五. 聖 ? 與 宣 ? 儒 情 雀 驎 表 之 何 亦 鳳 爲 且 人 帝 者 9 孝宣 審 以 明 不 知 賢 堯、 黄 異 非 稱 能 同 爲 使 Ŧ. 反 不 聖 龍 性 也。 舜 皇 聖 神 實 之 能 鳳 性 知 與

> 哉 孔 德 實 此 驎 來 子 日 己 反 道 者 : 子 孔 説 ? 命 袂 0 怪 前 孔 言 窮 拭 而 孔 驎 子自 孰 其 孔 子 希 面 而 子 至 爲 來 孰 子 見 來 日 孔 來 以 泣 無 之 而 其 爲 : 涕 哉 不 子 所 物 時 不 望 來 ? 不 沾 王 爲 孰 也 絶 知 哉 王 襟 4 世 來 爲 知 所 心 一之瑞 見 儒 0 而 9 來 其 感 驎 爲 儒 已 知 時 常 哉 不 之至 也 者 傳 驎 故 有 王 故 爲 。 **3** 説 此 之 涕 爲 魯 治 日 孰 之, 説 物 怪 泣 君 聖 夫 平 爲 所 無 也 沾 驎 以 6 王 而 來 孰 孔 爲 感 襟。 爲 爲 來 至 哉 來 爲 子 驎 聖 行 天 也 ? 0 之 聞 爲 以 邁 來 Ŧ

6

儒

者

説

聖太

隆

則

論

鳳

驎

亦

過

其

實

春

秋》

日

西

狩

獲

死

驎

人以

示

孔

鳥」 原 漫 漶不 清 據 通 津 本 補

原 漫 漶 不 清 據 通 津 本 補

<sup>3</sup> 瑞 通 津 本 作 聖

不」, 原 漫 漶 不 清 據 通 津 本 補

儒已」 原 漫 漶不 清 據 通 津 本 補

所 怪 爲」, 所 原 原 漫漶不 漫 漶 不 清 清 據 據 通 涌 津 津 本 本 補 補

避 避 驎 遠 聚 其 亦 來 子 謂 孔 魯 害 何何 诗時 至,知 見 本 而 不 也 道 子 澤 能 驎 去。 所 絶 見驎、 不 之中 故 無 其 自 能 爲 而 不 6 不 爲 聖 死 之獲, 復行 免 遠 自 來 • 爲 魯 鳳 王 於 泣 也 也 聖 所 而 麟 者,6 禍 王 何 殺 將 獲 獲 魯 聖 思 然 0 之 來 殺 爲 爲 而 或 慮 禍 뾆 則 據 乎? 也 小 也 來 又 見 深 難 驎 不 其 死 ; 人 乎 其 之事 能 之 爲魯 見 . 使 所 避害遠 ? 夫 物 自 至 驎 得 徯 則 以 思 免 所 也 有 而 獲 自 遭 聖 時 慮 於難 獲 妄 知 死 也 比 獲 者 自 無 0 深 殺 爲 也 於 之 所 聖 與 也 也 聖 知 不 避 聖 獸 王 非 故 。 ② 其 害 能 而 王 會 據 孔 自

生 希 至 王 與 也 之瑞 聖 且 不得 王 生 鳳 麟 於 同 ,爲聖來矣。 害也 時 中 非 或, 生 0 則 行 外 長 謂 與 或 於 之 治 也 剥 思 山 平 巢 中 慮 林 相 破 深 或 之 遇 卵 有聖 間 避 世 鳳 害 性 間 王 皇 遠 謂 廉 爲 乃 矣。 之 之 見 來

> 之時 龍 時 外 龜 近。 遊 不 不 國 龍 遊 不 翔 則 生於外 巢 ; ; 鳳 ; 鳳 其 龜、 焚 鳳 無 皇、 剥 皇、騏 性 林 皇, 遠 卵 龍 龜 行 國 去 破 而 希 相 外外 之文, 驎 龍 畋 同 見, 屏 似 之 或 黄 竄 漉 類 亦在 類 類 亦 何 龍 不 池 也 也。 則 有 翔 以 而 外 皆 神 其 龍 ; 魚 知 國矣。 希見 雀 生 林 生 其 皆 出 龜 鳳 焚 中 在 至 不 宜 池 或 孝宣 龍 驎 外 害, 同 漉 其 不 或 與 爲 處 生外 皇 之 謂 至 伏 也 矣。 帝 相 不 口 在 ? 署

<sup>「</sup>澤之」,原漫漶不清,據通津本補

<sup>「</sup>獲」,原漫漶不清,據通津本補

<sup>「</sup>而又」,原漫漶不清,據通津本補

徯 徯獲」, 」當作 原 傒 漫 漶 不 清 據 通 本 補 又 劉 盼 遂 云

<sup>「</sup>泣」,原作「知」,據通津本改

而去」,通津本作「而云」,屬下讀。

<sup>「</sup>生」,原作「禍」,據通津本改。

<sup>「</sup>皇」、劉盼遂云當作「驎」。

外 外 或 或 「外國 國之鳳、 見遇太平,則曰爲聖 亦 驎 有 也 鳳 辦。 見 然 鳳、 則 麟 王 中 來 希 或 見 亦 則 有 未 日 在 必

之類 地 武 聖 朱 以 相 所 生 醴 草之生 出聖 草,和 皇 生 人 逢 因 生 泉、朱草 物遭」字。 遇矣。 瑞 也。 聖 也 於周之末世,6騏 生於衰世 帝 夫 人聖 也 鳳 聖王爲 生 氣 其實相遇 和氣生聖人,聖人生於 皇、騏驎之至 於成、哀之際 何 所 衰世 物、生於盛衰 謂 見聖物,◎猶吉命之人逢吉祥 生; 知 小亦時 鳳 人, 亦 而 皇 然 有 生於大平之時? 在 非 有 則 同 驎 和 外 相 也 鳳、 鳳皇、騏驎,亦和 時 氣 見 或 爲 鳳 世。 **6** 猶 俱然,時 於魯之西 驎 • 出 和 皇 也。 也。 聞 醴 氣 集 聖王道 衰 時 有 泉之出 於 道 生聖 其 世 孔子 澤。 濟 長 醴 而 陽 2 朱 大 泉、 來, 既 之 光 物 氣 有

夫鳳、驎之來,與白魚、赤鳥之至,<sup>®</sup>無

赤烏 瑞 命 知 來,是謂魚、烏爲武 王 以 有 9 周 仰 異 見之。 家當起 小 小物,小 故 也。 大,各以 其 魚 動 集 非 遭 出 安之兆 於 魚 自 所 見 躍 王 聞 吉祥 見定德 王至也。 王 屋 武 也 也 王之德 異 舟逢之; ; 薄 物, 鳳 謂 厚。 皇、 王者受富貴天 見 鳳 而 則謂 騏 若夫 火 驎 驎 其 偶 爲 之瑞 大 白 舟,烏 爲 聖 物 魚 鳥 王

6

0 6

<sup>●「</sup>皇」,楊寶忠云當作「驎」。

❷ 「和氣生聖人聖人生於衰世」,黄暉云二句衍。《注

<sup>8</sup> 物生 因瑞 聖王 爲 人, 通 津 本 作 物 生 爲 瑞 人 生 爲

<sup>4</sup> 世」二字。 亦時 有」, 四 庫 本 作 時 亦 有 字前 通 津 本 有 衰

<sup>「</sup>既以」,通津本無

<sup>「</sup>盛」劉盼遂以爲衍文。

<sup>「</sup>道」,通津本作「遭」。

<sup>「</sup>鳥」,原作「馬」,據錢批改。

<sup>「</sup>天」,通津本作「之」。

遇 出 太平之象也 大平之時矣。 圖 ,吾已矣夫 故 [! 孔 子 不 見 日 太平之象,自 「鳳 鳥 不 至 知 河 不

見雉 祭成 將 皇、騏 子 乙,●祖 將 有 有似君子之行,今從外來,則曰 湯之廟,有雉 仁聖之行矣。 且 驎,仁聖之禽 至者矣。 鳳 乙曰:『遠方君子殆有 皇、騏驎 升鼎 何以 ^ 也 尚 耳 書 爲 而 大 太平之象? 聖之物至,天 鳴。 傳》 至者 日 高 「。」祖 宗 遠 問 高 方 君 下 Z 祖 鳳

枝内 臣 同。 趾 謁 而 文 附 蒙化焉。」其後 孝武皇帝西巡 夫鳳 日 有木, 者終 若應,③殆 示 皇、騏驎猶 無 軍 枝出 外 Ė 也 : Ë 復合於末。 野 數月 有 狩,❷得白 雉 如 禽 解 此 也,其來之象 并 越 編 瑞者 角 髮 地 明 **縣** 外外 有 削 武帝 同 降者, 左 或 本 袵 議 角 宜 亦 也 問 襲 匈 有 而 與 群 雉 冠 降 五

> 下 據 白 也; 赤 軍 名王亦將數千人來 烏,猶 之言, 也 魚 魚 烏者,孝鳥; 後 烏之見以占武 得赤 此 得 瑞 類 烏,殷之統 也。 應之實矣。 赤者,周之應 魚,木精 降,竟 王, 則 絶, 推 如 知周之必得 終 此 色移在 白 氣也。 以 軍之言。 者,殷之色 況,白 周 先得 魚、 天 終

且 野 死 也。 魚、烏命使武 不 出 鳥 歸 奔 來 春秋之時 世見武 魯。 巢,魯國 也 賈誼 後 王 王 昭 鸛 誅 之都,且 許 公爲 爲 約,出 鵒 長 紂。 來 沙 季 巢,占 遇魚、 太 氏 爲 事 傅 所 相 丘 服 者 攻,出 墟 鳥,則 似 昭 以爲 類 鳥 公之身, 集舍,發 奔於齊, 其 謂 凶 實 天 非 夫 用

<sup>●「</sup>乙」,孫人和、《校注》均考證爲「己」字形之訛,下同

<sup>「</sup>巡」,原作「处」,據通津本改。

<sup>「</sup>曰」,通津本作「是」。

言天 之來、 之物 出 遇,凶 矣。 物 猶得吉 或 福 誼 有知,故爲吉凶之人來也,猶蓍 家,家人將有吉凶之事,而 M 大 人,知者占之,則知吉凶 書占之云: 4 兆 禍將至而故爲之巢集也。 其野澤之物,巢集城宫之内,則見 竟 ,傳舍人不吉之瑞矣。 使之 來至,見當與吉凶之人 見數以 龜兆蓍數常有吉凶,吉人卜 去。 語 人與 鸜 與野鳥之巢、❸服鳥之集,無以異 X 不通 鵒之巢,服鳥之集,偶 野 所 [X] 服 告之也。 然 鳥 爲 ,情指一 相逢,非 則 雖 也。 鳥 天 殊,其占不異。❷ 人 不達, 地之間 夫巨 室、主人當去。 虚 蓍 將 居 龜 何能 非 大 吉 至。 常有 1 神 之天 相逢遇矣。❺ 鸜 王者 N N 筮 靈 使 巢適: 鵒、 一之兆 龜 前 非 吉 物? 知 使 筮 之有 吉 以 服 [X] 人吉 夫鳳 集 無 細 與 凶 其後 豫 天 鳥 魯 過 占 古吉 吉 小 之物 下 他 物 兆 見 知二 或 客, X 之 或 X 於 ·爲 相 數 亦 驎 且. 禍 賈

> 不 · 爲 天 使,6 其 來神 怪,若 天使之, 則 謂 天

使矣。

子,而 家 貴。」或曰: 生子爲之 有吉凶矣。 家,主人方乳 ,猶孔甲 民室也, 夏后孔甲畋于首山 其子 故 偶遭 遭 必凶,爲之至也。 「不勝,之子 夫吉凶之物見於王朝, 到, 雨 雨 人民室也。 謂 或 而 鳳 曰 廕 皇諸 庇 必 ,天雨晦冥,人于 「后 也, 有 瑞 孔甲 殃。」 來, 非 既 有 知 知 至 之子 不 夫 民 若 知 孔 應 家 必 吉 其 占 人 將 甲 民 之 大 民 能 將 則 生

前

福

4

<sup>3</sup> 2 0 通津本乙 「野鳥雖殊其占 通津本乙 後昭」至「之云」三十二字,原錯 正。 不異」,原 錯 簡 在 下 簡在下 鸜 鵒 之巢 禍

<sup>「</sup>之」,原脱,據通 津

他禍 福 」,通津 本作 「也是」。

見」,通津本作「自

<sup>6</sup> 原作「能」 據通 津本改。

至,誤矣。

# 是 應 篇

恐多 實。 黄龍 適 言其五日 鳳 之屬、大瑞 破 路 莢、 草、 提挈,關 翔 塊 市 屈 醴 非是。 、甘露 瑞應之物,或有 五 、騏驎、 儒 能五 軼 泉、 無 者 之屬 梁不 日 二價 翔 論 日、十日 9 較然,不 風 夫風 鳳 鳳 太 風,十 ·閉,道 拼耕 又言 風 甘 皇。 平 不 者 氣 瑞應,皆言氣 日 鳴 正 無 讓 Ш 露 得 夫 日 雨 或 如 條、 畔,行 虜 景 增飾 出 儒 露 雨 無 京掠,風 其 車 雨 本 者之言,有溢 。褒之也 雨 星、 一,澤出 數。言男 ; 其 者讓 不 夫言鳳皇、 當 嘉禾、萐 ·破塊, 其 不 和 物 盛 鳴 小瑞徵應, 路 馬 適 茂者, 條 卓異,朱 頒 男 女不 風 可 脯 言 騏 女 美 白 雨 雨 世 相 其 驎 過 雖 致 不 異 蓂 不

> 哉? 之屬 事 太平無有 有 業,買物安肯不 平之時,無 褒之也。 干、市價 求貴賤之心,必有二價之語 而 褒增 始 不 更作 無 不 過其 此 太 ·相欺 其 商 物。 平 道 物。 人 實 水賤? 之時, 可也; 則 也。 何 可, 路 以 若 而 贵 如 言其 驗之? 賣貨 夫 行,安得異乎? 有 更 萐 必必 爲 安肯 脯 異路、無二價 男 求 説 蓂 女 此 便 不 莢、 以實者 各 皆 利 求 作 貴 屈 有 以 其 爲 道 軼 太

不 以 肉 臰 爲 脯 寒涼。 薄如 儒者言 夫太平之 **萐形** 若能 萐 加浦 如 氣 摇 生於 此 雖 鼓 和 生 庖 則 不 風 厨 能 者,言 使 能 寒 五 使 涼 穀 厨 食 厨 自 物 生 中 生,不 肉 使之 自 萐, 生

<sup>■「</sup>翔鳳」,孫人和云「翔」通「祥」,「鳳」當爲「風」,如《類

②「鳳翔露甘」。 「鳳翔露甘」、《類聚》引作

以 自 須 蒸 人 於 爲 之 甑 火火 也 自然 能 於 竈 乎? 凡 生萐 者, 必 欲

風 吹 食 物 也 何 不 使 食 物 自 不 是? 何

生 萐 以 風 之乎 ? 厨 中 能 自 生 萐 ,則冰 室 何

事 而 復伐 冰 以 寒物乎 ? 人 夏 月 操 萐 須

手

摇 之 然後 生 風 ; 從 手 握 持 以 當 疾 風 萐

不 鼓 動。 言 萐 脯 自 鼓 可 也 ; 須 風 乃 鼓

何 不 風 須 萐 不 脯 動 ? 從 世 手 言 風 燕 來 太 自 子 丹 足 使 以 H 寒 厨 再 中 中 之 天 物, 雨

粟 烏烏 白 頭 馬馬 生 角 厨厨 門 象 夫 生· 肉 萐。 2 論

之 則 虚 3 萐 脯 之 語, 五 應 之 類, 恐 無

其

實

日 日 莢生 莢 儒 落,至月晦, 者 又言 至十五 : 古 6 莢 日 者 而 蓂 盡 + 莢 五. 夾 來 莢,於 階 月 朔, 而 生, 十六日 莢 月 復

> 莢 **蓂莢達冬獨** 冬月 猶 知 莫炭之生, 安能 曆然後知之,是則 今日 成 豆 一之有 隆 而 以 寒,霜雪霣零, 名乎? 秋 莢 末 不死乎? 也。 是則 徒 爲 春夏 王者 知 福 己 H 日 ? 萬 未 如 視 數 秋 名,王者 物皆 生 夫 與 日 不 得 一,其 蓂,草之實 萬 則 知 察 枯 物 生 日 更 莢,❸春 視莢 俱 必於秋 煩 名,猶 儒 生俱 擾不省 之字 者 夏冬 也 敢 復 死, 末 謂 則

6

須

煩

擾

案

日

曆

以

知之也。

夫天

既能

生

莢

以

生。

王

者

南

面

視

莢

生落

則

知

H

數

多

少

不

<sup>0</sup> 「不」,《 通 注釋》云當作「亦」。 津 本

<sup>2</sup> 是」。 「 萐 」, 通 津 本 作 「足 四 本

<sup>4</sup> 3 則 蓮」上,通 通 津 津本 本作「 有 既 「則

上「一」字 通津 本作 朔」。

<sup>0</sup> 6 晦 莫草」, 原作 黄 暉 「朔」,據通津 云 莫」下 當 本改 有 「莢」字。

莢莫」。 寶忠云

<sup>8</sup> 通 津本作「季」。

者雖 於扆 心苦 乃 以 也。 其 王 然,高三尺之堂,蓂莢生於階 子 事 而 户 不 + 牖 知 稱堯、舜高三尺,儒家以爲卑下。 云 可 六 時 紀 人 莢,不能 坐,傍 夾階 得 莢 質,宮室之中,草 得 自 識 意 間 且 日 不 英,草 經 數。 數 數,猶 須 望 非 事 得 莢 萊 起 月數之乎? 也。 而 案 落 顧 察 善 從 生,生 察 夫 也 也。 輒 户 莢 祐 當 古有 乃 起 堯候 見之也。天之生瑞、欲 牖 生 也 計 + 知 視堂下之莢,孰 且 王 於堂下也。 以 之間 未 史 日 月 四 者 使 知 落 日 數,是 官 + 生 時 且 莢 之堂,旦 莢 六 見也,須臨 日 典 輒 五. 之中,命 凡 生於 數 以 莢 曆 日 數 耘 生 落 知 安 豈 主 下,王者 王 生 日 堂上,人君 煩 落 日 夕 日 謂善矣? + 者之堂,墨 一二者, 得 所 物 與 曦 數 了,王者 莢 五. 堂察之, 生莢? 以 懸 假使之 和 坐。 莢,於 棄 累之 是勞 欲 察 以 曆 欲 何 古 娱 日 視 几 坐

> 莢 星 以 以 占 數 時 日 也 氣 四 星 至 重 猶 不 躬 視 而 自 察

之,何 儒 猶 若佞 則 人,而 故 庭 之末,佞 堯、舜之治最 末,若草之狀,主指 哲 末以 者 不 生 能 人本 此 之言,是 儒 惟 使 天之不 物 指之,聖王 者又言: 相 帝 人 泉 以 不 知 難 來 陶 生 指 之。」人 輒 則太平 陳 爲平矣。 憚 屈 出 佞 知 煩 指知 太平之時,屈 軼, 9 人,不 人之 則 也? 佞 必 含 草 之時,草 知 之, 人。 復 即 也 五 術 使 佞 聖 安安 常 屈 更 則 聖 ? 人 佞 王 生 所 軼 舜 王 木 音 人人 經 能 莫 軼 已 何 性 在 踰 氣 知 日 物 自 過 生 難 自 朝 賢聖也。 交 : 佞 生 以 於 於 堯、 夫 知 通 之; 於 指 知 知 天 庭 屈 舜 如 庭 能 之 佞 軼 且 明

<sup>■「</sup>豈」,通津本作「匪」。

了若」,通津本作「或」。

易 杓 指 能 也 北 其 獄 動 베 操 指 行。 9 或 空言 非 人 訟 則 聖 斷 爲 言 佞 投 而 有 時 人 人。 夫 之於 生 獄 不 是 能 草 忠正之行矣。 因 蟲 非 乎 直 指 性 或 草 白 之 ? 者 地 見 時 官 能 能 0 性 其 ? 情 人 實 指 臣 指 然 故 柢 必 有 有 而 宣 子 則 夫 也, 指 曲 苦 動 而 懷 言 屈 猶 言曰 方古者 直 南 心 虚 今 今府 女妓 軼 指 ; 聽 言 草 何 之草 心 魚 : 佞 能 不 能 質 者 庭 廷 肉 有 人。 指 并 指, 朴, 末 畫 之 獄 則 或 \$ 臯 有 蟲 亦 各 字。 司 見 假 時 屈 陶 屈 變 天 南 草 集 **\$** 無 軼 軼 性 性 之 之 能 指 觟 有 地

罪 奇 助 有 瑞 獄 則 罪 應之 儒 爲 觸 驗 無 者 臯 類 陶 説 故 罪 云: 也。 治 臯 則 獄 陶 不 觟 日 敬 觸 其 角虎 羊 罪 夫 者 ·, 起 斯 疑 觟 蓋 者, 熝 坐 角之 天 則 事 **\$** 生 復 之。 羊 , 羊 屈 觸 也 角 軼 此 之, 聖 性 性 之語 則 獸 神 有 知

航

也

角虎 监 觸 衆 謂 乾 賁。 陶 或 巫 角 也 之羊, 之 知 時 鵲 能 無 人 欲 類 0 吉 羊本二 巫 怨言 則 案 觸 神 觟 知 何 類 罪 來, 能 X 事 鯱 謂 何 以 之, 之性 也 助 與 之 則 占 鸚 能 爲 政, 賁 角 爲 斯 鵡 人 巫 聖 奇 夫 徒 神 惡 何 欲 能 禍 不 ? 觟 於 物 能 受罪 奇 刑 言 能 角虎 福 兩 性 則 觸 鼈 之不 天 而 無 神 之 角 狌 人,未必 者之不 以 不 於 角 之 所 性 狌 足 犯 爲 然 知 禽 能 四 之 日 8 體 善 者。 ? 足 時 徒 ? 能 受罪 能 損 厭 不 之 有 皆 狌 於 服 知 4 龜 斯 如 龜 爲 狌 群 之家 罪 能 皆 因 以 鼈 如 神 人,泉 爲 知 不 觟 人 觟 足 以 ; 也 往 神 及 觟 没 角虎 角虎

<sup>■「</sup>人」、《注釋》據《說文》引揚雄説改作「日」

②「杓」,原作「酌」,據通津本改

③ 「斯欲刑之」,通津本作「欲人畏之」。

母 「之所知時有」,通津本作「各自有所知」。

光 父緣 效 罪 觟 神 紂 事 也。 ! 身九頭,人畏惡之,未必覆 艙 以 欲立 到 河有此異物,因以威衆? 之類 化,欲令急渡 倉光者,水中之獸 孟 猶倉光之覆 人畏怪奇,故 化 津之上 也。 也。 0 河 一,杖 師 中 ,不急渡,倉光害汝 舟 尚 鉞 有 空褒增 也 父 把 此 一、蓋 爲 旄 異 也 周 一,善覆 號 物,❷時 有 人之舟 司 虚 其 夫鮭 馬, 名 衆 9 出 日 舡 將 魚虎 無 也。 浮 : 之觸 其 師 則 尚 倉 實 復 伐 大

言 東 星、太 太白 行於軫 也,太者 日 何 又言太平之時 堯時景星 人不知 白 東有啓 如 度,古質 也 ,歲星,太白 狀 見大 則 或 明 見 不 時 名 西 於軫。」 星 能 智 日 有長 有景 也 則 推 見於 「啓明」「長庚」矣。 謂 步 彼或 夫景星 星。 庚。」亦 景 Ŧi. 西 星 星 《尚 時 或 矣。 不 歲 ,或時五 或 時 書 知 星 時 晨 中 詩》又 歲 一、太白 出 復 候 星、 歲 然 於

> 又言: 也,而 白經 星 寧。 星,可 雅》所言景 月 則 復名之曰「景星」。❸ 候》之時,質世 春爲發生,夏爲長養,母秋爲 爾雅》之書,五 乃 精 長 天,精 四 明 庚與景星同, 几 不信從,更謂 復更有日 氣 時 甘 和 Ŧi. 氣 星 露 如 星 爲 和 與 時 半月,使 也也 景星 之名 儒 月乎? 降 日 經之訓 俱 皆 者之所 月 \_\_\_ 萬 大星 也 不 Ŧi. 之 夫 物 不 爾 知 星 類 故,儒 詩人,俗 恐 如《 以 知 説 爲 雅 星 也。 也 非 嘉 星者見之, 異 景 爾 釋 着 收成,冬爲 哉 王 太平之時 者 謂 太 雅》之言,景 四 星」,豈 天之大星。 ? 莽之時 人也; 所 之醴泉。 平更有 時 《 爾 共 章 觀 亦 日 爾爾 ^ 太太 察 安 則 景 中 日

2

<sup>● 「</sup>神事欲」,通津本作「欲神事」。

<sup>「</sup>異」,原作「之」,據通津本改。

<sup>「</sup>亦則」,通津本作「則亦」。

<sup>「</sup>養」,通津本作「嬴」。

醴 出 泉 , 乃 其 謂 味 甘 甘若醴 露 也 今儒者説之, 故 曰 醴 泉 二説 謂泉 相 從 遠 地

實 中 未 可 知 **^** 爾 雅 • 釋 水 **>** 章 : 泉一 ; 見

懸出 否 而 懸出 E 瀸 下出 檻 泉正 也。」道泉出之異,❷ 出 正 出,涌 出 也 輒 沃 有 泉 異

名。 使太平之時,更 有醴泉從 地 中 出 當當 於

露 此 爲醴泉乎? 章中言之,何故 又言甘露 其 若此 味 甚甜 反 儒 居《 未 釋 者之言 可然 四 時 也 醴 章 学中 泉 從 言 地 中 甘

出

甘 如 非 甘 謂 甘 失 者 飴 之甘 其 也 露 養 蜜 ,其不時,**6** 萬 必 行 儒 者 謂 物 亦 雨 日 翔 之甘 有 其 着 非 風 道 露 降 於 謂 起 甘 下 露 樹 土 至大者, 雨 • 味 時 也 木, 水 地 甘 如 適 之味 滋 露降 潤 飴 不 何 潤 着 蜜者 養 日 以 甘 流 萬 五. 月 明 也。 濕, 穀。 物,●未必 雨 之? 精 俱太平之應, 濟 明 推 萬 徒 而 , 此 案 物 星 露 陰 以 治 甘 味 露 辰 論 沾 露 味 者 不 不

> 則 濡 察所着之樹,不能 雅》之言,驗之於物,案味 日甘露,殆異於《爾 爾雅》之甘露 甘露降下之驗 溥。 由 此言之、《 以以 也 萬 茂 爾 雅 物 於 雅》且 甘 》之所 豐熟 所 露 甘之露下着 不 下,是則醴泉矣。 近 ,災害不 謂 着 得 之木。 甘露,♠欲 實。 生,此 緣 樹 然 驗 今 爾

#### 治 期 篇

成 治 安 世 謂 人 古 君 人 不 君 肖 賢 則 則 道 道 德 德 頓 施 廢 行 頓 施 廢 行 則 則 功 功

4

6

殆」,

原作

飴

據

通

津

本改。

=:0 兀

<sup>0</sup> 泉」, 原 在 下 故曰」上,據 通 津 本乙正

<sup>2</sup> 道, 通津本作 「是」。

<sup>3</sup> 翔」, 四庫本作 祥

必」,原作「 非」, 據通 津 本改

<sup>6</sup> 不」, 通津 本作 下」。

滋 原脱 據 通 津 本

敗 如 堯、舜賢聖致太平,桀、紂 實論之,命期自然,非德化也。 治 亂。 古今論 者 真謂 不 無 然。 道 致 何 亂得 .则 ? 誅 見

不減 之責,世論傳稱使之然也 自 責 者,無道之所爲也。故危亂之變至,論者 則 賞,案無功而施罰。 而 爲 而 或才高 謂 厚能 責 立 政 人君,歸罪於爲政不得其道。 除。 ,愁神苦思,撼 民 布教,教行以正民,❷治與亂皆有 吏百石以上,若升食以下,●居位 也。 上古之黜陟幽明,考功,據有功 治國安者,賢君之所致; 行潔,居位 空憤人君之心,使 論者因 職 考功之法,據效而 動 是考命而 廢; 形 體, 或智淺操洿,治 明 圃 長禄,非 知 危 人君受以 民 之主 亂 之 亂 定賢 治 命 變終 虚受 或 實 而 焉 民 以 危 才 民 加

世。良醫能行其針藥,使方術驗者,遇未死夫賢君能治當安之民,不能化當亂之

安民 子曰 鵲 危,皆在命時,非人力也。 寮愬子路於季孫,子服 亂 之人,得未死之病 也與,命也 末 民之不可安也。❸ 也。 如之何。 「道之將行 皆有 ]!!由: 命 夫命 此言之,教之行廢,國之安 時 也 也 不 窮 0 藥氣之愈病,猶教導之 )與,命 病困 如 景 可令勉力 命 伯以 也 之不 窮病 告孔 可 木 也。 道 治 之將 子。 則 公伯 猶 雖 廢 孔 扁 困

大旱矣。《詩》曰: 天,賢君之德,不能 夫世亂民逆,國之危 「周餘黎民,靡 消卻。 殆災害 ○ 詩 》道 4 有 周 子 宣 遺。」 於 王 E 遭

<sup>●「</sup>以上」至「以下」,孫詒讓云「上」「下」當互易,「升」當

<sup>「</sup>以正」,通津本作「與止」

<sup>「</sup>困」,通津本作「夫」。

<sup>「</sup>殆」,原作「多」,據通津本改。

於德 言 所 也 之, 豈二聖政之所致哉? 湯 致 遭大旱。 無 微 以堯、湯之水旱,準 有 非 口 德 遺 水旱,災害之甚者 所致,則其福 惠 人不 盛 者 被 莫過 害者。 百 堯 祐 王 非 天地 0 湯 之災 德 也 宣 前 所 堯遭 王 歷 爲 害 賢 數 也 洪 者 聖 當 非 水 逢 德 然 嫌

世治 成,8 亂 皆天時也。 所 家安人樂,富 昌 孝 命 耐 致 禄 平 必 善,是家 厚 非 非 然則 教明令, 賢 有 前 賢聖之功 君之治國也,③猶慈父之治家。 賢 衰 衰 不知 愚 興 此善惡之實、未言苦樂之效 興 廢 所 饒 也 國 非 則 耐使子孫皆爲孝善。 獲 財 7、衰亂 安治 也 德 有 用 時當治 百 所能 足 廢 姓 非 化 人皆 也。 0 平安,6 行 無 敗 悪 道 者 知 興 也 案富 人不 之致。 歷 富 昌 數吉也 饒 是 昌 饒 非 能 居 或 者,命 衰 德 安樂 國當 亂 昌 興 所 子孫 慈 也 廢 也。 能 衰 故 者 父 世 厚

> 之治 亂,在 賢不賢之君 時 不 在 明 政 , 不 明之 國之安危 心政,無 能 在 損 數 益 不 在

兵革 之? 美; 者,由穀食乏絶,不能 之蓄,人有君子之行。 亦一有 並 世言五 夫世 起,民 之所 「然」字。 帝之時, ●天 棄 以 禮 爲 義 或 亂 忍 負 時 者 饑 或 下太 畔 政 寒。 時 不 其 所 不然, 平, 以 上 致 夫 乎 賊 饑 家 ? 盜 何 世 寒並 有 衆 若 以 增 + 多 此 其 審 至 年

可一 黄 暉 云當作「子」。

原漫漶不 清 據通 津 本 補

之」,原作 「子」,據通津 本 改

教」,原漫漶不清 據 通 津 本

耐」上,吴承任云當有「不」字,《 意林 影引 有

姓」,原漫漶不 清 據 通 津 本

則 通 津本作

能 原 漫漶不清 據通

衰亂」 原漫漶不清 據通 津 補

時 不在 」,原漫 港不 清 據 通 津 本補

言」, 通津本作

惡足 堯、湯 堯之洪 至自 宜 所 也。 於 所致,不能 不 鄰,善義 秋,召及四鄰。 基 穀足食多,禮義之心生 足,民知榮辱。」 而 成 致。 常 立矣。 歲之饑 能 水旱。 有 以 案穀成敗,自有年歲。 無 非政 德 説百 照 數 爲 水,湯之大旱,皆有 優, 也。 故 傳 善。 非 穰。 所致,時数然也。 或 爲政者莫過桀、紂,桀、紂之時 案桀、紂之時,無饑耗 白 饑 日 王之害, 者寡,然 時返 爲善惡之行,不在人質性  $\pm$ 堯、 歲之春,不食 由此言之,禮義之行 讓 不食親 劣 倉 湯 生 在聖君之世。 也 證 一於 廪實,民 則 獨 ; 戚,惡行也 有 温 白 審 謂 禮豐 王 餘 飽 爲 遭遇,非 年歲水旱,五 親 並 必謂水旱政 知 足 悪 至 争 義 至 戚 禮 白 以 起 之應,此 重,平安之 之災。 實 而 節 ; 王 見 於不足。 政 事 在 召及 穰 能 , 遭 百 惡 者 穀 歲 衣 不 一,在 變, 災 之 見 説 治 一穀 明 足 之 四 食 爲

> 非 非 德 政 所致。 所 就 明矣。 以變見 而 明禍 福 五 五 帝 致 太 平,

得乎 重乎 謂 訖 政 之災,❷猶人遇 地 其 而 國亡,猶病 治 猶 水 老壽,人之病死,不在 病 也 ? ? ·旱者無道 5 € 遇 人之温、 人温 邪 國之亂亡, 夫 賢 謂 氣 人 È 病 不愈,至於身死 病 也 温 人有 而 者爲惡極,賢者身死 而 所致,賢者遭病 氣而 病 死,色見於 其 死 色 被 與 病 也 病 X 病 此 ), 先 不 也。 而 可謂 操 同 愈 早死,惡 有 驗。 行 也。 面 至 災禍不 [X] 操 爲 部 可 於 色 有 悪 行 論 也。 身 見 變 人 也 謂 者 所 除, 死 於 有 見 可 謂 無 生 有 面 謂 然 完 狀 徵 至 水 於 命 乎 則 於 早 彊 罪 所 ? 變 天

<sup>「</sup>害」,黄暉云疑作「災害」。

<sup>「</sup>旱」,原作「早」,據通津本改。

<sup>「</sup>徵變」,通津本作「變徵」。

以 國之亂 明惡,福瑞 非政 亡,不 平 安 不 而 在 足以 常 政 之有 存 表善 由 非 此 ,明矣。 ; 0 言之,禍變 惡 完 彊 不 而 足 老

必失誤 貴 穀 賤 致。 亂 制 治。 Ŧī. 歷 宋、衛、陳、鄭皆災。當此之時,六國政教未 食,五月六月月亦一 直 賤 穀 於時。 陽 不 豐者未 在 生 長 歲害 減 有 百變千災,皆同 在天之變,日 善 時 地 吏 也 悪 夫 未 鳥帑,周、楚 事 歷 穀 必 時 必 豐一耗; 穀糶在 賤 未 陽之都,一 當 之貴賤 誑 ,耗者· 爲,天氣已見,非時 貴 妄 月 ,豐穀價 也。 食。 薄 一狀,未必人君政 有 不 未 蝕 夕沈 在豐耗 成 禍 必 食有常數,不 敗 貴。 ; 增 四十二月 綝然之氣 繋於天 而 市,一貴一 猶 豐耗 時 爲 當 湖 或 而 **」賤,耗** 當當 有 之治 教 古 日 何 在 歲 X 時 ? 所 政

賢君之立,偶在當治之世,德自明於

亡 階 災 詘 政 外 謂 上,民 善惡之證 嗣,世皆謂之爲惡 時,❸世擾俗亂 可 平. 害 教 形,不見禍福之内 之聖君 也 安以 或 因 得論 自善於下, 無 以 前 升遷,或 或有 所致。❷ 不 今之長 也 無 在 所 禍 災害 夫 改 福 世 吏,況古之國 所致。 命 更,然 何 無道之君 平 賤 實 不絶,遂以 故哉? 長 民 也。 不任,當 安,瑞 吏 而 若此,明於善惡之 到 盜 禍 偶 官 長 賊 福 祐 由 破 生 君 吏 或 未 不 並 國亡 危 當 秩 多 在 有 至 安危 亂 生 貴,當 善惡 或 所 身滅 以 亂 世 行 之 存 貶 則

論衡卷第十七

② 「聖」,通津本作「賢」。

③ 「生當生亂」,通津本作「生於當亂」

## 論 衡卷第十八

告人

也

物

自

生而

人衣食之,氣

自變

而

人

畏懼之。

以

若

脱論

之,厭於人心矣。

如

天

王

然 篇

自

然。 之。 五穀可 生矣。 人,此謂天爲人作農夫桑女之徒也,不 故其義疑,未可從也。 或説以爲天生五穀以 天 食,取而食之,見絲麻可 萬物之生,含血 地合氣,萬物自生,猶 之類,知 食 試依道家論之。 人,生絲麻 夫婦合氣,子自 飢 衣,取 知 寒。 合自 以 而 衣 見 衣

五. 救寒,故人食穀、衣絲 穀 絲 天者,普施氣萬物之中,穀愈 麻以衣食人,由其有災變不欲 麻 也。 夫天之不 飢 而 故 以 絲 譴 生 麻

充

瑞爲故,自然焉在?

無爲

可居。

雲煙。4 也。 地 以 案有 求索, 夫何爲乎? 利,欲之爲也。 有 大婦婦 嗜 地知之。 欲 使天體乎,宜與 爲 何 者 知天之自然 於内,發之於外, 雲煙之屬,安得 也。 一, 口 地 目之類 地 以 今無 體 土 無 也? 爲 (地同。 何 也。 П 體 以 目 目 П 土  $\Box$ 口 知 無 目? 目 以 使天氣 欲 亦 天 欲 本 天 求之,得 食 知 8 無 無 無 而 天 於物 口  $\Box$ 乎, 目 口 無 目 目 欲 目 以 氣 無 也 口 視 也。 天 所 ?

0 可, 通津本作

下「無」字,通津本作「之」。 知」,原作「以」,據四庫本改。

2

通 氣乎氣若雲煙」,原脱上「氣」字,「煙」作 津本補 正 類」, 均

三〇九

或

日

凡

動

行

之

類,皆

本

無

有

爲。

0

:

故 老 以至優之德與 父,任之以事 父,爲君乃易乎?」桓公曰:「吾未得仲父, 物 者何?6 獨言者, 氣 生 欲 體 也 似 有 以告仲父。」左右 難 。 第 安 以 欲 聃得以 物 動 老聃 而 生子 氣 體 故 物 而 已得仲父,何爲 乃 動 動, 得 安所禀受此 物 未 自爲,此 壽矣。 ', 氣 出 氣 氣 無 自 之有 一,子亦, 乃 也 爲 ,委之以 生,此 動 施 王 出 ? 則 而 也 則 政 老聃 恬 生 物 有 曰 : 子自生矣。 則 澹 無 而 性 也。 乃 曰 : 爲。 自 或 爲 無 譴 政 禀之於天,使 不易?」夫桓 生 欲, 也 然 告 不不 復 天之 夫人 矣。 令天 師 也 則 於 無 復 無其 謂 仲 桓 之施 動 爲 由 動 天動 則天德 與 施 天 父,二則 公, 行 無 人 行 知 説 氣 有 事者 氣 動 也 一公得 公 天 不 與 爲 不 而 也, 氣 無 欲 不 皇 弟 欲 施 日 無 人 也 也 天 仲 仲 此 以 子 相 爲 爲 非 氣

桓公,⑥而霸君之操過上帝也。

鑪 陽 失道 故 非 之,笞之二 參 無 王 不 爲 事 命 管仲、 鑄 譴 ,勿復 聖 僞錢, 吏不能 漢 廢 告 或 刑一人,高枕安卧 德 君。 相 之變。」 曰 亦將 百。 隨 與 縱 「桓公知管仲賢,故委任之; 擇 知。 譴告之矣。 譴告之,何 酒 才若 曰 當 歌 . 時 禁,汲黯 今則不然, 樂,不 天能 堯、舜,受 天 下 前 天不 譴 聽 無 使天遭堯、舜, 告 爲 政 淮 擾 ·憚勞 生 以 人 太守,不壞 陽 亂 治 君 庸 王 政 之 也? 庸 命 其子 則 清。 變。 之君 委 亦 諫 曹 夫 能 淮 必 如

8 2

6 6 4

<sup>● 「</sup>無有」,孫人和云「無」字行。劉盼遂云「有」字行

<sup>「</sup>欲故」,原作「故欲」,據通津本

<sup>「</sup>令」,通津本作「今」。

<sup>「</sup>安」,原作「女」,據通津本改。

<sup>「</sup>君」,通津本作「若」。

厚,而 之。」夫不治之治,無爲之道也。 使人問之:「何以治衛?」對 重 天與王 多 也 而 爲 漢 威 政 計 朝 相 不若汲 隨 無 若 天之威德孰與曹參、汲黯? 事 不 而 · 爲相 淮陽 譴告之,是謂天德 黯 重 汲 也 刑 錯者 黑音 蘧 爲 伯 太守若郡 ,参德優 日 玉 治衛,子貢 不若 以不治治 而 無 曹 黯 而 人。 謂 威

者 故 書。 宋仲子生,有文在 友 也。 不畫 夫天安得 人,復爲有 圖 生,文在其手,故叔 在 蓋天 張 母之時,文字成矣,而 書自成。 不就,不爲不 或 良 曰:「太平之應, 以 佐漢誅 遊 爲 筆 泗水之上,遇黄石公,授太 晉唐. 之效 墨 而 秦,故命令神石爲鬼書授 成。 其手,日「爲 叔虞、一有「生」字。 爲 也。 圖 天地 曰「虞」,季曰「友」。 書乎 曰 : 河 謂天爲文字,在 出 出 此 魯夫人」。 之,有爲之驗 圖 皆 天 自 洛 道 魯成季 然 出 自 然, 也 公

> 爲趙 之象也。 人當 非或爲之也。 是以太史公紀黄 然之化, 簡子夢上天,見一男子 母之時,●天使神持 或 道 ,則前 且昌之狀也。❷ 古 妖氣爲 疑 所夢 難 知,外 鬼,鬼象人形,自然之道 石事,疑 見在 錐 筆墨 黄 若 帝 在 石授書,亦漢 有 側 帝 而 刻 爲 之 者 不 其 (側、後 能 也。 内 身 實也。 實 乎 論之 自 出 ? 且 以 見 趙 興 自

文章 寡矣。」如孔子之言, 曰:「使地三年乃成 刻木爲楮一本作「約」。葉者,三年乃成。 ,謂天爲文字,復爲華 草木之生,華葉青 萬物 葉,則 葱 之 皆 葉乎 萬物之有 葉 有 自 ? 曲 爲 折, 宋 生也。 葉者 孔子 人 象 或 類

<sup>●「</sup>母」,原作「天」,據通津本改。

<sup>○「</sup>狀」,黄暉云當作「妖」。

荒 成,出 猶 見。 死 耳 也 脂 物 得 若 知 子 采 也 物之生, 自 思 ? 腴 宋 引 王 忽 目 氣 在 萬 ? 色 爲 + 物 夫 消 蓋非自然之真,方士巧妄之僞,故一 非 天地之間 萬千千手,並 生 人刻楮 骨 偶 入宫門,武帝 見 如 通 性 人 也 事 其 ·月而 散 謂 秋 節 人千萬,不名爲 可 自 形 , 以 滅亡。 爪 觀 天地爲之,❷爲之宜用手,天 爲 形。 不 驗 然 葉 故 生,鼻 监 乎? 其 可 其 也。 也, 矣。 能 成,天 自 道 久 並 行 猶 有爲之化,其 爲 大驚,立而 士 武帝 [然成 口 見 鳥 觀 言 成 萬 子 以 耳 鳥 潤 4 也。 地 萬 在 目 方 人者,何也 幸王 뾆 腹 未 爲 如 故 千千物 母 術 道 中 能 之 天 之 髮 自然之説 腹 作 家 夫人,王夫人 乎? 毛 爲 乎 迎 盡 膚 中 論 不 夫人形 之, 之,忽不 ? 羽, 實 毛 乎? 也 可久 ? 自 理 母 0 毛 其 物 春 然,不 未 3 爲 鼻 血 地 自 觀 羽 遲 母 行, 見 復 見 形 脉 懷 諸 安 然 之 當 口 之 萬

> 信 也

大

死。 宋人有憫其苗之不 大,人不 春播 夫欲 然雖 種 能 自 爲自然者,宋人之徒 者,人爲 爲 然, 也。 亦 之也 須 或爲 長者,就而 有 爲 ; 之者, 及 輔 穀 助 也 揠 敗 人 之, 地 耒 之 耜 道 明 日 耕 也。 日 夜 耘 枯

爲。 德純 不肖。 天 性 禀氣 者,亦 渥 問 日 不肖者,不似 之人,禀天 薄 當 「人生於天地,天 少,不遵 無 爲,而 氣 也。 道 多,故 有爲 德, 不 不 能 似 何 似 地 則 天地,不 也 天 無 天 ? 自 地, 爲, 日 類 故 然 人 禀 聖 至 無  $\mathbf{E}$ 

2

4

<sup>0</sup> 正文。 自 爲生 也自 爲 生 也 原爲 雙 行 小字, 津 本 改

如 原 作「 知 據 通 津 本 改

<sup>3</sup> 行言 萬」,原不重 通 津本作 文 據 一言 通 津 行 本 補 黄暉 疑 作

敗之」,原爲雙行小字 據 通津本改爲正文。 所言」。

不一 和 身中恬 黄者,黄帝 故故 無 一,安 有 心 澹,其 能 爲 於 也; 皆賢? 也 爲 治無爲,正身共己 而 老者,老子也。黄、老之操 天 物 地 賢 自 爲 之純 化, 爐, 者 無 造 黄、 意 化 爲 於 而 老是 工 生 陰 陽 禀 而 也 自 物 氣

自

蕩乎民 能 爲 又曰: 行,不作爲邀名 禹 與焉。」周公曰:「上帝引佚。」上帝,謂 哉,堯之爲 人 治。」垂衣裳者,垂 與 知 而 也。 堯之德,蓋自然之化 天 天下治。● 《易》曰:「黄帝、堯、舜,垂衣 一巍巍乎 地合其 無能名焉」。 舜、禹承 君 也 德。」黄帝、堯、舜,大人也 ! 9 舜、禹 安 ! 拱 繼治,任賢使能 無 舜、禹 年五十者擊壤於途 惟 無爲 爲 承 天 之化自成,故 堯之安,堯 之有 爲大,惟 也。 也 《易》曰 天下也,而 孔子曰:「大 堯則 裳 恭己 則 而 天 之。 天 蕩 無 下 不 而

> 本不求 成。 成藏。 氣 澤,孰與汲 然 藏。 不 德 爲 與 和 而 沛然之雨,功名大矣,而天地不爲也 雨 陽 生 天 而 氣自 雨 ,物之莖葉 3 地合、故 功,故其功 汲水決陂 自 而 井決陂哉?◆ 集 出 夏 ,物自 不 知 根 灌 爲 無 <u>\f}</u> 荄, 爲 溉 生 長 秋 也。 袁 長;陰氣自 本不 莫不 故無爲之爲大矣。 田 不 天 物 物 洽 求名,故其名 爲 道 濡 亦 成 無 生長; 起,物 爲,故 冬 程量 不 一澍 霈 自 爲

謂 法 上,上氣降下,萬物自生其 惑矣。 天 地,不知推 儒 家説 夫天覆於上,地 夫婦 夫婦之道 之道 取 法 以 於天 中 偃 論 間 於下, 天地 矣。 地 之性 下氣 當其 知 夫 生 烝 可 婦

<sup>■ 「</sup>恭」,原作「參」,據通津本改。

<sup>「</sup>爲」,通津本作「功」。

<sup>「</sup>生」,原作「主」,據通津本改。

<sup>「</sup>孰」,原作「執」,據通津本改。

水,獸 我 孔 上,上 其性 爲,聽 子、文子,似天 能 日 多 之功,不 鮮 哉 夫 知 也 ?;亦忘· 與與天 百 淵 譴 子 . 欲 天 也 政 告 謂 君 姓, 者 命之欲 一安其 相 恣 不 及其生也,人道 之適 物自 顔 也。」以 地 聽 其 須復與 何哉 忘於林 臣 魚 況 淵 性。 下, 趙 同 黙 相 以 也 生,子: 也, 日 操 良 ? 憎 之 地者 老子爲君 . 純 也 孔子爲 也。 之議 君 故 吾 類 怨 不驅 人相 拂 蒙 , 放 自 臣 也 也。 也 詭 服 商 由 無 成, 魚 相 有 0 魚令人 忘 以 子 汝 鞅 其性,失其 君 爲, 於 上德 教 忘 道 淳酒 天 於 文子 取 變 在 了, 顔 ]1] 忘 訓 家 於 何 世 車 地 秦 母 之義。 陵,●不 也 治 德 治之,若烹 味 淵 復 裂 縱 父 法 懷 爲 , 甘 譴 厚,下當 之 獸 母 爲 故 中 。 欲 臣 魚 汝之服 所宜 患 臣 ,飲之者 告? 日 於 平 相 逐獸 爲 天 父 何 尚 ? 天 Ш 忘 德 道 殊 與 不 也 也 老 於 於 故 其 薄 小 **\$** 不 從 異 無 能 知

> 淳 告 醉 酒 ,道薄之 不 乎 相 知 , 驗 薄 也 酒 酸 謂 苦, 天 譴 賓 告,曾 主 頻 謂 蹙。 天 德 夫 不 相 若 譴

JЦ

非,灾 異。 禮 也。 人 居 之天,●古之天 民 愚惷,不 居 故 瞳 矇 禮 譴告之言生於今者,人以心 雖 異 乍 相 有 者, 時 曉 自 譴 灾異,❷ 知 至 惠之心 以 告。 忠 相 爲 信 也。 則 繩 三皇之時, 馬,乍自以 之薄, 造 不名 責 未形 非 譴告之言 也 古之天厚而今之天 日 亂 生也 譴 末 之首 坐者 爲 世 告。 矣。③ 牛 衰 當 也 准 微 于 何 時 純 于, 況之也。 則? 夫今世 德 亦 相 下 行 無 譏 行 薄 相 時 災 者 以 而

<sup>■「</sup>入」,通津本作「上」

② 「雖」,通津本作「如」。

③ 「異時至則造譴告」,原爲雙行小字,據通津本改爲正

<sup>● 「</sup>世」,通津本無此字

改,舉 犯約 Ŧī. 伯 誓 也 而 不 兵相 德 一,而 及 負 彌 五 滅。 謂之上天爲之,斯蓋 薄 帝 者 教 要 信 約 由此言之,譴告之言,衰亂 盟 彌 不行,則 不及三王 衰。 心 相譴 險 ,交質子 所 而 告; 以 行 疑 詖 譴 也。 0 告 不 及 不 則

變時 之驗 天德 謂 自 知 而 君 者亦當時有諫上天之義,其效 夫人道,臣 爲 也 乃 譴 也。 之。 至 謂之譴告乎? 萬 告 爲災變,凡諸 優,人不能諫,優 且 氣 石君 腹 凡言譴告者,以 臣 夫人之優者猶能不言,皇天德大, 中 夫 ,上天譴告君 自爲之。 亦有諫君,以災異 ,子有過,不言 天 有寒,腹 地 之間,猶 恠 夫天 夫天地 中 異之類,無 德 人道 疾 也 亦 無爲,故不言。災 痛 人 ,對案不 宜 謂 験之 不 背 爲 人 玄 能 灾 何 腹 公默,不 不 異 譴告, 小 在 也 爲,亦不能 大薄 之 使 食,至 八爲 ? 中 也 譴 人 當當 苟 而 也。 告。 道 優 謂 氣 譴 王

> 乎? 自 則 色。 能 言 災變以譴告人? 於大者,類多伎能。 皆天所 曰:「吾少也賤,故多能鄙 氣 爲 天 發,占候之家因以言也 人不能爲蜚色,天 變之見,殆見自然也。4 色自發也。 神 牢 爲 乎 牛 ? 子云:『 腹 牛 中 且吉凶 生 天地 天尊貴高大,安能 爲 馬 地安 馬, 吾 猶 桃 畫 事。」人之賤 不 人身, 把 能 色見於面 生 試,故藝。」 李 李 爲 變自見,6色 氣 實 氣 如 變? 變 提 論 猶 桃 撰 不 者 用 爲 之 畫 不 又 間

夫寒温、譴告、變動、招致,四疑皆已論

正

2

滅」,原作

減」,

據

通津

本改

<sup>0</sup> 彌 「皷」,原作「誠」, 至 「心 險 原 據 爲 通津本改 雙 行 小 字, 據 通 津 本 改 爲

<sup>「</sup>把」,原脱,據通津本補。

<sup>「</sup>見」,通津本無此字。

<sup>「</sup>變」,原脱,據通津本補。

難 隨 别 事 也。 譴告於天道尤詭,故重論之,論之所 雖 違儒家之説,合黄老之義也 説合於人事,不入於道意,從 道 以

## 感 類 篇

責。 天何 自 失 徵 也 雨 湯遭旱自責以五 懼之意,未必有 或 矣,何 責,天 也 何 時 故 然 爲 此言《書》之語 氣 陰 至乎? 雨 陽 而 由 自 自 應 ? 前 此 不 然。 以 責 旱後 言之,旱不爲 和 以 雨。 有 賢 無 其 引過 災變發 五. 雨 聖 過 過致旱,亦知自責 實 湯 過 也。 感 也。 自 事 有「之」字。 本 ? 類 責,●恐 也。 無過, 起, 難之曰: 然 慊 聖人純完,行無 湯 懼 如 或 何 至, 以 者,自 自 **^** 以 時 有 書》 Ŧi. 先 明之? 罪,畏慎恐 《春秋》大 雨 思 過 世 日 不 然之 不能 災 自 : 遺 應 變惡 責, 咎, 氣 自 湯 得 以 缺

> 以 也。 自 也? 早一 法,⑥不厭憂民之義。 遭旱七年, 雨,天應之誠 雨 風 、恐懼雩祭、求陰請 責,憂念百姓,何 董仲舒設土龍、皆爲一 《金縢》曰:「秋大熟,未 時, 2 '●禾盡偃,大木斯拔,邦人大恐。」當此 由此論之,周成 謂 輒 以 時 自 , ⑥何其 五. 輒 責 過 自責, 乎? 自 其 留 責 王之雷風 《書》之言未可 遲 福 也? 也 旱 一有「也」字。 謂 憂 ? 時 至 何 念百姓 間 穫,天大 七 時 始謂 不合雩祭之 也 發, 年 也 ? 乃 信 亦 七年乃 七 也 雷 自 此 年 也。 夫 時 類 遭 電 乃 責 湯 不

<sup>0</sup> 責」, 原作「與」 據通 津 本 改。

原 漫漶脱落 通 津 本 補

責」至「天應 原漫 漶 脱落, 據通 津 本

何其 留」, 原漫 **漶脱** 落 據 通 津 本

念百 姓何其遲 」,原漫 港脱 落,據 通 津 本

合雩 電」《注釋》用王引之說云當作「雨 祭」,原漫 漶脱 落 通 津 本

怒乎? 際,陽 之時 天小怒乎 夏之雷一有「陽至極」字。 泄,雷聲始 怒 禾,頗 之間 自 縢之書,見周公之功,執書泣 讒,二家未可審。 夫 狐 以 文家以武王崩,周公居攝 周 公。 人臣 也。 疑 責適已,天偶反風、《書》家則謂天爲周公 周 ,天大雷雨,動怒示變,以 雷 爲 周 氣 千秋萬夏不 禮葬公,公有王功。 公,周公奔 是則 一雨之變,或以 狀 尚 欲 公死,儒 動 盛 耳 以 雷 秋 皇 未 天子 爲天怒, 天歲 當 夏陽 嘗 者 雷 且訂 楚,故 禮 絶 無 歲 爲天 雨 至 葬公,公, 雷 之, 雷 怒 時, 葬疑之説: 極 雨 爲 雨 天 雨 , 管、蔡 也 以 大怒,正 爲 而 葬疑 荷 雷 成 也, 狐 過 爲 恩 雷 王 雨 謂 顧 彰 疑 正 成 施 ,自責之深。 折。 人 或或 感 以 流 月 聖 其 於 雷 臣 王 懼 言,王 月之雷 悟 陽 以 秋 荷 拔 葬 使天爲 雨 功 狐 世 成 夏 謂 開 爲 周 爲 疑 氣 木 王。 之 發 信 意 偃 古 秋 天 金 公 欲 於

> 周 行,喜怒反并至乎? 且喜乎,「子於是 「子、卯稷 公怒, 徒當 食菜羹」,哀樂不 雷, 日 不 也 當 ,哭則不 雨 並 今 不 行。 歌 雨 俱 哀樂不 至 周 天 並 怒

野。 應 秋 主 治亂 乎 與 息大 ; 3 ? 雩、龍, 》雩祭,又董仲 神 八澤,雷 遇,是生高祖,何怒於生聖人 自 秦始皇帝東封 何過 舜 堯 謂太平,天怒可 時 人 必爲 於 大麓 大 雨 天 風 晦 雷 烈 冥。 爲 天 舒 雨 害, 爲 岱嶽 設 風 始 風 雷 土 何 堯繳 也。 皇 雨 則 龍 雨 雷 無 ? 也 以 劉 大 道 雨 堯、舜,世 ? 類 媪 風 秋 暴 招 自 息大澤 大 於 夏之雨 而 至 氣, 百 早, 青 爲 前 之 丘 雷 劉 如 天 春 隆 之 夢 與 雨 媪

<sup>● 「</sup>周」上,孫人和云當有「葬」字。

<sup>「</sup>繳」,原作「激」,據四庫本改。

<sup>「</sup>主」,原作「王」,據通津本改。

師 雨 下 龍 雷 曠 爲 擊; 求 俱 爲之乎?❶ 天 也 怒天乎? 鼓《清· 怒 天 必 從《 何 角》之音, 憎於《白 春 此 師 秋》、 雷 曠 雨 奏《 風 仲 之難 雪》、《清 白 雨 舒 雪》之 暴 之 也 術 至。 角 曲 則 ×, 荷 雷 大雩、 爲 而 怒 雷 電

起大 夫木 不 接 能 欲令成王 亡,然則 木,必 天 天 然。」 乃反 0 人 爲 如 木 <u>\frac{1}{1}</u> 之輕 曰 : 孟 雷 又問之曰:「成王不 難 須 非 賁 風 風 日 雷 或 重 也 以天子 一二二 偃禾 偃禾 雨 天 然 天 獨 用 能 孰 則 秦 起 復 拔 天 力 與三 拔 時 賁 天 之禮 築之乎?」 木,成 所 宜 起,何不 木,不  $\equiv$ 推 有 爲 也 Ш Ш 人,人 所 葬 乎 ? 一亡,猶 王竟 能 不 周 以天子禮葬 如 爲 能 復 仆; 能 公, 謂 8 悟,执 疾 應 徙 乎 起 問 謂 反風 ? 曰 · 是 接 天 以 日 Ш : 人而 Ш 所 書 公有 非 則 應 以 不 徙 泣 周 天不 天 天 天 立大 曰 起 也 過 之 聖 所 能 力

> 周 之德 伊 以 三日 甲 利 德,以公有 白 白 尹 公 佚 爲 除 丽 雨 死 豫, 日 害 功代武王之説 也。」難之日 篇 篇》 亂 致 時 氣  $\forall$ 放 日 ·, 天 矣, 其 天下太平; 之 王 伊 言 功, 6 伊 尹 何 桐 非 雖 格 以 宫, : 天 經 未 怒之 于 不 尹 6 伊 日 攝 可 爲 死 皇天。』天 : 尹 湯 政 今天 信 變也。 雷 大霧三日 \_ 死 相 王 雨? H. 湯 年 乃 動 復 假 伐 得 東 相 威 所 乃 應 以 夏, 以 海 周 太 宜 退 問 日 張 爲 公 甲 彰 彰 復 : 大霧 霸 民 周 所 也 位 以 天 造 興 公 太 自

<sup>■「</sup>怒」,原作「如」,據通津本改。

<sup>2</sup> 立。 推 人人人 劉 仆 盼 遂 接 云 X 當 而 作 起 推 接 人立」, 而 人仆 黄 接 暉 云 而 當 人立 作 「接 人

③ 「然則」,原漫漶脱落,據通津本補。

<sup>4</sup> 通 問」 津 本 黄 補 暉 云 當 作「 應」。 「子之禮 原 漫 漶 脱 落

雨 公 有王 孫 詒 功 讓 經 田 云 當作 王 乃得周 兩 下一百 原 漫 **漶脱** 雨 落 據 通 津 本

則 ?

公子公孫,親

而

又尊

,得體公稱,又食

之孫

稱公孫,皆食

采

地

· ® 殊之衆庶。

何

又問

曰 :

禮,諸

侯之子稱公子,諸

侯

宋景 榖 天怒,6爲 舍。 息 所譴告未覺,災變未除,每天之至意也。 消,熒惑不徙。 雷 止 風 過 匱 已 爲 ?,決以 矣。」 生 何 , ❷禾盡 雷 開 雷 雨 其早 使太戊 公時, 領成 朝,七日 止 金 雨 以 也。 責 天子禮葬 難 也?」 雷 起。 雷 悟 王 熒 不 日 雨 開 成 雨 -: 覺 惑守 大拱,太戊思政,桑榖消亡。 思政,景公無三善言,桑穀 非 由 王 匱 乃 何 悟 伊尹 此言之,成王未覺悟 責成王,成王未覺,雨雷之 公。 得 止 則? 乃止乎? 心,4出三善言,熒惑徙 也 書,見公之功, ? [霧三日,天何不三日 出郊觀變,天止 災變所以 0 應 太戊之時,桑 曰 : 未 譴告也, 覺 。 雷 悟 開 丽 爲 泣 金 反 ায়

加之。

何爲獨

可

於三王,不

三人者

, 諸

侯,亦

成成 王 未 開 金 匱 雷 止 乎 ? 人臣 者,名之尊 采 追王太王、 公以周王,●副 之功,今成 「人臣猶得 地 也,以王號 名 實 王 王 相 名 號 季、文王。 王, 以 副

也,人臣

不

得名也。」難

日

禮

乎

?

武

王

伐

紂,

下

車

天子之禮

乎?」應

曰 :

王

天

子禮

葬,

何

不

令成

王

號

周

猶

文質

相

稱

也

天

彰

周

雨」,楊寶忠云不當

止」,原作「乃」,據通津 本改。

雨」,楊寶忠云不當有。 下 一「雨」字

同

惑」,原脱,據四庫本

未」,通津本作「不」。

爲」,通津本作「今」。

雨」,楊寶忠云當作「而

采」,原作「菜」,據通 津本改。 下

王」,原作「公」,據通 津本改

王」,原 作「大」,據通 津本改。

1 者」,原脱,據 通 津 本 補

九

之哉? 時天無 爲 公。② 以 公功德盛於三王,不加 爲來,三王乎? 孰與初起之源? 口 雷 於周 王 雨 迹 江起岷 以 起 禁怒之變。 公,●天意欲彰 周衰,六國 責 於三人哉? 成 Ш 王,何天之好惡不純 周公一有「乎」字。❸ 流 秬 周 稱 爲 鬯之所 周公,豈能 公不以 王,齊、秦更爲帝,當 濤 王號,豈天惡人妄稱 然 瀨 而 爲 王 天 到 相 功 子 濤 明乎 ,白雉之所 亦 也? 禮 瀬之流 成於周 乎? 葬,天 ? 周 豈

不得寢 獨 寢之。 所 爲,天之所予,❹何爲不安?」 魂 曾子感慚 不 賜大夫之簣,6豈曾子之所 而 安乎? 有 又 問 童子曰:『華而 也。 靈,將安之不也?」應 曰:「魯季孫 命元易簣。 今周 子疾病,子路遣門人爲臣,⑥ 公,人臣 睆者,大夫之簣。」而 賜曾子簣,曾子病 蓋 也。 禮,大夫之簣,士 自 難 以 曰:「成 制 天子禮葬, 日 」:「季 乎 王 孫 所 何 而 病

> 不 禮 泰 間 不安也。 者也。◐ 有 公亦非天子也,以孔子之心況周 人爲臣,非天之心而妄爲之,是 如曾子乎? ,周公至聖,豈安天子之葬? 臣。 山不如林放 9 日 : 吾誰 『久矣哉,由之行詐 己非人君,❸一有「也」字。 季氏 欺? 由 乎?」以曾子之細, 旅於太山,孔 此原之,周公不安也 欺天 乎?』孔 也 子 欺 Ė 公, 曾 子 子 天 無 : 猶 路 謂 周 非 『曾 也 臣 使 周 却 公必 子 而 謂 路 大 公 非 周 門 爲

非,

通

津

本作

罪

於」,原脱 據 通 津 本 補

亦成」 一」、「乎」,二字原脱 原作「成亦」 據 通 通 津 津 本乙正 本

<sup>「</sup>予」,原作「子」,據通 津 本改

所」,原作「亦」, 據通 本

臣, 原脱 據 錢 批 補

君」, 原 脱 通 津 本

也 原 重文, 據 通 津 本删

人 與 天 雨 以 地 責 合 成 德 王 周 乎 公不 安,天 亦 不 安, 何 故

之? 矣。」 微 年未 武 益 請 文王 與,曹下案 武 口 能 非 武 王 王 獨 復爲,故 九 得 年,雖病 難 王 己 何可 盡 又曰 年以益 武 應曰:「人君爵 龄。 也 武 得文王之 相 王可。 猶 : : 0 死 目 代乎?」 之 掩 2 須 「已得文王之年, 王 武 武 夢 ,猶將不死,周 不豫 難 周 而 然 王 王。 非 所 不 公請 後 日 夢 生有命,富貴在天。 年 世常 : 能 . 見。 L 可 應 帝 克殷二年之時,九 未 則 得 乃 諾 人以官,議定,未 九 曰 : 予 ? 法 請 也 難 其 齡之夢,文 之矣。 故 能 「九龄之夢 天 曰:「九龄之夢, 九龄, 應 得 公何爲 應 雖 命當 藏 曰 之。 曰 : 奪文 於金騰 : 人命 其 自 己 天 命 王 九 王 請 延 ア、天 已 得之 夢 數 之 不 龄 龄 年 而 武 不; 即 之 精 代 克 可 之 奪 與 以 王

> 則 ? 之夢請之於天,功安能大乎? 齡,已得九齡,猶 之矣,武 官,先夢 兆象先見,其 王已 得 爵 得 其 之 人夢得 矣, 後 験 莫 必 何 舉 至 爵 須 也。 也。 復 猶 請 自 周 古者謂 ? 得 公因 官 必 年 且. ·爲 效 得 何

平 亂 乎 須 王 ? , 4 武 何 6 仰恃賴之者 又問 疑 使 應曰 武 王 乎?」難 曰 : 病 王 : 死 不見代,遂病 成 ,周公與 功 則 事 曰:「若是,武 爲 無 周 美矣。 大 公輔 成 小,❸德 王 至 使周 成 而 死 王 致 無 王 周 公不 而 天 多 之 公 下太 天 少 生 致 代 下 武 無 太 不 平

盼

遂

皆

云

此

有

<sup>2</sup> 0 又下 應 日」至「得也」, 疑「應」當 通 津 本 作 有 「故 問 黄 暉、 劉

③「小」,原漫漶脱落,據通津本補。

<sup>「</sup>代」,原漫漶脱落,據通津本補。

<sup>「</sup>而」,原作「王」,據通津本改。

賢。 説 管 天 管 地 王 以 偶 無 子 諸 何 益 者 欲 合 仲 哉 周 管 仲 侯 於 日 4 0 周 之制 德 爲 周 仲 不 皆 ? 公況之, 其 反 公之侵制, 合諸 公。 畔 反 微 死 豊 有 坊、三歸,諸 孔子, 皆以 坫, 無 管 所 以 2 管 侯, 管 仲 損 傷 天 周 有 仲 仲 大 人 也 亦 夷 公  $\equiv$ 須 吾 死 九 人 非 臣 聖 宜 狄 歸 周 其 合 9 合 也 俱 程 桓 怒 交 而 侯 公 被 諸 譏 德之驗。 不 量 孔 管 公 之禮 侵 功 髪 侯 得 有 子 微 不 管仲 仲 左 乃 中 益 爲 譏 以 雷 , 不 衽 成 或 , 會仲之功 匡 之,以 天子 諸 薄 賢 之 矣 也 《書》家之 大 絶 天 僭 乎 雨 侯 人與 滅 下 禮 禮 ? 禮 不 周 爲 使 葬, 至 葬 衰 天 皇 不 夫 此 無 孔

或

人

逐

瘈

狗

瘈

狗

人

華

臣

之

門,

華

臣

以

爲

左

夫

無

罪。」

其

後

左

師

怨

咎

華

臣

華

臣

備

之。

師

來

攻

己

也

踰

墻

而

走

夫

華

臣

自

殺

華

吴

0

而

左

師

懼

或

人

自

涿

瘈

狗

而

華

臣

自

走

成

吴

於

来,

命合

左師

之後。6

左

師

懼

日

老

也

宋

華

臣

弱

其

宗,

使

家

賊

六

人

以

鈹

殺

華

麋

墨

非

欲

去

舅

犯

舅

犯

感

慚

自

同

於

麋

墨

徹

麋

墨

舅

犯

心

感

辭

位

歸

家

夫

文

公之徹

感 非 未 畫 以 以 可 蓬 見 鳥 然 鳥 跡 而 也 跡 倉 命 而 頡 倉 知 起 頡 爲 鳥 以 書, 跡 畫 也 見 蓬 畫 使 晉 蓬 奚 文反國 而 仲 知 也 爲 車 奚 命

以

自

責

也。

夫感則

蒼

頡、奚仲之心,

懼

則

左

雨

之至,天

未

必

責

成

王

也

雷

雨

至

成

王.

懼

王

一之畏

懼

猶

此

類

也

心

疑

於

不

以

天

子

禮

葬公,卒遭

雷

雨

之

至

則

懼

而

畏

调

矣

夫

雷

0 生」,原 作 若 據 通 津 本

3

6 4

吴承仕以爲行。

仲

天

<sup>2</sup> 皆一 通 津 本作 背

有」, 原 作 看」 據 通 津 本 改

爲」, 原 漫 漶 不 清 據 通 津 本

變,安 猶 且 以 聲,成王 子必變。 於 氣 師 自天氣 敬 寂 順 華 雷懼 天變 寞,❶猶 能 類 臣 一庶幾 不 之驗見,則 之意 動 禮 激 振 成王畏懼 況 君 氣 感 能 懼 也 也。 動 子 成 不 乎 而 聞 王 怵 ? 懷 天怒之效成 畏 聖人君子 有 雷 惕 始 嫌 懼 然 周 乎? 雖 疑 且 則 公之疑 夜, 之計 況 感 雷 2 雷 物 於 雨 衣 迅 矣。 雨 也 之至 道 聞 冠 雷 遭 揚 無 而 風 3 軒 暴 雷 自 也 嫌 烈 坐 至 藍 雨 類 然 一,所 孔 殆 之 驗 之 之

桀、紂 渭 道 煩 難 誅 能 之間 也 也 殺 以 以 雷 夫天 其 惡 雷 帝 身 雨 雷電 不 或 道 行 殺 乙之 如亡秦,亡秦不如王 必 誅 無爲 無 激 命 紂 道 惡 輕 而 聖 孰 以 如 殺之。 人 父帝乙 古無 與桀、 天以 三軍 興 師 道 尅 雷 射天 動 斯天 紂 者多, 敵, 雨 軍 ? 責 頓頓 莽 以 歐 何天之不憚 怒人,則 可 鄒 雷 地 然 兵 以 伯 電 游 傷 而 雷 奇 誅 涇、 士 無 雨 論 亦

> 意。 貶惡 心 才 以 王 采毫毛之善,貶 紂、秦、莽之死不 不 疑 過 小 疑 能 此 不溢 未 ^ ? 盡 ,天大雷 書》家之説,恐失其實也。 決,天以大 其過。 曉,天不 《洪範》稽 雨 纖 責 以 以 介之惡, 雷 雷 小以 疑 疑 如 電。 雨 **次**,**0**不 責 定 大,天人 責 備 以 之, 殆非 采 於人 悟 臣 孔 善 災 葬 子 也。 變者, 公,其 無之。6 不 作《春秋 踰其 8 天之 成 變 美, 之 成 何 王

<sup>「</sup>自」,通津本作「見」。

<sup>「</sup>物」下,通津本有「類」字「不」,原脱,據通津本補。

<sup>「</sup>激」,通津本作「擊」。

<sup>「</sup>死」,通津本作「地」。

<sup>「</sup>天」,通津本作「夫」。

洪範」,原漫漶不清,據通津本補

疑責」,原漫漶不清,據通津本補。

<sup>「</sup>皇」,原漫漶不清,據通津本補。

# 齊世篇

歲左右 善氣 何 壽 面 則? 醜惡,此言妄也 ,狀貌美好。 而 語稱上世之人侗長佼好,堅彊老壽,百 生,生又不傷 ,下世之人短小陋 上世 和 氣 下世反此, 純 渥 ,骨節堅定,故 婚 故 姻 醜 短 以 夭 時 小夭折,形 折早死。 長 民 大 老 禀

夭壽 性 體者 易,氣不改更。 禀元氣,元 人也。 今不異。 均 適。 則 何 夫上 形 聖人之德,前後 故 體 世治者,聖人也; 上世之天,下世之天也,天不 一天一地,並 不 氣 同 同 純 形 上世之民,下世之民也,俱 ? 和,古今不異,則禀以爲 夫 禀 同 生萬 則 不殊, 氣 醜 下世 等 物。 好 則 則 齊 其 就 懷 萬物之生, 治者,亦 性 治 好齊 均 世, 變 形 懷 古 則 聖

> 樂之制,存見於今,今之人民,肯行之乎? 世 必奉行。 言男三十而娶,女二十而嫁,法 俱 知古之人民 今人不肯行,古人亦不肯舉。 得 代同 氣。 何以效之? 以今不奉行也。 道。 也。 氣之薄 人民嫁 渥 娶, 萬 世若 同 時 以今之人民 共 制 禮。 張 帝 設, 0 主 禮 未 治 雖

跂行 無 十歲 多。 生爲 Ŧī. 穀 有 喙息 異 時 大小,昆 至於百 十歲兒時,所 物、②亦物也。 ,則百歲之間足以卜筮。 所見,無 無 [歲, 臨 有 蟲 異 草 以 者 ·木,金 見地上之物,生死 異 且 人生一世,壽至一 此 死 也。使上世下世民人 時,所以 形 石 不 珠 異 玉 見諸物,與年 也。 蜎 六畜長短 畫 改易者 古之水 百歲 蠕 動

<sup>● 「</sup>同」,蔣禮鴻云當作「異」

<sup>「</sup>物」上,孫人和云應有「人物也」三字。

異,則古之水清火熱,而今水濁火寒乎?火,今之水火也。今氣爲水火也,使氣有

侏 竟 張 爲人 滿 英,色如嫫母,壽 彭 佼 壽 乎? 生長 儒 非 一种師長一丈二寸,張湯八尺有餘,其父不 祖 好 五. 至 八時,長 乎? 誤 尺。 ,堅彊老壽,下世反此 於百,萬 俳 人生長六七尺,大三四 也 一丈,名曰 優。 俱在今世,或長或 從當今至千世之後,人可長如 口 語 如 如 世不異。 稱 皆 防 上世 如朝 侗 霸出。❶ 風之君,色如宋朝,壽 長 一使民 生乎? 佼 如 以 好,安得 以 ,則天地 建武 短 韋 上 宜 王莽之時,長 世 一, 面 ,儒者之言 傴 年 人 中,穎 有五 者抱關 初立,始 傴 民 侏之 侗 色, 莢 如 長 ]1[

後 薄 世 難 易之以 治 語 稱 ,故《易》曰 上 書 世之人質朴易化,下世之人文 契。」 :「上古之時結 先結繩 ,易化之故 繩 以

> 犧 言妄也 罔,設纖微之禁,檢狎守持,₫備 周。」孔 子作《春秋》,采毫毛之善,貶 變,使民 詐 其 書 八卦難復因襲,故文王衍爲六十 至 日 : 作 愚 母 質朴,卧者居居,坐者于于,群居聚 [契,難治之驗也。 八 不識其父。 周 勇欲恐怯, 彊 子知 卦 監 不倦。 以 世 於二代,郁 治之。 浸弊,文薄 至周之時,人民 至宓 欲 至 故先宓犧之前,❷人民 犧 凌 周之時 郁 弱 時,人民 難 衆 乎 治,故加 文 6 纖 欲 哉 具 介之惡,稱 久薄,故 四 頗 暴 悉 首 民 文,知 寡 密 極 極 文 處, 故 吾 致 此 /薄 之 從 其 欲 知

<sup>) 「</sup>出」,孫治讓云下有脱文。《注釋》删「出」字

<sup>)「</sup>先」,通津本作「夫」。

<sup>「</sup>周」,蔣禮鴻、楊寶忠皆云當作「商」。

作「柙」。四庫本作「柙」。孫詒讓、黄暉、劉盼遂皆云當

室 之民 薄 見 井 上 懷 7,耕土 有 世 上古巖 Ŧi. 飲 何 常 上 布 世之 以 血 也 種 帛之飾。 居穴 質 茹毛,無 穀, 人 朴,下世何以文薄 俱 處,衣 懷 所 飲 井 五. 懷 五. 則 常之道,共禀 五. 食粟,有水 禽獸之皮,後 穀之食;後 謂 常 上 也 世質 下 ? 火 世 八朴,下世 之調 之人 世 世 彼 氣 穿 易 見 而 亦 地 以 上 文 世 爲 宫 又 所

子 今也 猶衣 救 以 共。 文 久 敬 野 忠 穿 薄 上 上 莫 敗 之語 ,其失也,小人鬼。 夫器 食之於人也, 一質一文,一衰一 如敬 何以 教以 連 業 者,世有 日臭茹 變易, ,殷王之教以 效之? 忠, 君子忠,其 盛 性 初成 矣。 傳曰 衰,衰 行 盛,古 鮮 不 救鬼: 文質之法,古今所 敬 : 完 異。 極 「夏 · 上 失也,小人野。 久 莫 始熟 而有之,非 然 后 有 如文,故 教 而 氏之王 弊 香絜 用 有 也 敬,君 質 教 少 譬 朴 獨

> 謹 虞以 忠。」 小人 之王 世 今之文薄 文薄。 良 薄。 教 矣。 文教 夏 所 以 猶 救 則 文。 也, 承 家人子弟不謹,則謂 薄 唐、 狎 其 莫 上教 侮 虞之 所 如 承 非之,則 忠 以 有 教 承 文,君子 鬼 薄 周 失矣。 故 謂 而 上世朴質,下 教 王 文,其 者 以 世人見當 他家子 當 忠; 失 唐 也 弟

此 以 趨 類 得 不 言 行 利 書 己 顧 所當 妄 義 荷 恨。 語 籍 也 生,棄 稱 廢 所 故弘 赴死 上世之人 載 身 广 不 義 演之節 之分明 妄得 以 命 爲 重義輕身,遭 損 不 累 ,陳不占之義,行 也, 身 行 衆 相 則 隳 勉 必 多 事 以 赴 非 不 義,不 湯 忠義之事 以 趨鋒,死 相 相 今世 事 激 比

夫上世之士,今世之士 也。 俱含仁 義

<sup>0</sup> 王之」,黄暉、 劉 盼遂皆云當作「之王」。

乎? 父英 將 其 臨 以 曹,從役 食。 考,英引罪自予,卒代將 敗穀盡,不能 縛 琅 近 見。 卒死 親 有 異? 淮 邪 加 八,今有 爲 許 辨 兒 奇 子,活兄之子,與子 兄死,收養其孤,愛不異於己之子。 頭 則 述事者好 八代兄 士 君 而 子 比喻之證,上 郡決曹掾, 不去。 攻 其 明,歲 叔 辨 則 賊、兵卒北 遭事 建 今著文 亦養兄 談 不稱,今有 兩活, 爲 節 其 此 高 敗之時 並 食, 之士。 弘 久者,文人則著其 古而下今,貴 有 郡將 孤子,❷歲倉卒之時,餓 書 餓 演之節 則求虞、夏,下則索殷 餓殺其子,活兄之子。 奮 敗,爲 者,肯 人美其義,●兩 兄爲 異而筆不記。 身之節 死。 明同義。 撾 善 惡 殺 賊 、陳不占之義 章後復爲 雜 引 非辜,事 所射 飢 所聞 厠 以 人所食, 會稽 古 以以 爲 何 有 而 遠 若夫 此 至 舍 身 郡 孟 無 世 賤 歲 代 覆 何 功 章 不 自 義 所 無

當今在百代下,言事者目親見之乎?周、秦、漢之際,功奇行殊,猶以爲後,又況

貴所 不得與 以 操,古無以過。 孔、墨,名不得 鵠賤鷄, 鵠遠 譎 人,好事者肯舍久 爲行事乎? 奇,不肯圖今世之士者,尊古卑今也。 聞 畫工 、之鈞。 也。 好畫上代之人,秦、漢之士, 有 丽 與之同; 人於此,立 何 爲文書者,肯載於篇籍,表 作奇論、造新 鷄近也。 則 遠之書,而 ? 世俗 立行崇於曾、顏 義 使當今説道深 見節,●實核 之性,賤 文,不 垂 意 觀 損 所 讀 於 功 見、 之 前 其 於 貴

② 「叔」,楊寶忠云當依《意林》引作「弘」。 「餓」,黄暉云當依《意林》引作「飢」。

<sup>「</sup>孤兄」,據通津本乙正。「叔」,楊寶忠云當依《意林》引作「升」。「兄孤」,阿

<sup>「</sup>此」,通津本作「比」。

<sup>)「</sup>見」,通津本作「建」。

在伯 不肯 乎 ? 松前 一壹觀。 楊子雲作《太玄》,造《法言》, ,伯松以爲《金匱》矣! 與之併肩,故賤其言。❷ 0 張 使子雲 伯 松

薄 得 驗 文,而 和 試,●武用 堯 舉兵伐 故 乎其有成 大,唯堯則之。 天下。 也。 不若之徵乎? ❷ 萬 不墮洪業,禹襲舜不虧大功。 孔子曰:「大哉,堯之爲君 國 語 有動 及至秦,兵革雲擾,⑥戰力角勢,秦以 桀 稱上世之時聖人德優,而功治有奇。 功也! 既得天下, ●無嘉瑞之善, ●若「叶 而 鳳凰 兵討伐之言。❸ 武王 化薄。 蕩蕩 來儀」之類,非 一把鉞 焕 此言妄也 化薄,每不 乎 乎 伐紂, 其 民 有 無 文章也 能 蓋 無 也 德劣不及,功 名 能 其 巍 其後至湯, 焉 德 巍 相 ! 1 逮 唯 劣 蕩 蕩之 天爲 之 舜 而 巍 明 兵 承 巍

立大功。 夫天 地 和 氣 氣 和 不獨在古先之, 里人何故 即 生聖人。 聖人之治 即 獨

> 矣。 伐 優 多 覽書者所 堯、舜之功,❶ 而相奪 所 ? 夫經 聞, 世俗之性 又 共見也。 有襃增之文,世有空加之言,讀經 則 見 謂 又聞 經 孔聖優於今,●功化渥於後 傳 好 堯、禹 增聖 孔子曰:「紂之不善,不 襃古 賢 禪 而 之美, 毁 而 今, 相 讓 孔 少 ⑱湯、 子 所 尤 見 武 大 而

- 言」,原脱, 據 通津 本 補
- 伐」,原脱, 據 通津 本 補
- 其」,原作「施」, 據通 津 本 改。
- 薄」,原脱, 據 通 津 本 補
- 既得天下」,原重文,據 革雲擾」, 原作 「幸擾」 優 據通 本 津 本 删 改

津

- 善 通 津本作 通
- 若之」,原爲雙行小字, 據通津 本 改爲 正文。
- 之, 通 津 本 作 則,
- 尤」,原 作 就 據通 津本改
- 禹」 暉 劉 盼 遂皆云當作「舜」。

孔

通津本作「古」。

法」下,原行「者」字,據通 本

則説 若是之盛也 惡皆歸 若是之 之不善,不若是之甚 堯、舜,言惡則舉 甚 心世 也 常 是 以 以 桀、紂 君 也。」則知 紂、桀。 子 惡 與 居 堯 下 堯、舜之德 孔 舜 流,天 子 相 i E 反 稱 下 「紂 之 美

來儀 德 語。 優 而 唐、虞,亦禪 多劣所 不讓。 亦 優劣 經言 時時 堯、舜之禪,湯、武 能 而 亦 蓋有 叶 爲,人 用大也。❷ 有 而 和 有苗。❶ 天命之實,而 不 萬 事 伐 國 所 , 堯、舜・ 能 時 兵 之誅,皆有 成 皆 亦 也。 動 有 世 在 丹 而 空 殷、周,亦 使 並 朱 生優 湯、 天命, 用 武 劣之 鳳 則 誅 知 凰 在 非

虞 惡 舜、桀、紂 秦惡 也 甚於桀、紂, 世 甚 論 唐之萬 於 相 桀、紂之惡甚 桀、紂。 違 或 則 也。 亦 固 秦 知 秦、 增 與 大 於亡· 而 漢善惡 漢 漢之德 非 皆 實者 秦。 在 相 後 不 也 實 反 劣 世 事 於唐、 猶 有虞 者 堯 秦 謂

> 之鳳 下 化, 不 至。 書,則謂古聖優而 經傳之上,而漢之記 遺,何以不及殷 之瑞? 方今聖 宣帝、孝明 何以 虧 無 文王 凰, 細 夫 不若成、康? 朝 光 小毫髮之虧。 德 宣 之隆 承 如 武 優 帝 光 皇帝 劣不及堯、舜, 故 己 舜 湯、 武 有 五. 功大,後世 龍 瑞 周 致 襲 巍 故 之矣, 興 武 , 瑞 孝 世見 巍 上 尚 ? 鳳 明 不 一何 鈞 舉, 一有「書」字。 虧 五帝、三王 世稱周之成、康 以 何 有 孝 則 劣 堯之盛 不 以 浸 取 明 而 必 逮 能 酆 化 天下若 帝 不 一舜、禹 致 薄 溢 相 符 功 堯、 矣。 爲 事 美 瑞 下 也。 之 文 拾 舜 在 又 4

# 論衡卷第十八

- 「有」,原脱,據通津本補。
- ❷ 「亦」下,通津本有「何」字。「用」,通津本作「小」。
- 「又」,通津本作「並」。
- ●「必」,通津本作「功」。

論

衡

卷第十九

## 漢 篇

宣

妄也。 德能 置 賢者之化,不能太平。又見孔子言「鳳鳥不 未 至,河不出圖,吾已矣夫」,方今無鳳鳥、《河 來,未有太平。 》,瑞 有太平者,見 致太平; 儒 者稱五帝、三王致天下太平,漢興已 頗 未至悉具,故謂未太平。 謂 彼謂 五帝 漢不 、三王聖人 五帝、三王致太平,漢 太平者,漢無聖帝也。 也、聖人之 此

夫太平以治定爲效,百姓以安樂爲符。

乎? 誠 萬物 諸 安,不須符瑞。 夫王道定事以驗,立實以效,效驗不彰,實 爲主,百 孔子曰:「脩己 立事以 不見。 ! 育則奇 」百姓安者,太平之驗也。 安則平矣,瑞雖未具,無害於平。 實,不 姓安而 時 或實 瑞 必 出。 陰陽和、陰陽 具 以 (然,證) 驗 安百 視今天下,安乎? ; 驗 聖主 姓, 不 具。 一治世, 堯、舜其 和 夫治人以 則 是故 萬 期 物 於 猶 王 育 故 平 道 危 病

王

充

堯、舜之時,鳳 骨法未必同,②太平之瑞何 書》皆出,以爲後王治天下當復若等之物,❸ 且夫太平之瑞,猶聖主之相也。1 皇、景星皆見、《 爲 當 河 等? 置 彼 聖王 洛 聞

<sup>0</sup> 「王」。 猶 原 作 獨 據通 津 本改。 「主」,吴承仕 云當 作

<sup>2</sup> 復」下,四庫本有「致」字。 骨」,原作「國」,據通津本改。 黄暉云當有「有」字。

者。 猶周 路 瑞 同 必 必 泉,或以陰陽 麒 圖 瑞 當 效方來之應,猶 太 乃 同 相 驎, 业也 以 古 也 也 平,妄矣。 復 爲 襲。 ...於古,古應未必合於今。 太平 爲 今不等。 太 八 漢也。 或 周 眉 平。 語 夫帝 以 · 瑞 則 何 也 也,未必  $\wedge$ 以 用 鳥、 應 河 和 初 王之瑞 孔子言 明 而 夫 心 圖 調 守株待兔之蹊,藏身破置之 魚,漢 興 何 之? 今王 帝 若 **>** ,或以百姓 故 始起,事效 謂 此 王 ,衆多非 當 鳳 洛 一無鳳 聖 世 斬 以 猶 皇、《 鈞 一當 相 書 大 帝 謂 ? 鳥、《  $\leq$ 前 復 虵 王 堯 河 义安。 或 有 推 物 一,或 以 遭以 興 當 後 河 圖》者,假 氣 以 己 鳳 起 復 不 論 圖 甘 皇 至之瑞 以 所得,未 司 比 今瑞 無 命祜 》,爲 唐、虞, 露 與 鳳 监 相 則  $\wedge$ 鳥 襲 醴 未 河 前 未 得 舜

不 同 也 天下 太 或 平,瑞 積 米 穀 應 各 或 I異,猶 藏 布帛 家 或畜 人 富 4 殖 馬 物物

> 無以 無聖 能 有 鳳 之鄉,不見稻 下已太平矣,未 鳳皇不至,謂之未安,是猶食稻之人入飯 今百姓安矣,符瑞 美 或 聖 皇 定今太平與 田 長 人也? 與無、又不能 知之,何以 ,何以效 宅, 田 宅。 則 謂 夫 實? 世人 米, 米 未平 樂 知今無 有 穀 謂稷 米 别鳳 見 聖 至矣,終 也 問 愈 穀 鳳 世 布 爲 不 皇是鳳 鳳 皇, 帛 儒 何 非 愛 皇 牛 知 何以 以 穀 謂 布 也? 聖,❶何 致 也。 古 馬 帛 與 I瑞《河 非 之? 勝 知之? 委不能 歡 實者, ¨, 則 田 以 牛 宅 未 必 知 圖 馬 不 知 既 今 見 天 稷 不

年。 服 十 年 色、 賈誼 孔子 而 制 天 度,定官名,興禮樂。 Ė. 創 下 議 平。 如有王者,必 以爲天 漢 興,至 下 洽 文帝 和 世 文帝 然後仁。」 時 當 ·, 二 十 改 初 即 正 位 朔 餘

<sup>● 「</sup>知」上,通津本有「不」字。

滅 百 矣。 古 也 賈生知之,況至 謙 仁也。 ,光武中 歲 讓 已平矣,歷 十十帝 漢 且 未 孔子 興二十餘 遑 漢 耀 興,復致太平。 一代之 所謂 夫 德、未 世 如 持平矣。 今且三百年, 年 賈 年數已滿,●太 平 世,三十 生之議 應孔子之言「必 如 何 至 ? 平 文帝 年 謂 夫文 帝時,前漢已 也。 未 時 平立 帝之時 太平,誤 漢家三 世 己 然 太 後 平

疑。 前 瑞, 晏然無雲,太平之應 時,氣和人安,物瑞 之變,治未 封 和,是亦 太山 後 謂之太 不 問 孝宣皇帝元康二年, 告 日 同。 瑞 安 平 也 平, 文 也 雖 ·, 氣 無 如 帝 何 秦 未 何? 物 有 以明 等至,人 始 和 也 瑞, 瑞二 皇 0 之? 日 可 白 光 升 鳳 治 名 姓 武 封 皇 平 氣 夫帝 太 帝 寧 皇 集 太 E 氣 平; 集, 於太山 王 帝 山 驗,論者 應,光武 升 治 王 風 遭 光 平,升 封 瑞 雷 氣 武 天 應, 猶 後 雨 調 無

> 麟 滂 樹 鳳三 甘 復 降 可 或 萬 燭 于 又 謂 時 流 露 上。 歲 至 燿 集京 上 集 甘 官。 一,至如 異 一年,帝 繁盛累 林 齋宫,十 于 醴 露 甘露 鳥 彼 師。 新 泉,祭后 九 其年 鳳 平。 醴泉、神 而 南 祭 真 積矣。 皇 各 四 元 郊之 有 南 獻 至 雖 三月, 年 年,黄龍 四 餘 郊 **農** <u>Fi.</u> , 年 共 時 日 雀、白 神 鳳 孝 六至, 麒 0 神 ; 鸞 天 神 皇下杜 明 麟、 3 光並 甘 三見 雀 鳳 地 雀 時 明年,知 雉 神 或 露 集 之時 集 紫芝、 見 雖 雀 時 於長 于 陵 長 年 神 祭后 無 新 或 神 樂 及上 黄 雀 鳥 鳳 鳳 樂官 豐 宫 興子谷 龍 降 嘉 皇 光 凰 而 士 4 林 東 集 禾,並 亦 靈 总 數 醴 門 靈 甘 延 或 耀 鳥 來 致 五. 露 壽 中 光 集

<sup>●「</sup>代」,黄暉、劉盼遂皆云當作「世」。

<sup>「</sup>日」,吴承仕云當依《漢書》作「刻」。「子」,吴承仕云當依《漢書》作「于」。

<sup>● 「</sup>三」,通津本作「至」。

之 瑞 出 可 謂 年 應,莫盛孝 鼎見,●離木復合。 倍 太 平矣 Ŧi. 帝 三王 明。 也 如 以 五帝、三王,經傳所 瑞 夫 如 應效 是,孝宣、孝 太平,宣、 明 載 明

樂 美,論 不 使 説 今上 武 周 世 並 未 口 虞 獵 堯 之聖 |者泊: 周 時 者之實 褒增頌歎, 有 不 ,過周之成、康、宣王。 猥 聖人? 能 舜 治 之文、武 哉? 出 致 王 則古 遊於楚不懽宋。 更 見漁者之心 太 也。 生 何 平者, 漢 周有三聖: 王 以求媚稱也 以當 天之禀氣 亦一 也 俗好 恐 一爲賢 無聖 聖人 多 代 文帝、武 褒遠 () 睹奇 不 於漢? 也 名 顧 也。 何 **岩** 稱 也。 文王 ; 唐、虞、夏、殷 於今,終不 古,講 爲前 獵 核 以 非 帝、宣帝 世儒 者 漢之高 當 事 、武王、周 以 是故 獲 身生 世 理之情 乏於周 瑞上 何 禽 者 以 觀 信 漢 孝 祖 渥 謂 世 同 觀 於 ? 然。 定 光 後 世 明、 載 者 爲 齊 世

> 書,謂 皇域,三代隘辟 聖帝矣。 之,將襲舊六爲七,今上上王至 則《 德符瑞,汪 願 在二尺四寸,儒者推讀,朝夕講習,不 尚 魯 漢劣不 書 也。 觀 濊深廣,滂沛 杜 -若,亦 春 使 撫 秋 ,厥深洿沮 漢 班 有弘文之人, 觀 也 固等 獵 0 不 儒 無量, 所上《漢 也 見 者宗之,學者習 漁 踰 高 游 經 頌 祖 唐、虞, 傳 齊、楚一 , 4皆 漢 見 頌 事 漢 功

也 如 夏、殷,近 ; 漢。 漢 殷 則 監 何 與 高 不 以 周家 遠 祖 驗 在 之? 光 斷 武 夏 量 后 也。 功 周 之 德 之受 世。 實 文、武受命之降 命 商 且 優 者,文、武 舍 劣,周 唐 虞 不

當作

「願

<sup>■「</sup>並」,通津本作「金」。

② 「乏」,通津本作「少」。

<sup>3 「</sup>之」,黄暉云當作「人」,劉盼遂云衍。「顧」,黄暉云

<sup>4 「</sup>王」,孫人和云行。

平 跣 稱 則 良 漢 不 屯 持 瑞 瑞 如 人,今被 善、哀牢貢 運 訂 怪 聖 若 民 跗 周 漢 氏 聚 氣 滿 唐、虞 不 隆 而 美於 盛 ,今履 遠物。 廓 泰 穀 何 之姦,周 夷 四海 及 於 土 隆 唐 獨 朝 頗 埳 高 周 收 世 以 周 夫 商 獻 混 謂 坷 服 不 使 祖 荒 黎 古 來 之 實 度 聖 舄 登 爲 ; 唐 牛 家 民 服之外,牛馬 之戎狄, 可 光 成 ,天下定 土 德 古之露 多 平 卓 馬。② ; 越 雍 謂 康、 武 境 迥 以 聖 化 均 常 而 熙,今亦 盛 盤 路 初 則 則 無 獻 周 化 矣。 宣 起 唐 周 石 首,今冠 無 今爲 , 白 跡 寧,物 治 不 時 之 爲 絶 王 狹 不 雉 稱 致 賓 僅 今 沃 祐 於 能 珍 道 天 中 瑞 上 爲 治 方 治 太 之 下 孝 田 於 漢 调 ; 或 章 亦 平 ? 齊 白 憂,深 即 漢 今 孝 脩 宣 漢 Ŧi. 已 以 甫 ; 泰 民 千 匈 極 雉 命 宣 孝 論 桀 古 何 ; 盛 里 · 近 奴、 儒 之 非 暴 古之 人 歲 奉 以 明 符 幽 明 内 爲 躶 使 者 瑞 屬 遭 應 成 符 之 不 太 鄯 無

太平絶而無續也

# 恢 國 篇

剋 苗 恢論 熟講 論者 深 堅 黄 之; \_\_\_\_ 帝 不 也 服 者 未 漢國 此 有 顔 周 了, 要 言 涿  $\wedge$ ; 極 淵 宣漢 夏 成 鹿 在 顏 也。 喟 妙 啓 之戰 王 淵 然 》之篇 乃見 百代之上 管、蔡悖亂 有 學 恢 歎 9. 堯 扈 於 而 日 ; 叛 孔 極 : 或 高 逆,高宗伐鬼 子, 有 之, 審 極 漢 仰 丹 周 積 論 彌 於 矣。 之 水 累 者 見 周 公東征 之 彌 歲 恢 漢 何 師 高 擬 月 奇。 以 ; 奇 方 漢 鑽 舜 驗之? 見 彌 過 夫經 之 前 時 道 出 周 代 年 有 彌 彌

<sup>0</sup> 明 鄯 F 作 黄 暉 都 劉 據 盼 通 遂 津 皆 本 云 當 改 有

③ 「黄」,原作「皇」,據通津本改。
② 「鄯」,原作「都」,據通津本改。

錯 功 皆 叛 不 然 也 加 始 漢 兵,今皆内 匈 安 不 奴 聞 世 時 此 擾 孝 附 正 景 高 貢 朔 之 祖 之 時 不 獻 及, 昊 吴 時 牛 馬 天 楚 陳 荒 豨 興 此 之 兵 反 則 地 怨 漢 彭 之 鼂 王 越

威

盛

莫

敢

犯

也

於 伐 倍 紂, 矣。 仕 折 則 就 而 周 周 君 湯 王 鐵 用 戰 項 莽 粟 凡 ; 兵 羽 紂 武。 敵也 ●夷、齊耻 武 餓 克 與與 爲 力 誅 白 敵 王 至惡 勁 八高 武 惡 死 諸 ; 伐 伐 首 高 祖 王 侯,不 折 ,天下 紂 則 陽。 無 祖 俱 之, 爲 鐵 道 起,威 易 誅 殷 摧 難 扣 期 高 叛 秦 木。 西 於 無伯夷之譏 馬 俱 袓 之。 殺 伯 摧 則 力 而 至 不 然 更, 臣 項 木 輕 難 諫 ·爲 武 則 武 重 兼 事 高 秦 項 王 漢 一,未 湯 勝 於 臣 祖 羽 舉兵,皆 王 9 力 一,光武 紂 武 誅 惡 不 有 勝 可 家, 聽 伐 微 所 項 謂 以 周 桀 定。 羽 不 多 號 順 不 願

> 授禪 自 内,6 提 之起 比 者易 微 王  $\equiv$ 然。 百 賤 方 五. 尺 4 里,武 丘 無 6 無 禹 代, 堯 Ш 尺 劍 皆 以 所 此 以 易 土 有 取 孰 王 則 司 因 唐 所因, 以 大 者 天 爲 階 空緣 起高 侯 起 緣 爲 下 西 者 高 入嗣 優? 伯襲文王 難 力易 於 位 功代舜,湯 光 淵 ; 淵 武 帝 襲 所 爲 洿,爲深 洿 位 由 爵 乘, 易 也。 位 白 乘 舜 以 直 由 位 水 以 高 8 爲 於 奉 七 奮 祖 司 尊 深 十里 丘 天 威 從 0 郊 徒 祖 命 Ш 武 亭 Ŧi. 大 統 起 也 推 代 長 文 堯 業 海 於

傳書或稱武王伐紂,太公陰謀食小兒

<sup>● 「</sup>君」,原作「周」,據四庫本改

② 「無」,原脱,據通津本補。

<sup>8</sup> 王。 武王 爲 西 伯 孫 人 和 云 當 依《文選 作 爲 西 伯 武

<sup>◆ 「</sup>三郊」、《集解》引唐蘭説以爲衍文。

<sup>「</sup>海」上,孫人和云《類聚》有「帝」字。

<sup>「</sup>推」下,楊寶忠云《類聚》引有「勳」字。

將三萬 相見。 矣。 《武成》言之,食兒以 言。 燭 兒 以 周之所諱 兵 二公兵散,天下以 以 至牧野 身 丹,令 人事 《武成》之篇言周伐紂,血 漢伐亡新,光武 赤, 漢兵出昆陽 人,①戦 身 以 也,世 譎 晨 純 爲 取 舉 赤,長 天 殷哉 于 脂 謂之虚 神, 昆 雷 燭 城擊二公軍, 陽。 大, 將 及言 雨 ,姦謀惑民, 丹, 五. 助 教言 雷 晨 漢 漢 千 殷 舉 威敵 雨 人 取天 Ľ, 殷亡。 晦 脂 ,王莽遣 流浮 皆 冥,前後 燭, 孰 權 下,無此 一而當十, 謂 奄不 與 杵。 殆 殷 商 舉 且 民 備 滅 脂 不 然 以 見 虚

身。 觫 罪 牛 鉞 見其 睹 袒之暴形也。 懸其首於大白之旌。 紂 或云武 其 屍 肉 角 赴 袒 之 於火 王 觳 而 一伐 形 中 觫 , 紂, 紂赴 武 暴 -, 所 也 王 也。 。 **2** 見 以 悽 火死,武 鉞 楚 齊宣 君 愴 莊 懸 子 辜 惡 王 王 非 其首 憐 赦 徒 王. 3 鄭 釁 就 角 不 • 之 惡 伯 鍾 斬 觳 其 之 之 何 以

> 也? 罪 不若 莽之死。❺ 身,德虐孰大也?6 長 其忍哉 人君拘人臣,其逆孰 殺子嬰, 安, 重 王 而 鄒 劉 漢 莽。 伯 聖 高 伐伐之 奇 高 公 祖 夫 然則 論 雍 斬 己 祖 輕,寬狹 桀、紂 誅 容 人 赴 紂 咸 惡 王 火之首, 與 豈以羑里之恨哉? 秦 莽, 陽 微 之惡 秦奪 誰 不 而 乘 閻 也? 戮 周 樂 不 兵 周 與 二屍。 誅之痛,秦、莽 若 國 誅 即 貰 害, 亡秦,亡 莽 被 世 不 酛 刃 光 者 平 忍 武 項 秦 之 以 帝 干 羽

好 酒 貰 高 飲 祖 母 酒 姙 舍負 之時,蛟龍 讎 0 及 醉留 在 上, 回 夢 其 與 L 神 一常有 遇

大」,楊寶忠云當無此字。

<sup>「</sup>三」、劉盼遂云當作「百」

<sup>「</sup>角」,通津本作「色」。下一「角」字同

<sup>「</sup>惡」下,吴承仕云當有「惡」字。

<sup>「</sup>武王」,通津本作「就斬」。「辜」,通津本作「乎」

<sup>「</sup>死」,四庫本作「屍」。

玄圭; 烏 露 龍 光 龍 母 城 帝、三王初生始起 光 光 楚 望 神 廬 履 望漢 Ŧi. 武 明 ,及起,不 ,嘉禾滋於屋,皇妣之身 見 一, 時 怪 玉 醴泉、 平 至。 皆 大 至, 起 東 棓 自 夜 契 帝 示 人 軍 初者 南 麒 行 隱 過 之 及 母 ,雲氣 白 白 凡諸衆瑞, 有 武 麟 舊 若 斬 漢 跡 雉 雉 咽 聞 蘇蘇 天子 帝 虵 廬 鷰 奇 太平之瑞。 光 神 五色。 黑 黄 黑 伯 文王 子; 祐 虵 氣 雀、 氣 不不 見 雉 雉 龍 阿 嫗 暢見 ,及起,五 氣 起得 望 重至者 湯 聞 甘 悲 芝草、 麒 禹 光武 孝 憧 春 起 露 此 哭。 母 麟 明 赤雀 憧 陵 7,夜半 吕 白 怪。 黄帝、 吞 且. 連 醴 希。 麒 連 氣 上 后 狼 與 薏 星 生 木、 泉、 麟 屬 鬱 木。 堯母 吕 輒 銜 苡 一,鳳皇如 聚 武 無 堯、舜 漢文帝 鬱 於 鉤 知 后 黄 嘉 神 燭 於 王 宣帝 將 感 葱 天 俱 9 龍 禾 雀 得 東 后 生 於 葱 空中 集 始 之 魚 井 鳳 0 甘 一得 神 黄 稷 赤 與 鳳 五. 於 皇 田

> 縣。 降。 孝明 能 凡 流。 累 Ŧī. 宣 縣 八。 致 仍 帝 德惠  $\equiv$ 斯 0 天 同,奇 而 不 年,零陵生芝草 ? 崩 今八龍 前 五. 絶 盛 世 年,芝復生。 有 今上 熾,故瑞繁夥也。 龍 此 神 並 見 則 鼎 一嗣 出 不 漢 + 位 雙, 黄 德 元、一 金 Ŧi. 六年 豐 芝生 一芝累 之怪 本。 茂 之 故 無 黄 生 几 自古帝王 間 龍 瑞 年 甘 代 ·, 甘 見, 祐 甘 嘉 露 之 多 露 大 露 德 流 也 小 孰 降 布 Ŧi.

漢 天 命 再 八。」《論》 難 獨 則 爲 審 再 儒 9 厚 者 衡 目. 論 此 兩 • 如 則 日 論之。 初 儒 天 . 禀》 命 者之言,五代 王 於漢 以 者 酒食之賜 爲王 推 厚也。 行 者 道 生 皆 如 德, 受 亭 審《論》 受 則 天 命 命 爲 命 衡 薄 唯 性 於

<sup>「</sup>春」,原作「春」,據通津本改。

<sup>「</sup>再」,原作「在」,據通津本改。

之言 必 優 而 謂 復 之神。 屬 生 禀 死 自 而 漢 然,此 復 統 生 絶 而 世 亦 復 漢 有 屬 家 死 所 光 而 復 禀 武 厚 生 存 之人, 也 0 0 可 謂 絶

攻王 或 遣 方 極 遂 橋 黑雉二。 貢。 之時 狄 平帝 今 橋 將 之 得 攻 ,太伯採藥,斷 一,至漢 哀 周 攘 西 外, ,越常獻 孝平元 武 種 牢 ,平王東 討 王母 王伐紂,庸、蜀之夷 良 得三。 夫以成王之賢 而 内 願 獲 鄯 漢 始 石 等, 屬、獻其 雉 虜 善 屬 室, 元 倭 走 生 後 髮文身。 獻 之。 諾 年 以 因 至 口 其 -,越常 人 降 避 千 爲 寶 貢 魚 四 德 附 其 萬 西 輔 地 年 暢 鹽 孰 歸 難 數。 重 唐、 海 之 佐 , 德 大 以 金 譯 郡 戰 西 地 出 ? 9 虞國界,吴爲 周 至 城 夏 牧野。 王 獻 公, 漢 匈 厲 願 塞 壤 禹 母 周 白 奴 衰 内 倮 外 孰 越 時 四 或 雉 微 時 屬 羌 常 成 戎 夷 在 廣 擾 漢 吴 狄 良 獻 ? 絶 朝 戎 王

> 樂 夜、 荒 譯,今吟詩 浪 服 履 舄 周 越 在 時 巴、 九 被 夷, 髮 蜀 椎 剡 越 髻 衣 篤 9 今戴 關 鬱 頭,今皆夏 林、 皮 弁 日 ; 南 周 服 遼 時 東 褒 重

三三八

聖 者 誹 違 陵 曰 列 憎 謗 : 斯 見 王 心原之,不繩 許 聖政。 遠 荆 其胥餘。● 春秋》之義, 迷於 矣。 孝明 氏 有屬 孽巫, 今上  $\stackrel{\frown}{=}$ 楚 外 宥,二王 於法。 於 立二王之子,6安楚、廣 海 家 君親  $\Xi$ 楚 許 恩, 王 欲 氏 隱 無將,將 英 免 吞 王 與 彊 奪 惑 藥。 尊 楚 侯 於 爵 貴 傅懸 王 狹 士。 周 而 謀 客 人情 誅 必 書市里 議 惡其人 3 誅。 孝明 也。 事 陵 情 廣

2

立、原脱

據

通

津

本

補

<sup>0</sup> 所禀厚 也 原 作 此 禀元世」 據 通 本改。

諾」,吳承仕云當 作 婼 遂 云當作 ゲ婼

<sup>3</sup> 狹 孫 和 云 當 作

僧」,原作 書」 據通津本改。

徙邊 隱彊 言庸 絶成 誤 盡 祀。 彊 之人,或言有罪之國。 晏,舜之烝烝 施 於義,而 何 侯 國 内 内 則 一褒矣。 與與 弟 毛。 殺 ? 回, 立武 臣 湯之統,非聖君之義,失承天之意也。❷ 罪皆在身,不加 員 管、 則注於骨肉,外則布 將 今上寬惠 嗣 並 子也。 共 猶 罪惡 庚之義,繼 隱 怨惡謀 蔡 祀 爲 工 存之,惠滂沛也。 彊 同 陰 党能 帝王,舉兵相征,貪天下之大, 私 氏 重 之,稱 漢 異 還 上 管、 於 統 姓 0 喻 歸 懷挾 四 於上。 自 禄父之恩,方斯羸矣。 蔡 也,尊重父祖 鯀 薦 此 子。 州 在,絶 滅 王 ? 於 不 里。 叛 嗣 帝 於 8 能治 堯。 孝 逆。 唐、 他族。 明 驩兜之行, 滅陰氏,無 族 開 故夫 水,知 三苗 闢 考事 虞放流 王 也 加 復存 立 以 恩 唐之晏 雨 位 來 失 後 巧 力 露 則 爲 實, 之 其 恩 論 死 佞 靖 損 極 恩 王

> 饑 振 身,周 猶 乎 德,俊乂在官,**6**第五司 良。 主 比旱不 立 於穀, 贍 功 因 歸 ?」夫地 | 緣以 於治。 民 建 化 晏子 成之開匱 初 雨,牛死 不 飽 建 日 是 孟 乏 廣 動 於 故 德 年 道 餓,天下 天 微 4 政 鉤 時 德,身流 民 勵 病 良,訪 ; 無 星 流 顛 能 非 恒 妄 在 慕德 醫 沛 逮 政 可 氣 空股 房、 求 皆 危 此 所 在 謂 至 過 殆 心 巧 致 歲 道 肱 劇 雖 闕。 之 穀登歲平, 心 矣。 或 篤 聖哲優者 危 之 間 皇 維 劇 不 高宗之側 疾 口 帝 皇帝 6 亂 扁 地 鄉 疫 振 轉 其 鵲 内。 畏 也 敦 乃 庸 動 民 乃

<sup>● 「</sup>失」,原作「也」,據通津本改 「 弟」,原作「第」,據通津本改

③ 「喻」,通津本作「踰」。

<sup>「</sup>初」,原作「物」,據錢批改。

俊义」,原作「後文」,據通津本改。

<sup>「</sup>五司」,原作「三句」,據通津本改

兀

0

姦 堪 以 故 斯 哉 以 道 危 路 爲 無 盜 寧 賊 之 木 跡 爲 通 深 五 幺 迥 帝、三王 絶 無 劫 孰 奪 之 能

## 驗 符 篇

挺、爵 共 罇 黄,没水中。 繩,◎去挺四 與 皖 不能舉。 日 是有 掇 頓衍 : 釣 民 摝,各得 小男 永平 於 釣 銅 留 更 寧 湖 不 顧  $\dot{+}$ 爲 挺望 得 日 涯 能舉. 見 盟 十步所 乎? 陳 滿 爵 年, 如 盤 一見,號 爵、 手,走 以 挺 也。二 錢 先 爲 廬 動 挺 陳 等 ❸見 釣, 江 銅 日 行 挺 挺 日 正 歸 T: [ 皖 也 往 :「何取 黄, 年 示其家。 湖 爵 侯 深 得。」 助之,涉 涉 皆 後 涯 數 或 淵 十歲 水 有 往。 百 民 中 爵 ? 取 酒 際 千枚,4 即 爵父國 水未 之, 復 以 罇 爵 有 爵 歸 不 上, 問 湖 滑 色 取 日 見 持 正 竿 相 挺 重 0

> 狀,如 之不實,苟 門下掾 賢自言於相,相言太守。 爵、 往 其 故 示太守,太守以下思省 賢等得 如章則 到 狀。 免 挺 吏, 前 鄰 金 程 君 金湖 可 字君賢, 伍 章 處 賢 躬 ,不如章 飾 並 奉 曰 : 水 水 事 聞 美 獻, 中 中 寢 也 驚日 俱 此 具言 尚 6 + 郡 即 有 競採 黄 多 二年 : 牧獻 復因 正法。」 詔 金 得 安所 太守遣吏收 之, 書, 也 賢 金 訖 却 賢 狀。 自 合得 躬 得 上 等 即 今不得直。 涉 爲 此? 奉 得 上 馳 詔 水 + 疑 詔 黄 書 與 書 隱,言 取 餘 掇 書 金 爵 爵 日 日 遣 斤。 取 實 言 俱 歸

<sup>0</sup> 民」孫人和云爲衍文。

繩」,通津 本作

步」,原作 「涉」,據錢批 津 本

<sup>4</sup> 枚」,原作 枝」,據四 庫 本改。

改爲正文。 寢十二年賢等上 書日 賢」,原爲 雙行小字, 據通 津 本

等所 金直 直 詔 書 十 二 一。」漢瑞 下 採 廬 金 年 江 自 ', 詔 非 官 制 湖 不 書 , · 畀 賢 等 金 直 金出 水 日 : 非 一視 奇怪 賢 等私 時 故 金 狀 獨 價 瀆 0 紀之。 畀賢 故 郡 不 F 等 賢 與

靡 黄 土 銖 玉 聖王瑞 以 罇 之,自出 方 石 爲 德 大 盛 色,人之奇也。 爲 後爲 之精 金,一 類 瑞 ,玉棓見。金之與玉,瑞之最也。 也,故金化出。 遠 金 玉 也 黍粟,2 盟盤 方圖 於淵者, 金玉之世,故 周 神 色正 出 之九 圯 寶 爲 物, 動 橋 故故 在 黄。 符 老 行 鼎 水 其 貢 永昌 出 也。 父遺 入淵,豈 涯 遠 實 金九牧。 詭 金有三品, 土生 沙 有金 郡 夫 方之金 張 異。 也。 中 中, 石 良 金 不怪哉? 書,化 民 玉之應。 金 ,土色黄 皆起 金 亦 禹謂之瑞, 採 也。 物 之類 黄比 有 得 色 盛 爲 金 先 人來 日 血德,爲 見 也 黄 焉 文帝 金聲 夏之 爲 重 漢, 9 石 纖 貢 鑄 酒 五.

異色鈞,皆土瑞也。₫

卿,郡 冷道 下 掾 男子周服宅上六本,色狀 民 也。 内 寸,莖葉紫色,蓋紫芝也。 嗽 並聞,吏民歡喜 衍盛奉獻,皇帝悦懌,賜 生芝草五本, €長者尺 吮 五. 四 建 或 之,甘. 年,甘 縣 初 上計 三年,零陵泉陵 榆 如 吏民 栢 露 飴 梅 下 皆在 蜜。 咸 李,葉皆洽溥,威 泉陵、零陵、洮 知漢德豐雅, 6瑞應出 五. 以以 四五 如三年芝,并前 年,芝草復生泉 女子傅寧宅 大守 錢 芝告示 衣 寸, 沈豐 食 陽、始 天下 短 委 者 詔 遣 流 土中, 門下 會公 安、 漉 陵 天 凡

<sup>●「</sup>制」,原作「上」,據錢批改。

<sup>「</sup>類」,通津本作「如」。

<sup>「</sup>正」,原作「也」,據通津本改。

<sup>「</sup>土」,原作「正」,據錢批、通津本改。

<sup>「</sup>内」,通津本作「忽」。

<sup>「</sup>咸」,原作「盛」,據通津本改。

四二

+ 本

爲 家 收,與 窮, 聞 皇之集,黄龍之出 同 下 戲 狀 口 龍 丘 近矣。 下彭 也 陵 數十 京 時 如 ,臨水有俠 見,長出十六丈,●身大於馬,舉 免冠叩 乃人。 師 圖 宣 上,蓋二龍之子也。 湘 無 一帝詔 帝宅長遠, 步 中 水 令左 城 下等。」宣帝曰:「方今天下合爲 集於天子之郊, ,又見狀如駒馬 畫 去泉陵城七 頭 與 龍 侍中宋翁 宣帝時, 右 Ш 謝 京 通 ,其下巖唫,水深 師 燕室丘 鈞 四表爲界,零陵在内 宣 經 等 帝 語 耳 也 鳳 里,水上聚石 之 ぅ 翁 論 皇下 民 乃遠下彭 并二龍爲八,出 何 小大凡六,出水 時 彭 皆觀 難 命 與 城、零陵,遠 彭城,彭 翁 曰 可 今 見之。 不測 : 與 無 0 城 頭 3 無 鳳 日 異 不不 二黄 顧 下 城 翁 燕 皇 去 近 等 猶 當 以 移 遨 龍 鳳 口 室

> 芝草 龍 惟 矣。 比出 數,治諧 穡,稼穡作甘 龍 唐虞之時,百獸 名。」賈誼、智囊之臣 於文帝之朝,云: 猶零陵也。 六頭 夏盛 當見。 芝生於土,土氣和 延年,仙 ,於兹爲 魯人公孫 時,二 並 偶 其后 出 也 孝武、孝宣時,黄龍 遨 0 ,故甘露集。 者 四。 龍 黄 臣 戲 龍 率舞;今亦 所食,往世生 在 象乾 ,孝文時言 龍 出 「漢色當 漢竟土 庭。 見于 往 ,云色黄 世, ,故芝生土。 坤 今 成紀。 六子 德 其子 龍 龍見,往世不雙, 尚 八 漢 也 雙 出 數 龍 黄 土 皆出 希 出,應夏之 嗣 數數 不 成 遨 五. 德, 賈誼 出 過一二。 後 戲 紀之遠 土 土 以 其 良 多 今小 一爰稼 德 黄龍 創 五. 符 也。 審 黄 議 爲

3

經」下,

通津本有「者」字。

<sup>0</sup> 丈, 作「文」,據 通

<sup>2</sup> 通津本作「令」。

<sup>952</sup> 

賢。 亦周 巖穴也。瑞出必 龍,潛藏之物也,陽見於外,皇帝聖明,招拔 方之獸也。 帝,故龍色黄,示德不異。東方曰仁,龍,東 天道自 育之味也。 故軒轅德優,以黄爲號。 ,故芝草壽徵生。 邵也。 君明臣 孔子曰:「知者樂,仁者壽。」 厥應 皇帝聖人,故仁瑞見。甘者,養 良, 皇帝仁 庶 偶 猶嘉士,祐至必依吉人也。 事以 合。 惠愛黎民,故甘 黄爲土色,位 康。 聖主獲瑞,亦 皇帝寬惠,德侔黄 文、武受命,力 在中 皇 [露降。 出群 帝 央, 聖

論衡卷第十九

四

四

#### 論 衡卷第二十

須 頌

子,鴻 然 下 也 者:「『欽明 紀 雅》 篇家也。」「篇家 則 所 載 臣 書 或説《尚 ,0鴻 古之帝 頌》各得 筆 子 也 之人 書上所 )。」「下者 德 文思』以下, 王 書》曰: 乃彰 也 建 其 爲 誰 鴻 所 誰 矣。 也?」「孔子也。」然 自 萬 也 德 「尚者、上也、上所爲 也?」曰:「臣子也。」 衛 者, 世 問 鴻 反 誰 乃 須 儒者:「 筆 魯, 所言 聞 鴻 之奮,蓋 筆之臣 然 問 也?」曰 後 禮言制 説 樂 ^ 斯 褒 則 書 正 孔 時 頌

王 充

所以 銘,周 未? 伯 太平, 臣 治 聲作。」方今天下太平矣,頌 制 樂言作, 一般頌》 述 子, 狀 嘉 一職,周 樂者,下所 夔歌 臣 賜 臣 傳者不知也,故  $\check{\Xi}$ 上 子當褒君父,於義 金 勸 何 也。 舜 百斤,漢臣 行。 歌 也 魯頌》四,凡《頌》 ? 德。 棠 由 作,故 孝宣· 樹。 此言之,臣子 日 宣 : 王惠周,詩 帝 是故《周 勉 日 日 禮 稱 拘 政 作。 者 潁 較較 0 儒 川 詩樂聲 矣。 夫 當 天 四 上 頌 以 太 頌 衛孔悝之鼎 下 頌 + 所 =+-守 其行 虞 人 明 篇,詩人 太 制 可 黄 氏 主 平 矣。 以 天 霸 故 頌 下 作 召 稱 有 頌 

或 漢》之篇, 》之篇, 儒 者 極 謂 論 論 漢 漢 漢 無 己 德 聖 有 非 帝,治 聖 帝, 徒 實 化 治 然,2 已 未 太 太 乃在 平。 平。 百 **^ ^** 代 宣 恢

<sup>0</sup> 鴻」, 原重 文,據錢 批 通津本删

<sup>2</sup> 徒」,原殘泐不清, 據遞修本補。 通 津 本作「常」。

鑿井 大,唯 也? 世 也 也; 言「大哉堯之德也」 五 頌 而 右 十, 其 稱 臣 今盲 也。 不 知聖主,是則 而 先帝今上,民臣之翁也。 異 也 夫孔子及唐 美,識 典 擊壤者 孔子 擊 堯則之。 能 飲 也 表德 人之翁,未 壤 擊 0 喑 頌, 耕 稱「大哉, 或 於途,②或 壤 頌 之 日 是則 舍其 田 奇而 之民 蕩蕩 功 儒 一吾日 而 人言「大哉」 爲 盲者 家 暗者 食, 宣 者,❸皆知 與 云「堯何等力」,是不 恢其功, 乎民 德 堯之爲 而 褒 唐 堯何等 也。 曰:「大哉,堯之德 觀 不 不 出 主 撃 無 他 能言 上 能 而 壤 能名焉!」 漢,今天下之家 君 孰 者 人之室,忽其父 别 堯者 作,日 之民 力?」孔 也 與 夫曉 是非 知 青 詩》之頌言 疑 黄 也 堯德 人而 同 暗 主 也 唯 也 或 子 涉 天 德 ; 不 息, 才 知 乃 年 然 知 聖 能 爲 而

> 父祖 子並 不 漢 知曲 天下 列士,或不 所上《漢頌》相 又有「廣大」字。❹ 德 知 又《詩》頌 作 漢 酆 不賢,故不 折; 夜舉 ,遠近廣狹 皆論 廣,日 盛 入東海 燈 也 在於畫 燭 他事 光海 依 國 從横 漢家著 畫 難 光 者,不 類 名《 外 置 曜 上者,子孫耻之。 也 得 無褒頌之言。 難 也。 也 所 周頌》,6與杜 量 書 曉南 6 數, 及, 也 多上及 夫頌言,非 宣帝之時, 知者知之,不知 可 極 北 浮 得 深 於 度 故 揭 《論 殷、周,諸 淮 世 夫 厲 撫、 徒 何 畫 ; 廣 難 衡》 濟 班 則 畫 日 啚 大 皆 測 有 者 文 漢 古 照

通

津

本

無此字。

<sup>0</sup> 「古」。 「右臣 擊」,原作「繋」,據通津本改。 典」, 通 津 本 作 右 臣之典」; 本段下「擊」字同 注 釋 》改

黄 暉 云當作「及」。

黄 輝云 當作「夫」。 或

原脱 ,據四庫本補

六

之。 也。 自 帛,頌上令德,刻于鼎 勉。 故夫古之通 如千 漢德不 世之後 及六代,論者不德之故 經之臣 讀 經 銘 書 一、紀主 不 文人涉世 見 一令功 漢 美, 記 後 也 一, 以 於 世 此 竹 恠

漢 見。 度。 論 上 湖 爲 钁 漢 衡》之論 夷之,爲平 將在 不兑庸 與百代 平 事 鍤 池 故不 漢 哉? , 損 不 非 地 與 有丘 百代之下,豈徒 不 三、五,2少豐滿漢家之下,豈徒 料 樹 百代 則 庸之名。6 地 漢 廣 洿 知優劣之實。 長 德 謂五、三優於漢矣。 將 矣。 從 俱 故故 竿, 湖 爲 同 爲 世 有 池 丘 不 主 也 知 高 見 相 3 五、三 也 論 同 平 與 五. 深 樹 哉 好 實 比 帝、 淺之度;無《 竿 稱 漢在 而 或以钁 也 測 轉 古 三王爲 論 之, 之,優 而 而 百代之末, 或以 無 爲 毁今,恐 深淺 鴻筆之 鍤 洿 經 劣 論 平 矣。 論 並 口 可 爲 而

謚 者,行之迹也。 謚 之美 者, 成、 宣

> 尚 堯,「 不能 然 安,猶言「堯」者,得 也 有明主 而 ; 惡 舩車 虧 成 堯」亦美謚 者 政 湯 載 ,況千言之論 , 臣子累謚 加成 靈 人,孰與其徒之多也?6 厲 宣,宣 也。 也 0 實 不 王言「宣」, 成 時 考 ,萬文之頌 湯 失實 亦 也。 遭旱, 有 也。 洪 夫一字之謚 水,百 無妄之災 周 哉哉? 由 宣 斯以論 亦 姓不

國之舩 之間 或 朴 無 船 彊文,德闇 孰 彊筆之儒 車、 與 采 加 書 漆 不 不 也。 采 ·著載 彰。 畫 農 也 漢 也 無 ? 德 彊 然則鴻筆之人, 高 不 夫 休 祖 穀 以 亂 粟 來,著書 在 不 百代 登;

2

三五

劉

盼遂

云

當

互

平一, 蔣 禮 鴻 云當 作「下」。

從」,通 津 本作 一狹」。

實」,原作 「美」, 據通 津 本改

党, 通 津本作

之」,通津本無此字。

者 頌 録 不 未 齊世》、《宣漢》、《恢國》、《驗符》。 孝 宣 · 具。 有 不 明 講 褒 帝 漢 司 論 以 載 馬子長紀黄帝以至孝武,❷楊子 至 漢,①司 家 京、平 論 功德 衡》 馬 之人,爲 頗 陳 長 平. 卿爲《封 口 仲 觀 見。 紀光武,班 此 畢 禪 今上即 精。 書》,文 故 孟 命 有 雲 約 堅

明 者 去無 德盛 雲雨 班 稱之不能言,或謂 德,崇於城墻 之壤也,人加 世之後,厥 固 之時,衆瑞 ,孰者爲賢 之徒 彊 功 也 龍 乎 立 無 ? • 稱 載 雲雨,不能參天。 高 或 頌 莫 築蹈 非 ; 並 或 德 不 徒參天 文人之筆,勁 有 至,百官臣 五、三之際,於斯爲 於傳 德 褒頌 之力,樹立 不善,不肯陳 高 行 可 書之上,宣昭 也。 紀 謂 或或 載, 譽得其 譽得 子不 鴻筆之人,國 城墻之土,平 臨 於築蹈 奚得 0 池。 其實, 爲 實矣。 少矣, 國之 斷 傳 明 盛 此 或 聖 於 馳 功 唯 孝 王 之 欲 流 地 萬 頌

> 文 孰 滴 與 不能言,言之不美善哉 以 奇,彰漢德於百 代,使帝 名 如 日 月,

坐者不 升會稽、 妙異 紀頌 方板之書在竹帛 政,衆臣 之,須頌 石 文 難 世 帝 秦始皇東 爲,觀 一,觀 德 歷 日 明矣。 不頌 善 瑯 至 讀 將 琊 弦 者 之者 瑯 南遊 當今非 之階 不 歌 琊 順 6 知善 之人 亦 見堯、 一,升會 其美,安得 無 也 然。 主 無 也。 必 名所從生出,見 絃 李斯之才也,無從 舜之美。 稽 怠 秦,無 歌 聖 不 Ш 所 爲妙 或 精 道 施 李 揚 哉? 之國 斯 異之曲 由 妙 何 刻 異 此 則 今 石 者 之 ? 刻

本

0

盼

遂云當作「若」。

者」,通 原 作「皇」,據 津本作「非」。 通

<sup>「</sup>王」,通 津本作「主

黄 暉 劉 盼遂皆云當作「技」。

川

八

聖 行 能 上 方,❷若言 忽 章下 記 國大漢 書 於 明 不 文國,記 其 記 有庸 御 已驗嘗試 才 出 服 也 奏於郡 庸之名,咎在俗 也。 一
吏
賢 或 德 人争 9 如 妙 溢 譽 題 0 熾 刻 薦 何 日 寫, 莫 士 儒 甲 則 有 不 ? 吏, 以 甲 實 宣 爲 某 稱 章 論 褒, 珍 子 表 術 也。 祕。 使 其 之 行

功 及。 以 之。 漢 故 論 渥 符瑞之出 增》、 興 有 化,⁴故《治期》之篇,爲 前 有 非不 也。 信 實 而 古今聖王 漢 講瑞 九《 薄後。 久 事 更 虚》所 不同 能 儒 儒 遠 難 者稱 及, 之僞, 及。 者 《是應》實 俗 不 於前 儒 以 不 聖 儒 絶, 穀熟 者 成 過 稱 忽 好 或或 之説 也 實,稽合於漢,漢 則 ; 近 長 歲 《能聖》、《實聖》 古有 其 時 而定之,漢不爲少。 古 平, 今之實。 漢 使 已 符 而 激 難 聖 有 虚 瑞 短 發。 及 王 美,誠 亦 今,言瑞 世 也 大 宜 治有 無 斯 緣 累 以 蓋 心 實 不 以 期 屬 知 然 則 立 能 所 而

> 什而 甚 湛 是 德,救 初 亂 日 衡》之人在古荒流之地,其遠 論 》,6爲 故 雨 刺 孟 有 衡》爲漢 失九; ,月光不暗, 災 徑重千里,人不謂 時。 年, 備 變之至, 其災,故《順 漢 無 能 妄 論 平説。 如 以 災。 氣 升至 亂 至, 人不 或 爲 是 從 門室,百百 治 在 鼓 聖 門 故《 睹 者 聖 之廣者 》、《明雩 世 應庭,聽 曜者 優, 世 之 春 秋 期 非 優 不 > 隱 從 也。 遠 者有 》爲 時 失一。 爲 堂 門 也 也 早 漢 室之言 漢 皇帝 庭 之。 × 制 應 也。 望 《論 法 禍 者 夜 執 建

當

4 3

通

津

本

徒」。

<sup>2</sup> 0 御」 甲 甲 通 劉 津 本作 盼 遂 云 卸 當 作 劉 盼遂云當

聖王」 記 奏」, 黄 黄 暉云 暉 云 字 作 當 倒

劉 盼 遂 云當作 「偶」。

至 門 通 津 本 作 堂窺」。

言 比 遺 表 跡 至 授 垂 論 乃 者 干、三累 3 日 實 腴 月之明 故 昭 聞 功德之實,不失毫釐之微。 孔 之美。 浩 形 然 聖 廣之德未光於世 知 子顯 政。 也 耀 遂 路 不 使 是 實 在 道 三累之行。 至 以 中 難 漢 立 臺閣 州 褒 或 德 得 隱 功失丘 表,路 明 論 之下, 著, 。 ② 也 大漢 於 出 百 莫 山 詔 蹈 之德 其 之 里 書 立 武 下, 班 積 一,遥 到 邦 王 計 表 賈 望 非 封 頌 聞 之 直 比 之 或 德 傳 吏

## 佚 文 篇

取 聲,ۅ懼,復 秋 宅 》三十篇,《 以 ,古經《論 爲宫,得佚《尚 孝 武 皇帝 封 語 塗。 論 封 **>** 此 語 弟 時 上言 書》百篇、《禮》三百 爲 \* - + -皆 魯恭 出 武 帝。 王。 經 篇, 傳 武 恭 也 聞 帝 王 絃 遣 壞 而 歌 有 吏 孔 之 發 子 聞

> 當 爲 感 絃歌之聲。 符 動 傳 於漢, 絃歌 也。 之象。 寢藏 文當 墻 興 此 壁之中,恭 於漢,喜樂得聞 則古文不當 王 掩 聞 漢 之, 之祥 俟 聖王 也。 以

當器辜 考校之,無一 作百二篇,具成 能 通《左氏 曉 知 孝成皇帝 大不 微 春秋》,案百篇序 天下 謹 字 讀 敬。 相 奏上。 能 百 應者。 爲《 篇 成 尚 尚 成帝 帝 ,以《左氏 書》者。 成帝下 書》,博 奇霸 出 一祕《尚 之才,赦 霸 士 東 シ訓 於 郎 海 書》 吏, 詁 張 吏 其 以 造 吏 莫 霸

同。

<sup>■「</sup>遂」,通津本作「處」。

<sup>「</sup>得論」,通津本作「論得」。

<sup>「</sup>邦表」,黄暉、劉盼遂皆云當作「國表

<sup>● 「</sup>聞」,原作「闓」,據錢批、四庫本改。本段下「聞」字

之有 郡 斯 作 覽其文。 書 其 間 吏,叢積 世 意,百不能 篇,才高 有 實類 上計 似真 文也。 須 書 亦 狀 不 孔 + 不 難 孝明 ,會三府之士,終不能爲,子山爲之, ,●成帝赦之,不亦 是, 吏,見三府爲《哀牢傳》不能成,歸 子 成 數 卓譎,希有之人也。 減 子山之傳,豈必 雖 日 故 才, 札, 其 成帝: 奇之,徵 姦 0 不燒滅之。 經 不 奏記 非 張 才 赦張霸,豈不 能 實,次序篇 0 霸 難 成 長吏,文 故 在 挺 0 精 百 蘭 能 篇。 審是? 宜乎? 疏 思 臺。 推 至 成 句, 有 尚 精 子 成 櫝,❷ 夫 於 口 以 書》 Ш 思 依 帝 傳聞 以三府 楊子 百 觀 哉 赦之, 成之,上 倚 篇 作 讀 傳 相 事 依 3 遺以 Ш 之 經 在 類, 滿 爲 掾 爲 多 郡 漢 百 民

善。 不空,才 孝 王 武 莽 之時 時 高 使 詔 知 郎 深之驗也 白 吏 官對 上 奏, 策 劉 董 子 《易》曰 仲 駿 舒 章尤 策文最 1:「聖

> 之官 文所 欲 使長 衆,郎 終、侯 平 衆書之多,善楊 武 頌 人 ? 之 善 中 卿、桓 0 文 ; 不 情 子虚 吏非 諷 神 挾 見 故 能 皆 Ŧi. 雀 桓 於 日 成 君 一》之賦 比 頌 群 一,唯五 : 君 辭 句, 金 Ш 瓦 集 玩 子雲, Ш 、子雲作吏,書 玉,孝 石 楊子雲之篇 則 孝 文 之書, 徵 人文善, 武 唯 明 辭 司 出 ·明覽 帝 詔 美 班 馬 富 X 惡 古 何 上 遊 長 焉。 於 會? 非 賈 獵 卿 爵 足 積 樂 所 奇 逵、 夫 頌 以 猗 子雲 不 6 而 於 孝成 以 觀 頓 傅 能 何 ? 成 居 6 百官之 才 之財。 毅、 乘 盈 千石 帝 玩 白 從 牘 楊 官 何 弄 永

3

帝

何

原作

「歸

魯」,據通

津

<sup>■「</sup>減」,四庫本作「滅」。孫人和云當作「滅」

②「櫝」,黄暉云當作「贖」

<sup>「</sup>挺」,通津本作「推」。

<sup>「</sup>實」,孫人和云當作「寡」。

<sup>「</sup>爵」上,孫人和、劉文典、黄暉皆云當有「神」字。

⑥「會」,通津本作「貪」。

贵 韓 左 與 此 右 非 可 之書, 空 人 稱 漢 同 日 哉?❶ 時 萬 傳 歲 在 陸 秦庭,始 誠 賈《 夫 嘆 見 新 其 思 語 美 其 皇 權 每 人 歎 與 奏 氣 日 發 喜 篇 於 稱 獨 内 萬 高 不 也 歲 祖 得

時,息 井,星有 楚 觀 虎 衣 右 觀乎天 望漢 掌 裳 興之,故先受 ,大人君子 在 理 候 於 其文 觀 軍, 身,文著於衣,不 氣 者 澤陂 Ŧ. 左 文,觀乎人文。」此言天人以 變者, 左, 氣 炳 色。 成 蛟蛟 以文 右,文服 ; 右 命 Ŧi. 君子豹 天 於天 不 龍 或者 采 以文爲瑞 爲 觀 在 操 也。 不 上 將 僧 變,其文 也 在於裳,衣法 於 左, 秦, 龍 地 咸 也 觩 文明 高 易 滅 陽 玄燿 祖 **〈蔚。**」 **>** 天 其 五 日 在 也 文章 文 母 又曰 星聚東 及起, 大 天 明 文爲 身之 占 也 也 左

後 惡 人操 惑李斯 意 前 之 議 後 亚 燔 違 五. 經之文,設 始 皇 一前 歎 韓 挾 書 非

> 安得 雲起, 之律。 郁,厥 經。4 散 削 雄 存 李 土 , 會聚。 未 李 斯 中 殷 不 0 詳 斯 創 臺 語 3 惠、景以 五. 有好文之聲? € 之 議 周 閣 所 殄賢聖之文, 今上 孝明 跡 經之儒 聞 頗近,諸 身 廢 伏五 頓 孰 即 世 至 高 令,6韶求亡失,購 與亡秦? 好文人,並 文書 元、成,經 祖 抱經隱 刑 子 始 存焉。 厥辜 棄 令陸 漢 唐、虞既 散 匿 興 書 深 . 賈 ,伏生之徒 徵 王 易易 並 重 漢 光 造 一莽 蘭 修。 嗣 興 武 無 書 亡 遠 臺 以 所在 一之官 道 中 募 秦之軌 不 未 漢 來 以 興 漢 及孫 竄 與 朝 金, 傳 書 修 五. 軍

令,

文典、

黄

暉

劉

盼

皆

云

漢 通 津 本作「爲」。

<sup>3</sup> 服 通 津本作 明

土,黄 暉 云當作 Ш

與」,通津本作 興

不」,原 脱 據 通 津 本 補

性奇者掌文藻炳。漢今爲盛,故文繁奏也。❷炳郁郁,莫盛於斯。天晏暘者星辰曉爛,人文浸還,●以所聞見,伍唐、虞而什殷、周,焕

文麗 宜 所 文 胸 賢 日 之人,領上 事 記爲文,文德之操爲文。 文,諸子傳書爲文,造論著説 漢也。受天之文,文人宜遵。五經、六藝 文王之文傳在孔子。 一奏記 月, 也。 不頌主 能 也 中之思,③論世俗之事,非徒諷古經,續 辭 爲 孔子曰:「文王 非 無 論發: 造論著説之文,尤宜勞焉。 也 適 薦 一恢國。 諸 上 吏 上書文德之操,治身完行, 胸 周 子書 士 、秦之際,諸子 臆,文成手中,非説經藝之人 無 益於國,無 傳 國業 則 所 既殁,文不在 孔子爲 爲 能 傳 身,二 立 在 立五文在 也 千載,主德 補 4 並 漢制文,傳 爲文,上 則 於化。 作 爲 上 皆論 世, 兹乎! 傳 書 參貳 造 皆當 徇 則 書 陳 繁 論 他 故 爲 在 利 便 發 奏

> 之文多矣,則可尊明矣。 爲私,無爲主者。夫如是,五文之中。論老

Ŧi.

夷俗。 悟 文之人, ▼陳陸賈之説 南 人 周之德,其 , 蹶然 越,倍主滅使,不 也、設生漢世 孔子稱日 陸賈 起坐。 可 周 動 謂 日 以 世 一, 亦 至 :「唐、虞之際,於 漢 一傳之 德已矣 從漢制,箕踞椎髻,沉 稱 德 漢之至德矣。 5惺 觀 愚, ⑥ ?! 孔 見 以 有 論 帝 趙 者 威,心 子, 他之惑,鴻 ₿將有蹶 斯 周 趙 爲 覺 他王 之文 溺 醒

<sup>● 「</sup>浸還」,通津本作「未遠」。

<sup>「</sup>奏」,通津本作「奏」。

<sup>「</sup>車」,通津本作「並」。

<sup>「</sup>動」,通津本作「説」。

<sup>「</sup>傳」,通津本作「儒」。

❸ 「論」,通津本作「之」。

楊子雲作《法言》,蜀富

人賫錢十萬,圖

起坐,世傳之悟。● 文人之休,國之符也 漢氏浩爛,不有 殊 卓

中

願

載於書,子雲不聽。

夫富無仁義之行,

卷

皮

定善 當尊 筆 占 萬 勸 也。 所以章善,即以著惡也。 自 者莫不痛 加 心清則牟子 在 歲 懲 禁裁。 國 目 不通 ,6成爲丹青,€故 惡之實,言行畢載 美 多 同 ,聖世之徵 善人願 觀豐屋知名家,❷睹喬木知 聞知之者莫不 采。 麗之觀 然則文人之筆勸善懲惡也。 實 心。 類 載 蹂 也 瞭。 也。 ,思勉爲善; ●邪人惡 蹈 知 哉? 也。 文 或 瞭 文錦之可 夫文人文章, 豈徒 錦 君 者,目文瞭也。 自 載人之行,傳人之名 可 於 聖 孟 文以 勉, 尊 泥 而 子 加一 情,不 也 塗 況 相 文人聚,人 千 字之謚 極 之中,聞 人以 舊都 數 筆墨之力, ·知文 傳 牟子 載, 夫候 調 人猶 流於 人 謚 見 心 墨 鴻 之 弄 之 法 力 惠 或 文

於地 公矣。 顯,後 續《太史公 -之鹿, 財勸 道 繩 跡 人觀之,見以正邪,安宜妄記? 賢聖定意於筆,筆集成文,文 有 叔 墨 欄 好 皮不 書 所 中之牛 醜 >,載 彈,安得 , 爲恩撓。 文集於礼,志有善惡。 鄉 也,安得妄 里人以 避諱? 文筆之文,9 爲 載 是 悪 故 戒 子 班 具 雲 叔 獨 足 邪

情

已

不

爲

枉

故

世傳」 通津本作「趙他」。

觀。 通 津本作「望」。

徴」,通津本作「驗」。

思」, 原作「思」, 據通津 本 改

人惡」,原作「惡人」,據通津 本乙

萬歲」,通津本作「世

成」,原脱,據通津本補

富 孫 人 和、 文 黄

津本作「千」。

<sup>9</sup> 文筆之文」,通津本作「文人之筆」。

數 夫占 言以 亦一 跡 言也 蔽 以 之, 睹 足 日 日 : 觀 : 疾 思 文 虚 無 以 妄。 邪 知 ~ ~ 情 論 ^ 衡 詩 篇 以 百 +

### 論 死 篇

人之所 滅 爲 分 世 夫 人 物 物 何 精 滅滅 精 明 能 無 也 以 類 氣 氣 别 耳 ; 驗 驗 世 而 者 如 H 以 人 物 謂 去人、豈徒 之? 之, 形 不 物 則 生 死 死 体朽,朽 血 死 能 無 者 人 不 不 脉 人不 驗之以 别 爲 所 爲 能 也 精 知 鬼,但有 爲 鬼 與 則 氣 爲 而 鬼, 無 故 亦 也 物。 成 鬼, 聾 死 耳 無 則 0 死 灰 知,能 目 盲 以 血 無 爲 死 人,物 土 何 同 之人 脉 知 知 8 鬼 故 而 哉? 竭 其 精 不 獨 害人。 何 不能 比 也 能 爲 用 能 竭 氣 於草 爲 ; 朽 爲 滅 鬼 爲 而 鬼 物, 害 則 試 尚 鬼 精 鬼 也。 消 能 亦 ? 難 ? 以 氣

> 形,故 名 爲 稱 謂 謂 氣 神 歸 也。 不 亡 冰,氣 故謂 者 之鬼。 爲 鬼 生 見之名也 有 荒 或説 神 神。 其 知 伸 非 忽 也 能 死復歸 凝爲 也 之 死 不 氣之生 鬼神 猶 爲 鬼 鬼者, 人之精 見, 申 人; 形 冰 ; 人死 復 故 神 釋 陽 而 陰 人, 無 歸 冰 害 謂 氣 更 陽 氣 精 也 己, 人, 也; 名 釋 猶 之 導 之 神 水 爲 陰 鬼 水之 終 物 名 升 何 神 也。 水,人死 無 陽 神。 也 則 而 而 天, 者 據 稱 ? 爲 復 生 荒 骸 人 以 鬼神 冰 始 陰 見 故 骨 鬼 論 見 復 也 忽 氣 之也 謂 歸 神 名 鬼 神 無 逆 異 之 土,故 水 形 荒 死 物 神 用 神 者 則 其 凝 亦 神 忽 之 而

3 2

成

灰」,

原漫

港不

清

據

通

本

補。

<sup>■「</sup>妄」,原作「矣」,據通津本改。

<sup>「</sup>死人」,孫人和云當作「人死」。下一「死人」同

<sup>「</sup>鬼」下,黄暉云當有「神」字。

<sup>「</sup>形」,原脱,據通津本補。

之乎 假 穿米 橐。 夫 氣 毛 有 制 囊 米 弗 彊 復 橐 形 死 尚 故故 衣 以 有 橐 復 故 死 在 立 盈 ? 穿敗 在 爲 形 囊 見 人 狗 出 何 粟 知非 人不 樹 之 不 矣。 裘。 ; 橐 豪 則 裘 米, 神 可 禽獸之死 精 能 ,粟米 ? 之中 魂 鬼若生人之形 爲 意 見。 死 安 米 敗粟棄, 氣散亡, 人之精 以 假 狗 疑 囊橐之形 人之精 能 在 亡 望見之,似 生 也 盜 棄 也。 人瞻望 復 囊 矣 人之 0 也 者,人不 出 假 中, 死 神 則 ,其 今人死 也 何能 也 此 形 六 而 藏 囊 其 之, 若 肉 形 畜 以 形 於 橐 粟 粟 何 禽獸 復 以 容 則 覺 盡 而 能 體 委 見 皮 形 米 以 在 有 其 索 知 可 知 以 變 朽 體 辟 猶 毛 棄 效之? 體 橐 見 之 皮毛 其 察 行 化 之内, 朽 出 0 假 精 若 人瞻 生 形 而 爲 也 見 敗 狗 散 象 滿 人 生 人 囊 粟 乎 尚 之 得 故 9 雖 望 人 不 橐 猶 米 以 如 盈 ? 在 皮 世 能 見 之 之 猶 無 粟 囊 囊 囊 堅

> 形 者 化 腐 矣, 爲 者 朽 虎 雖 其 4 未 虎兕 形 有 亦 尚 以 以 勇 生 未 死 7,47 一,精 身 死 化 也 氣 能 爲 尚 世 復 牛 在 化。 象 有 也。 者 以 生形 魯 也 如 公 死 牛 轉 其 爲 哀 形 生 病

廷,填 火 也。 死 也。 多 年 光 夭亡, 也 如 之狀。 人且 天 人死 世 塞巷路, 夜 地 言 以 行 死 開 燐 輒 億 其 見 見 闢 爲 萬 死 血 不 燐 鬼, 鬼 數 宜 爲 人之血 不 皇 宜 燐 徒 則 象 計 以 見 見 道 來 人 今人之數 數 血 路之上,一 也,其 形 者 兩 百 随 人 千 渾 壽 生 形 也 萬 沌 而 時 不 不 死 積 之 滿 步 若 類 人 聚 生 精 之 堂 若 死 若 兵 鬼 者 氣 盈 中

<sup>●「</sup>橐」下,通津本有「中」字。

<sup>「</sup>精」下,通津本有「氣」字。

復」,原作「所」,據錢批、通津本改。

<sup>「</sup>牛」,原作「平」,據錢批、通津本改。

<sup>「</sup>生者」,通津本作「生類者」。

三五六

見 故 之血 則 鬼 象 可 云 鬼,病者何 疑 人之 也 死 甲 其形 體 人爲 來 ? 不類 鬼, 故 甲 時 見生人之體乎? 見 或 生人之形,精 不 鬼 反 死, 也,皆 象 生 氣 象 人之形。 象死人之形 甲形。 氣 去 人, 病 如 者 死 何

朽 帛 者死 矣。 精 本 燃; 無 火 灰 遂 以 死 爲 滅 更 也 神 能 與 夫爲 爲 見 人之 尚 血 天 己, 不 形 能 燃 地 更 生 衣 在 氣 與 時 帶 生人, 火,吾 體 精 鬼 復 之性,能 爲 能 形 主 神, 者 血 俱 被 燃以況之,死 爲 體 氣 朽, 服 乃頗 則 不 人謂 鬼,可 血 不 也。 等。 能 何 人 氣 更 附 見之宜徒見 疑 以 死 **\$** 常 着 何則 生火,不能 安 也 得 死 死 附 人之精 能 而 人能 貫穿之乎 人不能 形 ? 今衣 自 亦 復 體 若 復 自 衣 神。 見。 形 服 爲 服 裸 復 爲 無 使 絲絲 體 形 ? 爲 無 血 袒之形, 衣 如 滅 能 雖 精 鬼 氣 服 審 絮 0 使 火 朽 神 敗 之 布 鬼 明 案 復 神 滅

> 形 象之矣。 ? 由 此言之,見 象之,則知 鬼 非 衣服 死 人之精神 象之, 則 也 形 體 亦

用 惠 惠者 世 須 無 以 忽,人氣 人者,以五 在 間 藏 死 氣 元 驗 知之本 五藏 智者 安得 之? 而 夫死 氣之中; 以 五. 成, 藏 含五 在 有 有 已敗 人不 氣 以未 藏 腐 何 其 無 病 須 在 能 常之 朽, 中。 體 能 矣,所用 既 形 則 形 生 有 獨 腐 爲 之 而 中 死, 人 知 人 氣 知之精? 朽 鬼 荒 乎? 知。 也。 時 未 也 復歸 則 忽; 無 生 爲 ; 則 天下 五. Ŧi. 所 五. 智者已 無 亦 人之 於氣。 常 荒 藏 知 常 所 無 無 無 忽 不 也。 之 知, 所 所 所 則 傷 獨然之火 去矣。 氣 以 知 託 則 其 愚 元氣 人未 矣。 所 聰 矣,所 死 病 人智 以 明 歸歸 矣。 在 荒 智 何

2

通

津本作「元」。

<sup>■「</sup>頗」,四庫本作「不」。

亡,形 团 惡 猶 案 在 也 之事 、殄、死,一 形 死 ; 人之旁, 卧人不能 不能 殄者,死 殄 體 體 之死 了, 死 復 朽 尚 識 悟 敗 人 全 生 也,0其 乎? 實 之比 死 不能 一時 猶 也 從 所爲矣。 無 也。 復 來 猶 人夢 所 知,猶對 知 者, 夢 知 人殄 也 也。 不 ; 與 人言談 能 況 夢 不 死 夫 夢者, 殄之次 知覺 死 悟 相 人之棺 卧 人 似 有 則 時 精 精 所 死矣。 所 然則 神 作 氣 爲 作 消 尚 善 於

言 之效 之故 殺 歸 家 巫 叩 語 也 不 元 知 也 其家,告以尸之所在。 也 也 人爲 絃 當當 其 如 世間 不 或 下 尸 人所歐 能言 爲 誇 死 所 誕,物 人所 死者,今生 人 在 於吏旁,告 傷 魂 詣 殺 , 2 使 之精 死 因 則 吏告 人 巫 人 不 神 以 有 苦以 今則 口 殄 知 爲之象 賊主名; 談 知 何 而 用 不 語 人 皆 必 能 其 殺 人,有 恚 也 誇 也 若 誕 無 人 之 及 能 知 或 知 或

> 智惠 甚 矣。 死 曰 病成之 乎? 不 知用 精 神 能 甚 精 氣,言 定 神擾 者 言 矣, 也。 也。」夫 自 亦 病 病 用 無 則 死 氣 不 所 惽 焉。 能 知 之 亂 微 況 言, 人 精 其 猶 之 則 神 散 惽 未 亦 擾 也 亂 死 不 也 也 能 況 夫 知 其

爲 謂 異? 月 死 人 寒 水。 有 死 死 知 而 人之死 火滅 氣 人生於 有 感也。 知不惠,二者宜同 用 知 光 事 猶 水水 消 是 天 人病且死 火之滅 謂 而 地 凝 燭 火 之間 爲 在 滅 冰 也。 復 其 有 與 死 實。 踰 火 猶 光 火之且 精 春 滅 冰 也。 氣 而 也 論 温 而 燿 隆 滅 者 形 不 冰 陰 冬之 猶 何 照 存 陽 釋 謂 以

<sup>● 「</sup>巫叩元絃」,黄暉云疑當作「巫 「人」,原作「火」,據通津本改。

③ 「死」,黄暉云當作「病」。

<sup>「</sup>宜」,原作「門」,據通津本改。

忿怒。 之氣 死 媢 忽無禍 春水不能復爲冰,死 妻 妻,同室 更嫁,妻 凝 ,無知之驗也 今夫妻死者寂 而 爲 而 死 處, 人,年終壽盡,●死還爲 夫更娶, 淫 亂 魂安能 寞 失 無 以 行,忿怒鬭 聲, 有 復爲 知 更 驗之,宜 形? 嫁娶者 訟 妬 平 大 夫 夫 夫

弄 譬 喉 以 也 聲,若夜聞 知之,宜 不復修。 孔子聞之,泫然流涕 明審 猶 之中, 驗之? 則 手 吹簫 孔 不 弄 子葬母 曉 輒 成 其 笙,簫 使 動 生人 哭者,❷謂之 其 修 音。 孔, 死 摇 無 墓,以 於防, 有 其舌,張 猶 所 知 笙 夫 知, 也 以 人 折 簫 喜 言 之動舌也。 必 曰 既 破,氣 笙 魂神。 枯骨 死 : 語 龡 恚 而 之管,猶 人 吁 其 古者 雨 越 之音 在野 呵 不修 口,故 甚 然 不 者 至, 不 括 而 ·, 非 時 也。 修 不修, 手 能 防 之 死 氣 鳴 墓。」 也 成言。 墓 無 孔 口 括 呼 口 崩 聖 遂 子 喉 喉 所 有 何

> 變,自 也 腐 鳴之聲,宜步 尚 呻 一,是與、 有 敗,舌不復動 鳴者,6人骨自 知 有 呻 夜 所 鳴 鬼哭 爲 於野。 屬 依 焉 無 倚 有 何 以 能 能 死 草澤暴体以 異 骨 呻 成 也。 言? 之 鳴 侧, 者 秋 焉, 氣 然 千 則 或 爲 而 萬 枯 謂 呻 以 數 鳴 爲 骨 骨 之 呻 秋 時

也。 青爲氣,❸或予之也 使之言,言者亦不能復使之言。◎ 予之物青,奪之青去,去後 夫有能使不言者言,<sup>6</sup>未有言者 ; 物 死 青者 不能 去, 猶 死 復予之 或 物 奪 能 生 之 以 復

言者」至「之言」,楊寶忠云此

九字行。

<sup>■ 「</sup>終壽」,原漫漶不清,據通津本補。

<sup>「</sup>者」,通津本作「聲」。

<sup>「</sup>呵」,通津本作「呼」

<sup>「</sup>括」,原作「活」,據通津本改。

<sup>「</sup>枯」,原作「拾」,據通津本改

<sup>「</sup>不」,原作「木」,據通津本改。

图「氣」,劉盼遂云當作「色」。

天。 不 能 物 復青 青 亦 青之色,猶 不 ,獨爲死 能 復 自 人之聲能復自言, 梟梟之声 青 声 色 也 俱 通 死 惑 並 物 也 之 禀 色 於

乎? 故 中, 以 精 氣,不 精 言。 衰; 力之 精在 歆 殊 殊 ,神於生人之精 也 盎 ? 衰 於 2 肴 夫 盛 過三日 破 八之 所 身 死 使 則 地 於身中, 食 身中身 以 中 水 氣 生 声 水 水 困 能 之 故能 流 人不 音 不 以 一之甚 飲 精 則 異 能 地 嘶 外 死 食 餓 飲 於 言 言。 何 則 故 一,何 地 困 死 也 盎 食 語 以 在 能歆 矣。 不 水 能 中 者, 夫 異 於 而 能 飲 之水,身外 何 復言? 净 ? 死 徒 以 氣爲音。」夫 食, 食 異 外 人之精 或 以 取 有 損 於 日 則 死 П 水 氣 減 盎 : 或 歆 П 實 之 力 之精 中 曰 : 不 於 死 肴 生 與 則 也 之 生 大 能 牛 人 食 氣 人 ; 水 盎 之 之 之 何 何 死 復 力 氣

人死不爲鬼,無知,不能語言,則不能

者,3 落,不 今人 筋 舉 氣 手足具成,手不 以 時 忿 害 害 面 能 無 力 足 雖 人 人 不 怒之人,响 能 絶,手 用 矣。 死,手臂 害 嗣 氣 而 能 勇 堅 力, 適 蹶 人 助 復 如 八者,手 强 也 凝 何 囓 足 賁 則 用 以 審 成, 一<u></u> 安 何 不 所 、育,氣 朽 力 呼 驗之? 以 擊 未能 舉 矣。 能 臂 須 敗 於人之旁, 能 蹶 雖 把 筋 搏,足不能 能 害 不 不害 堅 無 氣 刃 骨 害人? 精 彊 能 人 夫人之怒 不 爲 ,爪牙堅利 而 也 氣 破 人。 也 復 形 彊 尚 ? 折 持 體 口 在 彊 蹶 兒之始生 使 由 氣 刃 ,形體微 凡人與物 此 夫 舒 則 也 一有「□」字。 喘 猶 之故 言之,精 死 手 能 用 爪 响 射 骨 害 氣 而 牙 吁 人之 弱 其 也 擊 也 隳 所 之 朽

<sup>「</sup>矣」,原作「失」,據通津本改

<sup>「</sup>何」,通津本作「能」。

<sup>「□」,</sup>原漫漶,似「蹶」字,通津本作「蹶」。

安能害 猶 氣 未 能 人? 去 害人,況 邪 ? 2 寒骨 何 死, 能 氣 謂 害 去精神絶 能 人? 害 人 者邪? 微 弱 0 死 人 手

甚者 身羸 見 盜 奪 神 仇 至 彊 人者,以 澒溶之氣,安能 之後、能啄蹶之。 之,若水之形。 盜 8 有 相 壯 竊 在 雖 也, 弱 勇猛 知 其 鷄卵 , ⑥忿怒於鷄犬,無怨於食己,不能 賊 羸 , 宜 滅 旁,不 弱 怯 何 飲 羸 之未 ,則能害人矣。 木 能 無勢之人,莫不忿怒,忿怒之極 能 食 弱 敗亂之時,人將 劣之故 害 害人? 也 能 困 乎也, 害 良 咄 甚 人? 飲 夫人之死, 雌 叱; ,故至於死。 也。 身貴 食 傴 澒溶 有 飽足,則彊壯 伏,體 人之所 人盜 人病 夫死 鷄犬之畜,爲 於鷄犬,己 於鷇 啖 其 歸 方 不 食者,●使 羸 以 物,不 中, 就 能 澒 病 弱 勇 成,就 困之時, 溶之時 飲 潰 死 困 猛 勇 食, 劣之 能 害人 重 能 而 猛 其 所 於 禁 則 害 成 視

> 之驗 何 爲復育者。 體,若蝉之去復育乎? 復育之體 能害生人之身? 也。 蝉之朱蜕 更爲蝉之形。 夫蝉不能害 也爲 復 則 復育,6 使死 育,死 夫 爲 人精 蝉 已蜕 人之精 者不 神 也,去 能 去 神 害 形

六〇

其審 行,人夢傷殺 爲吉凶之象; 止身中, 夢者之義疑惑,言夢 死之精 或言精 人,@夢 神 殺傷 神 亦將 行 者精神自止 與 人,若爲 復 人 然。 物 相 人所 今其 更。 身 中 復 審

作

傷殺」

通津本作

微弱」 黄暉云行

<sup>2</sup> 手安」, 乎」是。 通津本作 屬上 猶 未」。 手」, 黄暉 云朱校元本

禁」,原漫漶脱落, 據 通 津 本

將」, 通 津本作「相

重 原脱 據通 津 本

未」,原作 「求」,據通津本改。

熾而 之精 驗。 之離釜也,安能害人? 竈中,釜湧 殺 人之將死 明 當死之時,精神不怒。身亡之後,猶 也,乃 釜沸 神不 夫 日 視 夢 沸止 能害人,死之精神安能爲害? ,身體涼,涼 氣蒸 能 彼之身,銘己之所 用 害人; 精神,精 而 精 氣歇,以火爲主 怒 不怒,不能 神,死 益 胸 清 中, 之精 力盛 無 ②清甚遂 害 兵 人。 身熱 也。 神 刃 也 創 以 火 精 傷 湯 死 猛 神 火 之 今 夢

其死 之精 爛 成 滅,安能 體,故能變化, 而 事 ,3精神散亡,無所復依,不能 理之,病則愈矣。 物能 , 精 神,猶物之精 物 與 爲 神 人通,人有 害禍 變化,人則不能。 消 Ļ ? 與人交通 神 人 欲 癡 夫物未死,精 也。 與 謂 狂之病, 物 人貴,⁴精 物 ; 同,死 生,精神 是反人精神不 已 變化。 如 死 而 神 知 神有異 形 精 其 依 爲 體 神 夫人 物 病 倚 亦 壞 形 然

若物,物精奇於人也。6

爲 乎? 所爲,明矣。 所見鬼者,非死人之精;其害人者,非 害人者,太陽之氣爲 使人死,精神爲五行之物乎? 金 毒乎? 傷 人,木毆人,土壓人,水溺 水火燒 夫論死不爲鬼,無知,不能害人。 不能害人。 害人,不爲乎? 溺 凡能 不爲 毒 害 物,則 者 人者,皆五 也。 不能害人。 爲 使 人,火 氣矣。 害人;不爲 人死,其 行之物。 燒 其 氣之 則 夫 氣

論衡卷第二十

- ■「銘己之所」,通津本作「察己之體」
- 「壞爛」,原爲墨丁,據通津本補。「涼涼益清」,通津本作「清涼涼益」

- 「欲」,通津本作「設」。
- 「精」下,孫人和、劉盼遂皆云當有「神」字。

## 論衡卷第二十

王充

**爲** 篇

死

鬼 之,奈何? 爲鬼之驗; 左 爲鬼,人死 而 王 王 一執彤 一,宣王 則 不辜, 將 田 傳 死者皆當爲鬼。 於面 日 杖 伏 簡 一周宣 何 而 公將 韔 曰: 鬼之有知 杜 故 棰之,斃於車下。」二者,死 而 獨 伯起 死 夫人萬 人 王殺其臣杜伯 能 於 爲 於道左,執彤 趙 桓 杜伯、 鬼? 簡 物之中 能害人之效也 門, 公殺 莊 莊 如 , 子 其 子 以 而不辜, 義 臣 義 弓 物 人 起 貴 莊 而 死 何 於 射 獨 能 不 子 道 爲 能 無 義 宣 爲 人 宣

> 本作 伯、莊 處。 弑 人? 惡之所爲 其仇,❷仇人亦惡見之。 鬼 君,二君之死 惡見其身,故殺而亡之。 也,當復爲鬼,與己合會。 伯、莊子義無道,忿恨報 非辜者多矣,比干、子胥之輩不爲 君 也? 壓」。 如不 如杜伯、莊子義怨宣 世多 子 則 義 如以 夫 人臣,營衛卒使 知 也。 似 所 死 也, 是 被非辜者能爲鬼,世 亦當報 敢 爲 如 而 爲 則 鬼 兩 非,虚 也。 之尊 亦 臣 之, 不 神 凡 殺其 神。 ··, 宜 者 非 生死 僞 固 見殺之家,諸吏從 人相 王、簡公,不宜 當當 人君之威 類 有 多衆 知二 不神, 君。 復 真 知 異路,人 傷 誅 之深計 兩 君 罪莫 間 鬼。 之, 故 憎 胡 死 臣 臣 固 杜 其生, 能 當 鬼 殺一 非 大 夫 子 嚴 伯 害 憎 殺 杜 殊 報 杜 於 被

2

諸

吏從」

通津本作「詣吏訟」。

<sup>「</sup>夫人」,通津本作「人生」。

放 杜 伯

莊子義之語,往往而存。

也; 者,而 生 聽之? 後 之新 歆 莊 獲,竟如其言,非 生告之曰 民 適 秦,秦將 曰:「夷吾無禮,余得請於帝矣。 何 非 子 四年,惠公與秦穆公戰於韓地,爲穆公所 下 罪 義 城 狐 或 類 見我焉。」許之,遂不見。 帝,公神 吾將 之類。 ,失刑乏祀,君 突之言,是 西 ,遇太子。 惠 帝許 民 祀 偏 公改葬 余。」 不 「帝許罰 復請。 巫者之舍,復與 以 祀 也 何 晉畀秦,狐 狐 非 神 太子 以 太子使登 突對 則上帝許 族 而 七日,新城 以 明 有罪 君 其圖之!」太子曰 何? 申 私 之? 曰 : 怨 祀 生。 矣,斃之於韓。」其 突以 争 無 曰: 僕車 申 申 夫 於 臣 秋,其 乃 生非 西偏將 生 改 聞之, 爲 公神 及 此亦杜伯 殄 將 相 而 葬, 不 期, 乎? 也。 告 僕 以 見 · 可 ., 私 之, 有 神 狐 晉 何 狐 怨 申 突 畀 神 申 且 突 巫 不 2

> 於改 坑儒 殺也。 驪 微 公,不 也。 鬼,諸生會告以始皇無道,李斯 不 爲 惠公之改葬,干上帝之尊命,非 於殺 姬譖 上 敢 〈葬。 一帝,不 申 求 請殺驪 生比 博士之怨,不下申生;坑儒之惡,痛 人; 秦始皇用李斯之議,燔 殺其身,惠公改葬其尸,改葬之惡,母 私 然則秦之死儒,不請 於君 若 惠公之罪, 於上帝,豈徒臣之與君哉 狐 姬,是則 者, 突, 君尊 必 申 非 輕於 生憎 臣卑,不 上 帝 驪 燒詩 改葬,不 於帝,見形 無 明 姬 得所爲也,3 狀 敢 矣。 書,後 請 以 怨 罰 非 且 爲 見 惠 恨 干 臣 又

一墠,植璧秉圭,乃告于太王、王季、文王,周武王有疾不豫,周公請命,設三壇同

<sup>● 「</sup>太子」,原作「君」,據通

<sup>「</sup>得所」,通津本作「所得」。「太子」,原作「君」,據通津本改。

<sup>「</sup>改」,原脱,據通津本補。

爲 其 與 喜。 所 有 周 神 如 則 不 事 事 史 鬼 謂 不 所 公請 不許人,一實 以 神 得 能 鬼 乃 明 鬼 問 三王爲 須 與 能 宜 神 神 策 矣。 幺 爲 猶 以 未 ,然后知之。 知 冥 祝 命,史策告祝。 鬼 不,2乃卜三龜 至 世 1 可 知三王之心 、之實 三王有 神。 鬼 乃元 日: 俗之人  $\equiv$ 定 精得之乎?❸ 辭 鬼, 神 龜 也 者,謂 實 周 孫 ; 可 也 乃 : 某不 人能 得幽 公,聖人也。 知 也。 信 「予仁若考, 且 爲 知 能 死 三王 也 不不 周 若旦多 鬼,不 與 其 神 冥之實, 人 祝 知 三龜 公之請 實。 宜 乎? 有 畢 世 如  $\equiv$ 也。 以 徒 俗 王 辭 不 知 辭 能知三王許 才多藝 定 皆吉,然 之必 審 能 無 即 百 已,不知三王 聖人之言 多才多 則三王 正 不 命 其 其 知 知 知 死 得 能 許己 ,與其 爲 爲 人無 不不 之也 用 謂 則 神 鬼,須 鬼 藝 後 一爲鬼 何 死 也 一,則 也 知 王 許 乃 ? 得 能 ? 能

> 之是 精 非 猶 氣 如 龍 仲 0 誠 以 不 舒 非 至 夫 也 之請 土 也 誠 顧 龍 物之僞 則 非 董 雨 其 仲 實 也 請 ; 舒 真 之 不 三王之非 請 鋭 也 能 雨 4 致 之法 然 精 雨 則 誠 仲 設 鬼 周 致 舒 公之請 鬼 猶聚 土 用 龍 不 之, 以 顧 命 致 感 資辛

猶 也。 主。」 於頭 哈。 視 、及著 猶 人情 者,不得所 范宣子浣 晉荀 視。 所 偃 雍之地 宣 恨,莫不 伐 子 而 齊, 恨 睹 撫 也 不 之,日 其 病, 恨 卒 不瞑 欒 子,故言 目 事 懷子曰 : 出 而 以 卒 還 事 爲 吴 吴以撫之。 而 :「其爲未 恨 敢 癉 視, 其 疽 不 子 不 生 如 吴 事 瘍 口

<sup>● 「</sup>旦」,原作「且」,據錢批、通津本改。

<sup>2</sup> 云當作 所以」, 許 四 庫 本 作 許 以 孫 人和 黄 暉 劉 盼 遂

<sup>「</sup>精」,通津本作「誠」。

<sup>◆ 「</sup>之銳」,通津本作「之説」。黄暉云當作「命之説」

乎? 受啥。 言 魂 所 謂 位 耕 恨 伐 卒 於 瞑 不 新 死 病,卒苦目出 消 恨 未 未 義 事 已 死 П 瞑 死 齊不卒,荀 口 與 受哈。 目 氣 畜 於 也 索,不復聞 , 夫天下之人, 死皆不 極, 事 然而 口 不 形 穀 未立 也。 齊故 盛,本病 宣子失之,目 不 嗣 勇 離 絶,安能復入身中 各 商 者 闓。 事 形更自爲 學 此 凡人之死,皆有所 也乎?」 有 偃 人 ,目出則 則 于 自 苦目 則 士 所 人之言。 所 齊 恨 少久氣 荀偃之病,非 恨 則 恨。 恨 材 者 貨 恨 出 也; 鬼,立 未 乃復 , 有 張  $\Box$ 問 財 必 衰 優。 噤,  $\Box$ 不能 懷子 宣子 多 如 未 有 懷懷 膜 噤。 撫之, 河。 於人傍,雖 殖 不 口 瞑 天 目 也 聞 及, 子撫之, 撫 仕 得之,故 噤則不可啥 不 下 恨 死 目 티 : 乃 人之言,是 之早,故 日 瞑者 各 精 闦 農 者 且 : 瞑 : 荀 死 有 志 神 則 夫 口 「主苟 受 見 乎 者 爲 故 偃 所 恨 則 土 目 哈 之 则 欲 精 有 官 恨 恨 目 之 瞑 目

> 案 能 立形 世 人 見 身中以尸示 人 論 面 死 使尸 謂 若生 其 恨 精 , 人者,誤矣 神 則 有 能 若 不 9 免, 能 與 更 形 以 相 守。 魂

空張。 不瞑; 何? 精 成王 听。 本 臣聞之,以宫甲圍 成」,乃瞑。 不 神 有知之效也。 聞 王 楚成 病 日 更謚曰「成」,一有「人」字。 成 縊 人之議,見人變易其謚 目 : 王廢 王於時 7,人不 此 而 復 夫爲 死, 太子商 荀 縊 撫 謚 偃 王。 「靈」不 謚之曰 死,氣 慰, 類 之 臣,欲立王子 也 日 王請 目 尚 瞑,爲「成」 自 「灵」,心 靈 雖 食 盛 翕 • 熊 不 心喜,乃 故喜 新 張 病 不 蹯 非 絶 目 恨 而 瞑 職。 故 乃 目 死 神 目 亦 瞑 瞑 瞑。 尚 不 而 弗 商

<sup>■ 「</sup>尸示恨」,原漫漶不清,據通津本補。

❷ 「神」下,原有空格,通津本不空。

子殺 之 寡 獨 爲 斂之時,未皆不瞑 也 偶 見示告人之驗也。 更 開 大悪 魂 成 應也。 ,紀於竹帛,爲「灵」、「厉」者多矣,其尸未 日 也 因 王 有 己,大惡 謚 成 憎之哉? 所 懷忿,反爲 日 知 時人見其應 2 0 靈」。 也 目之視瞑, 則 ; 也。 少久 何其爲「灵」者衆,不 加 宜 小過 夫惡謚 謚 終 氣 豈世之死君 爲 不 成 有恨,非 衰,目 與 瞑 靈」 乃瞑 非「灵」則「厉」 謚 也 之爲 適 小過也。 有神之效, 何 則 欲 不惡,而 則 謂 瞑 靈 ? 膜 • 成 • 者 不 太 王 連

子 往 以 或 子 伯 人 不 余將殺 後 以 相 有, 曰: 鄭 歲 伐之,伯有死。 得 伯 有 帶 子 貪 伯 或 也 哲 愎 夢 有至 攻 而 見 明 伯 多 伯 矣 年 欲 有 其後 有 壬 子 伯 介 寅 一則皆· 九 晳 有 而 年 出 好 余又將 行, 走, 奔 在 鄭 日 人上,一 不 駟 人 殺 知 帶 相 段 壬 率 所 驚

> 憑 胄,子良之孫,子耳之子,弊邑之卿,從 爽 魄 至壬 也。」 乎?」子産 後子産適晉,趙景子問曰: 爲之立 壬子日, 「壬子, 陽日 至 依人以 寅 於神明。 及壬子之日 後 日 余將 魂。 駟 ,6公孫段 以 爲 日 帶 撫之, 殺 淫 用 卒 疋夫 帶。 「厲,況 物 ; 能。 , 精 至壬 駟 乃止矣。 壬寅, 疋 又卒。 多 帶卒。 伯 人生 婦 則 寅、公孫 有,我 彊 魂 又將 或 一始化 死,其 「伯有猶 魄 伯 或 人 彊 先 殺 人 有 愈 段 日 是 君 魂 段。」及 益 見 懼 魄 死 穆 能 魄 以 夢 懼 公之 既 6 政二 猶 有 爲 子 日 鬼 産 能 其 至 精 牛 後

蔣

禮鴻

皆云

有

成

<sup>3</sup> 2 0 靈」下, 連 目 二,原 四庫 作「日 劉 本作 盼遂 」,據 遂 蔣 禮 通 鴻 津 裘錫圭、 皆云當 本 改。

<sup>4 「</sup>有所知」,劉盼遂云當重此三字。

<sup>6</sup> 6 文「亦宜乎」之下。 伯 壬寅 有」至「段 日 原漫漶不 死」, 孫 清 和 據 云 通 津本 衍。 劉 盼 遂 以 當

乎? 子哲 之驗 伯 死 是 殺 知 疑 知 族 世 且 有 何  $\equiv$ ? 子 0 其 駟 何 0 世 則 以 又 矣 有 操 大 伯 帶 公孫 子 也 攻 無 産 執 不 伯 謂 以 所 産 罪 之, 鄭 言 有 不 疑 其 伯 能 則 有 未 之魂 段 雖 報 ? 而 政 憑 殺 當 有 日 知 殺 智 伯 産 隨 子 無 柄 人冤 其 駟 厚 命 帶 死 人 有 日 立 無 駟帶 腆 晳 未當 實矣。 帶、 矣, 其 與 也 而 犇 彊 其 一、公孫 之也 知 與 抑 段 死 用 9 公孫 爲 後 而 死 死 知 駟 不 伯 諺 者 物 彊 而 ? 者 實 而 鬼 物 帶 造 段 多 有 日 弘 死 止 段 如不能 能 報 有 審 人 乃 爲 惡 本 如 9 矣 不 能 殺 爲 仇 不 知 矣。 率 謂 辯 怨 微 如 蕞 之 空 取 輕 鬼 失 爲 鬼 或 者 謂 命 爾 其 爲 邪 0 與 故 精 H 鬼 神 重 子 未 人遂 如 無 小 悪 鬼,子 帶 多矣 之 不 ? 失 期 何 死 當 罪 對 或 哲 微 神 操 宜 俱 伐 謂 者 問 亦 死 將 小 也 死 也 也 伯 彊 産 宜 其 謂 無 不 審 而 而

之,被 哲 死 能 讎 弑 爲 精 君 有 知 俱 公、子良 干、子胥 ,禍繁 彊 六 爲 爲 世 禍 人 以 在 爲 可 臣 君 謂 鬼 鬼 所 死 無 鄭 間 其 冤 多矣。 者 然 無 弑 道 之類 則 無 於 非 不 魂 者 龃 見報 爲 則 帶、 謂 道 與 可 爲 則 魄 伯 亦 或 謂 卿 子産之説 莫 也 將 彊 鬼 爲 繼 非 有 段。 者。 所 彊 位 如 死 云 鬼 體 何 殺 以 口 死 之人 不 桀、 春 有 異 伯 三十 如 矣。 至 必 也 彊 秋 土 伯 ? 有 紂 以 尊 明 能 之 死 因 有 伯 六 之 非 典長 始 死 於 之 桀、 時 爲 成 能 彊 君 有 直 或 封 伯 與 人 鬼 事 爲 紂 死 無 無 之  $\equiv$ 弑 君 有 伯 能 者 鬼, 能 誅 爲 世 君 道 或 祖 受 ; 有 如 爲 也 鬼者 一,用 三十 爲 死 也 報 子 其 亂 必 鬼 有 何 鬼 物之 仇 哲 0 見 有 殊 不 魄 神 臣 比 不 ? 子 彊 伯 殺 之 穆 貴 不 有

■「直」,原作「真」,據通津本改。

六八

伯 能 亦 有 未 之説 可 彊 是 死 之説 杜 也 伯 之語 通 於伯 也 有 杜伯 塞於子 未可 哲。 然, 伯 然 有 則

之父 草 顛 役, 能 殉 嬖妾之父, 初 于 稷 人之父也。 曰 日 助 報 ,故獲之。 : 。」及武子卒, : 9 輔 魏 以 魏 戰。 其 能 秦 必嫁 氏 疾 顆 略 武 桓 生 知 病 翟土, 見 子 獲 魏 時 神 公伐晉, 是妾。」 則 猶 老 杜 顆 有 所 曉 尔用 夜夢見老父日 亂 知 人 之德 有 立 善、殺其 嬖 口 魏 結草 顆不 知 黎 吾從 先人治命,是以 病 妾, 次于 顆之德,故 之效 侯 困 杜 爲 以亢 殉妾。 無 而 口 其 鬼 生 則更 輔 還。 驗 子 , 治 見 一時 0 秦 氏 也 杜 形 :「余是 也。」 所惡矣。 日 之 及 武 口 見體 以 晉 有 魏 子 或 日 9 助 及 報 杜 必以 侯 顆 難 力 疾 爲 其 輔 夫婦 汝 所 治 口 敗 之, 人 鬼, 戰 凡 嫁 氏 命 是 躓 秦 兵 也 夫 之 顆 顆 必 結 婦 爲 師 于 而

> 當獲 者 誨。 泗 所 也 交遊 0 也。 水 善 杜回 命 上,老父授 必 非 今不 貴 有厚薄, 有 (時吉, 戰 知之 能 當 報 有 験,能 書 當 其 厚 功,故老人妖象結 遇 生 薄 光 一時 福 當 爲鬼之效 武 所厚 喜之 報 木 厄 應 猶 獨 河 驗 婦 能 也 北 人 也 報 之 草 老 張 其 於路 當 魏 良 死 教 顆 後 行 謝

見, 葬。 群 棺 而 爲 臣 之前 知 之張 文王 百 王 其 姓 季 和 精 ·葬於滑 朝 也 聖 神 4 文王 夫 欲 人 ! 而 也 見 日 Ш 百 百 故 知 : 之 姓皆見之,三 姓 使樂水 道 尾, 嘻 故 事 1 灓 之實。 出 水 見之。」 先 而 擊 君 見 日 其 見 必 之。 於 王 墓 而 欲 季棺 后 是 3 日 見 也 更 見

3

<sup>● 「</sup>婦」上,吴承仕云當有「嫁」字

<sup>「</sup>樂」,孫人和據《魏策》云當作「樂」「路」下,原有「人」字,據四庫本刪。

<sup>◆ 「</sup>也」,四庫本作「世」。孫人和云當作「出」。

季欲 露,惻 欲復 況死,故復改葬。 尾 之心幸冀之意,●賢聖惻 勝數,皆欲復見 古今帝 猶 見百姓者 丘丘 出 然悲 河、泗之流湍 見 王 冢 死, 百 恨 非 姓 葬 常先君 一,水湍 也 者, 百姓者乎? 諸 世俗信賢聖之言,則 王 地 濱 中 季 欲 崩 者 • 復出 何 壞 但,不暇思 也。 有 棺 爲 以 乎 獨 欒水擊滑 椁露見,不 文王 千 ? 然? 萬 論,推 慈 見 數 孝, 河 謂 棺 Ш 2 昔 之 生 泗 王 和 口 無

皙以 聲。」❸公曰:「然,是已。」「 先 而 曰:「公疑之, 立 湯湯 而 長,頤 怒甚 齊景 豐上 與伊尹也。」公疑以爲 盛。 公將伐宋,師過 而 以 今奈何?」晏子 鋭下, 公告晏子,晏子 髯 則嬰請言湯、 鋭 偻 上 身而 而 太山 豐 伊 伊 泰 曰:「夫湯、太 下 下 尹 ,公夢二丈 曰:「是宋之 聲。」公日 尹之狀。 Ш , 黑 据 神。晏子 而 身 短 而 人 蓬 揚 湯

> 湯、伊 甲、武 非。 吉。 以禁止之。 師 之形,景公順晏子之言,然而是之。 敗不吉之象也。 景公亦曾夢 今唯宋耳,而公伐之,故 和 夢見湯、伊 曰 : 丁、祖一 尹有知,惡景公之伐宋,故見 於宋。」公不用,終伐 夫 景公不止,軍果不吉 然 乙,⑥天下之盛 見彗星,其 而夢見之者, ●見彗星 尹 晏子曰 ,實亦非也。 夢 時 湯、 彗星 8 宋,軍 君 伊 也 明言 或 尹 不 不 時景 果 怒 出 湯、 宜 秦并 夢 敗 曰 : 無 其 盛 伊 公 果 請 後 夫 怒 夫 散 天 軍 實 不 尹

<sup>「</sup>諸地」,原作「地地」,據通津本改。

<sup>「</sup>有」、劉盼遂云當作「者」

<sup>「</sup>昔」,通津本作「者」,屬上讀,劉盼遂云爲衍字。「湍」,原作「洒」,據通津本改。「者」,通津本作「圻

<sup>「</sup>据」,孫詒讓、黄暉皆云當作「倨」

<sup>「</sup>乙」,原作「已」,據四庫本改。

<sup>「</sup>果不吉曰夫」,黄暉、劉盼遂皆云爲衍文。

❸ 「日」,通津本作「信」。

何以不怒乎?下,絶伊尹之後,①遂至於今,湯、伊尹不祀,

之 ? 神爲 之? 也。 人知 間 侯 代祀之。 子祀夏郊, Ш 子爲大夫,⑤其何厲之有? 也 客, 於寢門,其 不 · · · · ,其神爲黄熊,以 私焉,曰 祀,故 黄熊,非 今鯀遠殛 也。 非死 鄭子産聘於晉 且文 使若魯公牛哀病化爲虎,在,故 走群望,有 神 人 晉爲盟 日 何 晉侯 人寢 有 爲 : 厲 人所得知 其 一於羽 黄熊, 知 有間。 鬼也?」對 門。 神 之驗 宣 主,其或者未之祀乎?」 加 爲 Щ 寡 入于羽淵,實 入于羽淵,人何 晉 乎 而 晉 熊」,是死 君 也。 人不與之處 侯 黄熊,鯀之精神, ? 知 無 寢 有 瘳。 而 曰 : 疾, 夫 人死世 昔 堯 疾 祀之,故 鯀 9 也。 「以君之明, 今夢黄 殛 爲 於 殛 韓 謂 於羽 夏郊,三 今 鯀 死 何 以 宣 鬼 疾 三月 熊人 能 于 得 子 而 可 Ш 晉 韓 鬼 實 知 有 羽 魂 知 逆

> 自 設晉侯夢見山 死 熊,夢見黄熊,必鯀之神乎 精也,此人物之精未可定,黄 熊羆之占,自 可 信黄熊謂之鯀神,又信 神,況熊非人之形,不與 人,人夢見之, 象生人之形,見之與人無 其神 審 見乎? 也。 爲黄熊,則 且夢,象也,吉凶 人病,多或夢 有 ]] 何 所 以 何 爲。 熊之死,其 知 復 非 不 使 所 見 異, 見 死 先祖 以 鯀 ? 且 相 祀 熊 之 禽 至 死 然猶 諸 似 神 潤 Ш 其 鬼 爲鯀 死人來立 神 乎? 侯 ]1] 亦 神 之 以 非 祭 明示象 或 審 神 之神未 爲 死 6 山 爲黄 死 時 Ш 也 審 人 111 其 111 之 人 ? 爲 鯀

2

晉」,原脱

據通

本

4

何復不以」,黄暉

劉

盼

遂

云當作「可復以不」。

<sup>●「</sup>絶」下,黄暉云當有「湯」字

③ 「宣」,通津本無。

<sup>「</sup>也」,通津本作「矣」。

⑤ 「夫」,原作「故」,據錢批改。通津本作「政」。

<sup>980</sup> 

傳之 廢夏 鯀 適 劉 食; 無 則 不 何 側 人 之神 當當 安 夢 與 可可 福 知 以 自 虚 所 不求食,則 坐 之實 郊之禍,則 鯀 驗之? 己 復 矣 見 謀 ,子産聞之,亦不 衰,子産連言黄熊之占,2 之黄 相 謂 則 反 見 更爲 先祖 而 熊 夢見 無 夫 死 不 晉侯之疾非 晉 他故, 未必 有 死 人 所夢見之 侯 世 生人,明 知 人求 寢 有 之 傳 門; 間 驗 能 以 食,故 非 矣。 爲 實 廢夏郊之禍 不 人 日 祀 以 仙 人, 不 問 夏郊之福 所 來 亦 耦 而 與 所 見 見形 猶 則信 晉 則 升 己 見之人, 爲 鯀 淮 侯 天 相 實 黄熊 之疾 不 乎 南 非 見, 也 也 求 本 ? 王

見 病 犬, 噬其左 變 腋 后 以 傷 恚恨,後酰殺趙王 高 皇 報 帝 其 愈 腋 以 仇 怪 而 趙 也。 死 而卜之,趙 王 如意 曰 蓋 以 勇 爲 其 如 士 似 後 意 王 念 我 精 如 日 怒,交刃 意 而 神 后 欲 爲 出 爲 祟,遂 見 立之 蒼 大, 而 蒼

> 憎 之,高祖 戰,負者被 日 知 己 自 死 如 0 恨 者 往 後 意 豈高祖之精,不若如意之神? 爲誰,安能 ,使人飲之,不知 其神尚不能 者莫過 ,善吕后之殺 魂 創,仆 怒宜 高 爲 祖 如 報 地 祟 雷霆, 而 也? 高 以 其 日 死 報 祖 爲 后 愛如 日 吕 酖 酖 目 后 后 毒 見 意,而 如 ? 之 彼 意 3 死 使 憤 時 之 宜 死 將 吕 不 中己, 身不 死 不 后 知 後 旋 殺 有

竇嬰 不能 之恨 蚡 病 俱 甚, 免。 事 丞 坐其 相武安侯田 號 至上聞。 灌 日一 側 夫坐 蚡 諾 法,實品 諾 病 灌 蚡 不 夫 與故 衰 嬰 繫 使 誅 獄 人 大 遂 視之, 死。 寶 將軍 至 死。 製 灌 救 見 其 夫杯 後,田 灌 之, 勢 相 酒

<sup>■「</sup>故」,通津本作「占」

<sup>「</sup>連」,通津本作「遭」,四庫本作「適」

<sup>「</sup>知」,原作「如」,據通津本改。

<sup>● 「</sup>誅」,通津本作「亦」。

七二

也。 言夫、嬰坐其側 夫、嬰爭,欲見神審之名,見其狂 所 殺 殺 不 或 時 人 田 見 蚡 也 他 獨 殺 鬼 然 矣。 者後 者 而 心 占 病 負 鬼之人 不 性 見 恨 所 聞 , 殺 諾諾 其 病 往 蜀山 田 時 妄 蚡 則 見 見 與

獨 家 胥、越, 吴烹伍 周 今死,血 知 曰 燒 怨 謂 末 其 也 尹 尹 九 P 淮 齊 , 尸 齊 子胥 陽 或 鼎 脉 云自 一一,神 能 勇 時 都 淪 遂亡 斷 歸 也 吏 尉 絶, 去。 漢 必以亡者爲 葬 知 尹 也,有 去。 葅 齊 子胥、彭 怨家之謀,竊 足不 凡人能 彭 爲 2 實之言,不 越。 吏 能 所 夫 酷 復 應。 有 越 神 燒、 虐 動 神 不 足能 葅 秦 3  $\equiv$ 能 舉 及 驗之語 何 時 持 Ш 避 ,一僇也 故 死 用 烹亡葅 三山 步 能 九鼎 È 怨 行 也 去? 懼 家 也 去。 怨 有 欲

送定 陶 新 ,以民 改 葬元 禮葬之。 帝傅后, 發棺 發其棺 時, 臭憧 取 玉 柙 本作 印

> 言。 萬 時 物 也 藏 怪 故 百 葬 燻」。 不 數 爲 人。 定 也 食 也 能 死 ? 臭 4 物,腐朽 陶 秦始皇葬於驪 何 禁、後、 出 夫 以 共 火 于 義 人必有知,人奪 驗之? 出 火,以 改 天,洛 王 亂之時 1 葬 於 亦 猥 后 禮 藏 不 中傷 陽 發, 卑, 能 5 掘 中 改 火 派 Ш 者 報 人不能堪 從 葬之恨 臨 又 藏 棺 丘 損 其 怪 世 此 曰 中 (衣物, 墓 奪 聞 也 尚 孰 末,天下 : 出 珍 取 臭 臭聞 毒 微 非 物 衣 與 燒 而 倮 憤, 賤,未足以 T 物 掘 殺 死 於天, 其尸 · 盗 后 者 而 吏 墓 恨 之神 賊 以 盜 未 士 又 骸 爲 掘 多 數 改 財

<sup>0</sup> 性, 通 津 本作 憤」, 黄 暉 云 當 依 宋本 作

<sup>2</sup> 尸 遂亡 去 原 作 去歸 葬 據 錢 批

神」上,原有 一知 故 人且 一六字 據 錢 批

燻」, 通津 本作 爐

<sup>6</sup> 4 義 亂, 通 津本作「歲

論衡卷第二十一 一,發起殊處,見火聞臭,以爲丁、傅之神, 一,發起殊處,見火聞臭,以爲丁、傅之神, 誤矣。

「見」,通津本作「臰」。

# 論衡卷第二十二

王充

紀妖篇

聲者 靈 之。」靈 報 遂去之晉。 師 右 師 公起 涓 盡 涓 曰:「臣 報弗聞,其 日 而告之曰:「有鼓 ,説之,使人問之。 衛靈公將之晉,至濮水之上,夜聞 諾 曰 公曰:「諾!」 :「有新聲,願 得之矣,然 晉平公觴 .! 因 狀似鬼,子 静 坐 而 因復宿。 之 新聲者,使人問,左 左右皆報弗 撫琴而 未習, 施 請 爲 夷之臺。 奏以示公。」公 我 請 寫 聽而寫之。」 明 更宿 之。 日 聞 酒 旦 明 而 鼓 習 酣 習 召 日 新

> 鼓之。 自投。 武 者,●音也。子其使遂之。」師涓鼓究之。 聲,不可遂也。」平公曰:「此 聲者,其國削,不可遂也。」平公曰:「寡 日 日 :「此師 王誅紂、懸之白旄。 善!」乃召 故聞此聲者,必於濮水之上。 未終, 延所作淫聲,與紂爲 曠 撫 師 涓 而 令坐. 止之,曰:「此亡國之 師 延 師 東走,至濮 何道出?」師 曠 靡靡之樂也 之旁, 先聞 人 援 水 好 琴 而 此 曠

之。 之。」公曰:「寡 皆有德義之君也。今吾君德薄,不 乎?」師曠曰:「不可! 師 此 曠 所謂清商。」公曰 師 日 平公曰:「此所謂 曠 「不如清徵。」公曰:「清徵 不得已,援琴鼓之。 人 所好者,音 清商 何聲也?」師 古之得聽清徵者 固 也 一奏,有玄鶴 最 悲 足以 願 可 曠 乎? 得聞 試 日 聽 聽

❶ 「好」上,四庫本有「所」字。

列; 之聲,聲徹 三奏 從 南 方來, 于 延 夫。 頸 而 集 平公大悦 鳴 於 舒翼 郭 門 之上 而 坐者皆 舞 危 音中 喜 再 宫 奏 商 而

雲從 敗。」 懼 遂聽 帷 今 伏 駕 進 之身遂 角。」平公曰:「清 不可 曰 伏伏 主 地 掃 象輿,六玄龍 之。 平公 西 , 白 君 平公提 樂莫悲于 于 破 雨 北 痊 德 廊 雲覆 俎 師 昔者 病 起 師 曰 薄, 室 灑 豆 曠 觴 ; : 道 上 不 再 「寡 黄 墮 何 不 虎狼 清徵乎?」 而 晉 畢 ,大合鬼神, 奏之,風至,大雨 足以 得 帝 廊 起,爲 或 角 人老 方 也 已 合 瓦, 可 大旱,赤 在 並 鬼 聽之。 而鼓之。 得 矣,所 坐 前 師 轄 神 聞 師 者 蚩 曠 於 鬼 乎 散走。 曠 地 乃作 壽, 好 西 神 尤 ??師 聽 三年。 日 者 大 之將 在 居 : 反 隨之, :爲清 音 奏之,有 前 Ш 後 平公恐 坐 不 曠 之上, 也, 蟲 風 恐 平 如 而 日 角 裂 願 有 伯 問 虵

> 用 用 作; 聲者 世 屈 師 自 水 延 病 鼓 中 所 謂 書 沉 延 原 若 不 於江。 孔 琴矣。 能 鼓 國 也 9 日 精 或 能 屈 子 也? 削 : 鼓 氣消 且早亡 報 原 是 神 琴 屈 非 子雲者, 原 何 屈 而 孔子當 則 於 日: 或 手 原 衛 能 不 泥 屈 妖 善著 朽 先 却 報 靈 師 原 塗,安能 也。 聞 公國 泗 ? 無 死 延 能 泗 之矣。 文,師 水。6 用 爲 自 2 復 水 屈 書 泥 且 投 師 原 書 而 削 塗 復鼓 濮 曠 則 孔 延善 葬 矣 何 生 水 日 子 手 師 則 時 知 **琴**? 泗 好 所 延 楊 鼓 晉 形 , 新 水 教 指 文 琴。 朽 子 先 平 體 聲 却 授 8 無 雲 敗 聞 公 屈 腐 非 流 猶 弔 如 此 且. 無 不 原 於 無 師

<sup>2</sup> 0 亡, 奏」, 原作「 黄 暉 劉 秦」, 盼 據通 遂 校 津 本 注 改

云當作「之」。

所 通津 本作 既

鼓琴」, 原 漫 港不 清 據 通 津 本 補

原漫 港不 清 通 津 本 補

我 甚 居二 與 於崤 是。6 安,其 不 與子 是 者,適有學也。 繆公嘗如此 中 扁 加 師 樂。 8 類 之同,不 或 召進 鵲 延 日 男女無别。」公孫支書而 帝 輿 而 之 趙 孔 復將霸,③未老而 晉獻公之亂,文公之霸,襄公敗 代 與 半,簡子悟,告大夫曰 歸 扁 簡 扁 子 命我射之, 日 好 之樂 白 : 何爲 縱 子 鵲 鵲 鼓 出 神 矣,七日悟。 淫。 『我之帝 病 田 琴 其 游 不能 扁 五 : 日, 也 帝告我晉國 于 此 鵲 血 中 聲 日 病 鈞 之所謂 教授於泗水之側 入視 師 脉 不知 熊 動 所, 甚 必 天 延 治 死; 人 間 悟之日,告公孫 熊 病。 能 靡樂 也,而 心。 人,大夫皆懼 6 死 鼓 且 樂。 藏之,●秦 霸者之子 間 : 出 琴於 大 「我之帝所 有 九奏萬 今主君 必 有 亂,五 怪? ,董安于 吾所 有言 羆來 熊 濮 乎? 舞, 秦 欲 也。 之病 且 昔 水 篋 以 世 我 授 師 於 **\$** 支 問 之 秦 2 久 於 不

> 之西 適 皆 且 日 又射之, 有副。 余將 衰 : 『及而子之長 一,而 十世 以其 中羆, 亦不 吾見兒在 胄女孟姚 而亡。 能 羆 有 死。 也,以 也 嬴 帝 姓 側 配 帝 今余將 將 賜之。』帝 帝属 甚喜, 而十世之孫。」●董 大敗 思虞 我 賜 周 我 告我 人於 舜之勳 翟 大, 笥, 范 晉 魁 或 1 9

<sup>「</sup>師延」,原漫漶不清,據通津本補

<sup>「</sup>泗水之」,原漫漶不清,據通津本補

③「復」,孫人和云《史記》作「後」,是

<sup>◆ 「</sup>支」,原作「文」,據通津本改。

<sup>「</sup>篋」,黄暉云當作「策」。「是」,黄暉云當作「是出

<sup>「</sup>此之所謂」,四庫本作「子之所聞」。

<sup>☞ 「</sup>靡」,四庫本作「廣」。

<sup>「</sup>授」,四庫本作「援」

<sup>「</sup>一」,四庫本作「二」。

<sup>「</sup>属」,原作「厲」,據通津本改

<sup>「</sup>衰」,原作「襄」,據四庫本改。

<sup>№ 「</sup>適」,原漫漶不清,據通津本補。「十」,四庫本作

子賜扁鵲田四萬畝。安于受言而書藏之,以扁鵲言告簡子。簡

當道 與羆 謁。」簡 病,臣 所 賜 滅 從 而 君之子將 見 君。」從者以聞,簡子召之,曰:「嘻! 日 曰 子 我二笥,皆 我 見 者 者 之長以賜之」。 「吾見兒 晉國 子遊 將 ,皆死。」簡子曰:「是何也?」當道 卿,夫罷 何爲?」❷當道者曰:「帝令主君射 他 在 日 子 拘 日 帝 :「兒,主君之子也。 屏 剋二 也。」①當道者曰:「屏左右, 之,當道 且 簡 側。」簡子 在 人,當 有 有 羆 子 帝側 大 或 副 、皆其 出 门,何 難,主君首之。 於翟,皆子 者 道 帝 夫兒 有 祖 者 也?」當道者曰:「主 曰:「然! 曰 : 人 属 也。」③簡 日 何 當 吾 我 一日日 説 道,辟 以 姓 欲 翟 翟犬,代之 賜 子 者 也。」簡子 有之。 有 帝令主 犬 之不 翟 曰 : 主君 謁 大? 曰 於 願 吾 及 去。 帝 者 之 主 君 熊 子 有 有

> 敗 先也。 中 也。 姓 所見當道之人,妖人也。 帝命。」遂不 嗣 出 月. 行 而 氏 其占皆如當道者言所見於帝前之事。● 延之以 有革政 犇 主君之子,且 作亂,簡子攻之,中行昭子、范文子 齊。6 見。 官。 而 胡 當 是 服 何 道 , 并 二 國 必有代。 謂 者 其後晉二卿范氏 也? 日 : 翟。」 臣 及主君之後 日 簡 野 是皆 子問 妖 致 其

簡子募一本作「乃告」。諸子曰:「吾藏實符於翟婦之子無恤,以爲貴。簡子與語,賢之。始,簡子使姑布子卿相諸子,莫吉,至

<sup>■「</sup>遊」、孫人和、吴承仕、黄暉皆云當作「晰」。

<sup>「</sup>子」,原漫漶不清,據通津本்

<sup>「</sup>罷」,孫人和云當作「熊」。

所見於」,原漫漶不清,據通津本補。

<sup>「</sup>齊」,原漫漶不清,據通津本補。

當道 官 也。 是爲 無 帝之側,皆 告之也?6 事 無 + 其 世 爲賢 得 常 恤 又并知氏之地,後取空同戎。 至 無恤 , 6吉凶之漸, 若天告之。 九 後 以 ,禀取制 不然者。 日 山之上,●先得者賞。」諸子 一,非其以 八乃廢 武 武 襄子。 異 年,更爲 「從常 人君之使,車騎 靈 也。 靈 還曰 王。 王 狀也。 度。 貴 太 以當道之人在帝 襄子既立,誘殺代王而 遂 地 蓋妖祥見 Ш :❷「已得符矣。」簡子問之, 胡 子 神 之 取 天 上臨 服 吴慶人 而 也。 中 王 地之官同 天官百二十,與地之王 立 或 者,官 Ш 代,代 備具; 之。 致 人化之。 兆,神審 其 并 帝 簡 母 胡 之命,是天 可 属 天帝之使,單 子 何以不 地 姓 取 則 側 備 皆 自簡子後,十 羸 死, 其使者 也 矣,雖 具, 也 皆如 上 子 武 。」簡子 并 無 山 法 孟 知 靈 夫 其言, 其 恤 非 象 使 王之 姚。 天 亦 在 無 地。 代, 宜 者 身 者 天 實 實 以 無 天 所

鈞。官同人異者,未可然也。

樓臺 魯 非 位 占 臣夢占之,知帝賜二笥、翟犬者,非天 臣夢見人君,人君必不見,又必 叔 天帝,則其言與百 也 知 升 之。 孫穆子夢天壓己者,審然,是天下至地 則 何以 知簡 Ш 樓臺 知 一陵,輒 簡 子所夢見帝 山 子 得 陵, 所 官位 見帝非實帝 鬼游 官位之象 于鈞 者 實樓 非 天, # 不賜。 天 臺 也。 也 帝 Ш ? 人 也 陵 一帝也 天 以 夢上 非 以 也 官 夢

<sup>●「</sup>藏」,原漫漶不清,據通津本補。

② 「得無」,原漫漶不清,據通津本

③ 「十」,四庫本作「七」。

母「母」」當作「女娃」,「子」字行。 不「母姓」當作「女」,「子」,四庫本作「字」。 孫人和

<sup>「</sup>神」字,「雖」作「皆」。
「見兆神審矣雖」,通津本「見」下有「於」字,「審」上

<sup>「</sup>不知天」,通津本作「知天不」。

<sup>→ 「</sup>鬼」,四庫本作「神」。

也 己,則 非 不 天 至 也 非 地 至 樓 ),則天之象 天 地 則 臺 則知 不得壓己。 宜 則 壞 有 趙 樓 樓 簡子所游之天非天也 也。 臺 臺 一之抗 不得壓己 不壞,是天 叔 孫 不 穆子 得 ,則壓己者 , 所夢 及己 不至 壓 ; 地 己 及

象類 之? 君,此 緣 也。 Ш 見 也。 直 何何 足 夢 日 **浴帝也。** 是魂 甲 夢見君 乃 或 能 登 直 甲 直 與 直夢 日 里。 得 Ш 也。 與 君 夢 之上天也。 上? ,手引木,然 且人之夢也,占者謂之魂行。 明 君 不 皆 者夢見甲,夢見君 魂與 如 亦 見 象類之,則 象 目 問 有 ,所夢見 天之去人以 體形俱,尚不能疾,況 則見君 也 甲 直夢 其 與 上天猶上 后能 君 見 象 矣。 知 甲 2 直 簡 甲 與 升。 甲 ·, 明 萬 曰: 君 子所見帝者, 明 耳。 與 里數, Ш 者,象類之 升天 君 日 日 也,夢 何 見 則 則 以 無 魂 甲 見 人 不 上 夢 所 明 見 與 有 甲

> 行,安能 下天,宜數歲 速乎? 乃悟,七日 使 魂 行 與 輒 形 覺 體 期 等 何 則 疾 簡 也? 子之

矣。 則 風 不能 終下也。 疾於鳥。 案雲煙之行不能疾,使魂 上天,一 其 之發,不 速 疾,人或夢蜚者, 夫魂者 魂 不過一日之行,亦 卧之頃 神蜚 若人夢行 天地之氣尤 能 精精 終 馳 也; 氣 何 日。 也 至 疾 其覺,或尚 雒陽,覺,因 也 疾 用 精 使 ? 速 魂 行 氣 不 魂 6 者 畫 若蜚 之 能 行 行 也,其蜚不 疾 在 飃 至 若 與雲 鳥 則 天 天 從 飃 風 乎? 必 上, 雒 風 也 煙等。 非 陽 乎 其 未 能 行 悟 ? 飃

3

<sup>1 「</sup>明」,原漫漶脱落,據通津本補

<sup>「</sup>如問」,原漫漶脱落,據通津本補

<sup>「</sup>覺或」,原作「與哉」,據通津本改。

<sup>「</sup>悟矣」,原漫漶脱落,據通津本補。

配」,原漫漶脱落,據通津本補

陽 帝 事 狀 無 0 側 則 以 異 爲 ,後見當 審矣。 必 妖祥 也。 非 3 其 矣。 道 狀 由 象 2 此 則 人而言, 夫當道之人, 言之, 其上天 卧 與 非 夢 相 實 爲 見 簡 事 陰 帝 子 也 候 側 病 覺 之 非 見 時 爲 於 實

令。 竹二 邑, 三月 既 怒,遂 也 自 晉 有 韓、 帶帶 赤 至 陽 余將賜 魏 是 節, 丙 書 以 以 趙 率韓、 予之; 或 襄子 戌 £ 何 日 原 莫 告 攻 : 過 謂 可 余 汝 襄 通, 晉 從 見 魏 既 將 也 趙 林 子。 請 陽 後 ? 曰 : 攻 立 使 無 胡胡 自 歲 地 趙 恤 之 汝 至 襄 帶 日 餘 知 於 余 襄 滅 地 : 爲 子 於託 以 伯 趙 子 引 是 知 齊 我 霍 下 益 0 汾 襄 蓋 氏 趙 以 不 平睪。 驕 太  $\equiv$ 襄 水 子 6 襄 不 Ш 日 是 可 子 灌 再 子 子 汝 陽 遺 見。 請 親 4 懼 其 拜 目. 亦 侯 趙 地 城 受 自 見三人, 勝 祀 天 子 乃 無 知 韓 割 我 之 神 子 原 伯 城 犇 恤 魏 竹 0 祥 之 過 保 益 百 6

> 同,而 精 猶 類 宜 知 霍 君。 知 魏 浸 韓、 其 象 非 大 者 人 氏 大 有 霍 趙 Ш ,共分其 其 象 鬼之類 骨 簡 魏 Щ 之神, 板。 大 精 如 之 節 與 Ш 子之祥 生人 神 骨節 合謀,竟 形。 之神也? 襄子 地。 不 猶 人則妖祥之氣 之形。 異於 夏 象 何 懼 蓋 安 庭 則 人, 妖祥之 以 人。 得 之妖 使 ?  $\equiv$ 今太 稱 神 日 相 月 人 ? : 帝之使 不 象 張 氣 丙 大山 異 謂 Ш 也 龍 孟 如 象 戌 於 鬼 廣 大 之日 談 人之形 者 長 稱褒之一 人 也 地 私 Ш 則 不 死 之 大 有 於 鬼之 與 人之 何 稱 神 韓 滅 以

<sup>●「</sup>疾」,原漫漶不清,據通津本補

②「事」,原漫漶不清,據通津本補

③ 「以」,原漫漶不清,據通津本補

④「平睪」,「託」字衍。 孫人和據《史記》以爲

<sup>「</sup>子」,四庫本作「使」。

<sup>「</sup>余將」,原漫漶不清,據四庫本補。

明三 謂 歲 御 聞 之,因忽不見,置其璧去。 鎬 陰平野,❶或有人持璧遮使者 始皇聞之,令御 也? 府 池 誅之,因燔其 ·, 至 事。」乃言曰: ,始皇帝默然良久,曰:「山 + 視 君。」因言曰:「今年祖龍 秦始皇帝三十六年,熒惑守心,有 一地爲 七年,夢 璧,乃二十八年行渡 石 刻 石。 史逐問 「『祖龍』者,人之先也。」使 與 其 海 妖,使者從關 石曰「始皇 神 莫服 戦 使者奉璧具 如 江 , 曰:「爲 死。」 鬼不 死 人狀 盡 所 東 取 而 沉 過 使 夜 石 地 ()是何 壁也。 知 以 旁家 者 我 過 分 問 遺 墜 華

勞、成· 殺 神 而 崩 戦, 魚,遂旁海,西至平原 日 山,❸不見。 恚 當星墜之時,熒惑爲妖,故石旁人家 怒 皆始皇且死之妖也。 入海, 至之罘山 候神,射 大 津而 還,見 魚 始皇 病 自 巨魚 琅 到 夢 沙 邪 與 射 海 至

之也。猶世間童謡,非童所爲,氣導之也。刻書其石,●若或爲之,文曰「始皇死」,或教

軍 有 即墨之城、欲詐 後公子得國 道從耕者乞飯,耕者奉塊 走,再拜事之,竟以 子怒, 咎犯曰: 使,其實一也。 信 一人前曰:「我可 其有神,又見牛若五采之文,遂信 凡妖之發,或象人爲鬼,或 復 土,如咎犯之言。 晉公子重 「此吉祥, 燕軍,云:「大神下助我。」 6 神 以 下之言聞於燕 爲 天賜 土 耳 神乎?」 一以賜 失國,乏食,於 土 爲人象鬼 公子。 齊 地 田 也。」 田 軍 單 單 保 其 畏 却 燕 而

<sup>「</sup>舒」。無此字,黄暉、劉盼遂皆云當作「秋」,「野」,四庫本作無此字,黄暉、劉盼遂皆云當作「秋」,「野」,四庫本作「因燔」至「平野」,「其」,四庫本作「銷」,「妖」,四庫本

<sup>「</sup>今」,黄暉云當作「明」。

<sup>「</sup>人家」,通津本作「家人」。「勞」,劉盼遂云當作「榮」。

<sup>「</sup>大」,通津本作「天」。

懼 象 鬼之妖 軍, 破 兵北 也 田 單 卒 勝 復 獲 侵 地 此 人

問 人 祖 妖 所 今還 妖 沉 龍 氣 生 而 鬼 之璧 壁示 象人 也 象 見 死 存之人不 使 人之形 者 謂 非 人物類 之形 一,其實 過 實 不受物 始 華 人也。 皇 也 陰, 與己 則 非 也 則 其 也 福 人持 夫沉 人 相 其言禍 所 不 祖 見鬼 見 賫 何 可 9 璧遮道, 璧 持 以 得 於 象 亦放矣。 之 妖 之 明 也。 江 本 氣 生 之? 物 欲 ; 委 象 存之人,定 非 璧 龍 璧 類 者 真 求 以 物 人 福 而 鬼 象 矣。 也。 去。 也 君 象 前

者 行 蛇 日 長,送徒 還 不還 遂 分兩 報 漢 壯 日 高 1: 至 被 皇帝 : 徑 行 驪 前 酒 開 Ш 何 以 有 夜 徒 畏? 秦 行 大 經澤 多 數 虵 始皇崩 道亡, 當 里 中,令一人居 乃 道 醉 前 因 之歲 大 願還。」高 拔 縦 即。 劍 所 爲 擊 將 泗 高 前 斬 徒 上 祖 祖 虵 前 遂 亭 後 醉

> 妖言 當 爲 人 何 徑 何見殺?」嫗 爲 至 哭? 虵 因欲笞之, 嫗 今者赤帝子斬之,故哭。」人以 所 0 嫗 有 曰 日 . :「吾子白 老 人 因 嫗 殺 忽 夜 吾 不 哭之。 子。 見 何 帝子,化 人 謂 日 人 也 : 日 爲 . 嫗 嫗 虵 爲 媚

人。 者之后 之? 爲 鬼妖 今 也。 也。 白 人。 帝 子,高 云白 矣。 虵 且 人 曰: 以 前 與 虵 五. 死 嫗 是高 帝子 夫以 於 爲 虵 帝 後 祖 忽然不 白 徑 皆 異 宜 赤帝 帝 祖 嫗 物, 天 何 備 子 初 之神 非人,則 故 見 嫗 子, ; 起 而 也。 則 帝 爲 哭於道,云白 其 威 白 嫗 也 虵 者 爲 勝 帝 不見非人,非 之子 爲 夜 知 之祥 帝 子 子 白 而 所 同 或 爲 帝 當 斬之 也。 神, 爲 官 虵 后 道 帝 虵 乎 属 非 赤 虵 何 ? 子 宜 天 或 帝 非 謂 人 以 非 帝 道 爲 則 子 蛇 虵 明

<sup>● 「</sup>高祖」,吴承仕云當删

之物 時 妖 實 庭 虵 虵 亦亦 龍 氣 非 明 與 皆 矣。 象 戰 龍 品 虵 妖 非 爲 外 虵 也 非 也 龍 夫非 龍 之 物 而 則 也。 鬭 也 象 虵 夫 實則象 0 也 鬭 鄭 非 天道難 者 爲 厲 物 鄭 非 龍 公將 則 或 象 象 虵 氣 知 鬭 則 , 入鄭 也 也 虵 使非 妖 則 非 厲 之 也 知 高 公將 時 一,妖 虵 妖妖 鄭 祖 邑 子 則 則 所 也 中 産 知 所 殺 鄭, 之 夏 使 之 見

常閑 驚。 取 取 良 大怒,索求 履 履 Ŧi. 所 直墮 從容步 为 日 父 留侯張 平 五. 去 跪 良愕然,欲歐之,以其老,爲彊 明 日 里 其 進 張 與與 游 良椎 平 所 履。 履 良。 下 明, 復 我 泗下,顧 邳泗 秦始皇, 還, 父以足受履,笑去。 期 張 良 此。 往 良變 曰 : 「 Ŀ ,父已先在 謂 良 誤 姓 張 有 怪 孺 中 名 良 之,因 子 c, 亡 匿 副 老父衣褐 可 車。 怒 孺子,下 教 跪 下 忍 矣 良大 始 日 邳 下 至 皇

> 讀之。 視其 黄 帝者 Ŧi. 日 當如 與 石 日 : 老 書 即 師 是 後 Ŧi. 良 人 是何 ,乃《太公兵書》 我 矣 夜 日 期 也 何 後十三年,子 !!出 0 未 鷄 謂 也 後 遂 半 也? 鳴 ? 去, 往。 復 何 去 篇 往 無 也 ! 有 見我 書,曰:「讀是, 他 ? 也。 父 後 頃,父來,3 言 又已 去 五. 濟 ! 弗 良 日 北 復 先 因 復 後 穀成 見 異之, 在 早 Ŧi. 喜 來 則 日 復 日 Ш 日 習 爲 早 H 下

從 邳 良居 良從 高 祖過 下邳 日 是 遂 濟 任 爲 北 俠 高 + 界,得穀 師 祖 將 年 將 封 陳 起 成 爲 涉 張 等 留 Ш 良 下 起 侯。 黄 爲 沛 輔 石,取 後 公略 之祥 十三年, 而葆 地下 也。

<sup>● 「</sup>爲」,原作「之」,據通津本改。

<sup>「</sup>爲」,原作「非」,據通津本改

<sup>「</sup>弗」,通津本作「法」。

象老父,何其神邪?」 神矣,天 祠 之。 及留 地 之化巧矣,使老父象黄石,黄 侯 死, 并 葬 黄 石。 蓋 吉 M 之 石 象

也。 言 也。 能 不 太公之書。 非太公之書 之,無異 之時,石言魏榆。❶ 耶 何故言?」對 妖祥之氣見,故驗 然,民 實也。民刻文,氣發言。 人形矣。 ?」黄石不 則亦 夫石 何 問 以 曰:「黄石審老父,老父審黄 不 聽 也。 知 不能 能 惑也。」❸夫石 非 石言,與始皇 也 爲 刻爲文,言爲 能爲老父,老父不能 日 實 自 人矣。 二、石石 也? 氣象生人之形, 刻,如 也。 平公問於師 《太公兵法》,氣 不能言,或憑依也。 以老父非 何以明之? 則亦不 不能 時 辭。 民之與氣,一性 石 墜東 人言, 能言。 曠曰:❷「石 辭 人,知 則 郡 之與文, 爲黄石 亦 則亦 晉平公 民刻 能 不 象之 書 能 石 象 亦 不

> 文矣。 魯惠: 然;老父之書,氣自 圖》、《洛書》言興衰 文曰「以予發」,蓋 得書,云「吕尚 或爲之也。 也,不知所受,口 成,與夫童謡 成季友文在其手,曰「友」。 三文之書,性 魯夫人」。 公夫 問 皆妖祥之氣,吉凶之端 日 : 人仲子, 晉唐叔虞文在其手,曰「虞」。 推 氣 П 此 封 無 自言 以省,太公釣 自言之。 齊」,及武 生 刀 不 存亡、帝王際會 筆 無以 而 虚矣。 [成也。 6 有 何 文 異 口自言,文自成 王 以 在 也。 大 性自然,氣自 得 也 得 爲 其 此 白 巨 文 掌, 當童之謡 復 魚, 魚 審 原 日 刳魚 有 喉 日  $\wedge$ 爲 自 其 河

於」,原作「其」,據

通

津

本改

榆」,原作 偷」,據通 津 本改。

惑」,通津本作「偏

夫」,原作 筆」,原作「華」,據通 「黄」,據 通 津本改 津 本改。

## 訂 鬼 篇

牛也。 其旁 鬼 病 也。 傳曰 畏懼 於疾 鬼之來 牛 宋之庖丁學解 不 皆人思念 持 者 病 也。」二者用 7,病痛? 箠 所 則 則 病 凡天地之間有鬼,非人 人病見鬼,猶 杖 見 伯樂、庖丁 「伯樂學相馬,顧 存 不 疾 敺 非 畏 想,存 人病 存 恐懼,妄見之也 困 懼 擊之,若見 鬼 想 恐 精 牛,三年不見全牛 則 之 也。 故 想 死,見鬼之怒; 至矣,思念 憂 所 所見非 傳 則 病 懼 致 伯樂之見馬 病 目 者 憂 也。 鬼 寢 玩所 虚 木 馬 把 懼 衽 見。 劇 與 致之何 死 存 椎 0 則 初 見 牛 身 想 精 鏁 疾 何 鬼 畏 身自疾痛 體 無 神 畏驚 繩 庖 則亦 以 虚 所 懼 出 痛 由 爲 非馬者。 見皆死 纆 丁之 見 效之? 鬼 之也, ? 8 其 凡人 知 7 則 至 夫 物 守 見 由

> 見大 聲; 精 則夢 耳。 見鬼 夫 神 精 泄 夫據 之擊 聞 泄 ,畏懼存想,同 念 於 於 存 獨 П 案 4 目 想, 卧空室之中,若有所 其身哭。6 П 皆 或 目 言其事。 存 泄 見 想 於 其 虚 目 實 形 致, 夫覺 也 ; 或 晝 泄 未 日 泄 見卧 於 必 則 於 耳 畏懼 有 鬼 口 聞 其 見, 6 耳 或 實 暮 聞 泄 俱 則 也。 用 夢 卧 其 於

之畫 反 而 也,氣 精 曰 : 神 見 倦 人之見鬼, 人物之象矣。 精盡,夜 則 目 欲 光 卧 與 人 卧 回 病 亂 而 亦 也。 目 氣 光 倦 反 精

6

<sup>「</sup>傳」,通津本作「得」。

<sup>「</sup>虚」,通津本作「自」,「其」,通津本作「里

<sup>「</sup>驚」,原作「經」,據通津本改

<sup>「</sup>擊」,原作「子」,據通津本改。

盼遂云當作「妖人」。「大夫」,通津本作「夫人」,黄暉云宋本作「丈夫」,劉

<sup>「</sup>夫」,通津本作「矣」,屬上讀。

<sup>● 「</sup>與」,黄暉云衍文。

目 病 雖 者之見也 不 卧 光 若 已 亂 卧 於卧 若 否 也 與 故 夢 亦 相 見 似 人 當 物

之? 狂 能 其 相 盡 等。 得 知 見 者,病 其 也 以 ,其 是 鬼 狂 與 者 病 木 人能 人,精 精 人物之象焉 見 及 鬼 亂 狂 自 也 也 盡 知 覺 氣 者皆 夫 狂 與 倦 病 癡 夢 之 精 且 獨 , 效 衰 語 死 也 故 倦, 之 不 其 時 目 ·與 何 見 光 善 以 亦 物 反 與 驗 不

之 見 其 見 故 不 文 不 形 側 其 和 垂 Ш 病 和 者 象 象 林 象 篤 者 於 者氣 之 矣。 傷 也 由 中人,中人爲鬼,其 日 E 此 精 害。 言 盛,氣 鬼者,人所見得 假 凡 其 天 \$ 本 之,灌夫、 人 氣 有 地 或 得 盛 降 之 象 病 病 則 而 間 於天, 越 Ш 象 牛 氣皆 地 林 寶嬰之徒,或 物 人 者 之中 氣 而 則 病之 病 象 至 氣 純 其 人 至 和 降 於 見 其 氣 形 者養 天 下 越 見 則 也。 而 有 9 時 鬼 人 病 生, 形 坐 天 則 者 氣 氣

> 之形 之體 於 地 爲 矣。 人 與 故 鳥 鬼之 獸 故 見 也, 其 病 象 氣 爲 則 之也 爲 人與 鳥 衆 獸 星

人病 中 也。 以 交; 形。 其精 家若草 效 之六畜 之? 及病,精 見 夫病 人之受氣 爲 -野之中 鬼 人 日 也 來,象其墓中死 者所見之 ; 成 鬼者, 亦 氣 事 及見 物 有 有 衰 : 爲 與 俗 未 劣 老 之 他鬼, 鬼,與 物 間 老, 物 也 也 同 與 精 則 性 精 非 物交者, 也。 人 彼 來 能 者 是所 來 病 犯 變 夫物 迎 則 物 陵 化, 素 呼之者,宅 其 見 之 何 知者,他 之老者 象 鬼之來 物與 矣。 以 人之 異 之 何

照

故

皆獨

見

日 鬼 者 本 生於 人, 時 不 成 變

<sup>0</sup> 能 楊 不

黄 盼 遂皆 云當作「統

<sup>3</sup> 爲」, 通津 本作「

形 也。 皆生於善 死 化 之氣,不能 頭之世 居人宫室區隅 水,是爲 所 顓 ,能與善人相害。 , 能 而去。 頊 諸 論 死 氏 鬼 生子 者 虐鬼; 辩 有 神 人,得善人之氣 天地之性 不 爲 三子,生 有 離 與 也 必 形體 漚 多,若 庫,❷善驚人小兒。」③前 居若水 相 法,能 ,本有此化,非 而亡去爲疫 陰陽浮游之類,若雲煙 何 觸 . 顓 以 犯 故 是爲魍 明之? 立 頊 者 樹 之鬼 能 病 與 似 鬼 人相 病 神 道 類 魎 ~ 禮 人 以 善人之 術之家 鬼 見者, 命 白 居江 ; 數 顓 當 :

死,甲 之别 Z 見 何 以效之? ,故病人且死,殺 庚辛之神矣。 乙之神至矣。 本作 曰 剛」。 鬼者,甲 以 甲 何 氣 Z 則 鬼之至者,庚辛 也,其 假令甲乙之日病,則 乙之 日 ? 病者,其 神 甲乙鬼,庚辛 形 也。 象 人。 死 甲 ·乙者, 生之期 之神也 人 病 報 天 且 死 甲

> 皆 見蜚尸 見之。 與人雜 間 常在 道 [X] 或謂之鬼,或 生 物,亦有 難 有鬼之物常 知 存 庚辛之日。 ,或 天地生 則,凶 日 鬼神闇 實 : 有,非 是 似 鬼 走 謂之凶 人 惡之 物 者 象 [X] 昧,故具 在 此 也 虚 物也 ,或見人 鳥 類 几 非 , ●有人如 無 獸者。 ,或謂之魅,或 也。 邊之外 論者 象 載 與 類 故 人 形,三者皆鬼 列,令世察之也 所 故 之也。 人病 鳥 無 以 時 X 獣。 異。 爲實也。 往 禍 且 來 謂之魑 之家 何 及其 死 天地之 中國 以 者 或或 也 生 明 乃 天

之?

成

事

俗間

家

人

其

凶,

見

流

光

集

其

:

<sup>「</sup>病人」,原作「人人」,據通津本改

<sup>「</sup>漚庫」,黄暉據《獨斷》等云二字衍。

善驚人小兒」,楊寶忠云此五字不當有。

<sup>「</sup>天地」,原漫漶不清,據通津本補

<sup>「</sup>其」,通津本作「且」。

之中 萬 千 也 經》 上 春 則 其 室 國 鬼。 里 一,或見 有 秋 便 不 而 曰 謂 有 利 二神人,一 **>** 其 魅 人物之黨也 便 日 惡害之鬼,執 若 度 (枝間 其 北 與 : 朔之山。 鳥獸矣。❸ 利 形 龍 方 投 有 若 東 相 之 有 驗 鳥 北 日 連 鬼 四 之狀, 神 日 則形 上有 以 ^ 或 裔 魅 夫物 茶, 鬼 Ш 葦 則 門, 體 以 海 大 索 説 有 龍 時 有 經》 禦 桃 萬 而 曰 螭 形 之 實 流 魑 鬱 木 以 鬼 則 又 者 類 矣。 人 魅 食 壘 所 能 曰 : 堂 矣。 謂 其 **4** 虎。 出 食, 主 之 室 屈 **^** 滄 6 閲 又 龍 Ш 左 蟠 能 2 也。 於 物 氏 食 領  $\equiv$ 海 海 察

一曰:人且吉凶,妖祥先見。人之且

爲 自言, 據,其 妖。 妖,巫之類 死 妖,文有妖, 形。 之形,或象人之聲 人,與聲 見 象人之 百 一吉凶 巫 天地之間 怪 並 鬼鬼 氣 自 意 是 形,諸 或 從 自 自 也 在 妖 立 口 出 百 妖妖 氣 ,音聲 6 出 所 怪 是 象 若 怪 之中, 見 爲 以 口 人之形,或 非 鬼是 應。 自 自言 童之謡矣。 實 發 巫 一,言有 故 故 也 之 同 意自 妖 其 辭 怪 人含 妖 實 妖, 之 出 童 含 動 無 也 動 謡 氣 氣 聲 不 所 則 其 離 大 爲 有 爲 象 口

鬼夜哭。 世 稱 氣 紂之時 能 象 夜 人聲而 郊 鬼哭; 哭, 則 及 亦 倉 能 頡 象 作 人形

故

執

以

食

虎

案

可

食之

物

無

空

虚

者

其

物

也

性

與

人

殊,

時見

時匿

與

龍

不

常

見,

無

是

黄

帝

乃

作禮

以

時

驅之,

立

大

桃

門門

户

畫

神

茶

鬱

壘

與

虎,

懸

葦

索

以

禦

M

魅

有

形

異

也

6

4 3 2

<sup>■ 「</sup>或」,原漫漶不清,據通津本補

<sup>「</sup>人」,劉盼遂云當作「入」

<sup>「</sup>不」,黄暉云當作「形」。

<sup>「</sup>實」,原漫漶不清,據通津本補。

<sup>「</sup>食虎」,原漫漶不清,據通津本補。

<sup>「</sup>並」,通津本作「辭」

中,謂 不卒 睹 祥 祥 也。 X 베 其 物 亦 至; 見 氣 出 然,有象不 天 鬼猶 實一也。 則 地 之變也 或 ; 人 國將 之間 至 神而 以 昌 亡,妖 爲 禍 9 ·猥來。 能 鬼矣。 而 昌 福之 世 害 亦 瑞 人 獨 見。 至,皆有 到 ,不通妖祥之道,不 謂 天 鬼之見 鬼者 矣。 地之道,人將亡, 猶 人且吉。● 故 不 兆 也,人 夫瑞 在 象。 妖祥 之 應 有 之 妖 漸 妖

毒

之彭 先見 殺 足喪履,而 引弓射之, 豕人立 鬼 曰:「公子彭生也。」公怒曰:「彭生敢 济游 病也。 來,其死 大豕 生 或 于姑棼,遂 將亡,妖見,其亡 於路, 爲 有 非 何以 賊 似 鬼也。 則 殺 彭 田 明之? 之。 生 襄 而 于貝丘 之狀 公 啼。 Ľ 且 夫 國者, 非 殺 公懼,墜于 也 死 齊襄公將 見大豕。 妖 之 襄 也。 兵 公者, 世 妖 人皆 也 也 人將 爲 車 賊 見 知 賊 人死 從 也。 死 傷 所

> 襄公者 非 家,而 獨 謂 鬼能 殺人,一 惑 也

有禍 熒惑 物也,故 妖。 也 氣 同 世 赤 敗。 ,火星,火 天 ; : 陽, 故 謂 地 氣中傷 時 火氣 之 童 火也 世 變化。 謡 氣 人 有毒熒。⑥ , 熒惑使之, 彼言彼 恍 爲 人者謂之毒,氣變化 ; 盡 惚,₢故 妖 8 鬼,陽 見鬼,其 故 者,太陽之 畫 妖 M 故當熒惑守宿 氣 色純 之之類 象 也, 存 氣 時 朱 所 也 藏 爲 見 者 火 畫 時 龍 也。6 爲 妖 光。 見。 [X] 陽 或 之 與

陽

陽

古 原 作 據 通 津 本改

<sup>「</sup>至」,通 津本作「且

人死」,通津本作「殺

<sup>「</sup>貝」,原作「具」,據 通 津 本改

下「彼」字 通津本作 「有」。

<sup>「</sup>熒」,裘錫圭云當作「鳌

<sup>「</sup>火」,原作「大」,據通津本改。

火」,原作「大」, 通 本改

九〇

陽,能 則 勝,故 彤 毒 子 處 比 多 早,6議 之陰也。 雩祭之禮,倍陰合陽,**●**故 童。❸ 書之 故 範 火 一吉凶 義、厲 於童 蓋 其弓 爲 象 也 童 熱 巫。 部 怪 焦 見 行 愁 童 之兵。 謡 矢投措 詩 毒 欲 物 之徒 鬼之徒皆妖 爲 三曰 陽 巫 象 日 巫黨於鬼,故巫者爲 焚 歌 世 • 妖 故 含陽, 之黨。 人之兵,則 食陰勝, 巫 爲 謂 也,故 止 也 巫 火,五事二 皆 鬼 妖言。 童 集 之審者 妖 毒 巫 故 申 子 樹 毒 申 同 含 大雩之 也。 故 爲 生 巫 木, 生 也 色, 言 陽 其 爲 能 陽, 之 爲 攻 出 9 氣, 曰 2 猶日 故 杜伯 中 妖 妖妖 處 陰 陽 枝 文 故 妖象人之形,其 河,則 祭, 吉 杜 以 之 人,人輒 見 黨 鬼巫 葉 成 食陰勝 妖 之 伯弓矢皆朱 故 類 於巫 凶 知 舞 枯 言火同 属 故 言 故世 陽 ; 杜 0 童 死 爲妖,8 出 吉 魯 7 天 地 死 伯、 暴 攻 僖 早 之 於 有 鬼 巫 区 也。 巫。 氣 莊 能 民 遭 陽 社 小 文 含 巫 洪

> 其言; 其毒 者 其體 體 腓 中 也。 者 ; 人 者也。 或見其 妖 微 ,成其言者也。 毒 或明其言,不 之見出 濮水琴聲 者 氣 即 形,不 所 詩妖、童 爲 也 加 腓 也 或 紂 施 病 且 郊鬼哭,出其 杜 知 其 謡 者 妖 伯 其 [X] 毒 、石言之屬 或 不 之属 音 而 ; 即 施 或 豫 時 其 見,或 • 若 出 死 毒 其 夫 見 一聲者 不不 、聲,不 申 其 明 M 何 也 其 見 則 成 其 施 見 而 ?

业上, 原 通津本有「故」字。 作「光」, 通津

子爲陽 陰」,原作「正 故」,原爲 一,據 雙 行小字, 本改 據

改

- 愁」,楊 寶忠云當 作 通津
- 魯」,原 脱 據 通津 本補
- 爲鬼 巫」 原 作 能 鬼巫鬼 據
- 厲」,孫 詒 讓 云當作
- 投 措 孫 治 讓 云當作

氣 主爲骨肉,陽氣主爲 之容。夫人之所以生者,陰陽 卒,妖象魏其、灌夫之面 杜 陽之氣,天氣也。 妖祥,所謂 妖象犬形也。 妖 獲之妖也。伯有夢 夜姑且死之妖也。 則杜伯、莊子義、厲 簡公、宋夜姑時當死,故妖見毒 子義之厲 不 公身當獲,命未 大 也。 具,故骨 回見獲之妖也。 能 出 毒 因 老父結草,魏顆 出 凶至,●因出之妖也。 申 肉堅,精氣 鬼神者,皆太陽之氣爲之也 生之見,豫 則 魏其、灌 死,故妖直見而 妖 天能生人之體,故能 與 蒼犬噬吕 」,❷駟帶、公孫段,且死之 精神。 申生之出,晉惠公且 鬼之見 其 盛。 毒 見之妖 也。 夫守武 且勝之祥,亦或 俱 精氣爲 人之生也,陰陽 周 行, 后,吕 故凡世間 也 氣 宣 因擊。 毒 安,武 周宣 豫 ; 也。 王、燕簡 不 知, 后且 見 杜 射。 王、 伯 晉 安且 陰 象 所 死 氣 太 時 見 惠 燕 莊 出

」, 妖 盛 錯 肉,有精氣,故一 爲 而 相 疆 持,故 無 故 陰、故徒 精 能 神言談,形體 常 能 見 見恍惚,輒復滅亡也。 爲 而 象,4不 不 滅 固 守 能爲形。 也 骨 肉精 太陽之氣

無骨

神,合

論 衡卷第二十二

- 之厲凶 ,通津本有「之」字。 通 津本作「厲鬼」。
- 津本作「卒」。
- 徒」,原作「使」,據通津本改。

## 論 衡 卷第二十三

王 充

### 言 毒

之蟲 有 護 氣 物禀何 巴豆 之中,有毒螫乎?」 疾痛,●當時不救,流 有蝮 或問 氣于天? 萬物之生,皆禀元氣。 野葛,食之湊懣,頗多殺 曰:「天地之間,萬物之性,含 虵 蜂 蠆 ,咸懷毒 徧 整,犯 身。 人。 草木之中, 中人 不知此 八身,謂 元 血

毒矣。 人 食湊 曰 : 懣 太陽火氣常爲毒螫,氣 夫毒,太陽之 者,其不堪任 熱氣 也 也。 不 熱 堪 中 也。 任則 人 人毒 謂 太 陽 之

> 也。 極皆爲 蝮所 夫毒 屑者多,唯 入鼻鼻疾,入目 發,常以春夏。 之疾,愈人之禍者,生于江南,含烈 則人脈胎 楚、越之人促急捷疾,與人談言,口 之地,人民促急,促急之人,口舌爲毒。 人祝樹樹 他物之氣,人人鼻目,不能 中,割 ,陽氣也。 維邊,唯 枯,唾 9 肉 腫 火最烈,火氣所 置 故其 而 目痛,火氣有烈也 地 東 春 鳥 爲 焦沸,火氣之驗 夏 南 鳥 創。 中人,若火灼人。 隅 墜。 陽 有 起。 南郡 巫 温 咸 烈 東 燥也 極熱之 能 疾痛。 氣。 南 以 也 隅 唾射 温 祝 食甘旨 物 地 氣 或爲 陽 延人 火煙 爲 烈 四 也。 其 靡 氣 方 位 故

<sup>0</sup> 謂 詒 云當作 渭

<sup>2</sup> 字草書形近之誤。 胎」,黄暉云宋元本作「胎 吴承仕云「胎」乃「脹

其 知 夫 蜜 無 治 邊 治 故 者 鬼 風 用 蜂 痛 無 陽 者 痛 液 用 蜜 傷 氣 與 風 太陽 處 蜂 于 所 治 丹。 若 則 人。 爲 箠 陽 之袄 熱 流 蜜、 杖 物 用 食 毒 之跡。 丹陽 也 也 熱 蜜 所 治 少 加 人行 物,以 微 多, 邊 也 人 者 用 腓 無 則 疾 類 蜜 腓 所 **\$** 謂 治之也。 觸 人 丹。 謂 之 犯 毒 鬼 邊, 則 敺 0

賫 毒 道 其 氣 火 大 毒 腫 色赤, 犯 名 物, 也 木 木 疾 而 爲 毒 世 激 天地 加 陽 人 熱 , 人 氣 日 輒 火 人謂之火流 太陽 之間 也 熱, 疾 短 激 之類 死 狐,杜 行 而 血 故故 祆 盛 毒 汗 毒 射 夏暴 氣, 杜 杜 出 故故 盛 氣 伯之象,執 伯 伯 自 所 流 對 行, 其 弓 射 故 如 刺 行 鑪 中 矢,其 暑 食 也 其 周 汗 人象 人當 暍 走 色 宣 弓 出 馬 而 也 色皆赤 立 弓矢之形。 而 見 其 之 死 繒 崩 射,陽 鬼者 熱熱 肝 衝 鬼 日 殺 爲 亦 極 鬼 則 人, 汗 爲 氣 南 烈 所 面

> 人,祝 火 鮗 鳥 在 蝮 出 在 氣 木 皆懷 也。 蛇 人 卵 魥 魚 而 司 疾 也 則 魚 蜂 生 螫 熱等,火 温 禁輒效。 者 毒 爲 五. 蠆 爲 亦 有 病 皆有 行二 氣 卵 小 鮭 毒 者 在 與 陽 蝮 日 草 亦 鮗 毒 魚 曰 之 地 蛇 汗 故 則 諺 整。❸ 火,五 與 魥 小人 變 出 蜂 爲 小 日 鳥 蠆 也 巴 人 : 同 故 衆 皆 毒 四 毒 之口 豆 事二日 類 人 尤 卵 者 天 螫 冶 故故 口 食 酷 下 異 渥 爲 同 爍 烈 鮭 作 事 鳥 者 萬 禍 性 言,言與火 金。」 肝 畫 野 物, 在 而 故 天 類 字。 皆 魚 而 南 下。 蟲 含 也 П 死 汗 亦 越 太 則 爲 出 蜚, 之 其 陽 爲

<sup>0</sup> 卻多 論 頁 衡 卷 第二 通 不 津 + 可 本 考。 補 至「少 按 通 津 多 本與 則三 底 百 本 行 二十二字, 款 回

② 「因」,孫人和云當作「困」。

<sup>「</sup>氣」上,楊寶忠據《本草綱目》所引云當有「火」字。

火 直 ,●必云 故 云 爍 爍 金 金 金 道 制 口 於 舌 火,火 之 爍 不 百 言 類 拔 也 木 焰

於 於屋 爲 以 故 蛇 冶 蒼龍 蛇 蝮 海 有 口 工 體 齰 多 多 禍 尾 與 有 在 世 辰巳之位 之默 膚 鴆 蝮 少 樹 魚 利 刺 東 稱 蛇 南 牙, 故 生 毒 鳥生於 比 楚棠溪。 或 含火星。❷ 生 巴在 非 生下 江 故 食之輒 龍 北 藏 生 出 生 有 在 高 南 濕 地 地 於 有 西 於草澤。 逆 東 燥 比 燥,故多 首 處 懣 南 人飲 太伯 鱗 南 温 比 陰 尾 地, 冶葛 ; 陽 氣 或 陰 土 鴆 故 故 木 龍 辭 天 附 蜂 蜂 陽 物 地 巴豆皆有 死 下 螫 毒 生 有 之吴; 於 物 蠆 蠆 柔 有 火,火 齰 有 毒 有, 屑吻,故 伸 懸 燥 辰 與 烈 有 蛇 江 鳥 爲 濕 垂 路 不 鑄 毒 故 南 毒螫, 爲 有 龍 同 畏 故 烈 故 多 , 蝮 地 毒 螫 人 舌 故 毒 É 非 或 蜂 蛇 濕 故 故 南 鼓 藏 産 故 以 蠆 蝮 物 爲

> 人。 類 文,暘若則言從,故 僭者奢麗,故 亦 天,故五事二日 共 類 口 小人爲妖, 本,所 舌。 毒 故 螫 火爲 之 人 禀 夢 生 蝮 見 口 一言。 蛇 由口 皆 氣 舌之象, 火, 多文。 同 時 也。 舌。 占 言之咎徵,僭 有 爲 氣 詩 故 文起 口舌之徵,由 口 口 妖 火爲言,言 發 舌 舌 於 見 動 ; %陽,故 於 夢 雖 恒 蝮 異 見 陽 蛇 蝮 若 爲 人感 内 若。 蛇 小 致 司 爲

美, 6 虎之母美,叔 向 諫 ,其母 妖 吾 氣 懼 生 其 百 一美好 生 : 4 | 深 向之母 龍 故故 蛇 以 Ш 知之,3 美 禍 大 好之人多 汝。 澤 不 實 汝 使 生 弊 邪 視 龍 族 惡。 寢。 蛇 也 或 彼 叔 叔

3

❶ 「焰」,原作「饀」,據通津本改。

②「獸」,劉盼遂云當作「宿」

<sup>「</sup>知」,原漫漶不清,據通津本補。

<sup>「</sup>母曰」,原爲雙行小字,據通津本改爲正文。

<sup>「</sup>彼」,原作「被」,據錢批、通津本改

勇力。 也。 木,含火精,故美色貌 於勇力。 母 向。 愛馬 勇 栾懷子。 多 者 大 力,勇力所生, ? 寵 生妖怪故常由 ,美色之人懷毒螫也。 夫深 毒害者皆在 火氣 不 使往視寢 火 及范宣子逐懷子 山大澤,龍蛇所生也,比之叔 仁之人間之,不 有 猛 光 故 耀,木 生於美色; 好 生叔 多勇 好色, 色。 麗。 有容 虎 ; 殺 爲 木剛 美 膽附 生子叔虎 亦 貌 禍 禍 難 叔 有 難者常 强 於 難 乎? 虎 勇 龍 故故 肝, 所 得 力 蛇 美 發 多 發 故 虎 東 余 及 壁 力 勇 生 有 之 叔 方 於 何 由

酷 益食 殃。 故 悦。 美 味 美酒 四 ; 勇夫强 何 心, 者 以明之? 腐 爲毒。 好女 膓, 世之 好 難 或, 酒 色惑 毒 畜 孔子見陽虎却行,白 難 也。 勇 ; 多飲; 夫難 辩 心,勇夫 辯 士快意 近 蜂 之毒, ; 招 液 辩 好 禍 爲 女説 蜜、蜜 士 爲 辯 難 汗交 害 口 作 信 尤 致 難

> 讒 潰 或 流 也。 乱 夫之口。 猶 陽虎 乱 中 況 詩》 諸 辩, 讒夫之口,爲毒大矣 日 毒 一人乎 有 . 口 「讒言罔 身死 舌。 ! 故 之。 口 君 極 舌之毒, 子不畏 中 ,交乱四國 ·於口 虎 舌 中 人 獨 病 或 畏 几

#### 薄 葬 篇

類以 議之 爲 尚 神 厚葬,有奢泰之失者,❷儒家 鬼 非 爲效驗。 聖賢之業,皆以 故 而 有 也。 知 儒家不從,以 9能 墨家之議 形 薄葬省 而 害 右 鬼 人,故 爲 用 死 論 爲務,然 以 不 引 爲 無 明, 杜 人 知,不 伯 墨 而 死 之 世 輒

<sup>● 「</sup>故」,通津本作「者」。「色」,原漫漶脱落,據通津本

②「有奢」,原脱,據通津本補。

<sup>3 「</sup>神」,黄暉云衍文。

神 者 得 莫 實 是,謂 不 内 以 閉 有 藏 又 是 劉 也 能 空家 畏 道 明 能 然 知 藏 見 以 無 充 食 子 爲 穀 於 而 物 心 明 益 死 病 世 政 鬼 陸 與 死 死 人 以以 有 棺 儒 賈 且 然 俗 舉 以 物 生 陸 而 如 不 效,論 終 依 薄 家 内 送 人無 賈 殺 歆 猶 乏匱 懼 奢 生。 而 者 無 儒 葬 持 終。 之論 不 侈 精 人 賻 義 家 知 之奏,務欲 狐 以 以 墓 莫定於 祭 之心 魂 信。 閔 故 9 之驗, 而 疑 辯士文人 異,孔 中 殉 備 死 兩 重 説 作 之議 葬 積 死 物 是 獨 外 無 死 故 偶 有 以 浸 者 以 人 葬 墨 相 所 子 不 人,以 外外 快 流 來 其 一,示不 證。 世 家 非 慕 省用,不能 處 顧 有效 魂 生意。 立語 至, 與 俗 有 聞 之而 也 生 空言 孤 相 輕 劉 知 或 侍 負 杜 驗 無 見,故 不 竭 愚 0 子 之 以 破 P 伯 亦 死 若 虚 肯 副 信 財 故 政 爲 柩 無 非 家 之 以 語 丘 丘 極 明 墨 奏 以 禍 盡 遂 以 死 知 觀 ; 類 論 處 定 業 多 墓 信 家 事 亦 其 福 雖 事 生 ,

> 省 之以 財 之教 杜 伯 可 爲 立 據 也 則 死 無 知 之 實 口 明 3 薄 葬

貫 實之。6 通 有 復 人 乖 不 闇 生 不 知 人 合,業 知 無 昧 之人,故 今墨家 能 士 知 審 與 之情 雖博 知 難 人 非 齊 死 殊 儒 不可定,●爲鬼之實 覽 唯 同 生之義 途 聖 古今,窺涉 故 儒 一心賢 其 家 實 非 未 一家 意,方比 荒 墨, 有 争 忽 百家,6條 所 論 各 定。 難 有 物 世 不可 得 所 類 實 無 持 深 者 爲 入葉 祭 是。 知 能 祀 死 故

夫論不留精澄意, 苟以外效立事是非,

6 6 4

類」,原漫

漶不清

據

通

津

本

補

<sup>3</sup> 2 0 死 死」下,黄暉 以一字, 劉 盼 遂 劉 云當 盼 云 當 遂 有「人」字。 云 作 衍 鬼」。 文。

<sup>「</sup>情」,原漫漶不清,據通津本補。

<sup>「</sup>窺涉」,原漫漶不清,據通津本補。

傳 之 言 心, 苟 信 以 不 信 議 徒 也 心 聞 喪 聞 虚 難 耳 意 見 物 象 見 目 於 以 議 索 效, 必必 也 外 教 用 則 無 開 雖 則 不詮 雖 夫 效 心 以 益 得 以 意 驗 實 訂 於世 愚 耳 章 事 於 民 明 墨 目 爲 内 之欲 猶 議 論 非 此 是 不 , 蓋 爲 以 用 不 是 則 墨 失實 心 耳 合 故 以 術 而 目 知 是 虚 所 原 論 者 非 象 失 以 物 實 之 者 爲 不

侯 雖 夫 孔 欲 也 也。 而 盡 不 子 ,魯人用斂 財 生,不畏 諫 多 比 明 睹 患之 0 魯 不 干 死 微 夫 人 憂 人無 之執 所 將 見 徑 罪 貧 著 以 由 庭 法; **葵** 知之義 璵 故徑庭 麗 威 常 人人必 人聞 璠 不畏罪 級 彊 由 斂 不 前 非 之,❷欲心 有 懼 孔 不 麗 禮 所 法, 著丘 抽 子 聽 級 也 貪 聞 以 則 4 墓 死 孔 生矣。 丘 璵 救 必 人之議 何 子 墓 徑 璠 患 則 抽 抽 爲 庭 之 直 ? 矣。 寶 救 姦 麗 諫 諫 諸 狐 物 患 級

> 損 泊則 賈之 道 父。 孔 説 播之 人 無 疑 於 懼 不 子 知 未 而 化 倍 語 禮 相 開 故 非 定 彊 厚 ? 連 日 指 不 不 死 不 ; 其 葬 孝之 明 孝 亡 也 行 諫 使 事 無 子之 死 先,倍死 喪祭禮廢 死 益 生 徑 此 夫言 生 源 者 厚 庭之諫 一之實 蓋 論 計 故 化 有 死 定 孔 知 亡 從 不 無 其 議 子 自 則臣 ,倍之非 先 明 不 其 知 立 生 所 意 ·發矣。 死 則 · 5 則 重 6 以不 較 子恩泊 不 不 者 無 雖 分 著 孝 臣子 知 也; 事 能 别 口 獄 之 今不 如 死 立 者 聞 實。 多 臣 倍 如 明 泊 其 0 明 無 子 其 亦 死 則 所 聖 恩 陸 其 何 異 君 璵

本 改

作

瞷

<sup>3</sup> 2 0 聞, 夫」, 原 通 津 作「大」,據通 本作 僴 四 津 本 庫

<sup>4</sup> 抽 孫 詒 讓、黄 暉 劉 盼遂皆云 當 作 扣

人人」 黄 暉云上一「人」字

<sup>6</sup> 死」下 者 黄 暉 云 脱「人」字。 楊 寶 忠 云《 意 林 引

<sup>6</sup> 厚 化 原作「化厚」 據通 津本乙 正

知 倍之 不 明 何 無 損 知 ? 成 明 事 其 己 有 無 賊 知 生 未 之費 必 有 倍 死 之

先 者,以 之下。 子 救 之生 決 存 倍 煩 不 氣 醫 巫 不 騫 其 乎 明 ,恐人倍之,宜 死 絶 也 咸 ? 無 可 難 也 恐 冀 孝子 終 死 坐 良 傷化, 今死 禍 0 知 黄泉之下 2 ,坐之高堂 救 絶 無 泣 如 消 之 如 親 何 0 補 異 扁 而 養 親 罪 藥 爲 在 以 處 絶 益 己。 鵲 定 獄 親 人 異? 有 1 非 魂 法 中 倍 葬 終 不 之上 病 治 益 拒 何 定 立, 於 其 不 罪 可 人 死 也 也 則 醫 不 無 親 宅, 復 所 ; 無 疑 同 ? 終 明 未 所 其 獨 使。 既 居 益 未 獨 也 無 與 死之時, 無 計 知 死 定, 死 不 門 其 生 然 厚 知 之後 動 傷 也 何 與 如 户 孝 同 葬 兩 而 無 義 則 恐 當 拘 葬之 子 也 葬 不 何 益 乎? 雖 ? 求 親 爲 亦 馳 之 雖 差 曾子、 倍 之 空爲 黄 離 交 走 如 不 1 乎 知 審 罪 接 ? 其 以 其 生 疑 泉 親 迎 死 如

> 先 弗 義 何 與 : 損 獨 有 於義 明 益 今厚 於 罪 化 定, 死 雖 不 小 爲 何 弗 益 忽 除 於 其 (恩? 親 無 乎 補 ? 倍 於 之 政 聖 弗 人 雖 事 立

九八

愛用 乎 恐 當 恐 俑 ? 後 備 爲 则 用 ,痛人不憂國, 用 物 偶 孔 絶 不示 子 生 人殉之兆 人 用 殉 又 人 象類 謂 ; 之源 如 用 : 生,意 生人,故 也,❸故嘆 明 爲 不 傳議之所 器 明 獨 防 悉 器 喪 其 魯 不 不 以痛 物 教 用 成 爲 失 之路, 偶 也 後 之。 示 用 用 4 偶 葬 意 重 即 善 有 器 如 孔 葬 明 葬 生 子

悉 塞 救 水 漏 有 防 所 者 漏 悉 塞 漏 其 則 穴, 水 爲 則 患 水 害 泄 絶 論 穴 死 不

3 2

恐爲」,

原作

嘆

睹

據

錢

<sup>0</sup> 交 接 诵 津 本

其 兩 通 津 本 作 明 葬 黄 泉 批

黄 暉 云 疑 儒

喪,民 死 以 至 使 口 悉 之 一,無 勸 齊國之民 則 敗 無 勉之, 以 貧 奢 知 自 耗 禮 使 衛 之至,危 不 高 財 民 絶, 大丘 國 盡 自 破 民 不 竭 家,多 城亡,主 貧, 亡 絶 以 之 厚 則 國空兵弱 道 喪 葬 藏 親 出 物 也 財 索 與與 民 物 散 蘇 蘇 用 蘇 今不 秦 燕 秦 秦 用 爲 奸 身弗 軍 索 燕 計 明 卒 物

非 薄 人,則 者之責,雖 之,是怒 伯 右 葬 爲 鬼 可一 非 鬼, 非 引效以 墨家之議 其信 與 也 死 則 詳 是 人 杜 夫 右 覽 不 術 杜 伯 也 死 明,皆 鬼 自 伯 用 非 者 詳覽 其 違 爲 情欲 乖 也 審 其 何 驗 錯 不 ; 有 如 術 益 厚 미 如 斯 其 首 知 哉 杜 行。 而 以 尾 可 ? 鬼 伯 惡 薄 如 相 夫 是 死 一薄葬矣。 薄 葬 如 有 違 如 死 人, 而 以 以 知 是,世 又 故 鬼 薄 而 如 右 以 謂 則 非 受 薄 鬼 俗 爲 其 死 死 葬 杜

無

祥

#### 兀 諱 篇

宰質 公繆然深 謂 色而怒,左右 莫敢西 ? 魯哀公欲 :『吾欲西 止,二不祥 睢 公 之不祥,不祥必 睢 日 大 俗 對 11: : 『天下有三不祥 益 有 説 日 其 惟 大諱 宅。 : 西 益 益宅,史以 慨 也。 數 有 益 宅 不 防 四 然 諫 宅 頃 行 禁 不 自 徒 有 而 禮 所 史 聽 爲 復 反 弗聽 死 日 義 從 争 遂不 規諫,三不 亡。 煩 問 爲 諱 擾 以 來 以以 日 西 不 西 者 則 爲 相 不 益 祥 益 問 益 遠 不 懼 西益 祥 宅。」 宅不與 何 其 宅。 矣。 . 祥 何 以 . 祥 也 傅 如? 謂 此 宅祥 令史 哀 也 宰 西 傳  $\equiv$ 嗜 焉 質 公 益 故 與 與 哀 欲 不 宰 睢 作 世 宅

質

曰

哀

0 弗」,吴承仕云當作「弗」。

儿

0

0

死 吉 擾 宅 剛 吉必 移 處 地 地 致 祥 祥 不 益 兀 不 之禍 宅 悪 柔 徙 X 則 福 東 神? ? 祥 而 祥 面 何 之占 之,益 欲 言忌 皆 犯刑 有吉矣。❶ 祥 皆 未 哉? 益 四 如 則 得 者? 地 口 面 以 有 能 西 史 廣大 歲 至 皆 也 知 益 起 鬼 宅 東 吉 益 與 於 月。 西 禍。 也 有 神 宅,皆當 神 家 且 乎 不 質 西 益 事狀。 何故惡之? 面 惡 ? 祥 M 不 之 宅 睢 祭祀 益宅 宅 令史、 今言西益 不 欲 人 惡之禁, 西 有形 與 夫 損 何 謂 西 西 今俗 , 損 不祥。 言 不 宅家 之 傷 何 之凶 益 益 質 體 觸 祥 西家 能 於 害 宅者 睢 人 人 神 神 血 言 宅謂 必 善 地 , 益 而 諸 等 而 以 之 忌 猶 不忌避,有 治 有 體 有 乎 謂之不 Τ. 以 爲 也 西 東, 之不 宅 人 吉 祥 誰 ? ? 喪 宅 技之家 西 面 也, 犯 者 凶 也 葬 神 何 西 何 夫 益 獨 ? 祥 X 言 祥 傷 惡 人之 猶 害 宅 益 動 謂 宅 神 説 煩 於 ? 病 犯 之 於 如 德 何 不 不 審 不

> 諱 居,因 之? 宅 不祥 人所 長,主 者,不宜 地 義 不 二上不百下也,於義 二上,卑有百下 者 祥 ? ,尊者之位 理 居處。 之禁 之 夫墓 也; 義 忽 西益 長 禍 詳 也, 不 幼 何 卑幼 於宅 墓與 死 非 慎 所  $\equiv$ 於 以 吉 也 共 者 人 義 略略 也 爲 田 凶 田 於 所 不 助 敗 尊 之忌 不 加 , 於 藏 人,吉 宜 也。 ? 非 言 不 西 長 慎 墓 善故 益 不祥。 人 也。 在 未 致 實 與 田 主 主 所 西 M 意 有 説  $\mathbb{H}$ 一,❷益、 少 卑幼 夫 處, 宜 其 也 者 M 謂 而 夫墓,死 西 所 等。 義 也 不 不 助 主不 方, 何 飲 祥。 在 設尊 多,尊 不 食 口 西 長老之 何 東。 祥 增 不之 益 不 人所 以 卑。 宅 助 宅 祥 尊 明 無

曰 諱 被 刑 爲 徒 不 上 丘 墓。 但 知 不

2

主」,黄暉云當作「宅

<sup>0</sup> 猶 原 作 獨 據 通 津 本

吾知 免毁 父 召 之諱,非 義 見 則 别 側,不 效; 而生之,子孫 丘 墓之上,二親 知 可 人之柩。 母母 墓 其諱 門弟子曰:「開 ? 則 不宜 親 不 至或 傷 免夫,小子 實説 則 親 敢 能 與先何異? 之禍 人宅與 ; 徒 死 敢 M 臨 知其不可之意。 子 受禁行 夫徒,善人也,❷被 在 惡 葬,甚 其 不 毁 被 也。 亦當 ·得上山 堂,不得哭 意 之忌 傷 也。 親 刑,父母 !!! | 曾? 徒 孔子 者,亦 相 失, 至於不 全而 予足,開 也。 孝 死 如 見 不 陵。 者 子 以 亡 上 日 ; 歸之。 死,不送葬 徒用 不 怕 重 如 謂 徒 : 柩 丘 世俗禁之,執 問其禁之者 要其 慎 徒 予手,而 被 之先, 宅與 ; 身體 墓 心以 臨 如 刑謂之徒。 刑 不 刑 故 有二義, 行 得 忌。 以 , 先人責 辟 弔 髮 曾子有 絶 爲 徒 與 ; 今而 膚 效 傷, 刻 先 若 連 死 不 全,喜 受 畫 義 墓 見 祖 據 得 不 人 至 相 之, 後 疾 之 身 相 丘 佗 何 能 全 理 何 升 墓 放

> 俗 俗。 譲自 古禮 體 惻 之禮,齊 愧 王 王 殘之人,不宜與祭,供侍先人,卑謙 季不 意 義 斷 義 怛 負 ,毀傷髮膚,少德泊 欲 太王薨,太伯還,王季辟主 也 賤之意也。 慚 憯傷,恐其臨 也 廟祭,今俗墓祀 髮文身,吾刑餘之人,不可爲宗廟 聽; 立之,人吴采藥,斷 辱,❸自刻責深,❹故不升 戒潔 昔太伯見王 墓者,鬼神 三讓,曰 清,重之至 緣先 祀 : 不 故 所 祖 「吾之吴、越,吴、越之 行,不 季 在 忍歆 之意,見子 不升 有聖 也。 祭 髪文 戒 享,故 祀之處。 墓 子 今已 慎 太太 慚 (身,以 文 之所 墓 被 伯 王 謹 孫 祀 負 不 上 被 敬 刑, 致 再 先 於 祭祀 隨 知 退 墓 先。 刑 也 社 太 刑 吴

<sup>2</sup> 0 失」,楊 寶 忠云乃「者」之譌

善美 承仕 云當作「皋」。

慚 通 津 作 刑

自 刻 深 責, 通 津本作 深 自 刻

俗信 綵 愧先 之屍 刑 升佗人之丘 痛; 可,非 如 稷之主。」王 重者, 髡鉗之法 上 衣 使 , ②形毁不全, 乃不可 丘 見刑 系躬, 者,謂 無 ,使先祖 墓 而 謂 謂 知, 太 柩 人, 之皆凶 冠 丘 伯 身 當 ,惑也 季 先祖哀。 帶 墓 有知,痛 體 葬 不 知不 與 也。若完 爲主之義 刑 身不 其 原 俗 殘, 野 可 失至於不弔鄉 送 屍 也 權 耳。 與 殊 權 也。 0 哀 可 人 何 城旦以下, 也 而受之。 何 形,何愧之有? 哀之身,送 異 方今象刑,象刑 葬 爲 慚之有? 也。 是謂 死 不 可 黨屍,不 古 祭 夫 ? 施 有 可 先 祀 徒 刑 世 用 祖 慚 痛 不

月乃 其 通。 事 事 入山 ,何以爲惡? 人,惡之甚 乳子之家,亦忌惡之。 三日 林, 諱 婦人乳子,以爲不 遠 行, 也 夫人之乳母子也,3子含 度 暫卒見若爲 川澤 者, 丘 墓 皆 吉。 不吉 廬 不 道 與 將 畔 之交 舉 極 踰 吉 原

> 等。 惡人 六畜 之。 惡以 與俱出 畜 則 之生 之? 人之有胞,猶 又惡之乎? 元 與 夫 氣 而 ? 一何以 人 獨 4 萬 爲 而 一,若 無 物 有 不吉, 出 馬 不 皆含血 異? 異,其 廣 憎畜 體 物 鳥 物,不 多, 大 也 元氣,天 卵 木 生 則 贵 9 於人,凡 乳 諱 難 氣 與 之有殼,何 實之有扶 諸 子, 見比類,乃 人之生謂 皆 以 胞 懷子,子 以 生 亦 地之精 同 驗 俱 人 物 物 事。 出 一 狀。 可 體 有 也,包 也 惡 天 生 扶 妨 如 之惡 微 미 之 氣 一與 殼 謂 以 也 生 子 六 疑 者, 血 事 人 裹兒身, 胞 之惡? 畜 何 生 萬 也 何 盛 無異,獨 爲 宜 以 與 無 與 物 M 乎? 不吉 皆 與 異 之生 萬 而 無 鈞 於 惡 大 如 物 惡

②「有」,通津本作「者」。

③ 「人之乳母」,通津本作「婦人之乳」。
② 「有」,通津本作「者」。「用」,孫治讓云當作「由

之? 夫人 人,江 乳 甘 乳 今目 北 者, 洿辱 不 食 腐 則 異 不 口 之 産 置. 乳 子 以 謂 吾 諱 也 腐 臰 與犬何 見 爲 0 子 更衣之室,不以爲忌; 臰 心 謂 與 南諱 之宅 自 出 人不諱 凡 矣 鼻聞 諱 世 六畜之乳 見 自 不 損 在 腐 可 ; 俗所諱妄矣。 負 人不 外,此 其 在 出  $\Box$ 以 憎惡者,若潛墨 鮑 意 豕 彼 六畜 身,齋戒之人,何故忌之? 悪。 房 異? 不 魚之肉 諱 於塗、腐澌 人,不著己之身也。 過 室, 吾將 存 霍 犬,謡 復 敗 ,不曉其 則 以 亂 惑 知 房室宅 已,忽亡 傷 爲惡,故不計 嘔 也。 其 聽 可 俗 人 且. 吐。 其 無 謂 於溝,③不 防 故 心 凡 漆,2 外 肴食腐魚之肉 諱 江 惡 悪 腐 也 輒 人 夫 何 故 北 ; 也 矣。 去, 更 所惡 各 附 以 鼻 如 諱 世 殊? 不同 衣之室 著 聞 不 犬不 然 至 今婦 何 其 以 能 莫 能 人 臰 於 故 可 爲 而 别 身。 也。 别 諱 或 犬 惡 與 有 有 [X] 人 江 人

> 使 説 之望 惡 也。 弦、 行 可 日 也 謂 人 清 諱 ,月中分謂之弦 或 望 月之晦 被 忌 吉 何 不 , 行 實 ; 故 産 污 三十日 惡 清 踰 子乳犬者, 辱 如 或或 而 也, 實 也 月謂之吉乎 也 貞 諱 吉、雖未 非 9 廉 日 或 日 夫 之節 月 月 不 月 自 欲 十五 晦 合宿,紀 諱 合 潔 使 立 踰 日 ? 宿 世 清 矣 人 月 日,日 月 則 俗 常自 如 光 謂 猶 爲 意 防 實 氣 之 爲 月 精, 禁, 潔 M 與 月。 晦 可 相 清,不 意 竟 月 也 踰 望 精 朔 晦 無 月 猶 欲 未 謂 實 經 異 則 與

信 月子 而 殺父 謂 四 之真 日 (與母。 諱 矣。 舉 Ė 不 月、 夫正 得已舉之,父母 Ŧi. 月、五月子 月子。 以 爲 何故 禍 正 死 月、 殺 五. 父 則

<sup>「</sup>有」,四庫本作「若」

<sup>「</sup>潛」,通津本作「濺」。

<sup>「</sup>溝」,原爲墨丁,據通津本補。

天乎? 高其 至户 説言之,以田 聞 不 舉 見其子文於嬰。 有 吉凶之分者,然 何 産 與 而 人,莫敢犯之。 必受命於天,君 諸 異,而 舉 一,共 敢 也,其母竊舉生之。 子,名之曰文。 母 將 户,誰 侯。 其 ? 生之,何也?」文頓首, 五月子 元 後使文主家,待 將受命於户邪?」嬰嘿然。 謂 不利其父母。」文曰:「人生受命於 文 人之含氣 能 之凶 氣 長 者何故 也 嬰不死效之,世俗 至者?」 過户,而 弘識 也? 后見之。 何憂焉?」如受命 嬰怒曰:「吾令女去此子 文以 正 在 ? 腹 與二月 大材,實核 嬰 世 及長,其 五. 嬰日 腸 嬰不死。 賓 善其言, 傳 月生, 之 昔齊 客 此言 内 因 何 : 了,賓 五五 殊, 曰:「君所以 嬰 母 相 其 所 客日 事 久, E 以 一月子 因 告其 田 Ŧi. 生 諱 於户 理 田 拘 文曰 兄 嬰 + 與 虚 進, 子 深深 文之 者長 弟 賤 數 母 六 月 妄 休 睹 之 即 而 勿 妾 月 : 而

> 之甚 母 五月 實説 措 信忌 之言 有空諱之言, 不 殊 也 堪,將受其 世 操 不 也。 盛陽,子以生,精 實 俗 故 義 夫 諱 嬰 文 田 無 之,亦 名 信 嬰 實 患。 闇 俗 M 命 而 有緣 父, 之效, 世俗惑之, 誤 不 傳 不 熾 辟 相 明 而 熱烈 也 諱 文文 放 田 傚 文 夫 厭 聲 雅 雅 莫 勝 正 馳 俗 子 謂 月 父母,父 異 而 也 不 歲 材 不 始 滅 非 舉 嬰

神之害,凶 諱,衆多非 同,略舉 亡,然后 人不食,❷欲 夫忌 通 世人信用 諱 醜 語 一,咸勸 使人急作 非一,必 之禍 令世 畏避。 一觀覽。 人爲 世 託 不不 諱 善,使 之神 忌諱之語 欲 作 若夫曲 積 豆 怪,若 醬 人 家 踰 重 惡 俗 至 慎 聞 設 微 四 春 雷 以 小之 無 方 也 鬼 不 死

<sup>「</sup>言無」,原漫漶不清,據通津本補。

<sup>「</sup>一人不食」,楊寶忠云衍文。

慎 歠。」 禮 也 恐 諱 而 刑 冀 相受,爲其不固也。 承 被 厲 勉 之字井與 塵 毋 刑 刀 人來代己 人 義 溜 井 反 也 爲 之禁,未必吉凶之言也 懸 也 E 0 善。 冠 毋 恐 爲 刀 承 毋 也。 **^** 刀 也 屋 禮 偃 似 墮 檐 寝,爲 死 **>** 厲 井 諸言「毋」者,教 而 毋 日 人服 刀井上 中 相代掃,爲脩 坐, 其 也 毋 恐 象 ; ; 或 屍 瓦 摶 ,井刀相 或 説 墮 也 飯 説 悪 撃 毋 以 人 冢 其 毋 流 重 之 首 爲 以 反

# 調時篇

行之物 巳之家見 正 地 月建 ,必有死者。 世俗 寅, 懸 食矣。 起 金 月食於巳,子、寅 木 土興功,②歲 水 假令太歲 見食之家,作 火。 假令歲 月有所食,所 在子,歲 地 月 :起 興 食 厭 功 西 食 勝 於西 則 家 食之 西西 酉 五

> 皆 家 以 謂 除 懸 之然。 其凶 金; 歲月食東家,東 ,或空亡徙以 如考實之,虚妄迷 辟其 家 殃。 懸 也 炭。 連 相放效 設 祭祀

無狀 之衝 其 食,6 人民 月之神 相 反 平 之過,與移徙 也。 無狀 位,怒之也。 何 何 以 在 故 也 移 明之? ? 反令已、酉之地受其咎乎? 移徙不 加罪 徙 鬼 而 行 神 咎起 避歲月,歲 罰,非 等。 夫天 今起功之家 罪 過人 功哉? 起功之家,當爲 地 有 之神,用 二心 猶 月 縣 惡其 用心 兩 亦 官 意 動 心 謪 措 不 0 等 地 罰 避 歲 意 豈 前 也 民 歲 後 何 所

- 「溜」,四庫本作「淄」。
- ❷ 「俗」,黄暉云當作「信」。《注釋》云下脱「信」字。
- ③ 「迷」、《注釋》據章鈺過録楊守敬校宋本改爲「述
- 「非」,原漫漶不清,據通津本補
- 「歲」下,黄暉云脱「月」字。
- 「在」,通津本作「怪」。

之冤。 道 罰 子宅有爲,巳、酉 事 歲 犯辟 宅,●空爲見食,此 忧 也 爲 · 6空居無爲,猶被其害。 在子,子宅直符, 害 ,若咎以 民 今巳酉之家, 犯 動 刑 静 罰 無過 殊 多 致,6 乃 非 受罪 則 N o 午宅爲 , 無 歲 非天從 太歲, 過 冤 3 小 無 於 無 今歲 破,不須 過 過 月 罪 歲 歲 而 而 歲 也 受罪 月之神, 月所食,待 月 罪 子、 神意 興 且 2 功 夫 家 世 大 之 用 太 吉 謂 起 惡

之者審 近 爲 之地安得凶 州,又在 令楊州在 際,立於子位。 食 西 地 其宅中 審 誰 則 論 東 也 歲月 東 南 起功之家 之西 禍 ? 南 歲 ? 之神, 如 起室者 地 食於 使 審 假令歲 如 宅 歲 而 歲 酉 鄒 在 月 中 反 食 則 衍 ,歲月,天之從神 在 中 食 亦 太 之言,天下 佗 人 或 有 西羌之地 歲 民之間, 家 酉 也,在 州之内, 乎 地 ? 何 天 爲 東 且 西 以 食 宅 假 邊 南 不

> 不食? 哉 ? 哉 ? 爲 啖食。 牲。 Ŧī. 鬼 所 食人者,虎 飲 故百 百三十九歲 食 食,聖人 元,增積相倍之數,分餘終竟之名耳 與天 如 歲 倉卒之世 非 豊 積 月 神 :天神 其 同 有 與 謂 日 之祀 0 爲月 啖 神 狼 當 亦 爲一統,四千六百一十七歲 天食不食人,故 食 與 ,穀食乏匱,人 也。 皆 日 看! 不 人 死者,其 用衆物 亦 食人。 歲月之神 等。 月 有 爲 神 推 0 時 歲 精 生 天地之間, 無 積 食 民 豊 事 爲 郊 用 時 月 饑 死 歲 祭不 虎 人 食 爲歲,千 餓, 月 狼 者 推 之 日 之 自 以 白 相 何 神 事 神 物 爲

劉

盼

遂皆

云當

罰 下,黄 暉云脱「象」字。

而 通 津 本作

家」,黄 若咎」,通 暉 津本作「未有

古」, 通津 本作 一起

百 致 原漫漶不 原 作 敗 清 據通 據 津 通 本 津 本 改

者宜 加時 食乎? 異? 神,月建 之中分爲十二時 月建寅卯,則十二月時 日 安得鬼神之怪 魄 有神,③獨不 辰 有 歲月有神,魄 神 不食,月建 獨 如 日 有 日 則四 弦 哉? 加 一,禍福之驗乎? 無神, + 時 ,平旦寅,日出 食,非也 Ŧi. 有 十二 與 何 弦 日 神,統、元 故 用 所加 復 望 辰 時 月 與與 有 獨 建 決 寅 神 食 事 獨 卯 歲 也 卯也。 有 如歲 ', 非 也 食, 贵 月 ? 神。 0 終 2 日 0 月 也 日 終 竟 月三 加 ; 加 日 如 不 加 日 竟 無 何

堤 月之神餓 倉卒之世,人民亡,室宅荒廢,興功者絶,歲 食。一歲之中,興功者希,歲月之神饑 止,不爲起功乃一 ,堤與木俱立 ,勞佚鈞等。 神之口 乎? 腹 與 4 宅掘 且 食也。 人等也。 田 掘 土 與宅俱 與鑿俱爲。 而 立 歲月之神,起 人 木, 人 饑 所治 田 起宅,歲 則 食, 興 溝 功 乎 功 飽 而 月 ? 乃 起 用 則

> 食; 時 飽 治田 乎 ? 獨 何 不食。 事 鈞 作 同 豈起宅時歲月饑,治 ,飲食不等也 田

之步 刺 如 周 爲 近遠。 聖人知其審 起十丈之役,食一里之外。功有大小,禍有 譏 公作 禍 不 數。 宜 知避 説 蒙恬爲秦築長城,極天下之半,則其 歲 今聞築雒之民 雒 以 萬 ,人民多凶,經傳之文,賢聖宜有 月食之家,必銓功之小大,立遠 假令起三尺之功,食一步之内 興功 食,宜徙所食地置於吉祥之位 數。 至大,當時歲 案 長城之造,秦民 四 方和 會,功成 月多於故。6 不多死 事畢 近

<sup>「</sup>弦」下,孫人和云脱「望」字。

<sup>「</sup>月」,黄暉云衍文。

<sup>「</sup>加時」,楊寶忠云當作「日加」。

<sup>「</sup>堤」,原作「是」,據通津本改。

<sup>「</sup>數」,原爲墨丁,據通津本補。

<sup>「</sup>多於故」,通津本作「宜多食」。

工員歲月審食,猶人口腹之饑必食也。不聞多死。設歲月之家,●殆虚非實也。

者希 火 以 力角 沃以 其數。 衆食人,人衆食狼 相 争,童子不勝 負者,木多而金寡也。 能勝之乎? 死 小不厭大。 且 物,不能以 少,少多水 炭 燔 當 爲 已、西 贵 爍之,金 也。 氣,匹夫必 且 一杯之水; 争彊 五行 歲 閉 天地之性,人物之力,少不勝多, 月 口 地 使三軍持木杖,匹夫持一 相勝 審 非失五行之道,小大多少不能 小勝 ,非童子怯,力少之故 必不 火不鈞 不 有 功 食,猶 死。 敢 厭 河決千里,塞以一掊之土, 物氣鈞 ,適力角 銷 能 大者,少不能服多, 食 勝之故,畏一金刃 金性 也。 哉? 以 人口 非 積金 寡 失五行之道, 勝木、然而 適 五. 勝 氣,2能以 腹 如 如 衆 尺 之 實 山,燃一炭火 如 童子與 者 饑必 畏 泰 鮮 懼 Ш 小 也 木勝 刃,伸 食也 失火 宜 孟 以 天 勝 金 道 大 賁 金 如 狼

刃之金,一炭之火,厭除凶咎,却歲之殃,如

何也?

論衡卷第二十三

● 「設」,通津本作「説」。「月」下,黄暉云脱「食」字。

適」,

通

津本作

倍之。

夫禍

福

隨

盛

衰

而

至,代

謝

而

然。

舉

較

著

明

其是非

,使信天

時之人,將

疑

而

事

日

[X]

人畏凶

有

效

日

吉,人冀吉有

驗

是

以

世

人舉事

,不考於心而

合於

日

,不參於

俗之人,委心信

是;

●辯論之士

,亦不能定。

日

禁。

死

災

患

世

義

而

致

於

時

°

時

日

之書,衆

多

非

略

舉

### 論 衡 卷第二十 应

禁所

以

累世

不

疑

,惑者所

以

連

年

木

悟

也

禍

福

自

至

則

述

前之吉

凶

以

相

戒

懼

此

日

:

王

譏

日

歲月之傳既 ,大則謂之犯 俗 既 篇 信 歲 時 用 觸 而 日 歲 又 月, 信 禁之書亦行。 小 日 則 謂 舉 之不 事 若 世 避 病

充

將聽 體 穿同 異 葬,藏 木 墓 之不害,又求日之剛 相 少久藏棺 柔、月之奇耦。」日 、鑿溝 土鈎 爲 ? 應,乃爲吉良。 其 事 重 斂於棺 葬 棺 禁 也。 夫 耕 唇》 尸 也 於墓。 墓,土 袁 與 治木 ; 不能 日 斂 亦宜 不 棺 : 避 以 也; 異 墓 藏 葬 X 擇 不合此 吉 實 贏 其 與 尸 避 柔 日 ,葬於墓獨 無 棺 也 尸,穿土以 事 也 棺 九 害 木 何 剛 空、地 世 曆 1,剛柔 吾 如 也 初 别 柔既 人能 轉 以 不 死 ? 穿 從 求吉 舀及 爲 藏 相 異 五行之性 合,又索月 埋棺,治 其 土 斂 凶惡。 得 其 尸 賊 與 諱。 日之 奇 於 事 地 葬 如 吾 棺 之 夫 剛 與 以 何 耦 日

- 0 是」,通津 本作「之」。
- 2 致」,黄暉、《校注》皆云宋本作「

四 〇九

間 諸 卿、 之意 之故 君 葬 用剛 也。 死,至 克 數 春秋 曆》, 之奇 正 日 葬, 諸 中 条 好 侯 ,不肖甚 月崩,七月 大夫、士皆然。 求 葬 臣 柔,重 廢 之時 不克 驗之 耦。 侯 葬 其 以 庚 月 而 福 五. 子 葬 日 寅 暘 葬者 常 不 ,天子、諸 夫 於吉, 矣。 月,卿、大夫、士三月。」假令天子 重 [X] 己 日 爲 日,未必合於曆。 用 春 奇常 日 慎 不吉。 丑. 中 古 葬,二月崩, 秋 也。 之 之義 避 然 乃葬。」假令魯小君 之時 也。 耦 剛 剛 而 無 雨 何則 如驗之《葬 也 柔 欲 柔等矣。 也 侯 也 葬 不 **^** 便 禮 卿、 埋 可 月 相 ? 衰 謂衰 今 事 **\*** 如 一之日,不 之 得 八月 世 廢 善 大夫 而 雨 奇 好 剛 曆 天 矣; 又曰:「 不 日 剛 犯 耦 何 信 葬。 柔 便 不當 区 子 柔 死 以 見所諱 隱、哀之 禁, 非 合, 則 待 事 合 七月 以 以 明 諸 耳 於《 天子、 之? 不肖 善 千 庚 魯 以 剛 雨 侯、 ·, 不 葬 而 寅 百 丽 H 日 不

> 宜有 密 無 葬 , , 忌 曆》法 微 之故 春 文 秋 也 小 也 義 義 纖。 周 貶 文之世 譏之 如 廢 辭。 吉 法 得 今不 度 [X] 備 見其 妄 具 舉 孔 義 觸 子 禍 意 無

不 飲 祠 飲 推 者,供 之日 人之精,人未嘗見鬼之飲 見 ; • 食 食,感物 人事鬼,❸見生人有飲食, 其 固 無 雖 祭祀之曆, 食鬼也 形 X 非 H 以以 死 思親 但 鬼 人,其 ; 以 神 殺 故 鬼者,死人之精 亦 生人之禮 何 牲 有 事之禮 祭祀 故 設祭, 吉 有 X 也。 日 食也。 亦 必 准 ? 與 假令血 況 死 有 右 死 如 之 他 爲 也。 患 推 鬼 也 鬼當 神 禍 同 生 忌 神 若 百 事 審 生 蓋 鬼 能 非 夫 月 死 有 人 之 復 祭 以 死 殺

3 2

改

<sup>●「</sup>吉」,黄暉云當作「古

<sup>「</sup>推」,原作「牲」,據通津本「固凶」,楊寶忠疑衍。

<sup>● 「</sup>右」,通津本作「及」。黄暉云當依宋本作「若」。

不爲 實 於市 不 祭 也。 德 肉 則 不能 死 何 無 百 知 非 能 何何 者 生 能 盡 禍 祀 與 其 不 死 得 屠 天下 損 殺 日 飲 人 無 人無 以 如 也 工 數 食 祭與 益 食, 鬼,又信 牲 鬼 異 事 死 Ŧ 六 ? 擇吉日 獄 雖擇 於 異 獄 死 罪,各 生,示不背 頭,不擇吉凶 畜 不祭,尚 如以 吏立,見世 门,則 祭 具 亦宜辟之。 非 祀 日 斷 無 祭 殺 避忌 月 其諱,持二非往求一 之牲 囚 知。 更禍者 不 牲 斷 無 宜 擇 見血, 广 囚 俗 ? 禍 囚 其 白 早 亦數 福 用 斷 何 祀 祭之無 獨 海 未 日 況 意 死 避 補 報 牲 爲 内 必 ; 千 不 者 血忌、月殺 益 殺 功 祭 屠 如 日 獄 -實類 人, 未 示示 祀 肆 之吉凶 無 福,不祭 創 吏 必 設 知 實 也。 也。 其 六 不 血 屠 福 曆 者 也 畜 · 忘 之 刑 工

沐,令人白頭。」夫人之可愛憎,在容貌之好《沐書》曰:「子日沐,令人愛之,卯日

必 則 擇 用 卯 母 醜 面 沐 洗,去足垢; 愛之, 諸 以 6 木 日 獨 形之垢,其 日 ; 以子日沐,能 尊 沐,能 頭髮 不 用 有 面 卑 櫛 避 水 亦 日 卯沐其首白者,誰 則 忌 白黑,在年歲之稚老。 用 者 首 0 白 木, 宜 也。 如 實 盥,去手 用 用 髮 皆 等 以 水 沐 火 乎? 得 擇 如 獨 也。 首 者 用 愛 以 日 擇 宜 水 垢 爲 乎? 髪 H. 洗、 日 水水 皆 最 且 爲 沐 0 浴,去身垢 擇 尊, 盤 也? 與 最 水 者,去首垢 如 使十五女子 日 不 尊,則 木 浴 以 尊 若 俱 水 夫子之性, 不 則 且 使 火 擇 尊 五 浴 櫛 醜 使子沐 尊 於 行 亦 亦 皆 如 也 木, 也 宜 如 治 而 去 嫫 ;

<sup>● 「</sup>各」,黄暉據孫治讓説及宋本改作「冬」。

<sup>「</sup>刑」,原作「利」,據通津本改

<sup>「</sup>更」,通津本作「受」。

<sup>「</sup>見」,黄暉據宋本改作「日」。

<sup>「</sup>浴」,原作「污」,據通津本改。「尊」,吳承仕疑衍

台。 之禽 凝 水 日 白 曆者,不 也 者? 以子 鼠 卯 0 H 可 木 之獸 沐, 夫 用 也。 如 也 誰 兔 是,沐之日 水 使 也 不 可 可 愛? 鼠 愛, 不 無吉 木 可 卯 色不 愛, 日 [X] 沐, 兔 白 毛 誰 沐 不 使 立 子

供 [X] 垢, 者詳 於冠 也。 其 或 如 禍 日 衣 惡 吉日 贵 内, 服 食急,故 衣 也 造冠 如以加 不 裁 有 所 以 衛 衣 0 如 衣 則 諱 利 衣 衛 體 且 有 車 有 無禁, 害。 爲 不 其 寒。 夫沐 之於形 馬 福 政 鈞 於 外 ° 俱爲 其 書 沐 裁 去 俗人 夫衣與 有吉 九 身 日 飲 有 爲 頭 衣 一體 錫之禮,一 食,二 重 尊 忌, 垢 有 食 淺 哉 重,在 忌,是 [X] 不 知,不能 冠 食 冠 ? 擇 共 日 俱 爲 M 無 爲一 日 貨 於 首 身之物,莫大 輔 日 諱 道 曰 尊 飾 人 製 製 實 身, 車馬 浴除 衣 者略,卑 所 體,食 浴 衣 衣 也 服 重, 或 無 避 則 貨 善 吉 莫 且 身 忌 輔 有

> 人 曰 所 衣 服 重 一,失 作 輕重之實 車 不 求 良 也 辰, 裁 衣 獨 求 吉 日 俗

四

殺 惡人 猶 神, 之, 着蓋 人形 如 不 則 傷 免 無 以 神之聖心 地 則 完居居 皋 人, 動 禍 障 工伎之書,起宅蓋 夫 施 神 擾之, ; 蔽 也 殺傷 鑿 能 帽 如 人身者 溝 亦 人體 原 不 必 如 當 則 耕 人皆伏 人 禁也 不 土 雖 擇 袁 無 忿 地 神 何 擇 H 有 亦 怒。 之 惡 害 雖 其 0 惡 宜 日 神 之, 於 妄 罪 屋 意 擇 如 不 不 何 殺 歲 必 以 則 日 忿 但 能 益 雖 傷 擇 月 動 夫 怒, 擇 原 欲 哉 夫 日 地 裝 而 終 日 人 雖 居 動 穿 必 車 之 不人 身 犯 不 王法 擇 治 夫 土 土 法, 意 擇 自 擾 之? 屋 神 法。 荷 安 日 船 終 悪 覆 地

3

失」,原作「夫」,據通津

本改。

<sup>0</sup> 凝」, 楊 寶忠 云 當 「髮」之譌

<sup>2</sup> 供人 通 津本作

傷之罪 縣 官之法 也。 猶 鬼 殺 神 傷 之 不 制 在 也 擇 日 穿鑿 繕 之過 治 室 宅 猶 何 殺

故

有

忌

其 言 發,蓋 之亡 己 王 禮 何 有之,諸 X 以 者 宅 相 .禍 事之可 諸 禍 丙 不 兆 聞 避 日 又學 日 也。 日 以 子 丙 而 天 悽 之, 子 書 王 神 不 與 内内 否,不 安厝之。」●《春秋》祭祀不言卜 書 堪 卯 神 者 愴 子 不 傳 子 用 舉 輿 事 諱 何 感動 刑 以 事 卯之類 卯 樂,殷 殆 曆 丙 以 問問 爲 甲 之 日 法 日 無其 柔 日 不 日 獨 也。 子之日 舉 曆 云 日 當 之吉凶。 也,殆 樂,未 夏 也,忌之何 忍 上 實 外外 責 夫王者 以子卯 倉 諸 以 之? 舉 事 舉 頡 神 天 有 必 事 以 事 以 非 道 所 有 孔子 不 , 剛 王 日 也。 諱 丙 民 難 禍 福 怒 日。 法 Ľ 日 亦用之, ? 知 日 聖 舉 民 未 重 忌 也 死 剛 不 假 人 必 先 事 不 日 7 Ħ 也。 諱 與 \$ 不 有 之 柔 以 如 王

以慎内外,不論吉凶以爲禍福。

#### ト 筮 篇

未 真 可 神 神 必 否 龜 神 靈 俗 而 靈 信 靈 信 也 兆 吉 1 數 有 如 筮 X 報 神 實 謂 應 論 靈 報 1 問問 之, 意 故 者 謂 1 捨 天 問問 筮 天 人 地,俗儒 天, 議 地 不 問 審 筮 而 者 告 天 就 所言 報 問 地 -地 筮 也 蓍 蓍 龜 龜 違

靈 事 夫 以 膊 當問 蓍 蓋 蓍之爲言耆也, 龜之爲言舊 可 龜 何 取 以 ? 孔 以 其 耆 得 明 名, 舊 兆, 之? 也。」由 子 雚 未 日: 必 葦 子 有 藁芼, 示不 路 此言之, 實 問 然。 也 孔 可 子 以 蓍 蓋 無 也 曰 得 其 取 不 : 明狐 數。 神 實 其 猪 名 則 疑 龜 肩 何 也 不 之 知 必 羊

❶「卜」,原作「十」,據通津本改。

其 無 神 靈 ; 無 神 靈 則 知 不 問 天 地 巾

與 則 聞 人,親 地 則 同 不聞; 天爲 地 地 人 道 氣 言。 相 也 且 問 有 氣 遠 欲 天 形體, 其意,意 信謂 人不聞 知 地 氣 不能 天 如 若 口 天地告 天 以 耳 與 雲 爲 則 不 無 何 人 霧 兆 可 在 耳, 無 事 口 報 ; 知。 何 異。 不 非 問 而 人 能 ·告人。 形 相 得 者 地 欲問 問 告 體 問 問 人 則 人 不 何 之? 也; 天,天高 ? 據 夫言問天, 不 地 自 見 近耳, 耳 非形 蓍 對 天 哉 遠,不 以 見 與 則 其 問 耳 人

筮 能 則 地 如 之氣,2 知 ? 蟣 ,皆令蓍龜 其 問巨 風 人 小大不均,音語 在 旨 欲知人意,鳴人耳傍,人猶 意? 大天 天 在形 地 8 地,安能 體之中 之間, 或 則 曰: 神 猶 不 以 通其聲 神 通 蟣 耳 明 也 懷 風 聞 是矣。 之着 口言,若 天 音? 今以 地 不 之氣 人身 人將 微 . 聞 天 地 小 也。 思 天 之 何 1 安

> 情。 蓍,兆 或 謂 坐 故 念 在 神 出 胸 兆 問 也 明 神 告之矣。6 中 數 耆 ; 門 見 如 明 爲 則 爲 龜 數 神 從 而 兆 古,6 思 矣。」●夫 明 行 胸 数 慮 蓍 爲 也 在 腹 者,亦己 龜 意 時 兆 之 以 兆 数,不 胸 或意 行 人 中 數 爲 外 坐 用 聞 與 一之神 N S 爲 以 宜 不 神 知 意 兆 爲 與思 異 思 其 相 夫思 数 也 可 慮 意, 日 猶 應 慮 兆数不吉; 慮者,己之 思 一身之神, 出 則 異 故 人 慮 入不 入入户 是 鑽 不 神可 龜 決 而 揲

天 地 有 體 故 能 摇 動 摇 動 者,8

本

<sup>2</sup> 0 微, 地下, 原作 原 有 後」,據通 一神 」字, 津 據 本改。

<sup>3</sup> 皆 通 津 本作 告」。

<sup>4</sup> 矣」,通津 本作

<sup>6</sup> 神可 謂 明 黄 暉 劉 盼 遂皆云 當在

古一 原作 之 據通 津 本改

<sup>8</sup> 者」,通津本作「有」。 情 原 作 矜 據 通 津 本改

得報 相答。 類 也 ? 能相 今天地生而 生,則 枯龜之骨 報 地報應、悮矣。 與 如 人 ,死蓍之莖, 使 同 蓍龜 死 矣。 人問 死,以 問 生人 生 問 死 人 問 生之天地 者 則 生,安能 須 必 以 不 能 生

世

人

謂

之天

耳 道 奇 蓍之法,二分以 百 教 類 於扐 令? 稱 物 ,豈云天地告報 然之有爲以應天也。❷ 人 君 生 自 如 焉。」天不言,則 蓍 以 然 出教令乎 孔子曰: 龜 無 象 爲 爲,今人問天 閨 若 月, 象天 版 ? 天 人 以 牘 哉 則 地, 何言 象 兆 天 亦 類 四 案《易》之文,觀 地,天 地 数爲若 不 哉 相 揲 聽 П ? 法,以 以 耳 人之言。 地報 象 兀 畫 何 四 時 立 字,①象 在 應,是 時 行 掛 而 揲 天 数 歸 有

門, 悉 而 不 無 對。 道 問 相 虚 問 辨 試 人之前,則 則對,不問 使卜筮之人空鑽 主 不應。 人笑 龜 而 無 而 不 求 應 1 之

> 異 善惡 揲 之,卜筮不問天地 體 乎 滅 至 何天地之不憚勞困, 心心 隨 其 甚 ? 蓍 疾 之行 惡 然則 痛 亦亦 火,灼其手, 而 又試 統 而 得 血 到。 也 1 兆数。 使 戲 氣 一、猶瑞 筮亦必 第天 人 湊 治之善惡,善惡所 罵 涌 振 苟謂 ,兆数非天地之報 應 地 天 ? 其 有吉凶, 5 而 應 指 而 兆数,天地之神 1 亦 作「随」。 不 猶 ', 6 得 而 ·惡 爲 亂 歐 兆数,天 論者 之 也 其数,使之身 地 致 見 善 ? 而 或 也, 而 兆 筮 謂隨 明 由 地 出 至 疑 此言 無 矣。 何 妄 非 灾 道 應

0 畫」,通津本作「書」。

<sup>2</sup> 人然之 有爲以 應天」,通 津 本 作 自 然 之有 爲 以 應

人上, 通 津本 有「空叩」二字。

若悉」,通津本作「或 第」,通津本作 「弄」。

卜」,原作「上」,據遞修 本、 通 津 本 改

困 通津本作「用」。

於衆 言 M 非 石 有 則 庶子六人,卜 之起,所 之又吉。 龍 舉 故 惡 天 X 兆。 執 大龜 也。 有 祁 之君 人 興、天人並 祖 地 言 親 知 子 伊 揲 衆 嘉 故 此言若然,然 石 得 五. 之 也。 日 蓍 猶 政 招 不 應 故吉人之體 人皆 佳 喪 祁 善 稱 兆 無 之 輒 當時 兆 而 格人 子 善。 所 佑 災 不 得 也 故 沐 沐 自 2 醜 以 逆 灾異繁多 奇 變 有 浴 衛 浴 元 知 爲 吉 数 怪 非 何 明 亟 人 佩 龜 也 佩 衛 後 人 以 既 則 瑞 至 玉。 1 罔 玉 所 者, 石 鑽 何 ? 多 筮 龜 祁 -?:不 駘 致 以 龜 敢 、七十ト而皆凶 之 周 使 爲 子 石 日 人心神 卒 豐、沛子 無 明之? 知吉。」賢者 實 時 武 祁 行 有 輒 不良; 沐 「沐 受命 也 不 無嫡 善 子 從 知 1 浴 也 政 善 日 意 浴 佩 子, 弟, 紂,至 : 兆 [X] 謀 有 3 高 同 佩 玉 ; 吉 嘉 焉 祖 有 玉 人 1 不 龜 0

> 明之? 實 則 蓍 惡 筮之,遇《明 也 事 善 有 乃逢是吉 有吉 遭 非 遇 0 兆 吉 顧 遇 [X] 禍 天 凶 睨 所 應答 凶之兆者,逢吉遭 人 天道 周武 [X] 見 遭 得 而 [。] 魯卿 祥物, 人與 非 夷》之謙 遇之道 吉 自 王 適 凶之人, 善惡所 然 不 與 惡 莊 非 數遇。 豫 、善惡 非 叔 [X] 吉 周 爲 生子穆-致 惡 事 夫 相 適 人也 公卜三 也 見之類 亦 祥 1 逢 猶 與 如 物 曰 遇 吉 相 之。 善 叔 爲 逢 也 人 逢 也 推 則 龜,公曰 ,以《周 吉 6 行 筮 此 逢 吉 鑽 夫 人 道 以 吉 瑞 見 龜 逢 人 何 論 遇 應 吉 揲 以 善 與

0

4

夫

鑽龜

揲

蓍

自

有

兆

數

兆數之見,

自

;

從 善 原 作 善善 從」, 據 通 津 本乙 正

得佳」,原 無 據 錢 批

人」下,原 有 下 一一字,據 錢 批

衆」, 原 無 據錢 批 補。 通 津 本 作 小亦

之」。 禍人」 至「如之」, 通津 本 作 M 遭遇 凶 恶 於道 亦

見 通 津 本作 凶

此 時 馬。❷ 適 君 治 當 有 平, 吉凶之應,亦猶 嘉 物 奇 瑞偶, 此 不肖 也。 之君, 君 德 遭賢 亦 及

誤 骨 夫吉 謂 異。 筮 蓍 或 驗 太公黜之。 逆,占曰 則 而 死 占 也 乎 兆 也,占之不審吉凶,吉凶變 謂 謂 草 數,猶 兆 未 説 謂之凶,凶數 蓍 世 1 數輒見,見無 何 異則 人言 周 數,吉人可 龜 治 統 :「大凶。」太公推 王伐紂,遇 8 不可 可 知 王治 占者惑 夫蓍筮 1 以 惑則 而 筮 參 信。 凶?」夫卜 瑞 事 者 遭 謂 而占謂之吉,吉凶 應。 龜 常占, 不 多, 一鳥 周 也 吉 無 ト,猶 ; 武 魚之瑞,其卜曷 不 得 常 可 瑞 治遇 王伐 \*\* 良。 則 實 占者生意。 純 應 統 蹈 議 聖王治 誠 用 無 兆 符瑞 龜 紂, 何以 者 者 常 數,非吉 而 疑。 夫鑽 寡。 1 變亂 · 聖 兆 日 明 世 筮 不 之? 一德之 數 吉 爲 龜 論 疑 之, 效, 枯 逢 故 兆 揲 者 X 則 詭 1

> 者謂 之凶 瑞 行用 宜 以 也。 之,武王之卜不得凶,占謂之凶者, 不吉之兆?● 以 爲 伐 夫子貢占鼎折 使武王 之逆矣。 舟,不用足,故謂之吉。」●魯伐越,果克 X 魯將伐越,筮之,得鼎折足。 越矣。 孔子占之,以 ,何則? 一命當 周多子貢直占之知 逆 使 鼎 興,卜 中 武 足以 必 而 爲吉曰 王 有 折 不 不 吉, 爲 足, 宜 當當 凶,猶周之占卜 行用 猶 得 起, ◎「越人水居, 折 [X] 出 子貢 足,6故謂 鼎 事著孔 不 失 足之占 由 占之 宜 其 此 實 逢

<sup>0</sup> 偶」, 通津本爲雙行小字「偶至」。

及」,通津本作 「反」。

乎」,通津本作「平」。

<sup>6</sup> 下」,原作「十」,據通 津本改。 下

行用足」,錢批改作「 難 以

以 爲吉」、錢批 删之。

故謂之」,錢批改作「乃以爲」。

占」,原作「古」,據通 津本改。

略 子 大 以 武 詭 助 王 論 政 1 之 示示 材 無 非 有 故 而 鬼 覩 得 神 非 区 常之 明 故 兆 謂 示 不 1 得 筮 專 能 不 審 口 也 純 世

祭 之也 見 信 是。 篇 龜 而 知 在 範 1 吉 則 兆 闇 用。 龜 同 筮 上 〉稽疑 明已 夫不 鴵 論 者 M 非 而 以 晉 以 爲 君 晉文公與 占 不 之失 盬 效之驗 占 戰 能 得 也 1 可 戰 其 者 果 審占 夢 者 天, 筮 用 實 則 日 腦 者 象 之 勝 楚 採 勝 也 毁 一、楚子 兆數 1 變 無 不 心武 掇 伏 占 [X] 如 見 筮 不 必 1 傳 行 其 戦, 咎犯 曰 象 然 問 警 筮 之人占之 或言 不 事 王從之,卒克 罪 太 : 指 天 夢 驗 若 兆 公 占。 猶 盬 子 非 武 與 則 [X] 日 無 韓 卿 君 成 王 周 夫占 不 謂 世 非 之腦 誤 伐紂 士 王 咎 占 審 信 1 龜 飾 搏, 也。 龜 夢 犯 筮 或 用 牆 紂 ,卜之 者 邪 人之 者 與 成 時 不  $\Box$ **^** 以 学之 占 不 柔 洪 夫 王 審 口

> 也 審 Ι. 若 也 蓋 此 兆 傳 數 亦 無 復 不 然 孔 子 而 論 吉 桂 X 失 咎 實 犯 者 占 占 夢 之 不 巧 類

### 辨崇篇

祭 犯 絓 避 患 觸 歲 祀 法 被 忌諱 月 人 、喪葬、行作、入官、 罪 世 罪 觸 戮 俗 至于 之所 信 辱懽笑,皆有 鬼逢 禍 致 祟, 死 神 也 亡, 忌忌 以 爲 如 殫 時 嫁 人 實 家 相 所 之疾 論 娶, 害 犯 滅 之, 門,皆 故 不 病 起 擇吉 乃妄言 發 死 功 病 不 亡 日 移 重 生 及 也 慎 禍 再

其 福 能 日 見凶 術 而 不 見 得 有 凡 人在世 禍 吉 禍 則 X 忌 觸 郟 忌 而 以 不不 見 不 爲 而 吉 能 言 獲 往 則 不 者 福 聞 指 作 觸 福 事 以 忌 Ι. 匿 •; 爲 伎 之 作 而 前 射 禍 不 事之後,不 時 事 達 擇 者 多 積 或 欲 日 禍 遂 擇

之術 巧 民 賢 以 之,不復 歸 愈 惠 之久遠 非 有 驚 不 生 爲,觸 肖 也 古 不 意 法 慎 狐 度、聖 作 莫 人君惜 傷 疑 君 列 問 知 福 能 布 人之至意也 求 故 時 衣 以 分 其官,人 0 利 人君 皆 勉 明, , 驚惑 畏 畏懼 姧書 以 興 時 爲 事 民 愚 信 僞 愛其 了, 工 天 故 暗 文 向 地 世 伎滿 由 身, 之 不 漁 人 書 此 敢 無 富 相 閤 滋 偷 抵 愚 賢 隨 生。 智 犯 聖 信

於天 續 也 禍 心 令衆下 1 卦 也 福 筮 方当凶 道 命 ,從之未 之至,時 聖 長 信 示 德 廢 人 道 舉 不 用 操 存 事 滅 義 專 不 必有 行 於 也 德 天 先 疑。 己。 恶, 時 之 道 死 福 賤 定於義; 明 天 故《 天之道 ,違之未 生之到 命 不 與 也 書》列 窮 能 鬼 9 操 戰 奪。 神 義 ; 命 必 行 七 栗 嶮 同 已 有 也 1 天, 善 恐 定 溢 意 禍 **,** , 懼 恣 共 文 百 天 人 易 天 睢 指 神 決 不 命 然 之 能 載 主 懸 欲 而 以

> 時 夭 天 不 之 折 , 軌 意。 涉 莫 患 由 過 麗 世 此 禍 幽 間 言之, 不 不行 厲 在 逢 觸 道 桀、 福 德 歲 紂 獲 犯 莫 不 喜 月 過 早 明 不 桀、 死 矣 在 紂 幺 擇 妄 H 厲 行 澼 不

也 吉 子 吉祥 家 也 非 失 説 時 一吉 證 逢 ; 人 高 ? H 之, 喜 人之死者, 以 治 大 凶,官位 孔 觸 誠 案古圖 其 尊 産 子 此 以 犯 有 論 貴 日 死 [X] 貧富息耗 死 禍 之, 舉 . [忌也 獨 籍 生 . 高 祟 事 死 命 何 ,仕者安危,千君 論 則 下,位 以 聖 牛 爲 窮 之, 亦 吉日 然 ,壽命 人 有 謂 絶 知 則 何 之 則 禄降 命 禍 也 · 下 富 亦 惜 犯 人之生也 福 長 知 IXI 不言? 升, 人之生未 死 小 貴 短 夫 觸 生 卑 ,各有 在 各 百 忌 萬 賤 不 天。 う精 有 禍 ? 臣 在 以 何 千 差 遠 必 以 遭 X 其 畏 苟 氣 区 近 得 孔 逢 時 育 不 有

❶「傷」,劉盼遂云當作「塲」。

之操 俗 卧 至,命 生 而 夫不能易, 有 非 之疾 濕, 一,大事 病 命 動 (之知 行, 富貴 不 作 握錢 也 病 治 之 也 , 亦 也 所 明矣。 謂 希 在 其 問 自 大事 致 祟不 天。」衆文微言 祟 有 作 致 也 不 事 之。 ,道效也 人之於世 得 由 飽 起 孔子 ; 飯 風 其安居 功 命自 濕 饜 聖 古 0 與 食 人, 絶 不 孔 凶 飲 禍 無 能 謂 齋 至 子云 食 知 福 爲, 奪 精 身, 者 筮 府 有 俗 解 禍 不 命 也 當 禍 福 審 死 9 ; 也 自 愚 風 生 死 0

所 以 能 蟲 氣 也 給 於元, 犯 行 魚 萬物之中 介鱗 之 也 口 夫 腹 物 倮 與物 各有 人有 蟲 非 死  $\equiv$ 作 有 傷 無 死 品 百 窠 知 異。 病 處 生,物 穿穴 慧 六 困 十,人 猶 者 小小 鳥 有 也。 人之有 亦 有 大相 所 巢 有 爲之長。 觸 其受命 終 棲 害, 室 始 東 뾆 宅 或 西 樓 有 於天,禀 行 人 窟 臺 有 捕 徙 也 起 物 有 取

> 品 别 者 曉 日 音,圖不 居, 也? 作,不 其 其 月, 不 物 故也 别 知 而 亦 見 爲賤者設哉 雖 去 鬼 有 • • 其 就 神 好 動 指 惡 作 天 之禍 與人 耳 地 與 之性 血 人 獨 無 乃 脉、 不 加 其 異。 同 人爲貴 於 首 何 游 也, 人,不 其 足、 共 於 性 黨 天 豊 耳 人不 類 加 同 類 目 可 天 地 於 接 禍 能 鼻 而 並 物, 爲 於 禍 曉 口 未 仰 同 其 患 與

刑 大 賤 人 與與 不 刑 鬼 罰 不 神 貴 上 鬼神 大夫, 合其 狀 禍 聖 。 **6** 貴 王. 不 於 而 殃 貴 日 賤 我 者 有 闊 非 所 也 犯,⑥ 所 聖 抵 謂 Ŧ.

<sup>「</sup>齊」、裘錫圭、蔣禮鴻皆云當作「賣」。

<sup>「</sup>雖」,通津本作「惟」。「也」,通津本作「故」,屬下

<sup>「</sup>音」,楊寶忠云乃「意」之殘。

<sup>「</sup>未」,原作「木」,據通津本改。

<sup>「</sup>而曰」,通津本無。

者 獄。 其 赦 汙 忌 到 不 禱 所 起 沉 出 修 負 觸 遷 令至 諱 也。 詣 吏 實 行 先 居 加 徙 縣 而 徙 俗 祖 日 動 爲 也 觸 官 吏 居 哉 沛 旦令至,解 惡 居衰 處 湖 日 天下千 時 葬 剬 歸 寢 羅 人之材 俱 其 未 居 不 罪 於禍 日 罷 禍 繫 宅耗 復 位 死 慎 必  $\square$ 推 民 人不 役 遺 刑 獄 者累屬,葬棺 逢吉 食 名曰 善 也。 飲 其 殃。 法 未必 時 獄 禄,專 械 觸 時 有 民 畫 食 IXI 0 時 事 徑 中 禍 入獄 猶繫罪 未 皆 也 X 调 不 犯 疾 也 出 歸之有 萬 不 必皆 犯 城 節 流 日 觸 病 繫,寧 囚 未 被罪 過 歲 使 不 長 尸 歷 不 用 司 至 所 殺 , 慎 月 邑, 其 必 陽 請 犯 集 空作徒,未 日 知 + 致 時 也 不 舉 有 人 能 之 以 醫 人 1,無爲 失 淺 者 日 不 被 事 解 **\$** 而 室居, 都 千 調 略 求 高 更 未 除 也 罪 事 日 日 萬 和 患 歸 祖 其 吉 不 原 氣 必 解 家 數 夕 始 觸 X 必 之 日 事 不 又 相 項 ? 有 而

> 之殯 哭,哭 不 觸 殺 俱 趙 禍祟者皆不可信用。 滅 羽 牲 更 殃 門,先死 死 軍 攻 居 柩 爲 夫 襄 有重 屠肆 其 使食口 處 ,未必還以 秦所 安, 塗上之暴尸 出 之日 祠 喪。 不 家 襄 坑 祀嫁娶皆擇吉日 多 時,未 安 十人居 於 未 戊己死者,復 禍 無 長 歸 , 未 必 平 噍 必不 忌。 上 之下 信用之者,皆不可 辰 類 朔 必 宅之中,不 與 由 擇 未 不 出 4 戊 此言之,諸 必 舍 時 以 己 户 几 衆 不 往 從 也 有 + 也 6 禱 春 È 隨 萬 動 辰 至 沽 血 衆 塞 钁 一冬不 占 室 忌 也 日 舍 是。 同 錘 0 射 中 不 不 時 8

② 「先祖寢禍」,原作「遣

0

罷

通

津

本

作

麗

禍

先

祖

據

通

津

本

Z

IE

③ 「不禱」,原作「禱不」,據通津本乙正

<sup>「</sup>軍」,原作「雷」,據通津本改。

⑤ 「舍」,通津本作「會」。

四

 $\equiv$ 

令輒 復 非 移,比至百 宅盛即留,衰則避之,及歲 符,不知 占 犯 至百年,能 壽 觸 日: 射事 忌 命已 問 歲 諱 「移徙 者必 月之所致,無負凶忌之所爲 工伎之家,可 避 極。」❸夫如是,人之死生竟自有 則 不 也 年, 夫 將 觸 ]。]夫 死乎? + 能 復 時 人 日 往 不死乎? 如是,●令數問 比 : 徙 「宅有 逢 占射事者 至 則 不 百 吉。」●夫 往 年 破直符, 盛 占 可 衰 .射事 能 必將復日 還 若 工伎之家 不 也 則 如 者 輒 歲 死 來 是 舉家 必 破 平 比 命 復 將 直 ?

### 難歳篇

實 今略實論,令親覽,6揔核是非 書,伐經典之義 定。 俗 是 人險 以 儒 心 ·好 雅 ; 服 信 工 從,工 禁 伎之説,陵儒 龍 伎 4 知 得 ",使世 者 勝 亦 雅 疑 吉 之論 悟 凶之 莫 能

> 乎? 若徙 宅 者皆 皆凶 之意,猶長 太歲 太歲 得 馬,干其吏從,長吏怒之,豈獨 区 徙居觸 南 有 者 北 相 四 也 抵太歲 則 移 徙、起、 禍。 何意 維 觸 道 徙 犯之者而乃責之哉? 假令太歲 吏之心也。 上之人南 亦不 法》 相 也? 名 令太歲 宅嫁 之如者,皆吉。 Ħ 日 抵 歲 : 令太歲惡 娶亦皆避之;其移 太歲之衝 下, 不 在 徙 北 長 禁 甲子,天下之人皆不 抵 負 行 吏在 人徙,惡 太 太 者皆 人 歲 歲 也。 何者? 抱 塗,人行 徙 名 [X] 有 器 乎? 昔文帝 曰 殃。 實 負 載 歲 抵 問 太 物,去 東 破 不 觸 觸 則 歲 太 出 西 故 歲 之 車 與 徙 避 亦

<sup>■「</sup>夫」,原作「大」,據通津本改

<sup>「</sup>逢」,通津本作「來」

<sup>「</sup>壽命已極」,通津本作「泊命壽極」。

<sup>「</sup>令親」,黄暉、《校注》皆云當作「令世觀」。「龍」,通津本作「忌」。黄暉云「禁龍」猶「龍忌」

又不 死,何 可 橋 爲 過 之神行若文帝出乎? 帝怒,以屬廷尉張釋之,釋之當論。 知 文 下走出之人矣。 霸 ,則其行與不行未可 能處,不 帝之車 陵 以知 橋 ,有一人行 非 ·已過 能 觸 處 遇太歲之出 疾 ,則犯與不犯未 方今行道路者,暴 走 逢 則人犯之者,必 而 車 審也 出 駕 也 驚 ? 逃 乘 於 爲 可 輿 橋 移 使太 馬。 知 下 有 徙 病 , 未 者 歲 仆 如 文

之徙 神直 地 如 兀 宫室營 猶干之也。 宜 太歲 維 直 極 又何 相之,如猶抵觸之。 道 南 且太歲之神審 子午南 堡, 北 無體,與 不 犯? 曲 也。 若長吏之南北,行人從 不 折 北 乎? 長 與 陳 長 如 吏 乎 人 太 吏異,若 出 行乎? 相 成歲不 ? 則 舍,行 見,人 從 則 動 如 東 煙 東 則宜 不正 行 雲 安 西 有 西 乎 得 曲 徙 虹 ? 四 有曲 南 若 折。 蜺 而 維 北 東 則 四 直 觸 徙 如 折,不 如 之? 維 經 宜 南 者 西, 徙 天 天 北 有

> 矣。 其 西 之,雖 民,使太歲左右通 當言太歲 亥未之民,何爲 不得南北徙耳。 令神者宜長 也,與青龍 者亦干之。 無從横 令正言在子位,◎觸土之中,直子午者, 有亥,明不專掩北方,極東 不 負鄉 移 在 無異。 徒,亦 譬若. 北方,不當言在 皆 大,饒之數萬 中 不 東邊直 皆中 今時 傷 ,得南北徙,及東西徙,可 得南北徙? 龍 焉 之體 傷。 人 丑巳之地,●西邊直 行,觸 如 丈,令體 不過數千丈。 且. 審 子。 太歲,天 如 繁 H. 西之 其 氣 霧 與 掩 東 亥 蜮 廣,明 北 有 地 别 當 氣 H. 9 如 神 見

<sup>「</sup>堡」,原作「南」,據通津本改。

<sup>「</sup>蜮」,原作「蛄」,據通津本改。

上文「其東有丑」句上。「令正言在子」,楊寶忠云「令」當作「今」,此五字當

<sup>「</sup>之」,原作「立」,據通津本改。

所 徙 則 破 觸 0 歲 H. 在 之 子 位 東 ; 亥 巳 在 未 子 之 西 民 東  $\mathbb{H}$ 亥 西 之民 徙, 忌 東 歲 西

之,亦 之内 宅 部 中。 九 如 地 雒 赤 廣 1 + 縣 宅 長 太 州 邑 有 輒 歲 以 州 雒 在 太 儒 Ŧī. 得 有 九州之内 州。 則 者 南 千 東 歲 經 難 太歲。 有 在 論 自 土之中 里, 南 耳。 對 也 太 曰 : 有 天下 天 此 位,不 歲? 竟合爲 地 言 九 雍、 使天 雖 河 五千里 州 極 九 殆 也。 王 不 以 梁之 者 ,分散 直子午, 州 使 虚 下 南 北 來 九 如 鄒 九州 · ② 竟 北 豫 以 間 州, 紹 焉 鄒 衍 地 徙 在 爲 上 ,青、兖、 州 論 衍 形 在 如 九 民 東 安 帝 猶 之論 之,以 難 東 間 荆 儒 九 河 西 得 抵 審 州、冀 南 者之議, 八 自 土 南 有 觸 則 徐、 + 位 中 北 服 則 假 爲 之。 太 家 楊 **\$** 九 于 歲 天 州 名 周 盡 假 之 下 之 之 直 有 凡 土 ? 公 曰 州 地

> 者之位 令從 皆 午,南 之家 其 不謂 之南 徙 徙 歲 西 須 宅 有 者 位 被 百 處 之射 破 以 數 也 北 西西 禁 步之内,何 何 東 北 ,猶行 害 椎 在 以 千 里 南 徙 宅 破之也 審之? 今從豈能 王者,以不能至王者之都, 土 萬 徙 北 者 有 如 中 億,天 西 抵 徙 途 太 無 也。 里, 觸 者 上 爲 歲 所 東西南 如 如 其 謂之傷 下之 西 用 北 以 東 審立 衝 審 或在人之東 里 至太歲 爲 方之民 何 故 有 民 有 歲 能 一於天 太歲 所 謂 徙 太 北皆逢 在 破 用 者 位 歲 之凶。 子 張 地之際 則 乎 哉? 皆 ; 位 ? 弓 西 從 [X] 不 觸 可或 西 子 夫破 3 徙 自 且. 東 射 猶 者 爲 在 宅 移 自 止 者 破 徙 止 射 移 太 徙 王 人

<sup>0</sup> 可」。 可 則 黄 暉 云 當 作 何 則 楊 寶 云 當 作 則 不

③ 「從」,通津本作「徙」。

有微 丑之位 耳,天下 非 在 寒,水也,水位 神之害。 從魁之輩 天 疾 所 衝 東 衝 暴 衝 南 地 死 立 獨 獨 西 前 抵 殺 之間 方。 常常 敗。 南 X 爲 南北 者宜 N N 破,衝 爲 北 皆 神 俱 案秋 移徙 使太 一天氣 爲 ,工伎家謂之皆天神也。 無生人也。 之方 主 爲 莫過 暴 有 而 相 移 南 太 與爲抵。 衝 則 抵 者 在 歲 冬寒,春 徙 水 如不 北常惡 也 歲 於 抵 安能 雖 午 北 所 時 火 ,盛夏擊折, 非 之 天 避 方, 可 破若 - 若雷 者 衝 氣 地 太 或 爲 相 如必 何 也 也。 夏氣 獨 夏熱者,天下普然, 神 天 歲 破? 上十二 大夏,6子可 迅 亦 以 子 之凶 雷 雖不若太歲,宜 地 以 如 今太歲 不禁?❸ 午 熱,火也,火位 無能 以 相 衝 也 折 東 衝 · 2 猶觸十二 神,●登明、 與 太 抵 木 西 也 則 破 爲 歲 爲 破 常立子 位 相 聲 衝 神 凶 Ш 爲 冬氣 在 音 審 與 如 以 則 其 謂 則 爲 宜 時

冬。6 近於午 不被 正 休。 於太歲矣。 象以治世。 囚之氣 王、 月 震 建 王之 区 相、異 冬夏南北 8 害。 於寅,破於申,從 乾 衝 猶 人或以立 文爲 坤 太歲 死 胎 艮 以 六子,天下正 相之 徙者 离 經 坤 立 没、坤 所 、徙觸 於子,彼 衝 春 載,道爲聖所 可復 囚, 寅申 東北 死、 子 凶乎? 王 位,何 東 道 兑 ·徙 徙,抵艮之下 相 一,伏 北 囚 ,相之如者 衝 徙, 故 信 羲、 位 乾 立 獨 廢、 春 文 明 有 坤 区 挂 審 王 死 坎 艮

<sup>「</sup>或」、孫治讓、孫人和皆云當作「式」

<sup>2 「</sup>者」,原作「有」,據通津本改

<sup>「</sup>時」,黄暉云乃後人妄增

<sup>「</sup>太」,原作「未」,據通津本改。

<sup>「</sup>夏」,原作「見」,據通津本改。

子」,原作「干」,據通津本改。

<sup>「</sup>近」,原作「也」,據通津本改。「徙」,原作「殺」,據通津本改。

實 無 無 有 M M 禍 害 而 太 虚 歲 禁南 不 指午, 北 贵 而 不 - 妄哉 空 日 歲 破 , 午

過 復 殊 害 竟復 而 觸 論之以 也 百三十九爲 月,連月爲時 元,歲猶 而 居 人。 東 位 獨 於天地,天地不害人。人謂百神,百神 謂 而 歲 忌 爲 西 甲,爲之而 ,太歲立子 之立 爲 十二月爲 子,爲 徙。 害 爲 而 太歲之氣,天地之氣也, 統元 ? 無。 有 歲。 一於子 2 神,日月時 且文曰 也。 移 甲 ,结時爲 假令有之,何故害人? 統, 位 復居 日月積 徙 與子 不 歲,四 歲 乎? 時 四 居 鈞 甲,爲移徙時者 甲 有神,統元 千六 者 甲 歲。 聚之名 其 亦復有神乎? 竟妄不 ,爲移 時節竟,陰陽 子不徙」,言甲與 積 百一十七歲 X 歲 分 宜 則 爲 徙 耳 可 復 同 日 何憎 者運之, 日 ·, 何 用 有 月 累 亦宜 不禁 也 神 時 故 於 氣 千五 神 乎 爲 之 有 日 終, 子 莫 甲 復 而 ? 類 爲 神

> 禍於往 能 居不 歲之言,傳世不滅。 不 得 能 時之徙。 時 不 死。 移徙 移 俗 工伎之人見今人之死 徙 心險危,死者不絕,故 不 能 不 觸 歲 不不 觸 則 歲 太 歸 不

四二六

論 衡 卷第二十 四

歲」,原作「數」,據通 津 本

時」, 黄暉 云行。 下 時

2 0

云「得」字行。 不觸」 黄暉 劉 遂皆 云「不」字行。 「不得 暉

# 論衡卷第二十五

術篇

王

充

詰

何? 之有 地之間 以 疾 數 有甲乙乎? 音,姓有五聲,宅不宜其姓 宅居處,人民所重,莫食最急,先田 病 而第之,第定名立,宫商 死 巢,獸之有穴也。 圖宅 夫人之有 也,萬物之貴者耳。 術》曰: 犯 甲乙之神獨 罪 宅 遇 猶 禍。」詰 「宅有八術, 有 謂宅: 田 在 姓 曰 : 也。 民家,不在鳥獸 有甲 其 殊 有宅也,猶 與宅相賊 夫人之在 别。 以六甲 以 乙,巢穴 田 宅 後宅, 飲 有 一之名 則 食, 復 鳥 天 五.

> 乙也? 街 何 人畫 何以 宅,何 何異 巷術以第甲乙。❷ 界相連,不并數 爲 比屬, 吏舍之形 施於宅,不設於田 田 巷 以 田 重 民 不 獨 夜居家 於宅也。 於民? 也? 家 第 立於民家也? 有「不」字。 甲 何 朝夕 民間 Z ? 以 不 異? 田 鄉亭, 制 以 之宅與 可 間 坐市,其 州 入市門曲 何 甲 何 阡 以 州 郡 乙第 殊於宅? 也? 獨第民 數宅之術 數甲 陌 郡 列 鄉亭比 可 縣 居, 實 舍, 以 Z 府廷之内,吏舍 邑 折, 縣 家, ,甲乙之術 制 也。 獨 何 屋 邑 八術, 行 吏之居處 亦有巷術 以 以 甲 相 雜 市 甲 不 市肆 屬 乙之神 亭,數 處 · 乙 數 • 數 比 接 甲 與 户 土

天地開闢有甲乙邪? 後王乃有甲

❶ 「亭」,原脱,據通津本補。

<sup>「</sup>巷術」,通津本作「巷街」。下一「巷術」同。

火,日 + 也? 此 驗之? 寅 負,二、 干 當 皆 居穴 日 日 有 也 Z ? + 以 而 或或 輕 未 加 何 寅 者, 重 甲 在 辰十二,日 時 處, 家 武 日,火 氣 與 存 必 而 如 Z ? 陽 俱 王 有 上官 甲 何等也? 也 或 加 專 天 無 燧 期,兩 事 以 數宅既 地 憂 Z 广。 屋 比 也 甲乙有支干,支干 平心 文辱 理 者吉, 開 不 甲 H 鄉 宅之居 辰 曲 闢 在天爲日,在地 有 日 相 子 且 軍 以 原 本 相 ,火從 直之效,爲支干者 甲 也。 賊 甲 相 日 端 甲 其 有 配 相 Ż, · ② 武 與 當 戰勝,紂 端之日 織狀 街 甲乙, 故 Ż, 賊 子 天 火 事 旗 巷之制 者 甲 專 五行之家 王 無 來。 理 幟 未 N N 與 則上古之 終 比 有 有 甲 相 以 有 子連。 有 爲 以 + 由 Z 曲 望 甲 昧 當 甲 支干 火。 加 邪? 破 此 何 直 子 其 爽 俱 何 時 數 Z 言之, 紂, ? 何以 所 時 用 日 吉 罪 不 之 時 以 H 謂 戰 對 舉 支 日 何 法 亦 加 神 而 巢 X

> 端 於五 言 乙勝 其 將 布 廷 廷 日 H 之日 加 甲 異 五 圖 名 衛 時 負 乙者, 旦 行之象徒當用甲乙決吉凶 方,若王者營衛,常 甲 有十名也 何謂 何 安得 乎? 爲吉凶 一出東方,❸夕人西方,行 乙有位 以 自 甲 不 游負? 按加 從 天 乙爲日之名乎?₫ ? 子 非 地 言 時 端端之日 神 如端端之日 丑. 甲 者,端端之日 也。 亦 Z, 有 居 必言 日 處, 不 名 更 動 各 子 有 也 用 而 而 有 事 不已, 丑. +, 已,6 紨 加 今端端之 部 夫 何 家 甲 也 自 如 署, 更 何 用 與 Z 一説 端 日 是 甲 列 H

① 「支」,孫人和疑行。

② 「乙」,黄暉云當作「子」。

<sup>3</sup> 作「衝 衛」, 通 津本爲雙行小字「中 楊 寶忠云乃「動行」二 行 一字誤 合。 黄 暉 云 朱 校 元 本

⑤ 「於」,黄暉云朱校元本作「則」。

本所生 其手 定正 類 取 武 其姓 若 聲外 定五 義,名賜字子貢,名予 類 則 吞 於天,天得五行之氣爲 於物 ° 有 王 姬 燕 Ħ. ,用名正其字。 爲 内爲 氏。 子 也。 之乎? 音宫商之實。 穀萬物禀氣 Ŧi. 似 以生名爲信,⑤若魯公子友生,文在 發也。 而 ,置名則以信、 爲假,若宋公名杵 「友」也。 音之家,用 2 類 姓 生,則 其 若夏 於父 也? 立名也,以信,以 古者因生以賜 以 吞 姓 也。 類 矣, 以 薏苡 如 口 爲 口 名 德 夫人之有姓 何故 以 調姓名及字,用姓定 子 有 字 其 爲 義、像、假、類 名 本所禀 氏 而 張 姓邪?❶ 立 子我。 像 爲義,若文王爲昌 用 生 歙 日 若孔 字 張 姓 聲有 周 也。 也 則 於天者爲 口 義,以像,以 履 其立 因 姓 名者, 子名丘 歙 展 取 大人綦,3 以 其 苡 今字 外 、聲内外 名 於父 姓 所 П 氏 内 取 生賜 張 則 則 用 也。 姓 爲 同 禀 以 其 展 以 商 歙

> 終,禍 之氏 母 俗 乎。 氏 爲 名取 卜之。」不知者,不知 司 王父字,用 1,有名 馬 姓 五 家姓,然而必卜之者,父母姓 以 姓 氏 音 同 福 義,不 本姓 也。 陶 術 ,吏之氏 無姓 何 氏、 何 在 П 氏 則 字 張 用 ? 田 據 姓 用 **爺調** , 無 口 姓 氏 見 所生, 有 ^ 張歙、外内。 禮 事 也; 而 姓 姓之義 本 **\***: 用? 與 之氏 孟 姓 以 事 相 買 氏 氏 也。 乎 調 古 姓 何居? 妾 , 吏乎 姓 諧 仲氏 者有 也 夫 不 6 則 調宮商之義 轉易失實, 妾 知 用 自 ,王父字 本姓,有 上官氏 必 其 王父字 匈 事、吏、 以 一奴之 有 姓 壽 父 則 命

<sup>● 「</sup>天得」,黄暉云「天」當作「人」。楊寶忠疑「得天」之

②「其」,通津本作「之」。

<sup>「</sup>綦」,通津本作「跡」。

<sup>「</sup>以像」,通津本爲雙行小字,作「以像以假」

<sup>「</sup>生名」,原作「名生」,據通津本改。

<sup>「</sup>姓」,通津本無此字。

族 禮 0 重 取 則《 同 禮 姓 買 故 金河 必 卜之。 故卜之? 姓 徒 用 口 調 諧 姓

徙 均 所 堂 宜 古昌 姓 有 相 由 得 方 何 出 示 南 户 何 以 水也 必 應 不 必有 ? ? 異 有 北 於 宜 乎 如 圖 Ŧi. 分則 ? 當 門。 ? 向 宫 9 北 門 角 言 宅 姓之宅門 失 長 以 向。 商 水 姓 之掩 且. 户 術 五姓之門各有 户 、其宜, 、 吏舍 門 圖 諸 勝 今府 門 亦宜 不言門。 吉 IE 則商 日 火, 地 南 吏之 傳 . 所 凶 不 有 向 然。 貧 廷 火賊 向 者, 金, 商家 宜 之 賤 也。 閶 舍 如堂 向 南 孔 内 則 宜皆 衰 必 居 金, 五 門不 五姓之堂,所 子 方 吏 耗。」 有 户 有 廡 祀之祭, 失位 日 向 火 何以不 五 徵 東 以 舍 . 朝夕 宜 得 也 行 堂。 夫門之 羽 西 貶 連 「誰 其宜 南 , 之 朏 所處, 屬 徴 向 氣 安 當 門 長 如 能 富富 火,北 未 官 吏 門 與 與 門 向 與 不 徴 出 之 門 遷 户 於 堂 向 人 相 不 無 貴 家

> 門,或 火 從 必 何 何 人 之家 何 金 之門,有五行之人。 可 商 氣 南 ? 以 人 中各有五色; 復 ? 色白,吉而 姓 白, 爲 門 之禍若夏 方 不宜 前 南 X 姓 · 決 ? 來 北 方, 或吉,壽 家 有 土人黄。 南 乎 出 五. 不 火也 ? 向坐、南 也 音 長者未必色黄 南 宜 日之熱,四 向 則 ],使火 南 命 人之質 木人青,火人 或 之門,賊 雖 白 或 五色之人, 安官遷 假令商 行 門 爲 短 氣之 步 或長。 北 性 則 方洽浹 乎 亦 向 商 徙 禍 也。 姓 ? 人 門 有 姓 若 口食五· 禀金之性者 俱 凶 赤, 或 五 猶 乎? 火 家,其實 五. 出 曰 五 五 失 而 行 之 延 行之家 水人黑, 南 位 短 凶 燔 人,五 則 者 向 五. 貶 也。 之 音 徑 如 未 音 朏

<sup>●</sup> 上「姓」字,黄暉云當作「如」

必有」,通津本作「未必」。「角」、《注釋》改爲「徵」。

在 方 北 非 南 地 南 之 方 必 方 間 南 方 火 火 川 、是則 或 皆 方 者 方 在 獨 得 猶 有 其 東 位 有 之 火 氣 方 南 水 南 可 四 方 0 也 無 南 或 方 , 金 向 在 無 火 日 門 西 人 有 滿 其 家 之 方 也 天 氣 北 可 何 下 布 猶 無 以 , 在 木乎 謂 水 水 獨 几 位 辨 火 X 方 ? 常 在 ? 几

### 解除篇

肯 懷 爲 謂 如 徑 祀 狀 恨 X 解 哉 去 若 除 世信 解 必 以 若 必 之 將 生 刃 去 祭祀 1懷恨 人相 杖 害 無 如 N 益 謂 人 賓 鬼 謂祭 反 鬼 不 解 客 神 而 如 有 解 除 矣。 祀 如 爲 無 形 無 初 禍 有 必 形 象 禮 損 知 先 有 ; 象 形 爲 必必 先設 如 福 且 象 與 賓 無 ; 恚 人謂 所 煙 生 客 祭 又 雲 然 知 止 設 祀 鬼 同 不 戰 膳 解 生 神 除 能 不 夫 何 食

> 還 圖 逐 人,當驅逐之時, 逐 雲 立故處 亦不 煙 鬼 神集 爲 亦 不 害 止 如 能 不 人 除。 宅 避 欲 殺 人 欲 形 人 隱 既 何 寄 匿 求 不 託 驅 平 可 ? 人 逐 知 家 之 心 如 止 勢 雖 亦 不 則 欲 不 復 殺 口

來,何 然 觀 鬼 即 止 進 逐 之,終食之間 神 也 復 在 則 驅 其 貴 與 前 何 以 士 逐 則 處 生 人之出 卒 禁之? 鬼者 ? 人 士 驅 卒 同 士 欲 逐, 驅 也 有 卒 在 不 不久 暴 之, 則 欲 於觀 立 極 萬 穀 舍 於 守,終 則 民 立 於庭, 之矣。 宅 不 歲 走 並 守, 中 而 觀 爲 鬼 日 則 鷄 却 猶 神 不 舍之, 觀 填 ; 鳥啄之,②主 不去。 驅 萬 離 者 街 士 民 還 卒 滿 不 僅 鬼 有 也 還 却 巷 復 今 能 欲 也 驅 還 使 於 禁 争

- 「氣」,原作「義」,據通津本改
- ❷「鳥」,通津本作「雀」。

四

能 能 鬼 來 賊 狼 虎 不 不 人 應 使 神 神 却 禁。 使 所 狼 驅 之 政 9 爲 乎 M 人 彈 政 去 得 集 來之 都 使 不 則 失 復 而 ,弓弩秦之,**①** 走 鬼 能 爲 與 也 患。 命 也 神 滅 鷄 縱之 命 ; 。 ③ 延 乎 盜 盜 雀等,不 絶 盜賊 ? 賊 賊 則 然 也 之 所 則 0 來 不 攻 至 雖 爲 盛 殺 爲 不 常 城,官軍 殺 至 虎 驅 解 起 驅 終 虎 之 除 狼 世 逐 逐 日 狼 禍 亂 不 去 却 擊 立 驅 不能 止 也 盜 之, 守 鬼 能 虎 ; 神 賊 禁 然 狼 雖 使 除 鷄 不 也 不 之 盜 虎 則 鬼 雀

事 猶 如 操 也 所 見 4 ? 不 杖 鬼 離 病 必 病 信 龃 無 不 人 人 其 鬼 6 戰 以 木 終 戰 区 由 鬭 殊 篤 也。 去,不 鬭 此 也 鬼 見 戰 言 夫 其 猶 鬼 鬭 可 之, 解 驅 之 不 用 除 逐之, 去; 至 解 再 也 所 除 宅主 驅 性 錯 宅 與 且 逐 猛 指 戰 者 夫 鬼 受 剛 解 鬭 所 者 服 除 何 與 無 除 益 鬼 以 病 挺 知 宅 於 神 異 不 劍

> 十二神 何 神 也 中 M 列 之客 + 補 安 客 有 ? 鬼 敢 恨 位 也 + 妄 則 驅 0 集? 亦 逐 十二神之意,安 神 龍 宅 何 無 虎 中 舍之,宅主 飛 去 猶 猛 主 尸 主 神 神 流 有十二 人 ,天之正 X 猛 驅 勇、 能 無 逐 焉 名 神 得 鬼 姦 吉 青 無 也 客 爲 ? X 龍 去 不 飛 + 白 敢 解 如 尸 無 除 闚 流 虎

故 氏 居若 歲 有 終 子 解 事 水 三人 逐 華 爲 之 魍 法 驅 生 魎 逐 緣 而 疫 皆 古 鬼 居 亡 逐 歐 为 疫 隅 之 以 之 居 禮 送 間 江 陳 也 主 水 迎 疫 爲 昔 病 虐 新 顓 鬼 内 頊

復

也

遞

修

本、

通

津

本

作

治

猶」,

通

<sup>0</sup> 疑「射 秦」, 通 之 津 本 作 按 洲 或 \_ 當爲 裘 錫 圭 云 補 當 刊 作 時 迎 刻

盗賊 却 通 津 本 作 一却 盗 賊

如, 通 津 本 作 服

津 本 作

盛 故 盛 求 竭 如 信 來。 夭 在 行 行, 災 亦 祀 壽 禮之 力 好 解 天 祭 德 消 鬼脩祀 也 海 厚事 用 祭祀 除 祀 祭 貴 衰 滅 下之財 不 猶 内 "雖不 祀 之 失 威 世 世 賤 可 在 擾亂 不 也。 福 不 以 一好信 相 祀。 驅 鬼 立 以 皆 爲 得 倣 祭祀 以 求 逐 神之 治 以 逐 有 福 效,故 鬼 百 福 行堯、舜 或 鬼 取 福 興 疫,疫鬼 愚 禍 禄 猶 神 無 福 期 踰 解 道 助 延 並 命; 不 其 鬼 有 人好好 有 不 除 世之壽。 也 期 起, 定。 神, 由 遠 之德, 解 可 愚 之祀 何 操 猶 不 祭祀 雖 除。 以 求 近, 主 利 行 故 故 無 往 去 福 日 ; 心 哉 吉 通 吉 人 天 在 0 案天下人民 逐 夫逐 [X] ; 富 惑,●不顧 凶,皆 命 人 福 世信 人 行 下太平,百 周 疫 家 則 不 不 之 有 之季 桀、 疫 疫之法 翁 王 驗 務 長 在 鬼 有 紂 嫗 者 鬼 況 焉。 神, 鬼, 世 短 衰 自 之 猶 可 口

祭祀之禮,解除之法,衆多非一,且以

謝 蜡 之後 越 猶 如討 知 也。 以 足 功 之 鰄 蜡 人 成 事 於所食之肉旁 萬 以 雌 人,耳 軸 心 食 里 之體也 論之,乃虚妄 作 1 效 像 鰄 數 其 之音,猶 人, 白 畢 快 鬼 内 神 非 賊 意 神, П 知 解 ,普天之下皆爲 也。 人民居土上, 相 2 人 有 喜 謝 地 肌 類 欲 令巫 7,人能. 世 土 夫 謂 也。 不 解 膚 間 神 小 心 能 鬼 繕 人之心, 祝 猶 意 祀足以 知之乎 曉 神 何 名 治 延 相 人 猶 以 人 解 日 宅 以 鑿 似 民 番 驗之? 謝 舍 解 解 況 對 相 之言也 地 ? 風 體 士。 土 殃 大 與 頭頭 着 賊 口 夫人不 神。 禍 祭,一 聚 地 人身也 交耳 爲 足 地之體 夫 會 除 掘 土 相 土 己 胡、 能 而 鬼 去 偶 解 地

<sup>「</sup>愚」,原作「意」,據通津本改。

<sup>「</sup>卜」,原作「十」,據通津本改。

<sup>「</sup>神」,通津本作「形」。

神乎? 主,主 不 相 形 遠 談 土 土 與 出 設 宗 一,不能 違。 偶 猶 尚 人相遠 鬼 人,像 廟 人一分之肉 心 不 失神之實,故知 形 無門,故 事 則 聞 相 無 乎 此 鬼之形, 之,不爲 也。 解 所 ? 解 名 主意,斬 土 今所 況 所 日 也 之禮,立 謂之神。 人 解 解 ),安能 何 人 不 解 宅,不名 像。 能 尺二寸之 者 與 宅 其 解 曉之? 地 之 地 土 非 今作 今 乎 乎 相 土 偶 ? 解 日 ? 似 0 象 人 形像, 木,名之日 土之祭,爲 解 似 神 ; 則 如 則 地 士。 布 荒 如 所 之 地 藉 宅之 與 忽 解 之 耳 禮 9 禮 山 宅 無 耳 口

薄 不 日 昔者吾 也 敬 「子爲 一,憂 也? 中行 德 先 我 使 義 君 寅將 祀 之不 吾 中 8 行 或 亡, 足也。 亡 犧 密 子 牲 召 何 6 不 其 也? 肥 今主 有 太祝 澤 車 祝 也 + 君 欲 ? 乘 簡 有 加 不 對 革 且 罪 日 憂 齊 車 : 其 戒 百 4

> 宜乎? 論 祭祀,中 祝 祀 車 乘 之於祭, 於祟,謂祟 祝,6不敬 祭祀 不憂 之, 飭 爲 有 則 益 賦 行子 義 謂 或 祭 祝 其 於 斂 之薄 未 其 祀 詛 祭 厚 或 上 得 之類 之, 何 未 無 乎 而 罪 ; 敬 也 補 賦 ? 得 畏 , 也。 斂 祝 唯 其 **崇修祀** 論 夫 詛 厚 中 不 患 鬼。 論 巫 不修其 亦 則 行 勝 車 祝 解 將 之不 子 民 萬 身死 禍 除 巫 謗 乃 爲 詛 德 繫 亡 祝 慚。 詛 足 解 禍 國亡,不 不 行 矣。 無 除 也 至, 今世 止 而 力。 君 無 0 豐 歸 荷 益 夫 之 其 信 亦 竟 以 船

口

爲

石

形

,祭門户

可

木

人乎

祝」,原作

祀

據通

津

<sup>■「</sup>土」下,孫人和疑脱「乎」字。

❷ 「似布」,黄暉疑「似」當作「以」。楊寶忠疑「布」

<sup>「</sup>祀」,黄暉云當作「祝」。下一「祀」字同

<sup>「</sup>者」,通津本作「日」。

<sup>「</sup>德」,通津本無此字。

<sup>「</sup>繋」,通津本作「繁」

#### 在 人 不 在 鬼 在 德 不 在 祀 明 矣哉

#### 祀 義 篇

夫天者 不 耳 以 也; 者 人 奉 畢 客,賓客悦, 則 能 何 自 明之? 不 意 必 信其享之,非 盡恩 有 飲 宅舍附地 絶 解 有 世 歆享之有? 體體 食。 意 信 禍 乃能 懃 0 謂 祭祀,以 也 解 今所祭者報 喜 何 圃 死 病 是 之體 與 以 報 已,鬼神 人 食。 己 以 地 審 主 也 有 ; 爲 今所 病 異。 人 使天 執意 其 祭祀 知 列 作 恩 功,則 賓者,❷祭祀之義,主 不 宿著 未 1 祭 鬼 矣。 地 以 者 天 能 - 祟,祟! 必 死 神 有 爲 有 必 歆 天之形 緣 歆享之也。 人 飲 其 列 祭 有 口 享 死 生人爲恩義 修 能 食,猶 宿 祀 得 福 飲 食 祭 之助 人無 修 不 地 食 祀 祀 祭 形 有 也 相 知 ? 宅 何 是 賓 勉 祀 祀

> 乃能 之體 心,猶 里數 有精 雲霧 斛。 祭宜 之郊者 不 報 以 以 飽 神矣。 盡 七八尺,身大四 耳 圜丘之上一 人用意 德矣。 負天地 此 亦 足,多者三 4 食天地, 如 無能 以 無 也。 人之精神 必 食  $\Box$ 謂 蠒栗牛,粢 四四 人食不飽 天 則 天 五量 如 斗。 地 無 地審 天 體 安 「,食斗 何宜 地 天 能 能 之 無 足, 地 飴 飽 飽 體 精 飲 之廣 太 食,獸斗羹, ? 食 則 食? 神 則 羹 怨主 若 氣 天 則夫古 大 不 也 地 過 以 中人 , 若 用 數 萬

矣。 脈 也 今祭天地 Ш 故人食膓 ,猶人之有骨 則 滿 Ш 節 ][[ 即 也 骨 随 9 節 天 水, 與 地 猶 血 而 脈 人 飽 之 大 今 以 有 别 盛 血

3

云當

<sup>0</sup> 者 必」,原爲雙行小字,據 通津 本改爲正文。

<sup>2</sup> 賓」, 通 通 津 津 本作「同」。 本 作 實」。 黄暉 黄暉 云 元本作「義」是。 作「無異」。

祭 宜, 通 津本作「宜 食」。 劉 盼 遂云當作「宜」。

皆屬 之有 猶 是 則 形 户 在 人 之,故復别祭。 中 祭 地 有 血 光 人 矣; 之有 矣 ; 神 體 用 Щ 人之有 人之膚 脈 猶 則 吹 在 目 也。 於 木 也 111 毫 煦、 矣 腹 與 地 人之食已,復食 毛生於體 以 君 君 鳴 吹 肉 社 風 土 ; 精液、 辰 爲 一,土木 人君 重之,故 煦 重之,故 稷 也 伯 祭 當復食 猶 異 = 也 報 地 必 人之有髮,三 雨 神, 腹鳴 重之,故 生 者附 以 雨 也 師 五. 生於 穀 也。 是 復 復别祭。 猶 爲 、雷公、是群 祀 當復 物之功。 人 別祭。 於天 有 祭天地 人之有精 設 地 目 食已 五. 神,是 復 其 與 食 ; 祀 地 井、 髮 别 光 也。 中 祭天 初 必 必 也 祭。 附 矣 更 食 則 萬 竈 以爲 本 以 液 神 食 日 己 天,祭天, 社 民 0 在 爲 也 月 必 當復 室 地 也 稷 骨 生 一,雷 有神 地 有 猶人 以 中 三者 君 設 於 節 神 門 猶 食 霤 風 重 其 天 與

> 之也 爲 報 養? 喜怒之發,由 用 不 不 喜 能 忘先。 福 功 死不 飲 怒 重 亦 食 夫不 力 則 不 敢 則 不敢 五帝、 無 能 不 能 用 無 於腹腸。 信 爲 享則 腹 爲 忘 三王 禍 腸 禍 故 德 不 福 修 未 無 禍 郊宗黄 能 矣。 祭 腹 有 福 神 必 祀 腸 之起, 腹 9 有 則 腸 帝 鬼 不 緣 者 無 神 由 能 帝 生 用 輒 神 審 於喜 喜 嚳 事 能 則 能 之 死 飲 不 歆 食, 能 無 示 享

之, 食, 犯 驗 則 其 也 無 則 不 或 口 實 目 能 日 夫 能 無 也 歆 歆 : 見之; 口 也? 不 歆 用 無 用 氣 用 П 不 以 食 目  $\Box$ 食 則 之, 人祭祀 能 能 則 見之, 食 用 用 亦 也 鼻 無 口 有過 0 歆 用 矣, 則 夫歆 之。 歆 手 不不 口 矣。 能 鼻 能 之 無 擊之。 能 何 與 即 腹 歆 時 飲 以 腸

宗

廟,

己之先

也。

生

存

之時,謹

敬

供

❷ 「享」上,通津本有「散」字。 ● 「復」上,楊寶忠云當有「當」字

<sup>1046</sup> 

今手不能擊,則知口鼻不能歆之也。

之臞 也? 驗 爲 以 人 象鬼之言; 象鬼之言,則象 也 驗乎?」❸日 檝 幼 其鮑之罪歟?』夜姑順 姑, 知則宜自見粢盛之不膏,珪璧之失 何 也 先 時時 在 也 明之? 而 掌 而 問 小 掊之,❶ 或 命當死也。 築 襁葆,不 將 何 難 夜 不 盛 則因以 事 而 姑 知 先問 日 之 珪 夫鬼者,神 於 斃於 : 不 義 不 璧之不中 厲 夫 預 不 神 責讓 膏 宋 者 臣 知焉 夜姑之死,未 湟。❷ 袄象厲 也? 知之效 則 薦 公鮑 也 夜姑 不 鬼 也 引 度 色而 能 之身 此 審是掌之。』 何 杖 罪 鬼,象鬼之形 以 量 也 見 非 而 自予 檝 神 檝 也 對 體 鬼 不 蒭 有 而 也 不 擊 ? 曰:『鮑 出 必 能言 而 犧 疾,祝 Ė, 與之言 先 知,不 之 言 厲 擊 之不 而 知 而 度 鬼擊 故 厲 以 矣。 用 罪 6 犧 , **0** 日 神 身 鬼 檝 手 鬼 歟 肥 H 無 之 之 尚 則 之 夜 擊 牲 先 舉 ? 何 碩

> 不 罰。 身存, 乎? 掌 之。 以賞之乎?3 掊鮑之身矣。 可 ·與 信 祀 人人等。 如 宋國之祀,必時 也 不爲喜者 人有喜怒,鬼 無 如 義 禮 賞罰 而 備 歸之鮑身,6則 夫怒喜 且祭祀 神喜, 身亡。 不與人等, 亦 中體 有 示 肯 不 喜 厲 · 與 備 見 天神 怒。 鬼之 神 人同, 體 則其 厲 以 人不 怒 鬼將 怒, 食 掊 何 見 則 賜 夜 見 爲 體 其 喜 復 主 姑 賞 體 見 怒 以 以 罰 體 者 祭 殺 檝 不 而

且夫歆者,内氣也;言者,出氣也。能

2

壇

」下,通

津本

有「下」字。

<sup>■「</sup>掊」,原作「棓」,據通津本改。下一「掊」字同

③ 「不」,通津本無此字。

<sup>◆「</sup>象鬼」,四庫本無。

<sup>「</sup>也」,通津本作「則」。

<sup>「</sup>而」,原作「自」,據遞修本、通津本改

<sup>「</sup>體」,通津本作「禮」。

<sup>「</sup>天」,通津本作「夫」。「喜」,通津本作「不」。

覺 也 歆 生 與 死 鼻 不 尸 則 口 歆 者 非 與 不 腐 鉗 也。 宜 人 也 則 覺乃 生人 也,安能 鈞 斯 不 言 動 朽 能 也 直 矣 凡 於 開 言 惡 朽 安 胡 通 知之,知乃 能 祭 當人之卧 猶 之矣。」 能 敗 則 之 矣。 胡、 祀 歆 知 不 能 與 滅亡,其 復 者, 之上 食 越 吸 能歆 身不 歆 越 異類 與 ? 口 則 也 能 也 人 鼻 能 不能歆 之矣。 同 今不 身 食之。 置 置 異類 通 呼 知 知 飲 由 不 也。 也 矣 食 能 食 此 與 不 ,故惡之也 之,四 物其旁不 言 殊 言 **^** 生 夫死,長 通 人之死 使 如 禮》 味 之, 人同 其 鼻 知 鬼 也 日 鼽 神 不 死 死 飲 也 能 能 不 之與 則 卧 能 食 人 通 歆 歆 不 爲 知 不 知 不 口

祭,故 食之。 言 其 脩 或 推 難 具 鬼享之祀 己 謹 曰 意 : 絜 以 祭則 粢 況 牲 鬼 難 鬼享之, 肥 神 日 香,人 鬼 「《易》曰 神 何 臨 有 謂 見 知 也 之, ? 必 享 東 意 日 此 飲 鄰

> 也 狀 當 祀之 見享 則 言 鬼 致 鄰 人 事 亦 殺 之 ? 哉 須 其 言東 神 鬼 多 人 謂 牛 故 之禍 物 歆 非 禮 ? 助 不 人 脩 如 不 祭祀 之, 享 有 而 ; 具 自 自 鄰 如 何 非 文 喜 謹 食 如 有 有 牲 多 西 怒 之, 王 ; 禮 絜 無 祭祀 儲 以 大 儲 助 鄰 須 也 礿 與 儲 敬 則 偫 知 福 之 偫 ,若祭見歆之福 人 祭,竭 盡 不 偫 爲 言 少 其 礿 邪 何 儲 而 謹 禍 行 則 福 ? 則 以 西 偫 食, 絜 福 見 人是之。 盡 有 明 鄰 人 必 將 畔 也 多 其敬。 是 夫言 之? 謂 祭 朝 與 以 少 不 鬼 小 夕 紂 人 見 人 也 能 神 福 東 祭 是之, 異 苟 畔 殺 ? 食 夫禮 神 居 非 鄰 多 乃 鬼神 牛祭, 若 爲 處 也 鬼 日 也 不 可 當 饑 何 爲 則 若 不 . 耳 不 食 信 至 飽 祭 不 舉 此 今 如 西

<sup>● 「</sup>至」,黄暉云當作「致」。

壹怒壹喜矣。 壹祭壹否,則神壹饑壹飽。壹饑壹飽,則神

堅信之乎? 鬼 所 則 也, 人之形 生人之服 以 之神貫一尺之衣,其肯喜而 如生人之食,人欲食之,冀鬼饗之。 宜 也 見 所 所 有 • • 鬼非 見之鬼宜 見之鬼 衣服,故 且 廣縱不過一尺若五六寸,以所 ,故其祭祀 病人見鬼,●及卧夢與 鬼神未定,厚禮事之,安得 所衣之神,❸非所衣之神非 爲 如 復 如 審 以 以 偶 死 所 繒製 如 人乎? 人之狀。 製之衣審 人之食。 衣,以 加 則 象生儀 夫如 死 緣 鬼 其 福 人相 有 於 衣之乎? 製 是也,世 飲 福 見長 衣宜 其製 人 所見之 見, 食 祐 乎 其 ? 若 大 衣 祭 而 則 如

## 祭意篇

禘嚳 祭五 禹。 堯。 曰: 禋于六宗,望于山 天子達於庶人。 而 殷 禮 夏后氏 祀,士庶人祭其 有虞氏禘黄帝 郊 人 6王者祭天地,諸 禘 稷,祖文王而宗武 嚳 亦締 而 《尚書》 黄 郊冥,祖 帝 川 先。 而 而 徧 郊 日 郊 宗 侯 契 于 嚳 : 鯀 廟 祭 王。 群 而 肆類 社 Ш 祖 宗 祖 神。」

《禮 稷 111 顓 燔 湯 顓 于上 之 柴 頊 卿 頊 祀,自 於大 周 耐 大 而 帝、 宗 夫

<sup>「</sup>與」,原漫漶不清,據通津本補。「且」,原漫漶不清,據通津本補。

上「上」字,通津太上「戈」

<sup>「</sup>禮」,原作「樹」,據四庫本改。上「非」字,通津本作「或」。

<sup>● 「</sup>神」,原作「臣」,據四庫本改

祀 見 四 禁,祭星 暑 壇 在 埋 恠 方也 其 少牢 祭 也 ,禮之常制 地 物 天 皆 於大 則祭,•亡其地 王 也。 也 Ш 宫 日 林、 昭 也。 神 瘞 雩祭,祭水旱 祭 祭時 埋 川谷、丘 日 於 有 也。 也 大 天 則 折 下 陵 不祭。」 夜 相 者祭 能 祭 也 明, 近 出 地 於坎 祭月 此 雲,爲 百 也 四 皆 神 坎壇 壇 法 也 用 宗祭 風 度 諸 騂 雨 之 祭 侯 幺 寒 犢

井、竈 功 户 萬 義 事 Ш 井、井、 化 出 也 故 鈞,故俱祀之。 物之功 ,王者尊 王 人所: 亦有祭天地 雨 緣 竈、室中 者父事天, 社 潤 生 萬 人 飲 而 報 有 物,六宗居六合之間 食 霤 萬 祭之,故曰 功得賞, 之功 之祀 物 母 中 稷 事 雷, 報 地 門、 鬼 Щ 人所 一六宗。 五. 神 ]1] 户 推 穀,五 有 以 託 功 下 事 社 處。 所 祀 亦祀之。 稷 助 父 報 出 報 母 報 功之 五. 天 人; 門、 者 生 之 地

> 其二 社 州 也 爲 之有天下也,其子 亦 Ш 濟 該 日 周 爲 氏 祝 也 窮 脩 爲 之子 傳 稷,自 祀也 融 桑 蓐 周 棄繼之,故祀 日 其 或 收 棄 熙 子曰 日 日 共 此 % 日 商 柱 實 后 工 其 . 以 及 「炎帝: 2 后 能 爲 氏  $\equiv$ 土 來 熙 土,能 金 少 有 祀 爲 稷 日 祀 爲 以 木 昊有 子 也 社 作火,死 柱 之。」《 玄冥。 爲 自 及 日 能 平 稷。 水 夏 稷, 四 句 顓 九 殖 以 禮 叔 龍 頊 3 世 共 而 土 上 田 百  $\forall$ 氏 日 使 爲 不 祀 正 爲 工 穀 曰 有子 : 重 故 失 氏 竈 之。 重 后 也。 爲 祀 德 之 夏 烈 士。 句 日 E 沙鱼遂 之衰 霸 禹 以 周 有 Ш 芒, 該 此 爲 绺 九 氏 棄 烈

作

❷ 「周棄」,黄暉云當依宋本❶ 「祭」下,四庫本有「之」字。

<sup>2</sup> 周 周 書 棄」, 黄 暉 云 當 依 宋 本 作 傳 或 劉 盼 遂 云 當

<sup>「</sup>徳」,通津本作「職」。

之。 爲 户 后 大 V. 力 可  $\mathbf{E}$ ,或立竈。」社稷、五祀之祭,未有所定,皆 稷 祀: 夫立三祀 命 泰 七 天下水,死 思其德,不 其後 祀 厲 愛鬼 **2** 日 中霤 日 日 絶 神 户 門,曰 司 忘 廢 而 者祭祀之。 命 日 其 日 爲 族 竈 行。 或 功 社 日 厲 門, 也。 中霤 。」《禮》曰 諸 庶 日 侯 曰 中心 門, 自 人立 爲 或 曰 禹 或 日 國 行 愛,故飲 興 行。 門, V. 脩 祀 日 王 Ŧi. 社 公 爲 : 適 祀 一稷,祀 或 或 食 厲 士 群 行 0 愛 立 7 日 姓

以 沂 春 春 日 下 - 祭社 二月,秋 求 雩。 服 風 既 雨 高 乎 皇帝 稷。 秋 成, 雩之禮,爲 舞 水實,一 以 雩 冠 靈星 四 八月,故《論 者 年 詠 Ħ. 之祭,祭水旱 詔 而 六人,童子六七人,浴乎 歲 民 天 歸。」 祈 再 下祭靈 祀 穀 暮 語 雨、 春 蓋 日 星 也 祈 四 重 :「暮春者, 月也 穀 於禮 七 穀 實 也 年 也。 使 舊 周 春 名 天

> 禮 常脩云 福 者 星 名 曰 星 啓蟄而雩。 出 之四月, 不知 不識 反 重 求 東 故 用星。 靈 以 方 本 春 傳 星之祀,到今不絶。 之福 靈星 也。 秋祭,此求春 · 尊 曰 正 禮 : 始 歲二月 廢 春雩之禮廢,秋雩之禮 一何祀; 東方主 也 緣明 也。 龍 不具,故 見 几 審 也 星之名,説 而 其 時 春,表主生物 如 雩。」 也 難 皆有力於物 儒 儒 0 曉 者 者之説, 月 龍 亦不識 名變於 《月令》祭户 不 之 星 日 知。 時 見 6 歲 説,縣 時 存 求 世 龍 獨 故 星 春 求 儒 歲 祭 故 星 故 以 歲 案 始 之 歲 春 官 世 世

<sup>■「</sup>立七」至「公厲」,原爲雙行小字,據通津本改爲正文。

② 「士」,原作「子」,據通津本改。

<sup>「</sup>故飲食愛」,通津本作「之故飲食」

<sup>「</sup>祈穀雨祈穀食」,原爲雙行小字,據通津本改爲正文

<sup>「</sup>用」,通津本作「明」。

<sup>「</sup>表」,通津本作「春」。

<sup>「</sup>此」,通津本作「非」。

所 辰, 雷 伯、雨 故 者 星 穀 非 謂 春 一、祭門 由來。 以 者 秋 或 歲 丽 之祭户 也。 動之, 10 龍 見 星 雩之名 所 神 師、雷公之屬。 其 也 瞻 以 也 ノ, 論 Ш (義,語 星 乃 秋 仰。 四 • 林 ,自若爲 八月將 龍 神者 時 者肯然之乎? JII 各宜 星 水旱,人所忌惡。 不 谷,民 生成,寒暑 也。 空 其 謂 明 人, 生。 風 龍星二月 時 龍 星 所取 以 則秋 也。 星 春 摇之,雨 如 變化。 材用。 写廢, 也。 零 不 實 或 祈穀實。 見, 然 祭 日 群 四方, 秋雩 以潤 門 靈 此 神 日 則 則 星 以 鬼 月 謂 雩 明 興, 秋 氣 星 風 靈 儒 祈 神 星

崇,功 祀 先。 以 勞定國 也 報 凡 立 法 祭 功 化 施 .則 祀 以 通 於 祀之,③能禦大災則 之 勉 民則祀之,以 聖 義 力, 王 有 之 脩 務 先 也。 以 崇 曰 死 是故 恩。 報 勤 心祀之, 功 事 聖王 則 力 祀之, 能 制 勉 曰 捍 祭 恩 修

> 亡義 宗 鬼 凡 虐。 成 賞 報恩祀祖之義 以 水 大 神 廟 此 冥 患 明 均 而 不可 先 功烈 ,緣生事死,人有賞功 文 民 刑 則 殛 勤 王 祖 法 共 死 祀 其官 背,故 施 以義 財 禹 ,己之親 以 之。 文治, 布 顓 能 而 終 帝 於民 脩祭祀,示 水 頊 脩 舜 嚳 也,生時 能 鯀 武 死 能 勤 之功 脩之。 民 王 序 民 湯 賴 以 星 事 供 以 如 其 武 有 黄 辰 而 契 養之道,₫故 生存。 寬 力,故祭報之。 功 養親 帝 以 野 爲 治 去 著 正 死 民 司 民 之道,死 衆 名 鯀 推 徒 而 之災。 百 人 除 勤 而 堯 事 其 有 能 民 洪

4 3

「人有」,原爲雙行小字,

據通津

本改爲正文。

<sup>● 「</sup>雩」上,黄暉云脱「春」字。

<sup>《</sup>御覽》引作「循」。 《御覽》引作「循」。 《御覽》引作「循」之》 「修先」、「脩先」、楊寶忠云「修」、「脩」皆「循」之

<sup>「</sup>勞」,原爲空格,據通津本補。

鬼神 祭爲 先 以 勤 祀 也 也 徐 誰 解 或 子 也 爲 聞 飲 厚 爲乎 過 爲 君 9 埋 之也 其 ,未之許 (劍帶 孔 食 恩 死 不 報 徐 狗 孔 亦 禮 聖人 脩 子 祭 未 背 ?」季子 故負吾心 • 弊 功 與 也 子之畜狗 地 與 於冢 者,其 日 日 先 徐君 之 必有 與。 知 帷 弗 也 丘 : 席 者, 其 不棄, 絶 樹 也 , 毋 侍 好 日 季 雖 鬼 若 人 ,若有 其 用 乎?」遂 死 貧 其 食 子使還, 而 此 疏 將 使 意 恩 御 ,使子貢 爲 「前已心 於 劍。 享之者。 無 食 飲 其 猶 者 祭 猶 埋 禍 君 食 蓋 菜 孔子 Ħ 首 猶 福 季 馬 帶劍於冢樹 季子 謙 羹, :「徐君已 陷 君 齊 子 徐君已死, 於 也 埋之,●日 許之矣。 馬。」 使之祭, 之埋畜 戒 其 退,示 重 帶 ; 瓜 以 何 弊蓋 恩尊 畏 封 祭 劍 當 以 敬 對 於 必 明之? 使 當 延 發 功 狗 死, 不 而 : 然 若 季 齊 冢 可 於 陵 有 音 分殷 也。 去。 棄 吾 空。 以 尚 子 上 如 所 有 樹 季

> 於仙 穀 祭 祭,信其 尚 祀 也。 飲 不 有 無 ,禮之諸 食之。」 6祭 8 食 人, 鬼,不 鬼 用物之 與與 神 有 如 何 人 神 知 況 神 與 異 費 爲 類 猶 不 亦 人同 食、欲 禍 同 也 禮之諸祀 著 可 也 福 篇 毋 食乎? 矣? 經 爲 籍 祀 知 傳 清 地 祭 世 所 也 潔 好道 間 地 0 載 0 論 也 無 淫 祀 之以 飲 學仙者, 賢 神 祀 地 食 鬼 者 非 之 爲 神 猶 亦 所紀, 鬼之 實 清 人 謂 可 絶 死 潔 毋

本

<sup>「</sup>貢」,通津本作「贛」。

<sup>→ 「</sup>徐」,原作「除」,據通津本改 「焉」,原作「馬」,據通津本改

<sup>「</sup>恩」,楊寶忠疑爲「用心」二字誤合

<sup>「</sup>後」下,四庫本有「祭」字。

<sup>「</sup>地」,通津本作「也」。

<sup>「</sup>祀地」,通津本作「祭祀」。

四 四四四

於人哉?❷ 得,得則喜,不得則怒。喜則施恩而爲福, 則雖常祭而 怒則發怒而 食, 即不肯食人之食。不肯食人之食, 一有 人禍福矣。凡人之有喜怒也,有求得與不 食」字。 則無求於人。無求於人,則不能爲 爲 不絕,久廢而不脩,豈能爲福禍 禍。 鬼神無喜怒,一有「其」字。

論衡卷第二十五

「豈能爲」,通津本作「其何」。 異食」,通津本重文,屬下讀。

## 論衡卷第二十六

下

,電號始皇,巡狩至魯,觀孔子宅,乃至

沙

我

衣裳,至沙丘而亡。」其後

秦王兼

并

天

王充

實知篇

則實 卓絶,與賢殊 之知吉凶, 學自知 下不能及,智劣不能料,故謂之賢。 世,有獨見之明, 殊,質同 儒 不問自 者論聖人,以爲前知千歲,後 蓍草 則稱 也 曉 · 稱 獨聽之聰 鈞。 神 故 9 稱 以聖名論之,知聖人 龜 聖則 稱 靈矣。 神 事 矣。 來 則名,不 賢者 若蓍 夫名異 知 才 龜 萬

子,自謂秦始皇,上我之堂,踞我之牀,顛倒孔子將死,遺讖書曰:「不知何一男

之驗也。 也。 後江 亡天下。 知殷宋大夫子氏之世 人言,吹律精思,自知其世,聖人前知 又書曰:「亡秦者胡也。」其後二世胡亥竟 丘 道 都 孔子生不知其父,母匿之,⑤吹 病 相 而 用三者論之,聖人後知 董仲舒,論 崩。 又曰:「董仲舒亂我書。」其 思《春秋》,造著傳 也。 不案圖 萬 書,不 世之效 律 千 記。 歲 聞 自

曰:此虚也。⑤ 案神恠之言,皆在讖

補

四四五

<sup>「</sup>篇」,原脱,據底本目録及通津本補。

<sup>「</sup>草」,原爲空格,據通津本

<sup>「</sup>并」,通津本作「吞」。

<sup>「</sup>之聖」,原爲雙行小字,據通津本改爲正文。

<sup>「</sup>母」上,通津本有「若」字。

<sup>「</sup>此」下,通津本有「皆」字。

四

四

六

之牀 皇,睹 事 也 宅,仲舒 名。 邪 背 記 子氏之世 如 文 記 我之宅」、「亂 論,**●**孔子 此言者,或 月 ,始皇不 ? 到 以 也 所 孔子神 日 孔 高 明 癸 顛 仲舒 表皆效  $\widehat{\mathbf{H}}$ 孔子 子 效 倒 祖 景 讀 漢 一,亦當 而 不 驗。 出 孔 見始皇、 見 至 時 帝 其 後 空見 亦 條 游 子 吹 濞 魯,安 圖 觀 時 我之書」者,後 書 復 五 之衣裳 高 暢 ,至雲夢,望 律 默 之 氣 書。 9 以 始 + 皇 增 則 見 而 勇,則 仲 不 濞 吹 皇、仲舒, 年 得 帝 益 知 增 象,處 舒, 與 律 能 亡秦者 , 乎? 上孔 封 以 之, 益 七 東 之 立 吴王,送之,●拊 或 表 謂 其 類 其 或 南 無 其 祀 時 神 子之堂,踞 之是。 辭,著 始皇三十七 人 矣。 則 有 通 爲 胡 姓 有 虞 恠 但言「將 見始皇 反 其 謀 吹 反 舜於九疑, 或或 及 。 不 案 律 自 者, 反 其 河 其 原 始 後 以 知 漢 主 置 贵 此 孔 皇 見 有 自 殷 知 人 人 年 子 本 始 定 其 後 以 詐 之 主 汝 觀 建 其

> 從江 天 病 會稽 浮江 亦復不可信也。 勞、成山 臨 「不知何一男子」之言,亦未 云始皇至魯? 地 男子」之言不可用, ,崩於沙丘平臺。 浙 之書 乘,旁海 ,祭大禹,立 下 江 濤 觀 因 則皆緣 惡 藉 至之果, 上, 乃 柯 至 行事 石 西 度 前 魯 北 刊 百 梅 既 遂 因 文記 則言 至 未 頌 <u>一</u>十 渚 並 不 古,每有 琅 可 望于 至 海 邪 過 里 知, 董 譎 可 魯 丹 西 從 常 仲 用。「不 其 南 所 陽 自 讖 至 舒 狹 海 言 據 琅 平. 記 之耳 亂 中 至 孔 狀。 邪 何 原 我 ·度,上 還 錢 知 子 津 北 見 非 過 唐 如 何 至 日 而 而

本

本

之」,原作「宋」,據 景 象處」 帝」 原漫漶不清,據通 原 漫 漶 不 清 通 津 據 通 本 津 改 津

<sup>「</sup>此」,原漫漶不清,據通津本補。

<sup>「</sup>從江乘旁」,四庫本作「吴從江乘並渡」。

<sup>「</sup>緣」,原漫漶不清,據通津本補。

端 豫 無 冥 睹 推 聞 冥。 未 類 見 有 原 2 則 始 無 遠 讖 所 見 聞 書 終, 狀 祕 暫 文 見 從 凡 遠 間 卓 聖人 巷 見未然 . 譎 論 怪 見 朝堂 神 禍 空 福 若 • 虚 也 非 由 闇 庸 照 亦 昧 揆 照

所

能

言

葬之 之前 子 類 弱 侯 者 後 後 而 始 以 之微 並 世 世 老,太子弱 孔 亦 皇十 禍 當 一當 見 睹 矣。 能 子 放 見敗 未 象 嘆, 方 也 3 有 有 來 有 年 事 紂 劫 削 非 緣象箸 況 所 作 類 弑 太公、周 弱 猫 亂 嚴 ,次室之女,6倚柱 以 象 之 之 聖 聖 之 由 襄 見禍 箸而 禍 患 兆 也 見 人 見 王 方來 ; 君 也 公俱 龍 母 **箕子譏** 見 太 子,才 周 0 推 夏 干 公 法 公治 婦 者,賢聖 原 太后 之患 見 治 術 人之 往 未 高 魯 之 齊 魯 驗 夢 • 智 然,箕子 極 知 而 以 6 以 周 太 同 明 偶 嘯 處 孝 尚 偶 睹 公 公 者 人 也 來, 文 睹 睹 知 禍 能 平 由 葬 王 ? 老 孔 亂 其 其 事 推 魯 殉

> 邑。」 足 樗 先 未 望 有 子卒,葬于渭南章臺之東, 王 后 里子 知 以 央 吾 葬 天子宫挾 日 其 明 之效,見方 官 於 華 子, 室、夏太后 聖 ,聖人也 范 在 後 陽 西 其 皆 陵, 后 然 我 望 西 如 則 故 與 墓。」 吾 其言。 樗 來 武 夏太 文 ,聖也。 夫, 里子 如非 之 庫 至 王 驗 正 後 葬 后 漢 見 必 聖人,先知見 也 值 壽 百 别 興 天子宫挾其 秦 以 其 長 陵 年 葬 日 昭 推 墓 如 -; 杜 樂 王 旁 以 類 竟 夏 陵 後 宫 + 當 太 此 見 百 年, 如 在 效 方 有 曰 方 后 其 墓 年 其 聖, 樗 來 嚴 萬 言 也 東 爲 東 里 襄

4

<sup>●「</sup>朝」,原作「明」,據通津本改。

②「由」,原作「田」,據通津本改。

③ 「事」、《注釋》改爲「賢」

<sup>「</sup>干」,劉盼遂云當作「肝」。

次」,四庫本作「漆」。下一「次」字同

<sup>「</sup>夢」,黄暉、劉盼遂皆云當作「薨」。

<sup>「</sup>此」,原作「皆」,據通津本改。

秋之時 也 也 所 兆 禍 里子 乎 言談之詭 視 置 敞 子之見 也 見 竟 亦 能 明 洞 萬 如 !」其 萬 類 被 猶 不 聽 家之臺 家 之見 夫 見 韓信葬其 髮 辛 福 0 學 博平王 以 之聰 可 世 ,其後竟 有 而 處 後 卿 辛有之知當 自 今論 善則 知 ; 天子 禍 知 祭 大 百 知,不 不可 明 之事 也 伊 遠 者 夫 年,晉遷 母 有宫臺之兆 ,皆案兆 之,故夫 宫 111 明吉祥之福 相 有萬 圖 先知之見, 推 知之事 日 問 之 挾 亦 與 未 當 自 其 行 會遇 戎,見被髮之兆 精 家 然,無 陸 不不 察跡 曉,古今行 誉 戎。 墓 可 處其 思之,₲雖 不不 渾之戎 高 9 見動 知 ,❸猶韓信之睹 及 昔 推 方來 神怪 悪 敞 學 之 亦 墓 百 辛 地,令其 事 不 見 一旁。 則 原 年, 於伊 作 之事 有 之 者 問 博 事 處 事 大 之變, 知 故 過 ·, 此 未 平 不 M 無 類 也 , 無 ĴΠ 皆 伊 其 能 妖 之墓 之有 思 旁 樗 難 ]]] 之 知 聽 樗 戎 慮 由 春 達 高 里 ; 口

> 之士,不學不成,不 不 可 知之事 萬 心 學問 問 不 知 雖 小 無 故 智 能

性智開 射無 議 言 「方不學 王莽之時 未入小學, 生而 生 事 非 厭 而 難 知之,上也; 知 合 敏 曰 : 知之,不言 ,得文能 者,天下謂之聖人。 勃 人之心 明 而教孔 夫項 達 海 尹 六 託 讀 子, 方 學 藝。 帝徵 誦 學 年 問問 年二十一,無 七 性 而 論 魏 歲 自 方,6 謂 知 義 都 教 知 若 之, 引 牧 也 孔 項 使 夫 Ŧi. 其 淳于倉 子, 託 無 射 經文,文説 次 孔 畫 之 所 所 案 也。」 子 類 師 蟲 師 奏 七 友 也 筴 夫 歲

<sup>「</sup>如」下,黄暉云脱「其言」二字。

<sup>「</sup>宫」,原脱,據四庫本補。

<sup>「</sup>王」,黄暉、劉盼遂皆云當作「土」。

<sup>「</sup>可」,原作「知」,據通津本改。

<sup>「</sup>推」,通津本作「惟」。

<sup>6 「</sup>徵」,原作「欲」,據通津本改。

明 不 學自 達 藝 能 本 無 木 師 學書 自 達 非 得 神 文 能 如 何 讀 此 聖 人 也

使 乎 乎 非 知 也 也 生 不 Ŧi. 時 有 聖 ? ? ? 牛 睹 前 時 所 E 勇 又曰: 性 聽 兆 日 論損 受納 4 弄 後 孔 臣 多 如 聽 察 象, : 生 弑 生 子 聞 安 筆 賁 之墻 雖 也 君 驢 人言矣。 難 益 能 日 不 墨 見 無 育 言 後生可 : 桃 處 見 矣。 矣 有 使 師 西 子 類 知 友 其 辯 生李,李 損 弑 能 ? 兒 性 驗 人立 可知」; 或 益 如 亦 畏, 父, 知 尹方年二十 始 敏 継 易 賜 項 已 却 其 才茂 生産 焉 於 周 託 有 明 念 黑 生 子 墙東 知 如 者 百 七 也 所 梅 白 稱 來 顔 問 歲 耳 世 獨 聖 聖 後 雖 、令之 者 短 淵 受 之 思 此 目 一,其 生, 人 其三 之 一人能 百 矣; 後 尚 始 無 能 孝 世 不 言 出 鄉 爲 開 所 如 + 兀 見 如 有 不 口 知 里 遠 據 焉 之 之 馬 曾 學 今 知 几 歲 雖

> 其農 骨 姓 知 ,髮首陋亡 其 商老少 知 所 無 自 以 從 一、若 知 出 肌 所 也 乎 肉 犯 ? 腐 知 而 絶 溝 無 华 ,使 有 以 死 知 乎 流 ? 壍 詢 非 , 之, 問 非 澤 聖 不 能 有 人 能 無 枯 知 知

也

不

能

知

則

賢

聖

所

共

病

也

牛 聽 果 外。 輒 日 端,不 乎 黑 聲 : 不 能 牛 弟子 難 而 然,是  $\mathbf{E}$ 盡 知 而 日 白 能 能 其 日 知 以 其 盡 黑 色,以 : 知 布 蹄 詹 其 牛 黑 裹 何 者以 是 何 實 也 則 牛 其 聖人之智 坐, 黑 前 ? 蹄 白 何 雖 牛 弟 其 白 不 事 審 也, 詹 子 蹄 其 目 乎 何 侍, 反 蹄。 ? 見 而 事 能 賢 口 白 有 知 不 夫 問,不 者 使 曲 蹄 此 能 牛 術 辯 人 也 牛 知 鳴 數 問 視之, 乎 能 詹 誰 直 尚 於 之, 盡 之 門 見 能 何

<sup>●「</sup>壍」,孫詒讓云當作「澌」。

② 「使」下,孫治讓云脱「聖」字。

異 太 則 有 遥 聽 竟 蹇 其 之 未 翁 能 用 知 世 嘗 仲 史 謂 數 見 4 野。 見 問問 眇 矣。」 御 衍 也 此 見 公之 矣 焉 神 流 鳴 謂 牛 之上 也 日 馬 而 聖 主 或 狌 也 其 目 田 魯 目 亦 一,竟如 見 翁 問 推 御 一,聞 僖 狌 以 間 廣 見 罵之眇。」❸其 何 仲 若 據 張 用 察 日 漢 公二十 其形。 有 至 以 4 術 之 之 良 孔 術 楊 放 何 其 鳴 輒 知之?」 知 任 數 也 子 彼 翁 以 眇 言 能 似 **若** 數 馬 九 之見 0 仲 知 日 放 馬 使衆人聞此言 名之; 婦 介,相 聲 年 之?!日 夫 馬 聽 此復 先 人之形 猶 御 曰 : 相 獣 聽 鳥 知 合 是 聞 介 不 去, 聲 獸 此 其 詹 用 牛 葛 太史公 名 見 信, 「罵 有 之 意 馬 何 Ó 術 生 盧 之日 : 矣。 衆 音, 鳴 術 不 數 往 而 來 介葛 此 其音 聲 視之, 犧 目 朝 與 案 則 轅 則 狌 達 乘 非 眇 相 皆已 察 盧 中 謂 張 孔 視 蹇 云。 舍于 狌 知 \_0 知 聞 神 良 子 色 聽 之 目 馬 所 馬 2

> 詹 不 射 陰 正 則 識 歌 베 ൬ 先 用 事 用 術 何 見 先 見賢 6 術 之 見 者 時 默 數 知 太 數 之 者 黑 聞 識 史 術 聖之名 0 牛 類 見 是則 然 數 用 公 白 於 也 與 不中, 之 而 蹄 思 外 神 巢 物 見 孔 深 矣。 無 居 如 猶 張 子 祕 則 者 以 異 集 此 良 知 詹 方 先 以 謂 類 衆 狌 今 之神 詹 知 何 人 也 觀 之 事 占 狌 風 何 宣 闊 徒 之 射 0 ,穴處者先 彼 室 4 人事 徒, 略 性 事 推 不 之 聞 之工 能 此 以 方 昭 於 寡 圕 知之, 術 以 今占 像。 人 術 所 論 數 知 之 數 據 意 6

4

6 6

人」上,裘錫圭云當有「集」字。

<sup>● 「</sup>去」下,孫人和云脱「數里」二字。

② 「知此馬」,孫人和云三字衍。

馬亦罵之曰眇馬」。 馬亦罵之眇」,楊寶忠云《緯略》引作「曰蹇馬

<sup>「</sup>知」,通津本作「名」。

<sup>「</sup>昭」、《注釋》改爲「野」。

<sup>「</sup>圖像」,通津本作「畫也」。

雨,智明早成,項託、尹方其是也。

褒 數 度。 無 必 見 師 成 能 能 生 言 嚳 月 之也。 家問 稱 所 孔子問之。 之才 未 言計 言其名乎? 稱其 生 云項託 過 師 自言其名 而 難 其 能 也。 實 友 : 云尹方年二十一,是 自 曰 (月數 名, 遍 室學,❸人見其 黄 黄帝 言 有 毁 通 帝 非 黄 七歲,是必十 人 其 不 敗 0 云黄帝、帝嚳生 生 神靈 一才早 帝 帝嚳 名。 學書,是亦 乃謂 然 踰 謂 亦 而 生 不 惡。 神 已二歲在 言, 之效,生知之驗乎 而 未 成 雖 能 不 而 有 神 受 言他 有 世 然 生 幼 亦 聞 歲 靈 神 而 知 俗 而 遊 成 有 見 能 靈之驗,亦 人之名, 者 傳 亦 母 學 母懷之二十 弱 早 云 晚 而能 於 知 ·, ② 豈 顏 且 身中矣。 家習 而 就 就 外 教 之, 淵 三十。 能 言, 孔 年 稱 雖 未 謂 雖 言。 生 子 之 世 是 未 皆 + 得 有 輒 生 是 過 早 亦 就 月 能 帝 而 帝 能

> 託 實 歲 之 顏 升 稱 淵 太 , 尹方之譽, 顔淵之 年三十,不升太 Ш 望 見吴昌 門外 Ш 不 有 類 繫白 也 望吴昌 馬。 門 定 考 項

狌 非 知 知 問 Ŧi. 師 日 聖。 狌 賢 精 帝 之有?」孔子 不 所 思 三王 識 知 人才有 聖之才 謂聖 亦 往 天 子貢 可 皆 鳱 地 者,須學以 爲 高 有 鵲 能 之間,含 人法,何 曰 下, 所 Ħ 知 立 師 . 知 「夫子焉不學, 來, 也。 吾十 物 聖。 必以 日 禀天之性 血 由 所 之 學,學之乃 有 謂 是 學者 以 類, Ŧi. 欲爲 神 聖 者,不 而 無 人 5 志 而 學 人法 性 自 事 乎 亦 知 知 然者 學。 學 知 難 何 也 常常 不 其 而 空

<sup>■「</sup>其月」,原爲雙行小字,據通津本改爲正文。

② 「謂」,通津本作「所謂」

<sup>「</sup>室」,原作「空」,據通津本改

<sup>「</sup>聖」,黄暉云當作「神」。

<sup>「</sup>天」,原作「未」,據通津本改。

步 以 者 矣。 也 妖 類 與 人 也 智多 聖 告人。 人 亦 也 騶 鳥獸 道 異 妖 相 如 口 如 黨 渦 也 則 也 世 以 以 也 間 聖 所 聖 如 聖 則 知 聖 聖 人 與 以 人 僮 所 不 神 爲 同 人 妖 聖 爲 謡 知 能 若 以 業 若 疾 人 同 者 不 神 僮 爲 狌 氣 爲 學 無 矣。 多 賢 謡 若 狌 少異 而 以 者 巫 則 乎 乎 巫 異 不 與 知 遲,賢 與 ? ? 乎 ? 也 能 量 、聖異 可 ? 神 則 則 鬼 謂 者 所 及 夫 類 夫 則 神 則賢之黨 神 才多 其 道 僮 矣 夫 狌 用 而 有 謡 狌 爲 途, 巫 先 聖 之 之 知 巫 巫

之前 人民 也 因 夫 文 ,賢聖所 今之聲 好惡 萬 質之復 事 有 世之後 難 以 共 色, 知 今 知 易 後 而 教之重 也。 曉 無 見 世 以 古 一之聲 賢 古之水火,今之水 異 聖 以 正 也 色也。 所 此 朔 共 而 追 相 歸 知 觀 緣 鳥 思 來。 上古 뾆 損 也 草木, 千 益 歲 火 探 若 相

> 術 聖 聖,是聖 人 校 如 性 知 何 所 見 察 物 數 皆 無 不 遠 以 共 無無 知 達 兆 來 明之? 具 能 者,盡 以 道 世 知 聞 所 非 孔 奇也。 不通 象 也 無 何 2 疑 文 何 ; 以 以 竅 惑 所 知 質 圖 不 以 使聖 異 , 0 賢 不 謂 不普,未足 萬 之 畫 詹何 稱 可 及 於賢 聖 達 物 類 禍 聖 聖 知 (聖共 空坐先 也。 左 之性,畢睹 福 之徒聖,孔子之黨 奇 賢 者 水 不 於 如 之。 賢 火 見 無 以 聖 賢 必 知 之 聖 右 以 論 人 乎 謂 雨 事 輩 共 乏於 也。 ? 亦 偏 之 千 也 可 9 之。 聖,是 不 賢 駮 道 知 所論 聖 如 性 之 能 聖 者 不 見怪 俱 能 彻 要 工共之。 純 賢 知 任 先 亦 明 也 事 也 名 賢 踦 知 聖 用 稱 聖

津本

❷ 「賢聖」,原作「聖聖」,據 ● 「無」,原脱,據通津本補

情實。 知之事 不寢 不可 學之,不能曉 事 不 用 非 聖不能省。 物 無 可 見説 有 可 知 可可 不 有 猶結 知之事 不 知 解也。 ,以思,無益,不 不 實 思而 學問 可知 ,聖人不 不 者,聖賢不能知性,●須任耳 可 其任耳目也, 能 解 ●愚夫能 有 待問 及其 解 孔子曰: 結結 也。 所能 聖人知事 不 也,結有 能 有 可 知之, 及 乃 解 知 不 也。 解。 開精 可 如學也。」天下事有 6 可 也。 「吾嘗終日不食,終夜 事無不可知 不可 知之事,思之輒 解 用不知 不可知之事, 非聖人不 天下之事,世間 見説 ; 見説 不 解 可思 善 也。 及 不 解 能 其 而 能 結 自以 故 解之, 知 解 知, 事 8 問 夫 決 上 上 也。 有 之 不 定 難 結 之

## 知實篇

明之? 之間,不能獨見,非徒空設虚 准況之工也,事 説,衆不見信。 凡論事者,違實不引效驗,則 論聖人不能 有證驗,以效實然。 神 言,●直以才 而 先知,先 雖 甘 何 義 以 智 知 繁

夫子不言,不笑,不取,有諸?」❸對曰:「以孔子問公叔文子於公明賈曰:「信乎:

<sup>「</sup>知性」,黄暉云當作「性知」。

<sup>「</sup>而」下,黄暉、劉盼遂皆云脱「知」宮

<sup>「</sup>見」,劉盼遂云當作「兒」,讀若「倪」。

<sup>「</sup>解」,原作「能」,據四庫本改

<sup>「</sup>聖人」,原脱,據通津本補

<sup>「</sup>非」,原脱,據通津本補

<sup>「</sup>設」,通津本作「説」。

<sup>「</sup>有諸」,四庫本作「乎公明賈」。

見,以 揣 樂然 告者 不 乎 其 人,未有不言不笑者也。 能先 度以 ?」天下之人有 取 后笑, 過 審 知 也。 決然否,心怪 孔 其實,問 子 人不厭 也 夫子 日 : 公明賈,乃 時 其笑; 如 然后言,人不 伯夷 豈 不信, 其 孔子 之廉,不 義然后 然 又不 知 乎? 既 其 取 能 情 不 取 厭 贵 遠 能 其 其 孔 覽 芥 不 如 言 子 於 遥 然 心 厭 ;

附 讓 禽 必 曰 夫子賢乎?」子貢對 哉 亦 尊 聞 : 不知孔子所以 陳 其 夫 神 則 行 子禽問子貢曰: 政。 景公不知孔子 子 人 也 而 温 告 自 求之與? 有 良 語 知之也。 尊 恭 之矣。 行於 儉 聞政,●子貢定 讓 日 聖,子貢 人,人親 然 以 齊景公問 「夫子至於是 抑 : 則 得 「夫子乃 與 之。 孔 之 子 正 附 與? 聞 其實。 温 子 之。 其 聖 政 良 名 貢 郑也, · 贵 子貢 恭 以 日 徒 親 儉 對 子

對子禽言之,聖人不能先知,二也。亦當云「神而自知之,不以人言」。❷以子貢景公云「夫子聖,豈徒賢哉」,則其對子禽,

遭 子、孔子如審 知 而 食。 投 狂 而觸 地 望 夫之刃,犯 聖 則 塗 顔 人 棄 子 之,故遇 有 知見之者,不 狂 飯 炊 不能先知,三也 一夫,投 掇 飯 先 塵 其 而 猛 知,當早易道 食之。 患。 刃 落 虎之牙矣。 敢 而 甑 以 前 候 中, 孔子 孔子 進 ; 欲 澤 以 置之則 圍言之,聖人 望 如 有 匡 違 見 不 猛 人之圍 其害,不 知 虎 不清 見, 厲 則 孔 牙

子畏於匡,顏淵後。孔子曰:「吾以汝

不

能

先

知

四

也

2

以

<sup>0</sup> 正。 孔 子 所 以 聞 原 作 以 聞 政 孔子」, 通 津 本

通津本作「聞」。

未 爲 王 來 人 死 矣。」 必 之時 不 如 加 孔 謂 悖 子 以 先知 見 爲 顔 死 當當 淵 之 知 聖 來 顔 人 淵 乃 不 必 知 能 不 不 先 觸 死; 知, 害

Ŧ.

也

欲見 孔 先 反 遇 知 子 一六也 於路。 ,既往 時 陽 貨 其 欲 亡 以 候 見 也 孔 時 孔 而 子,孔 子 其 往 遇 亡,是勢必 拜 陽虎言之,聖人不 之, 子 遇 不 見 諸 饋 不 塗 欲 孔 孔 見 子 子不 也 豚 能 ;

之,無 問 知 七也 津 焉。 長沮、桀 欲觀隱者之 爲 觀 如 也 孔 溺 子 耦 如 操。」 知 而 不 耕, 津, 知 則孔 而 不 孔 問 子過之, 子先 當 之,是 更 知,當 問問 不 使子 能 論 自 先 者 路 知

之謹 衢。 ,故人以爲 孔子母 人見之者以 死,不 葬 爲 也。 知 葬 其 也,蓋 鄰 父墓, 人 以 鄒 無 殯 曼 所 於 甫之母 合葬 五. 甫 告 殯 之

> 路 之,然后 聖人 不 得 能 合 先 葬 於 知 防 八也。 有 塋 自 在 防 殯 於

門人 古 孔 不 至,孔子問 能先知,九也 不脩墓。」如孔子先知 子不應,三,孔 至,宜 既 得 合 流涕以俟之。 日 雄,孔 何 子 遲 泫 子 也 反, 然 ? 三 曰 當當 流 人 門人 涕 至 先 曰 乃 知 後。 知之, 防 防 墓 吾聞之, 墓崩。」 一崩,比 雨 甚

爲 問 復問 孔子 五. 也。 邪 經 法 ? 爲 雖聖, 孔子 子入太廟,每 有「問 實已 人法。 何 未 何能 故 嘗 知,當: 字。 專 人 孔子 知之? 口 門 廟, 事 授弟子乎?● 復 人從之學,當 日 問。 廟 問 中 以 爲 不 禮 疑 嘗 知 器 人 思 見 故 法 問 實 衆 問 0 不 復 已 多 以 疑 孔 爲 行 知 非 己 問 子 乃 當 知 法 知 以 而

❶「口」,原作「問」,據通津本改。

法 廟 五. 言之,聖人不 經 聖人 復 問 用 爲 心, 人 何 法 能 其 先 獨 不 知 以 + 已 也? 知 也 太 以 廟 孔 復 子 問 人 爲 太 人

身之行 侯惑 説 故 知 往 其 民 行 到 往 食 人 故 實 家 逢 非 無 宜寢 民 閉 於 難 患 論 主 喜 有 主 何 應 在 者曰 讒 則 館 人 知 輕 而 塗 聘 不 勞 無 請 吉 歸 臣,必 子 ? 不 炭 往 犯 周 辱 爲 賓 舍, 泊 惡 之中 絶 知 M 流 周 復 飲 孫 ; 孔 請 不 糧之厄。 難 君子不 不 流 還 食 必必 爲 不 子自 得 置 能 呼 應 庶 民 避 若 頓 教 不 無 聘 用, 幾 不 患 知 爲 呼 喜 親 知 如 欲 爲 以 空 不 賓 恥 由 無 孔 徹 賓之執 其 往 空行 取 名, 勞 用, 此 益 子 饌 頓 家 諸 爲 辱 言之,近 削 之事 先 若 退 故蒙 聖 侯 勞 不 跡 道 己, 計 知 膳 舍 0 思 辱 之辱 曉 不 謗 聘 閔 不 宜 則 賓 行 不 也 其 爲 召 道 知 而 道 履 必 得 如 不 己 實 之 諸 不 濟 不 能 犀 如 不 飲 聞 空

> 賢之 則 避 以 用 夫 道 不 自 子 未 己 一、然後 能 自 見 周 衛 應 也 極 ? 也 聘 或 流 用 故 知 命 日 反 冀得 無 周 死 魯言之, 也 . 不 絶 時 樂正 退 自 兆 休 此 流 兆 也 作《春 活 兆 象 知 言之,聖人不能先知 魯 非 見, 猶 也 象 《雅 效 極 實 何 衛 病 著 驗 知 舍 也 秋 以 也  $\approx$ 然 未 明 不 行 **>**, **2** ; 1 聖 0 自 則 能 頌 死 魯 應 還 心 人 孔 知 》各 應 用 删 聘 人 禱 懷 毉 無 子 ? 聘 定 己 獲 時 望 得 絶 1 以 未 日 麟 未 使 詩 則 3 沮 其 定 : 見 自 天 痊 所 攬 衛 絶 退 自 也 吾 知 下 也 筆 證 知 而 莫 是 自 也 天 魯 定 絶 出出 也 冀 能 謂 死 衛 下 思 也 得 兆 衛 以 用 最 孔 反 何

<sup>「</sup>往」,通津本作「佐」。

絶 春 秋」, 四 原 庫 本作 爲 雙 行 「絶證見」。 小字 據 通 劉 盼 本 遂 改 馬宗 爲 正 霍疑

子,其 與 道 知 龍 至 ? 一於龍 老子言之,聖人不能先知 ,精氣交連,❸何故不 孔 如 物 猶 子 老子 吾 龍 也 日 不 邪 ; : 神 知 0 ! 龍 所 游 其 聖人 從上 者 乘 亦 雲 神,聖 可 · 知 ? 知 爲 下 風 物 綸 上 十二也 事 知 升。 以孔子不 走 亦 也 事 者 神 , 今日 可 神 何 老子 爲 故 見 知 者 網 老 龍 與 口 不

+

应

也

過,宜 滅? 其 弟 無 意欲殺舜。 也 得 如 父母昆弟之言。」虞舜 成 何,宜避不行,若病不爲,何故使父 孔子曰:「孝哉, 以 愈子騫。 殺己之惡,使 虞 舜 當見殺己之情,早 不復見,₫ 瞽叟與 人聞 閔子 象使 聖人 大聖, 非 騫! 舜 不 父 隱 諫 治 能 弟 人不 豫 廪 藏 先 萬 浚 骨 岸 知, 間 世 肉 井, 既 與 之 + 不 於

□畢,不知天之許己與不,乃卜三龜,⑥三龜武王不豫,周公請命,壇墠既設,⑥筴祝

皆古。 兆,兆 更請 爲 頓 命,祕 復 決心定,乃以從事。 如聖人 卜三龜 藏 不見。❸ 先 0 知 知聖 周 天 公當 人 意 不 聖 難 知 以 人不能先 知 天 獨 己 見 故 文 許 卜而 法, 之, 知 合 則 無

不 知,問於晏子。 不跪,晏子跪。 能先知,十五 晏子聘於魯,堂 也 門人 晏子解之,孔子乃曉。 怪 上 不 而 問 趨 於孔子,孔 ,晏子趨 ; 聖 子 授 不 立

●「人」,黄暉云不當有。

「也」,原漫漶不清,據通津本補

2

④「復」,通津本作「豫」。「見」下,黄③「精」,原爲墨丁,據通津本補。

暉

云當

有「言之」二

字。

⑤ 「請命壇墠」,原漫漶不清,據通津本補。

⑥ 「龜」,原脱,據通津本補。

「復」,原爲空格,據通津本補

「見」,原爲空格,據通津本補。

四五七

也 周 知 者 且. 曰 一言周 有 公之過 有 而 不能 過 諸 使之與?」曰:「不 陳 聖 ? 三 曰 與 賈 人。」「 公之聖 ?! 日 先知,十六也 也,不 問 於 使 : 「然。」「周 孟 一,處 亦 管 子 周 宜 其 叔 乎? 公,弟 日 下 監 知 不 公知 殷 周 也 也 管 能 孟 」。」「然 一子,實· , 公 知管 其 叔 管叔,兄也。 何 畔 畔 叔之畔。 而 人 事 則 也 使,不 也 之人 聖人 ?

微 倫 之今睹 巧 類 也 時 中 等 思思 商 意 子 故 耳 罪 孔 而 慮 · 貢 而 貨 Ŧ 子 子 善 億數中 洞 得 殖 日 目 載 貢 意 之。 達 多 非 善 , 材 所 廣 有 賜 富 居 之 其 謂 見 達 智 不 類 積 比 見 智 而 視 兼 受命 也。 陶 變 如 多 意 之明 偹 朱。 名 淵 記 貴 , 聖 而 物 海 賤 疆 由 人 貨 然 知 之 力不 微 博 據 殖 則 人不 孔 期 學 象兆 見 焉 聖 子 倦, 較 而 可 見 數 X 億 若 原原 識 知 超 先 得 竅 則 之。 之 物 踰 睹 揆 其 知 屢

> 談 遭 狀 而 而 事 先知 與與 卓 也 絶 覩 鬼 與與 物 ? 使 神 與 聖 人卓 言, 人 無異,差賢 達 知天 異。 視 遠 上 今耳 見 地 目 下 洞 等 之 聞 聽 事 爾 見 潛 乃 與 聞 何 以 口 與 無 謂 謂 天 神 地 神

仲 必 聖 發 桓 齊 差 是 聞 公怪之,問 小 人 桓 曰 也。」 大之 已。」乃令賓 於 夫 公 「子言伐莒 聖 或 與 少 稱 猶 管 其 頃 賢 2 仲 管 故 。 當 非 也,人之殊 謀 仲 何 延 絶 伐 那?! 東郭 也 日 殊之名 而 莒, ? 上之, 牙至 與 謀 對 管 者 仲 未 也 日: 仲 謂 分級 發 甫 之聖 管仲 日 何 謀 而 然。」管仲 圃 以 伐 聞 或 <u>\f}</u> 明 則 苔, 於 必 或 管 此 有

文。

❷「賢」,原作「矣」,據通津本改。 ● 「兼偹」,原爲雙行小字,據通津本改爲正

牙知之審,是與聖人同 東郭牙,云「此必是已」,謂 謂 管仲知 必是已」,謂 不 舉臂而 上智之人也,其别物審事矣,愛云「國必有聖 者,兵革之色。 仲 人」者,至誠 臣聞 臣 服 或 聞 派者,其 愁然清净者,衰絰之色; 無爲言聖也 必 我不伐莒,●子何故言伐莒?」 君子 君 我 時 指 有 子 無 聖人」,是謂聖 不言伐莒,子何以 善謀,小人善意。 所當 唯莒乎? 有三色: 驩然喜樂者, 鍾 謂 東 + 或 郭 二聖之黨,當云「 君 又 必有· 牙聖 苔 П 謀未發 垂不險,所言莒也 也。 也。 臣 也 也 故言之。」 夫管仲, 臣 人 賢者聖 東郭牙至,云「此 而 如賢 先 意之?」對 竊虞國 臣 怫然充滿 聞 知 竊意之。 於國 與聖絶 或 也 也。 必 小諸 對 有 管 鼓之 及 手足 H 輩 仲 郭 見 賢 侯 君 管

有見淳于髠於梁惠王者,③再見之,

客

聖,則髡聖人 胸 人雖 來,人 知 終 遠與音也,雖 後來,人有獻 在音, 曰 : 淳 有 嗟乎 臆之中,藏 得 于 無言也。 何 西 屏 生,言管、晏不及。 也。 以 有 ! 吾是以默然。」客具報。 左右,私 過 獻 也 淳 寡 髠之知 龍 1 惠 于生誠 也。 匿 湯、 謳 人未足爲 馬 吾前 王怪之,以讓 不見, 髠能 心在彼。」夫 者,未及試,亦 者, 禹之察,不 如 惠王 寡 聖 以髠等非聖, 見王志在 人也。 人 也? 言 及 未 知 見 邪 能過 及 客曰:「子之稱 髠之見惠 之。 ? 觀 寡 遠,後見王志 前 視 會 王大駭 色以窺心, 人,寡 會生 生至。 淳于生之 以 也。 則聖人之 客 髠等爲 謂 志 王 E 至。 寡 在

<sup>「</sup>不」下,黄暉云當有「言」字。

<sup>「</sup>審事」,黄暉云二字當倒。

<sup>「</sup>有」,原塗抹不清,今從錢批及通津本作「有」。

<sup>「</sup>髡曰」上,四庫本有「髡」字。

皆有因緣以准的之。

將 當 孫 爲 也 御 原 日 見。 臣 出 理 ; 史 符 衛不來。」及諸侯 君 趙堯之爲御史大夫,方與公睹其狀也 大 睹狀,處著方來,有以 ,案律曆以 璽御史, ,孝文皇帝 楚 後黄龍 靈 夫。 之 王 史 然 會 趙 趙 見成紀。 諸 時 處之也 則 堯 人 侯, 上 四 且 方 書言漢土德,其符 會, 與 代 或 鄭 公 然則 君 不 四 子 位 謂 至, 審之也。 或 産 公孫 御 果 日 子 其 史 不 産 後 大 臣 至。 「魯、 原 魯 堯 夫 知 其 黄 果 黄 人公 周 趙堯 邾 龍 龍 理 爲 昌

神怪 意 能 也。 能 之號; 非 先知 聖賢 故 聖 賢之知, ; 名 人 其 神者 知 號 空 先 不 相 知 知 踰 眇茫恍 貿 也 事 易 故 一,任 神 宜 用 怪 驗 惚 故 術 思 與 矣。 無 夫 用 相 聖 賢 數 形之實。 出 賢 ~,或善 聖 聖賢之才, 人; 者 殊 遭 道 道 商 實 事 異 德 而 異 路 皆 無 巧

> 子 子 知 故 質 同 · 貢、 · 貢 謂 或 不 而 名號 、東郭牙之 聖者 得 情 東郭之徒 子 同 殊,未 ; 不 · 貢 實 神 善 鈞 必 亦 徒 意 神 才 效 聖 也 以 者 不 相 也 得 不 得 懸 與子 貨 聖。 絶 殊 夫 利 智相 如是,聖賢之實 貢、東郭 ,聖人之先 東 聖 郭牙善意以 神 兼 號 倍 同 不 也 知 等 則

聖」, 治行厲 者,以 多能 其多 知 而 天 志 聖 命 能 太宰 於學,三十 也。」將者,且 爲 ,六十而 操, 可 也 孔子聖未 !! 問 爲 操 於子 之故 行 耳 前 未 貢 貢 也。 順 就 曰 : 立 立 也。 曰 : 。」從 也 四 孔 則 不言已聖,言且 故 + 夫子 子 謂 知 夫聖若 天縱之將聖, 且. 天 而 日 賢。 命 聖 不 惑,五 至 者 一爲賢 吾 今言「且 耳 與 + ? 順 矣,② 有 + 又 聖 學 而 Ŧi. 何

2

聖」上,黄暉疑脱

「爲」字。

<sup>● 「</sup>聖賢」,通津本作「賢聖」。下一「聖賢」同

子貢答太宰時,殆三十、 未 就 能 知 知 明,成聖之驗也。 天 命 至 耳 順 也, 未 則 四十之時 Ŧi. 謂之「且」矣。 十、六十之時 也 當

是。❷ 易聖 焉 堯之 王聖 詘 田 時 之 詘 聞 對 學? 乎? ,敢問王 」,●未必能 知 知 謂之易。 日 魏 言「臣之所學」,蓋其實也 先生之議 一臣、 舜 昭 舜 王 也。 也 田 而 問 之所學 朏 爲之安能 亦其堯乎?」夫聖 如卓與人殊,禀天性 今 詘· 待 於 成。 日 日 其 田 : 『爲聖易』,有之乎?」 未 有 詘 「未有・ 也。」昭 田詘之言爲易,未必能 有 功 日 成? 功 而 : 後 功而 王曰:「然則 寡 而 田 知 人 王 詘之言「爲 知 其 可學爲,故 在 問 聖 而自 其聖者 東宫 詘 者 先 若 市 之 田

孔子曰:「聖則吾不能。我學不饜,而教不智共之。子貢問於孔子:「夫子聖矣乎?」賢可學爲?❸ 勞佚殊,故賢聖之號,仁

聖人 事非 非其 子張 仁也。 體 也。 頗 倦。」子貢曰:「學不饜者,智也; 智之人可謂聖矣。 有 而 可以 民 可勉 微。」 得 可 君,何使 而 以 聖 仁且智,夫子既聖矣。」由此言之,仁 不 不 速 使,治 成 仕 人 具,或備 六子在 則 也。 之一體 則 速,孔子 非 仕, 則進, 民, 孟子又曰:「非 其 有 可 世 冉 孟子曰:「子夏、子游、 治 也。 而 以 · 皆有聖 亂 亦 牛、 不明,然皆 已 則退 進 皆古之聖人也。」 則 閔 己, 亂 伯 子騫、顔淵 亦 其 人之才,或 教不倦者, 可 夷 進, 君 稱 以 也 聖人。 示 久 伊 則 尹 具 何

<sup>「</sup>易聖」,黄暉、劉盼遂皆云當作「聖易」。

❷ 「未必能成」至「能是」之「能」字行。 成」下十字。劉盼遂云「能成」至「必能」十一字行

③ 「賢」下,黄暉云當有「聖」字。

<sup>「</sup>子」,原作「至」,據通津本改。

又曰:「聖人,百世之師也,伯夷、柳下惠是也。故聞伯夷之風者,薄夫敦,鄙夫寬。奮志,聞柳下惠之風者,薄夫敦,鄙夫寬。奮手里而若是乎! 而況親爲之乎!」●夫伊丹、伯夷、柳下惠不及孔子,而孟子皆曰「聖尸、伯夷、柳下惠不及孔子,而孟子皆曰「聖一十里而若是乎! 而況親爲之乎!」●夫伊三。以予觀夫子,●賢於堯、舜遠矣。」孔子曰:「以予觀夫子,●賢於堯、舜遠矣。」孔子人,故其名稱相貿易也。

論衡卷第二十六

「觀」下,四庫本有「於」字。「爲」,通津本作「炙」。

# 論衡卷第二十七

麗

,

面

色稱媚

不憎而

善生

,恩澤洋

溢

過

無

廷

逆之郄,

則

無

斥

退之

患。

或

骨

體

嫺

度,

未

可

謂

賢

賢篇

定

賢,此言妄也 人 且. 不能. 聖人 難 知賢,安能 知 ,賢者比 知賢 何 知 用 聖乎 於聖 ? ? 一人爲 知之. 世 如 易 人 何 、雖言 知。 ? 知 世

貴者天命

也。

命富

貴,不爲賢;

命貧賤,不

以

仕宦得

高

官身富貴爲賢

乎?

則

富

肖。

必以

富

貴

較賢不肖,是則仕

宦

以

臣 一,佞 以 以 倖之徒是也 事 命 君 也 調 合 寡 過 准 爲 主 賢 而 乎? 説 適 夫 時 順 而 阿 行, 之

充

王

憎 或德 虞舜 意。 直 求 不得 且 見之人所知者舉多 廣 善 不 而 是也 毁之。 交多徒,求索衆心者,人愛而稱之, 齊 容鄉黨,志潔 高 以 察 威 朝 惡 由 而 王 廷 舉 此言之,選舉多少,未可 於 故名生多於知謝 以 選 堯求則咨於鯀 之少,或才下而 多少之間,時 毁 舉皆歸善爲賢乎? 封 不 幽 即 交非 墨大夫 隱 人 徒,失衆心者,人 共 得善惡之實矣。 所 薦 **→** 毀譽失於衆 以以 工、四嶽 不 之多。 識者薦少, 譽烹阿 以 知 則 實。 。 **9** 己 夫著 明 大

「嫺」,原作「蘭」,據通津本改。

- 「四」,原作「則」,據四庫本改。
- 「實」,黄暉云當作「賢」。
- 「知」、孫人和云當作「和」。

之。 也。 子貢 夫。 有 미 未可 賢 也 一夫如 問 善 即 也。」「 不 人 日 黑 如 稱之、惡人毀之、毀 是 有 稱 鄉 鄉 鄉 功 人之善者好之,其不善 人皆惡之,何如?」曰:「未 譽多 而 人 皆好之,何 無 譽 而 小大皆言善者,非 问 無 如? 譽者半, 效 而 孔 有 子 名 乃 者 也 賢 惡 口

者 也 夫 善 者 如 賢 也 是 以 一人眩 孔 善 毁 人 此 子 所 惑無 之言 人者惡 稱 惡 别 口 也 人 也 以 所 知 , 毁, 或 賢 時 可 稱 不 以 者 知 知 惡 譽 賢 此 而 乎 毁 人 ?

喜。

一者皆

自

有

所

欲

爲

於

他

而

僞

誘

屬

其

踐

欲

雪會稽之恥,拊

循

其民

弔

死

問

病

而

民

貴 將 孟 也 則 嘗 而 夫 軍 衆 爲 以 人 衛 平 利 愛 衆 人 青 -原、春. 衆 而 及 所 或 稱 所 霍 附 好士 申 之, 歸 歸 去 附 者 病 食 下 則 門 客 也 賓 客 蟻 • 數 無 折 客 附 千 亦 雲 而 節 客, 廣 合 歸 稱 俟賢。 之矣。 交 者 爲賢 稱 多 爲 爲 徒 君。 賢 名 信 之人 或 乎 將。 陵、 大 尊 ?

子 何 爲 則 好 故 欲 賓 以 士 虚 夫 專 效 恩 以 ,不能爲輕 客之會,在 得 之? 拊 齊政,以大 居位治人,得民 民 循 心 其民,民之 者,與彼 齊 重 好 田 、斗貸 下 成 ,則衆不 子、越 ·之君 得 欲得 小小 心 士 歌 歸 斗 王 利 意 即 詠 收 句 而 害 者 喜 之賢 之爲賢 士 踐 而 無 不 是 心 民 以 樂矣。 附 悦 也 異 也。 乎 或 也 ? 成 句

0

鳴

而

鷄

皆

和之,關

即

闦

而

孟

嘗

得

出

3

V

關

鷄

未

鳴

而

關

不

盟

下

坐

賤

客

鼓

臂

爲

鷄

民

誠

心

不

加

而

民

亦

説

孟

嘗

君

夜

出

秦

<sup>「</sup>也」,通津本作「或」,屬下讀。

② 「心」,通津本無此字。

<sup>3</sup> 且下有「夫牛馬 和之驗 關 即 一至 未足以効同類 得 出 以 楊 同 寶忠云《 類 也」二十八字。 相 應 而 類 鷄 聚 影引 亦 作「乃 以 殊 得 音 相 出 合 關

雲雨 聖亦 鷄 火 旧 氣 口 五. 口 謂 馬 取 宜 以 石 可 賢 能 以 刀 僞 蓋 五. 以 僞 動 夫 劔 恩 亦 月 精 況徒得人心,民謂之賢,❸ 陽 聲感, 氣 動 有 恒 盛 神 燧 於 以 銅 夏 則 天。 刀 鉤 也。 鑄 而 天 則人 劔 之 以 人 亦 若 屬 夫 鉤 爲 用 可 董 亦 如 2 能 器 陽 巧 可 仲 是,應天之治 取 切 乃 燧 詐 舒 以 火 磨 取 信 應 能 僞 於 以 火 恩 得 也 土 嚮 日 於 如 龍 火。 動 恒, 恒 天 日 何 之 動 也 尚 亦 ? 能 非 今 消 致 文 賢 得 練 天 人 未 致

早爲 著 陽 恩 於 不 何 肖 説 可 和 以 音 見 殿 遭 而 爲 以 也 效 其 居 功 下 五 以 矣。 賢不 效 職 安 陰 音 ? 道 陽 有 , 非 肖 如 不 爲 成 和 鼓 以 功 計 和 功 則 人 不 百 效 者 見效爲賢乎? 堯 和 民 姓 雖 謂 附 0 以 效没 聖 安 事 洪水 之, 師 者 逢 也 無 時時 不 其 則 當 身爲 得 章 危 人民 黜 於 也 之者 五. 鼓 夫居 湯 如 可 時 服 無 以 以 以 和 大 陰 僞 職 功

> 之縱 效賢, 戰 成 功 則 章 服 功謂 其 蕭 道 非 狗 人 道 師 猶 何爲賞首。 之不 之賢 也 爲 不 也。 狗 功 親 也 肖 本 狗 0 是則 ; 也 身 水 蕭 功 無當 獲 4 何 何 爲 蕭 禽 持 則 高 道 何 於五 重,其 ? 祖 效 無 功 得 歸 功。 高 一采,五 據 天 於 猶 祖 功 下 功 人 人 論 謂 賞 采 也 賞 功 之賢 不 非 群 群 EK 水 口 必 臣 獵 臣 以 據 之 者 是 力 不

亂 失其 劇 猶 醫 治 術 夫聖賢 猶 則 吏, 無 事 方, 之治 藥 廢 猶 毚 譬 世 教 微 猶 也 也 不 醫 有 愈。 一之治 術 方 得 施 夫 病 方 而 其 也 藥 猶 術 行 術 有 則 方 功 病 術 成 設 篤 猶

作

偃

月

鉤

<sup>2</sup> 0 爲」, 恒 銅 鉤 通 津 楊寶忠云當 本 作

<sup>3</sup> 民」, 通 津 本 作 即

<sup>4</sup> 字衍 人之」,黄 暉 云「人」下當 有 一謂 一字。 寶 忠云「之」

於 是 置 時 術 舜 逆 術,❷ 工 不 也。 必 醫 命 或 功 而 事 之 太 待 謂 然 能 失 猶 賢於不 施 時 未 窮 教 守 後 詔 類 后 治國 愈 壽 以 時 成 從 百 術 功終 必 8 者 功 I 也 病 致 盡 而 惠 與 教 時 能 皆 成 須 安。 無 不 不 使 東 於 從 方 軍 功 射 故 術 治 賢 事 能 效 <u>V</u> 從 郡 不 用 .發 而 立 夫治 御 以 或 者; 良 <del>V</del> 人 立 董 爲 都 亂 無 之巧 者。● と醫能 立 功 術 也。 民 仲 猶 醫者 尉 止 驗 或 亦 效 , 功,亦有 人 騷 舒 事 矣。 技,百工之人,皆以 命當 之 有 4 藥 驗 治 能 趙 受《春秋》,高 動,歲惡,盜 成 偶 人,或 時 未 因 行 可 人 也 得 然 故 死 當 以 吾 見。 當死之人命, 時 而 時 其 而 矣,扁 時 自 壽 病 丘 以 謂 得 當 方 治 當 安, 愈 夫治 壽 文 王之賢,不 有 時 自 遭 或 亂 一之吏, 賊 王 功 功 鵲 亂 而 雖 才 也, 曉 治 不 不不 者 或 行 · 雖 功 無 武 通 其 病 息。 百百 堯、 方 成 術 明 帝 法 能 有 如 未 術 之

> 賢 東郡 勢,任 岸 都 復 夫 不 兵,甚不稱在 以 上 是者。 以 召爲 尉 賜 爲 則 壽 適 不 天 壽 壽 歲 四千石之重 當當 知 光禄 王. F 王 恶, 王 一之賢 復亂 壽 才高. 無 書 棄 王 雙, 盜 大夫,常 一前 日 而 智深 6 不 賊 治 時 6 不 得 而 不 海 一,而 東 , 何 子 選 壽 治東 内 郡 息 通 也 居 在 也? 盜 王之治偶逢其 寡 明 不 0 左 朕 賊 郡 人 能 多 恐 右, 浮 前 民 之 見 壽 立 必 船 至 時 術 騷 論 功, 王 世 然其 連 行 動 邪 一謝言 事 輻 多 必 + 攻 ? 説 湊 不 如 以 時 爲 取 餘 議 難 並 壽 亡 能 也 城之 東 於 功 禁。 至 ? 觀 將 禁 王 郡 庫 無

或

<sup>2</sup> 3 有」, 施 通 通 原 津本 津 作 本 病 作 作 用 用 據 通

與」, 通 津 本 作 爲」。

無 通 津 本 作 少。

亡 將」, 四 庫本作「將

寒,不 律 谷 功 不 温 功之類,有若 肖 寒 不 類 燕 0 無 可 谷 夫 生 而 以 以 不 更温 和 五. 論者以 種 效賢 能 陰 穀。 黍 ; 陽 鄒衍吹律之法。 黍 失其 , 一也 當 黍 無 鄒 穀 生 以 功不察其賢。 數 育生。 衍 道 豐 也 吹 德 熟, , 賢聖有 律 至 推 到 致 誠 此 氣, 故 然而 今名之日 以 不 得 燕有 既 況 治。 其 寒 諸 鄒 術 谷 更 衍 有 也 此 爲 氣 成 吹 黍

烈士 醫 秦所 之計 勢貫 軻 猶 生 功 稱 致 夏 賞 本欲 不 之功不立,藥囊提 無 擒 Ш 秦王賜 人之舉事 且 成 者,意至 當荆 不 荆 以 刼 軻 稱 藥 無 秦 ,或意 軻 其 囊 且. 醫 勢 王 之逐 義 提 金 夏 盛 生 荆 至 秦 無 也 致 秦 軻,既 刺 百 王 而 且 於 王 客,益 功不成 鎰 不 天 是 燕, 邂 秦 秦 下 矣。 以 而 夫 爲 王 於救 之 無 天 環 逅 事 士 下名軻 荆 且 秦所 柱 不 無 不 主,②然 軻 不 偶 而 以 見 7 擒 走 荆 爲 爲 秦 效 而

> 爲 計 也; 陰計, 始皇誤 義 之,愚者罰之。 不賞其志。 其 畫 有餘,效不足,志巨大 伍 事 不 是 子 . 得 中 則 胥鞭笞平王尸 是功 有其 副 豫 志善不效成功,義 車 不可 讓 ,不足記 必謀 勢 拔 而 以效賢,三也 劍 無 功 斬 ,不足 其 不 也。三者道 襄 而 功 察 子 功 志 懷其 載也 之衣 細 論 至 小 不 計 陽 ; 地 謀 不 張 智者 而 效 不 就 不得 足 良 不 便, 事 椎 識 賞 存

名 如 舜有瞽瞍,参有曾皙,孝立名成,衆人稱之。 之人,有父兄者也,父兄不慈, 無 無 父兄,父兄慈 以孝於父、弟於兄爲賢 所 見矣。 忠 於 良,章顯之效、❸ 君者,亦 乎? 與 孝弟 此 則 同 孝弟之 夫孝 乃章。 龍 弟

<sup>「</sup>聖有」,原作「有聖」,據通津本乙正

<sup>「</sup>益」上,黄暉云疑脱「無」字。

<sup>「</sup>章」,通津本作雙行小字「無章」,蓋後刻而改者。

患乎? 忠 也; 見用 詹日 奚送焉? 難 不 子之對,以 不死,出亡不 也 故 月 忠 逢、 危 有 應科 臣 一出命 集, 立 ,若何?」對 之光,忠 闇 國之禍,不 比 諫 其 者 唐 ,臣奚死焉? 干 ②列 矣。 能 而 虞, 義 色 齊詹問於晏子曰:「忠臣 捐 忠 不 盡 耐 斯 若言不 求賢於世 身, 堯 著 臣之聲蔽於賢君之名。 見從,出 地 是故大賢寡 善於 獲 送, 而 及 夏 舜 而 日 與 其 舉 人其家。 賢 殷 與 : 可 君 此 名 見用 有 也 諫 之,踈爵 謂 桀 不 同 死 亡而 亂 前 忠乎?」對 紂 難 君 大賢之涉 安得 能 故 君之難,立 見從,終身不亡,臣 惡 有 臣 可名之節,小賢多 送,是 之患,不 不 與 螢 遭其 也 難 死,出 而 陷 逢 火 ; 而 貴之, 其 之 於 詐 稷、 世 時 死,是妄 曰 一之事 明 難 禍 亡 累 僞 死 忠節者, 也 契、 言案晏 死 掩 君 不 其 而 也 言 其 送。」 君之 有 其 於 死 身 臯 翔 難 故 死 君 難 而 其 日 ; 而 陶

> 於顛 不見 小 故節行顯 也 西,大也 有小少異名之行,每又發 可 ,❸至大,箠弗 而易見、衰亂 稱 沛之朝;清高之行,顯於衰亂之世。 之 主不悖惑,忠節 行。 ; 而 行 名聲聞 於溝 可 亦 得 能 易 6 者 数 也。 察。 咸 小 ; 不 識 至 浮於 於衰亂 立 箠 故 舟 多, 世 而 檝之跡,小也 海者,迷於東 鴻 不 升 可 卓之義, 易見之世 危亂,奇行 斛 得 弗 量 能。 者 ル

者爲賢乎? 則夫免於害者幸而命禄吉也,以全身免害,不被刑戮,若南容惧白圭

6

溝」下,楊寶忠云當有「者」字。

<sup>「</sup>有」,四庫本作「後」。

<sup>「</sup>詹」,原作「君」,據通津本改。

<sup>8</sup> 而」兩字。 箠者小而」。 可得 者 小筆 「箠」,章士釗 按,每行二十字,現有十 而」,「箠 而」原 云當作「筭」。 爲 空 格 通 八字,故補 津 本 作 可可

<sup>● 「</sup>升斛」,原爲雙行小字,據通津本改爲正文。

⑤ 「異」,通津本作「易」。

<sup>1078</sup> 

窮 不 拘 以 非 不 加 而 能 美 ,賢不能自續; 非 能 至 復 才 自 罪 使 屬 智所能 里,孔子厄 則有 在 不不 免於 人 縲絏,伯 弗 不 能 害。 患者,猶不 得 使 自 陳 推 人 時厄,聖不能自免。 南 、蔡,非 免之 玉 弗 行 容 可 断 所 能 懷 能 患,累己 能 自 聖 行 於 却 延 免 賢 也 所 無 命 0 於 道 能 至之難 於 而 之國 刑 木 世 滯 神 戮 而 也。 矣。 蛇 文王 、公冶 掩 復 能 通 夫 命 断

乎? 實 戰 位 不 相 則 其 皆 夫 何委? 得也,如 讓 委 以 無 以 有 故 國 委國去位,棄富 財 或 且 以 民皆委國 者 3 何 有 道 也 耻 夫 或 有 割 行 有分争之名; 謂 割 位 所 志得,亦不去位 之爲賢; 者 財 迫 ,及去位者,道 故 用 也。 飢 及 得 貴,就貧賤爲賢 何讓 若伯 讓 委 無 下 而 及大 ? 以 受分,與 去之, 夷之徒, 者 倉 王 故 不 可 [廪實, 亶 無 委 行 謂 昆 此 或 或 甫 乎 而 不 ? 弟 肖 去 民 位 志 重 日

> 下,以 仲 財 再 推 生於 廢 子分家 知 分 讓 也 禮 之割? 分,不足 財 不 之人,財若崑 節 玉爲 取 足。 ; 財。 衣 多 爲 石 顔 食足, 「; 彭 也。 淵 無 多 或 簞 廉 , 6 割 蠡之濱,以 知 韓信寄 讓 食 山之玉 有 財 榮 之節 瓢 以 助 辱 飲 用 食於 0 爲 彭 貧 何 讓 恩 袁 魚食犬豕。 乏不足,志 蠡 南 財 生 義 將 之魚,家 之 昌 於 軍 亭長 讓 有 崑 再 ? 餘 Ш 與 管 使 兄 何 財 之 争

委國 去 以 避 位 之 世 類 離 俗,清 也 富 身潔 貴 人 行 情 爲 所 賢 貪 乎 ? 高 官 是 大 則

<sup>● 「</sup>推」,黄暉云當作「操」。 楊寶忠疑「性」之誤。

<sup>「</sup>謂」,原爲空格,據通津本補

<sup>「</sup>委」,原爲空格,據通津本補。

<sup>「</sup>家」,原爲空格,據通津本補。下一「家」字同。

<sup>「</sup>多」,劉盼遂云當作「已」。楊寶忠云其上當有「財」

位 去 不 貴 得 人 取 之 也 所 賤 非 長 欲 沮 樂 其 志 桀 去 也 之 溺 避 而 世 隱 隱 生 居 不 伯 遭 夷 遇 於 志 陵 氣

遑 操 科 爲 非 遑 者 賢 乎 恬 憂世 賢 ? 不 憺 也 進 無 濟 是 欲 與 民 則 孔、 於 志 老 難 墨 聃 不 在 合 之 是 於 徒 務 以 仕 也 而 孔 苟 還 子 道 欲 與 棲 人 全 黄 棲 與 身 老 賢 墨 養 子 同 殊 性

盟 杖 不 貪 是 貴 乎 能 怯 ? 筴 儲 無 故 乏 越 舉 者 之 以 廢 百 無 則 疆 人, 舉 贈 金 以 難 夫 之士 之 : 舉 義 有 家 責 越 家 財 禮 千 餘 富 以 境 多 羸 則 里 ●手足胼 境 交 財 而 故 妄 外 施 饒 布 弱 師 也 施 無 矣。 施 不 筋 將 能 絶 矣。 能 胝 使 朋 力 於千, 交; 舉 奔 穀 勁 友 故 檐 面 遠 食 千 彊 無 千 家 財 目 如 不 者 乘 廢 驪 里 貧 少 水 能 之 能 禮 之 黑 則 無 火 或 任 堪 人 8 斗 爲 正 之。 也 禮 賢 無 筲 雖 口

> 肉。 傷 豫 彊 矣。 口 鈞 讓 感 無 則 者 實 推 自 能 不 矣。 體 辭 此 任 賊 隱 以況, 有 者 之疾 事 妻 不 而 亦 不 與 爲 立 肌 能 筋 人 君 義 肉 識 同 力 要 骨 皮 者 軟 ; 證之吏,身 節 革 貫 弱 則 堅 高 則 必 其 彊 被 誣 之 節 有 箠 時 行 與 故 被 而 身 有 也 疾 人 毁 無 異 不 痛 節 完 者 與 堅 而

造 教 儒 儒 思定: 矣。 者 也 是 以 封完 傳 也 經 然否之論 先師 明 書 帶 儒 不遺 之業 者 徒 學 聚 教審 習 衆 郵 之 爲 所 人 口 令不遺誤者 賢 之 説 爲 乎 過 以 也 ? 書 教 儒 則 門 無 者 夫 • 者 胸 學 經 之傳 中 則 學 明 之

2

3

教」字

<sup>■「</sup>檐」,四庫本作「擔」

目, 杖」, 原 原 爲 作 空 材 格 據 據 通 四 津 庫 本 本 補

<sup>●「</sup>遺」,黄暉、劉盼遂皆云衍。「審」,馬宗霍云當方

今具存,雖帶徒百人以上,位博士、文學,郵善矣。傳者傳學,●不妄一言,先師古語,到

人、門者之類

也

乎? 業,觀覽諷 子政之徒,有主領書記之職,則有 舍,若專成之苗裔 以通覽古今,祕 是則傳者之次也。 誦 ,若典官文書,若太 有世 隱 傳 祖 才 記 高 遺文,得 無 好 所 事 1博覽 史公 不 記 勤 成 通 及 學 爲 其 篇 達 劉 賢

者,非其宜也。 弓,狡兔之犬也。 藏 世 是 叔 平 韓 ; 孫 安平之主,非 能 信 狡 通之事,安得 以 權 兔 之 無所施,還入禍 謀 得, 徒 也 卓譎,❸ 良 向 犬烹。 戰 安平 令韓 謀 棄 或 臣 能 反 信 身 門 獲 誅 將 而 權 其功,稱 無 矣。 用 賤 死 兵 宜 士 之禍哉? 權變之才,爲 御 高鳥 ,世所用 ,則弓藏 衆 爲 爲 高 死,良弓 名 賢 有 乎? 鳥 助 而 將 之 功 犬

> 彊 以 定之義; 之權 功 滅國 無守平之智 居平安之時 絶,不得 稱 爲 ; 爲 賢 曉 反逆之謀; 也 將 兵之計 不 此 見 其 所 已

卷 之徒 稱 下。 夫自文帝尚 周 勃、張 夫之徒也,難 是 辯於口 實才不 也 相 一言甘 多虎 能 子貢之辯 如,文帝 高 圈 以 口 辭 嗇夫, 観賢 辯 巧 乃 勝 機 爲 悟 顔 少 賢 利 淵 乎? 上 人決 孔 夫 林 辯 尉 能 子 則 於 張 序 夫 稱 П 深釋之 之。 置 子 虎虎 於 · 貢

之與 文。 以敏 口 口 辩 9 於筆、文墨 才未必 實 也 高 口 兩 出 然則 集爲賢 以 爲 筆 言, 敏 乎 ? 筆 知 6 未 書 夫 以 必 多 筆 爲

上「傳」字,黄暉、劉盼遂皆云當作「儒」。下「傳者」同。

② 「成」,黄暉云當作「城」。

<sup>「</sup>謀」,通津本作「詐」。

<sup>「</sup>決」,楊寶忠疑作「快」。

<sup>「</sup>兩」,孫治讓云當作「爾」。

賢。 者莫 之難 也 者,善政不苛,吏不暴也。 魯林中哭婦,虎食其夫,又食其 也 難 過 者 且 太史公序累以 以 莫 筆 張 爲賢 過 用 湯 於 何 張 獄 爲 湯 敏? 獄 湯 文 疑 爲 深 以 酷,酷 則 在 敏 有 夫酷 漢 於 請 非 之 官 讞 T, 苛暴 子,不能 賢者之行 朝 曹 不 蓋 事 之黨 稱 世 去 爲 優 事

實。② 言 非 則 夫 之分,無 眇 司 而 以 雖 馬 敏 趨 文 深 長 於 益 如 然 卿、 賦 於彌 錦 頌,爲 而 楊子雲是也。 繡 不 爲崇實之化 深 能 弘麗之文爲賢 如 處定是 河 漢,民 文麗 非 辩 不 而 覺 然 乎 務巨 知 否之 ? 是 0

其 俗 行 則 時 節 節 避 而 以 世 止則止,銓可 與 清 不 離 離 勞 節自守,不降 俗 世 其 者鈞 長 民。 、沮、桀 ,清其身 否之宜,以 大賢之在 溺 志 辱身爲賢乎? 之 而 類 不 世 制 也。 輔 也 清 其 , 時 濁之行。 主 雖 3 不 行 則 守 離 是

> 節 非,操違 也 子 · 貢 不得 , 受,則 讓 於聖 而 常 止 貪 清 善 也 難 眇 子路 以 也 貪 爲 0 有 賢矣 受 伯 益 而 夷 廉 觀 無 有 德 可 損 0 孔 夫 子謂 推 讓 行 9 之 之 廉

矣。 能,易丘 「丘能: 於夫子, 仁 勇人也,丘 辯人也,丘 人也,丘 有高才潔行, 或問 仁 一之道, 且 而 於孔 忍,辯 爲 弗 不 弗 夫子 如 如 弗 子 如 也 也 日 且. 也。 爲 無 服 ら、一子 一。」「子路 詘, 也 知 役, 客 0 明 顏 勇 以 日 孔 何 · 貢 淵 且 設 子 也?」孔 何 何 何 怯。 施之,則 知 人 人 三子者 人 也? 也? 也 所 以 ? 日 設 子 皆賢 子之 與 施 日 : 티 : 日 之 愚

<sup>●「</sup>之」,原作「於」,據通津本改

<sup>「</sup>辯」下,楊寶忠云當有「照」字。

<sup>「</sup>清」,原作「青」,據通津本改。「不」,原脱,據通津本

<sup>◆「</sup>推」,黄暉云當作「操」。

賢? 之而 有? 知 能 舜 廉 口 也 無 m 賢 之道 茂 絜 於 無 有 據 何 非 ,衆皆悦之,自 流 孟 非 操 知 心。」故 難 者, 子 才 俗 者 者 而 賢 成 日 高 同 難 竟 功 合於污 孔 可 孔 之,獨 卓 **^** 見 何 非 子 以 子 書》 實 異者 效 悪 用 爲 日 之 也 ? 世, 日 : 有 之。 以 賢 則 無 則 : 難 爲 乎? 世 居 謂 鄉 舉 夫 者之故 謂 是, 夫如 知 人之檢 之似 之 原 如 也 之賢 人 賢 , 德之 而 是 是 是, 則 忠信 刺 不 則 也 耳 荷 皆 哲 若 之 可 何 鄉 賊 有 此 與 行 無 何 惟 原 見 以 也 入堯、 其 刺 非 難 」。」似 之似 之人 帝 知 才 易, 也 也 之 難 高 實

賢 人不 易 • 知 譬 易 也 誤 夫 猶 虞 知 也 工 而 舜 世 厅 稱 然 不 2 之作 難 則 易 及 者,不見所 賢 知 器 見 者竟 人, 所 也 以 而 曉之則 不 知 世 以 口 之,中 知之, 人 知 無 自 平 難 ? 謂 才 則 不 能 而 難 日 曉 察 聖 知 :

> 然 善 賢 此 爵 同 或 則 未 還 有 也 則 之尊 也 則 善 必 集 否之義定,心善之效 倫 有 在 無 何 政 尊 心 多 夫賢 ; 閭 於 易 善 時 心 卑 一, 而 俗 巷之間 行 ,望顯盛 治錯 可 則有善言。 不 · 有序 者 矣。 賢 士 知 舉 · 善 一之間。 者 才能 亂 是。 乎 言 0 貧 易 之寵 無 ? 無 行 法 知 賤 能 未必 善 何 無 然 度 俗 善。 終老 遂 以言 心 非 以 失 於 而 士 高 明 治 者, 專 觀 平。 必 作 以 心 被被 也 而 爲賢 心? 雖 欲 器 辯 善 白 家 察 無 而 知 惠 故 世 貧 黑 則 親 行 之名。 驗之謗。 心 之,觀 之 賤 心 無 能 不 戚 必 明 能 善, 有 分 别 木 辩 有 以 ; 窮 善言 然 倫 言。 善 智 善 賢 據 無 故 否 治 若 者 功 惡 不 力 心 官 真

<sup>「</sup>謂」下,原有「自」字,據通津本刪。

② 「難」,黄暉云當作「雖」。

<sup>「</sup>必」,原作「心」,據通津本改。

言得 矣。 不 審 所 不 베 明 務 用 成 不 (,則言 違,口 故 道 多 者 而 務 理 是 效 之心 欲 ; 不 辩 審 不 心 行 立 則 所 須繁, 辩 不 猶 辭 謂 口 責 好 雖 爲 不 效, 事 賢 而 訥 行 欲 無 不 不 矣。 不 期 成。 務遠, 須 辩 辩。 所 多。 故 爲 辯 治 心 者 在 務 故 不 辯 審 正 胸 謀 日 則 臆 所 : 功 言 正 之内 由 「言 是 醜 要

見 而 紛 是 則 見 非 亂 非 夫 則 不 而 用 闇 之 内 卯 亂 澤。 孔 亦 以 理 事 之 是 賢 子 而 有 爲賢。 銓 外 類 稱 不 内 審 心 唯 疑 治 無 少 賢 非 理 誤 賢 IE. 以 2 而 疑 聖 紛 聖 夫 而 自 卯之惡 聖人獨知之。 不獨 外 亂 無 不 之 内 表 之事。 識 不 亂 以 人 非 者 之。 定。 才 爲 外 ,衆亦以 曰:「言 用 能 能 飭 決 明 與 飭 任 是 世 世 錯 察 之, 人言行多若 之。 有是非 世 非 殊 非 繆之言, 爲不肖矣。 指 以 而 聖 衆不 非 爲 博, 心 錯 雖 無 賢, 繆 能 明 定 不 順

> 滿? 衆 妙 者,信者則 得 知 正 於俗者,則謂禮 逆祀,去者三人; 子言堂滿堂,言室滿 5 所 是, 爲 人不能盡 滿? 非 然后 如 能 衆 離 正 自 不 乃滿。 夫歌 鮮 是之言出,堂之人皆有 俗之禮爲 還 曉 和 見 以 言 爲 曲 和 從 如 定公順 非。 妙 是 歌 實 何 非 室。」 者,和 世 與 者 也。 正 曉 所 ? 不 聽 是人之言 禮 祀 怪此之言 譏。 能 言 是 4 者 者 皆 故 沉 畔 同 則 寡 管子 信 正 者 溺 寡 實 是之言 俗 則 刺異,⑥ ; 五. 日 : 二 言 正 言 知 魯文公 也 何 人 是 是 得 以 之 者 安 貫 之 君 曲 實 得 爲 H

3

6

言」,通

<sup>) 「</sup>飭」,通津本作「餝」,四庫本作「飾

<sup>「</sup>亂」,原脱,據通津本補

<sup>「</sup>聖」,通津本作「者」。

<sup>「</sup>者」,通津本作「則」。

<sup>「</sup>堂」下、劉盼遂云當有「室」字。

津本作「乖」。

聖可 也。 子之業者 知 滿 王 跡 孔子 作《春 陳 世 夫賢 得論 在 則 能 子言之,堂室安能 簡 不 與聖 雖非 也 王 秋》以明 ·得見。 筴之上,乃 之 同 德。 孔子之才,斯亦賢者之實驗 實 意。 口 而 孔 談之實 殊名,❶賢 子, 可 案《春秋》 得知。 滿 聖人 ? 語 也 夫 可 故 筆 虚 人 得定,則 孔 墨 有若 文 不 業 子 之 謂 孔 以 不 餘 之

言 子起 是 不 無 子之業者,❷未可 不作者,未必 秋》之作,起 作 非 ?,孔子之作《春秋》,未可 則察之以文,無文 僻之誤,以故見孔子之賢,實也。 而 問 作之,文 有 周 遺言, 道 周 無孔子之才,無所 不弊,孔 道 義 弊 言有起,●猶文之必 知 褒貶 也。 賢 則察之以言。 子 也。 是 如 不 非 以 周 作《 夫 得道 觀 道 周 聖 起也。 春秋 不 道 弊 理之實, 設 弊,❸孔 有若 **%** 有 孔 夫 夫 孔 無 子 孔 如 春 子

> 者也 然則 實也。 指 之賢人也。 之,可謂得 也。 者衆矣,6是非 ,能爲丞相之驗也。 矣。 桓 觀 如 孔 文之是非,不 君 君 子 Ш 實矣。 陳平宰社 Ш 不 不 得 相 王,素王之業 不 執 '丞相之跡存於《新 分,然否不定, 論文以察實, 漢 顧 6 平, 夫 作 割 割肉間 之所 用 肉 心 在 與 起 與 於《 則 割 里,分均 爲 桓 世 君 文,同 春 論 君 間 Ш 秋 不 Щ 爲 論 若 殊 漢 論 文

## 論衡卷第二十七

- 「實」,通津本作「軌」
- 「夫」,通津本作「日」。「若」,原作「着」,據通津本政
- 「有」上,通津本有「必」字。
- 「世間」,原作「執簡」,據通津本改。
- 「宰社」,通津本作「未仕」。
- 「不相」,原爲雙行小字,據文意改爲正文。

#### 論

### 論 衡卷第二十八

王 充

説 篇

正

故,滑 五. 正 實根核,故 授,及時蚤 末,空生虚 題 經並失其 目 儒 習解 者説 麤粗之説 仕,汲 虚 語。 説 育。 五. 説 ; 經,多失其實。 傳而 苟 後 以 《尚書》、《春秋》事較易,略 汲 名 儒 競 照篇中微妙之文。 不 信 進,不暇 絶, 師 前 師 之學,趨 實 之言, 事 留 前儒 没 精 而 用 爲 隨 不 不見, 心,考 · 見 師 舊 本 述 教

燔《詩》、《書》,遺在者二十九篇。 説 尚 書》者,或以 爲本百 兩 篇,後 夫言秦燔 遭 秦

> 篇。 《易》、《禮》、《尚書》各一 中。 者,遂祕於中,外不得 書》於墻壁中。 魯共王壞孔子教授堂以爲殿,得百篇 Ш 之議,燔 而《尚書》二十九篇始定矣。 示博士,然后《易》、《禮》、《尚書》各益 至孝宣皇帝之時, 尚書》本百篇,孔子以 詩》、《書》是也,言本百 中,景帝 孝景皇帝 伏生老死, 書殘不竟。 鼂錯傳於倪寬, 燒 遣 五. 鼂 經, 時 武 錯 ,●始存《尚 濟 帝 河内女子發老屋,得逸 往 南 使使 見 從受《尚 伏 授 篇,奏之。 兩篇者, 生抱 也。 者 至 至孝景帝 書 一孝成 取 白 遭 》,伏 書》二十餘 視 篇 秦 妄 莫 皇帝時 宣 用 生 藏 也。 時, 一帝下 能 已 李 於 篇 尚 出 斯 讀 Ш 蓋

<sup>0</sup> 景」, 黄 暉云當作「文」。 下 一「景」字同

原脱 據 通 津本補

景」,黄暉 劉 盼遂皆云當作「武」。

空造 滅。 當至死,成帝高 徵 校之,皆不相應,於是下霸於吏。 爲 百 故 古文《尚 白 兩之篇,獻之成 兩之篇 書》學,東海 其才而 傳 在 不 世 帝。 誅 間 張 者。 霸案 ,亦惜其文而不 帝 出 傳見之人, 百篇之序, 吏白 祕 百 篇以 霸 罪

則

謂

尚書》本

有百

兩篇矣

淳 常 傳 焉 夫人之子。」子路 戯 其 秦始皇二十四 經之總名 介前 于 者 ,何必讀書 之心。」子路使子羔 經不燔焉。 爲 越 不 或言秦燔《詩》書者,燔《詩經》之書也, 卿之 壽 進 知秦 也 諫, 難 僕 燔 以 射 傳曰 年 然後爲學?」五 無 書 夫《詩經》獨燔其詩。 爲 周 , 2 以 所 曰:「有民 青臣 始 : 救 置 起,故 「男子不 皇不 爲費宰,孔 也 酒 進 咸 頌 封 不 譏 陽 秦始皇。 子弟,卒 審 人焉,有 青 宫 經總 讀 臣 燔 經 子 博 之頌 書 名爲書。 日 士七十 則有 一之實。 書,五 有 齊 社 謂 田 稷 賊 博

> 之面 謂 家之書也。 刑,唯博士官乃得有之。 爲 乃令史官盡 之書矣。③ 越言不 諛。 可 秦始 傳者信之,見言詩 用 燒 因 皇 五. 經,有 下 此 其 謂 議 諸 敢 五經皆 派 生之言惑 藏 相 諸 府 書 書 燔 百百 則 派 非 亂 獨 家 相 黔首 謂 獨 語 斯 諸 者 以 經

獨 十九 時 謂二十九篇遺脱矣。 九篇其遺脱 二十九篇,火之餘 適 見,七十一 篇 得二十 傳者或 獨 遺 邪? 不燒 篇遺 餘篇 知《尚書》爲秦所 者也。 脱。 夫伏 也。 伏 生死 遺 生年 七十 審若 飛 者七十一篇,反 矣,故二 老 一篇爲炭灰,一 燔,而 鼂 此言,《 錯 十九篇 從之學 謂 尚 <u>一</u> 十 書

<sup>●「</sup>其」,楊寶忠云當作「書」。

<sup>「</sup>二」,黄暉、劉盼遂皆云當作「三」。

<sup>「</sup>經謂」,黄暉、劉盼遂皆云當作「詩經」

篇 成篇 之説 篇 謂 篇也,猶有章句; 篇 安得 九 文字有意以立句, 句有数以 焉得有 《易》、《 九。 蓋 也 孔子更選二十九篇,二十九篇 篇也。 俗儒 孔子 章 殘 獨 0 句 夫《尚 ,失聖人之意,違古今之實。 而 ,篇則章 四 法乎? 或 爲二十九篇 (禮》各 不足,有傳之者因不足之数,立取 説 之説也,未必傳記之明 法? 復 七二十八篇, 删去復重 謂二十九篇有 有 書》滅 尚 所 句 書》二十九 案 宣帝之時,得佚《尚書》及 篇、《礼》、《易》篇数亦始足, 法 之大者也。 百篇之序, 闕 絶於秦,其見在二十九篇, 一, 正 也。 有章句 立 法,如 而存三百篇 其 《詩 法,是謂 篇 也,猶有文字也 經》舊 曰 連章 者 謂 何? 篇 斗矣,故 遺 也。 法 獨 · 章有体 有 時 夫經之有 者 三百 · 種 有 或 日 所 七十一 亦 二十九 斗 法 説 法, 数 五. 也。」 十 七 日 是 以 法 千 宿

復有法也。

之有 諸正 也。 伐寇,横行天下。令行禁止,未必 安得法? 十二也。 適具足也。 年,人道浹,王 公,猶《尚書》之百篇。 1六師 ,莫近於《春 孔子作《春秋》, 6紀魯十二公, 或 説《春秋》,十二月也。❸ 六師 也 説《春秋》者曰:❹「二百 三軍六師万二千人,6足以 , 道 万二千人,足以 士衆万二千,猶 秋 備 》。」若此者,人道 善善惡 百篇 無 悪 所 年有 成  $\sim$ 春 法,十二公 撥 軍 秋》十一 有 猶 四 亂 , 十 二 百 王 + 所 世 陵 川 道 反 軍 法 敵

北

<sup>●「</sup>第一上、楊竇忠云當有「丘」字。 之調、崇文局本作「北」。
「日斗」、黄暉云當作「斗四」。「日」、馬宗霍云爲「三日」、馬宗霍云爲「三日」、

<sup>「</sup>篇」上,楊寶忠云當有「五」字。

<sup>「</sup>二」下,黄暉云當有「公法十二」四字

<sup>「</sup>説」,原爲空格,據通津本補。

<sup>「</sup>作」,原脱,據通津本補。「三」,原作「二」,據通津本改。

窮理 所法。 據 同 種 詩無以異也。② 道 恢 更别爲 類 事意作,安得法象之義乎? 白 竟,文辞備 相 義,不肖以遭禍。❶ 從,科 考實根本,論其文義,與彼賢者作 四十二年,足以 篇。 條 故聖人作經,賢者作 意異則文殊, 足,則爲篇矣。 相 附。 立 是故 殊種 義。 經 異 事 説事 傳 類,論 其立篇 改 篇 則篇 者 数 書,義 説 皆 好 更。 也 不 書 神 有

言浹 歲 事言年月日者,詳悉重之也。 相 道浹,王道備。 爲赤制之中数也。又説二百四十二年,人 而作,三八二十四,故二百四十年也。又 十,中壽八十,下壽七十。 日 伐 月 備之説爲是,則據 或説《春秋》二百四十二年者,上壽 而立 星 4 其義,聖人之意 紀事之文,非法象之言也。 夫據三世,則浹備之説 三世之論誤。③ 孔子據中壽三 何定哉? 《洪範》五 二者 凡紀 非; 説 世 九

> 數而 元年 説不復用矣。 隱公元年不載於經。」夫《春秋》自據三世之 説者又曰:「欲合隱公之元 取三八之數,二百四十年而 之數適得十二公而足也? 元年之事爲始,是竟以 十二公事適 二百四十二年不爲三世見 立三世之説 十二公享國之年,凡有二百四十二,凡此 以來邪? 作 ,何用隱公元年之事 足以 矣。 説隱公享國 中斷以備 實孔子紀十二公者,6以 見王義邪? 備足爲義,據三世 三八之數也? 也; 五十年,將 爲 如據 已,何必取二? 也,不取二年, 始? 據三世,三 如據三世, 十二公,則 須隱 盡 之 紀 公 世 如 以

❷ 「詩」,黄暉云衍文。

<sup>「</sup>三」,原作「二」,據通津本改。

<sup>「</sup>日月」,通津本作「月日」。

<sup>「</sup>矣實」,原空二格,據通津本補

據 也 且 以 H 盡 春秋 尚 多 也 年 備 紀 書》 年 與 少  $\equiv$ 元 中之月日 百 之有 之年 何 月 年 世 兀 據 日 之 以 十二年,謂 章。 哉? 有 數 來, 小 據, 大異耳,  $\equiv$ 必有 則 章 八之數 夫《 隱 是 以 數矣。❶ 公之 謂 首 春 之據 其所 《尚 義 秋 則 元 》之有 三世 年 書 中 紀 年據 不 一》之章 以 斷 載 合 紀 ; ; 年 三世 一百 同 事 何 如 也, 亦 如 中 有 實 謂 猶 月 川 ? 斷

六十四 之 洪 因 也 時 王 日《 ·, 之日《歸 水。 得《洛書 2 河 説 連 故 圖 古者烈 《易》者 伏羲 Ш 夫聖 一》,書 從 藏 **\***; 河 **\***; 以 烈 Щ 王 皆 從 水 排 伏 起 氏之王得《河 謂 Ш 洛 中 治 羲 氏 伏 出 河 天 水 之 氏之王得《 羲 下, 中 、《易》卦 出 王 作 出 置 禹 一得《河 《洪 八 案《洪 洛 卦 圖 是 出 \*,
3 範》 圖 河 文 也 書 範 圖 》,殷 王 九 夏 以 章 禹 伏 后 演 之 周 是 人 因 治 羲 爲

> 成六 《易》也,或時 傳。 作八 同。 案《禮》,夏、殷、周三家 周 知《易》 者,言伏羲 人 公因 日 掛 如 苟信一文,使夫真 十四,6非 周 也 以周家在後,論 之爲 彖 易 十八 作 **%** 伏羲 ^ 八 4 連 河 章究 演之也。 卦,不實 Щ 其 啚 得 ×, 經  $\approx$ 六 掛 卦 又 歸 相 爻。 今爲《周 是幾 皆 非 其 不 損 藏 演 六 本, **>**, 益 知 世 作之言生 滅 作 + 之 或 存 之 易》,則 則 之 不 制 四 時 於 傳 謂 存 ; 6 説 俗 文 較 唐 伏 文 於俗 既 王 著 易 何 羲 禮 易 王 得 家 真 不

3

6

王」,原作「不」,據通津本改。

<sup>● 「</sup>月日」,原作「日月」,據四庫本乙正

② 「章」,四庫本作「疇」

<sup>「</sup>烈山」,四庫本作「黄帝」。

<sup>「</sup>人」下,四庫本有「因之」二字。

<sup>6</sup> 卦下, 皆 黄 原作 暉據 《周 一昔 禮 據 通 春官》校云 脱 皆 其 四

禮 禮 爲 時 應,然則《周 損 大 也。 《易》相 今《禮》 亦文宜 禮》也,爲《禮》何 周 殷 , 益 於夏禮 禮 周 禮 方今 可 未 禮》六典,案今《禮經》不見六 知 爲《周 也 左 未 應,殆《 絶,而 ,所損 周 也。」由 丘 必 禮》六典是也。其不傳,猶古文 禮 案《周官》之法不 爲 明 禮 周 也? 益 之《傳》 **%** 六典之《禮》不 周 此言之,夏、殷、周 家 0 可 易》也。 則 盛 知 六典 亦 夏、殷也? 也。 也 引 疑 ? 不與今《 今《易》未 周 説 周 2 家 傳,世 因 與與 ^ 孔子曰:「 禮》 以 於殷禮 今《禮》 禮 卦 謂之 者 各自 典 必 因 相 皆 謂 與 爲 應 周 相 或 殷 知 有 此 所 今 周

孔子之言行, 勑記 語 語 影所 学本 説《論》者皆知説文解 獨 幾何篇 尺之意。 但周 之時甚多,數十百篇 夫《論 以八寸爲尺,4不 語 語》者,弟子共 而 已 不 知《 知 論 論 紀

> 卿,官一 常博 少 寫 三十 尺 非 三十篇,分布亡失,或二十一篇。 中古文,得二十一篇,齊、魯二,河間 論語》二十篇,又失齊、魯、 · ◆文讚或是或誤。 以 四 經 寸爲尺,紀之約 一寸也。 · 篇。 傳 士,時尚 傳文紀識 至 誦 荆州刺 至昭帝始讀二十一篇,6宣 初, 漢興失亡,至武帝發取孔 稱 孔子 書 恐忘,故 史,始曰《論 省, 難 孫 曉,名之曰傳,後 懷 説《論 孔安國 持之 以 河 但 語 便 語 間 八十 以 》者,但 也 **%** 九 教 目 篇。 尺, 今時 魯 或 一帝 以 九 6 多 知 子 不 更 其 篇 下 或 扶 隸 壁 以 太 本 稱 遺

尚

書》、《春秋左氏》不興矣

四

<sup>■「</sup>文」,通津本無此字。

<sup>「</sup>盛」,通津本作「禮」

<sup>)「</sup>也」,通津本作「邪」。

<sup>「</sup>周」,原作「可」,據通津本改。

<sup>「</sup>始」,原作「女」,據四庫本改。

<sup>「</sup>齊魯」,原漫漶不清,據通津本補。

章 師 剥 自。 如 解 之問 何 温 以 故 知 纖 新 微 之難 可 以 不 爲 師,今不 知 存問 本 知 根 古 篇 稱 數

名。 食之。不書日,官失之也。」言「官失之」 左氏傳》:「桓公十有七年冬十月朔,3日 得經之實,說《春 書,或以爲 異《尚書》?《尚 之始,秋者,其終也。 意,深美之據也。 者,魯史記之名,《乘》、《檮 始養終,故號 舊故之名以號《春秋》之經,未必 亡然後《春秋》作,晉之《乘》,楚之《檮杌》, 魯之《春秋》,一也。」若孟子之言,《春秋》 孟子曰:「王者之迹熄而《詩》亡,《詩 不依 違 上 爲《春秋》。」《春秋》之經 作 所 爲 意 秋 書》者,以 今俗儒説之:「春者,歲 以 》者失聖之意矣。 下 見 所書,授 《春秋》之經,可 奇。2 机》同。孔子因 爲 説 事 上古帝 ^ 相 有奇説 尚 實 《春 書 以 王 何 而 秋 之 者 以 爲 奉 異

> 蓋 言者,亦與不書日月,同 之事,有怪異之説。 羊、穀梁之傳,日月不 義,非孔子之心。 書矣。 者,●蓋 紀以善惡爲 其 其 年月尚 實 也 實,不 大難 史官記 夫《春 以日月爲 失,日 徑直之文,有曲 具,輒爲意使,失平常 一實也 秋》實及冬夏,6不 事,若. 者微-· 今 意。 小易忘也。 時 若夫公 縣官之 折之

地,重本不忘始,故以爲號,若人之有姓矣。因殷而興,武王階周而伐。⑤皆本所興昌之唐侯嗣位,舜從虞地得達,禹由夏而起,湯唐、虞、夏、殷、周者,土地之名。 堯以

代」,吴承仕云當作「代」。

<sup>「</sup>授」,楊寶忠云當作「援」。

<sup>「</sup>違」,原作「還」,據通津本改

上「十」字,原作「千」,據通津本改。

<sup>「</sup>言」,通津本作「謂」。「者」,通津本作「言」。

<sup>「</sup>冬」,原作「言」,據四庫本改。

將 然 興 周 蕩 起 德 名; 殷 説 %尚 蕩 復爲秦、漢作道德之説矣。 ,故曰亡新 於漢中,故曰 ,猶秦之爲秦,漢之爲 而 無 中也; 周 舜 蕩 違其正實,♥失其初意。 不 民 者 書》 則天下虞樂; 至。 蕩 無能 也 功 謂 周者,至 其 立 德之名 之 名 虞者,樂也; 有 猶 使秦、漢 ; 義 天 殷 秦、漢;猶 ,盛隆之意 下之代 美 也。 則 禹 也,其 道 承 在 漢。 堯則 得 經傳之上, 説者 中 號。 帝之業,使 夏者,大也 王莽從新都 唐、虞、夏、殷、 褒五家大矣。 秦起於秦,漢 蕩 也。 周 唐、 蕩 民 故 武 虞、夏、 無 則 道 唐 殷 侯 功 尚 能 之

哉 時 不 爲 觀 天子 厥 堯 堯老求禪 一説《尚 刑 自 也 觀之也 于二女。」觀者,觀 書 文爲天子也。 三三 兀 : 嶽舉舜。 若此者、高大堯、舜,以 「試者, 文 用 爾 堯 又 虞舜於天下, 也 曰:「我其 曰 我 其 「女于 用之 試

> 奇 於職,妻以二女,觀其夫婦之法,職治脩 知 然 爲 事 風 公之位,大總録二公之事,❸衆多並吉,若 風 佞,堯能聖。❺ **→ → 季** 大雨。 聖亦 雷 相 聖 而未必知其能,故言「我其試哉」。6 雨 信 人 不 相 難 難 夫聖人才高,未 迷。」言大麓,三公之位 知 又 見 别 佞 日 已 堯聞舜賢, : 使 審 堯之才,猶 四 泉陶 不 門 須 穆 觀 陳 四嶽舉之,心 穆 必 試 舜 知 相 之知 人 精 之 知 于 耀 也 法。 也 也 大 相 麓 炤 試 佞 聖成 居 知 舜 其 疾 烈 而 知 難 曠

通

哉」,原漫漶不清,據四 庫 本 補

<sup>3</sup> 殷」下 實」,原作「寶」,據通津本改 黄暉 云 當當

總 録」,原漫 漶不清,據 通 本

聖」,黄暉、劉 盼遂皆 云

津本作「知」。

之文,以爲説 經,不原實; 造 其 其 可 失實之説。 誠 不 而 八才也。 而 見,故頗 説之傳,⁴失之久矣。 聖,授以天下。 觀 廢 不存 其 0 聖逢 夫道 説家以 。曲折失意 獨 《尚 烈 而原之者,亦校古随 證 論 正 風 書》、《春秋》行 而 爲譬喻增飾,使 疾 經之傳 夫文言 不 雨 僻 終 使僞 後 不可從,五 復 「觀」、「試」,觀 不 生精 令人 迷 説 事 惑 者 傳 事失 成文較 舊 庶 而 6 之 荷 堯 經 不 正 野 皆 欲 乃 重 絶 是, , 著 多 試 是 明 知

德熾

,其文斑。

官尊

而

文繁,

德

高

而

文積

華

而睆者,大夫之簣,曾子寢疾,命元

起易。

由

此言之,衣服

以品賢,賢

以

文爲差。

愚傑

彌彰者.

人彌明

8

大

人

德擴

其

文炳

之於

衣

爲

服

故

曰:

德

彌

盛

者

文

彌

縟

德

夫文德

世

服

也

空

書

爲

文,

實

行

爲

德

著

## 解

夫 不 口 人 華者。 爲言,集札爲文,文辭施設,實情 有文 或 曰 ,質乃 《易》曰 「士之論 成。 高,何必以 物 聖人 有 華 之情 而 不實, 文?」答 見乎 辭。」出 有 敷 實 烈。 而

> 廢 原漫 漶不清, 據通 津 本

誠」, 黄 暉 云當作「滅

人庶」,孫治

讓

云當作「入

大麓」。

「之」,原漫漶不清,據通 津本

校」,表錫圭云當作「效」。

原漫漶不清 據通 津本

有上 寶忠云當有「未」字。

人」,黄 暉云當作「文」。

折

黄

暉云當作「析」。

蔣禮

鴻云當作「科」。

君。

虎猛,毛蚡

蜦

龜

知

背

負文:

四

者 體

;

龍

鱗

有文,於蛇

爲

神

鳳

羽

Ŧi.

色,

於

鳥

;

不别,須文以

立

折。

非

唯

於

人,物亦

咸然。

城 城 出 圖 與 地 仲子,生 受,法象本類 不 無 之徒 神 天多 欲 潢 質 ; 麋 無 彌 洿。 會, 洛靈,故 毛 ,於物爲聖賢。 鹿 晉唐叔虞、魯成季友、惠公夫人號 也 文而 文, ●子貢譏之。 則 潟 老 而 物 爲 父授 怪 土 以文爲 后 潟 出 ,故多文彩。 奇, 無 土 士, 書。 書 五. 文 多 穀 人 卒 在 理。 表,人以文爲基。 竹 且夫 無文則 帛 封 其 二氣 謂文不足奇者,子 留 無 手。 Щ 所記怪奇之物,不 瑞 文 侯 無林則爲 爲 張 應 協 德 僕 良 符 河 和 不 當 聖 神 命 爲 故 聖賢 貴 土 革子 賢 土 莫 山 非 禀 Щ 出 出 曰

博, 士 儒 在 世 門 無 世 ,未知何者爲 著作者 徒 不 儒説聖人之經,解賢者之傳 實 聚 見 衆,❸招 爲 故 文儒,説 在 優。 會千里,身 官常位 或曰:「文儒 經者爲 ⁰位最尊 雖 世 死 儒。 亡,學 義 者 不 若 二儒 理 爲 博 世 廣

> 於後。 業卓 之説 説,自用其業 多; 事 然。 傳。 折累二者,孰 官,弟子門徒 不遭文儒之書,其 人,書文奇偉 殊 絶 非 無 此 夫 而 事 補 世 文儒 不 務 其 於世? 可 儒 循 同 所 析 説 言異 爲華淫之説,於世 以 世 自 者爲 人 第 不見一人, 聖情,●共起 不 寡 ,6故官廷設其 人 明於 跡 如 世儒業易爲,故世人學之 、亦傳。 其書,業雖 賢? 而 不 世 義 世 傳。 儒 鈞。 案 身死之後 者 彼 並 世 周 古俊乂著 何 也 虚 驗 儒 不講 公制 無 位 以 説,此實 俱 當 補 謂 答 禮 時 追聖 故 門 之文 莫 文儒 日 樂,名 雖 作 有 雖 無 尊 儒 辭 不 之 紹 常 無

<sup>「</sup>革」,通津本作「棘」。

<sup>「</sup>在官常」,裘錫圭云當作「常在官

<sup>「</sup>門」,原作「無」,據通津本改。

説」下,楊寶忠云當有「經意文儒説」五字。

<sup>「</sup>非」,裘錫圭云當作「其」。

夫以 千 其 賈、司馬遷、劉 周 垂 乘歐 稱 ,孰與廑 公、孔子,難 而 業 不 不 由 滅 陽、公孫,不遭 自 ; 顯 能顯其名? 孔 孰 世 子政、楊子雲,其 子 以 與須 傳《詩》家魯申 論 作《 言。 春 人乃顯? 太史公, 秋》,問 漢世 文章之徒,陸 傳 世人不聞。 公、《書》家 材能若 夫能 而 不 紀百 絶 奇, 0

髮,6 子 郎之官,故能 卿 作《春秋 八十數。 著作? 總衆事之凡, ❷典 出 之事 異 得王、《春 人也。 或 何暇 故故 曰: 》,不 試使庸 優游 能 文王日昃不暇食,周公一沐 「著作者,思 居不 秋 成《太玄經》,就《 用 作《子虚》之賦 爲麗 於周 幽,思 不 國境之職,汲汲 人積閑暇之思,亦 作 美之文於筆 也 ; 不 ; 慮 至。 長卿、子雲爲 司 間 馬 ; 也 法言》。 使 楊子雲 長 ,未 札? 忙忙,何暇 著作之人, 卿 能 必 不 使孔 存 預 材 孔 三捉 成 相 子 知 中

> 俱 僞 起 之文 慮間 之書,篇章數十。 爲周改法而制。 合;商鞅 食,此謂演《易》而 賦》、《玄》不工 感,故才並; 八發 妄 也,6周 於 源 相 胸 孝公,爲秦 流 臆 法 氣 贵 闊 籍。6 才同, 周道 烝 踈 長卿、子雲,二子之倫也 益 爲 不 管 卦。 間 不 答曰 故業鈞。 開 仲 作 可 弊,孔子不作,休思 周 帝業。 因 不 相 公一沐三捉髮 暇 也。 桓 文王日昃不 日 公, 然 哉? 夫禀 皆士而各 致 而 於 二子 8 天 ·暇 九 感 地

<sup>「</sup>問」,通津本作「聞」

<sup>「</sup>何」,原作「或」,據四庫本改。

<sup>「</sup>八」,四庫本作「百」。

<sup>) 「</sup>捉」,通津本作「握」。下一「捉」字同

⑥「工」,原作「二」,據通津本改。「籍」,黄暉云衍。劉

❸「不」,黄暉云當作「於」。

欲作 憂,不 大 有 至 官 「無有」 無 則 不不 彌 材 而 筆 劇 能 以 無起 而 不 而 不能言; 思 著 不能 利 識 慮 ) 細知 彌 字。 間 思,無有 嚚 泥 也。 頑 兩 以 2 蓋 有 之人, 問 居不 問 人 無 知 而 材有 事 所睹 能 而 有幽 幽 彌 記。 不能 則 多 能 無不暇 室之 思 而 蓋 著。 無 不 見 奇 思 有 至 彌 有 有 造 不 博, 雖 思 無 鴻 作 暇 所 材 無 不 0

著作 舉家 夫 則 職 案古作書者,多位 作之人,書言通 有 治 有 %徙蜀; 所 之人 術 不 長 或 蓋人思 淺 自 於彼,安能 ,身下秦 日 於政 所 篇章 淮 凡 能 有 南 治? 所 爲 作 獄 數 王 奇, 也。 倚 ...者 布 不 一作道 百 着 精 身且 短 散 其 答 6 4 於此 思 槃 日 材 書,禍至 則 夫 吕不 已極 . 不 解 己 有 精 ? 全,安能 3 人 極 所 有 章 有所 輔 深於作 偪 居 所 一滅族; 作《春 知 傾 位 盡 其 優 有 寧 索。 輔 不 已 所 危 著 秋 韓 古 能 或 非 泥 有 著 領

> 射鵲 見。 刃 稱 顧 不 所 而 委其篇章 更 不 干 爲 劣 不 擊 人材 則 利 將 也 , 見 失鴈。 不不 之利 人有 , 泰 , 蛢 有 非 Ш 能 捨 拙 所 ,專爲 兩 刺 ; 鵲 方員 也 工 爲,不能 思 則 且. 而 政 有 精 不 固 射 畫不俱成,左 治 能 所 誠 有 也。 鴈 9 擊 至 所 不 成 丁,擊則 則子 則 加 拙 蛢 有 0 世 下 彈 身 産 非 射 雀 使 不 子 不 志 劣 無 干 右 則 能 暇 有 也 賤 失 將 視 失 刺 徇 所 矣。❸ 之 寡 鷜 志 不 也。 跡 刺 並 非 意

<sup>「</sup>問」,楊寶忠疑行

<sup>「</sup>泥」,黄暉云當作「深」。

<sup>「</sup>多位布散槃解」,黄暉云句有誤。

<sup>「</sup>危非」,原作「色若」,據通津本改。

<sup>「</sup>則有所自篇章數百」,黄暉云當有脱文。

<sup>「</sup>作著」,黄暉云當作「著作」。「著」,通津本作「文」。

<sup>「</sup>蛢」,孫治讓云當作「羿」。「鷜」,孫治讓云當作「鷃」。

<sup>「</sup>下」,四庫本作「擊」。

<sup>「</sup>政」,原作「攻」,據四庫本改。

傷 其 免罪 違 爲 非 信公子非 能 仲、 以 爲 爲。 令非不死, 豪未 材 傾 不 新 或或 屬 他 著 在 以 文爲功 功者多 非 足 語 晏嬰,功書 著 於梁 如不 爲過 書者 高 侔 ,未必皆著 死之也 陸 所遭遇,遇  $\approx$ 祖 也 作 賈 或 一,以 高 於人,何 作書,猶 不不 也。 既 , 材 之 徐樂 祖 得 古作書者, 極 不 以 文爲 ; 策,帝 粗 出 天下,馬 3 傾 書 並作; 4 作 納 П 上 亂 可 殘 危。 嫌 不 敗者 蒙 有 材 爲言, 采。 書, 知。 則 物 不 非。 室 能 此 知 不 知 能 希。 多立功不 商 及非之死,李斯 復 上之計 章 不 身 極 吕 立 著文 傷, 誉 使 , 鞅、 有 寧 拜 章之禍。 故 也 氏 功,有 衛 吕 客作書,不 0 爲 才 秋 郎 虞 横 2 八爲 不 未 其身? 蓋 人能 也 中。 亦 逆, 卿 鄒 用 韋、 篇 敗 起 材 大 陽 也 古 人古今 篇 春 材 知 劉 令其行 長 淮 則 陸 舉 物 能 身自 0 無 氏 治 如 賈 韓 南 以 以 疏 假 之 將 造 管 奇 蚤 以 其 王 俱 不

不能使人必采取之矣。可尊,不能使人必法己;能令其言可行,@

經 屑。 聖從後復重爲者乎? 不 箧,不成爲寶。』◎前人近聖,猶 之實,圖 賢 明,安可 故曰 或曰 者造其 傳 : :「古今作書者 違聖 采 『蕞 用 傳 殘 人 而 滿 質,故 施 述 車 行?」答 作 不 其 者 謂 作必 非 之意, 成 之蕞 一,各穿 爲道 曰 爲 爲蕞殘,況 殘, 妄,其言 採 聖 聖 比 玉 整 人之 作 之 屑 失 經 其 滿 玉 遠 必

<sup>「</sup>也」,原作「他」,據通津本改。

<sup>「</sup>必」,原作「屬」,據通津本改

<sup>「</sup>如」,四庫本作「始」。黄暉云當作「妒」

<sup>「</sup>死」,原漫漶不清,據通津本補。

<sup>「</sup>假」,原漫漶不清,據通津本補。

<sup>「</sup>未可知」,原漫漶不清,據通津本補。

<sup>「</sup>言」,原漫漶不清,據通津本補。

<sup>「</sup>竇」,原漫漶不清,據錢批補。

實? 授,不 秦 禁防 作 鼂 經, 緒 稱 到 非 是,他 有 口 今五經遭亡秦之奢侈 志 而 遺 雖 猶 觀 故 文 錯之輩 Ŧi. 解 今常令人不敏 經 故 2篇 無道 讀 經 ,伏生之休,❸ 前 謂 義 知 書 由 故 書 經 以 • 之非。 人之造 此言之,經 與 何者 缺 記 須 謂 一、各以 折累二者 ,不燔諸子。 E 雖 傳 經 之是。 非 滅 説, 是 ? 相 也 爲 而 若此者, 韙是於五經。 不 也 私意分拆文字 薄 可采 是。 不 ()咸謂 彼 見聽。 俱 明 鉠 他 抱 見 孰 賢 夫 何 掇 4 亡秦無 觸 書 而 經 與蕞 諸子尺書文篇 經 俱 所 之純 以 以示後 篇章 深 與 不完,書 使五 傳 鴻 李 爲 獨 書 藏。 殘? 傳 壹 斯之横 而 謂 何 道 棄 相 經 師師 了**②**信之 經 知 文 以 敗 散 漢 違 從 之 無佚 書 《易》據 皆 徒 獨 更更 亂 興,收 孔 文, 而 議 後 失 傳 相 謂 之 具 不 本 可 燔 經 人 使言 造 記 大 經 經 在 也 具。 出 也。 復 相 五. 燒 端 經 所 須 傳

> 失者 文 象。 師 本,經亦爲末。 秋》,采掇 民 明 者,孰 意,六經之作皆有據。 平。 相 詩 實 傳 在 是,説 草 業 几 初爲章句者,♥非通 爲 火史記 野 經 民 玉 有 以 知 章 屑 據 經 末 爲 ? 句 史記 篇 誤 失事 篇 者 知 《樂 者 終不 章 興 屋 實 在 乃 漏 無 諸 ,本得道質。 由 味 成 須 者 子。 異 覽之人也。 此言之,書 不 在 書。6 解 **^** 騹 宇下 尚 諸 何 6《禮》: 書 明 子 以 ? 户 知 亦 折 民  $\Rightarrow$ 書 累 師 政 爲 事 春 待

# 論衡卷第二十八

- ■「使」,原作「雖」,據通津本改。
- 「無咸」,通津本作「缺滅」
- 「休」,孫治讓云當作「徒」。
- 「缺滅」,原漫漶不清,據通津本補。
- 「不」,吴承仕云當作「民」。
- 「興無異書」,黄暉云當作「與書無異」。
- 「初」,劉盼遂云當作「仍」。

### 論 衡卷第二十九

以

況百、

而

墨家

爲

法皆若

此

類

也

廢

而

不傳,蓋有

以

也。

用

墨子之法事

鬼求

福

福罕至

而

禍

常

來

也

王 充

案 篇

其屍 鬼 知; 薄 爲 相 乖 也。 9終以 勝 違 葬 而墨之法議 如 右 今墨家謂 儒 儒 華 此 家 何 鬼,道乖 案儒道傳 於 實 ? 死 之宗,孔 其 不 恨 使 神 相 鬼 鬼 相 難 厚 審 副 人情 而 非 從 反,違其實, 而 人 墨法 子 死 則 也。 於 之精也,②厚其 也 欲厚惡薄 人之精也 怒 其 廢者,●儒之道 , 何以 體 而 墨 降 薄 家之祖 宜 驗之? 也 禍 神 以 , 右之未 心猶 難 雖 薄 精 從 墨家 有 厚 墨 義 而 然。 也。 不 其 薄 可 翟 口

> 合。 見。 梁 武 言與二書合,公羊高、穀梁寘、胡 於孔子之堂,太史公,漢之通人也,左氏之 氏傳》爲近得實。◆ 佚《春秋》三十篇,《左氏傳》也。 寘、胡母氏皆傳《春秋》,各門異户,獨《左 皇帝時,魯共王壞孔 《春秋 劉子 又諸 家去 政玩弄《左氏》,童 左 氏 孔子遠,遠 傳》者,蓋 何以 子教授堂 驗之?《禮記》造 出 不 僕 孔 如 妻子 子 近 公羊高、穀 一以爲 母 壁 皆 聞 氏 中。 宫 呻 不 不 相 如 得 吟 孝

儒 案」, 通 津 本作 且 案」。

0

2 注》云當有「死」字。 家」,原作 「客」,據 通 津 本改。 孫 人和、

3 有」,黄暉云當作「右」。 原作「讀」,據通津本改。

> 四 九〇

春秋》 多怪 條事 儒之實書也 語》,以 也。 元言訥 元、叔 光武皇帝之時,陳元、范 頗 是非、《左氏》 左氏 亦如 天 辭 與 范 下 以 》傳 孔 極 叔 此 實。 一才,講 章 子不語 焉 經 詘 辭 《國語》,《左氏》之外傳 然則《左氏》、《國 《左氏》得實, 遂立。 論 語 怪 是非, 尚 力相違返 略,故復選 范 有 叔 叔 餘 尋 上 也,《吕 明 力 因 書 語 矣。 矣。 録 罪 連 **>**,世 罷 屬 國 氏 言 陳

術; 並 彊 誇誕,無審察之實。 案大才之人,率多侈縱,無實是之驗, 華虚 之書,❷擴洋無 之言,無道理之較,無益 主 管仲相 弱 公孫龍著堅白之論,析言剖辭,務折曲 作 而 「威」。 太史公兩紀,世人疑 齊,造《輕重》之篇。 涯,其文 敵、公賞罰 商鞅相秦,作《耕戰》之 少驗,多驚耳之言。 於治。 3 與 齊有三鄒 观惑,不 富民 鄒 衍 豐國 知 之 書 所 衍

> 之,儀 從。 紀》則玄鳥、大人之精氣也。 則契與后 跡,履之則姙身,生后稷 及《周本紀》,言后稷之母 狄,浴於川,遇玄鳥墜卵,吞之,遂生契焉。 世表》言五帝三王皆黄帝子孫,自黄 生,不更禀氣於天。 秦,商之所爲邪? 不明,兩傳其文。 案張儀與蘇秦同時,蘇秦之死,儀 知各 稷,⑥黄帝之子孫也。 審 , 每宜從儀言, 東海張商 何文 作《殷本紀》,言契母 相違甚 焉。 姜嫄,野出 以定 亦 夫 作 二者不可 讀殷、周《 也? 觀 其 列 實 傳 世 帝轉 見大人 表 贵 固 而 兩 本 簡 代 相 説 知

上「以」字,通津本作「之」。

<sup>「</sup>衍」,孫治讓云當作「子」。

<sup>「</sup>公」,原作「功」,據通津本改。

書」下,據文意宜有「不可」二字。

<sup>「</sup>各」,馬宗霍疑爲「當」字之誤。

<sup>「</sup>契」,原作「静」,據通津本改。

出 傳 野 於 出 而 也 野 浴 太史公兼 於川 履 大人之跡 水, 紀 今言 不 别 ,違尊貴之節 浴 於川, 案 帝 吞 王 玄鳥 之妃,不宜 誤 之卵, 是非

脩 也。 祀 致 祭 觀。 焉。 説 愈, 邪 過 相 亢 一等 早 雩 增 報 可 0 如 天 以 皆言 治 鴻 者 以 陽 審 新 侯 以 應 知 陸 龍 以 道 雩 政 語 之 政 寢 所言 賈之言,未 君 天 **零祭**,不 失道 然 節 不  $\approx$ 致 疾 其 土 臣 脩 也 旱,宜 陸 何 「,參貳 政 足 用 陰 龍 賈 龍 治 何 益 鄭 以 口 所 哉? 不治 陽 夏 得 乃脩雩設 復 子 復 見 經 以 造, 不 郊 失,言可 政 産 遺 傳 致 以 和 之祀 之言 蓋 ^ 與 闕 政。 雨 春 也。 雖古聖之言不 陰 晉 董 頗 龍 而 秋 陽 采 政 同 仲 豈 祀 晉 乎? 難 仲舒之言雩 》公羊氏 相 行 禍 虧 舒 晉 夏 廢 曉 事 渾 9 爲 夏 侯 相 郊 也 雩 之 之 早 郊 美 被 而 而 祀 之 過 湛 之 再 復 能 足 疾 夫 服

> 零龍 寒 政 神 復之義,安 喜 温 所 致,其 哉 之事 求 ? 祐 未 所 咎 或 鴻 曉 在 施 雨 材 其 哉 至亢 人。 巨 故 識 陽 且 獨 第 夫 如 不 爲 當 寒 兩 改,❸旱 亢 疑 復 温 早之 焉 報 與 寒温 早 禍 福 湛 不 4 ·, 宜 除 同 不 爲 俱 爲 戀

蓋 説 漢 子 亂 方三家尚 子 孔 孔 也 也 子 子 ; 董 雲無 之書 言 其 漢 仲 矣。 作 舒 餘 也。 世俗 也。 著 涇 書 6 讀 者 書 渭 之論 讖 或 之者 多 不 也。 書云 以 稱 司 爲 或 子者 仲 然 馬子 : 爲「 亂 舒 而 董 説 子 亂 長、 意 者 仲 道 長 殆 我 舒 楊 理 術 少 自 書 亂 子 也 奇 臆 謂 我 者 雲, 矣, 中 理 書。 過 北 之 孔 煩 諸 河

8 2

<sup>● 「</sup>再」,黄暉云當作「可」

<sup>「</sup>政虧」,四庫本作「致雨」。

<sup>「</sup>之」,通津本作「求」。

<sup>「</sup>三」,黄暉云當作「二」。

五

帝

顔

淵

日

:「舜何

人也?

子

何人也?」

三王,

顔

淵

獨

慕舜者,

知己步

鰯

有

同

3

章 定 言焉。 其 周 洋 遠。 史公書,●蓋 也 子之書 及 聖人之門, 其言「理孔 也。 子之書 乎 一轉側 修 始 孔子,其言「煩亂孔子之書」者 零治 其 盈 孔 然 其 本,仲 子 世 耳 不 而 也 類 不 龍 哉 亂 俗 讀 日 也。 安。 子之書」,亦知奇之言也。 煩 亂 9 者 其 共 用 舒 亂 理 其言「理孔子之書」者,亦 崩 義 必將有義,未 孔子 師 心 在 案仲舒之書,不違儒家,不 孔 孔子之書」,才高之語 也。 心 不實, 摯之始,《 亂 漢 子之書,子長、子雲 不 1,於孔 終論 終其末。 賦 字 同 不不 頌 省事失情,二 理 定 子言 篇 可 省本實 之 闘 於 下 怪 與 班也皮續 雎》之亂 仲舒 其 也 也 亂 非也。 有 故 孔子 之言 相 | | | | | 語 出 無 説 去 也 太 生 洋 非 孔 不 人 誤 此 甚 ;

> 爲 也 之 鈍 哉? 君山 里 驥 世 以驗之? Ш 之言道 也 工,不必 四《難 也 乃 ,終不同 毛 疑 色異 之論 世 桓 知 知 有馬於此 人 德 卿 德 ; 一驥 君 或 政 也 決疑訟 所 難 桓寬 君山 於 Ш 騄 疑,言 論 治 慕 追 人, 人期 莫 二子者,姓 有 相 也 之論 之 上 默 足 可 ,❸獄定 人於此,文偶 訂 也。 嘉 識 非 鹽 行 驥 難 美 是 賢 是 所 鐵 千 與衆 故 爲,論 追 忧 追 知,不 非 里,終 嫌 名 仲 也。 乃 君 殊 罪,是非不決, 同 馬 舒 質 見。 也 Ш 者 必 絶 仲 兩 不 之文可及, 定 實 孔、 實之,故 舒 名 世 新 刃 跡,或蹈 是 故 也 論 論 驥 事 相 故 墨。 馬 割 ž 韓 效 次 論 仲 曲 難 類 利 千 何 君 與 驥 而 説 非 舒

<sup>●「</sup>也」,孫治讓云當作「叔」。

<sup>「</sup>治」,原作「始」,據四庫本改。

<sup>「</sup>卿」,裘錫圭云當作「鄉」。下一「卿」字同

貶 秋 貶 剖 於論 直 可 則 纖 曉 破 不 哉? 不 渾 立 介之惡。 一也。 明其惡 沌 務 世 全 案孔子作《春 解 人 疑 以譏其 決 必 可 亂 謂 褒, 兩 絲 卿 傳 操。 則 言 獄 并 義 紀,不 之吏才 無 ~ 秋》,采毫 以 新論》之義與《 不 明 其 可 宜 不 知 明 行 任 善 文無 處,孰 毛之善, 職 可可 春 與 至

東 論 有 雲不能 之《越紐 之囊橐,文雅之英雄 君 書。 太伯之《易章 僞 高 善 番 真 惡 夫古 2 鄒 夫俗好珍 過 周長生之輩 伯 而 無 録》、長生之《洞歷》, 也。 今 徒貴古,是謂 奇、臨淮 有 也。 故 句》、❸文術 善才有淺深,每 古不貴今,謂今之文不如 新。 袁太伯 ,位雖不至公卿,誠 才有高 也 廣 陵 古人賢今人也。 觀 之《箴銘》、 陳 、袁文術、會稽 下,言有是非 伯奇 子 無 劉 迴、 有古今; 子 之《元 政、楊 顔方,今 君 能 思 不 文 子 高 吴 案 古 知

> 意 之 好 門、雲、鋪共朝、覩奇見益、不爲古今變 也。 篇 尚 子雲作《太玄》,侯 雲之黨 生,奏象 經 奇 章 書 實事貪善,不遠 非 當今未 無已,故奇 賦 郎 也 班 能 頌 唐林、谷永,並 固 記 盡 顯 韓 反,一 蘭 奏,文辭斐 使 非 名 臺令楊 著書, 鋪 無 在 篇文往往 爲 子 窮。 百 術 隨 李 終、 世之後,則子政、子 比 炳 楊子 併 而宣之。 斯 以 傅 肩 采以言 觀 見 賦 毅 雲反 以 非,反 好,其美 之徒 象 迹相 非、斯 屈 事 離 原、 輕 心 而 , 雖 騒 楊 奪 賈 無 口

引

<sup>● 「</sup>箴」,原作「咸」,據四庫本改。

⑤ 「善」,孫人和云當作「蓋」。

<sup>6 「</sup>不遠」至「相輕」, 黄暉云句有誤。按, 當作「不爲併

趣可知。略借不合義者,案而論之。《六略》之録萬三千篇,❶雖不盡見,指

## 對 作 篇

訓 心。 必 作 或 自 問 垂文,何也?」 孔 日 : 墨 賢 之黨,②下至荀、 聖不 空 生,必 孟之徒,教 有 以 用 其

之害; 不弊 也。 便道 俗 之俗者,❹悉 世,反諸正,人道浹,王道 三千篇 驅 善歸 故采求 對 民 則 網 增增 曰 : 使之歸 民 解 善消惡 正道焉。 不文薄 聖人作經,藝者傳記 不結,有 具 毫毛之善, 貶 密 實 致。 ,割截横 誠 ; 孔子作《 獸失之患。 也。 民 夫防 不文薄、《春秋》 備 案《六略 纖 拓 決 所 ,驅役 春秋》,周 介之惡, 不 以 備 是 檢 一》之書 3 遊 故 匡 有 押 慢, 周 撥 水 民 濟 靡 道 溢 亂 弊 期 薄 薄 萬

> 失。6 言。 於正。 誣奏 則 不爲 造。 作。 陸賈之語不奏。 不空爲,因 桓 (其書。 譚之論不起,故夫賢聖之興 韓 楊、 董仲舒作道 書成文具,表 故漢 高 或 墨之學 祖 不 可不妄作,6作 天子下仲舒 立 不 小 弱 辨得天下,馬上 蘭臺之官,校 不 衆事不失實,凡論 術之書,頗言災異、政 法 亂 在 度 傳 「漢室。 不 義 於 壞 有益 審 廢 吏,◎當謂之下 則 之計 主父偃嫉之, 其 於 則 孟 書 化 文 子 韓 化 也 未 不 之 以 非 壞 轉 傳 治 考 有 起 之 其 事 則 所 補 不

可可

通

津

本作

一因」。

<sup>■「</sup>三」,原作「一」,據通津本改

<sup>「</sup>黨」,原作「當」,據通津本改

<sup>「</sup>藝」,黄暉云王本、崇文本作「賢」。

<sup>「</sup>押」,黄暉云當作「狎」。

<sup>「</sup>所」,黄暉云當作「得」。

<sup>「</sup>於吏」,原爲雙行小字,據通津本改爲正文。

覺 之事 立 賢人之在 退 之言,核道 愚 悟 仲 則 道 ,孝武 稱 輕 舒 論 爲 當 世也 貶 實之事,收 猶 非 死 説 4 0 不 一,進 以 罪 天 論 覺 而 子 則 者 失 尊其身,況 盡 赦之,2 故 俗。 不 忠宣 實之 追 俗 救 化, 語 夫 也 乎? 仲 所 以 則 不 論 舒 明 知 迷 言 無 還 朝 乱 故 觸 災 廷, 不 夫 則 忌 異

溢。 能 性 間 事 非 文不見 妄之言勝 論 之士 一好奇! 不 有 荷 衡》者,所 能 之語 調 非 是 故《論》 好 文飾 快 息 故 怪 談 意 真 , 盡 用 之 辞 論 華 美 以銓 衡》之造也 思 筆 而 語 爲 者 文 也。 華 極 墨 説 奇偉 放 增 虚 輕 心, 者 故 流 虚 益 驚 造 之觀 重之言, 虚 以 妄 實 耳 則 生空文,爲虚 〈之文。 譏 妄之 起衆書 事 動 實 也。 世 爲 事 心 俗。6 語 立真僞之平, 也。 不見 其本皆起人 美盛 何 並 不 朏 則? 失 是故 世 用 實, 妄之 作 俗 則 才 實 之 故 虚 華

> 紫朱 哉? 之議. 能 不舍 實 傳。 於真,實誠 非,世人 然否,疾心傷之,安能 姦僞之説; 忍 事 雜 リ則誤 哉 傳 聽 大奪儒家之論 予不得已!」今吾不得 厠 者 以 而 瓦 以 亂 衛 入賢者之耳。 不 爲 典城 爲 玉 絶。 驂 於爲,6世人不 好辩。 真 集糅。 乘 佩 然, 不 者 紫, 絶 説 越 孟 不 引 以 讀 職 而 論 平 則 子 情言之,豈 至 虚妄之書。 ? 不 文載 直 而 曰 或 悟,是非不定 已 舍 呼 之説 . 南 孟子傷 也。 子子 , 車 竹帛之上 面 覽 ·, 惻 稱 贵 褒 吾 虚 者 楊、 師 是 明 怛 好 心 妄 以 所 辯 顯 抑 墨 辨 賦 爲

<sup>■「</sup>當死」,原爲雙行小字,據通津本改爲正文。

❷ 「天」,原作「夫」,據通津本改

③ 「收」,楊寶忠云當作「攷」。

① 「俗也」至「爲非」,楊寶忠云「俗也」當爲「世俗□

<sup>「</sup>爲」,通津本作「偽」。
「譏」,原作「機」,據四庫本改。

從矣。 其《政 僞 虚 間之凡人所能 故 衛 夫九《虚》、三《 顔 胸 心 上,人臣愚惑,作論 之分 爲 回 中 驂 之文滅 恐土之危 之静 乘者同 違 務》言治民之道。 論 人所不 定 冀悟迷惑之心,使知 負 衡》。 氣 而 則 黄、老之教,非 賊 一心矣。 純 也。 能 增增 有「後」字。❷ 文露 見,與彼 年 誠之化日 覺 「》、《論一 損 也。 夫論説者,閔 於下。 壽 而 愁精 死》、《 旨 作 **~** 無 直 以 論 華 者 人 益 君 下 神 孳 辭 僞 虚 衡》諸 所 無 訂 於 遭 - 實得? 而 矣。 之文滅。 實之分。 以 貪, 鬼 性 弊, 姦 幽 世 》,世 異 篇 而 不 純 魂 一憂俗 改 則 也 禍 誠, 情 得 魄 教 實俗 俗 E 重 實。 己 若 實 教 於 於 與 華 所 動 作

者 作 非 也 或 也 亦亦 日 : 非述 論 聖 衡 也 人 **×**′≈ 作, 論 政 也 務 賢 者 論 可 述。 者 謂 ,述之次 作 以 者?. 賢 而 也。 非 作

厚」。

訂 造端 前 其 車 論 《序》、班 五. 四 爲六十四,故 卦,伏羲造之,故曰 衡》、《政務》,桓、鄒之二論 桂 是 也。 也。 其 掛 經之興,可謂作矣。 真 更爲, 多鄒 溢 而 儒 傷, 辩 其 又 叔 伯 《易》言伏 生就先師 前始. 数 非 皮《傳》, 奇《檢論 多。 其 也 衍。 0 實 未 4 今 有,若 虚 之説 羲 作 可 六 **>**, 謂《論衡》之成,猶六十 非 論 作 + 也 謂 《太史公書》、劉子 可 詰 述矣。 造 衡 倉 兀 八 謂 也, 以於世 卦 始 掛 文王圖 頡 論 而難之,文吏就 更爲, 前 以 作 非 矣。 狀 書 所 桓 俗 是 八,自 今觀 Щ 衍 謂 無 之 未 奚 君《 增 作 書 仲 有 本 1 論 益 也 作 新 於 政 演

<sup>「</sup>土」,黄暉據錢、黄、鄭、王本改爲「上」。

<sup>「</sup>後」,原漫漶不清,據通津本補

<sup>「</sup>桓山君」,劉盼遂云當作「桓君山」。

<sup>「</sup>非」,原爲空格,據通津本補。

<sup>「</sup>於」,通津本作「就」。

獄 吏 謂 卿 之事 作 乎 覆 而 考之, 謂 論 衡 w 爲 作,儒 生 文

禁民 之書。❸ 用,退 奏記 實 之,夫作 起 流 書 盜 四 者 散 ,上書奏記 酒 賊 也。 郡 猶 上 題 上 書 ,聖主憂懷,詔 守, 記 書 沉 退 書 奏記 夫 4 草 初 題 湎 宜 上 奏記,❷説 Ŀ 飲 孟 記 禁 書 名曰 是作 陳 年 書 酒 草 奢 謂 ·, 中 列 奏記之文也。 侈 《備乏》。 盜 之奏,奏記 也 名 便 書 州 發 賊 宜 日《 以 数 頗 胸 不 備 《禁酒 至。 皆 歉 臆 絶。 木 欲 文成 酒 穎 《論 轉 乏。 輔 奏記 縻 ]1] 易其 記 政。 汝 手 五. 衡》之人 言不 謂 由 郡 穀, 中 此言 名 造 今作 南 生 納 謂 其 作 民

之,唐林之奏,谷永之章,《論衡》、《政 之元,楊氏之玄,卜 秋》,人事各不 晉之《乘》,而 同 也。 楚之《 氣 《易》之乾坤、《春 號 不 檮 均 杌 也 魯之《 由 務 此 秋》 言 春

> 默 言伸 牘 後 説 而 家 通之人,疾之無 同 " **8** 丘 微 作 經發於臺下 尤 進 繩 材 多。 祖 趨 論 曉 經 也 弹 疾 然 解 擬聖人,而 0 陽 割 章句之説,6先 之不 見然否之分, 釋 城 漢 僧俗傳 世 ,讀於闕 子張 家 能 己。 一俗之疑 極 伏。」 漢 作《樂》,楊子云造《玄》, 筆墨之林, 孔 蔽 朝 掖, 逴詭 是 子 惑 辨 恐 師 不 以 曰:「人疾 , 譏。 奇説 其 照 論 僞 廢 是 書 驚耳 也 書 之 況《 失,著之 非 論之造, 放 類 之 論 之不 · · · 玉 流 也 理 衡 亂 簡 使 述 於 能 賢 其 細 漢

2

<sup>「</sup>作乎」,原爲雙行小字,據通津本改爲正文。

<sup>「</sup>上書」,原爲雙行小字,據文意改爲正文。

<sup>「</sup>奏奏」,劉盼遂云衍一字,「奏記」句

<sup>「</sup>書」下,通津本有「者」字。

<sup>「</sup>詭」,通津本作「絶」,黄暉云疑作「譎」

<sup>「</sup>祖」,原爲空格,據通津本補。

<sup>「</sup>人」上,通津本有「詩」字。「憎」,通津本作「俗傳」,屬上讀

許 浮 等 擾,安能 絶 子,不 下 夫 實 卒 日 石 安能 使卞 ,莫不稱 由 虚 類 暮 者九 鄒 堯時 之事, 不隱, 一,援戈 浮 衍 勝 不 州 謂 和受刖 妄 怒 不 能 十日 不言? 今天下 論 麾 輒 虚 燕太子 别 ^ 而 淮 ? 日 立 僞 並 觸 足之誅 南 或 證 出 日 論 不 俗傳 没 爲 書》言: 若 驗。 堯上 丹 則 爲 周 奪 楚 考之以 卻還。 之 不使日 州 既 正 若太史公之書,❶ 之王 Ш 共 射 是反 是。 過 四 ,使天 工 九 俗 海 世間 與 心,效之以 再 日 心 爲 尹 之 書 顓 中,讀 ; 濆 柱 非 以 外 書傳 魯 頊 又 涌 折 玉 陽 有 争 僞 虚 爲 見之 多若 筆 若 戰 轉 地 爲 事 石 據 手 若 維 爲 天 天 而

也 事 論 所當 衡 論 政 **>** 尚 九 死 務 務 **>** 虚 爲 9 », II 訂鬼》,所以 郡 欲令全民 或 守 增》, 相 所 立 縣 使 以 化 邑 俗 使 令長 薄 奉 俗 喪 稱 務 陳 葬 或 實 通 也 恩 誠 政

> 利 辟 事 苟 葬 死 器 汶濁之也。 葬 孔 寒暑; ; 害 無 者 奉 有 子 更 奚仲 知,不 而 爲 不姦, 徑 益 一藏 徒 庭 節 者 桀之瓦屋,以 之車 譏 雖 儉 麗 不約 能 其 作 0 今著《論死》及《死僞》之篇 級 何 爲鬼,冀 造作 , 6 斯 何 世 被 蓋 3光武. 害 世 書俗言不 棺 是則倉 ? 以 論 斂 觀 避 自 者 衡 倉 皇帝草 覽者將一 載 風 **>** 不 頡 有 載 省 雨 頡之徒有非,₹ 之 益 ? 6 伯 ; 車 之 書 劉 余之衣 信 茅 夫不 驗 曉解 子 死 馬 世 也 政 之語 以 論 爲 F. 明明 紀 言 約 其 以 明 薄

善

6

史」,原脱,據 通 津 本 補

奉」下,通津本有 縣邑令」, 原作 懸 「送」字。 色今」 诵 本

明原原 作 「盟」,據 通 津本 改。

車」,原漫漶不清 據錢 批 及通 津 本

雨 原 漫 漶不清 據 錢 批 及 通 津 本 補 補

原漫漶不清 據 錢 批 及通 津 本

作無害也,雖無害何補? 世本》十五家皆受責 也。 故夫有益 也 雖

誹也。 《恢國》、《驗符》、《盛褒》、《須頌》之言,無誹 所以興也。 《詩》傳至今。₃ 謗之辭,造作如此,可以免於罪矣! 也,冀望見采,而云有過。 囚罪其身,殁滅其詩乎? 詩》作民間、聖王可云「汝民也,何發作」, 古有命使采爵、❷欲觀 《論衡》實事疾妄、《齊世》、《宣漢》、 且凡造作之過,意其言妄而謗 論衡》、《政務》,其猶《詩》 斯蓋《論衡》之書 風 今已不然,故 俗知下情也。

論 衡卷第二十九

- 責」,原作「貴」,據錢批 及通 津本改。
- 至」,原作「亞」,據四庫本改。 爵」,黄暉云當作「詩」。

#### 論 衡 卷第三十

人,本復與豪

家丁某等

結

怨,

舉

家

徙

處

王

自 紀 篇

於人。 焉。 功,❸封 本魏 亂 安會稽, 人,長日蒙,少日 、恐爲怨讎 ,至蒙、誦滋甚。 郡元城,一□ 以農桑爲業。世祖勇任氣,卒 王充,●會稽上虞人也,字 歲凶,横道傷殺,怨讎衆多。 會稽陽亭。 留 錢 唐縣, 所害,6祖 誦 ]姓孫,❷一幾 故蒙、河 一歲 0 以 誦 賈 父汎 誦 倉 即 販 在錢唐 充父。 卒國 爲 舉 業。 家 世 仲 絶, 擔 嘗 任。 成 祖 生 載 勇 會世 從 子 世 其 不 軍 大 任 就 擾 揆 先 家

充

禮敬 充獨 嘗答,母未嘗非,閭 不 好狎! 具備,矜重 不肯,誦奇之。六歲教書,恭愿仁 建武三年,充生,爲小兒,與儕倫 侮。 儕 倫好掩 寂寥,❸有 里未嘗讓 雀 「捕蟬 巨人之志。父未 ,戲錢,林 八歲出於書 遨 順, 熙, 戯

充」下,通津本有「者」字。

0

「一□」,通津本僅有「一」字, 字,楊寶忠云即「人也」。

黄暉

云朱校元本空兩

- 一」、《注釋》删此字。
- 國 原作「道」,據通 津 本 改。
- 害」,通津本作「擒」。
- 汎」,原漫漶不清,據通 津
- 本」,通津本作「末」, 孫 治讓云當作「卒」。
- 重」,通津本作「莊」。

津本作「伯

人之大 希言 字。 肯自彰 不 不 在 在 筆 始 辯 所 手 摭, 在 會 官 善善 鄉 好徼 太 著 若 乎 縣 讀 書 而 2 0 里 「, 亦 守 文 既 坐 詭 文 位 經 不 或 書 過 勉 名 慕 短 爲 書 成 於 好 明 至 以 弗 不 亦 官 於 蘧 亦亦 列 衆 談 解 德 書 掾 問 以 亦 譽 如 世 掾 伯 專 小 對。 就 醜 功 行 悲 ; 日 師 極 不 此 不不 五. 薦 玉 得 童 操爲 曹, 有 博 謝 言 忘 受《 焉 官 之節 鞭 未 非 ·爲利 過 百 多。 人 聽 師 功 在 達 其 論 基 不 人 賜 之 操 其終, 曹 而 都 充書 人,終 一, 耻 語 解 才 害見將。 以 見 細 解 在 專 行 行 尉 **×**, ≪ 高 朝 君 非 門 己 上 事 以 亦 事 府 日 而 廷 將 , 人 日 尚 進 衆 上 材 弗 進 4 位 援 皆 不 不不 貪史子魚之 者 不言。 書》, 能 復 乃是之。 好 亦 亦 常言 州 筆 义 尚 以 爲名。 過 陷 自 及 掾 如 爲 無 苟 而 调 日 不 周 人長, 此 從 功 作 衆 過 及 失 能 論 諷 不不 對。 曹 焉 事 失 奇 所 以 釋 説 相 千 口

> 獨 文 貧 行 逸 秩,意若食萬 甘 居 樂 無 0 而 見汙 ,考論實 聞 畝 欲 異 傷 不 庇 言。 放 身,志 不 鍾 虚 肯 0 世 居 得官 自 書 佚 貧 明, 俗 苦 於 不欣,失 説 王公; 而 位 志 多 不 不 進 所 賤 倦 位 不 亦 無 不 安, 不 斗 恨 淫 懷 石 讀 出 恨 之 處 古 處

微過 友位 人。 友。 自 陳 畫 或 好 ? 雖 充爲 傑 微 日 羊 條 人清重 友 卑, 勝 陷 雅 有 之 之,然終 年 徒 良 徒 雖 遊 材 不 幼 摩 必 奇 氾 稚 不 口 擇友,不 文 行荷 結 自 膏 俗 無 舌 明 材 離 罪 , 亦 好苟交。 鄒 見 俗 俗 不 陷 陽 非 材 必 自 與 胡 怨 大 明 之 其 其 所

4 3

黄

暉

云

<sup>0</sup> 字同。 官 原 於 本 行 偏 右 側 通 津 本 作 館 下 一「官

② 「相摭」,通津本作「袒謫」。

<sup>「</sup>論説」至「其終」,通津本「論」上有「其」字,無空格

<sup>1112</sup> 

以 得,禍 鈞 平,不鬻知 退 時 無言 好進 鉠 歸 不在於人。 拔 清 不 吉凶 之也。 自 志不 浩 見 獄 於天,故 ; 不 既 故 虧 明,不惡 見 復 然恬 到不謂 羊勝 耐 爲 自 而 塵 出 勉 明 孔 虧。 士 不自 以 忽,無 不高 敗成,遭十羊勝,謂之無傷。 昔人見之,故歸之於命,委之於 自 子 憎 爲 兹 退以 苟有全完之行,不宜 干 己所爲。 伸 稱 不嫌 讒,或使之也;鄒 多 明 禄,不辭 退 不 ,不爲人所屈。」一答曰 命,孟子言天, 怨人。 口 所怨 故 見危,不 虧 自 爲 以 故時進意不爲豐,時 尤。 陳。 人所 爵以 求 同 安危 盈 廣 吾 福 陷 吊名,❷ 不不 不 無 至 吉凶 見 陽 蓋 而 好 不 違 齊死 削 憎 亦 得 謂 爲 險 不貪進 免,或 安 其 不 故 人所 己 以 危, 宜 所 動 盈 趨 默 不

越 次 不慕 充性 恬 高 澹,不 官, 食 不 爲 富 上 貴 所 爲 知 E 貶 所 朏 知 抑 拔 屈

> 卑 耕歷 同 不惡 子。 行, 知善,雖 憂德之不豐,不 患爵之不 於邑之心; 心 不恚位 與 囊 難 世 尊齊操 位之不遷。 ,苟有二寶之質,不害爲 山,若終不免;及受堯禪 孔子之仕,無所 何 而 下。 賤 行易,好友同志 效放?」答 猶 爲 位 顯;不能 比爲縣吏, 司 賤 空相 垂棘 與 貴 避 曰 國,無 與 比德 別白 矣。 仕 瓦 無所擇避。 · 尊 ; 可 同 爲 效 不 斯 説 雖 世 櫝 耻名之不白 · 擇 乘 放 若卒自 可 豫之色。 尊 所 田 地 者 矣。 明 猶 同 委吏 莫 月 辱 濁 或 與 過 世 操 H 得 能 無 礫 孔 傷 處 舜

位之時,衆人蟻 俗 性 貪 進 忽 附 退 ; 收收 廢 退 成 窮 棄 居 敗 舊故 充 升 叛去。 擢 在

0

<sup>「</sup>不」,通津本作雙行小字「不宜」

<sup>「</sup>吊」,四庫本作「釣」。

<sup>「</sup>位下」,通津本作「下位」。

辜,不 戟 者。 菜 野 也 巷之樂,不 和 不 欲 以 大 小 以 志 而 采 牢。 篇 也 野野 得 雅 神 懿。 0 王 俗 俗 雖 葵、鈇 仙 故 0 言 己 説 故 人之寡 必 人 4 盡 之藥 既 蘇 鴻 冀 且 秦, 而 以 臯 閉 俗 堯 禮 有 麗 俗 秦 雅 或 强 鉞 用《 陶 不 曉 舜 而 不 有 精 恩 以 深懿之言,關 譴 人 言 聽 裁箸,盆 與,子 之言, 露 孝公 觀 須 故閑居 韶 所 説 治 謂 而 調 之言 不 齀 於 書 × 説 之 而 和 待, 胸 不 <u>~</u> 而 欬 ·貢 猶 趙 丘 淺 又 武 葵 盎 暇 者 自覺,故 野 妙 答 飲 6 事 作《 不 韮 制 而 酌 少。 **2** 不 免 稱 牛 宜 於 有 李兑 貂 后,大 日 譏 不 以 里 以 而 大 所 得 夫不 狐 俗》、《節 俟 深 怒 牛 母 酒 直 不 而 所 孔 以 之表 不 鴻 之 狄牙。6 須,斷 小 刀 露 不 曉 子 得 聖 馬 説 啖 之文, 祀 失宜 割 通 其 失 心 以 吾 馬 典 無 ; 義 鷄 於 文, 馬 不 諧 意 取 決 商 以 而 不 於 待 閭 猶 説 集 善 舒 知 薪 脯 所 鞅 逆 示

> 智 ? 之者 加 深 淺之 希。 喻 難以 差。 何 以 易 0 爲 辯 賢 ? 聖 銓材之所宜 喻 深 以 淺 故 何 文 以 能 爲

傷 夫 精苦思,不睹 君之政,徒欲治人,不得 賢 僞 聖 書 充 既 殁 俗 疾 而 文 俗情 大義 多 所趨,❸ 不 分,蹉 實 作《 誠 故作《 譏 跪 故 其 俗》之書 殊趨 宜 爲 政 一,不曉 ^ 務》之書。 論 各自 衡》之書。 其務, 又 開 閔 門 又 愁 人

- 「雅」,黄暉疑作「稚」
- 「暇」,通津本作「用」。
- 「入」,原作「人」,據通津本改。
- → 「懿」,四庫本作「懿悟」。孫詒讓云當作「熹」。
- 「形」字。「俗曉露」,孫人和云當作「曉俗」。黄暉云「曉」下以
- 「牙」,原作「來」,據通津本改
- 「而」,通津本作「爲」。
- ❸ 「睹」,原作「堵」,據通津本改。

定。 所言 其 取 通 文 ,在百歲之前,歷 觀 (盛,其 没華虚之文,存敦 近是,信之入骨,不 覽,不 辯 能 争,浮華虚 釘 銓。 日 彌 厖之朴; 可 久,以 遥 僞 之 語 自解 聞 傳 爲昔古之事 故 授,筆寫 9 撥 作是論 流 莫 失之 不 澄 耳

風

,反宓戯之俗

乃 下。 得。 言,鴻 深 轍 淺 别之文。《論衡》之書,何 玉 深,筆敏 譏俗》之書,欲 複 隱 也 極,不能 ? 寶物 石 充書形 重 及 間 蓋賢聖之材鴻 答 優 者 玉 以 爲 曰 珠匿 雅 其 隱 色剖於石 露易 復? 難 • 文 閉 玉 悟俗 魚 沉 不見 卒 觀 隱 腹 何文之察與彼 曉 石 人,故 心,珠 實 故 案經 非 睹 或 間 曰 玉 爲 語 其 藝 珠 形露 世 . 光 Ι. 文 復然? 亦 之文,賢 匿 讀 出 珠 語 宜  $\Box$ 之者, 其 於 魚 師 與 深 經藝 辯 莫能 腹 指 魚 沉 俗不通 豊 者 腹 難 故 爲 聖 殊 材 訓 其 其 測 采 之 分 軌 有 古

> 臆之中 七十 長 務在 若聾之通耳。 居照察,●人莫不 相 不 疑 珠 隱 論衡》者 可 隱 而 識 出 乎? 匿 睹。 「露文。 有 ,安肯説喜? 乎 微 以以 ·, 猶 餘 爛若 猶吾文未 盡 觀讀之者,曉然若 ,論之平也。 斯示 玉 顔 高士之文雅,言 可 隱 肌 天文之照, 三年盲子,卒見 名 珠 人,堯、舜 明 . 知 處。 匿 集於簡 潔, 6五 道畔巨樹 0 也。 使樹 且 口 順 名 及 則 札之上 猶 色分 不 若 盲 無 白 出 務 惑。 父 之 巨 地 塹 荴 不 在 别 事 理 邊 開 露 而 母,不察察 可 明 , 3 自 之曉 隱 言 循 長 目 曉 隱 面 藏 定 溝 指 微 溝 聆 筆 色 於 玉 嫌嫌 也 部 然 憂 所 剖 則 胸 無

2

3

<sup>●「</sup>釘銓」,孫治讓云當作「訂詮」

<sup>「</sup>虚」,原脱,據通津本補。

<sup>「</sup>猶」,四庫本無此字。黄暉云當在上句「其」下。

<sup>「</sup>照」,通津本作「昭」。

<sup>□ 「</sup>顏」,通津本作「頰」。

失 黝 喜 九 而 黑 可 醜 得 垢 察,占 重 襲 射之者, 而 覆部 十不 ,占射之者 失 0 使 而 面

雅 言 始 淺 曉 閉 時 文,賢聖之 深 爲 與 故 雅 皇 文讀 世, 公 彼 指 事 複 著之文字。 須 孰 讀 意? 時 典 分 夫 師 0 相 筆 爲 之 明 文 韓 雅 其 辯者 乃 離 非 辩 難 非 可 由 文 學 獄當 語,古今言 以 遠 務 指 曉,名 之 知 口 語 ,投之於 ? 荴 難 意 書 文字 曉 此 也 孰 嫌 露 知 難 故 辜, 名 嘆 日 爲 故 爲 或 覩 與言 口 不 使 日 日 良 其 通 地 言 卿 淺 殊, 巧 語 指 唯 吏? 事 決 以 露 同 「猶 吏 不 何 賦 異 閉 四 口 疑 明 分 趨 文 嘆之有? 隱 獨 方 頌 思 名 夫 事 志 不 别 以 何爲 耳。 談 不 也 言 口 名 昭 渾 或 得 異 論 如 知 察 恐 沌 後 經 猶 深 深 此 明 也 以 材 爲 滅 難 傳 當 运 夫 鴻 人 分 鴻。 良, 曉 遺 秦 不 當 之 隱 筆 優 同 明 優

> 著 子 口 者 相 論 賢 欲 務 以以 解 其 分 眸子 易 而 曉 可 明 而 聽,不 瞭 難 者 爲,不 務 察文 深 貴 迂 難 以 而 知 義 難 而 可 睹 易 曉 造 孟

衆。」 矣。 之莫 今吾 真。 己, 耳 高 堂。」今殆 合衆 桃 ? 與 合 何 答 然 怪 實 黍 心 充 如當從衆順 辩 衆 猶 論 日 書 左 之有? 心 不違 孔 説 違 孔 : 右 説 故管子 非 子 論 不 子 皆 詭 辯 而 先 人意,百 貴 與 之 於 掩 然 不 食 人心 世 孔 是 序 俗 ☐ : 從, 否 同, 黍 子 而 食 而 者 故 安 而 侍 不 人讀 故文 也; 言言 或 笑 喪黜 得 啖 務 坐 循 難 室 貫 俗 桃 於 不 華 刺刺 之 舊 日 其 滿 俗 譎 莫 魯 人 守 : 於俗,不 口 事 僞 室,言 常 違之,猶左 之 哀 雅 譴 謂 文 尚 而 于, 日 公, 心 貴 得 諷 存 然 堂 公 習 食 定 逆 合 夫 而 也。 俗 聞 序 賜 其 於 滿 順 Mi 不

卞和 書,賢者欣頌,愚者逃 蓋 巷,撥 孔、 於趙 右之掩 相 不嗜,狄牙甘食 背 獨是之語 墨之籍,季 佩服。 爲 世之言訾於品俗。 何世 不好。  $\Box$ 也。 不 孰是孰非? 高高 然? 善雅 孟不肯讀。 堯、 士不舍,俗夫不 有寶 舜 歌 魯文 頓 之典,五伯不 ,於鄭爲人悲,❶禮 玉 有美味 逆 可信者誰 於 寧危之計 祀, 《是,俗· · 好 畔 於 者五 人 ? 斯 肯 感衆之 朏 、投之, 禮俗 。 俗 於 觀 舞 間 ;

故辯言 味。 於 論 無 師 淮 譬 曠 耳 擇 南 然則 調 , 説俗爲戾, 文不 則 文。文必 充書不能純美。 無 事 懸 通 不 味 曲 於 聽,麗 人 於 無 市 造 麗 心, 門, 不 書,文 以 文 悲 文察 好,言必 觀 無不寫。 或曰:「口 美好,❷於觀不 ; 讀 狄 無 於 之者, 牙 瑕 目 辯 和 穢 則 今新 以 無 膳 篇 無擇言, 巧。 訾 留 吕 肴 快。 書 於 言 氏 無 既 言。 手。 澹 蓋 在 瞭 筆

> 通文 好, 今無二 羹 鍾,6 指 暇 草多 得 曰 : 爲, 金安能令文而 必 好 趨 調足,深淵捕 夫養食者不育華, 猶 有 妙 華 良 糠 遠 論辯是 有 工 英,◎茂林 書之美,文雖 淡 皮 必 所 味,至 太 語 有 朏 半 甘 非 不 ; 寶必 文峭, 言不得巧。 蛟,不暇定手。 言金 閲 無譴毀? 巧。然 多 錢 枯 有 衆盛 由 滿 務 枝。 調 則 瑕穢,大簡 貴家起,文糞自 意 億 行 辯 等 決 淺 救 猶 爲 者 言必有 小。 入澤 火 文 多 不 言姦 拯 欲 出 5 飾 譴 随 溺 必 稻 顯 毁。」 萬 辭 所 辭 龜,不 義 有 穀 白 簡 屈 賤 答 千 其 豐 大

<sup>「</sup>人」,黄暉云當作「不」。

<sup>「</sup>文」,通津本作「又」。

<sup>「</sup>華」,黄暉云當作「落」。蔣禮鴻云當作「茲

<sup>「</sup>其」,原脱,據通津本補

<sup>「</sup>務意」,黄暉云當乙爲「意務」。

<sup>「</sup>稻」,孫人和、《校注》云當作「舀」。

<sup>「</sup>大好」,黄暉云當作「不好」

者,家 故有千金副 室 不合,焉敢 出 富 ^ 官 淮 譴 貴 南 也。 觀 字 讀之者,惶恐畏忌 吕 ? 夫貴,故 氏》之 無 得 累 懸 害, 於 市 所 雖 ; 由 富 乖 出

以 色不 生 務 不 相 稱 有 工 子雲不入。 謂之論 日 一、不必 襲 巧?」答曰: 驗 似者失情。 巧文,或 Ι. 與合然後 巧 同 是 €集於傳 充書既 謂之飾 也 道,實 面 則 相 皆 辨 Ŧi. 似 文不與前 稱 成 文士之務, 帝 僞 文偶辞, 事 佳 善 飾貌 ,或稽合於古,不 各 百夫之子,不同父母 不合。 以 不 委璅 於 一是則 以 實 異 目 所禀,自爲 以 事 事 文給 ; 或徑或迂 相 稽之 彊 代 2 各有 三王不 似 悲音不共声 類 必謀慮有 匠 安 子 甘 者 斵 所 失 得 長 酸 不傷手,然 從。 佳 ·類前. 殊 ,或屈或舒。 形 譜 名 不當 業 好 合,文 佳 或 尽於 調 殊 人。 也 皆 好 内 調 文 類 辭 辞 後 必 之 經 決 美 或 辞 稱 而 以

之皆飽 於耳 采,3禹 目 酒 當 謂 醴 文 復 異 當 氣 重 瞳 與前合,是謂 飲之皆 醉 百 舜 穀 目 殊 當 味 復 食

多,6 少者 不 得。 躁 讀 寡 尚 爲 人 者 省 而 之 名 用 示 固 章 玉 而 充 而 者,一 能 爲 書 華 少 趣 神。」 以 今所 文 石 盡 明。 文 多 重 無 章 多爲 答曰 篇非 作 • 辯 寡。 無 新 或 士 多 補 不 書出 者不 之言要 曰 爲 善。 有是言 : 世 如皆 則 萬 爲 文 用 語 傳 言, 而 貴 爲 者 珍 約 者 也 易言 繁而 達 用 約 ; 不 百 龍 ,文人之 而 能 篇 蓋 則多者 指 少 不省 文重 寡言 領。 無 魚 通 害 衆 詞 被 無 難 則 ;

0

2

一黄

暉云當作

實

尽」, 通 津 本 無 此

皆 原 作 目」, 據 通

<sup>3</sup> 目 通 津本作 眉

玉 一少石 多 原作 瑪石 據 遞 修 本 旁批 及通津

繭

重

厚

7,称其

出

絲

孰

者

爲

多

?

充

仕

数

不

耦

而

徒

著

書

自

紀。

0

或

虧

也。

6

河

水

沛

沛

比

夫

衆

][[

孰

者

爲

大

蟲

蓋

謂

所

以

出

者

微

4

觀

之

者

不

能

不

譴

呵

篇

百

有

餘

吾書

亦

財

出

百,

而

云

泰

多

傳

斯

所

論

百

種

按古太公望,近

董

仲

舒

,傳作

書

魚

多

帝

都

穀

多

, **3** 王

市

肩

靡

書

雖

文

重

不得褊

;

事衆,文不

得褊

事衆

文

饒

",水大

條

無異,篇以十第,文以

萬

數。

夫

形大,

衣

宜 少。 好 夫宅舍多,土地不得 富者? 爲賢? 卷,吾有 善 ,争辯之言,●安得約 ,少者爲下。❶ 今失實之事多,華 加 云不能領,斯 今不日 百 蓋 篇 文 多 , 所言 人 勝 累積 無 寡 少; 蓋 非 千金,比 吾 而 財 字, 徑 虚 户口 書 云 寡 ? 之 吾 泰 所 愈 語 韓 衆 有 於一 以 多 貧 衆,指 **海籍** 非 7,不日 萬 不得省也 言, 之 百 世 書, 實 世 不 孰 無 孰 定 得 不 者 爲

以 出 仕 事 才不容,斥逐,伐樹,浣浙 曰 思 数 得 何 : 屬 朏 趨 功 所 立 文 乎?」答曰 斥 貴 著記 故 鴻 材 爲 未 材者,仕宦耦合,❸身容説納 , ●美言 高 練 : 於 也。 材 事 鴻 何 今吾子涉世落 ,力未尽於 莫過 補 • 於 見圍 孔 身

子

, •

孔

削

迹

木

?

衆

多

欲

職

故

徒

魄

9

下」,原脱 通 津 本 補

争 辯」, 通津本作「辯争」。

穀多」,楊 寶忠云當作「穀繋」。

傳斯」

觀」下,通 津本有 「讀」字。

孰者爲多」,通津本作「孰爲多

紀」,原作「己」,據通津本改

宦 原脱 ,據通津 本補

落 魄」,原作「□ 世, 據通 本

屬文」,原 作 「又」,據通 津 本

鴻 原脱 據 通津 本 補

浣 浙」, 通 津本作 接 淅 孫 詒 讓 云 當

世 通 津本無此二字。

者未必 札 後 德, 於 彰 與 失之。 稱 貪 則 夫 惡,奇俊 禄 遇之厄,❷ 餓 與與 我 行 與 憲 專城 泊 居 不 陳 身通 共 爲 與 蹠 , 非 絜 乃 物 雖 與 食土者,材賢孔、墨。圖 故 廬 知 累 世 比 而 可 了; **①** 門 傾 俱 孔子 才能 落魄。❻ 迹 不 夫 而 同 戲 ,窮者未必愚。 行 未 倉 殁,名不 命 知 偶 墨。9 也 文德 慕 與之等,3 之 徒 比 高 困 身 0 合 厚禄善,庸 與賜 菜色。 過 窮, 士 與 若 容 必 官大 , 0未 食千 所 不豐,非 草 流 夫德 説 以 同 貴,不 文 木 於 偶 衡 今吾 徧 足 而 身 與 鍾 俱 高 ; 命 遇 德 以爲 可 人 尊 之禄, 楊 吾 嗣 朽 與 樂 而 材 者 稱 輕 尊 細,於彼爲榮, 体 声 雄 所 與 名 身貴 俗 不 材 乎 文不 累也 則 顯 佚, 臧 爲 均, 夷俱旅,不 逮 無 與 量 得 雙 孔 而 百 遺 5 4 官卑 一長 德 日 故 命 名賤 子 載 吾 其 士 於 月 薄 不 且 德 之 之 榮 名 而 遇 達 汪 並 願 則 禄

於 言 穢 溶 而 世,名傳於千 淵 滬 而 懿 泉出 知 滂 富富 沛 · 載 而 材 , 6乃吾所謂 盈 羨知 溢 貴 筆 瀧 行 異 尊 漉 也 志 而 体 雨

列

困 原 脱 據 通 津 本

遇」, 通 津 本 作 偶

與 原脱 據 通 津 本 補

徧 通 津 本作「

奇」, 則, 原 原 脱 脱 據 據 通 通 津 津 本 本 補 寶 忠 云

賢」, 命」, 原脱 通 津本作「合」。 據 通 津 本補 「材」,

原

脱

诵

居 原作 「君」, 據通津 本

長」, 原脱 據 通 津

非」,原脱 據 通 津 本 補

子」下, 原 有 與」字 據 通 津 本

所」,原 脱 據 通 本 補

溶」, 有 孫 窟字 和 云當 溛 行

16 於」 原 原 脱 脱 據 通 通 津 津 本 本 補

常 賢 妖 據 跡 帝 之迹,記於牒籍; 生 載 懿 士 無 而 言,❷宜 以 百 一,度 ? 貴, 物物 不一 嘉 所 之基,●文墨 詭 物 鳥 況未 禾 禀 6 顯 充 於衆 載 不 故 無 無 世 無 達 有 在 階 細 爲 異 與 孤 常 類 而 世 舊 有 嘗 族 妖 俗協 發。 興; 終 而 嘉 而 起 母 根 鳳 孤 變, 履 以 突 不 珍。 妄 驪 一無篇 門。 也 皇, 放 墨 伊 出 士 爲 安得 生 庸 犢 希出 賢 涂, 物貴,故 貴 日 高。 淵 望不 才 日 籍之遺 用 或 騂 屈 怪。 雅 高 無 出 異, 寶 奇 不 啁 一之物 是 材 無 夫 同 見 種 儒 斯 能 之 之 則 吾 不 氣 而 害 家 2,雖著: 門,吐 獨 屈 麒 程。 士 文 子 澧 日 常 慎 犧 無 勒 而 8 産 麟 見, 而 : 何 泉 興,9 有 漸 牲 於 出 遭 多賢?」 鴻 6 祖 人無 論 家 有 是 鼎 倜 而 而 時 麗之論 數 故 節 祖 千 銘 故 爣 其 忽 卒 祖 不 而 千 濁 大 罕 之 源 文 祖 先 見 至 無 里 孰 聖 答 殊 發 辭 萬 裔 高 五. 不 淑  $\Box$ 

> 卓 神。 清 超 元 有子 故 倫 不 伯 ; 膀 能著文。 雲; 孔、 牛 奇 寢疾,仲弓潔 墨祖 人。 桓 氏 牓, 愚,丘 稽 讀 爲妨 古 翟 全 譎 聖 鯀 出 賢 顔 惡 君 路 禹 ; Ш 楊 庸 聖,叟頑 家 古 更 不 禀 口 通 於 桀 舜

九 刺 割 江 充以元 廬 1 江 筆 後 扎 和 之思  $\equiv$ 人 年 爲 徙 治 歷 家 中。 年 辟 寢 材 詣 廢 小 楊 州 章 任 和 大 部 二年 丹 職 陽、 在

■「家」,通津本作「宗」。

「千」,楊寶忠疑乃「十」之誤。

了「才」,原脱,據通津本補。

「獨」,原脱,據通津本補。

「節」,通津本無。

「澧」,孫人和、劉盼遂皆云當作「醴」

「用」,通津本作「角」。孫詒讓云當作「甬」

「慎」,蔣禮鴻云當作「憤」。

「刺割」,楊寶忠云《御覽》引作「刻劾」,《書鈔》引作

10

利

害

五. 一

Ŧi.

悲哉 聖道 灰。6 年 幼老生死古今,罔不詳該。 塞 貧 白 人性命, 可 書,凡十六篇。 際,雖懼終 絶,志窮無 罷 歷 延,斯 聰 無供養,志 州 齒落,日 家居。 但記,●孰使留之? ,愛精自保。 柎 上自黄、唐、下臻秦、漢 長 須不老。 理於 月 短 徂 如。 年 踰 有期, 不 通材, , 漸 養氣自 愚 · 娱 邁 年有不 七十, 既 適 猶 快。 疇 輔 如 晚 沛 亦 衡之平, 無還,垂書示後。 服藥引導,庶冀 守,適食則 倫 沛 曆 然,●身有利 時 猶 虫 彊索,❷鮮 數 可 命以 人黄泉,消爲土 物, 乃 冉 懸 而 作《 冉,❸庚辛 輿。 生 不 如 來,折衷以 酒。 養性》之 死 延 鑑之開。 所恃 害。 仕路 一,吁 性 閉 時。 賴 嗟 惟 命 域 髮 明 隔

4 3 彊, 年」, 曆數冉」 通 通 原

消」原 但」,裘錫圭云當作「且」。「記」。 作「涓」 脱 據通 據 通 津本改。 津 本 補。

> 孫 治讓

云當作「訖」。

嗟」,通津本作「噗」。

論

衡

卷第三十

津本作「事」。 津本作

真,乃 若 業太 無書 理 九 物 范 誦 刀筆,著《論 齊 類 詭 憶 曄《 流之拘誕,天人之際 今中 異,終 學, 同 遂 王 東 閉 嘗 不 氏 異,正時 土 博 師 窮 門 漢 遊 族 未 有 通 盡 事 潛 雒 衡》 姓 有 理 衆 班 列 思 陽 行 柎 傳 實 俗 八 流 彪 ·禮 市 傳》云: 狀 者。 理 嫌 + 百家之言。 肆 博 ,於《自紀篇》述之詳 折 絶 疑 以 五. 覽 <sup>2</sup>。」訂 閱 衷 一篇,一 慶 爲 蔡邕人吴會始得之, 悉所 而 「充,字仲任,嘗受 一一一一 此 所 俗儒守文,多失 不守章句。 賣 百氏之增虚  $\overline{+}$ 書 會 書,一見 充好論 牖 爲 餘 通 墻 多。 萬 性 壁各 言 説 既 命 輒 家 矣。 之 始 置 其 能 貧 釋

> 帖》者 幼 轉 家寶。 許下 也。 常 得 衆,亥豕益 遂 當得異書。」問之,果以《論 去。 或 而 俗 易 同 見傳 搜 好 祕 諸 ·, 時 聚 其 邕 本七,率二十七卷。 而 求 玩 但 然其 後 子。 其 書,於《論 不 焉 T 以 紀, 摘 帳 王 寧 爲 部 稱其才進。 篇 中 朗 談 吾 之 而 流 是 - 隱處 鄉 來 爲 助。 卷 行 曰 或 以 守 衡》 好 備 脱 . 首 四 · 覽者 會 ,果得《 事者, 用 惟 故 尾 漏,文字 方, 光多 稽, 時 ; 顛 或 不 我 作《意 今殆千 人 躓 其 往 購 能 又 論 曰: 與 衡》之益。 嫌 而 往 獲 得 通 踳 衡》, 爾 伯 不 「不見 程氏 自守 林》者 自 其 其 駮, 載 共 喈 聯 讀 書。 抱數 之, 得 魯 書 西 焉 或 紀 撰 異人, 異 齋所 繇 勿 卷 魚 止 及 櫝 句 中, 是 還 持 余 六 其 鈔 廣

「一」,標題原無此字,乃校點者所加

然 者,非 信 字。 祕 雄 之。 海之紀 者仍續,闕者復補 本 内,率以 乖 推 略 秉前所校者也。 又得史館本二,各三十卷,乃 貯,蓋今起居 後得 玩 乃 辩 源,譌者譯之,散者聚之,亡者追之,俾 移 經 違,儻遂傳行,必 又爲改正塗注凡一萬 乎? 校勘 士君子之先覺者也 宏博,豈 脩改 有如日星之麗天,順經躔 矜己功。 而 地 少錯 共,問之然後 ,尚互有闕遺意。❷ 自 即募工刊印,庶 者 止爲 源委以安流 者 妄 舍 不 爲主,然後 人彭公乘 加 余嘗廢寢食 敢 「談助」、「才進 删 差 惟古今字有通 同 削, 理實。 王、 言其益 致 曾 一千一百 傳 蔡之徒,待 條 互質疑謬,沿 其文 秉筆之士 所 庫 今研覈數本之 其謄録者誤 ,討尋衆本, 不泯,有 綱紊亂 也。 對 部 而 一而 取譬連 者 郎 軌道 用 時 已哉 五. 中 正 能 ,山田 聖宋 搜之 益 十九 稍 · 李 ; 也 類 學 河 存 造 無 趣 公 断 有 雖

> 慶曆 五. 禩 月二十六 日 前 進 士 楊 文 昌

Ŧi.

四

題

序。

者」。 乘」,黄 暉 云天啓本作「家」。 「者正」,通 津 本作「正

0

2 闕」下,黄暉 百」,通津本作「二百」。 據天啓本補「疑」字。 矣。

書成,蔡邕得之,秘之

帳

中

以

爲

談

助

衡

八十一篇,凡二十

餘

萬

言

其

用

功

勤

通

衆

流

其

爲

學

博

矣。

閉

門

絶

慶

弔,著《

論

充

生

會

稽

而

受業

太

**八學**,閱

書

市

肆

遂

滅 世 宋 進 總 莊 重 公,以 不不 目 所 刻 士 公文費 楊 傳 **>** 王 於 同。 可 充 本 文 會 所藏 復 氏 昌 爲之補 稽 或 諸本 讀 所 蓬 爲二十七 論 善 定者 萊 繕 本 江 衡 刻 閣 南 寫 **\***, 重 而 下, 諸 互. 加 號 卷。 崇文 其 有 道 校 稱 歲 本復完。 行 完 同 正 月 史館 總 異。 御 善。 既 目 史臺 紹 本與《崇文 》三十卷。 興 番 宋 慶 路 文 陽 經 字 洪 歷 總 曆 公 管 克 漫 中

王朗 其實; 者 以 《論 學博,其用 書 者 著之簡 知 以 知所宗。 而各有以 也。 爲 定之形,而 紫朱 爲 此 ,知之而 死 衡者論 異書,遂大 得之,及來許下,人 也 \*\ « 諸 嘗試 編 雜 子尺 充心 全其才,五三六經,爲 ,使天下之人皆知 訂 先王之澤 功 不 厠 之平 論 鬼》, 勤 能 有 書,人 不 之,天 瓦 行於世, ,其著述 名 也。 能忍,於是 以 玉 也。 定之理。 ·熄,家· 祛 人 集 地 其爲九《虚》、三《增 或誕 世 古昔 揉 之大,萬 誠 傳之至今。 稱 一俗之惑,使見者曉 有 其 自 9 作《論 群 其 聖 才進 出 爲 經 所 人 論 由 於衆 萬 學,人 物之衆, 專 以 窮 説 之而 世之准 衡》之書, 門, 然之故 神 紛 人之表 蓋 故 然,莫 知 自 不 其 時 猶 能 爲 無 人 則 失 爲

- 標題原無,乃校點者所擬。
- 上「人」字,原爲墨丁,據黄暉附録補。

六

仲春安陽韓

性

之典。 《論衡》之書, 所聞 器,宜乎爲世之所寶也。 類 出 之書,戒人勿廣者,可謂遼絶矣。 公爲之校正 之無傳乎? 未遠,文賢所傳,見於是 觚之士,焦心 或失,不得 其才,終則以 故其爲書,可以謂之異書,而 乎天人之際,性命之理,微 有 然 所 知 也,好舉形似 於衆人之表者乎? 未明;其辯 然否之分。 而任其所見,尚有 觀其書者,見謂 而 而 爲談 今世刻本,會稽者最善,克 獨 勞思,求一言之傳而 不 補刻之,傳之人人,其 論 傳至今。 以相質正 訛 論者之大旨 助 也。 謬 而 也,或疑 然觀 才進, 雖然,自 不得其 書者多矣,其 譬之三代鼎 且充之時,去三 妙 充之爲 其 而 不 而 而 其 如 或 爲 實 可 難 事 、理之一 漢 書,其 此 決,或信 至元 以 實者。 無 知者乎? 以 不 書, 9 與 非 爲經 以 -可得, 來,操 彝之 七 可 或 自 所 帳 者, 代 使 年 莊 常 況 中 得 其 成 謂

### 申

築

〔明〕黄省曾 注

目

録

跋申鑒注後(喬宇)	雜言下第五
	雜言下第五
五.	四四四

g at

### 校點説明

後 其穩 顯 時 有 講 荀 少本 遷 益 人 淑,爲 漢 九),字仲豫 所 秘 重 加 申 老成 代史迹 書 稱 持 秋 荀 監、侍 況第十 重 悦 五 與從弟荀彧 謹 既長 見 簡 卷, 中, 慎, 潁 編 天 東 川 爲《漢 奉 入仕,初 潛 下 代 潁 漢 獻 將 N' 孫。 陰 荀 變, 帝之 著 及 紀》三十卷,辭 悦 今 述, 悦 北 著。 政 X 命, 河 自 海 鎮 得 移 幼 南 東 孔 荀 依《 以 曹 苦學 許 悦(一 將 融 善終。 氏 左 昌 軍 同 的 傳 年十二 曹 約 侍 西)人。 迹 四 事 講 操  $\hat{\approx}$ 體 象 詳 禁 府, 後 己 例 中。 漢 以 明 爲 將 能 祖

主 政 張 體 申鑒》乃申 刑 卷 並 用 時 説 以 事 供 漢 代 君 皆 故 王 制 事 借 治 鑒。 旨 大 在 要 全 押 及 書 擊 時 五 讖 所 卷, 緯 當 符 行 卷 瑞 之

> 論 强 務。 餘 人 調 言。多方 言》,皆泛論 説 T 卷三《 理, 亂 世 亦 面 俗 下 本 體 嫌 的 現 義 儒 儒 理, T 術。 皆 本 荀 機 頗 主 悦 ^ 似 後 祥 義 對 揚 漢 讖 儒 剖 雄《法 緯 書 家 析 以有 之 思 事 説。 言 想 理, 其 0 1 的 所 卷 深 領 凡 四、 論 切 會 萬 著 辨 體 卷 五 明 通 千 五

見

政

體

一之評。

本。 德 沔陽 袤題 子 記。 密 爲 籍 大體 宋本今已不 十 義 多得悦旨」,出 主 志》與《舊 未變。 四 輯《子彙》,收 就 辭 , 歎《申 南 兼 申 其 年 宋時 和 鑒》到 顧 吴 注 李 先 存。 縣 濂 今世 文 鑒》久 唐 尤 賢 書 黄 南宋已有多次 而 序 袤 遺 明 省 輯 所 言 入多 無 録《申鑒》 任 事 正 經 見, 曾 入,當是李濂 刻 職 誠 解 籍 德十三年(一 爲《 種 本 卷次、 江 如 説《 志》、《新 經 遂 申 王 西 籍 申 鑒 漕 鏊 爲 刻 稱《 篇 史 鑒》, 》作 臺 序中 即 刻 書 名 唐 小 刻 印 注 曾 同 五 書 雖 是 對 荀 本 所 於《 有 爲 爲 子》, 以 的 荀 明 言 八)李 字 校 藝文志 文 隋 漢 悦 翻 萬 勘 博 句 始 代 原 刻 並 曆 書 印 異 治 堂 故 濂 將 間 行 同 校 精 刻 守 正 尤 居 經

益。 始 民 靖 卷 曆 書》, 行 注 便 如 之 勘 太平御 漢 校《後 以將《 時 堂 或 樓 於 是 明 間 類 亦 魏 清 叢 覆 刻 時 商 又 何 文 萬 易致誤 説 精 書 申 刻 本 商 務 乾 有 允 曆 始 當 覽 》 明 漢 本。 隆 中 務 印 鑒 + 《增 堂 細 黄 流 印 書 等 書 輯 本, 年(一 會。 印 五 緻 本 傳 行, 訂 氏 編 + 刻《 館 書 書 甚 節 的 漢 校 入子部 則 此 錢 書 的 六年(一 中 館 録 魏 廣 廣 覆 讎 是 五 後 培 中 編 所 及 叢 叢 漢 刻。 謹 文 八こ 版 名 常 録 而 書 魏 始 嚴 書 四 儒 北 本,多以 出 據 零 所 》本,吴 叢 萬 堂本 細 集 七 部 家 堂 現 璣 文 刻 謂 書 曆 密 成 九一)。 叢 類。 書 按 始 碎 印 文始 本 \_ 刊 的 初 語 鈔 堂 錦 的《兩 道 惟《 文始堂 + 編 清 摹 則 堂 本 傳 俗 影 年 於 咸 真 後 删 清 即 本 校 而 本多 原 印 群 本。 程 京 豐 漢 除 對 代《 據 删 本 出 文不 書 榮 實 間 遺 書 3 誤 此 除 王 爲 際 四 版 治 刻 此 編 部 稱 排 黄 作 依 是 了 **本**, 小 庫 謨 後 印 分 印。 注 歸。 某 文 補 萬 全 印 黄 萬 的 漢

望

方

家

指

正

併

予

以

保

留

以

存

原

貌

I

作

中

疏

漏

在

所

難

原

書

中

何

孟

春

序、

王

鏊

序、

黄

省

曾

序

及

喬

宇

閱

錢

培

名

校

本

及《後

漢

書

荀

悦

傳

》中

選

録

文字。

庫

本」),並將黄氏

所

引

群

書

原

文

比

勘

同

時

參

本」),參校

以

影

印

文

淵

閣

四

庫

全

書》

本(

簡

稱

四

魏

叢

書》本(簡

稱「何

本」)、吴道

傳

校

本(

簡

稱

「吴

本」)、《漢魏

叢

書

一》本

(簡

稱

「程本」)、何

允

中

廣

漢

本

爲

底本,

校

以

萬

曆

五

年

刊《子

彙》

本(簡

稱

子

彙

今

以

《 四

部

叢

刊》

影

印

之文始

堂

本

明

嘉

靖

覆

刻

校點者 丁國祥

# 申鑒注序

之流 孔 無 臣 善之,奚益 多美」。 者 管 百言,見之其 前 用 所 其論 融 》,范史亦 未 害,而 之世,有 亞 後 百 能 班 死 侍 乎? 史載 遠 今仲豫 甚 賊 講 過」。」 不 美,蓋信 手 中 稱 如 害 傳,且謂 誼 悦辟 禁, 悦 勢 昔 言 劉 書 其 今觀 益 略 當 具 向 人 獻 通 曹 乎 切 稱 在 施 方 孤 替 見 操 「其 其 其 於 賈 行 興 也 政 間 府 著 然 一然則 是 世 有道 誼 矣 所爲《漢紀》, 體」, 述 莫 書 與 事 也 通 之作 能 之朝 0 從 者乎? 采 掇 悦言 仲 達 荀 弟 直 其篇 掇 豫 或 悦 如如 彧 遂 于 雖 適 亦 體 作 北 論 首 傳 垂 爲 長 融 伊 海 雖 盡 庸 沙 辨 數 申 中

> 耳 文若 樂。 改 其 而 者 ! 事 敢 之死。 7,死抱 之? 及 文舉之被戮 悦 也 於 ? 所 餘 顧 士 於 遭 恨。 所 有 戲 與 經 遭 誼 無 仲 ! 世 何 羨 異, 豫 正 志 如 仲豫 之幸 色抗 略 所 所 自 之生。 孰 存 情者 自 處 不 爲 異 未 願 乎 處 得 生 必 功 融 何 所 申 不 不 暨 足 如 如 天 運

彧

矣

學,精 皆 其 舉, 其 是 加 爲 所 本 簡 欲 五. 編 也 感 胡 歟 篇 吴郡 編 次 以 如 乃屑 義 者 ? 脱 訂 悦 經 跋 理 黄 宋 是 正 世 君 有 т, Т. 注 書 君 者 注 字 尤 功 是書 至 文詞 視 勉 者 仲 畫 袤 訛 賈 之 太 之 豫 刻 ? 差 誤 誼 凡古 傅 爲 所 多 真 舛 處 吾 ^ 五. 云 矣 新 江 不不 申 固 + 乎 書 一今載 君 西 1 鑒 知 ? 敢 八 漕 兹 **>** 幸 大大 其 篇 不 注 籍 所 臺 君 併 有 闕 子 注 抵 時 子 奇 青 所 其 其 相 嘗 得 所 感 年 真 探 疑 類 手 疑 賾 博 而 有

遭也。 春子元父序。 嘉靖乙酉十一月冬至日, 郴燕泉何孟 於太傅書者,補其闕焉,亦二子身後之一

# 申鑒注序

美新 其 者 言悦 經 於總攬機務使權 辟 其《雜言》等篇 言及之,何哉? 每 亦 问 曹操 制 有 ,蓋有志 書 前 善 九 獻 而 申鑒》五 似 錫,皆不得 處濁 替 府 近 悦 徐 於 無 於經世 與 而 幹 世者矣。 醇, 孔 意 卷 言及 王符 頗 融 有 無 ,漢荀悦著。 厥 不下 其死 也。 似 及弟 未 劉 後 於 揚 向之憤 其 盡 融 移 考其 操 然 彧 雄《法言 論 以 者乎? 當 悦 此《 同 視雄 論 政 歸,兹若人之儔 時 獨 侍 激 申 體 悦仕 優 建 政 講 爲 鑒 無賈 而 漸 游 體 而 禁中 優 一獻帝 長於諷 廣 以 所 雄 曾 矣 顧 壽終, 館之 曲 彧 爲 無 有 朝, 或 以 意 悦 大 作

學,出 尚 然,悦之書其有所 亦有感而爲乎? 又爲之訓 難》、天官、地志 春秋》内外 何悦之慕哉 其 加 書 效用 世 釋。 傳 亦 當 罕傳,吾蘇 搜 「炳焉: ,博洽精密,多得悦旨。 老》、《 討 感 勉之春 磔裂,出 而 赫焉, 爲 莊》、《 乎? 秋 黄勉之好蓄 方富 流 人五經、三史、 淮南》、《素》、 聲實於天朝 勉之之注 一,行將 異 抒 其 雖

殿 禄 大學 大 夫 正 土 柱 德 致 + 或 仕 · 四 年 小 傅 王 一鏊序 兼 歳 太子 在 . 己 太傅户部尚 卯冬十月 既 書武英 望,光

# 注申鑒序

拾 猷 東徴 言 H 以 相 侍 能 悦 讒 ,將安 漢故 開 奏。 討 郎 高 其 適 而 深丘 來 論 楚 荀 竟 所 蘭 ,以是 新 嗚 卿 時 用之? 凋 遭 無 處 從弟 事 壑。 呼 但 五. 之 玉 所 濁 及 + 政 得 玷 時 施 至建 彧 世 所 遊 移 同 亦 究,悲 如 亡 適 麟 齊 欲 悦 曹 侍 徒 卿 守 安初,辟於 或 恐 獻 人 氏 講 空 然,故 在 尚 亂 意 鳳 哉 替 中 言 襄 天子 書令。 君 者, 藴 戮 · 禁。 ! 也 王 之間 終不 托 逮十三 爲《 矣 時, 而 尸 疾 操 濟 悦 而 居, 申 得 隱 爲 經 府,遷黄 著 獨 厥 孔 披露, 鑒 居, 之 老 雖 世 晏 書 後 融 務,  $\Rightarrow$ 師 然 五 有 然 篡 自 數 而 保 業 篇 遂 嘉 門 被 頗 Ш 不 有 萬

> 之事 首 沈静、未嘗效一言於 見 幾 領 君 必 以 子 没者 籌 誠若 於 彧 良 有 以 由 愧 融 此 然立 、操,不 頻 戾 寓 忤 漢 書 而 · 其 賢 庭 規 不 十二 操 免 歟 也 而 年 操 不 悦 清 軍 其 於 虚 或

賢

歟

簡 笥 證 遂 引者 藏 爲 則 之。 予嘗 之注,浹 竢 大方君子覽 亦 悲其 雖 略 不 具 旬 所 能 矣。 而 遭 無 成 而 揭 若 而 共 讀 竿 其 正 其書, 求 得 焉 深 海 萬 詞 之 四 間 奥 病 義 千 窺 餘言 其 譌 而 領 文 事 脱 口 以

正德己卯秋九月望,吴郡黄省曾序。

四

### 申鑒卷第

吴郡黄省曾注

政體第一

臣十人。」時 政,虎臣,漢興 統 也 治 之,群籍以緯之,詠之歌之,弦之舞之。 亂謂之亂 ],申重 于三代之典。 一天,惟宗時亮,其功格字 既明,後復申之。 夫道之本,●仁義而已矣! 而 亦 猶 己。 治汙謂之汙也。 惟 輔弼之臣,所與 荒 篤序無 王允迪 圮湮。 故古之聖王,其於仁義 彊 治荒曰荒。 厥德 《書 共成天功者。 ,謂之申 宙 迪 泰誓》曰 粤 蹈也 兹 有虎 五. 整。 洪 典以 亂,治也 子子 軌 功業 臣 聖 儀 有 前 漢 亂 經 亂

「立天之道, 曰陰與陽。立地之道, 曰遠矣。

有尚、天道在爾、惟帝茂止、古「茂」、「楙

通

用

勉

行

□° 2 與剛。 也; 之符也。❸ 謂在 也; 統其 三才之道 文,以見人道惟在仁義,爲 地成形。 義 信也者,守此者也 精 教者陽之化也,教者,德禮之謂。 立人之道,日 也 氣 所 者,宜 ,所謂 以 法者,政 立 也。 義 在 天成 以 此 故 刑之謂。 經 者 象。 凡 政者當申 其 也 ; 與義 政 事 剛 智 ; 業,是爲 之大經,法 禮 仁 柔 也者 重 以品其 也 也 之也。 地之道,日 此引《易 知 者, 者, 道 此者也。 履 群 慈 法者 陰 也。 形 此 此 教 陽 繋解 ,所 者 者 陰 柔 以 而 此

- ▶ 「夫」,子彙本作「天」。
- 「已」下,程本、何本、吴本有「矣」字。
- 「也」下,子彙本有「教以先之法以繩之」八字,當是。

制 極。」極 惟 天,二日 皇 官, 離,五 政 基 咸 是 喜怒哀樂也。 日 喆 址 思。 曰 : 六六日 體 作極、洪 固 故 熙 釐 通 也 恤 也 ₹ 堯 若乃二 一,治; 一敬 好 德者 中 恭 用、《賓戲》曰 從 用五· 惡 也。 立 正身,三日 謂 民 典》曰 明 、仁義禮智信 庶,衆; 臣 以 惟勤 業。 範》次 聰 事: 則 Τ. 端不愆,二端者,教與 臣 章之,喜 睿 恊 三才允序,五 作 所 棐 績 明明 承 Ŧi. 允 曰貌,二曰言,三曰 民 輔 謂 日 聖 功; 天 釐 制 任賢,四 也。 交備 喆之治。」王 心 百 民 惟 咸, 惟 鞏 怒以 建 Ι, 六節 作 也。 皆; 允, 固 典,立 用 庶 基 也 皇 熙,廣 涖之,哀樂 正 績 白 事 日 0 不 極。」 咸 2 之政 惟 交備 業 身 恤 工 悖,六節 法 熙。 1視,四 又 也。」天作 輔 先 惟 民,五 惟 惟 也。 日 注曰 常,任 喆 助 敦 釐 日 也 五. 洪 古 是 □聽, 者 惟 日 以 日 庶 德 弼 「哲」、 範 好 三 皇 道, 謂 》次 賢 明 承 也 績 恤 不 作 五.

致治按"《漢書》作「政」字。之術,先屏四

報。 焉 甚 成雄 洛 私放 肆 所謂 則 法 「夫」字。 患 四 日 焉 者 以 雖 禮 壞 者不 奢。 乃 者。 奢 據天下,僞莫有甚焉者。 故當時法令苛 「天生烝民, 逐君側之惡爲名,而 Ľ, 則 卓 漢五 四 所以 卓至西 築 除 僞 世 俗 表 雖聖 郿 ,則政 爲患而 傾 亂 亂 政。 塢 不 京,乘青蓋 則道荒,雖天地不 俗 其 能 高 雖 人 刻,愛憎 當先屏 命 與長安城 未 充 不 人 私 匪 由 日 其求矣。 得 主 一 諶, 靡 壞 實有 也。 行 傷, 二 曰 不 金 淫 全 法, 卓 埒 矣。 刑 華 異志,後 其 得 不 按: 以 車 更 有 積 放 嚴 道 守 按: 當時 初,鮮 相 穀 瓜 刑 是謂 越 其 矣。 私 爲 被 畫 脅衆, 則劫帝長 得保其 《漢 軌 如 度 Ξ 兩 誣 克有 + 董 轓 冤 四 書》「矣」下有 制 矣。 睚 卓 死、私 奢 年 日 患。 放 終 敗 眦 鳴 安、欲 儲 敗 放 性 之隙 莫 鐘 則 軌 者 有 莫 珠 此 鼓 矣。 制 欲 越 也 兀 有 必 事 僞 玉 其 如

2

<sup>0</sup> 聽」,原 書 局 縮印 作「聰」, 阮刻《十三 據 程 本、 經 注 四 疏 庫 》本《 本及 尚 中 書 華 洪 局 範 影 印 世

<sup>「</sup>民作基」下、子彙本、何本有「制度以網之、事業以紀

擅 錦 綺 政 奇 操 玩 柄國 雜 物 皆山 率 由 崇阜 一軌 海 積,奢 内成風,故悦以爲言。 莫有甚 焉 者。 繼 而 傕 汜

天地 宫仞 籍。 焉。 畏 至也。」又"「古者天子諸侯必 朱紘,躬秉耒。 后妃齋戒,親東鄉躬桑。」《祭義》曰: 耜 桑 在 以 死懼之。」民 秉 好 其 ,措之于參保介之御間 蠶宫、《月令》:「孟 上者,先豐 善。 惡 死,不可 有三尺,棘牆 天子三推,三公五推,卿 **山** 無死之畏,法何 威,明賞 以 興 川、社稷、先古 農桑以 雖 正其俗,宣文教 使 不樂生,不 懼以 諸 卨 民 罰 侯爲籍 而外閉之。 養其生,按:《漢書》作 布 財 罪;《老子》曰: 以 由 以 以定 五 統 施? 春之月,乃擇元辰,天子 百畝,冕而 爲醴 ,帥三公九卿 教,咎繇 其 可觀按:《漢書》作「勸」字。 諸侯九推。」又:「季春之日 有公桑蠶室,近川 其 無生之樂,教何 及大昕之朝,君皮弁素積 法,是謂 以 酪 齊盛 志。 章其化, 「天子爲籍千畝,冕而 青紘,躬秉耒。 ,於是乎取之,敬之 「民不畏死,奈何以 諸 作 帝 侯大夫,躬 五 士,政不 耕 立武 性 政。 由 籍 而爲之,築 立 字。 親 田 民不 備 耕 載耒 以 后 行 故 以 審 事 帝

> 當崇者一也 用 遊 制,皇后亦帥公卿諸侯夫人蠶,此所謂興 桑于公桑,風戾以食之。」至漢文帝,常 卜三宫之夫人、世婦之吉者,使 民,野 ,力不妄 無 加 荒 以以 業,財 周 民 不 事 虚 人 ·, 是 按: 蠶 於蠶 謂 《漢 詔 室,奉 養 農桑也 書 開 生。 》作 籍 種 田 一賈」 浴 此 或 于 政之 而 字。 111 無 漢

功得其 覈,物 書》作 乎己也,故肅恭其心,慎脩其行,内不忒按 色,恒于遊畋, 驗,事實之謂也。 己。 成王 民 毁譽效於準驗,聽言責事 無 審 故在 淫 治按:《漢書》作「化」字。 君子之所以動天地、 跡 無 也。 風 定好醜焉」。 不 上者審則 時謂 切,按:《漢書》 惡 淫,過 無 無或詐僞以蕩衆心,故事無不 淫風。」百姓 無節 不 善惡要 彰,罪得其情. 儀道,以 也。 》作「功」字。 伊 上 ,舉名察實。 者,必本乎 於一作「乎」。 應神明、正 訓 下,睹利害之存 定好惡。 》 曰 : 也。 善無 俗 敢有 無 真 萬 姦 功 按:《漢 不 7 殉于貨 功 實 物 顯 罪 罪 怪 而 進 而

當崇者二也 財 倖 漢 賂 書 無 無 罪 作 所 過 口 用 字 不 則 憂 化化。 民 惑, 志平矣,是謂 0 外 請 無 謁 異 無 望 所 慮 正 聽 其 俗 睹 作 此 去 行 政 徼 之

章 化 行 足以 氏》: 按 能 官 榮 囚 重 君 刑 者 以 引 之廢,推 子,化 辱者,賞罰之精 《漢書》作「化 治小人。 逮 鞭以治之,輕者扑以撻之。 凡囚 扑 誓大夫曰 君子以情用,小 君 中 作 此 子。 教 者,上 其 政之當崇者三也 人 刑。」 若 情 中 小 而 罪梏 夫中 君子 字。 人不 納 人 也; 『敢不關,鞭五 於 而 拲 其 不 桎 華 君子 人之倫 忌 墜 而 人以 桎,中 刑 犯 也 梏 於小 刑 也。 原,況 鞭 之塗,塗 9 扑,榎 罪桎 刑 百。』』《虞典 故 扑 人 則 況 在手曰梏 用。 禮 之 梏 於 刑 於 楚也。 以 教 下罪 域; 禮 刑 辱 俗本誤: 路 加 榮 兼 乎 平 也 小 · 枯。 」《 辱 在 周 教 焉 ? ? 足曰 作 禮 是 化 以 鞭 滌 形。 辱 刑 桎。 謂 之 治 教 加 不 作 掌 不 狼

> 四 政 《詩 有 若何?』管子曰: 『作内政 器,小國諸侯有守禦之備 强 則 志於天下諸侯 大國亦將正卒伍,修甲兵,則 侯,其可乎?』管子對曰:『未可。 寄之内政。《國 虞、《易》曰: ,國政 也。 事 無 怨,怨則 小人之情 民勞》曰 則 以懲之。 也。 用 大 之 畔。 「君子以 ,則事 治 式 軍 語》 政 可以 緩 以 遏 故 旅 危 寄軍令,若有征 寇 則 除 桓 在 則 隱 則 虐。」俗· 是 而 戎器,戒不虞。」以 驕, 公曰: 上 謀 令可 寄軍 難以 難以 謂 亂 者 驕 秉 本誤 以 速得 . 令馬。」一章昭 速 『國安矣,吾 必 君若正卒伍,修甲 則 寄政。』桓 威。 得 安則 有 志矣。 作「虞」。 志矣。 恣, 伐 武 此 鄰 恣 思 備 政 公日 或 君若 1欲從事 君 遏 則 欲 解 之當 不 安居則 以 有 寇虐。 日 急, 非 知 欲 攻 戒 『爲之 兵, 崇 也。」 於諸 速 伐 内内 急 者 不 威 得 則

<sup>●「</sup>慮其睹去徼倖無罪過者不憂懼」。

③ 「危」,子彙本作「畔」,當是。❷ 「忌刑」,子彙本作「犯刑」。

吉人,則惡 善 則 非 徒愛其財 國法立矣」。 無所勸 徒 爲善,不縱下爲惡,則國治矣,按:《漢書 賞以 慎 不懲矣。 賞 其 罰 · 而 無所懲,而爲惡者縱矣。 勸 刑按"《漢書》作「矜其人」。 也,賞妄行 爲善者止矣。 是謂 政 善罰 之 賞不 統法。 柄 以 勸 也 則 懲 罰 謂 此政之當崇者五 善不 惡。 明 不懲謂之縱 之止善,賞及淫 賞 人 勸矣。 在 必 主不 上者能 也,罰妄行 罰 不妄罰, 妄賞,非 審信 思,罰 不 人,則 》作 止 慎 及

爲,事 平矣,是謂爲政 化」一句。 失,《老子》曰:「天網恢恢,疏而不失。」無爲爲之,使 立 施之、無事事之、使自交之、《老子》曰: ,行之以誠,守之以固,簡 無事。」不肅 几 患 垂 既 葓 蠲, 揖 而 之方 遜 五 治,❶按:《漢書》此下有「不嚴 按:《漢書》作 政 也 既 按:《 而 讓 漢 不怠,疏而 字。 書》作「又」字。 而 海 「爲 内 不 而 無

惟修六則以立道經。❷ 一曰中,二曰

其變。」又曰:「變則通。」是謂道實。 作公,以身極作誠,以 道 和 作 三日 中,以 正 四四 地 道 日 作 公, 和 五. 以 變數作通、《易傳》曰 日 仁德: 誠 六 作 曰 正 通 以以 事 以 通 天 物

奸訐傷· 行者, 用 足十難。 小過、小失、奸訐、邪説、讒嫉數端妨之而已,故歷言之以 以 終,有任而不能終者。五 嫉廢賢能,賢能所以 而 不能進者。 三日不任,有進而不能 臣 小 不賢 能謂 過 惟 是謂 忠 黜大功,七曰以 恤 有 則 + 正,九日 道藝者。」一日 難 十難。 國 以 非 任 其國 以 不進、不任、不終者,不過以 + 賢 邪 曰 難不 能。 也 不知,二日 説 小 以 失 亂 小 《周 除,則賢臣 掩 正 怨棄大德,六 禮 大美,八日 度,十日 任者。 注: 不 「賢 進 四 不用。 謂 有有 以 小 曰 有 怨 讒 以 日 不 知

<sup>■「</sup>治」,中華書局校點本《後漢書》作「成」。何本下

② 「修」,原爲空格,據吴本補。

以苛 高 于。 争 水之流 風。 僚。 僚,官 叛 遵 也 臣 讓 人不議。」 小 衰,三曰 禮者 以以 功 好逸,士 臣 而 禮 此 爲 也。 讒 上多欲,下 不 惟 此 爲 也。 濫 曰 俗 治 密 疾 争 勞 此 察 亂 弱 危 爲 大夫争 或 此弱 不 書 苦 九 衰 或 好 苛謂 通 庶 勤 之 以 九 四 鬼 或 風 遊 之 人 ,教化不 風 而 守 國 陶 遵 法令煩 日 日 之 作 多 法 風 名, 不 謨 以 禮 民 也 之 Ļ 乖 者 議 風 ₩ E 端, 怨, 也。 0 謂 定 好 風 爲 庶 治,不 細。 也 如 五 執 流, 或 之劬,守法 無 百百 法 君 也 人 論 唐 滯 以 日 常 以 不 争 語 能 虞三 事 臣 萬民 僚 君 亂 侈 **∀**∃: 定, 大 利 惟 君 利 師 此 親 同 好 代 爲 離 師。」 職 爲 荒 臣 六 盛 而 散 政 此 讓 天下 博 是 争 公, 或 日 位 時 和 曰 調 有 ,不安其 多 乖 所 司 名, 荒 治 之 禮 職 之固 而 有 以 以 門 謂 或 作 道 風 不 不 皆 伉 治 , 不 之 百 割 朝 七 居 言 嫌 則 重 或 口 也 風 下 爲 廷 僚 日 日 以 統 如 之 庶 百

> 忠。 也。 爲 或 權 疏 一之風 内 當當 能 婦 故 時 外 以 言 上 也 如 附 相 用 進 必 蒙 E. 察 讓 上 政 爲 互. 相 乎 不 由 謀 忠 房闥 相 或 訪 汜、 欺 風 此 蔽 下 傕 也 叛 私 相 不 或 小 政 鬭 諫 之風 臣 皆 行 争 争 君 此 權 無 也。 寵 之 亡 咨 類。 詢 大 或 上 臣 之 臣 下 此 無 風 危 争 相 納

訟 縈上 斷 復, 新 生 周 六 其 其 極,一 禮 獄 書 漢文帝十三年,齊大倉令淳于公有 獄 道 惟 謂 訟 弊其 無 鄉 成, 日 慎 繇 士、遂 M 繫 庶 死 也。」故 士 訟 短 辭》文。 者 師受中」。 于 獄 折。」死 士 不可 朝。 縣 以 先王之 復 士、方士,各 群 萬 者不 昭 生, 所 士 物 人 謂 刑 司 之大 情。 可 官 刑 刑 者 師 皆 以 不可 也 職 以 在 極 天 生 聽 成之也 復 官 罪 各 于 一,刑者 日 屬 地之大 當 朝,「司 麗 師 死 刑 其 雖 ?《洪 以 法 其 欲 棘 不 成 寇 以 改 少 德 槐 可 聽之, 範 過自 議 女 以 以 H 緹

<sup>● 「</sup>于」下,程本、四庫本有「一」字,當是。

惟

稽五赦,以綏民中。

曰原心,心可矜

刑 斷 囚》:「及刑殺,告刑于王,奉而 大司 獄辭 刑 殺。」所謂 以 失,三宥曰遺 再 謂棘槐以斷之也 公參聽之。 嘉 斷之、《周禮 此 刺曰 殺之。」所 刺、三宥、三赦之法,以贊司寇聽獄訟。 石 樂不 哉,其慎矣夫 大夫位焉,群 寇聽之棘木之下。大司寇以獄之成告於王,王命三 三法者求民情 ,平罷民焉; 史以獄成告于正,正聽之。 吏在其後; 訊 情 群吏,三刺曰 舉,施刑之日 三公以獄之成告于王,王三宥: 謂 訊 忘。 朝 以 朝 寬之也。 市 壹赦 右 面三槐,三公位焉,州長衆庶在其後, 士: 士 》: 情訊 斷 以 肺 在 共之也。 石,達 其 民中,而施上服、下服之罪,然 日 訊 掌 後; 幼弱,再 則 萬民。 以寬之、《周禮 弛 朝 窮民焉。」又、《王制》曰: 建邦外朝之法。 右 縣。 適朝士,加明梏 市 九棘、公、侯、伯、 矜哀 赦曰老耄,三赦 壹 正以獄成告于大司 以 慎之至也。 宥 共之,《周 日 以 不識,再 壹 恤之, ,然後制 · 司刺》: 刺曰 左 以適 九棘,孤 子、 日 訊 禮 刑。」所 宥 刑 刑 惷 群 後刑 男 市 日 「掌 「成 愚。 哉 臣 寇 斯 掌 左 過 位 而

也。 祀典」之族。 典 焉,刑兹無赦 四 **丸也**。 E 二曰明德,德 褒化,化所關 凡先王之攸 族,類 也。 可釋也。 赦 也。 五. 必 日 即 三曰勸 權 是 祭法》「非此 計。 族 也 功, 權 時

之宜

非

族

也,不

非

是

族

功可

準

也。

當作 爲官名,又立三少爲之副。一下有讌 夕以 班固曰: 師、少傅、少保曰三孤,貳公弘化,寅亮天地,弼予一人」。 兹惟三公,論道經邦,變理陰 也。」上有師、傅、成王作《周官》、「立太師、太傅、太保、 曰:「聽政,聽國政也,訪問,問 「則」字。 脩令,夜以 天子 「三公蓋參天子坐而議政,無不總統,故不以一職 有四 講業,❷小則咨詢,❸不拒直 一時: ❶ 安身。 朝 陽。 本公孫僑告叔向之言, 以 可否 官 聽 不必 臣 政,畫 也,脩令,念所 ,大有按: 備, 惟 以 其 訪 人。 「有」 辭 杜 問 少 施 氏

<sup>●「</sup>天子」、《十三經注疏》本《左傳》作「君子」。

<sup>「</sup>大有」,何本、吴本作「大則」。

<sup>○「</sup>小則」,子彙本作「小有」。

八

不 易》曰:「上下交而其 耻 下 問 、公私 不 志同 愆 也。」 外外 内 不 是謂 有 交。

罔匪 定 在 萬 ,則國治天下平矣 左右,内正 Œ 物之本在 問 一人,則 内正立 明於治者其 立 身,天下之本 矣。 而 四 四 表 表,四 定矣。」身脩家齊。 統 小,猶 近。 在 家 言四 俗 治 本 方 誤 亂 也 作 而 之本 道」。 四 左 右 方

守 存 正 日: 不 者,仁之術也 而 論 約施 施 者 焉 語 『其恕乎!』有一 博者 爾。 義 問 博。 而 子 成, 善道 之要 仁義 「通於道者 貢問: 執 也。」「有 之胸 而天下之理得矣。 也。 《孟子》曰 「有 行而 心之間 至 一言 言 其守 哉 而 可 强恕 口 而 約 常 以 而 可 此 是 終身行之者乎?』子 履 而 功覆 常 謂 謂 者 行 孟子》曰 行 求,仁莫近 道 E, 不 天下也。」 者 思 根 也 萬 恕 而 守 得, 馬。 也 化 恕 約

自天子達於庶人,好惡哀樂,其脩一也。

寒民 豐 謂 下民憂而 則 民 元首 逸、 樂,夫是 徒 上 約 爲 賤 跣 約 手足。 臣 勞佚 不盡樂; 而 則 而勞者,分殊爾。 垂 上 上不 爲 謂 旒。 盡 各 樂,下 股 大道。❶ 元首、 故 有 具 下 肱、《書》曰 足 民饑 其 股肱、 服。 有 寒 制 饑 而 天下 傷 、手足 上 徒 民 上備膳,下 心 言 足 : 則 跣 言 元 上下 民 · 國 以 而 上 家 備 首 情 寒 體 垂 不 民 明 無 禮 傷 旒 寒 哉 備 不 體 下 下 或 而 同 股肱 膳 也,君 非 有 上 足 其 具 禮 憂民 良 貴 下有 以 服 哉。」 也。 豐 所 爲 備 而

禮。 故 其 物 太平 惠、民升其 養 非 問 君。」美道 謙 備 約 物, 君 也 功,此 以 其 ,五典之類。 非 至 極 數 美之 欲 無 云 也 往 爾 道 美物,五穀之類。 不 道 物 復,相報 民, 損 禮 民以 闕 之 年 至 2義也 君降 美之 凶 告

問:「人主有公賦無私求,有公用無私

謂 傷 費 正 私 無 使 制 私 有公役 民 德 怨。 費 之義 謂 出 私 賜予 無 使 經 私 無 之正。 私 則 求 私 惠 則 民 則 使,有公賜 官 則 撓 私 下 耗 下 擾 怨 煩 府 而 虚 則 庫 而 無 望 下 空 無 節 虚 疑 而 無 度 懼 無 私 是 而 準 謂 是 惠, 而 無 謂 不 傷 限 是 有 安, 義 傷 是 謂 公怒 是 傷 謂 義

於此,一 惡平聲。 冶。 水 圃 機 爐 而 金 若 者仰 可 不 而 <sup>②</sup>P 抽 可 止 流 問 而 數 使 使 子 日 則 視 浸 × E 乎 如 無 無 去 之日 百畦 常 泆 善治 治 降 剛 火 湯 一蚩 升, 則 『奈何?』日 用力 其 尤 民 金流 莊子》: 説 名 剛 日 造 者 甚 文》 日 九 ; : 水升 寡 棉。」 治 冶。  $\check{\exists}$ 激 「不去其 而 子 喻民 見 水 其 又,鑄 冶 製 貢謂 悦 功多 而 性 所 木 治 消 謂 也 漢 升 匠 , 夫子不 爲 火 也。 陰丈人曰 也。」又, 機  $\Box$ 機 則常 冶 舍之 或 後 故大冶 蓋 欲乎?」爲 重 日 爐 踊 是 前 流 則 鑄謂 . 了有 水 類 降 也 冶 之 之 激

> 户 弟,名曰 與 善 不 利 百 ,驅 在 立 掇 顔 金 前 人牛 矣。 於 教者若兹, 刑在 冉 盜 前 跖 馬 同 故 後 ,從卒九千人,横 取 趨 白 ,則畏 跖 人婦 凡, 刃 可 則 加 而 使 女。」善立 常 止矣。 終身 與 其 也 伯 身 行天下,侵暴諸 善 治矣。 巨 夷 立 雖 法者若兹 跖 同 教 巨 者 功。」善立 莊子 跖 愚愚 故 弗 凡 可 侯,穴 柳 敢 使 則 器 法者, 掇 下 終 可 季之 室 也 身 投 使

也。 入水也 舟者逸了 地 勿 民 以 舟 之情 亦 越 道 其 曰 德 也 問 勿 次 謂 治 而 則 越。 泅 不 之荒 安。 然 民者,舟 必 民 縱 則 溺 不 由 泅 故 虚 上 絶, 如 矣。 水 浮 水 人 之 也 爲 行 口 也 水 無 何 水 之界限 以 使 道 既 上 ? 德 縱 知 不 不乘 也。 濟 民 使 能 次 濫 日 大 舟,又不能 泅 無 之情謂 不 治 不 智 川 者 得 民 能 爲 者 可 勞 逾 者 所 之亂 使 之 而 泅 謂 太 無 限 泅 所 危 亂 爲 E 與 謂 流 也 之 使 絶 乘 乘

可

使

廉

字。 折 驕 非所以驅 以 謂 身 猶 者,急則驚, 孺子之驅 御 御 此皆所謂先禁人而後身者,不惟 足,捨己之所易,責人之所 禁之至於 而 則 使馬。 民 而 而 馬 下 理之源 矜 恣 應於 可 過 若乃肆 焉。 後 實 急 使 猶夫釣 雞 南。 人。 不 於民,求己之所 則 鈎 也。 越,不 雞 故 斯 怨,怨 和 不 方 其· 也 禁,上 緩 至 絶 情 於 不 則 悦 者焉 可 加 則 道 矣。 於 善 手 則 之 可 使 取 畔 南也,遽 滯。 身 禁者 之要,不於 以 而 見 既 無 爾。 喻 先禁其身者,理之源 情 而 調 得 正 隱 御民之方。❶ 即 急,急驅之;緩,緩驅之: 欲 繩 則 方 魚。 於 於手按:「手」下當 其 也。 先禁人而 民不 其 所 不 有 欲 銜 要之則 能 謂 難,怨之本 餘 北 自 於衆,行 善禁者,先禁 禁 身 小 禁 馬 奪 近 也 自 人之情 人,而 口 非 御 折 正 勒 下之所 後 遽 孺 道 遠 也。 也 而過 民怨 要 緩緩 詐 令亦 身。 子 也 也,凡 有「而 一之則 猶 驅 自上 於 則 則 集 北。 驕 矣。 夫 官 善 雞 睹 不 如 其 口 皆

> 之驅 則 也。 不 迫則飛, 驚。 循 志閑 路 流 驅之至者 而 緩 則 疎 入門。」 而 比 則 放。 不 之, 也 安 比, 則 過 ,比之食之,不驅之驅 南 食之, 近 過 也。 北 飛 竢 食之則 雞 放者、皆 志 閑 不 然 不 滯 也 循 後 路 近 不 志 之 人 安 驅 門 則

争 竊。 一君降 奪。 取 民 也。 不 則 其惠, 上以 太上 偷 與, 禍 則 竊 亂 暴 民 民 則 功惠綏 不空市,其次不 矣。 八升其 迫 不 民 與 而 備 功。 取 之,備、 則 民,下以 之, 是以 爲 巧 謂之掠 之而 上下 詐 財力奉 偷竊,其 而 不 相與。 取 得,不 奪。 之, Ė, 次 謂 民 得巧 即 空 悦 不 必 之 市 詐 所 交 偷 掠 則 謂 而

室王以天下爲憂,如帝堯存心天下,加志窮民,一民或曰:「聖王以天下爲樂。」❷曰:「否!

0

<sup>「</sup>方」,子彙本作「有道」。

② 「樂」下,何本有「乎」字,當是。

而樂。 樂 必享其樂。 凡主必至於憂。 曷 天 爲樂者是已。 井,歌於《擊壤》,立我烝民,謡 饑 H 原屈 下 下爲樂,如履癸,傾 我 以 己而憂。 饑之,一 申天下之樂,故樂亦報之。 予及汝皆亡」是已。 聖王 屈天下之憂,故憂亦及之。 天下以凡 民 爲 天下之道也。」❶ 凡主 寒日 樂。 我寒之,一 申己以 宫 如 主爲憂,如夏邑、民 瑶 帝堯之世,天下大和 聖王屈己以 臺、 於《康衢》是已。 屈天下之憂。 民 肉 有 Ш 罪曰 脯 林、酒 民樂,則 申天 我 陷之是已。 池糟 凡 民憂,則 耕 曰 主 下之 申己 「時 聖 田 堤 以 王 日 以

位 富 世 厭 行,惠非位不降,德非位 下,二曰達惠於民,三曰 ( 離 非 所 也 奉 身,三日 貴乎位者三: 治 位不報,衰世之所貴者,此也。 世 衰世之位 所 貴乎位 以 報 ,則生災矣。 肆 不顯,治世之所貴者,此也。 — 曰 者三: 心。 達德 以 勢 貴高人,二日以 非 於身。 位 苟高 治 曰 不隆 世之位 達 人,則 (六) 欲 道非位不 道 非 於天 真 位 衰 必 不

> 心,則必否之,災也。 損之,災也,苟奉身,則必遺之,災也,苟肆

日: 陟 輕 級 逆道 亂 作「則生逆矣」。 順者三: 治世之順,真順 官職 不 荷 日 不 「三載考績,三考黜陟 ·固則 職 明 順 治世之臣,所貴 逆道 則 — 曰 順,三日 則 屢 位 逆 位 則 體順,二日 改 輕 道 忠,₃逆忠則職 輕 體 則 不順矣。 ,漢爵有 道 苟 也 位 黜 順 順 輕 退 亂 幽明。」待臣 乎順 則 衰 遷 二十 降 順,三日 高 此下疑脱 逆 世 也 下 轉 級。 不 者三:一 節 之 ·
失序 陟,升 煩 順 順, 事順」二十二字。❷ 禄薄卑寵 矣。 逆 瀆 「衰世之臣所貴乎 不 節 進 生逆 則 則 事 則 以 也 位 日 位 心 禮 荷 也 不 輕 輕 心 則 則 順 舜 順 親出 順, 典 位 位 班 矣。 則 當

- ■「下」,何本無。
- 「辭」。

  ② 「衰世」至「事順」,何本有此二十二字。「亂」,何
- 3 「亂」,何本作「辭」。

大寶曰位」、《易·繫辭》文。輕則喪吾寶也。輕。夫位輕而政重者,未之有也。「聖人之

好惡之不行,其俗尚矣。嘉守節而輕數院,然後民知本也。好惡之不行,其俗尚矣。嘉守節而輕別,然後民知本也。好、惡、毁、譽、賞、罰,然後民知本也。好惡之者益達,處幽者益明,然後民知本也。

申鑒卷第一

## 申鑒卷第二

吴郡黄省曾注

# 時事第二

應,十 敦 議 拘 日 日 備 生 錢 避 爲 也 日 博 刑 明 貨 讎 縣,三曰 最 三日 考試 士,十六日 有 而 其二首 凡有二十一首,其 + -死者但 科 月 一日 正 八 置上武之官, 日 有 聽 日 約 加 公卿 至德要道 申 朝,十 議 祀 肉 重 禄, 刑,六 舉 不 可 重,十二 四 九 拘 舉 初二首, 四 日 ,十七日禁數 日崇内 日 爲 者, 議 德 郡 日 十有 專 議 刑 、二千石 曰天 尚 地 並 州 知、貴 牧,五 九 用,七 人 + 事 赦 五 之 日 不

記者。 令,十八 盤 庚遷殷,革 日 正尚主之制,十九 ·奢 即 約 盤 庚, 殷 日 王 復 名。 外

内

注

創 居,行 争 化 廣 尚 湯八遷,始居亳。 相代立 難 則 知 而 裁之, 則 物易 貴敦,古今之法 湯之政,以 比 思 静。 生,事 九世 與 時 具 亂於是,諸侯莫朝 殷自中丁以來,廢適 自 貝玉 消 簡 湯 息,衆 至 則業易定,厭 總 盤 也 貨寶爲 庚 Ŧi. 寡盈 民 遷, 戒, 寡 乃 虚 乃革 而 則 陟 更立。 不 亂 河 用 奢即 南。 則 易 常 諸 約 思 足 厥 弟子或 復 自 之類。 道 湯 契 故 至

武 不 不 之時不同 Ш 天性乎?」曰:「皇民敦,秦民弊,時 同。 生,所以至敦。 市 不 之處 易 或曰:「三皇,民 皇民寡,寡斯 民 不同,故樸玩 ,故敦弊不 而 治 皇治純,純 政 同。 不 也 敦。 同 Щ 至 民 桀紂湯武之政 桀 三皇之時,蒸庶鮮 敦也,其治 樸, 斯 紂 清。 不易民 市民 三皇之治, 玩 不 至 同 也。 而 故 少 處 清 亂 也 機 皇秦 無 治 也 湯 爲

怪 事 功 殺亂之言。 則 之路,則 之物,不 而 神明 化 一,則 實 則民敦治清矣。 絶 繁 妖 苛 應矣。 末伎 僞 不 民 蓄 崇聖 尚 息矣。 俗 難 所 清 得 典,則道 同 放邪説, 以 此初二首 矣。 之貨 至 本 致 清 務 精 簡 節 奚 義定矣。 去淫智, 誠 所謂 則 小 華 惟 事 忌, 求諸己,正 尚 性? 麗 業 知 去 之 脩矣。」 貴敦也 抑 飾 去浮華 淫 不 百家,諸子 祀 退 求 大 能 絶 利 無 事 盡 舉 奇 益 進 Ŧī.

罰 惡細 也 跖 事 也 能之虚實 有所試 失實 0 不 則 善善 處 孔子 能 誰 矣。」 不 爲 斯 盜 毁 • 猶概 Ė 可 私 職 概 悶掩。 誰 以 田 者寡矣。 者考其 所以憂摩取平者。 量較 尺 吾之於人也 譽,譽其 惡反之,人焉 寸。」寸不 米粟之多寡 夫 事 績 田 驗 有試者」,萬 誰 布於野,不可 》,必若· 詢 設維 可 也 事 斗 飾 盜 驗 斛 譽? 哉。 舉, 土 以 日 況 量。 隱 兹 田 省 如 語 者, 尺 之張 績 舉者試 事之概 有 言考 察 所譽 乎 曰 喻惡 職 . 試 於 者,其 不 品 盜 賞 其 量 野 纖 口 賢

> 試也。 考 陸,不可 朱子曰: 掩 也。 前 若亂之墜於澳 動 '信者, 「舟之截 則 考 喻善 行, 流 不可 横 渡 静 僞 者。」澳,厓 則 也 也。 考守。 則 故 可信者解 内 有 近水 此 事 考 之處。 首,所 功 矣。 謂 舟 有 明 登 言 亂 老 於

墜於下 競。 其 其郡 郡守郡尉 千石至六百 二千石。 公謂三公,師 職 , 秩二千 小 公卿 職 以 · 故上 縣令長,皆秦官, 縣謂 有 石。 極 右 不 登 、傅、保 登 則 縣 爲 減萬户爲長,秩 位 令縣 郡 於大,故 下位 郡 也 慎。 尉, 二千 長 競 秦 也。 卿 大任 掌 修 官 謂 其 治 掌 班 六 下 石 有 業 其 卿 Ŧi. 古 佐 墜 矣。 縣。 俗 百 不 曰 家宰 守 : 本 石 則 爲 至三百石。」小 誤 萬 典 上 大 郡守,秦官 至司 户 縣 武 作「不」。② 位 橈 以 職 慎 空 其 未 共 上 甲 也。 卒 爲 其 任 是 職 **令**, 掌 秩 郡 也 位 能 秩 比 治 謂

<sup>● 「</sup>失」,原作「夫」,據吴本改。

<sup>◆</sup>改。
本改。
本改。
「下」,子彙本作「不」。「俗」,原作「谷」,據程本、四庫

其 爲 以 則 郡 尚 鼎 縣 可 懲 勿 鼎 折 也 而 降 足, 愆 何 覆 縣 況 覆 也 刑 所 邑之 降 公餗 焉 位 以 此 功 其 優 何 首 若 形 廢 賢 憚 渥 所 惜 夫千里之任 也。 於 ,凶。」此 謂 降 矣哉 公卿 以 ! 言 不 過 拘 ! 《易 大 職 爲郡 臣 不 • 廢 絀 不 二千 鼎 以 壞 則 或 能 過 九 降 事 石 四 充 職 不 刑 日 所 於 絀 拘 之

置 此 級 四 金。 其 臧 既 武 罪。 了》有 有罪 武 竭,不足以 日 級 尚 功賞官,以 帝 日 諸 孝武皇帝 武 武 :又減 所 卿 元戎士,五 買 請置 功 之官 武 制 九 爵 賞 功 一等。 奉戦 以 級 官 爵 日 寵 級 官,首 名 寵 以 士。 執 級曰官首, 以 軍 爵 戎,十 日 日 戰 功 四 ^ 造 得 武 有 司 者 士,二 至樂卿 士。 夷 功 司 若 級 試 馬 爵,級十 請 未 六級 日 補 今依 令民得 大司農陳: 兵 級 政 以以 吏, 賓,寇賊 日 戾 法 日 先 顯 閑 庶 秉鐸,七級 此 七 軍 除 買 長,十 輿 萬, 選 科 爵 功。」按: 千 衛 位 夫,如 凡 女好 及 臧 **=** 而 錢 贖 直 完, 崇 級 級 日千夫,八 秩 經 禁 三十 《茂陵中 五. 其 日 日 用 錮 比 初 良 大 軍 賦 餘 制 0 夫 士 博 衛 置 萬 税 免

> 爲太尉。 革 爵賞。 官 也。 之。」古者,四 是 日 元 太尉,太尉,秦官,金印 掌 獮 士。 旅 狩四 也 宿衛兵。 田 日 謂棄之」,信矣。 久,每寇難之作,民 繁矣,莫亂 遂以 屯 講 齊 中 年 騎 蒐 將 司 冬教大閱,遂以狩 三 日 初置 小 既 田 司 馬 所謂「大駕 統 時 周 馬 大司 之典, 中 于 越 穰苴 於五校,「校」,俗 時 於秦,民 夏教茇舍 騎 田 馬 務 三日 所 ,撰《兵法》三卷。 以 禮 鹵簿,五 簡 以 紫綬,掌武 孔 冠 教 步 蒐 ,遂以 亦宜之。 將 田 子 瘁 不荒 爾。 兵 軍 狩 日 校 幾 ·之號。 苗田 詳 四 之事 在 此 盡 殄。 事。 本誤 見 日 以 前 長 周 秩比 首 不 建 是 武帝 作 中 周之末葉,兵 水,五 教民 古 禮 今國家忘 「不教民 武二十七 秋 所 也 枚 者 博 建 教 謂 戰 治 元二年 日 士,六百 中 置 大 兵,遂 射 Ŧi. 是 尚 春 軍 統 年, 聲,俱 校 戰 武 謂 教 省 戰 者 於 功 棄 以 石

●「令」,原作「食」,據程本、四庫本及中華書局校點本

六

喪,不 年,又 以 自 惟 外 州 察州 封 之。 京 壽 年 法,下失其職 孰 家 日 州。 牧 置 師 二年,復爲牧。 以 此 牧 元年,御 或 優 奏 其 牧。 凡 重 爲刺 遣 ? 得 秩真二千石,位次 (後諸 天下 事。 舊以 或 總 矣。 十二州 去 御 是 問 世 其 監 職 史 史 史 時 中 八 州 位下 乃 監 位 止 不 曰 日 紀 御 天下 月 復 興 或 焉。 不 : 史, 權 既 巡 遣 置 綱 謂 建武十八年,復爲刺 大夫,而 復 輔 但 方 行 丞 監 定 柄 秦 監 郡 州 而 州 亂 居 因 所 相 察 時 官 其 存 府 計 已,不 牧 部 九卿。 部 至 御 中 多 所 爲 牧 制 吏, 臨二 焉 **録** 九 掌 史。 五. 出 察之事 自 外 刺 歲,舉 監 乎? 年 刺 不 而 九 臺 一千石 人 於 統 文帝十三年,以 郡 建平二 史、 乃 卿 復 并 徒 己。」 是 靈 置 其 出 自 爲 考 督 凡 監 部 漢 帝 領 輕 日 守 置 詣 察監 政 九 興 年,復 史,十二人各 中 殿 刺 州 察 重 相。 :  $\equiv$ 京 條。 諸 不 省 平 最。 史, 牧 不 師 制 御 御 之, 五. 古 侯 相 掌 成 史。 監 爲 御 隨 史,三 州 年 初 準 至 之 雖 :諸 刺 帝 奉 御 者 時 其民。 牧之任 改 父母 史。 歲 惠 乃 綏 詔 武 史 賢 所 侯 刺 主 帝 盡 更 和 不 歲 六 帝 者 史 定。 制 建 之 詣 元 爲 條 奉 更 元 元

> 言監御 若古諸 今郡 枝 古。 首 也 所 不若古諸 , 縣 史 侯之權 謂 而 愈 無 議 於州 無 州牧 常 柄 益 侯之牧不 ,不若 牧 存。 也 治 民 若 古 而 權 之 諸侯之世 統 州 實 政 時 牧 御 之宜 監 民 秉 位 其 察 非 則 御 權 權 所 異 中 重 輕 以 論 斯 不 勢 强 也 可 固 異 榦 也 不 弱 於 此

當 爲城 以 也 極死矣,斯則斬 者,人民 息民。」孝文下令除肉刑 者,復之可 斬 ,斬 寬,道 旦、 左 肉 止 刑 右 春。 者 方也。 也 盛焉,今也 趾 笞 當 者 也。 右 Ŧi. 黥 復 百。 趾 者 死 刑 之刑,復之可 如 也 髡 或 當 非 斬 鉗 日:元 斬 右 務 至 惟 張 爲 右 趾 蒼等 寡 城 復 止 本 日. 復之乎?」曰 必 肉 也。 生 及 立 春。 刑 刑 也 整 殺 律 也 自 人 日 : 衆 當 先 是 生 古 而 劓 以 謂 改爲 自 諸 刑 肉 者 威 告, 當完者,完 生 刑 而 答三 棄 及吏受 之除 撫 死 市 極 百 古 寡 而 死 則

市。 賕 笞 者,復之則 枉 Ŧi. 是 法 百 後 守 百 外 死 縣 有 者 率 官 輕 生 多 財 刑 死 物 而 之名 民 而 生 至 即 一息矣。 盜 景 内 之,已 帝 實 殺 更 此 論 人。 定 命 箠 首 斬 令。 復有笞罪 右 所 謂 此 止 者, 言 生 刑 肉 又 者 而 刑 當 皆 死 極 死 棄 死

但

加

肉

刑

也

首

所謂

德

刑

並

用

法未定 化 密。 刑 教 後 刑 化 而 化 不 責 之隆 始 時 不 法之定,莫 峻 備 未 問 未 行 民 必 焉 宜 刑 可 口 民 莫 略 勢 力之未 是謂 以 害 以 不 極 備 避 事 或 德 不 民 備 虚 而 也 先 罪 興 漸 教 不 刑 謂 責 德 能 君 也 而 備 避 也 行 並 後 常 是 之 求 子 則 罪 刑 用 典 未 然 密 虚 弗 創 教 招 不 或 焉 始欲 口 必 後 然 教 行 由 先 民 違 以 是 後 責 過 刑 常 也 民易從 於 謂 密 伉 後 教 備 求 設 惡 典 耳。 峻 德 化 設 密 謂 刑 必 也 未 也 隨 簡 宜 也。 教 犯之法,不 必 之 隆 時 於簡 者 故 略 違 峻 初 以 所 民 或 虚 者 謂 之教 刑 不 漸 略 宜 必 以 先 之傷 教 興 而 漸 簡 行 刑 或 備 教 傷 刑 而

> 教備 民。 度 禁 毫之善 也 民 而 未可 情 不 然 違 之不 以 後 口 密 得 莫 刑 而 堪 密 而 求 不 也 密 勸 避 是 則 也 民 罪 陷 法 知 然 民 必 畏 則 犯。 罪 於 後 纖 教 罪 則 莫不 介 法 備 也 之 密 惡 興 而 故 民 不 行 行 謂 可 犯 之 則 得 飭 此 害 而 則

殺,所! 天。 矣。 郡 科 並 有 可 里 讎 乎 立。 使 生 辟 五. 或 斷 ? 曰 謂 有 諸 周 白 問 父讎 之 有 禮 千 殺 日 里, 曰 禁 里之外; 以 ,弗避 復 然 調 有 避 從父 法 人》: 殺。 讎 不可 則 諸 何 而 如之 從父兄弟之讎 徵 凡和 異 報 制 謂 從 法 者 州 0 之 也 令, 古 兄弟之讎 無罪 何 千里 難 縦之則: ? 以 義 則 ? ,父之讎 所 殺 義 也 日 元 人 不 謂 日 人將倚 據 : 者 有 同 辟 : 弟之 《禮 曰 死 縱 國 依 避 有生; 諸 法專 有 經 海 諸 古 讎 是 君 縱 縱 殺 之讎 謂 則 異 復 避 避 有 復 亂 義 而 兄 縣 讎 諸 義 眡 滋 弟之 不 報 讎 父 之 白 異 法 同 之 生

罪。② 首,所謂 生殺之。 犯 兵; 而 罪,未避之前 陪其後。」按: 日 : 諸 又《 居從父昆 讎如之何?」夫子曰: 而 節 師 義者 長之讎 市 而 報 《禮記 王 仕 交遊之讎,不同國。」又,子夏問於孔 以 朝,不反兵 禁者, 之,殺。 執之。 ,不同國,令勿 避讎 從 弗與共國 弟之讎 眡兄弟,主 日 王 凡以 :「父之讎 有科 此 但 凡 制 罪 而 如之何?」曰: 異州,乃 既 殺 也 知 鬬。」曰 順 公命 銜君 也。 避之後 人 有 友之讎眡從父兄弟。 有 「寢苫枕干不仕,弗與共天下也。 讎 復讎 也 命 ,弗與 反 行 復 九州之州。 讎 而 ; 殺 之義 則 使, 止者,不 請 之則 讎 犯 共 者, 有 「不爲 問 者 載 雖遇之不鬬。」曰 制 而 王 使 死。」此 居 天 已,故 邦國 禁 昆 義 魁,主人能 逆 在 弗 弟之讎 0 ·爲弗 子曰:「居父母之 焉 交讎之。 也。 也 報者 避 古 兄弟之讎 弗辟,則 復 故 而 避。」此 生之。 讎 報 如之何?」 以 以 報 則 之科 者 凡 與之瑞 執 逆 義 者 誅 不反 兵 請 殺 之。 避 無 也 順 報 遇 問 而

》、《孟子》、《王制 或 問 「禄」。 曰 漢 : 之禄也 「古之禄 輕 也 備 漢制、禄秩 其 詩 見 自 中 周

> 度可 閑 是亂 賄賂 以給禄 未足以澹其欲,及以 依民,參相 稱 何?」今謂獻 白者窶貧,汙墨者富美。 二千石至百 民 冗,汰 非 行 家財愆,增之宜矣。」或曰 也。」此 也,先王重之。」曰: 所 矣。 制 羨 謂參 也。 私 官。 石,各有等差。 澹 帝 相 利 首 公禄 時。 與 贍 生則 所 澹不足」之「澹」。 也。 時 澹」,古 曰 : 謂議 貶 消 廉 夫 豐 必 則 禄也 息 者 也 贍 夫 私 時匱 匱 貪 禄 昭 正 字,給也。 利 禄 而 生 惠 必 貪 可增 生, 也,禄 貪者豐 私 此言 稱 恤 禄 言月 :「今禄 下 位 貴 乎 民 黜 即《漢 依食, ? 以 俸 汙 廉 也 損 吏。 給 貶 貶公, 書》「猶 益 食,食 物 日 損 3 則 以 食 省 如 不 潔

侯,是自封也。 諸 侯不 專 封, 大夫不專 富 人名 地,人 田 踰 限,富 賣 買 由己, 過公

<sup>2</sup> 0 載, 程 本、四 庫本及《十三經注 疏 本《禮 記

罪一下 子彙本有「生」字。

時,師 邑有 法, 地。 之制 所 勿 何 非 不 侯、吏民名田 列 木 是 否。 有,不 □, ① 宜 侯皆 謂 ?! 日 隆古之典 便 車 雖 也 議 人君之尊,里有公侯之富, 又顓川澤之地,管山林之饒 除井田 丹 難卒行,宜少近古,限民名田,以 地 後遂 得 專 ·得賣 專 略爲限。」丞 建言: 地 名田 也 地 前 也 買 寢不行。 民 ,皆毋過三十頃。」時 或 累世 耕 井田 董仲舒 由 非 中。 得 己。 而 古 賣 廢久,又非今所可行。 相孔光、大司空何 承平,豪富吏民訾數 列 買 勿 也 説武帝曰: 以 或 侯在 俟制 有 井 日 富 長安,公主 者 : 田 度,不 以 小民安得不困? 田 荒 非 丁傅 俟 復井 連 「秦用商鞅之法,改帝 淫越制 制 得 仟 用 武 今 踰限 伯 度 名 澹不足。」 田 奏請: 事,董賢隆 也 鉅 貧 可 田 與 萬 也 踰 然則 者亡 縣 也。」耕一 ? 侈以 言 而 道 諸 此 至 古井 及關 專 貧 立 貴,皆 如 侯 相 地 弱 哀 錐 首 之 王 高 而 固 内 愈 帝 之 田 王

王 年 周 ·, 初 莽 立 居 九 或 鑄 府圜 攝 問「貨」。 Ŧi. 鎌錢。 變漢 法, 制 錢 至平帝 圜 於是更 曰 : 函 方,輕 元始中,成錢二百 (造大錢,重十二銖,文曰「大錢 五銖之制 重 以 銖。 至漢 宜 矣。」 八十 孝 武 · 億 太公爲 元 萬 狩 餘 Ŧi.

> 焉 市買。 外。 是匱 皆言五銖 果 京 年,董卓壞五銖錢,更鑄小錢是也。 右 所急者,穀 行之而已。」言卓既誅,此制宜 日 五銖錢,與天下更始。 裔 罷 五. + 行之, 以 契 畿 刀 貿 」言五穀 若其 御魑魅。」於是農 近 莽下詔 遷有 今廢,如之何 、錯刀 又造契刀、錯 作「甸」。 而 則 彼謂遠 (他物 豐 及 彼 不得及遠 也。 無 遠 Ŧi. 取非 以 銖 彼彼 方也。 虚 也 周 刀,與 牛馬之禁,不 無 更 觀此 井田 矣, 商 以 而 造 ,他物以 用 ?」今謂 日 失業,食貨俱 曰 錢 其 通 其 五 散、 之 挾 則五銖之制宜 貨 : 之, 錢取之於 銖 勢 錢, 五銖錢 事 六 日 正 凡四 復。 虚、曰 品 必 獻帝 銖貿遷 海 勢有 市 曰 積 者 品 内 曰 : 吾 時。 廢 而 得 積、日 並 爲 於遠方。 民 :「錢散 ,不足以匱 左 有 一,便 行。 不得, 海 出 世 惑 廢 便 家, 用 用之物, 無用之錢 内 祖 者。 於民久矣。 衆 Ŧi. 百 莽 受命,復 既 投 初平元 即 里 何 之 官之 諸 近 矣, 平, 私 真 患 於 之 四 乃

■ 「困」,原作「困」,據程本、四庫本改。

銖 不 得 , 悦之言驗 而 終 廢 之, 矣。 不 此 憂 其 首 不 所 行 謂 也 議 錢 厥 貨 後 也 曹 操 爲 相 還 用 Ŧī.

0

也 縣 陽 Ш 祀 送 自 長 河 傳 也 日 守之。 京 侍 有 縣 上 月 0 淮 淮 日 師。 縣 舊 祠 水旱 曲 舉 言嶽瀆 河 廟 濟 常 陽 ) 隄謁 聖 有 其 在 法七十萬 聖 也 縣 衡 + 也 癘 平 舊 王 重 廟 月 王 疫 之祀 者掌 嵩 氏 按: 先 先 若 常 之災。 日 在 而 縣 廟 成 廬 合 今郡 祀 四 五千三 成 在 漢 民 濟 江 凍 雖 瀆 潁 五 之, 制 民 灊 而 廟 日 111 嶽 郡 臘 禮 後 縣 祀 在 岱宗 縣 而 牲 陽 月 望 岱 祠 祀 致 之, 東 有 後 華 ,燔柴,上 成 日 力於 與 祀 郡 有 常 廟 縣 廟 衡 涸 致 Ŧi. 臨 而 典 在 在 Ŧī. 闕 凍 皆 神。」 華、 嶽 力 邑 博 弘 其 嶽 但 同 同 於神」 縣 恒 正 農 縣 福 不 民 祀 禮 民 兀 月 西 華 脯 嵩 江 事 禮 事 所 爲 日 北 瀆 陰 廟 河 也 未 謂 十 解  $\equiv$ 物 縣 尤 未 在 廟 定 其 凍 + 朐 東 從 廣 恒 其 矣。 定 在 四 神 里, 望 皆 觀 縣 陵 河 廟 瀆, 神 鮮 之 祀 江 南 在 次 太 山 謂 書 祀 江 必 口 口 都 祭 傳 守 中 虞 詔 有

縣

<sup>0</sup> 牧」, 何本作「收」,屬下

異 也 偷 非 若必 且. 昭 郡 典 也 祀 物 則 此 其 禮 物 首 備 宜 所 物 從 謂 省 以 約 略。 豐 祀舉重 年。 禮 重本 也 日月之災降 示 民 不

煇之法 祥。 有一 之禱 日 降豐荒之祲 以 降」,必書雲物爲備故也。 其方,而先王之禮、《保章》、視祲》,「安宅敘 作見。」若是王都未見之, 冰 一年二交,非其常 監,五 屋土 安宅敘降。 一,非一時 凡 歲之相 非一朝也。 天人之 此 辨九州之地,所封封 以 日 志星辰 五物者,以 闇,六 觀 觀 。」鄭氏 妖祥 天下之妖 應, 也。 日月之變動 日 以十 辨吉 日 曹,七 詔 《坤》初 所 有二風,察天地之和、 救 宅 也。 N N 政 且. 祥。 由 日 居也 域皆有分星,以觀妖祥。 彌,八 日 訪 來 六曰: ,以觀天下之遷,辨 《洪 以 曰 序 食行 漸 五雲之物 事。」又、《眡 《周禮 浸,二 日 降 無 範 「履霜堅冰 矣。 敘, 下也 聞 事  $\stackrel{\cdot}{\leqslant}$ 九 日 傳云: •保章氏》:「掌 焉 故 辨 日 象,三日 或稠 命乖 爾。 隮,十 祲 人見妖祥 你至。」 仲 吉凶 履 其 「六% 或 别 官脩 霜 鐫, 日 吉 之妖 水 以 曠 想 M 尼 堅 則 四

> 掌天時 應也 臺,候 日及時 史上· 人候晷景,七人候鍾律,一人舍人。」此一首,所謂天人之 不安,主安其居處 人,其十四人候星,二人候日,三人候風,十二人候氣,三 日月星氣,屬太史。」《漢官》曰:「靈臺待詔 事 節禁忌; 星 唇,凡 無隱 歲 焉 凡國有瑞應災異,掌記之。 將終,奏新年曆; 也。 勿 次序 寢 可 其 M 也 禍 凡 所下,謂 國祭祀喪娶,掌 百 官 靈臺丞掌 禳 移之。」太 太太 四 + 守 奏 史 良

受賜 舉觴 ; 賀及贄。 月朔、歲首,爲大朝,受賀。 也 聖人南 易 四 宴饗,大作樂。」其每 百石以下雉。 御 天子 繋解》: 月 面 坐 公侯璧; 前 IE 而 南 聽,天下 聽 司 「離也者,明 面 空奉羹,大司 朝 聽,天下嚮 百官賀正月,二千石以上 中二千石、二千 國家 總 明 朔,唯十月旦 也 而 之大 其 治 農 儀: 萬 物 明 奉 蓋 事 夜漏未盡,七刻鍾 飯。 皆 石羔;千 取 而 也 相見,南 諸 一從故事 治 奏 此 蓋 食 也。 禮 舉 上殿 石、六百 者。 方之卦 儀 取 天之道 志》: 稱 0 諸 高 温鳴,受 萬 祖 百 石 也。」 離 歲

● 「樂」上、《後漢書》有「之」字。

後復以 舊 秦之月,元 朝 儀》: 也 六月 「公卿以 年 盛暑省之,其 歲 首 下,每 也 月常朝 宜 儀 正 不舉久矣。」此 其 後 儀 以 頻 以 省 唯 明 首,所 六 舊 月十 典。 謂 月 月 朔。 IE. 漢

所。」鄭 傳 日 定矣。」故 位乎外。 家 行 功 九 婦 王 容」二字。 德、婦 御。」 謂 遵 造次 黜 禮 而 絲 「内宰以陰 天下定矣。 陟 也 掌 古 枲 氏 典 言 也。一各 男女正,天下之大義也。」③又曰 日 有 二儀 婦 必於是。 以 行。 婦 宜 婦 掌 學之法 功 婦婦 章 崇其 容、 陰 禮教六宫,以 立 内 德謂 《周禮 好 率 婦 而 陽 史 惡。 《易·家人》曰:「女正 其 功, 教 貞 之禮 大業成 此 執 **\***: 屬 順 以 婦 各 一首 男 其 九 先 帥 婦 德、 而 陰禮教 之官,以 女 ,所謂崇内教 言 彤 其 内 嬪 以 婦言、 謂 屬 君子之道 正 管 掌婦 政 時 辭 九 0 位 令, 記 嬪 學 覽 御 而 乎 教 之法 按: 以以 婦 善 以 序 列 也 正 位乎 外 容 後 時 婦 書過, 圖 于 此 謂 以以 内 御 職之法 宫。 家 匪 内 當 王 婉 而 敘 教 誦 闕 有 娩 2 男 天 于 九 正 婦婦 考 先 終 列 Œ 下 Ŧ. 御 婦 教 周

> 質。 子,國, 義 誰 今。 師 不 子 祭酒 經 禮》二: 尚書》三: 博 絶 義 焉 使 同 士,黄 昔先師 備 此處 有 於 折 人,博 禮 博 疑事 而 大小戴氏。 之 朝 有誤。 龍 而 士 皆 也 歐陽、 者? 野。 掌 士十四 初 己。 没 自 稍 博士,秦官,掌通 承問 仲 仲 而 謂 大小夏侯氏。 增 孔 異家 員十二人。 《春秋》二:《公羊》嚴、 安國《 尼 秦 無 尼 對。」 人,掌《易》四: 真 作 之 聞 貌 本 《書序 廣太學,辟雍 别 經 4老 滅 而 經。 説 本 學 靡 《後漢 古今。 《詩》三: 師已 不同 各 也 質,大聖 秦 謂 施、 喪 而 始 書 武 真 百 孟、 皇 而 義 己。 傳 帝 藏 也。 顔 官 滅 魯、 已 無 皆 梁丘、 建 氏。 志 於 先 逝 所 元 齊、 自 古 古 而 代典 聞 初 屋 經 今先 掌教弟 謂 今文 祀 京氏 韓 博 壁, 無 置 孔 氏 將 所 士 Ŧī.

3

❶ 「帥」,原作「師」,據四庫本及《十三經注疏》本《周禮》

②「外内」,程本、吴本作「内外」。

<sup>「</sup>聞」,原作「間」,據何本改。下注「聞」字同。「天下」,《十三經注疏》本《周易》作「天地」。

是,比 訟 九篇。 壁。」 水下 放 先 者,增多伏生二十五 先 書缺簡 焚 藝文志 書 者 • 意 後。 相違 I坑儒 逮 紛 有 至魯 彌 脱 而 如文帝時 如 而 以 ,禮壞樂崩。」文有 所 天下 論 漢 恭 漢 行 也。 滋蔓。 借 之, 主 興, 興 · 學 士 喻 定, 壞 學 《易 大收 ,伏生口 必 孔 者 篇。 收 逃 無 有 故 子 所 難 篇 摭 訟 宅, 所 傳 此 解 可 籍 誦 散 徵 》曰:「天與水違 散 背 出 得 源 磨 參 《尚 廣 據, 滯 戾 有 所 者焉。 + 滅 開 我 互. 先後之類 書》,以授晁錯 藏 臆 獻 流 先 相 ,言有楚 固 科 見 書 争 人用 天水 斗 己 之路 損 是 文字, 此一 益。 無 也 也 藏 行。」此 其家 全 首 夏 違行,而 迄孝武 ,僅得二十 後 定 或 執 一學矣 所 書 以 其 進 學 出 不 謂 天上 可 于 世 者 俱 相 有 屋 備 知

博 無 張 之以 時 羅 或 得 待 日 之,得 求 鳥 : 矣。 約 至 也 鳥 ? 德 鳥 者 喻 要 道 道 語 目 羅 約 有之日 喻 也 爾, 典 。」今爲 籍。 典 籍 道 雖 有 甚 要 目 富 鳥 也 之 將 如 · 非 羅 來, 而

博士

也

博 約 也。 無 以 博 通矣。 其方,約其説。」 《孟子》曰 此 博學 首 而 所 詳 謂 説之,將以 至 一德要 道 反 也

下。 辭》文。 象 凡七年而大赦 安邑,大赦天下。 正月癸丑,大赦天下。 卯,大赦天下。 卓 兵以討董卓,辛亥大赦天下。 制 得 而 絶之乎?」 - 誅,部 已 ~; 曰 行之,禁其屢也。」初平 制 而 赦令,權 年春正月丁丑,大赦天下。 行 『無妄之災,大過』,凶其象矣,不 其義 將李傕等六月陷長安,己未大赦天下。 義 者。 制 不不 者 興平元年 曰 也 或 + 也 丁 制 : 日 丑,郊 可 權 其 建安元年 權 : 謂 謂 春 者 事 M 祀 日 數 有 正 荒 甚, 上 宜 月辛酉, 二年 反 制 『巽 帝,大赦 春正 流 元 故 ,弗之絶 經 年 乎 離、 五. 悦 春 以 春 月癸酉,郊祀 ? 無 大赦天下。 月 盜 以 正 正 行 天下。 1 賊、 此 事 月辛 月,山 權 酉,大赦 日 規 垢 也。」既日 也 之。 Ė. 汙 易 初平 四年 東州 大 之後,不 二年 E · 得 問 權 天下。 曰 ·春 至 帝 赦 郡 其 無 此 起

■「放」,吴本作「友」。

宜,著非常典。此一首,所謂禁數赦令也。

之典。 制。 所謂 違 制 延熹九年對策,陳便宜 王 祉元吉。」王姫 元吉」,帝乙之訓。 夫,以 姬,亦下嫁于諸侯。」以陰乘陽違 正尚主之制也 今悦復以爲言,殆其家門素所商講者乎? 尚 卑 《堯典》曰 主之制 違天不祥,違人不義。 臨 尊,違 歸 齊 非 乾坤、 「釐降二女於妈汭 ,宗周之禮。《詩序》曰 古 以以 《易・泰》九 之道,失陽 也。 漢承秦法,設尚主之儀。 「釐降二女」, 唱 五 之義,宜 天,以 ,嬪於虞。」「歸 曰 : 悦之叔父荀 「帝乙歸 改 婦 此 尚 陶 凌 「雖 爽,於 妹,以 主之 以 首 夫 妹 唐 妻 則

各 則右史書之。」動 尚書》。 》作「善 有異,按: 史,左史記言,右史記 古者,天子諸侯 《玉藻》曰:「卒食,玄端而 惡 《尚書》記 成 漢 爲《春秋》,②《春 敗 書 言。 》作 無 有事,必告于廟。 不存焉。下 一荷 君舉必 有茂異」。 動。 居。 記, 秋 動 影記 別左 咸 按:《漢 及 臧 事。 在 否 士 史 按: 載 庶,等 書之,言 言爲 書》作 朝 籍 《漢 有

> 帝 則 拜 戎 書 尚 焉。 或欲 若史官使掌典其 紀其行事,每於歲 宜 失一 故 書 立 ,言行足以爲法 書。 動衆則書,四 於今者,官以其 則 事 朝 6 故先王重之,以 顯 按:《漢書》作「宜於今者,備 有《 書 福 而 而 不得 ,光武置貴人爲三夫人。 淫 起 榮辱千載 禍 居 盡,舉之尚 亂 注 夷朝 或欲隱 事 則 》,漢時有 式 日 , ⑤不書 書 獻 則 各 嗣 一样瑞 書」。 則書,皇后 而名章。 書 書,立功 賞 善 禁中 其 [人勸 罰 詭 則 災 公主大 置 盡 此 常。 3 起 史官,掌其典文 異 上 ,●則集之於 居 焉,淫人懼 紀以至公。 事 以 下必 則 貴人太子 爲 故明德馬 則 輔法教 臣 善惡 書,兵 有 拜免 脱 先 誤 削 得 皇

3

<sup>●「</sup>記動」、《後漢書》作「書事」。

②「動」、《後漢書》作「事

<sup>「</sup>嗣」,何本作「助」。

<sup>1 「</sup>日」,何本作「方」。

<sup>6 「</sup>公主」,子彙本作「公卿」,當是。

申鑒卷第二

二五

### 申 鑒卷第二

### 吴郡 黄 省 曾 注 0

安,歷

年四百。

言相

地家不足信

矣。

長

俗

嫌

第

Ξ

吉 言脩 曰 而 德則 恃、 或 何 問問 足以協吉 謂 [X] 也?」「 卜筮 而 怠 而 之謂 0 消凶 吉 日 否則 而 損。」 濟 反 德 是 吉 凶 斯 M 益 而 謂 救 · 否 兆數之所 之謂 斯 損 益 值

燋 西 益宅謂之不祥,必 也 非吉 方主 或 北 問 方水 殺 N N 日 生 所 也,蹈之不沈。 生也。 有死亡。 者不 時 群 寡; 心。 東 商家門不 方主生,死者不 南 曰 方火也,居之不 : 漢 宜 時 南 此 俗 向 天 微 有 方忌,如 地 家門 之數 鮮 不 西 宜

陽之地,秦亡 所 前 北向之類是 日 謂 徒倒戈,攻於後以 「甲子昧爽,受率其 殷 以甲 子 也。 滅 周 一漢隆 故 甲子 以 北 甲 八旅若林 · 血 上。」秦都 子 昧 流漂杵。 興 也。 爽, ,會于牧野 關 中,二 殷 言支干不足忌矣。 滅 戎 世 罔 周 衣,天下大定。 一而亡; 興。 有敵於我 漢 武 遷 咸

師

成

火中 辰 取 周 晨 也?」曰: 在 之會,晉祥也。」 房。」房者,蒼神之精 天黿 號之旂。 師 蚤 辰星、熒惑、太白、歲星、填星,日、 而 初 朝 或 發,歲 是 日 也 問問 「童謡· 也。 其 鶉之賁賁,天策焞焞,火 在 九月十月之交乎?」韋 龍 **奉** 鶉火,日 尾 有之曰: Ŧi. 秋 尾 三之位 元 晉 周 星 命 在 據 也。 獻 『丙之晨 苞 析 而 公 木,月 興。 伏, 周周 問 日 : 於 隱 龍 應也 「殷 在 龍 1 也 中 氏 月、斗 天駟 虎 尾 偃 紂 成 解 伏 日 之時 辰 軍, 虎 日 辰 也。 辰 : 五. 日 虢 當 「丙,丙子。  $\equiv$ 均 在 月 攻 Ŧī. 公其奔。』 作 志 服 斗 之交會 虢 星 五. 尾 柄, 振 》所 聚 何 星 振 月 於 星 謂

<sup>0</sup> 注, 原無此字,依全書体例

外有 然應 其 無位 火,鳥 有二月,十有二辰。」人承天 自玄枵至星紀是 當之也。❶ 有罪 值 策, 也。 良 滅 中 尾 孔子過 否。」曰:「元辰,先王 而 號 也 陰陽,順 之, 月 魯僖 入獄 屋也。 號 名傅説 也 順 者觸之,貞良 在 成 於盜 布 公 文。 軍軍軍 天 貞良,無罪者。 五. 犴 醜 衣 策 或曰: 則 年 故 泉 賁 奔 也。 其日 冬,周 寓 渴 文實 ·有成功 焞焞 盜 罰 賁 京 也。 不受。 師 鶉 焉,不符其 矣, 泉 伏 近 辰, 《周 十二月,夏十月,丙子 辰, 辰 朝 火星 而 順 然則 也。 入焉,不受其罰 日 不飲 禮 言布衣 歌 以 月之貌 順 貌 《傳》曰:『冬十二月丙子朔 理也 : 在 喻 孔 日 所 也。 其 地 馮 龍 惡其名也 周 「官 相 月 而寓官府,則 用 尾 度數。 應 墨 故 爵 • • 也。 天策,尾 氏》: 可 晉祥, 隱 也 府設 也 不 動 火,鶉 廢 休徴 而 由 静 掌十 惟 未見 辰 歟?」❷ 劉向 陳,富 内 獄 上 武 朔之朝, 焉 謂 火 《尸子》曰 也。」布衣, 爵不符。 之符,自 有 **犴若** 有二 日 王 也。 也 日 順 星 順 月 、獻公能 り●順 名 貴 一歲,十 中 鶉 所 日 實, 居 邑 日 日 會, 晉 者 貞 晨 天 在 鶉

> 實 朝 歌, 徼福於忌,斯成 墨子回車。」惡其名者,順其 難 也 心 也。 苟 無 其

祈請 · 太祝》: 玉帛以 玉 求 或 非其禮則 帛云乎 禱 日 也。 6掌六祈 昭 祈請 如 祈請 哉 祈 或 年、 ,以同鬼神示。」故 ! 吉朔 愆 者 祈 非 請 誠 子 孫 以 以 云 其 清 接 祈 通之。」「『禮 請 雨 神 云, 則 精 不 請 自 以 酒 應 福 底之, 然 之 膳 類 應 云 云 也。 禮 犧 乎 周

牲

云

禮

哉

可 何爲者也? ,性命自 或 或 問 問問 然則 祈 避 疾 請 否。」應感,如土龍 厄 可 有諸。 否 ? ? 曰 日 致 避,身寓宇宙 氣 雨 之類 「夫疾厄, 物 應 感 則

非

身則

神,身不可

2

0

獻, 原 作 「獄」,據 程本、四 庫

日 焉順」,吴本作「順焉」。 月」,子彙本作「 H 時」。

理」,子彙本作「禮

<sup>「</sup>太祝」,原作「太提」,據 程 本、 四 庫本改

逸 避 避 口 將焉之? 非 乎 ? 譬 身, 諸 可 神 孺 逃 不 子 非 可 掩 神 逃 目 也 巨 神 寓 夫 持 形骸, 身隨 之 掖 逃 天,萬 將焉之? 而 日 里 逃, 可

衆 夫 行,參之於時, 爲 矣,其變多矣,亦有 神 邪時謂亨期 氣,形 或 問: 容之相 「人形有 厄 相 會 所以 成 包 相 也 上 也 應 ?! 亦參 人骨 中 自 下 體 然 :「蓋有之焉 品 相 之善惡 敗 矣。 云 爾 也 者。 貳之於 行 其 謂 數 修

莽 爲 終死始 長 揚雄 雄 也 Ė: 已矣。 産 也 數 日 「有生者必有死,有始者必有 或問 生、《易 乎異 也 日 聖 言名生實死, 人不 俗。 短 神 繋辭 長, 師 仙 亦 仙。 謂 之術 海 有 Ĕ 年 外南 仙 一之夭 非 誕妄不足信 原 經 惡 壽。 始反終,故知死生之説。」揚 乎 生 曰 僬 1終 也 : 運 僥國 也 數 自 日 誕 終始 然之道 聖人 哉 在 非 三首國 僬 人 八弗學, 也。」 運 力 僥 末之 東。 也 之 短 桂

> 曰: 從中 外 大荒南經》: 矣。 傳》云: 『僬 州 僥 以 東 氏,三尺,短之至 僬僥民,長三尺,短之至也。」《詩 ,西四十萬里 「有小人,名 得 日 也。」 **僬僥之國。」《史記** 僬僥國,人長 就 有 仙 含神 尺 Ŧi. 霧 寸 「仲尼 亦 也。 日 殊

類

之誤。 桂芝,善導引行氣。」物有俊傑,不 傑,有彭 顓頊之孫,陸終氏之中 獲,烏獲,秦武王力士。 聖云 或問: 勇 祖 也。 期 (仲尼, 賁、育,孟 《列 「有數百歲人乎?」曰 仙傳》: 壽 子。 稱 捷言羌亥、「羌亥」, 賁,齊人,能生拔牛角 彭 「彭祖 歷夏至殷 祖 以以 者,殷大夫,姓 四 末,八百 可 者 誣 況 也 壽 餘 力 言 籛 歲。 疑 名鏗 夏 壽 稱 育, 豎 常 中 帝 亥 烏 食 俊 衛

聖,可 性壽 曰 : 「夫惟 矣。 或問 以 盡 荷 性 壽 非 ; 凡 則 其 壽 壽 惟 性 必 者 用 能 也 必 道 用 脩 一,所 有 道 不 道 以 至 惟 盡 非 也 能 命 習 用 學 之功。」 道 必 則

<sup>0</sup> 也」下,子彙本有「非學之致也」五字,當是。

興平中 十 存 城 獻帝興平七年,越雋男子化爲女子。 仙 曰 中。 四日復活。 也 或曰 一未之前聞 所 有 行 親 男化爲女者 人聞 二、「人 聞 見 續漢志》曰:「女子李娥,年六十餘死,瘞於 冢中 者。 也。 有自變化 有聲,告家人,出之。」此二事,悦 夫豈人之性 「有矣, 然則 死 異 而 人復 也,異 四 仙者,信乎?」 哉 年,武陵女子死 生者有 謂 怪異。 氣 數不 非 在

閉。 不澹。 之謂嗇、老子》: 心不爽,而昏亂  $\Box$ 復,是謂 和 底,昏亂百度則 ,守之以生而 「於是乎節 底亦滯 或問曰:「有養性乎?」曰: 深 故君 根固 也 宣其氣 謂 百 子節 柢長生久視之道。」否則不 度。 血 氣集滯 生疾。 「治人事天,莫如嗇。 己。 ●勿使 今無乃壹之,則生疾矣。」故喜 宣其 愛親、愛德、愛力、愛神 也。 氣,勿 宣,散 有 百 所 度,百 壅閉湫 也。 使有 事 壅,外壅。 底以 夫惟嗇,是以早 之節。 「養性秉中 所 宣 露 壅 其 閉 過 閉,内 左 體 傳 怒 兹 滯 則

> 在臍下三寸,元陽之命在其前 關元,後有幽闕,前命門,呼 鄰 和 必有 宣 視,《内 者,由 蓄氣,内謂内視。 蓄者以乎虚 蹻。」導引 哀樂思慮,必得其中,所以 疾,皆非養性之聖術 盈 臍 消 而 而 息 己 失和者矣。 二寸謂之關 遏之,體宜 禹之治水 經 矣。 少, ❷必 謂 ·異法 摇筋骨動支節 宣其 也,内者以 得其 以申 方宜 也。 氣, 調 夫善養性者, 《黄庭外 有屈 中,所 論 而 調 吸 也。 若夫導 也。 其 ,以虚有蓄,以外有内。 日 矯之,神 懸 廬 乎 體 以 間 景 中 精 平, 外 過 夫屈者 經 入丹田 養 養 如 也 則失 央者,其治宜導 引 其 鏡 體 神 日 神, 無常 宜 蓄 明明 也。 也。 屈 八中,可 平 上 以 氣 則 照 解 謂 得 而 乎申 術 有 云: 一身,不休 導 善 寒暄 歷 其 引 黄 抑之, 歸 得 以 藏 治 庭,下 和 氣 蓄謂 引 也 其 宜 治 氣 虚 内 元 按

<sup>「</sup>是」,原作「吳」,據程本、四庫本改。

❷ 「虚盈」,吴本作「盈虚」。

多,不 存吾 物 已虚 者,一 也。 療 矣。 以 亢,❸陰 氣 也 也 氣者,若天與 人之息以喉。」 短 是 道 也 生 肩 者 不 故 ,氣門乃閉。」陰氣消 日而主外,平旦人氣 使勝食氣。」 氣 能 故 息 肉 春 養,陽氣者,天氣 療,治也。 ,其息稍升,其脉稍促,其神稍 歸 養 出 而 不 而 道者常 爲 極 者 爲呼,氣入爲吸。 已矣。 性 勝 春 氣 日 則 其 所 者崇 故故 失 食 舒。❶《莊子》曰 凝 寒斯 以 神 致 所 氣 其 候 關 存吾春 稍 以 所 其 氣 亢 況 熱,熱則致滯 天春 生氣 藏 則 專, 治 生,日 於 則 陽 殺 於 捫 呼吸之氣 疾 故 關 也。 謂 有 壽 而 至 藥 而 中 也, 而 順養其生氣 氣 悔 絀 《生氣 於 和喜之徒,其 生。 乎 是 而 不 真 長 陽 ? 其 彰。 以 謂 無 凝 者 氣隆,日 人之息也 陰。 通天論》曰 關 要 陰。 疾 則 以 2 論 以 也。 息 則 又 術 稟授 有 語 則 越,至 觸 日 陽 藥 勿 凶 西 而 以 藥 不 息 而 之用 藥 極 氣 凡 氣 兀 : 踵 肉 然 陽 陽 陽 衆 夫 則 陽 陽 於 可 衍 氣 體 氣 雖 氣

> 也。 已矣。 必 也 有傷。 一,唯適 故 養 其宜 唯 性 鍼 者 火亦 則不 不多 如之,鍼謂 爲 服 害。 也, 若 唯 已 在 九 鍼。 氣 乎 平 節 火 也 謂 之而 灸 則 炳

上 樂,仁者壽。」曰: 三十二蚤死,冉 之,壽之術也。」曰: 和 ,6故咎徵不至,咎徵,惡 不違天,下不違人, 或問: 耕 「仁者壽 伯 「仁者· 牛 有 惡 内 何 疾 顔、 而 處 謂 不 卒。 冉 行 傷 也 正 之驗。 ]?: |《論云 何? 揚 性 居 雄 外外 中 日 而 顔 語 不 形 休 П 口 傷 子 嘉 神 淵 知 4 物 以 集 者 之 年

以」,子彙本無。

<sup>■「</sup>氣」,子彙本無。

② 「捫」、《四庫全書》本《黄帝内經素問·生氣通天論》

⑤ 「亢」字同。
⑤ 「亢」,原作「元」,據程本、吴本改。下「亢則有悔」之

<sup>4 「</sup>天」,子彙本作「夫」。

<sup>5 「</sup>炳」,疑當作「焫」。

以壽 不害,無殘 夏而 行,德矣。 其 麥不終夏,花 短 夭爲 秀,花 長 慮 雖 曷壽之不益 贼致夭之行,故曰 亦 加 不 在 當務脩德爲要 越 不 其 春 濟 中 而 也? 祭, 春 矣。」言 其 9 長 亦 如 也 如 亦在 和 同 和 顔 此 氣之保 氣 意。 其 冉 中 何 歲 矣。 ? 龄 日 合 雖 何 則 . 言 短 知君 麥 命 而 雖 雖 子不 也 天 不 云 和 踰

君言 歟 歒 也。 黄白 白之説 武 世 黄金可 瓦 仲。 人疑 犬 爲 丹 古人秘重其道,不欲指斥,故隱之云爾。」按: 之方,二十五卷,千 羊 銅 或 爲 成,上令典 意亡矣。 肅宗時 丹 砂 問問 虚 則 砂爲 之 可 誕 化爲黄 不 肉 與與 也 金,河 「黄白之儔。」《抱朴子》曰: 可 以 班 尚 燔 日 固 方 金、卒無驗 車 造 埴 以 : 、賈逵 鑄 作 有餘; 銀 馬 自 爲 作事,費甚多,方不驗。 傅 非 然 瓦 共 牛 毅論之當 首。 典校書。 同 病死。 則 驗 類矣。 不 黄 可 於 幾 者, 不 漢宣 埴, 考其 矣, 金 然, 也 黏 時,劉 也。 傳, 不 土 《神 詭 傅毅,字 白 也 無 其 毋 秦李 更 哉 者 仙 論 怪 生 然 爍 經 平 言 少 黄 銀

世稱緯書,仲尼之作也。世之說者,謂孔子既

仲尼 聖之所增 之作 《易傳》、《詩傳》、《尚書 甚,必 周文王所受本文。 之作矣。」緯 雜 即其發僞之書 欲遁 肅 讖 與 復追爲光禄 之,蓋發其 譚 及 敘六經,以明天人之道 司 讖 仲 》等篇。 專。 張 徒 命,吏持之急,不得 以 衡輩 雜 危社稷。 乎 尼 王允及卓長史何顒等爲内謀 遺 而悦則儉之子,故爽於悦爲叔 演 己 ? 乎 來 常發其 按: 勳。 世 以 而 ? (偽也。 起 書有 也 廣其意。 爽父淑 己。 其 於 視 光 以 所 虚僞矣。 、哀平。 又别 武之世 事三日 有 河 辟 仲 然 正經》、《春秋條 圖 起 舉,皆 知 爽,字慈明。 有子 有 去。 又有《七經緯 尼 則 》九篇、《洛書》六篇、云自黄 三十 或 於 後 臣 雜 進 篤信斯 可 因 取 世 八 中 日 拜司 悦叔 篇 復 己 謂 人,儉、組 才略之士, 不 ·興 · 云 就 能 乎 八十 空。 術 之前 會病 拜 自 稽 董卓 父、 雜 ? 例》、《公羊問 平. 學 父。 初 百 爽 原 薨。 故 起 者 其 輔 ,終張 靖 若彼者 將 見 曰 相 所 至于 首 意 風 政,徵之。 司 董 共 , 行 謂 燾、 常著 故 : 靡 非 圖 卓 空 並 孔 以 至宛 辨 忍暴 汪 之。 是 别 之徒 仲 子,九 爽 》、《辨 ~禮 帝 云孔 讖 以 立 爽 尼 以 辨 爽 至 亦 滋 柜 緯

之類是也。在上者不受虚言,不聽浮術,不采 取,如劉彦和所謂「羲農軒皞之源,山瀆鍾律之要,白魚赤 肆其矯誕矣。 不華,有功謂不僞。 烏之符,黄金紫玉之瑞,事豐辭富,無益經典而有助文章」 子所作,并前合爲八十一篇。 有實,事必有功。」有用謂不虚,有典謂不浮,有實謂 華名,不興僞事,言必有用,術必有典,名必 仲尼之作則否,有取焉則可,曷其燔? 有 在上者如是,則緯候鉤讖之説,無所 或曰: 燔諸?」曰

中鑒卷第三

周

秦之弊,不鑒於民下也。4

幽

厲、

政、亥不以

夏商之衰,不鑒於禹湯

也

桀紂

不以

前

而

己。

前惟順,❸人惟賢,鏡

惟

明。

此

君子之三

君子有三鑒,世

人鏡鑒。❷

蒸庶但知

鏡

### 申 ·鑒卷第四

黄省曾注

側景之鏡,亡鑒矣。

但知鏡鑒,是爲無鑒。

#### 雜 言上 第四

皆學廢興之由,敦之不亦 悠悠之民,泄泄之士,明明之治,汶汶之亂 曰:「生而知之者寡矣,學而知之者衆矣, 「天之方蹶,無然泄泄。」《大明》曰: 或問曰:「君子曷敦乎學?」敦,勉 宜乎!」《詩·板 「明明在下。」 也。

鑒。 弁之俄。」故君子惟鑒之務,務於前鑒人鑒。 側,傾 側弁垢顔,不鑒於明鏡也。 也。 弁者,冠之大名。 《 詩 • 賓之初筵 此則不以 ĕ E 若夫 鏡

於心。 目。 哉! 也。 哉! 四 違道矣。 昔有上致聖由教戒,因 臣不成治。 鄰。 言法度之臣常 先哲之言,不輟於身。 或問:「致治之要君乎?」曰:「 天無獨運,君無獨理。 先王之道,致 故檢柙之臣,不虚 首之者天 充左右 訓焉,故亡斯須 也。 地也,統之者君 非天地不生物,非 禮 於側 度之典,不 非義之道,不宣 「輔弼 檢 柙 之間 猶 兩立 曠 欽 臣 法 於 順 也 君 而

0 「衆」,原作「寡」,據何本改。

「世人鏡鑒」,何本作「鑒乎前

順」,何本作「訓」。

民」,何本作「群」。

四

育純. 佯死,先 肓 寧。 葛嬴 任 公好 非 臣 末 送公子糾 林人殺無知 是 有異焉者矣。 謂之明。❶ 其心,害於其政。 必 親 近 非 盈 由 邪 有人之者矣。 内,多内 暱 潘 省闥 白,心下爲膏肓,鬲 心而處 朝 入也矣。 僻之氣 管 智 入齊。 密 前 非 仲, 姬 不 高 清 寵。 使管仲 欲 宋華子也。 可 無 齊桓公,中材也,末能成功業,由 高 國先陰召小白於莒。 阨,鍼之不遠,❸[遠」當作「達 净 末由 其 從 傒立之,是 親 如夫人者六人,長 擔 , 嬖孽不生, 兹謂 不任不愛謂之公,惟 僻事作則 妾媵盈宫,非 也。 别將兵遮莒道,射中 寄國 近 是故僻 人也。 也。 事 非愛也,任之也。 夫此 也。 也。 爲桓 然外則管仲 正 志 缺一字。 之舉 公。 然後 塞,正 萌 豎 衛姬、少 魯聞 無愛幸 則 衛 不 弘 知 政平。 小白帶鈎,小白 僻 姬 塞 生,兹 無 有 矣 非 知 衛姬、 色衰 則 事 間 哉 死,亦 射己,雍 賢 公是 也。 公正 作 缺 言桓公 謂 夫 不 鄭 發兵 生 2 膏 姬、 字。 從 膏 心 口 群 亦 桓 於

> 人禱。」 也! 生民而樹之君以利之也。 禱于桑林之野。 當。」遂齋戒,翦髮斷 也 之上,膏之下,若我何?」醫至,日 豎子,曰: 故治身治國者,唯是之畏。」身畏二豎 上,膏之下,攻之不可,達之不及,藥不至焉,不可 侯疾病,求醫于秦。 「利於民而不利於君。」邾子 之不中,攻之不可,二豎藏 或曰: 湯曰:「吾所爲 曰: 湯禱 「彼良醫也,懼傷我,焉逃之?」其一曰:「居 「愛民 「愛民如身,仁之至乎?」 桑林,湯時大旱七年,太史占之曰 邾遷于 秦伯 爪,素車白 如子,仁之至乎?」 請雨 使醫緩爲之,未至,公夢 民既利矣,孤必與焉。」左右曰 ∃ : 繹,邾文公卜遷于繹,史曰 者, 民也。 「苟利於民 馬,身嬰白茅,以身爲犧 焉,是謂 「疾不可 若以 ,孤之利 人禱,吾請自 爲 ,國畏嬖孽。 篤 也,在 曰 日 患。 疾 爲 也。 「當以 未 爲二 也。」 肓 未 天 晉 之 肓

<sup>●「</sup>公」,何本作「義」。「謂之」,子彙本作「之謂」。

②「衰」,原作「妾」,據何本改。「衞」上,何本有「內則」

③「遠」,子彙本作「達」,何本作「逮」。

公卒。 祇。 與子 爲 社 爲 時 孟 不受天陽也 也 承 露 欲 命 子曰: 至。 與與 欽 日 祠 天 也 稷 可 等 奉天命 古者立國,天子、諸 靈 天果 靈 命以 社 長 耳。 景祠 山 民 日 也,君 Ш 者, 「民爲貴,社稷次之,君爲輕。」言三君者之重民 荷利 河 大 河 伯以 如 ,故《公羊傳》云: ,以保社稷也。 養 五. 故 雨 伯共憂,其幸而 何 矣,遷 于 身, 土之神。 何 民 民 重 禱 弗 旱,齊大旱,景公卜之,祟 與 重 者 爲?」邾 民 盡 身等 也 晏子曰 得 也 民 者 侯、大夫皆立 吉莫如之。」遂遷于釋,五月邾 種 稷 耳。 而 樹 民 者,於 所 子 輕 雨 「亡國之社 日 如 存則社稷存,民 乎 以 身也 祠之無益 可 :  $\equiv$ ! 五土之中,特 命 重 君 謂 」於是景公出野 社。 ? 者, 社 愛 在 掩其 養民 稷 輕 民 而國 , 君 曰 身重 在 上 而 矣。」 一、「人 誠 喪則屋之, 高 死之短 指原 ,柴其下。」 承 避 民,然後 山 宫 亡 如子, 天 暴露 廣 隰 殿 長 主 水 命 則 之 暴

信 以 爲 或 ! 曰 堯舜矣。❶ 問 「人非 孟 寫堯舜之貌 軻 下愚,下愚則 稱 人 皆 可 同 以 不移 堯 爲 舜 堯 之姓 則 舜 皆 則 其 口

> 紂之事 哭 度去,喻爲桀紂 夫 前 否 國西有縣度。」縣度者,石 其别與化也。」夫岐路惡足悲哉? 桀紂之事是桀紂 也。」或曰: 楊子見逵路而哭之,爲其可以 縣 岐 則 路 服 度之厄素,舉 古 常並 堯之制,行 之 所 堯 通 「人皆可 存 舜 逼 於 者 也, 也。 世, 足 然 堯之道 Ш 行 以 而 也 也 唯 本孟子語曹交意。 之於 爲 已 南 人 谿 桀紂 矣。 可 所 則 谷 淮 後 不 以 南 用 可 乎? **一**西 通 北。」高 子 則 矣。 中 而 以 域 今 説 己。 反焉。 傳》: 繩 誘 林 日 之 堯 行 索 日 訓 相 楊 舜 堯 之 「烏 引 日 「関 若 朱 於 舜 桀 行 而

爲朱公。 友昆 耻,乃乘 而 憂。 弟。 損 扁舟浮於江湖 迺治 後年衰老,聽子孫脩業而息之,遂至鉅萬。 陶 益 之符 朱 産積 既 微 居 富,室 與 ,變名易姓,適齊 時 而 逐,三致千金 顯 妾 悲 也。 號 趙 爲鴟 范 獲 而 蠡 再散,分與 夷子皮,之陶 既 城 雪 會 臨 故言 稽之 饋

■「皆」,原作「愚」,據吴本及上文改。

子友。 强 宰 越王勾踐乃以餘兵五千人,保棲於會稽,使大夫種因吴太 或 牧正。 越之基也。 於召公家,二相乃共立之,是爲宣王。 邵宫,召公之室也。 道,三年,蠻 飛 少 少康方在相后懷姙,乃奔歸 也。 伸 富者 而三年克之,殷道復興。 一伐之,遂大勝燕。 雉升 康。 嚭而行成,請委國爲臣妾。至十四 人聞 燕 之數 稱 流之 徴 帝 <u>一</u> 鼎 而圍之。 夏有舊 陶 相之后,有仍國君女也。 隱 耳 朱。 雉之異,興殷之符也。 一年,越王滅吴,夫差自剄死。 夷編髮重譯 前 也。 雊 臣 夫差二年,吴王悉精兵以伐越,敗之夫椒 而 此 召公乃以其子代太子,太子竟得脱。 靡,自 祖 燕王 知 昭 噲死,子之亡。二年而燕人共立太子 厲王 己 益 也 有鬲 噲 訓 來朝者六國。 讓 出犇于彘,太子静匿召公之家, 邵宫之難,隆周之應也 爲 諸 氏收 國於其 有仍之國,而生少康,長爲 王。 有 損 之爲 仍 二國之燼 武丁 寒浞殺羿,滅夏氏。 相子之,而國大亂,齊 之 年,句踐伐吴,虜太 内反諸 困 鬼方無 益 會稽之棲,霸 武丁祭成湯 舉 者 子之之亂 復 -兵滅 也 道,武 己,以 夏之 浞 0 丁伐 思 而 有 長 萌 屈 王 仍 時 立

謂

日

平,是爲燕昭 王。 此 知 伸 爲 屈之爲伸者 也。

竭 盡 矯情 以 益 之罪,謂不盡忠直之道。 或 忠直之道焉,❷則必 罪之間。 無難之難,明主居之。 盡道而矯上拂下。 忠。 家 其誠,明其道,盡其義,斯已而已矣。 也,而不 「吾君能矣,不我須也」,言無 不治 人主之患,常立 不曰 從道,難也。 在 難 盡 「吾君不 職 忠。 也。 而 忠臣置之。❸ 人臣之義,不 不 孟子曰: 治國 盡忠直之道,罪 能矣,不我 矯上拂 邪臣 有難 於二 大臣之患,常立於二 家 「吾君不能謂 由之。 之難 則 難 下, 之 必 勤 ,闇主取之。 間 罪 識 補 無罪之罪, 也 身、苦思、 也」,言 也,而不 之賊。」必 也 在 有罪 上 以 一而 無 盡

3

置」,何本作「致」。

<sup>0</sup> 之」,子彙本作「

<sup>2</sup> 馬」,吴本

哉 戒 非 寵 臣 故 事 戒 防 絀 君。 不 有 君 與 與 與 有鉗 下。 行 言 以 臣  $\equiv$ 無鉗之鉗 有 導 不 朏 謂 非 有 罪 塞 已 而 反。 同 下 之 引 異 之 之 責 則 上 無 不 尸 貶 先 ,無塞之塞 塞 鉗 之謂 奉 下 謂 0 乖 鉗 日 其 猶 猶 日 身 也 之導,從 導 導 未 救 П, 可 口 有 之戒 以 臣 然謂 進 非 除 怨 解 ,獻帝之時 退 救 誅 忠 也 無 也 不 不 之 與「阿」 有 Ŀ 憾 防 问 無 塞 日 可 之非 無 防 爲 塞 臣 如 則 耳 有 阳 鉗 桁 此 反。 止。 刑 之 Ŀ 發 屈 失 謂 之 則 寒 而 (),三日 無 救  $\equiv$ 尸 臣 之 鉗 可 其 止 辱 阿 次 道 日 日 臣 有 之謂 其 難 之, 戒 防 絀 也 見 聞 矣 矣 P

袁 能 義 申 申 或 0 威 綺 以 日 於 里季、夏黄 義 秦 「在 屈 項 上 義 公 而 有 當 屈 角里 申 屈 於 則 乎 先 申, 商 ? 三 曰 生 義 Ш 也 當 几 屈 高 公。 則 祖 屈 在 欲 兀 易太子,大 公者: 上 高 者 祖 以 雖 東

> 臣不須: 令。 終不 尚 宣 殺 屈 易 日 公幸卒調 愛士,天下莫不延 士: 求公,避 從 致 臣 書 持之,使 人,宣 太子。 太子。 者 日 於强 善 多 我 罵 肯 明 争,未能 遂 鍾 俯。 箠 ,臣等義不辱, 帝 欲易之,彼四 陛 離 於夏 逃我。 使人奉太子 上怪 所謂 項 護 意 宣 請 下 能 大 令。 太子。」四 聖 吅 也 得 門亭 得 敕 問 申 屈 德 今公何自從 頭 自 堅 强 於 四四 謝 頸 顯 \$ 殺。」即 決。 中 格 陳 項 宗即 主。 商 人前 興 願 書 留 於 殺 \$ 人爲之輔 人趨 故 爲 Ш 吕 之。 迎 董 出 而 位 天 四 恐 以 宣 太子死者 后以 對,各言其 至。 官 去,上目 微 縱 耐 公。 不 頭 吾兒遊乎?」 下 賜 主 爲 奴 從, 亡 擊 留 及宴 錢 雒 爲 訴 羽翼 殺 匿。 楹 光 陽令, 而 三十 彊 侯 尚 帝 人, 故 1送之。 計 武 姓 置 書 使 流 屈 E 今 帝 將 萬。 名。 臣等來。」上 頓 酒 血 湖 聞 云 能 成 於 四 時 Ź, 召 太子 何 被 陽 四 太子仁孝, 上 以 申 人曰 交阯 所 召 鍾 宣 難 公皆 面 公主蒼頭 宣 戚夫人 治 迺 謂 動 於 離 欲 兩 侍 驚 太守 屈 帝 天下乎 矣。」 Ŀ 手 雏 莽 座 尚 日 令小 日 於 四 所 據 殺 張 强 書 白 指 竟 下 不 之。 地 而 煩 項 視 吾 不 敬 輕 能

<sup>「</sup>東」,原闕,據四庫本及中華書局校點本《史記》補

笑唐 宫。 嗣 傅太后,元帝倢仔也,生定陶 笑唐虞也。 子 孟 哀 定 爲天子,親處 主 虜 茨不翦,飯 意以爲從 更 臧 珠 坐 帝。 ,忍渴 子喜、 重明 以 陶太后。 之勞,不烈於此 璣 臧 穢之寶 所 悉以 庫 微還 以從弟晏子爲 通大夏,決河亭水放之海,身自持築臿 帝即 於盜 謂 法,下不敢 錢三十 中 屈 禽 委 土 誠不敢拜。」帝 伏 叔子晏、 成 若定 位 廢 泉之水,曾 於 地 窮苦之實 增 法。 帝無 累 世日 萬賜 鍾 政 啜 而 常當車 離 尊 爲 矣。」 不 以 陶 繼 意 土 尚 幼君子 資 拜 非 太 王 嗣 書。 傅太 形。 凡 吾 賜。 轉 參 物 妃。 以 以以 后 太 嗟 陳 聞之韓子曰:『堯舜采椽不 所 П 簿 爲 爲 徇 制 雖 若秦二世之申 商 后 嘆 諫 尚 車 帝 明 爲 人 皇 恭 后之申 百 御 賂 監 般 E : 年、徵 大司 於 怪 貴 書 太 王。 同 姓 海 門 樂遊 勝 趙 而 僕 太 有 「清乎 尚 母弟鄭 内矣。 問 昭 之養,不觳於此。 后。 射。 母 農 天下 元帝崩 定陶 其故 儀,陰 何於 之間 田 意 詔 之事,天子即 車 太 者, 王 前 班 煇子業,❶ 法法? 夫虞夏之主 駕 對 后 爲恭王子 惡 賜 尚書之言。」乃 爲太子, 得 隨 「, 脛毋 數 父同 日 : 其 群 欲, 一此 怨 幸 肆 王 名 臣 意 臣 歸 廣 於 産 毛。 所 也。 刮 而 或 極 成 俱 弟 是 求 謂 禹 時 鄭 聞 意 欲 茅 苑 非 貴 封 子 爲 漢 稱 非 臣 還 此 鑿 孔 得

> 如雷 義 奏貶傅 侯。 浦 代,去珠玉衣,歸定陶葬恭王冢次。 言 不 嫗。 屈。 ,宗族皆 申 然 太 霆之震,惠若 太后 陷馮 后 沛然孰能 以 則 既 歸 義 趙 太后 尊, 號爲定陶 故 氏 屈 郡。 以 後 也 不 祝 禦 尤 趙 Ċ 詛 恭 驕 皇后 也。 雨 罪 喜 而 王 1,令自 露之降,威怒,言申 母。 與 如 秦 亦 成 廢 春 無 復 帝 殺。 爲 陽 奏發傅 愆 母 庶 孔 哀 尤。 人。 鄉 王 怒 侯晏將家屬 帝 太 太后 崩 如 是 后 故 謂 秋 語 王 冢 人主 莽 霜 以 不 至 喜 秉 徙 木 謂 屈 政 威 以 合 棺 之

之?」下韶不受。 里 陽 是其説 不 在 後,吉行日 ,脱輓輅衣羊裘。 懷居 馬, 或 孝文時, 高 問 祖即 遷 日 五. 萬 + 有 日 乘 里, 慎 獻 車 大 難 不 夫人衣不 千 駕 師 虞將軍 里 西 俟 行 行日 馬 終 都 者。 三十 見 長 日 曰 安。 高 帝 齊 : 曳 里, 祖 日 地 人婁敬 朕 孝 若 勸 乘千 班 都 「鸞旗 文 高 秦地。 固 帝 戍 祖 里 在 贊 隴 馬 不 聽 (文帝) 前 西 獨 張 愛千 戍 屬 過洛 良又 先 卒 車 安

者

以

諷

操

也

博

內陽侯。

蘇武

之執節、武

留

匈奴凡十九歲

始

以

彊

壯

後

知吉有舊恩,

而終不言。

上大賢之,制

詔

丞

相

· 封

吉

爲

則

自

陳嘗

有阿

保之功,辭引

使者丙吉

知狀。

上

親

見

問

然

財

物給其衣食。

自

曾

孫

遭遇,吉絕口

不

道

前

恩。

至

官

婢

出

及還

鬚

髮

盡

白

拜

爲

典

屬

或

可

謂

難

矣。」言三臣

帝生數月,以皇曾孫坐衛太子事 不伐,武帝末,吉以故廷尉監 衣弋綈,所幸慎夫人衣不曳地」。 ,令保養曾孫 之玩 磾 「光武身衣大練,色無重綵,耳不聽鄭 其 欲 遂殺 後壯大不謹,自殿下與宫 以 置 不 子 可 如 閒 弄兒,即 私 謂 燥 是 謾 處 難 徵 能 繫。 日 而 詔 矣。 光武 望 磾長子 殺 成 氣 治巫蠱 吉哀曾 者 之,日 言三君 功 手不 言 也。 業 郡邸 長 孫無辜, 人戲。 者 持 磾子二人, 者 安獄 獄。 丙 鮮 以 珠 古 中 衛之 擇 時 日 矣。 規 玉 之 謹 宣 磾 有 獻 地,厥 日 國,乃苦身焦思,置 初 + 命》: 굸 德 有 藥與 「凡飲 五. 或 問問 藥而 眩 厲 以

皆愛爲帝弄兒。

若

金

日

帝

也

抑

情

絶

音

手

不

持

珠

玉

循

吏

傳

敘

適見之,惡其

淫

亂

幸 鉗 如 關 熏耳,飲 幸不人豕,戚氏,戚夫人也。 衣赭 東。 意爲太子,不果。 同 乎?」曰: 衣令春。 吕后年長,常留 瘖藥 寵妻愛妾,幸矣,其 使 居鞠域中,名曰「人彘」。 未 幾 高 「得 鴆 帝 守, 崩,吕 殺 則 希 趙 見 慶, 王, 后 高帝愛幸,戚夫人常從之 益 爲 遂斷 乃令永巷囚 否 疏。 災也深 則災。 戚 屢 夫 趙 欲 人手 昭儀不幸 立 戚夫人, 髡 矣, 戚 戚 夫 氏 災 人子 與

者,無謂我老耄而舍,必恪恭于朝,以交戒我。」又作《 筵》、《抑戒》之詩以 「女忘會稽之耻耶?」 足用傷。」衛武箴 「啓乃心、沃朕心 ,猶箴儆于國,曰 毒,東 志」。 瘳 膽 疾,瞑眩者,令人憤悶之意。《方言 齊海岱間,或謂之瞑,或謂之眩。」《説 自警。 於 ,若藥弗瞑 坐, 戒於朝 「厲矣哉!」言此,欲獻帝勵 曰 「自卿以下至于師 坐 勾 臥 踐 即 眩 若殷 仰 厥 懸 武公和,釐侯子,年 膽,飲 膽 疾弗瘳; 高 於 長、 食 宗 坐,勾 亦 士 能 若跣 嘗 一,苟 葺 膽 賓之 踐 弗 在 也 其 朝

厚女徒。

天子氣」。

上

遣

使,令

切殺之。

吉閉門

拒

使者

得

全

以

再振

漢業也

孫。

曾孫

病

吉

數

教教乳母

加

致醫

藥,視遇

甚

有

恩

惠

以

私

四

0

家 年 怒,遂 否 後欲立 鉤 也 文曰 也。 不許。 年。 憂 飛燕 美人皆因 病狀 太子,長公主嫖 顔 不 雲陽。 弋子 猶豫 死。 立 則 師 失 爲皇 災 進 王 女 古 成 案誅 昭 命 子 會 弟 也 鉤 ,任身十四 爲 夫人又陰使 鉤 帝 曰 久之。 儀 倢 后 弋子爲皇太子 長公主見,得 非 薄 崩 也 大行而 以 自 按 仔,居 皇 元 災 母 殺 時 昭 民 不 帝 后 鉤弋 后 貴 顯 王 有 間 靈 而 幸 始 廢,長公主 月乃 寵 其 美人任 鉤 廢 女、欲 栗 歸 帝 母 何 人趣 加 太子 夫人從幸甘泉 木 儀 衰 t 罪 何 以 姬 昭 生。 示 宫, ·憂 貴幸。 而 貴 昭 以 大臣 子 與太子 儀 爲 不 娠 絶 人 儀 隆 殤 之 言 大 貴,今太子 武 其 臨 幸, 日 幸 重 畏后 號 戚 9鉤弋 甚 有 立 年 帝 江 譖 栗 皇 也。 不 氏 昭 寵。 爲 栗 栗姬 有 稺 命 王。 位 姬 太 儀 姬 妃。 廢 母 寵 其 昭 乃 趙 有 后 視 夫人,姓 日 居 元 少, 所 栗 爲 幸 景 儀 母母 服 昭 過 景 怨 詔 丞 始三 昭 姬 栗 生 皇 號 藥 見 恐女、 儀 栗 帝心 性 怒 相 帝立 治 陽 門 后。 姬 欲 愈 者 彊 譴 宜 問 姬 日 年 館 趙氏 謝 爵 恚 妬 除 銜之而· 主 爲 忌 皇 孝 齊 大行 以 鉤 生 比 不 長 之。 皇 堯 顓 顓 而 帝 栗 成 得 + 憂 昭 公公 諸 昭 光 后。 姬 恣 母 景 寵 起 皇 見, 死 奏 帝 主, 侯 門 和 所 而 亂 帝 未 帝 男 居 + 后 事 王。 胎 因 以 謂 或 號 母 帝 發 爲 諸 餘 發 趙

皇 宗 馬 久 妤 之。 斤。 之知 帝母 卓立 安不 居 彪之姑、況之女也。 爵 上下 獨不見人彘乎?」上悦,乃 引卻慎夫人,夫人怒,上亦 見 太后 皇后, 比列 祝 增 帝 危,乃 詛 婕 成 和。 班 獻 也,不得顯言 動 命 ,孝文所幸慎 舍。 日 妤 侯。 帝 後 婕 貴 伏 後 宫 每 今既已 ,乃遷何皇后於永安宫 求共養太后長信宫。 波 人養之,撫 生 妤 進 成 婕,言接幸於 馬 **署** 將 皇 見上 帝嘗 貴人德冠後 及主 之賢,婕妤之號, 軍 子 立后,慎夫人乃妾耳 援之少 故 恊 疏 欲 上。 入後宫始 夫 與 育過 申 即 依 人,在 婕 漢 獻 皇 則 女, 上 好 怒。 宫 召 前 於 帝 古 后 也。 禁中 同 事 語慎夫人,夫 所 爲 爲 禮。 也 即 坐 辇 以 盎 生。 少使 顯 明 其 廢 好,美 載 嘗與 亦 自 日 至趙 何 宗 人 爲 德 婕 酖 後 武 八也。」遂 辭 鑒 皇 貴 俄 皇后 皇 妤 止 弑 有 贵 稱 帝 飛 臣 戒。 后 人。 之。 以 而 后 司 也。 始。 燕 可 聞 酖 太 人賜 大幸, 善 百 立 奏 譖 尊 同 殺 之德 若慎 時 對 后 悦以美人獻 席 立 爲皇后, 班 位 告 卑 坐 美 賈 盎 免。 以 坐。 爲 許 視 長 婕 人, 有 氏 樊 金 夫人 后, 序, 秋 婕 妤 上 生 明 大 陛 袁 姬 Ŧi. 至 宫 卿 妤 者 肅 德 恐 婕 擬 + 下 則 董

❶「公」,原闕,據《漢書》補

邵 事,多所毘補 仲 自 舒書 矣哉 謙 肅 能 常 誦 衣 前 邵 《易》, 大練 未嘗以家私干,故寵 高 裙 好 也,言慎夫人、班婕 不不 讀《春秋》、《 加緣,每 於侍執之際,輒 楚詞》, 敬 好好、 日 尤喜《周 隆,始 馬 皇 后 終 官》、董 言 無衰 所謂 及

德則慶也

之度。 所 形骸之見。 爲 不爲世憂樂者,小人之志也。 世憂樂者,君子之志也。 太平之世,事閑而 民樂徧 公於四 焉。 私於 海 覆 君子 己 載

和,故 不 不可 云乎 兀 離 一婦 以 不可 使 成 處 樂者,和 禮。 遽者揖 以 献 爲樂。 憂者弦歌鼓瑟 畝之中,必禮樂存焉 讓 而已矣。 禮者,敬 百 拜,非 弦歌鼓 而 禮 北非樂 已矣。❶ 也。 瑟 爾 一云乎 也 窘急者無敬,故 ! 揖 敬 愁慼者不 和 讓 兀 斯 百 夫 須 拜

於

者。 義 者 違 違 忠 上 道 所以 順 順 道 E 爲 謂 謂 上 之忠臣 之諛 也 臣 諛 逆君 所 逆 以 道 從道 自 從 爲 君 所 也 所 謂 謂 違 順 而 忠 而 得 臣 失 道

列

王家。 遺言。 衍、淳于髡、田 察之矣,故賞諫者。 稷,爲大夫憂,其弘多矣。 保之教訓 夫曰:「不穀不德,少主社稷,生十年而喪先君,未及習 慎 『靈』若『厲』。 錡射恭王中目 諫正去,去益大,逐之。 臣 順 安於心 大夫。 地 ,謂違 乎 唯 廣川,惠 所安。 去使奴殺師父子。 是 成公十六年,楚子救鄭,不聽申叔之言。 ,諛臣 爲 上違 而應受多 春 開 秋 駢、 大夫擇焉!」此所謂遺 ,敗於鄢 王孫 道 第 謂安心安身。 窀 ·接子、慎 順上 康 安於身。 **罗之事** 去。 福,是 莊之衢 順 陵。 内 初,年十 道。 到 以 , 所 若以大夫之靈 史請 宣王喜文學遊説之士,自 楚恭王察之而遲,故 不德。 至襄公十三年,楚子疾,告 環 高 審乎所爲,謂 廣 以 故在上者 以爲掾,師 門 淵之徒七十六人,皆 四 從 JII 大 Ŧi. 先 而 言也 事 王弗察,故 屋 君 亡 尊 師 於 後保 師于 寵 數令内 受《易》。 禰 必 齊宣王 之,不 鄢 廟 爲上 察 首 者 以以 及戰,吕 史禁 領 乎 殺 自 治 如 請 辱 以 命 師 其 有 違 其 爲 而 日 騊 爲 殁 社 師 大

0 敬」,子彙本作「政」。

議論。

至矣。 珍,❷非寶也。 利。」「患之 也 。」「請問 或 故明王 問: 其 甚 「人君· 要。」曰 矣。」❶缺 慎内守,除外寇,而 腹心之人,匍 人臣之戒。」日 Ŧi. 君 字。 戒專欲 匐 八 而 域 獻 重内 重 莫 善,寶之 驛 臣 寶。 匪 戒 而 獻 專 戒

服 其 也 言西方,故 子,故麟 土 + 于 從 中 -四年 虎。」正 類 虔 韶 潁容等, 央 雲從于 出 ^≪書 春 告則 軒 來而 於此 義 來。」 轅 西  $\stackrel{>}{\exists}$ 日 爲孔 大角 狩 咎 皆 劉 獲麟。 龍 以 應 之獸。 龍 向 子瑞也。」 簫 爲文成 吟 故 韶 於 風 尹 説《左氏》者云:「麟 則 九 君 彼 從于虎、《易》曰: 更 成 景 春秋 始 陳欽 子 致 雲 鳳 皆 麟。 應之。 出 善 者 凰 以 굸: 則 來。」 虎 丽 爲 1,禮也。 一片 應孔 嘯 祥 杜 麟 則 言善 氏 西 谷風 祥 子。 集 悉 生於火,而 [方獸。 脩火德以 否 無 于孔 則 「雲從 生。 1感應, 而 所 福 取 至 孔 哀 鳳 賈 龍 各從 子立 致 遊 逵 否 應 儀 其 公 於 風

君子食和羹以平其氣,聽和聲以平其

角徴 言 同,雅 不同 志,納 酸 君 而莫予違 鹹甘苦不同 子 不同,嘉音以章 度 和 和 中正以 言以 以 而 平, 不 也 平 訓 同 謂 其 嘉 0 謂 之 則幾 政 味 俱《 和 ,謂之和 之和言。 以 行。 履 於 論 濟 語 和 喪 文。 謂 人之言, 或 行 聲。 之和 以 馬 晏子 趨 平 舍 臧 孔 羹。 其 日 動 亦 否 德 子 云 静 損 宫 唯 日 其 益 不 商 夫

0 或問: 焉。 克,故唐夏平。 是謂内寇。 守在身。」曰: 克,故晉楚興。 身,大者 臣,攻人主 主 患」上 於膝 一而奪 故使嬖御 「天子守四夷 其 ,何本有大段文字,今録於 一一國。 寵 而奪 自 「何謂 古 侍,攻人主而奪 逸遊 其 萬 南之威攻 鯀、共 失道之君,其見 衆之 行; 伎 也?」日 有諸? 藝,攻 工之 寇 不令之臣,攻 文文 淩 疆 徒 公,申 人主 : 日 場 其 攻 至尊 財; 堯, 攻者衆矣。 而奪其 此 非 侯 患 人主 者 伯 儀 近 外守 攻 狄 幸妻 志; 其攻之 恭 攻 而 也 王, 奪 左 天子 言 其 者危 者 之寇 右 能 内

② 「八域重驛」,原作「城重譯」,據何本改。

▶ 「奏」、《十三經注疏》本《毛詩》作「鬷」。

之?」晏子謂齊侯曰:「今據不然。君所謂可,據 之闇僞阿媚可知矣。 晏子所引。按:後漢劉曼山著《辨和同》之論 瑟之專壹,誰能聽之? 同之不可也如是。」周太史伯告鄭 可,君所謂否,據亦曰否。若以水濟水,誰能食之? 言,●時靡有争。」此之謂也。《詩·殷頌》文,亦 桓公曰: 《詩》云:「亦有和羹,既戒且平。 ·以水濟水,誰能食之? 琴瑟一聲,誰能聽 「聲一無聽,物一無文,味一 至獻帝時尤甚,故悦以爲言。 無果,物一不講。」 ,則當時在位 奏假無 若琴 亦 日

四三

中鑒卷第四

### 申 鑒卷第五

黄省曾 注

吴郡

雜

言下第五

焉,而 子本 志。 塗, 其明, 言行者,人之樞機,尤不可 不可不正。 人之所以立德者三: 泥 貞以爲質,質,實也,主也。 神 也。 衣裳,服者 不愛其容止,外矣。 淺矣。 衣裳者,身之法象,固 容止愛焉,而不愛其言行,末矣。 貴,神和 明者,心之神哲 不 昧 德 不慎。 於 平 塵 曰 而 塗,愛, 言行愛焉,而不愛 不 道 容止者,人之符表,尤 貞,二曰達,三曰 , 尤不可不瑩。 可 通,是爲 達以行之,志 不潔。 也。 昧,污 衣 保真。 故君 裳 闇 愛

> 遵路 行,行必至矣。」此喻爲善而有才者。 者益侈,其 貴也,無失其才而才有失。 才也本,今之所謂才也,末也。 也,行可爲,才不可也。」曰:「古之所 裏相顧。 之,況於萬物乎? 之,況於萬民乎? 貞 以 而北轅者,曰:『吾 正其志,實 其主也。 成之,君子哉! 而騁,應方而 分定則不淫。 去楚亦遠矣。 其事,定其分。 人之所以立檢者四: 動,不至於適楚北 馬 誠格幽明。 正通上下。 必不得已也, 思不出 良,用多 此 位。 喻爲不善 心誠 先 民 事 志 一,御 實則 曰:「才之實 正 然則以行之 轅。 守 則 有言適楚 則 善。』此三 誠 而有 功立、表 天 神 君子有 於兹 其 以 地 明 才者。 謂 應 順

或問:「聖人所以爲貴者,才乎?」曰

<sup>0</sup> 「明」上,何本有「神」字,當是。

哉 貴 不 徒 用 合而 有智能 也 兼全,故聖人貴才。 邪 舜 此所謂 用之,以才 技藝,而 甚 禹 於缺字。 分而行之,以行爲貴 之仁,雖亡其才, 不本於德,末之尚矣。 爲貴。 分而 矣。 行 如元 此所謂 之,以 也 愷之 合而用之,以才爲 不 類 行 舜 失 オ 爲 禹 爲 配 貴。 之才 乎 良 德 0 人 而 若 體

矣。」主 犯 進 頭,由 諫 難 或問 明 君 也, 臣 拒 諫 直 以受之難 而 進 然。 諫、 若受諫 受諫 放也。 孰 不 難? 後,謂 難 則 後 日 進 世。 諫 言臣 後 斯 易 之 畏

隱 求諸 識 心, 知人者求諸外 ,❷有外 矯言飾 ,有外以 或 内 問問 加 行,知 人則 近 以 知 暗 者 顯 人 可 難 人、自知 而 也 明 也。 遠 以 於 昧 , 反觀内 者也 自 於 自 若 知,昧 自 知 孰難?」 極 知 知知 省 未 明明 其 於 神明 人難 數 可 知 於 人。 以 知 也 莫遁 日 人。 哉 知人也,急 全 明 自 自 然 有 有 知 密意深 則 内 内 知 易 知 以 也 者 以

> 存 知 辯爲 不爲妙, 道,「道」當作「大」。 博爲盛 貴之有? 法 事 哉。 而 不 「大辯若訥。」文爲顯 生事、生奇、變常三者,其名荷傳之名,其行荷難之行 乎三 缺一 而 爲 也 動 二者較 亂度。 衆,好 美矣,其理不若絀 異則 ,好生奇也,好變常 字。 至。 矣,其正 權 知神之幾,妙之至也。 異 之, 爲茂矣,其幾 生奇則離道 之缺一字。 故名不貴苟傳,行不貴 弗至,斯 矣。 知 人 不若約。 知道之體,大之至也。 固 君 矣,其中 難 子 有守無誖焉。」 正之至 而 所 而惑俗,好變常 自 也 惡 不若 辯不 知 博 不若樸。 乎 爲 不如 也。 好 如 異 急 經。 絀 也。 生 約。 者 莫不爲 故君子必 事  $\equiv$ 荷 權 老子》 文不 用 莫 則 不 難 己者 不 如 如 則 多 好 正 樸。 莫 經。 何 生 輕 言

「行」,子彙本作「仁」。

0

- 「全」,吴本作「或」。
- 「知」下,子彙本有「正」字。

道 六經。 徑 而唯 道交出 乎 要其至矣。莫不爲德,玄其奥矣。莫不爲 而 了,聖人其弘矣。言聖典、百家皆言、皆德、皆 聖 或 典 若夫百家者,是 ,復有旁通也。」言 是爲 問 、爲至、爲奥、爲弘 守一。 九 達。」《爾雅 日 聖道 : 也。 謂 聖 無所不達,百 日 無守。 聖人之道,其 典 「九達謂之達 而 已矣。 莫不 家則 - 爲言 私 聖 中 謂 典 蹊 道 道 謂 曲 四

之文。 下。 也 者,故曰不得 深謂之玄,渾渾若川,不可窮測。 發天地,幾宣鬼神。 有五: 辭 或 日 約 炳若丹青,光如 謂  $\square$ 「辭達 之 玄、 已。」 要,簡 日 數博謂 而 妙、 日月。 而 已矣。」「 曰包、 不 繁,要 之包,辭 聖人之文,成此 日 而 聖人以 理微謂之妙 要、日 不 兼費 縟。 隱, 文其 章 文。 義徹 成 奥 五 謂 幺 隩 上

仁,故不憂。審物明辨,故不惑。知,故不惑。定君子「樂天知命,故不憂」。《易·繫辭》文。

能 心 有之, 憂己不 致公, 免,天命無惑焉 故不 能 懼 成 勇,故不懼。 天 性 也,懼己惑之, 若 乃 所 憂 懼 則

是也。 濫 乘 務 輔 而驕 夫生我之制,性命 也。 且. 之質也。」所以立生,終生者之謂 邪 焉 0 其 天命以 則 僻之行作矣。 吉凶、貧富、貴賤、 好 命、休斯 ,無怨焉。 或問「性命」。 惡 踰 此本告子之説,以氣言性。 者, 節陵 驕。 爲 分之事 饑 承,否斯守,休,吉。 好 寒 故 富貴無務,貧賤 寵 所 、壽夭、 存 驕 興 者 逼 曰:「生之謂性也,形神 矣。 焉 一,爲 則 , 故 禍福之類。 爾。 奉「奉」當作「承」。 勢 好 違 位 貧 惡 《莊子》曰: 所 無怨。 賤 君 者 溺 之 命 故 此 子循其 否 命 也,吉 違 亦以氣言 乘富貴之命 一, 凶 而 好寵 天 「性者,生 濫 命 則 性 [X] 者 以 無 以 是 荷

❶ 「焉」,原爲墨丁,據程本、何本、吴本補。

❷ 「休」、「否」,原皆爲墨丁,據程本、四庫本補。

以 取 成 不不 成 怠 禍 成 惡 承 0 以 休 怨 取 濫 則 甚 不 則 守, 務 守 之不 以 不 取 守 終。 福 則 濫 惡 不 故 終守 悪 日 否。 成 當 禍 作 好 怨 斯 以

惑

篇曰: 恶。」 應 之性 日 亦 惡人,氣也 性 善」,荀卿 E 相 下 善 命, 不 遠 性 以 本惡,其 情 揚 命 移 「人之性 也 或 性 不 至 惡 無 問「天 雄 其 者,所 善 獨 者 不善,不當 則 於 稱 日 性 善 善 則 吉 中 也 命。』《易 必 適善惡之馬 性惡」。 者 無 命 X 則 善惡混。 『人之性,善惡 惡, 爲也。 情 殊 几 人 人 不 云相 故 事 矣。 事 X 獨 日 存 《荀 脩 公 近 相 惡 歟。」 四 繫 孔子 其善則 矣。 焉 應。 孫 子》有《 凶 辭 日 劉 爾 : 子 日 . 故 文。 共 曰 向之意,以 向 爲善 性 渾 I 日 日 有 命 性 悪 . \_ 孟 1人,脩 : . 驩 三品 相 相 問 》篇 兠、 揚 子 近也。」今既 大抵 近 性善者 子《脩 性 窮 其 性 其惡則 稱 焉 也 情 苗 無 理 理 言人 身》 性 盡 事 E 相 善 情 爲

> 弟。 箕子、 也。 韓子三品之説,有類於此。 下 性 周 愚挾 善惡 公、管、蔡。 性善情惡 性 比干也。 惡 皆渾 善 則 也 無 三仁。 是 ,是桀紂 周公旦、管叔鮮、 理 無善惡,文王 上智懷 也 ,未究矣, 孔 無性 子 惠 日 一般 蔡叔度 前 一之教 惠 有 唯 堯舜 三仁 當 向 皆武王 作 一焉」,謂 言 無 也 惡 爲 情 同 然。」 則 微 母 也 子、 而 無 兄

氣 也 也 然。 之情爾 常善而好惡 一,何 一,何 斯 或曰: 好惡者 有 怪 嫌 形 其 其 必 「仁義 有 有 常 本乎性 ,性之取 或 惡。 神 善。 有惡,故 斯 性性 2 凡言神者,莫近 有 矣。 好惡者,善惡未 舍 也 好惡喜怒之情 也,實見於外。 有 , 仁義者,善之 好惡 情 惡 也 情 。 日 於 也 矣。 有 氣 誠 所 故 者 故 分 謂 不 有 義

<sup>■</sup> 正文「惡」,何本作「怨」。

② 「常善」,子彙本作「爲惡」。

惡 性 情 而 白 有。 也 相應之説。 非 情 情 神 當 之罪 作 與 有 善惡偕 神 故 善 也。」悦言形之黑本於氣, 惡 氣 黑 有 情 形 非形之咎,情 情之善 與 由 白 氣 惡 黑偕 之有 隨 神 形之白 形 情 而 彰,即 情 也 當 之惡 作 黑 劉 氣 神 隨 本 向 有 於 性 氣

與 善惡 行 取 欲 肉, 隻 也 割 爲 取 得 焉 争,勝者 其 矣。 節者,是性 或曰 情 重焉 其 肉也 有 肉 利 行 可 多 勝 勝 則 謂 兼 少 則 取 行矣。 「人之於利, 則 情 若苟 者 有人於此 義 食馬, 也 割 利 獨 「,則 取 其 取 利。 行 非 隻好 行謂 兼 焉 情 爲 酒 情 非 取 0 也 惡 也 勝 食 耐 情 此二 之。 好 見 矣。」 飲 則 己, 欲 性 利 而 有 飲 非 得 其 者 好 少 好之,能 雖 日 人 焉。 情 不 情多,性不 利 義 相 口 : 於 欲 不 可 義 與 兼 此 性 此 得 兼者 争 取 嗜 以仁 欲 勝 然 酒 勝 當 者 酒 得 則 有 性 能 則 義 者 義 相 是 義 嗜

> 仰 文。 下, 乍進. 矣。 乍 若二 退 一。」相 好 鈞 持不定 平, 無 分 輕 重 則 俯

四

八

乎 見乎 情言。凡情意心 言」,亦如之。 惡 情 變 復 化 情者應感 乾 觀 辭。」『言 申 可 生,聖人感人心而 也 化, 見矣。」昆 其 情 彖》曰: 辭」,是稱 或曰: 不 所感 各正 此 獨 復 不盡 惡 而 「乾道變化, 申 之説 蟲草 動 而 性 請 性 《易 意』,是 者 情 天 志者、皆性 不 天下 命」, 折 木 獨 也 也。 地 • 天 於經。」曰 繫 善 皆 和 萬 地 各正性 **一解》** 之説。 平。 是 《咸 稱 有 物 聖 言 意 性 之情 觀 人 : 彖》曰 命,保合大和,乃 繫 動之别名也。 其所 萬 焉 也 「八卦 又 皆 : 辭 物 が感 可 「《易》稱 日 稱 不 曰 『爻彖 以象告,爻彖以 易 「天地 見矣」, 各 情 盡 而 聖人之情見 有 天 焉 善 繫 地 感 性 辭 也 利 萬 而 以 不 乾 「情 萬物 貞。」 也 物 日 情 主 道 之 此

<sup>0</sup> 有」,子彙本

稱志 詩 書 不盡 彤 也 弓 言  $\stackrel{>}{\exists}$ 故 言 惟 日 不 所 盡 我 必 宜 有 意。」『中 各稱 嘉賓 也 正 中 名』。 心 其名 心 好之。」以 好之』, 而 己 是 制 情 稱 其 何 志 心 主 也 悪 是

者矣。 惡交 及 消。 移,大數九分之一 之九品,從教者半 曰 法教之失 争。 唯 或 性 然則 日 Ė 雖 於 善,待 智下愚不移』,《論 也 是 法 善惡皆性 其 教 教 教 扶 之於 爲 也。 畏 其善, 而 亂 刑者 成。 化 亦 也 如之。」 分之中,又有 民 法 四 性 則 也, 「分之三。 抑 語 雖 法 文。 其 幾 惡 教 惡。 盡 何 待 其 施 微 其 得 次 法 善 不 施 而

情 陽 無 日 也 得 使 或 凡陽 無 自 惡 日 失, 由 性 之,則降於下 陰 「法 縱 升 也 民 教 陰性 之情 得 故 則 善 降 治 難 者多矣。」若 則 升 而 法 治 難 惡 教 亂 而 易 失 其 降 則 中 易 無法 縱 亂 乎 民 教 則 之

> 與 終 也 動。 其 爲惡 行 純 而 也 E 而 不 上 行 有 者易 善也 0 同 近 不 動 則見之於外。 得 遠 性 而 也 ,故多。 有 抑 也 遠 失, 伏 之,遏於隱 凡 而 日 而 行 此 則 能 : 而 皆 不 遠 治 復 弗 動 中 亂 則 微。 人 止 又其 其 焉 行 其 性 而 在 行 遠 中 次 也 不 次 而 矣 而 也。 返。 也 弗近 止之,禁於履 日 制之者則 其 純 動 : 動 下 德 而 謂 與下 法 者 無 不 惡 教 之萌 行 慝 踐 遠 心 同

德。 竟 其 子 淫 德 而 次 有 惠 後 而 常交, 然 親 不 不 君子嘉仁 暇 曲 責怨。 成 · 誓 異 意、 於 敗 海 而 日 道 得 私 内 後 義 德 失 而 怨 其 故 グ,莫 也 哉 不 ,此三者 責 狹 同 ; 責惠,尊禮 也先 匪 天下之志 有常 矣。 此 由 之謂 己, 之。 誓 大 實 上 枉 而 而 末 救 日 者 不 行 貞 不 信 病 俗 其 異古 道 也 責 也。 不 先 意 盛 故 給 亂 德 其 交

於照 掩 大人之志, 渾合造化 平 也 ! 鑒。 察 大 同 人之志 然 於道 耐 流 故 於 不 故 俗 可 不 不 可 見 與 窺 衆 俗 也 量。 庶之志,流 浮 浩 衆 沈。 然 人之志 而 言大 順 同 世 俗 人 於 合道 不 故易 道 可

故

超

俗

慝 必 神 也 能 積 乎 明 脩行 或曰 ? 於 其 、内矣。 而 : 次 日 幽明 「脩 也 無作矣。 故 行 未 耻 君 者,不爲人 也 諸 子 審 人,外矣。 自 乎自 耻 者, 耻 耻 諸 本 夫 神明 能 也 唯 自 愧 外 耻 其 耻 諸 至 則 則

固。 察。 失水 小 沈、人不見之也。不察之、故君子慎 夫 道 志 者之足羞 思唐 不聞 必 者,自 或 溺,人 日 虞於 大 然由 論 耻 見 也。 上 則 者 人,何耻 之也。 世 志 其 不弘,不 瞻 想伯 志 仲 者乎 赴 之有? 夷 尼 穽 於首 ? 於 聽 必 中 至言 日 陷 陽 赴 古 : 失 省 谷 乎 則 而 必 未 道 所 四 心 知 墜, 也 皓 必 夫 不

> 乎? 復爲匈 則 足。 十三歲 于,留 堂邑氏 無 謂貧賤。 傳致大月 於 不 邑父俱亡歸 於 而 放侈。 至矣。 古 知 西 商 騫十 懷 耻 極 陋 Ш 奴 奴 必 ,惟二人得 是謂 間 氏。 無邪慝。 德 所 甘 ●張騫 而 其 餘 漢。 得 父俱。 而 知 比 德比於上,上謂 室 歲。 可 至大 知 之, 留 有 於 者之足鄙 拜 安 騫亡 還。 漢 夫 歲 騫 檢 上,故 夏, 出 固 則 餘。 也 中 穢 太 隴 陋 留 至 聖 念 純 中 人。 志 單 西 大 歲 斯安, 乎純 蘇 賢 大 知 了, 徑 聖 宛 于死,國 餘 者之足 建 夫。 也 其 武 耻 爲 賢 元中 還 聖 匈 哉 可 奴。 賢。 於 發譯 況 初 斯 並 爲 推 幾 中 欲 朔 其 騫 耻 幾 南 郎 匈 亂 道 比 欲 斯 垂 行 Ш 其上也 爲 奴 也 應 比 於下 類 騫 抵 時 況 知 侈 得 欲 募 朔 與 康居。 於 百 足 世 之, 從 使月 其 乎 胡 餘 存 下。 北 ·, 故 羌 傳 而 ? 妻及 爲 無 張 方 中 氏 已, 康 詣 慝 其 知 也 歸 下 必 所 騫 去 堂 居 與 單

<sup>■「</sup>也」,子彙本無。

② 「極」,子彙本作「域」。

一字。義也。」
斯可矣。君子四省其身,怒不亂德,喜不缺次得概而已矣,莫匪概也。得其概,苟無邪

申鑒卷第五終

五.

# 跋申鑒注後

雄 言。 守 之所 所 時 竊 所遭,而 遵行者。 時 雜言下》,皆深切 谿 政 自言所著《太玄經》,後世必有知子雲者。 弄 藴 事》、三曰《俗嫌 威 中 注 王公謂其有感 移曹操, 負 右 所 柄 也。 荀 先帝之時 悦之用心, 共 引據, 悦《中鑒 遂憤激 Ŧi. 漢史載 篇以 故申漢故 又皆漢 爲注 ,適有奸臣 時弊、關 > 上。 而 悦  $\widetilde{\Xi}$ 可 爲者,誠 爲獻 四 卷,乃吴郡黄文學 此 事,尤爲 事,以 謂勤矣。 一 曰 《 書,共 日 『雜言· 治化, 帝 心 黄門侍郎 然哉 爲帝鑒,及 政 博洽 得 迹如操者, 勉之感其 體》、二 萬 上 ! 君 四 昔揚 少傅 千 所 五. 餘 當 日 泄 是 勉 

字觀勉之之注,殆亦深知荀悦者與,今觀勉之之注,殆亦深知荀悦者與.

山

人喬

宇識。

#### 昌

言

〔東漢〕仲長統 撰

目	附録 	法 損 理 德 教 篇 篇 篇	昌 校 言 點 目 上 説 : 明
録	群		録
		九 五 三 一	

## 校點説明

文辭。 延康元年(二二〇)卒,享年四十 平(今山東金鄉西 不狂 ,爲人不矜小節, 仲 生。 二十多歲 長統(一七 後 丞 時,遊 北)人。 九——二二〇),字公理,山 語 相 曹 默 學 操 無 少好學,博涉 於青、徐、并、冀 常。《 軍 事 後漢書》本傳 不得 志,復 典 籍 四 爲 稱之 州 贍 陽 郎 之 於 高

實 的 時 想主導下,仲長統 其 歷 又使這 的 分類 代目 補 救 宦 昌言》的 官、 游 録 措 此 施 移 類 外 措 呈 於 文 戚 施 現 儒 思 獻 專 出 家、雜 對 的 想特點, 表露出救俗 權 《昌 法 實 現 家 抨 言》的 家之間。 困 的 擊 可 峻 當 難 以「複雜」二字 刻, 重 分 時 濟 重 世的 的 類 但 在 即 土 入世 故 位 地 情 可 又 卑 看 懷 兼 表現、 的 抨 并 出 儒 微 概 此 高 提 擊 家 的 點 括 當 蹈 出 思 現

> 父母 理思 德教 有 求 抛 出 新 用 世 棄 想 化 的 的 意志不是判斷子女孝順與否 意發明,比如對「孝」的 禮 的 志 是 態 節 修 治 度。 向 制 養 情 或 對 比 方 根 欲 先 如 面 本。 前 用 他 多 的 法 主 有明 回 作 一張 種 時 爲 種 以 言 也 認 做 禮 德 强 識 對 的 法 爲 調 的 認 傳 表 輔 主 禮 標 示 爲 統 助 的 以 誌。 違背 出 倫 工 重 刑 具。 理 懷 要 爲 思 不 疑 性 輔 違 在 甚 想 背 要 也 倫 道 至

版)。 編 《昌言》「筆致 容的、 魏 限度内 文》卷八十八贊其 現 的 的 書》認爲《昌言》「詞 運 》第 變化、徵 方法多樣,如「辨史」、「釋經」、「論説」諸 用,二是從行文的技術手段 從《昌言》文體 後 就《昌言》文體 三册, 調 漢 動各種 書 引事例 第 駿 本 六 發 傳 表 + 騰 有「踔 論 現的 説 的 特 踔, 説 五 佳 他 角度來 點 則,中 道 在 可觀 元 厲 角 贍 理 桓 素,在 震盪之 度 寬、王 諸 於 省」。 看,一 華 而 文 方 書 言 詞 而 辭 面 氣」。 符之上」(《 嚴 語 局 言 是展 均 這些説 可 仲 的 有 均《全 選 九 錢 示 很 氏 擇、 1 好 文 或 法當爲 鍾 在 六 管 書 後 章 志 的 最 手 句 説 錐 式 法 漢 表 大 内

的論。

有清 王 所 紀 子 魏 清 篇、《法 魏 漢 十二中的《昌 二十二中 昌言》二卷。 昌言論》、 仁 載《昌 嚴 》中 别 品 名 》卷二十 系 書》本傳所載系統,二 俊《 節 馬 解 統 可 文乘》「東漢文」中 存世 的《仲長 均 》卷 》卷 或 誡 的 言 玉 所輯《 的 翰《 的《昌言》可 有 篇 》中 五 四 宋 函 1 《黌 宋 玉 中 [言論 末 中 Ш 上述諸本除了收録 或《樂志論 的 統 全後 陳 的《昌 山 房 函 七中的《昌 元 的 論》。 三 《昌 子 鑑 初 輯 山 篇 × 漢 所 佚 房 明 陳 分爲 言 言 文》卷 文 輯 明 上 仁子 輯 歸 書 是 的《昌 章 × 》内 張 述 佚 有 續 引 兩 東 一言》、 明 明 運 光所 編 書 諸 所輯《文 容。 書 大 ハナハ 漢 胡 言 梅 泰 》的《昌 》中 本大多收録了 版本系統, 文 輯 明 維 鼎 × 和 輯《 理 本 屬 鑑》卷 佚 的 黄 新 祚 明 余 亂 傳所 至八十 於第二系 系 《昌 諸 澍 陳 選 所 所 元 言》二卷、 》篇、《 統。 輯 編 子 選 補 深 熹 + 言》 載三 《東 彙 遺》卷 編 所 輯 九中 兩 九 屬 損 的 評《 是《 輯 函 本 篇 統 京 中 於 漢 卷、 益 文 清 的 的 傳 後 遺 文 漢 諸 漢 卷 的 第

草之外,還收録古籍中引用《昌言》的内容。

備 嚴 藏 漢 文 林》本」)。 寫,簡稱「《 有 庫 本(中華 於《昌言》的 之内 氏原 獻版本。 書》 全書》影 日本宫内廳書 一九三一年 清 容 注 簡 嚴 書 稱 重 謹 可均《全上古三代秦漢三國 其他 印 治要》本」)、唐馬 局 作輯 内 依  $\overline{ }$ 的 影 商務 容最 底 後 南京圖 參 印 佚 陵部,原金澤文庫本,鎌 本, 漢 校 清 印 爲 書 附 光 較 諸 完 **≥**|), 書館 於書 書 正 緒 書 備,此 館 文 王 則 唐 影 後 所 總《 毓 小一 於 魏 印 藏 次 藻 且 校 意林》(據《 徴 南 清抄 字 整 刻 注 記 宋 群 理把 號 本), 明 首 紹 本, 六朝文》中 排 書 出 見 興 校本 它 簡 治 録。 倉 處 處 刻 續 要 作 及 稱 時 注 本《 所 **%** 所 代 主  $\sim$ 修 爲 明。 未 四 書 後 現 要 底 關

校點者 蘇曉威

## 目言上

烏程嚴可均校輯

倉直 以 歸 《舊唐志》作十卷。 又復佚失。今從《群書治要》寫出九篇,益 篇,皆出本傳,無所增多,則北宋十五篇本 京遺編》,有《理 書目》有二卷。 篇,分爲二卷,餘皆亡」。 十二卷。 亦十卷。 本傳三篇。 有光《諸子彙 齊書録解題》不著録。 謹案《隋志》雜家 《崇文總 録一 卷。 以《意林》次第之,刺取各書 其刻本僅 亂》、《損益》、《法誡》三篇; 函 《新唐 漢尚 目》稱,「 有《 : 理 書 「仲長子《昌 常郡 見明胡 明陳第《世 志》移入儒家 亂》、《損 郎 今所存 齋 仲長統撰。」 讀 維新《兩 書 益 十五 志 言

> 言。 年太歲在乙亥三月十五日。 忱,踔厲震盪之氣 不免。 統 方之董、賈、劉、揚,非 引見,補 于原次無 而《治要》所載,又頗删節,斷 Щ Ш 今此搜輯,纔萬餘言,亡者蓋十八九。 陽高 然其 正脱 考,依各書先後附 平人,著論 闓 譌,定著二卷。 陳善道,指 有 不容摩滅 過 三十四篇,十餘萬 譽 抲 也 于末。 時 其遺文墜句, 續瓜離,始所 弊,剴 者 嘉 慶二十 繆 本傳: 熙伯 切之

# 徳 教 篇

助 焉。 德教者,人君之常任 古之聖帝明王,所 以 也 能 一,而 親 刑 百 罰 姓 爲 之佐 訓 五

■ 嚴氏原用小字題「篇名缺」三字,今據篇首二字拟補

之不 依 足 詳 業; 非 民 黨 之吉 以 品 미 百 于 一字從 治 得 無 世 禮 革 其 則 和 法 姦宄之成 理 事 所 時 而 可 義 命 靈 見 引 意 權 萬 之 無 信 勢 避 依 ; 者 爲 之 林 其 邦 之 宜 周 常 道 ; 不 宗 期 補 則 實 氏 士 無 用 彻 引 日 蕃 則 運 無 ; 德 禮 己 群 所 民 于 之 黎 所 網 唐、 所 是 所 來, 義 非 無 至 非 民 不 無 羅 取 爲 用 所 虞、 以 時 ; 征 口 載 所 當 嚴 正 召 之 信 典 禮 得 伐 至 籍 而 夏、 道 刑 ; 天 數 籍 無 高 而 用 非 具矣,「高辛」已 則 羅 路 峻 地 則 殷, 亦 爲 等 易 辛 刑 兵 法 其 網 之 ; 難 宜 者 本 之 己 教 志 則 嘉 當 則 則 異 以 則 攸 也 往 見 不 不 道 應、 用 致 常 也 不 不 致 知 明 其 路 之 則 治 能 故 能 道 降 巾 所 書, 下三十 聞 則 則 制 不 行 教 定 破 鬼 定 化 用 士 口 不 其 其 于 其 不 至 神

誠令方來之作,禮簡而易用,儀省而易

世 之會 佐 用 者 者 侵 不分 無 地 己 庾 臨 勿 行 元規 一,必 者 法 身, 之以 創 民 復 故 祇 ; 法 知 之 可 于外戚 刊 有殺 《讓 難 必 艾 又使 明 邪 稼 出 吏, 至公,行之以 剟 中 有 義 勝 禍 心 而 穡 書 ; 良 相 避 通 恃 京 易 災,樂 起 之家 之 令表 大治 儀 民 厲 治 仁 師 知 荷 也 艱 故 之殘。 》注改。 恩之 亂之大 之後 無 廉 ; 權 免 難 既 教 生 佞 大 者 恥 而 定 至 約 全 不 邪 敗 亂 有易 成 無 一仁,本作 此 八體者 壹 親 而 也 人 之臣 ; 之 勿 也 恥 其 于 德 易 民 用 復 後 也 大數 亂 宦 于 從 刑 事 酷 任 變 總 ; 之 則 恒 豎 「忠仁」, 而 繁 有 吏 教 綱 易 循 也 民 篇 之門 久,先 天 布 易 于 吏 而 興 紀 者 神 章 惠 治 亂 清 于 Mi 而 依《文選 而 下 既 利 口 之 治 大 罰 益 安 之 爲 亂 勢 罕 寧 主 其 用 無 政 輔

我 有 平 我 心 有 公心 焉, 則 焉, 士 則 民 不 士 民 敢 行 不 其 敢 險 念 矣 其 私 我 矣 有 ;

取其 遲,君子之德也。 之,令德者也; 嚴 知 不 刑之所取者也 所 群 儉 明者也; 徴 罪 書 由 心 心,雖 治 可 , 踰提 者 焉 要 也 使 則 海過 防 有 士 開 忠仁爲上,勤 而 立 民 道 身不能 于後矣; 横行,逆我政者也。 成之功,至德之所不貴 不 教 塗馬 譎詐 敢 有 放 道 ,起提防焉,舍我 以 先, 其 ,禁不義 御 奢 以守之,其成 而 其下,欺其民 矣。 總 略 前 不知罪 此 能 躬 身以 行之, 塗 行 也 而 雖 先 明 而 之 而

### 理亂に編

之時 角 也。 才 智 並 無天下之分,故戰 傑之當天命者,未 程 僞 假 勇力,與 天 威 矯 我 據 競 争者 雌 方 始有 雄 或 競 不 擁 起 天下之分者 知 甲 焉。 去 兵 就 與與 于 疑 斯 我

> 曾執 皆 誤 分邪 之不成,而 矣,或曾與 係頸,就 負 天 ? 囚 下,蓋 形 我矣。 我 不 以 之 我 堪 不 可 奮其前 爲 銜 復 彼之蔚蔚 數 () 維耳。 伉,勢 等儕矣, 也 志 , 詎肯 不足復 角 皆匈 夫或曾爲 或曾臣虜 知 者 用 晉腹 校 皆 此爲終死 窮, 我之尊 乃 詛 我 始 角 矣, · 幸 羈 力 我 長 或 首 者

千, 怒; 其 心既 養子 同 我 (勇矣。 天 而 無所復 陽 地 當此之時,雖下愚之才居之,猶能 絶,士民之志已定,貴有常家,尊 孫,天下宴然,皆歸 得 及繼體之時,民心定矣。 ,威侔 生育, 春 時 角 雨,不 鬼 其聖; 賁、育 由 神。 我 而 足以 暴風 得富貴, 喻 心于我矣。 疾 百 其 霆,不足以 萬 澤。 安居 普天之下 無 周、 樂業,長 豪 所 復 使 傑 孔 方 在 數 恩 其 之 賴

彼後嗣之愚主,見天下莫敢與之違,自

邪 之爲 常 不 擾 斲 守 讎 寵 謂 極 低 一一 情 而 ? 覺 攘 貴 若 庖 而 角 也 生 不 極 我 隆 還」六字 之大數 四四 廚 不 觗 悟 人之骨 天 荒 騁 存亡 反,出 豊者 信 之觀 至 者 哺乳之子 地 其 夷侵 廢 飢 于 之不 「, 豈 任 以之 庶 邪 依 虎 運 也 髓 耳 親 政 意 欲 叛 牧 盡 則 非 徙 愛者, 可 迭代, 林 窮 土 馳 牢 后 棄亡 富 勢 怨 广 孫 君 補 鄭 于 妃 去、《意思 豚 貴 毒 者,今盡 也 崩 臣 遂 田 姬 盡 人 無 生 《意 衛之聲 政 瓦 宣 乃 妾 獵 物, 佞 聊 不 亂 至 解 林 淫 林 奔 一之家 而 諂 從 熬天下 澶 禍 作 其 是 不 上 容 此 「命移 亂 漫 沈 還。 私 我 朝 也。 下 作 説之人 人 周 彌 並 嗜 溺 飲 則 「騁」,「 口 而 運 之脂 復, 起 使餓 流 致 血 去 而 去 耽 惡 意 不 天 之 愚 也 中 獵 于 無 林 反、 寇 道 猶 昔 狼 疾 國 所 婦 目 ; 作 作

又政之爲理者,取一切而已,非能斟酌

之者 實 其 而 飲。 牲之肉,臭而 美妾 室不 野 于 賢 客 四 而 編 以 四 赴 心 待 方 , 奴 清 通 也 風 户 遠 愚 ; 束縛 (,填乎 之 能 矣。 見 之分, 睇 潔之士,徒自苦于茨棘之間 齊 甚,豈 俗 婢 人不以 廢居 容; 荷 所 盼 而 也 民 千 求 能 ,夫誰肯爲之者 則 慮 不 綺 以 群, 而 不 馬 積 士之舍榮 人 敢 運 豪 室 爲 開 不 然 以 貯,滿 4 從其 此 去 徒 智 人之室 罪 可 盛 財 邪 皆 詐 羊 附 焉 倡 食 衰 車 ? 力 ·豕,山 者 目之所視,喜 公侯之 萬 謳 之 于 騎 相 樂 漢 計。 清 源 都 數 妓 則 交錯 君 連 而 興 醇 發 樂 邪 城 也 得 谷 長 棟 廣 船 居 之酎 以 而 者,世 之 不 而 列 樂, 數 窮 車 來 横 琦 日 能受。 焉 夫亂 乎 不 苦 白 流 賂 賈 無 不 怒 君 敗 相 深 ; 敢 寶 無 販 如 苟 膏 棄 長 則 堂 所 世 路 與 進 而 貨 數 古 妖 能 之 周 長 放 開 人 田 益 同 不 焉 厚 隨 逸 得 賓 童 于 滿 損 爲 而 而 口  $\equiv$ 彌 巨

之檢 愆 將 辩 窮 有 厭 君 方 化 皆 之 壯 也 色 之 子 安 世 ず耳 福 以 禍 木 而 短 將 老者 修 利 也。 賤 樂 能 復 絜爲 之 亂 之 辩 困 而 耄 逮 世 時 者 聲 善 于 諱 矣, 至 則 邪 衰 跼 士 惡 清 小 ? 不能 挂 高 亂 能 世 人 設 之 天, 不 辩 斯 貴 智 則 赦 時 及 味 下 蹐 寵 巧 之 寬 復 世 體 厚 以 罪 是 君 饒 人 地 避 能 于 使 之 辜 子 之 辯 主 姦 矯 俗 猶 木 焉 寒温者, 荷 人 枉 恐 賤 , 切 況 擅 Ħ 少 有 调 之 者 能 無 當 正 鎮

百 倍 年 楚、 或 心 里 乎 而 漢 屠 則 秦 遭 昔 絶 用 裂 又甚矣。 王 春 而 項 兵之苦,甚于戰 天 一莽之亂 秋之 無 矣。 下, 民 時, 者 吞 秦 以 計 食 政 不 及 周 其 生 乘 今 氏 口 并兼 殘夷滅亡之數 人,暴 日 之 勝 國 亂 數。 之 名 之勢,放 世 時 虐 都 此 也。 也。 不 空 則 已 而不居 又 漢 虎 逮 又 甚 以 狼 乎 復 白 招 之 戰

> 知 天 加 起 若 酷 來 新之時 窮 世 間 推 此 聖 之 此 之數 人 也 亂 以 救 往,可 此 ,欲何至 悲 尚 之道 夫 不 ! 數 及 將 焉 于 邪 不 ? 盡 何 及 變 矣。 用 五 本 而 傳 百 也 嗟 彌 ? 年 猜 乎 大 不 下 難 不 知 而

#### 損 益 篇

復 變 事 于 古 世 而 有 有 作 不 乖 于 有 其 如 數 利 迹 前 于 法 用 易 時 有 于 而 翫 今 制 多 于 無 有 時 所 其 便 者 敗 于 功 者 者 物 可 者 改 不 亦 也 可 可 不 不 可 故 巾 不

快 無 命 其 厭 假之以 情 漢之 魚 肉 初 上 殺生之權。 興,分 有 百 篡 姓 以以 叛 王 不 盈 子 軌之姦 于 其 弟, 是 欲 驕 委 ; 下 報 逸 之 蒸 自 以 有 骨 恣 暴 士 血 民 志 亂 之 殘 以 意

之 尊 焉 之善,可 權 于 下 贵 然 賊 彫 禄 「校其 以 禮 土 敝 之 也 可 而 收 無 制 鞭笞 故淺 害 柄 已 風 士 之防 壅 降 遂行 從横 俗 民 假之以 叱 其 滯 然 爵 雖 移 之 放于 咤 根 之士, 其 削 藉 者 之勢,善 易 用 本 洿 土 親 也 資 而 穢之行 稍 純 屬 嗜欲之域 輕其 使 或 者 況 之 樸 唯 稍 專 者 朝 也 恩 已 恩義,猶 我 割 之于 無 淫 早 去 所 奪 是故 專 蓋 登 智 久矣, 爲 昏之罪 或 貴之人。 卒 源 ,否者早 者 收 慧 尚 至 流 擅之 乎? 其 固 已 假 干 形 猶 弈 來 不 勢 华 于 去, 日 此 世 口 時 尚 使 食 嗣 故 之 之 戀 授 出 之 政 名 奉

守 田 室 辰 畝 名 龍 連 井 財 邑 章 田 于 之 賂 之 之 方 自 役。 變, 服 或 . 誉 ; 豪 犯 榮 不 身 人 樂 無 爲 法 貨 過 編 半 不 殖 于 户 通 坐。 封 館 青 君 伍 綸 舍 刺 之長 勢勢 之 布 客 死 命 于 力 士 州 侔 而 而 郡 于 有 竊

> 之 之 敗 風 疏 死 投 俗 紀 闊 不 而 之 綱, 蓋 斂 命 宜 奢 復 立 冤 分 儉, 致 者 枉 至 田 使 也 窮 非 化 無 弱 困 之 井 限 力 不 基 使 田 少 實 之 趾 智 敢 齊民 莫 然 之子 自 由 也 理 也 財 被 雖 之豐寡, 穿 此 欲 亦 帷 變有 張 由 敗 太 網 正 平 禁 寄 所

其 殺之 醴 日 相 乎 于 成 無 下 罪 罪 應 死 : ? 之 傷 髡 賂 過 則 恐 託 則 哉 鉗 于 肉 今患 甚 刑 遺 人。 則 刑 非 法令安 疾 之 得 惡 重, 髡之 帝 刑 病 謬 夫 鞭笞。 廢, 髡笞不 人, 輕 以 王 誤 雞 得不 之 之 諱 輕 可 之 狗 通法 不 殺 )則 之 傷 重 也 足 死 足 參 害,皆 攘 甚 無 ; 者 以 以 差, 科 輕 竊 品 過 聖 徽 不 懲 條 人 殺 刑 男 可 下 非 中 惡 無 不 之 善 生 值 罪 女 復 死 所 制 良 安 則 人, 安安 之 準 于 生 則 制 得 中 假 淫 死 得 贵 得 名 刑 忧 而 臧 不 者 奔 髡 可 實 不 髡 過 以 貨 也 鉗 復 或 者 以 謬 稱 至 酒 不

哉 ? 刑 刑 者 序,名實 則 人也。 此 皆 有 罪 又宜復之善者也 勿 曰 不 : 有 殺 今令五 死 若 E 也 前 嗣 見是爲 非 政 周 殺 刑 以 氏 有 人 忍于 來, 之 逆 品, 秘 未 亂 輕 殺 典, 曾 重有 人 鳥 枉 也 續 默之 害善 數 吕 而 科 侯 行 不 人者 之祥 忍 條 甚 有 于 重

之迫 國者 陰二 猶 足 綏 也 愚 上 以以 者 役 有 事 遠 補 也; 君一臣,小人之道 于 長 也 可 制 總則 易》曰:「陽一君二臣,君子之道 居 或 智 州 或 伍 衆者,爲人下者也 人種 以 天下之王,才足以王天下者也。 ,猶枝之附幹,此 有 難 相 者 分人,立政 曠 去 了。 穀者 也; 野 數 今遠州之縣界,「界」字從 不發之田 百千里, 焉 國之君 也。」然則寡者,爲 而 以 諸 分 雖 理 夏有 事 多 ,才足以 ,天下之常 代俗安土,有 人。人遠 Щ 伍之長,才 十 陵洿澤, 畝 共 則 君 也 《通 桑 法 難 ;

> 從《通 能 審 勸 限 死 業,敦教學以移 以 限,安寧勿懈 存 才藝以敘官宜 百 亦 此 易 糾 守 興 夫 無 口 里 也 典》 戦 田 去。 十六者 政 因 游 理 罪 以 明 9 嚴 戲 補。 斷 版 徙 ,急農桑 君 以 禁 并 籍 人,便于 長 堕,有 當更制 以 令以 杜 簡 兼 以 不使,誰 情 爲 姦 定 相 精悍以 以豐委積 性 事不 政務,操之有 邪 數 防 守禦。 Ŧi. 其境界,使遠者不 表 閲 僭 察 刑 能 迫遽,聖人復起,不 差 德 奇 習 審 以 自 行 師 救 什 ,去末作 刻 信 而諸 往 以 死 伍 田 以 賞 緣邊 夏」下 常,課之有 厲 亡 修 以 絶 罰 風俗 益 相 煩 武 之 以 以一 四十九字 連 暴。 器 君 過一 地 驗 持 本 懲 覈 以 長

丁壯 ,則千萬 向者天下户過 人也。 千萬 遺 漏 除 既 其 多、又蠻 老 弱 夷 但 戎 户 狄

● 「奇」、《後漢書》作「苛」。

之世 者謂 以 興 求,未有 又 也 堪 居 + 筋 爲 漢 猶 也 廢 之 力 取 又什 其 地 將 士 之, 者 用 什 屬 無 有 夫如 取之, 者 斷 伍 物之歲 儲 尚 士 則 謂 絶 之 貴耆老。 不 此 可使在 何 之人,人求 則佐史之才已上 長 在 網 嫌乎 也 而 焉 羅 推 後 遺 政 什 可 不 士 丁 漏 充 理之位 以 足 長 有 壯 拱 此 丁 用 以 也? 不 十 制 壯 押 天 上, 用 人 天 以 ; 性 一者萬 十 之中 人矣 未 故 以 則 用 究人 ·萬 有 百 物 天 才 萬 少 有 下 智 必 也 理 也 士 用 之 不 有

之亂 主征 而 師 云 職 也 ,爲之以 至 也 税 于 ? ,行之不 或 亂 日 君 0 或 子 日 家 無 善 均 用 : 同 香 爲, 爲 是 若是,三代 法 也。 亂 政 制 事之以 者、欲 法 而 吏人放 荷 制 使 至 也, 于 豺 無 不足 除 肆 化 狼 或 事 煩 小小 ,何子之言 牧羊 以 摹, 去苛,并官 則 之化 惡 聖 人 豚, 復 用 人 盗 或 未 論 法 云 省 跖 以 損 制 口

> 富 位 失 既 勞。 非 輪 君子 衣 則 厚,則 之,民不以 也 積 益 才能 者 庶 食 著 失 兵寇水旱之災不足苦也 士君子之志 几 之 乃 天災 天 · 居 位 有 少 馬。 間 無 績 割 積 而 非 餘 地之性 哉 憂 不 剥貿易之罪 非 貧者多,禄 今反 流 爲 ! 爲奢; 患 立 咸熙,未必不 損 横 行 功之實也; 夫 士 一、又開 賦 靡 也 謂 開 君 人 民 麗 斂 薄 由 子 倉 待 之長,固 以 以 夫選 屋 不 其 虚 非 君 庫 乃 散 取 者 ·足以 道 以 僞之名,使 可 自 子 施 優 爲 用 由 以 稟 而 絶 然 農 此 高 饒 必 廉舉 宜 不 供養,安能 貸 取 後 也; 桑 者 取 也 故 藿 重 之, 亦 化 以 善 由 也 蓄 肉 義 而 食 小 理 求 士 得 亦 民 其 累 者 乎? 以 積 智 道 拘 奉 衣 不 或 、帛,朱 貪 誠 爲 善士 不 絜 居 乎 以 禄 食 待 而 去 多 清 少 大 彼 者 爲 得 誠 m

<sup>●「</sup>之言」、《後漢書》作「言之」。

誉 私 之君 門 乎 ? 子 也 從 而 罪 之, 是設 機 置 穽, 以 待

道 失業 計 矣。 民 用 税 愛幸之賜 斛 者 卒 數年之儲 改更, ,緣于 猥 - 發 ,如之何爲君 斛 騫短 ,及至一方有 今通 (横税 ,萬里懸乏,首 民 盗 取一 兆 坐 況三· 無常 賊 秦征 危 民 猶 肥 [X] 斗,未 弱 雖 或 呼 饒 居 荒 視戰士之蔬 諸 + 人,割 未 興非 亂 之率 嗟 侯 税 警 能 行 吏食日稟,禄班未定。 九 家, 于 爲 盡 州 此政 法之役, 恣奢侈之欲 昊天, 計 續 奪 尾不救 甚多。 乎? 此 也。 代 面 以 吏禄 稼 之 作, 也? 四 被 不 食,立望 穡之人,令畝 貧 由 災, 徭 夷 夫 所 饑 循 窮 也。 漢 薄 二十税一,名 歲之間, 未逮 饉 古 役 恃 轉 吏禄 承 暴 法 並 者 今田 餓殍之滿 死 至, 三年 起 其業,遂 寡 規爲 于 以 農 所 無 豐 則 收 溝 軍 可 校校 廣 常 輕 軍 桑 有 取 旅

> 堪農 家,勿 者 法 制 土 事 廣 令過 畫一 ,乃聽 民 稀 定科 制 受之。 中 其 地 租 地 未 税 若聽其自 有 墾 + 一,雖 草 者 然 更 盡 取 猶 賦 7,後必 日 當 如 官 限 舊 田 爲 以 女妓 力 大 今

## 法誡篇

也

之以御史大夫。 國,亦皆然也 秋之時,諸 改,多終其身。 ^ 夫任一人則 周 禮》六典,冢 侯明 德者 漢之隆 秦兼 自高 政 專, 皆 天下 宰 帝 盛 任 貮 逮于孝 是 數 王 卿 則 人 惟 而 爲 置 則 在 理 政 成 丞 焉 天 相 因 相 倚。 下。 爰 及 而 而 政 貳 戰 春 不

- 「短」,原作「矩」,今據《後漢書》改。
- ❷ 「民」、《後漢書》作「主」。

彼 賢 于 責。 加 鄉 天 食 黨 反 並 百 數 三公之職,備 不 興 專 清慤謹 號 選 以 稼 作 愚 類 任 世 于生民,不 曲 姓 也 則 陰陽 之常 下, 之 策 ,忿怒四 而 和 咷 貿 違 又 水 用 權 失 讓 泣 如 早 易 其 雖 戾 慎 移 權 三公, 選 血 ·爲 失 私 置 此 則 相 耳 外 亦遠 循 者也。 舉 災,此 和 夷 三公, 員 荒 忿 倚 戚之家,寵 而 常常 惡 彊 而 亂 則 至 招 内充 疲 乎? 欲 習 足 之 違 已,然政 臣 于 光虧 致 駑 皆戚 事 望 又中 故 以 所 之 守 戾。 死 乖 京 歸 者。 居 起 竊 叛 境 缺 師 免, 公勳 宦 臺 世 被 斯 和諧 命, 也 之 有 閣 是婦 之選三公也,務 怪 亂 貪 外 近 位 乃足 立 臣 習之豎 不 邪 離 殘 矯 異 布 光 則 于 理 所 自 ? 數 牧 女之檢押, 枉 斯 列 爲 太 武 國家 猶 致 瘼, 民 郡 此 過 至 勢既 叫 皇 平 一, 親 然 以 直 呼 蟲 怨 撓 帝 之 加 顛 來 也。 績 倉 氣 擾 譴 如 螟 倒 其 政 所 愠

> 勢異 遂以 輕 之哉 大 甚,不假 哲君子 嘗,❸曾莫之悟 氣 下之圖,右 臣 屠 臣 哉 嘉 而 不 也 之志 成 廉 責 滿 ? 昔 哉! 之 2 · · 俗 恥之分 文帝之于 至于 后 母 重。 曩 能 手 黨 后 夫見 者 繼 近 陷 刎 以 光 之黨,左右之人,有 昔 世 任之重 世 開 人 權 其 武 鄧 嗚 任 賈 之 引 于 外 數 喉, 奪 通 呼, 誼 如 主 不 自 三公之 , 愚者 世 感 而 此 測 裁之端 可 戚 可 生 絳 責之輕,今者任 而 之 悲夫 謂 宦 則 而 .猶 侯 不 禍 豎 至 何 重 見 ! 之 行 知 愛, 悪 請 患 難之, 之, 困 自 託 至 蓋 于 此 可 左手 而 辱, 不行 此 習 今 至 得 親 左 猶 以 親 況 彈 疏 而 據 其 因 右 展 來 之 所 加 之 明 陳 正 意 小 申

<sup>「</sup>于」、《後漢書》作「如」。

<sup>「</sup>之」、《後漢書》作「者」。

❸ 「嘗」、《後漢書》作「常」。下「嘗然之敗」之「嘗」同、

分此罪矣。 争訟不息,天地多變,人物多妖,然後可以 也。如此,在位病人,舉用失賢,百姓不安, 者,不當與之婚姻,婚姻者,不當使之爲政 之。若委三公,則宜分任 之,莫之斯鑒,亦可 勢,故其貴任 萬世。 痛矣。 嘗然之敗, 責成。 未若置 夫使 無 丞 世 相 爲 自 而 政 無 總

乎? 難 婦黨,算十 伏誅,以一言之詔,詰 梁冀之徒,藉外戚之權,管國家之柄;及其 而 彼之疑,何其詭邪! 得,何重之嫌? 或曰:政在 今夫國家,漏神明于媒近 世 而 爲之者八九焉。 人,權甚重也。曰:人實 昔者霍 本傳。 朝 而 禹、竇憲、鄧騭、 決, 輸輸 何 不 重之畏 此之罪 權 重 于

昌 言 下

烏 程 嚴可均校輯

此 下篇名並 缺

中 讓 國之良吏。 ,諸夏之威儀,非夷狄之有 建 旗 伐鼓, 和 高 鑾 烽 法 明候, 駕 清道 守邊之猛將, 也。 而 《意 行 林》。 便 辟 非 揖

之過 恥,塗塞 之際,明别 其末者刈 行之汙也 視 廉 隅 其 而 其 貞潔者,德之令也;流逸奔隨 況開 其 虧 風 本, 外 隙 有 由 内,遠 惡 其門,導 所 其 . 尚 從來,俗 流 絶 有 者 其 其 匈 塞 心 聲音,激厲 徑者乎? 其 有 之逸念, 所 源。 由 夫 起。 睇 男 今 其 者, 嫁 盼 女 病 廉

欲,宣 間 斷 娶之會, ,汙風 者也。 淫 詭俗,生淫 佚 《群書治要》。 捶 于 杖 廣 以 衆 督 之 長 之 姦,莫: 戲 中 謔 顯 此之甚,不 陰 酒 私 醴 于 以 族 趣 之 可不 親

之

情

自 能 成 傳 膠漆 其 董賢之于哀帝 氣 也。 類 《意林 定其 繼 無 嗣 骨 以 肉 丈 絲 夫宴接之歡 髮之親 又不

得 亡 輔 盈之家 夫之智,猶 者甚 而 政。 遇 漢 徼 也, 衆。 興 而 以 所 不能 天幸以 況欲求之妃妾之黨,●取 來,皆引 賴 妙 采于萬 以 久 治 自獲其人者哉? 處公正,長 理 母 者甚 夫之望,其 妻之黨 少 思 爲 而 利 上將 良 所 害、耽 之于 夫以 猶 坐 謂 以 未 丈 驕 危 之 口

0 妃」,原作「兆」,今據《治要》本改。

計 乃 遵 樂 巡 龍 者 理之自 乎? 正 死 路 而 後已。 故 謙 也 其 虚 欲 節 關 又況婦人之愚,● 儉 ( )深圖 豫 朝 政 遠 慮,爲 愜 快 私 國 而 願 家 望 是 校 其

然

間 媟 乎 背 其獲 也。 之欲效恩情于愛妻妾,亦無所擇力矣。 我 猶 后 求于我者,非 用 至易 ? 尚 前 ,于其私 父之欲厚其父兄子弟 叛之誅。 字,今删。 罪 我之欲盡 如 夫母之于我尊且親,于其 受不測之罪 因不奏事 趙 此, 也 館舊有 誰 之疾 親,亦若我之欲厚 又況吕后、 夫二后 使我 太后, 孝順于慈母,無所擇 能 白白 病 違 有四 ; 可 」字,今删。 也。 此 不 王 補 者 班 · 甚名 體之勞苦,❷ 章 夫 飛 乎? 書之闕。 也 陳 以 燕、 ; 爲 趙 H 此欬 妻之于我 縮 傅 無 唯 蝕之變, 我父兄子 不奏事 事見《申公傳》, 私 道之婦 不世之主, 昭 唾 事 親, 肌 儀 前 矣;我 膚 之等 亦若 于太 睇 而 愛 而 舊 弟 之 且 所 取 有

> 庶 抱 獨 幾其不陷没流淪 斷 絕異之明,有堅剛 耳。 《群 書治 不移之氣,然後

口

豺狼守肉,鬼 景帝顯位刺 魅侍 史者 疾。 《意林》。 皆是宦 臣 子 弟,猶 如

日 在 天之内,在 人之外。 意 林 **%** 案: 劉

子• 心 隱 》作 「日在天之外,而心在人之内」。

《周 之所宜· 改。 超 走是供,傅近本作「傳延」,從《文選 禮》有 房卧之内,交錯婦人之間,又 宦豎者,傳言給使之臣 也。天文,宦者 其官 職。 至于武皇游 四 屋,在 也。 宴後 帝 拚 宦 亦 坐 者傳 埽 實刑 庭 傍, 是爲, 論 者 ※注 而

- 婦」,原作「愚」,今據《治要》本改
- 2 非使」,原誤倒,今據《治要》本改。

侍 黨 作 覽、張 僭 易 悲 間 錯 日 如 起, 音樂,悉 書 選 中 時 -,迷荒: 曹節 凌 隆 人。 此 耶 其 令, 書之官 而 宦 相 盛 繋解 横 唯 女妓 者傳 直言 讓 仇 監 石 恣 靈皇帝 心 | | | | | | 其 侯 忠 以 顯 極 帝 之等,以 孝 至 論 也。 覽等 撓 主 孝 桓 害 爲 所 正 樞機委之石 近 領 》注 命之」,《釋 皇帝 濁 僕 亂 諭 靈之世,前 言, IE 受 補 登 後 而 之禍 射 内 軍 造 與 亂 自 亂 暨 無 明 外 孝 起 事 爲 相 承 解 海 求 闇 孝元,常 文》: 宣 自蠡 成 中宗 0 螫 維 摩 亂,政令多門,權 内 犢 之分 不 之世 顯 矣。 噬 綱 切 天文」下 後 孟 得 吾 嚴 以 帝終 則 民 本 高 Ŧi. 若 被 嗚 明 作 繼孝 抱 昏 化,隆 命 而 則 + 凡 此, 誣 呼 明 三十 迷霧 病 登 以 命 餘 貪 不 見 桓 贵 至 豎 而 弘 年,天 癌 淫 陷 自 借 四 尊 士 不 父子 亂 留 恭 不 字 放 爲 順 寵 中 謂 惡 良 之 利 好 敢 「明」, 爲 從 縱, 下 之 常 政 並 之 桓 之 其 侯 足 于 容 中 文

> 典 間 亦 何 使子 蓋 緣 猶 得 見 孫 不 此 少 之良 破 在 壞 師 審 保,不 邪 也 ! 0 令處 古 群 一之聖 書 治 于婦女小 人 立 禮 垂

四

亂 下 禱 幸 勝 仁 欲 藥之所去也。❶ 之物 神之 世 而 義 ,此壽考之方 祈之禮、史巫之事者,盡 有 敬天 有災, 和 ?脱字。 作 禮 神 焉 氣 興 則 地 焉 懲 其 克己責躬 恪宗 本 侜 思慮 也 肅 而 張 禮 廟, 爲 變怪 避 容 不 女好 幸而 之 此 風 居 邪之階 之言起 所 吉 中 中 濕 有 祥 節 Ė 復 庄 疾 之 也 焉 于 竭 飲 康 術 則 精 食, 道 是 丹 然 鍼 也 誠 德 淫 而 書 石 適 也 厲 厭 有 履 湯 不 嗜

通 所 故 常 深 俗 疾 忌 也 諱 可 且 笑 夫 事 堀 诗 地 九 世 仞 之所 以 取 遂 水 往 而

禮 良。 度其 所 令,背 吉凶 君 也。 勝 嚴 富 轉 誠 不 Ш 之物 臣 宜 止 局 擇 禁于下 前 于愚惑之人, 百 不不 若 士 行 禮 步 所 指 貶,踰法宜 時 望其 大 民,並 之 非 以 不 極 天者,不 爲 順 亦 及 制 攻 于上,禁之于下, 者 之 能 禮之祭,皆所宜 而 其 迷 此二 金 而 哉 一順 .)儉; 上 致之于我,不亦 搆 乎 反 ? 私 不 入林 刑,先 不 ? 能 而 者,人情 求 欲 去,非 心,又大亂之道也 亦誤 居之, 表 自 福 無所 簡 伐木 正 使 祐 王 郊 乎? 則 室家 教 齊,法 于不 制 之縱 一之所 木 社 急 化之法 影 非 而 1 除 直 滑 慢 惑 元首之教 祥 横 彼 用 日 以 爲 者 範 利 祖 乎 之, 馳 啚 之 紀 之 適 也 也。 子 ? 禰 聘, 物 家 端 綱 防 則 野 畫 孫 則 人 誰 今有 情 諸 取 逆 疑 XI] 也 舍, 物 器 貴 越 厭 能 無 時 其 草

王 、主之號,葬 頃 皇子 皇 從 女 成 有 人之禮 夭 折 年未 非 也 及 殤 及下 爵 殤 加

> 發矣。 以 禮 之以二 睦 使其 中 乎? 分者 以 可 族之門不 也 相效,子孫相襲 令王 ·, 不 所 義 閨 上 貴 心同 也。 也 王侯者 門 聞 然 已 物,則 者教 侯 ; 群書 不 典 有國邑之名,雖 而 所 · 與 子弟,悉 于夷狄,其行比 性 潔 籍 生 治要》。 民 賤 王 ,所與共受氣 類 腥 長 盛 之法 以 于惡者 侯婚者,●不以 不,家以 臊 純 于 邪 之汙可 美,臭味芬香 所賤者教親 驕溢之處 入大學, ! 言 爲 所貴 不因 以 風 不 除,而芬芳之風 于 其 于 于 師 祖 廣之以 合古制,行 世以爲俗,故 禽 有 自 善者 不亦 考,榦 傅之良 其 罪 置 恣 孰 五 過 也。 于 他 以 品品 悖 色 有 也 合 入教,故 Щ 乎? 長 其 樂 加 之 不 而 口 口 肅 姓 之 今 有 和 幼 此 枝

「門」,原作「殷」,今據《治要》本改。

者 防 以 臺 宫。 數 言高 道 中 不 也 加 可 Ш 丈 女子,成 旗 千 闥 有 陵 榭 也 加 陳 珠 得 至若 以 則 0 足 所 玉 層 論 道 千 起「今爲」下 有 時 一之物, 繼 苑 雕 以 有 壞 高 珠 天 往 市 長 難 之 體 采之 門 大 殊 者 數 下 有 玉 焉 于 階 行 之君, 坐 庭 中 + 翡 者 也 池 Ŧi. 宫 木土 之 + 席 巧,錯塗之飾 等 足 , 白 翠 沼 隨 四 中 所 百 術 莫 臺 雖 之尊 以 尺, + 以 農 ; 誠 被 哉 白 仞 以 不 容 爲 父之美人,可 未曾 郄 樹 字 欲 綈 壁《藝 爲 里 君 朝賀 飾 卑。 延 而 足 從 行 貴 錦 之 而 連 今爲 袤 以 《藝 講 御 之飾 道, 也。 文類 還 以 宇 之 是自 覽 之婦 臨 事 文 幃 殿 會 雖 宫 王 都 聚 浮 類 爲 使 又 因 聚》 室者 高 同,公堂足 雲, 民 父之所 城 蒭 有 作 有 何 不 而 田 之 六十 顯 脱文。 蕘 所 見 狩 鞶」。 上 慕 治 生 搆 敞 有 崇 嫁 夫 樹 以 雉 幽 之 于 帳 興 無 菟 其 者 之 帶 教 補 九 臺 于 爲 空 以 而

> 曠 戰 使令之人,取 希 中 幸 ,是又自然其 也 者,以 上 虔 嫡 庶 郊 時 之 廟 出 足 數, 下 中 之。 相供。 虞 也 使 賓 均 從 客 周 齊 時 恩 制 是 其 施 又 上 妾之 自 下, 以 有 廣 脱 通 無 子 文。 其 子 姓 隔 其 與

六

邵。 濕 藿 不 士,有 奉 沽 而 ·歎美以 者 禄 者 酒 不納善人之施 矣,有 者 矣,有 非 市 在位之人, 遇 矣, 不 脯 君子 爲 清 者 有辭 親 窮 高 矣, 邵, 前 居 飲 潔 有 僻 不 爵 有 食 而 者 食 妻子 之蒸 處 賞 乘 矣, 不 此 求 者 柴 其食者矣, 口 非 有茅茨 不 烹 馬 矣,莫不 而 不 以 到 者 不 弊 高 言 官 可 矣, 車 潔 中 蒿 得 者 舍者矣, 稱 有 有 也 而 屏 見 矣 妻子 述 過 不 而 者 好 以 客 有 口 1 矣,莫 以言 節 有 凍 爲 漏 不 食 之 餒 清 還 菽 敢 下

<sup>0</sup> 藝文類聚》 丈」,原 作 「大」, 今 據 F 海 啚 館 南 宋 紹 刻 本

復激切 之制 志故 中法 售。 公,中和人當作「之」。 詭 歎云高潔者, 見 中 IE. 人享其宜 從 貴 也 俗之行, 于 向 休 邪 也 則詰之以 是世 步 廢 夫世之所以 所 背道 時 如 物 無 稱 驟 俗同 使 所 將 以 安其 王之政不平,直 乎 而 王 復 以 典 平 清 馳 共 度 何 剴 制 夷之塗,偃 邵 兹。 君子矣。 所、然後足 知 高 昭 摩 厲 者,將欲何 節義之 此 貨 哉? 明,禄 彼 者,亦 困 財 獨 苦難 不 《群書治要》。 故人主能使違 除 能 難 正 息乎大中之居, ·及禮 以以 有 從 介 復 不 矯哉? 爲之約 稱賢聖之王 由然。 然 行,詐 古, 持 則間 不 也 服 · 爲, 乃 ,無所 之以 先 章 僞 向 舍 古 所 故 獨 不 時

時 夫,三公之列 有 太傅, 變,不必 古者 即 君 位之後, 相 之于 也, 因 今不 臣, 猶 宜常答其 宜 無 爲 存 不 起, 其 答 大 拜 非 拜 者。 也 也 少 御 爲 雖 傅 太 史 王 可 者 子

> 者,可 公,所 衰,爲 時 死 三公,爲之起。 皆 然後 不 自 遣 諸 有 侯總衰 使 宜 問 弔 一闕者 修 焉 贈 賜 之禮 爲 也 問之恩。 古 周 禮 禮 也 大 凡 夫 雖 在 士 難 州 京 王 疑 悉 牧 師 爲三公六 衰。」及 奉 郡 大夫 行 守遠 于 以 師 者 傅 其 卿 E 疾 其 錫 病

行,察 術之 下 性 位者、皆宜及焉。 能之人,非獨三太三少可與言 士大夫。 ? 也。 淺 坐 與 彼之才 聖人 而 深? 群 論道 論 臣 猶 道,謂之三公; 能 言 不 + 必求高明之士,幹 也,乃 議 試 五 故士不 之 者 志學,●朋 事 所 又 以 與 非 何 作 自 其言 旧 以 而 友 弘 用 知 也 講 天 行之,謂 觀 其 事 何 習 德 彼 能 必 凡 以 益 之 之 使 在 知 志 之 良 强 聖 高 其 列

本補

<sup>■ 「</sup>聖人」,原脱,嚴氏於此注曰「有脱文」,今據《治要

公卿 心 踰 兀 與之從容言議,諮 不 于 海 矩 息 豪 民物,廣令聞于天下哉 列 況 德 英,琢磨珪 校,侍中尚 于不 與 年 及 進 中規者乎? 至于 壁,染練 論古事,訪 書,皆九州之選 七十, 金 然 而 錫 或 後 不 家正事 何 從 自 也,而 以 勉 心 昭 也 而 問問 不 ? 不

也; 也。 臣 也; 初故,仁也; 在于膏肓,此 家者也; 幸佞諂,五曰驕貴外 正,二曰不節情欲,三曰 人, 絶其繼嗣者也; 破首分形 封 驕貴外戚,淆 豐之以 人主有常不可諫者五焉: 之以 不節 所 財,而 以計 土,而 爲 情欲 不 傾 御情 能 危 : 亂政 ,伐其性命者也 勿與之位,亦足 勿 龍幸 比 戚 救 智也; 與之權 于累卵 止 治者也。此爲 專愛一人,四 廢后 佞諂,壅蔽 也。 以 者也,然 朏 不忌當作「忘 亦 正 嚴 ; 日 覆 足以 專制 以 忠 廢后 專 爲 疾 正 愛 曰 而 其 禮 爲 恩 痛 者 寵 人 或 朏

厚也。

世,惑賢亂國,然後于我心乃快哉!《群書治世,惑賢亂國,然後于我心乃快哉!《群書治世,惑賢亂國,然後于我心乃快哉!《群書治

人愛我,我愛之,人憎我,我憎之。《意

林》。

賤; 貴尊,三俗。天下之士有三可賤:慕 不知實,一可賤;不敢正是非于富貴,二可 俗; 向盛背衰,三可賤。 天下士 交遊趨富貴之門,二俗; 有三俗: 選 《意林 士 而 論 畏服 族 姓 不 閥 名 接 于 閲

名者,移知者,三也。《意林》。一也,竊他人之記,以成己説,二也,受無天下學士有三姦焉:實不知,詳不言,

能足以 于我者,何 醫,莫能 知言而不能行,謂之疾。 圖 治 必 也 可 憎? 同于 0 我 附者不黨,疏 智足以 者,何 立 必 此 難 可 疾雖有天 成 愛? 者不遺。 之事 異

《意林》

夜則以房室輸其血氣。 庭,顔色不愧。今公侯之宫,美女數百,❶卿 士之家,侍妾數十,晝則以醇酒淋其骨 婦人有朝哭良人,暮適他士,涉 《意林》。 歷 髓 百

重者 患在 檢 剛 貶 和 患在 拘 絕者,患在傷 人之性,有山峙淵停者,患在不通 順 狹 恭 ; 後 辩 慎 時; 通 人者,患· 有 士; 好古守經者,患在不變。 辭 在 者 廣大闊 少 患 斷 在多言,安舒沈 ; 端慤清潔者, 蕩者, 患在 炭炭 無

> 不可汙也。❷ 疏 濯 胸 臆,澡雪腹心,使之芬香皓潔白 《意林

當作 廣絶交論》注、《意林》、《御覽》四百三。 「錬」。 道德仁義,天性 之以 致其情, 瑩之以發 也。 織之以成其物, 其光。 令文 練

選

也。 不飽,則不能食。 有爲此人父母而憎之者也? 勞辱之事,唯父母之所言也,唯父母 于其體之不安,則不能 人之事親也,不去乎父母之側,不倦 孜孜爲此,以 寢 人之事君也, ; 于其湌之 没其身,惡 之所欲 乎

- 「美女數百」,原脱,今據《意林》本
- 白」,明萬曆本《意林》作「而

字。 焉 者 改。 惡 爲 本作 著 林 林 見 言 也 其 也 閑」、《意林》作 也? 遺 此 乎外,流言 ,仁愛篤 有 志 補 補 無 難 則 有 「攻人之短」, 爲 ,險易 忘 其 小 述 必 下 以 疑 行 0 此人 也 見 大 句 相 人 我 潛 没 倣 識 不革 恕 之所 則 德 恤 此。 者,我又 暗。 無 其 君 知 謙 無 不 從 所 而 利 身 長 也 會同 其 所受,愛憎 知是 懷 長。 御 不 愆 遜 必 而 心,孜孜爲 怨 惡 有 覽 則 敬 相 也 加信 憎之者 本作 「闇」字。 恨 及,恤 有 不 有 讓 四 ; 恃 百 會 而 與 負 事 潛 焉 忠誠 六 恩 友 加 無 我 此 也? 無 改 功 則 利 所 此 勤 寵 者 補。 從 勞 人 患 必 攻 發 而 偏 相 加 逸 乎 交 意林》、《御 不 己之所 以没其身, 「所」字從 意 我 人之交士 安 四 加 内 名 林》 幽 而 又 危 字 無 敬 闇 無 信 憎 加 孜 從 不 所 本 短 孜 患 覽 意 之 意 效 貮 其 厚 避 作

故事親而不爲親所知,是孝未至者也;

父母欲 濟 不 意 咎 已 不 而 而 之爲之、《意林 而 事 而 違 違 父 好 可 人 也 友《意林》作「交」。 不 君 不 從 不 爲 善士,惡子孫 而 母 違 非 非 《群書 與 以 也 不 人 孝 孝 不 而 爲 人以官位 正 , 所 也; 欲 也 不 治 己, 己 君 父 知 許 其 ; 》作「學之」。 所 母 好 行 審 也 可 是 知 欲 違 違 可 也; ; 其 是 交《意林》作「友」。 信 爵禄, 爲 父 亦 不 而 義 違 奢 忠 士 母 不 然, 未 非 可 而 泰 未 友有 不 違 而 違 至 孝 往 可 至 侈 好 才實 者 也 亦 也 而 違 者 患 靡, 學 學 也 非 而 也 問問 故,待己 不可 以 其得 故 也 孝 之, 不 ; 適 疾 父 不 與 也 報 義 可 父 子 可 母 心 人 可 ; 忧 孫 怨 好 違 違 而 母 快 違 而 交

<sup>0</sup> 厚 六 幽 册,中華書局影印本。 閑 闇 則 未有 至本段 攻己之短 與 末、《 人交若此 永樂大典》卷 回 而 則 見憎者也。」《永樂大典》第 述 人之長。 萬二 負 我 六引 加

業,其 之道 稷, 大宗 知 作 蕭 討 人 几 天道 大臣 事 海 曹、 者 之盡 下愚 昔 臣 大 布德 代之名 是昏 廢昌 ,則指 者 而 丙、 高 略 而 無 不 耳, 祖 魏、平 亂 不 生 也 邑 復 誅 人 星 待 無 民 0 齒之民 臣 迷惑之主,覆國亡家之臣 而 已 秦、 略 ()建功 辰 吉 于 天道之學焉。 也。 立 -、勃、 當作 以 項 X 知 孝 之 授民 之祥 也。 天 二主數子之所 宣,經緯國家,鎮 漢,皆受命之聖 事」。 霍 立 而 八道矣。 一業,流· 光之等,夷諸 陟 事 信天 者,是 天子之位 又 順 何 所 然則 名 道 四 取 百 貴 巫 而 時 焉 世 王天下、 背 子用 醫 以 而 吕 者 主 ? 1 震 安 也 人 光 興 尊 也 略 祝 社 故 唯 威 武 功 天

謂 亦 有 几 時 問 取 之 諸 者 宜 天 日 道 也 也 治 ? 所 天 壹 下 日 于人 者,壹 : 事 所 者 之 取 乎 于 謂 人 天 治 道 事 亂 抑 之

> 善惡 坐 邪? 龜 也; 乃 不 機 所 功 唯 本 下 實 而 失四 黎 勞 賢 積 不 則 集 之本也, 與要,奚 也 矣,惡: 所愛者,非美色則 可 (是親 上 于 民 日 刑 以 天 時 廟 而 得 地 冤 喜怒 罰 之禮 門 勤 不下,祝 也 「大備 周 物 枉 將 是 所 歸 之中, 將 脱 禮》 自 卹 存 非 爲 乎罪 斷 王 自 從 政 理 邪 賞 者 于天 之馮 史伏 字。 犧 ? 獄 舍 我 事 生 罰 惡 所官者, 之 , 屢 牲 我 而 民之要也。」 類 曰 人之道耳 壇 政 群 而 正 相 巧佞 殘 取 政平 省 旁 于 不 矣,休 亡 保 王 賊 乎 功 而 麗 違 矣。 章, 非 也 臣。 麗 民 冬日 者 不 碑 親 祥 安、各日 雖 女 ·, 是 去,猶 之 求 官 其 日 屬 以 將 賞 Ŧi. 間 之 其 人 無 怠 非 則 錫 方之 百 自 期 無 不 馮 乎 異 寵 得 所 期 治 應 然 然 私 兆 相 萬 爲 幸 其 于 用 天

❶ 「略」、《治要》本作「事」。

末,不其然與?」 于敗亡也。從此言之,人事爲本,天道爲

者邪? 治道 私 汲 諸 疑我未善,引天道 誠忠心于自省,❶專思慮于治道,自省無愆 情,未可謂大上之公德也。《群書治要》。 并而 己,而求諸天者,下愚之主也。 不謬,則彼嘉物之生,休祥之來,是我 故審我已善,而 水出 故 歡 爨 于 竈 報 以 而 應,喜于珍祥,是劣者之 火燃者耳,何足以 不復恃 自濟者,其次也; 乎天道 今夫王者 一,上也 不求 爲賀

·謝靈運傳論》注作「英辭雨下」。 百《歎賞》類作「英才若雨,妙句如雲」。《文選》沈約《宋百《歎聲雨集,妙句雲來。《意林》。《北堂書鈔》

以志,人情之所欲也。《意林》。愛當有「惡」字。相攻,命之自然也。愜快

無窮之世俗。《意林》。 嗽舌下泉,咽之,名曰胎食。得道者生

覽》八百二十五。 寒温餓飽之爲修短驗于物者也。《意林》、《御餓之,則引日多,温而飽之,則引日少。此餓之,則引日少。此此寒暑之方驗于人者也。鈞之蠶也,❷寒而此寒暑之方驗一人者。

行氣可以不飢不病,吾始者未之信

<sup>●「</sup>今」,原作「令」,今據《治要》本改。

<sup>2 「</sup>釣」、《四部叢刊》影印宋刊本《太平御覽》卷八二五

所

謂

舉

形

輕

飛

白

日

人

辭

去

其

始步

稍

高

· 遂

河

南

密

縣

有

1

成

者

令吾君 死,所 燕君 與吾同 者 故 者,未必不 之方,若吾 爲 務 此 也 抱 良説 雖 將 思思 至 ,●至于爲之者,盡乃然矣。 朴子内篇 一約,而 使 知之 鋭 重者莫急乎生,彼自喪 加誅焉。 此 不 矣,然亦 人學之,不 于人事 死 疾 而 知道 所 至 吾未之能 也? 也。 無 理 聞 諫 益 也,直 非 哉 行 昔 耳 君 者曰:「夫所 ? 捷 至當之論。 有 氣之法, 9 乃 而 明 非 他 也, 豈不以 不 不 師 師 無 能 人之不能 誅。 死。 知 不 棄 則 死之法 世 其 養性之方,若 不 彼 其 憂者 燕 使 生,亦 事 死之道者 説 心 彼 諫 君 者,又 而 馳 莫 師 怒 有 辭 者也。 爲之, 其 之死 過 于 安 不 則 世 能 使 必 死 乎 此

> 寢,日中果死。《御覽》六百九十 云 「今日當 薊子 訓, 死 不 知 陳 何 公與 郡 之 人, 到 著單 陳 公 衣 舍, 室 自

魏 四 廬 式、張貂、薊 元 封 化、 國 王 君 江 、仲長統所説。 左慈字 軍 達 魏 東 吏 王 甘 郭 河 所 陵 延年、唐霅、冷壽 元放。 南 子 集 甘 趙 訓、汝南費長房、鮮 方士 始、 聖 一卿、陽: 右 《博物 魯女 名 十六 . 志》五 上 生 城 人,魏 黨 郄 譙 光、 王 儉 或 文帝、 字 真 河 華 奴辜、 孟 南 佗 隴 節 東 1 字 西

昇天,仙之上 9, 學 > 人雲 道 中 經 卞 一者也。 復 見。 乃 與 此 家 0 有「云」字 下 四 部 叢 刊 》影 印 明 魯

刊

本

朴

子内篇

子元 容成 乃 之道可 中《 此 術,亦得其 王 及仲 以 藥,亦云有驗 鴻 罹 方,年三百 御婦. 長統云」。 寶》秘書,及子 典 罪 成 論》 謂 也。」」《博物 人法,並爲丞 驗。 又云 神 『甘始、左元放、 仙 歲,莫知 降就 . 一之道 劉 志 向 德 王 道 治 咸 Ŧī. 可 仲 士劉景受雲 所 相所 致。 共 淮 統 在 奇之,信黄白 南 云: 東 録 卒亦無驗, 王 武 郭 獄 當 間 帝 延 得 作 母 行 年 恒 東 枕 九 其 御 SIT

言 原文,故附 案: 此二 載焉。 條 出 《典 自 (論》, 「嗽舌下泉」以下,當同 又與子 建 相 亂 非皆《昌 在 篇。

長子原次。 意林》。 湯, 契後。 已 此已上依 下 · 各 書 秦, 引 本 見, 益 傳、《治要》、《意林 後。 于 原次 益 無 即 考, 皋 》寫 依 陶 出 各 不 書 子 先 · 紊仲 也 後

> 子,論 追涼 風 虚 詠 萃止 養親 豚 市 命之期。 上,睥睨 足以代步涉之難,●使令足以 》之雅 歸 以 ; 竹木周 呼 風,釣 奉之。 有兼珍之膳,妻孥無苦身之勞。❷ 高 使居 道 則陳 吸 堂之上。 講 天地之間。 操,發清 有 如是,則可 精和,求至人之仿 酒肴以 書, 游 布 躕躇 良 鯉, 弋高 俯仰 場 田 霜 畦 圃 廣 娱之; 安神閨 之妙 苑,遊 築 以 宅, 不受當時之責,永保性 儀,錯綜 鴻。 前 陵霄漢,出宇宙之外 背 曲。 **3** 嘉時 戲 果 房, Ш 誳 佛 平林 袁 臨 息 于 吉日 思 人 逍 樹 流 舞雩之下, 物。 四體 老 遙 與 後 濯 ,則烹羔 氏之玄 達 溝 彈《 之役。 清 世之 者數 良朋 舟 池 水, 南 車 環

録之。

② 「孥」,原作「拏」,今據

<sup>「</sup>霜」、《後漢書》作「商」。

今此 偃 題 疑 據《文選 遊 仰,可 在 帝 有「溝 《自敘》 王者 《樂志論 豈羨夫入帝王之門哉! 以 ,欲以立身揚名耳, 閒 篇 池 自娱,欲卜居清 環 居賦》 》,或當以 而出之《昌言》外,非 帀,竹木周布」二語 注引《昌言》曰 「卜居」名篇 曠,以樂其 而名不常存,人生易 一溝 也。 ,知即三十四 池自周 胡 志,論之曰」云云。 本傳「統常以 維 新 ,竹木自環」, 兩 京 篇之一。 滅,優 遺 爲 溢篇 游 凡

尚乎食也哉?《齊民要術序》。 簠簋, 情者釜之, 勤者鍾之。矧夫不爲, 而之。青春生焉, 時雨降焉, 始之耕田, 終之天爲之時, 而我不農, 穀亦不可得而取

之勢 蓋 耕 封 食 而 稼之場者,此 魚 可 斥 叢林之下,爲倉庾之坻,魚鼈之堀,爲 知 鼈 鹵 播 而 《齊民要術序》。 藪 嘉 澤 穀 君 之形 鄭、白 長所用心 可 見,觀 成 而 也。 關 草 中 是以 木 無 而 饑 太公 肥 年。 墝

> 序》。 之可 后親 可 也 蠶 也 稼 梅落| 穡 ,況夫田父,而懷窳 此 不修,桑果不茂,畜 不完,垣牆 督課之方 也。 不平, 惰 且 乎? 天 産 埽 子 除 不肥, 鞭 親 《齊 不 耕, 浄 民 要 皇 之

蟲 見 不自以食爲異:生習然也。❷ 生然之事,孰 前 鮑 不知藍之甘乎? 魚之肆,不自以氣爲臭; 自 知 也 ? 《齊民要術序 斯 居積習之中, 何 四夷之人, 異蓼中之

冬以中。《北堂書鈔》未改本三十六《清浄》。 宗均爲九江守,五日一聽事,夏以旦,

<sup>「</sup>平」、《四部叢刊》影印明鈔本《齊民要術》作「牢」。

<sup>) 「</sup>習」下、《齊民要術》有「使之」二字。

<sup>「</sup>孰自知也」、《齊民要術》作「夫孰自知非者也」。

也亂。 利器,猶鏤以鉛刀,而望其巧,❸不亦疏乎? 《北堂書鈔》未改本四十九《設官》。 有言:「治國取 初仕也,雖有賢才,皆以 才,皆級次進。 御覽》 公卿大夫,莫不先歷三七之官,雖有賢 百三。 登朝越等,●敗禮傷法。 人,務在求能。」故裁國之無 官之有級,猶階之有等也。 級賜 升階越等,其步 進焉。❷ 是以古人之 賈生

冢宰,堯官也。《藝文類聚》四十五、《御覽》二

百六。

聚》八十七、《白孔六帖》一百、《御覽》九百七十一《枇杷》 涌,而患枇杷、荔枝之腐,亦鄙甚矣。《藝文類 一令人主不思神芝、朱草、甘露零、醴泉

文類聚》八十九、《御覽》九百六十。
樹,議者以爲芝草也。群臣皆賀,受賜。《藝梭東廡柏樹,及永巷南園《御覽》作「閨」。合歡後東廡柏樹,及永巷南園《御覽》作「閨」。合歡

百四十五、又六百九十二。過,今之持版以象焉。《初學記》二十六、《御覽》六獨以《御覽》作「以笏」。書君教令,記善刺

淑清穆和之氣既宣,6醇醲之化既浹。

《文選·魏都赋》注

斧帳翠屏之不坐。《文選·天台山賦》注

- ■「登朝越等」、《太平御覽》作「亂登朝級」。
- ② 「賜」、《太平御覽》作「次」。
- 「巧」,原作「切」,今據《太平御覽》改。
- 「氣」,中華書局影印清胡克家刻本《文選》作「風」。「安」、《藝文類聚》卷八十九、九十八均作「哀」。

4 3

古之葬者,植松柏梧桐,❶以 識 其墳 也。

澤。

聞

上古之隱

士,或夫負妻

(戴,以

人山

伏重岫之内,窟窮皋之底。《文選》陶淵

《經曲阿》詩注、張景陽《七命》注。

車馬客行》注、古詩《驅車上東門 《文選》潘安仁《懷舊賦》注、阮 籍 》注、丘遲 《詠懷》詩 《與 注、 陸 陳 伯 機 《門有 之書

注 、陳琳《爲袁紹檄豫州》注

喜、怒、哀、樂、好、惡,謂之六情。《文

選 ·文賦 》注。

乘此風、順此流而下走,誰復能爲此限

者哉?《文選·琴賦 漢

捷 疾 馳,影響人間 也。 《文選 贈白馬王 彪

詩 注

築臺起 功。《文選 》謝靈運《還 舊園》詩注。 案

此 疑「有天下者」篇約文。

> 子若昇天路也。《文選》謝靈運《入華子岡 蕩蕩乎 若昇天路,而不知

夫

/所登·

也。

》詩

曹

子建《雜詩》注、《與吳季重書》注。

彊者勝弱,智者欺愚。《文選》陸機 《塘 上

行》注。

事求絲髮之舋。《文選》鮑照《白頭吟》注。

如此,則清修潔皎之士,固當 有軍 興之大役焉, 有凶 荒之 食茶盬膽 殺用焉。 枕

0 植」,原脱,今據《文選》補

藉荆棘。● 《文選 》謝玄暉 始出尚書省 》詩注。❷

貞墓啓》注、又《奏彈劉整》注。 引之以教義。《文選》任彦昇《爲卞彬謝脩卞忠

獨 步 清 此 如冰碧,潔如霜 士之次也。 《文選 露, | 曹 輕 賤 子 建 世 《與 俗 高 楊德 立 祖

書》注。

節操凌高雲。 《文選》石季倫《思歸引序》注。

者,潔也,于水上盥潔也。 已去,祈介祉也。《文選》顏延年《曲水詩序》注。❸ 《周禮》:「女巫掌歲時祓除疾病。」襖 巳者,祉也,邪疾

詩序》注、又王元長《曲水詩序》注 姦慝既 弭, 警 蹕 清 夷。 《文選》 顏延年《曲

水

子長、班固,述作之士。《文選· 王文憲 集

序》注。

《文選》干令升《晉武革命論》注。 高、光二祖之神武,遇際會而不能得。

爲音樂,則 歌兒舞女千曹而迭起。 令文

選 宦者傳論》注。

探心測意,世加甚焉。 《文選 ·演連珠》注。

後。 《文選·石闕銘》注。 運籌于几案之前,而所制者乃百代之

- 0 荆」、《文選》作「菁」。
- 2 改。 「玄」,原作「元」,嚴氏注避清帝玄燁諱,今據《文選
- 8 收入《昌言》。 此條據《文選》卷四十六李善注,出《風俗通》,嚴氏誤

五位以正方面。《文選・石闕銘》注。

直道正辭,貞亮之節。《文選·郭林宗碑

ブミ

百夫之豪,州以千計。《文選‧頭佗寺碑

文》注

以一人之好惡,裁萬品之不同。《文選

頭佗寺碑文》注。

規矩可模者,師傅之德也。《文選·齊安陸

王碑文》注。

救患赴急、跋涉奔波者,憂樂之盡也。

《文選·齊竟陵王行狀》注。

怨毒結于天下也。《長短經·政體》。 大呼于沛澤之中,天下響應。人不爲用者, 昔秦用商君之法,張彌天之網,然陳涉

攻玉以石,滁布以灰。《御覽》八百二十六。

#### 附 録

# 《昌言》輯佚補

何爲 臺灣藝文印書館影印本。 弘景《養性延 樂之而不愛。 知物之易也。 不以之言,有体而不以之安。安之而能遷, 與人者同 蕩 五情六性,有心而不以之思,有口 命録》卷上第八,明《正統 類,而 以之圖之,不知日之益 其彭祖、老聃 與人者異壽? 庶幾,不然,彼 道藏 》第三十 南朝 也,不 梁陶 册, 而

馬 融 長笛賦並序》注,中華書局影印清胡克家刻本。 精 核 是非,議 之嘉 也。 唐李善《文選》卷十八

> 家刻本。 袁淑《傚曹子建樂府白馬篇 潔若清冰,嚴若秋霜。 **注** 中 唐李善《文選》卷三十 華 書 局影印 清 胡 克

十三李康《運 漢 祖 輕 命論》注,中 文學 而 華書局 簡 禮 影印清胡克家刻本。 唐李善《文選 卷 五.

地 〇〇八年版 像,《 繩 墨得 切經音義三種校本合刊》,上海古籍出 拼彈。 唐玄應《一 切經音義 》卷十四 版 社二 拼

朔,非 滑稽列傳 而 桓譚 遷爲《 也。 亦 》索隱,國家圖書館藏日本銅活字本。 以遷爲是,又非 朔之行事,豈直旃、孟之比哉 滑稽傳》,序優旃事,不 也 唐司 馬貞《史記 稱 東方

飴  $\Box$ 飽腹,藥其 如我何? 所乘之氣有

印 夢得文集》卷十四 時,而既 董氏影宋本。 于禱神佞佛,遂甘心焉。 《答道州薛侍郎論方書》,《四部叢 唐劉 禹錫《劉 刊 影

讐。 叢刊》影印明刊本。 唐李德裕《李文饒 同 異生是非,愛憎生朋黨,朋黨致 文集 》外集卷三《朋黨論 **》**,《四 怨 部

賊之爪牙。 論》,《四部叢刊》影印明刊本。 才智者,亦姦兇之羽翼; 唐李德裕《李文饒文集》外集卷三《朋 勇氣 者, 亦盗

誠以 刻《學津討原 大昌《演繁露》卷十「鐵甲」條,清嘉慶十年張氏照曠閣 革甲當强弩,亦必 古者以兵車 》叢書本。 戦,而 喪 甲 無 師 鐵 亡 或 札之制。 也。 宋程 今 刊

0 該條引文又見同書卷十四「金爲兵器」條。 所引,程大昌明言《昌言

引篇名衍一「政」字。 政損益》篇所云,疑程氏所 「鐵甲」條

#### 傅

子

【清】錢保塘 輯

目録	平役賦篇 一五	重爵禄篇 一三	法刑篇 一二	禮樂篇 一一	義信篇 一〇	仁論篇 九	檢商賈篇 七	校工篇 六	授職篇	舉賢篇 一	治體篇 一	傅子卷一 一	傅子序 一	校點説明 一		<b>国</b>		
	傳三七	紀 三六	<b>傅子卷二</b> 三五	雜録	釋法篇 二八	宫室篇 二八	官人篇 二八	假言篇二七	<b>矯違篇</b> 二六	信直篇 二五	問刑篇 二五	問政篇 二四	安民篇 二三	曲制篇 二二	通志篇 二〇	正心篇 一八	戒言篇 一七	貴教篇 一六

晉書本傳	附録	雜録	論	序
七五	六六	五六	五六	五三

# 校點説明

郎中, 風。 賦 書 逸。 秦 府 工 稱 禪 晉 朱漢三 詩 累 進 五 書 十三 官 少 北 傅 》卷四十七有傳。 初 爵 上 X 司 或 至 詩 孤 地 玄(二一七 廟堂樂章,多出其手。 爲 選 書 馬 貧, 六朝 司 品 泥陽(今陝 子, 言 爲 炎 隸 表 博學 列 事, 著 爲 校 文》及《先 加 疏 作 晉 入下 尉。 駙 補 頌 善 郎。 王 馬 闕 赞 等 屬 品, 時, 西 卒 都 弼 -二七八),字休奕,一 文,解 正 耀 謚 尉,掌 秦 稱「繁 違,諤 四 以 始 縣)人,魏 剛, 漢 + 玄 間 音 魏晉 篇,見《全上古三代 追 爲 諫 與 富 諤 今存詩六十餘首, 律。 職。 散 封 王 當 可 南 清 騎 一沈等 嘉」。 朝, 晉 州 北朝 常 玄 泉 舉 間 使 侍。 侯。 以 共 秀 學 尤 詩》等。 臺 剛 撰《 才 者、 作 長 及 玄 閣 直 樂 又 休 生 受 著 魏 除 詩

用。 管 書 頡頏, 往代。 只及原書的十分之一二,但其内容爲 綸政 識 玄生當 中 論皆通 過之,乃今不及』,信矣!」清 王沈,沈與玄書曰 百餘卷行於世。 故事,評 學 綜其 的 理 分子 後雖 篇,凡四 和 今 經 體 據《晉 同 學 天 每開 對 歷 達治 制 魏 斷 時 識,可 存 政 顯 現 我 和 度 1書》本 部六録,合百 得失,各爲區 諸子非其匹 重 貴 們 極 實 長 建 卷,未嘗不嘆息也。 體,指 儒 而著 社 敝之後,以修舉 讀 期 與王符、 設 教,足以塞楊墨 從 傳 到 會 玄初作 的 : 述不 陳 的《傅 記 生 政 諸 「省足下所著書, 切 載, 活 的 多 也」。 崔寔、 廢。 至,不 别,名爲《傅子》,爲 四十首,數十萬言,并文 的 經 内篇成,其子咸 子》, 議 玄 驗 關 少 論 人錢 撰 徐幹、 注 用 相 就 平 法 爲 時 論 一之流 結 歷 其 度 實 過 保塘 不 避 使得 經 史的 數 合 爲 仲 亂 淳 高 或 見賈 言富 己 裴松之《三國 遁, 量 稱: 河 無 正 以 長 他 九 眼 任 而 内, 齊孫 持 歸 統 實之言」, 而 及 生, 流 光 撰 傅 理 言 作 諸 示 切 於 及 内、外、 專 看, 玄所 濟, 或 或 自 司 三史 合 爲 修 人 孟 心 家 史 傅 相 時 知 空 以 於 經 誦

志》注 今天研究和 傅子》的 》等政書、 魏 徵 精 借 類 華 《群 書 所 書 所徵引, 在 治 要》以 其 豐富 綿延千 及《北 的 思想 堂 載 書 而 成 不 鈔》、《太 果 廢 值 應 得 平 我 該 們 是 御

的 卷。 補 嚴 庫全書》收録於子 卷刊行之,是爲《聚 臣 至 雜 大典》及 文獻 群 太平御覽》等 可 基 遺二 徐步 家,此 清 書治 本 嗣 均合二書録之,益 初,此五 隋 通 格局。 卷,凡 雲 後 要》傳 考》、《宋史·藝文 書 本北 各 嚴 從《永 . 書 氏 四 卷本亦失傳。 經 宋 光緒二年,方濬 類 又 回中土,其中所 所 卷,從 籍 樂大典》中 以 書 遍 載 部 後 志》著録《傅 所 搜 珍 有 儒 散 而 徵 版 篇 各 以《三國志》注 家 佚。 引 形 書, 名者 叢 類。 成今見《傅子》諸 者,得四十 書》本, 録 志》所著録,皆 乾隆間。《 重 中興 爲二卷,其 出 師 嘉 載《傅子》文較完足。 加 子》一百二十卷,入 在李恢坦 慶 編 + 書目 間 亦稱、 輯 餘 所引,編 四 四 東洋 以《 》、《通 官本。 條。合 篇 庫 餘 作五 協 全書 並 治 散 輯 人 助 爲二 所刊 録 條 要 爲 旁 志》、 ^ 下, 》館 卷。 本 搜 爲 四

> 年,傅 程 對 本、錢 中,得楊 年,錢 玄 氏、錢氏、傅氏三家皆 不同編者之手,内容相 鶉 遍 瑶 傳》,於讀者頗有助 合理,附 觚 爲 搜 田 詩 氏二卷本,編 保 以 嚴 輯 文 塘 希 禮 録《隋 雜著》, 編 関、孫 可均、周 亦 奉 輯 成《傅子》二卷 命 成《 修 書 星 釐爲《傅鶉 成《傅 校 廣 傅子 • 華 業 有校 聚珍 益 經 相 若,體 校 籍 \* = 助 子》 理是 志》以 記。 版 甄 並 卷 例 五 采 諸 觚 書敘 錢氏 大同 卷。 刊 並 書 集》 下 明 行 群 張 參 之。 略、《晉 本 上 五 傅 小 籍 溥 考嚴 篇 異。 卷。 述 子》亦 著 彙 光 E 諸 録 書 光 其 緒 組 氏 本 之《 \_ 緒 中 在 以 織 成 四 傅 及 嚴 於 其 七 傅 相 卷

閣 卷)、光緒二十二年傅氏 風 卷本(簡 緒二年八月廣 傳 ~ 四 録 室校刊之《傅子》二卷本爲 嚴 這 庫 次整 可 稱 全書》本《傅子》一卷本(簡 均 「方本」, 稿 理《傅子》,以 州書局 本《傅子》四 即《 刊行 演 傅 光 之方 慎 鶉 卷 緒 齋 觚 本(簡 底本, 濬 七 重 集 年 刻 師 五 校 稱 稱 傅 海 輯 卷 嚴 寧 以 録《傅子》二 以 四 本之前二 禮 影 錢 本」)、光 庫本」)、 輯 印 保 録之 文 塘 淵 清

《意林》(用《四庫全書》本)等等,反復比對,有參考 誤 師、 《傅子》五卷本(簡稱 力求盡 懷 者藉以了解三本成書始末及其版本風 本原有附録 價值的異文出校,以期爲 三萬卷堂刻 同 的 用《續 群書 着對 比對 時 歡迎 傅以禮等人爲嚴本、方本、傅本所撰序 注 儘 (用中 治要》(用日本天明七年刻 修四 鄉 爲 可 讀 賢的崇敬之情 能 主,底本原 者批評指 但 仍舊保留, 本)、《太平御覽》(用《四 庫 華 追 限 全書》影 書 遡 於 局 底 眼 正。 本 「傅本」)。 界 有校語皆予保留,不另出校。 正 九 新 印 和 從 文 五 增 讀者提供可信文本。 之光緒 學 事 九 所 孫 力,工 本 年 引 星 校勘 書 出 十四 衍、 原 本)、《北堂書鈔》 的 作 書, 版之校點本)、 以 嚴可均、 整理,主 庫全書》本)、 中 年孔氏三十 貌。 不同版 諸 難 如《三國 跋, 校 免 觀 方 有 俾 點 本間 上 者 底 疎

校點者 楊 軍

傅 序

專 切 信》、《禮樂》、《 隋 達 語 整 蕩 其 迥 多 尚 時 綱 天 治體,指 異 、唐《志》人之雜 齊 一爵禄 八諸子。 平實 刑 用、《治 性 傅子 紀 法 切 峭 **>**∕ 廢 之弊 醇 刻 ,》篇卷 陳 弛 詞 體 平 正 今傳 切 意 生 正 志 》、《法刑》、《問 賦 **\*** 至, 固 當 欲 舉賢》、《校工 峻 心》、《通志》、《安民》諸 之富 者 役》諸篇, 猶 厲 修 不 魏 家 示 是 間 舉 爲 政 過 最 儒 過 法 極 諸 十二三 然其《仁論》、《義 與名、法 家者 度 高 敝 論 子 () 綜核 刑》篇 無實之言。 之 爲 》、《檢商賈》、 言。 體 後, 治之要,尤 所 例 家 名實 風 綜 亦 論 之 近, 其 極 俗 皆 創 篇 故 以 特 虚 通 亦

> 體 見《群 誤 誤 見《群 明 無 盈 論 均 識 本 殿官本 例 爲 愧 傳多載玄論 收《韓子》、《申鑒》各一條,删之。 標《傅子》二條,録之而 》错 相 可 則 卷。 色矣。 收 亦 頡 簡者 書 并 與王 書治要》 略 多 人,分爲 頏 録 治要》、《意林》、《 是書雖所佚過半,然 可 同 之。 所未 符 附 覩 光緒七年正月海 `時諸子 、崔寔、 輯 録 中載《傅子》一卷,取校 魏晉間 治之文,❷ 二卷。 載,因 於後。 録之以繼後漢諸 ●荀 非 重爲 諸 ^ 其 《藝文類聚 意林》所 悦、 子 兀 可 校 御 編 零落 也 徐 與《 寧錢 **覽** 正 輯, 語 幹、 一於後。 傅 諸 零章 多 殆 載 往 保 仲 子》 子,可 書,率 與《 可采,其 盡 在 塘 ≪ 晉 書 所 長 ·佚句 其 都 序 武 相 官 物 收 統 門 散 英 不 發 有 本 理

0 玄」,原作「元」,避 崔 寔, 原 作「崔 實」,據《後 清聖祖玄燁 漢 書 諱 今 崔 駰 旦 改。 傳 改。 下 同

2

-7

以

所載

他

書例之,其先後均

依

群 書

治要》載《傅子》一卷,不録

海寧錢 保塘 輯

五

篇。

「《治要》曰」著之。

凡有篇名者二十

省繁文。有録日本人原校語者,以

多作「唯」,「一」多作「壹」,不悉出,以

之下。《治要》本「于」多作「於」,「惟

治 體 篇 0

德 畏天地者,以其能生而殺之也。爲治審 二柄,能使生殺《治要》作 政之大德也。 與 治國 天地並矣。 有二柄,一日 罰者,政 信順者,天地之正道也。 「殺生」。 之大威也。 賞,二日罰 不妄,則其威 人所以 賞者, 持

0 治要》,而參之以《意林》。 ,傅本皆無「篇」字。 名、《永樂大典》有之。 今標題據《大典》,編次依 卷二昉此。」 「《群書治要》未載 以 下各篇

「治體篇」,傅本作「治體」,題下注:

録

附

各條之後。

字句異同,注於各句

傅

子

録,附於後。

中 有

語

意

與篇名相應者,

篇》。其諸書所引雜論名理者,總爲

雜

法

注》引《宫室篇》,《藝文類聚》引《釋

要》作某。

繼以

官本《官人篇》,《

水

經

爲主,有改從官本者,本句下注明《治

篇名者,依原次附入。其文依《治要》

要》所載次

第別編之。

中有二條不知

原書次第。

因以官本所録篇名依《

治

者 刑 之。 慎賞 矣; 謂 善,雖 能 也 威 大 大 生 詐 公而 ; 刑 善而 乎。 所惡 所好 使 所 而 之惡皆懼 逆 罰 民 其 夫威 者 無 疏 惡 則 《治 而 不 民 德 不 天 而 而 民 賤 莫 天 畏 不 無 要》。 德 貢 賞之, 可 下 惠 罰之,則 不 必賞; 甚 地 肯 死 乎? 罪 者 教 者何 之善 畏 則 之 官本 不 於 輕 , 可 則 死。 則 民 相 死 邪 之; ? 皆 制 無 口 若賞 有 民 天下 民畏 須 不 路 信信 勸 者 得 惡 民 樂 賞 樂 而 明 善 也 順者」以 不 其 而 其 懷 公 善 治 其 生 濟 德 雖 樂 無 制 德 疑 者 罰 唯 , 而 威 貴 民 民 慎 功, 生,不 也 也 下 獨 矣。 矣。 者 之 威 罰 者 也 近 罰 任 德 罰 所 則 不 必 開 有 塞 足 德 故 是 天 可 베 善賞者 好 誅 貮 其 或 其 以 獨 下 惡 得 惠 不 以 莫 : 也 邪 立 正 肯 任 明 飾 相 而 可 甚 而 而 政 道 賞 詐 濟 教 威 忽 德 不 有 無 天 於

辯上下者莫正乎位,興國家者莫貴乎

學。 語 引 作 當 亦 統 物 秉 是篇文 理 内 綱 論 外 **※**, 而 者 因 目 接 附 莫 自 録 「善賞者 齊 於此 張 乎 執 四四 分 本 語 宣 而 ,今見 德 末 自 孝 治 體 者 從 篇 莫 明 意 此 林 平 六

## 舉賢篇

要》作一 天 家 文、武尊而宗之。 也, 心 下 者 以 地 至 執 之良才、《治要》作 不 舉 高 至,雖 可感 而 「壹」,下同。 賢 賢 宗 大象 户 者 爲 引 閲 急。 聖 而 而 至不爲之用矣。 而 之乎 致之, 況於人乎 相 其聽。 舉 所 之。 ! 賢之本,莫大正 陳平項氏之亡臣也 與 「財」。 亦云誠 共治 開至公之路,秉 吕 身不 尚 舉 天 傅 正 而 屠 天下之賢 古之明君 下 已矣。 説 釣 聽 者 巖下之築夫 之賤 也 不 身 夫任 至 而 故 一高祖 老 平 簡 則 先 也 《治 之 贵 誠 賢 天 王

要》無 漢,困 餓 何 見 相 之明,困 臣 後 文 以 口 與骨肉 立 舉太公望,天下 以 惟帝 夫,市 則 不 知 遭 莫奇於韓信。 可 一,桓 王 爲 疏 也 内 遇 以 將」、「可」二字。 賤 腹 終不 矣。 公任讐 非 其難之」。 了,宜萬 其 舉 滕 舉 而 心 中之怯子 徒 而 自 周 公, 賢 韓信 離 思 於 不 公 疑 兀 於亡 也。 里響應,不移景 士 誅 而 見 其 君 旦,天下 ,•信之奇才, 則 齊 去 賞 稱 知 高 大 夏 不 也、《治要》無「也」字。 命。 楚 建 國治。 身 矣。 贵 其公。 而 斯 祖之《治要》無「之」字。 以 帝 禹 而 不 已,又 以 小 然信 幸 亡,窮矣。 有言,「 王之業,不 免 不以 談,君莫賢於高 法 疵 而 荷 於 周 將 哉 忘 得 其 歸 公誅 戮 而 窮 爲 案 存, 無 大 漢 ! 知 死 將 私 而 法 德 私, 固 惟 弟 相 夫 歷 亦 願 其 而 不 則 又安得 水 至 他 時 可 以 宜 進 而 子 誅 值 濱 取 在 哲 公 高 人 典 臣 而 平 之。 祖 之 然 蕭 之 刑 其 巴 外 不 祖 治 不

> 之舉 聽 高,故 舉 矣。 納 哉 古 之勢異 祖 市 「項」。 難 伊 者易。₫ 人 而 · 咎 知 昔 尹 ; 可 韓 之功 思 蕭 在 陶 而 驅 難 前 人 進 信 何 在 得 下 難 知 然 者 高 求 立 而 卑 相 居 言,而 得 伊 則 進 立 難 下 下之 接之易,故 上 尹 咎 半《治 之處 之意 居尊高之位 豈 致 取 陶 **3** 蕭 地 不 士 致 要》作 殊 何 天下之士 者, 世 曲 之 何 也。 天下 知 之交合,定 勢 於 難 其 平。 因 人 卑 蕭 6 者 高 之士 人 相 之明, 而 何 其 故 天下 以 祖 知 易。 處 乎 之 勢 虚 一易 致 接 下 傾 絶 道 尊 之 故 人。 心 人 官本 湯 之 舉 尊 於 功 而 古 故 而 之 舜 易 道 自 處 卑 高 下 也

<sup>0</sup> 公一下, 思」下, 四 四 庫 庫 本 本有「亡」。 有「 而誅

難」下, 四 庫 本、方本有 道 一字。

易一下 人」,四 庫本、方本作「世」。 四 庫 本、 方 本 有

賢 能 咎陶 不 勞 説 之道博,故下無所壅。 之《治要》無「之」字。 而 而 以 也 道 治 一人何 (,患世. 神 也也 之士,何世無之! 甚 起 一、從二 要 不 良 也 霸 而 耶 既 求 之道 材 而 也 聽 ; 作 字。 賢 舉三人而 之者 .! 3 自 異 任 以 屈 無 得 而 下 則 心生; 0 也。 王 用。 人,退 伊 求 句 術 夫聖人者,不世 也 同。 使舜 Ē 上下不交,而大業 尹,②而又人人用 而 任任 今之人或 是代大匠 道 也。 設 不自三省, 致人之道不 專, 聽 道專,故 也 未得咎陶, 疑 明 之者, 致 明主 ; 也 而 何以 任人之道 舉二人而 人之 致 抵 一斲 任人之道也《治 僅 聽 邪 信 知 掌 而 也。 三人 道 而 存 也 不 博,則 其 湯 坐 而 之 出 也 耳 廢 得 然? 言 君 未 誣 不專 聽 何 者 博。 道 聽 矣。 間 目, 臣 得 之者 稱 殊 也 以 也 世,豈 易位 伊 此三字 舜 古 既 塗 致 任 僅 人 則 尹 賢 多 得 要》 興 塞 讒 何 人 存 霸 聽

> 官本。 求與 是以 則 仲 王 而 富 則 爲 五 不 之謀。 知 或 臣 王 求 顯 强 佐 「知」字從官本增。 耳, 武 至,欲 兵之人往,求 秦孝之强  $\pm$ 何憂天下之無人乎! 興 霸 而 則 九 霸 天下之不乏賢 賢 無 商 臣 進。 君 不 出 得, 欲 佐 齊桓 之以 唱 富 一之霸 無 或 法。 《治 也 强 不 要》, 和 顧 欲 管

堯不 馬,禹 工 明 三公總方 師 其 伯 然 能爲一焉,奚 士大夫分職 爲 耶 夷 司 ? 而 爲 空 議 秩宗, 一,后 當 堯 則 稷 而聽,諸侯之君分土 之時,舜 天子 以 臯 爲 陶 爲 田 拱 疇 爲 君 己而 ,變爲 理 ? 爲 官、益 司 而 正矣。 徒,契 樂 九 掌 正 子者爲 驅禽 一而守 倕 爲 何 以 爲 司

<sup>■ 「</sup>殊」,四庫本、方本作「正」

② 「既得」,四庫本無此二字。

<sup>●</sup>世無人退不三思坐語一世豈不惑邪」。
●大人」至「豈不甚耶」、《意林》引作「今人稱古多堅

授 以 臣 王 其 其 天 事 故 下 皆 何 **《**長 勝 也 ? 其 短 經》 任 堯 以 知 成 九 職 九 之 功 事 堯 遂 使 乘 九 成 子 各 功

器 旅 長 几 用 諷 ; 理 六 學 議 才 凡 八 日 0 品品 才 以 曰 農 才 此 研 以 商 才 有 量 事 綜 才 才, 九 以 幾 者 典文 以 教 也  $\equiv$ 興 稼 日 日 穡 長 或 德 五. 政 利 行 短 日 七 才, 經 ; 武 以 九 日 以 立 才 曰 Ι. 注 經 道 辨 才, 以 治 本 才 禦 以 體 , 作 軍

者 縱 爲 於 難 几 有 爲 德 儒 觀 横 所 道 或 者 者 其 長 知 典 異 者 人 辭 非 則 則 之 當 言 所 言 以 所 則言 作 難 觀 權 爲 分 出 曲 有 難 宜 者 莫 自 制 微 也 而 難 觀 然 而 説 貴 其 貴 於 又 而 詭 變常 以 治 别 公正 貴 非 合 默 真 玄 所 以 者 轉 僞 謂 虚 ; 處 應 九 觀 所 , 難 者 家 其 無 修 所 設 也 觀 行 殊 窮 出 所 修 其 務 所 於 修 出 謂 爲 語 於 出

> 乃 駕 覺而 之效 察 监 主,貞 蛟 者 闇 言 林 子内洗其心 言 人皆寐 鍛 影 聖 龍 吻 ,試之行途 無 此 信 高 銷 功 使之視 地 補 雖 一之道 視毛色, 則是非 凡 貪 淫 也。 而 愚 雖 人之所 立不 而 而 逃矣。 盲 者 歐 《長短 言 言 問問 一,以 者 也。 識 冶 之驗 廉 貞 易 雖 則 不 虚 常 其 不 經 而 方, 賊 良、 夫空言易設 能 臧 内 能 使 知 受 惑 利 立 而 獲 人; 設 之對 明 注 鈍 貞 貞 必 樂 口 言 定其 似 矣。 劍 觀 觀 人 不 見也。 主之所甚 外設法 而 皆 而 之 能 則 駑 是 亂 陸 默 外 怯 道 盲 必 良。 知 斷 真 貞 而 但 馬 喑 故 也 度 喑 明 狗 言 韓 責 多 窮矣。」 疾 者 試 觀 馬 四字 勇 連 其 端 九 子 則 也 青 責 車 實 流 執 從 以 詐 日 黄 實 識 截 發 蹴 君 事 僞 有 疑 而

官 慎 凡 都 縣 之考課 以清課 有六: 本則官慎 日 以 教 課 日 以 治 則

課 篇》文。 慎 子》,不言出何篇 日 今人稱古多賢」五 理 任 以 農 則官 前後三條, 此 課 能 慎 等 舉 備 則 以《意林》引 語 官慎 語,今見 官 四 意大略 也 日 務 以 長 《舉賢篇》, 相 六日 「君子· 役課平 近 短經 为 内洗其心」 悉附是篇 以 知 注 則官慎 第三 獄 課 此 东末。 條 四 四 訟 爲 條 語 事 則 《舉 下 引 官 五 賢 接 傅

### 授職篇

不能 中 屋 材; 擇 也。 右,必求良工者,裁帛 尺寸之木 必必 其 治國 裁之。 人乎? 徑尺之帛,方寸之木,薄 夫 大 裁徑尺之帛, 材 家 爲 況帝 者 夫搆 無 棟 先擇 梁, 棄棄、《治要》多作「弃」。 王之佐 大 小 佐 厦 刊 刊 材 然 一,經國 者, 木 方 爲 後 非 4 先 定 榱 之木, 左右之所 物 之任 擇 橑 民 也,非 匠 不 然 苟 大 可 也。 有 任 匠 後 不 良 能 所 搆 簡 左 審 故 工.

> 矣。 矣。② 非 國家之棟 獨 《治要》,官本。 屋 經國之本 有 梁 棟 梁, 也。 · · 國家亦然,大德 審 則 其 庶官 (棟梁 無 則 曠 經 而 爲 或 天 宰 之 工. 相 本 時 <del>\</del> 敘 此

#### 校 工 篇

興 其 以 盡 之服,兼四 首之飾,盈千 前 耳 ,用有盡之力,逞 失其民也。 目之欲, 天下之害, 百 姓 受其 海之珍。 殫 上欲 殃 莫 金之資。 生 毒 甚 民 無 無窮之欲,此 縱欲者 矣。 之巧 於 節 女 《治要》作 衆下 嘗見漢 以以 飾。 無 肆 極 窮, 上之人不 情 天下之變。 價 末 漢 用 淫 靈 力 筆之 之所 奓 者 婢 並 妾 有

<sup>●「</sup>木」,原作「本」,據四庫本、傅本、方本改。

❷ 「也審其棟梁則經國之本立矣」,四庫本無此十二字。

之極, 道 邪 之樂,欲以 鐫 而 德, 異端 十引 五十八引「翠羽 玉之履。「柙」、《北堂書鈔》百四、《初學記》二十一、《事 柱、秋兔之翰。 羽。 柙 翡翠」,「植 發」作「文」,「翠羽」作「翡翠」,「犀 賦 之亂 有 天下定矣。 石 · 筆賦 雕 「披珍玉之衣」,當即 ---此 爲 以 正 筆非、 虎 (興治, 靡 並 黄 》注均引作 若 」作「楨」。 碑 不 起。 金 一亦作 日 此 贵 至矣。 文犀之植 同上。 虎崇 息 ,豈不 不難哉」。 飾 此下《意林》有「撞亡秦之鍾,作 用之者必 欲 《北堂· 翡翠」。 以 匣。 僞,2 和 被被 然 哀 必必 書 璧, 公卿 珠繡之衣 **筆** 無 日 哉 《初學記》二十 鈔》百四 衆 陳 明 賦 被 象 ! 綴 邪 |作「兔」。 於 注 大 制 珠 盎 以 之亂 夫 」異文。 夫 又引 一之管、 十同 繡之衣,踐 隨 經國 衢 刻 正二 欲 珠 「璧」作「玉」, 《藝文類聚 息 石 豐 妨 《書鈔》二 由 兩引皆 立 發 語。 制 爲 是推 功 功 狐 以 鄭衛 明 碑 之 喪 雕 之 翠

而

而

#### 檢 商 篇

防, 化淳 足以 心。 獲」。 大 化 積 可 君 或 (道,而] 也。 甚賤, 日中 充口,器足 僞之所生,不 淳,上少 夫商賈者, 天地之利,通 有 臣 定制 相 暨周 鳥 而 民 與 市 欲 其 ,下供常 樂 世 業 體 以 民 其 而 一般盛 所 交易 不 生,敦 ,上下譬之形影 給 可 下 以 有 可 不 用,居足 尠 ,承變極 伸 事,役賦 無 廢 爲, 而 審 以 盈 而 退 察 大質 衣足 虚 蓋 各 也 以 四 文 衆 而 有 得 以 避 海 利 權 恒 而 而 古者民 其所 暖身, ,官恕民 之財 風 之所 《治要》作 下 而 重 雨, 業 爲 無 不 之 蓋 養 樸 食 逸

以

廢

極 傅 本、《治要》有

<sup>2</sup> 四四 庫本無此字。

專市 其 無 朝 欲,而 且 和 業,●荷 異 貨 忠 廢常賤、《治要》曰 如者,分數定也。 非常之求,君不 乎。 墮 治 賈窮 於 等,萬 末 君 要》 ,自公侯 而 之賈, 流 字。 上 子 恩 作 溝 公室、●農夫伏 咸安其 濫 逞 侔 直 「典」。 壑。 機 下,下 懷 僞 溢 無 父子。 邑有傾世之商 運 至 利 於 厭 而 切之風 上 於 道 於 市,臣 而 之欲 以 本源竭 愈增 窮 索無用之寶,民不鬻 卓 民 上 詐 賤 死 上不徵 夫神 周 隸 不 其 疑 下充無 起矣。❷ 百 而 無 挾 綜 職 越 父,一 僕妾,尊卑殊 於隴 事 不 常之 農 纖 邪 \_ 其 法。 知 動 非常之物, 靡 正 以 競 目, 壹之以 商賈富半 所 於下, 畝 厭 其綱 盈 好 人 於是 图 及 逐 歸 之求。 市 以 而 唱 治 秦 末 6 而 墜《治 ,先之以 徵 欲 亂 要》作 士 利 加 禮 哀夫 穀 於 治治 樹 下 四 六合晏 而 無 而 帛 中正 治 貴 億 三要》作 都 奸 棄 民 不 用 内内 要 有 於 無 兆 本 而 賤 之 供 6 作

> 矣! 静 學士 不 用, 其 商 業。 本 其 息欲 賈 而 ,此猶縱 野 用,賈思其常,是以 勢 賤 不如一 器 不以 不 然 故明 用 末。 非 於上, 也。 以 不 適 時 經 君 火 如 市, 朝 市。 用 古者《治要》無 心。 焚 止 上 而 ,工人不 無 八林,而 息欲 一市不 欲 7 蔽 欲 士思其 而 事 賢之臣 求 寬 上用 非 索原 《治要》作 上 如 以 下 訓 田 息 「者」字。 措 足而 農 桑, 急 野 朝,一 市 欲 手。 之 「於」。 商 而 思 無 農 下不 不 言非 專 而 下 其 物 夫 朝 利 緩 彫瘁,難 反 務 非 不 下之安 不 匱 心農, 貴 真矣。 之賈 了, 工 典 世 如一 一。故 以 資 義 思 翼[

<sup>■「</sup>廢常賤競逐末利而」,四庫本、方本無此八字。

❷「苟且」,傅本、《治要》作「苟合」。

<sup>「</sup>厭」,四庫本、嚴本、方本、傅本作「極」。

<sup>◆ 「</sup>半」,方本作「乎」。

<sup>「</sup>所歸」,四庫本、方本作「歸農」。

<sup>「</sup>哀夫」,四庫本、方本無此二字。

<sup>「</sup>經心」,四庫本作「樂心」。

暴貴 役下 日 則 或 前 或 兼 《治 無 ,賦一物非 非 富民安,未之有矣。 :要》無「日」字。 并之路開 商 擅 賈 Ш 常暴貴, 專 澤之 利 民 則 民所生而請於商賈, 兼并之路開,●而 則 暴 四方之資困 賤。2 本 臣 竭 同上。 蔽 而 民 末 賢, 財 盈 暴 則上下之道 , 末 民 賤 L 擅 盈 則 以 而 Ш 本 無 非 民 澤 竭 常 常 財

#### 仁 論 篇

己所 己以及 也。 天下,則天下之爲人子者,不失其事親 所,若己推而委之於溝壑然。 推己心有樂於妻子,以及天下,則天下 欲,以及天下。 利或不興,須仁以濟,天下有不 昔者聖人之崇仁也,將 人人也。 故己所不欲,無施 推己心孝於父母,以 以 夫仁者,蓋 興 於人。 天下 得 之道 之 利 及 推 推 其

> 字,下誤以《申鑒・雜言》下篇文二百餘字續之,今删 乎遠矣。《治要》。官本有「古之仁人」至「莫不知恥」三十 唯 憂矣。 不忍而放魔,皆仁之端也。 加 至矣。」此之謂也。 若子方惠及於老馬,西巴 不知恥。 遠之有哉 不 之爲人父者,不 民 不内 忍於飢 莫不 此三者, 推 寒,以 孔子曰:「仁遠乎哉,我欲仁,斯 尚 其 ! 德。 心,以恕乎人,未之 古之仁人,推 非 及天下之心,含生無 失 推所惡 難見之理,非 其 室家之歡 以 推而 誡 所 好 天 廣之,可 矣。 下 以 思 難 訓 耳,夫何 行之事, 加 推 凍 天下, 民 餧之 以 莫 及

爲 帝除民之害,救之者 者 ,以咎繇 庖犧、神農,順民之性,育之者也。 既 舉,而 也。 不 舜治天下,垂拱 仁遠也。 禹 治 洪 黄 無

<sup>● 「</sup>兼并之路開」,四庫本、方本無此五字。

<sup>《</sup>治要》改。下同。《治要》改。下同。

水 枯骨,天下懷 仁心先之也。 三面之網,歸 ·, 冠 挂 不 顧者,不以下憂累其 之者四 其 《太平御 十國。 覽》七十七 所 惠 者小 文、 ·, 所 武 上 葬 也 成者 城 0 、隅之 湯 去

物 以 也 0 濟 同 此仁 不使不 必 上。 世 而 . 形 此 仁 後 於 加 條疑《仁論篇》文,附録於此 撥 乎 亂,黄 夫 此 下, 著 於 帝 用武 治 是 平, 也 勝殘 堯 時 而 舜 有 百 是 姓 萬

### 義信篇

治 聖 順 而 昏 民 君 境 明 者, 賢 内 有 蓋 壹天下,此王 佐 常 以 天 未 王 王 地 和, 將 之 著 者體 化 有 君 信信 世 子 也 而 美俗 信 履 者之信 四 信 而 夫 時 萬 去信 而 象 不悖, 國 厥 天 也 以 身以 須 則 安, 日 臾 地 據 月 諸 而 法持 履 著 能 侯 古之 信 信 安 秉 正 上 信 思 而

> 忠其 夫婦 以 夫 下 以 子,子不 不 心 行 上 子之信也 1,守而《 也 以信 化 紛 信 而 以 承夫,則君 結者 然 君。 相 下,下服 不貳,此諸侯之信也。 以 疑 夫爲人上,竭 先其婦,●則婦 而 御 信 《治要》 父以信誨其子 也 於 競 臣 以 故故 室矣。 講 相 作 常 臣 事父,夫不 臣 欺, 信 人君 相 以。 而 不 修 應 人 疑 小大混 信 義, 至 以信 倫 於朝,父子相疑於家 不移,以 以 以 誠 一,其 於 而 ,則子以信孝其父。 信 . 信 奉 開 訓 是亡 然而 人道 順 君 以 不 信 其臣 言出 其 ,父不信 化 遇 以 立其身 定矣。 矣。 懷奸 夫。 婦,婦婦 者 待 則 乎 下 П 夫信 白 L 心, 8上 臣 未 秉 以信 以 若 結 不 此 則 常常 有 教 懷 由 君 平

<sup>●「</sup>有」,傅本作「育」。

<sup>「</sup>心」,四庫本作「謀」。「此」下,傅本有「仁」字。

<sup>「</sup>先」,四庫本作「遇」

乎 所親 也。 待 信 其 也。 下 而 而 申之以禮教,而 有 顯 ·之信 結 子 以 不 者 ! 信 舌 不 乎 信也。」 不云乎:「信 周 不信隨之,是以《治要》作「亦 歡 治要》,官本。 信者 幽 也 然 知 懷 斯 以 故 而 亦 所 故 奸 不 詭 故以信 樂 親 者 疑 禍 信, 示之以款 烽 則 民篤於義矣。 進,不信者赧 飾 , 莫 滅國 不信亦 況 左右盡己之所疑 大於 邪 不足焉者、《治要》無 本 待人,不信思信; 以 齊 無 自 無 誠 疑, 信者 襄 納 信 而 以 0 則忠誠 然 夫 乎 民 瓜 無 此 以 莫 而 ! 時 無 信 日夜見災 欺其 沉沉 致殺 上接下, П 先王 信 者 則 意矣。 「者」字。 之禍 不信 喪心 天 不 上。 欲 下 知 非

## 禮樂篇

傅子曰:能以禮教興天下者,其知大

此 不謂 可得 也。 者亟亡,而立人之道廢 三者,可不謂之近 三本者立,則天下正。 本之所立 日 道 禮之情 父子,以定家室; ❸三曰 而 之遠乎 俱 大本有三: Ē 设,雖 也 乎! 天下不可 ! 蔽 夫大本者, 由 天 近 乎 地 曰 以 ! 不可 三本 得 君 知遠, 矣。 用 而 臣 夫婦 之而 正 與天 木 禮之大本存 以 以 推 立 質 則 以 立邦 地 己以 蔽 文損益 則 有 並 天 别内 或 天 國 況 地 存, 有 下 外。 可 乎 木 與 變

賊 内 去 九 禮 族, 商君始殘禮樂,至乎始皇,遂滅 義 之教,外 破 五. 教, 無 獨 列 任 或 其 一之輔。 威刑 酷 日 暴 縱 之 其 桀紂 政 制

<sup>■「</sup>納」,傅本作「立矣」。

<sup>「</sup>損益」,四庫本作「益損」。

<sup>「</sup>家室」,四庫本作「室家」。

<sup>「</sup>賊」,四庫本作「賤」。

泰山 禮 覺 奸 之淫 之。」其秦之謂 於野,其爲 藩 難 石 党非 謀 城 衛 義者,先王之藩衛 之安。 (造天,威淩滄 樂,君 也。 内 年 一發,而 敬 而 夫齎不 危 臣 義 滅 敗,甚於累 易》 競 不 太子 乎 留 立 曾 貨《治要》作「訾」。 日 意 海 ,和愛先亡之禍 無 己 同 : 也 於刑 盡 胡 死 上。 忠效節之臣 上 卵,方之於秦,猶 於 越 官本合爲 秦廢禮義,是去 書。 不 外 慢下暴,盜 動,身一 矣。 雖 一節 之實,獨 荷 也哉 死 戟 胡 以 未收 百 亥不 思 救 ! 萬 伐 其 其 有 宿

### 法刑篇

罰 者 下 服 所 日 其 刑 以 文 3 化 善 正 不 防惡謂之禮,禁非 故先 治 法 世 也 禮 一之民 而 明 後 從 書 刑 善者 禁 也 \$ 立 多 亂 日 是謂之法,法 」, 上 法 世 。 誅 之民,從 立 德 殺 威 而

> 樂,哀矜之心至也。 措 作 誅。 也。 善者 輕 刑 五 罪,非終,乃 而 其 五 刑 重 相 法之本也。 虐之刑 手足矣。 以 濟矣。 意善 少,上 周 以 成三德。 書》 定厥 過 不 是故 設 誤 惟 日 中。 能 故聖人傷之,乃建三典,殊 禮 雖 告 · 小, 炮烙之辟, 若乃暴 聖帝 以 法 裁。」然則 大 司 德 殊 八辟議其故而宥之,仁 必 寇 明 乃不可不 化之,故 塗 一赦。 王 行刑, 君 而 而 惟 昏主,刑殘法 心 同 此 天下之民 惡者 刑 歸,賞 君 先 先 殺 之恤 爲 刑 王 之不 刑 所 雖 而 乃 惟 無 有 後 遞 以 小 舉 敬 其 立 所 必 大 禮 用

<sup>0</sup> 天威 本無此十九字 淩 滄 海 胡 越不 動 身 死 未 收 奸 内 而 太」,

<sup>「</sup>禍」,四庫本作「分」。

字,據《意林》加。」
先禮而後刑」二十字,校云:「《治要》無天地以下二十年禮而後刑」二十字,校云:「《治要》無天地以下二十年過」下,傳本有「天地成歲也先春而後秋人君之治也

法見弱 刑妄 中 也。 刑之法疑任字誤。」此法所以 叛 以 而 者,失其道 戮及善民,無辜 萬 興 愛之情篤 或不 諸 也。 侮《治要》曰 民 而 輕 末儒見峻法之生叛,則去法 善 ,舜誅四 侯 《治要》。 法之失政,則去仁而法刑、《治要》目 能自保其身,何也? 人困。 則 獄 乘 也。 威 也。 緩 其 侮 政 M 死 官本有 弊 剛 柔愿之主,聞 上疑脱威字」。 天下,罪連三族, 墮 而死者過半矣。下民怨而思 而 齊、秦之君,所以威 而 也,則妄輕其 猛 而 天下服 起。 之主,聞先王之以 「是故聖帝」至「手足矣」。 法易犯,元惡赦,則姦 世 萬乘之主死 也,於是峻法 輕 世 法峻 刑 先王之有哀矜 重 而 前 而 而 純 制天下, 赦元惡 教不設 於 恒 Ŧi. 語刑 人手 失 刑 偏 一法 其 糺

堂書鈔》四十三。 善惡相蒙,故齊之以刑,以綜真僞。《北

法之嚴如火烈。《北堂書鈔》四十三。

無仁 有 以稱仁矣。 之,故不敢違其令。 令之發,天下畏之。 之有威令也。故仁令之發,天下樂之。 春生,猶君之有仁令也。 也。 可樂,無威可畏,能保 天爲有刑之主,君 《太平御覽》六百三十八。 威令發 而下不畏,無 若寬令發而 樂之,故樂從 爲 天 有 國 以 國之主。 致治者,未之 秋 以 人不樂,無 殺, 人其令。 言威矣。 天 猶 畏 威 以 君

縱 封 此四條疑《法刑篇》文,因附録於此 豕 若 於境 親 貴 内、放長蛇於左右 犯 罪,大者必 議 小小 也。 者 又六百 必 赦 五十

# 重爵禄篇

爵禄者,國柄之本,而貴富之所由,不

■「殺」,原作「發」,據傅本、《御覽》改。

於朝 其耕 善 塞 是 私 官。 實 與。❶ 此 敢 禄 不 爵 人 미 制 嗜 以 不 利 ,勞臣 尊 而 立 也 可 虚 以 公議 謂 干 厚 官 爵 重 不 則公法 4 敢 欲之情 足 用 居 禄 爵 級 讓 輕 而 重 以 不 教既 德淺 之。 以 之分 有等 後 官 矣。 禄之制 之 也 敢 私 日 衛 致 奉 教 繩 利 以 興 滅 德貴 立 功 也 而 夫 然 治。 職 治 存 之 微 經 而 寡 乎 稱 要》作 爵 心於上, 百 者, 則 心。 則 功 私 廉 者 功 其 官各 爵 非 者 受 爵 2 良 利 受輕 位 恥 坐 多者,受 善制之能 禄 位 「衒」。 非 既受禄於官, 然則 重 士 日 而 之 而 敬 之分定, 實足 之級,而 德 禄 不 廢 顯 化 食 其 宗 爵 不 況 先王之用 敢 矣。 議 於人, 行 職 黨 重 授 利 小 以 廢 無 獨 位 爵大位 而 之 必 大 明 貪 薄 禄 賤 德 禄 治 周 既 君 鄙 於 明 而 薄 者 臣 足 德 非 無 也 其 爵 下。 選 官之 必 之 論 或 食 以 禄 受 功 功 一, 厚 禄 誉 路 於 代 其 貴 必 順 道 卑 而 不

> 猶 其 薄 職 雖 則 所 則《治要》有 民 而 須 一面 滑 吏 以 舉 薄 雖 其 良 而 之 其 夷 舉 其 必 禄 佐 不 不 、叔 盗 源 清 禄,近不 廢 也 有 知 省 跖 而 也。 而 以 必必 「天」字。 節 則 其 不 望 不 行 吏競 其 犯 其 事 不 行 足以 之 敢 吏 其 流之潔 知 也 爲 也 下 則 背 官 制 所 濟其 非。 力 事 本 公義 矣。 凡 以 作 欲 繁 既 也 身,遠一 致 欲 「利」。 不 竭, 而 治 夫 誉 6 清 爲 知 要 職 授 治 私 而 而 所 知 厚 作 亂 不足以 夷 求 者 上 利 以 所 其 故 猶 其 叔 致 以 無 禄 此 知 清, 未 清 致 以 及室 不欲 也 教 省 治 事 供 之 削 其 此 其

0

非」字下,

四

庫本

有

「其」字。

十

6 6

滑」,

四

庫

本、

方本、傅本作「利」。

四庫本、方本、傅本作「渾」。

微 功 受 重 禄 況

<sup>4</sup> 3 2 字。 君必 廢」, 以 順 四 庫 本作 四庫本作 無 德 無 功 而 敢 四 庫 本 此

矣。 鮮矣。 濁 清之若此,●則 上 興 仁 不 矣。 則 骨 壑,而莫之能知 怨,不憚 以 不 夫棄家門委身於公朝,榮不足以 家,父母 仁義 於内, · 足 致 ·營則 不見信於君,下不見明於俗 孝之道虧,名譽之利損,能守志 肉之道 善者變 以 由此言之, 吏禄不重 養,必不採薇於首 家困 人《治要》無「人」字。 之 濟 骨 遠 餓 而交離 理 家室,骨肉 虧 肉 於前 而 近 而 衰矣。❶ 則 之道 陷 之 身 改行 也,3豈不悲夫? 謫 ,妻子餒《治要》作 於外,薄其名,必時 於非,若 怨毒之心生,怨 朏 虧,營之則 死 不 而 怨於内,交黨離 使夷、叔 從俗矣。 移 而 [陽,顧 主不詳察,聞 此 後 之 則 而 士 已,不改 夷、叔 奉 能 有 不 公制 清者化 公之 餧」。 以致 ,遂委死 毒 父 庇宗人,禄 顧 天下知 而 必 母 之心 私 黜 而 不 治者 犯矣。 其行。 制 於後, 於 存 門 - 移者 守 其 其 而 外, 生, 犯。 爲 爲 身 溝 之 怨 死 無

未之聞也。⑥《治要》,官本。

## 平役賦篇

豐約 下同 物,上不興非 分,諸侯有常 用。 利用之宜。是故隨 乃立 心,以奉常教。 而 昔先王之興役 平均之,使力 壹定之制 常之賦 職 焉。 時 賦 · 下 民 萬 以 足 質文,不 ,6所 雖 或 爲 以 -不進 輸 致 常 供 以 其 力 典, 事 安 致 非 貢 過 上 器器 財,而莫怨 常之貢,上 其 甸 財 節,計 濟 都 足 用 下, 殊 以 有 其 唐 民 盡

<sup>「</sup>怨毒之心生則」,四庫本無此六字。

<sup>「</sup>時」,四庫本、傅本作「將」。

<sup>「</sup>而」下,四庫本有「終」字。

<sup>「</sup>天下」下,四庫本、傅本有「之人」二字

<sup>「</sup>聞」,四庫本、方本作「有」。

<sup>「</sup>役賦」,傅本作「賦役」。

<sup>「</sup>興」,四庫本作「舉」,方本作「與」。

六

帝之時 之力 怨 謂 之力 處 或 之。 衛 梁之疇 其 盈 德 海 其 百越之戍。 治 已 事。 甲 其 内 任 上 即 用之至平 兵 平 也 收 驪 欲。 威 者 天 而 繼 遂 之備 外外 哉 於是 無 其 Щ 下之 顔 以 滅 競 所 奮 事 役 之基《治要》曰 置 口 有 驪 先 務 相 劍 之世 蓄 賦 六 及 籍 赤帝 知 也 夫 公 Ш 民 王 吞 大 怨 間 過 矣。 之役。 用 其 之 代 而 興 一故周 呼, 積 左,竭 太半,傾天 亦 制 必 制 前 禹 大役 、蚩尤之難 人之力, 憤 1敗,況 昔者, 不 有 而 鑿 ,行其暴政 天下之民 「基 外 得 天下 常 (,再行 之典 同 龍 天 築 聲 也 疑 下 不 門 東 御 歲 墓」。 下之 長 之民 之力,不足 勞 而 制 野 天 闢 天 不 城 戰 起 也 内 載 畢 困 下 誅 伊 過 未 財,不 之限 國 響 焉 設 御 而 内 矣。 三日 閉 闕 之 陳 勞 居 應 舟 盡 造 口 涉、 際, 若 築 車 而 無 盡 以 以 足 秦 其 而 重 阳 者 九 門 黄 以 以 不 安 人 馬 并 敵 從 項 周 房 棄

> 之,庶 其 下 夏 所 以 則 賦 儉 率先天下, 山 禹 定 以 奉 至 重 而 滌 有 之積 六典 成 上之禮宜 有 幾 事 白 其 常 世 節 雖 ĴΪ 宜 也 儉 也 無 功 所趨 勞 從 天 也 事 過 周 下 而 省 即即 崇? 役 門 公 制之有常,隨 樂盡 不 以 後之爲 煩 不 或 役 也 怨矣。《治要》。 致 賦 人, 家之制 簡 其 其 重 故 而 薄 用 政 力 賦 世 則 飲 ,思黄 此 宜 輕 有 而 上宜 食, 時 黄 備 不 事 益 帝 帝 卑 此 役 敢 官本有 損 損 即 宫 辭 之至平, 簡 夏 制 周 役 而 室 賦 勞 二上不 息耗 公所 禹 以 煩 輕 恤 之 而

#### 貴 教 篇

至 廳 也 虎 至 可 猛 教 也 而 可 使 威 治 木 至 》作 勁 也 畏 可 而 柔 服 而 屈 鹿

之心 役 鬥 字。 恃 天《治 其 巾 中 知 夫 教 而 仗。 重 有 石 手 力 或 所 力 兼 商 教 義 善 至 亂 其 獨 務 韓、韓、 以 而 行。 堅 所 濟 身。 可 要》無「天」字。 節 以 將 大 所 教 用 争 大 以 其 也 無 智 義 成 3 甚 以 也 孫、 、善、於一 常 至有! 貴 教 役 則 義 有 焉 日 而 因 可 制 節 教 同 立 惡 力 吴,知人性之貪 死 消 義 人懷好利 則 四 之 探 禮 乎 者 是 可 立 而 是 何 而 日 夷者 湯 下 者 道 改 夷 禮 也。 東之以 用 不 者 智 乎 者乎 狄 赴火而忘 惟 也 行, 0 故故 顧 ? 禽 巧 矣。6 禮義 以 力 之心 者 | | | | | 日 禮 士 況 禽 大 ! 冷治 是 矣。 法 矣。 用 設 有 潤 善 2 人 恃 之教 要 ,則善端没 9 失《治要》無 要 得 含 其 伏 而 保 教 人 而 此 不 無 之 惟 樂 身 義 之所 五常 義 「伏」,官 其 相 先 惟 行 以 者 争 進 通 以 殘 性 也 故 同 王 字。 之性 是 功 9 重 4 無 然 好 平 而 義 大 矣。 務 莫 本 失 者 失 利 智 若 禽 使 極 不 成 善 作

乎。 任 則 利 力 也 任 是 故 力 恃 力 争 相 治 利 争。 其 要》,官 殘 出 則 無 於 不 父子 修 極 禮 大 禮 讓 亂 亂 幾 讓 孰 幾 乎 則 即 大 希 修 相 上 焉 耳 禮 危 安 o 讓 下 而 人之 不 順 利 況 濟 出 而 於 性 其

於

力

争

避

害

從

善

而

惟

無

侵

奪

悠

悠者

### 戒言篇

修 行 上 則 好 義 德 興 則 焉 下 修 飾 行 辯 則 大 好 偽 言 起 則 焉 下 6 飾

此

必

- ●「消」,四庫本作「柔」。
- ② 「改」,四庫本作「攻」。
- 3 故義 故 義 威 成 而 而 禮 教 行 行 四 庫 本 作 成 而 禮
- 「故禮」,四庫本無此二字。
- 「狄」,四庫本無此字。
- 「修行則仁義興焉飾辯則」,四庫本無此十字。

然之徵 也 德者 難 成 而難見者也。

以 衆,故不尚焉。 易撰而 言之悦取 易悦 者 也。 不 則天 尊 先王. 賢 下 尚 知言之易而悦之者 之棄德 德, 舉善 飾 以教 辩 言者 以 前 要

已,雖 祭利 也。 有 存 好善尚 夫貪榮重利,常人之性也。 死亡《治要》無「亡」字。 焉 德之性,而又 故上 好之,下必 食祭 不 避 趣 而 之。 也。 上之所好, 重 利也 先 趣之不 王 -%治 知

其上者,不

尠矣。

何者?

德 難

爲

而

言易

飾

夫榮 其 所 無 利 尚 也」字。 者 故 可抑 禮 故貴 讓 而 興。 其 不 所 可 抑 尚, 絶 其 也。 所 而 貪, 抑 故 其 故 明 所貪。 廉 爲 恥 顯 存 名、 貴

不 高 行崇德,則 獲 位 此賞 一、豐 禄、厚賞,使天 不得此名,不居 此先王立 教之大 下 希 此位,不食此 體 而 慕之。 也。 夫 不修 德 禄, 修

之難

,不積

其實,不成

其

名。

夫言

. 撰

之

易

合

所

悦

而

大用,修之不久,所悦

無

常,故

君

不 貴 也。 同 上。

### 正 心

感,而 心,必 焉 王 不 統 修 廷、長短經》二引無二「國」字。 故 朝 正 右,左右不正,修之身,身 令而 正 彌 ,萬邦作 也。 天 ,身正而後左右 廷 近,而 下 正 立德之本,莫尚乎正 有 況 心 《治要》無 行。 不 而 正 於 之 正,修之國 後 謂 所 孚」,此之謂 德 人乎 ^ 大雅 或 濟彌 也。 也 家 以 ! 二字。 <u>\*\*</u> 遠。 正 心 正 正,左右 況 德 者 家, 或 動 於 儀 禹 也。 臨 家 神 或 萬 而 朝 刑 湯 不 心。 民 正 明 物 正 不 罪 正,修之心。 家 廷 有 治 之主 乎 失 猶 己,其 不 而 而 不正,修之左 邪 要》作 心 正 後 樹 ! 正 後 心 正 天 表望 天 朝 ,修之朝 形 夫 必 萬 興 而 下 廷 有正 有 後 也 地 理 正 正 枉 之 勃 文 身 所 口

樂 所。 及 爲 年 不 自 子 其 之 也 乎天下。 知 與 馳 行 其 , 0 · 得 固 不 得 倫 能 雲 所 而 和 者 無 失 則 矣。 夢 以 正 離 則 修 而 禍 者, 乎 之野 要》無 不 治 枉 其 無 身治 《治 四 機 情 逮 昔者 失者 和,達 禮 不 行 海 發 自 乎其 天下 要》 與 得 臨 人,先 度 蒙 也 於 忠 得 志 臨 「有虞」 ,營妻子不足,故 無 矣,苟 儀 字。 民, 其 左 (身,達) 也 有 IE. 朝 則 乖 法 則」字。 佑 右 仁 正 猶 餘 宰 兼 若 存 形 氏 理存 者 其 秦 樹 故 自 事 則 善天下,物 乎 則 乃 神 彈 始 心,自 失 曲 文 自 縦 否 體 情 身 象 乎 且 五 皇築長 則 表 失 王 情 則 繫 坐 絃 矣。 不 心 則 其 無 而 世 得 保 之琴, 用 曲 廊 相 遠 望 否 則 人 不 而 身居 物 保 房 廟 古之大 城 無 其 則 失 斓 也 夫 萬 己 之内 之娱,心 影之 推 之 不 矣。 孰 而 矣。 是 内 品品 而 正 得 塞 左 不 天 殃 己 外 心 不 直 推 以 以 及 非 其 終 無 君 失 右 能 咸

> 妄, 心 用 不 知 心 萬 心 四 國之聲,天 之色,天下 己,惡 以 或 可 以 心 海 6 保,亡 其 況 虐 爲 以 爲 之外,口 人,故視 之憔 此二字《治 率 心 萬 有 先 正 事 不 ·男 秦 下 天下 於 瘁, 主 · 得 是 窮 小 女 内 要》作 用 猶 其 大 怨 天 也 動 人如用草芥。◆ 而 而 性 下 哀 曠 未 而 後 秦 後 足 慮 之 怨 者乎? 而 無 天 之 動 以 味 不 而 節 下 虣 逞其 静 肯 用 不 則 宫室 履 恤 君 天 不 知 亂 古之達治 正 妄 欲 3 下 撫 也 故故 造 前 , 2 使 目 也 天 先 惟 咸 耳 動 用 玩 則 而 静 正 淫 保 不 意 左 傾 起, 如 其 其 推 城 不 盈 右

其

佑

則

文王

其

也

四

3

<sup>2</sup> 0 庫本作「挾 大」,四 推 13 以 及 庫 本 人 無 而 此 四 字。 海 蒙

<sup>「</sup>虣」,四庫本作「虐」。

<sup>「</sup>視用」,四庫本作「用是」。

<sup>「</sup>動静不妄」,嚴本、方本、《治要》無此四字。

性也。斯遠乎哉,求之心而已矣。同上。

## 通志篇

制。 管叔、蔡叔,弟也,爲惡,周公誅之。 至者多矣。 門」,則天下之人 行 者,以其不逆之也。❷ 下之人樂爲之聽矣。 泰 惟無忌心,故進者自 則天下之人樂爲之視矣。❶ 安焉,遠者歸 然,浸潤之譖 至公者,莫要乎無忌 夫有公心,必有公道,有公道,必 丹朱、商均,子也,不肖,堯、舜 夫能 通 衆流不至者多,則 天下之志者, 焉,枉 不敢 輻湊其 直 干 盡 江海所以能 苟有 取正 也。 心。 · 而 庭 莫大乎至公。 矣。 所 達四 退不懷疑 《虞書》曰 惟至公,故近者 ,而天下信之。 逆, 無 衆流 明 以 爲 聰, 成 百 四 黜之。 八,其道 苟不 有公 其 之不 谷 闢 則 目 深 王 天 兀 能

> 萬 獨 而 也。 道。夫《治要》作「未」,誤。 之用,無 碏誅之。 善 其子,則 政 進,6 親 舜 則公道廢而 雖 疏 惟 殛之。 子 患 黨 而 弟不 於天下無所忌矣。❸ 遠 冀缺,讐也,晉侯舉之。是之謂 别,每 衆 所 無 流 不 赦 禹 近, 異 好之流退矣,通者 上之人或有 私道行矣。 聖 則於 源 苟 明,舉用之。 清 所 天下 在人上,天下皆樂 懷 濁 得達,●死 不 無 所好,所好之流 於是天下之志 同 石厚,子也 所 戮 私 愛惡 一而 其父而 矣。 命 相 塞者 可 鯀 攻 致 授 亂

4

6

<sup>▼。</sup> 字。 子,四庫本無此十三

③ 「忌」,四庫本作「枉」。

<sup>「</sup>得達」,四庫本作「無遠無近」。

<sup>「</sup>親」,四庫本作「吉凶生離」。

<sup>「</sup>所好」,四庫本無此二字。

<sup>▼ 「</sup>私」,原作「利」,據四庫本、嚴本、方本、傅本改。

成, 正 志通 謗之木,容狂 賢者爲 而 閉之道 上之所 通 右 塞 無忌 小必 而 而 、公制立 上 不 變業 上戮。 也。 聞 勢 ,是之謂 通 人守 分矣。 實 欲 以求 故先王之教,進賢者爲 志 寡。 則 自 狷之人。❸ 順禮者進,逆法者誅。 而 私 納者 公制 外倦 進 昧 日 曲之情塞矣。 否,2 矣。 於 因 也。 於 利 左 任公而 者, 昧 人 則 右 公道行則天 而 雖 利 而 知 内 見 者 達 趣 去私 者 寡 變業 左 則 上賞 聞 盈 右之 權 内 此 庭, 設 下之 而 移 恕 誹 蔽 黨 必 自 左 而

惡 難 其 聽 將 也 本 言不如 聞聞 ,則是非 和衆定民,而 分、微而害深者 凡 言不可 觀 有 事 血氣 觀 有 必 事 錯 不 校 ,荷不相 前 審 殊 觀 其實,觀 也 其善惡,以 事 ,莫甚於言矣。 飾 不 辯 聞 順 如 巧言之流 行 言未審, ,皆有争心。 觀 必考其迹,參 行。 通天下之志者 聽言 起矣。 而 君 以 人者, 定 必 隱 善 審 故 而

> 學,政 衆 其 者,何 漏 聞 疑,法 秦任 章、公而 約法三章,論 用 者 則遠者怨、《治要》無 、歸之。 八略也。 吞 ,此秦之所以不二世 秦法,秦不二世 而 舟 私 詳之,近 雖 峻 也?」答曰:「 而 簡 而 則 有失,能 尊儒貴學,則民 世 有忌 也。 民 百姓安之者 一尚 少 不 功定賞,先 寬 心, 失矣。 先 順 容 《治要》無 封 之,惡 而 「則遠」二字。 法 直 滅 其 所 峻 臣。 漢 而 問 憎 制 能 而 聞 「寬」字。 滅 封 日 篤 4 悪 則 簡 其失, 通 也。 : 於義 所 同 + 無 聞 有 則 天下之志 憎。 用用 忌 其 餘 忌 漢之官 簡,尊 不 漢 則 失。 也 世 心 苟, 之 初 約 能 過 則 而 )則異。 容 寬 法 任 儒 不上 雖 天 後 制 直 得 私 則 貴 皆 網 下

<sup>● 「</sup>昧」下,四庫本、嚴本、傅本有「於」字。

<sup>「</sup>人」,嚴本、方本、傅本、《治要》作「士」。

<sup>「</sup>人」,四庫本作「士」。

<sup>「</sup>約法三章公而簡也先封所憎」,四庫本無此十二字。

折 子; 也。 諛 字。 猶 則諂 之; 漢 爲 己 矣。 逆己之言。 自 而 臣 在。 所 者 直言 者 能 檻 歡 知 則 通直言之塗。 周 其 順之 以 然受《治要》無 周 衆, 諛進, 其 自 改 馬,0 辛 上 亞 或不 歷 不聞 昌 失, ,則所失 非聖人,焉能 慶 而 一之失 夫申 於外, 年 比 忌 逆 順之則生,逆之則死 無 而 是,不 四四 苟 則 高 而 軍 由 加 處 不害於下, 百 所 少矣。 己 畏 祖 此 **令**, 聞 頭 尊 言 也。」《治要》。 「受」字。 之 引而 死, 自 於 失 者 流 出 而太宗爲之不驅; 耳 桀 季 《治要》無 知 也 7,天下 血 於忠誠 則直道 心 目 致之,非爲名也。 紂 所 也 之,所 故 以 塞。 以 而 開 斯 而 之命 爲 先 能 民 官本合爲一 至 屈 以 乃 耳 雖 敢 高 是,故言行 字。 王 亡 之 寬 諫 目 順 事 祖 《治要》無 所 存 而 患 明主患 簡 之 塞於 無 不 而 託 患 不 《治要》作 人之不 之 路 節 盡 無 失, 朱雲 以 自 上 風 納納 内, 以 節 以 愛 知 諛 由 失 聞

> 意 通 林 志篇》,此 》引作《物理 愛己 者 語 不 當 論》,上 能 亦是篇文 不 有「有公心必 愛, 因 憎 附録 己 於此 有公道 者 不 」七字,今見 能 不 憎

#### 曲 制 篇

所 役 無已 莫能 成其 大於 無 以 有 極 之求, 不 盡 不 矣。 儉 盈 天下之福 期而 知 之力,此 其 也 足。 海 欲 以 用《治要》 曰 内之物 則 不 滅 知 殷 莫 不 無 雖 足, 大於 士: 益 有 欲 不 所 之物, 天下, 則 益,萬 則 周 以 無 無 物 疑 倒 欲。 求 同 莫 逞 所 戈 民 能 於牧 求 無 之 無 天 叛。 盈 無 求 下 極 力 其 野,秦 者 之禍 己 之 有 曲 欲 所 所 所 欲 盡 論之 矣。 縱 民 欲 莫 而

<sup>● 「</sup>存」,嚴本、傅本作「在」。

② 「足」、《治要》作「也」。

好 奢 官 而 本 不 無 足 莫 能 者 盈其欲」 贵 非 以 天下 之大 禍 耶 治

#### 安 民 篇

不 供 吏 以 恤 吏 其 則 順 流 盡 背 省 一,而 寬 業 法 其 於 其 順 民 則 不 民 下 他 力 上 必 而 民 則 不數遷 安矣。 者賞, 精 供二 虧 官 富 壹 盡 而 於下 精 則 其 樂 不 心 字 愛 安, 事 剋 其 則 相 以 疑 量時 其 當 當 法 重 恤 職 亂 尅 貧 業 乙,下 下, 則 才 其 則 以 而 則 民 而 分 樂其 要 而 下 志 者誅, 危 下 置 民 供 則 名者 則 不 不 官, 樂 必 0 遺 不 流 字 職,不數 安矣。 民 其 力 而 相 明 誅 疑 則 於 必 上 名 亂 主 衍 他 吏 民 安 一之治 不 寬 省 官 遷 則 事 則 則 矣。 重 亂 民 而 供 思 民 則 則 親 壹 於 者 民 也 必 順 附 志 則 義 民 盡 賞 供。 上, , 各 安 而 法 不 之 分 心

> 寬 寄 數 是 業 難 遠 塞,事 矣。 無遷 救。 矣。 有 視用 遷, 無 重用 常 民 者民危。 必驗之近 者 分, 度 篤 志 存 競 有 E 不賞 時 鄉 相 事 其 誉 其 儲 無 鄰 宜 間 恤 務不 民 民 横 私 居 親民之吏,不 之教 并 而 而 剋 如 以 興 求 相 亡 兼 立 如保 · 壹 民 用 害公,飾 事 恃 相 之 則 制 一,職 爲 則 路 必 赤 隙 救 事 懷 能 人,若是者 民 量 荒事 度之民 子, 塞 事 者 土 存 則 民 有 必 虚 重 無 鄰 知 則 則 力 廢 進 有 儲 遷 以 相 居 以 民 民 下 求 資 志 相 相 恤 知 必 役 民 必 而 進 者 督 恃 稼 安 安 并 賦 則 力 危 而 不已,若 矣。 盡 仕 無勞 穡 矣。 兼 懷 民 之 矣 之 役 以 宦 必 知 土 法 職 而 如 艱 圖 隙 賦 安 而 相 而

2

民

則

供

順

」,方本

作

一民

供

則

順

<sup>0</sup> 民 矣」。 富 則 則 該 安 危 條見本 貧 鄉 則 輕 危」,傅 家 書卷二《雜 相 聚 本作 而 犯 一民 録 上 》附 飢 富 寒 則 録 切 安 鄉 身 四 而 重 + 不 家 行 敬 F 而

授業 比 邪 乎。 有 之諸侯 忘 立 上 文。」窮迫 賦 目,各職守 相 上 用 曰 轉」疑 一危、民 糾 大不 物 :「安民 制 近, 下 無 恤 平 校 今之刺史,古之牧 常 不 不 前 不相樂,若是 其不法,擊 「輕」之譌 興 可 成,考定能 也。 已,若是者 理百· 危 横 事不 ,不堪其 量 亡 而 不得 則 求 不 民 而 後 州 事 相 惠, 相 度於民,不知 而 上安者,未之有 舉 猛 總 用之,如是者民 相 救 仍, <sup></sup>治 - 之者, 命,若是者民 黎民懷之。」其爲 其 否,均 者民危 民危。 干,治之經 ,若是者民危 以警 要》曰 以 弱《治要》曰 統 威 伯 太守 百者 其 吏,寬以容民者,令 郡 民 也。 吏多 勞 舉 稼 而 鄉 之 逸,同 刺刺 也。 其 : 穡 間 今之郡縣,古 下 而 .)職 也。 危。 危。 恐 綱, 史之 弱 艱 無 民 夫彈 也 有闕文。」役 不 上 其 不能供 教 難 《虞 縣 治之要 安 視 下 度 職 得 , 存 恐有 親 枉 遠 理 民 而 時 失, 也 民 其 正 而 轉 而 不 而 闕

> 之命 長之職 留 意 也。 也。 也 《治要》。 或 0 以 然則令長者,最 民 官本有「夫彈枉 爲本,親民之吏,不可 親 四 民之吏,百 語 姓

四

文, 姑附 下 人 利,害則害, 下 疑脱「之」字。 興 在位,常爲天下 利 傅子曰 於此 而已矣。 : 無 害天下者,天下 利天下者,天下 有 《治要》 幽 所歸 深隱 此 者 條 微,無 在 無 上節 亦害之。 他 亦利。❶ 不報 後 也 不不 ,善爲 知 也 爲 利 亦 何 天 利 則

#### 問 政 篇

所 去則 7 公道亡,公道 劉 則 子 刑賞 問 政 不用 傅 亡 子 情 則 日 刑 禮 賞 教 政 不 無 在 用 所 去 情 立 私 禮 而 下 教 私 從 無 不

● 「亦利」下,方本有「之」字。

況 也,惟: 且 也 官本無此三字。 害之,而況於天地乎 1,不亦美乎? 於人乎。 公然後 未之有 堯水湯旱,而 「善爲 可 也。 正 晉饑吴 天下。」 政 夫 人者,天 去 !.」❶《治要》,官本。 懈 私 傅 人無菜 者, 地 而 子 爲 不 所 日 能害 秦越禽,人 色,猶太平 : 以 疑 立 當提 也 公 一,而 行 道

#### 問 刑 篇

乎?」傅子曰: 不 以 李 視 始皇之殺 世 斯 亡者也。 不 殺 道 傅子 又 而 人 報之。 深 滅,李 如 刑 Ħ 人,觸情 殺 或 峻 : 狗 斯 人讐之,天絶之,行 ❷秦始皇之無道,豈 日 法,3隨其 彘,狗彘 無遺 兀 "「漢太宗除肉刑 而已,其不以道 夫之仁,非王天 類 以以 ,仁人用之猶 指而妄 不 · 道 殺 遇 無 如是。 人。 不 人, 下之仁 可 道 有 甚 謂 未 秦 哉。 節 亦 有 不 而

> 之漸 也。 謂 也。」《治要》。 忍殺之,既不 者衆,故天下稱仁焉。 也。 人者殘其體,故終身懲。 也 失其 也 夫王天下者,大 先王之制 所 猶 官本無 以 有 類 懲 不 傷 殺 「或曰」以下。 忍 則 有 人心, 易 人 刑 今不 濟 者 傷 輕 所 者 死 是 故 刑 忍殘人之體, 也 故 故 者寡 日 失 非 生者懼 易相 兀 其 小 一, 夫之仁 所 不忍之 傷,亂 以 所 懲 而 傷 濟

#### 信 直 篇

得至,以補其闕。古之忠臣不敢隱君之過,傅子曰: ❹古之賢君樂聞其過,故直言

- 「天地」,四庫本作「天下」。
- 「傅子曰」,四庫本無此三字。
- 「傅子曰」,四庫本無此三字。「刑」,四庫本、傅本、方本作「刻」。

故 之,不亦至直 有 過 者 知 乎? 所 以 改。 其 或 不 改,可以 死 繼

推公心 義 使惡人不得 矣。 傅子曰:◎至矣哉,季文子之事君也, 《治要》。 而 行直道 行其 官本合爲 有 境内,況在其君之側 臣 節。 若此,其君希陷 乎不 乎 1

#### 矯 違 篇

養 夏以 此,何惑者之不 曰 : 下《治要》衍 割。 由 人私 口字。佞 「憨《治要》日 傅 其 欲也,故多私 子曰:「正道之不行,圖常由 正 「役」字。 人 紂 臣 亂之也。 信 王 其 息 上「惑」疑衍。 子 侈,以殺其正 佞 比 也?」傅子曰:「 臣 欲者悦之。 干之心, 故桀信其佞臣 惡 來, 佞之不 臣 以 而 嗣 剖 唯聖 殷 龍 佞 可 以 《治要》脱 治 逢 推 亡。 要》作 人無 人 用 一,而 善 推 如

> 矣。」《治要》。官本無「曰惑」以下。 以 私 者,佞人之徒也。 欲,賢者能去私 正 道矯之者,正人之徒 自察其心,斯 欲 也。 有見 也。 人之私 違 知 正 佞 而 正之分 欲 從之 ,必

言亦 最下 主所 巧辭 人不 以 而 俗,辨足以惑衆,言必 非 不可卒見,伺主之欲微合之,得其志,敢 佞者,行不顧乎天下,唯求主心,使文 欲 必 能 道陷善人,稱之有術,飾之有利 ,自利而已,顯然害善,行之不作。若 或問佞孰 稱 别,此大佞 而 之,行 不敢正 爲大,傅子曰 無 也,有害之者,然後 也。 大 可 稱乎仁義, 其次心 非, 動 : 不 不 違 欲 行 隱 乎俗,合 爲 足 其 非 陷之。 仁義 惡 以 心 服 聖

<sup>1 「</sup>或」,原作「戒」,據四庫本、方本、傅本改。

<sup>「</sup>傅子曰」,四庫本無此三字。

③ 「不」下,四庫本有「得」字。

也。 形 次 四 佞 M 大佞 猶不別之,可謂至闇也已。」《治要》。 者 可 也。 謂 形隱,爲 大佞 若 趙 者 高、 害深,下佞形 也。 石 若安昌 顯 可 侯 謂 露,爲害淺 張 最 禹 下 佞 可 者 謂

分。 法獨 此 率人也。 字之誤。 民或不從,故必正 治,故設法 條 在上節後,不知爲何篇文,姑附於此 設 治人之謂治,正己之謂正。 則 而 明法者,所 順 無 夫法 以一之。 分則 主,即 設 争,此 不 而 以 己 行 民從之者, 齊 身不 以 衆 先之也。 自然之理 有主而 也。 正 一, 雖 正 得 己者 有 不 然 人不能 也 所 明 即 故 所 法 《治 疑 則 也。 則 要 以 自 勢 即

#### 假 言 篇

至 明 天 不 地 能 至 一檢 神,不能 而 治 同 百 道 姓。 而 生萬 故 以 物。 異 致 聖 同 人

> 之, 盡 施 百 相 不傷 也。 「, 天 其 釜 밂 滅也,善用之者,陳釜鼎乎其 用 鼎 以 乎治體矣。 既 而 成。 乎 也 得其道,雖有 地 能 6 其 之道 兩 間 盡 《治要》,官本 天下之物,爲 其 也 則 夫《治要》無「夫」字。 用,不相害 何 因 詭 憂 物 常 乎 制 之變,❷相害之物, 相 水火 宜 害 也 者 6 者多 五. 間,爨之煑 何 水火之性 聖人之治 味 患乎不 矣,若 以調

「致」,原作「治」,據四庫本、嚴本、方本、《治要》改

「詭常之變」、《長短經》無此四字

「爨之」,四庫本無此二字。

「五味以調百品以成」、《長短經》無此八字。

「若施釜鼎乎其間則」、《長短經》無此八字。

長短經》以 其 八志通 也萬物睽 下 尚 有 而其事 易 日 類也」二十六字。 天 地 睽 而其事同 也

#### 官 人 篇

見《初學記》二十五《鏡部敘事》中引,作《韓子》,疑《大典 本有《鏡總敘篇》,「古之人目短於自見」云云五十三字,今 Ŧi. 鈔 一十,夏后氏百,殷二百,周三百。 誤作《 世 「質則官少 《傅子》,并誤篇名爲《鏡總敘篇》耳,今删。❷ ,世文則 吏多。❶ 有虞 官 本。 氏官 按官

### 宮 室 篇

注 》引《傅子·宫室》云云,當即其篇名。 餘 丈,皆作懸閣 上於建章 中 作 辇 神 道 明 臺 相 屬焉。 井榦 樓, 《水 經 咸 高 渭 五. 水

## 釋 法 篇

釋法任情,奸佞在下。多疑少決,譬執

是。 少決」下 殺 儒 腐索 本篇》,今未 詩 傅玄《釋法篇》,不言《傅子》,其體 洋洋聖化,九 也。 同 達 今姑從嚴氏 道 以以 或似 則 脱一句耳。 ), 政 御 相 見。 口銘之類,以 濟 乃 奔 語 蓋 馬。 升平。 服 嚴 附 異若胡越。 然《類 於後。 仰之。 氏 專 據 韻 聚 任 鈔 浩 語 嚴氏 刻 本《書鈔 刑名、民不聊 列 浩大海,百 春 此 頗 入子書、《傅子》 又言《北堂 於詩賦 《藝文類 風 類 四言古 暢 有之,或 後 物, 聚 書鈔》有 則 詩 川歸之。 秋 Ŧi. 生。 固 即 疑 體 不 + 霜 《禮 多 原 以 四 《大 肅 通 如 爲 引 疑

● 「世」,傅本、《意林》作「時」。

2 迷惑。」 明過之惡。 引之歟?」傅本校記: 此條方本校記: 面 六、《白孔六帖》十三、《御覽》一百一十七所引均 觀行》篇全同。 韓子》。 韓子》。」 《韓非 短 《長短 於自知,故以道 其文曰: 説 面 林 失鏡 經 又《初學記》二十五、《 《初學記 觀 則 「古之人目 是非》篇引『古之人』四 行第二十 無 「《永樂大典》此篇與《韓非 以 正己。 正 鏡第 鬚 四》有此語,或《傅子 短於自見,故 眉 鏡 九》作 無見疵 身失道 書鈔》一 《韓子》。 之罪 則 句, 以 百三十 濬師 以 鏡 子。 道 亦 作 作 無

### 雜録

拔萬國之地,九州之結。《北堂書鈔》十四。

昨 爲 塞 法 蟻 者 孔 宜 而 舉 河 其 決息, 要。② 掩 **^** 北 堂 車 書 轄 鈔 》四 而 + 覆 乘

《意林》引作《物理論》。

尚書者,出入王命,喉舌之官也。❸《北

堂書鈔》五十九。

若隱,⑤浩浩乎其文章之淵府也。《北堂書鈔》副。觀之若近,尋之益遠,陳之若肆,研之《詩》之雅頌、《書》之典謨,文質足以相

傅

子

卷

九十五、《御覽》五百九十九,又六百八。

能定之哉!⑤ 此迂遠之論也。☞《北堂書鈔》百

律吕本於天地,豈昆侖之竹、鳴

鳳之

聲

+ = :

體,著七篇,謂之《孟子》。《文選·辨命論》注。謂之《論語》。其後鄒之君子孟子輿擬其昔仲尼既没,仲尼之徒追論夫子之言,

君子周才難。《文選》王康琚《反招隱》詩注。

道教者,昭昭然,猶日月麗乎天。《文

■ 嚴本、傅本所録《大本篇

選

安陸昭王碑文》注

- 「爲法」句,嚴本、傅本作「立法令者亦宜舉要
- 「官」,嚴本、傅本、《北堂書鈔》作「任」。
- 「猶」,嚴本、傅本作「如」。
- 「陳之若肆研之若隱」、《北堂書鈔》無此八字。
- 雄」,嚴本同。「昆侖之竹鳴鳳之」,《北堂書鈔》作「關昆山之鳳雌

6

「迂遠之論」、《北堂書鈔》作「好遠之談」,嚴本同。

二漢之臣,爛如三辰之附長天。《文選·

子》言也。「長平之卒,磊落如秋草之中繁霜,勢使然也」。疑皆《傅鳳翔於南陽,燕雀化作鵷雛」。「爛」上有「焕」字。此下有宴陸昭王碑文》注。《意林》引作《物理論》,此上有「光武安陸昭王碑文》注。《意林》引作《物理論》,此上有「光武

三公者,爲天子調陰陽。●《初學記》十一。

《太平御覽》二百六「爲」作「佐」,「調」作「理」。

哉,子之聽也!」《太平御覽》十。 崩山之曲。每奏,鍾期輒窮其趣,曰:「善止於巖下,援琴而鼓之,爲淋雨之音,更造止於巖下,援琴而鼓之,爲淋雨之音,更造

肯從者,逆時也。《太平御覽》廿七。 夏令被裘,冬令被葛,雖有嚴令,終不

堯遭洪水而貴陸,湯遇大旱而重水。又

五十六。

人之性如水焉,置之圓則圓,置之方則

子》言。 亂,故隨 六十。《意林》引作《物理 方,澄之則渟而清,2動之則 而教之。 謂其偏好者,故立一定之法」。 論》,此下有 「先王知中 流 而 濁 流 疑皆《傅 之易 又三百 擾

感通,心由口宣。语生有兆,渦來有喘。《文文言介十五。《意林》引作《物理論》。「相者」下有「曰」又三百六十五。《意林》引作《物理論》。「相者」下有「曰」別貧富貴賤」。疑皆《傅子》言也。

相者曰:「三亭九候,定於一尺之面。」

孔」云云。 有「勿謂不然變出無聞」八字,「聞 妄,口莫多言。《文選》鮑明遠《代君子有 選》歐陽堅石 感通,心由口 《藝文類聚》十七引傅玄《口誡 《臨 宣。 終詩 注引作 福生有兆,禍來有 一禍 疑 生 間」之譌。 無端」。  $\stackrel{>}{\exists}$ 「勿謂 所思 情 下接 莫 心行》注 何 **文** 多

<sup>□ 「</sup>爲」,四庫本、嚴本、傅本作「佐」。「調」,四庫本作

② 「渟」,四庫本、方本作「淳」。

③ 「傅子」,嚴本、傅本無此二字。

傅

子

卷

同上。

禍 謀,安危之源。 銘 積怨致咎。 少異詞。 從口出。 蟻 勿曰 孔 存亡之機,開闔之術。 不傳,伏 潰河,溜穴傾 樞機之發,榮辱存焉。」《御覽 流 成川。」❶「蟻孔」云云,皆《口 Щ 病從 口與心 口人,

人皆知滌其器,而莫知洗其心。又三百

三百六十七。

七十六。

夢攀日月,覺而不上天庭。夢入九泉,心有管籥,須言而發。又三百七十六。

寤

而

不

及

地

下。

高宗得説,偶中耳。又三百

傅子曰:聖人之道如天地,諸子之異

秋,時至自生,非德之力。又四百三。 上德之人,其濟萬物也,猶天之有春如四時,四時相反,天地合而通焉。又四百一。

君子審其宗而後學,明其道而後行。

番」,官本同。 懸千金於市,市人不敢取者,分定矣。 者」,官本同。

天時不 刻作 二 十 一。 作「水田之制由人力」。 《續通鑑長編》三十七太宗至道元年陳堯叟、梁鼎上言引 旱不時,則一年之功棄矣。 :「和」。 陸田者,命懸於天也。 首行亦見五十六,「水」字從《意林》補。 如 地 利,地 人力苟 理 不 如 人 修 水田 人力雖修,苟水 事 川則 。 ② 地 制之由人。 《御覽》八百 利 「事」,鮑 可 盡

九日養親,一日餓之,寧可言飽多餓

利

<sup>■「</sup>勿謂何有積怨致咎勿曰不傳伏流成川」,嚴本、傅本

②「地理不如人事」,四庫本、嚴本、方本、傅本作「地

海。又九百十六。舊連上節,今離之。二世修驪山陵,採玉者傾山,採珠者蔽

語, 義 彼是而 也。 亦見《意林》所載、《魏子》「平」作「争」。 丈夫重義 諺曰 己非,不當與是平也。」同 如太 「己是 山 而 輕 彼 利 非 如 ", 鴻 上。 當 毛,可 與 「諺臼」 非 謂仁 争。 四

云 不 版 知 」字,肉也。 案「販 也, 鴨 足何 何 」字無鴨足之義,「骯」字字書 況 又有「断」字、脉也。 以 問 眅 天 雞 地 乎 足 ? 何 以 又 或《傅子》本取鴨足 九 所 百 + 無。 九。 販、 考字典 官 骬 本 吾 有 校 有

> 肉 骬 相 一疑即 連屬, 「版」、「断」之訛,今無別本可校,姑仍原文。 雞 四 爪 如 脉 絡 分散 之義,亦 未 可 知。 販」、

信矣」。 蘇合香是獸便。 以 爲怪。③ 西 或 胡 《御覽》九百八十二。《意林》作 人言,蘇合香, 中國獸便而臭,忽聞西極獸便而 뾆 便 也,中 西 香 國 或 則不 胡言 皆

爲患。又九百九十一。 所調非所生,民以 是,而各調出御上黨真人參,「參」當作「葠」。 遠,而各調出御上黨真人參,「參」當作「葠」。 是一人,下者五十斤。 所調非所生, 是以 是一人, 下者五十斤。 所調非所生, 是以 是一人, 下者五十一。

《禮》云:繼父服齊衰。❹ 傅子曰:「母

<sup>■「</sup>寧可言」,傅本作「豈得言孝」,嚴本作「豈得言」。

② 「同爲孝子」,傅本作「固非孝乎」。

③ 「胡」,方本無此字。「香」,方本無此字。「怪」,方本

<sup>● 「</sup>齊」,傅本無此字。

也。」①原 捨 俗儒造之。」《意林》。 又:「制服 己父,更嫁 作「舉 恐 非 Ż 他 父甚 周 人,與 孔 於 所 兩 制、亡秦焚書 己父絶,甚於 絶 天也」, 兹 從一本 以 兩 作。 夫

游、夏而已,乃冉、閔之徒也。 傅子云:孟 軻、荀 卿,若在 又。 孔門, 非 唯

二字原在「或云」上 曰 : 以 善《論》作帝師,豈非儒學之榮乎?」傅子 「學以道達榮,不以位顯。」又。「傅子曰」十 或云:「匡 、嚴氏據 衡 以 善《詩》至宰相,②張 《道藏》 》本如此,今從之。 禹

疑亦《傅子》文,附録於此

作「怒也 《意林》引作《物理論》,「若」作「如」,「盂」作 人觀 之水尚可滅也。 雖 下,至始皇 傾 Ш 竭海不能救。 積薪 東之民,●猶 「秦人」别爲一 若 而方熾,二世 Щ ,縱火其下,火未及然,一盂 及至火猛 秦昭王是積薪 節、一觀 猛 虎之睨 起 作 風起,烟火行天, 風 「視」。 而 群 羊。 滅之。③ 末有 「杯」,「滅之」 而縱火其 「何隔 官 本。

> 哉 四字。 又「竭」作 「河」、「救」下有「也」字、「皇」下有

燃」字。

説管仲死後 管仲之書,過半是後之好 事,其《輕重 篇》尤復鄙 事 者 俗。6 所 加 乃

鑑外紀》一、《困學紀聞》十。 反,不可强合也。《左傳》哀十三年《正義 二文不同,必《國 《國語》非邱明所作。 「語》虚 而《左傳》實,其言相 凡有共説一事 》引傅玄云

而

0 字,注:「《意林》無『父』以下十字。」 兩絶天也」。 與已父絶甚於兩夫也」,嚴本、傅本作「與已父甚 傅本下 有「父無可繼 之 理 不當制

- 2 [匡],傅本作「玄」,按指章玄成。
- 3 滅之」,傅本作「怒也」。
- 4 觀」,傅本作「視」。
- 群羊」下,傅本有「何隔 憚哉 四四 字。

6

「乃説 寶石壁菁茅之謀使管仲 古史謂多申韓之言 管仲死後事」, 嚴本 以 智 信然何以 欺民 無 此 以 霸哉 字。 術 傾 方本以 鄰 數 或 有 尚

節; 足觀。 穆、盧植、楊彪之徒又繼而成之。 主闕 異馬 事,評斷得失」之語 盡乎,何其益陋 作,及與陳宗、尹敏、杜 覈才》篇又云:「昔傅 事》篇「傅玄之貶班 也。 末句作「此其所失也」。 《天中記》。 》、《東觀漢紀》也。 述時務,則謹辭章 而 遷 豈拘於時乎,不然何 班 也 古 抑 忠臣; 漢書》 也。』」疑亦 吾觀 《意林》引作《物理 固也 相 玄有云: 應。 敘世 班 因 撫、馬嚴撰《中興紀傳》,其文曾不 ,論國體」云云,四 是此 此 固《漢書》,論國 父得成,遂没不 《傅子》文,與 數語正論 當時所稱「三史」,謂《史記》、 不類之甚 教,則貴 條爲《傅子》無疑。 「觀 而 豈亦各拘於時 略 孟堅《漢書》, 東觀漢紀 事 論 也。 本傳 實 取 語 按《史 是 容 : 撰 正 言彪 體 後 與 非 實命代 而 而不得自 劉 此 ( 史通 則 通 良 賤 同, 一
史
故 史 直 飾 殊 朱 奇 書 惟

北 斗者,不欲雲覆之。 有黑雲覆之,大

雨

《天中記》三。

海寧錢保塘輯

今以 子 巽 及 作《傅子》: 曾及荀顗云云」、《魏志 在 日 時 者歸 一弟 時 云 有 武 事 魏 云 **《晉書** 扶 子 紀 魏 之傳 者 武、 風 嘏 志 ^ 馬 總 明 是 御 别 繼 鈞 爲 事 郭 其 覽 劉 何 有 巧巧 以 雜 歸 嘉 書 .曾 **>** 表 傳 序、論 雜 之紀。 録 傳 有 思絶 傳 傳 -0 引 **>** 紀 載 > 附 注 注 此 ~ 世 於後 引《 傳、 杜 何夔傳》 「傅 文 引 記 其  $\wedge$ 夔傳》 述 玄著 傅 序、論矣。 傅玄序之 雜 皆 傅子 子 論 作 案《 或 注 論  $\forall$ 史 **>** 注 傅 引 傅 事 時 語 稱

> 記 事 特 沈 此 史孫 載 兀 其 和 書 王 正 不成。 後 近 載 卷。 沈、大將軍從事 本 始 書 史。 傅 當 者 該 傅 王 與《魏 命 **%** 玄雖 隋 玄傳》 其 沈 時 則 司 尚 又命 ^ 觀 書 官 書 獨 史 人之《 隸 書 書》相 與 多 就 其 書 通 校 衛 撰 稱玄選人 侍 經籍志》有晉 爲 其 載 尉 顗 以 中 録 傅 業 時 反 正 郭 中 傅 其各 繆 王沈 韋誕、應 諱 勒 子 亦 郎 嘉 史》篇 玄 殊 襲 阮 諫 等, 其 成 著作,撰 成之,因 草 有所見, 籍、 魏 故 非 魏 復 璩 創 證 武 其 實 黄 司徒右 司空王 書 共 秘 紀 放 書 録 〈撰定。 集《 傳 初、 屬 昭 别 體 四 書 烈 是 監 累 沈 魏 例 之 + 長 太

傅

子

若 志 ·武帝紀》注。 以 險 太祖 固 爲 又云:「湯武 資, 則 不能 應機 之王,豈 而變化 同 土 也。」《魏 哉

時 是以 容,晉、宋《志》作 爲 以 天下凶荒,資財 輿服志》引改。 名士「名士」二字從《宋書 以阜帳,❸從婢 之義,以 恰。 幅巾爲 袁紹、崔鈞原作「豹」,從《宋書 之徒,雖爲將帥,皆著縑 太祖 《宋志》 雅。「雅」、《北堂書鈔》百二十七引作「飾」。 愍嫁 色别其貴賤 鈞與 》作「峽」、《晉志》 「本施軍 娶之 (袁紹同 不過 乏匱 飾」。 十人。 奢僭,●公女適 ・禮志》引補。 起 ,擬古皮弁,裁練 兵山 ,於今施 》作「帕」。 非 東。 國容也。 又。 。 見《後漢 行。 合於簡 禮志》、《晉書 漢末,王公 多委王服 魏 人,❷皆 太 書 又。 可 謂 帛 祖 易 崔 天 以 隨 以 軍 駲

云「以易舊服」。傅玄曰:「白乃軍容,非國容也。」下凶荒」以下,亦見晉、宋《五行志》,「帢」上有「白」字,下

而崔琰被誅。又《徐奕傳》注。皆以忠信顯於魏朝。丁儀間之,徐奕失位武皇帝至明也,崔琰、徐奕,一時清賢,

刺之,遂反。又《張繡傳》注 健,手以 繡 有 金 所 與 親 之,繡聞之,疑太祖 胡 車兒,勇 冠其軍 ·, 太 一欲因 祖 左 愛其 右

謂曰: ⑤「生受辟命、亡而不哭、非義也。 畏之者、⑤戮及妻子。」於是王叔治、田子泰相太祖既誅袁譚、梟其首、令曰: 「敢哭

王叔治」,傅本作「王治叔」。

す。「僭」下,有「上」字。
「太祖」下,四庫本、嚴本、方本、傅本有「武皇帝」三

② 「女」,四庫本、嚴本、方本、傅本作「主」。

③ 「皆以」,四庫本、方本作「不過」。

<sup>「</sup>敢」下,嚴本依《御覽》增「有」字。「十人」下,嚴本有「而已」二字。

疇爲袁尚所辟,不被 也 動 死亡義,何以 , 赦之。」 又《王修傳》注。 軍 軍 Œ V. 白 譚 世? 命。 行 其 傅子合而言之,有違 遂造其 戮, 裴松之曰:「案《田 太 祖 首 日 而 哭之, . 事 實。」 疇 義 傳 哀 士

房陵都尉戰有功,重太祖賜蜀裘。《格致

鏡原》十六。

故改令卑下」。《宋書· 書 先形,令行人使者服之。 ・輿服 魏明帝 志》高 山冠條引作「魏明帝以其 以 高 Ш 禮 制 志 似 》略 通 同 《御覽》六百八十五 天、遠 制 遊,乃 似通 天、遠 毁 **《**晉 遊 變

魏明帝疑三公衮冕之服似天子,減其

采章。又六百九十。

傳

定,曹公擁天子都許 初 表 謂 嵩 日 : 一今天 君爲我觀 下 大 其 亂 景。」 未 嵩 知 對 所

> 令嵩謝 不負 爲將 斬之,數 大會寮屬數百人,陳兵見嵩,盛怒,持節將 守,還稱朝 耳。 以 君 使之,果如所言,天子 受其祐 質,惟將軍 天子假嵩一官,則天子之臣,而將軍之故 順天子,下歸曹公,必享百世之利,楚 日 爲 嵩觀之,曹公至明 : 君,君 將 軍 在君爲君,則嵩守天子之命,義 「聖達 死 軍 ,使嵩可也。 日 嵩 也。 廷、曹公之德也。 節,次守節 所 臣 不 具 命, 韓嵩 名 動 唯 陳 定,以 謂 將 雖 前 敢 軍 ′;必 赴 言,表 設計未定,嵩使京 表 懷 ·拜嵩 嵩 重 湯 死 日 貢 濟 思,無負 守之。 : 蹈 守 邪 天下。 怒 侍中,遷 火,死無 節者也。 !」衆皆恐,欲 將 不已,其 表 軍 以 今策 嵩 將 負嵩 爲懷貳 零陵 不得 軍 辭 國 表 能 夫 師 也 太 遂 復 吏 實 委 事 Ŀ

● 「房陵」上,傅本有「謝旗」二字。

誅 氏 注 之 諫 之 無 日 辭 表 韓 乃 嵩 弗 楚 誅 國 而 之 人 望 之。 也 且 魏 其 志 言 直 劉 表

無 表 能 平 爲 詡 世 也 南 。」《魏志 三公才 見 劉 表, 也 賈詡 表 以 不 傳 客 注 見 禮 事 變,多 待 之。 疑 詡 無 曰 決

畜 得 也 以 能 表 之本 衆 成 人 以 者,以 矣。 若 成 名 表 不 功者 心 既 又《劉 遠 1 ,於望之不輕 殺 無 公 其 未 望之, 容直之度 廙傳 度 順 必 惟 高 洋注。 不 荆 祖 褊 由 州 望之, 廙兄 以 心是從 也。 也, 此 士 受戮 也 人 以 據 0 皆 直 夷、 全楚之地 難 迕 自 子 叔 情 危 乎 之 以 也 迕 而 容 度 讒 武 民 遠 不 言 夫 王

侯。 書 識 郎 一字據 文帝 巽 《後 字 後 時 客 公 漢 爲侍中,太 書 荆 悌 州 劉 瓌 表 以 傳 偉 説 注 博 和 劉 引 達 中卒。 琮 補 之 有 辟 功 知 巽 公 賜 人 在 府 爵 鑒 荆 歸 拜 州 識 尚 内

> 傳。 巽 令**,**並 遂 目 謂 附 龐 之必 又《劉表傳 劉 統 有 備 爲 名 反,卒 半 德 見 英 》 注 待 雄 及 次 如 於 證 在 其 魏 裴 諸 言 朝 潛 葛 亮 終 巽 魏 以 弟 諷 清 潛 子 以 位 行 嘏 才 至 顯 智 别 尚 聞 有 書 統

三八

安 拜 令。 所 彧 官 通 太 何 十 舉 祖 書 章 之 進 進 佐劉 ,行之多矣。 報書 聞 後 九 陵 日 越字 猶 太 年 也 其 豫 示不 八守,封 日 卒。 表平定 深 異 名, 不 -度, 喜 決。 中 辟 死 得 樊亭 足 據 臨 爲 境 越 者 荆 智 魂 終 東 後 内, 反 州 侯 知 而 曹 漢 與 魁 書 有 生 進 表 太 喜 掾 傑 生 荆 必 靈 得 祖 得 劉 有 敗, 州 以 者 書,託 越 表 亦 蒯 雄 平 傳 彊 將 求 勸 異 姿。 不 聞 注 愧 太 大。 進 出 度 以 引 孤 耳 祖 爲 誅 大 門 補 此言 詔 諸 將 孤 與 汝 户 少 建 荀 書 陽 閹 軍 蒯

<sup>■「</sup>卒」,方本無此字

也。」又《劉表傳》注。

世。 太祖 贖,謀 謂 之去惡,不去不止』也。」《魏志 興,❷其 之仁, 荀軍 彧, 軍 稱『荀 荀令君仁以立德, 或問 能 師謂攸。「命世」、《御覽》七百三十九引作「名 間 應 近世大賢君子,答曰 令君之進善,不進 必 機 師之智,斯可謂近 有 命 孟 世 軻 者』,❸其 稱 明以 五 百 ·荀攸傳》注 不 舉賢, 荀 世 年 : ●「荀 休。 大 **\$** 而 賢 君 有 行 荀 王 無 君 令君 軍 乎 令君 者 諂 子 師 !

覽》六百八十八。 之,或單或峽。 慕之,因 幍 先未有歧, 荀文若 而弗改。 是條、 初婚、二 亦 今通爲 見 宋 冠、送餞 書 巾觸 慶弔之服,白紗 禮 志 樹成 》、《晉 亦服之。 岐,時 書 輿 爲 御 人 服

以下。

以下。

。「時人慕之」作「謂之爲善」,無「白紗」

笑者,譖之者有形 墨。 賓。 言也。表不詳察,遂疏 絶於劉表,智窮於黄 者,必由此也。」是言實指 之仁,西伯 日,所以自結於表者甚至,表悦之,以 於是左右 衡稱表之美盈 衡辯 於言 不過 因 一而剋 也 形 也。 唯 П 而 於論,●見 祖 《魏 譖之, 曰 以 衡而 ,身死名滅,爲 志 爲 表智短,而 不能 表 逐之。 荀彧傳》注 : 左右,不 荆 斷 「衡 州 衡 牧 終 稱 非 天 以 劉 廢 爲 衡 不 將 下 交 繩 所 濟 軍 · F. 表

寧字幼安,⑤北海朱虚人,據《世説注》上

<sup>●「</sup>答曰」,四庫本作「若」。

② 「興」,四庫本無此字。

<sup>「</sup>命」,四庫本、嚴本、傅本作「名」。

<sup>「</sup>剋」。嚴本作「刺」。

<sup>「</sup>寧」上,嚴本、傅本有「管」字。

燕 去之, 補。 管寧 令,始家 齊 傳 或 相 注。 適 管 下五 朱 魯 仲 虚,世有名 之後 或或 條 同 適 也。 楚。 昔 節 漢 田 九 興 氏 有 世 有 而 齊 管 生 少 而 寧 卿 管 0 爲 氏 又

度 太守 密 龍 寧 以 俎 之 是度安其賢 大 謂公孫 遣 而 以 以 格物,度已 豆 Ш 爲 不 居,旬 自 令西還。 飾 爲 寧 度 號 見成德,言非 往 廬 鎮 威 見度,云 輔 鑿坏 月 儀 而 民 下 内 而 而 度庶子 明 心 化 語 爲 終莫 實 成 禮 室 其 不 唯 邑。 有 讓 其 安 德 經 敢 王 康代居郡,外以 典,不不 時,皆招 之。 越 發 心 非 遂講《詩》、《 邴 海 ,卑己 學 言 寧 避 原 者 及 其 謂 性 難 無 禍之道 世 〕崇禮 敬 者,皆 原 剛 見 事 憚 直 E 書》, 也 0 、 欲官 將軍 如 : 也。」 清 來 還 此 潛 議 由 陳 就 乃

恭 懦 弱 是 時 而 康 康 又 孽 已 子 死 淵 有 嫡 雋 子 才。 不 立 寧 而 曰 立 弟 廢 恭 嫡

> 火 夜 海 東之 僭 歸。 乘 立 光,鱼 風 中 號 海 庶 死 晦 遇 稱 其後淵果襲 即 下 冥, 輒 暴 者 王 受徵 有 風 以 趣之,6得島。6 明 異 船皆 萬 船 帝使 心 計 人盡 寧 奪 亂 [没, ❷ 在 相 如 恭 之 感,莫 遼 寧 或 位 所 宣 東 所 一、叛國 唯 由 文 知 籌 寧 島 起 積 侯 所 乘 也 無 家 寧 泊 船 征 居 + 而 之歸也 滅之。 自 乃 七 南連 望 若。 將 年 又 見 家 遼 無 有 時 屬

0

<sup>「</sup>寧之歸也」,四庫本、方本作「管寧之遼東而歸」。

② 「船皆没」,四庫本作「餘船皆破」,嚴本作「餘船皆没

③ 「時夜風晦冥」,四庫本、方本作「夜晦」。

<sup>●「</sup>望」上,四庫本、嚴本、方本有「忽」字。「有」,四庫本

<sup>「</sup>輒」,四庫本、方本無此字。

覽》誤引《笑林》文。」 具」,無 人亦大無道理今闇 得 島」下,四庫 島 無居人」以 本、嚴本、方本作「 如漆何以 下 數 語 不把火照 嚴 本 門 硃 我 人 筆 忿然 當 注 得 覓 日 係 君 火 責

謐 火 燼 日 ,行人 積善之應也 咸 異 為馬 以以 爲 神 光 之祐 也。 皇甫

奏,帝 釋 聽 成 以 説 不受 野 體 大 發 通 勳 夢 蟬 神 人 寧 親 蜕 之才 Ш 覽 以 臣之器 書 藪 焉 感 之 悟 天子 内 殷宗; 省 願 按 於聖 朽,實 , 使 頑 本 且 傳 病 吕 文帝 主 以 非 老 尚 日 疾 用 其 啓 詔 者 薄 辭, 以 能 人。 兆 得 西 寧 王 日 盡 爲太中 山 佐 以 雖 : 微 帝 動 貪 臣 唯 命 -大夫 業,克 周 清 陛 聞 時 文。 固 書 下 傅

授 備 坐 激 北 以 司 濁 而 海 消 農 昔 論 管 惡 司 貞 道 故 空 司 寧 若 正 7,行 空 陳 必 湯 加 足 一荀 群 能 舉 備 爲 以 爽 又 伊 昭 世 禮 矯 薦 明 尹 家 表,學任 時 庶 古 不仁 寧 拜 曰 必 今,有益 光 前 : 可 禄 者 雖 \_ 致 人 臣 遠 徵 先 師 大化。」❷ 聞 命 清 至 儒 伏 王 延 鄭 禮 儉 者 見 西 玄 未 足 徵 顯 序 即 優 以 士 善

> 及人 之。 邈 德之所感若此,不亦至乎 寧之亡,天下知 其 本 人 有 之制 事 然若 世 困 臣 與 系 而 窮 寧 誨 文多 不 人子言教 者, 非 以 導之於 可及, 以 衰亂之時,世多妄變氏 禮 家 忠。 不 命姓之意,故著《氏 儲 善 與 即 載。 以 雖 貌 不 之熙 孝,與 是 甚 不 知 每 以 盈 恭 聞 熙 所 漸 擔 言 居, 1 然, 人弟言訓 之 之者 石 甚 無 甚 姻 必 順 親 柔 不 無 族 姓 分 嗟 知 而 觀 者 不 論 以 以 嘆。 舊 温 化 其 悌 贍 違 鄰 以 焉 行 醇 大 救 聖 里 原

焉。 不 能 外 胡 屈 徵 同 年 乎 君 怡 俗 八 十而 怡 内 無 秉 不 不 純 愛也 倦 潔 於 書 心 雖 籍 非 僕 者 其 隸 下, 吾 好 必 於 王 加 胡 公 禮

<sup>「</sup>皇甫謐曰積善之應也」,方本無此九字。

傅本另作 此 條 下 具 嚴 衣 本 依 襲 《北 被 堂 書 領 鈔 安穩 》增 犢 明 車 帝 以 寧 爲 大

徵君見之矣。又《管寧傳》注。

莫 匿 府。 知 名 又《郭嘉傳 迹,密交結 嘉 惟 少 識 有遠 達 注。 者 量。 英 奇之。 下七條同 儁 漢 0 末天下 不與 年二十七, 俗接 將 亂 故 辟 自 時 司 弱 人 冠 徒 多

才所 戚子 故 此 此 彊 三也 禽。 公所知也 之,力不敵 并從之, 義 無 不 道 宜 懾 勝 勝 嘉竊 太祖 弟,公外 能 公糾 不 紹外寬内 爲 地 也 料 一謂 也 間 也。 廣 0 漢祖 之, 嘉 如 之以 易 間」、《長短經 兵 漢 紹 何 日 紹 簡 紹 忌, 末 以 唯 彊 ? : 繁禮 猛 有 而 政 智 本 逆 用 對 + 而 内 勝 失 動 而 人 數 多 敗 日 初 於寬, 機 上下 而 公奉 項 儀 爲 擁 注 明 公有 疑 羽 作 冀 不 劉 之,所 公 用 知 紹 一問 順 雖 州之 遜 體 制 + 項 彊 以 以 無 勝, ,終爲 寬 任 率 之不敵 遠近,❷ 衆, 此 吾 任 疑 濟 天 自 欲討 治 雖 唯 寬 下, 然 勝 所 唯 親

> 形於 之資, 大事 紹 虚美, 得 此 無 恩之所加 人 正 者多歸之,公以 見 之仁耳、公於目 遠 不 輒 度 顔 勝 濟也,此仁勝 人飢寒,恤念之情「情」字從 見 行 與 以 高 色, 4其所不見, 慮 四 而 四 應 儉率下, 議 也 皆 有 變 海 揖 實者,皆願 過 無 相 讓 紹多謀 其 至 窮 相 與 以 七 望 心 前 字 此 收 有 待 雖 也。 從 小 謀 少決,失 名譽, 功 人 事 爲 長 所 勝 作推 者 紹 或 用 短 不 五. 無 大臣 時 不 經 此 士之 見, 誠 也 長 所 在 有 及 而 德勝 争權 吝,士之忠 所 後 也 慮之所周 注 短經》一 好 行 紹因 補。 忽 所 事 言 8 、公策 接,6 至 累 謂 飾 注 不 也 爲 補 世 於 外 婦

相」,嚴本、

方本、傅本、《三國

志》

注

② 「間」,嚴本作「聞」。

③ 「誠」,原作「心」,據嚴本、方本、傅本、《三國志》注改

<sup>●「</sup>情」、嚴本、傅本無此字。

言 之以 擊公孫瓚 惑 布,若紹爲寇, 畏之,此 要,公以少克衆,用 紹 孤 是 亂 法,此文勝 非 、公御 何 不 德 武 可 下 可 以 勝 知 因 以 堪 + 、公所 布爲之援,此 其遠 九 道 之也 也。 也。 浸 兵如神,軍 征 是進之 ! 潤 太 紹 東取日 不 祖 嘉 好 行 笑 又 以 爲 深害也。」太 日 日 虚 禮 人恃之,敵 此 布 : 勢,不 所 明 勝 紹 如 不 不 八 先 方 卿 知 是 也 祖 取 北 所 兵 正

得

衆

心

張

飛

關

羽

者

皆

萬

之

敵

也

爲

之, 戰 内 勇 無謀 外 若 未嘗敗 失守 太祖 乘 故 勝 欲 也 北 引 攻 布 之威 軍 今布 之, 還, 朝 此 力 每 失 嘉 成 戰 不 勢 曰 禽 及 輒 而 : 敗, 也。 身死 項 昔 籍 項籍 氣衰 國亡者,恃 太 而 祖 木 七十 力 敗 日 盡 過 餘

豫 州 牧 初 劉 嘉 備 來 於太 降 祖 太 祖 曰 以 客禮 備 有 待 雄 之, 才 使 而 甚

> 太祖疑 後 前。 之 也。」保塘 嘉之言。裴松之曰: 嘉 矣!」時備已去,遂舉兵以 大信,未得從嘉謀。 祖奉天子以號令天下,❸方招 『一日縱敵,數世之患。』宜早爲之所。」時 終不爲人下,其謀 進不 與 死 太祖 程昱 用 案 以 得 欲 以 俱 問 戦 速 魏 「以」字 駕 嘉。 征 前 書 言 而 劉 從《長 退 嘉 諫 備 未 嘉 案 失 勸 勸 會 可 議 太 《魏 魏 短經 所 太 太祖 測 祖 者懼 武 書 據。 祖 也。 容 日 叛。 》所 昭 使 日 : 補 軍 云, 烈 懷英雄 語 古 備 太祖 出 與 在 放 即 要擊 人 嘉 紹性 袁 《傅 引 備 ^ 有 觀 武 恨 紹 在 子 之, 袁 此 變 遲 紀 襲 不 條 正 術 而 其 用 作 備 明 太 2

<sup>■「</sup>戰輒破」。 「戰輒敗」,傳本作「輒破」,嚴本、方本、《三國志》注作

<sup>「</sup>言」下,嚴本依《長短經》加「曰」字。

<sup>「</sup>時」上,嚴本、方本、《三國志》注有「是」字。

四四四

太祖。 出。 曰 : 「 多 疑 裴松之曰: 此云用 善。」 敗。 來 必 嘉計 遂 此 不 「案《武 速 東 存 ,則爲不同。」 征 亡 備 紀》,決計 之機 備。 新 ; 不 • 起 備 征備 敗 衆 可 奔 心 量 失 紹, 紹 未 也 不出 附 紹 皆出 果 太 急 不 祖 擊 自

之謀也。 河北既平,太祖多辟召青、冀、幽、并知

惜哉奉孝!」 太祖又云:「哀哉奉孝! 痛哉奉孝!

深。 今表 欲 又 共 不 以 罹 滿 以 之。 此 增 且 後 四 太 其 + 祖 痛 奉 事 惜 孝 子 與 又 屬 相 荷 滿 乃 以 之,何 龃 知 奈 千 其 彧 周 何 户 孤 書, 通 旋 意卒 ,然何益亡者,追念之感 者也,天下人相 達, 奈何 + 追傷 見 爾 年,2 嘉 !」又與 世 失之,悲痛 日 事 「郭 阻 無 險 所 彧 知者少, 艱 疑 奉 書 傷 難 滯 孝 日 心。 3 皆 年

> 忘之! 分, 過 先定荆。 一吾往南 追惜奉孝, 絶 棄 於 命 方, 此 定 爲 則 又 不 事 不 人 不 能 但 生 去 多 人 見計之 還」,然 心。 畏 心 病, 乃 其 南 忠 與 人 爾 厚 共 方 見 何 有 必必 論 時 疫 計 得 事 欲 云 兵 使 常言 立 事 當 功

問 外 不 内 州 之, 名 解 論 料 士。 太祖徵 敵 或 曄 之變化 邑 而 答 曄 每 先賢、禦賊 曰 曄 獨 舍亭傳,未曾不講 : 及 卧 彼 蔣 對 車 我 明 濟、 中 固 虚 主 胡 守、 終 實、 非 質 不 精 戰 行 等五人,⁴皆 5 神 争 軍 言。 不 之 進 接,精 術 退之宜 以 濟 見重 怪 夙 夜 神 揚 mi

❶ 「臣事」,方本作「可争」,《三國志》注作「臣使」。

②「十一年」,傅本作「十二年」。

<sup>「</sup>疑滯」,嚴本、《三國志》注作「凝滯」。

<sup>●「</sup>贈」上,嚴本作「嘗」。

又《劉 旨 賢 罷 有 宜 以 如 可 此 疑 尋 於 趣 動 賊 曄傳 後一 太祖 事 猥 以 太 而 以 之 爲 得 坐 注 四 祖 形 輒 見太祖 大太祖、 乎 遠言宜 説 人爲令,而授 每 勢。 以 ? 下 也。 和 函 四 悦 及 叮 條 適 問 徴 止 太祖 同 見 前 知 人 精 曄 太 無所復問 争 便 0 曄 神 祖 已 對 止 曄 獨 終 至 探 以 不 太 待 見 見其 若 祖 心 夜 次 以盡: ,曄乃設遠 言。 是 腹之任。 果 數十至 而 者 心矣。 問 其機 言 四 揚 人 再 州 耳。 不 坐 其 笑 每 先 見

擊也。」 備 今尚 雖 斬 居 口 七日 之而 擊 不 蜀 不 ? 能 降 曄 安 者 日 説 也 . 蜀 「今已 太 中 祖 日 迺 小 數 問 定, 曄 驚, ② 未 可 .

皆 者 多 傾 心 稱 初 交之。 太太 有樂毅之量。 祖 時, 其 後 魏 諷 孟 曄 達 有 去 重 見諷 名,自 劉 備 達 歸 卿 前 文帝 相 皆云 以 論 下

必反,卒如其言。

我 救 也。 援 孤 其八,吴、蜀各保一 變,其計必出 寇, 衆心不安, 又恐中國 取 委地求降, 權 • • 兴此 襲 以 荆 無 其 宜 州 孫 若 小國 彊其衆 故 大 四 内,吴之亡不 權 割吴半,蜀 求 興 郡 遣 降,必 之利 師 ,備怒,必 使 於此 以 加 徑 求 卻 疑 也。 降 内 渡 敵 中 固 州, 有 江 人。 國之兵,二 出 今天下三分,中 今還 帝 大 不能久存 急。 襲其 旬月矣。 承 興 以 阻 權 其 間 師 自 Щ 權 善用 内 釁 伐之。 曄 依 相 前 則 而 1, 沢蜀 水, 攻 兵, 襲 蜀 吴亡 伐 假 曄 攻其外, 殺 天 之, 有 或 外 見 中 對 關 得 則 Ľ 急 有 + 策 或 日 羽 蜀 其 之 相 之 故 彊 知 有

<sup>● 「</sup>函」下,嚴本依《御覽》加「令」字。

② 「説」,傅本作「就」。

<sup>「</sup>承」,嚴本、方本、傅本作「乘」。

<sup>「</sup>吴」,原無,據嚴本、《三國志》注增

民 耳 侯 雄 帝 降 不 士 遠,●此 外 海 抑 吴必亡,必 也。 之,疑天下 孤 蜀 不不 得 未 才, 即即 怒救 民 内 征 何 其 遠吴近, 我 有 陛 伐 不 己 有 今備已 禮 口 故 拜 得 君 吴,必 實 ,天下兼 受 且 畏 秩 即 漢 權 其 下受禪 一受吴 臣 然之勢, 其 中 喜而 服 以 驃 欲來者 内 爲 之義 一怒,故 又 降 或 御 爲 騎 吴 然 乎 降,而 聞 可 其 心, 相 王 進 王。 將 之 ! 即 也。 中 與 亂 也 八,「兼」上疑脱 非 興兵 心,必以 軍 進 不 勢 真, 或 帝 襲蜀 也 我争割吴 曄 南 卑 其 可 也。 我 伐 夫 日 昌 德 擊吴,聞 又 臣 彊 將 信 之, 彼 王 : 之後 進 侯 合 頌 爲懼 帝 軍 逼 其 位 直 便還 人 耳 言 日 天 號 僞 與 不 一去天 地 爲 乎 稱 也 「十」字。 : 其 地 降 成 聽,遂受吴 官 我 ? 侯 ,必不改 封 軍 臣 伐吴, 不 所 輕 殆 + 聲 就 子 權 降 江 不 對 謀 可 勢 不 萬 威 南 暨 封 雖 能 而 日 卑 也 口 計 階 户 殖 士 震 止 伐 有 几 先 知

> 順 人 議 倍 其言 敢失 使其 我 權 之, 赫 委 民 身 毛 然 矣。」又不從 既 備 果 榮 本 人子 臣 也 國 事 受 發 僅 其 如 作 0 禮 内 王 怒 中 位號 曄 以 遜 女以 信 皆聞 也 或 位 言。 興 身 其 一,卻 定定 不 兵討 免。 言 之,内 大 爲 無 蜀 愛珍貨 故 遂 敗 僮 而 之, 兵 其 權 伐 即 感 隸 劉 爲 之 君 外 拜 怒 僕 我,必欲 備 乃 無 後 上下 重 臣 禮 權 妾。』吴民 3 徐 禮 寶 爲 愈 外 殺 告 是 以 吴王 卑 同 隨 殘 其 爲 其 盡 怒 心 我 禮 時 虎 民 陛 兵 而 無 或 貢 下 事 傅  $\Box$ 内 八 戰 權 緣 家 獻 翼 中 行 萬 不 將 加 , 俘 或 也 信 我 不 餘 陸 + 下

曄事明皇帝,又大見親重。帝將伐蜀,

8

議」,

方本、傅本作

<sup>■ 「</sup>暨」,原作「並」,據嚴本、方本、傅本、《三國志》注

② 「榮」、嚴本、方本、《三國志》注作「崇」。

采,侍 之上 之末 己 發 罪 謀 曄 淵 也 日 生 出 臣 有 朝 終 \_\_\_ 聞 不不 焉 膽智 也 池 臣 伐 又 輒 不 一,●帝 臣 詔 臣 之 内 曄 中 厭 敢 陛 知 调 重 言。 ,言之皆 外 矣。」 召 得 與 劉 曄 向 有 其 兵 曄 下 論 皆 出 曄 吾言 密 與 微 曄 人言之? ·, 持 调 事 曄 後 與 伐 至, 開 曰 於 也。 先 心 聽,拔 \_! 講 蜀 不 獨 不 朝 大謀 帝謀 不 有 蜀 是 帝 不 見, 暨 事 臣言, 可 陛 形 可 帝 可 問 敢 可 謙 伐 臣 常常 伐。」 臣 下 暨 謝 曄 夫兵, 之意。 之,2「之」字 不 蜀 群 謝 顯 中 切 責 大 常日 之。 恐 曄 盡 萃 之 曰 然 暨 領 諫 帝 日 人 昧 言。 之 議 : 露 詭 曰 軍 夢 蜀 後 曄 日 中 之, 不 與 最 楊 道 : 帝 臣 漏 . 暨 臣 見 不 , 堅 帝 也 從 暨 可 曰 言 立 臣 出 從 泄 曄 口 出 伐 伐 議 帝 治 之 自 每 軍 伐 駕 恐 以 口 誠 或 要 六 責 益 從 敵 事 召 不 儒 卿 之 大 行 大 補 足 軍 質 親 未 帝 書 天 内 暨 或 生 臣 曄 

> 矣。」 問 意 此 精 詐 也 曄 魚 日 而 遂 之, 所 後 : 不 思 而 3 帝 發 復 趨 己 牽 如 或 也 若 惡 4 0 夫釣者 拙 如 狂 每 而 皆 子 言 合之。 曄 6 誠 問 則 出 與所 暨 於 誠 」,信矣。 以 皆 無 爲 亦 中大 帝 驗 直 不 同 大鴻 問 謝 陛 之, 臣 曰 得 者 之。 魚 反 下 然 : 也 果 臚 者 0 以 曄 試 則 計 得 曄 曄 以 與 之 曄 人主之威, 是 縱 不 其 能 之 不 憂 曄 情 而 足 曄 情 應 明 言 盡 死 隨 采 必 常 變 智 從 之, 忠 無 6 與 皆 持 權 諺 此 聖 所 善 贵 反 不 兩 須 計 日 疏 意 意 徒 復 端 伺 可 可 焉 若 合 巧 不 大 制 洮 而 H. 如

<sup>2</sup> 0 「之」, 池, 方 嚴 本 作 地 本無

曄見 出 責 暨 四四 庫本作 劉 曄 責

牽」下, 四 庫 本、嚴 本、 本有「之」字。 楊

采」,四 庫 本 無 **灬此字。** 

精 四 庫 本 作

或 悪 曄 於 帝 四 庫 本作 有 悪 劉 曄 於 明 帝

加 居之 ! 以 0 兹 德 獨 義 任 行 才智 之以 忠 不 信, 與 世 古 之 士 上 相 賢 經 緯, 何 以

内不推心事上,外困於俗,卒不能自安於天

遂

進畿

於

朝。

下,豈不惜哉!

常也。 時 選 惑,不復詳 何 其言之過。₫ 以知 丸 ,其人意陵青雲, 部 於掌 郎 陶 其然? 今見卿窮。」爽之敗,退居里舍,乃 字季冶,善名 ,鄧颺之徒稱 中, 難 同 也。 而 上。 智者 不 謂之曰: 能 按陶,曄子。 之,以 謂 稱 圖 得 , 有 玄 天 或 一、天下群愚 日 下。」玄以其 爲 大 「天下之質變 伊 辩 吕 曹 尼不聖。 當 爽 言 如 此 時 謝 無 大 弄 之 爲

焉。 周, 自南 又《杜 畿,漢 陽 一畿傳 御 徙 注。 史 茂 大 陵 下四條同 夫杜 延 年 延 徙杜陵,子 年 之後。 孫 延 世 年 居 父

終 夜。6 畿 自 尚 荆 書 州還 令荀 後 彧 至許 與 紀 6 比 見侍 屋 0 中耿紀, 夜 聞 畿 語

> 進 言, ,何以居位 異之。 旦 ? 遣 人謂 既 見 紀 畿 日 知之如 : 8 有 舊 或 相 士 識 而 不

彧稱畿勇足以當大難,智能應變,其可

試之。

殺畿以 以 爲虎矣。 先云: 威 既 今不殺必爲 欲 爲虎, 後 而 患。」按本 惡 食 人 肉 傳 范 失所 先

恢子豐交結英儁,以才智顯於天下。智子 畿與太僕李恢、東安太守郭智有好。

● 「加」下,嚴本、方本、傅本有「諸」字。

② 「兹」,嚴本、方本、傅本無此

③ 「士」,嚴本作「事」。

「謝」,原作「謂」,據嚴本、方本、傅本、《三國志》注

「至」,嚴本作「居」。

「語」上,嚴本、傅本有「共」字。

6

● 「彧」下,嚴本、傅本有「家」字。

8 「曰」上,嚴本依《御覽》增「詰」字。

誅。 爲 謀 書 知 沖 曰 有 人。 誤 爲 : | 孝懿 僕射,二人 沖 不 内 爲 恢 死 實 代 死 也,其子足 無 而 郡 後 各修子 無 子, 太守,卒 外觀 豐 非 爲 徒 孫禮 州 繼 中 無 其 繼 里 書 子 見 業。」 令, 弗 父業,世 畿。 殆 稱 父 時 將 也。 既 子 人 無 退, 乃 兄 皆 家 畿 服 弟 畿 以 爲 畿 皆 畿 君 尚 嘆

《北堂

書鈔》六十、《御

覽》二百

+

傳》注 矣。」太祖 遣 下 劉 之會也 備 太 祖 襲 策 將 許 表必 今天 征 據 柳 不 之 子 城 以 能任備,遂行 在 0 號 許,公遠 遼 令四 諫 日 方,公之勢去 : 北 也。 ❷「夫許 征 若 又《張 劉 表 天 遼

恩 君 下 耳。」遂白之。 之道 義 士 遼 7 也 欲 一效報 白 乃 度 嘆 太 公而 太祖 何 祖 日 恐 時 · 「公, 後 能 曰 去 太祖 一:「事 去? 也 」。」《蜀 君父也。 殺 君 遼 羽; 志 不 日 不 忘 鬍 羽 羽,兄 其本,天 白 羽傳 受公 非 》注 弟 事

曹大司馬之勇,賁、育弗加也。張遼

其

次 焉。₃《魏志 嘏 字 蘭 石 曹仁 爲 傳 尚 溢 書 事 大 小 無 不 總。

字。 初, 識 子,少有 合 於貴戚之間 曰 遠 : 徒黨,鬻聲 求交於嘏 心,每世說 是 時之傑,虚 世 時 説 重名,爲之宗主,《世 何 注 鄧 晏 引 而 名於 注 以 作 颺 不納 影引作 心 材 然 好 交子 閶 猶 變《世 世 也。 志 閻, 勸 説 ,合則. 嘏 注 嘏 説 而 結 学中 然 友 交云」。 注 夏 猶 説 引 》引作「交」。 好 人 侯 作 注 怪 成,不 荀 ・「才」。 玄以 引 之。 粲, 夏 下 有 合 侯 有 貴 謂 辯 通 皆 則 臣 泰 顯 嘏 清

<sup>■ 「</sup>太祖」上,四庫本有「傅子曰」三字。

<sup>「</sup>遼」上,四庫本、嚴本、傅本有「張」字

<sup>「</sup>張遼其次焉」,四庫本無此五字。

<sup>「</sup>大小」、《北堂書鈔》作「小大」。

<sup>「</sup>心」,嚴本作「志」。

名利 茂有 合虚 多言 志 敗 辯 下 怨 德 廉 至 而 傅 多釁 聲 頗 内 爲 嘏 無 也 而 二賢 傳 而 誠 也 無 注。 無終, 所 遠 妬 無 關 嘏 不 之猶 下 實 前 謂 鑰 答之 睦 四 無 才。 外要《御 利 非 條 恐 貴 親 口 同 日 禍 同 何 或 覆 : 之利 覽 平 及 以 惡 邦 吾 泰 叔 異, 巡 國之人也。 況 觀 言遠 初 百 此 昵 多言 四十七引作 此 志 藺 之乎?」《魏 三人 大 而 相 而 情 其 如 者 妬 近 量 鄧 徇」。 所 皆 前 玄 好 能 以

氏 密 静 所 商 鄉 司 所毁以 後尹 馬 生 賈 六 静 。 **2** 氏 胡 遂 河 之 之 貊,天 南 作 李 前 漸 綱 士 尹 「靖」,見 勝 尹 補之。 統 内 毁 下 其 司 掌 裁 常 馬 四 民 魏 帝 法,以 芝舉 劉 方 郡有七百吏,半非舊也。 異 志 都 氏之綱 會 方 外外 劉 其 利 雜 收 馥 綱 居, 傳 之 統 目 而 時 所 多 京 以 太簡 綜其 之聲。 聚,而 豪 畿, 經 門 緯 次次 兼 目 大 嘏 奸之 尹 古 而 族 劉 李 立 太

> 久 惠 其 官 迹,若不 犯,見理 河 任 而後安之。◆ 有 治 曹 南 無 分 以 俗 榎 所 用 職 黨 德 識 毛本 由 薦 異 Ŧi. 教 情 己 達 而 邦 官 作 爲 獄訟 及 出 人 :「檟」。 後 掾 本 者, 以 故 大 功 然 次 不加 當 嘏 有 曹 楚 考 持 時 益 各 而 典 核 法 「加」、《藝文類 無 於 舉 選 得 毛本 有 赫 民 其 職 其 恒 赫 事 良 作 實。 之名 「校」。 而 簡 皆 授 對 聚》六引作 不 隱 而 其 用 之。。 爲 吏民 其 不 本 之, 端 小 或 口

甚 嘏了夏侯之必 性,原本 少,嘏 嘏既達治好 精微 以 敗,不與之交, 明 智 妙 1交會。 正,而 能及之。 而 裴 有 此 松之日 清 云 司 與 理 隸 鍾 識 校 會 案 要,好論 善, 尉 《傅子 愚以 鍾 會 前 爲 オ 年 夏 云

四

<sup>2</sup> 0 好」下, 河」上,嚴 傅本有 本依 《藝文類 「宄」字。 聚 》增 爲 河 南 尹

核」,方本作「校」。

安之」下。嚴本接「爲尚書事小大無不綜」之語

此 奚豫於成 了 出 侯 通。 玄以 論 夏侯之必 若皆知 則 名 所以 敗 夏侯之危 重 哉。 危 致 益嘏 其不終,而 患, 而 以 也 不見 釁 愛 兆 由 憎 難 鍾 親, 外 爲 情 會 至。 厚 有 之 而 薄、又 彼此, 將 鍾 鍾 氏之敗 敗 會 虧 是 則 以 於 爲厚 利 爲 雅 形 動 識 體 薄 易 取 有 矣。 照 敗 由 所 也。 於愛憎 蔽 禍 傅 難 嘏 自 子 若 以 己

書 甝 少 爲 庸 事 官, 豐 與 僕 早亡。 中 庸 俱 飾 内 射 冀 書令, 者 初 爲名 僞 外 司 荀 州 李 而 稱 又與 也 顗、 刺 與夏 臣 豐 多 之, 自 史裴 與 疑, 矜小失而昧 後 鎮 嘏 侯 任 嘏 將 北 徽 機 玄 又 同 軍 將 散 俱 事 不 州 軍 鍾 禍 善 少少 騎 何 遭 毓 卒 也 常 曾 明 並 有 侍 者 如 善 於權 顯 司 謂 荀 必 嘏 名, 空 相 甝 口 言 死 利 陳 與 善 志 早 岩,若 泰、 綜 歷 嘏 豐 日 徽 朝 尚 後 自 處 大

郎。 假祖父睿,代郡太守。父充,黄門

侍

初,●劉備襲蜀,丞相掾趙戩曰:②「劉

守之國 義 寬 不 備 也 正 人 ,皆萬 傑 仁 暇 而 其 5 蜀 不 也 有謀 有 何 度,能 濟 難 以 人之敵, 乎? 志 以 卒 圖 而 • 先主傳》注 備之略 得 并 人 爲 ? 人死 拙 也 之相。 而 於 蜀 爲 力,諸葛 3 徴 用 雖 之將 兵, 傑 張 小 士 佐 园 飛、 每 : 傅 亮達 之,何爲不 此 幹 戰 險 關 三人者 必 古 日 羽 治 敗 兀 勇 知 塞 變, 而 劉 奔 皆 濟 有 備 獨

或 無 遺 有 分,御 傅子 刃 9 出 日 軍 有 . 有 餘 諸 法, 糧 葛 積 亮 知 功 誠 蜀 興 本 業 時 弱 事 之異 而 危 得 人也, 其 故 機 持 治 重

- ■「初」,四庫本無此字。
- 「戩」,四庫本作「幾」。
- 「卒并也」,四庫本無此三字。
- 寬仁 有 度 能 得 人 死 力 諸 葛 亮 達 四 庫 本 此 十

4 3 2

字。

「不」上,四庫本有「而」字。

以 也。《意林 鎮 之。 若 姜 維 欲 速 立其 功, 勇 而 無 決

之業。《蜀志·姜維傳 維 爲 人好立功名,陰養死士,不修布衣 注

裴松之曰:「記述若斯,何其疏 曹公征 柳 城 將襲 哉 許。 吴志 孫 策 傳 注

瑾、步 而 堅 分任受職,乘間 繼 盡 戰 江南安。《吴志 其 有 江 業,有張子 死,少而合其兵,將以 孫策爲人明果獨斷,勇蓋天下。 門 南之地,誅其名豪,威 以 爲 股 肱,有吕範、朱然 伺 布 孫權 隙,兵不 以 爲 傳 注 腹 心, 報 妄動,故戰 行 讐, 轉 鬭 有 鄰 陸 以爲 國。 議 爪牙, 千里, 諸 少敗 及權 以父 葛

州刺 爲之傳,而莫能 史耿黼,以 郝素善彈筝,雖伯牙妙 焦先《魏志 先爲 測之。」是《傅子》有先傳,而今佚之。 仙 管 人 寧 也, 傳 北 注 地 引 傅 《魏氏 玄謂之性 手,吴姬奇聲 春 秋》 司 日 禽 潤 故 並. 梁

> 何 以 加之。」《藝文類聚 巡 + ·四、《御 覽》五 百七十六。

之。❷《類聚》四十四,《御覽》五百八十三。 朱生善彈琵 琶,●雖伯牙之妙 無

以

加

巡 十四、《御覽》五百八十。 列 和 善吹笛,吴姬之聲,無以加 也。 類

朱生事 舊曲 語 彈 同 此六人生於上世,越古今而 筝,朱生善琵琶, 與與 契哉 ,宋識善擊節 上三條語意相 人若欽所聞 云見《傅子傳》 ! 《晉》宋書 唱和 尤發 接、蓋即 陳 而忽所見,不亦惑乎! 因并此數條録附傳末。 新聲, · 樂志》: 左善 《傅子》文,《初學記 傅玄著 清 歌 魏晉 列 無 書 和 之世,有 儷 日 善 云 ,何但 吹 云。 笛 孫 》十六引 案此 郝 氏 一夔牙 善宏 索 設 數 善

2 0 「以加之」,四庫本作「加也」。 「彈」下,方本有「琴」字。 者 古 + 巧,焉 之,未之思 騎 言校也。 窮。 變, 喪 機之變, 豫 將 :「先生名 ·綜者 所 無指 功 不 因感 此 軍 費 以 馬 自 可 南 秦 輪 定物之 日 五十躡,六十綜者六十躡,先 先 以言知 不言而 知 而 朗 車 先生爲 扁之對,不 →乃皆易 生,②天下之 作者,猶自然之成形 其 耳, 記 争 鈞 爲 論 乎? 輕 夫 字 言之虚 世人 給事 巧 於朝,言及 重 德 何 也。 可 以 衡 遠 知 中,與 爲 輕 以言言者,又焉 也。 十二躡 其 名 之有?」二子 博 鈞 當 重 (巧矣。 士,居 巧 者器 此 無 指 常 先 準, 而 也。 之 侍 南 生 陰 時 之模,而 貧 曰 車 高堂隆、 3 其 舊 ·, 二 子 乃 莫不 奇 少 陽 生 言 綾 古古 哂 之 文 患 機 可 思 不 而 有 異 衡 謂 驍 無 其 以 五 綾 及 游

> 作 詔 更 城 哉?」 先 可 不如試之易 出 翻 内 以言者也,從是天 先生作之,而 , 車 有 -, 00令 其 坡,每 生 巧百倍 日 童 効 可 : 兒 也。 爲 指 於常。 轉之,會 虚 囿 南 於 6 下 争 車 是二子 服 成 空言, 患 而 其 無 此 灌 此 巧矣。 水 毛 遂 水 以 異 作 自覆 異 以 灌之,●乃 空空 也。 居京都 白 也,又不 争 了,更人 明 虚 其 言。 帝

- 「序」,嚴本作「馬先生傳」。
- 「馬先生」下,四庫本、嚴本有「釣」字。
- ③ 「名巧」,四庫本作「巧者」。
- 患其遺日喪功」。 也患其遺日喪功」。 「先生患其喪功費日」,四庫本作「馬生者天下之名巧
- 「坡」,四庫本、嚴本作「地」
- 「囿」,嚴本作「園」。
- 「灌」,嚴本依《御覽》改作「溉」
- 「乃」上,嚴本依《御覽》增「先生」二字。
- 「童兒」,四庫本作「兒童」。
- 「更入更出」,四庫本無此四字。
- 「巧」,嚴本依《意林》改作「功」。

傅

子

卷

五三

子 對 之數 使首 墮 見 發 矣,未 作 焉。 先 自 木 可 人 0 謂 以以 一,石 理 石 異 在。 彫 益 生一可 有 Ш 也 裴 百 尾 設 車 嶽 搆 上 否?」對曰:「可 機 盡 不 聞 裴子自 步 白 子 電 百官行 爲 鼓 能 動 使 敵 善 使 而 矣。 先生 歌 戲 Ē 至 輪 連 ル樂 其 否」,對 木人跳 也。」言作 哂 人 子 者 屬 爲 以 之於 形 之。 見諸 署 • 有 舞 常 常 而 爲 若 裴子 能 試 象,②至 8 至。 春磨鬭 日 難 輪 所長者言也,所 乃難 丸 樓 葛 設 以 則 得 之可 擲 者,上 邊 亮連 益。」受詔作之。 而 車 平 欲 以 其要,言之不 劍, 可 先 不 縣 令木 輪 地 作 雞,變巧 斷 動。」 \$ 弩, 生,先 能 溼 縣 緣 施 或 縣 加 動 牛 輪 之士 瓴 人 之,潛以 日 絙 帝 石 五 也 皮, 縣大 擊 甓 倒 飛 生 日 : 倍 百端 鼓 立,出 數 擊 也 短者 己。 中 巧 口 帝 吹 + 敵 石 以 屈 精 之 水 其 又 則 以 簫 城 數 人 大 則 患 巧 此 巧 傅 飛 不 發 巧 問 通

> 子 之微 季 是 人 馬 擊 難 所 我、子貢是也。 神取之者,不言 之者,有以 也 之論 也 具 路,文學子游、子 氏 刺 彼 長 體 事 所 必 馬 所 長, 以 備物,取 安鄉 也 氏 以 已 彼 言取 所 不 言取 遠 則 所 有所 長 對 必有 侯 矣。 短 者 之者, 也。」傅子 之者 而 又與裴子同。 以事 人不 巧 不 則 誠 所 心 夏。 也,所 解 有 不 心先達 不 以一 取 乖 以 得 解 之者 而 於 變辯 以 雖聖 見安 者 不 内 揆 難 短 事 矣。 屈 者 之不已。 德 也 是 取 若 人之 鄉 傅 口 ; 言 之 非 行 以子 政 夫巧 侯 屈 子 有以 者 也 顔 明 事 言及 日 : 一 於 言 淵 盡 冉 外 天 所 語 之 有 神 其 以 有 裴 下 宰 倫 聖 子 以 取 此 相

① 「歌」、嚴本、《三國志

<sup>「</sup>歌」、嚴本、《三國志》注作「女

<sup>「</sup>機」、嚴本作「車」。

果試 考試 百二十 者 安 見 無 皆是矣。 也 己 難 + 馬 施 試 如 誣 鄉 所 之於 由 智任 試 氏 乎 游 有 尋之木,勞二人之力,不 爲 馬氏 易 所 侯 不 出 ! 所用 也 爲 九 夏 引作 天下 驗 悟 衡 能 事 石 也 欲作者 以 何 其不 所作 此 必必 之 免 ,言之難 石 . 者? 學矣。 遂 荆 ·之事 既 夫同 御」。 事 也 有所 言 和 皆是 易 四 廢 而 國之精器,軍 之 所 試 情 不 懸 故 衡 輕 難 變 試。 武 游、 以 盡 因 言 之事,又 者 君 石 易其 以言 盡 而 安 抱 而 物 相 子 夏 而 之 然 不 得 侯,武 璞 試 妒 理 猶 不 不 道 抑 則 用 是 物 之易 不 而 用 經 以 然,況 馬 列則 之, 9 人 試 以 同 哭 之要用 此 安侯 人害 異 時 可 氏 事 遇 冉、 此 之也。」 是不 初 知 能 巧 者 而 以言 美 所 册 自 季 所 也 人,必 名已定, 相 忽之,不 是非定。 府 玉 世 言 此 以 此 以 也 害, 元 盡 一於是 一之巧 今若 所 者 多 猶 政 龜 而 也 》八 • 以 以 以 費 中 不 廢 降

> 傳》注 官,巧 公輸 者 子 猶 以 後之君子其鑒 輸 事 雖 般、墨 忽 曹 爲 般、 而 義 無 良 侍 不 墨翟 一翟、王 也。 益 可 中 察, 於 恨 武 馬 皆 世 況 也 爾 之哉 先 見 安侯者,曹爽 用 0 幺 近 生 用 裴子 深 雖 漢 人不當 於 之才、 馬 給 時 世 者, 先 張 事 乃 其 省 平子不 生之巧,雖 裴 無 也。 有 才 中 秀。 名之璞 益 聞 俱 魏 於 能 安 賢 志 不 世 過 古公 鄉 乎? 不 典 也 杜 平 侯 試 Τ.

三句 林》。 裔子大繇,夏 合 周 傅 明 廣業《意林 氏 是 之先 后氏 《傅 子》之文。 封之傅 注: 出 《路史 自 爲 陶 保 傅 塘 》陶 唐 氏 案 唐 傅 氏 注 史 紀 説 云 通 見 房之後,有 之後 (傅子 序 傳 3 與 貍 此 意 氏

8 2

語。

<sup>■「</sup>季」,嚴本作「有」。

<sup>「</sup>遇」,嚴本、《三國志》注作「御」。

<sup>《</sup>意林》於此下接「玄字休奕子咸字長虞晉書有傳」動

玄、陶 及注者名,全書體例如是,此三句或即馬氏所題 傳」十三字,尤不類傅子之言。 序》文也。 歷 觀 ·梅、葛洪之徒,則又踰於此矣。」疑此三句 揚雄 此下原 以 降,其自序也,始以誇尚爲宗。 有 「玄字休奕、子咸、字長虞、《晉書 《意林》於各書下略注人名 至魏文帝 也 即 其 《自 》有 傅

子。《御覽》五百十二。變,玄祖,蓋《自序》文。傅燮字南容,奉寡嫂甚謹,食孤姪如赤

論

《詩》 下。 也。 内盡 乎 夫子之景行者,非樂中正之道也。③《魏志 ! 其心 曰「高山 以文王之道 其荀侯乎 孝子,百世 有能行仁 以 仰 事 . ! 其 止,景行行止」,令德不遵二 · 上孝之道者,君子之儀表矣。 事 之宗, 仁人, 天下之命 親,外崇其禮讓 古稱曾、閔,今日 其 親者, 其 潁 昌 以接天 荀 、何。 何 侯

何夔傳》注。《晉書・何曾傳》引至「儀表矣」止。

荀、何、君子之宗也。《晉书・何曾傳》、下二

條同。

見之矣。 盡其和,事盡其敬,亡盡其哀,予於潁昌侯 顯昌侯之事親,其盡孝子之道乎! 存

於潁昌侯見之矣。 見其親黨,如見其親,六十而孺慕,予

雜録

堯如腊,舜如腒。《北堂書鈔》百四十五

- ●「其」,方本、《三國志》注無此字。
- ②「命」,方本、《三國志》注作「令」。
- 書何曾傳」互乙。 書何曾傳》所引較全,注文「魏志何夔傳」,應與其下「晉可曾傳》所引較全,注文「魏志何夔傳」,應與其下「晉

周文王子公旦,有聖德,謚曰文。官本引

《文選》注。

樂毅伐齊,遂下齊七十餘城,置吏,屬

令謝詢求爲諸孫置守塚人表》注。

燕。

爲郡,而修齊之宗廟。

《文選》張士然《爲吴

漢武令郡國舉孝廉,合素帛。《北堂書鈔

七十九。

之後允,取此義。●《淵鑑類函》一百十五引《唐類釋親而恤同歲云。同登之歲,記於素帛,垂漢武令郡國舉孝廉,末世合素帛,乃有

馥如秋蘭之俱茂。同上。《意林》引下二語作《物理問歲察舉孝廉而上,曄如春華之並發,

函》引。

論》。

不 Ш 。 ② · 同 孝廉皆是九州 同 進 上 如 衆 川 之朝 百郡 海,散 士,風 如 異俗殊,所 雲 霧 之

> 秀才,歷 漢 武 世 元 相 光 承,皆 初,郡 向 或 郡 舉孝 或 稱 廉 故 元 吏。 封 《文選 五. 年 舉

子諒《贈劉琨詩序》注。

漢武世王侯,觀殿重階,金樞紫墀。《御

覽》一百八十四。

漢代賤乘軺,今則貴之。《史記‧平準

書

索隱。《意林》引作《物理論》。

乘,時賜王公貴臣。《御覽》七百七十五。 以雲母飾車,謂之雲母車,臣下不得

乘之。又八百二十二。金根車,天子親耕乘之。蹋楮車,畋獵

百七十五,末四字從《北堂書鈔》百三十九補。 有追鋒車,施通憾,❸遽則乘之。❹又七

(重之後允取此義」、《北堂書鈔》作「垂之後胤取諸此

)「山」,傅本作「岫」。

歸

向

- ❸ 「幰」下,四庫本、方本有「車」字。
- 「遽則乘之」,四庫本、方本無此四字。

子》語 大略 車, 蓋, 車 即 而 辇 臣 加 與《宋 貴 而休 下不 通 也。 夏 輜 幔 日 軿 書 文用 得 《宋書 如 余車 魏 乘 軺 之。 禮 晉 時 車 志 賤 殷 以 而 《御 輜 禮 此 賜 駕 軿 覽》七百七十三引作《袁子正 志 馬。 條 王 而 公。 同 胡 辇 貴 又以 車 軺 奴, 與 車。 條 上 雲母 此 周 四 又 下 條 日 飾 有 有 語 犢 輜 云: 追 大 車 鋒 車。 同 車,去 謂 漢 疑 之雲 代 輜 皆 論》, 賤 小 傅 車 母 車 軺

學俗 十九。 而 或 問 志 忠、歆 劉 歆 才學通 劉 向 孰 而 賢, 行 傅子 邪 。」《御 日 覽 Ť. 向 百 才 九

荀仲豫稱禹十二爲司空。又二百八。案荀

百二十引末句作「如水澣之」。

悦字仲豫。

三十八。 律是咎繇遺訓,漢命蕭何廣之。又六百

子 母 ,宜以四子還母 後 侍中冠武 昔燕趙 争 訟 之間 廷 弁。 尉 ,有三男子 延 ,尸三男子於市。」《御覽 《文選 壽 奏云: 》曹子建《求通 · 共 娶 禽 獸 親 女, 親 生 表 子 生 注 逐 四

> 鈔》五十三。 百六十一,出謝承《後漢書》。廷尉爲范延壽,見《北堂書

焉。 燒。 布得 争 時 賓客,行 大將 酒 0 1,失杯 凡 火, 長老説 魏 布 煒 酒 軍 志 垢 公卿 梁 燁 而汙之,僞怒, 三字 盡 齊 冀 赫 王 火 朝 然,而 以 紀 從 滅 臣前,七字從《御 火浣 注。 御 覽》 粲 ^ 熾二字 御 布 八 然 解 覽 爲 百 絜 × 六 衣 <u>一</u>十 單 白 從《 日 百 衣。 覽 御 補 九 若 》補。 + 覽 常 用 燒 漢 補 之。 灰 冀 大 桓 又八 水 會 陽 如 帝

皆 大功 徒崔 上 干 烈有 萬 時 靈帝 烈、太尉 下五 顯 時 1: 北 猶 百 州 樊 膀門賣官, 萬 重 陵 以 以買 名 貨 司 取 温 三公。 空 位 有 張 於 傑 而 温 是 才, 況 太 之 潁 尉 於 數 徒 陵 段頻 劉 。 皆 征 能 伐 嚻 偶 有 時 錢 唐 司

珍、張顥之黨乎!《魏志·董卓傳》注。《御覽》八

百二十八引「崔烈入錢五百萬取司徒」。

縗 麻 者 寔亡,天下 以 百數。 致弔 《魏志 • 會 陳 其 群 傳》注。 葬者 按寔,  $\equiv$ 萬 群 人, 祖 制

平 總 御 其 人材之高 覽》二百六十五 議 魏 司 《北堂 空陳群,始立九品之制。 下, 書鈔 》七十三。 各爲品 目。 文選 2 • 州 恩 置 倖 置 傳 州 中 論 都 正 注 而

樂。③《北堂書鈔》五十八,《初學記》十二,《御覽》二百王黎爲黄門郎,軒軒然得志,煦煦然自

書 與 京 劉 師。 鈞 爲 《唐類 頻陰相 函》、《淵 不不 鑑 爲脂膏之染,三年 類 函》 百十五 無

+

知 出 人三十歲常 也 與 語 時 視其 太原 生 生 人 生 發 冢 也。 於 上 冢 地 破 樹 送之京 中 棺 木 邪 可 棺 ? 中 一十歲。 師 將 有 問問 \_\_\_ 朝欻 生婦 其 不知 本 《生,偶 事 人, 此 不 婦 將

4

百五十八。與發冢者會也?●《魏志・明帝紀》注。《御覽》五

儉, 何 可及也。 以 華太尉積德居 加 敢問今之君子? 諸?」《魏 事上以忠, 志 順 華 濟下 、其智 歆 傳》注。 日 : 以仁,晏嬰、行 可及 袁 案袁郎中 郎 也 中 其 積 謂 涣。 清 德 父 不 行

祭事 淫 祀 求福 天,斬 宋 建 椎 ,伏尸淮 於人 4 禱 手。 賽, 南 諸 ,舉族誅夷。 終 葛 自 誕 焚 夫婦 滅。 聚會神 文 此天下所 欽 日 巫 祠

「平人材」、《北堂書鈔》作「評次人才」。

- ② 「品」,方本作「輩」。
- 3 得 軒軒然得志煦煦然自 志喧 無樂子何樂之甚黎曰 喧然乃自樂」,以下尚 樂」、《北 非我乃聖人也」二十 有 堂 「傅子難 書 鈔 作 之 軒 日 四 子 軒 字 以 然 聖 乃
- 中 生 此 亦 人也 條四 也 有 「然 視其 庫 字。 朝数 本 冢上木生三十歲 作 然生 大太 原 一偶與 民 發 發 冢 冢 破棺 有 不 會也」。 知 此 中 婦三 有 婦 数一下, + 人 將 歲 尚 出 與 地 語

共見,足爲明鑒也。又《諸葛誕傳》注。

知其博也。 桓 譚 書 北 煩 堂書鈔 而 無 要, 蒼百 辭 雜 而 無 指 歸,吾不

下士,賓客盈坐。又六十四。安鄉亭侯曹羲,爲領軍將軍,慕周公之

壽,❷憂亡流涕。又。曹攄爲武衛,●大縱酒作樂,酒酣起爲

魏武 直。 記 光武 糺亂 漢高 意 林 》引作《 教 祖 以 度闊 尚 物理 而網密,故後世守常 猛 而 ,天下修法而貴 論 網 疏,故後世 推誠 理。 而 禮 《天中 而 義 簡

條見《 爲《物 中」、「翻 《御覽》引 《傅子》 今人稱古五語」,見《治要》,「軺車」一條見《史記 北 理 附 耐 車」三條見《魏志・ 論》 堂 合。 録 他 書 原 書 《意林》載 鈔 第三、第四 文,此 引 》,「漢· 作 外明言《傅子》者 《傅子》者 太宗」一 《物理 條嚴 杜夔傳》注,「塞蟻 論》八十條,首二條 氏 條、 可 「馬先 均 「善賞者 據 五條。 生」、「給 道 藏 四 孔一 拳 不言 語 校 與

> 者也。 條,無 天地成歲也,先春 夫文彩之在人,猶榮華之在草。 録於前。 五. 文,而錯簡在《物理論 題《傅子》語,而 性」、「人之學」四 較他書引《傅子》少詳者: 見《唐類函》,「積薪」、「秦人」、「世質」、「搆大厦」、 語、「漢書」、「漢高祖」二條見《天中記》,「春華」一條 隱 「天下之害」、「公卿」六條見官本。 不言《傅子》,而 懸千金」、「口銘」、「陸田」八條見 條,然則其餘 燕 今取《 條 趙 餘悉附録於後,存疑俟考。 與 養 《意》 他 親、 林 疑 書所引合,而 亦 條。 爲 所 誤 滌 物物 人之。 載 且「傅 》者也。 器」、「君 理論 物理 而 「相者」、「光武」、「人之 後秋。 氏之先」一條明是馬氏 然則其 《意林 他 》文,而 論 子審 書引 考 御覽》,「 宗」、「 定爲《傅子》者 載 餘 錯 見 人君之治 疑 簡 物物 《傅子》十一 皆 在 西 班 理 《傅子》 《傅子》 或 論》者 固三 胡

也,先禮而後刑。

不當 常 刑 萬計 至四 未便,事 令復肉刑 除 藥 以 一千人也。 死 Ŀ 肉 也 除 疏 者更衆,與幹意合。 Ŧi. 刑 死 救 未見 + 臣 ,文見《類 遂 嬰孩 欲 未果。 也 肉 寝。 每 復 雖 刑 施 肉 斬 歲 行 時 周 之疾, 今除 聚》。 其足 雖 刑 扶風 所 太 廣業《意林 而 歲 斬 和 殺 竟 猶 幹字 太守 中, 肉 生三千 其 云繇 萬 疑 而 任 刑 繇 足 此下 計 彦 傅 生 不 復肉刑,知 上 洋 林,即 幹 育。 人云 危 疏 猶能 忍 ·數節 亦作《 言, 者 《魏 鍾 鍼 張 云。 休奕父也 皆 更衆 能 繇 倉 志 艾, 肉 生 尚有 《傅子》之言, 除 有奸 復 司 刑 育 肉 鍾 徒 更 議 肉 譌 刑 者 也 何 繇 王 脱 加 率, 刑 所 傳 此 極 朗 異 也 他 言 言 年 議 殺 歲 張 服 太祖 但 以 除 肉 歲 物 倉 生 他 肉 刑 爲 以

赴

名肉刑者,猶鳥獸登俎而作肉。

腕 能 以 肉 不 謂 以 刑 今 其 此 代 有 雖 加 之。 弱 斷 百 子 不 姓 苟 死 當 乎 可 也 陷 ? 以 大 生 蛇 辟 易 螫 問 在 死 也 其 手 1, 慈 有 父, 夫 道 之 必 斷 君 乞 其

曹羲曰:「縶馴駒以緣絆,御悍馬以腐

注 索 魏 今制 曹 1義有 民 肉 以 輕 刑 議 刑 亦 如 此 也 \_\_\_\_ 周 廣 業 念意

元借人心,而後用其耳目。 但知管子借耳<sup>疑脱「目」字。</sup>於天下,不知

妄進者,若卵投石。逃誅者,若走堯借人心,而後用其耳目。

深。 妄進者,若卵投石。逃誅者,若

毛 也 樹 此 上 懸 似 瓠 而 非 非 木 實 也 背 Ŀ 被 裘 非 脊

邪 伴 猶 鮑 也 文 舍。 俱 舉 0 ?」文舉 鳥 叔 行 則三人俱 荀 獸 後 貢 日 天 漢 侍 遇 末 . 而 禹 雨 中難 赦 有 能 管 食 日 雪, 管 言 無 死。 王 秋 日 秋 耳 糧 罪 陽 陽 此 : 陽者, 絶, 愛先 乃 伴 今有 此 秋 此 與 謂 非 间 陽 人 與弟 人遺 弟 其 犬 會 可 貪 不 共 弟 齧 友 可 生 謂 及伴 體,食 殺 也 曰 殺 善 」,若管: 之, • 生,豈 貍 向 士: 所 乎 伴 得 今 貍 人 殺 齧 仲 無 糧 不 不 避 者 罪 啖 嫌 孔 達 食 亂

偃 鸚 以叔敖 鴟, 何足怪 怒 楚 也? 師 而 欲 昔重耳 食伍 參,賢哲之忿, 戀 齊女而欲食 猶 狐

欲啖人,而 況遭 窮者乎

拘,儒者嗤道家之放,皆不見本也 見虎一毛,不知其斑。道家笑儒者之

所 止也。 Œ 響以 聲,逐影以形,奸争流蕩,不 知

禮之。 已,後乘輕舟遊五湖。王令人寫其狀,恒 范蠡字少伯,楚三户人也。 《列仙傳》云徐 人也 使越滅 朝 吴

楚漢之際,有好事者作《世本》,上録 黄

帝 ,下逮漢末。●

大孝養志,其次養形。 養志者盡其和,

養形者不失其敬。

歸之。 妻子疑之。❷ 見疑妻子,難以事君。 割 以信接人,天下信之。 地利己,天下讐之。 推 不以 心 及物,天下 信接人, 君子修

身居位,非利名也,在乎仁

墨子兼愛,是廢 親 也。 短喪,是忘憂也

望釣於渭 伊 尹耕 濱,孰知 於有幸, 非 孰 殷之漁者。 知 非 夏之野 遇湯、文、 人。

吕

武,然後知其非 也

所謂 飛天之志 形異 面歧路者,有行迷之慮。 而 實 或 同 乘 也。 不馬,或 乘 車 , 而 仰 俱 高 至 山者,有 秦者

大河何所用之? 若謂黄帝後方有舟檝,庖犧之時,長江

終世不知其底。 經 巨 海者,終年不見其 故近者不可 涯 以 度遠 測 虞淵者 也

青與赤謂之文,赤與白謂之章,白 [與黑

<sup>0</sup> 彪殊異馬遷 意林》以下爲另一 條: 班 固 漢 書因父得成 遂没不言

妻子」、《意林》作「天下」。

謂 之黼 ,黑與青謂 之黻,五彩謂 之繡

始 皇塚、令匠人作機弩、有人穿者即 射

以人魚膏作燭

逐兔之犬,終朝尋兔,不失其迹, 雖 見

麋 鹿,不暇顧也

平,不求響之和 形之正,不求影之直 而響自和,德之崇,不求名 而影自直; 聲 之

之遠而名自遠。

之美。 必 得崑 必 須 南 Ш 之玉 國之珠 而 而 後寶,則 後 珍,則 荆 璞 隨 侯 無 無 夜 明 光

葬驪 山,尋見發 始皇遠 遊 並 海,而不免平臺之變。 及

掘

月之稱

景: 質鈍故也。 有駑駘之馬,雖造父駕之,終不及飛 今有鉛錫之鋌,雖歐冶百鍊,猶不 土不可作鐵,而 以 作 兔絶 如 瓦

長 人數丈,身横 九畝,兩 頭 異 頸 了; 四 臂

> 共 骨, 老 人 生 角 男 女 變 化, 何 益 於 賢

愚耶 ?

之神,存於匹婦之室? 豈有太一之君,坐於庶人之座? 魁罡

指南車 見《周官》,亦見《鬼谷子》,先

生作。

或 典之墜,猶位喪也。位之不建,名理

廢 也

用 或見 以 以 譽取 任 功 也。 進 士,則 人,則權 有德者未必授,而 勢 移 於下,而 朋 黨之 凡下之 交

越 不敢 龍 舟 御 整 一概,王 王 也 : 各有 良 不 所 能執 能 也; 驥鵦 齊行

金以利 粟 補吏,是賣官也。 用,錢以輕流,此二物 罪 人以贖,是縱 飢不可

惡 也

可

世 一富錢 流 則 禁盗 鑄 錢。 世 貧 錢 則

禁盗壞錢。

之以 風 而 而 謂 後 賤 承 有」下疑 聲 用之。 道 不 賞 得 不 而 德,緯之以仁義,織之以禮法,既 有脱 冒。 避 舉,故任 謂有孝廉秀才之貢 疏 譌 賤,罰 尊 有 實者漸消,積 定位 不 避 前 親 貴。 卑 木 了,或千里望 虚 貴有 敢 者日 踰 常 長。 成 經

聞一惡言,見一惡行,遠之唯恐不速。 聞一善言,見一善事,行之唯恐不及。

三皇貴道而尚德,五帝先仁而後義,三

王先義而後辭。

非 危 鄉 輕 民 富 家 則 相 安 聚 鄉 而 重 犯上。 家 敬 飢 上 寒 而 切 從 身 教 而 不 貧 則

引誤。

我欲戰而彼不欲戰者,我鼓而進之若

失利 之膿 癰。 疾 Ш 雷 崩 相救 河 晝戰目 不 積 暇 溢 恩 掩 當當 以 相 耳 感 其 見,夜戰 則 下 衝 又 者 也 誰 摧 禦之? 耳 值 史記 相 其 聞 鋒 云: 吴起 者 得 利同 破 吴 吮 起 瘡 所 吮 者 謂

文。 死 地 按今本《中論》無之。 人之涉 ,但不幸耳。 世, 譬 嚴可 如 弈棋 均 據 《道 荷 藏 本 不 盡 此 條 道, 是 中 誰 論 無

右四十四條《意林》引作《物理論》。

《筝賦序》,不言出《傅子》,此當人集,不當人子,疑《類聚》 絃柱十二,擬十二月,乃仁智之器也。《藝文類 絃柱十二,擬十二月,乃仁智之器也。《藝文類

皆於 廣處之。 廊 樂 下 廣 白 督 爲 日 郵 河 南 户 傳 中 尹 自閉,二子凱 郡 治 事 中 無 前 敢 廳 多 在 横等 怪 廳 事 病 懾 者,唯 後 怖。

廣使掘牆孔,得貍乃絶。《藝文類聚》六。《御覽》

河南尹在惠帝時、《御覽》引作《晉書》是也,疑《類聚》誤。 二百五十二引作王隱《晉書》。 案傅玄卒武帝初,樂廣爲

〔新增〕

篇》。 嚴本卷二,傅本卷二。❶

象天地以立制。《北堂書鈔》十七,題作《大本

語及校勘記。

此條係校點者新增。 參閱本書卷一《釋法篇》原有校

六五

## 附 録

隋 書 經籍 志 **▽**: 《傅子》百二十卷,

晉 司 隸校尉 傅玄撰

《意林》:《傅子》百二十卷。

唐 書 經 籍志》:《傅子》百二

新 唐 書 藝 文志》:《傅子》 百

十卷。

百四 撰。 先《唐書》十餘年, 例。 《崇文總目》《新唐書志》均歐陽文忠公與修,《總目》之成 十篇,今亡一百一十七。《文獻通考》。 《崇文總目》:《傅子》五卷,晉傅休奕 本傳載內外中篇,凡四篇,亡録,合一 集經史治國之説,評斷得失,各爲 而《傅子》卷數不同如此,蓋《唐書志》襲 品 案

通志》:《傅子》五卷。

玉海》:《傅子》五卷。

《文獻通考》:《傅子》五卷。

《宋史·藝文志》:《傅子》五卷。

玄撰。 首,數十萬言行世。 子》,爲内外中篇,凡有四部六録,合百四十 及三史故事,評斷得失,各爲區别,名爲《傅 封鶉觚子。 《文淵閣書目》:《傅子》一册 四庫全書總目》:《傅子》一卷,晉傅 玄字休奕,北地人,官至司隸 《晉書》本傳 玄初作内篇成,以示司 稱玄撰論經國 闕。 校尉, 九流

奪耳。 時 官本除誤收 三篇,餘均缺。《玉海》。 行本篇數無缺,惟 《中興書目》:《傅子》五卷,今存二十 《鏡總敘篇 《授職》、《禮樂》、《問政 》外,亦適得二十三篇,疑今本與 案篇數與《崇文總目 》諸篇文有 》相

舊史之文、《崇文總目 》乃紀其實也

論 職 爵 文 見 不 初 史 是 載 此 之 富 空 義 篇 者 頗 著 堂 唐 流 禄 • 理 王 校 傅 ^ + 完 多 録 書 世尚 藝文志 ,較之原 曰《官人》, 濟 沈 日 遁 Ι. 隋 子 日 目 具 **>**, 義 且. 蓋 書 經 沈 齊 ^ 為完 》尚 篇 者 禮 信 日 所 已 綸 孫 與 白 ^ + 標 僅 樂 見 久 目 經 玄 日 孟 政 戒言 本。 四 日 曰 篇 其 有 載 佚。 \*, 已 籍 書 體 於 問 + 名 目 有 亡 日 志 存 曲 通 往 日 宋《崇文 政 卷, 咸 <u>~</u> 篇 今檢《 五. **>**′< 代。 志 制 日《 貴 重 **\***, 卷。 在 百一 兀 馬 教 唐 《假言 儒 省 日 明 曰 其 曰 曰 總 永 **\***, 書 足 教 謹 之 總 其 + 爲 ^ 正 治 信 樂 下 舉 日 後 後 **%** 採 目》僅 意 七 當 足 體 心 藝文 大 所 賢 直 藏 惟 掇 篇 檢 林 以 又 時  $\approx$  $\forall$ 典》中 著 裒 尤 文義 商 塞 載二十 所 志 日 故 袤 亦 E 次 書 日 日 賈 家 楊 重 **^** 同 宋 授 皆 得 散 遂 言 矯 未 重 遂 墨 如

> 記 戴 蒐輯 《永樂大典》未 役賦 違 多 代子家今傳 己 多 大典》誤 竹 搜神記 道 们 凱 之 《 其 不 譜 皆經 家 得 可考。 **\***, 日 **>** 記 四 詭 日《 問 後 竹  $\approx$ 分 疑 + 誕 録 鏡 葛 爲 《問 刑 譜 於 謹 餘 之 瑣 總 竄 洪《 二耳。 世 載 條 説 刑 依 屑 尚 敘 日《 改, 者 ×, 前 抱 文 存 别 不 無 安 已 編 0 朴 惟 法 見 爲 能 關 民 篇 非 其《 綴, 子 然 於 張 刑 附  $\forall$ 悉 名 目 × 原 他 華 録 總 宋 軌 理 視 博 本 日 書 嵇 書所 ,繫之於 於 志 博 爲 屬 物 含《草 崇 法 ^ 正 物 草 志 徽引 抱 文總 五. 刑 卷。 篇 志 **>**,</br> 卷 朴 獨 木 木 一干 後。 · 子 者 目 曰 搜 玄 狀 狀 其 原 永 **>** 此 又 神 寶 第  $\forall$ 晉 復 有 樂 較 平

按《 文 Ξ 木校 《永 《韓子 樂 記 鏡 大 總 典 又 《藝 所 據 》非《傅 見 知《鏡 文 篇 類 數 子 聚 總 敘 若 篇 卷 去《 》實 名 七 鏡 爲 十《 説 類 見 鏡 書 敘 卷 類 部 一《官 則 别 恰 爲 亦

考見 往 書 往 所 其 殘 論 而 什 編 在 皆 斷 關 簡 以 是 切 視 收 亦 治 拾 道 可 論 爲 於 闡 衡 寶 闕 》、《昌言 啟 貴 佚 儒 之餘 也 風 者,尚 精 意 皆 名言 當 得 孫

子》。 於 修官: 所 又 有 及《 之,得《傅子 有 日 文選 他 未 有 録 八十 讀 白 書 及 無 徐君步雲從《永樂大典》中搜 目 程 》 注 乙未,公車 家 引 所 者 瑶 録 餘 或 類 徵 中 田 目 種,多今世 志 纂 引 然 碎 **\*** + 者 孫 》,檢裴 五. 中 後 事 數 四 一書, 氏 + 計 應禮 云 知 條 篇 逸 Ŧi. 云 古 及 四 松之注 子 事 皆裴 所罕傳者 部 書 披 + 書 嘉 旁搜《 之久逸者 試 條, 而 隨 = 慶 松 中 校 種 取《 几 亦 之所 四 所 録 序 太 年 間 庫 諸 引 略 平 輒 爲 出《 並 猶 未 全 子 書, 御 採 裴 逸 引 傅 書 彙 或 松 覽 而 凡 余 ^ 者 子》 函 存 之 傅 × 輯 百 小

嚴可均《鐵橋漫稿·傅子敘略》:宋

乃《中 六千 得二 文類 論 論 下 林》,以各書互證,知《 世 覽》、《諸 篇 隆 治要》校補大典本二千五 初 傅子》,皆楊泉《 》僅 半 名 所 中 七條皆《傅 ~ 十八 條 行聚 僅 餘 聚》之《釋法》、《北 ,始從《永樂大典》寫 傅子 論 前 陳 并 字,廣 前 及 四 詩 子瓊林》三 無 篇。 第 也。 珍本也。 **>** 條 尚 庭言今本 篇 四 條 是《 有 子 爲二卷。 名 余 條 又 又從《三 殘 **>** 物 者 物 既 乃《 半 也 本 十 六 理 作《意: 嘉 理 條 ·, 十二篇 傅子 條,及《文選》注 意林》甚 慶 六條 論》,其 論 其 是 或 至乙 崇 堂 庚 第 志》裴 文 也 出二十三篇, 林 。》也。 中 書 百許字,益以 午歲 ,合爲 九 總 考正 後 亥歲,余校 論 第 鈔》之《大本 + 羼 所 目 不 五 松之注 ,余從《 所 載 越,凡所 **>** 其 條 著 五. 條 載《 卷 一卷,手 徐 至 卷 幹《 條 第 物 寫 群 二十 即 俱 ^ 意 藝 九 理 之 中 載 有 出 書 今 御 乾

安。」 焉 條、 案今本《 録 評 爲 耳。 或 合 類 引 寫 海 金 無 曰 デ 刻 山 問問 録 斷 内、 附 數 凡 九 錢氏刻 + 本皆 注「未刻」。 過 合而 日 四 得 兀 而 内篇 《意 得 五. 蓋誤 部 排 失,中篇《 卷, 至 事 補 數 頗 「補 《指 六録 録之, 十二 中 比 載 撰 得 疑 遺 繕 百 海 之,爲補遺二卷, 遺 九 物 集止 論 條 同 與 寫 丙子 》第十七 莫考。 爲七 傅 就《意 理 請 時 經 有 前 插 魏 依 以 論 子 歸 之誤 俟 或 架, 四 歲 光 書》底本, 安 集目 下 來 楊 意 端 九 部 《崇文 林 卷 未見,亦 正 八十條 與 哲。」又 鳳苞 或 有 流,外篇 六 林》 月。 緒 小 嚴 聚 《傅子》二 録,云 欲 亦 有 氏 此 珍 九 不 嚴氏 總 與前 遂 所 見《 輯 而 重 序所 本 + 知 問 見 是 目 徧 以 爲 輯 卷  $\equiv$ 複 傅 相 五. 書 何 意 言 蒐 何 本《四 自 所定二卷 一
史
故 作 事 輔 品 子》 林 惜 然 九 人 竊 子 敘 》有 + 輯 所 均 傅 次 别 而 録 書 恐 傳 原 七、 未 几 見 本 堂目 子 第 多 事 ? 行 見。 也 未 篇 終 次 所 指 八

> 今本者。 越 諸條,乃 所言《意林考正》一 據明廖刻本言之,今官本已更 卷,亦未見也,所言《中 論 羼

卷,此 九。 明。 編 異。 寫 刊 乃諸引《傅子》者,此 絶無之? 卷、富於楊氏 加 物理 定清 本。 見《物 輯《傅子》一 著 先 且《物 周 本。 書二十餘 近江陰繆 論 與《 生字勤 廣 理論 》者,此往 此 物 業 書 理 補 理 小 種 所 二論》中 十倍,會元採録,❶ 書 意 》者 卷核 ,號耕 論 録者 珊 有 雖 太史得 林 》疑 有二十 《補 崖 ,皆就其第 亡, 往 **\*** 對 屢 吾州 注 注 互有 往 在 \* 其 意 見 稱《 往 卷四 林》五 人。 意林》亦 傅子 條 于 錯誤,蓋《傅 在 傅子 五 傅 他 卷五 卷注中採 嘉慶三年 則 卷,逸文一 物 子 書 ×, 其 不 理  $\Rightarrow$ 逸文, 徴 無 爲 以 何 論 應繁簡 引 出 卒,年 百 錯 武 本 凡三卷 卷,未 與 其 尚 子》爲 <u>一</u>十 誤 英 諸 前 六十 多 殿 甚 引 反 训 見

^

0 「會 《唐書》本傳。 元」, 原作「元會」,誤。 今乙正 意林 》作 者 馬 總 字 會 元

卷則

未見

也

〔新增〕

搜各 嚴 其 等 書 或 總 本 日 卷,今并 三篇,見於本傳及 傅 卷 志 孝 <u>二</u> 十 所 所 本 也。 目》 子》百二十卷 八凡四 載《傅 載 書, 廉 孫 所 得 僅 嘉 四篇 有 口 星 重 彼 引, 無 存 均 篇 慶 衍《傅子 卷。 子》文 加 或 傳 二十三篇,故《宋 合二 文 名 爲 初, 編 所 本 者 休奕,魏人,在晉武之世 頗 刊 吴 輯 一卷。 書録之,益 爲 較 《永樂 隋、唐《志》, 凡 删 唐 重 興 以《治 完 二卷,其 魏 節 百 輯 鄭 越 足。 徵《 或或 几 本 姓 大典》 五. + 敘 要》、 群 爲 即《 載 庚 首 以 **\*** • 餘 寶 書 、嚴孝 午 裴 至宋 宋志》之五 藝文志》止 載 《大典》 蘇 散 治 總 晉 歲 松之注《三 條 有 局 要》 爲 傅 几 時 廉 買 爲 休 内 正 月 以 崇 及 補 銅 又 中 奕 歸 心 各 屬 卷 遺 遍 于 五 文 外 作

計 傳》繇 言之。 則中 傅子 之。 禄篇 冀 往代 濁 至 重 除 用 「言富 教之首 問 以 禄 人 肉 ,善者變 司 臣 刑篇 經世 啟 所 夫吏 》言吏 得 刑 隸 人 欲 上 理 是 之非, 沃 故 不 非 以 其 校 復 疏 **>** 濟 一之論 至 當宁,凡 時 待 能 亦 虚 要 尉 而 肉 禄 所 亦 不 節 譽 士 自 足 多 著 刑 陷 不 云 博 以 則 齊, 其 之 保 亦 也 以 改 書 重 於 學 無 爲言之太 歲 張 語。 詞, 略 塞 肉 上 非 書 故 則 通 善 爲 生三千人」 魏 蒼 傳 楊 刑 善 有 達 夷 蓋宋 屬 及《 而 禮 徵 肉 墨 除 於 益 少 齊 人 治 化。 文, 之 之 刑 記 肉 此 問 體 於 而 必 政 人 過 刑 當 爲 流 嘗 中 刑 犯 術 同 死 疑 又言 ~ 《永 復 或疑 中 清者 之言 諫 也 篇 遁 人 刑 所 其 群 時 庸 多 晉 故 故 不 漢 》訾漢 書 殺 儒 齊 王 樂大 其《 然 盡取之, 武 篇 學 純 治 魏 化 沈 歲 禄 孫 則《 重 鍾 太宗 要 爲 人 稱 以 亦 而 孟 以 不 而 典 常 爵 傅 萬 有 删 繇 重 於 其 王 爲

子 孫 庶 学 免 一衍 不 書 學 譔 雖 于 無 闕 冶 術 佚, 城 之 誚 Ш 爲 矣。 館 政 者 乙亥歲 各 寫 + 通 月廿 置 座 右 日

蓋 樂 佚 僅 其 者 集 避 有 失 不 子 即 大 + 四 或或 各 亂 × 百 四 廢 五. 志 百 宋 典》 卷 部 餘 於河 部 嚴 元 爲 <u>二</u>十 撰 篇,後此不 六 同 時 二十三篇 卷行於世 六録 口 寫 品 有 論 内 録 均 二十三篇之節 出二 别 卷 缺 經 一合百 品 傅 專 晉 晉 篇 名 或 别 十三篇, 子 心誦學 書 陳詩 九 爲《傅子》,爲 司 序 或 亦 復 四十 案百 流 本 隸 \* 數 著 無 及 傳 校 篇 庭言今本十二 録。 首 ^ 從 四四  $\equiv$ 録 隋 又 尉 : 後 合卷 考。 + 史 本。 數 玄 無 志 雖 傅 乾隆間 首 故 字 篇 + 玄 内 顯 ^ 而 今莫 崇 雜 又寫 名 萬 休 撰 事 貴 外 百二十卷 者 奕, 文 言 家 中 評 而 從《永 **\***: 出 篇 能 六 總 舊 并 著 斷 少 **文** 詳 **^** 目 又 時 傅 文 新 凡 得 述

皆爛 數 子 字 選 略 子》、《牟子》及 九 其 也; 其 載 藏 要》所載 百 意林》所 + 第 , 廣 得《傅 第 許字。 》 注 百 卷。 • 徐 本 所 條 脱,乃 五 幹《中 雜 八 爲 差 載《物 條至 條 篇》當《 條 嘉 二十四 御 重 子 二卷。 善然 載《 又從《三 至 之下 慶 作《 覽 論 加 **>** 第 末 庚 理  $\leq$ 傅子 × 排 王 意 蔣 九十七條乃《傅 緒 論 僅 午 多 篇 半 Z 比 乃《中 (諸子 孫 林 濟 亥 歲 羼 或 條 前 校《大典》本 》乃楊泉《物 子 以 因 考 僅 越, 歲 志》 及 萬 ×, 瓊 余 《治要》、《 Ē 復 前 條 論 第 機 林 余校《意林 而 注 以 以 遍 **>** 四 又 一卷, 論 兀 寫 唐 各 也 搜 王 條 半 》等 條 出 魏 書 -,多出 十 各 是 孫 子 條 理 六千 他 大 徴 手 書 互 四 子 四 是《 **>** 乃 論 物 典》等書 也 證 寫 × 如 + 條 **\*** 得 群 三百 中 二千 理 也 傅 數 家 以 之, 知《 佚 其 鶡 論 書 合 論 過 子 第 所 文 莊 道 治 知 Ŧi. 爲

之,用 隨 凡 + 所 四卷。 見 Ŧi. 載 隨 事 整 見 補 篇 次 傅子 其《意 可 第 爲 也。 類 **>** 卷 原 林 附 鳥 次 : | 與 以 程 而 各 間 嚴 整 或 書 口 厠 篇 尚 均 所 之, 復 有 載 敘 見 爲 漏 依 者,不 落 補 意 遺 林 復删 卷  $\Rightarrow$ 九

言 焉。 古, 書》館 有《 帙, 祇 著 十三篇(《 二十四四 重 存 録 傅子 爵 頒 而 嗣 Ħ. 方濬 假 禄 言 示 傅子》一百二 篇 得 命 卷。  $\Rightarrow$ 言》、《問 士 亦 正 儒 日 又徵 林 傅 最 禮 種 本 臣 我 心 鶉 醇 樂》、 紀 刊 **>**,</br> 朝 謹案 各 亟 觚 昀 所 高 政》、《授職 板 類 取《 義 集 等 **^** 宗 唐 存 十卷,至宋《崇 書 漢 貴 信 序》: 從《 四 魏 僅 純 中 教 魏 **×**, ≪ 庫 徵 此 皇 零 永 st而 **>** 隋、 通 帝 所 星 樂  $\sim$ 群 識 》、《信直 後 檢 志 特 收 斷 大 唐《 書 者 惟 商  $\approx$ 開 校 句 典 治 是 不 《舉 賈 藝 ^ 文 之, 編 **>** 四 要 無 書  $\check{+}$ \*,  $\approx$ 總 文 賢  $\approx$ 遺 爲 同 採 庫 爲 志 目》 補 戒 者 最 全 憾 中 録

學記 溥 皆治 吏部 録 + 禁狂喜 此 有 君 始殘 違》、《 利天下者」 者六篇(「昔者聖 者二篇(《官人》、《鏡 治要》有而 大 **≫**, 而《 彙 互 也」一條、「治人之謂治」一條)、又《大典》 典》 禮樂」 輯《 **>**′< 復 偶 勘 治要》 續 問 要》、《大典》及《 乃 以 了; 正 檢 意林 所 傅 古 刑》、《安民》、《 《得《三 示 缺 鶉 盡 文 其 同 大 無者二篇(《仁 條,「 者 觚 發架. 條,「 苑 訛 年 詩文襍著》,釐 六篇 学中 典》 或 字, 通 老 人之崇仁也」 上 凡 傅子 志》 典》、《 友 復 順 無 藏 有 總 四 李 注 得 書 其 者 平 血 敘》),無 治 日 庫 恢 中 如 困 次 徧 役 氣」 體 至 崇 論》、《校工 篇 干 序 學 所 垣 賦 哉 × 爲 紀 計 計 條 引 吏 曾 爲 \* 搜輯 條,「 季文子之事 篇 部(光 者 法刑 曲 聞》、《 採 五. 并 得 條 名 缺 數十 卷, 制 人 篇 明 於《 傅 而 無 者 ()),彼 》,又 × 廷), 丹 以 張 子 目 補 商 可 條  $\sim$ 初 鉛 氏 君 補 矯 實 嘗 府 之 碩 以 耳 於 温 假 常 以 知 即 幸 崇文 對 父 獲 蒼 謂 矣 竢 爲 公之論 鶉 唐 玩 頗 既 羊 我 渾 濬 虞 知 故 缺 觚 不 有 伏冥 總 ·傅 之制 不 之 師 心 世 昔 也 人 E 其 貶 正 目 實 日 賢 論 司 餘 詞 欲 誅 能 繼 不 毋 w 爲 之 光 君 馬 尚 濬 世 將 行 亦 遂 江 必 誠 緒 千 其 數 温 能 傅 者 師 都 順 篡 有 有 惜 非 古 丙 子 氏 公 補 年之禮 竊 其 孝 奪 不 裴、 末 子 下 論 炎 雖 書 至 綴 疑 美 之心 安 子。 學 子 季 啟 未 傅 在 晉 什 不 漁 司 於 所 春 所 昌 諸 及 之 敢 武 特 裴 洋 馬 中 裴 得 當 月 黎 子 不 親 謂 徒 欲 爲 Ш 昭 者 秀 粉 亦 知 朔 家 知 法 行 有 葬 古 尚 奸 之 矣。 邪 讀 飾 有 善 守 上 有 即 書 陋 功 讀 疏 險 是 以 ! 哉 · 筆 几 受 年 於 君 令秀 庸 路 鶉 爰 李 書 止 彰 言 要之, 之喪 日 魏 臣 是 力 觚 附 鶉 中 己 何 序 禪 也 編 皆 習 雄 著 美 傅 部 樂 觚 有

> 大 史 加 定 清 川 遠 級 資 方 署 政 濬 大 理 夫 師 兩 撰 廣 品 鹽 運 頂 戴 使 前 廣 東 内 分 閣 巡 侍 肇 讀 陽 記 羅 名 道

理 楊 官 乃 爲 書 慶 書 載 獻 以 祇 剛 治 》館 团 尠 發 几 時 後 之。 而 通 存 侯 要》、《 董 雲 暇 藏 卷 考 殘 傅 傅子 烏 藏 臣 × 本 舍 書 至 以 隨 書家 程 從 五 禮 或 **^** 惜 人 省并 復 意 作 《永 嚴 **×** 文淵 卷 希 鈔 初 借 林 絶 隋 氏 傅 百 9 閔 樂 始 本 複 》各條 輟 無 歷 人 可 閣 子 大 佚 相 僅 閲 著 重 均 + 元 書 跋 典》寫 助 存 市 曩 録 與 增 目  $\forall$ 漸 暨 卷 甄 河 明 歳 者 以《 × 鋭 有 物 間 晉 采 一諸 佐 唐 出 條 殘 志 色  $\equiv$ 郡 紀 或 司 誤 書 以 所 緒 本 孴 有 或 東 氏 史 隸 所 也 前 卷 集 輯 相 年 志 經 徵 昀 瀛 校 無 適 益 刊 傳 未 **>** 籍 謂 引 尉 闕 注 歸 多 得 顧 行 川 之 者 志 故《 安 江 以 宋 清 庫 元 得 > 群 爰 右 應 文 廣 嘉 全 均 明 代

冠 華 并 書。 有篇 謝 本 亦 亦完 編 百 繁,依《崇文 嘉 十三篇,雖殘缺 平 後 悉 以 有 餘 以 次 城 中 具。 敘 近 傅 出 字。 目 體 廣 心 l 者 數 則 録 得 子 宋 文 澣大興傅以 刻 讎 例 成, 大 日 勘。 固 加 海 》亦在其 本外者。 亦參用之,重加 植 未 以 寧錢氏清 總目》 段 爲 録 攟 孫君 能 ,闕題者更夥,視嚴本又增 尚 誌 過 摭 頓 得嚴本郵寄, 燦 中,遂 其 半,然博綜 勒爲五卷。 禮 爲 兹值 還 畸零,聯繫斷散 然 顛 節 成例言,刊諸卷端 舊觀,而 風 可 末 子 奉檄修校聚珍板諸 取 堂本,屬孫鹺尹 觀,爰附刻 謹 如 舊 排 識 此 所 增 比 逸文賸 藉資印 今原 重 訂, 光 以 輯之本, 計 篇 緒 本 卷 於 句, 證 甲 聚 之二 續 章 帙 并 星 午 當 Ŧi. 間 并 珍 得 少

#### 晉 書 本 傳

弘農 爲 帝 陳 守。 後 海 直 太尉辟,皆 少 漢 材 子 便宜 參 繆 孤 陽 《魏志・ 晉 太守, 安 北 施 貧 太守。 傅 能 加 地 多 東 王 俱 玄字休奕, 駙 人,終於丞 容 博 將毛作 以 所 領 馬 以 武帝紀》注引《九州 不 人之短。 學 父 時 玄爲 典 都 王 就 善 幹 譽 尉 農 正 衛」。 相 屬 散 選 北 校 州 倉 殿 文, 曹屬 騎 Ŧi. 尉 人 地 舉 本 郡 軍 等 常 作 著 秀 泥 解 上 有 軍 侍。 春秋 韓 建 所 陽 作 才,除 鍾 計 事 子 居 誤 Ħ 律 吏, ₩ E 封 撰 及受禪 玄。 轉 稱 也。 鶉 集 郎 職 温 再 参軍 性 觚 魏 與 中 舉 數 令, 此 祖 魏 男。 剛 扶 孝 傅 異 變, 勁 書 與東 進 上 風 再 幹 廉 遷 爵 武 書 亮 字 玄 太 漢

周 同。 名爲俗· 舜 「魏文」以下十一字。 於朝 守節 術,而 紀 教,長 及散 於今。《文選 以 上 所 上 之化 載 之典文, 》傅玄上 法 下 疏 首 《晉書 野 術 相奉 騎常 帝 日 吏」, 句 天下 其 疑 其後 ,使天下 相 初 : 書 開 義 有 疑 有「昔 侍 即 御 傅玄傳》此下有 貴 臣 脱 即 正 臣 節 綱 皇 位 譌 此 刑 詠 晉 懷 直 而 ; 聞 魏 甫 維 疏 紀總論》注 無 義 嘆 之 武虚 又曰 名; 道 義 廣 陛 先 語 陶 不 復 心。 化 路 納直 而 心亡矣。 下 王 無 攝 共 而 魏 清 論 隆 聖 之臨 放 體 「志在拾遺 掌 晉 禮 文慕 亡秦 議 誕」至 於 引王隱 言 而 德 經 書 諫 將 夏 上, 者謂 虚 而 天 禹 節 職 開 又奚言 龍 通 近 蕩 「復發於今」,與 無 亡 之。 下 之 之俗生,説 清 興 達, 不 滅 ,多所獻替」二句 者 放 秦 書 玄《群 、受禪 至 也 議 諱 先王之制 又 魏 之 》傅 誕 而 引 儉 之 行 玄上 病 之 武 明 天 干 路, 於下 書 法 惟 綜 弘 下 好 其 論 寶 復 治 此 理 疏 堯 殷 賤 法 玄 發 盈 晉 文 者 有

懲 詔 遠 舉 有 清 進 不 禮 恪 遠 之臣 有 臣 玄復 禮 是 之 者 以 上 臣 此 猶 疏 以 尤今之要 敢 日 敦 有 : 言言 風 節 ; 詔 也 未 0 報 退 乃 曰 虚 : 使 鄙 玄 舉 草 以

其 後 宜 其 不 積 更 \$ 口 人 H 要 去 用 乎 也 臣 久 也 職 0 聞 廢 臣 不 也 天 舜 典 優 得 下 舉 不 其 謨 其 諸 廢 群 五. 禮 日 人, 臣 職 司 有 秩 無 猥 於 疾 而 無 曠 朝 病 多, 日 寵 爲 庶 滿 存 則 而 或 不 官」,言職之 百 之, 損 化 可 無 日 不 既 不 曠 用 不 貲 差 官 審 人 差 之 而 況 得 得

各業 此 臣 王 聞 政之急 其 先 業 王 而 分 也 殊 士 其 農 務 工 商 自 以 士: 已 經 上 或 子 制

農 貨 臣 游 其 手。 或 其 知 雖 而 ,足其 爲 分 之要務 以 莅 而 手 漢 食 不 逐 天 己。 爲 二, 二 士 多 魏 聞 ,百官子 事 分數之法 下之大,兆 淫 年 之 宜 先 利 而 而 器 足 以 足 尊 也 失 王 亚 親 坐 而 足 用 以 有 儒 定 未改,散官衆 之風 農 離 享 弟 其 副 尚 若干 其 其 天 者 器 不 周 學, 在官之吏; 庶 年 制 事 禄 少, 修 備 之儲 之 商 今聖 貴 人 ; ; 經 而 如 衆 賈 工. 徒 農 農 爲 藝 通 此 器 以 ; 繫 明 工 商 賤 而 而 計 無 通 之業 之 名 不 賈, 學 商 務 若 若干 天 漢 有 其 盡 政 於 交遊 校 干 足 下 此 魏 貨 其 資 太 多 未 人 若 人 人 皆 以 不 宜 設 學, 廢 未 始 爲 爲 定 通 游 事 故

課 使 親 前 耕 皇 甫 ,天下享足 陶 事 食 欲 之 **\$** 利 賜 拜 禹 散 稷 官 躬 皆

弟

,爲之

立

太

學

以

教

之,

選

明

師

以

訓

事

之,各隨

其

才

優

劣

而

授

用

之。

農

以

豐

於前 分 得 得 幸; 足 拜 帝 稼 廢 不 爲 使 事 皆當從 耕 之官足 令而 者,不 人 其 賜 弟 食 耕 坐 於 也 藉 祚 一而 晏嬰,齊之大夫,避 稼 則 實,而天下之穀可以 食 海 ,爲子則孝,爲父則 不 之制 流 爲 若 授 行 在職 濱。 悌。 使冗散之官農,而收 ,當農者之半,南 百 事 · 督 後 姓也。 也 果 事 副 於農矣。 [使學] 世 昔者聖帝 者又多,加 能 貮 ,士農工商之分 天下足食 伊 爲 者使 精 是以《明堂》、《 尹 政之要,計 今文武 則 , 古 其 學, 當 防 王 之名 明 い 則 仁 制 使 人 以 其 慈,爲兄則 王, 面 計 賜 莊 之官 耕 服 餘 無乏矣。 食禄者參倍 臣 官 公之難 賢 其租税 役 人而置官 義之教 皆 不 無 天 , 耕 既 爲兵, 月令》 佐 可 緣 歸 下 冗 衆 俊 之於 斯 散 於 文 放 友, 武 可 不 亦 有 著 之 無 須 而

> 史卒。 陟。 念立 九 農。 農。 當作「曹」, 獻之矣」。 主者請 里,臣等並受殊寵 玄傳》此下有「前 切之政。 日 書」字。 年 三載 之 若百 陶之所上,義合古制。《治要》晉 慎 務農若此 此尊儒之一 寢 多多 終 後 下 見《 之化; 六年之限,日 接 乃 工 不 考績 晉 施 詔 商 有 春樂平太守胄志,上 書 用 曰 隅也。 賈 遷 雖言 「凡關言於人主」云 何 ,三考黜 • 臣恐草萊之士 居 有長 敘 曹 有 辭 不 志傳》。 也 主者奏寢之。 不 不足以 見 者, 月 瞻 陟 久 故 淺 乎 自 亦皆 幺 刻則 居官 近,不 欲 雖 申 欲 明。」是爲 云。 懷 意 爲 爲博 今志典千 競 歸 在有 虞書 上 善 案 之於 周 爲 士,置 I 莫 敢 疑 一胄 書 益 朏 則 脱

仲 貴其業, 不 以 尼 有言 爲 夫儒學者 急 重其 「人能 臣 選 懼 ,王教之首也。 ,猶恐化之不崇,忽 日 弘 有 道 陵 非 遲 道 而 弘 不 尊 人。」然 覺 其 也 道 而

七八

之謂 重 則 其 校之綱 尊 選 其 也 者 道 舉矣 貴其 者 ,不妄用 非 業者 惟 尊 非 其 其 不 妄 書 人 教 也 而 非 已,尊 若 其 人 此 其 也 人 而

句。 得 嘆 主 此 所 見《治要》。 之,然後 以 論 論 下 息 慷 以 有 或 苟言 可 慨 發 也 制裁之,豈 書 臣 舉其大 謂 喉 懞 奏, 舌納 之所 主 有 至使杜 乃 不能 補 故 者 心 帝 偏 言 過 前 至 較 欲 善 八 諸賢,當 下 獲 詔 虚 得 П 難 而 座 佐 詔 敢 心 情在 結 保 未 不 益 廣 有直言 日 聽 高 舌。 深 使 備 而 共 時 . 納 解 忠 位 其條目 發 研 事 此 益、《治要》、晉 每 憤 主 自 者 精 心, 勿 念於此,未 若 耶 常 治要
※
晉 古 0 也 務 有 忠臣 ! 侍 使 「若」,當作 凡 亦 所 下 懇 關 而 口 情 拒 書 直 懇 言 常 便 主 必 書 嘗 士 令作 者 於 庶 於 侍 盡 玄 苦。 之 傳 不 幾 人 率 所 所 玄

> 海 綦 言 誹 本,故身 玄傳》此 傳 村」字當是「付」字之譌。 者 毋 知 謗 語 此 寧 园 沉治 龢 下 有 縱刻 而 有 下 皆按 品 失 所 有 示 一之朝 得 峻 處 可 又每 善 是 以 當多從 責 信 皆 意 無諱 輕 備 耶? 有 當 在 於 慢之 陳 深刻。 事, 曠 可 言之忌也。」《治要》《晉 俄遷 人八 故 罪,所 然 採 復 輒 因 出 恕 録 字。 至 侍 此 乃 付 之。 乎 中 喻 以 云 主 雖 意 恩 者。 皆原 文 古 貸 近 辭 當 主 案 者, 欲 者 由 有 語 猶 上 孔 有 謬 衆 使四 不 出 脱 事 誤 書 鼂 拒 村 之

旱之災,玄復上 陶 争 ,言諠譁,爲有 泰 初,玄進皇甫 始 四 年 疏 以 曰 爲 陶, 司 御 所 及 史 奏,二人竟坐免官。 人 中 而 丞。 抵,玄以 時 頗 有 事 水 與

早, 災, 而 免沈 惟 是 臣 能 以 溺 聞 濟 堯 聖 野 之 有 帝 無 以 九 明 生 人 年 王 草 事 之 受 而 耳 水 命 不 湯 故 天 木 責 有 洪 時 水 七 未 伏 滔 年 必 惟 之 天 無

陛 下 ,侔周文之夕惕。 祇畏之詔,求 下 聖 德 欽 明,時 極 意之言 小 臣伏懽喜 水旱,人未 同 禹 上, 湯 大 之 便 饑 宜 罪

五

事

官中 兵 官 損 則 私 減 徒 持 失 牛 持 得 喪 棄之憂。 天下兵作 及 官 其 官 分 功 其 牛 分,士 無 牛者,官 力 所 施 者 4 日 而 必不 行 懽 與 耕 者,官得 無 來 得 四四 然 收 夫 得 四 懽 久, 衆心 说樂, 分 務 分 ; 八分,士得二分; 樂。 持 又 多 七 舊 愛惜 自 私 種 分,士得三分, 安之。 臣 兵 牛 持 而 愚 持 成 與 私 耕 以 穀 官 牛 官 暵 今一 爲 中分, · 者 牛 無 不 宜佃 者 熟 持 朝 有 與

實 猶 不 徵 勤 其二曰,以 殺 心 二千石 以 盡 地 二千 以 利 + 石 數。 昔 雖 漢氏 奉 臣 務 愚 以 農 以 墾 之詔 爲 田 宜 不

刑督之。申漢氏舊典,以警戒天下郡縣,皆以

死

之。 諸 所 者 帝 不 周 知 水 統 ,以水工 故也。 水 ·, 無 其三 可 分爲 揆 勢, 時 日 ,分河堤 轉 得 至大,與 今謁 五部 以 徧 爲 魏 他 ,使各精其方宜 者一人之力, 爲 初 伏見河 職 農 兀 未 事 部 留 更 並 并 意 選 堤 興, 於 知 謁 本 水 水 行 非 凡 者 事 者 天 車 五 ·, 先 下 代 誼 謁

害 足 甚 頃 白 田 四 也 不務 + 以 以 田 功不 ,其 步 償 來, 收 其 四 種 至十餘 爲 多其 病 能 日 日 正 修 增 了,古以· 非 畝 在 頃 理 田 與 斛, 於 畝 所 頃 至 曩 步百 務 覺 水 畝 時 畝 但 多 田 過 之課 異 數 務 爲畝,今以 頃 收 倍。 天 修 斛 畝 數十 地 其 已 而 近 而 還 功 横 田 魏 功 斛 力, 或 兵 不 遇 初 災 白 益 修 不 故 課

其 田 耳 得 事 0 失 竊 知 見 必 其 河 有 利 堤 所 害 謁 補 者石 乞中 益 恢 書 甚 召 精練 恢 委 水 曲 事 問 及

實 郡 恐 安 惡 民 地 非 恩 利 赴 此 口 邊。 信 於 也 必必 不 烈 武 胡 必 故 重 鮮 高 所 威 虜 爲 於 其 復爲 其 慮 卑最 且 詳 平. 制 適 若後 害之勢 西 Ŧi. 外 消 復 後 議 困 ]]] 方, 日 患 名 除 則 弭 患 甚 於 此 有 爲 惡 臣 因 以 今令 無 討 也 然獸 動 使 降 安 以 充 胡 本 以 擊 郡 鮮 釁 爲 定 之, 鄧 東 禁之 烈 秦 口 及 卑 心 便 胡 西 艾苟 西 烈 動 州 新 往 以 難 數 能 夷 計 州 有 也 復 刺 置 保 通 萬 東 獸 諸 都 窟 欲 能 動 中 郡 不 北 散 人安定 心,不 穴 尉 胡 宜 制 取 胡 道 居 皆 更置 浮 雖 募 此 之。 必 烈 人間 使 游 樂 其 時 漸 已 素 與 并 郡 之 以 徙 惟 之 西 無 有 華

> 屬 秦 州 令烈 得 專御 邊之宜

備 官 聞 如 所 興 也 ,一二具之,此 0 論 廢,又安邊 詔 皆 曰 善 : 得 深 御 所 知乃 誠 胡 陳 爲 便 政 心, 國 宜 事 大本,當 廣 寬 言 思 猛 農 諸 之宜 事 宜 今急務 得 , 動 申 失 静 及 省 也 水 以 周

邊 與 雖 王 此 隱 詔 不 口 晉 盡 五. 公卿 書》「傅 施 年 轉 行 , 司 會 遷 玄爲 隸 而常 議 太 校 太僕 僕。 尉 見優容。 玄 時 應 時 比 年 對 比 不 所 年 登 北 問 至 不 堂 登, 書 常 陳 鈔 見 事 <u>\*</u> 羌 優 切 容 + 胡 二,文 四 擾 引

怒 者 按 隸 以 本 於 厲 品 端 弘 獻 聲 訓 秩 門 皇 色 宫 在 外 后 而 諸 崩 坐 爲 責 於弘 卿 殿 謁 在 下 内 者 諸 訓 以 制 卿 宫 謁 次 玄 E 者妄 設喪 坐 位 絶 在 不 稱 席 位 卿 絶 尚 下。 席。 書 其 舊 所 制 人 玄 而 殿 恚 謁 司

性峻急,不能 六十二,謚曰 於是貴游懾伏,臺閣 暮,捧白 玄不敬,玄又自表不以 玄對百僚而駡 簡,整簪帶,竦踊 剛 有所容; 尚書以下。 生風。 實, 每 不寐,坐 坐 御 有 尋卒於家,時年 免 史 奏 中丞 官。 劾, 而 或 然玄 庾 待旦。 值 純 日 天 奏

貴,而 也 流 理 王 蓋襲舊史文也。 籍志》:《傅玄集》十五卷。 數十萬言,并文集 内、外、中篇,凡有四部、六録,合百四十首, 事,評斷得失,各爲區 濟, 沈。 遁 『不見賈生,自以過之,乃今不及」,信 齊 玄少時避 經綸 著述不 沈與玄書 孫 孟 政體,存重 玄初作内篇成,子咸以示 於往代。 廢。 難 於河 曰:「省足下所著書,言 百 撰 梁有五十卷,亡。 餘 論 内,專心誦 每 儒教,足以 卷行於世。 例,名爲《傅子》,爲 經 開 或 卷、未嘗 九流 學,後 塞楊墨 此言百餘 及三史故 《隋 不嘆息 書 司 雖 空 卷 之 富 顯 經

### 中

説

〔北宋〕阮 逸 注

述史篇 五五	中説卷第七	禮樂篇 四六	中説卷第六	問易篇 三六	中説卷第五	周公篇 二七	中説卷第四	事君篇一八	中说参第三	<u> </u>	P. 总参考二	二首:第一	P.兑参9 一文中子中韵序	てコピログラ	交占兑月 一		目録		
								王氏家書雜録	録關子明事 ······· 九三	東皋子答陳尚書書 九二	録唐太宗與房魏論禮樂事 九〇	文中子世家 八六	叙篇 八五	關朗篇 八〇	中説卷第十	立命篇 七三	中説卷第九	魏相篇 六四	「言え等!

目

録

....

## 校點説明

作深入探 象,不同 記 也 録王通言行的 ·説》,又名《文中子》,是隋代大儒王 的是全書有整體 討。 部哲學、史學名 中説》是中古 一部書。 構思,各章 著。 該書有模擬《論語 時 期 重要 有中 的 i 儒 論 通 》的 家 出 弟 典 並 跡 子

仕 賦 爲 帝獻《太平十二策》,帝不 隋,有政聲。 四 僕、國子博士,「大稱 王氏世代傳習儒業, (今山 并序 大業中隱居此 方之志。 王通(五 西 其弟王績爲初唐著名詩 河津)人,爲 仁壽三年(六〇三)西遊長安,向 王 我 通自幼接受儒學家風 四四 兄 溪 通 續孔氏六經 儒門,世濟厥 王 初 六一七), 字 通 唐 仲 能 六 四 淹, 用, 傑之 代 字仲 生 祖 人,曾自注《遊 遂 近 於 美」; 玄 歸 隋 仕 王 淹, 隱,專 百餘卷 熏染,慨 劉 末, 勃 其父 絳州 宋, 的 守 以 祖 門 隋 隆 道 歷 北 教 龍 文 仕 太 門 授 Ш 有

> 子答陳尚書書》。 子集》》《隋書》無傳,原因見其子王福畤所作《東皋弟子相趨成市,故溪今號王孔子之溪也。」(《東皋

得成。」 託,不會假得許多,須真 子弟記他言行,也 則 龜 辨證》指 傳 俞樾《讀 的 主對答之說 (中說)合。」余氏又引朱熹之說: 成書 唐人若楊炯、 》謂 蒙、司空圖 王 三三王 通著 經過,司 出 文中子》都有所質疑。 通 述現僅存《中說》一書、《 ,號曰《中説》,皆爲儒士所稱。」《中説 「就 之徒,皆 依《孔子家語》、揚雄《法言》例,爲 劉 馬光《文中子傳》、崔銑《中 以 禹錫、 煞有好 上諸 著 書 有個人坯模如此,方裝 李翱、裴延翰、皮日休、 家及《提要》所引者考之, 處。 稱 述文中子,所言 雖 余嘉錫《四 云其 「《中説》 舊唐書。 書是 庫提 後 説考》、 書 王 多 人 假 客 點 要 如 血 勃

之德認 屬 上 ら 於「尊 不同,它是以 在 「致 中説》的 識 德性 廣 事物 大 而 而 主 表現 道 儒 盡 一題雖 問 道 精 在 學」的 微 哲 可 弘闡 學 顧 極 具 來 名思義,但與《中 高 儒學 體 認 明 應 識 的 而 用 歷 同 道 中 史 時 該 庸」的 和 亦能 現 以中 實 包容 形 的 而 重

所説. **客**異。 悖」的 與 學 爲 學 明 勣、杜淹等皆出 或 繋,又開 孔子「夷狄之有君,不如 莊之罪 秦世 佛、 正是《中庸》「 先生門 易》不云乎: 孔門 史上 漢 則中 紀,致我太平,先生之功,莫之與京。 正 以 道。 至 南 儒 滅 統 認 有 朝 公 弟子主宰了戰 國之」認 向 ,此即「帝元魏」的理念,如《中説 在史學 中國之道不墜,孝文之力也。」這與傳 也 韓愈《原 識 非 例 宋 撥 輔 漢 仲 如《 爲 人政 與韓愈「抵排異端,攘斥佛、老」的 儒 亂 齋 萬物並育 尼之罪 『苟非其人,道不虚 唐之 理念上,他以北魏孝文帝爲 中 反正、承上啓下的思想價值,王 過 初 其門 識 戒 道》「諸 權爲中心的 説 渡 唐 的 修 禎,差 的 薛 先河。 下。 而 也 國的 啓蒙 周 收、 梁室亡, 而 侯 諸 公篇 皮日休《文中子 肩 房 虚玄長 時 不 領 用夷禮則夷之,進 夏之亡也」的 總之、《中説》一書 明 代風 相 玄 》説: 袖。 正統觀 哲, 龄 害 而晉 雲類 非 行。」」這 ,道並行 在 接 李 「《詩 釋 武 歷 不同,既 靖、 似,王 室亂 迦 史進 ※書 ·周公篇 認 之 碑》説 卿 魏 類 華夏 識 而 程 罪 非老、 通 觀 於 統 在 上 不 通 相 觀 盛 中 也。 念 門 逾 與 文 則 儒 中 聯 史 相 念 而

> 也有 十卷。 弨 書。 錢 堂刻本,另一宋刻本經後 即 〇二七)進士。 文中子》十卷,有阮逸注; 新 無 謙益跋。 丁紹基、 唐書·藝文志》同。 無 注。 阮注《中説》今存兩種宋刻本, 中 《中説》的流布,以北宋 阮 説》一 注 阮逸,字天隱, 戴望、何 明刻本則有二十餘種, 的 書 版本,如《廣 著有《易筌》、《王制》、《井田 ~ 舊 焯、 唐 福 《宋史·藝文志》著録王 唐 書 人整理過,有清人葉奕 翰、 建建陽 漢魏 另有宋咸《過文中子 經 查燕緒等校訂 阮逸注本影響最 籍志》著録 叢書》所收《中 人,天聖五年(一 其中有經 一爲王氏 爲 圖》等 五 取 盧 卷, 大 説 瑟 誦 文

氏 的《文中子》十卷(簡稱影明本), 靖 校本,一 中 相 序,並有「隱士王 係常熟瞿氏鐵 雙鑑 子中 關 資料。 此次整理,以《四部 年(一 樓 説》十卷( 爲民國 藏 本影 校本 五三三) 琴 年間(一 簡稱影宋本),爲涵芬樓 氏 用《 印, 銅 取瑟堂 劍 書 續 顧 樓 末附 古逸 九一 叢 春 所藏 刊 世 刊》影宋本作底本,該 清 叢書》之十 德堂刻《六子全書 四)右文社 宋 牌記,後 人 本 錢 一爲影印文淵 正文前 謙 益 有唐 一六《宋 影 用 跋 印 人序 語 江 有 安 明 本 阮 傅 中 嘉 文 及 逸 本

能力有限,錯誤在所難免,謹請讀者不吝賜教。有大量俗體、簡體字,整理時均改從正體。因本人《四庫全書》本《中説》十卷(簡稱四庫本)。底本中

校點者 師爲公

# 文中子中説序

之備 高 功 畫 不 仲尼之道 子之門人對 軻之徒 而 則 一,迭 多闕; 過 能 仲 半矣。 近古。 者 唐太宗 尼 極 周 一爲將 王 歟 也 述之,而 公,聖人之治者 師 一氏《續 明。 房、杜諸公不能臻 之奥,盡録其言,故 非諸 貞 貞 問問 後儒 若房、杜、李、魏、二温 觀 觀 文中子 實永三百年之業,斯門人 經》抑 之書也,薛收、姚 子流 周 初,●精修 不 公之道 能 年,觀,去聲 矣。 而 ,聖人之修者也。孟 達, 也 不 蓋 則 振。 治 明 師之美、大宣其 萬 孟 後 具,文 孟 <u></u> 章、公孫 軻 仲 王 中 義 氏 尊 尼 不 /經武 集 説》者, 章 之, 能 句畧 而 名 丑. 畧 而

> 於仲 序。 時兄 陳 以 藏 帙,直質反。 氏 又 殘 故 用 杜 亦 二十三年,太宗没,子之門人盡 隋 古 缺 意 1 福 ,爲長 叔 非《中説》後序也。 王 淹始序《中説》及《文 達 詳 編 時 杜貞觀三年 誤 父凝 弟福時,文中子幼子。 筮之驗,且記 氏 今亡。 尤 於仲 測 編 經 以 孫 得 **\*** ,始爲· 諸 卷目 書散 杜 無 文中 父凝 精 《隋 舅 忌 卒,今世所傳本乃貞觀二十三年序。 淹 備 相 在諸孤 子 書》 十卷。 所 得 所 ,亦列十篇,實 子世家》乃 亂 房、 明事,具於裴 抑 撰 而亡矣。 關 遂誤 長,上 魏與太宗論道之美, 蓋 時,音止。 世家 之家,代莫得 中子 子 今世 同 明 爲《序 藏 杜淹 傳 世 所 叔達 緗 爲 家》,未及進 傳授《中説 傳本,文多 》焉。 無二《序》。 而 帙 授 凝因言關 晞 依遷 中 納 淹 與 ^ . 説》之 聞焉 《史》入 先 音 尚 逸家 賢 相

■「貞」,原作「正」,避宋仁宗趙禎諱,今四改。下同,不

解,以 文 傳,諸 乎 乃今文之修。 以 古 傳 方當聖 不 可 音 大 ? 中 徂 隆 元 當 能 悲矣。」此 附 而 之。 年 揚 于《中 子 删 帝 是用 能 王 時 定, 不 非 亦 師 格于 閽 斯 自 昔荀 能 之道, 無 荀、 悠 説 文 覃 李 悲 人文復 窮; 有 存 貌 治 研 軌、 未有 而 揚 卿、 以 兩 文 夫 藴 功之遠者,必 亦 遺 比 故 楊 知 間 也 揚 古 前 有 離 奥, 事 中子之教 王 杜 也 倞 「則周 雄 聖 且 由 聖 必 氏 ), 豈學 淹見 注 一書, 引質 爲 日 焉。 録 諸 而 釋。 : 後 孔 異 孤 抑 同異, 聖 後 驅 夫道 者 鬱 至 異 尚 同 痛 倞 而 之備 捐古 其 志 治 代 不 有 而 其 ^ 之 續 責 亮 韓 大 淪 將 而 不 爲 能 反。 深 房、 經 備 後 愈 行 殂 隊 之 伸 古 而 者, 顯 也 柳 魏 近 文 注 之 況 得 不 殂

文 王 中 削 ·之徒 皇宋 霸 政 遇 御 無 天下 雜 -,尊儒 矣。 彼 韓 抑 愈氏 尚 又 文, 跨 力排 唐 道 大淳 異端 之 盛 儒 而 使

髣 環 簡 其 不 也 辯 也 道 下。 禹 塗宗之於前 中子聖矣。 功 易》 之道。 畧 ·局 其 ),然未 ; 極 中矣。 敷? 髴 周 而 者 稷同 謂乎 所 也 於 爲二五, 萬 功 孟 其 也 在 器 變, 以 密 軻 端乎 及盛 猶文 道 有象 故 命中 子 唐 用 矣。 高 氏 禮 不 日 稱 末司 也,子之道其 五. 説  $\Rightarrow$ 中子 惟 在《 ? 出 行 愈 儒 孫 孟 爲 季 門人對 非 變所 其 乎天中。 漢 不 之 空圖 子 者 經 春 無所由 中 中 大 教。 不 道 公廣之於 稱 能 秋》 亂 也。 哉 庸 適 如 文 者 稱 拒 嗟 問 0 ! 是 噫 爲 中 孟 逮 也 楊 一,亦不 惟 功 上 謂 而 權 今 如 天 乎 子 軻, 不 中 義 廢 故 己。 乎 墨 推 乎? 後,皆 削 衡,在《 日 之 所 蕩 道 知天之高 道 至於彼。」 其 稱 而 無 策 星 平, 在 衰 於 爲 李 存 先 顔 功 形 揆影, 此 麗焉 天道 虚 靖問 云聖 則 乃 功 , 而 口口 不 書》 非 中 柳 明 功 而 在 V 爲 人 中 庶 雖 則 必 在 仲 文 在 後 與 禹

謹序。● 謹序。● 謹序。●

原下接「篇目」及「隱士王氏取瑟堂刊」牌記,今删。

 $\equiv$ 

-24

## 中説卷第一

興

衰

要論

**>** 

七篇,其言六代之得

失

明

《時

自

先生至銅川、《文中子世家》言之備

王道篇

阮逸注

業 竭矣。 州 目 其言聖賢製述之意備矣。 之述曰《時變論》六篇,其言化俗 咸 斯 頃 有述 盡 斯斯 府君之述曰《政 銅 ,其言三才之去就深矣。 政大論》八篇,其言帝王之道 矣。 ][[ 文 文。 江州、 馬 中子曰 然亦未 安康獻公之述曰《皇極 世 則以 府君之述 矣, 當得 志 上黨有 「甚矣,王 小論》八篇,其言王霸之 其 宣 道 三三二五 銅 其用。 也 堤 道 縣 晉 經 銅 志,記。 難 陽穆公之述 不遇 未 決 行 嘗 著矣。 録 推 府君之述 也 讜義》 時 不 Š Ŧi. 移之理 蓋 0 篤 先 退 吾 篇 九 生 同 而 於

> 昭 義 周、隋也 九年自 乎 育 》至《興 ! 長安歸,著《六經》,至九年功畢。 仲尼之心,天人之事、帝王之道, 」因祖德,考聖師 衰要論》,今皆亡。 余小子獲覩 而 成 六代,晉、宋、後魏、北 明。 訓 勤九 載矣。 服先人之 齊、 大業 後

焉。 《春秋》異名也。 焉。」王言 焉。化俗推移,以 史臣於紀傳後贊論之類是 得,蓋其志焉。」非以文體。 記,不足徵 録,不足徵 論,不足徵 去就 適中 大道 董 也,董 也 也 權 常日 義包 其 史 正 前賢文集所記。 衡 制 褒貶。 官 風 常,字履常,弟子亞聖者。 五 :「吾欲修《元經》,稽諸 雅。 明 載 始, 白 言所 也。 故曰 吾欲 吾欲 録。 董 子曰:「 吾得《皇 《元經》。 常 續《 續《詩》,考諸 吾 吾 曰 : 得《 得《政大論 書》,按諸載 史論 然。」 「夫子之 極 時變論 《元經 謂 i 讜 義 歷代 集 史

收,字伯褒,隋内史道衡之子。昔聖,謂孔子。其述子謂薛收曰:「昔聖人述史三焉: 薛

焉 事 口 《詩 由 有記言,求言則制度得矣。1 明 出 顯 而皆當。 鄸 得失,皆史職也。 が、故究 於 矣。 也 史 帝王之制備 其述《春 而 焉 史有記事、稽邪正 不 而皆得。 可 雜 職同 秋》也,邪 也,故聖人分焉。」載言 體異,故曰分。 矣,故索焉 其述《詩》也 史有明得失、窮政化,則 ,則法當矣。 正之跡 而 皆 明,故考 此三者 興衰之 獲 史

天人 不一 其紛 紛紛,多且亂。 — 乎? 紛乎? 之意,其否 文中子 陳 日 《史記》、《漢書》而下,文體相 事者 帝王之道,其暗而 而 亂 吾視遷、 不交乎? 而無緒乎?」四者 固 制 而 下, 理者 不 模無 明 述 參 乎 作 經 由 制 ? 而 何 紛

其 或 民 煬帝幸江 太宗行堯舜之道,而文中子已死。 厭 (者將啓堯舜之運,吾不 亂 子不豫,屬疾。 久矣。 都宫,宇文化及弑 自漢末亂至隋。 聞江 逆。 都有變,大業十三 泫然 ○泫 與焉,命也。」唐 而 胡胡 興 畎反。❷ 曰 生 年,

文中子曰:「道之不勝時久矣,吾將若

之何?」自孔子、孟軻已來不勝時,故曰「久矣」。

幸女曰:「女問《賣書》之台於漢,可晉,汾陽,子鄉也。三才、五常謂《續經》。然後三才、五常各得其所。」秦,長安,隋都也。董常曰:「夫子自秦歸晉,宅居汾陽,

有王道 何 猶 嘗不再三焉,故 子曰:「余安敢望仲尼。 始終於周乎?」三百篇,周一代。 聞 穢,與民 竊皇之名,無綱紀之實。 也 王建、楚王負芻、韓王安、趙王嘉也。 貢也 也 ?」子曰:「六國之弊,亡秦之酷,吾不忍 也?」六代,注見上。子曰:「其以仲尼三百 ,又焉取皇綱乎? 薛收曰:「敢問 興。 ,貢其俗於時 更始而 薛 收 日 興 具六代始終,所以告也。」告 其視聽乎?」變民耳目,使知 「敢問《續詩》之備 漢之統天下也,其除 《續書》之始於漢, 六國,燕王喜、魏王假、齊 然至興衰之際,未 亡秦,始皇也。 收曰:「然。」 六 殘 何 秦

<sup>● 「</sup> 矣」,原作「失」,據影宋本、四庫本

之子。 時。 始周 賞 乎?」晉惠 亂 下之亂,聖人斯在 知代行衰周之法 以 惠 晉 口 也 惠帝 〈達而賞罰 復建 代 一罰 "「今乃知天下之治,聖人 何 故《元 子曰: 賞罰 平、魯 王室衰微,東遷居洛。 其 不 文 永平元年至 也 其 前 中 經 有 興乎?」言必興。 仲 深 ?」惠帝名哀,武帝 》起 子日 者 猶無王。薛收 差 乎 「其 「隱,其· 尼 斯文不喪 也,其以 於此。 行,聖人窮而褒貶作。 乎 謂 没 然乎,而 ? 隋 東周始王 而文在 再 志 開 天 子 言 下矣。 皇十 拜 亦若斯 下 也。 不差。 天 曰 : 而 日 年,凡 魯隱公,惠公之子,平王 人莫之知也。」後人不 無賞罰 、讓國賢君 下 子也。 薛收 出 《春秋》無經 :「然則《春 兹 無主 周公上,仲尼下。 完元 昔者明 乎? 以 乎 斯 政 百 曰 經》褒 三百 告董 而 由賈 在 非也 一一一始 載 周平王,幽 賞罰 前 行 王 后 載 完元 皇極 禮法之皇 聖 生。 秋》之 貶 在 ,天下大 矣,自 於晉 後 不 所 經 明 所 收 百 Ŧ.

> 之所 謂 神。」 爲 文中 乎 順之則吉,逆之則凶。」神在 ? 子 孟 子 「卓哉 曰 一大而 化 之謂聖, 周 孔 之道 易 丽 不可 知之 神

門人 《書》云:天命不于常,惟 御 爾 民,亦天地命之也,人其捨之乎? 之德,黎民懷之。 家書》稱「太原府君」。 史, 知 八未達。 彈侯君集,爲長 命 子述《元經》皇始之事,歎 叔恬 孫 日 三才其 「夫子之歎,蓋 無忌所惡,出爲太原令。 : 王凝,字叔恬,子之弟 捨諸?」後魏 歸 子聞之曰:「 乃 有德。 歎 後 命 魏 德 也。 **至** 戎狄 初 被黎 凝

書,爲 尼,善 見。 與之言, 素與吾 儀同 鍾 楊素、字處道 子 律 在 言 歸 頗 隋樂多從變議。 長安,楊 自 終 而 負。 日 有 煬 1,言政 三人 憂 帝 色, 時 知 爲 文中 李德林,字公輔 門 司 而 蘇 徒 不 子 專 問 及 賢, 朝 李 化; 子。 來 政。 德 請 佐 蘇 林 上正 子 命掌 下 軍

❶ 「聖」下,影宋本有「聖」字,屬下讀。

也。 所 言 退 使人從。 也 文音,不 也。二三子皆 門人曰:「然則 日 及 政一下 襟焉。 以 政 雅 ,言文而 天下蕩蕩, 知華 憂 而 子援琴鼓《蕩》之什、《蕩》,傷 知 從 知 也。 言聲 不及化,是天 辭 和 音爲 上 哀隋 不 德。 日 不 無綱紀文章。 禮 聲」, 知實道。 而 化 將 言文 及 亡。 壞、 朝之預 不及雅 何憂?」子 理。」 知 樂崩、 霑 德爲 而不及理,是天下無 王 與 下 知 修 文 道 是天 吾言 議者 廉 「雅」。 〇援,于眷反。 無禮 詞 喪,天 反。 從 爲「文」, 曰 : 何 終 也 德 也; 下 下 而 日 林 周 無 可 興乎? 知 非 知 預 與 言 室大壞之詩 樂 朝 道 正 門 爾 吾言 聲 爲 政。 人,不 也 門 所 「理 而 皆 吾 文 今 終 知 不 知 知

之德異 行 成 功, 之,賢人利仁。 子 日 也。 或 稽 安 或 德 畏 而 川 行 而 遠。」功則同 之,聖人安仁。 行之,中 人强 而 聖、賢 或 及其 利 而

霑

賈 瓊 門 人, 未 見。 習 <u></u> 書 至 桓 榮 之

> 天實 而 王强爲太子,强讓 子 命 傅。 使榮傅之,所以 監 續 爾 書 能 有 洋 桓 其弟 不 終 洋 讓 榮之命 以 成 陽、陽立、是謂 乎 揖 美也 光、 讓 篇 終乎?」初 明 0 之業, 榮 明 字 帝 春 光武 卿 光 蓋 天 武 漢 命 光 立 明 授 東 武 帝 太

李德林 要爲「録」。 已。 父子 師 俱有 玄未見。 子曰:「無苟 常北 齊 將著《 書》,王邵 作 北 有 也。」勿苟 齊 北 録 齊 **\***, 志 以 且 師 告 表 玄撮 文詞 其

而

辜。《 崔浩亦有之。 範 藜 而 家,凶于而 》三德。 含糗,無 (洪範)|| 越公以《食經》遺子,子不受,曰 國。」時 越公、楊素也。 德 所 酒 云: 用 誥 素專 也。」答之以 臣 云: 政,故因 無 有 越 《食經》, 作 小 福 答 大 《食經 邦 作威 淮 用 ^ 酒 南 喪, 淡 玉 王 誥 成戒之。 食 亦 撰 **>** 呂 。盧仁宗 及《 其 非 害 酒 洪 干 惟

勵 勸 皆 子 勉 日 也 小人不 靖 亮 激不 問 辱。 勵 不 門 見利不 人,未見 勸 子

<sup>0</sup> 本、 四 庫 原 本改。 作 ; 桓 原 作 相 宋

也 E 言 言行,榮辱之主 不 中, 不 也 中 節 行 不 謹, 不 謹密。 辱

之舅。 也。 成莫 矣。」樂,仁之聲 古驗今。 之巢可 故《韶》之成 世之仁矣,故曰「王 變於道也。 象成功 大於形 子 傳未見。 俯 孔子 而形容其 而 而 窺 也 也。 曰:「三年 化 子 道明」。 真 也。 티 : 至 流 裴 八德 一 九 氏之恩被 於聲,王化始 晞 鳳 變,王 有成。」九成,二十七年 故樂至九 夫樂,象  $\dot{\exists}$ 而變,九而成,見王化之然 皇 「何謂 何 道 爲 動 其 而 成 變而淳 植 明 藏 也?」晞,子 終 者 矣, 乎 乎?」引 所 也 烏 可 氣 僅 見 鵲 治 必

乎 也。 上 太 Ш 禮 「七十二君須 三代已 漢 子 所載 封 武 始皇東巡,上太山 土,有 帝 日 用齊 之實 前 : 無 玉 人公孫 得遠 封 此 一牒使 徒 禮。 禪 方珍貢 以 方士 之費 齊 卿 夸天 ,立石封祠,下 桓 言 求 公欲 乃可 神 封 非 下 禪 仙 封 古 封 登 千 禪。」特 太 其 也, 數 仙 Ш · 禪 秦 無 費,費 梁甫 遂 禪 漢 設 驗 詞 梁 升 之 而 中 諫 甫 以 耗 廻 侈 岳 止 管 或 頌 耳 又 此 秦 仲 用

皆夸侈以欺天下,非事天致誠之本。

平; 者 奪。」家、國皆然。 富侈 常憂 無幸 子 ,則用 不 日 -免則 足。」相反。 益 不深犯。 耗。 易 子 樂 子曰:「 曰:「無赦 者必多哀, 多 斂之國 廉 者 常樂 之國 其 輕 施 財 無 其 者 必 求,貪 刑 削 必 必 好

其 得其 死罪二十餘人,幾乎 王 咸 文物皆 猶 夏長之,秋成之,冬斂之,父得 何謂 道 猶 宜 天 盛 八乎!」 天乎 一,百姓 爲子,君得其爲君,臣得 子曰 矣。 杜 也? 所 非 定。 1 杜 如天之効歟? 日 「杜如晦 疑稱「天」太過。 用無跡 如晦,字 用 董常、 刑 而 厝; 物物 不 克明。 房玄 若逢 粟斗三文,行道千里 知 自化,天也。 者,杜 吾察之久矣。 其 龄、 子 唐太宗 明 日 0 氏 其 王 賈 太宗治平,歲 時 其 之任 爲 於於 瓊 朝 爲父,子 春生之, 臣 問 政、 萬 不 萬 典 民 日 糧 章 光 類 其

<sup>● 「</sup>玄」,原作「元」,避宋聖祖趙玄朗諱,今回改。下同

六

以恍忽憂也。
憂不逢真主以然哉!」知隋運亡,又未遇太宗,所惚然,心神忽然,恍惚,憂貌。此其識時運者,

子 民 用省。 日 不 勞,何也?」《書》稱 叔恬曰:「舜 無他道 也,兵衛 歲 而 四 少而徵求 巡 岳 此 五嶽,國不費 言 五. 寡 舉 成 也。 數 歟 而 簡

乎 離 褒姒,❶廢申后 音 ?:《黍離》 》,於是雅 姬。 子曰 禮記 列於 ,申侯弑之,②周 道息矣。」王國十篇、《黍離》爲  $\stackrel{>}{\exists}$ 王國之有《風》,天子與諸 《 國 「何居。」幽 風》。 遂微。 夷,等也。 王之罪 故始之以《 也 誰 居 始 幽 乎? 侯 王 黍 夷 惑

走,則 四 龜 治臻皇極,則五行各叙,故 子曰 靈 龍麟鳳 爲 二五行 畜 在沼 則 藪、故 王 不相診, 樂形仁聲 者 可 以 禮行皇 則 也 作 王者可 樂矣。」仁 極 也。 以制 沙, 間 及飛 禮 計

子,兄兄,弟弟,夫夫,婦婦,夫子之力也。而歌曰:「大哉乎! 君君,臣臣,父父,子一子遊孔子之廟。漢已後,郡國立孔子祠。出

謙也。 恩。 之德、昊天罔極。」言孔子生民之師、大於生我、鞠我 不能 責言玷。 子,謂文中子也。 極 父母,通於夫子,受罔極之恩。《詩》云: 曰:「夫子之道,豈 春 合 秋 吾子汨彝 成我,成 》行 德, 孝逸再拜謝之,終身不敢臧否。 法, 天地生我 神 君 父尊; 道 子曰:「子 倫乎?」擬人必於其倫,不 我者,夫子 並 而 行 詩 少是乎?」 不能鞠我,父母 乎 》序 人倫, 未二 也。 言 夫婦 無 一復白 道不 孝逸,未 窮。 E 啻 王 鞠 圭 其 可 孝 與 天 我 乎 汩 地 逸 太 而

殺之嚴矣。」不得其言而得其志。人曰:「夫子得志於朝廷,有不言之化、不不足。章鼎,未見。不言謂目擊道存。鼎出,謂門不足。章鼎,未見。不言謂目擊道存。鼎出,謂門

惟賢知賢,敢問夫子。」子曰:「羊祜、陸遜,楊素謂子曰:「天子求善禦邊者,素聞

原作「試」,據影宋本、影明本、

四

庫本改。

2

<sup>■「</sup>姒」,原作「似」,據影宋本、影明本、四庫本改。

矣,何 益? 公能爲羊、 祜綏懷吴人,吴之降 已死 軍,攻 辯 人也 縱横。 通聞 必 晉襄陽,獲 一,可使。」祜字叔子,晉欲平吴,以 臨 晏子用 何 邊 邇 陸 口 也 者 之 此 復 生 者欲 ! 」折 悦,遠者 事 使  $\Box$ 即 去 ? 二不 則 還 横 則 可, 之。 也 聽 悟諷 之。 來, 二賢皆仁。 如 衝 己。 不 遜 直 折 字伯 能, 也。 子 衝 祜 言 樽 日 廣 麾 素 八,爲 督荆 兵 俎 求 日 横 吴大 州 何 口 古

正 不 天下。 -假借。 曰 : 綱 經 五 畢 常, 備 自 朝 可 服 出 祭器 也 ]° 」正 不 假。

何而興乎?」隋多無功食禄。 子曰:「悠悠素餐者天下皆是,王道從

文、孝武、孝宣、光武 續 着 子 七制 日 ,皆漢之賢君、立文武之功業 「七制之主,其 、孝明、❶孝章是也 人 可 以 者 即 戎 高 矣。」 祖

也 , 哭寢則太親; 常 死,子哭於 拜 不可 而 受弔。 視 猶 朋 寢門之外。 知生者弔彼 友 也 ,哭野 則 ,弔我失其助 太 不 踈 可 視 故 猶 折 子

故拜之。

非止 叔寶, 矣。」量寬而已。 曰 宗,口不論人之過。 情 則及玄遠,未嘗 「不知也。」仁道至大,非但寬。 : 恕 慎。 「仁乎?」慎似仁。 善 裴 談 非 晞 玄 意相 問 理 日 曰 : 有 干 情 子曰 臧 , 衛 可 恕 「仁乎?」寬似仁。 否 玠 以 理 人 子 : 稱 理 遣 物 「慎 曰 : 之 遣 阮 論 矣。」 何 有不 不不 嗣宗 何 如 子 知 ? 如?」玠 慎 及, 籍 與 子 也 言 人談 而 日 可 字 己。 嗣 寬 以

幼以及人之幼」,是恕也。
孤猶己也。」以己心爲人之心曰「恕」。孟子曰「幼吾孤猶己也。」以己心爲人之心曰「恕」。孟子曰「幼吾子曰:「恕哉,凌敬,凌敬,未見。視人之

已然之後。 ,斯可矣; 斯可 子曰: 矣。 如不得見,必也 「仁者吾 仁無 智者 爲 吾 而 理 不 不 智達 得 得 剛 而 而 介乎? 於 未亂 見 見 也 也 之前 得 得 剛 義制 者 見 智 義 好 於

■ 「孝」,原作「本」,據影宋本、影明本、四庫本改

斷,介者殊俗。」剛必果,介自異。

道神德行。』、《繫辭》云。《易》不云乎:『顯德行成身,道施天下。《禮》不云乎:『至德爲道德行成身,道施天下。《禮》不云乎:『至德爲道之本乎,要道,其德之行乎。行成德,德成道,華收問至德要道。子曰:「至德,其道

則無方。至哉易也,其知神之所爲乎!」無體「自出」。至哉易也,其知神之所爲乎!」無體子曰:「大哉神乎,所自出也。本諸身曰

有宜曰「義」,反是曰「利」。子曰:「我未見嗜義如嗜利者也。」和而

以 觀 門之關,河中有龍門縣。 固。」 賈瓊曰: 「既 曰:「守之以道。」險不可恃。 其 達。」文未見。 碑首曰: 子登雲中之城,漢雲中 「先君獻公之所作也,其文典 壯矣,又何加焉?」子 曰:「壯哉 降而宿于禹廟, 郡, 唐 延 州。 Ш 河之 望 龍

公而毁也,任公於是乎不可謂知人矣。」劉子見劉孝標《絶交論》,曰:「惜乎舉任

不知命,廢人道也。 「知命,廢人道也。」 「人道,廢矣。」 以之有《辯 、之。」 以避行。 以譏任公之友,然又彰任公不知人 我,孝標作《絶交論》以譏任公之友,然又彰任公不知人 我,孝標。性率,多毁時。任昉死,有子東里,冬衣葛

八

已。亮未死,必可功成治定。
乎?」孔明言「普天之下,莫非漢民」,志在天下,非蜀而子曰:「使諸葛亮而無死,禮樂其有興

## 中說卷第一

❶ 「美」,原作「夫」,據影明本、四庫本改。

## 中説卷第二

天 地 篇

阮逸注

可 心 見矣。 乎。 子 天圓 動 圓 地 方静。 者 動 方 動静之中 者 静 其 也 見 中 也 地 者,心 之

所 物之所存, 爲 乎? 子 日 我從 我忘厥功 而 智者樂,其存 利 之,故樂。 物 將自化、故壽。 仁者 物 壽 之 ,其忘 所 爲 我之 乎

文蔚 收 伏其善論兵。 而 端 體 曠 ,實后從 莊 而 日 靖 志 肅 也 兄 惠 也 物 惠 義 瓊 而 而 也 和 也 勇 斷 容 清 斷 明 李靖, 而 而 博 而 威 莊 識 毅 本 也 姚 - 名藥 收 和 賈 義,傳 也 瓊 而 師 通 曠 博 其 未 明 而 見。 舅 而 竇 韓 肅 果 威 擒 清 9薛 字 毅 虎 絜

> 權變才 乎 是皆卿 空」乎 樂則未 或 史大夫,玄龄爲司空,徵 子 誠 淹 幼子也。 而 直 寬弘 道而 慤而 也 ! 也 誠 也。 遂行。 志 相 威 動 備。」 厲。 也,然各有二德而 簡静中正。 董常 精 而 叔 之微 其 静 而 萬 達 大雅 玄齡 用 靖、 者,其 簡 何 密。 杜淹,字執禮,隋隱太白 也至,至極性 彦博皆爲僕 丽 人也?」子曰 志而 若逢其 深 徴 「庶 正 而 爲 也 ※幾」乎; 密 未成全才,故 太 弘,温大雅,字 陳 直 師 時,不減 射 叔 房 而 大雅 達,字子聰 也。 喬 威 静 遂,魏徵,字玄成 字玄齡 爲内 之極 其 叔 日 其 山,來學於子。 卿 達 史令,淹爲 顔 者, 彦弘。 禮樂未備 上皆爲 動 相 陳 隋彦謙 氏 也權 然禮 之流 宣 其 尚 量 帝 「屢 書 之 深

矣。」 無 知 知 者。 Ш 羣 叔恬 濤,字巨 才皆 身殁 日 濤 一源。 之後,天子出 Щ 所 爲 濤 進 吏 爲 部 吏部, 典 如 選 何 + 餘 其 拔 年,天下 奏 賢 子 于 進 日 朝 善 稱 爲 密 然 時

❶ 「静」,原作「尽」,據影宋本、影明本、四庫本改

乎?」似忘所爲。 士。 然 吏 非 吏, 隱 子曰 非 隱, 是 「吾不知 密 而 己。 也 曰 :

六卿 竅。 濁; 柔; 未詳。 沈約 也。 情性,五常之本也 歟?」薛收 吾 箎,竹音柔而清 餞 箎,横 標逸則清 上 論南朝詩。 謝 也。 綱, 歌 李伯藥 韓 剛 靈運。 陳 宣子,宣子曰: 之以貢 歌 吹七 柔 應、 下達五 日: 绿 清 ,質實則 分四聲八病,四 劉,下述沈、 見 孔。 竹 子不答。 濁 子 其俗, 則知 「吾嘗聞夫子之論 常,風化夫婦,三綱之首也, 於是徵存亡,辯得失。 各有端序, 《周 濁 加 而論 「吾以 衛 夫子 禮》小師掌塤。 音若塤 風、歌 君子賦之以 伯藥退,謂薛 詩,伯藥,字仲規,德林子 知鄭 謝,魏應璩 不 「板 志。」聖人采之以 聲韻起自沈 應我,其 箎。 語 屋 健 」則知秦俗。 鋭上,平底 塤,土 爲 見其 、劉公幹,梁 詩矣,上 剛 收 ;旨 約,八 音 未 日 吟 遠 剛 六 達 病 詠 爲 而

論之;

孤虚

**詐力**,吾不

與也。」孤虚,兵家之術

楊玄感謀亂,自謂能兵。

子曰:

「禮信仁義

則

吾

李密見子

而論

兵。

密字法主,襲爵

爲

公,與

挺,執。 之見也。」奢罕德。 挺謂挺特。❷ 天之直 子曰: 也。 若並行 「士有靡衣鮮食而樂道者,吾未 徴 子謂 也 於時,有用捨 遂 魏 凝 徴 也 日 挺。 「汝與 馬。」 遂 果 遂,行。 凝 行 皆 也

子謂李靖曰:「凝也若容於時,則王法

<sup>●「</sup>衡」,原作「行」,據影宋本、四庫本改。

② 「挺特」,原作「廷持」,據影宋本、影明本、四庫本改

不 撓矣。」不 撓

任 任 智而 小 李 背仁 靖 任 問問 爲 任 智 亂。」攻異端 智 而 背 如 仁 何。 爲 害 賊 子曰:「仁以 % 也 亦有道 爲己

己。2

則天。《禮》曰:「安則久,久則天。」 哉大乎,獨能 遊 人?」子曰 長先生傳》。 于 河 東、人問者、書「老」、「易」二字爲對。 收 問問 子曰 :「眇然小乎,所以 仲長 成其天。」以形言之則人,以道言之 :「天人也。」收 子光何 人也。 屬 子 :「何謂天 光,字 於 王 人, 績 不 有 曠

於天下,可謂君子。 之於天下,斯可矣。」至孝近王,至悌近霸。 者,以其兄之心爲心。 者,以其父之心爲心;孝則知父之慈。 乎?」曰:「敢問恕之説。」子曰:「 賈瓊問君子之道。子曰:「必 弟則. 知兄之友。 爲 爲 推 推王道 先 人 人弟 而 子 恕 達

、之學進於利。」營一身。 子曰:「君子之學進 於道 湾 天下。 小

楚難 使使召子,子不 往, 謂 使 者

> 苟 故 而 日 非 一爲 難作」。 其 我 道 謝楚公,楊玄感襲封 天下崩亂,非 無 爲 禍 先。」非 至公 應 楚國 血 天 公,舉 誠 順 人, 不 黎陽 能 則 禍

愛强 易一 日 可以天下之大輕小民之命。 : 民之命。」「易」爲輕易之易。 「亂天下者,必是夫也。 而願勝,神明不與也。」竟叛,伏誅 李密問 王霸之畧。 李密出。 子曰 一民,至 幸災而 示不 子 謂 以 細也。不 賈瓊 天下

也, 雖童僕必斂容。 子居家,雖 孩 孺 不慢。 必 狎。 不威。 其 使 人

者 盡性以至於命。」是 孟子曰:「盡其心則知性,知性 德合於天而 尚少,故曰:「未見知命者也。」 子曰:「 心 復於性,是 我未見 則命非 謂 性 知 知 無 人命。 命 則 能 知天。」《易》曰 者 知者。 孔 也 子 五. 文中 + 命,天 而 子 知 歎知 「窮理 天 命 命。 也

子曰:「不就利,不違害,不强交,不苟

原無,據影宋本、影明本、四

而 影明本、 四庫本作「禍已」。

絶,四者惟義所在。惟有道者能之。」有道義。

舜在 罪 日 民 無 : 畎畝 何 子 所 逃 躬 逃 ,志存天下。 夫不耕,或受其飢 耕。 天地之間,吾得 或 聖賢躬耕 問 曰: ,蓋職其俗 逃乎?」 」, 且 不 亦 庶 勞乎?」 之職 不 仕 職 即 也 農

祀 冠 婚、 不 藝 絶。 賓 黍 用有節 客 登 場,歲 之 酒也, 禮 不闕 不 過 成 禮 數 則 石。 止 以 子 供 之 祭

制。 封不 形」,而 以 斂 手 厚爲禮。」帝王 樹 不居 足, 薛方士 ,孔子謂 葬顔回 良 富 有 田 者 不 問 棺 可 具 葬。 無槨。 陵 不 妨農。 棺 誌 惟漢文及唐太宗無珍寶、 方士,未見。 槨。 也,故封之。 封 古者 域 孔子 之 不 謂 制 以 後 子 子 無 代 死 路 日 |因有 廣 日 傷 盜 也, 「斂手 生,不 丈尺之 貧 不 古 發 者 足 不

焉 遠 三者不同,古先聖人所以接三才之奥 陳 何獨 敬 叔 謂 達 祭 不敢無之,遠 問 也 事 鬼 亦 神 有 謂 之 祀焉 不敢 道 有之。 子 有祭焉, 日 問 敬 有 子 而

> 異其 名,不出三才之奥耳。 也 人之道,故俯首思之甚 統 和。 名 周 言神 禮 達兹三者之説 道 祭天日 幺 奥 一祀, 禮 叔 宜 分 達 祭地 也。 俯 則無 旦 其 分 而 祭」,祭宗廟 首。 接之則 不 至矣。」 因 問 配 天, 日 祭多 享」。 而 天 天

畧,爲苻堅 也 温 矣; 密 子 其 曰: 先黜尸素,然後舉賢,斷矣。 相。 接 議 王 下 赦 猛 而 也 青蠅泄之,密矣; 有 温 君 其 子 臨 之德 事 兵 世 至 斷。 焉: 鄴 而 猛字 遠 其 近 景 恬

於 道 重 牛 故云「太平 書,掌機 一,故 弘,字里仁。 太 何如 伞 曰「厚人」。 或 密。 問問 ?」子曰:「行於戰國 則 則亂矣。」蘇綽,字令綽。 蘇綽。 亂。 長於算術 隋 文 問 時作相, 子曰 4 申 弘 韓 :「俊人也。」 宣勑而 之學。 子 口 曰 厚 不 於用 後周 能 可 言 厚 法 以 文 曰 帝 人 時 强 非 時 稱 也。」 正 其 爲 道 其 質 尚

忠,退思補 王之法,使天 各言志乎?」徵 子 觀 田 過 下無 魏徵 直 日 而 冤 遂 : 杜 人。 好 淹、 願 諫 事 董 誠 淹 明 常 而厲 日 王 常 進 子 願 好 思 執 刑

常 與 無 事 常 日 於 也 。」可與權 出 願 處。」其静 聖人之道 可 與至,其道入性 至。 行於時,其 子曰: 命矣 「大哉 動 權 常 吾 也

使無所取治焉,遂歸。安謁文帝,見公卿異端,輕率文辭,不根道義,苟媚其主,輕進者,率然而作,無所取焉。」仁壽四年,在長輕進者,率然而作,無所取焉。」仁壽四年,在長輕進者,率然一,今之好異

雅 其失道左見矣。」晉尚虚言。 元,門人,未見。 日 ,天下遂亂。 :「夫子載 子在絳。 《續經》既造,人文乃正。 造彝 子與之言六經。 絳州。 倫, 程元者因 匡皇極 至南朝 薛 ,微夫子,吾 元退,謂 ,淫靡左道、 收 而 來。 收

虚名失實。
子曰:「蓋有慕名而作者,吾不爲也。」

得用; 其 世、皇家之末造乎?❷ 人千 (志勤 叔恬 數,至卿相者十餘人,蓋蒼生受賜多矣 隋敗。 ,其言徵,其事以蒼生爲心乎?」時 日 將興者,吾惜 「文中子之教興,其當隋 將敗者, 其 不 . 得 吾傷其不 見。 唐興。 之季

> 乎? 也。 王道 帝四百 役 若明帝不許管陶 若文帝感緹縈去肉刑,義若武帝 也 制之主。 簡,仁也。 ,捨兩漢將安之乎? 之,往也。 淳則舉。 小人懷其 文中子曰:「二帝、三王,吾不得 一十六年。 終之以禮樂,則三王之舉 其以仁、義、公、恕統 漢雜覇道 其 求郎,恕若章帝 生。 天下無 刑 清,義 恕 ,故不及三代。 也。 二志,其 也。 四 救 殺鉤弋防后族之亂、公 百年 君 楚王 子 有以 天下乎? 一徙 間 也 大哉 樂其 者是也。 。」禮樂者 ,高祖至獻 結 道 人心 而 一,公 見 其

以 蕪甚矣,荒蕪。 不正 子 書 乎? 》所以明之。 《禮論》《樂論》,所以 王道之駁久矣,駁雜。 **^** 詩  $\approx$ 書》可 以 不 正 之。 續 乎?」《續 大義 禮樂 之 口

焉。堯直讓舜,大也。必也,有聖人承之,何必子曰:「唐虞之道直以大,故以揖讓終

<sup>● 「</sup>因」,原作「因」,據影宋本、影明本、四庫本改

② 「末」,原作「未」,據四庫本改。

乎 道 直 定 也 制 ?」可以 亦 ,有聖人扶 以 可 法 簡 格 曠 不 于 如 以 故 承則 後 聖 有 可 以 承 之,何 承,可以扶則 制 用 放 後 聖 于下。 若 弑 我 何 無 終 者 其 必 聖,安 常 焉。 在我 下若有 法 扶,此周公之爲 吾 之有? 能 湯 其 ? 格 直 及? 姦 爲 我,謂 伐桀,簡也 臣 其 周 則 夏 道 我君。 公 無君 商之道 甚 所 之心 闊 爲 其

思而

得,坐忘是

也。

董生

雖

不

證

理

而

未

能

無

思

故

日

一思

則或妙」,以

解上文「其

殆」之義

思

或

妙

妙

謂

幾

微

也

知

幾

其

神

神

妙

萬

道也。 之事 是謂 以貫之」是 仲尼焉。 周也。」大備 其 千 道 載 大備。 者, 《公羊 則一,而經制大備 位 「述者之謂 燕 上,聖人 則 吾 漢史 大備 其 居 謂設官分職 ·傳》曰: 修, 不 述《詩》 道 》作 ,盛德也。」後之爲政 而 董常、 得 則 取 明。」後之修文者, 循 「周公何以不之魯? 而 在 中 書》、 焉。 見 , 而 吾視千 上者,未有若周 制禮作樂也。 竇 也 作《春秋》, 威 述作 侍。 載 一,謂堯 時 載 大明。 異 而 而 子曰 事 下 有有 所 禮》曰: 舜 下,未有 欲天下之一乎 以 有 有 湯 謂「吾 明 所持循 申 所 千 武 周 公焉 禮 周 吾 折 公 歸于 道 也 視 而

> 遺照。 下 不待外徵 有 紹 子曰:「常也,其 静 物理 宣 不 尼之業者,吾不 證 而 後致 理 而 用 足 也。 用 殆坐忘 如 馬, 此 ·得 則 静 而 當 則 乎 其 讓 本 無,有 性 也 也 顔 證 當 本 子 之用。 坐忘 性 則

董 門 知三 至乎 致 並 於彼。」已 方,未達者迷焉 也。」門人惑。 行,無 彼」之説 知 常 至於彼。」門人曰 隅 在 日 不 ! 」待至彼,然後見道,亦 李靖問聖人之道。 格 是亦 所 達。 物 至 「夫子之道 離中賢之見, 有隅也。 物 無 若房、魏 ,故設之以方,使趍於彼也 格 子 不至。 子曰: 然後 EI: 大方 尚 知 董 「彼,道 與與 未 至。 無隅 然未至上哲之性 常 至 徴 徵也去此 物 彼, 子曰: 是 聞 未爲達 而 也 安能 以 而 之, 神無 之 至。」 來 來, 方 者 而 無 方, 悦 應之, 至? 也。 矣,而 與 無 或 也 聖 必 物 知 所 猶 道 故 若 也 由 而 與 達 或 未 不 自 與俱 者 神 隅 至。 達 問 無 至 亦 道 無

去,混 來; 日 去 惟 無 去則忘之,若與 「大哉 ,妙乎 然圓神,若大衍之一,不可得 所視。」 萬 去 則 夫子 來 安 俱 既 能 去。 之道 通 通 道 其 則 之應物 去 何 來 有 而 哉 來, 而 見 如 已矣。」 何 是 有去。 來 無 無 方,非 所 無 薛 從 所 至 收 來 賾

大而 也。 義 子 隅 0 日 故 無 數 志 子謂 不 也 所 數 求仁則仁 道,德 敢 常則 頻 程 企常。 也 元日 然矣。 高 志求 其於彼,有所至乎? 而 無所 常也 義 而 則 汝與董 德,是 義 汝於仁義,未數數 遺 無無 道德 忘 志則 常 也。 何 無得,是 遺猶 如? 元 也志 忘 志 由專 也 程 矣。 然 元 至 道

然會其 餘 未 能 焉 則 而 不 子曰 動 思 已 有 静 動 而 静 得,不 慮 : 則 矣。」其餘 董 慮 勉 之耳。 一常 而 時 中 猶 有 然 ,程、薛、房 顔回 思則 慮 三月 焉 或 妙 時,謂 魏 不 輩 違 慮 仁 必 時 慮 時 其 中 中。 非 餘 也。 時 日 中 其 月 雖

明 收 子 父道 曰 衡 非辜見 孝 哉 戮 收 薛 遁 收 於首 陽 行 Ш 無 以 負 此 於 行 出出

> 出 明 矣。

器,謂 子曰 書》,文體 才學而 其器 :「述作 或 子 問 混 於 漫,義 是 明 己。 王 日弔 隱 多而經制淺,其道不足稱也 其才 若加之識,則三長具,可以 不 可 隱字 祭, 解 富 世 則 ,其學贍 處 不 叔 終 甚 多 日 傳。 知 不 。」或問 西 子 笑。 都 日 知道矣。 舊 哀未忘。 章, 其道。 撰《晉 敏

也

徵 大抵 端 好《左氏 範紀傳, 罪 奚吉反。 謂 也 於《春秋》,歆、向 書》,韋 左氏失誣,公羊 也 聖 ; 簡畧,存 裴晞 壽字 經 子謂 耀續 》,各 愈加 子 而 史記》雜 永祚,著 Ħ 成成之。 陳 文飾。 詰 日 其 守 八大義。 : 衆 壽 「何 家,而 失俗, 黄 傳。 壽 是史筆之罪也。 有 使陳 老之道, 之罪 謂 乃具吴、蜀 謂 或 志 穀梁失短 不 范寗,字武子,爲《穀梁集解 志》, 也?」子 能 范 於 壽 也 貫 壯姦雄 寗, 史,依 不 善善 0 聖 美於史,遷、 三國,變「史」稱 叙 一經之本。 皆詰 有志 劉 事。 Ė. 之詞; 使 向 大義 范 理 正 初, 於《 於道 「史之失, 寗 《漢 穀 是古學之罪 王 春 而 不 梁》,劉 《書》又 耳。 沈 秋》, 削 固 盡 撰 一志 詰 之 美 異 歆

經 聖人教化之志。 自 而 遷、 任 固 傳。」但争衆傳,而不原聖人權 始 也 《春秋》之失,自歆 記 繁 而 志 寡 但 衛之法。 穴向 務 廣記, 始 也 而 不 棄 原

之。 是非 黑相 戴 本,奏立古文《尚書》。 今,孔安國 成《禮記》。 嬰所傳爲《韓詩》。 韓、毛、鄭、《詩》之末也; 孔子門人。 九人明《易》者,撰《道 〈詩》,爲博士,齊人宗之。魯申公,漢初爲儒學,魯人宗 然則 傳》作而《春秋》散。」公羊高、穀梁喜、 於是有齊、魯《詩》。 小戴、《禮》之衰 相 渝 子 無師 擾, 能 日 戴 家藏科斗《尚書》,以今文易之; 賈瓊 德 無 無微 能 蓋九 號大戴, 傳可乎?」子曰:「神而明之, 無散乎? 日 毛、鄭《詩》,毛萇注 乎? 《詩》失於齊魯。 師 訓》二十篇,號《九 戴聖 也。 汝知之乎?」賈 興 何 白 而《易》道微 號 謂也?」子曰 二戴因曲 黑 是非 小 后蒼所傳 渝 戴。 正 擾 色。 鄭 IE 臺記論於石渠 書》 玄笺 爲《齊詩 道。 劉 師 齊轅 渝, %淮南 左丘明,皆 八瓊 曰: 歆 殘 易 弋朱反。 也。 故 . 别得 古 於古 白 >><sub>9</sub> 王聘 生 大 治

> 不虚 原。」然學不可無師,而得之不由師也。 自得之。 道,不盡 下,仲尼自得之,仲 傳之在師,得之在己,所傳有限 存乎其人。 行。 由 自 師明矣。 得之,則居之安,居之安,則取 人能弘 聖 性神受,天縱 道 尼師 孟子曰:「君子之深造於道也,欲 萬世,仲淹自得之。 必 也,傳 無師。 ,所得無窮。 又不 苟 非 可 諸 故周 其 皆神契其 廢 左 人,道 右 公師 也。 逢 其

孝悌動 昏也。 亂之情哀 其視 鬱結,獨 以 達,諷時政,達下情。 七代損益 子謂叔 懣,七 天地 處 無邪。 感 困 鬼 活日: 反。 神。 出 ,終懣然也。」七代,注見上。 則 多見 子謂《續詩》, 悌, 「汝不爲《續詩》乎? 可 人則孝,上四 以 治亂之情。 蕩, 可以 口 獨處,蕩 以 德備 治之情樂 諷 矣,則 則 口 滌

或問揚雄、張衡。子曰:「古之振奇人

<sup>■「</sup>七」,疑爲「亡」之誤。《禮記·問喪》「志懑」,《

而已。 如 如 也,其思苦,其言艱。」揚 訓 湯雄 ? 子曰 纂》、沈默精 之學,大抵 :「靖矣。」 艱苦 思,好學奇 好 奇,多 字。 艱 雄 苦。 張 而 作《太玄經》及《倉 奇,未足 衡 行 曰 : 渾 天 適變,蓋守靖 其 及地 道 動 頡 何 儀

有 功 子 而 日 : 不伐 日 : ,君子人哉!」 過 而不文,不文過。 而 喜、 犯 而 聞 不校, 譽 而

所好,好賢則治,好 貧 生,爲惡則死。 觀 其 子曰:「富觀 所 取 可 取於義則安,取 也 佞則 0 。」四者可以 其 亂 所 與,與貧則仁, 窮 以 於 觀 知人,不須多察。 利 其 則 所 危。 爲,爲善 與姦 達 觀 則 賊 其 則

之,可與興文化矣。 元氏,名宏。 或問 始都洛陽 魏孝文。 ,修文物制 子 日 : 度。 可與 太和 興化。」後 詔 册,帝自 爲 魏

也 術 非 ,爲芮城 事 銅 親,不暇爲 JII 令。 夫人 陜 州 好 也 縣 藥,子之母。 名。 芮 城 芮, 而 府 君 鋭 反。 重 子始述方。 陰陽,子之兄 子始著曆 伎

> 人拘忌,妄習灾福,故特云「懼費日」而已。 地合德,安在推步陰陽? 蓋以事兄之心始著星曆,恐門日。 且曰:「吾懼覽者或費日也。」聖人與天

能隨俗而處。以芮城之子妻之。子謂薛知仁,善處俗,知仁,未見。處俗,謂

刺 辭》。 史。 同 子 内 州 難,未詳。 曰 府 内内 君以之。」文中子高祖、名彦、爲 難 而 能 正 其 (志,引《 《明 夷 同 • 州 彖

道之從。」從中道。 子曰:「吾於天下,無去也,無就也,惟

中說卷第二

一七

#### 中 説卷第三

#### 事 君 篇

阮 逸 注

必待明王乃可興,非今爾所及。 問 仁義著,則王道盛也。 之道?」子曰:「正其心。」問禮樂。子曰: 王道盛,則禮樂從而 使人之道。 房玄齡問 事 曰:「無偏 樂者,仁之聲也 君之道。 興焉,非 子曰 禮者,義之容也 爾 敢 所 及 問 無 也。 私 化

不 知 其他也。」驕且吝,不足觀。 或問 楊素。 子曰:「作 福、作威、玉食,

於此。 建 ",雖 五等諸侯。 無五 房玄齡問 子曰 等, 皇 而 「宗 雜封 漢 郡 雜 周 功 縣之治。 臣、宗 建 列 四 或 室 百 八 子 餘 百 秦罷侯 弟。 載 餘 魏 年 置 漢 守 監 列 已 秦 郡 或 亡之 謂 縣 封 始

> 之手。 用可 滅亡 知矣。 不暇,魏 楊素使謂子曰: 吾不 知其用 晉已 有 也。」觀周漢之永、魏晉之促 封 爵 「盍仕乎?」子 然虚 名無 實, 故 滅 於

勸義 風雨; 願 故以正規之。 <sup>管岑。</sup>」汾水之曲,有先人之弊廬 疏 仕也。」終異言以拒之。 屬之南,疏屬,山 ,自樂也。 有田 時 可可 和 以具饘 願君侯 歲豐 名。 一,則 粥。 E Щ 通也受賜多矣,不 一身以 海 經 彈琴著書,講 》云:「枕 統 在,可 天下,素驕 汾 以 水,名 道 避

行。 詐。」怨,謂不教我而致我犯, 其人悦以恕;悦,謂知德及我, 今之爲政者,任刑 子曰:「古之爲政者,先德 而 詐 棄德,故其 謂 恕 矯求苟免。 謂 而後刑,故 知 刑不得已而 人怨以

養己。」歎反古。 子曰:「古之從仕者養人,今之從仕者

高洋 以峻 子曰:「甚矣! 法 御 下。 姚義 曰:「何謂克終?」子 齊文宣之虐也。」 北

權

臣

其

如傷 文宣時 「有楊遵彦者,實 ,奚爲不終?」言有賢臣,故不亡。 爲尚 書。 本史稱 朝 章 國 或 掌命,❶楊愔,字 命,一 人而 己。 視 遵 彦, 民

之情也。 室禮壞, 我 不 則 敢 不 竇 賢威 敢。」威所好者,禮之文耳; 威 夫知 好議禮。 有 禮樂之情者能作,識禮樂之文者能 心, 大抵 治 子曰 定 而 : 後議。 「威也賢 文中子不敢 今非 其 乎 時, 述 哉 者 故 禮  $\Box$ 隋

急歟?」子 人,無名氏。 ,斯文喪矣。 北 山 丈人《山海經 謂 百 文中子 非 敢急,傷時 曰 : 北 何 山 謂 之首 怠 遑 也 日 遑 一。」愈而 單孤。」丈 者 無 不

遂。」得常遂行。 子曰:「吾不度不執,度德執用。不常不

事。 忠輔之。 帝 命。」文中 而 立 。」何謂 光字子 宣 房 帝。 子 曰: 昭帝崩,立昌邑王賀。 玄龄 孟 也?」《續 , 先 書》云: 「《書) 日 是武 》有命,邃矣。  $\overline{\sim}$ 帝 「大臣之義載于業者有 書 畫周 書》 》有霍光之事,言廢 公相成 云: 賀有罪三千 其 『霍 有 王 成敗於其間 啚 光 以 條,光 賜 七,其 帝 廢 光 舉 帝 光盡 廢之 帝 舉 日 之

之大臣廢昏舉明,所以康天下也。」古若伊尹。懸之,不得已而臨之乎?」子曰:「何必霍光? 古

問: 下爲道。 有名而難名者也,今之隱者異於是。 海 氏。 州。 來不相從也,故 相從久矣。」吾,吾道 曰:「何人也?」子曰:「隱者 盍從之乎?」訝子去之。 「至人無名,還從隱乎?」子曰: 何 居,音姬,發語之端。 河上丈人曰:「何居乎斯人也,丈人,無名 子 居 遊河 乎斯 間 日 己渚。 人也。」文中子去之。 「久矣」。 也。 心若醉六經,目若營 隋河間郡,連涿水。渚,今深 至 吾道自仲尼 子曰: 人 獨善 相 否也。」言 也。」收 一吾與 與荷 從 一身,不以 乎? 蓧 丈人已 彼 日 薛 至人 收 不 川 天 收

行,時 今道之不 而 不 子在河 可 止 則 得 行 咔 7,得以 也 上曰: 昔常欲 止矣,故退 今吾得之,止 止 滔滔 而 居於河 心 猶 乎 有 曲 乎 爲 ?」聖: 昔吾 故 獻策 人時 願 於長安 止焉 行則

❶ 「國掌」,影宋本作「掌國」。

 $\frac{-}{0}$ 

道 有 仲 莫 民 呕 日 也 大夫稱家。 0 也 子 而 尼 痛 責 「三代之興,邦、 孫 子 隋行 ん之以 呕 焉 見 年 猶 牧 有 秦苟且之政。 遽 立社稷 襲爵 化 守 也 成 屢 通 雖 世,世 無 易 今 侯, 曰能之,末由 定 奉其 家有 無罪,國 旬 薛收曰 主 日 祀 月 而 : 社 而 責之以忠,無定 不除。 兩 堯 稷焉; 一「如 易, 漢之盛 舜 不如 吾 也已。」末 何 諸 載 不 7? 侯 考 是 知 牧 稱 子 之 其 邦 守

子謂 子志 的。 矣。」弼竟誅 也 陳 曰 有 。」言藝成 命 武功,爲 門 於道 賀 美哉 弼射,一 〈若弼 據 死 日 總 而 乎 發亦 請 管。 下, 於德,依 射於子,發必 君子游 中 矜 隋 藝也。 的。 主宴 而 之 弼自矜善射 愎 突厥 於仁, 而 六藝次三日 己。 難 人使, 乎免於今之世 中。 弼 而 命之射 故 不悦 後 「射」。 弼字 請 子 藝 觀。 而 輔 可 古 伯 發 退。 游 君 子 平 中

漢 獻 帝 子 時 侍講 謂 荀 禁中,依 悦 編年體 史乎 著 前 史乎 漢紀 三十 悦 篇 字 仲 詞 約

> 疑是王 筠、 見 孔 無吴筠,疑 王從 參軍,有虚詞而官不達,故多怨刺。 之狷者也,其文急以怨; 則 此傲可見 爲永嘉太守,❶多遊山,不聽民訟。 君子 士之 平 有述作之志、復祖 事 人宗之,❷益務妍侈,此 雉 詳 典。 孔珪 珪 事,有罪下 則 行 筠, 字 申 謝 文乎 沈約,字休文,始制音 也。 謹 可 明 字元禮,爲文好 是吴均,文之誤 莊 德章,與 ,古之狂 制 見。 沈休文,小人哉。 度。 王 靈運,玄之孫 涨,上 之風。 融 機字士 江 謝 重 淹對 者 言 書 靈 古之纖 冶 也,其文怪 「皆思過半矣。」子謂 押强 也。 衡, 其 運 掌 可見矣。 美 文翰 襲爵 小小 言 之 作《文賦》及《辨亡 [韻,好 韻 均字叔庠,文體 急。 也。 昭 多而 人 而 人哉。 召爲侍中,稱 字明遠 康樂公。 淹字文通,爲宋 不肯 鮑 艷 也。 皆 其文冶 謂 冶之辭。 不精,一 昭、 狷 以 伏 陸 可 怒;《 ,爲宋臨 其 淹。 江 見 其文傲 性奢豪,曾 機 文碎; 古怪。 官 淹 疾不朝 皆 梁朝 論》,蓋 南 一集。 建 江 史 吴 文 文 又 平. 可 干

<sup>2</sup> 0 嘉」 原作「梁」,據影宋本、影明 作 加 影 宋本 影 明 本、 本 四 四 本 本 改 改

文捷; 傳世。 年, 弟。 文體 好裁 夸人 則 後主爲長夜之飲 可見矣。 淫詞 云: 之、王儉、任 皆古之不利 名子建,與兄竟陵王子良及隋郡 綽,兄弟孝威、 堯門故 莊字希  $\Box$ 「天下文章若 緝 類舅,此 相 子 坐 時 也 事, 詞簡 新 然志貪富 夸, 逸 爲 罪 朓字玄暉,6爲齊新安王記室, 其 江 意,自成文體。 宋帝 侍 善 時 誅 約 總 郎 也 鄙 詞 稱徐庾。 文誕。 孝 而理 常言 深衒之。2 人也。」或喪身,或 此 賦 可見矣。 昉「 相 貴,繁可 鄙 詭 儀 無我,當 歌 其文 纖 有 和爲詩 俱 人也 碎 「天下之務當與天下共之」,平生不 有君子之心焉 詩 法 以 可 陵字孝穆,陳後主詔册皆陵爲之, 也 此誕可見 傳 則,是君子用心 繁。 信字子 見 見矣。 才名顯。 或問 歸 于 ,其文虚 融字元長 矣。 ,不持政 阿士。」阿 樂府。 其文淫。」 南 山,與 王子隆皆好文章,有集 謝 湘 徐 矣。 齊 0 亂 事。 其舅王 朓 (文詞 陵、 世 東王兄弟。 嘗 或 士,孝綽 徐 祖之子。 或 牋詞敏 作 此 總字 陵同 其 也 淺 庾 問孝 劉 詭佞可 辨 子謂 筠 殷 人也 信,古之 捷 綽,4字 總 延之字 常稱孝 爲學士,3 文 小名。 捷。 妃 持 湘 長於屬 綽兄 誄 約 顔 見 此淺 與 東 矣。 延 延 孝 陳 Ŧ. 蓋 綽 使

> 學,文詞 戚,以俸米散荒民。6 禪 拘 文。 小節 常言: 昉字彦升,梁時掌文誥,累爲太守。 不營財 風 流 「憂人之憂,樂人之樂。」此 自 利。 比 謝 儉字仲 安。 當世仕 上宴,命 寶, 進, 南 無不歷其門者, 齊 羣 時 臣 心可 爲 作 尚 樂 凡饋 見 書 矣 令。 遺 獨 昉 接 與 好 念 引 親 封 禮

吾得從嚴 平 遠以 往 、楊雄。 子曰: 辭 藏用。 尚書召子仕。 焉 署,常恕反。 楊游泳以 吾惡夫 一必 隋,尚書署天下吏。 (佞者 不 卒世, 或 得 已,署我 必 也 何患乎僻。」 僻。」子曰: 愚 於蜀。 乎 子使姚 ? 愚 嚴 寧

義

者 ·妄動。 吾惡夫豪者,必 也, 恪乎

府」, 原作 有」,據影宋本、四 庫 本

<sup>2</sup> 街」,影宋本、四庫本作「街

士」,原作「書」,據影宋本、四 庫 本 4改。

人,本名冉。」作 劉 綽」、《梁書》卷三十三云: 劉 綽」誤。 孝綽 孝 綽 城

暉」,原作「輝」,據 四四 庫本改。

原作「牽」,據 影宋本、影 明本、 四 本

署」,原作「手」,據 影 明 本、 四 庫 本 改

不 ·妄散 0 佞 惑主,豪誘 衆,不若愚 恪守其 分。

司空。 怪。」 選 廢 未嘗 又 無 宏達。 子曰 進寒素,近虚 子曰 言以 一:「戎 或曰:「王 (諫,但 達 人哉 名,天下目爲膏肓之疾。 荷 而賢,天下無 且簡静,容身而 一戎賢 Ш 乎?」戏字濬 濤 也 己。 不賢矣。」 實 多 作賢 及愍懷 可 仲,晉 而 戎 少 之 典

子,植 深矣。 嗣。 王 讓 也。 ,時人莫之知 人不知子建署兄 不自 子曰:「陳思 其文深以典。」《親親表》,典矣, 雕 礪 飲 酒 也。」 耳。 晦 王 迹。 曹植 可 子 謂達理者 兄 日 ,字子建。 文帝 矯情 君 子 魏 也,以天下 自 祖欲 念出 飾 以以 師 立爲 表》, 求 思 爲 太

約理明 塞。」不通理曰「塞」。 子 日 變。 房玄齡問史。子曰:「古之史也 古之文也約 今之史也 耀 以達,今之文也繁以 文。」空事 詞 語 問 辯 文。 道,

天子所以 五 志 焉 薛 收 風 問《 何 天下也; 謂 續詩》。 四 名? 形天下之風。 子 日 日 : 化, 有 四 續《大 名 日 雅 政 》也 續

> 誡。 惡 焉,無足嘉,則勉之。 俗,詩人哀之、歎之,所以吟詠於家,諷刺其 變風 以懷舊俗也。 俗 告於神明 或 猶易俗 焉,不足傷 風 、變雅。 是謂 **%** 也。 蕃 五志。」皆志所之。 也; 臣 以 凡此 則惡也。 所以 陳 日 歌之樂府,享 誨 四者, 頌 移 或傷焉,勉不得 立 續 其 或誡焉。 誡 俗 周 或美焉 于 于宗廟 殷、 也 家 9 魯 也 語 蕃 ,嘉美之。 《頌 他 臣 ,則傷之。 八上,使 事,使聞 或 四 比 異 古 日 以 政, 諸 歎 達 或 成 侯, 家 此 續續 或 勉 功 殊 移

乎? 也 衡、曲直之繩墨 過則抑之,不及則勸之,皆約歸中 子謂 《春秋》、《元 叔 恬曰:「汝爲《春 也 一、失則 經》於王 無 所取 道 道 ,是輕 秋》、《元 衷矣。」衷,中 重之權 經

1352

言 雅 風》 也 乎? 子謂: 乎 ? ^ 雅》,合天下 續詩》之有政 續詩》之有化,其 而 言 也 其 猶 猶 風 列 先 分 王 或 郡 一之有 之有 縣 而

列國變則 子 日 懷其舊俗 : 郡 縣 郡 之政 縣變則 其 惟 新是圖 異 列 或 之風 列 或 一之風 乎?

 $\equiv$ 

遷 國,本 怨 焉 及其 彼 口 行 使善政不久居,而屢易之乎? 悦 假列國之人爲 薄 深 V 而慕之。 而 侯,亦 逃 何 謂 以 也 以 也 乎?』此假郡縣之人爲言: 迫 避,不 傷 郡 求治也 吏 文幸,其· 變也 郡 前 古 傷 不 荷 猶 縣 魏 其 曰:『我君 而 長。 敢 卒 其 諸 不 之政 微 變風。 時 人 -, 上 怨 侯 不怨,則 賊 人慕。 求 敢 人 言 急功 下 君 日 蓋 害 安 也 我 篤 怨。 猶 : 天子。 怨 變, 其 之。 怨 則 去也,言終 0 也 勞而散 而 下 我 敢問 苟 怨 政 吏 世 薄, 不 不 君, 故 吾得 悦其民,幸於成 不傷,則 則 酷民怨。 其 修 而 心 · El 卒 謂 下 謂 政 日 上 列 『猶吾』 不 之 也。 不 及其 撫 亦安其 天子 替 : 下 或 安其 逃 傷 酷 其人蓋傷 去。 三代之末,尚有 言我 我 故俗 一之風 雖 相 乎 也。 不 變也, 也 也 下。 君 何 有 上 安 吾 日 亦 君不終撫 功,故民亦擇善 故故 言天子 謂 變,傷 善 也,民君本國 乎 深 其 將賊之」, 『彼下矣, 而 郡 何 厚。 政 云 也?」子 變政。 無 臣 敢 君 「相 余 封 怨? 所 主 之政 恩之 而 吾 日 日 安」。 建 及 苛 民 傷 屢 不

> 盡 路 矣。 義 也 ]° [ 存 牧守 不以 焉 王 無 邦、 路使人由 子 家 孫 故。 有 社 之。 何 稷 故。 則 代 導人者 之 季 其

之制 王之澤。 子 日 變風、變雅 變政 作 而 作 帝 而 制 王澤 衰 竭 矣, 漢 諸 周 先

亡性。 身若子路結纓、蓋其 非安行。 博,大雅弟。 曰 面 : 譽 子 殺身 愛生 而 遊 背 仲 貞 而 而 毁 言 觀 尼之門, 敗仁 成 中 魏 八中賢 仁 取 爲 者 者 徵 御 而 也 史大夫,有 丁,其 ,其下愚之行 惡之。」二子 行 未 違 有 中人之行 不 温 才辨 治中 彦 博 官 正 歟 者 歟 惡 直 終 ? ? 也 同 僕 射。 强 殺 情 彦

矣。 過 無 刑 急也,請 之未遲。 陳 上失其道 叔達 自 子 爲 ,民散久矣; 新者原之,以觀 聞 絳 郡 之,曰: 守, 下 捕 隋季如 陳 賊 守 其 之令, 後。」 周 口 與 容其 苟 日 非 政 改

■「僕」,原作「矣」,據影宋本、影明本、四庫本改。

之以 君子,焉 信, 且 能 觀 古 其後,不亦善乎。」容在德 窮。 小 民 窮 則 盗 導 之以 刑在信。 德 縣

禮。 禮 之令。 道 道 也 也 廢 如 不不 禮 肉 ?」子曰:「此文、景 後 無 不 刑害於義,義象秋也。 王必 損之可 可 象夏也。 所 可 偪 收 格 下 不至。」所至皆佞。 則 稽 則中。 問 于 中 止 也; 道。 後。」 君 ; 不 恩不 直 雖 以 本心 道。 刑不 然, 子 小 害 善卑 曰:「古之 在愛民節用,不意其害義傷 以 濫 今之事君 尚病 則 義, 天不爲 文、景之心 當 損 陽 其 儉 之義。 人惡寒 衣弋 難 不 也 事 行 傷 以 君 中 綈 爲 而 也 (佞, 枉 變 也 焉 傷 之 肅 可 何 以 平 夫 口 殺

可 述 而 其 謂 不 得失之由 修之,論 聖人立言 敢 子 書》也 E 辩 謂 「吾於 别 論 或 或 沿 立理 辯 微 問問 革 而 而 讚《易》也 而 其 顯 不 已,不 故。 吾於《禮》、《樂》 或蓋 敢 議 敢 而彰 子 辯 述述 Ė 興 辩 或 衰之極。 而 治亂之事 曲 有 而 不 中 敢 可 也, 或 吾 有 不 論 於 論 敢

> 隱。 乎 耳,非我自可否 則 存之者也。」 論 ? 子曰 各有奥 辯、 義,不 議 : 也 夫經, 皆 可 可 然 槩 不可,天下之所 天下之公言也, 窺。 曰 是 故 夫 有 子 可 以 故我續 有 述 存 可 則 也 述 有 而 存之者 可 我 不 以 则 口 論

四

其 敦。 接 有 長者, 就。 子閒 其 敬、愛得中。 居 恭恭然 也 儼 方, 短步 如不足; 其 也。 動 也 若有 1徐,若 接幼者,温 所 有 畏。 所 禮 温 慮 恭 然

貌

如

者。 必 御 綺 適。 黄 羅 子宴賓 錦 子之 白 適中。 繡 取 服 自 不 無 然絲色。 果菜 儉 貮 于 以 饌。 潔,多 非 室。 婦 其 不 時 曰 : 重 無 則 不 味。 長 食。 有 物馬。 君 食必去 子 碧。」染之易 日 非 長 黄 生, 非 白 剩 天 味 也 不

<sup>0</sup> 稽 原 作「二」,據影宋本、 影明 本、 四 庫 本 改。

<sup>2</sup> 本删。 則 論 原 重 文, 四 庫本下 則 論 作 其 於一 據 影

<sup>3</sup> 潔」, 原 作 影 宋 本 作 絜」 據 影 明 本、 四 庫 本

真性者也。」非其土不食。曰:「非地道也。」皆保

乎取 有 Ŧī. 鄰爲里,五州 喪,子必先 ,無擾爾 鄉 人有 爲 窮 往 鄰 鄉 而 五. ,匍匐救之。 里 索者,索, 族 鄉 爲黨 黨 爲 反必後。 也 求。 我 則 周 日 不 禮 : 厭 Ŧi. 爾 未忘哀 家 於 鄉 爲 鄰 我

曰:「未嘗與久也。」 或問人善。子知其善則稱之,不善則

危,不乘悍,悍馬。 不奔馭。 子濟大川,有風則止。 不登高,不履

夫則從行。 鄉 吾非從 人有 畚,布忖反。 大夫也。」畚,草器。 水 土 鍤 之役,則 楚治 反。 具 鍤,鍬 畚 鍤 也。 以 非大 往

椁 日 無 誉 銅 川府君之喪,父喪。 葬具曰 衣衾 而舉,惟 :「必儉也 車 而 勺飲不入口 載 吾家有 飾 制 謂 漆 者三 飾 也

> 尺,不樹焉。 善,謂俑者不仁,不殆於用人乎?」既 矣。」《禮》曰 也。」封之,崇四尺。 仲尼已來,未嘗 衾 帷,亡 者 生所 「塗車 御 孔子曰. 物。 無誌 芻 塗 靈,自 車 我東西 也。」於是 芻 古 有之。 靈 南北之人,不可弗 葬之, 曰 則 孔子 立 不 上墳, 高 謂 從 芻靈 Ŧi. 自 世 几 者

執 事 ,翼如 既而 子之他鄉,舍人之家,舍於主人。 萬春鄉社 日 : 也。 一,所居 執俎 奚適而無禀。」言人動 豆之事。 鄉名。 社,祀句 翼 如 恭 龍。 有所 子 出 必 必 與

和。 顛 以 無 謂 何以 道。」 文 ,非一木所支 至心爲 个中子曰 芮 ,清極則介。 加乎?」子 恭外道内。 城 府君 之内,直 一,何 起家除服被起。 也。」言隋將顛 直 退 日 以 而 而 而 贈 無 内至。 「太和爲之表,清而 謂 執。」 我 董 ? 子曰 常 行之以恭,守之 非 直甚則 爲御史, 曰:「大厦將 御 史 可 執。 將行 日: 而 外

子曰:「婚娶而論財,夷虜之道也,君

六禮。 不以 子 從古。」夫爲婦之綱。 斯道也,今亡矣。 不 財 納 爲 其 采、問 禮。」引古正今。 鄉 名、納吉、納徵、請期、親迎。 古者男女之族,各擇 三綱之首,不可廢,吾 子之族,婚嫁必 德馬 曰 :

今人以爲耻,我則不耻也。」 爲詐,我則好詐焉;不爲誇衒,若愚似鄙, 子曰:「惡衣薄食,少思寡欲,今人以

則爲 古也。 也。 仕 非委之以 難致太平。 今之仕 一,士謂 以 秦政 天下設也 報 子曰:「古之仕 勞,官 酷 政教也。 其秦之餘酷乎? 也以 俊 故用 造 子曰:「吏而登仕 也,從王 逞 以授德。」禄及勞者, 吏才,而官不授德。 春秋: 其欲。 命爲仕。 有功,賞邑而已,非假之以名器 也以行其 厚 己所 周禮: 吏 勞 欲。 執 胥 古 道, 乎役,力役。 更,執 而 難 一身而 者士登 進 矣 道行 事而 官,非 乎 己。 於人。 已 平 官

下之謗而私其迹,曰:『必使我子孫相承,子曰:「美哉公旦之爲周也,外不屑天

有德易 達道 1 故遷都之義曰: 以 乎 心 日 而 者,假 洛相宅,義不恃險而在修 宗祀 厚蒼生也。 1 制禮作樂也。 安家者,所以寧 周公爲言也。 以 不絶 『必使我 興,無 也。』不屑,不介意也。 奉文武業,必存我身,所以寧國厚 公謂 德易以 『洛邑之地 君臣 内 終復子明 實達 德 相安,而 天 衰。』」 下 天 也; 四四 辟 下 曰 也。 之道 禍 者, 存 迹, 達 亂 深乎,深 周 我 謂 而 不作。」 而 公云也 者 平,使 攝 位 所 民 其 也。

志。 心 弟 也。 敗矩,吾不與也。」責其敗人倫之法 子曰:「汝忘天下乎? 無功 不遇時則縱酒一 作《五斗先生傳》。 飲五斗,自作《五斗 言未能忘 王績,字無功,子之 先 天下。 生 傳 淡 縱 見

# 中說卷第三

★」、不再一一出校。七同此。卷五末原作「卷終」、今皆統一作「中説卷一第」、原無、今補、以統一全書各卷義例。後卷四、

## 中説卷第四

周公篇

阮逸注

理 誅 べ性盡 管 盡 京蔡,曲 性 子 矣。 以 謂 耐 理則性,性則天,天則命 至 周 當 於命乎。 也; 公之道 代武 王 曲 曲 笞 而 伯 而 當 禽 當 此 於 私 所以爲聖也 理 私 而 窮 恕 而 矣; 也。 恕 私 其 攝 而 恕 政 窮

不從之而 寢,潜、寢,省漸也 則民從之,藏諸用 不 「聖人之道,其昌 知 其 則民 由 亹亹焉若 也。」亹亹 不知 寒 ,循環不絶貌 暑 也 潜 進 ¨, 其 退 弊 物 莫 也 諸

康,字. 曠 字 如 此 叔 温 夜,山 宗,居喪用琴酒,且 子曰 彦博問 濤舉之自代,❶康絶交。 「古之名 嵇 曰: 康、 理者 阮 禮豈 籍 而 一爲我輩 其 何 不 介局 能 設。」 也 窮 如 ? **②** 其 此 也 放 嵇 阮

> 乎? 中 乎 閉 執 閾 携壺,使人荷鍤隨 也?」③劉伶,字 道、器?」 談名理,不 介,故不足,器不執 也 道 ? ? 關 方之謂器 日 日 : 也。」 身可 窮其變,或失於介,或失於放。 可 子 足 閉 日: □ 忘 乎?」曰: 關 行, 伯 則 也, 道 可 則 倫。 喻 日 吾 天下 以 放, 不 通 藏 方 性淡默,不交游, 不 足 故 身 變之 死 則 不 也。 知 則 日 而 方。 可 兼 「有 埋之。」子曰 也。」 器 兼 此世 謂道 忘 日 餘 忘 有 天 : 伶 人所不 餘 下 日 亦 以 可 劉 曰 曰 放 一方古之 酒自樂,常 以 不 能 伶 道 而 變 窺其 不 道 已,非 亦 何 列 敢 何 通 變。 足 口 間 謂 則

守, 不 止 叔 達 , 夫子居於鄉 陳守謂 也。 薛 薛 生, 生 收 日 也。 里 : 而 「吾行令於郡 夫 子, 争 者 謂 息 文 中 何 子 也 縣 ? 薛 而 生 盜 陳

0

<sup>「</sup>舉」,原作「學」,據影宋本、影明本、四庫本改

<sup>「</sup>爲」,原作「謂」,據四庫本改。

<sup>「</sup>伶」,原作「靈」,據四庫本改。下二「伶」字同。

道。 日 達善德。」二子同志。 三月盗 此 陳守曰:「吾過 以 言化,行令示法。 賊 出境。 子聞 矣。」 之曰:「收善言 退 彼 而 以 静 心 居, 化。」 思 行 行 其 道

相欲 使于天子,及廻,虞爲公孫瓚所 古之義人也。」田 封疇,疇不受。 房玄齡問: 此節義人也 一田 疇,字子泰 疇 害, ①疇哭虞 何 出出 也?」子曰 州 牧劉 墓 虞 而 去。 使 疇 魏 奉

萬世。 其和 乎 不如《 焉。 慮, 如 舞,狀修文物 勞決,取以經營天下也。 ?! 子 知 其變在文武相 經天子乎? 其變也。 神定氣,綏天 子謂《武德》之舞 湯武革命,一 昭德》之善也。 且《武》之未 以以 綏安天下也。 凡帝道, 或決而成之,或泰 須。 時之功,周行典禮 漢高祖廟奏《武德》舞, 盡 噫 下乎? 謂《 善 有成之者,有守之者,樂舞象 ! 功立 久矣, 勞 昭德》之舞 《武 太原 而 時 漢文帝 德》則 決,其 而 其 ,萬世之道 府 已,德必常守于 時 君 而守之,吾 廟奏《昭 乎, 閑 狀 干 功 日 發 |: | | 何 存 而 其 謀 - 戈,勤 焉 德 動

> 也。 廢,而 之,故不廢而同歸於儒矣。 逸謂九流異道 名家,六墨家,七縱横家,八雜家,九農家。 史 談」。 不廢則容之,有弊則排之,非真儒通變 子謂 知其 九流: 史談善述 猶 各有弊 五方殊俗,在致 儒家,二道家,三陰陽家,四法 也 九流 長者,言殊道 了,安得 治者因 司馬 長者之言哉 談 而 無不容、無不 不能 爲 利之,器而 知其 太 極此 史, 不 故 口 通 使 日

隅 有? ,有時作泥。 法弊則 子曰: 革。 故曰『存乎其人』。」人謂 通 執其 其變,天下 方,天下 無弊法; 無 善 教。 真 何常之 偏

數之中,當主位也。 紀,五皇極,六三德,七稽疑,八 叙 哉,圓無執,張機發必中。 九 疇哉 子曰: 」九疇: 「安得圓 機之士與之共言 安得皇極之主與 五. 庶徵,九 行,二五事,三八政 Ŧi. 福。 皇 極 之共 九 四四 居 流 九 Ŧi.

人也。 及真 君長生之術。 杜淹問: 執小道 蓋 崔浩 亂大經。」崔 迫 小,不知 何 人也?」 通 儒 之道 浩 字伯 子 淵 日 好 星曆 迫

<sup>● 「</sup>瓚」,原作「贊」,據影宋本、影明本、四庫本改

傷周。 終不 微。 遠 艱 者,周公也。 周 矣。 至《王 陳 下 也 卒正之也。 能卒之哉?」「發乎情」,是至成 聽流言之誚 乎?]子曰 變風 王 哉 公能之,故繫之以 ?」删詩 一業,后 《國風》遂變,不復雅正矣。 變風 儻《金縢》未開 失 程 故終之以《豳 也。」豳 黍 八於本, 。」周公之詩 元 離》。 王 稷、公劉之本。 不 何以 非 日 業艱 元 歌《 復 : Œ 曰 ,今爲邠 豳在 難。 正 風 元 其 幽》日 君臣 敢問 也。 : ,則終疑周公。 日 矣。 惟 列國之後? 不 變 繋周 周 風》,言變之可正 成 相 周 而 爾 嗚呼, IE 豳 夷王下堂而 周 公乎?  $\pm$ 消 始興之地 克 **>** 而 風》何也 終 公之際, 周 夫子 , 其能 正 居 周 正 繫 之本 疑, 非 爾 已 子 非 變 也;「止乎禮義」,是 變而 危而 蓋 周公至誠 也 周公孰知 見 風 則《風》遂 繋之《 ?? 傷 也。」《七 諸 正 亦有 以《豳 乎? 之末, 變 夷王 其 之者 克扶,始 侯,周: 風 本,存乎 也 自 栩 變 日 成 始衰 正之 也 孰 月 鄶 其 唯 己 戀 風 何 Ŧ.

遠也。

知之; 下抗 應 管仲不得而 方伯 逆 惠帝已後 號,是逆。 其相王猛之力。 之。」前秦苻堅得天下三分之二,故曰「中原 逆?』三十 猛 命 加 知之」。 . ⊟ 天 至 而 天 不 非 ,使征不庭。 : 「五侯 命 順 得 ,猛之力也。」 子 逆 朏 管仲,字夷 也。 背 命、 丽 賄 苻 日 子曰 周。 : 事 路 秦 義 . 餘 九伯,汝實征之。」是至公也。 安國 背 也。 大行,天下 舉 在下文。 音 或曰 齊 年 故 而 苻秦 也; 吾。 桓 大 曰 : 事 濟 晉東遷,中國無主,秦乃抗 中 尊王室 ·「苻秦逆。」東晉 號 紂, 齊 民 何逆? 上順故。 制 昔周 或 桓 謂之「互 而 乎? 命 齊桓 晉 士 公伯諸 中 者之罪 之 民 而 制至公之命 原 上順下違 市 晉制至私 諸 不敢逆天命、 是以 東 罪 侯,仲之力也 静 侯 西 也 也 故 服 南 武 惟 故齊 苻 苻 日 静 北 王 王 晉 在 惟 逆,上 之命 不 不 而 也 猛 自 管 桓 能 堅 敢 背 其 谏 何 知 仲 亂 僣 亦

乎 道不墜,孝文之力也。」都洛邑,興文物 文之所 ? 子 見王 爲乎? 日 猛功業,知秦有 一符 觀孝文治具,知魏有主。 秦之有 臣。 臣 元 一,其 魏之有主,其 王 猛 之 中 所 或 爲

魏國文翰 安,莊帝年號 府君常切齒焉,則有 太原府君 險人也。 ·性 也,時 |似静而實深險,其後與 魏國大亂。 智小 温 由 謀大,永安之事 也。」温子昇,字鵬舉。 子 切 盎 · 昇, 元瑾謀 未詳 何人也?」 逆, 坐 同 誅 子 州 掌 永

泰。 無 而 不 人,吾家 補也 子讀三 泰子覺,建 見見同 適 祖 一號稱 不 上 州 府 用 事 周 君勤 ,讀《魏 爾。 王 魏 事 書》也。 跡 帝 也 寶 炬 無謂 人 關 魏 依 勤 宇 周 哉 文

座 曰 向 : 東南 「未忘先人之國。」❷穆公虬 子之家廟,座必 東 南 向 自 自宋奔魏 穆公始 自 是 也

煬帝 始 大業八年征 遼 年又征,天下遂喪。 東之役,子聞 遼,二百 萬 之 曰: 衆 天子不見 並 陷。 一禍 九 年 自 又征 伯益讚 此 之,山 始矣。 禹

> 之詞, 兵,❸兵驕者滅。 漢宣帝 振旅,七旬苗格。 使趙 益讚于禹 充國擊匈奴,魏 非但 日 公卿 : 人事,乃天道 惟 不 德 相諫 用 動天,無遠弗 魏 曰 相 也 「臣聞恃大威者爲 諷 宣帝之事 届。」 禹 乃 班 師

經 收 以 日 善人。」好賢。 子曰:「過 樂?」賈瓊曰:「樂閑居。」退静。 獨若之何?」利己曰「利」,利物曰「義」。 捨其所争,取其 遊 :「徵,顏、冉之器也。」徵宿 ,踰月不出。 思道,可矣。」王孝逸曰: 於館陶 子謂賈 王孝逸謂子曰 而 ,魏有館陶縣。 瓊、王孝逸、凌敬 子曰:「多賢,不亦 屢 聞 及去,謂 所棄,不亦君 ,益矣。」凌敬 「天下皆争利 適 薛 與 收 樂聞過 魏 E : 子之家,言六 子乎 微歸 樂乎 :「明王不 曰 : 子 言諸 棄義,吾 子曰 ()。」思 告子 ! 」薛 生 逢 益 何

2

恃」,原作「侍」

據影宋本、影

明

本、

四

庫

本改。

<sup>●「</sup>泰」,原作「秦」,據影宋本、四庫本改

<sup>「</sup>忘」,原作「志」,據影宋本、影明本、四庫本改。

天地、理通皇極。出而夫子生、是三才、九疇屬布衣也。」道兼

謂 以 竭。 也 爲 途 何 而 執 門 尼 其 同 政所抑。 難入尼父之門矣。 父爲多學 注 炫字伯 劉 歸 多 、傳異 炫 曰 百 也 見 光 慮 著《五經 同。 而 開 子, 榮 炫日 皇 而識之耶?」天下何思何慮? 子 致。 華 談 中表乞興 正名》十二卷 曰 六 其 此尼父之學也 (言,小 先儒 經 學 校。 唱 以貫之可 異 行 成其 其 同 于世。 然好 端, 炫 道 自 終 退。 子 可 矜伐,❷ 難 日不 不 日 矣 爾 述 殊

敬 本乎 賢其學正 退。 情 凌 情 敬 子 道 無 邪 問禮樂之本。 日 則貌恭而氣 : 賢 哉 和。 儒 也 子曰 恭,禮 以 : 也 禮樂爲 無 和 邪 也。 問 禮 凌

乎 乎 而 心 ? 在 子 漢高 雜 漢武歌 百 霸 祖歌 也 云 「《大風》安不 云: 秋 歡 「安得猛士兮守 風 樂極兮哀情多。」 樂 極 志 哀 危 來 四 其 方。 此 其 悔 霸 悔 此 悟 心 不 前 忘 之存 過 武 萌 備

形哀痛之詔也。

之罪, 也。 外可 爾。 必有 亡。 之 行。二 典 亂 之道也。」 曰 罪 ,晉賢蕩焉, 行,非 制 ^ 或 軒 也。 也; 易 子 其教何 焉。 聖人非不知太古之朴、空寂之性 問 老 車 日 中 佛 莊 不 晉賢 越 釋氏本空寂之法,非化俗之原,梁主惑焉 秦不用《詩 國 不 故亂。 之罪 舟而 可 禮 如 云 蕩, 子 以 義 〈詩》 不車 ?」曰:「西方之教也 乎: 之俗 適 日 梁主 也 齋 : || 書 越 書》 胡胡 ; 可 戒 感,非 聖 河冠 老 髮而 習。 修 荷 盛 談故 莊 人也。」聖人之寂滅 冕 立人之制 非 而 存 不冠,❸古者夷不亂 而 中 梁 太古 不可以之胡 秦 或 虚 其 或 世 玄 則 然 人, [之教, 滅 長 也 泥 而 應 道 非 故 非 而 非 西西 物致 泥 虚 適 不 晉 釋 仲 方化 時 行 猶 理 室 虚 迦 尼 故 溺

或問宇文儉。子曰:「君子儒也。疏

<sup>「</sup>乞」,原作「巳」,據影宋本、影明本、四庫本改。

<sup>「</sup>矜」,原作「於」,據影宋本、影明本、四庫本改。

<sup>「</sup>冠」,原作「車」,據影宋本、影明本、四庫本改

府 通 君 知 遠 重之,豈徒然哉?」父之友。 其 書之所 深 乎 儉 事 跡 未 見。 銅 111

樂 不 將 遊 也 可 江 以 子遊太樂,樂署。 都 遊 紂作靡靡之樂、亡 宮、作此曲。❶ 矣 瞿 國之音也。 聞 然 龍 而 舟五更之曲 歸。 作之邦國焉, 曰: 「酢 靡 帝

捨 道干禄,義則未暇。」 誠哉 謂 姚 義:「盍 ]信有此。 官乎?」官,仕。 言隋仕人皆 捨道 義 日 子

帷幄 不悦 所以 佐魏 存 救 日 時 舉 或 正朝安國也。 祖 生 死 或問荀彧、荀攸。 有大功。 事慎 去不止。」然彧 軍 飲藥而死。 明道 死 師之智。」又曰 以 密 救時 何 明 ,雖子弟不能知。 或謂 道 如 皆謂仁矣。 君子愛人以德 彧從子攸,字公達。 ?」或 ,荀氏有 魏 初仕 祖 宜 」漢,漢 「令君舉善,不進不 死攸 加九錫,彧曰 子曰 二仁焉。」彧字文若 不宜 生。 亡則 魏祖 :「皆賢者 死 常 子曰: 如此。」魏 魏國 稱 攸獨 日 「本起 初 休; 仕 「荀令君 建 祖聞 生以 也 義兵 之 師

子 言 而信,未若不言而信, 行 而

> 性 道 言,❷人已知其必信矣。 謹 日 者能 復静,雖未行,人知必謹。 一、未若 如 推之以 此 不 行 誠 而 謹 則 鎮之以静 不言 賈 惟有道者能之。」有儒 瓊 而 日 信 則不 : 如 心 至誠, 行 何 而 謹

者 以此 珮合節 别禽獸 履 節 衣下曰「裳」。 其首也; 王 不便」,是投魚於淵 何樸 法服,不其深乎 則躁無自入焉。 非 防 楊素謂子曰 其 鏘 民, 天下 道 而 爲履 如,響聲。 襜如, 也 猶 非 庸 一。」責素不以禮 ()所以 有 便 故 盛貌。 得 疾 也。」樸,虚裝貌。 : E : 皆 不 ! 驅 「甚矣! 所以 重其足也。 真 馳騁 劍珮 於 有深旨。 『儼然人 猿 道 引人。 防 於木 而 者。 鏘 其 古之爲衣冠裳 狂 如 爲冠,所以莊 躁 望而畏之。」 也,爲禮,使人 乎? 今捨之,日 帶帶 子曰: 衣裳襜 也。 劍示 威 引之 威,垂 如 重 有

<sup>0</sup> 此 原 作 比, 影 宋 本、 四 庫

<sup>2</sup> 雖」,原作「維」,據影宋本、影明本、四庫本改。

小。 董 此《北門》篇也,刺在不得志。 常不遇者,天也 ,仁人不遇,小人在側。卒章云「憂心 子聞之曰: 董 常常 歌《邶 「天實爲之,謂之何 柏 舟》。 煬帝任羣小,仁人憂之,言 言仁不遇 悄 也。 悄 哉?! 愠 衛 于 頃 公

之器。 聚道 珪 璽錢 ,聚淳 邳 具 公好古物,蘇 必 朴之性。 具。 子聞之曰:「古之好古者 今之好古者聚財。」聚珍異 威 封邳 國 公。 鍾 鼎 什物、

光,注 薛 當其意,有所適則居之耳,不知其可、不可 天下者也 得與之變。」極乎 在山 達 林 見上。 子謂 哉 隱 「子之師 也。 仲長子光曰:「山 曰 不 隱居放言也。」任 :「會逢其 知其 其 道爲至人。 可,放也。 至人乎? 適 死生不變其 也 子 林可 馬知 意所適, 死 光 生一 也。 退。 居乎?」子 其 道者, 達也。 子曰: (可。)會 矣,不 謂 董 滴

真, 0 高 薛 收 窺 問 測 隱 其 次 子 地 日 隱 至 辟 地 山 天 林,高 隱 身全 藏 其 天

其次名隱。」名混朝、市,心在世外。

静。 所 曰:「廣。」廣,泛交也。 以爲能 子 子 曰 : 謂 姚 也。」泛愛中有擇 義 所 能 以 交。 爲 子曰: 能 結 交。 也 或 廣 淡, 而 故 不濫,又 簡。2 簡 或 簡

心焉。 矣。 文帝不能行, 者不過百畝。 晁厝説文帝曰:「五口之家,服作者不過三人,能 子謂 晁 故漢致治不及三代,文中子惜其 古者 厝 率井 夫 婦受田 田之序,有 百畝,此井 心 田 乎 一之制 有復古之 復 也。 古

形乎制、 之義 義 韶」,漢因之。 「制」,漢因之。 列 乎範 賈 載 詔 瓊 者也。 于 者 問《續書》之義。 業 曰『志』,志,謂、 有 者有七: 曰『命』, 爵 曰『策』。 四 曰『韶』,韶,令也。 曰『制』,制,命也。 求直言 帝 子 王. 而策 有 Ė 志 :「天子之 慮之。 秦改「令」爲 於治道 秦改「命 命 前 臣 E

- 「天」,原作「大」,據影宋本、影明本、四庫本改。
- ②「簡」,原作「問」,據影宋本、影明本、四庫本改

『議』,評議。曰『誡』,監誡。曰『諫』。」箴諫。曰『訓』,師訓。曰『對』,奏對。曰『讚』,襄讚。曰

假帝 不容。 不通乎?此之謂帝制矣。」言二帝之典、三王之 必以天下同之。 湛然,其下恬然,湛、恬皆静。 不割乎? 子曰:「大制不割。」割,分判者也。 下安之,天下之失,與天下正之。凡舉一 兩漢之記皆同制矣。 制自謂 文中子曰:「帝者之制,恢恢乎 恢恢,如天容物。 也。 千變萬化,吾常守中焉,吾常, 其卓然不可動乎? 其 有大制 天下之危,與天 制表 其感 其 其上 下 而 事, 無 所 而

畏天。孜孜,憫人。《易》者,天人以時而動也。 孜焉。 其畏天憫人,思及時而動乎!」業業, 文中子曰:「《易》之憂患,業業焉,孜

其難 思 乾 云也。❶ 不 乾可 遠。」」又舉《詩 乎 繁師 言汝不思善道則已,在我思之,不爲遠 ,!! 」難 也 玄曰 知。 乾 乾勤學,不難。 「遠矣! 子笑曰:「有是夫」『終 》勉之,使勤學《易》。 吾視《易》之道 『視之不臧,我 此 《載 馳 日 何

> 之可 《干髦》而遣之。《干髦》,衛詩: 而 曰:「玉帛云乎哉?」果求賢,不在虚 也。」姑存 越公聘子。 此 聘禮 子 謂 即 可, 其 使 非 得聘賢 者曰 美臣子多好善。 之實也 飾 而 歌 既 行

量力相時。功、立言何如?」子曰:「必也,量力乎!」功、立言何如?」子曰:「必也,量力乎!」願廣者,狹之道也。」欲速不達。玄齡問:「立願廣者,狹之道也。」欲速不達。玄齡問:「如

收 如 可 與行 可 也。」事君貴正,出處貴絜。 與 子謂:「姚義可與友,久要不忘; 事 事君,仁而 臨 難 不 不佞; 變 相友貴久, 臨事貴斷。 董常 可與出處,介 賈 薛 瓊

必有不肖之心應之。」理使之然。
曰:「小智自私,賤彼貴我。」好奇尚怪,蕩而不止,子曰:「賤物貴我,君子不爲也。賈誼

也。子不出,門人惑。子笑曰:「有好古博薛宏請見《六經》,薛宏,未見。經、《續經》

雅君子,則所不隱。」言宏非好古者。

賦 郡 而 子,無我 《載馳》卒章 人非之。 子 有 有内弟之喪, 尤 非其 百 爾所 前 過 思,不 去。 禮 内表弟。 鄘國詩。 子 如 我 · 三 : 所 之。」此 吾不 不 卒章云:「大夫君 飲 言我自 酒 忍也。」 食 不忍 肉,

子曰: 失矣。 公,彼,謂文中子。 如 鄭 「公可 理遣 得失在僕,公何預焉?」越公待之 和 未見。 也。 慢,則 公何重焉?」 譖子 僕 於越 得 矣; 公 不 曰 越公使問子。 一:「彼 可 慢,則 實 僕 慢

弼 勇」,勇於力曰 。 一子曰: 子 日 「戾」。 「弼 我 未 也 見 戾, 勇者。」 焉得 勇?」 勇於 或 日 賀 義 若 日

子 故能知人。 E 賈 李密問 爾願知乎哉,姑修焉,天將知之,況人 「必也 瓊曰:「甚矣,天下之不知子也。」子 自 英雄。 勝 ,義乎 者 「雄。」自 ,!! 」凡勇不得其宜 子曰:「自 勝 故 能 知 勝 人。 者 ,皆勃戾爾。 英, 問 自知 勇。

聖人知天,則天亦知聖人。
乎?」孟子曰:「盡心者,知其性也。知性則知天。」言

姑 道 待價焉。」待明王世,當自求行之。 或 墜 賈 也 瓊請《六經》之本曰: 一。二子曰 爾爾 將 爲名乎? 「吾恐 有美 夫 子 之 玉

子 立 Ė 身。」言爾父不陷 楊玄感問孝。 「孝立則忠遂矣。」楊素賢 不義 子曰:「始於事親,終於 則 爾 身 可 立 ,則隋不亂 矣。 問

中說卷第四

### 中説卷第五

問易篇

阮逸注

存 答。 於 身 熟《易》之文,而不 朝 乎德行。」此所謂 而 退 劉 已,況吾 無 謂 炫問《易 我敵 門 人日 者。」 儕乎 知 易 《易》在身。 但 ?:」聖人終身立《易》中,劉炫但 》在 子曰 談《易》文,自 默 身也 而 成之,不言而信 聖人於《易》 炫 日 謂 無 敵。 「吾談之 子不

董常 下皆 天下皆疑,吾 何 優,吾 疑 魏徵 ?」憂、疑 日 樂天 獨 得不憂乎?」 獨 知 聖 出乎情爾。 得 命 不疑 有憂乎?」子 吾何憂? 乎 情者,性之欲也。 ? 問 一徵退。 疑。 窮 理 日 子 子謂 日 聖人 天

之則 迹固 與堯 應之日 乎?」言周 復性以心。 止 當 時 中子不得其時,兩存心迹,聖矣哉 周 之心言之亦一也,其所以伐之者,迹也。 來心迹分,故曰「久矣」。 天命日 性 而 而 一言乎?」 也 謂惟 而用 不憂而 人以 適 各當 孔 ,其所以 、舜、湯、 「徴所 殊 居禪之時,則舜、禹 造者不 殊 一心。 「迹」。 爲疑 義 而已。 則安知 乎?! 也 所 人以爲憂者, 在,不必執乎心、執 義終下文。 者 公、 、武同 問者, 禪之者,迹 前云有憂、 白爾 以 心迹之判久矣,判,分 吾告汝者 知其 仲尼 心 則夫二未違 疑二言 也, 天下之情 與 猶言自 迹 迹也; 於《易》已二言矣。 殊 而迹不應乎天下,蓋 以天下之情爲 果 常 也。 夫堯禪舜 疑,後云無憂、疑,是二言。 也; 爲二道。 殊 也 彼 日 哉? 爲 適 也,以 湯伐桀,武王伐紂, 心也。 居伐之時, 疑 舉天下物情 乎 造,謂 也。 迹。 「非告徵也,子 也。」言則二, ,舜禪禹,以 各 彼觀我 子 吾獨 憂也; 時 云 故聖 日 以 我 則湯、 周公、仲尼之心 行 當 適 也。 常曰: 則心迹 人應 則 之動,而聖人 得 時 性 至於 聖人 行 而 武 心言 之本合乎 異 自 物以 耳。 也。 以 周 道。 道 時 性 汝 古 堯 之則 公已 則 止 無 殊。 迹 亦 觀 則 乘 文 使 疑

先覺 聖人之道 也。 不 李 不 覺 播 違 也。 覺 亦門 若 時 免後 先天 孟子稱 常存 覺 也 ( )未見 而 於天下,然文中子出非其 李 天弗 伊 傳。 播 尹 違 聞 ,後天而 天 而 「天之生民,使先 下 歎 皆 奉天時」,先後則二, 日 歸 : 焉 大哉 而 時,故天下生民 知覺後知, 不 乎 覺 也 也 而 0 使 其

典,其 言 下,則 策 詔 已宣,故 成 悉用,故 何 武 道 謂 而 天 而 何 帝策董仲舒。 志可 不倦 下乎?」言韶 天下 程 也 致 謂 不改 曰「志」。 ? 元 見矣。 也 也 問 應,一令 叔 勞心問 一?」《續 博 非 叔 志。 恬 其 詔 恬 憫 以 恤 賢,不 . 智 其 日 書》有 如 道 告 而 前 見 博 : 是之大。 出乎志也,雖未詔天下 文中子。 也周 不  $\overline{\ }$ 王 倦 達 不 策。 聽。 私 續 者 則 口 其 書》之有志 之志 易。 子 天 憫 其 叔 世 日 明 致 惟 恬 子曰 病 恤人,故皆 乎 用 命 策 不 也 其言 乎 其 私 ·, 而 「志以 悉 有詔 詔 敢 孰 諱 其言 行 過 也 問 應。 能 若 天

子曰:「《續書》之有命,邃矣。天爵、人

乎? 逝 失 成 君 爵 沿皆爲 其 獨 ,故曰「自作天命」。 敗 臣 往 幾 經畧當其 于 命 言命之所歸,不得已 也。 **中** 平 其 ? 間 邃 權 者 契化 經 地 言 天 畧 乎 非 如 下 此。 ? 止 自 懸 君 而當之。 作天命乎 命 道 命 之, 其 甚 抑 地 不 亦 必必 天命 進 得 有 ? ]天下懸 物 退 之耳。 已 經 畧。 不 消 而 廢 息,不 臨 其 其 有 有 於

知 民 善,皆可從。 而 下之身,受天下之訓; 亦不 成。 其 義 由 而 文中子曰: 然 知其君得善之由 有謀 也 亦何常師之有? 可其性 得天下之道,成天下之務。 乎? 明主乎?」民間之事,君皆 「事者、《續 雖天子, 言不惟師 唯 必 書》有 道 有 也,天下之人 所 事。 師 存 事 其 由 行 民 以 取 師 不 諸 天 謀

其 晁 非 書 》有 因 明 宜 問 君 文 公孫之對。」晁厝《對 中子曰:「廣 取 孰 乘 類 能 事 廣 無 演 問 不 道 經 非 仁益 莫 乎 達 善 智,莫善於問 臣 於 策》云: 經 孰 對 能 「三王臣 洋 專 續 洋 對 書 乎 乎 有 ; 主 對 俱

所爲 大用 害,兼愛無私 秋》,王道之端 也。」此三對皆洋洋然,得王道大綱 正者,王之所爲 謂 ,莫不本於人情 ,傳之於正。 之仁。 明是非,立 也。」公孫弘《對 正次王 也。」董 王 可 仲 否, 舒 次 策》云:「致利 對 謂 策 之義。 春者 天之

不安。 子之於君,贊其美 所以進善不暇,天下有不安哉? 中 子曰: 「有美 而 王 不 其失 揚,天下 也 《續 何 觀 書 言 》有 無

謀, 問 書》有 曰 : 皆明 「堯開 堂異名也。 兼天下 舜有總章之訪,皆議之謂 中子 面 衢室, 昔黄帝 M 之智,而 Ĭ 己。」言黄帝、堯、舜得天下謀議 ,聽於民 衢室,當衢爲室,以 : 議 有合宫之聽,堯有衢 也。」大哉乎 理 其盡天下之心乎 得矣。 採 也。 我 民 何 并天 言 合宫、 也。 爲 爲 下之 室 哉? 理。 管 總 之 子 章

之難 而 也 不 也。 怨, 書》有 曲 「人心 故 君 而 不 子 惟 思 諂 切 而 過 危 直 不 而 道 而 指 預 心 有 切, 防之, 所 惟 禮 微 至。 其 指, 惟 以 誡 道

勤

誡

乎 ? 勤 拳委曲,以 禮戒之。

三八

亂。 冀執 此 明 也。 書》有 志 上。 后,爲趙王 否,易昏以 失於上 古之明 又明《續 而 《續書》有 或 政, 無 捨 文中子曰:「晉 紛,不一姓。 諫。 將安取 此王道 子 制 兩 權 列則 書》有 倫 漢 故 傾天下。 志。 吾 所 將安 明,非諫 臣 忠 篡。 詎 視 志 制 三國 所 補 改過不吝, 臣 能 桓、 乎? 吾視 懷帝蒙塵 以不跌 取 於下 靈 之事 無 帝, 靈 何 制 孰能 過? 三國各 惠、懷傷之,惠 傷 其 乎?」七制之主,可 諱 而 君 一於平 臣 宏」。 之,漢 孜孜 也。 臻乎?」言遂事: 下, 也,盡忠 無咎者善 諫 從 陽 有平天下之志。 於下 何 不差跌。 諫 多 爲劉 黄 桓 其紛 巾 而 帝, 虞 賊 乎 聰 補 已 諱 則 起 補過 所 帝 紛 一志 取 過 君 以 亦 董 政 多 從 泰 可 卓作 此 由賈 雖 也 《續 主 於 於 捨 梁 有 又

之有法。 年 也 子謂「太和之政 都 洛陽, 中 國 久無定主,孝文立二十餘年, 文物始 備 近 故 雅 日 「近 矣,太和 雅 後魏孝 造明 明 中 文帝 或

惜其 孝、明 員 年始仕 丘 道未及行也 皆 置 能 職 焉。 修太和 制 道 虬 定 薦 律 之政,是中 王 令。 穆公虬 肅 及關朗。 舉 兵 子之祖 或 百 之法 萬 未幾,孝文崩 伐 也 江 自 南。 江 惜 南 其 來 也 虬 後 奔,太 不 宣 亦 · 得 武 和

也。 風 推 則異端自去,非 廢之何 燎爾 波 教 程 崇道 助 政 瀾 惡多 元 公輔 如如 教,毁 曰: ? 縱 政時 遽 門 能 佛 風 子曰: 法。 廢 久矣。」教 更 止 也。 文興之。 教 燎 建 德 真君、 爾。 何 後周 非 是暫 如 不 爾 真 ? 武 建德之事 廢 所 則 君,後魏 帝 而 及 政 儒 年 愈盛 多門。 也 號 老、 也 太 ,若波 武 聖賢 適 毁 曰 年 釋 子 足 出 號

徵 地 義 F 貴中 萬 進  $\stackrel{>}{\exists}$ 物 子 曰 中 道 爾。 和 ·讀《洪 通 教於是 之物 其變,使民不倦。」 「致中 何 也。 謂 範 乎 和,天地位焉,萬物育 也 讜 教 ? 可 雖 議 三,而 子 矣。」《洪 安康 人則 獻 公 矣。 範 使民不 撰 **皇** 焉。」人者,天 Ť. 程 皇 極 元、魏 倦。」 極 讜 議

賈瓊習《書》,至郅惲之事,問於子

公之所 乎 平 制者 之迹 則心可知矣。 言皆 悟陛 上書 命 遺 其 下體。』其節之謂 其道之謂乎? 一身。  $\Box$ 書》矣。」子曰:「事之於命也,猶志之有 與制 乎 道 ,其得仁義之幾乎?」發於中 天命 也 下 日 焉; 謂 ·, ① 宜 形於外。 賈瓊以告叔恬。 敢 非仁義發中,不能濟 志行於禮 爲 也,非 命者,謂 漢祚久長,神器有命,不可虚 問 志、事 書》 乎,其得變化之心乎? 即 達志、 事 臣 狂 子曰 日 事應天命者也。 位。」莽怒,脅惲 義 人 命、 子,吾著: 造 **^** 者 乎?」子聞之曰:「凝 事之道,其知君 詩》 :「達制、命之道 焉。」莽 也。 志、 惟 Ĭ 其節 子曰 制 精 叔恬 終不敢 惟 『采葑采 令稱 也。」事與 焉。」道 志者,謂 别 日 , 允 制、 害。 ? 受。 病 ,則幾可  $\overline{ }$ 事 志藴 臣 執 兼天下 郅 惲 上 一,其 菲 已 書》 命, 志發乎 者 惲 罵 天 之所 得矣。 厥 形 · ·, 王 於 謂 垂 曰 其 於 知 其 吾著 ',節 無 中 心 戒 行 莽 中 也 難 Ŧ 制 知 以 無 欲 所

❶ 「悟」,原作「悮」,據影明本、四庫本改。

説

矣; 功矣。」推 隕 恩及賤 子 必 不 而 廣于天下。 驕 況 良民 矜。 處 貧 乎! 僮 賤 僕 而 交遊 稱 不 懾 其 稱 恩 可 其信 以 可 富 以 可以 貴 從 政 立

者 而 子曰: 好名利者也。」譏時 「愛名尚利,小人哉 未見仁

思, 其所行之道,苟不思,則已矣。 亦已焉哉。』」《詩・氓 賈 瓊 問問 君子之道。 》篇卒 子 章 也。 :「『反 言必 反復思 是 不

期。 反。 制 不可 絰,徒結反 曰 : 子見縗絰 越也。」喪不可過,必俯 「五載矣。」子 而哭不輟者,遂弔之。 泫然 而就之。 日 一:「先 線,七 王之 問 喪 П

義。 人以 何 義。」必也,至 決 道 過 勝 楚公問用師 此 ?」言仁 敗之招 仁伐 義何 不 仁,大義 之道。子曰: 也。」責其 能 勝 兵。 誅 不義 知勝. 子曰 人以力,不知 : 「行之以 曰 : 一 「莫 如 若之 勝

子 見 耕者必勞之、慰勞。 見王人必 俛

> 鳴, 之。 則 俛 盥嗽具服。 俯 僂 避 之。 《内則》 鄉 里 》事父母 不 騎 禮。 不 盤,古緩 騎 馬 反。 雞 初

問者,送迎之必泣以 銅川夫人有病,子 拜。 不交睫者三月。 喜、懼并。 人

異 若裴松之注《三國 先黄老後六經,是廢 、端者。」述之而反異之。 子曰:「史、傳興 志》,反毁陳壽 也。 記、 而 注 經 是 興 道 誣 廢矣,若《史記 也 而 史道 是故惡夫 誣矣。

收 非 子 與之吉也,事有求全之毁! 命。」吉凶 非人力獨 以合天理,所 而 天時、人事稽合曰 於天,合之於人,謂其有定於此 不知 聖 曰 孰 "「古人作《元命》,其能至乎?」《元命 能 薛收曰: 天,與知 孰能至之哉 能致之,故委曲 知 曲 而 以定 折 天 畏 命矣。 而 「命」。 無 之乎 不 何爲命 所逃乎 知人,皆非 折 此,人事也; ,是時與之凶 《易》云: ! 旋 盡 無以 也?」子曰 知 性以 天 知 命、 逃其 事有 至命,惟 命 窮 彼,天 也。 也。 理 畏 吉凶 不虞之譽,是 而 天 盡 蓋 故 時 矣。 性, :「稽之 命 應 聖 事 君 也 惟 於彼。 與 以 子修性 非 君 時 至 知人 薛 子。 君 並

也。知《易》則至命。包》、《易》者,性命之書包》、《易》書也。子曰:「至矣。」《易》者,性命之書

其 爾。 其 下其無主 也 、慙德於 盡 日 美 魏 於 瓊 而下,《續 備 邮 兩 而 □: | | 物 漢 人 有 乎 乎,漢七主本以憂民 有 臣 書 書》 制、志, 乎? 》無 制 漢末德不備 無 而有 漢制以亡,獨臣尚 何也 制 「命」。 ? 而 尚 而作 有『命』, 子 有 子 志 制 日 曰: 而 己。 能 禀命 天 制 何

贵 之乎 道,而 亦稱帝 是 者,非昔之帝也。 則 之帝者以名,若秦始兼 三王之道否乎。 正,雜 以 若 富 唐 薛 也 取帝名乎; 霸之跡則譎。 虞三 收 人則可 天下已熟秦稱皇帝之名,故漢因之,不得已 政 日 則 代之純 : 子曰:「不能 荷簡 一帝 ,典禮則未。」漢富民之術可 制 其 其 昔之帝者以道,若三王 帝 懿乎? 其 董仲舒 心 丽 乘 稱是也。 出 秦之弊 正 王道 其 日 出 二帝、三王 「秦爲苟簡之文。」 跡 乎? 其 也。 不 譎 得 雜 後 己 衈 百 問 是 名實稱 人之心 漢制 也;後 王 之 而 ,稱,長 之 帝 稱 而 出

> 無純 世之禮 來者之不如昔 二帝、三王之道不可 懿之時 未 備 耶 薛 收 也。」後來聖人生 復。 日 : 子曰 • : 純 人能 懿 ,則道弘矣,安知其 遂 弘 亡乎? 道 焉 知 疑

秀有 Ŧi. 常 具 偏,故一 推 子謂 此 ,則庶幾乎聖道。 爲然。 五常之性 李靖智勝仁,程元 子謂 有 董 勝。 通變之謂道 常幾 若木性多,水性 於道 故曰 仁勝智。 變理 可 使 少, 變 則 Ŧi. 理 仁 行 勝

與小人争理。
小人辯明。曰:「何以止怨?」曰:「無争。」勿小人辯明。曰:「何以止怨?」曰:「無辯。」勿與

霸其國,爲功雖近,然謀及身後,爲德蓋遠。 子謂諸葛、王猛,功近而德遠矣。一時

復 東之敗,大業八年, 其 命 于隍矣。」《易· 亂也。」賦《兔爰》之卒章。 子在蒲,蒲,古中都之地: 泰卦》上六: 九軍 並 陷 ,隋爲河 「城 謂 復于隍 王國 薛 收 中 詩 郡。 一,勿用 曰 也 聞 師。」 桓 城 潦 王

■「收」,原作「攸」,據影宋本、四庫本改。

四二

能者行之。 而 善《六經》之本,曰:「以俟能者。」俟百 諸 侯 背 叛 卒 章 云: 我 生 一之後, 逢 此 百 M 姓與 歸

之序也。」爻在卦,如人居鄉,逐位而動,是其次序。 則功不可大,故因一 存時效動、《易》可知焉。 業見乎變,吉凶生乎動。 之動也,於是 忍,致大災。」隋文如 子曰:「好動者多 乎用以乘 一以濟; 變動者,聖人適時之用也 故夫卦者,智之鄉 此 無動則吉不先見,故惟幾 子曰: 難。 時 矣。 煬帝如此。 「《易》,聖人 易,變易也。 也 小不 成務 無變 動 功

不能仁,雖智無用。 失之賊。 謂 智可獨行。 薛生曰:「智 不能仁,則智息矣,安所行乎哉?」 子曰:「仁以守之,智不以仁,則易 **一**可獨 行乎?」言卦爲智鄉,則

功 之以智,五常成 也。」元,仁也,亨,禮 子曰:「元亨利貞、運 功。 也; 利,義 行不匱者,智之 也; 貞,信 運

義,不動也。」凡佞人、殘人,不可以義誘 子曰:「佞以 承 上,殘 以 御下,誘之以

> 日: 我必不久生。 行周孔之道。 太宗議禮樂,房、魏自言不備 相道也。 「何悲之深也?」曰:「吾悲 董 常 董常弱冠而死,門人亞聖者也 死,子哭之,終 明王雖興,無以定禮樂矣。」後唐 之子殁,吾亦 將逝矣。 日 不絶。 ,死後無人助 夫天之不 天喪斯 門人 文

矣。」《雜卦》止説一卦也,守則終之,故曰「義矣」。 也。 相生也,達者可與幾矣。」《序卦》,輪衍六十四卦 雜卦》,曰:「旁行而不流,守者可 時行時止,生生不窮,達則至之,故 子讚《易》,至《序卦》,曰:「大哉時之 日 幾 也。 與 存 義 至

明,此謂 E 利在有用,用 明、去就相安也。」名由實生、實由名 皆因贊《易》而 子曰:「名實 相 明。 則 去不安則 成利, 言也 此 相 就 謂 生,利 相 ,就不安則去,此謂 成。 是 用相成,是 未果 **[顯,此** 是 有 相安。 謂 非 非 相 然後 生 相 E

賈瓊問:「太平可致乎?」子曰:「五

余何人也?有爲者亦若是。」矣。」古道備在方册,行之可致。顏子曰:「舜何人也?常之典,三王之誥,兩漢之制,粲然可見

《續書》所以救此失也。帝制衰而天下言利矣。」《續詩》所以明此變也。帝制衰而天下言利矣。」文中子曰:「王澤竭而諸侯仗義矣,

**元經** 矣。 取 則道不能舉。 子而戰兵, 戰 非,不獨 智,不戰而 》必爲行其法也 故帝制没而名實散矣。」此言名實散,則 文中子曰: 國戰 任智。 無爲。 又焉取 則王霸之道不抗矣,戰不以智與 帝 屈人之兵在 國 「强國戰 戰德,仁者無敵於天下,德 神武而不殺,安見其有爲? 帝名乎? 智。 兵,惟恃力爾。 王 或 道不抗,雖名存 一戦 義,禁民 霸 可 天 或 何 知 爲

多事,生之讎也。」保生者少事。 子曰:「多言,德之賊也;有德則不言。

責其太剛也。若暴虎憑河,子路終死。必也,言之正之,何如?」子曰:「其有不得其死乎?醉方士未見傳。曰:「逢惡斥之,遇邪

曰:「諫有五,吾從其諷。」無罪,聞之以誡。」言逢惡遇邪,當譎諫喻之。孔子

之器 矣。」 彦,北 也。 齊 祖 歸 子曰:「幹矣。」北齊 愔以 齊 或問 憤 文宣 耐 朝章國令爲務,不幹小事而 章孝寬。 崩。 帝之臣 此幹事 也。 耐 韋叔裕,字孝寬,後周 愔,於斟反。 己。 攻 問 雍州,孝寬守之,不 楊 愔 己, 子 故可 楊愔 日 稱 武 ,字遵 帝 輔 下。 輔 相 臣

心 陽爲仁,陰爲義,此 與陽,立人之道曰仁與義。 及,隋右將軍述之子也。 曰 ,故云「守仁義」以戒之爾 : 「順陰陽仁義,如斯 宇文化及問: 人事 所以 「天道、人事 煬帝幸江 天人相 天道 而 與 已。」立天之道 都,化 也 則 故君陽 化及有 如何?」 及弑 逆。 無 臣 君之 日陰 陰。 子 化

乎 之,無傷 君命,故云「事楚公」。 願 利 聞 而 賈瓊爲吏以事楚公,隋三公府皆自 事人之道。」子曰:「遠而 介 諷之,無鬭 就 而 無 其 諂 將行,子餞之。 (捷。」 \*\* 就其 汎 汎因 身,不苟 所 無介,恭 利 言 而 瓊 署 諷 日 吏,未 之, 而 汎 遠

JL

辯 終身行之可也。」不 捷 自 取 禍 瓊 日 惟事人也 終身 處 誦之。」子 世 盡宜 日 :

也 蓋其 舉兵中原,有復 文太和 以爲正體,故曰「近」。 之王,近於 始有中原,建天子 始之帝,徵天以授之也。 政大論》, 八志也。 子曰:「《元經》其 元 明 年,宋蒼梧 言帝 中國之有代,太和之力也。」後魏孝 齊、梁、陳 正體。 王之道。 一之志。 旌旗 王元徽 得正 東晉至劉宋,中 於是乎未忘中 之德, 僭德。 《元經》所以帝元 穆公之志也。 五年也。 統, 正 名乎? 皇始,後魏道 此 天授之也 時 或 江南衰替 斥之於四 無真主,則江 魏 國 正帝名。 晉陽穆公作 而斥 武帝 晉、 晉、 齊梁, 號 宋 中 宋 也 夷 皇 或 南

心自改之可也,非古也。
元、後元年號。● 其於彼心自作之乎?」彼漢以元、後元年號。● 其於彼心自作之乎?」彼漢以子曰:「改元立號,非古也,後文帝始改中

輕矣。」子曰:「 如何? 或問 「志意修、驕 此荀 彼 卿 有 子言 以 自守 也。 富貴,道 下句 也。」 云: 處 養重 「内 土横 省 議 而 輕 非 外 王 天 物

> 拭 絶。 并 制 毅比帝爲 車 帝未能平吴、蜀,一 綿綿至桓 帝二歲,鄧 經》何以不 下公言,自守此説而 日 元經》以 『帝制 遂亡矣。 目 心 同 文、明之際,魏制其未成乎? 而 一氣以待 軌 生日 靈 視 桓 振王法乎? 0 后臨 ,待之極也。 晉武 一,假歲 靈, 可 興乎?」和 曹操舉兵,吴、蜀 朝。 作矣。」 太康元 也。 蓋 制 時 已。 殤 且 帝制尋 天下。 而 子曰 此 之後,2 終不復興。 以待其復興 凡聖人之道 時 年平吴,天下同 故假之以歲 而不克振。 帝 漢 大壞矣。 太康之始,書 :「君子之於帝 制 在 繼作,孝獻禪魏 位十 已絶, 帝 一,無所 也 桓、 制 歲,寶 故 何爲於 絶 靈之際 時。 傾耳 驕 太康三年,劉 永 憲不軌; 魏 無 熙之後 同文, 文帝、明 自 漢制 以 所 君 此 [殤、和 輕 制 不續 聽 帝 元 殤 14

<sup>●「</sup>後文帝」,影宋本作「漢文帝」,四庫本作「漢文」

② 「殤」上,影宋本有「和」字。

③ 「且」,原作「曰」,據影宋本、四庫本改。

<sup>「</sup>比」,原作「此」,據影宋本、影明本、四庫本改。

亂。 武帝崩。 君子作賞罰以戒亂臣賊子。豈好辨哉,誠不得已也。 君子息心焉,曰:『謂之何哉!』太康十一年, 《元經》於是不得已而作也。」上無王法,故 楊駿矯詔輔政,改元永熙,賈后殺駿,天下大

嗚呼! 《元經》興而帝制亡矣。」《元經》作於《續書》《續 實廢矣。 歌,以合雅道。 頌,皆貢于王。若魯季孫行父請命于周是也。 天子不 採風,古有採詩之官。樂官不達雅,古爲詩,樂爲 詩》之後。 子曰:「王者之迹熄然後《詩》亡、《詩》亡然後《春秋》作。」 文中子曰:「諸侯不貢詩,古者列國 文中子曰:「《春秋》作而典誥絶矣,孟 《詩》可以不續乎?」漢而下,風化不傳 斯則久矣。 國史不明變。國史明乎得失之迹。 自仲尼殁,❶《詩》有空文而其 歌

中說卷第五

於《詩》,故君子不可不續

尼」,原作「老」,據影宋本、影明本、四 庫本改。

0

### 中説卷第六

禮

阮 逸 注

貴乎!」王道 崇貴之位,乃助成王道 革之文而已。 子曰 . 如 盛則 「吾於禮樂,正失 其制 可 也 以 作,以俟明哲。 制 禮作樂,明哲君子必得 而已。 必也 Œ 禮 公輔 樂沿

天下,則修身以正家可矣。 有政,道亦行矣。奚謂不行?」亂世道不能 「父母安之,兄弟愛之,朋友信之,施於 賈瓊、薛收 曰:「道 不行,如之何?」子 濟

薛。 任姓出黄帝六代孫大壬。 何 以 此二姓 視 子謂 同譜 ? 任薛、王劉、崔盧 古者氏族家譜 王姓出舜之後, 薛 姓 出黄 所以 封 之香, 於劉 標門 帝六代孫奚仲,居 地 至漢有 、謹香 非 姻 王 也 也 於

> 不通昏 崔 齊 邑。 者,號王氏。 盧姓 也 亦姜姓之後,居盧國。 此二 姓同 譜。 崔 姓, 此二 帝 嚳、 姓同 姜嫄 譜。 之後,居 皆古

實,此一 孝逸日 矣。」實,道也; 《元經》書帝以尊中國 中國天子不可 王,故《春秋 者,相沿前代號 文中子曰:「帝之不帝久矣。」百 不可 「敢問《元經》之帝何也?」三代 》書王以 去。 去此號。 也,自秦始皇始,故曰 名,空號爾 舉後帝之名者,貴存前 尊 而 明 天子、禀正 其 正 統也。 爲帝,實 朔也。 子曰:「絜名索 「不帝久矣」。 失 秦漢稱 帝之實也 而 名 王 帝,則 稱 存 王 稱 帝

鎮武 遠,鮮不及矣。」温字子元,爲晉將軍。 導,字茂弘,事晉元、明、成三帝爲相。 Щ 也。」嶠字太真 Щ 爲東晉相,處富貴而 陵。 此 昌 此簡 或問 果 此恭可見矣。 聞國 毅 可見矣。 可 謝安。 難 知 , 泣涕率兵 與與 矣。 王 問王導。 獨退静,破苻堅而 導 子曰:「 問 問 平 へ來赴。 桓 王 温 温 敦 嶠。 子 蘇峻 簡矣。」謝安,字安石 天子留 子 Ĭ 之亂 子 每進爵,必拜元帝 無喜色,終優 曰 嶠 曰:「毅 敬 破李勢、平苻 輔 皆 政 智 有 矣。」王 嶠 功。 近謀 讓 游 Ŧ. 初 東

而潛,有篡志。此智近謀遠之驗。健有功,爲大都督。又北伐不已,❶爲慕容垂所敗。❷歸

乎而 庸者乎 失 異 也 口 與適道 真 不 傷 不 一者備 而 瓊問 可 物。 者也,不失真 外 ,何往不全。 也? 不 外雖同 羣居之道。 殊 可 俗。 烏,何也。 終 而内必正 ,可與立者也;不殊俗,可 為一個 夫如 子曰 行乎?」子曰 古之有道者,内不 此 内 ,故全也。」知道 雖 :「同不 異 則 外 無傷 害 「烏 與權 此 正 中 者

求之。」 惟學矣乎 矣,故必稽古。 執 繁師 御今之有乎?」今之有利者,皆古有之 !」孔子曰: 玄曰:「敢問稽古之利?」子曰 子曰:「居近 「吾非生 識 而 遠,處今知 知之,好古, 古, 敏 以

則 有 成,先誠其意。 子曰:「 子曰: 「我 恭 則 未 平 物 見 則 平者也。」隋 服 物 儼 化 然 人望 無 政 私 而 多私 畏之。 於物, 物亦 慤

子曰:「不可行也。」行仁必以禮節之。 或曰:「君子仁而已矣,何用禮爲?」

哉 孔子弟子。 不 子 不答。 流 1 矣。 或曰 有若謂『先王之道,斯爲美』也。」有 旁行 「禮 既 而 一隅,不 謂 贵 薛 爲 收 知 我 曰 流 輩 通 之變。 設 斯 哉哉?」 人也 安 旁 知教 阮 行 籍 云 意 而

之制未亡,桓榮之命尚 武之制未亡,霍光之命尚正,則可 制、注見上。 起 無大憂焉。」若昌邑王不廢,東海王不讓 而 帝之制未亡乎? 曰:「無制 嗚 而 有 呼 生 訓 文中子曰:「七制之主,道斯盛矣。」七 民憂也 ,天下其 薛 惟 而 明 有 收 訓 王 曰:「何爲其然?」子曰 無 正 能 ,何謂也?」子曰:「其先 大臣之命 大 則 受訓。」《續書》有訓 過 可 以 矣。 訓 以 訓 後 尚正 否,則 漢 前漢諸帝也; 諸 君 乎? ,則必有兵争 也 蒼 無 若孝 光 制 收 武

薛收曰:「讚其非古乎?」《續書》有讚。

<sup>■「</sup>北」,原作「此」,據影宋本、四庫本改。

② 「容」,原無,據四庫本補。

四

八

以 子 哉 順 日 天 休 唐、 命 虞之際 也。」 益贊于禹。 斯 爲 盛 又皋 大 禹 陶 曰 皋 陶 贊 所 誊

朝共 也。 議,擇善 《續 文中子曰 書》有 而從 議 唯至公之主 議,天子所以兼 爲 能擇 采 而 焉 博 聽

於几杖 之誠 於盤 念,動無 水者,民也。 古之明王,敬 自 盂 文中子曰 無 /、《杖 %盤銘》云: 過 過 盤圓 事 銘 0 慎 則 水 其誠之功乎 「誠其至矣乎 所未見,悚懼 「德日新。」荀子曰: 圓。 扶 危 君者 定傾。」皆戒 盂 也, 盂方 ! 」常念日新 所 也 「君者、盤 《續 則 未 水方。」 聞 書》有 居 有 扶危 也 常 勒 刻 誡

之進言者,皆云天下治,臣獨以爲未」是也。 之事乎」是 能言,心知不可」是也。 》有 諫。 其 薛 收曰:「諫 也 其志直 知 命者之所爲乎? 子曰:「必也, ,其言危。」 志直若周 言危若樊噲云「陛下 其 見忠臣之心 直 不迫,若賈 而 不 知命爲 獨不見 乎? 迫, 昌 誼 굸 危 日 知 趙 《續 П 而 其 高 不

> 主 道 矣。 賈瓊 千秋爲富 是攢于朝 皋、相如、嚴 皆天縱也 若初即位崇太學、立明堂、 悦 也 君 日 乎 故故 可 : 故賢 諫 「孝武 !」《續書》所以 容之。子言漢 狡謂 曰 則 能 民侯,是 諫 屬於耳 樂輩 人攢 知 志 如汲黯之訐、 進退不違 其 虐 不直也, 悔 是也 生知 知悔 哉 也。 而 于朝,直言屬 此此 康 晚年下 而 天命也。 有 言 之乎? 武大體生 帝業。 志 帝 數子,每大臣 方朔之滑稽 不危 黜 漢 業康 百家、策賢良,雄 武 詔 也。 也。 覺用 未 狡 知,不由 賢人若仲舒、申 雖 於耳 非 乎 嘗 1,雖未 口 兵之悔,封 奏事則皆 忠順 不從,未嘗 逆上 從 不謂 ·, 斯 人 聽 諫 故曰 諫 亦能 · 吾 才大畧,此 有 也。」 有志之 辨 而 丞相 逆」。 論之, 理 容之 也 於 與 田

然後及也 禮樂,可 之以篤固,七子各得一長,更能敦篤則固。 徴之正 子曰 ,薛收之仁,程元、 以成人矣。」既固矣,必 姚義之辯,李 靖之智, 王 能 孝逸之文,加 成之禮樂 賈 申之以 瓊、 通 魏

子謂京房、郭璞、古之亂常人也。京房

字 刀 推 竟坐 律, 君 明。 改 爲 習災變之學,以 京 二子並乖正經 氏 郭 璞,字 掛 景 、亂人倫 直 純。 日 用 事,本 好 者也 陰陽 姓 算 李 術 氏 被 而 髪 輒 銜 自

其祖。」嗚呼 兀 禮 親 廢 而 也。 昏。 禮 矣; ,天下無家道 子曰 成人、正家,不可 孟子曰 祭禮 廢,天下 「未有仁 冠 吾末如之何也已矣。」傷 禮 矣; 廢 廢 而遺其親 天下 忘 也。 士冠、昏禮: 二十而 其 喪禮 祖矣。 無 也。」①又曰: 成 廢,天 亦言 矣; 下 「祭必 冠 士 時 遺 喪、 昏 廢此 其 禮 自 祭

安平郡公。 名 清白公平也。 故 H 規 然多自負,見毁于 之。 越 清 公問 邳公問 以 子 平。 故 政。 日 亦規之。 : 威以 政。 時,故規之,使無鬭名。 子 無 老臣貴位,引其子 日 蘇 鬭 安 : 威 平公問 人 恭 封 以 邳 以 或 名。」 儉。」 公, 政 夔 爲 德 預朝 楊 僕 李 林 射。 素 文學 德 政, 驕 林 侈 擅 非 封

其 直 衰 微 曲 世 子 謂 、中、蓋 之 意 薛收、賈 權 乎? 行 取 中。 瓊 義 曰 : 直 而  $\lceil \langle \rangle \rangle$ 微,言 春秋》、《 曲 元 而 中。 經

越公初見子,遇内史薛公曰:「公見王

雖 年不遇明 正考甫 消,十 家河 祖 下 濟 通 贵 之 乎? 倫矣。」《六經》續而 然,久於其道, ?」公曰 東。 道 有 佐戴、武 世 時。 而 是 楊 不逢有 世 位 其 素問 : 三十年爲一世。 、宣公,至孔父嘉立殤公,至仲尼,凡三百 家 不 三王 不 薛 傳 逢。」不逢明時。 逢 矣。」若孔子,自弗父何嗣厲公,及 道 氏 鍾 七 乎?」 衡。 彝倫 美 有 世矣,家 薛公曰 於是也,是人必能 祖 叙 薛 越公曰: 父焉,有子 公 傳 越公 儒 業。 鄉 奚若 君子 皆 孫焉 也 有 叙 其 天 經 並

道大 知 陸 歸 曰 其 逢 吏 賢 賢,意在 非羣小 陸 子出 行矣! 人,隱於關吏。 逢 所知 自 止 生 之 蒲 民,故 江 日 關 湖 0 . 特 子爲之宿 鱣 自 爲 未 長 鯨 宿,未忍 安 可 非 出 以 溝 蒲 遯 去。 州 瀆 龍 我 所容 日 門 陸 生 關 而 逢 民 也。」聖 行 北 送 也 歸 晉 子

程元曰:「敢問『風自火出,家人』何

❶ 「未」,原作「末」,據影宋本、影明本、四庫本改

巽齊。故家道正而天下正。」治國者先齊家。 也?」《易》彖詞。● 子曰:「明内而齊外,離明

然則道德者,本仁而中和之,所以爲禮樂也。樂者也。」韓愈曰:「仁與義爲定名,道與德爲虚位。」曰仁與義。」是謂教本。先王以是繼道德而興禮子曰:「仁義,其教之本乎?「立人之道

子曰:「此之謂不器。」即此微、章、柔、剛是不器。剛。」《易·繫辭》。曰:「君子不器,何如?」或問君子。子曰:「知微知章,知柔知

遷 脩 覺至介國公二十五年,日尋干戈,雖有名臣,豈暇 邦禮喪。 於 及禮矣。 或 獻 文中子曰: 公曰:安康獻公。 諸 韓 宣子適魯日 侯 北齊高洋至高緯二十八年,後周自宇 失禮 「周、齊之際,王公大臣 則 周禮在魯矣。」此諸侯脩 『天子失禮 大夫脩於家。』周 則 侯 於 文

> 或 禮論 也。 此大夫脩於家也。 ※樂論》,蓋推獻公之志而作 魯三 專政,八 佾 禮樂之作 舞 庭。 孔 子 ,獻公之志 自 衛反 乃 也。 定 禮

失。後王有不合周 先師之旨,申 天下疑矣。 者,以北齊、 在晉、宋,中國有主則正 者,因以 修《元經》以 止晉武帝。 吾續《書》 程 齊、梁、陳 元問《六經》之致。 《元經》 周、隋爲正 續《詩》以辯六代之俗,六代詩,見 以 斷 ·明十 存漢晉之實、《續書》起於漢 者, 爲正 南 公制作 翼 北之疑,晉東遷、故 所以尊中國,故中國 統。 統。 統歸魏、周。 也。 者 於是 後魏據 正 則 南 禮樂以旌 論 北 中原,故 而正 讚《易》道 續 三史, 經 之。 無 夷 北 南朝 後 如 主 虜 朝 子 则 相 推 推 王之 以 日 高 運 正 稱 運 上。 祖 而 申 統 曆 曆 而

夫子何處乎?」❷處,居中。子曰:「吾於道,程元曰:「作者之謂聖,述者之謂明,

② 「夫」,原作「天」,據四庫本改。
《家人·象傳》。
● 「易彖詞」,按「風自火出,家人」,見於今本《周易》之

子

謂

薛

收

善接小人,遠

而

不

疏

近

而

者 處 乖 屢 則 乎 伸 ?」不敢當程元所言 我 而 再三 己。 言 伸 我 言 但 明之爾。 好 我亦 學不 不作,亦 厭 其 而 好 已 不 而 述,蓋 能 聖 與 樂 以 明 勤 微 言 吾 而 絶 安 、大義 不 敢 厭

遠 不得,有 此道。」《書》曰: 有 行 而 子 至 至 曰:「有坐而 有 者,有 不 「行之惟難。」坐之、行之一 至。 不行 此 言 得 人性 而 者, 至者。」老子 差 有 殊,各由 坐 而 也, 不 所 日 得 而 習 有 者 坐 遂 得 進 相 有

中 不 」,「不言而信 見 而 子 存者 日 : 也。」不待見 也 見 而 存,因 而心常 所見 而 存之,猶言 存諸 心。 不勉而 未 若

四 謂 不 者 可 傷名教。 任 以 子 機 誘。 日 輕 「君子 譽苟 可 棄 毁,好 而 可 不 招 口 僧尚 而 慢。 不 怒,小人哉 棄 可 誘 謂 道 可 不 以 同 禮 慢 招

者 利窮則 子 日 : 散 以 ,故君子不與 勢交者 勢 傾 也 則 不與之交。 絶 利 交

不狎,頹如也。顏如,不矜持之貌。

鼓栧 鼗 聲存 此 鼗、掌磬之官 天下 磻 溪 也。 人皆去。 之情則變 知意。 之變聲 而 嘻 操 武 釣 薄官 則 1 在 者過 ,其有虞氏之心乎? 而 而操變矣。」所傳《南風》,聲 子遊汾亭, 傷 仲尼 Ш 于河 反。 非 也 逝 而不類。 遂志其事 而 澤 今日 1、武、襄 如 曰 : 和 子 而 之 ,擊磬襄入于海, 門人追之,子曰 是乎?」起將延之,釣者摇 驟 宅 有 怨 事 是其名 子遽 美哉琴意 坐鼓琴。 廊廟之志。 而 四 ,作《汾亭操》焉。 也 而 静。傷、怨、 濱 鼓 捨琴, 也。 道能 也。」 **^** 南 魯哀公時 君子不 ! 謂 不 利 風 時 : 和、 非 釣,隱 固 則有矣,而 亂 門 如  $\approx$ 生 去琴 太公之都 無 静,乃縵 賢 有之也。」掌 民 禮 舜 釣 追 者 人隱 瑟。 日 自鼓也 壞 文中 者 也 功 也 所操者 傷 足濟 小崩,樂 於野。 日 有 子 聞 絃 竿 情 播 舟 磻 撰 調

❶ 「因」,原作「固」,據影宋本、四庫本改

五.

聞之, 言者 收 隱士也。 遇 必當言于天下,使明 作泉,後 牧豕 則 子之夏城 誰明道 謂 人避 飛于天; 者問 意 從 薛 謂 唐諱 魚、鳥 收 王先 [塗焉。 乎 日 也 ,絳州 ? 而 尚 有 生 行 得其所, 知道者蓋 魚有魚,則 獨 也 焉 既云「知 牧者 有 夏城 善 。」牧者 知道者何 可 曰: 縣。 道」,即 矣。 默 薛 從誰 潜于淵。 日 默 斥牧者。 不默 收、 不 焉。」牧 可 歟? 姚 獨 而 有 善其身 遁。 義 鳥 一本 不 者 子 · 有 薛 亦

之疾,勿藥有喜。」不卜非義。不疑何卜。子不相形,不可以貌取人。不禱疾,「無妄

避死義。」三者常德也。
子曰:「君子不受虚譽,不祈妄福,不

徴能 禮儉 雅 元 能 能 肅 之, 之; 文中子 好 直 深而弘,能 田 學。 而 候 遂 反。 亂 能 記 容物 世 慎 强 立。 羞 人之善 密 0 富 不 聞 處 貴, 出 過 貧 而 董常能之。」 竇 而 賤 忘 威 有 其 而 喜 能 不 過 之; 色, 懾 · 温 程 魏

> 欲。 早 哉,天下未有不學而 志學,蓋天縱生知爾。 心、蓋天啓之。』非積學能 給者也。凡登門者,皆充欲。 儕慕道久矣,未嘗 於塗,因言之。 言志學於道,非務早成。 成 遊夫子之門者,未有問 陳 通於道,有志 也 \_\_\_ 叔達謂 子謁 子曰 隋 程 文帝 子聞之,曰: 元 不充欲 焉, : 叔達 成者也。」必 時,年 曰:「夫子 又焉 吾視夫子之道 《詩》云: 出 二十 致也。」言早成亦 焉。 而 取 遇 乎早 不 「元,汝知 所問 須學。 之 程 知 是 成 宣實 元、寶威 成 早 道,必充 求 成。 也,吾 耶 獲 前 何 乎 我 其 不 非 其

妄求。 爲! 甚矣! 人之無厭也。」秦皇、漢武,無厭修,孝悌不立,奚爲長生? 苟不仁不孝,長生何或問長生、神仙之道。子曰:「仁義不

武 同 學 或問 除 爲 嚴光、 諫 議 不就 樊英名隱。 耕 於富 春 Ш 光字子 釣 於 瀨 陵, 上 少 樊 與 英字 漢光

知時

<sup>1 「</sup>物」,原作「勿」,據影宋本、影明本、四庫本改

隱 歷。 可 隱 樂則行,憂 能 相 也 地 武 如 天 馬 帝 也 不 季 門。子 知,是 遠。 地 王 荆 人,故曰「人隱」。 時 求 謂 下 以 不 是以 季 克 爲 名 無 明 隱 可齊致,則 然太虚 避毁 避 乎 鮮 或 郎 歷 商 而 往 異 天隱 賢 經 子昌 諸 藏 讓 避 矣。 則 日 封 譽之言 而 君 名 違。 也。 熟 郎 避 虞 地 故 歷。 有聖瑞,太伯 推 不 故 或 呼 非 成天隱 仲 世 日 者 爲名,孰 步 適 人 適 子 曰 爲 即天隱也。 混 而 於周 夫 「名隱 之 也。 隱 矣。」 子曰 狂 己。 時 云 俗 日 避 術 無 人。 而 虞仲 者 地 或 爲 己, 問 口 未 古公長子太伯 順 因言數 也 讓 醉 俗 : 乃仲 知 虞仲知立 東 子 無 又何 帝 「自太伯、 或 \_\_\_ 生世 歌 遁 孰 仲 孰 徵 方 不 日 日 詭 雍之孫 皆 悶 世 爲 是。 不 人,其 長 朔。 間 : 可, 迹 出 國 執 陸 哉 無 治 子 混 季歷以及昌 言二人皆 隱 古之避 惟 不 悶 隱 光 沉 朔字曼倩 也,君於吴。 則 次次 俗 有 虞 於 此 則 變 於 能 彰,亂 不 迹 壶 仲 所 與 虞 俗 一,而 天 其 齊 自 也 Ш 仲, 適 名 **一**奔之遠 己 隱 避 求 言人 也。 則 避 隱、人 ,人不 一,於是 惟 漢 少 來 道 此 晦 别 世 世 者 天 德 後 季 武 於 金 並

文中子曰:「《小雅》盡廢而《春秋》作

世 矣, 而 雅 元 衰 》之義 天 經》所 四 ,故續《春秋》之法 下 夷 交侵, 非 也 以 及其 故 續 帝 春 而 衰 秋 作 也 續 者 作 詩 四 以 夷 有《大化 其 尊 僭 中 衰 帝 國。 號 世之意 ※ 小化 故 **^** 小化 日 》, 乎 非 ? 皆衰 大、小 帝 救

守。 衣,出 行 董 絳 州 也。」 夏城 行 曰:「夫子何之乎 聞 子在絳,出 而 漢置 之, 縣。 郡 守息役,是不虚 八 日 陳守令勸 使, 一吾知 行 于野 或 以 夫子 行 吏息役。 ?」子曰 觀 遇 也 天下 陳 行 守。 風 或 俗 : 慮其 矣,未 叔 將 文中 達 師 之夏。」 時 見役民 子 爲 嘗 絳 虚 布 郡

注見上。 其 知 内 緘 也 口 瓊 而 子 瓊 事楚公, 未 内 日 達 修 古 也。 瓊, 人之意焉 木 汝將 古人杜 讒 而 閉 門 歸 門 却 將 掃 以 却 謂 者,義在 告子。 掃 真 歟 閉 門 ? 緘 楚 口 公 不 净

子 而 其 以 無 八名彌 爲 仲 爲 。」運 長子 知 消 言。 其 奇, 光 德 日 言 時 彌 得 之用 長 大 在 者、 險 無 其 遠 爲 而 者。 身 長 運 彌 奇 世 文 不若 退, 之圖 中 其 子 道 宅 文 日 中 平

亦廣上文「無爲」之義。 如安之者。」委物以能,不勞聰明,安然而事自行。此之者不如行之者,苟不能行猶不知。行之者不之者不如行之者,苟不能行猶不知。行之者不以,則知消長進退之極致也。子曰:「知進。此人其知之矣。」此人,即謂仲長子光也。

也。」表德則稱之,未有可稱則誠之,蓋益友矣。也。『神人無功』,非爾所宜也。」常名之。續也。『神人無功』,非爾所宜也。」常名之。續也。『神人無功』,非爾所宜也。」常名之。續時能保名,有稱有誠,薛生於是乎可與友字之曰「保名」。子間之曰:「薛生善字矣。」子之叔弟績,字無功。子曰:「稱德矣。」子之叔弟績,字無功。子曰:「稱德矣。」子之叔弟績,字無功。子曰:「稱德矣。」子之叔弟績,字無功。子曰:「稱德矣。」子之叔弟績,字無功。子曰:「稱德矣。」子之叔弟績,字無功。子曰:「稱德矣。」子之叔弟為於是乎可與友

中說卷第六

# 中説卷第七

述

阮 逸 注

故君子 國《載記》及南、北《史》有索虜、島夷之呼,如詬罵焉。 子曰:「太熙之後,述史者幾乎罵 没 稱焉。」太熙,晉惠帝元年也。 已後至十六

瓊 日 , 楚公, 不預事。 瓊 楚公作難 可謂立 ,賈瓊去之。 不易方矣。」《恒卦・象》云也。● 楚難,注見上。 子

常 子曰 云: 多知爲問,子答以 識。」不言如愚。 :「是究 温彦博問 **汝深** 深乎哉 謀 之,誠 是 「無知」,是知 知。 圖 如 彦博日 此文王所以 子曰:「無知。」意博本以 是矣。」彦博 亶其然乎。」《常棣》詩、箋 也 : 「何謂 問 識 退 順帝之則 告董常 其然? 子 曰

> 謂 有 也。」《大雅・皇矣》篇云: 國之作焉,謂 子曰:「《詩》有天下 《國風》。 「不識 不知 ·之作 有 ,順帝

之則。」

變雅作矣。 札聘 言」,則不謂變 周德之衰乎?」聞《周南》《召南》曰: 治内、《采薇》已下治外,後王 曰:「樂而不淫。」子曰:「孰謂季子知樂? 雅》烏乎衰,其周之盛乎 詩》,❸謂雖不及先王之大,然亦不失其政,故曰: 鹿鳴》至《菁菁者莪》,皆言先王之德也。 翢 》言政之小者也。」季子所聽,云「思 《頌 × 其 魯,觀周樂,聽 吴季 樂 然 而 有先王之遺 雅 不 札 者也。 《小雅 淫乎?」《左傳》襄二十九年,吴季 日 幽、厲之世 「《小雅》其周之衰乎?  $\stackrel{>}{\exists}$ 民,不敢怨貳, 能 思 ! 修 一,國異 而不貳,怨而不言,其 先 烏,何也。 「勤而不怨。」聽 神 王之政。 而 明之作焉。」 焉,謂《大雅 亦 政、家殊 故《天保》已上 不貳, 由先王盛 尒小 怨 仲 《小 雅 《小 而 尼 爾爾

<sup>0</sup> 不再一一出校。 恒」,原作「常」, 避宋真宗 趙 恒 諱。 今回 改。 下 同

箋」,原作「戔」,據影宋本、影明本、四庫本改。

删」,原作「則」,據影宋本、四庫本改。

樂,其 不怨,蓋 使 樂而不淫 文中 勤 古文誤也 而 子 不 日 豳 怨 當 實 周 乎! 謂 無 之盛 樂。 豳 也, 季子 詩 文中子辨季札 爾。 何 言 衰 《周 案: 乎 南 周 ^  $\approx$ 栩 必 召 南 知 南  $\forall$ 樂 烏 關 》勤 雎 平 此 而

帝。 有 心 於治、美矣。 子曰 曰 :「信美矣。」子曰 太和之主 未成化,是「未光」。 有心哉 . 未 後魏孝 光 也 0 文

可榮以禄。」言晉惠而下否矣,故《元經》作。 矣。」《易·否卦》:「天地不交,否,君子以儉德避難,不文中子曰:「《元經》作,君子不榮禄

哉 瑾 曲 蜀 瑜 昭烈皇帝。 曰 阜,顓 謂 通 云 之盛心 遂 中 曹 能 或 忘乎?」《續書》有 董常習《書》。 公託 頊 任 賢 也敢忘大皇、昭烈之懿識 都 蜀 哉 名漢 也。 濮 Ŧī. 相 陽 !」吴主孫 帝 諸葛亮字孔明,吴 相 帝 盛心,謂亮云「普天之下,莫匪 實 嚳 漢之賊 王 都亳,堯都冀, 〈續書〉 魏 所 權 而 自 是也 益 無吴、蜀。 大皇 立 告於子 相 也 一帝,❶ 周 舜 董 · 五. 瑜 都 常 子慨 字公 ,孔明、公 蜀 帝: 蒲 曰 曰 主 漢民」、 劉 . 少 瑾 王 昊都 備 吴 歎 懿 謚

> 爲法。 禮 吴 夏 噫 蜀 都 義 安邑, 是 所自· 也。 中 非中國 或 湯 聖 出 都 有 賢 也 亳, 除 不 ,故聖賢景慕 周 ,聖賢明之; 敢 都 之耶?」除 雍 以訓。」 洛。 皆 周 中 焉 孔之志。 中 吴、蜀。 原 之國 國 春 有 也 秋》以 並 並 日 衣 中 冠 謂 或

哉 歸。 子 建 言子自 元 云: 未忘中國 元經》紀年,書「帝 魏。 明堂,修典禮 ❷天地有奉, **亂**離 董常 晉陽穆公已來事魏 何爲不帝。 亂 且居: 瘼矣,爰其適歸。」箋云: 故帝之。 日 離 先王之國,都洛。 . 斯 予先王之民矣,予,文中子自謂  $\sim$ 春正 董常 瘼,吾 至 生民有庇, 元 齊梁,則 月一。 經》 ,故曰「先王之民」。 曰 : 誰 之帝 起晉 中 適 敢問 ·國有 「今政亂憂 歸。 即 惠 元 受先王之道, 吾君 帝 元 皇始之授 . 止 魏, 魏 詩 何 也 故 東 病,必有 謂 四 晉 帝 也 之 月》篇 及宋。 魏 必 ? 矣。 何 君

8

2

<sup>●「</sup>大」,原作「夫」,據影宋本、影明本、四庫本改

<sup>「</sup>魏」,原作「矣」,據影宋本、影明本、四庫本改。作「今政亂,國將有憂病者矣。曰此禍其所之歸乎」。「今政」至「之歸」,阮刻《十三經注疏・毛詩正義》鄭箋

之者 紀帝。 矣。」天時、人事盛大而帝之,得其宜也 也。 或 申 或 而 》尚 皇 常常 帝 也 聞 以 也。 晉 日 子曰: 有 元 我 安、 晉 善 年, 』當 何 聞 政之命,未 主中國至孝武帝,名存 恭紀年。 傷之者,懷之也 也 敢問卒帝之何 有 ? 「貴其時,大其事,於是乎用 命 東 晉孝武帝盡太元二十 未 魏 子 敢告 太祖 日 敢 以 人 動 主 長 告人』、《揚之水 民 也 安,始 。」雖實去, 心,去之。 而實去矣,故曰 ? 中國 有 魏至孝文,方得 者 中 年 原 尚追懷之。 也 則 是 猶 非 》篇 「非 歲 義 傷 中 中 云 丙

軍 四 穆公虬 年亦奔魏。 ,皆預國政。 ,宋順帝升明二年奔魏。 並魏孝文時也。 虬累薦肅,肅制典章律令,故曰 「穆公來,王 虬爲晉陽太守,肅爲平 肅 王 肅 至,而 ,字恭懿 元 魏 齊 「達矣」。 「明帝 達 矣。 南 建 适

之所 或 亡。一子曰: 何也?」書:「隋 子 叔恬曰 「非至公不及史也。」以先王爲公。 :「敢問《元 永嘉之後,江東貴 江 東,中 九年 國之 春 帝 經》書陳亡 舊 正 月,晉、 也 焉 衣衣 ,晉懷帝永 宋、齊、梁、 而 冠 禮 具五

> 不修 位,劉 呼 爲國 也。 欲 何 古 也。 乎 亡,具 亡,君子猶懷晉、宋。 至孝武 餘年,賴王導 卒不貴 一年,琅邪 道。 謂 其先亡。 不 至齊、梁、陳無復 典 也。 《春秋 裕 與 也?」子曰:「衣冠文物之舊,君子不 禮, 朝,賴謝 叔 棄 興 五. 其 貴 恬 先 尚 焉 王 及其亡 書 以 爲 爲之輔。 叡 淫 猶 日 王 宋嘗 「梁亡」,言自亡也,江 自 是 歸 或 安爲之左,江東復 靡之文,自取亡 興 :「晉、宋亡國久矣,今具之, 之禮樂,以 無 徐 也 其 也 州 多賢 念中 也, 君子 故 有 康穆之世, 或 移 無 樹晉之功,有復中國 書曰『晉、宋、齊、梁、 鎮 宋嘗有樹 歸 國,但 人使 人 建 晉舊國 業 然。 也 至 自相 中 國,故 猶 桓 是 振。 晉之功,君子猶與 温 或 懷之。 齊、 元 篡 東 專 乎? 衣 立,故曰「不與 日 亦 安卒後,桓玄篡 政,❷晉 且言其國 明 梁、 冠 自 然。 往 成 广。 齊、梁、 依 陳 三帝 南 不 祚 朝 於是 任 中 喪棄 賢 微 鳴 陳 而 陳 其 之

- ●「始」,原作「后」,據其上正文改。
- ❷ 「桓」,原作「栢」,據影宋本、影明本、四庫本改。

大其言 也。 之父也 知 日 或 日 猶有中 其 焉 叔 志 之遺人也。』」已亡,謂晉、宋禮樂猶存先王之化 樂,但自謀立,故君子 此 陳 爲 超 復 並 恬 以 言君子 病 逝 中國 心孔 伐 時 也 日 ·國之人,故君子 歸 銅 祖 不 後 著《興衰要論》,言六代得失,此其 志 而 『中國、 劉 其 秦姚 極其 111 至 則 文中子 未來,我 也 裕 或 府 敢 此《元 君子與 平 期 泓 而 敗 君之志也, 也 亦 桓 問 蓋 逝 之禮樂安在 平 玄 喻 多 漫 不 於是 不 其志?」文中子 傷先王 洛 己懷先王之道 至公及史,以其未亡 經 恤 爲 盧 至 欲其 其 及史, 陽 其 之。 循 》所 卹 而 未亡, 修 或 乎 此 多 先亡 謁 往 雖其已亡, 馬,曰 一之道 以 爲 通不 樹 掃 五. 不 書 晉 杕 恤 ?』齊、梁、陳 陵、 可 地 則 也 功 杜 也 亦 期 盡 敢 留 而 君子 也 逝 故 其 篇 猶 子 墜,故 求 廢。 志 泫 而 而必 來 往 義 此 猶 伐 云 所以 具 至, 更 也 必 真守 也 詩 南 奪 八齊、梁、 然 我 銅 與 奪 爾。 新 燕 匪 書 而 不修 君 其 中 之 恤 之也 長 111 而 載 衣冠 Ŧi. 徒 也 擒 安 子 也 汝 或 子 闡 多 憂 匪

> 皆 亡 也

典、 也。 幾 上之分; 問 對、議存 也 以禮爲治 諸 乎典 九誥 0 誥 儒經 末謂 文 君以 語 孝悌間里,下之分」是 中 義 末節 焉。 是 告 矣。」 子 淳 也也。 于 于 也。 日 俊、 續 下 制 議 也。 書 然《書》 發於 馬 》有 一若夏 昭 漢 等 對、 册 魏 君 侯玄議 對 也 心 議、 禮 日 不 君 也。 求 問 樂 可 制、 于 時 誌, 王 廢, 賢 其 事 對 誌、 以 也。 臣 日 德 末 岩 尚 下 全 詔 化 誌 皆 高 不 有 民」、 衡 君 貴 近 册 足 近 臺 之善 於二 鄉 閣 古 則 稱 公

王

也。」 性。 也 日 :「人性無 日 問 禮 子 薛收問 道 在乾 日 日 不 四四 子曰 率 善。」 德 性之謂 五. 爲 孔子曰: 常 善長, 子曰 之 道 Ŧī. 本 在 常常 : 孟 繼之者 也 子 Ŧi. 也。 常 四 端 本 之始 善 性、 爲 謂 也 惻 善 隱。 也 成 也 0 之 其 者 道 孟 Ŧī. 問 性 子

<sup>0</sup> 以 原 作 君 影 宋 本 無 此 字 明 本、 四 庫 本

<sup>2</sup> 惻, 原 作 則, 據影 宋本、 影 明 本、 四 庫 本 改

子以 止 瓊 通 不知 要 矣。」 無爲 門人不可教,而夫子不盡 於三才、五 賈 心也。 智不及則有不盡焉 瓊 則 退藏於密 言三才、 子 常 不能 有 五. 於道 常之道 不 盡焉。 盡 ,故不教爾也。 有 以道 者 ,有爲之教,吾盡 不 神 教之乎? 或 盡 力 明 矣 不足 殛 乎 此 ? 謙 也 子 者 之矣。 曰: 言 責 斯 曹 夫

明 事 干 暉 則 南 仞, 未 而 蓋 詳。 齊篡國 有 下 裴 明 德 晞 子 齊、 何 則 問 君 日 來, 必 子 魏 穆 懷 振 無 鳳 公之事 德 舅 彼 言《續 翮 則 也。」 氏 而 去。 去之,穆公所以 不 書》之事,非 **%** 晞,文中子之舅 聞 叔 恬 《續 鳳 曰 皇 書 爲 乎 》有 來 穆公而 ? 魏 此 穆 也 也 篇 公之 覽 已,蓋 名 鳳 德 翔 事

勞也 今之視昔也 君子自强不息,豈敢違 也 譏 應聘列 裴 人壽幾何 敢 晞 違 日 國 天 う。」子 也 未嘗 乎 ? 自謂 暫 天? 壽幾 暇 仲 我 尼誠 焉 勤 何,吾視 子 道 知 日 有 亦 後 此 : 勞也 勞也。 之視 有 仲 然後 之矣。 尼 今,不 然天行 何 人視 其 健 勞 我 其 如

温大雅問:「如之何可使爲政?」子

角反。 焉自 情。」若周公是 又 忠 位,實非及民之政也。 員 如穿窬者爾。 之深識、孟軻之不動,又 矣。」若漢之張禹 問問 ,行必恕, 其次。 保,不足以發也。」 子曰:「 以 行 窬,容朱反。 子曰: 也。 鼓 降此 之, 之 、魏之鍾繇 以 敢 寬 無 ,則穿窬之人 問 利 以 謹 伯夷、叔 何 若伯· 害 其次。」子 居之, mi 足及政 不 晉之張華之類 固 夷、叔 齊之謹 動 廉 深 0 齊 爾 而 日 若 識 固 抑 是 慮 荷 孟 禮 也 則 口 言言 軻 備員 是 無 樂 使 齪 齪 是 周 也 必 備 齪 之 測 禄 公

離。 而 名、字亂 朋 子曰:「宗祖 友相字以表其德,所 矣。」大宗、小 廢 而 以 稱 宗 氏、 謂 司 不 姓 尊 亂 其 離 祖 所 以 朋 親 友 族 廢

矣。」 綱 手 拜 日 一詠古詩 薛道衡自謂 内 然 史薛 敢 而 也 賀 詠 公謂 丈人之知 頹 日 「淫文溺於所習」。 綱 子 謂 老夫 曰 六朝文弊 過 吾 亦 也 何 文章 文中 薛 公因 可 子 謂 離 執 淫 振 席 頹 子 溺 而

子將之陝,河南陝縣,唐置陝州。門人從者

鏘 我 (者謂我心憂,不知我者謂我何求。) 者 鏘 謂 焉 我 被 何 于路。 求。」門人乃退。 子止之日 0 《黍離》詩 「散矣。 日 示不 知 知

《大壯 》初九:「壯于趾 子謂賀若弼 日 ,征凶。」言居下用剛 『壯于 ,趾,而 也 己

티 : 君子勞心,小人勞力。」 子曰:「天下未有不勞而 成者也。」孟子

行 恒。」答以《家人》卦《大象》詞 賈瓊問正家之道。子曰: 言有物 而

子以 大人吉,以 唯君子乎?」《困 云"「有言不信。」周公之詞也,故曰「久矣」。 曰 以 致命遂志。」言命雖致困 鳴 取吉,尚 王孝逸謂子曰 剛中也。 呼 ! 口 言之不見信久矣。 有言不信,尚口乃窮也。」《象》曰: 則窮 拳 繇 :「盍説乎?」 也。 云:「貞大人吉。」《彖》曰: 志必 遂通 且『致命遂志』,其 吾將貞 <u></u> 游 困》卦 説。 「貞 大 子 君 繇

以 故 止 事 於 文中子曰 終乎? 獲 麟 麟 故 不 遇 止於陳亡。 春秋》其以天道 時 大 命 窮 矣 先 **元** 王之道 終乎 經 掃 **>** 地 其 ?

> 秋》王 此董仲舒解《春秋》云也。 窮 而 謂也?」子曰: 仲 求更 淹因 次春,正次王,是天人之道 新 人事之極,天人之道一 是 人 事 極 「天人相與之際,甚 矣。 於 故君子備之。」 是 也。 乎 多焉。 天 薛收 孔子 備 可 日 因 矣。 天命之 一《春 也, 何何

憂矣。 有始有 之也 也。 公是也。 則與民同 堯禪舜 共憂,未可與共樂。 樂謂守成也,治成則 子曰 憂樂 卒, ,舜禪禹,天下共樂矣; 可與 難全也哉。 皆以天下,故文中子以天下之道 : 凡 慮始不可與守 可可 可 與守 與共 二帝、三王 成 《者,難 樂,未可與共憂; 與 吾未見可與共憂 民同樂,憂謂 成、若范蠡終 湯伐桀,武 與 慮始,若成 可 王伐紂,天下共 避句 慮始 與憂 共 王 踐 也 與 初 《樂者 可 是 事 而 疑 也 與 周

反經合道之謂 子 百 也。 非 孔子曰 君子 不 「可與 可 與 適 道 語 未可 變。」 與 變 權 也

能 矣,又安行乎?」《革》初 象》曰:「不可以有爲也。」 爲 此哉?」大業可 子讚《易》至于革 革。 ·, 歎 至 九 初九 日 曰:「可矣。 「鞏用 曰:「吾當之 黄牛之革。 其孰

爻,效 也,三 日 同 小言之,六時而 四 也 《關氏易傳》曰:「六者 卦 也。 薛 才之道 天下 敢問六爻之義。」 收 之門,變之,開闔也。」餘六十卦爲 趨 桂 問 之時 時 己。 誰能能 有 時 卦 之動, 六動焉,吉凶 爻 也; 六爻之義。 也 過 《關氏 ,天地生成之謂也 適 者,傚 乎?」天時、人事不過 時 子 則 易 古, 傳 天 ₩ E 子 失 悔吝 下 日 時 六者 之動 則 乾 六十時,而 : 所以 X 坤、 非 桂 也 他 屯 巾 平

矣。」居而安,可 大成 子, 奚志 續》,不敢殆也。」殆、怠同。 展 謂 也? 程元、薛收 致 也 太平。 大 成。」《車 對 與 居 日 立 見子。子曰:「二生之學文 ·· 「尼父之 《經 也; 而 攻 安 動 》詩 而 變 動 云 也。 可 而 子曰: 「『允矣 與 變, 允,信。 權 也 可 》、夫子之 以 展,誠 佐 君 也 王

有 池 飢 曰 河 ]:「久 色, 董 南 常 有 坐 沔 之喪, 矣 荆 池 縣 吾 棘 唐 將 子 間 置穀 輟 赴 ,讚《易》 也 州。 洛 常 輟 主 讚 死 人 不 易 在 不 輟 洛 授 忧 道 館 而 竟 於 謂 未 子 沔

> 安反。 獲。 聞之,召 未 獲己。 而 舍具 不 懾 不 餐 通 知 能之, 焉 今也 世 而 斯 俗 學之力 通 亦 知非常 大 木 也 木 主 而 不

以 口 瓊 從之,去者不追,來者不拒。 矣。」亂世當如此 事 日 賈 「然則奚若?」子曰: 子曰 瓊 請 絶 人事。 不 可。 子曰: 絶之、 接 莊 不可。」 之, 以 泛如也,斯 是 待之,信 執 請 端 接

及大用 不 子 口 百 見 彰者也。」三者必然之理 矣。」賈誼 文中子 ௱ 「我 誼夭、帝 未 見 崩 年  $\dot{+}$ 謙 八上 使漢祚不及三代之永,誠 賈誼 而 有 書孝文帝,謂 怨、亢 夭,孝文崩, 而 才堪 無 辱 卿 則 以 相 漢 此 爾。 而

道 禀 曰 ,禀之而 也。」《策》今亡。 令十二 「有天道焉,有地道 董常 曰:「子之《十二策》奚禀 行,不 策》若行 董常 亦焕 于 乎。」 曰:「噫 時 焉 ,有人道 則《六 極 者,謂 經 焉 也 動 三極之 也 此

天文, 哉 哉?」是也 息矣。」堯民曰: 董常 足得 以 無爲。 察 : 地 日 其 何謂 理 有 出 而作, 不言之教行 中 也 ? 以 日入而息,帝 建 極 而 9 何 吾 仰 與 力 暇 萬 以 於 矣 物 我

也

道

上

之乎 如有用 常 暇 達,而思慕太 之,文中子因 法之貳作 子曰「歸 樂之地。 非 易》不云乎: 其下, 謂 諸 曰: 故 藏 用 異 乎 藏。 文中子曰 端 蓋 可 根 文中子周之後,故慕焉。 我者、當處於泰 也。 天下 沖,虚 以 願 不言之教 日 立 静」是 亂華之貳尊《元經 Ш 秋 聞 反 異端乖乎大義,我 明 黄 也。 》以濟之,孟子因 一,謂反復 ·無道 其説。」子曰: 堂之制 『易簡 帝、 :「天下 也 也。 老子曰 周 ,聖人彰焉。」辯不得已。 無 公之道 焉。 因 跡 而 一性 道 貢 謂 Ш ·有道, 天 董 無 淡 也。 沖 則闢之爾。 以 矣。」太山 地 常常 一説太山 邪 是 形 而 濟之,蓋 濟, 説之貳 也。 將假 復 反 之理得矣。」 用之」。 曰 聖 静 : 能 無 則 沖 形 萬 有爲之典 將 舉 無 虚 如尼父因 魯國周 言子不求官 黄帝有合宫 藏 無 聖 慮何 沖 彰 爲 焉 跡 一人所 詞 而 乎 有,老 公禮 以 乎 也 用 董 史 以 閑

> 簡 ,言無爲 也。 道 沖用則知子之志有 不可 爲矣。

樂。」又 疑亡矣。」《易 也也。 書文帝 |。|注見上。 杜 對 淹 日 鬼 神 問 漢 之 問 興二 事 睽 賈誼 制 卦 君 + ₩ E 之主。 臣 餘 之道 相 年,當更 「遇 和 何如。 雨則吉 如 秦之法,定官 遇 曰 雨 羣疑 子曰 吉 有 亡 也。 大 此 羣 功

受《詩 蒼。 是惠 樂,蒼曰「爲善最樂」。 帝重之,位三公上。 餘 王 謂 惠 曰 事,王 一亦好 能周 也。 也 子 或問 防 義 書 元王名交,好書多才,嘗與 對以道術,得事之中立。 作傳曰《元王詩》。 İ 也。 多多 問 楚元 招浮 也。 河 獻 「仁人也。」仁 間 王名德,好 辩。 丢。 光武 蒼意不安,上 獻 獻王 是仁 王。 太子名强 子曰 又穆生不飲 修 收 也 子曰: 禮 書 樂 與與 問 疏 謂 是 魯申 母母 歸 樂 智也 服儒 朝 惠 東 藩 郭 善 廷等。 公、白公、 酒,王設醴待之。 海 術,帝 后 也 智 0 有 也。」 問  $\pm$ 帝 罪 王 是時 策問 問 東 强 也。」 名 穆生 處 平 蒼 惠, 淮 家 而 Ŧ 何 南 才

<sup>0</sup> 藩 原 作 蕃」, 據影宋本、影明本、 四 庫

寵,不亦宜矣。」言四王皆善終,有惠、智、仁、義。大國。後明帝立,蓋强讓之也,故曰「義」。 保終祭不自安,乞歸藩。光武不忍,遲迴數年方許之,遂封東海

中說卷第七

#### 中 説卷第八

魏 相

> 阮 逸 注

乎哉 諫 伐西域 子 是 謂 魏 相 識兵畧; 魏 字弱 相 真 翁。 作 (漢相, 《明堂月令議》,是達時令也 學《易》 識 道 兵畧,達時 ,舉賢良,爲漢宣 帝 相 遠

讓 用,有爾朱榮不能圖 帝,元氏,名宏。 也 不 /主而 於爲 跡 信 ? 也 注 也 子 見上。 奉 北 政 能 莊 日 齊 汙 帝 文宣 榮字天寶,有 然善待 其迹, 、恐其 謂孝文 都洛陽,文物 帝高洋即位 孰 楊 難 门似 謂 可 遵 制 齊 不明 彦, 明,吾 也, 手刃殺之。 謂 戰 文宣 功,爲 遠 又 以 制 也 似 刑名矣。 法御 度 不 非 一曹 始 都 謂 瞢。 督 信 下,以 備。 爾 將 而 謂 也。 楊 朱 然有 軍 善楊 功業自 愔 陳 醉 榮 後 字 酒 害 思 王 忠,吾 魏孝文 靈 虬 遵 1矜,而 馳 王 遵 不能 后 彦。 彦

> 吾不 是汙 迹 信 也; 也 求 0 小 皆謂 責 免 植 大 以 患 才自 是 顯 遠 不 刑 也 知 汙 迹 謂 晦 不

其心

聲,隱 常 抵,訐 爾 而 有 日 毅 是 有矣。」既泛言其道,故終顯 也。 夫?」古 又有 董常問 而 可 濁 乎? 不没, 曲 圓 而 一古者明 而不佞者矣。」廣推 而 不 知 用之 常問 穢 不 道 同 者 一知十。 清 一、方而 則 視 而 成 聽 而 不 其 不 不 不 子曰: 志 捨之則 皎 用 視, 礙 耳 其 直 目 剛 聰 類 全,吾 出 ,終乎中 故 而 而 而 問。 和 不 不 而 聞 子 道 與 柔

馬頰河 也。 威 曰 曰 進 笺云: 『潜 子遊 曰 聞 牛首山。 :「夫子遂得 朝 「喻賢 雖伏 馬 廷 頰之谷,遂 有 矣 登降信 人道不行, 召 亦亦 子 孔之炤。』」《詩 議矣。」大業 宿,從者樂。 潜 雖 至牛首之谿, 乎? 潜 伏, 亦 潜, + 甚 易見。」威 隱 姚 年 正月 也。 義 晉 再 州 》篇 子 竇 有

0 計, 原作「許」, 據影宋本、 影明 本、 四 庫 本

姚義 月 禮 我 險 口 日 車 不至。 命多也。 爲 仇 曾 載 物, 矣。」言隋必亡,不可 不爲意乎? 仇 曰 終踰 子曰 喻 亦不 仇仇 『其 Ŧ. 感愴長言之,終其 之任 絶 , 警警也。 我 一喻 險,曾是 車 力。』」箋云: 或 治 彼 既 事 或 求 也; 載 亦 雖 然。 我 不 棄 執 乃 意 則 其 留 意。』」19箋云:「車 子 也 棄 輔 我 「彼王求 喟 如 爾 然 遠 既 然 不 輔 賢 不 而 我如不 我 問問 也。 遂 我 歌 笺云: : 功力。」 竇 得 威 執 度

不 禮 和 縱 道 必禮 之。 仲 窮,是來也。 在 一乎事,「思 子曰: 淹修孔父之筆 以 春 制 秋 之。 無邪 「《書》以辯 **\*** 先王之藴 」在乎性。❷ 元經》以 樂》 法 是往 以 盡 和 也 事、《詩》以 舉往 矣。」藴。 《禮》以 《易》以 仲 德 奥賾 不可 制 尼 知 舉周 正 行 苦,必 也 來 性 行 公之典 言常 生 樂 不 以 生 可

古 徒 爲 生矣。 兆  $\pm$ 孝 。」賈瓊 逸 Ŧi. 日 常 日 「惜哉 爲 :「夫子豈徒生 四 或 一三才、九 夫子不仕, 哉? 疇 爲 喆 以 公 萬

> 易》爲 卿 其教以行於天下,生亦足矣。 廟 下宗之,夫子之道足矣。」雖 也。」叔恬聞之曰: 續 無 書》爲朝 又安用 所 司命、元元 不 仕 知 廷、《禮 ? 爲 經》 富 董 貴 「孝悌 一爲 論 常常 賞 **\*** 喆 無 日 樂 (罰,此 所 : 陟 爲 一夫 生 論》 列 社 不 反。 亂世 極 稷 子 夫子 爲 爲 ,不言爲 以《 政 而 死 門人 所 化 續 生 以 能 生

之孝者異此 子也,③子然如 母晏然;晏,安 行 吴欽,史傳不顯。 父兄恬然若 事 也 裴 賈瓊曰: 一、父兄 嘉 有 無 無 婚 焦然 也。 中 依 設 所思。」無思,言無事 其處家也,父兄欣欣然, 會 據。 此 言 Ш 以 若 裴 言 不 證 嘉, 吴欽,天下 欣嗝 無 事 彼之非。 未 自 所 而 見。 集。 據 自 安。 薛 其 子 也 欣,悦 ·之孝 方 處家 其 日 ,安用據哉? 士 行 也。 預 也,父 者 事也 吾 焦 也 其 黨

「意」,原作「億」,據影明本、四庫本改。

<sup>] 「</sup>邪」,原作「邾」,據影宋本、影明本、四庫本改。

❸ 「子」,原作「子」,據影明本、四庫本改。下「子」字同

六六

矣, 樂」,謂情生禮樂之前 婚禮,三 之後也。 方 士 而用之何不從先 未 然 猶 見。 日 方士不先爲語 不 在 舉 酒 君 樂。 中 子之後 進 而 也; 子聞之日 樂作 之而後非之,無益 「後進 乎?」 孔子言 方士 於禮樂」, :「薛方 非 之而 謂 也。 文修於禮 先 士 故禮 出 進 知 則 於 禮 樂 禮 然 士

乎見 道 而道皆歸乎大中 《六經》,皇極之能 而 適,不執常 可移易是也。 皇 於是乎見義 極 權。 文中子曰:「《元經》 立矣。」取衷,義見 道。 《公羊傳》 完元 若 也 與 經 奪 》有 日 常,經 南 事畢矣。」董常知《六經》一 北 變也 「反 以 也。 上。 經 尊 中 合 所 經 有 董 或 道 正 常 則 常 行 是 爲 義存,若 也 也, 權。」言順時 有 適,於 所 權 夫子 Ŧi. 義 正 始 貫 舉 是 以 有 不

經 約 未 室 諸 》,天下之書也。 改,此《春秋 國。 侯 以 中子曰 其 尊 以 Ě 天 》之事 政 下 「《春秋》,一國之 ,約之以禮 有 罷侯置守,天下爲一 或 也 而 王 天 法 命 室 在 不尊 周 未改。 初明天 國。 書 乎 ? 也 介命之 其以 **元** 故 周

> 罪歟 改,則 故必執大棄小,是謂大中 以 無定 義大權小則 隋合天下 日 曰 定也。 「斯謂 明 周 神 ?:」上文云「權義舉 或 執 室以 器之有歸 不 而 爲 小義,妨 正以義歟? 明,謂 帝 《元經》。 皇之不極。」 國爲《春秋》; 位 僣 不 號 大權 ,此《元 明 文體 作 或 乎 ·而皇 也 義 ? 《春秋》《元經》之所 雖 天命有歸 執小 小 極 徵 殊, 經 權 無定 <u>立</u> 大則 一》之事 天命 妨大,是大之不中 其 國,謂 董常惟 則 志 適平 以 晉、宋、 也。 南 也。 正 此 北 分, 意 帝 |天命不 魏 董 以 位 各 周 也 常 爲

郡白溝,煬帝開永濟渠名御河,運糧征遼。御河之役,子聞之曰:「人力盡矣。」魏

此 此 通 曰 説 也 :「先師 以 宗馬 我小子 往 子居家,不 先師 敢暫捨 之介子, 王 謂 道 孔 哉 暫 子 極 捨 敢忘: 也。 是 子 周 也, 定 日 禮 其 禮 門 如有 禮 樂 周 乎 時 人問 ? 禮 用 極 周 我 子。 其 孔 道 子 敵 則 而 尚 已。 執 於 極

之所 天命 在魯故也 抗,舉也 歸 乎? 國也 乎?」《元經 《春秋 抗 元 王 周 經》抗 公典 》舉 而 周 尊 禮 王 》舉 魯 與 帝 正 天 帝號 朔 而 命 其 而 齊其 尊 以 以 書於魯史者,以 中 得中 周 長 或 久,故 之所 或 丁,其 者爲 日 以 存 正 敵 周 天 乎 朔 禮 也 命 ? 盡

天命

歸中

得 子曰:「有心乎禮也,夫 儼 況玄素有心於克己哉! 況躬親哉!」竊謂非己有也。 爾 而道存矣。」上四事合禮,則道 五霸,假之也。 形 張玄素史傳未見。 ,動思恭,静思正。」問道。 久假而不歸,焉知其非有也?」 孟子曰: 問禮。 禮 假外飾而行之,尚得成名。 有竊之而成名者。 「堯舜,性之,湯武,身 子曰 在其中。 二重直 子曰 玄素 爾 心, 禮

也。 乎?」若湯武之兵伐桀紂 辩 子 兵, 云善戰不陣 ? 亦時乎?」若顏回 董 魏徵 而有 常聞之曰: 問 ,時可無爲也。 時 君子之辯。 乎爲 「君子有不言之辯、不殺 辯,不得已也。 不言如愚,知時之不可 、孟子之辯排楊墨 子曰: 子曰: 「誠哉 君 ,皆不得 其 爲 猶 也。 不 兵 之 知

> 時 無以 爲君子。」善董常聞辯 知時 也

得計矣。 見譽而喜者,佞之媒 文中子曰: 絶由 去媒,讒 聞 謗 也 佞 而 遠矣。 怒者 爲謗 譽所動 。。 之由 静 則 也 讒 佞

之美,可以立矣。」 子曰 聞 難 思 解,見利思 避 好好 成

息者。 子謂董常曰:「我未 蓋有焉、我未之見也。」因以激常。 見勤 者矣。 如 天不

年,天也;兵,人也。 子 曰:「年不豐,兵不息,吾已矣夫。」

藥; 公、侯生、未見。 汾陰侯 子謂 北 生 Ш 善筮,先 黄公善醫,先 人事而 寢 後説 食 而 桂 後 針 黄

下,漸 其 遺 然後以天下爲心矣。 子 其 身 曰 身。」曰:「請 也 房玄龄問 通也不可究其 玄齡 能 無私 曰:「如主 正主庇 究 無 其 道 私 説 民之道。 説。」子曰:「夫能 可行矣。」修己以及天 何 然後 蕭 ?」再問 能 張 子 至公,至公 其 E : 猶 正主之説 病 遺 先

執 蕭 子 何 爾 遊 知 慎 其 主 庶 病 不 也 可 可 以 以 噫 ! IE. 事 也 人也。」言隋主不 而 非子 私 誉 物 所及,姑 産, 張 良 可 亦 守 正 私 爾 自 從 赤

和 奏《太平》,①又和之,終貞觀二十三年。 貞觀三年,天下大定。 十年 也 禮。 有變,是歲庚辰,唐 有 何 ,然未大成爾 疾。 謂也?」子曰:「十年平之,十年富之, 如 稱,舉也。 和之,斯成矣。」平亂富民,和以禮樂。 江 有 都 謂 王 薛 有變,煬帝幸江都宫,宇文化及弑 者出, 收曰:「道 斯已矣。」 高祖 又富之,至貞觀 三十 武 德 三年 年 斯隋不能 廢 也。 久 而 矣。 後 平之十年 十三年。 太宗崩 舉。 禮 道 樂 謂 收 逆。 先 禮樂已 房 至 自 曰 可 玄齡 太宗 江都 王 . 稱 子 典.

之罪. 本也 也。 夫一 也。 妾媵無數, 婦, 日 日. 貴賤 庶人之職 教 婚 有 等, 少 以 /娉,❷ 也。」《國 妻、妾、 亂。 教 言棄古禮,是 風 媵 各 Œ 以 有 夫婦,王 偷 等 降 掌教 之數。 偷 化 者 薄

子 謁 見隋 祖,一 接 而 陳《十二策》, 編

> 久策。 常 其辯 成 日 : 日 几 也 卷 時 異 房 非 玄 事 辯 人 、編之。 龄 也 變,不足習 請 理 習《十二 薛 當 然爾 收 曰 也 策》。 理奥則 辯 適 矣 救 隋 言 乎 誦 習。 ? 非務 非 董 經

六八

聞 謂 歌《小明》以 首章云: 乎?」子曰:「 而 己。 之日 冥冥矣。」揚子 虞世 煬帝 「豈不懷歸,畏此罪罟。」言世基必 : 「吾特遊 遇弑 基世 送之。 ,世基見害。 通有 南 Ď: 兄 繒 也 《小雅》詩,大夫悔仕 「鴻飛冥冥,弋者何慕?」 疾,不能 繳 煬 之下 遣 帝 使 時 也。 參掌 仕也。」飲 謂 子 朝 若夫子 罪 日 政 死。 於亂世 唯 使者 諾 世基 取 也 仕 口 容

仲 退 問 免 之則對。 舒。」董 以 文中子曰: 著書 不爾 仲 爲 舒 則 漢 自 武 帝 述 問 其 時 則 對 道 賢 待 對, 良策 時 不 而 後爲 問 行 則 公孫 竊 述。 比 弘 我 所 若策 抑 於

<sup>2</sup> 0 玄 四庫本作「 原 作 且 據 影 宋 本、 明 四 本改

也。不雜學,故明。」明道也。動,故無悔,悔生乎動。不廣求,故得,得,足動,故無悔,悔生乎動。不廣求,故所述業。不子曰:「吾不仕,故成業,成所述業。不

皆喻害物。蟄,亡遇反。螣,從曾反。蠹,都故反。者,仁之螣也;纖吝者,義之蠹也。」蟄、螣、蠹文中子曰:「凝滯者,智之蟄也;忿憾

之與天命,夫子而不至,其孰能至也?」天下所藴,非我能至也。董常聞之曰:「《元經》江南,天命有歸於中國,則《元經》斷之於後魏。言此皆至致至哉?」天命未改於晉祚,則《元經》斷之於

禮》。 威 《祭禮》; 婚,讀《婚禮》;●居喪,讀《喪禮》;既葬 曰:「仲尼言『不學禮,無以立」,此之謂 」言孔子教鯉,亦謂此次序。 故君子終身不違禮。」言學禮有次序。 謂實威曰:「既冠,讀《冠禮》,將 朝廷,讀《賓禮 **\***; 軍 旅 讀《 讀 軍 竇

皆亡,又焉用續?」續,補亡也。子曰:「瓊,子述《婚禮》,述在《禮論》。賈瓊曰:「今

存之可 爾 無輕 禮 也。」續而存之,待時 無 俗 輕 古禮 而行。 呵 時 俗 是 汝 也 姑

「盥而不薦」,可以盡神之奥。
子贊《易》至觀卦,曰:「可以盡神矣。」

無罪,猶恐懼。」 谷。』」《詩・小宛》篇注云:「衰亂之世,❷賢人君子 不免怨、害。 如是寡怨,不退之,故不肖者不怨。 哀不賢者,樂之,不能進之也。哀之,不敢退之也 有天下,舉賢才,則不肖者遠矣。 子曰:「古者進賢、退不肖,猶患不治。 《詩》云:『惴惴 今則吾樂賢者而 小 心 猶 懼 如 臨 空 雖

輔教矣。」其説禮樂,可左右教化。子讀《説苑》,劉向撰,三十卷。曰:「可以

縣。 濟 賈瓊、 龍門,漢皮氏縣 子之韓 程 城,馮翊 元後,從行在後。 魏 改 八爲龍 有 韓 門 城縣。 隋 屬 關 絳 自 吏 州。 龍 仇 門 今河中 璋字 關 先 伯 有

❶ 「讀婚」,原重文,據影宋本、影明本、四庫本删。

❷ 「世」,原作「女」,據影宋本、影明本、四庫本改。

默,謂 仇 馬,鞠 有異 應。 吾視 成。 董 城 也 與 鳳 亢,昂 日 瞬。 」。」賈 常 璋 之行,俯然 頸 則 Ė 泛 止 也。 浪驚 子謂賈瓊曰 龜 其 安得 躬守 П 應。 之 : 瓊 者 背,鬚 不足,方薛收 敦 目 拖 曰 曰:「吾二人師之而不 也。 夫杖 程 後 默 如 燦 頹 旋 元 也,關 斯 如 而 垂 而 如 而 吾 日 先 不 也 至 色卑; :「君子哉 不懼 人 也 聞 德,乘五常,扶三才,控 往 : 濟 腰, 澈 殆似也 「子知 而 之,天下 則 哉? 者 重 ,言狀貌皆異 参如 不 而 有 爲 與之言, 而 張 不 餘 人矣, 遂捨 0 誰 不 瞬 也 亢 ? 無 敦 鞠 0 仇璋 躬 厚。 澈 道 , 職 參參 常 止 泛然 是王 能 清 聖 謂 從 人。 也 去 然 闞 卑 也 子 重 俯。 於 也 通 是 而 問 盛 深 之 睫 韓 之。 者 藏 必 後 貌 也 貌 比 守 目

幾 汲 焉 皆 文中子曰: 隱 正 於 樂 樵 漁。 於 霍 幾, 一吾聞 生 近 見 也 持 禮 於關 竿者 吾 將 幾 生,見 退 焉。 而 求 負 弱 諸 樵 子 野 明 者

矣。」野謂漁樵

者。」矯時罕真 動 不 可 子 與 日 久 静 處。 多 儉 言 心易 不 可 躁 與 吾 遠 願 謀 見 機 僞 易 静 泄 詐 儉 多

也 不 雖 明 勸 有 而 善 賈 拱璧之迎,吾不 毅 而 故故 飾 瓊 虚 日 日 禮。 「强矯」。 子聞之曰: 知 善 而 不 其 行 門 强哉 矣。」譏 見義 矯 而 也 隋 朝 不 大 勸 瓊 臣

收 伐。 先利 有 責 乎?」收 『唯其有之,是以似之。』」《裳裳者 此君子之職 人以必諾。 日 不爲天下先。」收曰 人。 無棄人 仇 「請聞三有?」 璋 無 曰:「何 荷 謂 ,片善亦取。 無 説, 薛 也,璋 財 怨,不以 收 所悦 謂 也 日 何 必 ? : 預 璋 無 以 財 畜 焉 子及是乎?」曰 道。 日 璋 子 使 憾。」不念舊惡。 人怨。 ! 子聞 日 聞 無 有慈,有 伐 無諾 無 善,不自 有、 華 專 之日 利 責 不不 必必 薛 無 矜 注

曰:「似,嗣也。」❶

交。 君子寡尤,小人多怨,良以是夫。」 小人先交而 子曰:「君子 後 擇。 先 擇 驟以利合,擇之即 而後 交, 擇可 交, 壞。 則 故 與

天下不能行。』信哉!」信今亦然。故免。免今世之禍。老聃曰:『吾言甚易行,不能,强謂力使之。不苦人所不好。夫如此,不能,强謂力使之。不苦人所不好,不强人所

矣。」始悟《易》。 退 之中非他 行 天生之,地長之,聖人成之。 乎其 而 聖人經之以善,誠之以性。 歎 薛 中 收問:「聖人與天地 曰:「乃今知人事修,天地之理 也, 矣。」薛收問《易》。 人也。」曰「仁與義」,成性之本。收 故天地 如何?」子曰 子曰:「天地 天陽地陰之謂 立 而《易》 得

子謂收曰:「我未見欲仁好義而不得

改。

化物則 物而 昧人事也 也。」仁義,性之本也 也 不能 能 言 復性 反 外躬 人性 故 復性 修 日 則 ,則是天理滅矣, 一欲 天 感物 仁好 理 得 義」。 而 動 如 ,性之欲 此 不 故曰 言明 得 「無性 也。 天 斯 理 應物 也。 無 性 此言 若 而 者

嚴光不貴之也 下,注見上文。 漢光武故人。不仕,隱釣於七里湍。 子曰: 嚴 故君子不貴得位。」爾朱榮得 子 陵釣 於湍 石, 爾朱榮控勒 嚴 光,字 子 位 天

之性,無不下。得志於火,故君子不欲多上人。」言君子如水得志於火,故君子不欲多上人。」言君子如水子曰:「火炎上而受制於水,水趨下而

隋亂道 其 子《象》曰:「君子以厚下安宅。」 所也,山固 芮 子讚《易》至「山 剥 城 我 府君讀《説苑》,芮城、《 將何之? 宜 附地,人 是 固 附于地, 以 宜復静。 君 子 思以下人。」孔 剥」,曰: 將安之乎? 説 苑 》 注 見 上。 古

❶ 「似嗣也」,原作「嗣似也」,據影宋本、影明本、四庫本

物,不亦可乎?」《說苑》有進物義。 子見之曰:「美哉! 兄之志也。于以進

好,與· 悄 常若 不爲 《詩 王之道 直 範》之言乎: 其寒暑、《書》曰: 之於道也,死而 子 與 曰 必平康,故全身全道 然 樂其道,小人懷其 小明》篇: 「天下惡直 也。 款 人之醜惡 作 不及; 臨 叔 子之居常湛 非凝能及,答云「吾亦然」,實勉之爾。 道果艱 恬 曲 色 曰: 介,助 日 以待 「靖恭爾位,好是正直。」注:景,大也。 哉?」子曰:「吾亦然也。」言先 也。 平 凝 而 事往來,常若無 「冬祁寒,夏暑雨 其 後已。 『神之聽 醜 康 言有明 輟 會。 如 於先王之道,行思坐誦 正 正直。」 其 今汝屑屑 一,凝 惠。 也。 正 三則道 會謂理 天不爲 直 也獨安之乎?」子 小人但 言 之, 夫如 必 ,小民怨咨。」君 行 與 然汝 焉 介 而得 情 恕, 人怨咨 知 誨。 是故 ,三德無 會合。 惠 爾景福。」 福 不 動 若 無· 全。 聞 必義 而 叔 君 人教 洪 據

> 之。 計,計 惟 乎?」《易》道至深,非璋 與其進也?」子曰:「『唯 謂 中數?」璋言讚 之詞教之也,言凝 克,率歸之中道 而 務兹,故曰「未樹立」也 沉 而 潜剛 艱。」言克念之,必須克行之。 出。 側解。『 心 子謂仇璋、 未 薛收 克。 ,斥言也。 樹 仇璋進曰:「君子思以下人,直 皆謂 日 也。 民 用 也。 正 有是四者與無正直同。 三德,平 《易》剥卦,得平康之德。 無 僣 必平易, 薛收 君子樂然後笑,夫子 今凝 固 斌, 雖正· 盡達。 固執。 無 曰: -康正 直 無 挺 必 直 乃 直爲首, 康 然嘉其 而 狂克 挺然, 無 非 汝乎 和 無據 抵 明 知 念」,斯 狂 於德、心 立 必柔 其次高 之艱,行之 抵觸。 念 不 子 叔 克, 故樂然笑 曲 終《洪 何 恬 明 潜 亦 斯之 在 而 再 柔 未 必 克、 其 拜 無 能

中說卷第八

## 中説卷第九

立命篇

阮逸注

性 故立命則曰「天命」。 也 者,蓋畏人事不修 情 人生天地之間,所以立命 於人,而命之者也。 命。』」引《易》以明命因 故歸之於天。 無洪 文 中子曰 纖 曲直 一而違 《易》曰 而 「命之立也,其 天也。 聖人無不應,無不當 故君子畏之。 不當也、《易》曰: 也。 性 而 是命者,因 無遠近高 稱 也 乾 道 稱人 孔子「畏 變化 人 深 而 ,與天合德 「其受命 而 稱。 事 各正 不應 天命 乎? 天有 如

惟 彼 影 交匪 響。』《詩》云:『不戢 魏 徴日: 傲,萬 福 書 ※云: 來求。』其是之謂乎?」 『惠迪 不難 不,受福 一吉,從以 不那。」 逆 区

> 作、 拜 乎 前,而 惟人 董常 也。」言 則世人皆云 在 言 言命而富貴則言天乎? 即 云命不生 多福,則顯上文其「稱 就求之也。 書 死生有命,富貴在天』, N N 我莫知所如, 亂世不可 ? 而 後。 多 後從而言命,是在後 大禹謨》云也 出 所 《詩 不聚法、不戒難 噫 福 凡未死,世人皆云命合生也; 也。 召。 謂 可 「自取 命不貧賤。 子曰 桑扈》篇 未富貴,則世人皆云命合貧賤 求 程 吾 召, 矣。」若周公乞代武 元 末 者 亦 惠,順。 日 注:「 如 ,其稱 ,則福多矣。 取 人事」也。 徵 是 自取 子曰:「召之在前,命之 也。 之 也。 死 其 「戢,聚。 吾今而 何 生、富 迪,道 理矣,寧求退 能 賈 人 斯自取 何 也 耶? 自 瓊 子 謂 彼賢交非 也。 已矣。」 貴皆人先 難 取 已死矣,則世人皆 進 日 也? 後 0 王 矣。」 順 也, 曰 : 明魏徵 仲 道 知 難 藏而已。 也 即 傲 末,莫 何獨死 也 自 尼 元 庸 誠 既 自 古,從 即 求爲 召之在 能自取 命 非 敢 哉 富貴 福,亦 那,多 取 也 問 瓊 福 口 命 東 生 逆

「難」,據阮刻《毛詩注疏》,應作「不難」。

周 日 . 皆 自 敬 作 珮 元 玉 命 音 終 ,服之無 獲 多 福 斁 此 知 命之大者。 斁 厭 程 元

易子而教,易,互也。今亡矣。」亡,廢。文中子曰:「度德而師,度己不如,即師之。

非 皆具臣 大臣矣。 心,不苟其位,非具臣 子 也,以己之道安人之國,不以嫌疑惜 不以霍 曰:「不以 也。」受先君之顧 光、諸 矣。 伊尹、周公之道 葛亮之心 命,保後王之未 事 其 康 明,盡己之 君 其身,是 其 者, 或

然畔 中。」言道心精 也 何人也? 月 有 慮焉」,亦三月之義。 不 故常亦無羨回。 道 援 「仁亦 違仁矣。」日久不違,是仁人矣。 子 董常歎曰 不 誕先登于岸』。」《書》云: 0 可 余 無 畔 何 然 不遠,姑 微,仁性則 欽 人 不 羡, 也? 可 :「善乎 但慮而行之,自 羡, 有 誕 爾 亦執 慮 先 爲者亦若是。」彼 也。 無苟羨焉。 而 登 中 于 行之,上文謂常 而得 詩》云: 岸。 顏子之心也 及矣。 也。 惟 岸 精 喻仁 帝 常 顔回 惟 顔 謂 惟 П , 允 之 文 日 聞 不 精 地 王 也 日 執 羨 「時 之 也 惟 厥 舜 舜

> 能 慮 無 不 繁師玄聞 咎,咎謂 及精, 思不 貢 過」也 董常賢,問 及睿 焉 慮 能 即 賈瓊 不 道 違 心 也 以 思 监 不違三月。 日 睿。 年 齿

傲者也 其幼達 年乎? 人 曰 : 瓊 日 師 日 「年均 「富與貴,是人之所欲,不以其道得之,不處 焉。 ),傲, 也。」達,謂達道。 「始冠矣。」年二十。 擇賢。」是則賢 達不在年齒。 夫子,謂文中子。 謂 未嘗服 人也。 瓊聞之,德不在年、《左傳 德爲上。道不在位 瓊 陳留王孝逸,先達之 然白 日 師玄曰:「 首北 「夫子十 也。」 面 つ」《語 贵 五. 吁 爲 以 1

及也; 子矣,夫子,謂文中子。 「學《詩》乎?」「學《禮》乎?」姚 禮 不及 志在斷 人有問 四 經 《樂》 姚 義:「孔 何 以 《春秋》斷物, 也? 和德,全 義 庭之法曰《詩 鯉 日 趨 而 而 過 嘗 志 後 庭。 定 聞 及 子 而 諸 也 日 後 夫

<sup>0</sup> 疏》改。 原 作 宋本作 據 换一。 影 明 本、 四 庫 本 及 阮 刻 毛 詩 注

②「欽」,四庫本及阮刻《毛詩注疏》作「歆」

夫教之以《詩》, 不永。 也。 性 以 事 乎 之以《禮》,則動容貌 聖人後之,言孔子不教鯉者,待其具而 命。 E 並 無 制 立 人,量其志行。 文中子言,姚義志之也。 志 斷 則達之以《 以 》象 樂》,於是 度其言,察其志,考其行 故 性與 輕 而 知 德。 然則《詩》《禮 知 《易》以 無以 不學《春秋》,無 義 能變;不變則斷 一天道 命則 和; 《書》以 通 志 合 不 窮 申 書》,於是乎 未定 爲 乎 理。 志定則發之以《春秋 則 學 元 理 之以《易》, 和 制 故 命 出 四者: 而 書》, 知 法,從事 何 斯立 辭 若驟 知 驟 命 贵 不 爲 以 氣 節 而 適 養蒙 非 而 主 而 無 斯遠 可 中。 ; 威嚴矣。 語 後 而 具 先 斷 於是 而 以 以 不 及 《樂》, 語《 之具 體 也?」 辯 後及 節 德 議 立 也 暴慢矣; 不學《 不能 其 則 後 全則 乎 春 制 制 蕩 耶 教之爾, 德。 也 則 ×, 秋 可 ; 此亦小 義曰: 理 ? 事無 導之 性 不 於是 喧 與 可 凡 事 至 德 從 或 則 盡 成 制 師 此 於 以

> 是也。 也。 舞文也 矣。」得六經之深,故能言此 四經也。 虚 敗 然後形 統,言六經也 玩。 《詩》《禮》,其 度 亶其深乎 物 是以 先成 德未 、遠謂 乎遠。 驟 而 全。 聖人知其必 教 遠 列之以次。 諸己,然後 語《易》, 亶 深奥。 取 己、近謂近取 驟 諸 其 而 物 也、若斷 子 深 語 則 聞 乎 然,故立之以宗, 備 次謂先《詩 書 玩 諸 之曰:「 神 諸 物、 身也,若 亶 則 物; 和 信 不 狎 行 知 出 也。 先 制 法 姚 辭 性 濟 法 洲而 氣 子 信 則 狎 乎 乎孔 窮 後 得 動 以 法 理 次之 容 近 神 之 是 爲

口。」有亮少識,必有太緩之過,有才少德,必有太淺之過。子曰:「識寡於亮,德輕於才,斯過也

舜乘 得 者; 有 也 君子之道則 ,有雖行得道 遇 堯 關 之者 治亂皆 子曰: 之類。 氏易傳 由 時 革 **∀** ∃ 窮 運 而 治 亨, 之, 遇 則同 達 亂 時 得 皆 「時 謂 不 小 也,而 由 運 湯 明者。 也者,係乎君天下者 人之道 時 革 也,有乘之者,有革之 然有 夏 乘之、革之異焉。 之類 時 則 行 則 時 非 ,而 是 塞。」有行 其 道 行之、 而 也。 窮 自 乘之,謂 達 之者 君天下 遇之異 窮于時 時

焉。 徒 自 偶 作 云 禍 孽、 吉 哉?」往來循環 自求多 N N 皆 偶 然者 命 る福 也 也 皆由 有 ,數有奇耦,人不能 人作之者也 作之者, 來 往,各 有 偶謂 偶 以 之者。 庸 數 人偶 至 貴、 作 謂

辭 矣。 以 治船伐盡。 對?」掌林麓之官何辭 遼東之役,天下治船。 麓,盧谷 反。 對帝 帝 省其 子曰: Щ 其 林 將 麓 何 盡

者謂 不知 道,賢 曰 五交』『三釁』, 道 我 惟 者當悟 或 使賢 心 不可對 兹五交,是生三 問 憂,不 者非耶 **^** 續 愚 知 因 我 者非 經 者 賦《 釁。」釁,許慎反。 ,吾將飾 劉 謂 耶,吾獨 黍 我何 薛 峻 離 亦 收、 求。」 》之卒章。 知言 誠 姚 入謂門 奈 以 義 之 請 哉 告子。 何 對 云: ? ; 孝 對 曰 愚者 之以 標 知 子 論 我

謂 也 忠 隱 非忠也。 乎? 房玄齡問 子 蓋讓美於君而已。 日 善 讓矣。」 則 稱 君 無 過 過 而 則 稱 稱 己 過 己, 是 可

賞 以勸 杜如 百 晦 罰 問 政。 以懲衆,夫爲 子曰: 推 爾 政而 誠 舉 何 有?! 爾 類

> 深乎! 未有 示賞百善之門,絶一佞媚,示罰衆惡之柄 人容其訐 過 此 賞罰 得 爲 ,雖太訐 政之要 在其 必容。 中,吾知 (者。 如 佞 晦 子爲政 人 出 杜 其 謂 矣。」 漸 竇 威 漸 容 猶 日 不 訐 可 讜 直

帝弑 號。 制 帝年號。 壽。」《元經》至隋開 而 止矣,不 公命,惟漢有之,不及魏 壽 立。 志、事不及太熙、《續書》君 文中子曰:「制、命不及黄 事不忍言,安所褒貶? 大業之際,其 叔 及惠 恬 帝。 日 : 皇 太 而止 熙, 何 事 惠 . 謂 矣,不及仁壽。 矣。 帝 忍容 也? 年 黄 號。 初,魏 言 志、 子 耶 褒 文帝 臣 初、《續書 仁壽 ? 泫 貶 事 ·」大業,煬 然 不 至 初 四 晉 即 及 日 年 太康 位 ·, 煬 》帝 1 年

易 義 田 曰 也 : 里 生 「仁生於歉, 一於豐, 賈 相 以 瓊問: 距 豐 思 雞 豐 歉,❶則 盈 犬 「富 則 相 義 歲 聞 爲 者 而 歉 教易。 制 則 教 宜 仁 至 之, 者 古 故 老 惻 何 富 者 死 隱。 謂 聖 不 而 歉,苦 也? 相 王 教 之,斯 在 往 簟 來。 反。 子

侯、卿、 何 如 飲 蓋 一時。 標枝, 食,不 哉 自 足 、大夫、 ? 五. 也 ·知蓋 典 蓋 下 ± 潜 如 上無爲、下自足故 解 五. 藏 野 者之服 上 Ŧi. 文 ; 鹿。 禮 「富 措,五 知 , 必 標 章明 校、野 羣居,不 是 以 · 曰 服 鹿,自 至治之代,謂 五. 也 不 知愛敬 章」。 章。 然分上下 天子、諸 E 知 也

復也。 《書》《禮》《樂》復 治 何 治 下 爾 下平,殷 爲虚設耶 朴 ,夫子之道行,則 亂 不可復」,是未 而 相 人存則道 賈 出出 子曰 失 夏 易, 瓊 在 厲 紂 桀 日 澆淳有 : 乎教。 承 散 承 董常 : 行,言亦易 之而 之 人能 文、景 淳灕 而 聞之,謂賈瓊 何爲哉?」若言經 知 由,由 解上文「人弘道 天下 弘 天下 所謂 先王之有化 爾。 朴 道 寧 散,其 上之所 荷 陂。 · 詐,成 而 昔 綏之斯 桓 舜、 得 陂,險 可歸 化 其 日 湯 靈 禹 行 : 也。 放 籍 也。 失。 繼 興衰資 乎? 其 來, 不 孔 桀 軌 如 能 日 動之 斯 孟 而 反 復古 而 太太 武 歸 云 則 天 天

> 斯 離 朴散之疑 和 乎 ? 孰 云 淳 朴 不 口 歸 哉 當 爲 決 淳

問: 焉? 竇威 歧路 人輕 者少矣。 則 「情」。 不 威而 「威與常 曰 子曰 疑其所行 而 亦二之義 子曰:「董 重常,故答以不 《易》曰 不 「大哉《易》之 遲 : 以 也何 也。 迴 也。」直、 者。 : 性 言情之惑性,如歧之惑路 直 如 常近之。」 制 知 路分二日 ? 情 方 方 者 大,不 子 盡 性性 鮮 百 性 也。 「岐」,性 : 矣。 近, 也 不習 習 門 不 庶 無 我 感 謂 知 幾 未 不 物 也 也 0 不 而 孰 利 見 疑 恐 能 動 惑 或 至 處 制 日

信。 屢 中 』」幾道 也。 子 Ĭ: 蓋 則 隱 「大雅 默 也 者 默 也 或 似 0 隱 幾 默 於 道 而 成 温 之, 大雅 不 或 幾 而 猶

詞 也 **% ^** 或問 Ŧi. 歸 柳 去 陶 先 來 元 生 **>** 亮。 有 傳 避 潜 則 地 字 幾 之心 元 於 亮。 閉 焉, 子 關 矣。」 潜 日 作 潜 歸 放 種 去 來 Ŧi.

❶ 「曰」,原作「白」,據影宋本改。

柳以自號。閉關,注見上。

而 慕 是 也。 是 子 也 天之道 忘大 和 樂者必有 大 也。」性與天道相合,故 怨 者 必 餘 有 樂,若 餘 怨 顔 能 若 口 如 舜 此 不 改 不 其 恕

此宗祀 公。 爲神」。 非 明。」周公曰 者 也 鬼 是故知鬼神之情狀。」鬼 識 都 易 神 他 神 非 爲 居 子 悉,盡, 也 於天 也。 他 神 子 大神 周 日 薛 吾 神 也 公其達 其 盡 收 得 而 也 也 而明之,存乎其 「不若旦 蓋 性 三才 之理 窮 大哉周 盡 乎? 近 者 氣 尊 : 理 我於天 則 乎 也。 爲 而 性 備 者 ? 多才多 敢 求 者,精 遠 焉。」 《易》曰 也,心思 公, 反己復 理 諸 問 之也 仲 人。」 也。 形 己 藝,能 遠 天、 氣之變也 尼 窮 氣 非 也 謂天 爲 性。 日 理 故 則 孟 精 爲 識 神、 盡 下 事 冥諸 子 理。 「鬼神之事, 則 己 氣爲物,游 卒 性 鬼,其天 以 鬼神。」 謂 不 故 則 歸之人。 識 祀 盡 能 人 故 能 日 心 心 神 禮 「氣 鬼 行 悉 故 **学**章 也 魂爲 接 其 變 故 爲 止 吾 本 何 乎 義 化 日 問 鬼 亦 中 者 於 同 謂 如 心 周 通

之稱。 焉 焉 形 非 氣 也; 之事業, 焉 薛 以 形也者,非 問 也 而 父與子,性 三者何先?」 而 地祇 祭禮 收 放故 止圓 也。」收曰:「敢問 ,示之以 不 已 非 方澤貴祭,察物 日 ·薦 子曰 止 以 止 [首方] 乾坤、 . 子 接 Ш 饗 人人一 思 蕩 易行乾坤 則有 曰 : ]]] 焉 : 敢 他 禮 民 過 蕩 之藴 足之謂 丘陵之謂 0 問 也 接 斯 至哉 半 同 主 子 此 ),骨肉之謂 地 焉 之中,故因三才之藴始 至 矣。」 蒼之謂 ,汝思之乎?」於是收 其義 焉 日 既 哉 祇 乎 推 也。 葬 類 ? 此 盤,潔, 問問 三才之蕴 鬼 則祭 也; 大禘 也 也 員 三才取其 於 既 也 百 , 丘 才不 于 人鬼 貴敬 聞天、神、 人者 宗 也。 夫天 古一祇 物 地 尚 地 廟 生 也。 下 蓋 也 ? 相 祀 氣 骨 者, 者 也 字 焉 用 統 引 肉屬 古者 離 人、鬼 形、 盤,古 饗 藴者,精 示 觀 元 統 而 統 收 萬 忧 識 旁 識 士。 神 元 懷 敬 曰 觀 不止 元 作 類 緩 故 形 精 民 氣 故 反。 盤 道 而 形 之 奥 V

有之矣。」譏時。不己親,好疑尚詐,而患人之不己信。則悉,賤勇力。」子曰:「棄德背義,而患人之義,賤勇力。」子曰:「賴以觀德,今亡矣。古人貴仁子曰:「射以觀德,今亡矣。古人貴仁

畿當世尚力不知義者。 一子曰:「君子服仲尼,中心悦而誠服也。]服人之言,不服人之身。此其次也。服人之身,力加言,不服人之身。此其次也。服人之身,力加言,不服人之身。此其次也。服人之言,是可:「君子服人之心,不服人之言;

《詩》亡則《春秋》作。《元經》何以不興乎?」之矣。《續詩》有政化。《元經》何以不興乎?」晉惠帝。烏乎! 索化列之以政,則蕃君比晉王。后:「太熙之後,天子所存者號爾。

士失 夫子 子産、叔向。 夫子之徒歟? 修之;若桓、文。諸侯失道,則 道 何營營乎?」嗟師 房玄齡謂薛收曰: 則 大夫 庶 人修之。若董 不知道。 失道,則 勤。 「道之不 天子失道,則諸侯 士修之,若孔、孟。 薛收 仲舒居家推災 大夫修之,若 行也必矣, 曰:「子非

> 也。」 乎?」乃知營營非止身而已,繼時之道當遠大。 注: 往 濫 繼孔子,其適時一也。 行,失時 而不墜也,古者謂之繼時。若孔子繼周公,孟子 修之之道,從 一,子寧不嗣音。』《子衿》篇 濫調 「嗣,續 玄齡 不 則 也。」音謂 荷 惕 蟠 干 然 師 禄 謝 蟠,屈。 絃 棄 無常 曰 : 《詩》不 誦。 道。 如之何 死 一其 此先王之道 誨 而 云乎: 而 ,刺亂世 行 後 不 也 以 己。 倦 如 學校不修也。 不 是 行 縦 所 得 窮 之 我 以 時 而 而 遠 續 廢 則 不

中說卷第九

## 中説卷第十

關朗篇

阮逸注

文没 魏之不振有 而 或 問 宣 武 關 由哉 朗。 立,穆公死 ! 」國不振,由賢 子 日 : 關 魏之賢 朗 退。 人不用。 人人也。 並 注見 上。

曰 : 退,謂薛收曰 夷交侵,斯 「請聞其説。」子曰:「《小雅 子 · 日: 「· 中 中國 : 或 時 失道 失 可 道 知矣。」時煬帝失道可 也。 四 非其説 夷 知 之。」 参盡 乎?」 廢, 魏 知。 徵 徵 四

也。 詩, 乃問今民何不作詩。 職詩者之罪也。」職詩謂史官,不明變。 情 薛收問 性 能 亡乎? 曰:「今之民胡無詩?」因 子曰: 情不亡,詩不廢。 「詩者,民之情 非 民 聞 無 性 古

> 己乎? 請 哉 子曰:「君子周急不繼富。」❶蓋非冉子 儒有難進易退,姚義發明於我 實行古之道矣。 ,猶以 窶也 姚 盍 義 吾不願。」子聞之曰 爲捨讓也,古冉子爲公西赤之母請粟,孔 木 請 於 乎?! 窶。 有以發我 姚 窶, 義 貧。 曰:「古之人爲人 也, 房玄龄 棄讓也。 難進易退。」 確哉 曰 義也, 況爲 傷

當仁 三品。 字叔玠 哉?」有何德以當叔父之求學。 筮矣,事 不讓 王珪從子求《續 入閣 ,子之從叔,太宗朝爲諫 在 使 於師 《關 諫 朗 臣 傳》。 隨 況 之,自 無 積 經 師乎? 亂之後,當生大賢。 珪 **%** 議。 始 也。 珪 子曰 多 曰 : 直言 吾聞 通 : 何 勿 ,勑中書門下 叔父,珪 德 關朗之 辭也。 以

- ●「急」,原作「給」,據影明本、四庫本改。
- ❷ 「謂」,原作「胃」,據影宋本、四庫本改

得中。

子

動失之繁,静失之寡。」不

者、非子誰歟?」珪言直、故舉「吾族」。世習禮樂、莫若吾族、天未亡道、振斯文

我,必 法。 噫 益 苟 1 ? 其 IE 魏徵問 也 其本,刑將措焉; 中代之道 故至治之代, 次 無訟乎 犯 而 , T. 不繁,三代。 議 也。 事 此仲尼之志 法 商周已後 以 懸 制 如 而 失其道 何 爲 故 不 如 中 犯。 議 ? 代 事 議 畫 子 如有 以 衣 之 冠 制 用 何

道

成

卒不悔,悲夫!」隋文過亢不知,故及弑。 文中子曰:「平陳之後,龍德亢矣。 而

曆 黄初 而 南 命 數 特 北 禮 前 況 斷 振之也 樂則 著 子 歸 南 太熙乎? 百 乎 北 北 朝 朝。 述 尊中國 「吾於《續書》《元經》也 章、志 以 感帝 詩》《書 然 後 魏孝文皇始年都洛陽,得 **元經** 制 ,樂章、禮 而 》亡然後 》首於太熙者 正 而 首 皇始。」 太 **元** 志。 熙 經 晉 正 一蓋感 》作,皆天 書帝 宋卒 曆 中 帝 數 制 其 或 不 制 尚 則 知 也 振 命 之絶 不 則 也 斷 天 及

> 辱 大 於多 莫 大於不 子 一言,言 日 知耻。」自得 不以中 罪 莫 大於好 痛 莫 大 進 於不 進 不 聞 以 道 過 自 禍

也。」此周制。 人,始封之土。 知治而受職,齒胄學古。 古之人,始封之土。 知治而受職,齒胄學古。 古之子,合冠而議封,年二十

隳, 翾 中 子。 綱 規 薛 衆目 反。 子 收 日 問 不 張 政 知 「子光得之矣。」得爲政 於 其 弛 仲 政 長 機 也 子 ]。」隱 9 萬 光 事 者 隳。 言 子 放。 光 引 以之要也 日 收 古 告 語 文 舉

此,雖 義、起 也 兼 秦廢井 聖人復生 子 并,爲苟 Ė 田 人人不 難 開 且 矣。 之道 阡 陌 里居, 意在 雖 舜 徙 地 豪 禹 不 傑 不 井受,終荷 强 能 本 理 或 矣。」 然 棄 道 如 禮

若 之 際 緩 其 ,緩 子 猜 日 寬 : 也 也 「政猛 一寧信。 獄繁寧若簡 寧若恩,先恩臨之。 並 譏時 執 簡 其 不 中 滋 彰 者 法 惟 谏 臣 盛

聖人之道不難

知,

能

行上

四 事

則執中

矣。

右 古謂之蛇豕之政。 止,姦之府也。」隋由 道喪自秦始 相疑,非亂乎? 子曰:「委任 不 此亡。 噫 ! 上下相伺,非姦乎? ,亂之媒 裴晞聞之曰:「 亡秦之罪也。」言 也 監察不 左

其心 視,非 顏 退 尼言仁。 又問「道之旨」。子曰:「非禮勿動,非禮 藏 之,故謂 人得以 曰:「《易》之興 用 氏知之矣。」知聖人道大,不可以語 時命大謬則 「敢問藏之之説。」子曰: ,中古之事也。」演卦,顯 杜 禮勿聽。」淹曰:「此仁者之目 如 可 子曰:「 一淹問 隱。」紂疑文王,則文王隱。 晦 以 之退 İ 神 隱。 會 藏 道在 也,天下其 隱 子曰:「 於 瞻之在前,忽然 難 其 密。」 以 其中矣。」道在仁中。 へ德矣。 事 有 非伏 求。 也。 可 道 疑乎? 謂 子曰 「泯其 惟 其 斯其 就拘,藏 言執 聖 有 身 在 人。 : 也 道 後 説 而 [也。]仲 迹,閟 也 杜 者 也 顯 故 不 90 勿 仁 能 見 淹 淹 淹

> 矣。 官不 其兩漢之制乎? 下,終危邦也。 下者,誠亂也已。」制度不 生民 職, 文中子 不復得 九服 識 不 : 忠、敬、文相循之法。 也。 四四 序, 七制。 民 皇 不以三代之法 不分,五等不建 ·立則 墳 不以 亂 帝 兩 典 漢之制輔 如不得已, 不 得 統 而 , 天 識

千載 年。 逸《 必有 敢廢。 何 文,不用其道 勤 詩 聖人 2 勤 而 藨 文中子曰: 儒職在 於 出,能用之。 不 悲 譬如農 驕反。 述也?」子曰:「先師之職也,不 用,悲夫!」六經示後, · 可 祖述。 悲惜。 夫, 方本反。 是 『是藨是蓘,則有豐年。』」 仲尼之述,廣大 焉知後之不能用也? 仇璋 藨 是 蓘 進曰:「然夫子 雖 有 而後世 飢 饉 悉 備 但 必 有 習 今 後 歷 空

作

<sup>0</sup> 生民不復 原 原 作「豊」 得 文 而 識 據影宋本、 也。 影 此 明 本、 四 明 庫 本改。 四

始 其 退,公其心,私其迹,此周公之事也。 者也,故仲尼宗之。 祖 天 周 亂 壽 然者,吾庶 几 其名。』先人,謂 人有言 始、正其名。 介命。 木德,漢 偉之而 代之法 南 也 》者也。」《正始》、《策》首篇名。 無真 子 北 時乘 開 朝 謂 火 主 僞 皇 不 德 薛 御 四 幾乎周公之事 亂 改 能 開 故《十二策》何 代,謂 隋 天。 敬 收 相 仁 銅 當爲 皇 用 繼。 其 敬其事,大其始,❶攝位 壽 日 III 千 府 九 北 事 : 偉其 土 必紹 朝魏 載 君。 載 一德。 「元魏 者 陛 人始 文而 大其 此吾 下 周、齊,南 時,不 周、漢。 色尚黄 已,不用 真 矣。 己 始 先? 文中子謂隋 所 帝 降,天 0 可 朝陳 以 周 慎 平 也 數 公、聖 其 失 建 則 陳 其 必先《正 道 也。 土襲 進 用 也 無 議 位 正 正 Ŧī. 一人之時 祖 引。」高 所 以 踵 於 無 者 名則 必 乘 僞 主 IF. 敬

不 胡 儉 寧是營?」永 無 魏永爲龍 子聞之日 以 爲 人上· 門令、永、未見。 遽 : 也。」終戒之。 止 非所先 以 謝 子。 也 子曰 下 勞人逸己, 車 而 廣

> 徴受《 博、杜如 元備聞《六經》之義。 詩》,叔恬受《元經》,董常、仇 門人 書 晦  $\approx$ 竇 李靖 陳 威 叔達受《樂》, 賈 薛 瓊、 《中説 方 姚 士 》終 義 受《禮 裴 杜 璋、 淹、 晞、 薛收、程 房 王 珪 温 受 魏 彦

《中説》之後也。③ 經》 别 凝常聞: 有 説,故著之。 不專《經》者,不 此太原 府 敢 君 王 以 凝 自 記 也 於

子 可使文中之後後裔 文中子之教不 而教之「畧例」焉。 太 原 府 君 曰 : 可 不 稱 《續經 不達 · 宣 府 也 君 》畧例 于 者, 兹 日 凝 也。」母召 月 子 逝 所 矣, 記 也

公服 太原 不見,閨門之内 府君曰 凝,當 芸朝 居 廷 慄 焉。 如 也。 昔文中 子 弟 非

②「舍」,原作「焓」,據影宋本、影 「大」,原作「太」,據影宋本改。

③ 「於」、原作「自」、據四庫本改。
② 「舍」、原作「啥」、據影宋本、影明本、四庫本改。

<sup>4 「</sup>使」,原作「便」,據影宋本、四庫本改。

之室。 禄,未 朴 畜備 正家 淹不協 加 及 志於 隋置 爲御 焉。 以君集有大功,未之信。 府 無 公服 物 無 君 爲 時 縣 史大夫,❶王 焉 以 貞觀 ,則散之親族。 君 再 無 名。 而 與 無 嘗 賢 費 : 遂 之心。 禮器 四 荷 人 王凝貶 拜 者 求 衣 退。 天 日 今屬 禮 無 中, 亂 不款 食。 下 飽 苟 凝 也 隸 不 御 也。」 凝爲監 及 出 起家 天下 冠,婚,喪, 州。 也 費 假 家 曲 力,謂 胡 謹 蘇令。 禮 事 也。」 以 稱其 不 布 一受教。」: 及 鄉 監 察,②上言侯君集有反狀。 而 權 寡嫂 皆 九年 自耕桑者。 可 四 被 退, 長 ·受遺。 察 自 讜 則 門 胡 矣。」 教: 孫 有 耕 足。 正 御 蘇 未 則 以 祭。 無 巷 所儲 + 誣 史,劾 非 出 忌 漢 鄉 恭 勤 垣 果 居 爲 年 其 與君 而 禮 東莞縣 非 畜。 士禮。 黨 順著。 胡蘇 屋 木 家 可 税 其 不 儉, 以 食之禮 集 奏侯 什 聖人之書 與 必 易 不 令。 力, 動 有胡 善,乃與 穆 物 恭 三年之 立 肉 方 文中 時 非 必 君 終 矣 蘇 太宗 不 杜 無 堅 其 身 集 淹

> 常 經。 毁,吾不忍也。」 羣居 再 有不可 輸 親 朋 臨 官計 犯之色,故 有 非 日 義 受 者 俸。 小 縱 必 人遠 正之, 言,未嘗及 年 踰 一焉 티 : 七十 面 手 譽 不 背背 輟

八四

塞 此 何 道,聖人述而藏之。 君 之斯 矣。 往 日 不 :「王公大人最 杜 利 爲 天下有道 淹日 也? 淵 焉 聖 升 續經》其行乎?」太 則雲, 急 人推 所謂 也,先王之道, 施 流 而行之; 則 之 雨 斯 爲 潜 天 ]1] 則 下 布 原 無 在 府

矣。 仇 《六經》 以 傷 早 河 嗚 殁 太 汾 益 原 之教爲 呼 而 府 程 明 君曰 薛 長 以 對 孫 問問 俟 繼 無忌所 : 之作, 來 「夫子得程、仇、 殂,文中子之教其 哲。」此 抑 四生之力 魏等不 並 隱 其 能 意,肆 振 也。 董 之也 未 薛 其 而

<sup>■ 「</sup>時」,原作「特」,據影宋本、四庫本改。

<sup>◎ 「</sup>凝」,原作「疑」,據影明本、四庫本改。下「王凝.

故

次之以《立命篇》。

通

性

命

之説者,非

既

爕,則理性達矣。

窮理

盡

性

以以

至於命,

夫陰陽

理爲大,

者,教化之原也。教化莫大乎禮樂,故次 篇》爲首。古先聖王,俯 惟魏相有焉,故次之以《魏相篇》。 次之以《述史篇》。 之以《禮樂篇 蓋神乎《易》中,故次之以《問易篇》。 如周公,故次之以《周公篇》。 立矣,故次之以《事君篇》。 德,故次之以《天地篇 叙 文中子之教,繼素王之道,故以《 篇 禮樂彌文,著明則史,故 興文立制,變 **%** 

天尊

地

卑,君臣

事

君法天,莫

周公之道,

《易》

仰二

儀,必合

其

王

道

八六

#### 文中子世家

杜 淹 撰

軍旅 博 法,即 謨以 可 功 顯。 資。 難,遂東遷焉。 家 統》,公府辟不就。 君 子祁, 以 業 + 霸 荷 兄 不 將畧升,玄則 秀生二子,長 十四代 ,潔身不仕 文中子王 文中子六代祖 處 可 常歎曰:「先君所貴者禮樂,不 何爲哉?」遂究道德,考經籍 以《春秋》《周易》訓 也,故終爲博士。 以 小成 祖述,克播前烈,●著《春 氏 寓生罕,罕生秀,皆以 也 諱 十八代祖 日 故 以 通 九代祖 也, 仕宋, 歷太 玄謨,次日 儒 字字 卒爲洪 術 仲 曰 : 進。 寓, 殷,雲中太守, 淹 鄉 儒 遭愍、 里,爲子 玄 「玄則 先師 其 則 僕 卿 先 - 學者 字 文學 秋 相 國 懷 漢 彦 謂 玄 之 孫 徵

> 奏,帝 不盡 容謂 家新 隋開 教朕?」府 君 子之父也。 安康獻公生銅 穆公」。 魏,太和中爲 先生生 也 陛 王先 0 下 帝默然曰:「先生,朕之陸賈 皇初,以國子博士待詔雲龍門。 稽 有揖 府 稱善、然未 聰明 生業」。 可墜。」故 君 古。 江州 生 穆 讓之事 曰:「朕 君 神武 公 濟 雖 傳先生之業,教授門人千餘 府君 承 并州 生 州 ]1] 負 於是大稱 詔 江 同 刺 方以恭 甚達 府 堯 得之於天; 焕,焕 刺史,家河、汾,曰 何 左號王先生,受其 州 史,一 君,諱隆,字伯高,文中 舜之姿,終以不 如 刺 也。 興衰要論》七篇 主也?」府君 史彦, 曰 生虬。 儒門, 儉定天下。 曰「安康 府君 發號 世濟 出 虬 也。 爲 獻 同 始 施令, 一晉 厥 學 昌 何以 州 北 帝 時 道 從 陽 每 或 府 事 E

<sup>■「</sup>烈」,原作「列」,據影宋本、四庫本社

邦,行 府 振 州 殷 何爲 王矣。 色 江 通 化 獻公曰:「素王之卦也 事,文 東平 君 筮之, 爲天 宴 此,何常之有? 無定主 以 曰 天 不 下 異之, 下 而 居 一人勞 苟且之政, 猗 數 之志。」 雖 通聞 中 歌《伐木》, 也也。 遇「坤」之「 氏 ,上德 乎?」文中子侍側, 銅川 百 有 開 日 於 子 年 皇 君 古之爲 銅 再 聚 上失其 ', ① 四 府君歎曰 遂名之日 德 四 111 斂 拜受之。 而 其 故 非 年 所 居 然 而 夫子之歎 師」,獻 魏、晉 邦,有長久之策,故夏、 而召文中子。 海 下 其 天 乎 文 道 治 常 位 下 「王道 中 民散 時 著 何 通」。 十八年 將 以 乎 子 兆 稱 能 爲 遂告以 統 下 ? 蓋憂皇綱 亂 始 十歲矣,有憂 以 于 而 也。 久 . 數百 乎? 衆 生 開皇九 安 無 秩 來 是子 矣; 康 叙 滿 **元** 正 ? 子矍 銅 後之爲 銅 年, 獻 退 銅 必 111 可 地 111 經 年 歸 彼 下 府 111 府

> 策。 用 不 來 帝 然 其 汲 問 翔 成 曰 再 人,考《 悦 下 、精志 也 坐 者 拜 有 而 書》於東海 作《東 於指 尊 後 太 濟 也 以以 爾 時 廢 王 如此。 易》於族父仲華。 極 蒼 ·, 集。」文 於 敢 將 久 來 生 道 掌 殿 生 河 矣。 問夫子之志 一賜 有 在三之義, 征 推 自天子 矣。 之心 召 東 蕭 朕 二》之歌 仁壽三年,文中子冠矣。 中子 見,因 然何常之 李育,學《 墻 霸 關 也 帝 之釁。 畧,稽今驗古, 一。」下其議 子 至 西 於是 而 大悦, 明,正《樂》於北 遊 庶 奏《太平策》 師 何 歸。 長安,見隋文帝 謂 詩》於會稽夏 不 有 居 有 文中子知謀 日 也 曰: 四 ? 未 一:「得 於 解 ? 方之志。 焉; 有 公卿 衣者六 小子勉 恢 我 不 銅 十有 生 恢 道 資 思 111 幾 之 喪 或 乎 友 府 歲, 旃 卿 運 慨 晚 己 而 君

<sup>) 「</sup>夏」,原作「憂」,據影宋本、四庫本改。

❷ 「資」,原作「朋」,據影明本、四庫本改

八

義、京 禮樂, 乎? 竇威 大就 徵 鉅 唐 四 事 兮, 天子錫之地,始家于河、汾,故有墳隴 穆公始事 也,家于祁。 再徵之,不至。 翅 遂懷古人之心兮,❶將興太平之基。 代 東歸。 變兮, 鹿 氏 又不至,辭以 魏徵、 之遺 矣。 河 兆 修《元經》,讚《易》道 退 遊 門 階 志 志乖願 東 杜 人自 京 皇之不斷兮,勞身西飛。」帝聞 兹土也,其 風,先君之所懷也。 魏,魏、周之際,有大功 其道 薛 淹 太原温大 畿 撮 收 永嘉之亂,蓋 遠 如 趙 四年,帝崩。 而 疾。 違。 中 忽 郡 也。 而 已。」乃 逢 李 至 Ш 雅 吁嗟道之不 人憂深思遠,乃 道之不行,欲 謂所親 一賈瓊、 帝 、潁川 河  $\Xi$ 南 南 續《詩》《書》,正 ,九年而《六經》 兮, 東遷焉。 董 清 陽 大業元年 陳 曰:「我 常、太 程 降 河 有 叔 弊廬 行兮, 禮 房 元、扶 於生 達等,咸 玄龄、 安之 布 高 時 Щ 有 周 於 在 衣 陶 姚 兹 祖 異 垂 而

> 修元 永厥 署蜀 興於 命,曰 以 仲尼已來,未之有也。 弟子數百 有 下亂,莫予宗之,故續《詩》《書》,正禮樂, 子博士徵 不 稱 易》曰:『黄裳元吉, 文中子』。」絲麻設位,哀以送之。 昭 疾, 可 師 龄? 德; 郡司 事畢矣。 河、汾 勝 北 經》, 『歸休乎 召薛收 數 面 死有謚 户 人會議曰: 受王 吾不起矣。」寢 讚《易》道。 並不至。 不就。 謂 雍 仲 佐 餘 所 曰 : !』 始夫子 如 之道 尼 也。 既 以 + 十三年,江 文在 吾夢 吾師其至人乎 易名。 焉。 禮,男子生有字,所 没,文不在 聖人之大旨、天下 隋 大業 年, 疾 季,文中 中 顔 召 如 以 十年,尚 也。」請證 夫子生當天 我 П 往 日 都難 著 稱 也 來 而 作 兹 子 孔 受 終。 禮 郎、 子之 之 乎 業 何 或

少曰福畤。●

少曰福畤。●

少曰福畤。●

「時」,原作「時」,據影宋本、影明本、四庫本改。

八九

## 録唐太宗與房魏論禮樂事

亡,而 然非 樂。』徵于時有不平之色,文中子笑曰:『久 子,謂徵及房、杜等曰: 魏公曰:「大業之際,徵也嘗與 語 文公有疾 行 朕 議 臨 中夜一 于 自 時,後 未嘗 事 董、薛、程、仇之比,雖 大 徴 處蕃邸 當 唐 而 也、房、李、温、 () 仲父 龍 不 歎。 進 自知 飛 參預焉 及當宸 君 宇 太 子 太 之。』及貞觀之始,諸 ,鮮克知之。 原 原 内樂業。 極 府 府 上 『先輩 君 杜 君 卿等每 臨 問 曰 獲 逢 軒 文 候 攀 明 雖 謂 中子 諸賢侍文中 龍 何 貞 進 王 聰 鱗, 歎 諫 觀 明 之教 必 留 臣 特達 也? 中, 正 賢 愧 宿 朝 日 色 皆 禮 廷 宴 魏 未

擇 後 節 裁 之化 當? 墳 越 郁 秦漢 宴。 於聞 三皇 咸云 獨 公無敢對者。 詔 更造 之策 遺 制具焉。 ; 席 舞 乎 前代憲章, 斷 蹈 空 酒 義 而 不 嘉 文哉 亦 詩》《書》,仲尼 已下,不 談談 卿 對 讚揚 方行,上曰:『設法施化,貴在經久。 則 足 言 審 等悉 帝 聞 餘 日 服 四,五 矣。 良 典, 義, 其 荀、孟 : 策, 帝德。 陳之,無有 説。 發明 心 庶幾乎古人矣。 足 『夏殷之禮,既 吾 徵在下 則 雖 可 以對,不 帝 患 襲 從 舉 非 德 孔子 陳之於 王道 人 不 所述。 也 周 駑 非 而 上曰:『止。』引羣公内 足六。 三代 主 坐、爲房、杜 劣 行。 徇 口:「周 不 所隱。』房、杜等奉 則 患不行。』是 齊, 所 前 周 行 雖 臣 若 能 董 損 不 明 朕 禮 緇 陛 請 議 諸公若有 可詳; 益 謝 賈 監二代, 誠 若 紀 》,公旦 以 下 及 所 濬 虚 行 頹 伸之 何者 重張 周 也 缺 哲 薄, 時 忠 長 於 郁 敬 所 羣 爲 然 因 至 則 而

名實 卿等, 言,而 力就 憫之。 昔漢章帝眷眷於張純,今朕 也。 乎 也。 日,卒不能定,而 公等可盡 封 或 不及,强希 俱 所 非 尊 ! 經 建,不肉 施 陛下不能行,蓋 然漢 師 列。 首 大《易》之義,隨 』良久,謂徵 野,設官 行 閑宴之次 有志 光武 篇 儒 若能一 文以 云 慮之。」因 大道 不就,古 風 責 刑, : 大 大 分職 成 清 「惟 而 學。 朕 , 一行之,誠朕所願。 謂徵 委 静 徴 畫 欲 昨 王 9 富 吏, 臣 虎 尋 詔 時 行 陛 建 夜 邦家; 『朕思之,不井田 曰 以 等無素業爾 不 攸 請 宿 順人;周 周 日 功 下 或 讀 爲 . 悲。」 成, 退。 中 禮 臣 明 公之道,不 又 辨方 周 書省 孝宣以 獲 德 爲 極。」③誠 召 壞樂崩 徴 禮 上 全 ; 將 獨 房 任有言, IE. 雖 跪 **>** 會 茂 來 肅 急 位 章 不 議 真 奏 杜 何 所笑。 朕 宗 可 復 程 急 如 哉 聖 愧 日 及 得 於 甚 或 重 練 如 揚 陳 深

> 也 子 至 禮樂賜 與 杜 行 才 所 雖 有 9 九 此 等並 不 公 以 休 焉 + 年 足 竭 遑 大 勿 慮晚 雖 -,授余 叙其 子,良 慙 休, 噫 以 力 遑 未 ②慄,再? 望 輔 也。 1 也 則 冠 事 陛 或 有 !上日 以《 禮樂度數 丁,時貞 魏 有 卿 ,然言及禮樂, 下清光矣。 拜 以 代 公薨, 元 中 退,無 也。 而 首, 説 觀 出 亦 『時難 二十年九月記。 ?,徐思: 向 千 無 太 有後 房謂 又以 . 使 載 股 原 昔 董 肱 府 言。」 其宜 得 徵 魏公之言告 則 文中子 不 、薛在, 君哭之慟。 而 日 非 徴與房、 易失,朕 無 : 「玄龄 命 惟 可 不 適 化 世 陛 歎

<sup>● 「</sup>辨」,原作「辨」,據四庫本改

<sup>) 「</sup>官」,原作「官」,據影宋本、影明本、四庫本改。

<sup>「</sup>人」,避唐太宗李世民諱。按今本《周禮》作「民」

## 東皋子答陳尚書書

王福時 撰

矣。 者,得申 之,陳公亦避太尉 尉 君 貞 弟 書遺季父,深言 集,事 觀 與 御 也 史》,季父 「亡兄昔與諸 僕與仲兄侍 周之後 杜公有隙,而 季父與陳 史大夫,密奏仲父直 初 東 棄官 皋 其 連長 仲父 先 道 不 生 也。 則 孫 持 太 仕 諱 尚 太尉 原 《文中子世 側 儒業不 耕 世 績 書 之 公遊,其言皇 懃 府 王氏 習 頗聞. 叔 懇。 權 于東皋, 字 由是 君爲監察御 禮 達 無 墜。 兄弟皆 藏 大義。亡兄曰 相 言 季父答書, 功 獲罪。 而未 非 家 善 其 自號 文 辜。 , **>** 天乎 孫 陳 中子 抑 王之道 與 出 史, 東皋子。 陳 於是 而 遇 之季 其 公 重 畧 撰 用 其 編 太 重 淹

> 時,無 行。 者 乎 幸 退 是 御 家》寄去, 事 願記亡 而 言其樸 將啓之。 天 忘之。』及仲兄 己。 半在 ? , 見 前 朝 乎 史當反其坐; 默然。 嗟 爲 稍 太尉。 僕今耕 兄之言, 乎 多言 廊 解 然念先文中 一勢以 忠, 時 廟 徴 ! 魏 餘 太 、《續經》及《中 然杜 其後 也 足下 于 見 託 魏公曰:『 文 尉 出 在 爣 窮 庶幾 公對 其 野 果實耶、太 聞 與仲父抗志 福 胡蘇令,杜大夫嘗於 逢 君集果誅 迹,没 乎 有 知心者,顧 之怒。 之述作 郊 明主 ? 不 年矣,無一 面 墜、足矣。 : 君集、 抑 一, 願 悉 -説》未 :,門人 夫 而魏 天 尉 東皋,醉 且 其 翼 子 之事 寔 不 何 意。 僕 其 有 屈,魏 言 未啓 疑焉?』 公適 吾 傳受 及 何 謹 果虚 道, 後 家豊 以 幸 講 爲 醒 裨 升 其 公 上 無 哉 自 求 亦 於 道 世 敢 而 適

●「寄」,原作「既」,據影宋本改。

## 録關子明事

公府記 道 朕 入言 公謂 大器 帝 歎 諷 和 微言 末, 帝 問《老》《 以 謂 于 妙妙 慈 1 日 關 之器 余五 穆 室。 孝文帝 :「足下奇才也 算小道 深,始非 朗 儉 極 公日 爲 易 占算 字 代 穆公與 豈 本, : 子 祖 帝日 ,不之見 先 朗 彝、祚 浮 穆 明 飾 算 寄 公 生 沈 之 談《易》, 河 : 發 而 封 知 以 能 鄉 不 東 爾。」穆公日 明 張 已?」穆公再 晉 人矣。 盡 里,不求官 刑 解 玄宗,實陳 彝 口 陽 識 政 人 各 使天子不識。」 尚 也。」 郭祚當言之, 禮 也 相 書 昨 樂。 歎 詔 見子 署 達 服 有 此 見之。 王道 拜 經 朗 太 穆 爲 濟

之意 之潜 之。 奇之, 也。 蕭 聞 子 謁 日 公 虚 書郎,遷 太 在 日 明 引見 故故 和 陛 : 心 氏 江 「大安 策也 納之。 帝 既 受禪 左 隨 而 三年也。 下 共 穆公《易》筮往 日 經制 北 也,不平袁粲之死 嘉 伊 三王 論 給 際暮 穆公出 遊 而 四 臣 尹 謀 事 道 遷 又 河 不立,從容閑宴,多 載 穆公北 負 且 主 黄 長 而 佐才也。」太和 薦 東, 時穆公春 以 都 鼎 微 門侍 與 感 策 出 關 鎮 究治 雒 卿 遇 勿 臣始 人莫之知, 并 子明 邑, 奔, 就 成湯,今子 郎。 往 會 州 體。」 慮 自 成《筮 如 進 生。」蓋宋大明二 帝 即 秋 不 有 帝 神。 以謂孝文 軍 有 用 齊 五 穆公 行 恥 所 或 亦 建 烏 論 王 八年,徵 十二矣,奏事 惟 大議 敬 食齊粟。 先是穆公之 明 大 肅 元元 丸之役, 所奏議  $\gg$ ° 與與 朕 盧 假 服 陽 後 南 既 由 有 馳 朗 占 年 烏 驛 宜 穆 康 爲 而 算 征 謂 年 穆 帝 世 祕 深 魏 故 勑 任 頫 而

九

則 掖 從 以 子明 之思。 有 府 卦,遇夬 世 明 洛 四 日 相 彦 今甲 異 君 桓、文之舉也 可 百年爲斷。」府君曰:「諾。」於是揲 年 踰 E 而 賀 聞治 「彦誠 日 : 氣 知 歎 日 蕃 同 申 焉 : 子明聞之日 春 日: 八之革。 樂則 臣 亂損 州 十四 「占算幽微 而 願先生以 其 秋》及《易》,共 秉 悲先君與先生有 干 府 薨 若 當當 政 益 載 行 君 出 安 兑 各 今大 之, 服 其在 世伏 朗 如不 出? 時 歲戊申大 闋, :「何聲之悲乎? 筮 以 遂 憂則 多則 上 也 運 其 乾 數 以 不 援 ್ರಿ 并 朗 下。 强。 道 不 至。 爲決之, 違 琴 仕 隱 俄 之郊 有 日 過一 ,臣主俱屠 亂 之。」府 志 切 兑 臨 惑。 帝 若 苟 「參代之墟 同 不 切 汾 崩 乎? 推其 用 再 上 就 州 而 然 請 Ш 之以 何如 離下。 傳 禍 也。」子 府 命蓍卦 有 穆 運 府 爾。 地 始宫 耆 府 憂 景 日 道 ? 君 布 白 捨 君 時 明 歸

之所 大賢大聖,不 東 必 朗 後 德 也。」 賢 乎? 可 俗,其弊也 歲 起 刻 0 南,中國 如 布 須武定。 而 有 廢 乎 何? 扶 衣 府君 朗 用 此 朗 ? 「必在西北。 詐 之, 而併六合。」府君 孰 日 雄 權 日 剽 之 能 朗曰:「辛丑之歲,有恭儉之主, : 舉 不 朗 恐 且. :「何國先亡?」 始 舊 則 興 可 振 而 不 我 西北, 西 主 之?」府 於甲寅,卒於庚子,天 舊者先亡也。」府 中 卒 : 能 隙 北之俗,其興 蒼 原 也 遇。 彼 平大亂者未可 成 東 生 用武 分 0 動 南 何 中 能 能 府 曰:「其東 運 君 之國 國之 府 屬 終 君 曆, ?? 無 君 其 朗曰:「 曰 成 廢 也。 不 也 運 乎 君 久矣。 東南之歲 勃。 「請 明 以文治, 南乎?」 日 東南 各 三百。 日 又況 不 之 刻 能 之 其 其 無 成 2

<sup>「</sup>一」,原作「二」,據四庫本改。

<sup>「</sup>明」,原無。未有稱關朗爲子者,據上下文補「明」字

過 帝、三 興,其 朗 故 也 者 庚 几 朗 理 軍 矣。 베 當當 六十六矣,達者當 子 ,天之道 生 王 地 晚 日 己 後,必 然 白 道 孔子 焉 節 至今八十四 王之化復 道 酉 乾 末路, 也。」府君 矣,苛化虐 不 六十六,引 辛 何 若 江 能亡 百 行其 坤之 謂 丑. 有凶 也 已降,天下 何? 東 文文王 亡也? 明 有桀紂 其 也。」 典禮,此三才、五常之所 策, 王 噫 年」, 矣。 危 日 年, 朗 ! 政 當 乎 : 而 陰陽之數, 府君 既没,文不在兹乎? 日 若 積亂之後,必 ? 興 之主出 ,其窮必酷。 生。 更八 「先王之道竟亡乎? 夫明 無 伸 朗 非 聞 之不 真 定 府 其 設有 十 二 更十 之, 王 主 : 君 天 焉。 道 久曠,必 「請 過 先聖 日 下 故 推 八 年 始 則終驕 者 推 黄 先王之道 而 年 丙 有 有 故曰 白 與 其 行 明 不 初 申 卒 午 M 之 有 卦 數。 出 元 王 冗 達 繋 年 既 九

> 賢 此 治 何 者 而 則 象 每 過 也 尼 泗 其 日 一端。」 生 及 後 觀 亂 此 生 與 如 ,周公之餘烈也; ?! 朗 天地 有 周 算 有 未 舉 其 興亡之際,必曰『用之以 教 王 其 可量 欲 朗 或知 所 定數,吉凶 可易之理。 者 唐、晉之郊 周後不王則斯人 以 日 : 冥契,其數自然。」府君 而 合 矣。」府 日 也」,是非二端乎?」 令天下 也。」府君 玩 乎 見重於先 ? 其占。❶ 何 「自甲 謂 君 用 有 是 順 乎 生於晉者,陶 也? 之 前 申 ? 以 日 時 王 則 問 期 : 君 至 ·「先生説 而 生晉 也 昔殷後 王 之 其 子之 府 甲子正 進 道 而 變 人安 君 故 振 後 道,輔之 知 於《易》, 而 朗 日 唐之 夫 不 不 行,考 難 能 百 出 掛 日 : 生 王 通 年矣, 皆 而 用 先 遺 於 厥 而 危 故 夫 以 牛 後 風 仲 周

❶ 「玩」,原作「玷」,據影宋本、影明本、四庫本及

九

之期 朗 鄏 何 遇。 治亂 未 業,遂淪於 仲 立 夔足矣。』此 此 不 復 而 然 辟 衆 成之期 有 尼 可 無 使 《易》 之漸 極 近古 臣 君 無 平 行 世三十,卜年 明 假 而 也 二端? 聖人輔 成 君 或 于未衰之運,故 必有 使 脩 無 日 如如 敗於 仲 亦 寡 道 者 有 庸 策 有 君 有 尼; 絶 悠 使 君 君 也。 迥 主 相 功業 無兆 厥 用 堯 府 世 傾 取,長 而 而 守之, 賊 天 禮樂之美,不行 由 我 舜 非 君 章帝 促 無臣 無 地 八 固 繼禪 者,吾其 ; 0 見乎變。』此之謂 運 求 日 而興 臣 準 百,豈 善 羅 之不可 有 也 才實 日 遠 繩 故 臣 歷代 0 不 周 廢之成 少 羈。 陰陽,恢 全之 周 犯之,終不 易之數、不 亦二端 是以 「堯作 爲 公定 難。 變 惡 德 不 東 也, 昭 逢 者鮮 人 雖 於章帝 文、武之 大 周 ,終罕所 鼎於 或 治 多 乎? 皇 章 乎 亂 化 有 伊 ; 綱 ? 也 於 郟 唐

> 平路 也。 則當 知 君 即 謀 日 裹,安有異同 定將來之基, 白 桓、文之力也 年 法 命 其 所 曰:「龜策 而 盛 人 睿 未 「人謀 (必危。 安車、狂夫審 事 億 策 置之安地則安,置之危 己 可 改 Щ 1哉? 貴 萬 以 有 更 既 斯 申 時 也 衰 所 聖 立 贵 年 天 而 不 以 0 過 一, ❷宗 或過 龜 有 命, 與 弊 向 算餘 天意 出 安天下 一府君 周 策告 知 天 使 乎 聖 懸 故 算 明 祧 禮 無 難 明 謀 人 年 唇數 考之典 曰 : 王 能 既 未 而 極,豈止三十世 覆 者,非 王 乎? 事 也。 賢 不 行,曆數 踰 來之事 繼及,良 贵 以示 及, 相 大哉 乘 禮 地則危。 夫天 奔馭 徒然哉 先王之功, 朗 不 是故 將來。 世? 稽 可 曰 0 不 下, 佐 朽 謨 之 必 : 遞 延 聖 踵 龜 遇 或有 聖 乎八 相 是 八百 武 謀 府 以 朗 表 即

原 作 據影宋本、 影 宋 本、 四 四 庫本改。 庫

庚子 及周 於朗 亂。 書矣,厥聲載路。 先丙午之期者二載 其言未來,若合符契。」 公老于家 禪,果以恭 孝文永安元 歟 隱;考龜 用 刻 天 而藏之,退而學《易》。 此子當之矣。」●開皇六年丙午,文中子知 經山梁,履巨石 (`夫何遠之有?」 府君蹶 治 勢運 命 ,皆如 焉。 齊分霸 亂 人 爾朱榮起 八事,其 興 其後宣 相 策 謂 廢 儉 其 乘 而 卒併 年二 果 定天 銅 言。 同 并州 研 111 何 稽 歸 其 |武正始元年歲次甲申,至 + 而 九年己酉,江東平,高 府 下。 明年 道 乎? 於 損 爾。 君臣 慮 四 有 君 西 益 也?」朗 一千載 歲 娠,既 開皇四 日 開 辛 蓋王氏《易》道 以 府 戊 獻公筮之,●日 相 皇 始 驗 丑. 然驚起, 君 申 開網 殘,繼 可 元 於 歲 其 而生文中子。 日 • H 年,❷銅川夫 知。 隋 年,安康 甲寅,終 時 生 : 而 踵屠 殆聖矣。 高 胡后 文 因書 未之 先 百 祖 質 代 生 地。 獻 於 受 作 策 思 無 搋 所

> 呼 歎 之政 《詩》《書》,論 祖 中子曰: 日 而 始。 道 此 「天將啓堯舜 不 關 「不可以有爲矣。」遂退居汾陽,續 迨仁 行,大業之政甚於桀紂。 先 禮樂。 生所言皆驗 壽四年甲子,文中子 之運 江 都失守,文中寢疾, 也 而 吾 不遇焉 於是 謁 見 嗚 文 高

**2 0** 

<sup>「</sup>文」,應作「莊」。按永安爲北魏孝莊帝年號

<sup>「</sup>開」,原作「門」,據影宋本、影明本、四庫本改。

明本、四庫本删。
明本、四庫本删。

<sup>「</sup>獻」下,原衍「之」字,據影宋本、影明本、四庫本删。

<sup>「</sup>之」,原作「知」,據影宋本、影明本、四庫本改。

九

## 王氏家書雜録

王福時 撰

之外, 焉,蓋 義 仲 之迹則備 廊 天下之昌言也。 弟也,有異聞 史,時御 亡兄講道 經》之義,代莫得 也 0 父, 廟 貞觀 太原 無 仲 將 史大 教 收、 所 父以 播 矣,子盍求諸 初 府 河、汾,亦嘗預於斯。 源 聞 厥 姚 君 大夫杜 乎?」仲父曰: 君子道亨,我先 師 也。」淹 編 諱 義 門 訓 寫 微 綴 聞 凝 淹謂 施 而 未 字字 而 請 日 于王道 仲父釋褐爲 就,不之出。 顯 名 仲 家?」仲父曰: 問 叔 : 日《 父 「昔門 之端 曲 恬 曰 : ,遂求 中 而 凝 君 文 文 當,旁 説 忝同 「子聖賢之 然《六經》 中 門 咸 中 監 子 其 故《 氣,昔 存 察 行 布 兹 書 亞 大 御 于 在

> 經》。 觀 之間 年 及序 之後,不達 若斯之述也。」又謂門人曰:「 《元經》讚易》具存焉,❷得六百六十五篇 説 以言乎皇綱帝道,則大明矣;以言乎天 勒成七十五卷,分爲六部,號曰《王氏六 以 亡其五 胡蘇令,歎曰:「文中子之教,不可不宣也。 日月逝矣,歲不我與。」 六經》之目而繕録焉。❶ + 頗 喪 則 六年,余二十一 則蠹絶 亂以 通大畧。 白 仲父謂諸子曰:「大哉! 篇 無不 來,未遑及也 于兹也。」乃召諸 紙 磨滅、未能詮 續 至焉。 ,大底雜 嗚 詩 呼 》《續 歲,受《六經》之義,三 自《 記 70 乃解 書》各亡 小子何足以知之, 《禮論》《樂論》各 春秋》以來,未 退 次。 不 子而 著 而 印 求之, 不可使文 篇 會仲父黜 兄之述也 而歸,大考 小序。 授 目。 焉。 首 地 中 有 卷 惟 中

- 「目」,原無,據影明本、四庫本補。
- 「惟」,原作「推」,據影明本、四庫本改

哉! 閻攸 乎? 道,垂 《六經》《中説》于以觀先君之事業,建義明 則訪諸紀諜,列於外傳,以備宗本焉。且 十編,勒成十卷。 奉之,無使失墜。」余因 言寡理大,其比方《論語》之記 余再拜,曰:「《中説》之爲教也,務約致深, 事,又以《中説》授余曰:「先兄之緒言也。」 而 一十三年正月序。 有志焉。 邈。文中子之教抑而未行,吁可 空傳子孫,以爲素業云爾。 則立訓。 年序寝遠,朝廷事異,同志淪殂,帝 十九 知文中子之所爲者,其天 其門人弟子姓字本末, 年,仲父被起爲洛 而辨類分宗,編爲 乎? 時 ·孺子 州録 悲

中說卷第十

A 17

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

壹佰萬元

壹佰萬元

壹佰

萬元

壹佰萬元

北京大學《儒藏》編纂與研究中心

本册責任編委 本册審稿人 李峻岫 鄭萬耕 趙 梁運華 新

王傳龍 李祚唐 許慶江 Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyNzA2OTkuemlw",
"filename_decoded": "14270699.zip",
"filesize": 316805775,
"md5": "9923ed8edb88bbd681d12d621dd8afad",
"header_md5": "291ff642e28191580269120c41cb18bd",
"sha1": "8ff705a090513b15a7179c71122c5ef93923d72d",
"sha256": "981be7e752dd2264a1728ed40ffeb0abb6d3a4c0a93e23429f0569c992ce0e39",
"crc32": 2234500778,
"zip_password": "",
"uncompressed_size": 353681728,
"pdg_dir_name": "",
"pdg_main_pages_found": 834,
"pdg_main_pages_max": 1432,
"total_pages": 842,
"total_pixels": 4998080000,
"pdf_generation_missing_pages": false
```